



**ՅՈՒՐԱԳԱՏՈՒՄ**

**Հ. Յ.**

**ԳԱՐՆԱԿՑՈՒԹԵԱՆ**

**— 1890 - 1950 —**

























**ՅՈՒՂԱՊԵՏՈՒՄ**

**Հ. Յ.**

**ԳԱԶՆԱԿՅՈՒԹՒՆ**

**— 1890 - 1950 —**

**ՀՐԱՏԱՐԱԿՈՒԹՒԻՆ Հ. Յ. Դ. ԲԻՒՐՈՅԻ**

**ԲՈՍՏՈՆ**  
**«ՀԱՅՐԵՆԻՔ»-Ի ՏՊԱՐԱՆ**  
**1950**







ՔՐԻՍՏԱՓՈՐ ՄԻՔԱՅԷԼԵԱՆ





## Հ. Յ. Գ. ԳԵՐԱԳՈՅՆ ՄԵՐՄՆԻ ԽՕՍՔԸ

ՀԱՅ ԺՈՂՈՎՈՒԹՅՈՒՆ,

Ընկերներ, բարեկամներ, համակիրներ,

1890-ին, վաթսուհի տարի առաջ, հայ կեանքի արիւնոտ արգանդէն աշխարհ եկաւ Հ. Յ. Դաշնակցութիւնը:

Սաւար դարերը անթիւ վերքեր կուտակած էին մեր ժողովուրդի հոգիին ու մարմնին վրայ:

Հօգրները իրենց միջեւ բաժնած էին մեր հողը:

Արհաւիրքները կոտորակած էին մեր ժողովուրդը:

Կրօնները շարունակական գիծով բաժանման կոր վիճ մը փորած էին մեր մէջ:

Եւ, ի շրունի այս բոլորի, պատմական դեպքերու բերումով, ամենեկն յետամնաց, ամենեկն բարբարոս ցեղերը մեծագանգուած բազմութիւններով խմբուած էին մեր հողերու վրայ եւ գրեթէ ամեն կողմէ պաշարած մեր ժողովուրդը:

Մեր երկրի ո՛չ ֆաղափական պայմանները, ո՛չ տընտեսական, եւ ո՛չ ալ մեր ժողովուրդի բարոյական վիճակը փրկութեան յոյս կը ներշնչէին:

Միայն ստոյգ մահը աչք առնելով, միայն կանխապէս ամեն զոհողութեան յօժարելով կարող էր կոր ուխտաւորը՝ Հ. Յ. Դաշնակցութիւնը ոտք դնել Հայ Ազատագրական Շարժման արիւնոտ նախապահին վրայ:

Մարդկային պատմութեան վերջին վաթսուհիամեակը լի է դարերու կշիռ ունեցող դեպքերով:



Դարերու կշիռ ունեցող դեպքերով չի է նաեւ հայ կեանքը:

Ու չի է նաեւ Հ. Յ. Դաշնակցութեան պատմութիւնը:

1890-էն աշու կողմ, վաթսուս տարիներու ձեռք տարածքին, եղած չէ հայութեան ճակատագրին կապուած քիչ-շատ արժեք ունեցող դեպք մը, որուն մէջ իր դերը ունեցած չըլլայ Հ. Յ. Դաշնակցութիւնը:

Ան կա'մ ինք հեղինակած ու վարած է այդ դեպքերը եւ կամ, եթէ հեղինակած ու վարած չէ, միշտ ներկայ գտնուած է այդ դեպքերուն եւ միշտ իր բաժին մասնակցութիւնը բերած անոնց:

Գրել հայ ժողովուրդի վերջին վաթսուս տարիներու պատմութիւնը՝ աշու գրեթէ պիտի նշանակէր գրել Հ. Յ. Դաշնակցութեան պատմութիւնը:

Գրել Հ. Յ. Դաշնակցութեան վաթսուսամեայ պատմութիւնը՝ անոն ձեռով գրեթէ պիտի նշանակէր գրել այդ ժամանակաշրջանի Հայոց պատմութիւնը:

Աշուս անտօրին եւ աշուս գործօն կերպով Դաշնակցութիւնը միաձուլուած ու շաղախուած է իր ժողովուրդի պատմութեան, անոր կեանքին ու ճակատագրին:

Վաթսուս տարիներ շարունակ անընդհատաբար գործելով, յաճախ առանցքը կազմելով ամենեւնի արիւնոտ արարներու, մերթ յադթական ու մերթ պարտուելով, Դաշնակցութիւնը կրնար նաեւ սխալիչ:

Հայ կեանքի ապագայ պատմիչը իր արդար իրաւունքին մէջ պիտի ըլլայ՝ Դաշնակցութեան սխալներն ալ մասնակցելով:

Սակայն, ո՛չ ոք երբեք պիտի կրնայ ըսել, թէ Դաշնակցութիւնը որեւէ ատեն, պայքարի ամենեւնի դժնդակ պայմաններու տակ իսկ, երբ ստոյգ մահը ծառայած է իր դէմ, լքած է իր դիրքերը՝ միակ ձգելով հայ ժողովուրդը:

Ո՛չ ոք ու երբեք պիտի կրնայ ըսել, թէ Դաշնակցութիւնը որեւէ ատեն խուսափած է որեւէ զոհողութիւնէ, երբ ա՛յդ պահանջած է իրմէ Հայրենիքի շահը:

Առանց համեմատութեան ու ճշմարտութեան դէմ մեղանշած ըլլալու, աշու, Դաշնակցութեան վաթսուսամեայ յորելեանին, բաց ճակատով ու բարձրածայն կրնանք վկայել, թէ՛ ո՛չ մէկը քաղաքական կուսակցութեանց մէջ — ո՛չ միայն հայ, այլ եւ օտար — աշուս



գաղափարականութիւնը ու հայրենականութիւնը, այնքան քիչ որ խիզախ եղած է իր պայքարի մէջ, որքան Դաշնակցութիւնը:

Անեկազգի քաղաքական հոսանքներու մէջ եւ ն'չ մեկը յանուն իր դաշնակցի այնքան առատաբար արիւն թափած է, որքան Դաշնակցութիւնը:

Անուցմէ եւ ն'չ մեկը այնքան մեծ թիւով ուխտեալ մահակիրներ ունեցած է իր շարքերուն մէջ, որքան Դաշնակցութիւնը:

Եւ այդ իսկ պատճառով անուցմէ եւ ն'չ մեկը այնքան մեծագործութիւններ ցուցադրած է եւ այնքան շատ գոհեր տուած, որքան Դաշնակցութիւնը:

Այս ծով-արիւնը անխորտակելի գահ մը կերտած է Դաշնակցութեան համար հայ ժողովուրդի հոգիին մէջ:

Այս ծով-արիւնը արիւնթեան պսակ մը հիւսած է մեր ժողովուրդի գլխուն:

Այս ծով-արիւնը բարձր նկարագիր կերտած է տակաւին երեկ կորացած ու խեղճ հայ մարդու մէջ:

Քաջութիւն, հայրենասիրութիւն, անձնագոհութիւն, պարկեշտութիւն, հաւատարմութիւն, ընկերասիրութիւն, ազնուութիւն, ճշմարտախօսութիւն եւ այլն եւ այլն, — այս բարձր ու առաքիլի գիծերը առաւելաբար Դաշնակցութիւնը ստեղծեց հայ մարդու մէջ իր վաթսուևանեայ ազատագրական շփեղ պատմութեամբ՝ շի ամեկեկն յանդուգն, ամեկեկն անձնուէր, ճշմարտօրէն հեփիաթայիլի դրուագներով:

Վաթսուև տարի մաքտելով՝ ան ստեղծեց հոգեկան հարատւութիւն մը, ճշմարիտ գանձ մը, ստեղծեց այս բարձր ու առաքիլի յատկութեանց խոսացումը հանդիսացող դաշնակցականութիւնը, շատ աւելի զօրաւոր ու տոկուն ոյժ մը, քան թերեւս ինքը Դաշնակցութիւնը:

Ան տուաւ հայութեան ազգային բիրեղացած իտեալ մը եւ ազգային դրօշ — Ազատ, Անկախ եւ Միացեալ Հայաստան:

1890-էն միւլեւ այսօր վաթսուև տարիներ անցած էն:

Եւ այսօր, փոթորկայոյց այս օրերուն ալ, Դաշնակցութիւնը նոյնքան ամուր է իր հաւատքին մէջ, նոյնքան խանդավառ՝ իր շարքերով, նոյնքան կուն՝ իր կազմակերպութեամբ, որքան վաթսուև տարիներու ընթացքին:

Ու նաեւ այսօր, հակառակ իր հաշածական վիճա-



կիև, իր գաղափարներով եւ ժողովուրդի մէջ վայելած հմայքով, ան վերստին տիրական ոյժն է, որ բովանդակութիւն եւ մղում կուտայ հայ կեանքին:

Հայաստանի հայութիւնը կը շարունակէ ոգեւորուիլ իր գաղափարներով: Իբրեւ մտայնութիւն, ան կ'իշխէ հայրենի երկրին մէջ:

Գաղթաշխարհի հայութիւնը կ'ապրի ու կը գործէ առաւելաբար ի'ր շունչին տակ:

Եւ խորհրդային բանտերն ու ւսման վայրերը առաւելաբար ի'ր ուխտեալներով եւ շեցուն:

Հայ կեանքը այսօր ստորաբաժանուած է Դաշնակցութեա՛նի դրօշով —

Կա՛մ հայրենի երկրին տիրակալած օտարին հետ՝ Դաշնակցութեան դեմ, եւ կամ Դաշնակցութեան հետ՝ այդ օտարին դեմ:

Կա՛մ ազատութեան եւ ազգային անկախութեան սխռչեաններ, կամ բռնատիրութեան օտարա՛նոյ խրկարկուներ:

Ազգային-ֆաղափական գիծով այլ բաժանում չկայ հայ կեանքին մէջ:

Եւ այդ պատճառով այնքա՛ն կատաղի, այնքան թուրուտ եւ այնքան ատելա՛վառ կիրք կայ այն պայքարին մէջ, որ մեր հայրենիքի գոյգ հատուածներուն տիրացած օտար ուժերը կը տածեն Դաշնակցութեան դեմ:

Սակայն, այս ատելութիւնը, այս մշտաբորբոք ու կատաղի պայքարը միաժամանակ անսուտ վկայութիւն մըն է այն ուժի մասին, որ կը ներկայացնէ Դաշնակցութիւնը:

Բոլոր ֆաղափական հոսանքներու մէջ, գործակից թէ հակառակորդ, Հ. Յ. Դաշնակցութիւնը իրեն հասակակից ո՛չ ոք ունի:

Իրեն հետ ծնած բոլոր հոսանքները, ըլլա՛յ թուրքիոյ, ըլլա՛յ Ռուսիոյ մէջ, կա՛մ մեռած եւ ընդմիշտ եւ կամ եթէ կ'ապրին, դադրած եւ ազդու ու կենդանի ոյժ մը ըլլալէ:

Վաթսուն տարիներու անէն փոթորիկներու մէջ անվթար պահելով — ու գրեթէ անջը պահելով — իր հոգեկան, բարոյական ու ֆաղափական գանձը՝ դաւանանք, դրօշ, անուն, կազմակերպական կառոյց, գիւնանշան եւ այլն, Դաշնակցութիւնն այսօր ալ չի է անսահման կորովով՝ ինչ տասնամեակներ թեւակոխելու համար:



Ան ևս աշուր կը մնայ անեկեկ յուսատու բազուկը հայ ժողովուրդի եւ անեկեկ հաւատարիմ պահակը հայ երկրի:

Ո՞ւր որակել բացատրութիւնը այս հմայիչ երեւոյթի, եթէ ոչ Դաշնակցութեան անվեռ գաղափարներուն, Դաշնակցութեան պատմակշիռ գործերուն եւ Դաշնակցութեան ողջ թէ մեռած գաղափարակիրներուն մէջ, որոնք արժանի դրօշակիրները հանդիսացան իրենց փառաւոր Կուսակցութեան:

Հայ ժողովուրդ, ընկերներ, բարեկամներ եւ համակիրներ, այս հանդիսաւոր պահուն, երբ մեկ մեր փառաւոր պատմութեան վաթսուևամեայ յրեշտակը կը տօնակէ, Հ. Յ. Դաշնակցութեան Գերագոյն Մարմինը բարոյական պարտք կը զգայ երկիրդածօրէն իր գլուխը խնւարհելու յիշատակի անջեւ այն բիր-բիրաւոր անուանի թէ անանուն, ծակօթ թէ անծակօթ, թաղուած թէ անթաղ ևահատակներուն, որոնք փառքի մեծագոյն բաժինն ունին Դաշնակցութեան յրեշտակին մէջ:

Հ. Յ. Դ. Գերագոյն Մարմինը, այս ևուիրական պահուն, յանուն Դաշնակցութեան իր ջերմ ողջոյնները կը յիշ բոլոր անոնց, որոնք թրքական թէ բոլշեւիկական բանտերուն, արգելարաններուն եւ ւստրաւալայրերուն մէջ, հակառակ բոլոր հաշտակներուն եւ անվարդկայի տառապանքներուն, մոլեռանդաբար կը պահեն իրենց հաւատարմութիւնը Դաշնակցութեան անքիծ եւ արիւնտ դրօշին:

Հ. Յ. Դ. Գերագոյն Մարմինը իր ողջոյնները կը յիշ ևս Դաշնակցութեան բոլոր Մարմիններուն, բոլոր ընկերներուն, բարեկամներուն եւ համակիրներուն, որոնք աշուր, աշխարհի բոլոր մասերուն մէջ, ձեռք-ձեռքի, հաւատքով ու գոհողութեամբ խմբուած հայրենի երկրի ազատագրութեան ևուիրական դատին շուրջ, իրենց պայքարը կը տանին:

ՀԱՅ ԺՈՂՈՎՈՒԻՐԴ, Քու երակներէն ծով-արիւն թափուեցաւ, Քեզի պարգեւելու համար փառքերէն մեծագոյնը՝ Քու սեփական Դրօշը:

Քու մեծ ու դարաւոր Իտեալը — Ազատ, Անկախ, Միացեալ Հայաստան — ծնաւ վաթսուևամեայ դիւցազնամարտի մը, որուն գուգանմանը՝ իր տարողութեամբն եւ իր գոհերու փակակովը՝ չունի եւ ո՛չ մէկ ժողովուրդ:

Աշուր, Հ. Յ. Դաշնակցութիւնը, վաթսուևամեայ յրեշտակի այս ևուիրական պահուն, յարեալ պաշտելի



Եռագոյնի եւ Ազատ, Անկախ ու Միացեալ Հայաստանի մեծ գաղափարականի պաշտպանութիւնը Քեզի յանձնելով՝ Դաշնակցութիւնը չի է հաւատփով, որ յանուն դարաւոր Երագիդ պիտի շարունակեն պայքարդ ու ալ աւելի պիտի անբացնեն ազգային նակատդ՝ վաթսուն տարիներու անշուր զոհողութիւններդ վերջնական յայթաւակով պսակելու համար:

Այս պայքարիդ մեջ Դաշնակցութիւնը միշտ Քեզ հետ պիտի ըլլայ, եւ զոհուողներուն մեջ Դաշնակցականները միշտ առաջիկները պիտի ըլլան:

Այս հաւատփով, այս հանդիսաւոր պահուն, Հ.Յ.Դ. Գերագոյն Մարմինը ձեզի բոշորիդ հետ միասին կը գոչէ.

Կեցցէ՛ Հայ Ժողովուրդը.

Կեցցէ՛ Ազատ, Անկախ, Միացեալ Հայաստանը.

Կեցցէ՛ Հ. Յ. Դաշնակցութիւնը:

1 Հոկտ. 1950

Հ. Յ. Դ. ԲԻԻՐՕ



## Հ. Յ. Դ. ՎԱԹՍՈՒՆԱՄԵԱԿԻ ԱՌԹԻԻ

Քսան տարի առաջ, 1930-ին, երբ լրացաւ Հ. Յ. Դաշնակցութեան քառասնամեակը, կուսակցութեան կենտրոնական պաշտօնաթերթ «Դրօշակ»ը, Հոկտեմբեր ամսի համարում, հրատարակեց մի խմբագրական, որ այսօր, վաթսունամեակի առթիւ եւս, կարելի է կրկնել առանց մի բառ փոխելու: Եւ որովհետեւ «Դրօշակ»ն այլեւս չի կարող արտայայտուել, մենք առաջ ենք բերում այդ խմբագրականը ամբողջութեամբ, որպէս խտացուած եւ ճշգրիտ ներկայացում Հ. Յ. Դաշնակցութեան էութեան՝ վաթսունամեակի առթիւ:

*Վերջին քանի մը դարերու հայոց պատմութեան մեծագոյն երեւոյթը կարելի է համարել Հ. Յ. Դաշնակցութեան քառասուն տարուան դոյութիւնը: Հայ ազգի քաղաքակրթութեան եւ քաղաքական կեանքի մէջ, քաղաքական կուսակցութեան մը քառասուն տարուան տեւական գործունէութիւնը բացառիկ երեւոյթ է, պատմական նշանակութիւն ունեցող մեծագործութիւն մը, որ իր մէջ կ'ամփոփէ հայ ժողովուրդի վերջին կէս դարու ամբողջ պատմութիւնը:*

Ու երբ, այսօր, յեղափոխական պատկառելի կազմակերպութիւնը իր քառասնամեակը կը բոլորէ, փոթորկալի ու յարաշարժ կեանքէ մը յետոյ, ազատամարտի անհաւատար ու դժնդակ գօտեմարտներէն անցած, երբեմն յաղթական, երբեմն պարտուած ու արիւնլուայ, իր ամբակուռ պարիսպներուն վրայ նորէն տասնեակ հազար ուխտեալներ ու համակիրներ, ազատագրութեան սրբազան դրօշին քով կեցած, երիտասարդ ու թարմ բանակ մը կը կազմեն՝ դալիք լուսապայծառ արշալոյսներուն ի խնդիր:



Հաւատաւորներու այս կազմ ու պատրաստ բանակը խտացած կամքն է հայ ժողովուրդին ու ժառանգորդը քառասուն տարիներու ճիգին, վերելքին, զոհողութիւններուն ու բարոյական անդին հարստութեան: Այս դրօշակիրները, երբ ետ կը դառնան գիտելու անցեալը, անոնց աչքերուն առջեւ իրենց յառաջապահ բանակները, սրբազան ուխտի հարիւր հազարի արի մարտիկներ, յայտնի ու անյայտ շիրիմներէն, անտառի պէս կը ցցուին սպառազէն, անմահութեան իրաւունքով մեզ հետ միասին ներկայանալու հայոց պատմութեան դատաստանին:

Ու ահա մե՛նք՝ պահակ քառասուն տարուան ճանապարհի եզրին, նոր ճանապարհներու եւ նոր հորիզոններու ակնկառոյց, եւ ահա անո՛նք, որ մեռան, բայց չկորան, արձանացած Հայաստանի բարձրաբերձ լեռներու կատարին, երբեմն պահապան հայ տնանկ մշակին, երբեմն շանթահար՝ դահիճին ու դաւաճանին, երբեմն արիւնոտ դաշտերուն մէջ խիզախ դօտեմարտիկ, երբեմն կախազանի բարձունքէն լայն աչքերով մեզ յառած ու միշտ ազատութեան դրօշը ձեռքին, մինչեւ որ արի ու անյայտ յեղափոխական զինուորը դայ՝ դրօշակը ստանալու դալիք մարտերուն համար:

Քառասուն տարին այսպէս, հորիզոնէ հորիզոն կը լեռնանայ մեր դէմ, ու մենք մեր յեղափոխական ու ազատագրական դրօշը կը խոնարհեցնենք ազատամարտի այս հսկայ զօրանցքին առջեւ: Ու կ'ուզենք, որ հայ ժողովուրդը հողեկան յուզումով, մօր մը հպարտութեամբ եւ զօրովով՝ ետ դառնայ գիտելու իր միակ ու հարազատ դաւակը, որ քառասուն տարի քառասուն հպարտութեամբ ճղակոտոր եղաւ՝ իր մօր հարազատ կաթին հաւատարիմ մնալու համար:

Այսպիսի հաբազատութեամբ, առանց մեր աչքերու լոյսը սղտորելու, հանենք մեր գլխարկները ու մեծ երկիւղածութեամբ մտնենք քառասուն տարուան տաճարէն ներս՝ հայկական յեղափոխութեան արժէքը կշռելու:



Հ. Յ. Դաշնակցութեան հիմնադրութիւնը հրամայական անհրաժեշտութիւն մըն էր 1890-ին: Հայ ժողովուրդի տնտեսական եւ քաղաքական պայմաններն անհանդուրժելի էին բառին ամենալայն իմաստով: Իսկ 90-ական թուականներուն ասիական բարբարոսութիւնը կրկնապատիկ թափ կը ստանար՝ շնորհիւ Սուլթան Համիտի վարչաձեւին: Առարկայական այս պայմաններէն դատ, երբ նկատի առնենք այդ օրերը նախորդող քառասուն տարուան քաղաքական եւ մշակութային վերածնունդի ճիգերը, հայ ժողովուրդի զարթնումը եւ քաղաքական յոյ-



սերն ու յոյգերը, պարզ պիտի ըլլան մեզ հայութեան դիւրաբարբոք ու խիստ զգայուն հոգեկան վիճակը եւ ըմբոստ տրամադրութիւնները: Առարկայական եւ հոգեբանական այս երկու վիճակները կուզային իրար լրացնելու եւ ստեղծելու թանձրացեալ քաղաքական մթնոլորտ մը, որ 80-ական թուականներէն մինչեւ 1890-ը, երկունքի եւ վերանորոգման շրջան մը բոլորելէն յետոյ, ծնունդ կուտար հզօր կազմակերպութեան մը՝ այս մթնոլորտի իղձերն ու բաղձանքներն իրացնելու:

Դաշնակցութեան երեւումը ոչ միայն վաղաժամ չէր, այլ նոյնիսկ ուշացած էր: 19-րդ դարու կէսէն սկսած՝ հայ ժողովուրդի ներքին-ազգային եւ արտաքին-քաղաքական ապրումներն ու շարժումները ճակատագրական փուլերէ անցած էին եւ յանդած Բերլինի 61-րդ յօդուածին: Այդ փոթորկալի ժամանակաշրջանին, հայ ժողովուրդը չէր կրցած կեանքի կոչել զօրաւոր քաղաքական կազմակերպութիւն մը՝ ազգային կենսական խնդիրները տիրական ու աշալուրջ վարելու համար:

Վերածնութեան առաջին սերունդները, այդ պայմաններու մէջ, իրենց գերագոյն տուրքը տուած էին: Բերլինի դաշնագրով, հայ կեանքի ղեկավար սերունդի մէկ մասը կը հիասթափէր, իսկ միւս մասը, որոշ սղեւորութեամբ, ապագային կը կապէր իր յոյսերը, սակայն, նոր նշանաբանով մը: Սեփական ուժի եւ զէնքի անհրաժեշտութիւնը տիրական կերպով կը հնչէր բոլորի ահանջին: Բայց 80-ական թուականներու ղեկավարները հրապարակ նետուած այս մտածումը կեանքի մէջ իրացնելու ոչ կորովը, ոչ պատրաստութիւնը եւ ոչ ալ կոչումն ունէին: Անոնց դերը վերջացած էր:

Ու ահա, 1880-էն մինչեւ 1890, աւելի իրապաշտ, աւելի յեղափոխական եւ աւելի խիզախ երիտասարդութիւն մը հասակ կ'առնէր հայութեան երկու հատուածներուն մէջ, գրեթէ միեւնոյն ժամանակ, հետզհետէ կ'իւրացնէր ազգային ազատագրութեան զաղափարը եւ կը դիմէր զէնքի՝ նետուելով անհաւասար կռուի թատերաբեմը: Հին սերունդը կամաց-կամաց տեղի կուտար: Երիտասարդ յեղափոխականներու խմբակները, նոր ուխտի զործիչները եւ Հայաստանի խորքերուն մէջ արդէն կռուի ձեռնարկող մարտիկներն իրարու կը կապուէին, մտքերու փոխանակութիւն կ'ունենային ու, երկար խորհրդակցութիւններէն յետոյ, գործօն բոլոր ուժերը մէկ նպատակի շուրջ կը համախմբէին՝ մարմին տալով հայութեան հաւաքական կամքին, որ 1890-ի ամառը վերջնականապէս հրապարակ կուզար «ՀԱՅ ՅԵՂԱՓՈՒՍԱԿԱՆՆԵՐԻ ԴԱՇՆԱԿՑՈՒԹԻՒՆ» անունով՝ առաջին իսկ օրէն տիրական ելոյթով մը:

Հ. Յ. Դաշնակցութիւնը հէնց սկզբէն կը դառնար հայու-



թեան ցրուած կամքերու կեդրոնածիղ քաղաքական ոյժը եւ, շատ կարճ ժամանակի մը ընթացքին, իր կազմակերպական ցանցը կը տարածէր հայկական բոլոր կեդրոններու մէջ՝ չեղեալ համարելով հայութիւնը հատուածներու բաժնող սահմանները եւ կրօնական տարբերութիւնները, համազգային նկարագիր մը տալով նորաստեղծ յեղափոխական կուսակցութեան:

Հայ ժողովուրդն իրարու օղակող այս նոր ու կենսարար հոսանքը, թէեւ մեծ դժուարութիւններու բախելով, կը վարակէր հայ մտաւորականութիւնն ու երիտասարդութիւնը, ու այդ նոր շունչին տակ՝ հետզհետէ հայ ժողովուրդը իր կրօնական համայնքի աստիճանէն կը բարձրացնէր ազգային հաւաքականութեան գաղափարին: Ազգային անհատականութիւնը յարութիւն կ'առնէր յեղափոխական կազմակերպութեան կուռ ողնաշարին շուրջ:

Հ. Յ. Դաշնակցութիւնը հայ ազգային հին եւ անթեղուած կրակէն նկարագիր առնելով՝ իր կազմակերպուած նկարագիրը կը փոխանցէր ժողովուրդին՝ անոր ազնիւ ու արի հակումները կեանքի կոչելով:

Դառնալով հայ ժողովուրդի կամքի կեդրոնը՝ ան ձեւակերպեց իր նպատակը՝ անորոշ ու անձեւ քաղաքական իղձերը որոշ յայտարարի տակ առնելով: Դաշնակցութիւնը իր առաջին կոչով կը յայտարարէր բոլորին, որ ինքը հրապարակ եկած է ազատագրել հայ ժողովուրդը քաղաքական եւ տնտեսական ճնշումներէն: Համազգային ու համամարդկային այս նպատակներու իրացման համար Դաշնակցութիւնն արմատ ձգեց ամենէն առաջ ու բացառաբար հայ աշխատաւորական հոծ զանդուածներուն մէջ, խորացաւ եւ ուռճացաւ հոն ու միշտ մնաց հայ դեմոկրատիայի կուսակցութիւնը եւ գրեթէ միա միմակ հայ աշխատաւորութեան հետ՝ կրողը հանդիսացաւ հայ ազգի քաղաքական ձգտումներուն:

Դաշնակցութեան ճիւղարձակումով՝ հետզհետէ փտած կեդեւները ճաթոտելով վար թափեցան, ու Դաշնակցութեան արական դէմքը անհանդուրժող ամբոխ մը հանեց իր դէմ՝ ծնունդ տալով հակադաշնակցական շատ ապերախտ արշաւի մը, որ քառասուն տարի անընդհատ ոռնաց ու դալարուեցաւ հայոց ազատագրութեան դժնդակ քայլերուն: Ու այդ ապերախտ դործին մէջ միացան հայ ապազգայնացած հարուստը, յետադիմականը, դաւաճանը, կղերը եւ ձախ հովերէ տարուած ու մեր իրականութենէ կտրուած խմբակները, որոնք օտար միջավայրէն եւ երազներէն կ'առնէին իրենց սնունդը:

Դաշնակցութիւնը դօտեմարտի կ'ելլէր մեր դարաւոր թշնամու դէմ՝ ահռելի փոթորիկներու մատնելով եւ, սակայն, իր ուժի կէսը կը սպառէր ներքին ճակատին վրայ, ուր ամէն կողմէ



թունաւոր սլաք մը կուզար անձնուէր մարտիկի կուրծքին: Ողբերգական է այս կողմէն հայոց պատմութեան քառասուն տարուան տեսարանը:

Բայց եւ այնպէս, Դաշնակցութիւնը այս երկու ճակատի վերայ տարած դժնդակ պայքարի ընթացքին, ոչ միայն բազմութիւններն իրարու զօղելով՝ ազգի հաւաքականութիւնը կերտեց, այլեւ զայն կապեց ՀԱՅՐԵՆԻՔԻ դադափարին, յարատեւ ու յամառ կռիւներով, սահմանի այս կողմն ու այն կողմը. արմկահարեց իր շրջապատը՝ տեղ բանալու համար անհայրենիք ժողովուրդին ու տասնեակ տարիներու քայլ առ քայլ նուաճումներով հայրենիքի շրջապիծը ուրուադժեց, ԱԶԳՆ ու ՀԱՅՐԵՆԻՔԸ միաձուլեց:

Քաղաքական ազատութիւնը, առաջին օրերուն, որպէս նախադուռ, բարենորոգումներու շուրջ կը դեզերէր՝ հետզհետէ հասնելու համար ինքնավարութեան դադափարին ու ապա, աւելի ձեւակերպուելով, հայրենիքի հողային սահմանները շրջանակներու մէջ կ'առնէր եւ Փետերացիայի որոշակի պահանջով հրապարակ կուզար՝ իրեն դէմ հանելով աջ ու ձախ խմբակները, որոնք կը ժխտէին հողային ինքնավարութեան կարելիութիւնը: Ազատագրութեան ամբողջ տեւողութեան, հակառակորդ ու ձեռնպահ բազմութեան մէջ, Դաշնակցութիւնը յաւէտ արթուն ու հաւատարիմ պահակը մնաց հայ ազգի եւ հայրենիքի քաղաքական ուխտին, մինչեւ, վերջապէս, մշուշապատ ու անյուսալի օր մը, հայրենի հողին վրայ, հայ ազգային անկախ պետութեան շէնքը բարձրացաւ՝ ՄԻԱՅԵԱԼ ԵՒ ԱՆԿԱՆ ՀԱՅԱՍՏԱՆԻ վերջնական ու ձեւակերպուած ազգային-քաղաքական նպատակը յանձնելով հայ ժողովուրդին:

Երբ այսօր ազգային ըմբռնումը ընդհանուր է ու Հայրենիքի դադափարը բոլորի սեփականութիւնը, պէտք է դիտնալ, որ այդ յտակութիւնը քառասուն տարուան աննկուն աշխատանքի պլանուղն է: Ու ե՛րբ այսօր, նոյնիսկ մեր անկախութեան կորուստէն յետոյ, հայ ժողովուրդը ՀԱՅՐԵՆԻՔԻ ՄԸ ունի, պէտք է դիտնալ, որ անկորնչելի դիւտն է Հ. Յ. Դաշնակցութեան երեսուն տարուան արեան դնի:

Դաշնակցութիւնը 28 տարի անընդհատ պահակ կայնեցաւ հայ ժողովուրդի երկունքին, եւ երբ նորածին անկախութիւնը աշխարհ եկաւ, իր ամենէն ընտիր զաւակները զոհեց անոր պաշտպանութեան համար: Այսօր, բռնութեան անարգ լուծին տակ իր հայրենիքին մէջ եւ ցրուած ու տարագիր աշխարհի ամէն կողմ, Դաշնակցութիւնը իր քառասնամեակի լրումին՝ կը յայտարարէ ամբողջ հայութեան, որ նոյն անձնագոհութեամբ եւ յեղափոխական արիութեամբ՝ աննահանջ պահակը կը մնայ իր կերտած ազ-



գին ու հայրենիքին՝ այն բովանդակ բարոյական ու Ֆիզիքական ուժով, որ ինքն ունի, այսօ՛ր, քառասուն տարուան դրօշին շուրջը բռնորած:

Պահակի այս հոգեբանութիւնը ժառանգութիւնն է քառասուն տարուան մարտական այն ոգիին, որ Դաշնակցութիւնը կերտեց՝ ստրկացած ու փոշիացած ժողովուրդին հոգին այլափոխելով: Հայ ժողովուրդի ազատագրութիւնը կը պահանջէր երկաթէ բասուկ, քարէ հոգի, անվեհեր կամք: Դարերու ստրկութենէն յետոյ, Դաշնակցութիւնը յանդգնութիւնն ունեցաւ ծնունդ տալու Արաբոյին, Գէորգ Չառուչին, Դումանին, Սերոբ Աղբիւրին, Անդրանիկին եւ բազմահազար աննման մարտիկներուն, որոնք իրենց գեղջկական տարազին մէջ՝ զրահաւորուած Վահան Մամիկոնեաններուն յարութիւն տուին...

Անհաւատ ու անարի հակառակորդները տասնեակ տարիներու ընթացքին տեսան մարտական վերելքը, բայց դարձեալ մնացին անհաւատ ու անարի: Լեռներու կածաններուն մէջ, քառասուն տարի առաջ մինակ թափառող Արաբօն շուտով կռուի դուրս եկաւ հինգ Արաբօներով: Հնգեակը բարձրացաւ տասնեակի, տասնեակը հարիւրեակի ու հազարեակի, որպէսզի Փիտայիներու աննման սերունդի անունով՝ Դաշնակցութիւնը կոչուէր հայոց ՄԱՐՏԱԿԱՆ ԿՈՒՍԱԿՑՈՒԹԻՒՆԸ, որպէսզի մարտական փոքրաթիւ այդ խումբերը, 25 տարի յետոյ, միջուկը կազմէին հայ կամաւորական դունդերուն՝ հազարաւոր մարտիկներ ռազմաճակատ հանելու Փիտայական տասնեակի փոխարէն: Ու, վերջապէս, հայ կամաւորական դունդերը կորիզը պիտի դառնային հայոց ազգային բանակին՝ անկախ հայրենիքի պաշտպանութեան համար զէնքի կոչելով տասնեակ հազարներ, որոնք կռուեցան յանուն հայ ժողովուրդի ազատութեան:

Ծուռ բերան հակառակորդը մնաց իր թունոտ ատելութեան մէջ: Վատարանեց, երբ Դաշնակցութիւնը յաղթեց ու հարիւր հազարաւոր ժողովուրդի գոյութիւնը փրկեց: Անիծեց ու հայհոյեց, երբ պարտուեցաւ ու մահացու վէրքեր ստացաւ:

Կ'ուզէ՞ք զիտնալ գաղտնիքը Դաշնակցութեան յարատեւ ու յարածուն ուժին եւ բացատրութիւնը հակադաշնակցական բոլոր հոսանքներու տկարութեան: Քննեցէ՛ք անոնց ծագումը ու պիտի տեսնէք, որ անոնք նպատակ չունին, որ հեռուէն ու մօտէն ընդդրկէր հայ ժողովուրդի տնտեսական եւ քաղաքական հիմնական պահանջները: Քննեցէ՛ք անոնց բովանդակ գործունէութիւնը ու դուք պիտի տեսնէք, թէ հակադաշնակցական ապերախտ պարտականութենէն դատ՝ որեւէ պարտականութիւն կատարած չեն հայ քաղաքական իրականութեան մէջ:

Ու պատմութիւնը ուրիշ բան չէր կրնար արձանագրել քառա-



սուն տարուան էջերուն մէջ, բացի այն մահացու դատավճիռէն, որ անխուսափելիօրէն պիտի երթայ հակադաշնակցականներու հասցէին՝ ըսելու, թէ անոնք արմատ չբռնեցին հայ իրականութեան մէջ:

Այսօր տակաւին, հայ բուլեւիկները, որոնք տարիներէ ի վեր հայ հայրենիքի բռնատէրերը կը հանդիսանան, ամուր դամած կը մնան մեր հայրենիքի պատերուն՝ միայն ռուսական սուրիներով:

Հայ ժողովուրդը, հակառակ բոլոր փոթորիկներուն եւ անհաշիւ դժբախտութիւններուն, ջերմօրէն կապուած մնաց Հ. Յ. Դաշնակցութեան: Որովհետեւ՝ ամէն անգամ, իր ահռելի պարտութիւններու եւ զգլխիչ յաղթանակներու օրերուն, երբ պէտք ունեցաւ իր պաշտպանութեան կամ հպարտութեան դրօշը բարձրացնելու, իրեն հետ գտաւ Դաշնակցութիւնը միշտ կազմ ու պատրաստ, յառաջապահի դերին մէջ: Իսկ հակադաշնակցականները միշտ մնացին հեռուն, հեռու զոհողութիւններէ, հեռու պատասխանատուութենէ՝ միշտ հակառակ ճակատի վրայ:

Այսօր տակաւին հայ ազգի քաղաքական եւ տնտեսական ապատագրութեան ձեւակերպուած նպատակը կը մնայ միակը, որ ուղիղ պատասխան կուտայ հայ ժողովուրդի ազգային-քաղաքական իրաւունքն ու կը համապատասխանէ անոր ընկերային եւ տնտեսական հրամայական պահանջներուն:

Հ. Յ. Դաշնակցութիւնը, քառասնամեայ փորձառութեամբ գինուած, կարծրացած իր անշեղ հաւատքին եւ կորովին մէջ, այսօր դարձեալ ազգային ամբողջական ազատագրութեան իտէալին միակ կրողը կը հանդիսանայ: Ան կը ձգտի միացնել եւ ամբողջացնել հայ հայրենիքը, հաւաքել հայ ցրուած ժողովուրդը ազգային անկախ պետութեան սահմաններուն մէջ եւ հաւաքական ճիւղերով կերտել անոր քաղաքական եւ տնտեսական ազատութիւնը:

Ու քառասուն տարի յետոյ, իր պայքարի եւ յեղափոխութեան այս ճանապարհին վրայ, Դաշնակցութիւնը կը մնայ մըշտապէս ու բացառապէս հայ աշխատաւոր զանգուածներուն հետ միս-մինակ՝ արտայայտելով հայ ազգի ողջ էութիւնը, թէ՛ բարոյապէս, թէ՛ ֆիզիքապէս:



## ՀԱՅՈՑ ՅԵՂԱՓՈԽՈՒԹԻՒՆԻՑ ԱՌԱՋ

Գրեց՝ Գ. ԳԻՒԶԱԼԵԱՆ

### I

#### ՔԱՂԱՔԱԿԱՆ ԵՒ ՏՆՏԵՍԱԿԱՆ ՊԱՅՄԱՆՆԵՐԸ

16-րդ դարի սկզբներից Օսմանեան Կայսրութիւնը դնում էր իր առաջ ասիական նպատակներ: Սուլթան Սէլիմը գրաւում է արաբական երկիրները, ապա պարտութեան է մատնում Շահ-Իսմայիլին՝ գրաւելով ամբողջ Հայաստանը: Այնուհետեւ, մինչեւ 17-րդ դարի կէսերը, երկու մահմեդական պետութիւնները՝ Օսմանեան Կայսրութիւնն ու Պարսկաստանը տեւական պատերազմների մէջ էին, որոնք տեղի էին ունենում Հայաստանի հողի վրայ եւ նրա պատճառով: Անընդհատ պատերազմների հետեւանքով Հայկական Աշխարհը աւերուեց եւ բնակչութիւնը պակասեց առնուազն կիսով: Հայութեան ծանր հարուած տուեց, մասնաւորապէս, պարսից պատմութեան մեծագոյն դէմքերից մէկը՝ Շահ-Արասը՝ 17-րդ դարի սկզբին: Իր հայրենիքի անտեսական վերաշինութեան համար նա Արարատեան Դաշտի եւ հեռու ու մօտիկ դաւառների հայ բնակչութիւնը փոխադրեց Պարսկաստանի խորքերը, որով նպաստեց Հայաստանի ապահայացման: Արեւելեան կամ Հիւսիսային Հայաստանը, աւերակ ու ամառի, չուտով լեցուեց թուրք-թաթարական ցեղերով, որոնք կազմեցին բնակչութեան բացարձակ մեծամասնութիւնը: Արեւմտեան Հայաստանում հայերի տեղը բռնեցին լեռներից իջնող քրդերը՝ մեծամասնութիւն դառնալով Վանի, Բիթլիսի եւ Տարօնի շրջաններում: Այս ձեւով, անուղղակի կերպով, Շահ-Արասը նպաստեց թուրանականութեան հզօրացման եւ արտակարգօրէն թուլացրեց հայ



տարրը: Թէ՛ Պարսկաստանի եւ Թէ՛ Հայութեան գալիք պատմութեան համար այս փաստը ունեցաւ լուրջ քաղաքական հետեւանք:

Պարսկա-Օսմանեան մրցութիւնը վերջացաւ 1639 թուին, երբ երկու կողմերի համաձայնութեամբ գծուեց բաժանման նոր սահման: Հայաստանը բաժանուեց երկու մահմեդական պետութիւնների միջեւ, եւ պատմութեան մէջ առաջին անգամ կայուն ձեւով ստեղծուեց Օսմանեան Հայաստան: Նա աւելի ընդարձակ էր, տարածուն, քան Պարսկահայաստանը: Երկու պետութիւնների սահմանն անցնում էր Արեւմտեան Ախուրեանի ափերով, մինչեւ Արաքս գետը, ապա Արաքսի ափերով հասնում էր մինչեւ Կողբի աղահանքերը, յետոյ իջնում էր հարաւ՝ Հայկական սարը՝ մինչեւ Մասիս. այստեղից էլ Զազրոշեան լեռնաշղթայով հասնում էր մինչեւ Միջագետքի սահմանները: Այս գիծը շատ երկար ժամանակ, մինչեւ Ռուսների Պարսկահայաստանում երեւալը, մընաց որպէս երկու պետութիւնների սահման՝ ենթարկուելով շատ քիչ փոփոխութիւնների: 1829 թ. Սեպտեմբեր 2-ին կնքուեց Ադրիանապոլսի դաշինքը, որի պայմաններով Ռուսները Օսմանեան Կայսրութիւնից ձեռք բերին Արեւմտեան Այսրկովկասի մի քանի շրջանները եւ հայկական երկու գաւառները՝ Ախալցխան ու Ախալքալաքը: Աւելի ուշ, 1878 թ. Բերլինի Վեհաժողովի որոշումով, Ռուսաստանը Թուրքիայից ստացաւ Կարսը եւ Բաթումը: Օսմանեան Հայաստանի մնացած հողերը մինչեւ վերջ մնացին Թուրքիայի տիրապետութեան տակ, նոյնիսկ որոշ յաւելումներով կատարուած Ռուսաստանի հաշուին. Թուրքիան բոլշեւիկներից յետ ստացաւ Սուրմալուն, Կարսն ու Արդահանը 1918 եւ 1921 թուականներին:

Հայաստանի մեծագոյն մասը Օսմանեան գերիշխանութեան տակ էր. սակայն, ինքը՝ Թուրքը այդ վայրերում բնակչութիւն չունէր. աւելի ուշ միայն, 19-րդ դարում, Թուրք տարրը սկսեց ստուարանալ քաղաքներում: Թուրքի հայրենիքը Փոքր Ասիան էր. այստեղից էր նա ծաւալուած դէպի արեւելք եւ արեւմուտք: Սկիզբը նրա հայեացքն ուղղուած էր արեւմուտք՝ Բալկանեան թերակղզին, որը զրաւելուց յետոյ՝ դարձաւ եւրոպական պետութիւն: Աւելի ուշ՝ նրա կայսրութիւնը ամբողջացաւ Մերձաւոր Արեւելքում՝ իր մէջ առնելով արաբական եւ հայկական աշխարհները: Հայութիւնը միայն քաղաքականօրէն կայսրութեան մէջ էր, իսկ նրա անմիջական հարեւանը քիւրդն էր, որ հարաւի եւ հարաւ-արեւելքի լեռներից աստիճանաբար իջնում էր հայոց դաշտերը, բարձրանում հայկական լեռնալանջերը, հաստատուում Սասունի մէջ, Մուշի դաշտում, Վանի նահանգում, Արարատի



չուրջը, Ալաշկերտում : Քուրդերն այնքան մեծ ուժ էին կազմում Տարօնում , որ Մուշի Ս . կարապետ վանքի վանահայրը՝ Յովնան վարդապետը 18-րդ դարում իր ազատագրական ծրագիրների իրականացման համար՝ մեկնակէտ ունէր հայ-քրդական գործակցութիւնը եւ նոյնիսկ վանքի հասոյթները այդ նպատակի համար եւ կամովին տրամադրում էր քուրդ աշիրէթներին :

15-րդ դարից արդէն մենք նկատում ենք քուրդ աշիրէթների պարբերական դադթաշարժ դէպի Սասունի եւ Խոյթի լեռները : Նրանց մի մասն էլ անցնելով դէպի արեւելք՝ հաստատուում է Վասպուրականի լեռնազաւառներում : Քրդական տարրը բաւական ուժեղ էր , լաւ զինուած , ընդարձակ երկրի եւ որոշ քաղաքական կազմակերպութեան տէր , որի հետեւանքով Սուլթան Սէլիմը հաշուի էր առնում նրան : Նա քուրդ ցեղապետների հետ դաշինք էր կնքում , յարգում նրանց աւատական իրաւունքներն ու անկախութիւնը : Օսմանեան հովանու տակ քրդերը պահեցին իրենց ժառանգական իշխանութիւնները , զինական ուժը , տեղական իրաւունքներն ու սովորութիւնները եւ այս բոլորի փոխարէն կայսրութեան հանդէպ պիտի կատարէին միայն զինուորական պարտականութիւններ եւ Խալիֆային տարեկան «նուէրներ» պիտի մատուցանէին : Այսպիսով՝ Հայաստանի սահմաններում եւ նրա հողերի մէկ մասի վրայ ստեղծուեց քրդական ինքնավար շրջան : Ետտ հայ «իշխաններ» մտան այս եւ այն քուրդ ցեղապետի հովանու տակ , որով թէպէտ ազատուեցին ուրիշների ոտնձգութիւններից , բայց եւ նպաստեցին , որ քրդերը քայլ առ քայլ գրաւեն հայկական հողերը : Հայերը չունէին քրդական ցեղերի ոչ ընկերային կազմը , ոչ էլ ոյժը , ուստի չկարողացան ձեռք բերել նրանց ինքնավարութեան նման իրաւունք , իսկ այստեղ կամ այնտեղ մնացած կիսանկախ լեռնիշխանութիւնները ընկան քրդական հզօր պետերի հովանաւորութեան տակ եւ այս միջոցով միայն ապահովեցին իրենց գոյութիւնը : Դրանից առաջ հայերը ճանաչուել էին կայսրութեան մէջ որպէս կրօնական միութիւն որոշ իրաւունքներով , բայց այդ բոլորը անկարող էր ապահովել նրանց Փիլիքական գոյութիւնը , կեանքի եւ գոյքի անձեռնմխելիութիւնը : Մինչ քուրդը կազմակերպում էր , կայսրութեան արեւելեան մասերում դառնում էր միակ զինուած եւ ինքնավար հասարակութիւնը , հայութիւնը մնում էր անկազմակերպ , ցրուած եւ անզէն ու անպաշտպան :

Այսպէս , ուրեմն , 17-րդ դարի 30-ական թուականների վերջին կազմաւորուեց Օսմանեան Հայաստանը , 19-րդ դարի 20-ական թուերի վախճանին ստեղծուեց պատմութեան մէջ առաջին անգամ Ռուսահայաստանը : 1828 թ . Փետրուարի 10-ին ռուսնե-



րի եւ պարսիկների մէջ կնքուեց Թուրքմէնչայի նշանաւոր դա-  
շինքը, որով Ռուսաստանը ձեռք էր բերում Երեւանի եւ Նախի-  
ջեւանի խանութիւնները: Մի քանի տարի առաջ, 1813-ին, նոյն  
Ռուսաստանը Պարսկաստանին պարտադրել էր Գիւլիստանի դա-  
շինքը, որի դօրութեամբ նա «սեփականացնում» էր Ղարաբաղի եւ  
Գանձակի խանութիւնները: Ադրիանապոլսի դաշինքով ռուսները  
օսմանցիներից բռնադրուեցին Արեւմտեան Այսրկովկասի մի քա-  
նի ծովամերձ շրջանները եւ հայկական երկու հողամասեր՝ Ա-  
խալցխա ու Ախալքալաք: 1878 թ. Բերլինի Վեհաժողովը Ռու-  
սաստանին թողեց Կարսը, Արդահանն ու Բաթումը: Ռուսաստանի  
այս գրաւումները վաղուց մշակուած ծրագրի եւ քաղաքական  
նպատակների հետեւանքներ էին: Այդ ծրագրի իրականացման  
վրայ աշխատել էր ռուս պետական գործիչների մի քանի սերունդ:  
Նա կապում էր Ռուսաստանի արեւելեան քաղաքականութեան  
հետ, իբրեւ նրա մէկ դրուազը: Այս բռնադրումների հետե-  
ւանքով էր, որ ստեղծուեց Թուրքախայստան:

Թուրքմէնչայի դաշինքը մէկ դարձակէտ էր հայոց նորագոյն  
պատմութեան մէջ: Վերջանում էր մեր պատմութեան պարսկա-  
կան շրջանը, որի միայն վերջին մասը տեւեց աւելի քան երեք հա-  
րիւր տարի: Այս պատմաշրջանը մենք կոչում ենք խանական՝ ի  
նկատի ունենալով նրա ընկերային եւ քաղաքական կառուցուած-  
քը, որ շատ ընդհանուր գծեր ունէր միջնադարեան աւատականու-  
թեան հետ՝ միայն շեշտուած արեւելեան բնոյթով: Հայոց հասա-  
րակութեան մեծագոյն մասը երեք դարից աւելի ապրեց խանա-  
կան միջավայրում, իր կազմից շատ բան կորցրեց, ինչպէս եւ իր  
բարոյական նկարագրից: Նոյն խանական միջավայրում եւ նրա  
դէմ սաղմնաւորուեց հայոց յեղափոխութիւնը՝ սկիզբը որպէս  
դիւանագիտական շարժում, ապա որպէս քաղաքական միտք եւ  
ծրագիր եւ յետոյ որպէս ազատագրական-յեղափոխական ապրս-  
տամբութիւն: Թուրքմէնչայի դաշինքով վերջ էր գտնում նաեւ  
հայոց ազատագրական պայքարի մէկ նշանաւոր գլուխը, որ հե-  
տապնդում էր պայծառ նպատակ՝ Պարսկահայաստանի անկախու-  
թիւնը Ռուսաստանի օժանդակութեամբ եւ նրա հովանու տակ:  
Բայց նա վերջանում էր մեր հայրենիքի մէկ մասի՝ Պարսկահա-  
յաստանի կցումով Ռուսաստանին եւ հայոց քաղաքական ձրզ-  
տումների խորտակումով: Անհրաժեշտ էր երկար ժամանակ,  
դադարի եւ հանգստի մի տեւական շրջան, մինչեւ որ վերանորոգ-  
ուած հայութիւնը նոր ճիգեր անէր ինքնորոշուելու եւ ազատա-  
գրուելու:

Նախորդ դարի երեսնական թուականներին, երբ Ռուսաստա-  
նը հաստատուում էր մեր հայրենիքի մի մասում, Երեւանի, Նա-



խիջեւանի, Գանձակի, Ղարաբաղի խանութիւնները զուրկ էին հոծ հայ բնակչութիւնից: Այնտեղ մեծամասնութիւն էին կաղմում թաթարները՝ իրենց զանազան ցեղերով: Թաթարների եւ քրդերի զանգուածօրէն Հայաստանում հաստատուելը մեր հայրենիքում առաջացրել էր երկու հասարակութիւն՝ տարբեր ծագումով, տարբեր պատմական անցեալով, կրօնով, կենցաղով, լեզուով, մշակոյթով, ընկերային կազմով եւ քաղաքական տենչերով: Մեր նորագոյն պատմութիւնը՝ այս երկու հասարակութեան՝ հայի եւ թուրք-թաթար-քրդի մի անվերջանալի ու յամառ պայքար էր յանուն հողի, հայրենիքի: Այս պայքարը, որ սկսուեց 13-րդ դարից թուրանական ժողովուրդների ներխուժումով ու զօրանալով, վերջացաւ 20-րդ դարի սկզբին հայութեան պարտութեամբ եւ նրա մէկ մասի բնաջնջումով: Այսպէս եղաւ, որովհետեւ թուրքը թուով գերակշիռ էր, պետականօրէն կազմակերպուած, զինուած էր լաւապէս եւ հետապնդում էր պայծառ քաղաքական նպատակ: Սկիզբը մրցակից, յետոյ զործակից քուրդն էլ եղաւ նրա աջակիցը: Հայը զուրկ էր այս բոլոր միջոցներից, մենակ էր իր պայքարի մէջ, առանց դաշնակցի: Ի զուր է եւ պատմականօրէն սխալ է մեր վերջին 60-70 տարիների տեղահանութիւնների եւ կոտորածների պատճառները որոնել հայոց ազատագրական-յեղափոխական շարժումների մէջ: Ո՛չ, դրանց արմատները շատ աւելի խորն են թաղուած: Դրանք մեր պատմութեան դժբախտ ժառանգութեան հետեւանքն են, իսկ ՀԱՅՈՅ ՅԵՂԱՓՈՒԽՈՒԹԻՒՆԸ ՀԱՅՈՒԹԵԱՆ ԳԵՐԱԳՈՅՆ ՃԻԳՆ Է ԱԶԱՏԱԳՐՈՒԵԼՈՒ ՄԵՐ ԱՆՑԵԱԼԻ ԴԱՓԱՆ, ԿՈՐԾԱՆԻՉ ԺԱՌԱՆԳՈՒԹԻՒՆԻՑ:

Թուրք-թաթարի եւ քուրդի գոյութիւնը հայկական հողերի վրայ կերպարանափոխում էր Հայաստանի ազգային դիմագիծը, Հայաստանը դադարում էր հայի փաստական հայրենիքը լինելուց: Մեր վերածնութեան դէմքերից Ս. Աբովեանը, օրինակ, Օսմանեան Հայաստանի փոխարէն գործ էր անում Քրդստան անունը, որպէս ցուցահանում ազգագրական այն յեղաշրջումի, որ տեղի էր ունեցել վերջին դարերում: Քրդերի թուական եւ քաղաքական կշիռը ուժեղանում էր Օսմանեան Հայաստանում, իսկ նոր կազմուած Ռուսահայաստանում թաթարներն էին մեծամասնութիւն կազմում իրենց կալուածատէր ղեկավար դասի գլխաւորութեամբ: 1831 թ. մի վիճակագրութեան համաձայն Երեւանի, Նախիջեւանի եւ Օրդուբատի շրջաններում բնիկ հայութեան թիւը հասնում էր ընդամէնը 25,151 անձի, մինչդեռ նոյն վայրերի մահմեդականների թիւը հասնում էր 75,020-ի: Յարաբերութիւնը նոյնն էր, եթէ ոչ աւելի աննպաստ, գրեթէ ամէն տեղ, միւս



խանութիւնների մէջ: Այս փաստի մասին իրենց զեկուցումների մէջ յիշատակում էին նաեւ ոռոս զօրավարները, մասնաւորապէս Պասկեւիչը:

Այսպիսով՝ հերթական խնդիր էր դառնում մեր պատմական հայրենիքը հայերով լցնելու պահանջը: Հայկական հողերը պէտք էր դարձնել իրօք Հայաստան. Հայաստանը վերստին հայացնել: Առանց այս քայլի չէր կարելի երազել մշակութային եւ քաղաքական հայութիւն ստեղծելու մասին: Ներսէս Աշտարակեցիին ջանաց նոր կազմուած Ռուսական Հայաստանը հայացնել Պարսկաստանից բերուած դաղթականներով: Նա չէր ուզում, որ Օսմանեան Հայաստանից գաղթ տեղի ունենար՝ գտնելով, որ հայը դեռ ապագայ ունի այնտեղ: Գալիք քաղաքական նպատակների համար հայը պէտք է մնար իր հողերի վրայ: Բայց այդպէս չեղաւ. աւելի քան 60,000 թրքահայեր անցան ոռուսների դրաւած վայրերը: Այս բոլորի հետեւանքով, 30-ական թուերի վերջերին, Այսրկովկասում հայերի թիւը հասաւ 300,000-ի: Բայց եւ այնպէս՝ հայերը նորից մնում էին որպէս փոքրամասնութիւն վրացիների եւ թաթարների համեմատութեամբ: Եւ այս փոքրամասնութիւնն էլ համախմբուած չէր մէկ վայրում՝ բուն հայկական հողերի վրայ, այլ ցրուած էր ամբողջ Այսրկովկասում: 1886 թ. վիճակագրութեամբ Այսրկովկասի բնակչութեան ընդհանուր թիւը հասնում էր 4,702,392-ի, որից միայն 939,131-ն էր հայ, այսինքն՝ մօտ 20%-ը եւ այն էլ ցանուցիր ամէն կողմ: Գրեթէ փոքրամասնութիւն էր հայութիւնը եւ իր հայրենի գաւառներում: 1897 թ. վիճակագրութեան համաձայն Այսրկովկասում ապրում էր 1,086,980 հայ, մի թիւ, որ դոյութիւն ունեցող վիճակը այնքան էլ չէր փոխում յօդուտ հայերի: Այսպիսի աննպաստ պայմանների մէջ էր հայութեան կառուցման դործը Ռուսական Հայաստանում: Աւելի վատթար էր կացութիւնը Օսմանեան Հայաստանում:

Ամբողջ 19րդ դարում հայերի թիւը ոչ միայն յաւելում չունեցաւ Օսմանեան Հայաստանում, այլ պակասեց, մանաւանդ, դարի երկրորդ կիսին: Ընդհակառակը, քուրդը աստիճանաբար տեղ դրաւեց հայկական աշխարհում եւ թուական առաւելութիւն ձեռք բերեց: Միւս կողմից՝ աճում էր թրքական տարրը քաղաքներում եւ նրանց շրջակայքում: Հայաստանումն էին տեղաւորում նաեւ դրսից եկող դաղթականները՝ մուհաջիրները Բալկաններից եւ կովկասից: Դրա հետեւանքով՝ 70-80-ական թուերին հայութիւնը ոչ մէկ տեղ այլեւս մեծամասնութիւն չէր կազմում. բաղմացող մահմետական ցեղերի ու ժողովուրդների մէջ նրա քանակը պակասում էր: Բնական աճի տեսակէտէից հայութիւնը գուցէ



առաջին տեղը դրաւէր, բայց քաղաքական գործօններ եւ կառավարութեան ձեռք առած արհեստական միջոցների հետեւանքով հայութեան թիւը աստիճանաբար նուազում էր: Բացի այդ, Օսմանեան Հայաստանի հայութեան թիւը պակաս էր ցոյց տալիս իշխանութիւնը իր քաղաքական նպատակների համար: Այսպէս, 1880 թուին, Ապէտին փաշան, պատասխանելով վեց պետութիւնների գեսպանների ծանուցագրին, աւելացնում էր «Վանի, Դիարբէքի, Պիթլիսի, Էրզրումի եւ Սվազի հայ բնակիչների պաշտօնական մարդահամարը հետեւեալ արդիւնքն է տուել: Այս վերջինների թիւը բարձրանում է հարիւրին 17-ի, միւս ոչ-իսլամ հասարակութեանցը՝ հարիւրին 4-ի, իսկ մահմեդական բնակիչներինը՝ հարիւրին 79-ի»: Ի հարկէ, այս «վիճակագրական» թուերը չինժուէին ու կեղծ՝ արուած միայն այն նպատակով, որ Բերլինի վեհաժողովի թուրքիայի վրայ դրուած յանձնարարութիւնները Հայաստանում չգործադրուին:

Հայոց թուի մասին վիճակագրութիւններ էր հրատարակում, Հայկական Հարցի կապակցութեամբ, նաեւ Կ. Պոլսի Պատրիարքարանը, բայց նա էլ հեռու էր իրական վիճակը ներկայացնելուց, թէեւ աւելի մօտ էր ճշմարտութեան, քան կառավարութեանը: Պատրիարքարանի տուեալներով Օսմանեան իշխանութեան տակ ապրող հայերի թիւը 1882-ին հասնում էր 2,660,000-ի: Սրանցից բուն հայկական նահանգներում ապրում էին՝ Վանի, վիլայէթում 400,000, Սվազի՝ 280,00, Խարբերդի՝ 270,000, Բիթլիսի՝ 250,000, Դիարբէքիի՝ 150,000, Էրզրումի՝ 280,000: Մնացած մասը ցրուած էր կայսրութեան ուրիշ վայրերում: Դժբախտաբար, մենք չունենք տեղեկութիւններ այդ վիլայէթների ոչ-հայ բնակչութեան թուի մասին, որպէսզի համեմատելով՝ կարողանանք որոշել հայութեան տոկոսը: Բերլինի վեհաժողովին Հայոց Պատրիարքարանը իր պատուիրակների միջոցով հայերի թիւը կայսրութեան մէջ հասցնում էր մինչեւ 3,000,000, որից Օսմանեան Հայաստանի, այսինքն՝ Էրզրումի, Վանի, Դիարբէքիի վիլայէթների մէջ՝ 1,300,000 մարդ: Դժուար է ասել, թէ որքան այս թուերը մօտ էին իսկութեան: Անվիճելի է, սակայն, այն, որ 19-րդ դարի երկրորդ կիսին, տիրող դաժան պայմանների հետեւանքով, հայերի թիւը աստիճանաբար նուազում էր: Հայաստանի ոռոսական բաժնում նկատուում էր զգալի թուական վերելք, թէեւ այդ վերելքը ոչ մէկ տեղ հայերին քանակային գերազանցութիւն չտուեց. Օսմանեան Հայաստանում, ընդհակառակը, հայութեան թիւը պակասում էր, որի պատճառով նա ամէն տեղ մնաց փոքրամասնութեան մէջ:

Թուրք-թաթարի եւ քուրդի տիրապետութիւնը ոչ միայն



կերպարանափոխեց Հայաստանի ազգային դիմադիծը, այլև հիմնովին յեղաշրջեց հայութեան ընկերային կազմը: Հայ ժողովուրդը կորցրեց իր վարիչ եւ ռազմիկ դասերը: Երբեմնի հզօր ազնուականութեան՝ «տանուտէրտիան» դասի տէր երկիրը վերածուեց պիւղացիների, հովիւների, արհեստաւորների, մանր առեւտրականների, խոնարհ ծագումով կղերի հայրենիքի: Քաղաքական եւ ռազմական մեծ աւանդութիւններ ունեցող հայոց նախարարութեան վերջին շառաւիղները՝ Սիւնեաց եւ Ղարաբաղի մելիքները թաթար ցեղերի տեւական հարուածների տակ՝ քայքայոււմ էին նիւթապէս եւ փոշիանոււմ քաղաքականապէս: Եւ այս այն պահուն, երբ թուրքը, թաթարն ու պարսիկը իշխանութեան տէրն էին, զինուած էին եւ պահել էին իրենց ղեկավար դասը յանձին բէկերի, խաների, փաշաների, շէյխերի ու թոռունների:

Թրքահայութեան դժբախտութիւնն այն էր, որ նրա հարեւանն էր քուրդը՝ վաչկատուն, լեռնաբնակ, ցեղական բնագոյնը ու ապրող ժողովուրդ: 19-րդ դարի հայոց պատմութեան մէկ մեծ գլուխը նուիրուած պէտք է լինի հայ-քրդական յարաբերութեան: Հայութեան շահերի, ապահովութեան տեսակէտից էականը քրդութեան կենցաղն էր, նրա վաչկատուն, քոչուորական կեանքը: «Որպէս խաշնարած եւ հովիւ ժողովուրդ, գրոււմ էր Բաֆֆին ութսունական թուականներին, քրդերը մինչեւ այսօր չսովորեցին հաստատաբնակ կեանքին: Նրանց հայրենիքը այնտեղ է, որտեղ նրանց անասունների համար արօտ կայ: Այս պատճառով ամբողջ տարի գաղթոււմ են մի երկրից դէպի միւսը»... Չանաղան վայրերից քուրդը գարնան եւ ամրան բարձրանոււմ էր հայկական լեռները եւ ձմեռը դադարոււմ աւելի տաք երկիրներ... «Տիգրիսի արեւելեան ափունքի դաշտավայրերը կամ Միջագետքի անապատի տափարակները»<sup>\*)</sup>: Քրդերի թափառաշրջիկ կեանքից Օսմանեան հայութիւնը աւերոււմ էր, թալանոււմ եւ տնտեսապէս քայքայոււմ: Ստեղծոււմ էր վաչկատունի եւ նստակեացի յարաբերութեանց լարոււմը: Եւ, անկասկած, հայ-քրդական թըշնամական յարաբերութիւնների պատճառը սկիզբը առաւելապէս քրդերի այդ կենցաղի մէջ պէտք է որոնել:

Միաժամաակ քրդութեան մէջ եւս առաջանոււմ էր դասային շերտաւորոււմ. ցեղապետը դառնոււմ էր աւատատէր, ազատ քուրդ բնակչութեան մէկ մասը վեր էր ածոււմ ճորտութեան: Քուրդ ցեղապետը՝ կալուածատէր, անհաշիւ հօտերի, շարժական անբաւ հարստութեան տէր: Նա զինուած էր, չրջապատուած թոռուններով՝ սեպուհներով, ամէն վայրկեան պատրաստ աւերելու եւ ա-

<sup>\*)</sup> «Տափարակ», Վիեննա, 1913 թ., էջ 120-21:



ւարելու: Նրա աշխատանքը կռիւն էր, յարձակումը, աւաղակու-  
 թիւնը, յախշտակութիւնն ու կողոպուտը: Բայց այս երեւոյթը  
 հայ-քրդական յարաբերութեան մէկ դէմքն էր միայն՝ կապուած  
 քրդական ցեղերի քոչուորական-վաչկատուն կենցաղի հետ: Կար  
 եւ երկրորդը: Քրդական բազմաթիւ ցեղեր հաստատուած էին  
 Հայաստանում. փոխանակ ամէն ձմեռ դէպի հարաւ եւ քրդական  
 երկիրները չուելու, նրանք նախընտրում էին մնալ Հայկական  
 Աննաշխարհում, ապաստան գտնել հայկական դիւղերի մէջ: Այս-  
 պիսով նրանք աստիճանաբար տեղաւորուեցին Սասունում, Խոյթի  
 մէջ, Իջան մինչեւ Վանի շրջակայքը, հասան Արաղայի դաշտը եւ  
 մինչեւ Մասիսի ստորոտները: Տեղաւորման, նոր հողերի վրայ  
 հաստատուելու այս գործողութիւնը սկսուել էր շատ վաղուց,  
 բայց 19-րդ դարում դարձաւ ծաւալուն եւ զանգուածային, շնոր-  
 հիւ թուրք կառավարութեան քաջալերութեան: Շատ հայկական  
 դիւղեր ստիպուած էին իրենց մէջ ընդունել քուրդ բնակչութիւն:  
 Հայկական դիւղերում նստած թոռունները դարձան դիւղի տէ-  
 րեր, սեփականացրին հայերի հողերը, զրկեցին հայ դիւղացուն  
 ազատութիւնից եւ ապահովութիւնից: Այս երեւոյթը հետեւանք  
 էր մի կողմից այն իրողութեան, որ 19-րդ դարի առաջին կէսե-  
 րին, Օսմանեան կառավարութեան ոյժն ու հեղինակութիւնը  
 այլեւս չէր զգացւում կայսրութեան արեւելեան նահանգներում,  
 որով քրդութեան մէջ առաջացած վերնախաւը ազատ հնարաւո-  
 րութիւն էր գտնում դասային գերիշխանութիւնը հաստատելու  
 Հայաստանի դիւղական բնակչութեան վրայ, տէր դառնալու նրա  
 անձին եւ հողին: Այս երեւոյթը նոր փուլի մէջ էր մտցնում հայ-  
 քրդական յարաբերութիւնները: Հայաստանում ստեղծուում էր  
 օտար՝ քուրդ ծագումով մի դաս, որի անմիջական շահագործման  
 առարկան հայն էր ու հայութիւնը:

Քրդութիւնը, նրա բարձր խաւը, աւատատէրը, նախորդ դա-  
 րի առաջին կիսին, այնքան զօրացաւ, որ նոյնիսկ ապստամբուեց  
 Օսմանեան պետութեան դէմ «Անկախ Քուրդիստան» ստեղծելու  
 նպատակով, որի ընկերային բովանդակութիւնը պիտի լինէր՝  
 հայ, քուրդ, ասորի դիւղացիութեան տնտեսական շահագործումը  
 բարձր խաւի, ազնուական քրդութեան կողմից: Բարձր. Դուռը  
 երկար զբաղուեց քուրդի ռազմական ուժը խորտակելու հարցով:  
 Քրդական ապստամբութիւնը ծաւալուեց Մուշի, Բիթլիսի, Վա-  
 նի, Բայազէտի, Դիարբէքիւրի, Սղերդի շրջաններում: Այս արդէն  
 ապացոյց էր, որ քրդական «ազատագրական» շարժումների յե-  
 նարանը քրդացման ուղին բռնած հայկական նահանգներն էին:  
 Քսան տարի անհրաժեշտ եղաւ թուրք իշխանութեան այս ապրս-  
 տամբութիւնը ճնշելու համար: Ամբողջ 19-րդ դարի առաջին կի-



սին մրցումն էր տեղի ունենում թուրքի եւ քրդի միջեւ այն հար-  
ցի շուրջ, թէ ո՞ւմ պիտի մնան հայկական նահանգները՝ աւատա-  
տէր քուրդի՞ն, թէ քաղաքական կենտրոնացման ձգտող սուլթան-  
ներին: Այս պայքարի մէջ հայութիւնը ոչ խօսք ունէր, ոչ էլ որեւէ  
դեր, թէպէտ ունէր իր համակրանքը: Հայերը չմիացան քրդերին՝  
հակառակ քուրդ ղեկավարների թափած բոլոր ջանքերին: Շատ  
տեղերում նրանք նոյնիսկ օգնում էին թուրքերին՝ յատկապէս  
հայ քաղաքների դասը, արհեստաւորութիւնն ու առեւտրականները:  
Հայերի այս դիրքն հասկանալի էր: Քուրդն էր, որ քայքայում էր  
հայութիւնը իր բոլոր խաւերով: Քուրդը անիշխանութեան սեր-  
մանող ոյժն էր. նա չէր ճանաչում օրէնք եւ իրաւունք. օրէնքը  
իր քմահաճոյքն էր, աւարն ու աւերը՝ իր նպատակը: Նրա զին-  
ուած ուժի, հարստահարութեան դէմ հայը զրկուած էր պաշտ-  
պանութեան միջոցներից: Քրդի առաջացրած անապահովու-  
թեան, անկարգութեան, անիշխանութեան դէմ թուրքը, որոշ  
չափով, հանդիսանում էր կարգի եւ օրէնքի ներկայացուցիչ: Հա-  
յերի՝ Օսմանեան դահին հաւատարիմ մնալը, այս ժամանակա-  
շրջանում, մեծ նշանակութիւն ունեցաւ հետագային, աւելի ուշ,  
70-80-ական թուերին երկու ժողովուրդների փոխյարաբերու-  
թեան խնդրում: Իրենց ապստամբութեան անյաջողութեան պատ-  
ճառներից մէկն էլ քուրդերը համարեցին հայերին:

Քրդական ապստամբութեան ճնշումից յետոյ, 1856 թուին,  
կայսերական վարչութիւնը եւ ղինուորական ոյժը ամբացան ա-  
րեւելեան նահանգներում: Թուրքիայի քաղաքական կշիռը մեծա-  
ցաւ: Նա շարունակեց հալածել, գլխատել անիշխանական, հա-  
կապետական տարրերը՝ քուրդ ղեկավարներին, մասամբ էլ այն  
փոքրաթիւ հայ խմբերին, որոնք միացել էին քրդերին: Միաժա-  
մանակ նա փորձեց բաւարարել հայերին՝ շնորհելով նրանց կրօ-  
նա-կրթական որոշ արտօնութիւններ, յանձին Ազդ. Սահմանա-  
դրութեան, որ մի տեսակ ինքնավարութիւն էր: Այս ինքնավա-  
րութիւնը ապաերկրային էր, կասյուած էր ազգային-կրօնական  
պատկանելիութեան հետ եւ ոչ թէ որոշ երկրամասի: Ընդհակա-  
ռակը, նոյն այդ օրերին նա անողոք պայքար էր մղում երկրային  
ինքնավարութիւնների դէմ Զէյթունի եւ Սասունի մէջ: Հայոց  
երկու ինքնավար շրջանների դէմ մղուած այս պայքարը շարունա-  
կութիւնն էր հալածանքների քրդական շարժումների դէմ: Օս-  
մանեան կայսրութիւնը մեծ ճիգերով փորձում էր դառնալ կենտ-  
րոնաձիգ միապետութիւն:

Թէպէտ քուրդ աշխարհիկ ղեկավարութիւնը ծանր հարուած  
կրեց եւ երկար ժամանակով ստիպուած եղաւ լքել քաղաքական  
ասպարէզը, նրան, սակայն, փոխարինեց քուրդ շէյխը՝ հոգեւոր



պետը, որ շատ շուտով հզօր ոյժ դարձաւ: Քուրդը չղաղարեցրեց չալքարը թուրքի դէմ, բայց աւելի լարուեց հայութեան դէմ: Հայութեան կացութիւնը այժմ աւելի ծանրացաւ, որովհետեւ նա ընկաւ երկու իշխանութեան տակ՝ թուրք-պետական եւ քրդական, որոնց դաժանութիւնը այժմ աւելի զգալի դարձաւ, քան թէ դարի առաջին կէսին: 1824 թ. Օսմանեան կայսրութիւնը փորձեց հողային բարենորոգումներ մտցնել կայսրութեան մէջ՝ նպատակ դնելով ջնջել զանազան միջոցներով առաջ եկած խոշոր կալուածատիրութիւնը եւ դրանով քայքայել հակապետական ուժերի նիւթական հիմքերը: Այս բարեփոխութիւնը, սակայն, Հայաստանում չկիրառուեց: Ապստամբութիւնից յետոյ՝ փորձ եղաւ գինաթափ անելու քրդերին, բայց այս էլ ամբողջութեամբ չիրագործուեց, որովհետեւ պետական շրջանակներում տիրում էր այն կարծիքը, թէ՛ «քրդերը միշտ պատրաստ զօրք են մեզ համար»: Իսրի երկրորդ կիսին, 60-ական թուերի վերջերից սկսած, քուրդ եւ թուրք հակամարտութիւնը մեղմանում է, փոխադարձ ատելութիւնը թուլանում, եւ երկուսը իրարու մօտենում եւ դորձակցում են: Նրանց երկուսին էլ մտահոգում էր հայութիւնը:

Թէ Հայաստանի հայ գիւղացիութիւնը ինչ կացութեան մէջ էր քուրդ իշխողների հովանու տակ, երեւում է 70-90-ական թրւականներին արուած բազմաթիւ հրատարակութիւններից ու վրկայութիւններից: Հայ մամուլը լայնօրէն տեղ էր տալիս «երկրից» եկած թղթակցութիւններին. եւրոպացի ճամբորդները անհաշիւ փաստեր էին յիշում հայերի ճորտական վիճակի մասին. Կ. Պոլսի Պատրիարքարանը 1876-ին հրատարակեց իր «Տեղեկագիրք գաւառական հարստահարութեանց»ը: Այս բոլոր պաշտօնական եւ անպաշտօն փաստաթղթերը միարեւան վկայում էին, որ քուրդ աւատատէրի հովանու տակ գտնուող հայ գիւղացիութեան մեծագոյն մասը գրկուել էր անձնական ազատութիւնից, անձեռնմխելիութիւնից, կորցրել էր իր հողը, տէրը չէր իր շարժական հարստութեան: Նա քուրդ իշխողների հանդէպ ունէր աւատական կարգին յատուկ բոլոր պարտաւորութիւնները՝ հողային, հարկային, անձնական ծառայութեան, կոռ եւ բէգարի եւ զինուորական: Աւատատէրի ընտանիքում աշխատում էին նաեւ հայ կանայք: «Քուրդ կամ թուրք բէկերը, ազաները կամ դէրէբէյները գիւղացուն շահագործում էին, յափշտակում. նրանից վերցնում էին այնքան, որքան իրենք էին ցանկանում: Գիւղացին փէոդալի համար կոռ ու բէկար էր կատարում, տղամարդիկ նրա համար տներ, բերդեր եւ ֆանապարհներ էին կառուցանում, իսկ կանայք տնային աշխատանք կատարում: Արեւմտեան Հայաստանի որոշ մասերում, մասնաւորապէս Մուշի, Բիթլիսի եւ Վանի գաւառներ-



րում, հայ գիւղացիութիւնը գտնուում էր փոքր տակաւն վիճակում», գրում է սովետահայ պատմագէտ Մ. Ներսէսեանը իր շատ հետաքրքրական մէկ յօդուածում՝ «Հայաստանի տնտեսական ու քաղաքական դրութիւնը 1860-1880 թ. թ.»<sup>\*</sup>): Մենք տեսնում ենք, որ 19-րդ դարում հայ գիւղացու իրաւական կացութիւնը եւ նիւթական վիճակը շատ մօտիկ էր միջնադարեան Եւրոպայի ճորտական պայմաններին՝ միայն այն տարբերութեամբ, որ Եւրոպայում գիւղացիութեան կացութիւնը աստիճանաբար բարձրացուեց, ընդհակառակը, Հայաստանում 19-րդ դարի երկրորդ կիսին հայ աշխատաւոր գիւղացիութեան դրութիւնը աւելի վատթարացաւ: Դրա պատճառը պէտք է որոնել այն բանի մէջ, որ դարի առաջին կիսում քուրդը գեռ նոր էր նստում հայկական հողերի վրայ, նա միայն աւերում էր, աւարում եւ գերում, մինչդեռ երկրորդ կիսում արդէն հաստատուել էր հայ գիւղերում, զէնքով եւ իշխանութեամբ տիրացել էր հայ հողին եւ անձին, դարձել էր հայ մարդու տէրն ու հովանաւորը՝ հասցնելով նրան հողազուրկ եւ իրաւազուրկ ճորտի վիճակին, որ զրկուած էր շարժուելու, տեղափոխուելու եւ իր ունեցածը ժառանգելու իրաւունքից: Դրա վրայ աւելանում էր եւ այն, որ թուրք իշխանութիւնն էլ հետապնդում էր հայի թուլացման՝ իր քաղաքական նպատակների համար: Բայց հենց այդ ժամանակներում, 70-ական թուերին, քրդական հարստահարութիւնները աւելի ուժգին թափ ստացան՝ թուրք իշխանութեան եթէ ոչ անմիջական գործակցութեամբ, զոնէ լռելեայն համաձայնութեամբ: Հայ գիւղացիութեան կացութեան մասին բաւական է յիշել մէկ փաստ՝ հաղորդուած լաւատեղեակ աշխատակցից Կ. Պոլսի «Մասիա»ին, 1872 թունի. «Մերազնեայ դաս մը ժողովուրդ, գրում է աշխատակիցը, որ ի Բոնաշէն, ի Խուք, ի Սասուն, ի Շատախ գաւառներ քրդերու հետ խառն կ'ապրին: Նոցա գլխաւորներուն, որ Խաֆիր կը կոչուին, փոքր լինելով՝ ամենադառն կենցաղ վիճակուած է... Այս մարդակեր, գազան խաֆիրները ինքնագլուխ եւ ապստամբ վիճակի մէջ լինելով՝ իրենց փոքր հայերը՝ կանամբ եւ որդւովք, շարժական եւ անշարժ կալուածներով՝ իրարու ծախու սովորութիւն ունին եւ երբ իրարու դէմ կատարին կամ քշնաման, իւրաքանչիւրն իրենց հպատակ հայերուն բռնութեամբ առաջին ձգելով՝ իրարու սահման կ'ասպատակեն, կը վիրաւորեն, կ'սպանեն ու կը վերադառնան տեղերնին: Գերիի տէր խաֆիրները երբ մարդ ծնանին, փոքր տունէն կառամբ եւ ոչխարով աշ-

<sup>\*</sup>) «Տեղեկագիր Հայկ. Գիտ. Ակադեմիայի», 1946 թ. թիւ 10, էջ 42:



Բալուսի պիտի գան, աղային զգեստցու պիտի տանին... Երբ պա-  
 տանեկութեան հասնին, զէնք պիտի պատրաստեն անոր... Եթէ  
 մեռած էլ պատահի՝ ոչխար, իւզ, պանիր տանելով կը մխիթարեն  
 զխափիրները: Բայց ընդհանուր ազգութեան նախատինքն այն  
 կէտն է, որ նահապետացն հայոց պարկեշտութեան բուստատի  
 յոյսը եւ սրբութեան քողի ներքեւ սնուած աղջիկներ այսօր հո-  
 լանի եղած, խափիրներու տան մէջ իբրեւ հարս, օրերով ձաւարը,  
 կորկոտը շինելու, լաթը լուանալու, կարկտելու սպասարկու-  
 թիւն կ'ընեն լոին արտասուելով եւ անոնց կըլկըլի արտերը քաղ-  
 հանելու շարաքներով կ'աշխատին՝ մերկ անձամբ եւ բոքիկ ու-  
 տամբ արեւակեր եւ տօթահար եղած»: Այս տողերի մէջ յիշուած  
 կան հայ գիւղացու բոլոր պարտաւորութիւնները քուրդ խափիրի  
 հանդէպ՝ եւ պարտաւորիչ սովորութիւն դարձած նուիրատուու-  
 թիւն, եւ անձնական ծառայութիւն՝ կանանց եւ տղամարդկանց  
 ե՛ւ զինուորական օժանդակութիւն, այսինքն՝ այն ամէնը, ինչ  
 որ փաստօրէն հային ճորտական կացութեան մէջ էր դրել քուրդ-  
 աւատատիրոջ հանդէպ: Հայ գիւղացին իր եկամուտի մի զգալի  
 մասը տալիս էր խափիրին, բացի սովորութեամբ սրբադործուած  
 նուէրները: Այս նոյն թղթակցութեան մէջ թուարկուած են հե-  
 տեւեալ բնատուրքերը, որ գիւղացին պարտաւորուած էր տալ իր  
 տիրոջը. ամէն մէկ ընտանիք տալիս էր «եօթը բեռ ցորեն, մէկ  
 պանար, հինգ ոչխար, երկու լիտր իւզ, երկու օխայ ծխախոտ,  
 մէկ լիտր չորքան, չորս լիտր ազ, մէկ շալուար, մէկ գոյգ գան-  
 գապան, մէկ գոյգ գուլպայ, մէկ գոյգ խոնջան, մէկ գոյգ գոգնո-  
 ցի ժապաւէն, երկու ունկի վառօդ, երկու ունկի կապար... երկու  
 շերեփ, երեսուն գգալ, չորս հաւ, երկու ափաղաղ... 1243 դու-  
 րուշ ըստակ»...

Այս թուարկումը ոչ միայն ցուցահանում է հայ աշխատա-  
 ւոր գիւղացութեան նիւթական պարտաւորութիւնների չափը,  
 այլեւ երեւան է բերում տիրապետող տնտեսութեան բնոյթը: Հա-  
 յաստանը գերազանցապէս երկրագործական եւ անասնապահա-  
 կան երկիր էր եւ այնտեղ իշխողը բնատնտեսութիւնն էր, գեր-  
 դաստանային տնտեսութիւնը: «Ընտանիքը» գերդաստանն էր՝  
 բազմաթիւ սերունդներ մէկ յարկի տակ հաւաքող եւ տնտեսու-  
 թիւն ստեղծող: 19-րդ դարում Օսմանեան Հայաստանի բոլոր  
 կողմերում կարելի էր հանդիպել այդպիսի բազմանդամ գերդաս-  
 տանների, որ այնքան իրական եւ գունազեղ նկարագրել է Բաֆ-  
 Ֆին «Սենթ»ի մէջ: Աւատական այս պարտաւորութիւնները մի-  
 այն Սասունի եւ Սուրբի շրջանի հայերին յատուկ չէին, այլ ընդ-  
 հանուր երեւոյթ էին կազմում՝ համատարած Արեւմտեան Հա-  
 յաստանի բոլոր գաւառներում: Այդ մասին վկայում են ժամա-



նակի լաւագոյն դէմքերը՝ Ներսէս եպ. Վարժապետեան, Խրիմեան Հայրիկ, Գար. եպ. Սրուանձտեանց, Պօղոս վրդ. Նաթանեան, Աղգային Ժողովի ատենագրութիւնները, օտարներից Լինչը, Մակ-Կոլը, Պրէսանսէն, Լիխուտինը, Դիլոնը, Գրինը եւայլն: Այդ մասին առատ նիւթ կայ հաւաքուած նաեւ Հայաստանի Պետական Զեռագրատան մէջ, ինչպէս եւ Գիւտ քահ. Աղանեանի «Դիւան Հայոց Պատմութեան» 13-րդ հատորում:

1890 թուին, մի խումբ արեւմտահայերի կողմից Մակար կաթողիկոսին գրուած նամակում հայերի կացութիւնը պատկերացում էր այսպէս. «Ոչ մարդկային լեզուն եւ ոչ ալ նորա գրիչը չեն կարող նկարագրել այն բազմատեսակ ծանր դժբախտութիւնը, որ կրած ենք եւ կը կրենք: Մեր հայրենի հողի վրայ մեր կեանքը խաղալիք է դարձած մեր իշխողներու ձեռքին. մեր կեանքը անապահով դրութեանց մատնուած է, մեր ընտանիքը ամօքաբեր բռնութեանց, մեր գաւակները գոհ են դարձած կոպիտ ուժի, մեր դառն ֆրտինգով վաստակած հացը մեզնէ կորցելու, մեր գաւակները սովամահ կտորելու ենթարկուած են, մեր եկեղեցիները կը սրբապղծուին եւ հրոյ ցարակ կը լինին, մեր սրբութիւնները կ'անարգուին եւ մեր հաւատը կը հայհոյուի եւ հոգեւորականութիւնը ենթարկուած է հինգերորդ դարում տեղի ունեցած բոլոր տառապանաց»<sup>\*)</sup>: Այս էր ահա հայի կացութիւնը Օսմանեան Հայաստանում բովանդակ 19-րդ դարի ընթացքին: Նա չունէր կեանքի եւ գոյքի ապահովութիւն, զուրկ էր ամէն իրաւունքից. կորցրել էր ամէն ազատութիւն: Մի տաղանդաւոր, ստեղծազորժող եւ մշակոյթի մեծ ժառանգութեան տէր ժողովուրդ՝ հսկայ վայրէջք էր ունեցել եւ ապրում էր որպէս ճորտ՝ բարբարոսի բնագոյով օժտուած քուրդի հարեւանութեամբ եւ օրէնք ու կարգ ոտնակոխ անող թուրքի զերիշխանութեան տակ: Այս փաստը մեր պատմութեան ամենէն դժբախտ երեւոյթներից մէկն էր: Թուրքը եւ քուրդը կասեցրել էին մեր պատմութեան բնական հոլովոյթը, սլանէշ կանգնել մեր մտաւոր եւ հոգեկան թռիչքի, մեր ստեղծազորժական կարողութեան առջեւ:

Մխիթարական չէր հայ զանգուածի վիճակը նաեւ Ռուսահայաստանում: Ինչպէս Օսմանեան Հայաստանում, ռուսական բաժնում էլ հայութեան մեծադոյն մասը ապրում էր գիւղերում, որպէս երկրագործ՝ կապուած իր հողին եւ ջրին: Գիւղական հասոյթով ապրում էին նաեւ հայ փոքրաթիւ ազնուականներն ու կալուածատէրերը: Հայ գիւղացու եւ արտօնեալ դասի թիւը 80-ա-

<sup>\*)</sup> «Տեղեկագիր Հայկ. Գիտ. Ակադեմիայի», 1946 թ. թիւ 10, էջ 52:



կան թուականներին հասնում էր 753,344-ի: Գիւղական այս բընակչութիւնը ապրում էր կալուածատէրերի եւ վանքերի հողերի վրայ, այսինքն՝ գիւղացիութեան 30%-ը: Եթէ ի նկատի ունենանք, որ նրա վրայ ծանրանում էր թաթար արտօնեալ դասի, մասամբ էլ վրաց սնանկացող ազնուականութեան տնտեսական եւ քաղաքական լուծը, ապա պատկերն ըստ ամենայնի պարզ կը լինի: Հայ գիւղացիութեան շօշափելի մի մասն էլ ապրում էր պետական հողերի վրայ. հետեւապէս՝ ազատ էր կալուածատէրերի ճընշումներից եւ բազմատեսակ հարստահարութիւններից: Բայց այստեղ էլ ենթակայ էր ուսուստիկանական եւ անբարոյական ու կաշառակեր պաշտօնէութեան քմահաճոյքին: Սրանք էլ, Օսմանեան պաշտօնէութեան նման, ուսուստիկութիւն վատթարագոյն տարրն էին եւ հաստատուել էին Այսրկովկասում բացառապէս տեղական ժողովուրդների հաշուին ապրելու, հարստանալու եւ հարստահարելու նպատակով: Այս շահամուլ եւ պորտաբոյծ տարրն էր ուսական աղբեցութեան եւ «մշակոյթի» տարածիչը:

Պարսկա-տաճկական աւատական կարգերից ազատուած հայ գիւղացիութիւնը աւելի քան կէս դար մնաց հայ, թաթար եւ վրացի աւատատէրերի իշխանութեան տակ: Մէկ աւատական կարգը փոխարինուեց ուրիշով, թէեւ որոշ տարբերութիւն կար նրանց միջեւ: Ռուսահայաստանում աւատական կարգն ապրում էր իր անկման եւ փոխանցման շրջանը: Աղաները, բէկերը, խաները զրկուել էին վարչական, դատական եւ վինուորական իրաւունքներից, բայց պահել էին դեռ իրենց կալուածները եւ նրանց հետ կապուած մի քանի արտօնութիւններ: Պետական իշխանութեան ձեռքն այստեղ աւելի էր զգացւում, բայց նա, շատ յաճախ, ծառայում էր արտօնեալ դասի շահերին, գործակցում էր թուրք, թաթար, վրացի բարձր դասի հետ ու ծանր կեղեքման ենթարկում հայ գիւղացուն եւ, ընդհանրապէս, թշնամական դիրք բռնում հայութեան բոլոր դասերի հանդէպ:

Բայց հայ գիւղացին կովկասում լուռ ու մունջ չտարաւ իրեն դէմ հանած հարստահարութիւնները, այլ խնդրագրերով, բողոքներով յիշեցրեց բարձրագոյն իշխանութեան իր դժնդակ կացութեան մասին: Նա մեղադրեց աւատատէրերին, պետական պաշտօնեաներին, նոյնիսկ շատ տեղերում զէնքի դիմեց նրանց դէմ: Ճորտատիրական կարգի դէմ եղող այս շարժումները տեղի էին ունենում գլխաւորապէս Սիւնեաց աշխարհում, Ղազախի գաւառում, նոր Բայազետի գիւղացիութեան մէջ: Այսպէս՝ Ղազախի գիւղացիները խնդրում էին ազատել իրենց «թուրք աղալարներից, որոնք պարսիկների արշաւանքի ժամանակ կողոպտում էին հայերին, իսկ այժմ կառավարում են նրանց»: 1837 թ. վայոց



Չորի գիւղացիութիւնը զանգատուած էր, որ «իրեմք Պարսկաստանից գաղթելու օրից աղփատութեան եւ չփառութեան մէջ են ընկել միայն այն մնշումների հետեւանքով, որ նրանց պատճառում է Մահմեդ-Սադըլս բէկը»: Իսկ Քաւառի բնակիչները, զայրացած ու ըմբոստացած, յայտարարում էին. «Մենք չենք ուզում մեղիքներ, տանուտէրներ եւ շրջանապետներ եւ նոյնիսկ կառաւարութիւն»: Այս եւ տասնեակներով նման շարժումների մասին տեղեկագրում էր բարձրագոյն իշխանութեան իշխան Բէքրուտովը, որ եկել էր տեղն ու տեղը քննելու «Հայկական Մարզի» գիւղացիութեան գրութիւնը:

Նման բողոքներին եւ ըմբոստացումներին վերջ տալու եւ նոր տնտեսական ձեւերի առաջ ուղիները հարթելու նպատակով՝ կառավարութիւնը փորձում է լուծել գիւղացիական հարցը 1870 թ. Մայիսի 14 օրէնքով, որ, սակայն, իսպառ չոչնչացրեց կալուածատիրութիւնը, չվերացրեց նրա հետ կապուած աւատական-նիւթական արտօնութիւնները, չփոխանցեց յօգուտ գիւղացու կալուածական հողերը, չստեղծեց մանր գիւղացիական սեփականութիւն: 1882 թ. կառավարութեան միջամտութիւնն էլ մեծ դրական հետեւանքներ չունեցաւ: Ծիշդ է, կալուածատիրական հողերի մէկ մասը յանձնուած էր գիւղացիութեան, սակայն, այդ արւում էր այնպիսի բարձր գնով, որ գիւղացին անկարող էր վճարել եւ տէր դառնալ մի կտոր հողի: Եւ, ընդհանրապէս, հողային հարցը ամբողջ Այսրկովկասում չլուծուեց մինչեւ յեղափոխութիւն:

Մի հարց եւս հետաքրքրական է հայոց հասարակութեան կառուցուածքը եւ նրա արժէքը հասկանալու համար՝ ի՞նչ թիւ էր կազմում Ռուսահայաստանի ազնուական դասը: 1897 թ. վիճակագրութեամբ Այսրկովկասի մէջ հայ կալուածատէրերի թիւը հասնում էր 8511-ի, մինչ թուրք-թաթար ազնուականութեանը՝ 43,020-ի: Այս գոյգ թուերի համեմատութիւնը բաւական է կըշռելու համար թուրք-թաթար եւ հայ երկու հասարակութեանց որակը, արժէքն ու դերը: Հայ ազնուականութեան ստուար մեծամասնութիւնը կենտրոնանում էր քաղաքներում, մինչ թաթարականը՝ մնում էր կապուած իր կալուածներին, դառնում էր թաթար-թուրք զանգուածների ղեկավարը, այս պատճառով էլ նրա ճնշումն ու շահագործումը աւելի էր զգալի գիւղացիութեան վրայ: Հայ ազնուական դասը կարուելով հայկական հողից՝ կըտրում էր իր կապերը նաեւ հայութիւնից: Նա չէր ապրում համահայկական շահերով, չէր դառնում հայութեան քաղաքական ղեկավարը: Նա լծւում էր ռուսական սայլին, ձեռք էր բերում բարձր պաշտօններ եւ առաջնակարգ դիրք բանակում: Այս բոլո-



րի հետեւանքը եղաւ այն, որ 19-րդ դարի կէսերից վերսկսուող ուսաստանայ ազգային-գաղափարական եւ յեղափոխական շարժումների մէջ հայ ազնուական դասը որեւէ դեր չունեցաւ, ինչպէս եւ հայոց յեղափոխութեան մէջ, մինչ թուրք-թաթարական, ինչպէս եւ վրաց ազգային շարժումների գլուխը կանգնեցին կառուածատէր-ազնուականները: Հայ ազնուականը չունեցաւ իր նախնիքների առաքինութիւնները, զուրկ մնաց քաղաքական ոգորումներից եւ հայրենիքի գաղափարից:

## II

### ՀԱՅԿԱԿԱՆ ՀԱՐՑԻ ԾԱԳՈՒՄԸ

19-րդ դարի երկրորդ կիսին Օսմանեան կայսրութեան քաղաքական տագնապը աւելի է սաստկանում. կայսրութեան վարիչները ընդունակ չեղան լուծելու իրենց առաջ դրուած խնդիրները: Կայսրութիւնը ազդերի պետութիւն էր. նրա իշխանութեան տակ ապրում էին սլաւոն ժողովուրդները, արաբները, յոյները, ուսմանացիք, հայերը, քրդերը... Սրանք բոլորը զէնքի ուժով էին դրուուած եւ զէնքի ուժով պահուում էին կայսրութեան մէջ: Չունէին ոչինչ ընդհանուր տիրող ցեղի հետ՝ ոչ պատմական անցեալ, ոչ մշակոյթ, ոչ լեզու, ոչ էլ իրաւունք եւ օրէնք: Այդ ազգերն ապրում էին մէկ ընդարձակ տան մէջ, որ կոչուում էր Օսմանեան պետութիւն, բայց անհարազատ էին իրար, խորթ եւ թշնամի: Կայսրութեան դժբախտութիւնն այն էր, որ թուրքը, իշխող ազգը, գրաւիչ ոչինչ ունէր հպատակների համար՝ ոչ իր կառուցած վարչութիւնը, ոչ իր մշակոյթը, ոչ լեզուն: Ինքն էլ փոքրամասնութիւն էր ընդարձակ պետութեան սահմաններում: Նա չէր կարող եւ չեղաւ առանցքը կայսրութեան մէջ ապրող ազգերի հաւաքման: Ազգերն ու ցեղերը ապրեցին կողք-կողքի՝ իւրաքանչիւրը իր հոգսերով, իր ներքին գործերով: Կայսրութիւնը առնում էր նրանցից ինչ որ լաւ էր, կարող, պիտանի եւ ընդունակ եւ գործադրում իր գոյութեան տեւականացման համար: Ոմանք մատակարարում էին զօրք, ոմանք ուժեղացնում էին նրան առեւտուրի եւ արդիւնաբերութեան մէջ, ջանում էին տնտեսապէս բարձրացնել կայսրութիւնը: Ոմանք ծառայում էին նրան արհեստների եւ արուեստների մէջ: Ոմանք էլ իրենց վարչական կարողութիւնները նուիրում էին նրա վերանորոգման: Օսմ. կայսրութիւնը ստեղծուեց ու զարգացաւ իր մէջ ապրող բոլոր ազգերի նիգերով եւ ամենից քիչ թուրքի աշխատանքով: Նրա կառուցման, մեծացման վրայ աշխատեցին հպատակ ազգերը եւ բռնի ու կամաւոր թրքացածները: Ինքը՝ թուրքը մնաց զինուոր, բանակի վարիչ՝



միշտ զէնքը ձեռքին հսկայ պետութիւնը պահելու համար: Կայսրութեան պահպանումը դարձաւ թուրքի միակ մտահոգութիւնը: Եւ այս պահպանումն էլ նա չհասկացաւ որպէս ազգերի իրաւահաւասարութիւն՝ մարդու եւ քաղաքացու իրաւունքների գործադրումով: Ընդհակառակն, թուրքը շատ հեռու էր այս մտքից: Կար եւ մի այլ կարեւոր պատճառ Օսմանեան Կայսրութեան թուլութեան: Դարերի ընթացքում նրա հասարակական կազմը մեծ փոփոխութիւն չկրեց յարմարուելով նոր պայմաններին. 19-րդ դարում էլ մնաց նոյնը, ինչ որ էր 16-17-րդ դարերում: Նա կաղմուած էր միահեծան արքունիքից, մոլեռանդ կղերից, կալուածատէր, աւատատէր ընչաքաղց փաշաներից, զօրք ու զօրականներից եւ անբարոյացած, կաշառակեր պաշտօնեաներից: Սրանք ստեղծագործող ուժեր չէին, այլ սպառող ու վատնող: Բազմացեղ, բարդ կառոյց ունեցող պետութիւն զարգացնելը նրանց կարողութիւնից վեր էր:

Ճիշդ է, Օսմանեան Կայսրութեան վարիչները չէին կարող չհասկանալ, որ ընկերային նման կաղմով եւ պետական նման մեքենայով յարատեւել եւ իրենց գոյութիւնը պահել չէին կարող. այստեղից էլ՝ բարենորոգութեան բազմաթիւ փորձերը: 19-րդ դարի Օսմ. Կայսրութեան պատմութիւնը բարենորոգութիւնների պատմութիւն է իբրեւ հետեւանք ներքին եւ արտաքին պայմանների: Պէտք էր նոր սկզբունքների վրայ վերակառուցել բազմալեզու, բազմակրօն պետութիւնը. պէտք էր աւելի սերտ կապերով միացնել ազգերին ու ցեղերին կայսրութեան հետ: 1839-ի Խաթը Շէրիֆը, 1856-ի Խաթը-Չիւմայիւնը, 1876-ի Միդհատեան Սահմանադրութիւնը, 1908 թ. յեղափոխութիւնն ու Սահմանադրութեան հռչակումը փորձեր էին նոր ուղիների վրայ գնելու կայսրութիւնը: Նրանք աւետում էին ազգերի ու ժողովուրդների նոյնիրաւութիւն, իրաւահաւասարութիւն, ապահովում էին խրդձի, կրօնների ազատութիւնը եւ անձի եւ ստացուածքի անձեռնմխելիութիւնը, բոլոր ժողովուրդների հաւասարութիւն դատարանի եւ օրէնքի առաջ: Բարենորոգութեան պիտի ենթարկուէր ամբողջ պետական մեքենան՝ վարչութիւն, զինուորագրութեան ձեւ, հարկաբաշխում, հողային հարց: Ստեղծուելու էր ազատ, նոյնիրաւ Օսմանեան քաղաքացիների հասարակութիւն: Կայսրութիւնը բռնելու էր եւրոպական ազգերի քաղաքական հոլովոյթի ուղին: Բայց բարենորոգումների այս բոլոր փորձերը անցան ի դուր: Չյաջողեցին, որովհետեւ թուրք հասարակութիւնը ինքը հնամենի էր, չունէր իր մէջ այն ուժերը, որոնք նեցուկ կարողանային լինել իշխանութեան, կենսականօրէն շահագրգռուած լինէին պետական բարենորոգումներով: Չկար եւ հասունացած,



գիտակից քաղքենի դաս, առեւտրական-արդիւնաբերական բուր-  
ժուաղի եւ լուսամիտ մտաւորականութիւն: Թուրքը, որի ձեռ-  
քում էր գտնուում պետութեան ղեկը, տղէտ, մոլեռանդ կղերի,  
կաշառակեր եւ հայրենասիրութիւնից զուրկ պաշտօնեաների, հե-  
տըհետէ ուղղման անհաւանական կորցնող ղինուորականութեան  
եւ ախտի ու տգիտութեան մէջ թաւալուող կալուածատէրերի ու  
խաւարամիտ գիւղացիների հասարակութիւն էր: Սրանք ոչ միայն  
բարենորոգութիւնների պահանջը չէին զգում, այլեւ խստորէն հա-  
կառակ էին:

Բարենորոգումները պետական ղեկավարութեան համար  
նպատակ չէին, այլ միջոց միայն արտաքին միջամտութիւններից  
ազատուելու, նոր միջամտութիւնների առիթներ չստեղծելու,  
որպէսզի մեծ պետութիւնները պատճառ բռնելով Օսմանեան ղե-  
կավարների պետութիւնը կառավարելու անընդունակութիւնը՝  
չանհանգստացնէին իրենց. «Բարեկարգութեան բոլոր փորձերը կը  
բխէին գլխաւորապէս Օսմ. կայսրութեան ամբողջականութիւնը  
պահպանելու եւ աստիճանական անդամահատումի ու վերջնական  
անկումի առաջը առնելու մտահոգութենէն, ոչ թէ արդիական,  
յառաջադէմ, բոլոր բաղկացուցիչ տարրերուն համար ընդունելի  
պետութիւն եւ կարգ առաջացնելու հոգէն: Թուրք ժողովրդի հո-  
գիին խորք էր ամէն արմատական յեղաշրջում եւ խորք մնաց  
մինչեւ վերջը: Թրքական բնագոյն անհարազատ էր քրիստոնեայի  
հետ հաւասարութեան գետնի վրայ կենցաղ ստեղծել ու չստեղ-  
ծեց», ճիշդ կերպով բնորոշում է Ա. Կեսար՝ «Հայկական հարցը  
19-րդ դարուն» յօդուածում\*): Խնդիրն, ի հարկէ, վերաբերում  
էր ոչ «թրքական բնագոյն», ոչ «թուրք մտայնութեան», այլ ըն-  
կերային հոլովոյթի այն աստիճանին, որի վրայ գտնուում էր  
կայսրութեան վարիչ ազգը՝ Թուրքը, որ իր մէջ չունէր բարենո-  
րոգութիւն ցանկացող, յեղաշրջող ուժեր: Այստեղից էլ՝ «հին  
մտայնութիւնը» եւ «թրքական բնագոյնի» տեւականութիւնը:

Միաժամանակ, բարենորոգումների այս անյաջող փորձերի  
հետ, զարգանում էր մի ուրիշ երեւոյթ. հպատակ ազգերը, մա-  
նաւանդ քրիստոնեաները, ջանում էին ազատագրուել թրքական  
լուծից, անջատուել Օսմանեան կայսրութիւնից: Անջատման այս  
չարժումը սկսուեց Բալկանեան սլաւներից եւ յոյներից: Ազատա-  
գրուեցին Յունաստանը, Սերբիան: Աւելի ուշ նրանք պիտի պայ-  
քարէին իրենց հողերի ամբողջացման համար: Եգիպտոսը բռնեց  
ինքնավար դոյութեան ուղին, որ հետագային նրան պիտի հաս-  
ցընէր լիակատար անկախութեան: Ռումանիան դարձաւ սկիզբը

\*) «Վէմ», 1938, ԻԴ, էջ 7:



ինքնավար երկիր, ապա՝ միանգամայն անկախ պետութիւն: Անկախութիւնները եւ անջատման այս գործողութիւնը ապացոյց էր, որ հպատակները վստահութիւն չունէին Օսմանեան պետութեան վերակառուցման փորձերի վրայ: Ազատագրութեան նոյն փաստերի թուին է պատկանում նաեւ Հայոց Ազգային Սահմանադրութեան հրատարակութիւնը, որ մէկ անկատար փորձ էր հայերին բաւարարելու: Նոյն բնոյթն ունէր նաեւ քրդական ապրտամբութիւնը, թէեւ սրա ղեկավար ուժերը հիմնովին տարբեր էին քրիստոնէայ ազգերի մէջ գործող ուժերից:

Եթէ համապետական չափանիշով բարենորոգութիւնները ունեցան անյաջող վախճան, բուն Հայաստանում նրանք բնաւ արձագանգ չգտան եւ նուազագոյն չափով իսկ չկիրառուեցին: Ընդհակառակը, բարենորոգումների անյաջողութիւնը եւ Բալկանեան ժողովուրդների ազատագրութիւնը նորանոր, դժուար ու ծանր պայմաններ ստեղծեցին հայութեան համար: Թուրք ղեկավար շրջաններում արժատացաւ այն միտքը, թէ կայսրութիւնը բարենորոգումների միջոցով անկարելի է փրկել, քանի նրա սահմաններում գոյութիւն ունեն ոչ-թուրք մեծամասնութիւն կազմող ժողովուրդներ: Միաժամանակ Բալկաններում տեղի ունեցող ապստամբութիւնները եւ օտար միջամտութեամբ ձեռք բերուած աղգային անկախութիւնները, Օսմանեան կայսրութեան վարիչներին բերին այն համոզման, որ կայսրութեան ապագան Փոքր Ասիայի մէջ է, ուր թուրքը կազմում է բնակչութեան մեծամասնութիւնը: Այստեղից՝ եւ նոր վերաբերում դէպի հայութիւնը:

Պատմական այս դէպքերի ազդեցութեան տակ, 1868 թուին, թուրք հասարակութեան մէջ ծնունդ է առնում «Իթթիհատ» քաղաքական կուսակցութիւնը, որի շուրջ համախմբուած են թուրք մտաւորականութիւնը եւ պետական գործիչներ: «Իթթիհատը» հետապնդում էր Օսմանեան կայսրութեան պահպանումը, թուրքի դերադասութեան ապահովումը: Նրա քաղաքական ծրագիրն էր՝ կայսրութիւնը թուրքերի համար: Այս ծրագրի հիմքով էլ մշակուեց նոր գաղափարախօսութիւն, որի հովովոյթի երկու փուլերն են՝ համալսամութիւնը եւ համաքրքութիւնը: Եւ այս նոր քաղաքականութիւնն ու նոր գաղափարախօսութիւնը ամենէն դաժան ու քայքայիչ ձեւով գործադրուեցին հայութեան վերաբերմամբ:

Հայ հասարակական գործիչներից շատերը չհասկացան Օսմանեան թուրքերի հետապնդած նպատակները. նրանք կարծում էին, որ հարստահարութիւնները արդիւնք են միայն ապիկար ու անբարեխիղճ պաշտօնէութեան եւ բարբարոս քրդութեան: «Բա-



րեխնամ» իշխանութիւնը դեր չունէր եւ պատասխանատու չէր: Հայոց հասարակական հոսանքների մէկ թելը չափազանց նուիրուած էր Օսմանեան պետութեան եւ նրա վարիչներից էր սպասում հայութեան բախտի տնօրինութիւնը: Բայց շուտով սրանք էլ համոզուեցին, որ թրքութիւնը իր բոլոր խաւերով ու քաղաքական վարիչներով հետապնդում է շատ որոշ նպատակ՝ քուլագնել, իսպառ ոչնչացնել հայութիւնը իր պատմական հայրենիքում: Այս նպատակով, 19-րդ դարի կէսերից սկսած, մեծ քայլեր էին արւում Հայաստանը թրքացնելու համար. քաղաքները լցւում էին թուրքերով, ստեղծւում էր թուրք զիւղացիութիւն, Բալկաններին եկող դաղթականներին եւ կովկասից զաղթող չէրքէզներին տեղաւորում էին հայկական հողերի վրայ, պետական պաշտօնեաների թիւը աւելացւում էր, զօրք ու զինուոր, ոստիկանութիւն էին լեցնում Հայաստանի քաղաքներն ու գիւղերը: Սրանցից շատերը ներելի եւ աններելի միջոցներով հարստանում էին, դառնում մնայուն բնակիչ՝ գրաւելով քրիստոնեաների կալուածները: Եթէ Օսմանեան Հայաստանը դարի առաջին կիսին քրդանում էր, երկրորդ կիսին նա սկսում էր թրքանալ, թէպէտ դանդաղօրէն: Թրքացման այս գործողութիւնը ուղղուած էր արեւմուտքից արեւելք եւ 19-րդ դարի վերջին դեռ եւս իր մէջ չէր առել բովանդակ Հայաստանը:

Պատմական իրադարձութեանց հետեւանքով հայութեան հայրենիքը կենսական արժէք էր ստանում թուրքի եւ կայսրութեան տալազայի տեսակէտից: Հայաստանի համար այժմ պիտի պայքարէին երեք ուժեր — նրա քաղաքական տէրը՝ թուրքը, նրա պատմական տէրը՝ հայը, նրա իրական տէրը՝ քուրդը: Թուրքը Հայաստանը համարում էր իր հայրենիքի անբաժան մասնիկը, առանց որի իր տիրապետութիւնը Փոքր Ասիայում իսկ կը վրտանդուէր: Քուրդը տարբեր ձեւով Հայաստանը դարձնում էր քրդական երկիր: Վերածնունդ հայը իր պատմական հայրենիքը աշխատում էր վերապահել իրեն եւ այնտեղ տեւականացնել ու կառուցանել իր ապագան: Եթէ դարի առաջին կիսին Հայաստանին տիրելու համար պայքարում էին թուրքը եւ քուրդը, երկրորդ կիսին մրցողների շարքում աւելացել էր եւ երկրի բնիկ տէրը՝ հայը: Այս է իմաստը 19-րդ դարի վերջին կատարուած քաղաքական մեծ դէպքերի՝ Հայկական Հարցի եւ հայ հասարակական գործիչների ու մտաւորականութեան հետապնդած նպատակների: Բայց որպէսզի այս պայքարը յաջողութեամբ տարուէր, հայութիւնն ինքը պէտք է վերակառուցուէր, հոգեկան յեղաշրջման ենթարկուէր: 50-80 թուերը իրօք այդ վերակառուցման շրջանը եղան՝ պայծառ ազգային ինքնաճանաչութեամբ օժտուած հա-



յութիւն ստեղծելու համար: Վերստեղծման այս գործը տեղի էր ունենում, որպէս հակազդեցութիւն պետութեան քայքայիչ քաղաքականութեան: Ճիշդ է, 80-ական թուերին էլ շատերը այն համոզումն էին, որ հայութեան սպազան թուրքիոյ մէջ է, բայց եւ տեսնում էին, որ հայութիւնը այնտեղ դանդաղօրէն սպառւում է, փոքրանում է որպէս քանակ, դիմազրկւում է որպէս որակ. հայ հայրենիքը կորցնում է ազգային-հայկական նկարագիրը, թրքանում եւ քրդանում է: Ո՞րն էր այն միջոցը, այն ոյժը, որ պիտի փրկէր հայութիւնը եւ հայ երկիրը նորէն դարձնէր հայոց հայրենիք, Հայաստան:

Տեսանք արդէն, որ 70-ական թուականներից սկսած հայ զիւղացիութեան կացութիւնը Օսմանեան պետութեան մէջ խիստ ծանրացաւ: Նախ՝ նիւթապէս. հարկերը կրկնապատկւում են ու եռապատկւում: Պետութեան ծախքերն աւելանում են. պատերազմը, բանակը, պաշտօնէութիւնը, արտաքին փոխառութիւնների հատուցումները, պալատը արտակարգօրէն մեծ դրամ են պահանջում: Դրամի հայթայթումը մեծ մասամբ ընկնում է քրիստոնեայ բնակչութեան վրայ: Բալկանեան ժողովուրդների ինքնավարութեամբ կամ անջատումով հարկատուների շրջանը սեղմւում է. այժմ Փոքր Ասիայում եւ Հայաստանում ապրողները պիտի վճարէին նրանց փոխարէն էլ: 1835-1860 թուերին երկրագործական բերքերից հարկ առնում էին միայն ցորենից եւ դարուց, այժմ հարկի են ենթարկւում զիւղատնտեսութեան բոլոր ճիւղերն ու բոլոր անասունները, բոլոր հանքերը: Գանձւում են ճանապարհի տուրքեր, մենաշնորհի՝ մոնոպոլի տուրքեր: Զինուորական տուրքերը կրկնապատկւում են. տուրք առնում են նաեւ զինուորական տարիքին չհասածներից եւ զինուորական տարիքը վաղուց անցածներից. շատ յաճախ՝ մեռածներից էլ: Ամէն տեւակ կենդանիների տուրքերը քսան տարուայ ընթացքին եռապատկւում են: Բաւական չէ, որ տուրքերը արտակարգ չափի են հասնում, այլեւ աւելի խիստ, դաժան ձեւով են հաւաքւում: Հարկերի մեծ մասը տրւում է կապալառուներին, որոնք պաշտօնեաների ու զինուորների օժանդակութեամբ անխղճօրէն շահագործում են զիւղացիներին: Հարկատուն կապալառուի եւ պաշտօնեայի հանդէպ ոչ մէկ պաշտպան չունի: Իր կեանքը, դոյքը, տարեկան հասոյթը վաշխառուների, կապալառուների ձեռքին է, կախուած է նրանց քմահաճոյքից: 1895-ին, Տալուրիկի եւ Սասունի ու շրջակայքի բնակչութեան ներկայացուցիչները մի ընդարձակ զեկուցում են ներկայացնում «առ բարձր քննիչս եւրոպական մեծ պետութեանց», որի մէջ յիշում են հետեւեալ հարկերը, որ այդ աղքատ, լեռնային վայրերից իշխանութիւնը հա-



ւաքում էր. գլխահարկ, հողային հարկ, թէմէթու, ոչխարի տուրք, ինթիզալ, բնակարանաց հարկ, կրթական տուրք, ճանապարհաց, կամուրջների տուրք, ննջեցելոց գոյից տուրք, տասանորդի տուրք:

Տասանորդի՝ աշարի տուրքի տակ հասկացւում էր ցորենի, դարու եւ ընդհանրապէս հացահատիկների, այգիների եւ զանազան արմտիքներից եւ խոտից գանձած տուրքը: Երբեմն տասանորդը իջնում է մէկ եօթներորդի, իսկ շատ յաճախ «խեղճ գիւղացիին հետ կիսովին կը բաժնեն»: «Այս ամէն գրկանքները թէեւ օրինաց հակառակ են եւ ժողովուրդը կը բողոքէ կառավարութեան, սակայն, դատաւորներ պաշտպան եւ շահակից են միւլթէգիմին, ուստի եւ անլսելի կը մնայ բողոքն, եւ խեղճ գիւղացին ձեռք ծոցը դրած՝ յուսահատ տուն կը դառնայ»\*):

Բայց աւելի ծանր է հարկերի եւ տուրքերի հաւաքման ձեւը. բերենք մի օրինակ միայն նոյն փաստաթղթից. «կառավարութիւն յատուկ ռասիկաններ ունի, գորս կը գործածէ տրոց հաւաքման: Ամբողջ տարին անոնք գիւղերու մէջ փոփոխակի կը շրջեն ձիով. իրենց ուտելիքը պէտք է լինի մսեղէն, իւղեղէն, կաթնեղէն եւ համադամ խորտիկներ. ձիոց ալ՝ գարի, խոտ, յարդ, եւ մէկ ռասիկանի ծառայութեան համար ալ երկու մարդ՝ մէկն իրեն եւ միւսն ալ ձիուն... Երբ գիւղի մէջ մուտ կը գործեն, իբր մեծ բընաւոր կը վարուին ժողովրդեան հետ. մինչ կէս գիշեր տնէ տուն հաւաքելով մարդիկ կը բանտարկեն իրենց իջեւանի ախոռի մէջ, ապա՝ մէկիկ մէկիկ կանչելով, տուրք տուողներ ծեծելով՝ կ'արձակեն, իսկ մնացեալ անկարողներն չուանով մը սեան կը կապեն պինդ եւ մերկացնելով կամ հանդերձներով՝ կ'ժով ջուր կը լեցնեն գլխուն եւ կը ծեծեն, նրազ գլխու վրայ վառ կը դնեն՝ պահանջելով, որ անշարժ մնայ մինչեւ առաւօտ... Ոմանց ալ անասնոց եւ կենդանեաց աղբերով բերաննին եւ երեսնին կ'ածեն, այլեւայլ չարչարանքներ կուտան, մինչեւ որ մարդ կը պարտաւորուի կամ իր անասունը եւ կամ իր ստացուածքը կ'իսագնով՝ 100 դուրուշի բանը 20-30 դուրուշի վաճառել այն մտավաճառին, որ հետերնին կը տանին շահակից լինելու համար»... Այս դրութիւնը բացառութիւն չէր, յատուկ չէր միայն Սասունի եւ Տարօնի հայութեան, այլ ընդհանուր երեւոյթ էր՝ համատարած ամբողջ Օսմանեան Հայաստանում:

Եւ ոչ միայն պետութիւնն էր հարստահարում հայ գիւղացուն՝ կապալառուների, «աշար գնողների», միւլթէգիմների, պաշտօնեանների, ռոտիկանների ու վաշխառուների միջոցով, այլեւ

\*) «Իրօշակ», 1912 թ., էջ 252:



քուրդը իր դեկավար, աւատատէր վերնախաւով: Նա եւս փորձում էր իր իշխանութեան նիւթական հիմքերը կանոնաւորել, պատահական եւ անկանոն բերքազաւաքումը, աւատական պարտաւորութիւնները վերածել մնայուն եւ կնոնաւոր ստացող հարկերի: Գիւղացին այժմ հարկ էր վճարում թէ՛ պետութեան եւ թէ՛ քուրդ աւատատէրերին, անձնական ծառայութիւնները մատուցանում էր երկուսին էլ, որով սպառում էին նրա աշխատանքի օրերը: Առանց որեւէ վարձատրութեան նա պարտաւոր էր աշխատել ճանապարհներ, կամուրջներ, տներ, զօրանոցներ կառուցանելու համար: Քուրդին տրուելիք դրամը, բերքը առնւում էր նոյն, երբեմն աւելի խիստ, դաժանութեամբ, ինչ որ իշխանութեանը: «Քուրդ աշիրէթներու ապրուստը ամբողջովին հայոց վրայ է. անոր համար ցերեկ ատեն կուգան բան մը կը պահանջեն՝ կամ ցորեն կամ անասուն, եթէ խեղճը առ աղփատութեան չկարողանայ գոհացնել զինքը, զիշեր մարագ, խոտի դէզ կամ ցորենի բարդոցներ կ'այրեն. այս երկիւղէն թշուառ ժողովուրդը կը պարտաւորուի իր ամէն պահանջքը լեցնել»\*)...

Այս բոլորի՝ ծանր հարկերի, դաժան տուրքազաւաքման, տեւական կեանքի եւ գոյքի անապահովութեան հետեւանքով քայքայւում, կործանւում են հայ գիւղացու ընտանիքն ու տնտեսութիւնը: Գերդաստանի անդամներից շատերը՝ կենսունակն ու աշխատունակը լքում են տունն ու տեղը եւ դիմում պանդխտութեան: Նոյն տեղեկագիրը յիշում է, որ Սասունի, Տալուորիկի ամէն գիւղ 30-50 ընտանիք պանդուխտներ ունի: Գաղթածների տուրքերն էլ իրենց բոլոր ձեւերով բարդւում են գիւղում մնացածների վրայ: Բնական է, որ այսպիսի պայմաններում ապրող հայ գիւղացին պիտի տառապէր աղքատութեան եւ տգիտութեան մէջ՝ առանց որեւէ տեղից յոյսի նշոյլ տեսնելու: «Օսմանեան դատարանի հայու վերաբերեալ եւ ոչ մի դատարարութեամբ չեն վրձնել, այլ ստոր պաշտօնեայէն սկսեալ մինչեւ ամեմամեծն՝ կաշառքով գործ կը տեսնեն եւ արդարութիւնը անոր կը գոհեն: Դատարանի բուրդի վկայութիւն հայի դէմ անմիջապէս կ'ընդունին, իսկ հայի վկայութիւն սնուտի պատճառով կը մերժեն, եւ բուրդն անմեղ կը հռչակուի»...

Օսմանեան Հայաստանում, 70-80 թուականներին, հայ գիւղացին ապրում էր ֆայֆայման, անկման մի շրջան, որ ոչ միայն նրա տնտեսական փչացումն էր, այլ եւ հայոց հայրենիքի կորուստը եւ հայ ժողովրդի աստիճանական մահացումը: Հայութիւնը ցրւում էր, փախչում իր հայրե-

\*) «Դրօշակ», 1912, էջ 252-53:



նիքից, դադարում էր Կ. Պոլիս, ծովափնեայ քաղաքները, Կովկաս, Բալկանները, Պարսկաստան, աւելի ուշ՝ հեռաւոր Ամերիկա: Եւ եթէ ի նկատի ունենանք, որ հայութեան մեծագոյն մասը դիւղացիութիւնն էր՝ հայ հայրենիքի պահողը, ապա պարզ կը լինի, թէ ինչ ահաւոր հարուած էր հասնում հայութեան եւ Հայաստանի վերակառուցման գործին: «Հայի ապագան Տանկաստանումն է, աւում են կարգատեսները: Մենք չենք հասկանում, թէ ինչ ապագայ կարող է լինել մի երկրում, ուր կեանքի եւ կայքի ապահովութիւն չկայ» դառնութեամբ գրում էր Բաֆֆին: Վերլուծելով հայոց հասարակութեան կառուցուածքը՝ Բաֆֆին գտնում էր, որ նա ունի վաճառականների եւ «հողագործ մշակներին» դաս: Սպանիչ խօսքերով որակում է նա հայ վաճառականներին, որոք չունին ոչ անձնական եւ ոչ հասարակական արժանապատուութիւն: «Մնում է մշակ դասը, որ հասարակութեան գլխաւոր ուժն է կազմում. նա իր հայրենի երկրում հանգստութիւն եւ ապրուստ չգտնելով՝ իր կեանքը նոյնպէս պանդխտութեան մէջն է անցկացնում եւ նրա ամուր ձեռքերը, որ հայրենի հողը պէտք է մշակէին, մեծ ֆաղափներում զբաղուում են ստոր ծառայական պարապմունքներով: Եւ մշակը, արդար երկրագործը, ժողովրդի պարէնը հայթայթողը դառնում է համալ, բեռնակիր, գրաստ»\*):

Պանդխտութեան եւ հայրենի հողի կորստի մասին խօսում են ժամանակի դրեթէ բոլոր հայ հրապարակագիրներն ու հասարակական գործիչները, ամբողջ հայոց մամուլը, վէպն ու բանաստեղծութիւնը: Դեռ 60-ական թուերի սկզբներից դադարականութեան հարցի վրայ ուշադրութիւն էր դարձրել մեր մեծագոյն հրապարակախօսը՝ Մ. Նալբանդեանը. «Ազգը, գրում էր նա, օր քստ օրէ քոզնում է իր երկիրները եւ կենտրոնանում է ֆաղափներում: Ազատութիւնը ստիպում է նրան քոզնել իւր տունը, իւր ընտանիքը, իւր ամուսինը, իւր զաւակները եւ գնալ Պոլիս եւ այլ ֆաղափ՝ ազատութիւնից ազատուելու համար: Բայց այս տեղերում եւս նրա հանդէպ դուրս է գալիս էապէս նոյն ազատութիւնը»\*): Նոյն պանդխտութեան աւերիչ հետքերի մասին խօսում են նաեւ Խրիմեանը, Սրուանձտեանը եւ ուրիշներ: Գաղթը դառնում էր հասարակական չարիք, որի պատճառը տնտեսական լինելուց առաջ քաղաքական էր: Տեսանք արդէն, թէ ինչ դիւային նպատակներով թուրք իշխանութիւնը Հայաստանում հաստա-

\*) «Տանկասիայք», էջ 82-83:

\*\*) Մ. Նալբանդեան, «Երկերի Լիակատար ժողովածու», 1940, Երեւան, հատոր Գ., էջ 68:





V. Աւագրանյան

տեց Կովկասեան չէրքէզներին եւ Բալկանեան դաղթականներին : Օսմանեան քաղաքական ղեկավարները նրանց միջոցով հետապնդում էին Հայաստանի թրքացման ծրագիրը : Միեւնոյն նպատակով կազմուեցին եւ քրդական Համիտիէ զօրամասերը, որոնք, իբր թէ, սահմանների պաշտպանութեան էին սահմանուած, բայց փաստօրէն կոչուած էին պատուհասելու հայութիւնը : Քուրդն ու թուրքը սերմանում էին ընդհանուր անիշխանութիւն, որ սպանիչ էր գլխաւորապէս հայութեան համար : Անիշխանութիւնը դառնում էր քաղաքական միջոց՝ հայութիւնը փոշիացնելու :

Մինչեւ 60-ական թուականները Հայաստանի զանազան մասերում դեռ գոյութիւն ունէր զիւղացիական մասնաւոր հողատիրութիւն, որ ազատ էր քրդական աւատատէրերի իշխանու-



թիւնից եւ հարկատու էր միայն պետութեան: Բայց յետոյ, տեւական եւ համատարած անիշխանութեան հետեւանքով, ազատ գիւղացիութիւնը սկսեց կորցնել ե՛ւ իր հողը ե՛ւ անձնական ազատութիւնը: Քրդական իշխող դասը եւ թուրք պաշտօնէութիւնը գրաւեցին նրա հողերը, որով աստիճանաբար չափազանց նուազեց այս կարգի հողատիրութիւնն ու գիւղացիութիւնը: Պարբերական հողագրկման հետեւանքով ստեղծուեց հողազուրկների մի դաս, որի միակ հարստութիւնը իր երկու ձեռքերն էին: Այդ դասն էլ, շատ յաճախ, պանդխտութեան էր դիմում, կամ քուրդ ու թուրք կալուածատէրերի տներում ծառայ մտնում: «Իրաւականօրէն ազատ եւ սեփականատէր համարուող գիւղացին մշտապէս ենթակայ էր անլուր անշումների, հալածանքների եւ հետապնդումների: Ամէն մի քիչ թէ շատ ուժեղ բէկ, աղա կամ թռռուն կարող էր առանց դժուարութեան խլել գիւղացիների հողը, տունը եւ կայքը: 1870-ական թուականներին, երբ քրդական վերնախաւը իր օր աւուր անող տնտեսական պահանջները բաւարարելու համար սկսեց մեծ կուտակումներ կատարել, արեւմտահայ գիւղացիութեան հողերի բռնագրաւումը ստացաւ մասսայական կերպարանք», խոստովանում է սովետահայ պատմագէտը\*):

Այսպիսի պայմաններում էր ապրում հայ ժողովրդի մեծագոյն մասը 19-րդ դարի երկրորդ կիսին: Քուրդն ու թուրքը միացել էին՝ հայութեան դէմ կազմելով պայքարի ընդհանուր ճակատ: Անհնար էր այս հակադրութիւնը լուծել խաղաղ ճանապարհով՝ համաձայնութեամբ: Դրա համար պէտք էր մէկ բան, որ թուրքն ու քուրդը նանաչէին հային որպէս իր հողի տէր, տային նրան կեանքի եւ գոյքի ապահովութիւն, երաշխաւորէին նրա գոյութեան տարրական պայմանները, ստեղծէին մի միջավայր, ուր հայը կարողանար անկաշկանդ զարգանալ եւ գործօն դեր խաղալ իր բախտի տնօրինման մէջ: Հայի համար այս կենսական պայմանները անկարող էին ստեղծել թուրքը եւ քուրդը՝ այդ պատճառով ծագեց Հայկական Հարցը:

### III

ԻՐԵՐԻ ՏՐԱՄԱԲԱՆՈՒԹԻՒՆԸ

ԱԶԳԱՅԻՆ-ՔԱՂԱՔԱԿԱՆ ՅԵՂԱՓՈԽՈՒԹԻՒՆԸ

Արդ՝ ի՞նչ էր անում հայութիւնը իր գոյութեան, իրաւունքների, իր հողի եւ ազատութեան համար: Եթէ թուրքն ու քուրդը

\* ) «Տեղեկագիր Հայկ. Գիտ. Ակադեմիայի», 1940, քիւ 10, էջ 45:



քայքայում եւ ոչնչացնում էին հայութիւնը, ապա փրկութեան եւ վերակառուցման ի՞նչ միջոցներէ էր դիմում հայ ղեկավարութիւնը: Այդ հարցի նկատմամբ հայ հասարակական միտքը մատնանշում էր երկու ուղի: Մէկը մշակում էր բուն երկրից դուրս գտնուող հայութեան շրջաններում, միւսը՝ Հայաստանում ապրող ղեկավարութեան մէջ: Կայսրութեան ծովափնեայ քաղաքներում, յատկապէս Կ. Պոլսում հայերը մեծ թիւ էին կազմում եւ ապրում էին հաւաքական-ազգային հարցերով: Նրանք գտնուում էին, համեմատաբար, աւելի ապահով պայմանների մէջ. նիւթապէս բարգաւաճ էին, առերեւոյթ եւրոպականացած, դործնական մարդիկ էին, հաղորդակցութեան մէջ էին Արեւմուտքի հետ եւ մեծ արհամարհանք ունէին այն գաղթականների հանդէպ, որոնք փախչում էին «երկրից» եւ լցւում ծովափնեայ քաղաքները: Գաղթականութեան հարցը նրանց համար քաղաքական հարց չէր. նրանք բաւականնում էին չնչին բարեգործութեամբ օգնելով նրանց: Հայ առեւտրական այս շրջանակից էր, որ 19-րդ դարի կէսերին առաջացաւ մտաւորականների մի ստուար խաւ, որ ձրգտում էր տեղ գրաւել հասարակական կեանքում: Նրա դործի ապարէզը շատ նեղ էր եւ ոչ էլ հռչակ կամ անուն ապահովող: Հայոց միջավայրը դործ եւ դէրք չէր տալիս բոլորին, ուստի նրանցից շատերը իրենց կարողութիւնները ի սպաս էին բերում Օսմանեան Կայսրութեան՝ դառնալով նրա շինարարական դործի վարիչներ եւ քաղաքական խորհրդատուներ: «Թուրքահայ բանկային կապիտալի հետ կապուած այս սերնդի միջից էր հենց, որ Սուլթանի Մէջիդի ժամանակներից ի վեր ասպարէզ ելան պոլսահայ դիւանագէտներ, ֆարտարապետներ, փաստաբաններ, վառօդապետներ: Սէրվիչէնից եւ Օտեանից գատ յայտնի դարձան նրանց համախոհները՝ Տատեան, Պալեան, Ռուսինեան, Երամեան եւայլն: Երամեանն ազդեցութիւն ունէր Սուլթանի Ազիզի պալատում, Սէրվիչէնը եւ Գր. Աղաթօնը Ալի եւ Ֆուատ փաշաների բարեկամներն էին: Հանրաժանօք է, վերջապէս, Օտեանի եւ Միդիատի մտերմութիւնը»\*)

Սրանք եւ սրանց դործակիցները եղան 60-ական թուերին Ազգային Սահմանադրութեան մշակողները, որի աղբիւրն էր 1856-ի Խաթը Հիւմայիւնը: Նա խոստանում էր քրիստոնեայ ազգերի առանձնանշորհումները վերամշակել, «սահմանել ժամանակի եւ ֆաղափակրթութեան պահանջած բարենորոգումները»: Կ. Պոլսի մտաւորականութիւնը եռանդով դործի լծուեց եւ հա-

\*) Մ. Նալբանդեան, «Անտիպ Երկեր», էջ 413. Ա. Յովհաննիսեանի մեկնութեամբը:



սարակական բուն ու երկար պայքարից, զանազան նախադժեր մշակելուց եւ վերամշակելուց յետոյ, ամբողջացրեց 1863 թուի Ազգային Սահմանադրութիւն, որով հայութիւնը դառնում էր ուրոյն կրօնական համայնքի Օսմանեան պետութեան սահմաններում: Ըստ էութեան, Սահմանադրութեամբ փաստօրէն դոյութիւն ունեցող իրաւասութիւնները եւ կազմակերպութիւնները օրինական ձեւ էին ստանում: Հայ համայնքը ստանում էր եկեղեցական-վարչական, կրթական, բարեգործական եւ կալուածային իրաւունքներ: Նա ինքն էր վարում իր ներքին կեանքին վերաբերող գործերը, որոնք քաղաքական-պետական բնոյթ չէին կրում: Ըստ այսմ հայը դառնում էր ենթակայ երկու իշխանութեան. պետութեան հպատակն էր եւ ունէր նրա հանդէպ այն բոլոր պարտաւորութիւնները՝ ինչ որ ամէն հպատակ. հայ կրօնական համայնքի անդամ էր, որի իրաւասութիւնները որոշուած էին Ազգ. Սահմանադրութեամբ: Այս կրօնա-ազգային միութեան փաստացի ղեկավարութիւնը անցաւ Կ. Պոլսի հայ բուրժուազիայի ձեռքը: Սահմանադրութեան «հիմնական սկզբունքները» «ազգի» բոլոր անդամների իրաւահաւասարութիւն՝ նրանց իրաւունքների եւ պարտականութիւնների մասին լոկ վերացական գաղափարներ էին՝ քաղած Ֆրանսական Մեծ Յեղափոխութեան գաղափարների շտեմարանից: Նրանց միջոցով Պոլսի բուրժուական մտաւորականութիւնը իր ձեռքն էր առնում ազգային հաստատութիւնները՝ եկեղեցական վարչութիւն, դպրոց, մշակոյթ: «Ազգը» Պոլսի հայութեան հարուստ դասն էր: Հայաստանի եւ գաւառաբնակ հայութիւնը երկար ժամանակ անհաղորդակից մընաց Սահմանադրութեան ընծայած բարիքներին:

Կայսրութեան ղեկավարները կարծում էին, թէ Ազգային Սահմանադրութեան յայտարարումով բաւարարած կը լինեն հայ հասարակութեան պահանջներին եւ, հետեւաբար, հայ-թուրք յարաբերութիւնները կ'ընթանան դոհացուցիչ ձեւով: Եւ, յիրաւի, Սահմանադրութիւնը մշակող Պոլսի հայ մտաւորականութիւնը աւելի մեծ պահանջներ չունէր: Սահմանադրութեամբ նա լուծուած էր համարում հայութեան վերաբերող բոլոր հարցերը: Մոռացւում էր, սակայն, որ հայ ժողովուրդը կարիք ունէր ապահովութեան, հողի, ջուրի, որի տէրը այլեւս ինքը չէր. որ հայը որպէս անձ, բարոյական արարած դիմում էր դէպի կորուստ, դառնում էր ճորտ: Անտեսւում էր, որ Հայկական Հարցը ամենից առաջ քաղաքական եւ ընկերային հարց էր, որ Սահմանադրութեան ընծայած միջոցներով լուծել անկարելի էր: Կ. Պոլսի հայ քաղքենին այսպիսի հարցեր չէր դնում, որովհետեւ նման հարցադրութիւնը պիտի առաջնորդէր ուրիշ գործելակեր-



պի, որին աննըդունակ էին Սահմանադրութեան հեղինակները:

Սէրվիչէնը, այս հոսանքի ամենէն փայլուն դէմքերից մէկը, մտահոգուած էր հայոց ազգային եւ համապետական շահերի համաձայնութեան խնդրով. «Մենք պաշտօն ունինք, ասում էր նա, ոչ միայն ի նախնեաց մեզի աւանդած կրօնքս պաշտպանել, այլեւ ամէն պարագայի մէջ բոլոր խնդիրները միեւնոյն նպատակին ծառայել տալ, այն է՝ ազգային ոգու զարգացումը... , համաձայնեցնել մեր գործը բարեխնամ տէրութեան հանդէպ ունեցած ազգային պարտաւորութիւններուս հետ՝ օտար միջամտութիւն չընդունելով»... Սէրվիչէնը եւ իր գործակիցները զգում էին իրենց Օսմանեան քաղաքացի, «ամենահաւատարիմ եւ հանդարտ ու օգտակար հպատակներն էին Օսմանեան տէրութեան»: Աւելի մեծ պահանջներ, քան ազգային-եկեղեցական ինքնավարութիւնը, կարող էր վտանգաւոր լինել պոլսահայ մտաւորականութեան դիրքին, մանաւանդ 70-ական թուերից սկսած, երբ կառավարութիւնը ջանում էր յոյներին եւ հայերին հեռացնել պետական պաշտօններից եւ փոխարինել թուրքերով:

«Օտար միջամտութիւնը» շատ աւելի պարզ եւ շօշափելի է դառնում 10-15 տարի յետոյ, երբ Ռուսաստանը հարուածում է Օսմանեան պետութեան սահմանները: Այդ օրերին էլ թէ՛ Ազգային ժողովը եւ թէ՛ Օսմանեան պարլամենտի հայ ներկայացուցիչները իրարու հետ մրցման էին ելել հայերի հաւատարմութիւնը ցուցահանելու համար: «Եթէ այսօր թուրքիոյ մէջ կը տեսնեմք հայ ազգը, որ կը պահէ իր կրօնը, իր եկեղեցին, իր լեզուն, իր պատմութիւնը եւ աւանդութիւնը... նոյն բարեխնամ տէրութեան շնորհաց արդիւնքն է»: Հարստահարութիւններ կան, այո՛, բայց նրանք կատարում են «բարեխնամ տէրութեան կամաց հակառակ», շեշտում էր Ներսէս Վարժապետեանը: Ուստի եւ հայութեան յոյսը Օսմանեան իշխանութիւնն է, հայութիւնը ոչ մէկ միջամտութեան, դրսից որեւէ երաշխաւորութեան կարիք չունի: «Հայը նոյնիսկ իր ազգային շահերը պաշտպանած կ'ըլլայ, վասնզի Օսմանեան երկիրը պաշտպանել՝ Հայաստանը պաշտպանել ըսել է, նոյնիսկ հայուն կրօնը, դպրոցը, ինչքը, տունը, ընտանիքը, պատիւն ու կեանքը պաշտպանել ըսել է»: Եւ այս բոլորը ասում էր այն ժամանակ, երբ հայ ժողովրդի ողնաշարը խորտակում էր իր դարաւոր հայրենիքում, երբ Հայաստանի ժողովուրդը կորցնում էր իր տունն ու տեղը, հողը, պատիւն ու կեանքը:

Պոլսահայ քաղքենիի այս մտայնութիւնը մի քիչ փոխուեց դէպքերի ազդեցութեան տակ, բայց, մանաւանդ, Հայաստանի կացութեան ծանօթանալու հետեւանքով, թէեւ նրա ղեկավարու-



թեան մէկ զգալի մասը մինչեւ վերջ էլ մնաց օրինականութեան սահմաններում՝ հաւատարիմ հպատակ Օսմանեան պետութեան: Նոյնիսկ սուլտանայ մեծ ղէմքերից շատերը չէին հաւատում հայութեան վերածնութեան: Այսպէս, 1856-ին, Գ. Օտեանը գրում էր Խրիմեանին եւ համոզում նրան վերադառնալ Կ. Պոլիս. «Մի՛ սուտ յոյսերով պատիր քեզ, մի՛, գաւակ դու սիրասուն հայրենեաց, նոր փիւնիկ անոր մոխիրներուն մէջէն դուրս ելած... Հոս, հոյակապ պալատները... վարպետ ձեռքերու տակ կը բարձրանան ահաւասիկ. թո՛ղ այդ մոխիրները, դարձիր, հոս եկուր, որ քեհեզ եւ ծիրանի տեսնեն քո աչուիդ»<sup>\*</sup>):

Բայց ամենքը այսպէս չէին մտածում: Նրանք ովքեր ապրել ու գործել էին Հայաստանում եւ ծանօթ էին դաւառներում կատարուող ղէպքերին, շատ լաւ հասկանում էին, որ Ազգային Սահմանադրութիւնը պակասաւոր գործիք է՝ անբաւարար հայութեան՝ բախտը բարեկաւելու: Սահմանադրութիւնը նոյնիսկ անկարելի էր կիրառել Հայաստանում, ուր հալածանքի ենթակայ էին ե՛ւ եկեղեցին ե՛ւ դպրոցը ե՛ւ ուսուցիչն ու ուսանողը, ուր արգելուած էր հայերէն գիրքը: Սրուանձտեանցը, որ գործում էր ժողովրդի մէջ՝ Վասպուրականում եւ Տարօնում, հեղնում էր Սահմանադրութիւնը եւ նրա վարիչներին, «փափուկ ազգասէր» որակումն էր տալիս նրանց. «Ի՛նչ սահմանադրութիւն, ի՛նչ քաղական խորհուրդ, ի՛նչ ազգային ժողով, ի՛նչ առաջնորդ: Պսակը՝ շէխերու հրամանով կը լինի, քահանայից իշխան սոֆա եւ ու վարիչ: Սոֆա եւ երկրի առաջնորդ, դատաւոր եւայլն»<sup>\*\*</sup>):

Սահմանադրութիւնը շատ առաւելութիւն էր պարունակում, բայց ունէր մէկ հիմնական պակասութիւն. նա անգոր էր հայի անձը եւ գոյքը ապահովել քուրդի եւ թուրքի բռնութիւններից. չէր կարող հային նոյնիրաւ եւ հաւասար դարձնել քրդին եւ թուրքին. անկարող էր քուրդին զինաթափ անել կամ հայի ձեռքն էլ զէնք տալ. ի վիճակի չէր անբարոյական եւ ստոր հակումների տէր թուրք պաշտօնեային հեռացնել պաշտօնից եւ հային տալ իր երկրի վարչութեան դեկը: Ուստի եւ զարմանալի չէ, որ հայկական դաւառների ղեկավարութեան մէջ ամբացել էր այն մտայնութիւնը, որ հայութեան ազազան Սահմանադրութեան տրամադրած միջոցներով ապահովել անկարելի է: Սահմանադրութիւնը ապա-ֆաղափական հայութեան մտայնութեան ծնունդն էր, մինչ հայկական հարցը հնարաւոր էր լուծել միայն ֆաղափական միջոցառումներով:

<sup>\*</sup>) «Դիւան Հայոց Պատմութեան», հատոր ԺԳ., էջ 53:

<sup>\*\*</sup>) «Արծուիկ Տարօնոյ», 1864 թ., թիւ 1:




1867 թ. Խրիմեանը զրի է առնում իր «Բարեկորդութեան Մրագիրը», որ ոչ միայն իրենն էր, այլև զաւառում գործող մըտաւորականներինն ու հանրային գործիչներինը, բոլոր նրանց, ովքեր նրա հետ միասին աշխատել էին Հայաստանում եւ լուսապէս գիտէին նրա պահանջները: Խրիմեանը զաւառական գործիչ էր. նրան խորթ էր Կ. Պոլիսը: Իր կեանքի մեծ մասը նա անցրել էր Վանում, Վարաղայ վանքում, Մուշում: Տեւական շիման մէջ էր եղել հայի, թուրքի, քուրդի՝ ժողովրդի բոլոր խաւերի հետ, ուստի եւ նրա առաջադրած բարենորոգումների ծրագիրը արժանի է առանձին ուշադրութեան: Խրիմեանի համար հայկական հարցը «Գիւղական ժողովրդի» հարց էր, հիմնականում «հայի եւ քրդի» յարաբերութեան խնդիր էր: Սակայն, նրանց մէջ մըխըրճուել էր մի երրորդ ոյժ, որ ոյժ էր տալիս մէկին եւ թուլացընում միւսին: Այդ երրորդ ոյժը Օսմանեան պետութիւնն էր: Խրիմեանը դեռ 1867-ին, շատ շատերի նման, հաւատում էր, որ կայսրութեան կենտրոնական իշխանութիւնը «բարեխնամ է», «արդար» տեղական՝ զաւառական իշխանութիւնն է պատասխանատու հարստահարութիւնների համար: Տեղական կառավարութիւնն է ստեղծում անիշխանութիւն եւ առաջ քաշում քրդերին «ընդդէմ տէրութեան կամաց եւ օրինաց»: Արդ՝ եթէ այս է կայսրութիւնը, ի՞նչ պէտք է անել Հայաստանի «գիւղական ժողովրդի» դրութիւնը բարելաւելու համար: Ինչպէ՞ս պէտք է լուծուի հայ-քրդական հարցը, որ բաւարարի հայութեան եւ միաժամանակ պետութեան շահերին ծառայի: Ըստ Խրիմեանի ընկերային ուսմունքի՝ գիւղն ու գիւղացին են հիմքը պետութեան, նրան պահողը եւ հարստացնողը: «Եթէ հողագործի խոփն ալօսի մէջ դադրի, անշուշտ զինուորի գէնգն իր պատեանի մէջ կը մնայ... երկրագործի խրնիքը եթէ փլչի, ձայնը կը հասնի մինչեւ տէրութեան պալատ: Արդ՝ ինչպէ՛ս կարելի է թոյլ տալ, որ քուրդի աւերածու ձեռքը հողագործի տունը քանդէ եւ պալատի սիւները խախտէ»<sup>\*)</sup>: Բայց Օսմանեան Հայաստանում այդ ամէնը թոյլատրում էր, որովհետեւ ոճրագործ քաղաքական նպատակները աւելի գերադաս էին, քան ժողովրդի պետութեան նիւթական բարգաւաճումը: Խրիմեանը, սակայն, դեռ հաւատում էր, որ «բարեխնամ» պետութիւնը՝ ժամանակը եկած պիտի համարի այդ կայսրութեան վերջ տալու: Ի՞նչպէս:

Ըստ Խրիմեանի, նախ՝ էականը քրդութեան կենցաղի յեղաշրջումն էր. քուրդը պէտք է հրաժարուի իր վաչկատուն, թափա-

<sup>\*)</sup> Խրիմեան Հայրիկ, «Ամբողջական Երկեր», 1929, Նիւ Եորք, էջ 857:





### ԽՐԻՄԵԱՆ ՀԱՅՐԻԿ

ուսկան կեանքից, որ այնքա՛ն տւեր ու տնտեսական քայքայում էր պատճառում երկրին եւ սրում նստակեացի ու վաչկատունի յարաբերութիւնները: Մանաւանդ որ վաչկատունը տէր էր դարձել իր ուղիների վրայ ընկած հայկական գիւղերի, նստել նրանց մէջ եւ հարստահարում էր հայ բնակիչներին: Քուրդը իր ընկերային կացութիւնը պէտք է փոխի՝ խաշնարած եւ քոչուորական կեանքից անցնելով նստակեաց կեանքի՝ երկրագործութեան: Սրա մէջ էր հայ-քրդական հարցի լուծումը: «Քուրդերը իրենց արդի անորոշ եւ անսահման դրուք-ենէն հանելով, յատուկ սեփական հող եւ երկիր որոշել իրենց բնակութեան համար նոյն իրաւամբ եւ օրինօք, ինչպէս գիւղացի ժողովրդոց համար արդէն սահմանած է տէրութեան օրէնք»<sup>\*)</sup>: Ուրեմն, քուրդը պէտք է ստանայ իր հողը. քրդութիւնը պէտք է ի մի հաւաքուի, եւ այս ոչ միայն քրիստոնէայ հայերից հեռու պահելու, այլեւ դիւրութեամբ նրանց կառավարելու համար: Բայց Խրիմեանի պահանջը միայն այս չէ: Նա առաջադրում է երկու հարց եւս. մէկը կապւում է հայ հողի, միւսը հայի ապահովութեան հետ: Քուրդը գրաւել է հայկական գիւղերը, զէնքը ձեռքին իշխում է անգէն

<sup>\*)</sup> Անդ, էջ 858:



հայի վրայ, յափշտակել է նրա հողը, տունը, «անիրաւութեամբ հողի տէր եղած է»։ Այս երեւոյթը համատարած է Հայաստանում. ստեղծուել է այնտեղ երկու հասարակութիւն, որոնցից մէկը ապրում է միւսի հաշուին։ Գիւղատէր եւ հողատէր «այս քոռունները եւ սոսկական ֆիրդերը», «այս մասնաւոր տուները պէտք է բառնայ այն ամէն գիւղերէն, ուր կը գտնուին եւ խառնել զիրենք իրենց ցեղերուն հետ եւ այս միջոցով նախ այդ գիւղերը կ'ազատուին նոցա անմիջական եւ վերահաս բռնութենէն»։

Սրբիմեանը այսպիսով շօշափում է շատ կարեւոր մի խնդիր, այսպէս ասած՝ Հայկական Հարցի ընկերային բովանդակութիւնը. քուրդ աւատապետութիւնը պէտք է վերջանայ. հայի անձնու հողը պէտք է ազատագրուին։ Բայց այս եւս քիչ է. անհրաժեշտ է, որ քուրդը բոլորովին անվտանգ դառնայ. քրդական իշխող վերնախաւը անպայման անջատելով եւ բաժանելով իր իսկ ազգակից՝ քրդական զանգուածներից, կենտրոնացնելով մէկ տեղ եւ վարժեցնելով նոր աշխատանքի ու նոր կեանքի։ «Ոչինչ դժուարութիւն չկայ այս փոքրաքիւ մասին համար պէտք եղած կարգադրութիւն առնել, դաշտային եւ լեռնական կեանքէն հանել զիրենք եւ տեղափոխել քաղաքներու մէջ»։ Ուրեմն, Սրբիմեանը առաջարկում է քրդութեան ընկերային կեանքը ենթարկել մի մեծ յեղաշրջման։ Այդ վիրարութական գործողութիւնը երկու դէմք ունի. նախ՝ քուրդ հասարակութիւնից անջատել, մեկուսացնել նրա վարիչ, ռազմունակ, բայց նաեւ կեղեքիչ եւ քայքայող վերնախաւը, որով ազատագրուած կը լինի նաեւ քուրդ աշխատաւոր զանգուածը, որ նոյնպէս ենթակայ է իր «թողունների» հարստահարութեան։ Երկրորդ՝ մեկուսացրած քուրդ ազնուականութեան ձեռքից առնել զէնքը եւ տալ նրան արհեստաւորի գործիքներ եւ գիւղացու բահն ու բրիչը, արօրն ու գութանը։ Թէ՛ աշխատանքի այս յեղաշրջումը, թէ՛ սեփական ցեղակից զանգուածներից կտրուած լինելը որոշ ժամանակից յետոյ իրենց յեղափոխիչ դերը կը կատարեն եւ քուրդից դուրս կը բերեն կենսունակ, աշխատասէր մի նոր հասարակութիւն։ Սրբիմեանը նոյնիսկ դիտէ, թէ ինչ միջոցներով պիտի կատարուի այս բանը։ Նա առաջարկում է քրդերին «վանայ սահմանէն կարին բերել, կարտոյ եւ Մշոյ սահմանէն ի վան տանել»։ Այս տեղափոխութեան ժամանակ կը կտրուին կամ կը թուլանան ցեղակցական եւ տեղակցական կապերը քրդութեան մէջ եւ նոր միջավայրում նրանք կը դառնան անվտանգ։ Ըստ Սրբիմեանի, նոյնիսկ կարելի է վերաշինել «հին եւ աւերակ Մանազկերտ քաղաքը եւ այնտեղ բնակեցնել քոռուն բուրդերին՝ տալով նրանց տուն ու հող»։ Իսկ ինչ վերաբերում է քուրդ զանգուածներին, նրանց պէտք է կենտրո-



նացնել որոշ վայրերում՝ ստեղծելով քրդական համախմբումներ : Այստեղ էլ նոյն անվատահուլթիւնը քուրդի հանդէպ . որպէսզի այս քրդուլթիւնն էլ որեւէ վտանգ չսպառնայ հայուլթեան եւ վտանգաւոր չլինի պետուլթեան համար , Սրիմեանը պահանջում է քրդուլթեան ամբողջական , համատարած զինաթափուլիւնը . «Մինչեւ քրդերու գէնիքը իրենց ձեռքէն չառնուին , անհնարին է , որ նոքա զիջանին երկրագործութեան մանր բռնել եւ սուրին տեղը երկաթի խոփն ընդունին» :

Թուրք իշխանաւորներից շատերը պնդում էին , որ քուրդը , որպէս զինեալ ոյժ , անհրաժեշտ է պետուլթեան պաշտպանուլթեան համար : Սրիմեանը «անստոյգ կարծիք» է համարում այդ : Արեւելեան պատերազմի ժամանակ «այս կարծեցեալ քաջ շահատակներ , տէրութեան բանակին առաւել խոչընդոտներ եղան կուռյ ասպարէզին մէջ նոքա իրենց աւարը կ'որոնէին եւ միանգամայն եւս ի փախուստ կը դառնային թնդախօթների ձայնէն» : Սրիմեանը փորձում է քրդական հարցը լուծել ոչ միայն հայկական , այլեւ համապետական շահերը ի նկատի ունենալով , գտնում է , որ քուրդը վտանգաւոր եւ վնասակար է թէ՛ խաղաղուլթեան եւ թէ՛ պատերազմի ժամանակ : Քրդուլթիւնը որպէս քանակ եւ հաւաքականուլթիւն պէտք է պահել , բայց որպէս որակ անհրաժեշտ է վերացնել . քուրդը չպէտք է մնայ որպէս իշխող , զէնքը ձեռքին , անիշխանուլթիւն սերմանող տարր : Սրա համար քուրդ զանգուածներին , զինաթափ անելուց յետոյ , պէտք է հող տալ , նըստակեաց դարձնել : Ի մի հաւաքուած եւ նստակեցուլթեան անցնող քրդերի վրայ դեռ երկար ժամանակ անհրաժեշտ պիտի լինի պետական վերահսկողուլթիւն , որովհետեւ նրանց մէջ հին աւատատէրը եւ վաչկատունի բնազդը կարող է արթնանալ : Ուստի կարեւոր է նրանց ապրած վայրերում , «յարմար դիրքերու վրայ» մի քանի փոքր զօրանոցներ հաստատել : Մէկը Ապաղայի դաշտում , երկու զօրանոց էլ Վանի եւ Մուշի հարաւային կողմերը :

Բայց ո՞վ պիտի կատարի ընկերային այս յեղաշրջումը : Սրիմեանը պատասխանում է՝ Օսմանեան կայսերական կառավարուլթիւնը , որովհետեւ նա առաջնորդուելու է միայն պետական շահերով , իսկ քրդի ընկերային կազմը եւ աշխատանքը դէմ են պետական շահերին :

Այդ նոյն ժամանակ , ռուսահայուլթեան մեծագոյն դէմքերից մէկը՝ Բաֆֆին իր դրական եւ հրապարակախօսական ամբողջ կարողուլթիւնները ծառայեցնում էր Օսմանեան հայուլթեան ազատազրական գործին : Ոչ միայն նա , այլեւ ամբողջ ռուսահայ մամուլը , յառաջադէմ մտաւորականուլթիւնը զբաղուած էր հայկական հարցի քննուլթեամբ : Այդ հարցը հերթական էր . մնացած



խնդիրները յետ էին մղուած: Ռուսահայութիւնը ինքն ունէր հրատապ հարցեր՝ հողային-գիւղացիական, դպրոցական, դրամատիրութեան սրարշաւ զարգացման հետեւանքով ստեղծուած բանուորական խնդիր, ռուսացման վտանգ, հալածանք հայ մշակոյթի եւ մտաւորականութեան դէմ, ռուս գիւղացիների տեղաւորում հայկական հողերի վրայ, սակաւահողութիւն, գիւղացու արտազաղթ դէպի Այսրկովկասի առեւտրա-արդիւնաբերական կենտրոնները — կարեւոր ու հրատապ նոր հարցեր, որոնց վրայ միտք պիտի յոգնեցնէր հայ մտաւորականը եւ հանրային գործիչը: 40-50-ական թուականներից սկսած ստեղծոււմ էր Ռուսահայ Հարց, որի դոյութիւնը զգուժ էին արդէն Ս. Աբովեանը, Ներսէս Աշտարակեցին, Ստ. Նազարեանը եւ ուրիշներ, որոնք խանդավառ ռուսասէրներ էին, թէեւ աստիճանաբար հայկական պահանջները հակադրելու էին ռուսական քաղաքականութեան: Այդ ամէնը, սակայն, յետին դժի վրայ անցաւ, երբ հրապարակ եկաւ թրքահայութեան ազատագրութեան հարցը:

Բաֆֆին երկու ծրագիր ունի Հայկական Հարցի լուծման: Մէկը, նուազագոյնը՝ Հայոց Հարցի լուծումը Օսմանեան Կայսրութեան սահմաններում: Դա ժամանակաւոր մի կարգադրութիւն է՝ կապուած հայութեան ուժերի անկազմակերպ եւ անբաւարար վիճակի հետ: Երբ հայը կը մեծանայ քանակով ու որակով, իր Հարցը կը լծուի Օսմանեան Կայսրութեան սահմաններից դուրս՝ ստեղծելով ազատ ու անկախ Հայաստան: 1876 թ. Բաֆֆին գրում է իր «Ինչ վերանորոգութիւններ են պէտք Տանկական Հայաստանին» յօդուածը\*), որի մէջ մշակոււմ էր իր նուազագոյն ծրագիրը: Ըստ այդ ծրագրի, Հայկական Հարցը ամենից առաջ եւ ամենից շատ հոգայիմ հարց է, բուն, պատմական Հայաստանի հողերի վրայ ապրող ժողովուրդի հողազրկման եւ քայքայման հարց: Միւս հարցերը՝ հարստահարութիւն, հալածանք ժամանակաւոր, անցողիկ երեւոյթներ են՝ կապուած քրդութեան կենցաղի եւ թուրք պաշտօնէութեան ապիկարութեան, կայսրութեան հնամենի վարչութեան հետ: «Ինչ վերաբերում է մուլթեզիմների-կապալառուների հարստահարութիւններին — հարկերի ծանրութեանը, որոնցով կողոպտոււմ է մշակ դասը, ինչ որ վերաբերում է գանազան բռնակալների եւ դէրէրէզիների կեղեքումներին, մեմէ համարում ենք այդ բոլորը ժամանակաւոր անկարգութիւններ, որոնցից ազատ չեն մնում նոյնիսկ մահմեդականները եւ որոնք Թուրքիայի ընդհանուր բարեկարգումների ժամանակ միայն


\*) «Տանկահայք», 1913, վիեմնա: կարող են կարգի եւ օրինաւորութեան մէջ դրուել»: Մնայունը



Հայկական Հարցի մէջ հողն է ու ժողովուրդը: Եթէ լուծուի ա-  
 ուղինը, մասամբ կը լուծուի նաեւ երկրորդը: Տանկաստանում  
 սեփականութեան անապահովութիւնը եւ, հետեւապէս, ապրուս-  
 տի դժուարութիւնը կայանում է գլխաւորապէս այն բանի մէջ,  
 որ հայը հող չունի, այս պատճառով նա կեանքի հաստատուն  
 հիմք չունի»: Եւ այսպէս է, որովհետեւ մահմեդական օրէնքը  
 հողի միակ տէր ճանաչում է իշխողին՝ Սուլթանին, որպէս Աս-  
 տուծոյ ներկայացուցչի. երկրագործը միայն վարձակալ է: Խըն-  
 դիրը միայն այս չէ, այլ եւ այն, որ այս իրաւական դրուժիւնը  
 պետութիւնը օգտագործում է իր քաղաքական նպատակների հա-  
 մար. հողային հարցը սերտօրէն կապւում է իշխանութեան այն  
 վերաբերումին հետ, որ թուրք ղեկավարութիւնը մշակել էր հա-  
 յութեան հանդէպ: Հայը պէտք է դառնայ իր մի կտոր հողի տէ-  
 րը. նրա հողատիրական իրաւունքը պէտք է լինի հաստատ եւ մնա-  
 յուն. «Հային իր հայրենի երկրի հետ կապելու համար, գաղթա-  
 կանութիւնը դադարեցնելու համար միակ եւ ամենակարեւոր մի-  
 ջոցն է նրան իրաւունք տալ ազատ կալուածատէր լինելու, որ նա  
 որպէս սեփականութիւն իր հողն ունենայ եւ նրանից ամէն կեր-  
 պով օգտուելու իրաւունք ստանայ... Նա չպիտի լինի վարձակալ,  
 այլ հողը պիտի լինի նրա համար մի հաստատուն ժառանգու-  
 թիւն, որ անցնում է սերնդից սերունդ, որ նա կարող է գնել, վա-  
 նառել, գրաւ դնել, մի խօսքով՝ վարուել նրա հետ որպէս իրեն  
 պատկանող սեփականութեան հետ»: Հողային հարցի այսպիսի  
 լուծումը սանձ կը դնէ կառավարութեան եւ նրա պաշտօնեաների  
 բերանին, նրանք իրաւապէս անկարող կը լինեն իրենց քմահա-  
 ճոյքի համաձայն հողային բռնագրաւումների եւ հողը ուրիշին  
 յանձնելու խնդիրներ յարուցանել: Բաֆֆին՝ հողի մասնաւոր  
 սեփականութեան սկզբունքը պաշտպանում է, որպէս նուազա-  
 դոյն ծրարիր Օսմանեան կայսրութեան մէջ ապրող հայութեան  
 համար: Այս պահանջը իւրայատուկ հողային ապահովութեան  
 խնդիր է: Հեռաւոր ապագայում ստեղծուելիք ազատ եւ անկախ  
 Հայաստանում մասնաւոր սեփականութեան խնդիրը տեղի է տալու  
 աւելի բարձր սկզբունքի՝ համայնական սեփականութեան առաջ:  
 Արդ՝ տուեալ պայմաններում «եթէ նա (Պատրիարքարանը) ցան-  
 կանում է, որ հայը արմատ ձգէ Հայաստանի հողի վրայ, պէտք  
 է նրա տէրը լինի, պէտք է նրանից ծծէ իր սնունդը, ինչպէս մա-  
 նուկը մօր ստինգներից»:

Հողի հետ կայ նաեւ ժողովրդի՝ հայութեան ապահովութեան  
 հարցը: Պատմական իրադարձութեանց հետեւանքով հայն ապ-  
 րում է «զանազան վայրերի ցեղերի» հետ, որոնց հարեւանութիւ-  
 նը եւ զինուած լինելը մի դժբախտութիւն է հայութեան համար:





Բ Ա Ֆ Ֆ Ի

Կայսրութիւնը անկարող երեւաց սանձահարելու քրդերին: Քուրդը անիշխանութիւն սերմանող տարր է, հայը՝ այդ անիշխանութիւնից տուժողը: Ըստ Բաֆֆիի, միայն մէկ միջոց կայ այս կացութիւնը վերացնելու՝ թոյլ տալ, որ հայն էլ զինուի եւ իր ինքնապաշտպանութիւնը իր ձեռքն առնի. «Հայերին պէտք է քոյլ տուած, որ իրանք իրենց պաշտպանեն եւ այդ այլ կերպ լինել կարող չէ, բայց միայն իրաւունք տալ, որ հայերը զէնք կրեն, որպէս իրե՞ց դրացի ազգերը»: Այս պահանջը՝ զինուած հայութեան ստեղծումը, Բաֆֆին պատճառարանում է նրանով, որ թուրքիա անընդունակ է իր հպատակների անձը եւ գոյքը ապահովելու, ապա՝ «Թուրքիան բնակեցրած է այնպիսի ցեղերով, որոնք



իրար հետ մշտապէս կուում են, որոնք միմեանց հետ մրցում են սրով միայն: Ի՞նչով կարող է ընդդիմանալ նրանց անգէն հայը», Թրքական կառավարութիւնը ոչ միայն չէ կարող, այլև չի ուզում քրդերին դիմաթափ անել: Յանձինս քրդերի նա տեսնում է իր լաւագոյն դիմուորներին, որոնց կարող է գործածել հայերին կեղեքելու, թուլացնելու, որպէս որակ եւ քանակ անվնաս դարձնելու համար: Հային մի բան է մտնում՝ «իմքն իր գլուխը պահպանել»: Եւ դա հնարաւոր է միայն այն ժամանակ, «երբ նա գէնք կրելու իրաւունք կ'ունենայ»: Պէտք է ստեղծել «հայկական միլիցիա», հայկական նահանգներում, որ սլաշտպանէ հայութիւնը:

Կայ լուծելիք եւ մի երրորդ խնդիր, որ Բաֆֆին բանաձեւում է, որպէս «իրաւունքի անպաշտպանութիւն»: Հայը մահմեդականի հետ նոյնիրաւ չէ. նա երկրորդական հպատակ է, զրեթէ օրէնքից դուրս: Եւ այդպէս է, որովհետեւ տիրապետողը իր առօրեայ կեանքի բոլոր յարաբերութիւնները կարգաւորում է «Շարիաթի օրէնքով»: Հայը այդ օրէնքին չի ենթարկուում, որպէս ոչ-մահմեդական: Օսմանեան կայսրութեան դժբախտութիւնն այն էր, որ նա չկարողացաւ ստեղծել նոյնիրաւ եւ հաւասար քաղաքացիների հասարակութիւն: Սրա համար պետութիւն եւ կրօն խտորէն պիտի բաժանուէին իրարից, մշակուէին նոր օրէնքներ՝ աշխարհիկ հիմունքներով՝ միանգամայն ազատ մահմեդական կրօնի թելադրած օրէնքներից: Թուրքիան փորձեց բարենորոգումների միջոցով ստեղծել նոյնիրաւ հասարակութիւն, բայց չյաջողեց: «Ուրիշ կերպ անկարելի է, քանի որ այդ օրէնքը (Շէրիաթ) իր մէջ ունի շատ սկզբունքներ, որ հակառակ են հաւասարութեան գաղափարին, որ խտրութիւն են դնում այն բոլոր ազգերի վերաբերութեամբ, որոնք չեն պատկանում իսլամին: Եթէ մինչեւ այսօր Սուլթանների հրատարակած բոլոր խաթիւները եւ փերմանները մնացել են անգործադրելի, պատճառը Շէրիաթի գորեղ ընդդիմութիւնն է եւ ոչ այլ ինչ»: Հայերը չեն կարող յեղաշրջել կայսրութեան իրաւական-քաղաքական կազմակերպութիւնը, այլ պէտք է ջանան եղած իրաւական առանձնաչնորհումներից լաւապէս օգտուել: Հայերը ձեռք են բերել Սահմանադրութիւն, որ պէտք է յարմարեցնել, ընդարձակել եւ գործադրել հաւաքական հայութեան գոյութեան եւ սլաշտպանութեան համար: Սահմանադրութիւնը պակասաւոր է. «Հայոց ազգային Սահմանադրութիւնը ունի աւելի կրօնական բնաւորութիւն, նա չի անցնում բուն ազգային գործերի սահմաններից, որպիսին են՝ դպրոց, եկեղեցի եւ այլն»: Իսկ այս բոլորը անբաւարար միջոցներ են հայի հողը ազատազրելու, նրա կեանքն ու գոյքը ապահովելու համար: Արդ՝ ի՞նչ է սահանջում Բաֆֆին: Նա խոստովանում է,



որ անկարելի է թուրքերից նոր բան պահանջել. պէտք է եղածը, մէկ անգամ ձեռք բերածը ամբողջացնել, լրացնել. «Պէտք է պահանջել, որ լրացնեն, կատարելագործեն այն արտօնութիւնները, ինչ որ մի անգամ շնորհուած է հայերին, թէեւ անկատար կերպով»: Իսկ եղածը պէտք է լրացուի «ֆաղափական իրաւունքներով»: Նորոգուած, լրացուած Սահմանադրութիւնը պէտք է ընդգրկէ «հայերի թէ՛ եկեղեցական, թէ՛ ֆաղափական եւ թէ՛ քրեական բոլոր գործերը»: Եւ որովհետեւ հայերն աւելի պատրաստուած են, աւելի փորձառու, քան ուրիշները, ուստի «իրենց գործերն իրենց մէջ իրենց ձեռքով կը վնոէին»: Այս պահանջը, ինչ անունով էլ որ յայտնի լինի, տեղական ինքնավարութեան պահանջ է, միայն Օսմանեան իշխանութիւնը չխրտչեցնելու համար՝ Բաֆֆին կոչում է՝ Սահմանադրութեան ընդլայնում: Տեսանք, որ Բաֆֆին պահանջում էր հայերի զինումը, տեղական միլիցիայի ստեղծումը, այժմ նրա վրայ աւելացնում է դատական-քրէական հարցերի հայերին յանձնումը: Անշուշտ, Սահմանադրութեան ընդլայնումը պիտի արտայայտուի նաեւ հարկերի խընդրում: Քանի որ հայերը որոշ նիւթական պարտաւորութիւններ ունէին ըստ Սահմանադրութեան, այժմ նրա գործերի յաւելումով՝ նորանոր տուրքերի հարց կը ծագի. «Ընդարձակելով հայոց ազգային սահմանադրութեան սահմանափակ շրջանը նոր իրաւունքներով եւ տարածելով բոլոր հայաբնակ գաւառները, այդ բաւական կը լինէր հայերին հնար տալ իրենց գործերն իրենց ձեռքով վնոելու»...

Բաֆֆի աշուխտի լուծումն ապացոյց է միայն մի բանի, որ Հայկական Հարցը կարելի է լուծել միայն ինքնավարութեամբ, որ ասել է, թէ նա քաղաքական հարց է: Սահմանադրութեան ընդլայնումն այն իմաստով՝ ինչ իմաստով որ դնում էր Բաֆֆին՝ յանդում էր ինքնավար Հայաստանի ստեղծման՝ սեփական վարչութեամբ, դատարաններով, հարկային դրութեամբ, երկրապահ բանակով: Բնական է, որ այս պահանջների դործադրութեան ժամանակ պիտի որոշուէին նաեւ «բոլոր հայաբնակ գաւառները» սահմանները:

Բաֆֆին այս պահանջը անում էր այն ժամանակ, երբ Կ. Պոլսի Հայոց Պատրիարքարանը պատրաստուած էր հայկական պահանջները ներկայացնելու Միջազգային դիւանագիտութեան: Նա ջանում էր արտայայտիչը լինելու հայութեան բոլոր խաւերի բաղձանքներին: Այդ պարզ երեւում էր, թէկուզ, այն բանից, որ հայութեան բոլոր դասերը անվերապահօրէն պաշտպան էին Օսմանեան կայսրութեան ամբողջականութեան եւ Հայկական Հարցի լուծումը ենթադրում էին կայսրութեան սահմաններում մի-



այն: Ներսէս Վարժապետեանը իր նշանաւոր ատենախօսութեան մէջ Ազգային ժողովի առաջ, 1878 թ. Յուլիսի 21-ին, այսպէս էր բանաձեւում հայերի եւ Օսմանեան Կայսրութեան յարաբերութիւնը. «Հայոց վարչութիւն Հայաստանի մէջ՝ առանց քաղաքական փառասիրութեան, զոր երբեք չենք ունեցած եւ չենք կրնար ունենալ, մեր վեհափառ Սուլթանի հովանաւորութեանը եւ վեհապետական իշխանութեանը ներքեւ»: Ներսէս Վարժապետեանը եւ նրա հետ Կ. Պոլսի ազգային գործերի ղեկավարները մեծ վրատահութիւն ունէին «Նորին Վեհափառութեան» եւ նրա կառավարութեան հանդէպ. նրանք իրենց զգում էին Օսմանեան քաղաքացիներ: Բայց այդ Օսմանեան քաղաքացին նաեւ հայ էր, հայոց ազգութեան անդամ: Նա պարտաւոր էր նաեւ հայութեան մարդկային տարրական իրաւունքները պաշտպանել: «Այսօր հասարակ եղած նշմարտութիւն մըն է պաշտօնատարաց յոռութիւնը, այնպէս զի նոյնիսկ Բ. Դուռը եւ երկրին վեհապետը քանիցս հոչակեցին գայն: Արդ՝ նշմարիտ չէ ըսել մասնաւորապէս Հայաստանի համար, թէ հայ ժողովրդեան պատուհասը քուրդերն են միայն ու չէքէզները, այլ պատուհաս մըն ալ անարժան պաշտօնատարներն են: Այս պաշտօնատարաց մէջ Հայաստանի մէկ ծայրէն միւսը գրեթէ եւ ոչ մէկ հայ պաշտօնատար կայ»: Ն. Վարժապետեանն էլ, Խրիմեանի պէս, հայկական դաւաճանների հարստահարութեանց մէջ չի տեսնում քաղաքական ծրագիր, այլ միայն դաւառական մեծ ու փոքր պաշտօնէութեան անձնակազմի բարոյական դիմագծի աղճատում եւ կաշառակերութիւն: Ուտտի, նա էլ Հայկական Հարցի իբր միակ միջոց առաջարկում էր Հայաստանի վարչական ապակենտրոնացում՝ Օսմանեան Կայսրութեան սահմաններում: Հայոց Պատրարիքը իր այս պահանջին տալով պատմական եւ ազգային հիմնաւորում՝ արդար է համարում, որ ինքնավարութեան նոյն սկզբունքը գործադրուի ամբողջ կայսրութեան մէջ: Այդ կը լինի կանխարգել միջոց անջատողական միտումների դէմ: Կայսրութիւնը կը դառնայ վարչականօրէն ինքնավար մասերի մի միութիւն, որ անպատճառ կ'ուժեղացնէ կայսերական պետութիւնը. «Որոշել այն գաւառները, որոնք մէկ-մէկ ազգային յիշատակաց կենտրոններ են եւ որք ի հնումն ազգի մը հայրենիքը կազմելով՝ դեռ այսօր բնակութեան տեղի են մնացած նոյն ազգին անհատներուն գոնէ մեծ մասին, ուր, վերջապէս, քրիստոնեայք եւ անոնց վարչութիւնը յանձնել այն ազգէն քրիստոնեայ պաշտօնատարաց՝ անփոփոխ եւ անվթար պահելով վեհ. կայսեր վեհապետական իշխանութիւնը»: Իր այս պահանջը բոլոր քրիստոնեայ ազգերի համար է. նրանց թւում՝ եւ Հայաստանի: Միայն այս ձեւով կարելի կը լինի փրկել կայսրութիւնը եւ



միայն այս միջոցով կարելի կը լինի լուծել Հայկական Հարցը: Այսպիսով միայն կը միատեղուին հայկական եւ կայսրութեան շահերը եւ իրական արժէք կը ստանայ Օսմանեան քաղաքացու զգացումն ու դիմաչըջումը: Հենց այս տեսակէտից է, որ հայ ղեկավարները դէմ էին Բալկանեան ազգերի՝ բոսնիացիների, բուլղարների հարցի լուծման կայսրութիւնից դուրս եւ մասնակի համաձայնութեամբ: Սրանց «արդիւնքը պիտի ըլլար, մանաւանդ, դառնացում մեր վիճակին, զի տուրքերն աւելի մեր վերայ պիտի ծանրանային, ինչպէս նաեւ այն տարբերքն, որոնցով կը բաղկանայ յոռին այս երկրին կառավարութեան մէջ»: Հայերն զգում էին, որ եթէ Բալկանեան ազգերը բռնեն անջատման ուղին, ապա Օսմանեան իշխանութեան ծանր թաթը իրենց վրայ պէտք է իջնէր: Ուստի եւ հակառակ էին կայսրութեան անդամահատման: «Աստուած մի արասցէ» դոչում էր ն. Վարժապետեանը: Անջատման մասին խնդիր չյարուցանել, որեւէ ձեւով կայսրութեան պառակտման հարց չդնել՝ խորհուրդ էր տալիս հայերին նաեւ Աւրստրո-Հունդարական կայսրութեան Լոնդոնի դեսպանը: Նա ասում էր Խրիմեանին. «Հայերը, յոյները եւ կաթոլիկները ազօք պէտք է ընեն Աստուծոյ, որ Սուլթանը կ. Պոլիս մնայ, որովհետեւ եթէ նա Ասիա անցնի, այսինքն՝ եթէ Եւրոպական Թուրքիան բոլորովին կորցնէ, այն ժամանակ անոր ատելութիւնը պիտի ծանրանայ Ասիոյ քրիստոնեաներու վրայ»:

Բերլինի Վեհաժողովին հայերը ներկայացրին իրենց պահանջները ճիշդ այն սահմաններում եւ այն ձեւով, ինչպէս մշակել էր կ. Պոլսի ղեկավարութիւնը: Նրանք միաժամանակ ճշդել էին ինքնավար Հայաստանի սահմանները, որի վարչական բաժանումից դուրս էին հանել ոչ-հայկական հողամասերը: Ստեղծել էին մի նոր միաւոր էրզրումի, Վանի, Դիարբէքիւրի վիլայէթներից, որտեղ հայութիւնը կազմում էր մեծամասնութիւն: Բայց այս ձեւով կազմած հայկական ինքնավար հողամասերի մէջ էլ մնում էր զգալի փոքրամասնութիւն քուրդերի եւ թուրքերի, որոնց իրաւունքները ապահովուում էին օրէնքով: Ինքնավար Հայաստանի վարչութեան գլուխը կանդնած էր լինելու հայ ծագողով մի կուսակալ, որ պիտի նշանակէր Բ. Դուռը՝ «երաշխաւոր պետութեանց համաձայնութեամբ»: Վարչապէս ապակենտրոնացած Հայաստանը պիտի ունենար իր դատարանը, հարկային դրութիւնը, զինուած ոյժը՝ միլիցիան երկրի ապահովութեան եւ կարգի պահպանութեան համար: Կուսակալին օժանդակելու էին «գործակալութիւնները»:


Այս ծրագրով ներկայացան հայ պատուիրակները Բերլինի Վեհաժողովին: Հայութիւնը, մասնաւորապէս կ. Պոլսի ղեկավար-



բութիւնը սպասում էր, որ մեծ պետութիւնները ընդառաջ կը  
 գնան հայերի այսքան համեստ պահանջներին: Բայց այդպէս չե-  
 ղաւ: Եւրոպայի քաղաքական ղեկավարները խմբագրեցին հա-  
 յութեան համար ոչինչ չխոստացող եւ ոչինչ չպարտաւորեցնող  
 61-րդ յօդուածը: Հայերը վերադարձան յուսախաբ: Ոչինչ չըս-  
 տանալով Եւրոպայից՝ շահեցին կայսրութեան անվստահութիւ-  
 նը եւ դարձան թուրքերի համար այն տարրը, որ պետութեան  
 ներքին գործերի մէջ օտարին միջամուխ էր դարձնում: Միւս  
 կողմից՝ Օսմանեան կայսրութիւնը մէկ քայլ էլ նահանջեց Բալ-  
 կաններում՝ Ռումանիայում, Բուլղարիայում: Եւ այս պարտու-  
 թեանց ու կորուստների ազդեցութեան տակ թուրք ազգայնամոլ  
 մտածողութիւնը բռնեց վտանգաւոր մի ուղի՝ շովէն, այլամերժ,  
 հակաքրիստոնեայ, որի արտայայտութիւնը աւելի վտանգաւոր  
 պիտի դառնար հայոց լեոնաշխարհում մեկուսացած հայութեան  
 համար: Բերլինի Վեհաժողովից յետոյ է, որ աւելի ամբանում է  
 թուրք եւ քուրդ գործակցութիւնը. թուրքը զինում է քրդին, ա-  
 ռաջ է քաշում շէյխերին, գրդոում է նրանց մուսուլմանութիւնը  
 հայերի դէմ, Հայաստան է ուղարկում Բալկաններից եկած գաղ-  
 թականներին, հալածում եւ աքսորում է աչքի ընկնող հայ գոր-  
 ծիչներին: Մեծ դէպքերի խոր ազդեցութեան տակ սկսում է կաղ-  
 մակերպուել թուրք զանգուածը՝ հողատէր, զինուորական, պաշ-  
 տօնեայ, որպէս քաղաքական միութիւն, որ իր սնունդն է ստա-  
 նում համիւլամութեան ջատագով մուսուլման հողեւորականներից  
 եւ համաթուրանական գաղափարներով տողորուած մտաւորա-  
 կանութիւնից, որոնք նրա առաջ բաց են անում գործի եւ պայքարի  
 մի լայնարձակ դաշտ: Ի՞նչ պիտի անէր հայութիւնը, ի՞նչ միջոց-  
 ների պիտի գիմէր իր դէյութիւնը ասպահովելու համար: Բերլինի  
 Վեհաժողովի 61-րդ յօդուածը, ճիշդ է, մի անսպասելի եւ յուսա-  
 խաբ անող բան էր հայութեան համար, սակայն, ամենքը գտնում  
 էին, որ նրանով սկսում է Հայկական Հարցի մէկ նոր շրջան:  
 Մինչեւ այդ «հայոց խնդիր կար տասն եւ աւելի տարիներէ ի  
 վեր», բայց նա հայի եւ Օսմանեան պետութեան միջեւ լուծուե-  
 լիք ներքին հարց էր: Այժմ, Վեհաժողովից յետոյ, հայութիւնը  
 գտնում էր իրաւատէր. Հայկական Հարցը դադարելով թուր-  
 քիայի ներքին հարց լինելուց՝ վերածւում էր միջազգային հար-  
 ցի: Հայութիւնը իրաւասու էր նոր պահանջներ անելու կամ իր  
 ունեցած իրաւունքները նոր եղանակով պաշտպանելու:

61-րդ յօդուածը, ինչ ձեւով էլ գնահատուելու լինի, հայու-  
 թեան կողմից ընդունուեց, իբր նուաճում: Նախ՝ նա պիտի դառ-  
 նար խթան աւելի հետաքրքրուելու Հայաստանով: Հայաստանը  
 մինչ այն մոռացուած աշխարհ էր, այժմ պիտի գտնուէր հայի





ՆԵՐՍԷՍ ՊԱՏՐ. ՎԱՐԺԱՊԵՏԵԱՆ

մտքի կենտրոնում. հայութիւնը պիտի ապրէր, յուզուէր, գործէր Օսմանեան Հայաստանի եւ այնտեղ ապրող հայ ժողովուրդի համար: «Ի՛էպի երկիր, դէպի ժողովուրդ» կոչը դառնում էր հայ զեկավարութեան նշանաբանը: «Այսպիսի գործեր ոչ մէկ օրուման մէջ, ոչ մէկ մարդու ձեռքով կրնան կատարուել, յայտարարում էր Ն. Վարժապետեանը: Պատրաստուիմք մեր ապագային: Նախ չկենանք հոս. Հայաստան երթանք: Հայաստան դրկենք, ինչ որ ունինք ազգին մէջ իր բանիրուն, տաղանդաւոր, ազգասէր, ուսումնասէր, եկեղեցասէր: Հայաստան երթան մեր դաստիարակներ, ուսուցիչներ, մեր այնքան վառվռուն երիտասարդներ: Հայաստան երթան մեր արուեստագէտներ, վանառականներ: Հայաստան երթան այնքան դժբախտ պանդուխտներ: Ոչ եւս պիտի ըլլայ հոն սով, սրածուրբիւն, ոչ եւս հարստահարութիւն, ոչ եւս կենաց եւ ընչից եւ պատուոյ առեւանգութիւն, ոչ եւս աշխատութեան խափանում: Ուղիներ պիտի բացուին, ջրանցքներ պիտի շինուին, գործարաններ պիտի կառուցուին»...: յայտարարում էր Ն. Վարժապետեան իր նշանաւոր ճառում: Սա արդէն ամբողջական ծրագիր էր Հայաստանի վերաշինութեան, որի իրականացումը տեղի պիտի ունենար բովանդակ հայութեան ճիգերով: Մի գործօն չարժում, որի նպատակն էր ստեղծել բարձրորակ, մշա-



կուրսային հարուստ հայութիւն: Մեր պարտութիւնը միջազգային դիւանագիտութեան առաջ մասամբ պայմանաւորուած էր նրանով, որ մինչեւ այդ գոյութիւն չունէր ինքնաճանաչ, միակամ եւ ուժեղ հայութիւն:

Գրեթէ նոյն տեսակէտն ունէր նաեւ Գ. վրդ. Սրուանձտեանը, մէկը, որ լաւապէս ծանօթ էր Հայաստանի իրական պայմաններին. նա էլ յուսախարուած էր Վեհաժողովից եւ Եւրոպայի հետ յոյս կապելը համարում էր անիմաստ: Հայը պէտք է լինի ինքնագործ եւ կենտրոնացած Հայաստանում: Փոխանակ Եւրոպայի վրայ յոյս դնելու, հայը պէտք է սիրի իր հայրենիքը, գուրդուրայ նրա վրայ: Հայութեան մեծագոյն չարիքը այն է, որ նա լքելու զիջել է իր երկիրը քուրդին, թուրքին: Աչքից ու մտքից հեռու ու մոռացուած այդ «անծանօթ աշխարհը» պէտք է դարձնել հայրենիք: «Այնտեղ է մեր ապագան», խրատում է Սրուանձտեանը. «Փափագելի է, որ մեր դրամատէրերը իրենց ուշքը դարձնէին Հայաստանի մէջ հողեր գնելու... Նրանք մեծ ազդեցութիւն պիտի ունենային տեղական կառավարիչներուն, թուրք եւ քուրդ պէյերուն վրայ, իրրեւ օրէնսգէտ, քաղաքագէտ մարդիկ... Պէտք է օրէնսգէտներ եւ բժիշկներ երթան հոն. աս երկու դասուն ալ մեծ ասպարէզ կայ Հայաստանի մէջ, որոնցով կը պաշտպանուէին գույից եւ կենաց գոհեր: ՀԱՅԱՍՏԱՆԻ ՄԷՋՆ Է ԲՈՒՆ ՀԱՅԿԱԿԱՆ ԽՆԴԻՐԸ, ԵՒ ՄԵՆՔ ԲԵՐԼԻՆԻ ՄԷՋ ԿՈՐՈՆԵՆՔ ԶԱՅՆ»:

Այդ նոյն ժամանակներում Ռուսահայաստանումն էլ զգաստութեան եւ գործի հրաւէր են լսում: «Մեղու Հայաստան»ի մէջ Օսմանեան հայութեան եւ Հայկական Հարցի մասին յաճախ խօսում էր «Հայ Նարոդնիկ» Յովսէփ Տէր-Մովսիսեանը, որի գաղափարական դիմագիծը նոր է անյայտութիւնից դուրս հանում: Տանկահայերին, ասում է նա, պակասում է «ազատասիրութիւնը»: Այդ պատճառով հայը Հայաստանից դաղթում է: Եւ այդ հետեւանք է ոչ թէ անտեսական պատճառների, այլ որովհետեւ հայը «ազատութիւնը» պահել, նրա համար կռիւ մղել չի սիրում: Հայերը «չեն վստահում իրենց բազկի վրայ, գուրկ են ինքնապաշտպանութեան զգացումից: Ուրեմն պէտք է նախ տանկահայաստանցու մէջ զարգացնել այդ զգացմունքը»: Յովսէփ Տէր-Մովսիսեանը պահանջում է հայութեան հոգեկան յեղաշրջում: Հայի մէջ մարդը պէտք է վերածնուի, պէտք է դառնայ պատուազգաց, իրաւունակ եւ իր անձն ու գոյքը խիղախօրէն պաշտպանող մարդ. ստրուկ հայը պէտք է տեղ տայ արի հային: Բայց այս մեծ հոգեփոխութիւնը դրսից կատարուել չի կարող: Խիղախ, անձնուէր մարդիկ պէտք է գնան «ի Հայաստան»: Կ. Պոլսի ու Թիֆլիզի հայ մտաւորականներն ու գործիչները չեն կարող հայու-



թեան բախտի մէջ մի բան փոխել, եթէ չկենտրոնանան Հայաստանում. նրանք «չեն կարող հայաստանցու վրայ ազդել այնպէս, որպէս կարող էր ազդել էրզրում բնակուող եւ աշխատող մի փոքրիկ ազգասէր խումբ, կամ այնտեղ հրատարակուող մի ազգային լրագիր: Պոլիսն ու Թիֆլիզը կատարեցին իրենց պատմական դերը հայոց խնդրի զարգացման մէջ. այժմ նրանք տեղ պիտի տան վանին, էրզրումին, ինչպէս մի ժամանակ վենետիկը, վիեննան եւ Մոսկվան տեղ տուին այլոց»:

Յովսէփ Տէր-Մովսիսեանն էլ, Վարժապետեանի պէս, համոզուած է, որ Բերլինի Վեհաժողովը նպաստաւոր պայմաններ է ստեղծել, որպէսզի մտաւորականն ու հասարակական գործիչները կենտրոնանային Հայաստանում: Դաշնագրի 61-րդ յօդուածը խոստանում էր «կեանքի ապահովութիւն»: Նա էլ հաւատում է, որ Հայաստանում շատ բան պիտի փոխուի, ուստի «Ինչո՞ւ հայութեան համար աշխատողն պէտք է Հայաստանից դուրս ներգործէ, երբ այդ աշխատանքն աւելի արդիւնաւոր կարող է լինել նոյնիսկ Հայաստանի ծոցում»: Հայ նարոզնիկը մեծ դեր է վերադրում խաղաղ մշակութային աշխատանքին հայութեան հոգեկան յեղաշրջման մէջ: Յատկապէս դպրոցը մեծ դեր ունի կատարելիք: Իրաւագուրիկ եւ ճնշուած ազգերի մէջ դպրոցը ստանում է քաղաքական արժէք, նա յեղափոխական գաղափարների տարածիչ է եւ ազատութեան զգացումներ դարբնող: «Տանկահայոց ուսումնարանների գլխաւոր պարտքերից մէկն եւս պիտի լինի քարոզել եւ հասկացնել մարդկային պարտքերը եւ իրաւունքները, մեռցնել հայ գիւղացւոց ստրկական ոգին եւ դրա փոխարէն գարթնեցնել նրա մէջ ազատութեան եւ ինքնապաշտպանութեան գգացումները, որ հարկաւոր եղած ժամանակը հայ գիւղացին կարողանայ իրեն պաշտպանել»\*):

Ութսունական թուականների սկզբներից մի ուժեղ շարժում է սկսուում հայութեան մէջ յօդուած Օսմանեան Հայաստանի տընտեսական, մտաւոր վերածնութեան եւ հոգեկան յեղաշրջման: Այս վերածնութիւնը կապուում էր կրթական գործի եւ ընդհանրապէս մշակութային վերելքի եւ տնտեսութեան բարձրացման հետ: Բայց ամենէն էականը՝ նա տեղի պիտի ունենար հայութեան բոլոր կենդանի, բարձրորակ ուժերի համախմբումով Հայաստանում: Ազգահաւաքման եւ ազատագրական այս գործը հայութիւնը հակադրում էր նոյն ժամանակներում թուրք ազգութեան մէջ ծնունդ առած շարժման, որ խարսխուում էր նախ՝ համիւլամու-

\*) Հայ Նաղորնիկ Յովս. Տէր-Մովսիսեան. «Գիտական Աշխատութիւններ», 1946, Երեւան, հատ. 23, էջ 71-79:



թեան եւ քիչ յետոյ՝ համաթուրանականութեան վրայ: 80-ական թուերից սկսած այս երկու ազգային շարժումները իրենց ներհակ նպատակներով կանգնում են դէմ դիմաց:

Բայց մեր պծած հայոց ընկերային-քաղաքական հոսանքը մէկն էր միայն հայութեան մէջ եղածներէից: Հայութեան լաւագոյն ներկայացուցիչները հաւատում էին, որ Բերլինի Վեհաժողովի 61-րդ յօդուածը գէթ նուազագոյն չափով կը նպաստէ հայ ժողովրդի Ֆիզիքական գոյութեան ապահովութեան եւ մշակութային-տնտեսական վերականգման: Ճիշդ է, հայերը չստացան վարչական ինքնավարութիւն, սակայն, նրանք յոյս չէին կորցրել մօտաւոր ապագայում ձեռք բերելու: «Իսկ ինքնավարութիւնը այսպէս թէ այնպէս, վաղ թէ ուշ, եւրոպական դիւանագիտութեան ազդեցութեան տակ, թէ վեհափառ Սուլթանի շնորհիւ, կամ թէ, վերջապէս, արեան գնով՝ կը ստանանք, անպատճառ կը ստանանք», մարդարէանում էր նոյն Յովսէփ Տէր-Մովսիսեանը:

Հենց այդ «արեան դնով» ազատութիւնը ձեռք բերելու մասին էին քարոզում 19-րդ դարի երկրորդ կիսի ամենէն ինքնատիպ եւ ազդեցիկ երկու դէմքերը՝ Խրիմեան Հայրիկ եւ Բաֆֆի: Մենք տեսանք արդէն նրանց պարզած նուազագոյն ծրագիրը հայութեան ազատագրութեան համար, որ ոչ այլ ինչ էր, եթէ ոչ հայութեան պահպանութիւնը, կեանքի ու գոյքի ապահովութիւնը եւ մշակութային անկաշկանդ զարգացումը Օսմանեան կայսրութեան սահմաններում: Սակայն, Բերլինի Վեհաժողովի մէջ կրած պարտութիւնը հարկադրում էր նրանց նոր ուղիներ որոնել Հայաստանի եւ հայ ժողովրդի ազատութեան համար: Եւ այդ ուղիները չէին տեղաւորում Օսմանեան կայսրութեան մէջ. Հայկական Հարցի լուծումը այժմ նրանք որոնում են կայսրութիւնից դուրս: Նրանք դէմ չեն Սրուանձտեանի, Վարժապետեանի, Յ. Տէր-Մովսիսեանի ազգահաւաքման գործին ու մշակութային աշխատանքին. ընդհակառակը, Խրիմեանը ինքը առաջին մեծ ռազմիրաններից էր այդ ուղղութեամբ, իսկ Բաֆֆիի հերոսները մէկ-մէկ վերածննդներ են, հոգեկան յեղաշրջման քարոզիչներ եւ մշակութային-տնտեսական լաւագոյն ապագայ աւետող մարդարէաներ: Հարցը, սակայն, այն է, թէ նրանց գործի մէջ խաղաղ մշակութային աշխատանքը միայն նախապատրաստութիւն է դալիք մեծ յեղափոխութեան համար: Բաֆֆին եւ Խրիմեանը երկու հակադիր աշխարհահայեցողութեան տէր մարդիկ էին, բայց Հայկական Հարցի նկատմամբ նրանք, ի վերջոյ, մշակեցին ընդհանուր տեսակէտ՝ Հայոց Հարցը փաղափակ հարց է եւ պէտք է լուծուի միայն ազգային-փաղափակ յեղափոխութեամբ:



## Հ. Յ. ԴԱՇՆԱԿՑՈՒԹԵԱՆ ԾՆՈՒՆԴԸ ԵՒ ՀԻՄՆԱԴԻՐՆԵՐԸ

Գրեց՝ Ս. ՎՐԱՑԵԱՆ

### I

#### ՀԱՅ ՅԵՂԱՓՈԽՈՒԹԻՒՆԸ ԵՒ ԴԱՇՆԱԿՑՈՒԹԵԱՆ ԾՆՈՒՆԴԸ

Ամէն զաղափարական շարժում ունենում է իր նախակարապետները, որոնք պատրաստում են հողը իրենց յաջորդների համար: Հ. Յ. Դաշնակցութիւնն էլ ոչնչիչ չստեղծուեց: Նրա արմատները գալիս են շատ հեռուներից՝ հայ ժողովրդի ազատագրական տենչերից, իրար յաջորդող սերունդների մտորումներից եւ մաքառումներից:

Հ. Յ. Դաշնակցութեան մերձաւոր նախորդներն էին 19-րդ դարու լուսաւորիչները եւ ազատութեան քարոզիչները, որոնք գինուած եւրոպական գիտութեամբ ու յեղափոխական զաղափարներով, ազդուած ու ներշնչուած հայ իրականութիւնից՝ հարթեցին ազգային լուսաւորութեան, յառաջադիմութեան եւ ազատագրական շարժման ուղիները — Դորպատի ու «Հիւսիսափայլ»ի սերունդը, Պոլսի Ազգային Սահմանադրութեան հիմնադիրներն ու Վաչագի եւ Ս. Կարապետի արժիւնները, Մխիթարեան մենաստանի սաները — Աբովեան ու Նազարեան, Նալբանդեան ու Դամառ Բաթիպա, Ալիշան ու Խրիմեան իրենց հետեւորդներով: Այնուհետեւ՝ մշակական ու մեղրուական հոսանքների գոտեմարտը Կովկասում, Գր. Արծրունի ու, մանաւանդ, Բաֆֆի: Լուսաւորեալների եւ խաւարամիտների պայքարը Պոլսում, Երեսփոխանական ժողովի ու Պատրիարքարանի ծոցում կամ մամուլի էջերից: 1877-78 թ. ռուս-թրքական սրատերազմի եւ Բերլինի Վեհա-



ժողովի առաջ բերած շարժումները, ութսունական թուականների գաղափարական խմորումներն ու յեղափոխական խմբակցութիւնները թուրքիայի եւ Ռուսաստանի զանազան կենտրոններում, մինչեւ արմենականութիւն ու Հնչակեանութիւն, որոնք փորձեցին գործի վերածել յեղափոխական տրամադրութիւնները:

Հ. Յ. Դաշնակցութիւնը, հիմնուելով նախորդների կատարած աշխատանքի վրայ եւ մեկնակէտ ունենալով հայ իրականութիւնը, ջանաց համադրել եւ գործօն շարժման վերածել ազգային յեղափոխութեան գաղափարը: Մինչեւ «Հնչակ»ի երեւան գալը ծնունդ առած խմբակցութիւնների դերը եղաւ գերազանցապէս քարոզչական: Հնչակեանութիւնը առաւելաբար զբաղուեցաւ ցուցական գործունէութեամբ: Հ. Յ. Դաշնակցութիւնը, համադրելով իր նախորդների գաղափարներն ու գործելակերպը, դարձաւ յեղափոխական կենդանի գործի մարմնացում: Նրա ձգտումն էր, ելակէտ ունենալով «Տաճկահայաստանի միանգամայն սարսափելի դրութիւնը» եւ նպատակ դնելով «ազատել ժողովրդին այդ անտանելի դրութիւնից»՝ ձեռք բերելով «ապագայ ազատ Հայաստանում ժողովրդական-ազատական կառավարութիւն», միացնել ու ձուլել իր ծոցում յեղափոխական բոլոր ուժերը: Եւ արդէն իր սկզբնական անունն էլ ա՛յդ էր ցոյց տալիս՝ Հայ Յեղափոխականների Դաշնակցութիւն: Գոյութիւն ունեցող բոլոր յեղափոխական ուժերի միութիւն մէկ ընդհանուր դրօշակի տակ:

Ի՞նչ պայմաններում եւ ինչպէ՞ս ծնունդ առաւ Հ. Յ. Դաշնակցութիւնը, ովքե՞ր էին նրա հոգեւոր ծնողները, նրա հիմնադիրները:

Յիշեցինք արդէն, որ անցեալ դարի ութսունական թուականները ազգային ազատադրական-յեղափոխական խմորումների շրջան եղան հայ կեանքում: Բերլինի 61-րդ յօդուածը, որքան եւ անդոհացուցիչ ու անհամապատասխան հայութեան ակնկալութիւններին, մեծ տպաւորութիւն գործեց հայ մտաւորականութեան եւ երիտասարդութեան մտքերի վրայ: Ընդհանուր կարծիքը այն էր, որ եթէ Հայաստանը Բուլղարիայի բախտին չարժանացաւ, ազատութիւն չստացաւ, պատճառը այն էր, որ հայ ժողովուրդը չէր պատրաստուած, ազատութեան համար արիւն չէր թափած, որպէսզի Եւրոպան օգնէր նրան: Բերլինի Վեհաժողովին յանուն հայ ազգի ներկայացրած բողոքում Խրիմեան Հայրիկը որոշ կերպով արտայայտել էր այդ միտքը. «Հայերը հասկացան, թէ խարուել են, թէ նրանց իրաւունքները չեն ճանաչուել, որովհետեւ խաղաղասէր են եղել... Հայ պատուիրակութիւնը պիտի վերադառնայ Արեւելք՝ իր հետ տանելով այդ դասը:



Բայց այնուամենայնիւ՝ նա յայտնում է, որ հայ ժողովուրդը երբեք չպիտի դադարի աղաղակ բարձրացնելուց, մինչեւ որ Եւրոպան նրա պահանջներին արդար գոհացում չտայ» :

«Սաղալսէր են եղել», աղաղակ չեն բարձրացրել, յոյս են դրել միայն իրենց քրիստոնէական հաւատի եւ քրիստոնեայ Եւրոպայի մարդասիրութեան վրայ, — Բերլինի Վեհաժողովը, սակայն, հասկացրեց հայերին, որ ազատութիւն ստանալու համար ազգերը պէտք է դործով ցոյց տան, թէ արժանի են ազատութեան: Դառն էր դասը, բայց պէտք էր այդ դասից հանել տրամաբանական եզրակացութիւնը, մշակել ազգային քաղաքականութեան նոր ուղեգիծ, բռնել այն ճանապարհը, որով պէտք է է ընթանար հայութիւնը վերջնական ազատութեան հասնելու համար: Խրիմեան Հայրիկն, Բաֆֆին, Ներսէս Վարժապետեանը ցոյց տուին այդ ճանապարհը:

Պատրիարք Ներսէս Վարժապետեանը, որպէս պաշտօնական ներկայացուցիչ հայ ժողովրդի, Բերլինի Վեհաժողովի արդիւնքների մասին Երեսի. ժողովում խօսած իր պատմական ճառում, յստակ կերպով ձեւակերպեց հայութեան վարելիք հետագայ քաղաքականութիւնը: Նրան մեղադրում էին ոմանք, թէ սխալ էին ազգի կողմից կատարուած քայլերը Սան Ստեֆանոյում ու Բերլինում, «ինչ<sup>օ</sup> սկսանք, եթէ պիտի չյաջողէինք»: Վարժապետեանը պատասխանում է վրդովումով. «Ո՞ր ազգ կրցած է յանկարծակի կերպով իր բաղձանացն ի կատար հասնիլ». «Օր մը յաջողելու համար ա՛յս օրէն սկսելու էր. եւ զի եթէ ապահով կերպով զխոնայի ալ առաջուց, թէ պիտի չյաջողիմ բնաւ, դարձեալ պիտի սկսէի»:

Ու ցասումով շարունակում է իր խօսքը. «Ըսէ՛ք, պիտի ներէի՞ք ինձ, որ այնպիսի պարագայի մէջ, ուր Թուրքիոյ քրիստոնեայ ժողովրդոց բախտը պիտի վճռուէր, ձեր պատրիարքը անհոգ կենար. ըսէ՛ք, պիտի ներէի՞ն ինձ մեր նախնեաց հոգիք՝ Հայկէն մինչեւ վերջին մեր Լեւոն, Լուսաւորիչէն մինչեւ վերջին Ներսէս, եթէ խոչ ու խուժ առ ոտն հարկանելով՝ մինչեւ Եւրոպա չհասցունէի ազգին աղաղակը»:

Բնական է, որ ա՛յն օրերին Հայոց Պատրիարքը չէր կարող «մինչեւ Եւրոպա չհասցնել ազգին աղաղակը»: Պատմական անհրաժեշտութիւն էր Ներսէս Վարժապետեանի քայլը: Երբ Օսմանեան կայսրութեան կառուցուածքը ճարճատում էր իր հիմքից, երբ հայութեան կեանքը Սուլթանի տիրապետութեան տակ դարձել էր այլեւս անհանդուրժելի, երբ, միւս կողմից, Թուրքիայի բոլոր քրիստոնեայ ազգերը ազատութիւն էին ձեռք բերում, երբ մեծ պետութիւնները պատրաստում էին Թուրքիայի ճակատա-



գրի մասին լուրջ կարգադրութիւններ անելու, այդպիսի պայմաններում անհնար էր Հայոց Պատրիարքի եւ ողջ հայութեան համար «անհոգ կենալ» եւ «մինչեւ Եւրոպա չհասցնել ազգին աղաղակը»:

Բացի այդ, Վարժապետեանը յոռետես էլ չէր: Անշուշտ, Բերլինը չարդարացրեց ազգի յոյսերը, բայց եւ բոլորովին անօգուտ չանցաւ. 61-րդ յօդուածը, իր թերութիւններով հանդերձ, մի մուրհակ էր, որ Եւրոպան տալիս էր հայերին: Ծիշդէ, մուրհակի վրայ ոչ վճարուելիք դումարն էր նշանակուած որոշ կերպով, ոչ էլ ժամկէտը, բայց, վերջապէս, մուրհակ էր, որով Հայկական Հարցը դրուում էր միջազգային դիւանագիտութեան սեղանի վրայ: Վարժապետեանը մեծ կարեւորութիւն էր տալիս այն փաստին, որ «առաջին անգամ հայ ազգին անունն անցաւ հանդիսաւոր դաշնադրութեանց մէջ», որով «հայոց ապագային սերմունքը դրուեցան»: Եւ այս միայն Վարժապետեանի համոզումը չէր. սակաւ բացառութեամբ, ամբողջ ազգը այդպէս էր զգում ու մտածում: «Բերլինի դաշնագրի 61-րդ յօդուածը հայ ժողովրդի առջ քաց էր անում վարդագոյն յոյսերի ընդարձակ հեռանկարներ» (Քրիստափոր): Յոռետես լինելու պատճառ չկար: Անհրաժեշտ էր աւելի մեծ եռանդով եւ ծրագրուած ձեւով շարունակել սկսուած աշխատանքը:

Նոյն ճառում Վարժապետեանը պարզում է եւ ազգի հետագայ անելիքը, որ ամբողջ մի ծրագիր էր յաջորդ սերունդների համար. —

«Տեա՛րք երեսօրիսանք, մենք յարատեւինք մեր սկսած գործին մէջ: Այսպիսի գործ ո՛չ մէկ օրուան մէջ, ոչ մէկ մարդու ձեռքով կրնայ կատարուիլ: Պատրաստուինք մեր ապագային: Նախ՝ չկենանք հոս, Հայաստա՛ն երթանք. Հայաստա՛ն դրկենք՝ ինչ որ ունինք ազգին մէջ բանիրուն, տաղանդաւոր, ազգասէր, ուսումնասէր, եկեղեցասէր. Հայաստա՛ն երթան մեր դաստիարակներ, ուսուցիչներ, մեր այնքան վառվռուն երիտասարդներ. Հայաստա՛ն երթան այնքան դժբախտ պանդուխներ. ո՛չ եւս պիտի ըլլայ հոն սով, սրածութիւն, ո՛չ եւս հարստահարութիւն, ո՛չ եւս կենաց եւ ընչից եւ պատուոյ առեւանդութիւն: Ուղիներ պիտի բացուին, ջրանցքներ պիտի շինուին, գործարաններ պիտի կառուցուին. Անգլիոյ դրամատէրք հոն պիտի երթան իրենց դրամը գործածելու. թող երթան մեր դրամատէրք ալ, ընկերութիւններ կազմեն, ընկերութիւններ՝ ամէն քաղաք եւ դիւղ դպրոցներ հաստատելու համար. Հնդկաստանէն, Հայաստանէն, Անգլիայէն, Բուրքիայէն, Ռուսիայէն, Աւստրիայէն ու մինչեւ Պարսկաստանէն միանան, ձեռք-ձեռքի տան բոլոր հայերը»:

Հայաստանի տնտեսական-մշակութային վերաշինութեան



ծրագիր էր այս, իբրև նախապայման քաղաքական ազատութեան: Ներսէս Վարժապետեանը հայ ժողովրդի սրտից էր խօսում. խտացուած ու հատու խօսքերով արտայայտում էր այն գաղափարը, որ ամուր տեղ էր դրել ժամանակի բոլոր դիտակից հայերի մտքում: Եւ Երեսփ. ժողովը ձայների ճնշող մեծամասնութեամբ վստահութիւն յայտնեց իր Պատրիարքին, թէ նա «վարուած է ազգին շահուց համեմատ»:

«Չկենանք հոս, Հայաստա՛ն երթանք» — Վարժապետեանը փաստօրէն կրկնում էր Խրիմեան Հայրիկի «դէպի գաւառ» կոչը: Իբրև գաւառի հարստահարուած ժողովրդի ապրումների եւ իղձերի արտայայտիչ, Խրիմեանը, սակայն, չէր բաւականանում միայն մշակութային-տնտեսական ծրագրով: Այդ ինքն ըստ ինքեան հասկանալի եւ կարեւոր էր, բայց ցաւի հիմնական դարմանը չէր: Բերլինը նրան ուրիշ բան էր սովորեցրել, թէ եւ Բերլինից առաջ էլ արդէն նա եկել էր այդ համոզման — ինքնապաշտպանութեան եւ զինուած պայքարի անհրաժեշտութեան: «Տուլի եղջիւրններ» պէտք է ունենաս, քարոզում էր նա հայ ժողովրդին, «չերթաս՝ ուրիշների տունը վարձկան չդառնաս». մնա՛ քո սեփական հողի վրայ, ոռոգիր հողդ արդար քրտինքով եւ՝ վարժելիք գէնք գործածել կեանքդ, գոյքդ եւ պատիւդ պաշտպանելու համար: «Քանի որ անղէն, անեղջիւր, անասպար կ'ապրիք, խրատում էր նա իր «Հայոց ողջ մնացած որդիներին», դուք պիտի կոտորուիք ... Դուք մարդ էք, ձեռք ու բազուկ ունէք: Միթէ՞ դուք ցանկալի ազատութիւնը առանց զոհի եւ արեան ձրի ստանալ կ'ողէք»:

Բերլինը աւելի եւս ամրապնդեց նրան այս կարծիքի մէջ: Նա Պոլիս վերադարձաւ այն համոզումով, որ «առանց զոհի եւ արեան» կարելի չէ ստանալ «ցանկալի ազատութիւնը»: Եւ իր այս համոզումը յայտարարեց Մայր Եկեղեցու բեմից՝ սրտատրոփ իր խօսքին սպասող խուռնամբոխ բաղմութեան իր հռչակաւոր քարոզով: Այդ քարոզի հարազատ բնագիրը գոյութիւն չունի, գժբախտաբար, բայց ակնհաստեսների յիշողութեան մէջ մնացել է հետեւեալ ձևով. —

«Օրհնեա՛լ ժողովուրդ հայոց: Հիմա դուք ամենքնիդ ալ ականջնիդ սրած՝ անհամբեր եւ սրտատրոփ կը սպասէք, թէ արդեօք Հայրիկ ի՞նչ աւետիս բերած է ձեզ Բերլինի վեհաժողովէն եւ թէ ի՞նչ պիտի ըսէ Յլ-րդ յօդուածի մասին, որ աշխարհի հզօր տէրութիւնք շնորհեցին մեր հայաբնակ գաւառներուն: Ինչ որ ըսեմ՝ լաւ մտիկ ըրէք, ըսածներուն իմաստը լաւ ըմբռնեցէք:

«Գիտէք, որ մենք Ներսէս Պատրիարքի եւ Աղլային ժողովոյ



որոշմար իբր պատգամաւոր գացինք Բերլին Հայկական Դատը մեծ պետութեանց Վեհաժողովին ներկայացնելու համար: Շատ մեծ յոյս ունէինք, որ Վեհաժողովը աշխարհին խաղաղութիւն, իսկ փոքր եւ ճնշեալ ազգաց, ի թիւս որոց նաեւ մեր ազգին, ազատութիւն պիտի շնորհէ: Վեհաժողովը բացուեցաւ. աշխարհի մեծ պետութեանց քաղաքագէտ պատգամաւորները շարուեցան կանանց սեղաններուն բոլորտիք, իսկ փոքր եւ ճնշեալ ազգաց պատգամաւորներս Վեհաժողովէն դուրս կը սպասէինք: Վեհաժողովին մէջտեղը, կանաչ սիւնոցով ծածկուած սեղանի մը վրայ, դրուած էր մեծ կաթսայ մը հարիսա, ուրկից բաժին պիտի ստանային աշխարհիս մեծ ու փոքր ազգերն ու տէրութիւնք: Ժողովականներէն ոմանք կը քաշէին Արեւելք, ոմանք կը քաշէին Արեւմուտք եւ այսպէս երկար վիճարանելէ յետոյ, սկսան կարգաւ, մի առ մի, ներս կանչել փոքր ազգաց պատգամաւորները: Նախ՝ Պուլկար ներս մտաւ. ապա Սերբիացին, Ղարաղաղցին, որոնց կողերէն կախուած սուրերու շաքուչուքոցը գրաւեց ժողովականներու ուշադրութիւնը: Բաւական խօսելէ յետոյ, այս երեք պատգամաւորները քաշեցին իրենց սուրերը եւ իբրեւ երկաթեայ շերեփ խոթելով հարիսայի կաթսային մէջ՝ իրենց բաժին հարիսան առին եւ հպարտ ու համարձակ հեռացան: Կարգն եկաւ հայոց պատգամաւորին. ես մօտեցայ եւ Ազգային Ժողովին կողմէ ձեռքս տրուած աղբրսաթուղթը ներկայացուցի եւ աղաչեցի, որ իմ մանս ալ լնուն հարիսա: Յայնժամ կաթսային գլուխ ստասող մեծաւորներ հարցուցին ինձ. «Ո՞ւր է քո երկաթեայ շերեփը: Յիրաւի, հոս հարիսա կը բաժնուի, բայց երկաթեայ շերեփ չունեցողն չէ կարող անոր մօտենալ: Զայս իմացիր եւ եթէ մօտ ատենէն այս հարիսան կրկին բաժնուի, առանց երկաթեայ շերեփի չգաս, զի պարապ յետ կը դառնաս»: Է՛հ, սիրելի ժողովուրդ հայոց, ես կրնայի՞ հարիսայի կաթսային մէջ խոթել իմ թուղթէ շերեփը, որ պիտի թրջուէր եւ հոն մնար: Հոն, ուր գէնքն է խօսող, ուր սուրեր կը շողշողան, հոն ի՞նչ գործ ունին խնդիրք եւ աղբրսաթուղթք:

«Եւ, յիրաւի, տեսայ, որ Ղարաղաղցուն, Պուլկարին եւ այլոց պատուիրակներուն քով կային քանի մը քաջեր, որոց կողերէն կախուած սուրերէն արիւն կը վազէր, Յայնժամ դարձուցի երեսս եւ իբր թէ կը փնտռէի իմ գէյթունցի, սասունցի, շատախցի եւ այլ լեռնցի եւ դաշտեցի քաջերս, բայց ո՞ւր էին, ժողովուրդ հայոց, ըսէ՛ք, ո՞ւր էին այդ քաջերը. պէտք չէ՞ր, որ անոնցմէ մէկ-երկու հոգի ալ իմ քովս դառնուէին, որ անոնց արիւնոտ սուրերը Վեհաժողովի քաղաքագէտներուն ցուցնելով՝ գոչէի. «Տեսէ՛ք, ահա՛ իմ երկաթեայ շերեփները, հո՛ս են, պատրա՛ստ...»

«Ժողովուրդ հայոց, անշուշտ, լաւ հասկցաք, թէ գէնքը ինչ



կրնար գործել եւ կը գործէ : Ուրեմն, սիրելի եւ օրհնեալ հայաստանցիներ, գաւառացիներ, երբ հայրենիք վերադառնալու լինիք, ձեր բարեկամաց եւ ազգականաց, իբր պարզեւ, մէկ-մէկ զէնք տարէք, զէնք առէք եւ դարձեալ զէնք : Ժողովուրդ, ամենէն առաջ քո ազատութեան յոյսը քո վրայ դիր, քո խելքին եւ բազուկին ուժ տուր. մարդ ինքիրմէն պէտք է աշխատի, որ փրկուի. իսրայէ՛լ, դու փրկեսցես զքեզ» :

Կրկնում ենք, որ Հայրիկի այս պատմական քարոզի բուն բնագիրը գոյութիւն չունի. կան ժամանակակից անձերի զանազան վերյիշումներ, որոնք բոլորն էլ հիմնականում իրարից չեն տարբերուում. Հայրիկը յորդոր էր կարգում ժողովրդին զինուել եւ, ինչպէս պիտի ասէր Գամառ Քաթիպան, պատրաստուել «արիւն վոթելու», որովհետեւ «առանց զոհի եւ արեան» անհնար էր ձեռք բերել «ցանկալի ազատութիւնը» : «Երկաթէ շերեփ»ի պատմութիւնը այնուհետեւ պիտի դառնար քաղաքական իմաստութեան եւ ոգեւորութեան աղբիւր ազատատենչ սերունդների համար :

Եթէ Ներսէս Վարժապետեանը ազգահաւաքման եւ խաղաղ շինարարութեան ուղին էր ցոյց տալիս հայութեան եւ դիւանագիտական միջոցներով յոյս ունէր հասնել Հայաստանի ազատութեան, Սրիմեան Հայրիւր չմերժելով այդ քաղաքականութիւնը՝ անհրաժեշտ էր համարում դրա վրայ աւելացնել նաեւ «երկաթէ շերեփը», հրաւէր էր կարգում հայ ժողովրդին հետեւելու Բալկանեան ազգերի օրինակին, որոնք զէնքի ուժով ստացել էին անկախութիւն : Եթէ առաջ էլ Վասպուրականի Արծիւը, երկրի ներքին պայմաններից խրատուած, «առանց զոհի եւ արեան» փրկութիւն չէր տեսնում հայութեան համար, այժմ, Եւրոպան ճանաչելուց եւ քաղաքական աշխարհին ու դիւանագիտական բարքերին մօտից ծանօթանալուց յետոյ, աւելի եւս ամրացել էր այդ համոզման մէջ : Որպէսզի Եւրոպան քեզ օգնէ, դու պէտք է ստիպես, որ օգնէ, պէտք է շահադրգոես Եւրոպային քեզ օգնելու : Իսկ այդ հնարաւոր է միայն այն դէպքում, երբ դու հաշուի առնելիք արժէք ներկայացնես : Մեծ պետութիւնների համար կարեւոր են ոյժը եւ շահը : Հայը պէտք է դադարէ աղերսող ժողովուրդ լինելուց. աղերսաթուղթերը արժէք չունին : Զինուի՛ր «երկաթէ շերեփով», եւ պայքարիւր քո իրաւունքների համար : Պատրա՛ստ եղիր, որ «եթէ մօտ ատենէն հարիսան նորէն բաժնուի, առանց երկաթեայ շերեփի չգաս» :

Սա պարզ հրաւէր էր յեղափոխութեան : Եւ յեղափոխութեան ոգին արդէն սաւառնում էր օդում : Այն՝ ինչ որ Վարժապետեանն



ու Խրիմեանը քարոզում էին, իբրեւ ընդհանուր գաղափար, Բաֆֆին հետզհետէ վերածեց գործնական ծրագրի իր յեղափոխական յափշտակիչ վէպերով, որոնք անջնջելի կնիք դրին ժամանակակից սերնդի մաքերի վրայ: 1878 թ. Մայիսից սկսեց հրատարակուել «Մշակ»ում նրա «Ջալալէդդին»ը՝ անօրինակ խանդավառութիւն առաջ բերելով երիտասարդութեան մէջ: Աւելի ցնցող էր նոյն «Մշակ»ում հրատարակուած «Խենթ»ի թողած տպաւորութիւնը: Մի քանի տարի յետոյ, լոյս տեսաւ նրա յեղափոխական-ծրագրային մեծ վէպը՝ «Կայծեր»:

Այս եւ միւս գործերում Բաֆֆին կենդանի գործի է վերածում այն՝ ինչ որ Խրիմեանն ու Վարժապետեանը քարոզում էին, իբրեւ ընդհանուր սկզբունք: Նրա հերոսները երեւակայական անձեր էին, բայց շուտով պիտի երեւէին կեանքում, իբրեւ կենդանի էակներ: Նա իր սուր բնազդով նախատեսեց մօտալուտ ապագան: Նրա գաղափարները Յ1-րդ յօդուածից ծնունդ առած եւ Արծրունու մշակական դարբնոցում կոփուած ազատական գաղափարներն էին, որոնց գործադրութեան համար ծրագիրներ էր առաջարկում: Քարոզի ժամանակը անցած էր համարում Բաֆֆին: Պէտք էր կենդանի գործ: Եւ նրա հերոսները գործի մարդիկ էին: Նրա հայրենասիրութիւնը դուրս էր գալիս նախորդների վերացական, տեսլական հայրենասիրութեան սահմաններից: Բաֆֆիի հայրենասէրը կեանքի չարիքների դէմ կուրծք տուող, յաճախ, դաժան միջոցներով մաքառող, ակն ընդ ականի վարդապետութեան հետեւող, հարստահարիչ ու բռնացող թշնամու դէմ զէնքով պայքարող հերոս է: «Զինեալ հայրենասիրութիւն», ըստ Ն. Ադոնցի: Զինեալ հայրենասիրութիւն եւ զինեալ ազատամարտ յանուն հայրենիքի փրկութեան — ա՛յս էր Բաֆֆիի դաւանանքը: Մի ռազմական, որ մինչեւ այդ խորթ է եղել հայի հոգուն:

Բաֆֆին խորապէս ուսումնասիրել էր հայկական իրականութիւնը, ինչպէս նաեւ հայոց անցեալը: Նա իր երկերում մասնանշեց բոլոր այն չարիքները, որոնք սլատճառ էին հայ ժողովրդի դժբախտութեանց: Միայն օտար տիրապետութեան լուծը թօթափելով, նրա կարծիքով, չարիքը չէր վերանայ. անհրաժեշտ էր նոյնպիսի եռանդով պայքար մղել եւ ներքին չարիքների դէմ — մտաւոր յետամնացութիւն, կղերի եւ վաչխառունների հասցրած վնասներ, ազգային անմիաբանութիւն, կրօնական անհանդուրժողութիւն, տգիտութեան եւ սարկամտութեան ողբ, անիշխանութիւն եւ շահամոլութիւն ազգային հաստատութիւնների մէջ: Այս բոլորի դէմ էլ անհրաժեշտ էր կուռել արմատական միջոցներով: Յեղափոխութիւն թուրք բռնակալութեան դէմ, բայց յեղա-



փոխութիւն նաեւ ազգային ներքին չարիքների դէմ՝ միացեալ, լուսամիտ եւ ազատ ազգութիւն ստեղծելու համար:

ԲաՖՖին իր մարզարէական տեսողութեամբ նախադժեց այն ամէնը, որ մօտիկ ապագայում տեղի պիտի ունենար: Իր երեւակայած «աւազակ» յեղափոխականներն ու հայդուկային խմբերը, իր Սահրատներն ու Խենթերը, Սաքօներն ու Կարօները, Աւօներն ու Ասլանները շուտով երեւան պիտի դային Հայոց լեռներում, յանձին Արարօների, Յունօների, Քեռիների, Շամիլների, Գէորգ Չաւուշների, Արխանեանների, իբրեւ կենդանի դործողներ, ի վերջոյ, կազմելու համար Հայ Յեղափոխականների Դաշնակցութեան մարտական ու մտաւորական ասպետների զօրադունդը:

Գաղափարական այս խմորումները, մտքի եւ զգացմունքների անօրինակ խռովքը, հայրենասիրական բուռն եռուզեռը, որ յաջորդեց Բերլինի Վեհաժողովին, շուտով վերածուեց իրական դործի՝ Վարժապետեանի եւ Խրիմեանի ու ԲաՖՖիի ցոյց տուած երկու ուղղութիւններով: Մի կողմից՝ ծայր տուեց տարերային մի շարժում հայ հասարակութեան մէջ դաւառաբնակ հայութեան կրթական-տնտեսական մակարդակը բարձրացնելու համար: Իրար յետեւից սկսեցին հիմնուել ընկերութիւններ, որոնց նպատակն էր դպրոցներ բանալ դաւառներում: 1880-ին, երեք մեծ ընկերութիւնների միաձուլումով, կազմուեց հռչակաւոր Միացեալ ընկերութիւնը, որ այնքան մեծ դեր կատարեց ապագային: Ընկերութիւնների կողմից դաւառ անցան երիտասարդ մտաւորական ուժեր՝ նուիրուելու համար ժողովրդի լուսաւորութեան դործին: Դրանց մէջ առանձնապէս նշանաւոր եղան Մկրտիչ Փորթուղալեանը, որ 1878-ին հիմնեց Վանի Վարժապետանոցը. Մըկըրտիչ Սարեանը մի խումբ գաղափարական ուսուցիչներով, իբրեւ Միացեալի դպրոցների ընդհանուր տեսուչ: Միաժամանակ Կովկասից էլ սկսուեց նմանօրինակ մի շարժում՝ «Դէպի Երկիր», երիտասարդ մտաւորականների հոսանք դէպի Թրքահայաստան՝ ժողովրդի լուսաւորութեան դործին ծառայելու կամ երկրի պայմանները ուսումնասիրելու նպատակով:

Կրթական աշխատանքին զուգընթաց՝ այս «առաքեալները» նաեւ հայրենասիրական սերմեր էին ցանում ժողովրդի մէջ, ազգային-քաղաքական դաստիարակութիւն էին տալիս, զարգացնում էին ժողովրդի մէջ ինքնապաշտպանութեան եւ ազգովին, կազմակերպուած ու համերաշխ, «երկաթէ շերեփով» դործելու գիտակցութիւնը: Մտքի լուսաւորութիւնը, կրթական դործը նրանց համար նախապայման էր միայն հետագայ ազատագրական մարտերի համար: Ազատամարտը անխուսափելի էր եւ անհրաժեշտ: Այս գիտակցութիւնը ընդհանուր էր եւ տիրական ութսունական





Մ. ՓՈՐԹՈՒԳԱԼԵԱՆ

թուականների սերնդի մէջ: Նոյնիսկ պահպանողական տարրերը համոզուած էին, որ Հայոց փրկութիւնը ղէնքից է կախուած:

«Հայոց ազգի անմիտ երկչոտութիւնը մինչև այն աստիճան հասած է, զրում էր 1878-ին Պոլսի «Փունջ»ում Այվազեան վարդապետը, որ իւր թշուառ վիճակին վրայ նշան անգամ չի յայտներ: Երբեմն իր յոյսերը Սահմանադրութեան վրայ դրած էր, այսօր ալ իւր բոլոր ակնկալութեանց կեդրոն ըրած է դպրոցները եւ կը սպասէ, որ դպրոցներէն դտնէ ազատութիւն: Բայց մի՞թէ դպրոցին մէջ կը սորվի հայն արիւննուշտ քիւրաին թուրը ջախջախել... Պաշտպանե՛լ պէտք է ազգութիւնը ինչ միջոցով ալ ըլլայ, եթէ բարոյական ազդեցութեամբ, եթէ բռնութեամբ, եթէ յեղափոխութեամբ, միայն թէ հայրենիքը փրկուի»:

Այվազեան վարդ.—ի պէս մտածողները, ի հարկէ, սխալուած էին: Կրթական-դպրոցական շարժումը զուտ մշակութային երեւոյթ չէր, այլև ազգային-քաղաքական բովանդակութիւն ունէր: Փորթուպալեաններն ու Սարեանները միայն ուսուցիչներ չէին. դպրոցը նրանց համար միջոց էր նաև հայ ժողովուրդը պատրաստ-



տելու ազատագրական պայքարի համար: Եւ թուրքը այդ շուտով ըմբռնեց՝ շտապելով հեռացնել նրանց գործունէութեան ասպարէզից, բանտարկելով եւ աքսորելով:

Չուր էր դանդաւոր եւ այն մասին, թէ հայը միայն «գայրոցներէն կը սպասէր դտնել ազատութիւն»: Ոչ միայն «բարոյականութեամբ», «յեղափոխութեամբ» էլ սկսել էին արդէն գործել հայերը: Եթէ չհաշուենք 1872-ին Վասպուրականում ծնունդ առած «Միութիւն ի Փրկութիւն» գաղտնի ընկերութիւնը «Մահ կամ Ազատութիւն» նշանաբանով, որի մասին, դժբախտաբար, շատ քիչ տեղեկութիւն է մնացել հայ ազատագրական շարժման պատմութեան մէջ, 1880-ին, Կարինում արդէն գործում էր «Պաշտպան Հայրենեաց Գաղտնի Ընկերութիւն Բարձր Հայոց» կազմակերպութիւնը, որ նպատակ էր դրել զէնքի ուժով ձեռք բերել Հայաստանի ազատութիւնը: Ընկերութիւնը կազմուած էր, մեծ մասամբ, արհեստաւոր ու առեւտրական խոնարհ տարրերից. հետեւորդներ ունէր եւ Դաշտի գիւղերում: Անդամները բաժանուած էին տասնեակներով՝ խմբապետների ղեկավարութեան տակ: Անդամավճար էր հաւաքուած: Գաղտնի ժողովներ էին գումարուած: Թուղթիկներ էին հրատարակուած: Խումբերը ունէին զէնքեր եւ ամէն անդամ պարտաւոր էր զինավարժութեամբ պարապել: Ընկերութիւնը յարաբերութիւններ էր հաստատել Կովկասի գործիչների եւ Խրիմեան Հայրիկի հետ, որ այդ միջոցին Վանումն էր:

1882 թ. Նոյեմբերին, պատահական մի դէպքի հետեւանքով, Գաղտնի Ընկերութեան գոյութիւնը յայտնի դարձաւ թուրք իշխանութեան: Տեղի ունեցան խուզարկութիւններ եւ 76 հոգի ձերբակալուեցան, որոնցից 57 հոգի դատարանի յանձնուեցան 1883-ին՝ Սուլթանի իշխանութեան դէմ յեղափոխութիւն պատրաստելու եւ Հայաստանը Թուրքիայից անջատելու ամբաստանութեամբ: Դատախազը բոլորի համար մահապատիժ պահանջեց: 40 հոգի դատապարտուեցին 5-15 տարի բանտարկութեան: Մնացածները անպարտ արձակուեցին:

Առաջին քաղաքական դատն էր այս, որ հայերը ունեցան Թրքահայաստանում:

Միեւնոյն տարիներին, Խրիմեանի եւ Փորթուզալեանի դատարակած սերունդը հիմք է դնում հայրենասիրական գաղտնի կազմակերպութեան Վանում, որ նախապէս յեղափոխական բնոյթ ունէր, աշխատում էր նախապատրաստել ժողովրդին զինուած պայքարի համար, զէնք էր ներմուծում Երկիր, հայդուկային խմբեր էր կազմում եւ հաւատում էր ընդհանուր ապստամբութեան: 1885 թուականից յետոյ, երբ Մ. Փորթուզալեանը Մար-



սէյլում հիմնեց «Արմենիա» չափաւոր-ազատական թերթը, Վանի այս կազմակերպութիւնը յարեց նրա ուղղութեան՝ իւրացնելով «Արմենական» անունը՝ ապագային, 1908-ին, ձուլուելու համար նորաստեղծ Սահմանադիր-Ռամկավար քաղքենի-պահպանողական կուսակցութեան հետ: Արմենականութիւնը, հակառակ թափուած ճիղերի, լայն տարածում չգտաւ եւ Վասպուրականի սահմաններից դրեթէ դուրս չեկաւ՝ մնալով, իբրեւ Վանի տեղական կազմակերպութիւն: Իր դերը եղաւ աւելի քարոզչական: Նախ քան «Հնչակ»ի եւ «Դրօշակ»ի երեւան դալը, Փորթուզալեանի «Արմենիա»ն որոշ ազդեցութիւն ունեցաւ ազատագրական մտքերի արծարծման տեսակէտից: Ոմանք Փորթուզալեանի «Արմենիա»ն նմանեցնում են ռուս յեղափոխութեան ռահվիրայ Գերցէնի «Կոլոկոլ»ին (Չանդ), որ սխալ է, ի հարկէ: Ոչ Փորթուզալեանը Գերցէն էր, ոչ էլ «Արմենիա»ն՝ «Կոլոկոլ», որի հնչած ահազանդը ցնցեց ժամանակի ռուս մտաւորականութեան ու երիտասարդութեան մտքերն ու հոգիները:

Բարձր Հայքով ու Վասպուրականով չսահմանափակուեցին, անշուշտ, յեղափոխական խմորումները: Հայկ. ուրիշ կենտրոններում էլ ծնունդ առին նոյնանման գաղտնի խմբեր միևնոյն նպատակներով — կազմակերպուած եւ ղինուած պայքարով նուաճելու Հայաստանի ազատութիւնը: Պոլիս, Մուշ, Սերաստիա, Կիլիկիա եւ այլ վայրերում հայ հանրային միտքը, առաւել կամ նուազ չափով ազդուած էր ժամանակի ազդասիրական-ազատագրական խմորումներից:

Նոյն երեւոյթը տեսնում ենք եւ սահմանի միւս կողմը՝ ռուսահայութեան մէջ: Այստեղ եւս յեղափոխական խմորումները նկատուում են համարեա բոլոր հայաբնակ վայրերում: Այսպէս, ութսունական թուականների սկզբին, Երեւանում, գոյութիւն ունէր մի գաղտնի ընկերութիւն, որի նպատակն էր դրամ հաւաքել եւ դէնք ու գործիչ ուղարկել Թրքահայաստան՝ ապստամբութեան միջոցով ազատելու համար Հայաստանը թրքական լծից: Այս ընկերութեան կողմից էր, որ Երկիր անցան հետագային յեղափոխական ռահվիրայի հռչակ ստացած Զաքքին (Բազրատ վարդ. Թաւաքալեանը), ինչպէս եւ Դարալագեազցի Տէր-Գրիգորը: Երեւանի ընկերութիւնը մի քանի տարուայ կեանք ունեցաւ եւ, ի վերջոյ, նրա անդամները — Վ. Եղիազարեան, Տ. Վարդանեան, Թ. Մահերեան եւ ուրիշներ ձերբակալուեցին եւ աքսորուեցին Ռուսաստանի շանազան կողմերը:

Նոյն ժամանակները Ղարաբաղի կենտրոն Շուշիում դործում էր դպրոցական աշակերտներից եւ գործակատարներից կազմուած «Ոյժ» հայրենասիրական գաղտնի ընկերութիւնը, որի նպատակն



էր նոյնպէս դրամով եւ գէնքով օգնել Հայաստանի ազատութեան «սուրբ գործին» :

Գաղտնի ընկերութիւններ կային եւ Բագում ու Կովկասի ուրիշ հայաշատ վայրերում, բայց յեղափոխական խմորումների կենտրոն էին, մասնաւորապէս, Թիֆլիսը, Մոսկուան ու Պետերբուրգը: Վերջին երկու քաղաքների հայ ուսանողութիւնը կազմում էր յեղափոխական շարժման թիֆլիսը՝ առաջինը՝ համամարդկային-ընկերվարական հակումներով, վերջինը՝ զուտ ազգային գետնի վրայ:

Քրիստափորը և Զաւարեանը իրենց յուշերում\* ) պատմում են, որ արդէն 80-ական թուականների առաջին տարիներին Թիֆլիսում գոյութիւն ունէին գաղտնի խմբակներ, բաղկացած գլխաւորապէս թրքահայ պանդուխտ մշակներից կամ դպրոցական աշակերտներից, որոնք պատրաստուում էին յեղափոխական գործունէութեան: Քրիստափորը գրում է. «83 թուականի ամառը Թիֆլիսում գոյութիւն ունէր բաւական ամուր եւ գործունեայ մի խումբ: Բացի երկսեռ երիտասարդութեան ինքնազարգացման խմբակների ղեկավարութիւնից, այդ խումբը հրատարակում էր խմորատիպ թուուցիկ թերթեր: Ես յիշում եմ մի շարք այդպիսի թուուցիկներ Նալբանդեանից, Գամառ Քաթիպայից եւ Բաֆֆիից առնուած մակադրութիւններով — «Ամենայն տեղ մահը մի է»: «Մեր Հայրենիք, թշուառ անտէր», «Հիմի՞ էլ լուսնք», «Արդեօք դալո՞ւ է մի օր, ժամանակ» — որոնց մէջ տաք կերպով արծարծւում էր թրքահայկական հարցը եւ միութեան կոչ էր արւում: Սարքւում էին ժողովներ, որոնց մէջ, միացեալ խմբակների առջեւ, կարդացւում էին մշակուած շարադրութիւններ գերազանցապէս հայ կեանքից, պատմութիւնից եւ գործօն հետաքրքրութիւն ցոյց տալով դէպի թրքահայկական հարցը՝ ընկերներ էր ուղարկում Թուրքիա ուսումնասիրելու երկիրն ու յեղափոխական պրոպագանդը:

«Այս խմբից ոմանք, յաջորդ տարի, փոխադրուեցին Մոսկուա եւ մասնակցեցին «Հայրենասէրների Միութիւն» կազմակերպութեան, որ հիմնուել էր 1882-ին Թրքահայ Դատի արծարծման եւ պաշտպանութեան համար: Կազմակերպութեան անդամները ամենքը Մոսկուայի բարձրագոյն դպրոցների ուսանողներ էին՝ տոգորուած հայ հայրենասիրական եւ ուստ արմատական-յեղափոխական գաղափարներով: «Հայրենասէրների Միութիւնը» հաստատեց սոսաջին հայկական գաղտնի տպարանը, ուր տպւում էին

\* ) «Վաթսուհամեակ» ժողովածու, հրատ. Հ. Յ. Դ. Ամեր. Կեդր. Կոմիտէի, 1950, Պոսթըն:



նրա թռուցիկները, եւ առաջին յեղափոխական հայերէն թերթը՝ «Ազատութեան Աւետարեք»:

«Հայրենասէրների Միութիւնը» արդար իրաւունքով կարող է համարուել Հ. Յ. Դաշնակցութեան նախակարապետը: Անկախ նրանից, որ նրա անդամներից ոմանք պիտի մտնէին Դաշնակցութեան շարքերը, իր ջատագոված գաղափարներով «Հայր. Միութեան» թերթը շատ բաներով յիշեցնում է Հ. Յ. Դաշնակցութեան Մանիֆէստը եւ «Դրօշակ»ի առաջին համարները: Այսպէս, «Ազատութեան Աւետարեք»ի առաջին համարի խմբագրականում կարդում ենք.—

«Հայաստանի բազմաչարչար ժողովրդի դարեւոր վիշտը եւ նրա ազատութեան գաղափարը սկիզբն եւ կեանք տուին «Հայրենասէրների Միութեան»: Սկսելով իր յեղափոխական գործունէութիւնը՝ «Հայր. Միութիւնը» պարտք է համարում պարզել այն հիմնաւոր գաղափարները, որոնք կազմում են նրա գոյութեան հոգին...:

«Հայրենասէրների Միութեան» պատգամներից մէկն է ազգերի համերաշխութիւնը... Մենք քարոզում ենք սերտ համերաշխութիւն Հայաստանում բնակուող ազգերի մէջ... Մենք հաւասարաչափ յարդում ենք իւրաքանչիւր ազգի լեզուն, կրօնը եւ անկախութիւնը, եթէ միայն նա չէ ձգտում հարստահարել ուրիշներին, արգելք չի դնում ուրիշների կանոնաւոր զարգացման...:

«Ժողովուրդի ազատութեան հիմնաքարն է նրա տնտեսական անկախութիւնը: Ուստի «Հայր. Միութիւնը» աշխատելու է, որ երկիրը, հողը իր բնական հարստութիւններով եւ աշխատանքի գործիքները դառնան աշխատաւորների, բանուորների սեփականութիւն: Եթէ Հայաստանի աշխատող, արդիւնաբերով ուժերը՝ երկրագործը, արհեստաւորը, մշակը տնտեսապէս հարստահարուելու են, «Հայր. Միութեան» աչքում ոչ մի քաղաքական ազատութիւն, միտք եւ նշանակութիւն չունի...:

«Մենք թշնամի ենք ներկայ առանձնական, բաժան-բաժան կազմակերպութեան, որտեղ տկարը անօգնական է, իսկ ուժեղը՝ հարստահարող եւ անգութ: Մենք քարոզում ենք ընկերական միաբանութիւն, որտեղ ընդհանուրը հողում է իւրաքանչիւրի համար, իսկ իւրաքանչիւրը՝ ընդհանուրի համար: Ահա ինչու բոլոր մասնաւոր կալուածատէրերի եւ պետութեան ձեռքի հողերը պէտք է անցնեն համայնքների ձեռքը. համայնքը միակ սեփականատէրն է, միակ սպառողն է, որովհետեւ նա միակ աշխատող, արդիւնաբերողն է: Միեւնոյն ժամանակ, համայնքները ներկայացնում են այն սկզբնական քաղաքական տարրերը, որոնցից պէտք



է կազմուի ընդհանուր քաղաքական դաշնացկութիւն, Ֆեդերացիա» :

Ռուս հասարակական մտքի զարգացման պատմութեան ծանօթ մէկը կարող է դիւրութեամբ տեսնել, թէ «Հայր. Միութեան» դադարափարախօսները ի՞նչ ակունքներից էին ստացել իրենց մտաւոր անունդն ու ներշնչումը: «Ազատ. Աւետարեք»ը, չատ անգամ, նոյնիսկ բառացի կրկնում էր ռուս ընկերավարական Նարոդնիկների մտքերն ու խօսքերը: Մասնաւորապէս ուշադրաւ է «Ազատ. Աւետարեք»ի կարծիքը համայնքի դերի մասին, որ ռուսական ինքնայատուկ «Ար»ը հայկական ծառի վրայ պատուաստելու փորձ էր: Այս միտքը որոշ չափով մտել է եւ Դաշնակցութեան ծրագրի մէջ, թէեւ համայնական կարգը ընդհանուր երեւոյթ չէր Հայաստանում: Այդեզործական շրջաններում, օրինակ, հողի համայնատիրութիւնը անձանօթ էր եւ անհնարին:

«Գալով հայկական քաղաքական հարցին՝ «Ազատ. Աւետարեք»ը Հայաստանի «բոլոր չարիքների սկզբնական պատճառը» համարում է «Թիւրքիայի բարբարոս կառավարութիւնը». «նա ինքն է ամենամեծ հարստահարողը, աւաղակը, որի հովանաւորութեան տակ ապրում եւ գործում են մնացեալ փոքր ասպատակողները եւ արիւն ծծողները»: Հետեւաբար, «Հայրենասէրների Միութիւնը» մահացու պատերազմ է յայտարարում Թիւրքիայի կառավարութեան դէմ»:

Կռիւը արդէն սկսուած է: «Հաւատով եւ անվեհեր շարունակենք սկսուած գործը: Թո՛ղ զիտնականը նուիրէ իր մտաւոր ուժերը, թո՛ղ ունեցողը չխնայէ իր ոսկին, երիտասարդը զո՛հ բերէ հայրենիքի ազատութեան համար իր անձը, իսկ հայ ծնողները թող պատրաստեն իրենց որդիերանցից հայրենիքի ասպառայ պաշտպաններ»:

Նոյն այս հրաւերը ասպառային պիտի կարդանք Հ. Յ. Դաշնակցութեան Մանիֆէստի մէջ:

«Հայրենասէրների Միութիւնը» հայիւ չորս տարուայ կեանք ունեցաւ: 1886-ի ամառը նրա անդամները, աւարտելով իրենց ուսման ընթացքը, վերադարձան Կովկաս: «Ազատ. Աւետարեք»ի տպարանն էլ (այսինքն՝ տառերը) փոխադրուեց Թիֆլիս, ուր մի ժամանակ դադարի խմբերի կողմից օգտագործուելուց յետոյ, անցաւ նորաստեղծ Հ. Յ. Դաշնակցութեան: Այդ տպարանի մասին էր գրում Քրիստափորը, թէ 1887-ին «իմ մի փորձը ընկ. Ստեփան Զօրեանի (Ռոստոմի) հետ Թիֆլիսում հիմնելու դադարի տպարան յաջողութիւն չունեցաւ նիւթական միջոցների պակասութեան պատճառով: Միջոցներ հարկաւոր էին ոչ թէ տառեր գնելու համար — տառերը մենք ժառանգել էինք «Ազատ. Աւե-



տարեր»ի հիմնադիրներէց, — այլ որպէսզի պահենք բնակարանը եւ մի ընկերոջ, որին տեղաւորել էինք այդ բնակարանում աշխատանքի համար: Այդ ամէնը մենք փորձեցինք անել անձնական միջոցներով, բայց մեր միջոցները բաւական չեղան. մենք ապրում էինք մասնաւոր կոպեկանոց դասերով»:

«Հայրենասէրների Միութիւնը» իր թռուցիկներով ու թերթով կամ անդամների անձնական քարոզչութեամբ, անկասկած, կարեւոր դեր կատարեց ռուսահայ մտաւորական երիտասարդութեան աշխարհահայեացքի մշակման, հայրենասիրական զգացմունքների հրահրման եւ, մասնաւորապէս, Մոսկուայի հայ ուսանողական ընկերային-քաղաքական դաստիարակութեան տեսակէտից:

Բոլորովին այլ ուղղութեամբ էր ընթանում Պետերբուրգի հայ ուսանողութիւնը, որ նոյնպէս անտարբեր չէր դէպի Հայ Դադը եւ հայ ազատագրական հարցերը: Այստեղ, սակայն, տիրապետում էր առաւելապէս ազգային տրամադրութիւնը եւ մշակութային աշխատանքի նախասիրութիւնը: Մինչ մոսկուացիները եռանդով մասնակցում էին ռուս յեղափոխական շարժումներին, անյազ կարդում, ուսումնասիրում ու ոգեւորւում էին ռուս արմատական հեղինակների երկերով, տարուած էին համամարդկային-ընկերային գաղափարներով եւ «Նարոզնայեա Վոլեա» յեղափոխական-ընկերվարական կազմակերպութեան գործունէութեամբ, Պետերբուրգի ուսանողութիւնը գրադուած էր զուտ հայկական խնդիրներով: Այստեղ էր, որ հրատարակուեց յեղափոխական բնոյթ կրող ժողովրդական գրքոյկների շարքը՝ լայնօրէն տարածուելով ժողովրդական խաւերի մէջ եւ մեծապէս նպաստելով հայ երիտասարդութեան ազգային-հայրենասիրական զարթոնքին:

Բնականաբար, Պետերբուրգում էլ կային անհատներ, որոնք համամիտ էին Մոսկուայի ընկերվարական գաղափարներով տողորուած ուսանողներին, ինչպէս Մոսկուայում էլ կային համակիրներ Պետերբուրգի «ազգասէրներին»: Բաժանումը աշխարհագրականից աւելի գաղափարական գծով էր ընթանում — մնալ առանձնացած զուտ ազգային սահմաններում, թէ՞ ազգային դատը ներդաշնակել համամարդկային յառաջադիմական գաղափարների եւ շարժումների հետ: Վերջին ուղղութիւնը անհրաժեշտօրէ՛լ թելադրում էր ընկերվարական սկզբունքների որդեգրումը, որ այնպէ՛ս խրտչեցնում էր ազգասէրներին: «Կոսմոպոլիտ» ու «չովինիստ», աշխարհաքաղաքացի եւ ազգայնամոլ՝ նախատական որակումներ էին մէկը միւսի հասցէին: Բայց խորունկ բաժանում դեռ չկար նրանց միջեւ, նրանք հայրենասիրական



միեւնոյն ընտանիքի զաւակներ էին եւ ունէին միեւնոյն մտասե-  
ւեռումը — Հայաստանի ազատութիւնը թրքական լծից :

Ութսունական թուականների վերջերը առանձին ոգեւորու-  
թեան տարիներ եղան կովկասահայ երիտասարդութեան համար :  
Երկրից հետզհետէ լուրեր էին հասնում մի կողմից թրքական  
վայրագութիւնների, միւս կողմից հայկական ընդվզումների մա-  
սին : Այստեղ եւ այնտեղ երեւան էին դալիս անհատ հերոսներ կամ  
«հայդուկային խմբեր», որոնք ահ ու սարսափ էին ազդում կա-  
ռավարական պաշտօնեաների, թուրք ու քիւրդ կեղեքիչների եւ  
հայ դաւաճանների վրայ : Դիւցազնական Արարօն, Յունօն, Տէրսի-  
մի Քեռին, Արմտանի Գալուստ Արխանեանը, Չաթօ ու Շէրօ, ա-  
խալցիսացի Շամիլի «աւազակախումբը» — Շատախից մինչեւ Օլթի,  
ամէն կողմ ինքնաբերաբար դաժան կռիւ էր յայտարարուած  
թուրք բռնակալ իշխանութեան, ամէն ազգի գիշատիչ կեղեքիչ-  
ների դէմ : Հայոց լեռները թնդում էին «ստրուկի բողոքը» պոռթ-  
կացնող հայդուկների սխրագործութիւններից, որոնց արձագանգ-  
ները ցնծութիւն էին պատճառում նաեւ սահմանի միւս կողմը՝  
կովկասահայութեան սրտերին : Նրանք, այդ հայդուկները, այն  
մրրկահաւերն էին, որոնք Մեծ Փոթորիկն էին աւետում Հայոց  
Աշխարհին : Եւ մօտեցող փոթորիկների որոտը հմայում, պայ-  
քարի դաշտ էր մղում ըմբոստ եւ ազատատենչ, հայրենասիրու-  
թեան կրակով բոցավառ անձնուէր հոգիներին : Մի տարերային  
չարժում էր սկսուած երթալ-զոհուելու յեղափոխական մարտերի  
հրդեհում : Երիտասարդութիւնը՝ մի կողմից Երկրից հասնող լու-  
րերի ազդեցութեան տակ, միւս կողմից ներշնչուած Բաֆֆիի վէ-  
պերով՝ միջոց էր փնտրում անցնելու սահմանը, յաճախ, առանց  
խմանալու, թէ ինչ է սպասում իրեն եւ կամ՝ ի՞նչ է անելու այն-  
տեղ :

Մէկ օրինակ միայն — Վարդան Գոլոշեանը : Թիֆլիսցի մտա-  
ւորական ու բարեկեցիկ ընտանիքի զաւակ, դեռ պատանի հասա-  
կում, ներշնչուած հայրենասիրական զգացմունքով, նա ձգել էր  
ծնողական յարկը եւ անցել Սալմաստ ու Վասպուրական՝ յեղա-  
փոխական գործունէութեան համար : Վերադառնալով Թիֆլիս,  
Երկրից բերած լուրերով յեղափոխական շրջանների համար, նա  
1889 թ. դարնան, վերջնականապէս թողնելով հարազատներին,  
մի ընկերոջ՝ վանեցի Ազրիպասեանի հետ, Սալմաստի վրայով,  
ուղեւորուեց դէպի Վասպուրական եւ ճանապարհին, Չուխ  
Գեաղուկի մօտ, հանդիպելով թուրք ոստիկաններին, նահատակ-  
ուեց : Ազրիպասեանին յաջողուեց ազատուել :

Քիչ չեն եղել նման նահատակներ, բայց Գոլոշեանի եղերա-  
կան մահը առանձնապէս ուժեղ տպաւորութիւն գործեց հասա-



րակութեան մտքերի վրայ: Յուզիչ էր այն նամակը, որ նա Սալմաստի Հաֆթվան գիւղից ուղարկել էր հօրը. — «Պատանեկութեան հասակումս, ասում էր այդ նամակում, մեր հասարակական ասպարէզում փայլում էր Րաֆֆին: Այդ համակրելի մարդունշանաւոր գործունէութիւնը ղեկավարում էր մի մեծ գաղափար — Հայաստանի ազատութեան գաղափարը: «Մշակ»ի մէջ եւ յետոյ առանձին տպուած նրա վէպերը եւ կարգացի: Այդ հեղինակի ընթերցանութիւնը ներշնչեց մէջս մի վառ ու ազնիւ սէր դէպի ազգու հայրենիք, դէպի տառապեալ հայութիւնը: Ես վճռեցի մինչեւ մահս գործել հայրենիքի փրկութեան համար, նրա բարօրութիւնը իմ երջանկութիւնս համարել: Եւ այդ վճիռը չէր այն վաղանցուկ կրքերից մէկը, որ քամու պէս ծնւում ու կորչում է. ո՛չ, նա աւելի խոր արմատ ունէր: Ես զգում եմ, որ առանց հայրենիքի ես ոչինչ եմ, որ անկարելի է ինձ մի այլ նպատակի ծառայել: Ես տեսայ մեր հայրենիքի թշուառ կացութիւնը, նրա ժողովրդի անտանելի դրութիւնը. ես այդ երկրի, այդ ժողովրդի մէջ ապրեցի, եւ իմ վճիռս աւելի եւս հաստատուն եւ անքակտելի եղաւ: Այս գաղափարն էր, որ փախսրեց ինձ տնից. . .

«Ես չդիտեմ, թէ որքան կը յաջողուի մեր նպատակը. գուցէ մենք կ'ընկնենք շուտով եւ շատ շուտով: Բայց մեր անկումը պիտի այլոց գրգռէ, եւ մենք շատերին օրինակ կը լինենք մեր գործունէութեամբ:

«Համոզուած եղէք, հա՛յր իմ. . . Թուրքիան պիտի ընկնի եւ տառապեալ Հայաստանը ռոտի պիտի կանգնէ. դա մի ճակատագրական գաղափար է, մի իդէալ, որի անկասկածելի իրականանալը մօտիկ ապագայում տեսնելու է հայութիւնը»:

Նոյն 1889 թուականին պատահեց մի ուրիշ դէպք, որ մեծ յուզում առաջ բերեց ամենուրեք հայկական շրջաններում. Գիւլիզարի առեւանգումը Մուսա բէյի ձեռքով: Ամէն կողմից բարձրացած բողոքի հետեւանքով, որ արձագանգ դտաւ եւ եւրոպական մամուլում, Սուլթանը ստիպուած եղաւ Մուսա բէյին դատի յանձնել Պոլսում: Դատարանը թէեւ դատապարտեց, բայց Մուսա բէյը շուտով ազատ արձակուեց՝ շարունակելու համար շահատակութիւնները հայերի դէմ:

Նոյն թուականին տեղի ունեցաւ վարդենիսցի Մարգար վարժապետի ընդհարումը քիւրդ հրոսակների հետ, որ նոյնպէս լայն արձագանգ դտաւ եւ յուզում առաջ բերեց հայկական շրջաններում:

Այս եւ համանման ուրիշ բազմաթիւ դէպքերը չէին կարող չխուովել առանց այն էլ հասարակական գրգռուած մտքերը: Կովկասի հայութիւնը առանձնապէս իր սրտին մօտ էր առնում թըր-



քահայ եղբայրների տառապանքները, եւ ամէն կողմից պահանջ էր դրուում յեղափոխական գործի ձեռնարկելու: Մանաւանդ որ բարենորոգումների խնդիրն էլ ձգձգուում էր, եւ Արղուլ Համիդը անպատիժ սաստկացնում էր հայաջինջ քաղաքականութիւնը:

Հրապարակի վրայ չկար մի հեղինակաւոր կազմակերպութիւն, որ իր ձեռքը առնէր թրքահայոց ինքնապաշտպանութեան եւ ազատազրական պայքարի ղեկավարութիւնը: Փորթուզալեանը իր «Արմենիա»-յով անզօր էր այդ դերը կատարելու: 1887 թ. կազմուած Հնչակեան կուսակցութիւնը իր օտարամուտ խորթ գաղափարներով եւ վստահութիւն չներշնչող ղեկավարութեամբ հող չէր գտնում կովկասում: Հրամայական պահանջ էր մի նոր կազմակերպութիւն կեանքի կոչելու, որ միացնէր ու համադրէր բոլոր հայրենասէր ու յեղափոխական ուժերը ազգային ընդհանուր ծրագրի եւ գործունէութեան շուրջ: Այս գլխակցութիւնը դառնում էր տիրական հասարակական բոլոր խաւերի մէջ:

1889-ին, Թիֆլիսում, ծնունդ առաւ «Երիտասարդ Հայաստան» կազմակերպութիւնը, որ նպատակ էր դնում միացնել մինչեւ այդ գոյութիւն ունեցող բոլոր յեղափոխական խմբերը՝ Թըրքահայաստանի քաղաքական եւ տնտես. ազատազրութեան համար: Այդ կազմակերպութեան կորիզը կազմում էր «Դրօշակ» խումբը, որի մէջ կամ շուրջը համախմբուած էր Թիֆլիսի յեղափոխական ընտրանին: «Դրօշակ»ի եւ ուրիշ խմբերի միութիւնից ստեղծուած «Երիտասարդ Հայաստան»ի անդամ էին կամ համակիր Քրիստափոր Միքայէլեանը, Սիմոն Զաւարեանը, Ա. Սահակեանը, Յովհ. Իւսուֆեանը, Նիկ. Մատինեանը, Յովսէփ Արղութեանը, Մարտ. Շաթիրեանը, Տիգրան Օքոնեանը, Արամ Նազարէթեանը, Յակ. Քոչարեանը, Արշ. Թադէոսեանը, Սաթենիկ եւ Նատալիա Մատինեան քոյրերը, Վարդան Գոլոշեանի քոյրը՝ Դարիան, Ս. Զաւարեանի քոյրը՝ Մարօն եւ ուրիշներ, որոնք կապուած էին միմեանց հետ գաղափարի եւ անձնական մտերմութեան կապերով: Ամենքը՝ մտաւոր հարուստ պաշարով եւ փայլուն ձիրքերով օժտուած երիտասարդներ, շատերը թրծուած «Նարոզնայեա Վոլեա»-յի եւ Գր. Արծրունիի «Մշակ»ի գաղափարական մթնոլորտում:

«Երիտասարդ Հայաստան»ի առաջին գործը կղաւ մարդիկ ուղարկել Թրքահայաստանի զանազան շրջանները ուսումնասիրելու եւ նոր նիւթեր բերելու Երկրի պայմանների, ժողովրդի վիճակի ու տրամադրութեան եւ յեղափոխական գործունէութեան հնարաւորութիւնների մասին: Երկիր գնացողների մէջ էր եւ ապագայ Պանասորի Իշխանը՝ Յովսէփ Արղութեանը: Ինչպէս նաեւ Մ. Մարգարեանը եւ Արշ. Բարխուդարեանը՝ վերջինս Մոսկուայի



ուսանողների կողմից: Նոր կազմակերպութեան հիմնադիրները, ոչ յօրինակ Հնչակեան կուսակցութեան հիմնադիրների, պահանջ էին զգում լայն ու ճշգրիտ տեղեկութիւններ ունենալ այն երկրի մասին, որի համար պատրաստում էին յեղափոխական գործունէութեան ծրագիր մշակել ու կազմակերպութիւն ստեղծել:

Հազիւ «Երիտասարդ Հայաստանը» կազմակերպուած եւ գործի անցած էր, երբ 1890 թ. Յունիսին տեղի ունեցաւ Կարինի «Մեծ Դէպքը», որին յաջորդեց Գում Գափուի ցոյցը: Այդ ցոյցերը անսահման ոգեւորութիւն առաջ բերին հայկական բոլոր շրջաններում, բայց, մանաւանդ, երիտասարդութեան մէջ: «Շարժուեցին, յուզուեցին ու խառնուեցին ամենքը, դրում է այդ առթիւ Քր. Միքայէլեանը, համարելով ազատութիւնը բոլորովին մօտ եւ կարծես վախենալով, որ իրենք չեն ընկնի վաղուայ ազատութեան պսակով պսակուածների շարքը. տէրտէր, վաճառական, մտաւորական, բանուոր կամ գիւղացի՝ հասարակութեան բոլոր խաւերը պահանջ զգացին լայն կազմակերպուած կռուի թուրքիայի դէմ, եւ «Երիտասարդ Հայաստան» կազմակերպութեան կողքին, 1890 Օդոստոսին,\* ) սկսուեց կազմակերպուել մի նոր գաղտնի կոմիտէ»:

Վերջին շարժման նախաձեռնութիւնը պատկանում էր Պետերբուրգի ուսանողութեան՝ Կոստանդին Պատիսեանի գլխաւորութեամբ: 1890 թ. սկզբները Ռուսաստանի բարձրագոյն դըպրոցներում տեղի էին ունեցել ուսանողական խռովայոյց ցոյցեր: Բազմաթիւ ուսանողներ ձերբակալուել եւ աքսորուել էին: Համալսարանների մի մասը փակուել էր, եւ ուսանողութիւնը ցրուել տները՝ իրենց հետ տանելով բողոքի եւ ըմբոստութեան տրամադրութիւն ցարական բռնակալութեան դէմ:

1890-ի գարնան թիֆլիս հաւաքուել էին մեծ թուով հայ ուսանողներ, որոնք ըստ գաղափարի, խառնուածքի եւ հակումների բաժանուել էին երկու հատուածի. մի կողմ՝ ազգասէրները, այսպէս կոչուած՝ «չովինիստները», որոնք կենտրոնացել էին «Սեւերնիէ Նոմերա» պանդոկում, միւս կողմ՝ արմատական յեղափոխական-ընկերակարականները, որոնց հաւաքավայրն էր «Իւժնիյէ Նոմերա» հիւրանոցը, ուր միաժամանակ գտնուում էր եւ «Երիտ. Հայաստան»ի կեդրոնը: Հիւրանոցների անուններով կոչուում էին եւ երկու հատուածները «Սեւեռնիյէ Նոմերա», այսինքն՝ «Հիւ-

\* ) Ժամանակի վերաբերմամբ Քրիստափորի յիշգուրթիւնը դաւանանել է. Օգոստոսին 2 . Յ . Դաշնակցութիւնը կազմուած էր: «Մի նոր գաղտնի կոմիտէի» կազմութիւնը սկսուած պէտք է լինի Մայիս-Յունիսին:




սիսային Պանդոկ»ի եւ «Իւթնիյէ Նոմերա»՝ «Հարաւային Պանդոկ»ի խմբեր: Պարզութեան համար այդպէս էլ անուանենք՝ «Հիւսիսային» եւ «Հարաւային»:

«Հիւսիսային»ները գոհ չէին «Հարաւային»ների արմատական-ընկերվարական դադափարներից: Նրանց առաջնորդ կոստ. Պատիսեանը՝ հարուստ ընտանիքի եւ բարձրաստիճան պետական պաշտօնեայի զաւակ, թէ՛ իր ընկերային դիրքով, թէ՛ գաղափարներով ու հակումներով, շատ հեռու էր աշխատաւորական ապրումներից եւ ընկերվարական դաւանանքից: Միւս կողմից, խառնուածքով եռանդուն, արագ ու կտրուկ գործելակերպի սիրահար՝ գոհ չէր «Ներիտասարդ Հայաստան»ի ղեկավարների դանդաղութիւնից: Եւ զարմանալի չէ, որ «Հիւսիսային»ները ձեռնարկել էին «Ներիտ. Հայաստան»ի կողքին նոր «գաղտնի կոմիտէ»ի կազմակերպութեան: «Սկզբում, ասում է Քրիստափորը, նա (գաղտնի կոմիտէն) հակում ունէր խմբուելու Արծրունիի շուրջը, բայց վերջինս շուտով հրաժարուեց գործօն աշխատանքից»:

«Մշակ»ի խմբագիր Գրիգոր Արծրունին, առհասարակ, մեծ հեղինակութիւն էր վայելում ազատամիտ շրջաններում: Նա իրեն համարում էր յառաջադիմական երիտասարդութեան ղեկավար ու հովանաւոր: Քր. Միքայէլեանն ու Ս. Ջաւարեանը յարգում էին նրան եւ կարեւոր հարցերում դիմում էին նրա խորհրդին: Մասնաւորապէս թրքահայկան խնդրում Գր. Արծրունին իր «Մշակ»ով շատ կարեւոր դեր կատարեց, թէեւ նրա հետապնդած նպատակը՝ թրքահայաստանի կցումը Ռուսաստանին՝ համակրբանք չէր վայելում շատերի կողմից: Մի ժամանակ Արծրունին նոյնիսկ ունէր իր առանձին «խումբը», որ յատկապէս զբաղւում էր թրքահայկական հարցով, բայց երբ իմացաւ, որ ոուս կառավարութիւնը համաձայն չէ, որ ոուսահայերը զբաղուեն թրքահայոց խնդրով, վերջ տուեց իր խմբի գոյութեան: Այժմս էլ, երբ հասարակական միտքը զրգուում էր եւ ամէն կողմից ցանկութիւն էր յայտնւում, որ Արծրունին անցնէ շարժման գլուխը, նա վճռական կերպով մերժեց՝ չկամենալով գոհել «Մշակ»ը «անորոշ» գործի համար: Եւ ըստ էութեան էլ մշակականութիւնը արդէն լրացրել էր իր առաքելութիւնը. հասարակական նոր գաղափարներ, նոր ապրում ու պահանջներ էին առաջ եկել, նոր սերունդ, որին չէր կարող այլեւս գոհացնել Արծրունին իր քաղքենի ազատամտութեամբ: Հարկաւոր էին նոր մարդիկ ժամանակի նոր պահանջներին բաւարարութիւն տալու համար:

Բայց ո՞ւր էին նոր մարդիկ: Ո՞ւր էր այն հզօր իմացականութիւնը, որ կարողանար ազդել եւ մէկ յայտարարի բերել տարա-





ԳՐԻԳՈՐ ԱՐԾՐՈՒՆԻ

մերժ մտքերը: Ո՞ւր էր այն ուժեղ բազուկը, որ սանձէր կենտրոնախոյս ուժերը, զսպէր կրքերն ու նախասիրութիւնները: Այն պողպատէ կամքը, որ տիրական ուժով վարէր նոր ստեղծուելիք կազմակերպութիւնը: Տարակարծութիւններն ու վէճերը «հիւսիսային»ների եւ «հարաւային»ների եւ, ընդհանրապէս, զանազան խմբակների միջեւ կարող էին լուծուել եւ համերաշխ ու կենդանի գործի վերածուել միայն հեղինակաւոր եւ կորովի անձի միջամտութեամբ: Այդ մէկը գտնուեց, յանձին Քրիստափոր Միքայէլեանի:

Քրիստափորը իր անկեղծ եւ անսահման հաւատով դէպի նոր գործը, հզօր իմացականութեամբ, կուռ տրամաբանութեամբ ու



հուժկու կամքով, ծով լայնախոհութեամբ ու մարդոց հոգիները գերելու ուժով կարողացաւ հաշտեցնել ու միացնել այլազան հասանքներն ու ձգտումները եւ հիմքը դնել մի մեծ կազմակերպութեան մեծ գործի համար:

Պատմութիւնը, դժբաղտաբար, զրկել է մեզ բոլոր մանրամասնութիւններից. ոչ արձանագրութիւններ են մնացել, ոչ հիմնադիր ժողովների անդամների անուանացանկը, ոչ էլ յուշեր այդ օրերի դէպքերի մասին: Յայտնի է միայն, որ բազմաթիւ ժողովներ են դումարուել, որոնց մասնակցել են Հիւսիսային եւ Հարաւային պանդոկների հատուածներից զատ ուրիշ խմբակների ներկայացուցիչներ եւս, անհատ դէմքեր ու Երկրից եկած գործիչներ: Վերջին ժողովներին մասնակցել են եւ Հնչակեան ներկայացուցիչները յանձին Ռ. Խան-Ազատի եւ Հմ. Խուչպուլեանի:

Այդ ժողովներում տեղի են ունեցել երկարատեւ եւ բուռն վէճեր: Հիմնական հարցի՝ Թրքահայաստանի ազատագրութեան շուրջ, ի հարկէ, լուրջ տարակարծութիւն չէր կարող լինել. ամենքը հաւաքուել էին այդ «սուրբ գործի» համար: Տեսակէտների տարբերութիւններ կային ազատ Հայաստանի մասին. ոմանք բաւականանում էին Ներսէս Վարժապետեանի ծրագրով՝ վեց նահանգների ինքնավարութիւն եւրոպական հակազուրի տակ. ընկերային՝ տնտեսական հարցերից նրանք խուսափում էին: Ուրիշներ, ինչպէս, օրինակ, Հնչակեանները դնում էին Հայաստանի անկախութեան պահանջ՝ ընկերվարական վարչաձեւով:

Ընկերվարութեան հարցը կարեւոր տեղ էր զբաւում Դաշնակցութեան հիմնադիր ժողովներում, որոնց մէջ կենտրոնական դեր էին կատարում «Հայրենասէրների Միութեան» եւ «Երիտասարդ Հայաստան»ի ընկերվարական դադափարներով տոգորուած անդամները: Քրիստափորը ինքը, իբրեւ «Նարոզնայեա Վոլեա»յի անդամ, համոզուած ընկերվարական էր: Հաւատացեալ ընկերվարական էր նմանապէս եւ Ս. Զաւարեանը, հիմնադիր ժողովների ամենագործօն անդամներից մէկը: Հասկանալի է, ուրեմն, որ ընկերվարութեան հարցի շուրջ սուր տարակարծութիւններ եւ բուռն վէճեր տեղի պիտի ունեային:

Կարծիքների լուրջ տարակարծութիւններ կային եւ կազմակերպական ձեւի մասին. ի՞նչ հիմքերի վրայ դնել նոր կազմակերպութիւնը: Հնչակեան կուսակցութիւնը որդեգրել էր խիստ կենտրոնացման սկզբունք: Նոյնպիսի կենտրոնացման սկզբունքի վրայ հիմնուած էր եւ մարտական «Նարոզնայեա Վոլեա»ն, նաեւ ուրիշ օտար յեղափոխական կազմակերպութիւնները, որոնք օրինակ պիտի հանդիսանային եւ հայ յեղափոխականների համար: Բայց ժողովականներից ոմանք, մասնաւորապէս Ս. Զաւարեանը,



առարկում էին կենտրոնացման նպատակաշարժարութեան դէմ հայկական իւրայատուկ պայմաններում : Հայութիւնը ցրուած էր անծայրածիր տարածութիւնների վրայ եւ տարբեր քաղաքական միջավայրերում : Անհնար էր երեւակայել մի կենտրոնացած ղեկավար մարմին , որ ի վիճակի լինէր այդպիսի պայմաններում ձեռնհասօրէն վարել կազմակերպութեան գործերը : Հայկական պայմաններին , ինչպէս անցեալ պատմութիւնն էլ է հաստատում , աւելի յարմար էր ասպակենտրոնացման սկզբունքը՝ տեղական լայն նախաձեռնութեան իրաւունքներով :

Կային , անշուշտ , եւ ուրիշ հարցեր , սկզբունքային թէ գործնական , որոնք քննութեան եւ վէճերի առարկայ են եղել : Այսպէս , հէնց ժողովների ընթացքին առաջ եկաւ Կուկունեան արշաւանքի խնդիրը , որ նոյնպէս չէր կարող չղբաղեցնել ժողովականների ուշադրութիւնը :

Դիւրին չէր նման եւ ուրիշ տարամերժ հարցերը հաշտեցնել եւ մի յայտարարի բերել : Ճիշդ է , ժողովներին մասնակցողները ամենքը տողորուած էին փոխադարձ հասկացողութեան եւ համաձայնութեան ոգիով , բայց եթէ չլինէր Քրիստափոր Միքայէլեանը , դժուար պիտի լինէր միաձոյլ եւ կուռ կազմակերպութիւն ստեղծել : Քրիստափորը , անհաշտելին հաշտեցնելու իր բացառիկ կարողութեամբ , իր անձնական հմայքով ու հեղինակութեամբ հարթեց բոլոր խոչընդոտները : Նա էր ժողովների տիրական ոգին եւ մղիչ ոյժը : Նա իր կազմակերպական հանճարով կարողացաւ հաշտեցնել իրար բխող բոլոր սուր տեսակէտները , համադրել ու ներդաշնակել բոլոր հակամարտ անհատականութիւնները եւ նոյնիսկ Հնչակեան ներկայացուցիչների համաձայնութիւնը ասպահովել մտնելու հիմնուելիք նոր կազմակերպութեան մէջ : Այսպիսով ծնունդ առաւ մի նոր կուսակցութիւն , որ իր մէջ համախմբում , միաձուլում էր մինչեւ այդ գոյութիւն ունեցող գրեթէ բոլոր յեղափոխական խմբերն ու կազմակերպութիւնները , Հայ Յեղափոխականների Դաշնակցութիւն անունով :

Ճիշդ ո՞ր ամսին եւ ո՞ր օրը տեղի ունեցաւ Հ . Յ . Դաշնակցութեան հիմնադրութիւնը , ստոյգ յայտնի չէ : Քրիստափորի յուշերից դատելով պատմական այդ դէպքը տեղի ունեցած պէտք է լինի 1890 թ . Օգոստոսին : Ըստ Ռոստոմի՝ Հ . Յ . Դաշնակցութեան հիմնադրութիւնը տեղի է ունեցել Յուլիս ամսին : Կուկունեան արշաւանքի պատմութիւնից երեւում է , որ Օգոստոսին Հ . Յ . Դաշնակցութիւնը արդէն կազմուած էր եւ անցել էր գործունէութեան :

Նոր կազմակերպութիւնը՝ Հ . Յ . Դաշնակցութիւնը հիմնում էր բոլորի կողմից յօժար կամքով ընդունուած ընդհանուր սկզբ-



բունքների վրայ՝ միաձայնութեամբ: Մշակուած ծրագիրը եւ կազմակերպական կանոններ դեռ չունէր. այդ պարտականութիւնը դրուեց ապագայում գումարուելիք Ընդհանուր Ժողովի վրայ: Նոր կազմակերպութիւնը որդեգրեց կազմակերպական կենտրոնացման դրութիւնը եւ ընտրեց կենտրոնական Վարչութիւն, որ հետագային աւելի «կենտրոն» անունով յայտնի դարձաւ: Հ. Յ. Դաշնակցութեան առաջին կենտրոնական Վարչութեան անդամներ ընտրուեցին Քրիստափոր Միքայէլեանը, Սիմոն Զաւարեանը, բժ. Յովհաննէս Լորիս-Մելիքեանը, Աբրահամ Դաստակեանը եւ Լեւոն Սարգսեանը:

Հիմնադրութիւնից անմիջապէս յետոյ, Հայ Յեղափոխականների Դաշնակցութիւնը հասարակութեան ուղղած Մանիֆէստով՝ (հրովարտակ) յայտարարեց նոր կուսակցութեան ստեղծումը եւ պարզեց նրա որդեգրած նպատակները: Այդ Մանիֆէստում ասուած էր, ի միջի այլոց.—

«Հայեր, այսօր հայոց հարցը նոր շրջանի մէջ է մտնում: Դարերից ի վեր ստրուկ թուրքահայաստանը ազատութիւն է պահանջում...»

«...Հայոց հարցի վճռի յետաձգուելը այլեւս անկարելի է: Այսպիսի մի պատմական ճգնաժամի միջոցին, առաջին հարցը, որ պէտք է զբաղեցնէ ամէն մի լուրջ հայրենասէրի, այդ՝ բոլոր յեղափոխական ուժերի միութեան եւ Դաշնակցութեան հարցն է:

«Այդ յեղափոխական զաղափարի դրօշակակիրն է «Հայ Յեղափոխականների Դաշնակցութիւնը», որ սորանով դիմում է բոլոր հայերին եւ հրաւիրում է կանգնել մի դրօշակի տակ:

«Հայ Յեղափոխականների Դաշնակցութիւնը թէեւ նոր է հանդէս դալիս, իբրեւ կազմակերպութիւն, բայց նա վաղուց դործող խմբերի միութիւնն է, խմբերի, որոնք նոյնիսկ հայ ժողովրդի ձգտումների ծնունդ են: «Դաշնակցութիւնը» ձգտելու է միացնել բոլոր ուժերը՝ կապելով իր հետ բոլոր կենտրոնները: Նպատակ դնելով թուրքաց-Հայաստանի քաղաքական եւ տնտեսական ազատութիւնը՝ «Դաշնակցութիւնը» մտել է այն կռուի մէջ, որ սկսել է ինքը ժողովուրդը տաճկաց կառավարութեան դէմ՝ ուխտելով մինչեւ վերջին արեան կաթիլը կռուել հայրենիքի ազատութեան համար:

«Միանանք ամենքս ժողովրդի հետ, որ բարձրացրել է ազատութեան դրօշակը. նա, ով երես կը դարձնի ժողովրդից եւ չի հետեւի նրան, նա այդ ժողովրդի հակառակորդն է, նրա թշնամին է»...»

Ապա Մանիֆէստը սրտառուչ կոչ է ուղղում հայութեան բոլոր խաւերին.—



«Եղբայրներ, միանանք յանուն սուրբ գործի ընդհանուր թշնամու դէմ :

«Եւ դո՛ւք, երիտասարդներ, միշտ եւ ամէն տեղ վսեմ գաղափարների պաշտպաններ, միացէք ժողովրդի հետ :

«Եւ դո՛ւք ծերունիներ, ոգեւորեցէ՛ք ձեր որդոց եւ օգնեցէ՛ք նոցա ձեր բազմամեայ փորձառութեամբ :

«Եւ դո՛ւք, հարուստներ, բաց արէ՛ք ձեր քսակները՝ դէնք հայթայթելու ժողովրդին, որ նա կարող լինի պաշտպանել իր կուրծքը, որ բաց է արել թշնամու դէմ :

«Եւ դո՛ւ, հայ կին, ոգի ներշնչիր գործի մէջ :

«Եւ դո՛ւ, հայ հոգեւորական, օրհնիր ազատութեան զինուորներին...

«Սպասելու ժամանակ չէ...

«Համախմբուենք, հայեր, եւ քաջութեամբ առաջ տանենք ազատութեան սուրբ գործը» :

Մանիֆէստը, հարազատ արտայայտութիւնն էր հիմնադիր ժողովներում իշխող մտայնութեան եւ այն սկզբունքների, որոնց շուրջ համաձայնութեան էին եկել ու միացել բոլոր «գործող խմբերը» : Նոր հիմնուած կուսակցութեան նպատակն էր, ուրեմն, «Թուրքաց-Հայաստանի քաղաքական եւ տնտեսական ազատութիւնը» : Այս լայն բանաձեւումով գոհացում էին ստանում բոլոր հոսանքները եւ անհատները : Եւ միայն նման բանաձեւի շուրջ հնարաւոր էր միացնել «բոլոր հայերին»՝ առանց դասակարգի եւ ընկերային դաւանանքների խտրութեան : Առաջնակարգ եւ գերագոյն նպատակը Հ. Յ. Դաշնակցութեան հիմնադիրների համար հայսենիքի ազատութիւնն էր. միւս բոլոր հարցերը ստորադաս եւ ապագայի խնդիրներ էին : Հայ անողոք իրականութեան հրամայական թելադրանքն էր այս՝ ճիշդ ըմբռնուած Հայկական Ազատամարտի ռահվիրաների կողմից :

Հակառակ Հնչակեան կուսակցութեան հիմնադիրների, որոնք յեղափոխական գործի ձեռնարկելիս առաջնորդւում էին առաւելապէս Եւրոպայի առաջաւոր երկրների արմատական գաղափարներով եւ ընկերային շարժումների թելադրանքներով, Հ. Յ. Դաշնակցութիւնը կերտողները մեկնում էին բացառաբար հայկական ազգային պայմաններից : Նրանք յեղափոխական գործի ձեռնարկելուց առաջ, հանդամանօրէն ուսումնասիրել էին Թրքահայաստանի ազգազրական, տնտեսական եւ քաղաքական պայմանները, հաշուի էին առել ժողովրդի վիճակն ու տրամադրութիւնները, ազատազրական շարժման առարկայական հնարաւորութիւնները, ինչպէս նաեւ իրենցից առաջ տեղի ունեցած յեղափոխական գործերը, եւ այդ բոլոր տուեալների հիմքերի վրայ



կառուցել նոր կուսակցութեան շէնքը: Որով, ուրեմն, Հ. Յ. Դաշնակցութիւնը ծնունդ էր առնում հայկական ուրոյն միջավայրից, հարազատ էր հայ ժողովրդի ազգային տարերքին, նրա տենչերին ու ձգտումներին, նրա խառնուածքին ու ոգուն: Հ. Յ. Դաշնակցութեան մէջ համադրուում էին հայութեան ազատագրական տենչերն ու մաքառումները, հայ ազգի գերագոյն նպատակը:

Մշակուած եւ ձեւակերպուած ծրագրով հրապարակ չեկաւ Հ. Յ. Դաշնակցութիւնը, այլ սոսկ սկզբունքային ընդհանուր յայտարարութեամբ: Դաշնակցութիւնը կեանք էր մտնում ազգային գործի համար եւ ոչ թէ դաւանաբանական հարցեր հետապնդելու նպատակով: Հետագային, դէպքերի ազդեցութեան տակ, նա պիտի զբաղուէր եւ ընկերային ու դադափարաբանական խընդիրներով, պիտի մշակէր ու բիւրեղացնէր սեփական աշխարհահայեացք, պիտի ունենար ուրոյն ծրագիր եւ հարուստ գրականութիւն. առ այժմ նրա միակ մտահոգութիւնը յեղափոխական պայքարն էր՝ հայրենիքի ազատութիւնը թուրք բռնակալութիւնից: Ըստ Ա. կադ. Ն. Մառի բնորոշման, «հայրենասէրների գործի միութիւն» էր նորածին Հ. Յ. Դաշնակցութիւնը: Կենդանի գործի դրօշակի տակ դաշնակցում էին հայ յեղափոխական ուժերը՝ կազմելով «վաղուց գործող խմբերի միութիւն», իբրեւ «հայ ժողովրդի ձգտումների ծնունդ»: Կամ, ըստ «Դրօշակ»ի առաջին համար խմբագրականի՝ իբրեւ «հայ ազգի բողոքի եւ վերէջի խնդրութեան ոգի»:

## II

### ՀԻՄՆԱԴԻՐ ԵՐՐՈՐԴՈՒԹԻՒՆԸ

#### ՔՐԻՍՏԱՓՈՐ

Հ. Յ. Դաշնակցութեան հիմնադրութեան մասին խօսելիս, սովորաբար, յիշուում է Երրորդութեան անունը՝ Քրիստափոր, Զաւարեան, Ռոստոմ, որպէս հիմնադիրներ կուսակցութեան: Բառական իմաստով այս, ի հարկէ, ճիշդ չէ: Ռոստոմը, օրինակ, Դաշնակցութեան հիմնադիր ժողովներին անգամ չի մասնակցել: Բայց, ըստ էութեան, գլխաւորապէս նրանց մտքի, հոգու եւ կամքի արդիւնք է Հ. Յ. Դաշնակցութիւնը՝ իր դադափարներով, կազմակերպական ձեւով, անգերազանցելի հայրենասիրութեամբ, անձնուիրութեամբ ու զոհաբերութեան ոգիով: Իրենց իմացականութեան ուժով եւ անձնական կեանքի եւ գործի օրինակով Քրիստափոր, Զաւարեան, Ռոստոմ անդուգական եր-



րորդութիւնը կերտեցին, անհասանելի բարձրութեան հասցրին եւ հզօր կազմակերպութեան վերածեցին Հ. Յ. Դաշնակցութիւնը, որ կէս դարից աւելի անընդհատ իր գաղափարներով ու հերոսական գործերով, իր մտաւորական ու ռազմիկ շքեղ դէմքերով ճոխացրեց հայոց նորագոյն պատմութիւնը: Եւ այսօր էլ տակաւին ազատատենչ հայութիւնը ապրում ու ոգեւորւում է նրանց սերմանած գաղափարներով, նրանց կռած ու կոխած կազմակերպական սկզբունքներով, նրանց անձնուէր կեանքի օրինակով, նրանց տենչերով ու ոգիով:

Որպէս անհատականութիւններ երեքը այնքա՛ն տարբեր էին իրարից: Քրիստափորը՝ մտքով ու հոգիով խորունկ ովկիանոսի պէս, խոհերով ու զգացումներով՝ զուսպ ու հանդարտ խաղաղ եղանակին եւ բուռն ու մոլեգին՝ փոթորկի օրերին: Մարմնով տկար, բայց զարմանալի կերպով տոկուն եւ աշխատունակ: Մտքով եւ կամքով՝ հուժկու, շատ կարգացած եւ մտաւոր ճոխ սլաշարի տէր, մանաւանդ, ընկերային հարցերում: Միտքը՝ բաց ամէն մի նոր գաղափարի առջեւ: Սակաւախօս, բայց խօսքով աղդու: Պարզ ու դիւրահաղորդ մարդկային յարաբերութիւնների մէջ: Անանձնական, համեստ եւ սակաւապէտ անհատական կեանքում: Աննկուն սկզբունքային եւ բարոյական խնդիրներում: Կեանքի եւ մարդկանց հանդէպ՝ լաւատես ու լայնամիտ: Օժտուած կազմակերպական բացառիկ տաղանդով եւ շրջապատի մըտքերի ու հոգիների վրայ ազդելու արտասովոր կարողութեամբ: «Մարդակերտ»՝ ասում էին նրա մասին:

Ամենքը, ով բախտ է ունեցել անձամբ ճանաչելու Քրիստափորին, միաբերան հիացումով են խօսում նրա մասին: «Շատ լաւ կարողանում էր թափանցել մարդկանց ներքին աշխարհը, ասում է, օրինակ, նրա մտերիմներից մէկը՝ Մարտին Շաթիրեանը, եւ ընտրում էր բացառաբար բարոյապէս անբասիր մարդիկ եւ, երբ պատահում էր այդպիսի մարդկանց, ուղղակի դերում էր բառի բուն իմաստով, եւ այդ գերութիւնը հաճելի էր գերուածին:

«Սխտեմատիկ մտածող եւ գործող մարդ էր: Արդեօք գիտակցաբա՞ր մտածում ու հաշւում էր նախապէս իր անելիքն ու ասելիքը, թէ՞ կատարում էր ներշնչումով, իբրեւ մի տաղանդ, դժուարանում եմ ասել: Կարծեմ՝ աւելի ճիշդը վերջինն էր: Նրա ազդեցութիւնը իր շրջապատի վրայ այն աստիճան տիրական ու զօրեղ էր, որ չեմ յիշում մի դէպք, որ նա որոշած լինէր, թէ այս ինչ մէկը պէտք է այս ինչ գործը կատարէ, եւ չկատարէր: Նրա կարգադրութիւնները կատարում էին, իբրեւ անողոք բռնաւորի հրամաններ, բայց անօրինակ հաճութեամբ...»

«Միշտ հաւասարակշռուած, միշտ հանդիստ, միշտ անմոռաց



ժպիտը երեսին: Չափազանց ուշադիր ու ներողամիտ դէպի հա-  
կառակորդներն անգամ, ուստի ամենքը սիրում ու յարգում էին  
նրան»:

Քրիստափորի տարիների գործակից Մ. Վարանդեանը այս-  
պէս է բնորոշում նրան. — «Պատկանելի գլուխ մը փրոֆեսորի,  
պետական մարդու. երկայն մօրուքով, դալուկ դէմքով ու խիստ  
խմացական արտայայտութեամբ. նայուածքը՝ աւելի խորհողի,  
քան յեղափոխական գործիչի — լուրջ, հանդիսաւոր, ինքնավրս-  
տահութեան եւ արժանապատուութեան դրոշմը ճակտին. խո-  
րունկ ու խոհուն աչքեր, որ մեղմիւ կը պսպղային ակնոցի ե-  
տեւը եւ կը թափանցէին հոգւոյն մէջ. նիհար, թուլակազմ մար-  
մին մը, փոքր ինչ դանդաղաշարժ, քիչ խօսող, կուռ տրամարա-  
նող, ընդհանրապէս պաղ, զուսպ, հաւասարակշռուած. ներսը,  
սակայն, հրաբուխ, ազնիւ կիրքի խորանդունդ ծով մը, որ շա-  
րունակ կ'ալեկոծուէր ու դէպի գործ կը մղէր»:

Վիպասան Շիրվանզադէն այսպէս է պատկերացնում Քրիս-  
տափորին՝ Հ. Յ. Դաշնակցութեան հիմնադրութեան օրերին. —  
«Ես չեմ տեսել կեանքումս մի ուրիշը, որ կարողանար իր շուրջն  
ստեղծել այնքան համակրանք, որքան այդ մարդը (Քրիստափո-  
րը):

«Միջահասակ, ի ծննդենէ կաղ, դունատ դէմքով, նօսր,  
պարզ, շագանակազոյն միրուքով, խոշոր խելացի աչքերով —  
ահա Միքայէլեանը այն ժամանակ, երբ ես ճանաչեցի նրան...  
Միշտ խոհուն, միշտ հանդիստ, բայց եւ միշտ բարեհամբոյր:  
Բաւական էր, որ նա իր սեւ յօնքերը բարձրացնելով ակնոցների  
տակից՝ նայէր հանդիպողին ժպտուն դէմքով, եւ արդէն մարդն  
յաղթուած էր... Ծատ քիչ էր պատահում, որ Քրիստափորը կոր-  
ցընէր իր սովորական անդորրութիւնը, բայց երբ գրգուռում էր,  
անյաղթելի էր իր բուռն զգացմունքների մէջ»:

Մի խօսքով՝ բնութիւնը Քրիստափորին ստեղծել էր ղեկա-  
վար եւ առաջնորդ լինելու համար:

Քրիստափոր Միքայէլեանը պատմական Գողթն դաւառից  
էր՝ ծնուած 1859 թ. Հոկտ. 18-ին, Վերին Ազուլիս մեծ գիւղում:  
Վաղ հասակից որբացած՝ նա, ինչպէս ինքն էր ասում յետոյ,  
«տրտում մանկութիւն է ունեցել»: Տկար կազմով, կաղ, բայց ու-  
շիմ ու խոհուն, արտակարգ ընդունակութիւններով օժտուած  
տղայ էր: Նախնական կրթութիւնը ստանալով ծննդավայրում,  
1874-ին յաջողում է անցնել Թիֆլիս եւ երկու տարի նախապատ-  
րաստուելուց յետոյ, ընդունւում է Ուսուցչական ձեմարանը, որ  
աւարտում է 1880-ին, առաջին կարգի մրցանակով:

Բացի սովորական դասերից, ձեմարանում Քրիստափորը



անյագ կարուում է, գլխաւորապէս ընկերային, հողերանական ու մանկավարժական գրականութիւն: Նրա մտքի վրայ ուժեղ տպաւորութիւն է գործում Ր. Օուէնի ընկերային վարդապետութիւնը, ինչպէս եւ ռուս նարոդնիկ-ընկերվարական հեղինակները՝ Չերնիշեւսկի, Դորբոլիբով, Լավրով, Միխայլովսկի, որոնք իշխում էին ժամանակի երիտասարդութեան մտքերի վրայ: Միաժամանակ՝ Քրիստափորը մասնակցում է եւ աշակերտական ինքնազարգացման խմբակներին, որոնց մէջ գործօն ու ղեկավար դեր է կատարում՝ շնորհիւ իր բնական ձիրքերի եւ գիտական պատրաստութեան:

Ճեմարանը աւարտելուց յետոյ, Քրիստափորը մի քանի տարի ուսուցչութիւն արաւ ծննդավայր Ադուլիսի ծխական դպրոցում, իսկ ամառուայ արձակուրդները անց էր կացնում Թիֆլիսում: Նա արդէն կազմակերպուած անհատականութիւն էր: Մտել էր յեղափոխական շրջանակների մէջ: Անդամ էր «Նարոդնայեա Վոլեա» մարտական կազմակերպութեան: Հայ ազգային հարցերը ճեմարանում նրան դեռ չէին զբաղեցնում. ապրում ու ողբւորում էր համառուսական գաղափարներով ու շարժումներով, ինչպէս ժամանակի երիտասարդութեան մեծ մասը: Ինքը Քրիստափորը այսպէս է ներկայացնում իր յուշերում ժամանակակից երիտասարդութեան տրամադրութիւնները. —

«Թիֆլիսի միջնակարգ դպրոցների այլացեղ երիտասարդութիւնը, ազդուած մի կողմից Ռուսաստանի կենտրոնների յեղափոխական կռուի փաստերից եւ միւս կողմից եկուոր պրոպագանդիստներից ու գաղտնի գրականութիւնից, շարժուեց ու անյագօրէն նուիրուեց ինքնազարգացման եւ պատրաստութեան՝ յեղափոխական-հասարակական գործունէութեան համար: Երիտասարդութեան իդէալների բնոյթը որոշում էր մենակ «Նարոդնայեա Վոլեա» կուսակցութիւնը, որ այն ժամանակ իշխում էր կովկասեան երիտասարդութեան բոլոր զգայուն ու գիտակից տարրերի մտքերի վրայ: Միջազգային ընկերվարութիւնն էր այդ իդէալը, որ պահանջում էր անվերապահ ու անձնազոհ կռիւ կեանքի հին ձեւերի դէմ: Մասնակի, տեղական, ազգային կամ զուտ քաղաքական բնոյթ կրող եւ ո՛չ մի հարց ոչ ոքի միտք չէր գալիս: Ռուսը, հայը, վրացին իրարու միացած՝ ընդհանուր աշխարհաքաղաքացիական իդէալի հանդէպ՝ ճանաչում էին մէկ նպատակ՝ կռուի միեւնոյն միջոցներով: Նոյն այդ ուղղութիւնն էր նկատւում եւ ինքնազարգացման բոլոր խմբակներում աշակերտութեան մէջ»:

Այս մտավիճակը, սակայն, երկար չի տեւում: Ռուս կառավարութեան այլամերժ քաղաքականութիւնը, օտար ցեղերը ու-



սացնելու ձգտումը, կենտրոնից ուղարկուող ուսւ պաշտօնեաների արհամարհական վերաբերումը դէպի բնիկ ժողովուրդներն ու տեղական սլահանջները հետզհետէ ստիպում են կովկասեան երիտասարդութեան հետաքրքրուել նաեւ սեփական ազդային հարցերով: Հայկական մտքերի յեղաշրջման տեսակէտից առանձնապէս մեծ դեր կատարեց ուսւ կառավարութեան 1885 թ. Մարտին արձակած հրամանը, որով փակուեցին գրեթէ բոլոր՝ 400 հայկական դպրոցները եւ 20,000 աշակերտ-աշակերտուհիներ իրենց դասատուներով փողոց նետուեցին: «Հարուածը չափազանց խիստ էր ու վայրենի, որպէսզի նրա ծանրութիւնը չըզգար բովանդակ հայ հասարակութիւնն ու ժողովուրդը», գրում է այդ մասին Քրիստափորը: Ռուս կառավարութիւնն այլևս անվստահելի տարր էր նկատում հայերին եւ միջոցների էր դիմում ձուլելու համար նրանց ուսնների հետ:

Քրիստափորի մտաւոր վերածնութեան համար վճռական նըշանակութիւն ունեցան այն մի քանի տարիները, որ նա, Ճեմարանը աւարտելուց յետոյ, անցկացրեց հայրենի գիւղում, իրրեւ ուսուցիչ: Նա մօտից շփուեց գիւղացիութեան հետ, իր աչքերով տեսաւ, թէ ի՞նչ աւերներ է գործում ցարական բռնապետութիւնը, ի՞նչ անիրաւութիւնների ու զրկանքների է ենթարկուած հայ ժողովուրդը միայն այն պատճառով, որ հայ է: Տեսաւ ուսւ գաւառական պաշտօնեաների շահատակութիւնները: Եւ, բնականաբար, խորապէս ազդուեց:

1881-ի ամառը Թիֆլիս վերադառնալով՝ Քրիստափորը իր ընկերների առջեւ դնում է տեղական ազգային հարցով զբաղուելու անհրաժեշտութիւնը. «Ես առաջինը լինելով, գրում է նա իր յուշերում, հարց դրի ընկերներ Դաստակեանին եւ Ռեյխըլաձէին, թէ անհրաժեշտ է առանձին ժողովուրդների կեանքի թանձրացեալ պայմաններին համապատասխան կազմակերպութիւններ ստեղծել, որոնք միայն ի վիճակի կը լինեն թափանցելու հարազատ զանգուածների մէջ»: Եւ չափազանց ուրախանում է, երբ մի տարի յետոյ իր ցանկութիւնը դառնում է իրականութիւն: «1882-ին, գրում է նա, երբ ես գիւղումն էի, ստացայ ընկ. Դաստակեանից մի նամակ (առաջին անգամ՝ հայերէն), որով նա հաղորդում էր, թէ Թիֆլիսի կոմիտէն բաժանուել է առանձին ազգային խմբակների, եւ հայկական խմբակի դերը այդ նամակում բացատրում էր հետեւեալ խօսքերով. «Մեր այս կազմակերպութիւնը ամբողջովին իր գործունէութիւնը կը նուիրէ անբախտ հայ ժողովրդի անպաշտպան շահերին»:

«Այս նոր ուղղութիւնը», բացատրում է Քրիստափորը, արդիւնք էր ուսւ-թրքական պատերազմի հետեւանքով հայերի մէջ



առաջ եկած խմորումների եւ Ալեքսանդր Բ. Ցարի սպանութեան  
յաջորդած յետաշրջական քաղաքականութեան :

1884-ի աշնան, երբ ուսուցչական պաշտօնով փոխադրուեմ  
է Թիֆլիս, Քրիստափորը մեծ եռանդով նուիրուեմ է հայ ազգա-  
յին խմբակների կազմակերպութեան եւ նրանց քաղաքական-յե-  
ղափոխական դաստիարակութեան գործին՝ միեւնոյն ժամանակ  
չխոցելով յարաբերութիւնները ռուսական շրջանակներից եւ մը-  
նալով «Նարոդնայեա Վոլեա» կազմակերպութեան մէջ : Նա  
կազմակերպում ու ղեկավարում է խմբակներ թրքահայ պան-  
դուխտներից, Ուսուցչական ձեմարանի ուսանողներից, պետա-  
կան միջնակարգ դպրոցների աշակերտներից : Այս խմբակների  
նպատակն էր արդէն հայ ազգային դատի պաշտպանութիւնը :

Երբ 1885-ի Մարտին, ցարական հրամանով փակուեցին հայ-  
կական դպրոցները, միայն այս խմբակներից լսուեց բողոքի  
ձայն . բաց թողնուեց մի թռուցիկ Քրիստափորի եւ Գ. Միրզոյ-  
եանի կողմից կազմուած, որով կոչ էր ուղղուեմ հայ հասարա-  
կութեան՝ դիմադրել կառավարական ոտնձգութիւններին եւ ազ-  
գային կրթութեան գործը շարունակել ընտանիքներում :

1885 թ. աշնանից մինչեւ 1887 թ. ամառը Քրիստափորը անց-  
կացրեց Մոսկուայում, իրրեւ ազատ ունկնդիր ուսանող, ինչպէս  
ինքն է ասում՝ «նուիրելով բացառապէս տեսական զբաղումնե-  
րի» : Այդտեղ մտերմանում է նաեւ Ս. Զաւարեանի եւ Պետրով-  
կայի հայ ուսանողների հետ :

Մոսկուայում, այդ ժամանակ, հայ ուսանողութիւնը ապ-  
րում էր եռուն հասարակական կեանքով : Ուսանողութիւնը բա-  
ժանուած էր երկու հոսանքների . «Մէկը մերն էր, գրում է Քրիս-  
տափորը իր յուշերում, որ առանց բնաւ դադարելու հետաքրքըր-  
ուել հարազատ ժողովրդի կեանքով ու գրականութեամբ՝ ձգտում  
էր որքան կարելի է շատ գիտելիքներ ձեռք բերել հասարակագի-  
տութիւնից . . . Միւս հատուածը, որ մեզ կոսմոպոլիտ անունն էր  
տալիս, ոչինչ չէր ուղղում գիտենալ, բացի հայերէն լեզուի, հա-  
յոց պատմութեան, աշխարհագրութեան եւ գրականութեան ու-  
սումնասիրութիւնից, որի համար, իր հերթին, շովինիստների  
խումբ անունն էր ստացել մեզանից» : Քրիստափորը կենտրոնա-  
կան դէմք էր առաջին հատուածում, բայց ընկերական մօտիկ  
յարաբերութիւններ էր պահում եւ վերջինների հետ : Միեւնոյն  
ժամանակ, լրջօրէն աշխատում էր հարստացնելու իր մտաւոր  
պաշարը՝ հետեւելով, յատկապէս, հասարակական գիտութիւն-  
ներին :

Գիտական նոր պաշարով զինուած, 1887-ի ամառը, Քրիս-  
տափորը վերադառնում է Թիֆլիս, ուր իր կազմած խմբակները



քայքայուել էին, եւ եռանդով ձեռնարկում է վերակազմութեան աշխատանքի: «Հարկաւոր էր, դրում է նա, կազմակերպական գործը սկսել հենց սկզբից եւ նախապատրաստական բնոյթ կրող այսպիսի աշխատանքների մէջ էին անցնում մեր օրերը: Իմ մի փորձը ընկ. Ստեփան Զօրեանի (Ռոստոմի) հետ Թիֆլիսում հիմնելու գաղտնի տպարան յաջողութիւն չունեցաւ նիւթական միջոցների պակասութեան պատճառով: Միջոցներ հարկաւոր էին ոչ թէ տառեր գնելու համար — տառերը մենք ժառանգել էինք «Աղատութեան Աւետարներ»ի հիմնադիրներից — այլ որպէսզի պահէինք բնակարան եւ մի ընկերոջ, որին տեղաւորել էինք այդ բնակարանում աշխատանքի համար: Այդ ամէնը մենք փորձեցինք անել անձնական միջոցներով, բայց մեր միջոցները բաւական չեղան. մենք ասրում էինք մասնաւոր, կոպէկանոց դասերով»:

Հակառակ նիւթական աննպատ պայմանների, Քրիստափորը, առանց վհատելու, շարունակում է յեղափոխական կազմակերպական եւ դաստիարակչական աշխատանքը՝ իր շուրջը ունենալով, իբրեւ գործակից, մի շարք գաղափարական երիտասարդ մտաւորականներ: Նրա անմիջական ազդեցութեան տակ էր, որ 1889-ին ոտեղծուեց «Երիտասարդ Հայաստան» կազմակերպութիւնը անջատ խմբակները միացնելու համար:

1890-ին հիմնուեց Հ. Յ. Դաշնակցութիւնը: Նախորդ դիսում արդէն տեսանք Քրիստափորի կատարած դերը այդ գործում. նա՛ հաշտեցրեց ու միացրեց բոլոր հակամարտ ուժերը մի հիմնական գաղափարի շուրջ եւ միասնական մէկ կազմակերպութեան մէջ: Նրա հանձարին ենք պարտական մեծապէս, որ հայ ժողովուրդը ունեցաւ Հ. Յ. Դաշնակցութիւնը: Եւ այնուհետեւ Քրիստափորի կեանքը նոյնացաւ Հ. Յ. Դաշնակցութեան կեանքի հետ:

Հ. Յ. Դաշնակցութեան հիմնադրութիւնից յետոյ, Քրիստափորը նորակազմ կուսակցութեան կենտրոնական վարչութեան անդամ է եւ դիւսաւոր ղեկավար դէմքը: Թիֆլիսում, սակայն, նրան երկար չեն թողնում. 1891 թ. դարնան նա ձերբակալում է եւ աքսորում Բեսարաբիա՝ Քիշինեւ: Նոյն վիճակին են ենթարկւում նաեւ Ս. Զաւարեանը, Յովս. Արղութեանը եւ ուրիշներ: Յարական իշխանութիւնը ընդհանուր հալածանք էր սկսել հայ յեղափոխականների դէմ՝ հակառակ, որ սրանք միայն թրքահայկական հարցով էին զբաղուած եւ ուսական ներքին խընդիրներին չէին միջամտում:

Աքսորավայրում էլ Քրիստափորը հանգիստ չմնաց եւ շարունակեց յեղափոխական աշխատանքը: Ի միջի այլոց, գաղտնի անցաւ Ռումանիա եւ կազմակերպեց «Դրօշակ»ի 3-րդ համարի հրատարակութիւնը: Աքսորի ժամանակաշրջանը՝ մէկ տարին



լրանալուց յետոյ, 1892-ի ամառը, վերադարձաւ աքսորից եւ մասնակցեց Հ. Յ. Դ. առաջին Ընդհանուր Ժողովին: Այդ Ժողովում հաստատուեց կուսակցութեան ծրագիրը, որի հեղինակներէց մէկն էր Քրիստափորը: Նոյն Ժողովում փոխուեց եւ Հ. Յ. Դաշնակցութեան կազմակերպական ձեւը՝ ասակենտրոնացման սկզբունքով եւ ընտրուեց անդրանիկ Բիւրօն: Քրիստափորն ու Զաւարեանը գործօն անդամներ էին նորընտիր Բիւրօյի:

Մինչեւ երկրորդ Ընդհ. Ժողով, 1898-ին, Քրիստափորը մընում է Թիֆլիսում, որպէս ոգին եւ գլխաւոր մղիչ ոյժը Հ. Յ. Դաշնակցութեան՝ անմիջական գործակից ունենալով Ս. Զաւարեանին: 1895 թ. Հոկտեմբերին նա մի անգամ էլ ձերբակալուեց եւ վեց ամիս Բագուում բանտարկուած պահուելուց յետոյ, 1896 թ. Մարտ 23-ին ազատ արձակուեց 2000 ռուբլի դրաւականով եւ Թիֆլիսից չհեռանալու պայմանով: Նրա ջանքերով եւ անմիջական ղեկավարութեամբ գլուխ եկաւ Խանասորի արշաւանքը, ժամանակի մեծագոյն յեղափոխական դէպքը:

Երկրորդ Ընդհ. Ժողովում որոշուած է առանձին ոյժ տալ եւրոպական պրոպագանդին եւ «Դրօշակ»ի խմբագրութեան յանձնել այդ գործը: Որոշուած է նաեւ, որ Քրիստափորը անցնի եւրոպական պրոպագանդի ու «Դրօշակ»ի խմբագրութեան գլուխը: Աւելի յարմար կարգադրութիւն, ի հարկէ, կարելի էր երեւակայել:

1898 թ. աշնանը Քրիստափորը մեկնում է Ժընեւ եւ անցնում իր նոր առաքելութեան: Եւ սկսում է գործունէութեան մի փայլուն շրջան: «Դրօշակ»ի շուրջ համախմբուած են երիտասարդ տաղանդաւոր ուժեր՝ Է. Ակնունի, Ա. Ահարոնեան (Ղարիբ), Սիւամանթօ, Մ. Վարանդեան, Յոնան Դաւթեան, Սարգիս Մինասեան (Արամ Աշոտ) եւ ուրիշներ: Երկրից՝ կարեւոր թղթակիցներ: Քրիստափորի խմբագրած «Դրօշակ»ները այսօր էլ հիացում են պատճառում իրենց լուրջ ու բաղձակողմանի բովանդակութեամբ. Ակնունիի «Կովկասեան Խարրիկներ»ը՝ օրինակ, կամ Սարգիս Մինասեանի «Թիւրքիոյ Շուրջը», Մ. Վարանդեանի պատմա-ընկերաբանական տեսութիւնները, Ղարիբի յեղափոխական պատմուածքները, Սիւամանթոյի հոյակապ դիւցազներգութիւնը:

Քրիստափորը ինքն էլ մի շարք ուժեղ խմբագրականներ ու յօդուածներ գրեց, որոնք այսօր էլ դեռ չեն կորցրել իրենց թարմութիւնը: Ամփոփուած «Յեղափոխական Մտքեր» հատորի մէջ՝ նրանք ներկայ սերնդի համար էլ դաստիարակութեան ու ներշնչումի անսպառ աղբիւր են: Նրա «Պատմական Զարիք» եւ «Հայ-Քրտական Յարաբերութիւնները» (1901 թ.) յօդուածները, «Կով-



կասահայ Տազնապը» (1903 թ.) եւ «Ամբոխային Տրամաբանութիւնը» (1899 թ.) դասական գործեր են՝ շքեղ էջեր հայ յեղափոխական դրականութեան:

Քրիստափորի անմիջական շնչի տակ համախմբուեց ու կազմակերպուեց եւ արտասահմանի հայ ուսանողութիւնը՝ «Եւրոպայի Հայ Ուսանողական Միութիւնը», որ նշանակալից դեր կատարեց Հ. Յ. Դաշնակցութեան գործունէութեան մէջ:

1899-ին, Քրիստափորի ջանքերով կազմակերպուեց դիմումը հայերի կողմից Լահէի Խաղաղութեան Վեհաժողովին: Միաժամանակ, Եւրոպայի զանազան կենտրոններում, կազմակերպուեցին հայասիրական կոմիտէներ ականաւոր դէմքերից եւ տեղի ունեցան հրապարակային ժողովներ, դասախօսութիւններ ու խորհրդարանական ազմկայոյց հարցապնդումներ ի նպաստ Հայկական Դատի:

Վերջապէս, 1900 Նոյեմբերին, սկսուեց հրատարակուել Փրանսերէն «Փրօ Արմենիա»-ն հայկական պրոպագանդի օրգանը, Պիէր Քիյեարի խմբագրութեամբ եւ Անատոլ Յրանսի, Քլէմանսոյի, Դընի Կոչէնի, Պրէսանսէի եւ Ժան Ժոռէսի մասնակցութեամբ, իրրեւ խմբագրութեան անդամ: Թերթի քարտուղարութիւնը վարում էր երիտասարդ ընկերվարական Ժան Լոնդէն: Քրիստափորի թափած ջանքերի արդիւնքն էր այդ: Թէ ինչքան ուղեւորուած էր նա այդ ձեռնարկով, երեւում է «Փրօ Արմենիա»-յի խմբագրութեան ուղղած նրա մի նամակից, առաջին համարի լոյս տեսնելու առթիւ. «Մենք, զրում էր նա, համարեա հարրած էինք թերթը ստանալու առաջին օրերը: Մեր ուրախութիւնն այնքան մեծ է եղել, որ թերթը ձեռքներս առնելով առաջին անգամ՝ համբուրել ենք համարը»...

Քրիստափորը գլխաւորեց նաեւ ահարկու «Փոթորիկ»ը, որ 1901-ից սկսած, մի քանի տարի, սարսափի տակ պահեց հայ մեծահարուստներին, որոնք պարտաւորուած եղան խոշոր վումարներ տրամադրելու հայ ազատագրական գործին:

Հ. Յ. Դ. Երրորդ Ընդհ. Ժողովից յետոյ, 1904-ին, Քրիստափորը թողեց «Դրօշակ»ի խմբագրութիւնը եւ նետուեց նոր փոթորիկի մէջ: Վաղուց նրան տանջում էր մի սուր միտք — վերցընել մէջտեղից այն Չարիքը, որ պատուհաս էր դարձել հայ ժողովրդի գլխին. մահով պատժել Սուլթան Աբդուլ Համիդին: Այդ առաջարկը բերեց նա Ընդհ. Ժողովին, որի վաւերացումից յետոյ՝ ինքը անցաւ գործի գլուխը: Կազմեց մահափորձի ծրարիւր, ընտրեց գործակիցներ, անձամբ մտաւ Պոլիս հրեայ Սամուէլ Փայն ծածկանունով եւ կատարեց նախապատրաստական աշխա-



տանքները. Կարմիր Սուլթանը օղը պիտի հանուէր դժոխային մեքենայով Սէլամլըքի հանդէսի միջոցին :


Ճակատագիրը, սակայն, այլ կերպ տնօրինեց . 1905 թ. Մարտ 17-ին, Սոֆիայի մօտ, Վիտոշի բարձունքին, ռումբի փորձի միջոցին, Քրիստափորը նահատակուեց իր գործակից Վոամշապուհ Քէնդիրեանի հետ միասին . . .

Քրիստափորը մեռաւ առանց նպատակին հասնելու, բայց իր գաղափարներն ու ոգին շարունակեցին ապրիլ 2 . Յ . Դաշնակցութեան մէջ, իբրեւ ներշնչումի եւ ոգեւորութեան աղբիւր հայրենիքի ազատութեան համար մարտնչող սերունդների աչքին :

## ՍԻՄՈՆ ԶԱԽԱՐԵԱՆ

Իր հոգեկան կառոյցով, իր նկարագրով ու խառնուածքով, իր ողջ էութեամբ Քրիստափորի հակադասներն էր Սիմոն Զաւարեանը : Առաջինը հանդարտ ու հաւասարակչիւ, մտքին ու կամքին ունկնդիր, լայնախոհ ու ներողամիտ, լաւատես աշխարհի ու մարդկանց հանդէպ, Զաւարեանը՝ համակ ջիղ ու կիրք, ըմբոստ եւ ալեծուփ մի ոգի : Մտքով հզօր, բայց սիրտը աւելի տիրական իր մէջը : Ճշմարտ՝ անհատական կեանքում : Բժախնդիր եւ պահանջկոտ իր անձի հանդէպ եւ դաժան լինելու աստիճան խստապահանջ դէպի ուրիշները : Անիշխանական երեւնալու չափ ծայրայեղ գաղափարներով եւ, յաճախ անհանդուրժող ուրիշների հանդէպ : Անդուսպ եւ խարաղանոց սխալ կարծած հասարակական գործերն ու բարքերը քննադատելիս : Եւ միեւնոյն ժամանակ՝ զարմանալի կերպով մարդկային, ընկերական, ջերմ ու մտերիմ անհատական յարաբերութիւնների մէջ : Իր փոքրահասակ, նիհար ու վտիտ մարմնում ազնուական մեծ սիրտ, բարձր իմացականութիւն, ասպետական ոգի, հուժկու կամք, բուն զգայնութիւն եւ հզօր կիրք էր համադրուած : Մտաւոր զարգացումով գիտնականի հակումներ ունէր եւ ոգիով՝ մարդարէ էր : Միեւնոյն ժամանակ՝ գործի մարդ, հողի եւ աշխատանքի երկրպագու : Բարոյական եզակի անհատականութիւն՝ դաւանանքով եւ անձնական ապրումներով : Ինչ չափով որ իրեն էր չափում՝ նոյն չափանիշով նա մօտենում էր եւ ուրիշներին : Զաւարեանի համար միջին ճանապարհներ գոյութիւն չունէին : Մի զգացում, սակայն, տիրական էր եւ մշտնջենական նրա մէջ — հաւատարիմ ու յարատեւ սէրը դէպի մարդկութիւնը, առհասարակ, եւ դէպի հայ ժողովուրդը՝ ի մասնաւորի : Այդ զգացումին էլ նուիրեց նա իր բովանդակ կեանքը : Նա ամէն տուեալ ունէր նըւիրուելու գիտութեան եւ փայլուն դիրքեր գրաւելու կեանքի ասպարէզում, բայց այդ նրան չհրապուրեց : Ունկնդիր հարազատ





### ՍԻՄՈՆ ԶԱԽԱՐԵԱՆ

Ժողովրդի սրտակեղէք կանչին՝ նա անվարան նետուեց յեղափոխութեան գոռ փոթորիկներէ դերկը, ի վերջոյ, զոհելով իր անձը, որպէսզի ապրին հայրենիքն ու ազգը:

Սիմոն Զաւարեանը ծնուել էր 1866 թ. լեռնային եւ անտառոտ Լոռու Այգեհատ գիւղում, այնտեղ, ուր Խենթ Դերեառը աղմըկայոյդ սլացքով կրծում է ժայռերի կուրծքը եւ վեհապանծ Լալուարը զրոյց է անում երկնքի հետ: Այգեհատ գիւղի բնակիչները դրեթէ ամենքը հին ազնուական տոհմերից էին սերած: Ազնուական էր եւ Զաւարեան ընտանիքը: Տարրական կրթութիւնը գիւղում ստանալուց յետոյ, Սիմոնը, հազիւ 7-8 տարեկան տարւում է Թիֆլիս, ուր նախապատրաստուելով՝ մտնում է պետական ուսուցչական դպրոցը եւ յաջողութեամբ աւարտում: Ապա մեկնում է Մոսկուա, ուր մտնում է նշանաւոր «Պետրովկա» Գիւղատնտեսական ձեմարանը, որ աւարտում է 1890-ին առաջին կարգի մրցանակով: Նրան առաջարկում են մնալ ձեմարանում, իբրեւ դասախօս՝ ապագային դրաւելու համար փրոֆեսորութեան ամբիոն, բայց նա չի համաձայնում եւ վերադառնում է Կովկաս: Ութսունական թուականները թէ՛ համառուսական եւ թէ՛



Հայ իրականութեան մէջ նշանաւոր էին նրանով, որ Ալեքսանդր Բ. ցարի սպանութիւնից յետոյ, 1881-ին, Ռուսաստանը թեւա-  
կոխում էր յետաշրջական-բռնակալական մռայլ մի շրջան: Վերջ  
էր տրուում Ալեքսանդր Բ.-ի բարենորոգչական քայլերին, որ պի-  
տի պսակուէին Լորիս-Մելիքովի մշակած չափաւոր Սահմանադր-  
ութեամբ: Ալեքսանդր Երրորդի խաւարակուռ վարչաձեւը հաշ-  
ուեյարդարի ենթարկեց իր նախորդի ազատական ձեռնարկները,  
կատաղի պայքար սկսեց արմատական մտաւորականութեան եւ,  
յատկապէս, «Նարոզնայեա Վոլեա» մարտական կազմակերպու-  
թեան դէմ: Կտրուկ միջոցներ ձեռք առաւ սանձահարելու համար  
ուսանողութիւնը՝ կառավարական խիստ հակակշռի տակ դնելով  
բարձրագոյն դպրոցները: Մի խօսքով՝ Կայսրութեան բովանդակ  
տարածութեան վրայ հաստատուեց Ալեքսանդր Գ.-Պոբեդոնոս-  
ցեւի դաժան իշխանութիւնը:

Ալեքսանդր Երրորդի օրով հիմնովին փոխուեց քաղաքակա-  
նութիւնը նաեւ օտար, ոչ-ռուս ցեղերի վերաբերմամբ: Ռուսա-  
ցումը որդեգրուեց, իբրեւ պետական սկզբունք, ուղղափառ ռուս  
եկեղեցին՝ օտար ազգերը ձուլելու միջոց: Այս քաղաքականու-  
թիւնը ուղղուեց եւ հայերի դէմ, որոնք 1877-78 թ. ռուս-թրքա-  
կան պատեւազմի հետեանքով վարդապոյն յոյսեր էին տածում, թէ  
մօտ է թրքահայաստանի ազատութիւնը՝ ռուսական աջակցու-  
թեամբ: Ալեքսանդր Երրորդը կտրուկ կերպով վերջ տուեց այդ  
յոյսերին՝ հալածանք սկսելով հայ հայրենասէրներին դէմ:

Ահա այդ շրջանում, աշակերտական, ապա ռուսանողական ա-  
թոռների վրայ, մշակուում էր Զաւարեանի միտքն ու հասարա-  
կական-բարոյական նկարագիրը: Իր յուշերում պատկերացրել է  
նա այդ ժամանակաշրջանը եւ իր ու իրեն հասակակից սերնդի  
ապրումները: Թիֆլիսում արդէն, նա մտնում է աշակերտական  
ինքնազարգացման խմբակների եւ «Նարոզնայեա Վոլեա»-ի շըր-  
ջանակի մէջ եւ եռանդուն մասնակցութիւն ունենում երիտասար-  
դական շարժումների մէջ՝ թէ՛ միջազգային եւ թէ՛, մանաւանդ,  
հայկական խմբակներում: Նրա վրայ ուժեղ տպաւորութիւն են  
գործում Բաֆֆիի վէպերը եւ Արծրունիի հրապարակադրութիւ-  
նը, ինչպէս նաեւ ժամանակի ռուս արմատական հեղինակները:  
Մինչ Բրիտտափորը Թիֆլիսի իր դպրոցական տարիները անցկա-  
ցրեց, կարելի է ասել, բացառապէս ռուսական մթնոլորտում,  
Զաւարեանի աշակերտութիւնը անցաւ առաւելապէս հայկական  
միջավայրում:

«Մեր խումբը, դրում է Զաւարեանը իր յուշերում, կազմը-  
ւած էր բացառապէս հայերից. խմբի մէջ, որոշ նպատակով,  
մտցրել էին երկու հոգի Ներսիսեան դպրոցից: Ղեկավարները



նպատակ ունէին ներսիսեանցիների միջոցով մեզ հայերէն սովորեցնել, ծանօթացնել հայոց պատմութեան... Աւելորդ է ասել, որ հայ գրականութեան մէջ Գամառ Քաթիպայի հետ միասին առաջին պատուաւոր տեղն էր բռնում Բաֆֆին: Մեր մտքի, մեր հոգու խորքում, Չերնիշևսկու, Նիկրասովի, Պերովսկայեայի կողքին, քայլ առ քայլ սկսեցին տեղ գրաւել Նալբանդեանը, Բաֆֆին, Կարօն ու Ասլանը»:

Երբ Մոսկուա տեղափոխուեց, Չաւարեանը արդէն տողորուած էր հայկական ազգասիրական գաղափարներով ու զղացումներով: Ուսանողութեան շրջանում եւս նա, գործելով հանդերձ «Նարողնայեա Վոլեա»-ի եւ ընդհանուր-համառուսական միջավայրում, շարունակեց կենդանի կերպով հետաքրքրուել եւ ըզբաղուել հայկական հարցերով: Մոսկուայի հայ ուսանողութիւնը այդ ժամանակ եռուզեռի մէջ էր: Այնտեղ էին Ռոստոմը, Ա. Սահակեանը (Հայր Աբրահամ), Մ. Շաթիրեանը, Յակ. Քոչարեանը, Տէր-Գրիգորեան եղբայրները, Գ. Միրզոյեանը, Քրիստափորը եւ ուրիշներ, որոնք տարուած էին հայրենասիրական գաղափարներով եւ անմիջական յարաբերութիւնների մէջ էին թիֆլիսի մտաւորականութեան ու երիտասարդական խմբակների հետ: Չաւարեանը առաջին շարքերում էր թէ՛ ուսու եւ թէ՛ հայ երիտասարդական շարժումների մէջ:

Ճեմարանը աւարտելուց յետոյ, 1890-ի ամառը, Չաւարեանը վերադարձաւ Թիֆլիս: Այստեղ արդէն նախապատրաստուած էր Հ. Յ. Դաշնակցութեան կազմակերպութիւնը: Չաւարեանը գործօն մասնակցութիւն ունեցաւ Հիմնադիր ժողովներում եւ ընտրուեց Հ. Յ. Դաշնակցութեան առաջին ղեկավար մարմնի՝ Կենտրոնական Վարչութեան անդամ:

Հիմնադիր ժողովից յետոյ, Հ. Յ. Դ. Կենտրոնի որոշումով, գործիչ ուժերը ցրուեցին զանազան շրջաններ: Չաւարեանը, Յովսէփ Արղութեանի հետ, անցաւ Տրապիզոն ազգային վարժարանի տնօրէնի պաշտօնով: Այդ օրերին Տրապիզոնում էր գտնուում Հնչակեան Երկրի Վարչութիւնը, որ նոյնպէս միացած էր համարուում Հ. Յ. Դաշնակցութեան: Տրապիզոնում եկաւ, ուսուցչական պաշտօնով, եւ Յ. Իւսուֆեանը: Այս երեքը՝ միանալով Հնչակեան Վարչութեան անդամների հետ՝ պիտի կազմէին Հ. Յ. Դաշնակցութեան Երկրի Վարչութիւնը: Տրապիզոնում, սակայն, նա երկար չկարողացաւ մնալ. մի քանի ամիս անցած թուրք կառավարութիւնը ձերբակալեց Չաւարեանին ու Արղութեանին, որպէս յեղափոխականների, եւ Չաւարեանին յանձնեց դատարանի: Դատի միջոցին Չաւարեանը մի յանդուղն պաշտպանողական ճառ արտասանեց՝ խարազանելով Սուլթանի նեխած վարչաձեւը: Հե-



տեւանքը եղաւ չորս տարուայ բերդարգելութեան զատավճիռ : Քիչ յետոյ, սակայն, ռուսական զեսպանի միջամտութեամբ, Չաւարեանն ու Արղութեանը փոխադրուեցին Ռուսաստան եւ ռուս կառավարութեան կողմից աքսորուեցին Բեսարաբիա, ուր աքսորուած էր նաեւ Քրիստափորը : Այստեղ, Քրիստափորը, Չաւարեանը եւ Արղութեանը երեքով աշխատեցին նաեւ Հ. Յ. Դաշնակցութեան ծրագրի նախագծի պատրաստութեան վրայ :

Աքսորից վերադառնալուց յետոյ, 1892-ին, Չաւարեանը մասնակցեց Հ. Յ. Դաշնակցութեան առաջին Ընդհանուր Ժողովին եւ Քրիստափորի ու Ռոստոմի հետ մշակեց կուսակցութեան ծրագիր-կանոնագիրը : Ինչպէս յայտնի է, այդ ժողովում որոշուեց եւ Դաշնակցութեան կազմակերպական վերջնական ձեւը՝ ապակենտրոնացում, որի գլխաւոր պաշտպաններից էին Չաւարեանը եւ Յոնան Դաւթեանը : Չաւարեանը եղաւ նաեւ, Քրիստափորի հետ, Հ. Յ. Դաշնակցութեան ծրագրի մեկնաբանողը «Դրօշակ»ի առաջին համարներում :

Եւ այնուհետեւ, մինչեւ 1902թ., Չաւարեանը մնաց Թիֆլիսում, իբրեւ Հ. Յ. Դաշնակցութեան Բիւրոյի անդամ եւ կուսակցութեան գլխաւոր ղեկավար ուժերից մէկը : Առաւելապէս նրա վրայ էին ծանրացած Բիւրոյի գործավարութիւնն ու թըղթակցութիւնը, եւ նա արտասովոր եռանդով ու նուիրումով կատարում էր այդ պարտականութիւնը : Պաշտօնով պետական գիւղատնտես, որպէս այդպիսին, յաճախ, ճամբորդութիւններ էր կատարում Կովկասի զանազան կողմերը : Այդ ճամբորդութիւնները օգտագործում էր եւ կուսակցական գործերի համար : Միեւնոյն ժամանակ, ուսումնասիրում էր երկրի տնտեսական պայմանները : Իր յօդուածները ռուս եւ հայկական մամուլում, ինչպէս նաեւ ռուսերէն առանձին հատորները զասական տեղ են դրաւում կովկասագիտական զրականութեան մէջ : Յատկապէս արժէքաւոր է նրա «Մի փորձ Երեւանի եւ Կարսի նահանգների հացարեր շրջանների գիւղատնտեսութեան հետազօտութեան» ըստուար հատորը : Նա մանրակրկիտ ու բարեխիղճ ուսումնասիրող էր եւ բազմակողմանի ու հիմնական ծանօթութիւններ ունէր Կովկասի եւ Հայաստանի գիւղական պայմանների եւ ժողովրդական տնտեսութեան մասին :

Մինչեւ 1902 թ., Չաւարեանը Հ. Յ. Դաշնակցութեան կենտրոնական գէմքն էր Կովկասում, մանաւանդ 1898-ից յետոյ, երբ Քրիստափորը մեկնեց արտասահման : Նա, իբրեւ ղեկավար, մասնակցեց բոլոր կարեւոր ժողովներին եւ բոլոր կարեւոր ձեռնարկներին : Բնական է՝ նրա գործունէութիւնը չէր կարող չնըկատուել կառավարութեան կողմից. նա ենթարկուեց խուզար-



կութիւնների եւ ձերբակալութիւնների, բայց միշտ մնաց իր դիրքում :

1902-ի գարնանը, երբ Քրիստափորը «Փոթորիկ»ի գործերով մեկնել էր Ռուսաստան, նրա տեղը ժընեւ անցաւ Զաւարեանը, իբրեւ «Իրօջակ»ի խմբագրութեան անդամ՝ Ակնունիի եւ Վարանդեանի հետ : Եւ մէկուկէս տարուց աւելի վարեց «Իրօջակ»ի խմբագրութիւնը եւ կուսակցութեան արտասահմանի գործերը, մինչեւ որ 1903-ի ամառը Քրիստափորը վերադարձաւ ժընեւ : «Ժընեւում, գրում է Վարանդեանը, Զաւարեանը ամենայն բարեխղճութեամբ կը կատարէր իր խմբագրական եւ բիւրոյական պարտականութիւնները : Կը գրէր, կը թղթակցէր մարմիններու հետ, չէր խուսափեր ոչ մի սեւ աշխատանքէ, թերթի եւ զրքերի առաքումներն անդամ, յաճախ, իր ձեռքով կը կատարէր եւ միանգամայն, վայրկեաններու ապշեցուցիչ խնայողութեամբ մը, կը հետեւէր համալսարանական ամէն տեսակ դասախօսութիւնների, կը հետեւէր պատանեկան եռանդով ու անդադար կը կարդար, նոթեր կ'առնէր, կ'ուսումնասիրէր» :

Երրորդ ընդհանուր ժողովից յետոյ, որ դումարուեցաւ 1904-ին, Սոֆիայի մէջ, կուսակցութեան որոշումով, Զաւարեանը անցաւ Կիլիկիա Խանասորի Վարդանի հետ : Ընդհ. ժողովը որոշել էր ուժեղ կազմակերպութիւն առաջ բերել եւ գործունէութեան վայր դարձնել նաեւ Կիլիկիան : Այնտեղ եւս, Վարդանի պատմելով, Զաւարեանը մեծ եռանդով լծուեց գործի. «Միմոնը անչափ ոգեւորուած էր. բնաւ չէր հանգստանում. անվերջ աշխատում էր : Ուր էլ լինէր, իսկոյն բարեկամների, ընկերների մի շրջան կը կազմէր. կը մանէր բոլոր խաւերի մէջ, այնքա՛ն մատչելի էր : Ուր էլ լինէր, բոլոր տեղերի հետ կապեր կը պահպանէր եւ ամէն վայրից տեղեկութիւն կ'ունենար : Թղթակցութեան մէջ անսովոր եռանդ ունէր» : Զաւարեանին յաջողում է ամրապնդել Հ. Յ. Դաշնակցութիւնը Կիլիկիայում եւ Լիրանանում՝ կապելով կուսակցութեան հետ երիտասարդ ուժերը, որոնք հետագային կարեւոր դեր կատարեցին ազգային կեանքում :

Կուսակցական աշխատանքից դուրս՝ Զաւարեանին հետաքրքրում էր Կիլիկիան, որպէս երկիր, իր ժողովուրդով ու տընտեսական պայմաններով : Նա ուսումնասիրում եւ մեծաքանակ նիւթ է հաւաքում, մանաւանդ, երկրի տնտեսական եւ ազգագրական վիճակի մասին :

Երբ 1905-ի սկիզբը պայթեցին հայ-թաթարական ընդհարումները, եւ Վարդանը ստիպուած՝ փութով վերադարձաւ Կովկաս, Զաւարեանը յանձնեց նրան մի շարք իրեր ժընեւ տանելու համար : Վարդանը պատմում է. «Միմոնը պաշտող, սիրահար էր



հայկական բնութեան, նրա օգի, հողի, լեռների ու ջրերի... Ձէյթի-թունի մէջէն անցնող ճիւղան դետի ջրից լեցրել էր մի շիշ եւ պահել, որպէս սրբութիւն: Մերսինի թէ Թարսուսի բանտարկեալներին այցելելով, ստացել էր նրանցից, իբրեւ յիշատակ, նրանց ձեռքի աշխատանք վեց փայտէ դղալներ: Մի ինչ որ լեռից մի կտոր քար էր վերցրել եւ մի քանի ուրիշ մանր-մունր բաներ՝ բոլորն էլ կիլիկեան յիշատակներ: Յանձնեց ինձ, որ բերեմ «Պրօշակ»ի թանգարանի համար»:

Ձաւարեանը ինքն էլ երկար չկարողացաւ մնալ Կիլիկայում: Ռուսաստանի յեղափոխական դէպքերը հարկադրեցին նրան վերադառնալ Կովկաս, ուր նորից նետուեց կուսակցական աշխատանքի մէջ, որպէս Բիւրոյի անդամ, «Յառաջ» օրաթերթի խմբագիրներից մէկը, իբրեւ ղեկավար դէմք Հ. Յ. Դաշնակցութեան: 1906-ին նախագահ ընտրուեց Էջմիածնի Ազգային Կենտրոնական Ժողովի, որի մէջ Հ. Յ. Դաշնակցութեան գլխաւոր բեւախօսն էր: Մասնակցեց Հ. Յ. Դաշնակցութեան Չորրորդ Ընդհ. Ժողովին Վիէննայում: Գլխաւորեց Հ. Յ. Դաշնակցութեան Պատուիրակութիւնը Խրիմեան Հայրիկի յուղարկաւորութեան ժամանակ:

1908-ին, Օսմանեան Սահմանադրութեան հռչակումից յետոյ, երբ Կովկասում ծայր տուին հալածանքները Դաշնակցականների դէմ, Ձաւարեանը անցաւ Պոլիս, ուր գործեց, իբրեւ Հ. Յ. Դաշնակցութեան ղեկավար ուժերից մէկը: Ատանայի կոտորածից յետոյ, 1909-ին, անձամբ զնաց Կիլիկիա տեղն ու տեղը ստուգելու համար թրքական վայրագութիւնների չափն ու պատճառները: Եւ ապա, մինչեւ 1911 թ. մնաց Մշում, իբրեւ Տարօնի ազգային դպրոցների ընդհանուր տեսուչ, իրեն պէս մի ուրիշ դաղափարապաշտ սուրբի՝ Բժ. Յ. Ձաւարեանի հետ միասին:

1911 թ. ամառը Ձաւարեանը մասնակցեց Հ. Յ. Դ. Վեցերորդ Ընդհ. Ժողովին, Պոլսում: Թէ՛ Ընդհ. Ժողովում, թէ՛ դուրսը նա բարոյական մեծ հեղինակութիւն էր: «Ամենքը, վկայում է վարանդեանը, կը խոնարհէին անոր բարոյական անձնաւորութեան առջեւ, որ Դաշնակցութեան խիղճը կը կեդրոնացնէր իր մէջ»:

Ընդհանուր Ժողովից յետոյ, Ձաւարեանը մնաց Պոլսում, որպէս Բիւրոյի անդամ, եւ ապրում էր Եսայեան վարժարանի ուսուցչական պաշտօնից ստացած համեստ ոռճիկով՝ դպրոցից դուրս իր ամբողջ ժամանակն ու եռանդը նուիրելով կուսակցութեան եւ հասարակական գործունէութեան: Եւ մի օր, 1913 թ. Հոկտ. 15/28-ին, իր բնակարանից «Ազատամարտ»ի խմբագրա-



տունը գնալիս, Աշխատանքի Տան առջեւ, ընկաւ ուշաթափ՝ փչելով վերջին շունչը:


Պոլիսն ու Թիֆլիսը, ուր տարուեց նրա աճիւնը Խոջիվանքի գերեզմանոցում թաղելու համար, արտասովոր յուղարկաւորութիւն կատարեցին: Բերայի Երրորդութեան եկեղեցում, Չաւարեանի դազաղի առջեւ դամբանականներ խօսեցին Ա. Ահարոնեանը, Գ. Խաթաղը, Դանիէլ Վարուժանը, Մշոյ Գեղամը: Եւ ամենքը լացին, երբ Շահ-Մուրատեանը երգեց «Պաւարեալ Գիշեր»ի ողբը եւ կոմիտասը՝ «Ի վերին Երուսաղէմը»...

## Ռ Ո Ս Տ Ո Մ

Տարբեր կարգի անհատականութիւն էր Ռոստոմը: Ոչ Քրիստափորի մտքի անմիջական ոյժն ու հմայքը ունէր նա, ոչ էլ Չաւարեանի բուռն խառնուածքը: Արտաքինով հակապատկերն էր երկսի: Միջհասակ, ամուր կազմուածքով, առողջ, ուժեղ: Լայն ուսերի վրայ՝ սոկրատեան գլուխ: Իմացական լայն ճակատ՝ վըշտի կամ դայրոյթի պահերին ծածկուած խորունկ կնճիռներով: Սեւ մօրուքն ու գլխի դանդուր մազերը՝ ցրիւ ու խառնափնթոր: Թաւ յօնքերի տակ՝ խոհուն ու խօսուն աչքեր, յաճախ, դուարթ ու հեգնական: Ժպիտը՝ անմոռանալի: Անմոռանալի՝ եւ ցասումը: Հազուատը՝ պարզ ու համեստ: Պարզ ու համեստ՝ եւ իր շարժուձեւը, վերաբերումը դէպի մարդիկ:

Առաջին տպաւորութիւնը Ռոստոմից — սովորակա՛ն մարդ: Երեւոյթը՝ սովորական: Խօսքը՝ անպաճոյճ եւ հասարակ: Հետաքրքրութեան նիւթը՝ առօրեայ, գործնական հարցեր: Ծառախօս չէր. աւելի ձեռքերն էին խօսում, քան լեզուն: Որեւէ տեղ երբեք առաջին շարքերում կարելի չէր տեսնել նրան. ուրիշներին էր առաջ քշում, ինքը մնում էր ստուերի մէջ, շատերի հետ: Անձնական հետաքրքրութիւն չունէր, ինչպէս չունեցաւ եւ անձնական կեանք: Միշտ գործի վրայ էր, եւ Ռոստոմի համար կարեւոր ու անկարեւոր գործեր չկային. գործեր միայն կային, որոնց վըրայ անխնայ թափում էր իր ոյժն ու եռանդը: Միշտ շարժման մէջ էր. Ռուսաստան, Թուրքիա, Պարսկաստան, Եւրոպայի դանագան երկրներ, Հայաստանի քաղաք ու գիւղ — Ռոստոմը ամէն տեղ էր, ուր կուսակցութիւնը անհրաժեշտ էր գտնում իր ներկայութիւնը: Եւ միշտ կեանքով լի, լաւատես ու գործունեայ: «Յեղափոխութիւնը, ասում էր Ռոստոմը, նախ գործ է, յետոյ՝ դաշափար — ա՛յս է ճշմարտութիւնը: Աւելի ճիշդ՝ յեղափոխութիւնը գործ է դաշափարի համար»: Եւ մինչեւ մահ հաւատարիմ մնաց այս սկզբունքին:





ՌՈՍՏՈՄ

Որոշ չափով նաեւ իր բնագիտական մասնագիտութիւնն էր, թերեւս, պատճառ, որ Ռոստոմը ունէր դրական, շատելու համար նիւթապաշտ միտք: Նրան «մարքսիստ» էին կոչում կուսակցութեան մէջ եւ, անշուշտ, ոչ առանց իրաւունքի: Դաշնակցութեան



առաջին ծրագրի մարքսիստական տարրերը Ռոստոմից էին գալիս գլխաւորապէս :

Շատ կարդացող չէր, բայց ինչ որ կարդում էր՝ իւրացնում էր հիմնովին : Իր սիրած հեղինակներն էին Ռաբլէ, Սերվանտէս, Գոգոլ : Վերջինիս «Տարաս Բուլա»ն գիտէր գրեթէ դոց : Տարասից շատ բան կար եւ Ռոստոմի մէջ :

Քրիստափոր եւ Զաւարեան շեշտուած անհատականութիւններ էին որոշ մարզերում . Ռոստոմի մէջ համադրուած էին երկսի կարողութիւններն էլ : Նա ունէր մտաւորական բարձր յատկութիւններ, զօրաւոր եւ յարատեւ կամք, օժտուած էր կազմակերպական-վարչական ընդունակութիւններով : Անհունօրէն նուիրուած էր հայ ժողովրդի դատին : Մարդկային էր եւ յաշխարհէ : Քրիստափորից եւ Զաւարեանից երկար ապրեց, աւելի գործեց եւ իր մտքի ու գործի դրոշմը աւելի տեսանելի է Հ. Յ. Դաշնակցութեան վրայ : Եթէ Քրիստափորը եղաւ Հ. Յ. Դաշնակցութեան միտքն ու կամքը, եւ Զաւարեանը՝ նրա սիրան ու խիղճը, Ռոստոմը ե՛ւ միտք էր, ե՛ւ կամք եւ խիղճ՝ Դաշնակցութիւնը ինքը իր բովանդակ էութեամբ :

Ռոստոմն եւս գողթնեցի էր՝ Քրիստափորի հայրենակից : Մնուած էր Յղնա դիւղում, 1867 թ. Յունուար 18-ին, բուն անունով՝ Ստեփան Զօրեան : Ուրեմն, Քրիստափորից 8 տարիով փոքր էր եւ գրեթէ հասակակից Զաւարեանին : Նահապետական ունեւոր ընտանիքի զաւակ էր եւ մանկութիւնը անցկացրեց գլուղում, գեղեցիկ բնութեան ծոցում, զուտ հայկական միջավայրում : Գիւղի ծխական դպրոցում, փոքր հասակից երեւան բերեց առանձին սէր դէպի հայերէն լիզուն ու պատմութիւնը, ինչպէս նաեւ եկեղեցական երգեցողութիւնը : Սիրում էր, լաւ տրամադրութեան մէջ, գրաբար կտորներ արտասանել եւ շարականներ երգել : Հակառակ որ երաժշտական կրթութիւն չունէր, ոչ էլ երգելու ընդունակութիւն, ուր որ լինէր՝ փորձում էր երգեցիկ խմբեր կազմել եւ աղբային ու ժողովրդական կամ յեղափոխական երգեր սովորեցնել :

Գիւղական դպրոցը չաւարտած՝ ծնողները տանում են պատանի Ստեփանին Թիֆլիս, ուր նա, Բէգլարեան մասնաւոր դըպրոցում նախապատրաստուելուց յետոյ, 1882-ին, մտնում է պետական ուսուցչական դպրոցը, որ աւարտում է 1886-ին : Ռէալական դպրոցի ընդունակ աշակերտներից է լինում եւ առանձնապէս աչքի է ընկնում բնադիտական եւ մատեմատիկական առարկաների մէջ : Եւ արդէն դպրոցական նստարանի վրայ՝ սկսում է հետաքրքրուել հասարակական խնդիրներով եւ գործօն մասնակցութիւն է ունենում աշակերտական ինքնազարգացման խմբակներին



մէջ: Նրա դպրոցական ընկերները վկայում են, որ հանդարտ ու խոհուն տղայ էր. չէր սիրում մասնակցել խաղերին. շատ կարդում էր եւ շատ մտածում: Ընկերները նրա անունը դրել էին Քոթոթ՝ քոթոթի նմանուող կազմուածքի պատճառով. այդ անունը մնաց վրան մինչեւ վերջ: Քրիստափորի եւ Զաւարեանի պէս նա եւս դրաւուեց ուսւ յեղափոխական ու մտաւոր շարժումներով, բայց հայկականութիւնը իր մէջ աւելի զօրաւոր էր:

Ռէալական դպրոցը աւարտելուց յետոյ, նա, նոյն տարին իսկ, մտաւ Նովօ-Ալեքսանդրեան Գիւղատնտեսական ձեմարանը, Վարչաւսյի մօտ, ուր, սակայն, երկար չմնաց. ուսանողական խնովութեան մասնակցելու պատճառով ձերբակալուեց եւ ոստիկանի հսկողութեան տակ աքսորուեց ծննդավայրը՝ Յղնա՝ զըրկըւելով ուրիշ դպրոց մտնելու իրաւունքից: Յղնայում Ռոստոմը ճարեց Աբրահամեան անունով մի անցազիր, մեկնեց Թիֆլիս եւ մտաւ յեղափոխական խմբակների մէջ: Քրիստափորի յուշերից տեսնում ենք, որ, 1887-ին, նա փորձում է դադտնի տպարան պահել Թիֆլիսում, Քրիստափորի հետ, որ, սակայն, նիւթական միջոցների բացակայութեան պատճառով, չի յաջողում:

Թիֆլիսից Ռոստոմը անցնում է Բագու, ուր Աբրահամեան անունով քննութիւն է տալիս ռէալական դպրոցում եւ 1889-ին մտնում է Մոսկուայի Պետրովսկայա Գիւղատնտեսական ձեմարանը, ուր ուսանում էին Ս. Զաւարեանը, Ա. Սահակեանը եւ ուրիշներ, որոնք յետոյ Հ. Յ. Դաշնակցութեան հիմնադիր կամ ղեկավար ուժերը դարձան: Ռոստոմը մեծ եռանդով մասնակցում է հայ եւ ուսւ ուսանողական շարժումներին: Եւ 1890-ին, ուսանողական ցոյցի ժամանակ, ձերբակալում եւ նորից աքսորում է ծննդավայր: Աքսորի ժամանակը զուգադիպում է Հ. Յ. Դաշնակցութեան հիմնադիր ժողովներին, որով Ռոստոմը անմիջական բաժին չի ունենում Դաշնակցութեան կազմակերպութեան գործում:

Երբ Ռոստոմը Թիֆլիս հասաւ, Հ. Յ. Դաշնակցութիւնը արդէն կազմակերպուած էր: Նա ամբողջ էութեամբ նետում է գործի մէջ եւ դառնում է Կեդրոնական Վարչութեան աջ բազուկը, իրրեւ մտերիմ գործակից Քրիստափորի եւ Զաւարեանի: «Նա վարչութեան մէջ չէր, վկայում է Մ. Շաթիրեանը, բայց ամենից գործունեայ անդամն էր դարձել մեր կազմակերպութեան: Խըմբեր կազմել, թռուցիկներ հրատարակել, զինավարժութեան գործը վարել — բոլորը նրա վրայ էր ընկած»:

Հիմնադիր ժողովից անմիջապէս վերջը, տեղի ունեցաւ գործօն ուժերի բաժանում չըջանների վրայ. Զաւարեանը, Արղութեանը եւ Յ. Իւսուֆեանը նշանակուեցին Տրապիզոն, Արամ Արամ-



եանն ու Տ. Օքոնեանը՝ Կարին, Պետօն՝ Վան, Յովնան Դաւթեանը մի խումբ ընկերներով՝ Թաւրիզ: Ռոստոմն եւս մեկնում է Թաւրիզ, ուսուցչական պաշտօնով, ուր մնում է մէկ տարի՝ զբաղուելով գլխաւորապէս Դաշնակցութեան գործերով:

Վերադառնալով Թիֆլիս՝ նա մասնակցում է Հ. Յ. Դ. Առաջին Ընդհ. Ժողովին, 1892-ին, ուր հաստատւում է Դաշնակցութեան ծրագիրը: Ռոստոմը, Քրիստափորի եւ Զաւարեանի հետ, ժողովի մղիչ ողին է հանդիսանում եւ ծրագրի հեղինակներից մէկը. նրա գրչին է պատկանում ծրագրի ներածական մասը, որ աւելացուեց ծրագրին Ընդհ. Ժողովից յետոյ՝ վաւերացուելով յաջորդ՝ Երկրորդ Ընդհ. Ժողովում:

1893-ի սկիզբը, Բիւրոյի որոշումով, Ռոստոմը անցնում է Ռումանիա կազմակերպելու համար «Դրօշակ»ի հրատարակութիւնը, սակայն, քաղաքական պայմանները թոյլ չէին տալիս Ռումանիայում հրատարակել «Դրօշակ»ը: Նա Քրիստափորի թողած տառերը փոխադրում է Ժընեւ, ուր եւ հաստատւում է «Դրօշակ»ի խմբագրութիւնը՝ Ռոստոմի ղեկավարութեան տակ: Նա ե՛լ խմբագիր է, ե՛լ գրաշար եւ ամէն ինչ, եւ միաժամանակ վարում է կուսակցական թղթակցութիւնը: Խմբագրատունն ու գրաշարանոցը նրա ուսանողական համեստ սենեակն էր: Միեւնոյն ժամանակ դասախօսութիւններ էր լսում համալսարանում՝ բնագիտութիւնից եւ ընկերային գիտութիւններից: Գործօն մասնակցութիւն էր բերում տեղական հայ ուսանողական կեանքին: Իրեն աջակից էին ուսանող Սիմօն Շխեանը, որ իննսնական թուականների Դաշնակցական աչքի ընկնող գործիչներից էր, Օր. Լիզա Մելիք-Շահնազարեանը՝ իր ապագայ կեանքի ընկերը եւ Ժընեւ գտնուող մի քանի ուսանող-ուսանողուհիներ:

Ժընեւը, սակայն, բաւարարութիւն չէր տալիս Ռոստոմի եւ ունեւ եւ յարաշարժ բնաւորութեան: Նա երկար մէկ տեղ նստող եւ խաղաղ աշխատանքին նուիրուող մարդ չէր: Նրա հոգին ձգտում էր կենդանի գործի ասպարէզ, երկիր, ժողովրդի մէջ, ուստի բազմաթիւ անգամներ խնդրում է Բիւրոյի ընկերներից ազատել իրեն «Դրօշակ»ի խմբագրութիւնից: «Ես խեղդւում եմ այստեղ, օդ չկայ», գրում էր նա իր նամակներից մէկում: Եւ, ի վերջոյ, յաջողեց «ազատուել» Ժընեւից. 1895-ին, սլաւոկական անցագրով, իրրեւ «սամովարի վաճառական», Տրապիզոնի վրայով, մեկնեց Կարին: Ճանապարհին, Պոլսի նաւահանգստում, նաւի վրայ, տեսնուեց Յ. Իւսուֆեանի հետ, որ Բիւրոյի ներկայացուցիչն էր Պոլսում: Տրապիզոնում մի օր մնաց ընկերների հետ՝ յանձնելով նրանց հետը բերած ատրճանակները: Կարինում հրաւիրուեց ուսուցիչ ազգային վարժարանի եւ նուիրուեց կուսակ-



ցական աշխատանքների տեղական ընկերների եւ Ղարա-Մելիքի հետ, որ այդ օրերին կարնում էր:

Ռոստոմը նոր էր հասած կարին, երբ սկսուեցին հայկական շրջանների ընդհանուր կոտորածները: Նրա ջանքերով երիտասարդներից կազմուեցին ինքնապաշտպանութեան խմբեր, որոնք, կարինի կոտորածի օրը, դիմադրեցին ջարդարարներին, որի շնորհիւ կոտորածը, համեմատաբար, լայն ծաւալ չստացաւ: Ծուտով, սակայն, ձերբակալուեց եւ, իբրեւ պարսկահայտատակ, Ղարա Մելիքի հետ միասին աքսորուեց Պարսկաստան: Թէ՛ կարնից եւ Թէ՛ Թուրք-պարսկական սահմանագլխից Ռոստոմը հետաքրքրական թղթակցութիւններ ուղարկեց «Իրօշակ»ին:

Պարսկաստանից Ռոստոմը անցաւ Թիֆլիս, ուր մի առ ժամանակ զբաղուեց կովկասեան կուսակցական գործերով: 1898-ին մասնակցեց Հ. Յ. Դ. Երկրորդ Ընդհ. Ժողովին, ուր, ի միջի այլոց, որոշուեց «կապեր հաստատել մակեդոնացիներու, յոյներու եւ ուրիշներու հետ»՝ թրքական բռնակալութեան դէմ ընդհանուր ճակատ ստեղծելու նպատակով: Ռոստոմը առանձնապէս հետաքրքրուած էր գործակցութեան գաղափարով մակեդոնացիների հետ եւ ոգեւորութեամբ փարեց այդ գործին: Յաջորդ տարիները նա անցկացրեց Բալկաններում՝ հետապնդելով հայ-մակեդոնական գործակցութեան ծրագիրը: Կովկասում ամուսնացել էր Օր. Լիզա Մելիք-Շահնազարեանի հետ. կնոջ հետ միասին նա Զիլիպպէում մասնաւոր դպրոց հաստատեց, որպէսզի հնարաւորութիւն ունենար ապրելու Բուլղարիայում: Այդ դպրոցը դարձաւ մի տեսակ հնոց նոր սերունդը Դաշնակցական գաղափարներով թրծելու:

1902-ին Ռոստոմը վերադարձաւ Կովկաս եւ երբ 1903-ին, ցարական կառավարութիւնը ձեռք դրեց հայ ազգային-եկեղեցական կալուածների վրայ, եւ Հ. Յ. Դաշնակցութիւնը ոտքի հանեց հայութիւնը ի պաշտպանութիւն ազգային իրաւունքների, Ռոստոմը դարձաւ այդ շարժման ոգին: Յանուն Հ. Յ. Դաշնակցութեան նա այցելեց Կաթողիկոս Խրիմեան Հայրիկին, էջմիածնում՝ յայտնելով նրան կուսակցութեան կամքը, որ մերժէ գործադրել ցարի հրահանգը: Խրիմեան Հայրիկի համար, անշուշտ, մեծ նշանակութիւն ունեցաւ Դաշնակցութեան աջակցութիւնը ազգային իրաւունքների պաշտպանութեան գործում:

Եւ այնուհետեւ Ռոստոմը անընդհատ շրջում էր գաւառից գաւառ՝ տեղական ուժերի հետ կազմակերպելով եւ ղեկավարելով համազգային դիմադրութիւնը ընդդէմ ռուս բռնապետութեան ոտնձգութիւնների: Նա ամէն տեղ էր եւ բոլորի հետ, ուղեւորում ու պայքարի էր մղում ժողովրդական զանգուածները:



Հ. Յ. Դաշնակցութեան կազմակերպած դիմադրութեան շնորհիւ, ցարական կառավարութիւնը, ի վերջոյ, դիմեց անփառունակ նահանջի՝ յետս կոչելով հայկական կալուածներէ զբաւման հրամանը:

1904-ին Ռոստոմը մասնակցեց Հ. Յ. Դ. Երրորդ Ընդհ. Ժողովին, Սոֆիայում, որտեղ գլխաւոր հարցերն էին Թրքահայաստանի յեղափոխական ձեռնարկները, Կովկասի ինքնապաշտպանութիւնը եւ Սուլթանի մահափորձը: Ռոստոմը համաձայն չէր Սուլթանի մահափորձի ձեռնարկին. մանաւանդ, հակառակ էր, որ Քրիստափորը զբաղուէր այդ գործով: Քրիստափորի մահից յետոյ, երբ արդէն սկսուած էին հայ-թաթարական ընդհարումները, նա վերադարձաւ Կովկաս եւ անցաւ ինքնապաշտպանութեան գործի գլուխը: Կռիւների ամբողջ տեւողութեան ընթացքին նա շրջում էր վտանգուած վայրերը եւ Վարդանի, Նիկոլ Դումանի, Արմէն Գաբոյի, Ա. Գիւլիանդանեանի եւ ուրիշ ղեկավար գէմքերի հետ վարում դիմադրութիւնը մահմետական հորդանների եւ կառավարական շահատակութիւնների դէմ: Հ. Յ. Դաշնակցութեան շնորհիւ հայ ժողովուրդը այս պայքարից էլ դուրս եկաւ յաղթանակով: Ռոստոմը այդ պայքարի ոգին ու մղիչ ոյժն էր՝ ըստ սովորութեան միշտ եւ ամէն տեղ մնալով ստուերի մէջ:

Ռուսաստանի 1905 թ. յեղափոխութեան եւ Կովկասեան ինքնապաշտպանութեան հետեւանքով առաջ եկած «երիտասարդ դաշնակցականների» եւ «միհրանական» շարժումները, այլեւ Թրքահայ-ռուսահայ դատերի եւ ընկերավարական-հակաընկերավարական հարցերը մի պահ վրդովեցին Հ. Յ. Դաշնակցութեան ներքին անդորրութիւնը՝ սպառնալով նրա միասնականութեան: Հ. Յ. Դ. Զորրորդ Ընդհ. Ժողովը, Վիէննայում, 1907 թ. դարնանը, կոչուած էր հաշուեյարդարի ենթարկելու այդ խնդիրները: Եւ Ռոստոմը, իր բարոյական անսահման հեղինակութեամբ ու խոհականութեամբ նախախնամական դեր կատարեց այդ հարցերի լուծման մէջ: Առաւելապէս Ռոստոմին ենք սլարտական, որ Հ. Յ. Դաշնակցութիւնը այդ ժողովից դուրս եկաւ միակամ, համերաշխ եւ աւելի ուժեղ: Ռոստոմի սնդուսի վրայ էր նաեւ, որ Ընդհ. Ժողովը իւրացրեց Պարսկաստանի ազատազրական շարժման մասնակցելու առաջարկը:

Ընդհ. Ժողովից յետոյ, Ռոստոմը անցաւ Բուլգարիա Հ. Յ. Դ. Զինուորական Վարժարանի գործով, որ հաստատուած էր գլխաւորապէս իր ջանքերով: Այդպէ՛ ներկայ եղաւ Ընկերավարական Միջազգային Համագումարին, Շտուտգարտում, ուր Հ. Յ. Դաշնակցութիւնը ընդունուեց Ընկերավարական Միջազգայնակա-



նի անդամ: Այնտեղից անցաւ Կովկաս ու Թաւրիզ, որպէս ղեկավար Պարսկաստանի յեղափոխական կռիւնների՝ Նիկոլ Դումանի եւ Քեռիի հետ:

Թաւրիզի ոռոսների կողմից գրաւուելուց յետոյ, 1909-ին, Ռոստոմը Նիկոլ Դումանի հետ անցաւ Թուրքիա: Նոյն տարուայ ամառը մասնակցեց Հ. Յ. Դ. Հինգերորդ Ընդհ. Ժողովին, Վառնայում եւ միաժամանակ, որպէս Բիւրոյի անդամ գործելով Պոլսում, 1910-ին, իբրեւ անդամ Հ. Յ. Դ. Բիւրոյի Հայաստանի հատուածի եւ որպէս Ազգային վարժարանների ընդհանուր տեսուչ, հաստատուեց Կարնում, ուր մնաց մինչեւ 1914 թ. ամառը, յաջորդաբար մասնակցելով նաեւ Հ. Յ. Դ. Վեցերորդ, Եօթներորդ եւ Ութերորդ Ընդհ. Ժողովներին: Ռոստոմի ներկայութիւնը Կարնում, կարելի է ասել, յեղաշրջեց այդ քաղաքի ազգային կեանքը:

Հ. Յ. Դ. Ութերորդ Ընդհ. Ժողովը, 1914 թ. ամառը, որոշեց Ռոստոմին մէկ տարուայ «հանդիստ» տալ ժընեւում՝ պարտք ղնելով նրա վրայ, որ դրէ նաեւ Հ. Յ. Դաշնակցութեան պատմութիւնը: Բայց ի՞նչ հանդիստ կարող էր ունենալ պատերազմի եւ Մեծ Եղեռնի արհաւիրակից օրերին: Արտասահմանում էլ նա հանդիստ ու հոգեկան անդորրութիւն չտեսաւ: Գերադոյն ճիշթափեց ամօքելու համար հայութեան տառապանքները, բայց ի՞նչ կարող էր անել աշխարհաստան պատերազմի խօլական մրրիկների մէջ:

1915-ին, Սկանտինաւիայի վրայով, Ռոստոմը անցաւ Կովկաս: Հայութիւնը այստեղ գերադոյն յոյսերի եւ տաղնապի օրեր էր ապրում: Մի կողմից՝ կամաւորական շարժումն ու ոռոս քաղաքականութեան նենդութիւնները: Միւս կողմից՝ տեղահանութեանց ու ջարդերի զարհուրելի լուրերը Թուրքիայից: Ճընշըւած սրտով Ռոստոմը նետուեց դէպքերի մէջ, իբրեւ ղեկավար դէմք Դաշնակցութեան: Նրա ներկայութիւնը նոր թափ ու ոգեւորութիւն ներշնչեց նաեւ տեղական ուժերին: Այնուհետեւ նրան տեսնում ենք ամէն տեղ եւ բոլոր գործերի մէջ — Աղզ. Բիւրօ, կամաւորական շարժում, գաղթականներին օգնող կազմակերպութիւնների մէջ, արեւմտահայերի գործերում, քաղաքական ձեռնարկներում, կուսակցական ասպարէզում: Նա ճաշակեց ցարական նենդ քաղաքականութեան բոլոր դառնութիւնները, տեսաւ Թրքահայաստանի ամայացումը եւ հոգեպէս տառապեց, առանց ցոյց տալու ուրիշներին իր ներքին խռովքը:

1917ի ոռոսական յեղափոխութիւնը չխանդավառեց Ռոստոմին. նա բնազդօրէն սարսափում էր ոռոսական գորութեան անժամանակ փլուզումից: Հակառակ դրան, ստիպուած էր մասնակցել



յեղափոխական շարժումներին, իբրեւ Դաշնակցական շարքերի հեղինակաւոր առաջնորդը: Ռոստոմը դործում էր անյողնում. խօսում էր հրապարակային ժողովներում, Դաշնակցութիւնն էր ներկայացնում յեղափոխական խորհրդակցութիւնների ու մարմինների մէջ. ներկայ էր լինում համակովկասեան կազմակերպութիւնների ժողովներին. ճամբորդում էր գաւառները, թրքահայկական նուաճուած վայրերը, ուղղաճակատ: Կարինը դրաւ ուելուց յետոյ՝ շտապեց այնտեղ՝ տեսնելու եւ ողբալու համար այդ շէն եւ քաղցր յիշատակներով լեցուն քաղաքի կործանումը:

Իբրեւ Դաշնակցութեան առաջին ներկայացուցիչը, Ռոստոմը ընտրուեց Համառուսական Սահմանադիր Ժողովի անդամ եւ 1917-ի աշնանը մեկնեց Պետրոգրատ, ուր, տեղական Հայկական Կոմիտէի գործակցութեամբ, յաջողեց հայկական պահանջներն եւս մտցնել Ժամանակաւոր Կառավարութեան հաշտութեան պայմանների մէջ: Ապա անցաւ Ստոկհոլմ, ներկայացնելու համար Հ. Յ. Դաշնակցութիւնը, գումարուելիք Ընկերավարական Միջազգային Համաժողովին: Այստեղ եւս, Կազմակերպիչ Մարմնում, ընդունել տուեց Հայկական Հարցը, իբրեւ պատերազմի նպատակներից մէկը:

Երբ վերադարձաւ Ռուսաստան, իշխանութիւնը արդէն անցել էր բոլշեւիկների ձեռքը, եւ ողջ երկիրը բռնուած էր քաղաքացիական պատերազմի հրդեհով: Ռազմաճակատը արագ կերպով քայքայւում էր: Յարաբերութիւնները Կովկասի հետ կտրուած էին: Ժողովրդական Կոմիսարների Խորհուրդը, Լենինի դիւսաւորութեամբ, պատրաստուած էր հաշտութեան դաշնադիր կնքել Գերմանիայի եւ սրա զինակից պետութիւնների հետ: Ռոստոմը, Պետրոգրատի եւ Մոսկուայի հայ գործիչների հետ միասին աշխատեց կապեր հաստատել Խորհրդային իշխանութեան հետ եւ թրքահայաստանի ազատութեան պահանջն էլ մտցնել խաղաղութեան ռուսական պայմանների մէջ: Եւ որոշ խոստումներ ստացաւ էլ, բայց Բրեստ-Լիտովսկում բոլշեւիկները ոչ միայն թըրքահայաստանից ձեռք քաշեցին, այլ Ռուսահայաստանի մի մասն էլ զիջեցին թուրքերին:

Ռուսաստանի դանազան վայրերում գերմանա-ուստրիական ճակատից մեկնած բազմաթիւ հայ զինուորներ էին հաւաքուած, որոնք ձգտում էին հայրենիք՝ Կովկաս վերադառնալ, բայց Խորհրդային իշխանութիւնը արգելք էր հանդիսանում: Միւս կողմից, Բագուն, մերժելով Անդրկովկասեան Սէյմի իշխանութիւնը, Լենինի կողմից նշանակուած Անդրկովկասեան Կոմիսար Ստ. Շահումեանի եւ Հայոց Ազգային Խորհրդի դիւսաւորութեամբ, ուժեր էր համախմբում թուրք-ազրբէջանեան սպառնալիքի դէմ:



Ռոստոմը եւ ուրիշ Դշնակցական գործիչներ, ինչպէս բժ. Յ  
Զաւրեանը, Լիպ. Նազարեանը, կարողացան համոզել Սորհրդա-  
յին իշխանութեան, որ արտօնեց հայ սպաներին ու զինուորներին  
զէնքով եւ սազմամթերքով անցնել Բագու: Քիչ յետոյ, Ռոս-  
տոմն ինքն եւս մեկնեց Բագու եւ մինչեւ վերջ մնաց այնտեղ,  
խորեւ Բագուի Հերոսամարտի դեկավար ոգին:

Բագուի ողբերգական անկումից յետոյ, Ռոստոմը բազմա-  
հազար հայերի հետ մեկնեց Պարսկաստան, ուր մի կողմից ջա-  
նաց ասպահովել դադթականութեան օգնութեան գործը՝ ազգա-  
յին մարմիններին ու պարսիկ եւ անգլիական իշխանութիւնների  
օժանդակութեամբ, միւս կողմից յարարերութեան մէջ մտաւ  
Եւրոպայի եւ Ամերիկայի ազգային ու քաղաքական կազմակեր-  
պութիւնների հետ՝ Հայաստանին օգնութիւն փութացնելու հա-  
մար: Հակառակ ընդհանուր յուսալքութեան, Ռոստոմը երբեք  
չընկճուեց եւ միշտ մնաց լաւատես ու կորովի:

Ընդհանուր զինդադարից յետոյ, 1918 թ. Նոյեմբերին, երբ  
ճանապարհները բացուեցին, Ռոստոմը շտապեց վերադառնալ  
Կովկաս: Հայաստանը այլեւս անկախ հանրապետութիւն էր: Նոր  
յոյսեր ու նոր հեռանկարներ էին բացւում հայութեան առջեւ:  
Բայց Թիֆլիսում նրան սպասում էր սարսափելի մի հարուած.  
Վրաստանը, իր մտերիմ ընկեր Նոյ Ժորդանիայի գլխաւորու-  
թեամբ, պատերազմի մէջ էր Հայաստանի հետ, եւ Թիֆլիսի հայ  
ընակչութիւնը խուժադուժ հալածանքի առարկայ՝ վրացիների  
կողմից: Ռոստոմը գերազոյն ճիգ թափեց վերջ տալու այդ անի-  
մաստ, անպատիւ արիւնհեղութեան: Անձամբ դիմեց Ժորդանիա-  
յին: Բախեց ամէն դուռ, մինչեւ որ անգլիացիների միջամտու-  
թեամբ պատերազմը վերջ գտաւ: Իր կեանքում հազիւ թէ Ռոս-  
տոմը երբեւիցէ այդքան տառապած լինէր, որքան այդ օրերին:

Գիշեր ու ցերեկ Ռոստոմը հանգիստ չունէր: Անվերջ ոտքի  
վրայ էր, Ժողովների եւ խորհրդակցութիւնների մէջ, ձմեռուայ  
ցրտին, մի թեթեւ վերարկուով ու ծակ կօշիկներով, անփոյթ դէ-  
պի իր առողջութիւնը, անտես առնելով ընկերների թախանձան-  
քը՝ խնայելու իր անձը: Ու մի գիշեր էլ, Ժողովից ուշ վերադառ-  
նալով տուն, անկողին ընկաւ ու այլեւս ոտքի չելաւ. պարզուեց,  
որ վարակուած էր բժաւոր տիֆով: Քիչ անցած՝ տիֆը վերած-  
ուեց թոքերի բորբոքման: Բժշկական գիտութիւնն անզօր էր  
այլեւս օգնելու: Եւ 1919 թ. Յունուար 19-ի գիշերը, Ռոստոմը  
յաւիտենապէս փակեց աչքերը: Մեծ սիրտը, որ յոգնել չգիտէր,  
կանգ առաւ: Ռոստոմը մեռաւ անկախ Հայաստանը շտեսած...



## ՄԻԻՍ ՀԻՄՆԱԴԻՐՆԵՐԸ

Որքան եւ մեծ լինէր հիմնադիր Երրորդութեան հմայքն ու դերը, Հ. Յ. Դաշնակցութիւնը բացառապէս նրանց ձեռակերտը չէր, ի հարկէ: Մտքով եւ կամքով ուժեղ, հայրենասիրական դաշափարներով առգորուած երիտասարդների մի ամբողջ հոյլ մասնակցեց Հ. Յ. Դաշնակցութեան յղացման ու կերտումին եւ նրա հետագայ մեծագործութեան: Նրանցից ոմանք, կարճատեւ ոգեւորութիւնից յետոյ, մի կողմ քաշուեցին՝ լքելով յեղափոխութեան փշոտ ասպարէզը: Ուրիշներ, մինչեւ մահ, հաւատարիմ մնացին իրենց ուխտին:

Առաջինների շարքում՝ ամենափայլուն դէմքը կոստանդինիսիստիսեանն էր, Հայաստանի Հանրապետութեան ապագայ վարչապետ Ա. Ղ. Սատիսեանի երէց եղբայրը: Պետերբուրգի ուսանողական խմբակի ոգին էր նա՝ քիմիադէտ-ճարտարագէտ, բազում շնորհքներով եւ հասարակական ուժեղ խառնուածքով օժտուած, եռանդուն, համարձակ, պերճաբան, հայութեամբ հպարտ, հայրենասէր ու յեղափոխական հովերով ներշնչուած, շեշտուած անհատականութեան տէր մի երիտասարդ: Հակառակ էր ընկերվարութեան եւ զուտ ազգային նպատակներից դուրս ուրիշ ձրդտումներ չէր ուղում ընդունել: Տեւական կազմակերպուած պայքարի էլ հակամէտ չէր. անհրաժեշտ էր համարում անմիջապէս դիմել մարտական՝ ուժային գործողութիւնների եւ հաւատում էր, թէ արագ եւ ցնցող հարուածներով կարելի կը լինէր քայքայել թրքական փտած վարչաձեւը եւ ձեռք բերել Հայաստանի ազատութիւն:

Կոստ. Սատիսեանը Հիւսիսային Պանդոկի խմբի պետն էր եւ աշխատում էր սեփական կազմակերպութիւն ստեղծել: Հիմնադիր ժողովներում նա գլխաւորում էր ազգայնական հատուածը: Հայ Յեղափոխականների Դաշնակցութիւնը, այնպէս, ինչպէս դուրս եկաւ հիմնադիր ժողովներից, նրա սրտովը չէր: Դաշնակցութեան ստեղծումից յետոյ էլ նա երկար շմնաց կուսակցութեան մէջ, ստեղծեց իր «Ֆրակցիան», որ մի տեսակ կուսակցութիւն էր կուսակցութեան մէջ, եւ շուտով դուրս եկաւ Դաշնակցութիւնից ու հաստատուեց Բազումում՝ հրաժարուելով յեղափոխական գործունէութիւնից:

Կեանքը ցոյց տուեց, որ Կ. Սատիսեանը խաղաղ ու մշակութային գործերի մարդ էր: Բազումում նա լայն ազդեցութիւն ձեռք բերեց նաւթարդիւնարեւրական շրջաններում եւ իր նիւթական միջոցներն ու տաղանդը չխնայեց նաեւ հայ ժողովրդից: Նա մեծ



եռանդով մասնակցում էր ազգային դործերին: Նրա նախաձեռնութեամբ ստեղծուեց Հայոց Կուլտուրական Միութիւնը, որ աչքի ընկնող դեր կատարեց Կովկասահայութեան մշակութային-անտեսական դարգացման մէջ: Դաշնակցութիւնից դուրս էր եւ չէր բաժանում նրա ընկերային նպատակները, բայց ազգային հարցերում մնաց միշտ Դաշնակցութեան կողքին՝ մտերիմ յարաբերութիւններ պահելով վերջինիս ղեկավարների հետ:


Տարբեր խմորից ստեղծուած մարդ էր Աբրահամ Դաստակեանը եւ տարբեր ձիրքերով օժտուած, բայց սա էլ հետեւեց Կ. Ստամբուլի օրինակին: Ուսանողութեան շրջանին աչքի վարնող եւ յոյսեր ներշնչող երիտասարդ ոյժ էր, Քրիստափորի մտերիմ ընկեր եւ դործակից: Մոսկուայի խմբակից էր եւ հիմնադիր ժողովներում գործօն դեր կատարեց՝ հետեւելով Քրիստափորի ուղեգծին: Ընտրուեց Կենտրոնական Վարչութեան անդամ: Յեղափոխական ասպարէզը, սակայն, նրան երկար չհրապուրեց: Շուտով նա էլ հեռացաւ Բագու, թօթափեց իր վրայից յեղափոխական հովերը եւ ծառայութեան մտաւ Մամոնային: Դիրք եւ հարստութիւն ձեռք բերեց նաւթաշխարհում եւ ապրեց անձնական հաճոյքի համար: Պահեց բարեկամական յարաբերութիւնները Դաշնակցութեան հետ, երբեմն նիւթապէս էլ օգնեց, բայց հասարակական մեծ արժէք չունեցաւ: Հայաստանի Հանրապետութեան շրջանին, կորցնելով Բագուի հարստութիւնը, անցաւ Երեւան. կառավարութեան կողմից որոշ յանձնարարութիւն ստացաւ արտասահմանում, բայց չարդարացրեց իր վրայ դրուած յոյսերը:

Միեւնոյն խմորից էր եւ Պետերբուրգի խմբակից Արշակ Պարոնեանը, որ նոյնպէս որոշ բաժին ունեցաւ Հ. Յ. Դաշնակցութեան կազմակերպութեան դործում: Սա եւս տարուեց Բագուի հրապոյրով՝ հարստութիւն եւ դիրք ստեղծելով նաւթարդիւնաբերական շրջանում: Դաշնակցութեան մէջ չմնաց, բայց մինչեւ Բագուի անկումը եւ այնուհետեւ էլ արտասահմանում իրեն միշտ մօտ զգաց Դաշնակցութեան՝ անձնական մտերիմ յարաբերութիւն պահելով Դաշնակցական, մանաւանդ, հին սերնդի գործիչների հետ, երբեմն էլ աջակցելով Դաշնակցութեան ձեռնարկներին:

Բժ. Թադ. Զաքարեան՝ նմանապէս Պետերբուրգի խմբակից: Հիմնադիրների շրջանակում էր՝ աղնիւ եւ խոհական նկարագրի տէր հայրենասէր մի անձնաւորութիւն: Դաշնակցութեան հիմնադրութիւնից յետոյ, այլեւս յեղափոխական դեր չկատարեց: Գաւառական ժողովրդական բժիշկ էր, միշտ հաւատարիմ մնաց իր սկզբունքներին եւ ջերմ բարեկամ Դաշնակցութեան:



Տիգրան Ստեփանեան, աչքի ընկնող երիտասարդ ճարտարագէտ: Դաշնակցութեան հիմնադրութիւնից յետոյ, Կենտրոնի կողմից ուղարկուեց Պարսկաստան, իրրեւ գործիչ, բայց շուտով քաջուեց յեղափոխական գործի ասպարէզից:



ՄԱՐՏԻՆ ՇԱԹԻՐԵԱՆ

Հ. Յ. Դաշնակցութեան հիմնադրութեան մէջ առանձնապէս մեծ րաժին ունեցաւ Մոսկուայի ուսանողութիւնը: Քրիստափորից, Զաւարեանից եւ Ռոստոմից յետոյ անմիջապէս պէտք է յիշել Մարտին Շաթիրեանի անունը, որ մտերիմ յարաբերութիւնների մէջ էր Երրորդութեան հետ եւ գործօն դեր կատարեց նոր հիմնուած կուսակցութեան առաջին տարիների կեանքում:

Մարտին Շաթիրեանը Ալեքսանդրապոլցի էր՝ ծնուած 1867-ին: Աւարտել էր Բազուի ոչալական դպրոցը, ապա Մոսկուայի Գիւղատնտեսական Ճեմարանը, ուր մտերմացել էր Զաւարեանի, Ռոստոմի եւ Ա. Սահակեանի հետ: Հետագային մտերիմ յարաբերութիւններ էր մշակել նաեւ Քրիստափորի հետ: Հետաքրքրուած էր հայ ազգային խմորումներով՝ միաժամանակ մասնակցութիւն բերելով եւ ռուս ուսանողական ու յեղափոխական շարժումներին:



1890-ին տեղի ունեցած ուսանողական խռովայոյղ ցոյցերում ու դասադուլներում Շաթիրեանն էլ բանտարկուեց եւ աքսորուեց Կովկաս: Թիֆլիսում մի քանի օր Մետեխի բանտում սահուելուց յետոյ, ազատ արձակուեց ոստիկանական հսկողութեան տակ եւ հաստատուեց «Հարաւային Պանդոկ»ում (Իւժնիէ Նոմերա), որ քիչ յետոյ պիտի դառնար Հ. Յ. Դաշնակցութեան հիմնադիրների ժամադրաւայրը: Այստեղ Շաթիրեանը մտաւ «Երիտասարդ Հայաստան»ի շրջանակի մէջ, որին անդամակցում էին եւ Յովս. Արղութեանը, Նիկ. Մատինեանը, սրա երկու քոյրերը՝ Նատալիան ու Սաթենիկը, Երուանդ Թաղիանոսեանը, Արշակ Թաղէոսեանը, Տիգրան Օքոնեանը եւ ուրիշներ, որոնք նուիրուած էին Թրքահայաստանի ազատութեան դործին:

Հետզհետէ Թիֆլիս հաւաքուեցան աքսորական կամ արձակուրդի եկած ուրիշ ուսանողներ եւս՝ Կոստ. Խատիսեան, Ա. Դաստակեան, Յակ. Քոչարեան, Ա. Սահակեան, Ստ. Թաղիանոսեան, Արշակ Պարոնեան եւ ուրիշներ: Մի մասը Կ. Խատիսեանի գլխաւորութեամբ տեղաւորուեց «Հիւսիսային Պանդոկ»ում:

Ըստ Շաթիրեանի վկայութեան, առանձնապէս բուռն դործունէութիւն էր ցոյց տալիս Խատիսեանի խմբակը, որ հովանաւորում էր Կուկունեանին եւ աջակցում նրան կազմակերպելու արշաւանքը դէպի Թուրքիա: Երկու պանդոկների խմբերի եւ Քրիստափորի ջանքերով ծնունդ առաւ Հ. Յ. Դաշնակցութիւնը:

Մարտին Շաթիրեանը նորաստեղծ Կեդրոնի կողմից ուղարկւում է Ալեքսանդրապոլի եւ Կարսի շրջանները Դաշնակցական խմբեր կազմելու եւ Կուկունեանի արշաւանքին աջակցելու համար: Երկու քաղաքներում էլ նա հիմնում է խմբեր, որոնք Դաշնակցութեան առաջին կազմակերպութիւններն են դառնում: Ալեքսանդրապոլի խմբի մէջ էին Թաղէոս Խղմալեանը, Ենովք Գէոնջեանը, Տէր-Արրահամեան քահանան (Նոտաշի), Աւետիք Ղարիբեանը եւ Վաղարշակ Ժամկոչեանը, որոնք հետադային Ալեքսանդրապոլի շրջանի կարեւոր ուժերը եղան: Կարսի առաջին խմբի անդամներն էին՝ Արշակ Քոթանջեանը, Սեդրակ Գրիգորեանը, Համազասպ Նորհատեանը եւ Թաղէոս Շէկ-Յովսէփեանը, որոնցից Հ. Նորհատեանը վերջը դարձաւ Դաշնակցութեան ահանաւոր դէմքերից մէկը:

Կեդրոնի հրահանգով Շաթիրեանը հաստատուում է Կարսում, որ յեղափոխական գորունէութեան կարեւոր կենտրոններից մէկը պիտի լինէր, որպէս յարաբերութեան կէտ զէնքի ու ռազմամթերքի փոխադրութեան: Շաթիրեանը ուսուցչութեան պաշտօն է ստանում հայկական դպրոցում եւ միեւնոյն ժամանակ զբաղ-



ւում է Դաշնակցութեան գործերով: Մասնակցում է Կուկունեան խմբի արշաւանքի կազմակերպութեան եւ արշաւանքից յետոյ՝ բանտարկեալներէ հոգատարութեան: Արշաւանքին յաջորդում են ձերբակալութիւններ Կարսում եւ Ալեքսանդրապոլում: Բանտարկութեան սպառնալիքից խուսափելու համար՝ Շաթիրեանը, գաղտնի, Ախալքալաքի վրայով, անցնում է Թիֆլիս: Քրիստափորն ու Ջաւարեանն էլ բանտարկուած եւ աքսորուած էին Քիշինեւ: Կեդրոնական Վարչութիւնը գրեթէ կազմալոյծ վիճակի մէջ էր: Որոշւում է Մ. Շաթիրեանին եւ Արշ. Թադէոսեանին էլ մտցնել Կեդրոնի մէջ, որի կողմից Շաթիրեանը ուղարկւում է Հիւս. Կովկաս, ուր մնում է մինչեւ 1892 թ. դարունը: Այցելում է Դերբենտ, Պետրովսկ, Թեմիր-խան-Շուրա, Եկատերինոպոլ, Նովորոսիյսկ՝ ամէն տեղ կապեր հաստատելով որոշ անհատների հետ՝ հետագային կոմիտէներ կազմելու նպատակով:

1892-ին, Շաթիրեանը, Կենտրոնի հրահանգով, հաստատւում է Բաթումում՝ Պոլսի եւ Տրապիզոնի հետ յարաբերութիւններ պահելու եւ Արտանուշի վրայով զէնք ու խմբեր մտցնելու համար Երկիր: Բաթումում մնում է մինչեւ 1898 թ., ուր կազմում է նաեւ առաջին Դաշնակցական կոմիտէն:

1898-ին Շաթիրեանը տեղափոխւում է Բազու եւ այլեւս կուսակցական գործերով չի զբաղւում: Ամբողջովին նուիրւում է անհատական կեանքին եւ նիւթական ապահով զիրք ստեղծում իրեն համար: Շարունակում է, սակայն, գործօն դեր խաղալ ազգային-հասարակական կեանքում: Մնում է Դաշնակցութիւնից դուրս, բայց միշտ Դաշնակցութեան կողքին՝ նիւթապէս աջակցելով Դաշնակցական ձեռնարկներին: 1916-ին, անձնական ծախսով, հրատարակեց «Հայ Կամաւորների Ալբոմ»ը, որից զոյացած հասոյթը յատկացուեց սպանուած եւ հաշմանդամ կամաւորների ընտանիքներին: Հայաստանի Հանրապետութեան օրերին, 1920-ին, վարեց ելեւմտական նախարարի օգնականի պաշտօնը: Փետրուարեան ապստամբութիւնից յետոյ, տարագրուեց Թաւրիզ:


Տարագրութեան մէջ էլ Շաթիրեանը շարունակեց հասարակական գործունէութիւնը, որպէս Թեմական Պատգմ. Ժողովի եւ Թեմական Խորհրդի անդամ եւ ուրիշ ասպարէզներում: Սկսեց նաեւ աշխատակցել հայ մամուլին եւ Տարագիր ծածկանունով լոյս ընծայեց մի շարք յօդուածներ եւ վէպ ու թատերգութիւններ, ինչպէս «Արշակ Սառիկեան» վէպը, «Մարի Ալմոյեան», «Ռոքսելանա» թատերախաղերը եւ արժէքաւոր յուշեր՝ գրի առնւած Նիկ. Աղբալեանի ձեռքով:

Շաթիրեանը մեռաւ 1940 թ. Օգոստ. 10-ին, Թաւրիզում:

Հիմնադիրներից եւ Դաշնակցութեան առաջին շրջանի փայ-



լուն ուժերից էր նաեւ Յակոբ Քոչարեանը: Երեւանցի, ծնուած 1865-ին: Պետական Գիմնազիայում միջնակարգ կրթութիւնը ստանալուց յետոյ, առաջնակարգ մրցանակով աւարտեց Մոսկուայի համալսարանի պատմա-լեզուաբանական բաժինը: Համալսարանի տեսչութիւնը ուզում էր նրան պահել դպրոցում՝ պատրաստելու համար ուսուցչապետութեան, բայց երիտասարդ Քոչարեանը՝ տարուած հայրենասիրական-յեղափոխական հովերով, Ջաւարեանի պէս, մերժեց առաջարկը եւ վերադարձաւ Կովկաս: Մտերիմ յարաբերութիւնների մէջ էր Դաշնակցութեան հիմնադիրների հետ եւ ինքն էլ էր մասնակցել հիմնադրութեան աշխատանքներին: Մի քանի տարի ուսուցչութիւն անելուց յետոյ, պաշտօն ստացաւ Ալ. Մանթաշեանի մօտ եւ ամբողջապէս նուիրուեց հասարակական գործունէութեան:



ՅԱԿՈՐ ՔՈՉԱՐԵԱՆ

Բաղձակողմանի զարգացման տէր, հմուտ մի քանի լեզուի, մեղմ ու քաղցրարարոյ՝ Քոչարեանը ընդունուած եւ սիրուած էր բոլոր շրջաններում: Ամէն դուռ բաց էր նրա առջեւ: Հասարակական քիչ կազմակերպութիւն կամ ձեռնարկ կար, որին նա մասնակից չլինէր: Դպրոցական հոդարարձու, անդամ Գրողների ու Թատերասէրների Միութեանց, Բարեգործական ու Հրատարակչական Ընկերութիւնների, Դաշնակցական մարմինների, մամուլի աշխատակից, Թատերախաղերի Թարգմանիչ, Ազգային Բիւրոյի քարտուղար — Քոչարեանը ամէն տեղ էր եւ ամէն գործի մէջ: Երկար

տարիներ եղաւ Հայաստանի Հանրապետութեան Փարիզի պատուիրակութեան քարտուղար: Ապա, բժ. Ս. Կամսարականի խորհրդով ու Երաշխաւորութեամբ, վերադարձաւ Հայաստան, ուր մի ժամանակ պաշտօնավարեց Պետական Կարմիր Սաչի հաստատութեան մէջ: Մեռաւ Երեւանում 1933 թ. Յունիս 3-ին:

Մոսկուայի Գիւղատնտեսական ձեմարանի ուսանող Աւետիք Սահակեանը — Հայր Աբրահամ — ստոյգ յայտնի չէ՝ մասնակցե՞լ է արդեօք հիմնադիր ժողովներին, բայց նոյնպէս Հ. Յ. Դաշնակցութեան կերտողներից էր:

Հայր Աբրահամը Ջալալ Օղլիից էր՝ հայրենակից Ս. Ջաւարեանի: Ծնուել էր 1865-ին: Միջնակարգ կրթութիւնը ստացել



էր Թիֆլիսում, ապա աւարտել Մոսկուայի Գիւղատնտեսական ձեմարանը: Աշակերտական տարիներից արդէն յեղափոխական խմբակների մէջ էր: Մոսկուայում, Զաւարեանի, Ռոստոմի, Շաթիրեանի եւ միւսների հետ մասնակցում էր ուսանողական շարժումներին:



ԱԻԵՏԻՔ ՍԱՀԱԿԵԱՆ

ձեմարանը աւարտելուց յետոյ Ա. Սահակեանը մտաւ պետական ծառայութեան մէջ, իրրեւ գիւղատնտես, եւ հետզհետէ աչքի ընկնող գիրք գրաւեց Կովկասում: Եղաւ Կովկասեան Գիւղատնտեսական Ընկերութեան անդամ, հիմնադիր եւ նախագահ Հայ Գիւղատնտեսական Ընկերութեան եւ «Գիւղատնտես» թեր-



թի խմբագիր: Պետական եւ հայկական ազգային-հասարակական կազմակերպութիւնների եւ մարմինների անդամ, Էջմիածնի Ազգային Ժողովի փոխ-նախագահ, 1906-ին: Իր մասնագիտութեան մէջ լայն հեղինակութիւն էր վայելում: Սահակեան անունով կոչուեցաւ հացահատիկներին վնասող իր պատժ մանրէն, որին հակազդող դարմանն էլ ինքը պտաւ:

Հ. Յ. Դաշնակցութեան մէջ էր առաջին իսկ օրերից՝ գործակից Քրիստափորի ու Ջաւարեանի: Մասնակցեց Հ. Յ. Դ. Երկրորդ Ընդհ. Ժողովին, ուր ընտրուեց Բիւրոյի անդամ: Այնուհետեւ, մինչեւ կեանքի վերջը, մնաց Դաշնակցութեան ղեկավար ղիրքերում: Լրջախոհ, հասուն մտքի եւ հանրային խառնուածքի տէր՝ նա լայն համակրանք էր վայելում կուսակցութեան մէջ եւ դուրսը՝ հասարակական շրջաններում:

Հ. Յ. Դաշնակցութեան դէմ ցարական կառավարութեան բացած հալածանքների շրջանին ձերբակալուեց եւ մի քանի տարի պահուեց բանտում: Դատավարութիւնից դուրս եկաւ անպարտ եւ շարունակեց գործունէութիւնը Դաշնակցութեան մէջ: Եղաւ Ազգ. Բիւրոյի, ապա՝ Ազգ. Խորհրդի անդամ: Անդրկովկասեան Սէյմի եւ կառավարութեան անդամ: Հայաստանի Հանրապետութեան անդրանիկ Խորհրդի, յետոյ՝ Խորհրդարանի նախագահ: Յայտնի է իր պատմական ճառը՝ արտասանած Խորհրդի բացման նիստում:

Հայաստանի խորհրդայնացումից յետոյ, Ա. Սահակեանն էլ բանտարկուեց բուլշեւիկների կողմից եւ ազատուեց շնորհիւ Փետրուարեան ապստամբութեան: Հայաստանի երկրորդ խորհրդայնացման առթիւ անցաւ Պարսկաստան: Այնտեղից՝ Լիբանան, ուր եւ վախճանուեց 1933-ին՝ ճաշակելով տարադրութեան բոլոր դառնութիւնները:

Մոսկուայի խմբակից էր Լեւոն Սարգսեանը, որ 1889-ին ուղեւորութիւն կատարեց դէպի Թրքահայաստան եւ վերադառնալով՝ տպաւորութիւնները հրատարակեց առանձին գրքոյկով: Լեւոն Սարգսեանը Գողթնեցի էր՝ Քրիստափորի ու Ռոստոմի հայրենակից: Ջարդացած եւ գործունեայ երիտասարդներից էր համարւում: Գաղափարներով ու հակումներով աւելի մօտ էր Պետրոգրատի խմբակին: Բնաւորութեամբ՝ ինքնահաւան ու մեծամիտ: Հիմնադիր ժողովներում Հիւսիսային Պանդոկի թեւին էր պատկանում: Ընտրուեց Կենտրոնական Վարչութեան անդամ, բայց առանձին գործունէութիւն չունեցաւ Դաշնակցութեան մէջ: Հետագային հեռացաւ Դաշնակցութիւնից եւ անցաւ կոյր եւ անհաշտ հակառակորդների շարքը:

Հ. Յ. Դաշնակցութիւնը նախապատրաստողներից էր եւ



Մոսկուայի Գիւղատնտեսական Ճեմարանի ուսանող, Հայաստանի Հանրապետութեան անդրանիկ վարչապետ Յ. Քաջաղնունու երէց եղբայրը՝ Վարդգէս Քաջաղնունին: Մի համեստ եւ հայ ժողովրդին նուիրուած գործիչ, Հայաստանի Հանրապետութեան լաւագոյն գիւղատնտեսներից մէկը, որ թէեւ երկար չմնաց Դաշնակցութեան շարքերում, բայց մինչեւ մահ եղաւ Դաշնակցութեան հաւատարիմ՝ գաղափարակից բարեկամ եւ գործակից:

Հ. Յ. Դաշնակցութեան հիմնադրութեան եւ առաջին տարիների գործունէութեան շրջանում աչքի ընկած դէմքերից էր եւ քժ. Յովհաննէս Լորիս-Մելիքեանը, որի բնակարանում տեղի ունեցաւ հիմնադիր ժողովների եւ Կեդրոնական Վարչութեան նիստերի մի մասը:

Բժ. Լորիս-Մելիքեանը, միջնակարգ կրթութիւնը ստանալով պետական Գիմնազիայում՝ 1889-ին աւարտել էր Փարիզի բժշկական վարժարանը եւ բժշկութիւն էր անում Թիֆլիսում: Թէ՛ Գիմնազիայում եղած ժամանակ եւ թէ՛ Փարիզում նա հետաքրքրուում էր հասարակական հարցերով՝ մասնակցելով արմատական-յեղափոխական խմբակների գործունէութեան: Ծանօթութիւնների լայն շրջանակ ունէր հայ, ռուս եւ Ֆրանսացի ազատամիտ մտաւորականութեան մէջ: Որպէս ազգական Ալեքսանդր Երկրորդի թագաւորութեան վերջին տարիների Ռուսաստանի վարչապետ Լորիս-Մելիքովի, որ աշխատեց սահմանադրական կարգեր մտցնել Ռուսաստանում, քժ. Լորիս-Մելիքեանը խիստ նախանձախնդիր էր իր անուան եւ սպասում էր, որ բացառիկ դիրք տրուի իրեն հայ կեանքում: Հաւատում էր, որ դիւանագիտութեան միջոցով պիտի ազատուէր Հայաստանը, եւ դիւանագիտութեան մէջ առանձին դեր էր վերապահուած իրեն:

1890-ին, Լորիս-Մելիքեանը մասնակցեց Հ. Յ. Դաշնակցութեան հիմնադիր ժողովներին եւ ընտրուեց Կենտրոնական Վարչութեան անդամ: Մի քանի տարի յետոյ՝ նա տեղափոխուեց Փարիզ, որտեղից, Զարիֆեան անունով, գործակցում էր «Դրօշակ»ի խմբադրութեան: Ի միջի այլոց, զբաղուեց Բանկ Օթոմանի տղաների փոխադրութեան գործով: 1900-ին, Քրիստափորի հրաւերով, մտաւ Հ. Յ. Դաշնակցութեան եւրոպական պրոպագանտի գործի մէջ, եղաւ «Փրօ Ամենիա»յի հիմնադիրներից մէկը, գործակցեց Ժոռէսին, Քլէմանսոյին, Անատոլ Ֆրանսին եւ ուրիշ հայասէրներին, կազմակերպեց հայասիրական խորհրդա-ժողովներ ու միտինգներ Եւրոպայի զանազան կենտրոններում: 1905-6 թուականներին տարակարծութիւններ ունեցաւ գործակից ընկերների հետ եւ քաջուեց ասպարէզից դառնացած՝ հեռանալով նաեւ հայ կեանքից: 1906-8 թուականներին գործակցեց



ուսւ յայտնի դիտնական եւ հանրային գործիչ Մակսիմ Կովա-  
 լեւսկուն Պետերբուրգում : 1908-ին ընդունուեց Փարիզի Պաստէ-  
 որեան Կոճառը, իբրեւ աշխատակից : Առաջին համաշխարհային  
 պատերազմի տարիներին բժշկի պաշտօն վարեց Ֆրանսական բա-  
 նակում : 1919-ին, Քլէմանսոյի յանձնարարութեամբ, ճամբոր-  
 դութիւն կատարեց Ռուսաստան եւ Կովկաս, այցելեց նաեւ Հա-  
 յաստան, որից յետոյ գրեց “La Revolution Russe et les Nouvelles  
 Republique Transcaucasienne” աշտու եւ կրթոտ գիրքը : Մեռաւ  
 Փարիզում, բուլբուլին լքուած իր հայրենակիցներէից :



ՅՈՎՀԱՆՆԷՍ ԻՍՈՒՖԵԱՆ

Հիմնադիրների շարքում պէտք է դասուի եւ Յովհաննէս Իս-  
 սուֆեանը — Մելիք, Տ. Վահանեան — թէեւ փաստ չկայ հիմ-  
 ժողովների մասնակցելուն : Իսսուֆեան ընտանիքը Նոր-Քա-  
 յազէտցի էր, բայց Յովհաննէսը ծնուել էր Երեւանում վաթ-



սունական թուականներին: Ճիշդ ծննդեան տարին մեզ յայտնի չէ:

Ութսունական թուականների ազգասիրական զգացումներով տոգորուած դադափարական երիտասարդներից էր Իւսուֆեանը: Աւարտելով Ներսիսեան դպրոցը՝ նա ստանձնեց Թելաւի երկսեռ ծխական դպրոցի աւագ ուսուցչի պաշտօնը, ապա՝ պաշտօնավարեց զանազան դպրոցներում՝ միաժամանակ գործօն աշխատանք կատարելով եւ հայրենասիրական-յեղափոխական խրմբակներում: Դաշնակցութեան հիմնադրութիւնից յետոյ՝ Իւսուֆեանը Տրապիզոնում է Ջաւարեանի եւ Արղութեանի հետ: Ջաւարեանի աքսորից յետոյ՝ դպրոցի տնօրէն եւ կուսակցական մարմնի անդամ, որոշ ժամանակ Ս. Ջաւարեանի հետ: 1892-ի վերջերը, Բիւրոյի որոշումով, անցաւ Պոլիս, իբրեւ Դաշնակցութեան ներկայացուցիչ եւ իրական հիմնադիրը եղաւ Պոլսի Դաշնակցութեան՝ կուսակցութեան մէջ քաշելով ու պատրաստելով Ա. Վռամեանի, Բարդէն Սիւնիի, Վարդգէսի պէս կարող յեղափոխական գործիչներ:

Պոլսից յետոյ, կարճ ժամանակ մնալով Ժընեւում, «Դրօշակ»ի խմբադրութեան մէջ, 1896-ին Իւսուֆեանը, Վահանեան անունով, անցաւ Ամերիկա, ուր մնաց երկու տարի եւ, կարելի է ասել, ստեղծողը եղաւ Ամերիկայի Դաշնակցութեան: 1898-ին մասնակցեց Հ. Յ. Դ. Երկրորդ Ընդհ. Ժողովին, Թիֆլիսում, եւ 1905 թ. յեղափոխութիւնից յետոյ ընարուեց Նոր Բայազետի քաղաքազէլիս: Դաշնակցութեան դէմ ծայր տուած հալածանքների հետեւանքով անցաւ Զուիցերիա եւ երկարատեւ հիւանդութիւնից յետոյ, \*եռաւ Լոզանում: Մասնաւորապէս, առաջին տասնամեակում շատ մեծ եղաւ Յ. Իւսուֆեանի դերը Հ. Յ. Դաշնակցութեան կեանքում:

Յայտնի է, որ հիմնադիր ժողովներին չի մասնակցել, բայց Հ. Յ. Դաշնակցութեան նախապատրաստութեան եւ հետագայ գործունէութեան մէջ աչքառու դեր է կատարել եւ Մարտիրոս Մարգարեանը — Կարմրաքշիկ, Սաֆօ: 1885-ին, իբրեւ Ս. Կարապետի ուխտաւոր, նա Տարօն է անցնում Մկ. Ղազարեանի եւ Ա. Բարխուտարեանի հետ, ծանօթանում է Արարոյի, Ղարախանեան վարդապետի հետ եւ Երկրի վիճակի մասին տեղեկութիւններ է բերում Թիֆլիս: Նոյն նպատակով, 1889-ին, Յովս. Արղութեանի հետ, «Երիտասարդ Հայաստան»ի կողմից, մեկնեց Թրքահայաստան եւ վերադառնալով՝ աչքի ընկնող տեղ ունեցաւ Դաշնակցութեան շարքերում, ի վերջոյ, 1905-ին, փոխարինելով Բրիտտափորին, Սուլթանի մահափորձի կազմակերպութեան մէջ: Զեռնարկի անյաջողութիւնը վերագրուեց նրա



գործած սխալների, որի համար դատուելով Ընդհ. ժողովի կողմից՝ հեռացուեց կուսակցութիւնից: Դառնացած իր դէմ արձակուած վճռից՝ նա քաշուեց հասարակական գործունէութեան ասպարէզից, երկար տարիներ մնաց կուսակցութիւնից դուրս, թէեւ դժգոհ ու քննադատող, բայց, սրտի խորքում, համակիր Դաշնակցութեան: Մեռաւ տարագրութեան մէջ, Ռուսմանիայում:

Ամենայն իրաւամբ Հ. Յ. Դաշնակցութեան հիմնադիրների շարքում պէտք է դասուի եւ Ղազախեցի բանուոր Մեխակը, Ռոստոմի աջ բազուկը յեղափոխական զազունի խմբակների գործունէութեան մէջ: Նա էր, որ 1885-ին, դպրոցների փակման առթիւ Քրիստափորի գրած բողոքի թուղցիկը գիշերով փակցրեց Թիֆլիսի տների պատերին եւ ցրեց ժողովրդի մէջ: Պէտք էր տեսնել Ռոստոմի հրճուանքը, երբ 1917-ին, ցարական դահի խորտակումից յետոյ, Հ. Յ. Դաշնակցութեան ազատ Ռայոնական ժողովում, ողջագուրուեց տարիների բռնը ուսերին, բայց դեռ աշխոյժը պահած իր վաղեմի յեղափոխական ընկերոջ հետ: Մեխակը Դաշնակցութեան նուիրուած այն խոնարհ դէմքերից էր, որոնց համաց կուսակցութիւնը ամէն ինչ էր: Ախտ՝ ուր նրանց կեանքն ու գործունէութիւնը, մեծ մասամբ, մնում են անյատուութեան մէջ, այլապէս՝ ի՞նչ դաստիարակիչ օրինակ նոր սերունդների համար:

Հ. Յ. Դաշնակցութեան հիմնադիրների անուանացանկում կարելոր տեղ է դրաւում Յովսէփ Արղութեանը — Երուանդ, Տաշօ, Իշխան: Ճիշդ է, հիմնադիր ժողովներին նա էլ չի մասնակցել — Երկիր էր ուղարկուած «Երիտասարդ Հայաստան»ի կողմից, բայց թէ՛ նախապատրաստական շրջանում եւ թէ՛ հիմնադրութիւնից անմիջապէս վերջը ու այնուհետեւ, Դաշնակցութեան բովանդակ կեանքում, նա միշտ գտնուել է առաջաւոր դիրքերում:

Արղութեանը Ս. Զաւարեանի հայրենակից էր: Մնուել էր 1863-ին, Լոռիի Սանահին գիւղում: Նախնական կրթութիւնը ծննդավայրում ստանալուց յետոյ, 1878-ին մտել էր Թիֆլիսի Ներսիսեան դպրոցը եւ աւարտել 1884-ին: Այնուհետեւ հինգ տարի, ուսուցչութիւն էր արել Զալալ Օղլիի, Սուրամի եւ Թիֆլիսի Մէյդանի Սուրբ Գէորգ եկեղեցու ծխական դպրոցներում: Միեւնոյն ժամանակ յեղափոխական շրջանակների մէջ էր, մասնակցում էր թրքահայկական հարցով զբաղուող խմբերի աշխատանքներին եւ հիմնադիր անդամ էր «Երիտասարդ Հայաստան»ի կազմակերպութեան, որի կողմից 1889-ին, Սուրբ Կարապետի ուխտաւորի դիմակի տակ, անցաւ Բարձր Հայք, Տարօն եւ այլուր՝





ԻՇԽԱՆ ՅՈՎՍԷՓ ԱՐԴՈՒԹԵԱՆ



Երկրի պայմանները եւ յեղափոխական գործունէութեան հնարաւորութիւնները ուսումնասիրելու նպատակով:

Հ. Յ. Դաշնակցութեան հիմնադրութիւնից յետոյ, Արղութեանը վերադարձաւ Երկրից, երբ Դաշնակցութիւնը արդէն կազմըւած եւ գործի էր անցած: Կենտրոնական Վարչութեան յանձնարարութեամբ նա մի պահ զբաղուեց Կուկունեանի խմբի մէջ ծագած թիւրիմացութիւնները հարթելով, սպա Զաւարեանի հետ անցաւ Տրապիզոն ուսուցչական պաշտօնով եւ որպէս Տրապիզոնի կոմիտէի անդամ, ուր, սակայն, երկար չկարողացաւ մնալ. թուրք կառավարութիւնը նրան էլ Զաւարեանի հետ բանտարկեց եւ յանձնեց ուսւ հիւպատոսին: Զաւարեանը բանտարկուած, իսկ Արղութեանը ազատ, ոստիկանական հսկողութեան տակ, փոխադրուեցին Թիֆլիս, որտեղից աքսորուեցին Բեսարաբիայի Քիչինեւ քաղաքը՝ Զաւարեանը մէկ տարով, իսկ Արղութեանը՝ 6 ամսով: Քիչինեւ աքսորուած էր եւ Քրիստափորը: Այստեղ Քրիստափորը, Զաւարեանը եւ Արղութեանը շարունակեցին զբաղուել Դաշնակցութեան գործով եւ, ի միջի այլոց, պատրաստեցին կուսակցութեան ծրագրի նախագիծը:

Մասնակցելով Առաջին Ընդհ. Ժողովին, 1892-ին, Ժողովից յետոյ, Արղութեանը, մի խումբ Դաշնակցական գործիչներին հետ — Յոնան Դաւթեան, Նիկոլ-Դուման, Օր. Սաթենիկ Մատինեան (Մաղիկ) եւ ուրիշներ — մեկնեց Թաւրիզ ուսուցչական պաշտօնով, բայց առաւելապէս զբաղում էր յեղափոխական գործունէութեամբ: Երկու տարի ուսուցչութիւն անելուց յետոյ, 1894-ին, անցաւ Վասպուրական, Պետոյի մօտ, ուր անցկացրեց ձմեռը: 1895-ի գարնան վերադարձաւ Ատրպատական եւ ամբողջովին նուիրուեց Դաշնակցութեան գործին: 1897-ին, եղաւ Սանասորի արշաւանքի հրամանատարի օգնական: Արշաւանքից յետոյ, թրքական հիւպատոսի պահանջով, ձերբակալուեց Սալմաստում եւ երկու ամսից աւելի խիստ բանտարկութեան ենթարկուելով, իբրեւ ուսաստատակ, յանձնուեց ուսւ հիւպատոսին: Փոխադրուելով Թիֆլիս՝ մօտ մէկ ու կէս տարի բանտարկուած մնաց Մետեխի բանտում, որից յետոյ, 1898 թ. Օգոստոսին, վարչական կարգով աքսորուեց Հաշտարխան, առանց Կովկաս վերադառնալու իրաւունքի:

Հաշտարխանում էլ Արղութեանին հանդիստ չթողին: Կովկասի կառավարչապետը յատուկ դիմում արաւ ներքին գործոց նախարարին՝ յայտնելով, թէ «Իշխան Արղութեան-Երկայնաբազուկի գործունէութիւնը առանձնապէս վնասակար է հայ ազգաբնակչութեան մէջ», հետեւարար ցանկալի է, որ նրան «բնակչութեան վայր յատկացուի Կովկասից հեռու գտնուող նահանգներից



մէկը, ուր չկայ հայ բնակչութիւն»։ Ներքին դործոց նախարարութեան խորհուրդը քննելով այդ դիմումը՝ որոշեց Արղութեանին Հաշտարխանից աքսորել Վոլոգդայի նահանգը, ոստիկանութեան անմիջական հսկողութեան տակ, երեք տարի ժամանակով՝ հաշտելով 1898 թ. Նոյեմբեր 27-ից։

1899-ին, Վոլոգդայից Արղութեանը դադտնի կերպով անցաւ Մոսկուա, ուր ամուսնացաւ Օր. Սաթենիկ Մատինեանի հետ ու միասին վերադարձան աքսորավայր։ 1902-ին, աքսորի ժամանակը լրացնելով՝ տեղափոխուեց Թիֆլիս եւ պաշտօնի մտաւ քաղաքային վարչութեան մէջ, ապա փոխադրուեց պաշտօնով «Նադեժդա» ընկերութեան մէջ։ Կովկասի կառավարչապետ Գոլիցինի մահափորձի առթիւ նորից բանտարկուեց վեց ամսով եւ բանտից ազատուելուց յետոյ մասնակցեց եկեղեցական կայուածներէ պաշտպանութեան դործին։ Հայ-թաթարական կռիւների ժամանակ եղաւ հաշտարար յանձնախմբի անդամ։

1905-ի վերջերը Արղութեանը տեղափոխուեց Երեւան «Նադեժդա» ընկերութեան ներկայացուցչի պաշտօնով եւ այնտեղ էլ եռանդով շարունակեց հասարակական-կուսակցական գործունէութիւնը։ Նշանակուեց հայ-թաթարական հաշտարար յանձնախմբի անդամ։ Եղաւ Երեւանի Թեմական Դպրոցի հոգաբարձու, կուսակցական վարիչ մարմինների անդամ եւայլն։


1908-ին, Կովկասում եւ ամբողջ Ռուսաստանում սկսուեցին խիստ հալածանքներ Դաշնակցութեան դէմ։ 1909-ի սկիզբը, շատերի հետ, ձերբակալուեց եւ Արղութեանը ու փոխադրուեց Թիֆլիսի բանտը։ Այնտեղից՝ Ռոստովի, ապա՝ Նովոչերկասկի բանտը։ Մի տարի յետոյ, ազատ արձակուեց դրամական երաշխաւորութեամբ, բայց նոյնպէս դրամական երաշխաւորութեամբ ազատուած Ա. Ահարոնեանի, Գ. Սաթակի եւ Ա. Իսահակեանի արտասահման անցնելուց յետոյ, նորից բանտարկուեց եւ բանտում պահուեց մինչեւ Հ. Յ. Դաշնակցութեան մեծ դատաւարութիւնը, 1912-ին, որից յետոյ անպարտ արձակուեց։

Բանտից ազատուելով՝ Արղութեանը պաշտօն ստացաւ Թիֆլիսի քաղաքային վարչութեան մէջ եւ անայլայլ շարունակեց հանրային-կուսակցական աշխատանքը։ 1914-15-ին նա Ազգային Բիւրոյի եւ Հայ Կամաւորական Գնդերի Կարգադրիչ Մարմնի անդամ էր։ 1915-ին՝ 7-րդ Կամաւորական գնդի հրամանատար։ Կամաւորական գնդերի լուծումից յետոյ՝ շարունակեց դործել Թիֆլիսի ազգային ու Դաշնակցական մարմինների մէջ։ Ռուսական յեղափոխութիւնից յետոյ եղաւ Ռուսահայ Ազգային Համադրամարի, ապա՝ Վրահայոց Խորհրդի անդամ։ 1918-ին, Ազգային Խորհրդի կողմից ուղարկուեց Ղարաբաղ՝ Ղարաբաղի դործերով։



1919-ին ընտրուեց Հայաստանի Խորհրդարանի անդամ եւ, կարճ ժամանակով՝ Խորհրդարանի փոխ-նախագահ: Նույն թուականին նշանակուեց Հայաստանի դեսպան Թեհրան եւ այդ պաշտօնի վրայ մնաց մինչեւ 1922 թ.: Մեռաւ տարադրութեան մէջ, Փարիզում, 1925 թ.:

Հ. Յ. Դաշնակցութեան հիմնադիրների համաստեղութեան



ԹԱԽՐԻՉԻ ՀԱՅՈՒՀԵԱՑ ԲԱՐԵԳՈՐԾԱԿԱՆ ԸՆԿ. ՄԷՋՏԵՂԸ ԱԿՆՑՈՅՈՎ, ՕՐ. ՍԱԹԵՆԻԿ ՄԱՏԻՆԵԱՆ

մէջ իր տեղը ունի եւ Օր. Սաթենիկ Մատինեանը — Ծաղիկ՝ Յովսէփ Արղութեանի ապագայ կինը: Առհասարակ, ամբողջ Մա-



տինեան ընտանիքը, կարելի է ասել, այս կամ այն ձևով, մասնակից էր Դաշնակցութեան հիմնադրութեան:

Զարմանալի եւ իր ժամանակի համար բացառիկ երեւոյթ էր Մատինեան ընտանիքը: Սաթենիկի հայրը եօթանասնական թրւականներին պետական պաշտօնեայ էր Ղարաբաղում, ապա ծառայում էր Թիֆլիսի Առեւտրական Դրամատան մէջ՝ լուսամիտ եւ ազգասիրական դաշափարներով սողորուած մի մարդ: Մայրը տիպար հայ կին էր՝ նուիրուած ընտանիքին եւ զաւակներին: Սաթենիկի եղբայրը, Նիկոլը եւրոպական կրթութիւն ստացած մի երիտասարդ, Թիֆլիսի Փրանսական հիւպատոսարանի թարգմանի պաշտօն էր կատարում: Չորս քոյրերը՝ Նատալիա, Սաթենիկ, Լուսիկ եւ Սիրանոյշ բարձր կրթութիւն ստացած աղջիկներ էին: Եւ ամենքը գտնուում էին ժամանակի հայրենասիրական խմբակների մէջ: Մատինեանների տունը հաւաքավայր էր երիտասարդութեան համար: Քոյրերը անդամակցում էին երիտասարդական «Դրօշակ» խմբին: Նիկոլը «Երիտասարդ Հայաստան»ի կազմակերպողներից էր, մտերիմ յարաբերութեան մէջ Քրիստափորի, Զաւարեանի, Ռոստոմի եւ Դաշնակցութեան միւս հիմնադիրներից շատերի հետ:

Սաթենիկը ծնուած էր Ղարաբաղում, 1874 թ., Սեպտ. 25-ին: 9 տարեկան հասակին մտել էր Թիֆլիսի առաջին իգական Գիմնազիոնը, բայց հիւանդութեան պատճառով, առանց աւարտելու, դուրս էր եկել 6-րդ դասարանից: Յետոյ ձեռք էր բերել ժողովրդական դպրոցների վարժուհու վկայական: Իր ժամանակը եւ եռանդը, սակայն, նա նուիրել էր յեղափոխական գործին՝ հայրենասիրական խմբակների մէջ: 1892-ին Արղութեանի, Յսնան Դաւթեանի, Դումանի եւ միւս ընկերների հետ անցաւ Թաւրիզ, ուսուցչութեան պաշտօնով. միաժամանակ կանանց խմբերի կազմակերպիչ էր եւ Դաշնակցական կոմիտէի անդամ: Մինչեւ 1897 թ. մնաց Ատրպատականում եւ եռանդուն գործունէութիւն ունեցաւ Թաւրիզի եւ Սալմաստի Դաշնակցութեան կազմակերպութեան մէջ: Խանասորի արշաւանքից յետոյ վերադարձաւ Թիֆլիս, ուր շարունակեց աշխատել Դաշնակցութեան մէջ: 1899-ին, Մոսկովայում, ամուսնացաւ Յովսէփ Արղութեանի հետ, եւ այնուհետեւ, մինչեւ մահ, բաժանեց ամուսնու կեանքն ու գործը: Մեռաւ Փարիզում, 1930 թ. Դեկտ. 12-ին:

Սաթենիկի հետ սէտք է յիշել եւ նրա քրոջ՝ Նատալիա Մատինեանի անունը, որ նոյնպէս հիմնադիրների շրջանակում էր: Մասնագիտութեամբ մանկաբարձուհի՝ կամքի տէր եւ եռանդուն





ՆԱՏԱԼԻԱ ՄԱՏԻՆԵԱՆ

աղջիկ էր: Թէ՛ հիմ-  
նադրութեան օրերին  
եւ թէ՛ նրանից յետոյ  
Նատալիան նուիրու-  
մով գործակցեց  
Դաշնակցութեան ղե-  
կավարներին եւ կա-  
տարեց սլատաօխա-  
նատու յանձնարա-  
րու թիւններ: Իր  
կեանքի վերջին շր-  
ջանի մասին տեղե-  
կութիւն չունինք,  
դժբախտաբար:

Սաթենիկի եւ Նատալիայի եղբայրը՝ Նիկոլ Մատինեանը՝  
կուսակցական անունով Վահան, ինչպէս յիշել ենք արդէն, «Ե-  
րիտասարդ Հայաստան»ի կազմակերպիչներէից էր, եռանդուն ան-  
դամ ժամանակի յեղափոխական խմբակների եւ գործօն դերակա-  
տար Դաշնակցութեան հիմնադրութեան մէջ: Դժբախտաբար, Ն.  
Մատինեանի կեանքի եւ գործունէութեան մասին էլ քիչ տեղե-  
կութիւն է մնացել: Տուցամոլութիւնից խորշող, լուկ-մնջիկ  
գործող եւ իր անունը ստուերի մէջ պահող  
մարդ էր: Չէր սիրում իր անձի մասին խօ-  
սեցնել: Ծայր աստիճանի գաղտնապահ  
էր ու համեստ: Այդ պատճառով իր մա-  
սին քիչ նիւթ է մնացել:

Յայտնի է միայն, որ նա մտերիմ յա-  
րաբերութիւնների մէջ էր Բրիտտափորի,  
Չաւարեանի եւ Ռոստոմի հետ: Դաշնակ-  
ցութեան առաջին տարիներին, Կեդրոնա-  
կան Վարչութեան, ապա Բիւրոյի մօտիկ  
գործակիցներից էր: Իրրեւ Փրանսական  
հիւպատոսարանի թարգման՝ Թիֆլիսի  
օտար շրջանների հետ լայն շփում եւ դրա  
շնորհիւ գործունէութեան ընդարձակ առ-  
պարէզ ունէր:



ՆԻԿ. ՄԱՏԻՆԵԱՆ

Ն. Մատինեանի գործունէութեան շրջանը միայն Թիֆլիսով



չէր սահմանափակուած: Բիւրոյի յանձնարարութեամբ նա գա-  
լառներն էր շրջում՝ կազմակերպական գործերով՝ Ալեքսանդրա-  
պոլ, Բաթում եւ այլուր: Ենթարկուեց ոստիկանական հետա-  
պնդման ու բանտարկութեան: Իր բնակարանը մի քանի անգամ  
մանրակրկիտ կերպով խուզարկուեց: Ի վերջոյ՝ ստիպուած եղաւ  
անցնել արտասահման, ուր մասնակցեց պատասխանատու ընկեր-  
ների խորհրդաժողովին Վառնայում, 1897-ին, որից յետոյ, իր-  
բեւ գործիչ, մտաւ Զմիւռնիա, բայց երկար չկարողացաւ մնալ  
ոստիկանական հետապնդումների հետեւանքով: Շարունակեց  
կուսակցական աշխատանքը զանազան վայրերում եւ Երրորդ  
Ընդհ. Ժողովից յետոյ՝ վերադարձաւ Կովկաս: Այստեղ եւս գոր-  
ծօն մասնակցութիւն ունեցաւ կուսակցական եւ հասարակական  
կեանքում: Ռուսաստանի առաջին յեղափոխութիւնից յետոյ,  
գրախանութ հիմնեց Թիֆլիսում, որ ծառայում էր Դաշնակցա-  
կան հրատարակութիւնների տարածման: Կամաւորական եւ յա-  
ջորդող դէպքերի ժամանակ Թիֆլիսի կազմակերպութեան եւ ազ-  
գային մարմինների մէջ եռանդուն աշխատանք էր կատարում:  
Խորհրդայնացումից յետոյ էլ մնաց նոյն անյողդողդ հաւատաւոր  
Դաշնակցականը: Ի՞նչ եղաւ իր ճակատագիրը, հալածուե՞ց իր  
զաղափարների համար, ո՞րչ է դեռ — ոչինչ յայտնի չէ մեզ:

«Երիտասարդ Հայաստան»ի անդամներից էր, հիմնադիրների  
եւ ապա Կենտրոնի ու Բիւրօների սերտ գործակից՝ անտառադէտ  
Արշակ Թադէոսեանը, ինչպէս եւ իր կինը՝ Վարդան Գոլոշեանի  
քոյրը, Դարիան, որոնք նոյնպէս բաժին ունեն շ. Յ. Դաշնակցու-  
թեան հիմնադրութեան գործում: Արշակ Թադէոսեանը, Լակլակ  
ծածկանունով, աջակցում էր Քրիստափորին եւ Զաւարեանին  
բիւրոյական գործերի եւ թղթակցութիւնների մէջ: Այնուհետեւ  
էլ, միշտ մնաց գործօն դերում իրբեւ Դաշնակցութեան ղեկավար  
մարմինների անդամ կամ ներկայացուցիչ ազգային մարմինների  
մէջ: Հայաստանի Հանրապետութեան օրով վարեց Գիւղատնտե-  
սութեան նախարարութեան անտառային բաժնի վարիչի պաշ-  
տօնը: Յայտնի չէ, թէ ի՞նչ եղաւ խորհրդայնացումից յետոյ:

Թէեւ հիմնադիր ժողովներին չի մասնակցել, բայց Դաշնակ-  
ցութեան նախապատրաստութեան մէջ կարւոր դեր է կատարել եւ  
Բագրատ վարդ. Թաւաֆալեանը՝ Ջաֆֆի՝ մի ինքնատիպ եւ խոր-  
հրդաւոր դէմք հայ յեղափոխական շարժման մէջ:

Բուն անունը Ալեքսանդր Թաւաֆալեան էր, Դերբենտի շր-  
ջանային կառավարչի որդի: Ծնուած էր 1850-ին: Ուսած Թիֆլի-  
սի եւ Բագուի դպրոցներում: Ապա՝ Պետերբուրգի զինուորական  
դպրոցի ուսանող: Բարձրահասակ, թիկնեղ, խոշոր ու թափան-  
ցիկ, խոհուն աչքերով, համակրելի դէմքով երիտասարդ էր:



Քաղցրաբարոյ, հաճոյակատար, զոհարերող, բնաւորութեամբ խիզախ՝ օժտուած էր ամէն տուեալներով փայլուն աշխարհիկ կեանք ունենալու համար: Եւ, սակայն, նրան էլ հմայում է հայրենիքի սէրը:

Ազդուած Բաֆֆիի վէպերից եւ ժամանակի տրամադրութիւններից՝ Թաւաքալեանը 1879-ին թողնում է դպրոցը եւ 1880-ին, Ձաքքի ծածկանունով, անցնում է Թրքահայաստան՝ Վան, ուր երկու տարի ուսուցչութիւն է անում Վանի Խարակոնիս դիւղում: Ապա ճամբորդում է Տարօն՝ Ս. Կարապետ եւ ուրիշ վայրեր: Ի վերջոյ, հաստատուում է Ալաշկերտի Ուչքիլիսայի Ս. Յովհաննու վանքում: Այստեղ զբաղում է կրթական գործով, գիւղացիներին սովորեցնում է երկրագործութեան նոր ձեւեր, ծառեր է տնկում վանքի շրջապատում եւ կասկածուելով թուրք իշխանութիւններից՝ հեռանում է Կովկաս, երեք տարի ուսուցչութիւն է անում Իգտիրում: 1889-ին նորից վերադառնում է Ուչքիլիսայի վանքը: Ձեռնադրուում է վարդապետ՝ այն յոյսով, որ հոգեւորականի սքեմի տակ ազատ կը լինի թուրք կառավարութեան հալածանքներից, բայց նորից կասկածի է ենթարկւում եւ վերջնականապէս հեռանում է Ալաշկերտից:

Կովկասում մտնում է Դաշնակցութեան շարքերը եւ Առաջին Ընդհ. Ժողովից յետոյ, 1892-ին, Իշխանի, Յ. Դաւթեանի, Նիկոլ Դումանի հետ մեկնում է Պարսկաստան, իբրեւ Դերիկի վանքի վանահայր եւ Հ. Յ. Դ. Ատրպատականի Կենտր. Կոմիտէի անդամ: 1894-ին, Խրիմեան Հայրիկը կանչում է նրան Էջմիածին եւ իրաւունք չի տալիս վերադառնալու նախկին տեղը, որ մեծ վիշտ ու դառնութիւն է պատճառում նրան: Նա այլեւս զրկւում է սիրած գործով զբաղուելու հնարաւորութիւնից: Յաջորդաբար, վարչական պաշտօններ է վարում Կարսում, Ալեքսանդրապոլում, Գանձակում եւ Էջմիածնում: Մեռաւ Բագուում 1902-ին:



ՏԻՓ. ՕՔՈՆԵԱՆ

Այլապէս խորհրդաւոր դէմք էր Տիգրան Օֆոնեանը — Շամիլ: Փաստ չունինք պնդելու, թէ նա մասնակցել է հիմնադիր ժողովներում, բայց այդ օրերին նա թիֆլիսում էր դտնւում: Յայտնի է, որ Դաշնակցութեան կազմութիւնից անմիջապէս յետոյ, նա արդէն Կարինում էր, իբրեւ Դաշնակցական գործիչ եւ կոմիտէի անդամ Արամեանի եւ Յարէթ Նշկեանի հետ:

Տիգրան Օֆոնեանը ծնուած էր 1868 թ. Ախալցխայում: Իր ման




կութեան եւ պատանեկութեան մասին տեղեկութիւններ չունինք: 1886-87 թուականներին նա հաշուապահի պաշտօն էր վարում Կարսում, մի վաճառականի մօտ: Աշխոյժ եւ կենսուրախ երիտասարդ էր: Աչքի էր զարնում ջերմ ընկերական բնաւորութեամբ եւ բուն հետաքրքրութեամբ դէպի ազգային-հասարակական խնդիրները: Յափշտակուած էր Րաֆֆիի հերոսներով եւ Երկրից հասնող «աւազակ-հայդուկների» խիզախ գործերի լուրերով: 1888-89-ին նա Թիֆլիսում է, նոյնպէս հաշուապահի պաշտօնով վաճառականի մօտ: Այստեղ նա մտնում է յեղափոխական խմբակների մէջ, հաւաքում է իր շուրջ 10-15 յանդուգն երիտասարդ եւ նրանց գլուխն անցած՝ «աւազակութիւն» է անում Օլթիի թրքական շրջանում: Նրա խմբումն էին՝ ախալցխացի Վարդանը, որ հետագային դարձաւ Արարոյի խմբի քաջերից մէկը, Օլթեցի Մեխանը՝ յայտնի «Հայ» անունով եւ ուրիշներ: Օքոնեանը խմբի պետն է՝ հռչակաւոր աւազակապետ Շամիլը, որ երկաթէ բազուկով վարում է խմբի անհանդարտ անդամներին: Շամիլի խումբը սարսափ է ազդում բռնաւորների եւ կեղեքիչների վրայ եւ իր խնամքի ու պաշտպանութեան տակ է առնում ճնշուած հայ գիւղացիներին: Վաշխառուներից եւ հարուստներից խլած թալանը բաժանում է շքաւորներին, ամէն կերպ օգնում է նրանց: Շամիլի հռչակը տարածւում է ամէն կողմ: Նա առաջինը եղաւ, որ իր խմբով Կովկասից անցաւ սահմանը եւ իր «աւազակային» գործունէութիւնը տարածեց Թուրքիայի սահմանամերձ շրջանների վրայ:

Հ. Յ. Դաշնակցութեան հիմնադրութիւնից յետոյ, նա որոշ ժամանակ գործեց Կարինում, իբրեւ Հ. Յ. Դ. կոմիտէի անդամ Արամ Արամեանի հետ: Երկուսն էլ միեւնոյն խմորիցն էին՝ խիզախ, յանդուգն, նուիրուած ու մոլեռանդ յեղափոխականներ եւ հմուտ կազմակերպիչներ: Նրանց ջանքերով կազմակերպուեց Կարինի երիտասարդութիւնը Դաշնակցութեան դրօշի տակ: «Համարձակներ» անունն էին կրում Արամեանի եւ Օքոնեանի երիտասարդ ընկերները:

Արամեանի եւ Օքոնեանի գործունէութեան դէմ դուրս եկաւ «Պաշտպան Հայրենեաց»ի նախկին անդամներից Սաչ. Կերէկցեանը, որ սուր խօսքերով, հրապարակով քննադատում եւ վարկաբեկում էր նրանց: Հետեւանքը լինում Կերէկցեանի ահաբեկումը Արամեանի ձեռքով, Կարինի կոմիտէի սրոշումով: Հ. Յ. Դ. Կենտրոնը մի թուղթիկով դատապարտեց այդ գործը: Իբրեւ փոխալրէժ, Կերէկցեանի եղբայրը սպանեց Օքոնեանին Թիֆլիսում: Այս տաղանդաւոր կազմակերպիչի եւ անձնագոհ յեղափոխականի մահը մեծ կորուստ էր Դաշնակցութեան համար: Երկրորդ Լնդհ. Ժո-



դովը, յատուկ որոշումով, յետս կոչեց Կենտրոնի վճիռը՝ վերականգնելով Օքոնեանի վարկը ընկերների եւ հասարակութեան աչքին :



### ԱՐԱՄ ԱՐԱՄԵԱՆ

Փաստ չկայ հաստատող, որ Արամ Արամեանն էլ — Աշուտ, Թաթուլ — մասնակցել է հիմնադիր ժողովներին, բայց, լայն առումով, նրան էլ պէտք է դնել Հ. Յ. Դաշնակցութեան հիմնադիրների շարքում: Նա այդ օրերին գտնուում էր Թիֆլիսում՝ Հ. Յ. Դաշնակցութիւնը կերտողների շրջանակում եւ առաջին Դաշնակցականներից մէկը եղաւ:

Արամ Արամեանը կարնեցի էր, ծնուած 1870-ին: Աւարտել էր Սանասարեան վարժարանը եւ առաջնորդարանում քարտուղարի պաշտօն էր վարում: Վառվառն, անվախ եւ անձնազուհէ երիտասարդ էր՝ դպրոցական հասակից խանդավառուած Բաֆֆիի հերոսներով ու հայրենասիրական դադափարներով: Կարինի երիտա-



սարդութեան մէջ նա մեծ հմայք էր վայելում : Որոշ յարաբերութիւններ ունէր եւ կովկասահայ մտաւորականութեան եւ ըմբոստտարբերի հետ : 1890-ի ամառը դտնւում էր Թիֆլիսում , եւ Հ . Յ . Դաշնակցութեան կազմութիւնից անմիջապէս յետոյ , նրան տեսնում ենք Կարինում , իբրեւ Դաշնակցութեան կոմիտէի անդամ : 1891 թ . Օդոստոսին , կոմիտէի որոշումով , Արամեանի ձեռքով ահաբեկոււմ է Ուաչ . Կերէկցեանը : Դաշնակցութեան Կենտրոնը առանձին թուրքիկով դատապարտեց Կերէկցեանի սպանութիւնը : Այդ սպառնառով Արամեանը հեռացաւ Կարինից եւ մի տարի աստանդական կեանք վարելուց յետոյ , 1892 :ին , մասնակցեց Առաջին Ընդհ . Ժողովին , ուր բուռն կերպով պաշտպանեց անհատական ահաբեկումների սկզբունքը՝ պայմանով , որ ահաբեկիչը , գործը կատարելուց յետոյ չվախչի , այլ մնայ եւ յայտարարէ , թէ ինքն է սպանողը , որպէսզի ժողովուրդը զերծ մնայ պատասխանատուութիւնից : Այս առաջարկը , սակայն , մերժուեց ժողովից , եւ Արամեանը մինչեւ 1894 թ . հեռու մնաց կուսակցական գործերից :

1894-ին , Հ . Յ . Դ . Բիւրոյի որոշումով եւ Ալեքսանդրապոլի ու Կարսի կոմիտէների աջակցութեամբ , Արամ Արամեանը եւ Հրայր — Դժոխքը , հայդուկային խմբի հետ , մտան Երկիր՝ Բասենի շրջանը՝ նպատակ ունենալով կազմակերպել ու զինել ժողովուրդը ինքնապաշտպանութեան եւ յեղափոխական ձեռնարկների համար : 1896 թ . Յուլիս 2-ին , Արամեանն ու Հրայրը ձերբակալուեցին Քէոփրի-Քէոյ գիւղում եւ տեղափոխուեցին Կարինի բանտը , որտեղից Հրայրը ազատուեց , իսկ Արամեանը , մատնութեան վրայ , խոստովանուեց , թէ ինքն է եղել Կերէկցեանին սպանողը : Բանտում անհնարին չարչարանքների ենթարկուեց , բայց առանց ընկճուելու , աներկիւղ պահեց յեղափոխական կորովը եւ համարձակ կեցուածքը թուրք իշխանութեանց հանդէպ : Դատարանը նրան կախաղանի վճիռ տուեց , որից յետոյ Երեք տարի մնաց բանտում , որտեղից դրած է յեղափոխական շունչով խանդավառ նամակներ դրսի ընկերներին : Կախաղան հանուեց 1899 թ . Օգոստ . 9-ին , Կարինի Գէոլ-Բաշի հրապարակում : Նրա վերջին խօսքն էր կախաղանից՝ «Կեցցէ՛ յեղափոխութիւնը» :

Հ . Յ . Դաշնակցութեան հիմնադրութեան կամ գէթ նրա առաջին օրերի գործունէութեան հետ որոշ կապ է ունեցել եւ Աստուածատուր վաչեանցը : Ծնուած 1863 թ . Մեպտ . 25-ին , Մեղրիում , վաչեանցը իր կրթութիւնը ստացել էր Շուշիի քաղաքային եւ Բազումի ուխալական դպրոցներում : 1889-ին աւարտել էր Պետերբուրգի Լեոնային ձեմարանը եւ կարճ ժամանակ հայրենի



գիւղում ուսուցչութիւն անելուց յետոյ, հաստատուել էր Բագուում :

1890 թ. ամառը Բագու է գալիս Կոստ. Պատիսեանը յեղափոխական գործի համար դրամ եւ գործիչներ գտնելու նպատակով : Նա յաջողում է մի խումբ երիտասարդների, որոնց թւում եւ Աստ. Վաչեանցին, համոզել, որ անցնին Թիֆլիս նուիրուելու յեղափոխութեան : Նշանաւոր նախարդիւնաբեր Առաքել ասլեր Մատուրեանն էլ Պատիսեանին այդ նպատակի համար խոստանում է 10,000 ռուբլի՝ անմիջապէս վճարելով 2000 ռուբլի : Այդ դրամով Պատիսեանը Թիֆլիս է տանում իր հետ Աստ. Վաչեանցին, Եր. Թաղիանոսեանին, գինեգործ Պարազեանին, ինժ. Ալ. Նազարեանին եւ ուրիշներին : Վաչեանցը, Թաղիանոսեանը եւ Նազարեանը յարում են Հարաւային Պանկոզի խմբակին, միւսները՝ Հիւսիսային Պանդոկին . ըստ երեւոյթին՝ մասնակից են լինում հիմնադիր ժողովներին :

Դաշնակցութեան կազմութիւնից յետոյ՝ ամբողջ ձմեռ, Բագուից եկածները մնում են Թիֆլիսում : 1891-ի սկիզբները Կ. Պատիսեանը Վաչեանցին եւ Նազարեանին ուղարկում է Բագու, որպէսզի Մատուրեանից ստանան մնացած 8,000 ռուբլին : Վերջինս, սակայն, մերժում է վճարել՝ առարկելով, թէ ինքը նման խոստում չի տուել : Վաչեանցը այլեւս չի վերադառնում Թիֆլիս եւ հաստատում է Բագուում : Իր ընկերակիցներն էլ հետզհետէ հեռանում են յեղափոխական գործից, ինչպէս եւ ինքը Պատիսեանը : Վաչեանցը հետագային Բագուի հայկական կեանքում աչքի դարձող դեր կատարեց եւ ընդհանուրի յարգանքն էր վայելում : Մասնաւորապէս արժանի է գնահատութեան նրա մատուցած ծառայութիւնը հայ ժողովրդի կրթական գործին : Նրա ջանքերով եւ նիւթական զոհողութեամբ հիմնուեցին ժողովրդական դպրոցներ դաւառում : Նրա յատկացրած թոշակով բարձրագոյն կրթութիւն ստացան բազմաթիւ հայ մտաւորականներ, ինչպէս Աւ. Ահարոնեանը, Ստ. Շահումեանը, Արամ Չարըզը եւ ուրիշներ : Վաչեանցը միշտ բարեկամ մնաց Դաշնակցութեան եւ այսօր էլ մնում է, Փարիզում, տարազրութեան մէջ՝ վայելելով ամենքի սէրն ու յարգանքը :

Հ. Յ. Դաշնակցութեան հիմնադիրներ շարքերում էր եւ Յովհաննէս Սաղաթէլեանը՝ ազգայնական հակումներով եւ չափաւոր դադափարներով մի մտաւորական : Արարանցի էր : Մասնագիտութեամբ՝ իրաւաբան : Մասնակցեց հիմնադիր ժողովներին : Դաշնակցութեան մէջ գործօն յեղափոխական դեր չկատարեց . աւելի խաղաղ մշակութային հակումների տէր անձ էր : Մի ժամանակ վարեց էջմիածնի Գէորգեան ձեմարանի տեսչի պաշտօն-



նր: Զբաղուեց փաստաբանութեամբ: Քաջ ծանօթ էր կովկասեան եւ հայկական իրականութեան: 1905 թ. յեղափոխութիւնից յետոյ ընտրուեց Պետական Դումայի անդամ: Հայաստանի Հանրապետութեան կողմից դեսպան եղաւ Կամաւորական Բանակի մօտ: Դաշնակցութեան կազմի մէջ չէր թէեւ, բայց համոզումներով եւ դործունէութեան շրջանակով Դաշնակցական էր:

Իբրեւ Գր. Արծրունիի ներկայացուցիչ, Հ. Յ. Դաշնակցութեան կազմակերպութեան սկզբնական շրջանին, կարճ ժամանակով, ժողովներին ներկայ եղաւ եւ Խաչատուր Մալումեանը — է.



է. ԱԿՆՈՒՆԻ



Ակնունքի: Մալուճեանը գտնուում էր Արծրունիի ազդեցութեան տակ, իսկ Արծրունին համամիտ չէր նոր կուսակցութեան կազմութեան:

Խաչատուր Մալուճեանը ծնուել էր Մեղրի գիւղում 1863 թ., Մեպտ. 7-ին: Իր նախնական կրթութիւնը ստացել էր ծննդավայրում: Ապա, 1878-ին մտել էր Թիֆլիսի Ներսիսեան դպրոցը եւ 1883 թ. Յունիսին աւարտել «գերազանց վարուք», ինչպէս ասուած է նրա աւարտական վկայականում: Առանձնապէս ընդունակ էր լեզուների, մատեմատիկական գիտութիւնների եւ պատմական ու գրական առարկաների մէջ:

Միջնակարգ կրթութիւնը լրացնելուց յետոյ, նիւթական պատճառներով անկարող բարձրագոյն ուսման հետեւելու, Մալուճեանը աշխատանք է ստանում «Մշակ»ի խմբագրութեան մէջ, ուր յայտնաբերում է հրապարակագրի շնորհք ու խմբագրական-վարչական կարողութիւն եւ շուտով դառնում է խմբագրութեան քարտուղար, Գր. Արծրունիի գաղափարների ջերմ պաշտպան եւ նրա աջ բազուկը: Որպէս Արծրունիի «աչք եւ ականջ», նա որոշ դեր խաղաց նախնական բանակցութիւնների ընթացքին Հ. Յ. Դաշնակցութեան հիմնադրութեան առթիւ:

Մինչեւ Գր. Արծրունու մահը՝ Մալուճեանը մտերիմ կապերով կապուած էր «Մշակ»ի եւ նրա խմբագրի հետ: Արծրունիի մահից յետոյ նրա բնական յաջորդը «Մշակ»ում պէտք է լինէր Մալուճեանը, լայց կառավարութիւնը մերժեց ճանաչել նրա իրաւունքը, եւ «Մշակ»ը անցաւ անտաղանդ մարդկանց ձեռքը: Մալուճեանը մեկնեց ժընեւ իր ուսումը կատարելագործելու նպատակով: 1898-ի վերջերը «Դրօշակ»ի խմբագրութեան գլուխն անցնելով՝ Քրիստափորը ապահովեց նրա աշխատակցութիւնն եւս, եւ Մալուճեանը սկսեց գրել «Կովկասեան Սարրիկներ» նշանաւոր յօդուածաշարքը՝ է. Ակնունքի ստորագրութեամբ: Այնուհետեւ Խ. Մալուճեանը մտաւ Դաշնակցութեան մէջ եւ փայլուն տեղ գրաւեց Դաշնակցական հրապարակագիրների, քարոզիչների եւ հանրային-քաղաքական գործիչների շարքում: Շուտով դարձաւ Քրիստափորի գլխաւոր աջակիցներից մէկը «Դրօշակ»ի խմբագրութեան մէջ եւ հայկական պրոպագանտի ասպարէզում: Եռանդուն մասնակցութիւն ունեցաւ Հ. Յ. Դ. Չորրորդ Ընդհ. Ժողովին, Վիէննայում, որից յետոյ Դաշնակցութեան նախաձեռնութեամբ եւ մեծ չափով Ակնունքի թափած ջանքերի շնորհիւ ու նրա մասնակցութեամբ գումարուեց Օսմանեան յեղափոխական եւ ընդգիմադիր կազմակերպութիւնների խորհրդաժողովը Փարիզում, որ նախապատրաստեց Օսմանեան Սահմանադրութեան հռչակումը: Սահմանադրութիւնից յետոյ, Ակնունքին դարձաւ



ամենէն ժողովրդական գործիչներէից մէկը Պոլսում, իբրեւ Դաշնակցութեան ներկայացուցիչ, պերճախօս հռետոր, սուր հրապարակագիր ու վարպետ քաղաքագէտ արտաքին յարաբերութիւններէ մէջ: 1910-11-ին քարոզչական ուղեւորութիւն ունեցաւ դէպի Ամերիկա, ապա՝ Եգիպտոս, Լիբանան, Չմիւռնիա, ուր ամէն տեղ անօրինակ խանդավառութիւն առաջ բերեց: Մասնակցեց Սահմանադրութիւնից յետոյ գումարուած բոլոր Ընդհ. ժողովներին, եւ Կարնոյ Ց-րդ Ընդհ. ժողովից յետոյ, 1914-ին, օստիկանական հսկողութեան տակ հեռացուեց Պոլիս, ուր եւ զոհ Կնայ ապրիլեան Մեծ Եղեռնին:

Այսքանով, ի հարկէ, չի սպառուած Հ. Յ. Դաշնակցութիւնը յղացողներէ ու կերտողներէ, նրա հիմնադիրներէ ցանկը: Անշուշտ, եղել են եւ ուրիշ անհատներ, որոնք այս կամ այն ձևով բաժին են ունեցել Հայկական Մեծ Կազմակերպութեան յղացման եւ կառուցման գործում: Տարբեր ընկերային խաւերից ելած, մտաւոր տարբեր զարգացման տէր, շատերը բարձրագոյն կրթաբաններում ուսած, ոմանք ուսուցիչ, գործակատար, արհեստաւոր ու բանուոր՝ նրանք բոլորը տողորուած էին միեւնոյն դադափարով, ձգտում էին միեւնոյն նպատակի, ներշնչուած էին միեւնոյն ոգիով — «Տաճկահայաստանում ձեռք բերել քաղաքական եւ տնտեսական ազատութիւն»: Եւ այդ ոգիով ու նպատակով անսասան հիմքերի վրայ հաստատեցին Հ. Յ. Դաշնակցութեան հոյակապ շէնքը:

Եթէ Հ. Յ. Դաշնակցութիւնը դարձաւ հայոց ամենամեծ եւ հզօրագոյն կուսակցութիւնը, ամենէն ժողովրդականը, որ խորունկ արմատներ ձգեց հայկական զանգուածներէ մէջ, եղաւ միսը մսից եւ արիւնը արիւնից հայ ժողովրդի եւ իր հերոսներով ու մեծագործութիւններով զարդարեց հայոց պատմութեան էջերը, եթէ այնքա՛ն ահաւոր փոթորիկներից յետոյ՝ Դաշնակցութիւնը մնաց անսասան, հաստարմատ կաղնիի պէս կանգուն եւ կէս դարից աւելի անխախտ պահեց իր ղեկավար դիրքը հայութեան կեանքում, գաղտնիքը նրա հիմնադիրներէ եւ ղեկավարներէ դադափարական ոյժի եւ անձնուիրութեան մէջ պէտք է փնտռել:

Հ. Յ. Դաշնակցութեան հիմնադիրներէ մեծ մասը, կարծես նախախնամութեան սահմանումով, պատմական առաքելութեան համար ստեղծուած անհատներ էին: Բազմակողմանի զարգացած, լուսամիտ, բարձր նկարագրի ու բարոյականութեան տէր, խորապէս ուսումնասիրած հայութեան, ինչպէս նաեւ համամարդկային կեանքի անցեալ ու ժամանակակից պայմանները, անանձնական սիրով նուիրուած հայ ժողովրդին, պատրաստ զոհուելու ազգային ազատութեան սեղանի վրայ, իրատես ու գործնական՝



նրանք չհրապուրուեցան վերացական կամ հայկական միջավայրին անհարազատ գաղափարներով, որքան եւ յափշտակիչ եւ իրենց սրտին մօտ լինէին նրանք, այլ զուտ հայկական պայմանների վրայ հիմնեցին նորակերտ կուսակցութեան շէնքը, հայ իրակառնութիւնից առին այդ շէնքի ատաղձը եւ իրենք եղան նրա որմնադիրներն ու կառուցանողները: Իր առաւելութիւններով ու պակասութիւններով Հ. Յ. Դաշնակցութիւնը հայկական միջավայրի ու հայկական պայմանների ծնունդ էր: Այդ եղաւ պատճառը, որ հայ ժողովրդի զգայուն ու գաղափարական լայն խաւերը այնպէս սիրով ու նուիրումով փարեցին նրան:

Հ. Յ. Դաշնակցութեան հիմնադիրները, մեծ մասով, նաեւ իրենց կեանքով ու գործով օրինակ ծառայեցին ժողովրդին: Նրանք թիկունքում չմնացին հանգստաւէտ դիրքերի վրայ, այլ անձնազոհութեամբ նետուեցին արկածալից ու վտանգաւոր կեանքի ասպարէզ, յեղափոխական փոթորիկների մէջ, յաճախ, կուրծք տալով անխուսափելի մահուան, եւ ժողովուրդը հետեւեց նրանց հաւատով ու վստահութեամբ՝ արտադրելով իր ծոցից անհաշիւ հերոսներ ու հերոսական գործեր:

Հ. Յ. Դաշնակցութեան ոյժն ու մեծութիւնը, անսահման ժողովրդականութիւնն ու հմայքը հաստատուած են նրա գաղափարապաշտ եւ անձնուէր հիմնադիրների ոյժի եւ մեծութեան վրայ: Եւ քանի այդ ողին կենդանի է, կենդանի կը մնայ եւ Դաշնակցութիւնը:



## 2. Յ. ԴԱՇՆԱԿՑՈՒԹԵԱՆ ՍԿԶԲՈՒՆՔՆԵՐԻ ԵՒ ԿԱԶՄԱԿԵՐՊԱԿԱՆ ԶԵԻԻ ՀԻՄՆԱԻՈՐՈՒՄԸ

Հ. Յ. Դաշնակցութեան կենտրոնական պաշտօնաթերթ «Դրօշակ»-ի առաջին եւ երկրորդ համարները լոյս տեսան Թիֆլիսում, 1891 թ.: Առաջինը Մայիս ամսին, երկրորդը՝ Սեպտեմբերին: Երրորդ թիւը լոյս տեսաւ Ռուսմանիայում, 1892 թ.: Զորորդ թիւը լոյս տեսաւ ժընեւում, 1893 թ. Մարտին: Այնուհետեւ, մինչեւ առաջին համաշխարհային պատերազմի տարիները, «Դրօշակ»-ը հրատարակուեց ժընեւում:

«Դրօշակ»ը, առաջին իսկ համարից սկսած՝ նուիրում է մի շարք խմբագրականներ եւ յօդուածներ պարզելու համար Հ. Յ. Դաշնակցութեան հիմնական սկզբունքները՝ նպատակը, կազմակերպական ձեւն ու գործելակերպը: Այդ գրուածքների հեղինակներն են Քրիստափորը, Զաւարեանը եւ Ռոստոմը, բացի առաջին խմբագրականից:

Կէս դարից աւելի է անցել այդ օրից, բայց Դաշնակցութեան հիմնադիրների յայտնած մտքերից ու պարզած տեսութիւններից շատերը թարմ ու կենսունակ են այսօր եւս: Նրանք վկայում են, թէ մտաւոր ինչ լուրջ պատրաստութիւն եւ որքան խոր ծանօթութիւն ունէին նրանք ժամանակակից Հայ իրականութեան մասին:

Այսօր, երբ մեր կուսակցութիւնը, վաթսուն տարիների ճանապարհ է կտրել, ամփոփումի եւ ինքնադնահատման այս օրերում, արժէ, յետադարձ մի հայեացքով, իրենց իսկ խօսքով, ներկայացնել այն դադափարներն ու յեղափոխական գործի տեսութիւնները, որոնց վրայ մեր մեծ Երրորդութիւնը հիմնեց Հ. Յ. Դաշնակցութիւնը:

Ո՞վ է հեղինակը «Դրօշակ»-ի առաջին համարի առաջնորդող



յօդուածի: Ըստ Շիրվանզադէի, որ իր յուշերում ասում է, թէ, Դաշնակցութեան հիմնադրութիւնից յետոյ, մօտ մի տարի, ինքը եղել է Դաշնակցական եւ «Դրօշակ»-ի խմբագրական յանձնախմբի անդամ, «Դրօշակ»-ի առաջին համարի խմբագրականը գրել է Ներսիսեան զպրոցի ուսուցիչ Աղ. Մելիք-Ալլահաւելերդեանը: Բժ. Յ. Լորիս-Մելիքեանը, որ Դաշնակցութեան հիմնադիրներէից էր, իրեն է վերագրում այդ պատիւը: Մ. Վարանդեանը, իր «Պատմութիւն Հ. Յ. Դաշնակցութեան» մէջ, պնդում է, թէ Քրիստափորն է հեղինակը այդ խմբագրականի: Սակայն, ով էլ եղած լինի հեղինակը, անկարելի է, որ տպագրութեան յանձնուելուց առաջ Քրիստափորի եւ Զաւարեանի քննութիւնից անցած չլինի: Թերեւս՝ եւ ամբողջ կենտրոնի:

«Դրօշակ»ի անդրանիկ խմբագրականը նախ քննադատութեան է ենթարկում Դաշնակցութիւնից առաջ ծնունդ առած հայ քաղաքական կազմակերպութիւնները՝ Արմենականութիւնն եւ Հնչակեանութիւնը եւ միաժամանակ պարզում ու պաշտպանում է իր առաջադրած սկզբունքներն ու քաղաքական ձգտումները:

«Ներկայումս գոյութիւն ունեցող օրգանները, գրում է «Դրօշակ»-ը, որոնք նոյնպէս նուիրուած են հայկական խնդրի լուծման, մեր կարծիքով ամբողջապէս չեն իրականացնում այն պայմանները, որ ապահովացնում են կանոնաւոր կռիւրը: «Դրօշակ»-ը հանդէս է գալիս իրրեւ մի կազմակերպութիւն, որ ունի որոշ միջոցներ իր նպատակին հասնելու համար:

«Դրօշակ»-ը մի կողմից չի կարող բոլորովին համերաչխ լինել նրանց հետ, որոնք ուզում են միայն քաղաքագիտութեան (գիպլոմատիայի) միջոցով հասնել իրանց նպատակին, որովհետեւ բացառապէս գիպլոմատիան ոչինչ չի անիլ դրդուած մարդասիրութիւնից: Մեր նիւթապաշտ դարում գիպլոմատները ղեկավարում են սեփական շահերով եւ աւելի ուժեղի իրաւունքներով: «Յւրոպան չկայ, ասաց նորերումս Կալնոկին, եւ մինչեւ հայկական հողը չչաղախուի արիւնսով, թո՛ղ գիտնան հայերը, որ ոչինչ չեն ստանայ»:

«Միւս կողմից «Դրօշակ»-ը չի կարող համերաչխ լինել նրանց հետ, որոնք նպատակ են դնում իրականացնել այն հասարակական կազմակերպութիւնը, որի համար այժմ կարելի է մաքառել միայն Արեւմտեան Եւրոպայում, որովհետեւ քանի որ Տաճկաստանը չունի բոլորովին դործարանական արդիւնաբերութիւն եւ խոշոր ինդուստրիայի զարգացում, անբնական է այդ տեսակ խրնդիրներ յարուցանելը: Այն երկրում, ուր գերակշռում է երկրա-



գործութիւնը եւ նահապետական կուլտուրան, խօսք չի կարող լինել Արեւմտեան Եւրոպայի սոցիալիզմի մասին, ուր կուլտուրան անհամեմատ աւելի բարձր է եւ տիրապետում են որոշ սոցիալական պայմաններ: Տնտեսական խնդիրներ շօշափելիս պէտք է զեկավարուել երկրի կուլտուրայով եւ նրա ազգային, պատմական առանձնայատկութիւններով. նամանաւանդ որ մեր ազգի գիտակցութեան մէջ պահպանուել են այնպիսի հողատիրական ձեւեր, որ ուրիշ նպաստաւոր պայմաններում կը լինէին նրա բարօրութեան գլխաւոր գրաւականը, այն է՝ հողը պատկանում է մշակողին: Իսկ հողային հարցը մեր ամենագլխաւոր հարցն է:

«Դրօշակ»-ը պէտք է պաշտպանէ առհասարակ այն բոլոր պայմանները, որոնք նպաստում են ժողովրդի ընդհանուր բարօրութեան, քաղաքական եւ տնտեսական կողմից: Հեռացնելով այն պայմանները, որ խեղդում են հայ ազգը, մենք ուզում ենք տալ նրան միջոց վերածնուելու եւ ընդունելու քաղաքակրթութիւնը եւ մինչև անգամ տարածել իր շուրջը: Ղեկավարուելով այս բարձր բարոյական սկզբունքներով, որ Եւրոպայի առաջնակարգ գործիչների իդէալն է կազմում, մենք պէտք է միշտ պաշտպան հանդիսանանք դարերով ճնշուած ժողովրդին. իւրաքանչիւր հարց վճռելիս պէտք է ուշադրութեան առնենք լրջութեամբ բոլոր հանգամանքների զուգադրութիւնը (կոմբինացիան) եւ թշնամու դէմ կռուելիս պէտք է լինենք անխնայ, ինչպէս որ նա մեզ չի խնայում: Մենք խորհուրդ ենք տալու գործադրել բոլոր միջոցները, որ վերջնականապէս քայքայենք Թուրքիայի անբարոյականացած պետական կազմակերպութիւնը (օրգանիզմը): Բացի դրանից՝ «Դրօշակ»-ը, իբրեւ «Հ. Յ. Դաշնակցութեան» օրգան, պէտք է պատասխանի այն բոլոր հարցերին, որ կը ծագեն այդ կազմակերպութեան գործիչների մէջ թէ կռուի բոպէում եւ թէ գործունէութեան հետագայ ընթացքներում (մոմենտ):

«Եղած տարբերութիւնները, սակայն, արդելք չեն, որ «Դրօշակ»-ը համերաչխօրէն գործի միւս հոսանքների հետ. «Որչափ եւ զանազանուենք ուղղութեամբ նրանցից, այնուամենայնիւ մենք ուզում ենք նրանց հետ ընկերական յարաբերութեան մէջ լինել, որովհետեւ բոլորս էլ կուռում ենք մի ընդհանուր թշնամու դէմ»:

Այս «Դրօշակ»-ը անցնում է «հայկական խնդրի լուծման այն ճանապարհին, որ մենք ենք ընդունում»:

Մանրամասն պատկերացնում է Թուրքիայի վիճակը, նրա յարաճուն անկումը, տնտեսական սնանկութիւնը. տաճկահայերի «միանգամայն անտանելի վիճակը» — «կատարեալ անապահովութիւն կեանքի եւ գործի, անվերջանալի աւարառութիւնների քիւրտ եւ չէրքէզ հրոսակների, աւազակային անխղճութեան հասցրած



հարստահարութիւն սաշտօնեաների կողմից, սկսած վալիից մինչեւ վերջին միւլիբը, նրանց անընդունակութիւնը, դժգոհութիւնը եւ կաշտակերութիւնը, անարդարութիւն դատարանում, անասելի հարկեր եւ զեղծումներ հարկահանների եւ վաշխառուների, զեղծումներ բարձրագոյն իշխանութեան կողմից, հալածանք կրօնի, ազգութեան, վերջապէս սանձարձակ բռնութիւն դպրոցների, եկեղեցիների, խօսելու, գրելու դէմ, մի բռնութիւն, որը հազարաւոր անմեղներ փթեցնում է բանտերում, տանջում Արաբիայի եւ Աֆրիկայի խորքերում, դցում պանդխտութեան գիրկը, տանում դէպի կրօնափոխութիւն. ահա այն դժոխքը, որ կոչւում է Թուրքա-Հայաստան, ահա այն դժոխքը, որի բոլոր սարսափանքները յայտնի են ամբողջ ազգին, ամբողջ աշխարհին . . .»

«Դրօշակ»ը ապա անցնում է հայկական պահանջներին :

Այդ պահանջները ներկայացուած են այն տեղեկագրի մէջ, որ «անմոռանալի եւ մեծ հայրենասէր պատրիարք Ներսէսը» յատուկ պատուիրակութեան միջոցով ներկայացրեց Բերլինի վեհաժողովին : «Դրօշակ»ը հենց նոյն համարում մէջ է բերում մանրամասնօրէն այդ տեղեկագիրը . «որովհետեւ մեր այժմեան պահանջների գլխաւոր կէտերը մնում են մօտաւորապէս միեւնոյնը» :

Վերջիչինք այստեղ Ներսէս պատր. Վարժապետեանի ծրագրի հիմնական կէտերը .

Ըստ այդ ծրագրի, Տաճկա-Հայաստանը պիտի կազմէր մի ամբողջութիւն, որի մէջ մտնելու էին հետեւեալ հողամասերը . Կարինի եւ Վանի վիլայէթները (մէջը հաշուելով եւ Բաղէշի ու Մուշի սանջակները), Տիգրանակերտի վիլայէթի հիւսիսային մասը, այսինքն՝ Խարբերդի սանջակի արեւելեան մասը, Արդահա սանջակը եւ Սղերտի սանջակի հիւսիսային մասը, ինչպէս նաեւ առեւտրական յարաբերութիւնները թեթեւացնելու համար՝ Բիզէ նաւահանգիստը Բաթումի եւ Տրապիզոնի միջեւ :

Այս երկրամասը կառավարուելու էր մեծ պետութիւնների համաձայնութեամբ Բ. Դրան կողմից նշանակուած հայ ընդհանուր-նահանգապետով, որ նստելու էր Կարինում : Ընդհանուր-նահանգապետը ունենալու էր գործադիր իշխանութեան բոլոր իրաւունքները, հսկելու էր երկրի կարգի եւ հանրային ապաստանութեան վրայ, հաւաքելու էր հարկերը եւ նշանակելու էր պաշտօնեաներ ու դատաւորներ : Իր պաշտօնը լինելու էր հինգ տարով . Բ. Դուռը կարող էր նրան պաշտօնանկ անել միայն պետութիւնների համաձայնութեամբ :

Ընդհանուր-նահանգապետի նախագահութեան տակ գործելու էր կեդրոնական Վարչութեան Խորհուրդը հետեւեալ



անդամներից . 1. Ելեւմտական վարիչ, 2. Հանրային շինութիւնների վարիչ, 3. Իրաւագէտ խորհրդական, 4. Հանրային զօրքի հրամանատար 5. Հայոց դպրոցների տեսուչ 6. Մահմետական դպրոցների տեսուչ :

Երկրի ընդհանուր հարկերի 20%-ը յանձնուելու էր կենտրոնական կառավարութեան, իսկ 80%-ը ծախսուելու էր տեղական պէտքերի վրայ :

Սովորական դատարաններից զատ գոյութիւն պիտի ունենային մահմետական դատարաններ Շէրիի օրէնքով : Այս դատարանների գլխաւոր պետը պիտի նշանակուէր Սուլթանից : Մահմետականի եւ քրիստոնեայի միջեւ ծագելիք գործերը պիտի քննուէին սովորական դատարաններում : Պէտք է մշակուէին քաղաքական եւ քրէական օրէնքներ՝ համաձայն Եւրոպական օրէնսդրութեան սկզբունքների :

Կրօնի եւ խղճի կատարեալ ազատութիւն : Կրօնական հիմնարկութիւնները եւ հոգեւորականութեան պահելը պիտի կազմէր ամէն մի համայնքի պարտականութիւն :

Երկրի ապահովութիւնը պահպանուելու էր ժանդարմներով եւ տեղական միլիցիայով : Ժանդարմերիան ենթարկուելու էր ընդհանուր-նահանգապետին : Միլիցիան դանուելու էր զօրքի ընդհանուր հրամանատարի իշխանութեան տակ :

Երկաստիճան ընտրական ձեւով ամբողջ երկրի համար ընտրուելու էր Ընդհանուր Խորհուրդ, որ տարեկան մէկ անգամ ընդհ.-նահանգապետի կողմից նիստի պիտի հրաւիրուէր եւ ընդհ.-նահանգապետի նախագահութեան տակ պիտի քննէր ու հակահշուէր երկրի ելեւմուտքը եւ հարկերի բաժանումը : Ընդհանուր-նահանգապետը պարտաւոր պիտի լինէր խորհուրդին ներկայացնել տարեկան ելեւմուտքի հաշիւը : Ընդհ.-նահանգապետը եւ ընդհանուր խորհուրդը փոխադարձ համաձայնութեամբ 5 տարին մի անգամ պիտի որոշէին Բ. Դրան հասանելիք դումարը :

Մեծ պետութիւնները մէկ տարով պիտի նշանակէին միջազգային մի մասնաժողով այս ծրագրի իրագործման վրայ հակելու համար : Ծրագիրը գործադրութեան պիտի դրուէր ստորագրուելուց յետոյ երեք ամսուայ ընթացքում :

Բայց այս համեստ պահանջներն էլ չընդունուեցին : Բերլինի դաշնագրի 61-րդ յօդուածն էլ մնաց մեռած տառ :

«Անցան տարիներ, զանազան մասնաժողովներ եւ խոստումներ արաւ Սուլթանը, որոնց նպատակն էր քնեցնել խնդիրը եւ մոռացութեան տալ 61-րդ յօդուածը : Երբ անողոք մահը խլեց ազգից հայրենասէր պատրիարքին, աւելի եւս դժուարացաւ հայոց



հարցի լուծումը, մանաւանդ որ նրա մահից յետոյ Պոլսի պատ-  
 րիարքներից եւ ոչ մէկը չկարողացաւ շարունակել իրանց արժա-  
 նաւոր նախորդի սկսածը: Քանիցս անգամ Անգլիան եւ Եւրո-  
 պական ուրիշ պետութիւնները յիշեցրել են Բ. Դրան նրա պար-  
 տաւորութիւնները Եւրոպայի առաջ 61-րդ յօդուածի վերա-  
 բերմամբ. քանիցս անգամ Պոլսի հայոց պատրիարքները դիմել են  
 Սուլթանին խնդրելով նրա ամենաողորմած ուշադրութիւնը իր  
 հաւատարիմ ու աշխատասէր հպատակ ժողովրդի վրայ, բայց  
 Բ. Դրան պատասխանը միշտ եղել է, թէ հայերը գոհ են իրենց  
 վիճակից, թէ նրանք փառաբանում են Աստծուն, որ շնորհել է  
 իրանց թիւրք կառավարութեան նման մի «ողորմած» կառավա-  
 րութիւն եւ այդ՝ այն ժամանակ, երբ հայերի գանգատների աղա-  
 ղակը երկինք էր հասնում, երբ Մուսա-Բէյի չարագործութիւնները  
 ամբողջ լուսաւոր աշխարհին էին ապշեցնում, երբ Հայաստանի  
 բոլոր կողմերում ամենաքստմնելի բարբարոսութիւններ եւ ոճ-  
 րագործութիւններ էին կատարւում տասնիններորդ դարու քա-  
 ղաքակիրթ Եւրոպայի աչքի առաջ»:

Սուլթանը մի կողմից խոստումներ է տալիս եւ քնացնում  
 Եւրոպայի ուշադրութիւնը, իսկ միւս կողմից «զինաւորուած  
 խմբեր է կազմում քիւրտ ու չէրքէզ վայրի եւ աւազակաբարոյ  
 ցեղերից», «նորանոր ծանր հարկեր է դնում. նա մինչեւ անգամ  
 աշխատում է սահմանափակել հայերին հող դնելու իրաւունքը  
 այն նահանգներում, որոնք դարերից ի վեր կազմել են նրանց հայ-  
 րենիքը: Ամենայն օր նոր հալածանքներ, խուզարկութիւններ,  
 բանտարկութիւններ ու աքսորներ: Ամէն յոյս կտրած ժողովուրդն  
 աղքատութեան ու բռնութեան երեսից գունդադունդ թողնում է  
 իր դժբախտ հայրենիքը եւ դիմում պանդխտութեան եւ գաղթա-  
 կանութեան ու այսպիսով ամայանում է Հայաստանը, մեր նախ-  
 նեաց արիւնով շաղաղուած հայրենիքը»:

Ո՞րն է ելքը այս դրութիւնից, ի՞նչպէս իրականութիւն  
 դարձնել Վարժապետեանի ծրագիրը:

«Այսպէս է եղել հայերի դրութիւնը Տաճկա-Հայաստանում  
 ամբողջ դարերի ընթացքում եւ այսպէս էլ կը մնայ, եթէ մենք  
 մեր յոյսը դնենք տաճկաց կառավարութեան սեփական բարեհա-  
 ճութեան կամ Եւրոպական դիպլոմատիայի վրայ: Լինեն պատ-  
 ճառները պետական, ցեղական թէ կրօնական՝ այդ միեւնոյնն է.  
 փաստը նրանումն է, որ Տաճկաստանը անընդունակ է ինքը որեւէ  
 վերանորոգում մտցնելու եւ, ինչպէս մեզ ուսուցանում է ուրիշ  
 փոքր աղէրի պատմական փորձը, միայն զէնքով կարելի է ստի-  
 պել նրան իրագործել մեր արդար պահանջները: Հայերը ուզում



են ազատուել մի քայքայուող տէրութիւնից, որ տարածում է իր շուրջը մահ եւ ապականութիւն: Ազատութիւն ձեռք բերելով՝ հայ ազգն ուզում է քաղաքակիրթ կեանք եւ իր բազմակողմանի ընդունակութիւնների զարգացում: Հայերը ոգեւորուելով մարդասիրութեամբ, եղբայրութեամբ ու կրօնի անխտրութեամբ՝ կը ստեղծեն մարդկային զարգացման այնպիսի պայմաններ, որոնց մէջ կարող են զարգանալ թէ մահմեդական եւ թէ քրիստոնեայ ժողովուրդները:

«Մեր կռիւը տաճկաց կառավարութեան դէմ ոչ միայն ազգային կռիւ է, այլ եւ եւրոպական քաղաքակրթութեան եւ մարդկային իրաւունքների կռիւ՝ յօգուտ ամբողջ մարդկութեան եւ կուլտուրայի»:

«Ուրեմն, տաճկահայերի կողմից միանգամայն անօգուտ եւ մինչեւ անգամ վտանգաւոր է յոյս դնել օտարի վրայ եւ սպասել, թէ թիւրքաց կառավարութիւնը ինքը իր կամքով բարենորոգումներ կը շնորհի հայերին: Յանկացած վիճակը ձեռք բերելու համար մեզ մնում է միայն դիմել այն միջոցին, որին դիմել են մեզանից առաջ միեւնոյն հանգամանքների մէջ դանդաղ ուրիշ մեզ նման քրիստոնեայ ազգերը: Այդ միջոցը ժողովրդական ապստամբութիւնն է: Ուրիշ ելք չկայ:

«Ահա այսպիսի հանգամանքների արգասիք էր Հայ Յեղափոխական Դաշնակցութիւնը»․ նրա գոյութիւնը հիմնուած է տաճկահայերի այն դիտակցութեան վրայ, որ այլեւս անկարելի է տանել այդպիսի ամօթալի վիճակ եւ սարսափելի դրութիւն:

«Դաշնակցութիւնը մի քանի անձանց հայրենասիրական ձրգտումների արհեստական պտուղը չէ, այլ ամբողջ ազգի հասունացած ինքնաճանաչութեան, կամքի ու վճռի արտայայտութիւն:

«Նա՛ Հայ ազգի բողոքի եւ վրէժխնդրութեան ոգին է: Ա՛յս է նրա սկզբունքն ու նպատակը»:

Այստեղ, կարելի է ասել, թէ եւ սաղմնային ձեւով, արտայայտուած է Հ. Յ. Դաշնակցութեան բովանդակ էութիւնը, բացի մէկ կէտից, որ շատ շուտով սրբազրուեց. Վարժապետեանի ծրագիրը չէր կարող գոհացնել Դաշնակցականներին: Դաշնակցութեան պահանջները թէ ծաւալով եւ թէ ոգիով, հիմնովին տարբերում էին Վարժապետեանի բարենորոգումների ծրագրից:

Եւ «Դրօշակ»-ը հենց յաջորդ՝ երկրորդ համարում շտապում է ուղղել այս վրիպակը. «խմբազրութեան կողմից» մի ազգով նա յայտարարում է.

«Դրօշակ»-ի անցեալ համարում մենք գրել էինք, որ մեր այժմեան պահանջները մօտաւորապէս նոյնն են, ինչ որ յայտնուած են Ներսէս պատրիարքի ծրագրում:



«Որովհետեւ այդ բառերը տեղիք են տուել թիւրիմացութեան, մենք կարեւոր ենք համարում յայտնել, որ մենք այդ գրելով աչքի առաջ ենք ունեցել այն դէպքը, եթէ Սուլթանը իր բարի կամքով մտցնի Տաճկական-Հայաստանում Ներսէս Պատրիարքի ծրագրում պահանջուած բարենորոգութիւնները, որ շատ անհաւանական է: Սուլթանը իւր վարմունքով օրէցօր աւելի է համոզում ամենքին, որ Տաճկական Հայաստանի համար ապստամբութիւնից դուրս փրկութիւն չկայ»:

Այս բացատրութիւնը գոհացուցիչ չէր, ի հարկէ: Անգամ եթէ Սուլթանը «իր բարի կամքով» էլ բարենորոգումներ մտցնէր, Դաշնակցութիւնը չէր բաւականանալու Ներսէս Պատրիարքի ծրագրով, որը շատ հեռու էր ժողովրդապետական սկզբունքներից, էլ չենք խօսում ընկերային ու տնտեսական հարցերի մասին, որոնք բացակայում էին ծրագրում:

Առհասարակ, պէտք է ասել, որ «Դրօշակ»-ի առաջին համարը յաջող կազմուած չէր եւ խոցելի կողմեր ունէր: Ուստի եւ զարմանալի չէ, որ Հնչակեանները օգտուելով՝ անողոք քննադատութեան ենթարկեցին նրան: Նա չէր բաւարարում եւ Դաշնակցական պատասխանատու գործիչներից շատերին:

Երկրորդ համարն էլ, որ լոյս տեսաւ 1891 թ. Սեպտեմբերին, գերծ չէր թերութիւններից: Մի խմբագրական, մի «ներքին տեսութիւն», մի «նամակ Պարսկաստանից» եւ մի արտաքին տեսութիւն» — ահա նրա ամբողջ բովանդակութիւնը:

Խմբագրականը խօսում է յեղափոխութեան պայմանների մասին: Յաջողութեան համար անհրաժեշտ է երկու պայման. նախ՝ որ ժողովուրդը հասկանայ յեղափոխութեան արժէքը եւ մասնակցի մղուող կռուին. երկրորդ՝ որ ընտրուած միջոցները համապատասխանին «ներկայ իրականութեան եւ պատմական բոպէի պահանջած պայմաններին»:

«Առաջին պայմանը, բարեբախտաբար, մեզնում կայ. հայ ժողովուրդը արդէն ապացուցեց, որ հասկանում է տաճկական անարդ լծից ազատուելու անհրաժեշտութիւնը, եթէ դրա համար պէտք լինի դոհել նոյն իսկ իւր ստացուածքն ու կեանքը: Հայ ժողովուրդն այդ ապացուցեց մասային ցոյցերով կարինում ու Պոլսում եւ մի շարք անհատական ու խմբովին յեղափոխական ձեռնարկութիւններով»:

Նոյնը չի կարելի ասել մտաւորականութեան մասին. նա գիտակցութեամբ ու գոհարերութեան ոգիով ժողովրդից յետ է եւ «միայն արձագանգ տուեց ժողովրդի պատերազմական կոչին, որ



լսուեց անակնկալ կերպով» : Նա նախաձեռնող չեղաւ, այլ հետեւող, բայց «Դրօշակ»-ը դրանից էլ գոհ է :

«Ի՞նչ պէտք է անէր այն ինտելիգենցիան, որ ճանաչում է իւր պատմական կոչումը՝ — ծառայել ժողովրդի — աշխատաւոր մասայի շահերին : Նա պէտք է շտապէր ժողովրդի կոչին, նա պէտք է գնար իւր գիտութեան պաշարով աջակցելու ժողովրդին այդ դժուար բոլորում եւ կազմակերպելու ա՛յն կռիւը, որ սկսում էր ժողովուրդը դարաւոր ճնշման ու անարդարութեան դէմ : Եւ ինտելիգենցիան յետ չմնաց ժողովրդից, հետեւեց նրան» :

Ճիշդ է, «բազումք են կոչեցեալք, բայց սակաւք ընտրեալք», եւ, ի հարկէ, «բոլոր ինտելիգենտ գործիչները մինչեւ վերջը չեն հասցնի գործը, շատերը գուցէ կանգ առնեն կէս ճանապարհին, կամ հենց ճանապարհի սկզբին, — բայց այդ ոչինչ. այն ժողովուրդը, որ հասել է կռուի անհրաժեշտութեան գիտակցութեանը եւ կարողացել է իւր վրայ առնել այդ կռուի որքան ծանր եւ նոյնքան փայլուն նախաձեռնութիւնը, կը կարողանայ իւր միջից դուրս բերել իրար յետեւից նորանոր ինտելիգենտ ուժեր, որոնք ընդունակ կը լինեն վճռել յեղափոխական շրջանի (էպոխա) խընդիրները» :

Երկրորդ պայմանին անցնելով «ամենից առաջ պէտք է ի նկատի ունենալ, որ մեր կռիւը ժողովրդի կռիւ է նրա դարաւոր բռնակալների դէմ : Իբրեւ ժողովրդական կռիւ, նա չի կարող կանոնաւոր զօրքերի վարած պատերազմի ձեւ ունենալ. ի հարկէ, եթէ մի արտակարգ դէպք չպատահի : Մտախարութիւն է երեւակայել, թէ Տաճկական-Հայաստանում կամ սահմաններում կարելի է պատրաստել ու կազմակերպել մարանչող գնդեր, նոյն իսկ ամբողջ զօրք, որ մի օր յառաջ կը խաղայ՝ վճռական ճակատամարտ տալու եւ այդպիսով կը սկսի եւ կը վերջացնի հայրենիքի ազատութեան գործը :

«Ո՛չ, հայ ժողովրդի կռիւը պէտք է պարտիզանական կռիւ լինի. մենք մեր այժմեան դրութեան մէջ ուրիշ կերպ կռուել չենք կարող. կանոնաւոր պատերազմ, իսկական ճակատամարտներ անհնար են մեզ համար : Ա՛յդ է թելադրում մեզ առողջ դատողութիւնը եւ այդ է սովորեցնում մեզ նոյն իսկ ուրիշ ազգերի — բուլղարների, իտալացիների, յոյների պատմական օրինակը : Այդպէս պէտք է կռուենք եւ մենք, գոնէ մինչեւ այն ժամանակ, երբ պարտիզանական կռուի ջոկ-ջոկ ալիքներ միախառնուելով՝ կը կազմեն ժողովրդական ապստամբութեան յորդահոս հեղեղ, որ կը սրբի կը տանի իւր հետ Հայաստանի երեսից ստրկութեան, աղքատութեան, անարդարութեան դարաւոր կնիքը ...

«Այդ պարտիզանական պատերազմի նախաձեռնողները կը լի-



նեն ժողովրդից դուրս եկած մարտնչող մարդիկ, որոնք միայն ձեւ են փնտրում արտայայտելու իրանց հրաշալի զգացմունքները, ուժերն ու ընդունակութիւնները:

«Այդ ձեւը — հրոսակային (հայդուկային, աւազակային), խմբերի կռիւը — կը թելադրեն ժողովրդին եւ կը ժողովրդակա- նացնեն՝ յեղափոխական ինտելիգենցիայի ներկայացուցիչները:

«Շատ մեծ դեր են խաղացել հրոսակային խմբերն այս դա- րում ազատուած մանր ազգութիւնների պատմութեան մէջ: Այդ- պիս մեծ դեր կարող են եւ պէտք է խաղան նրանք նաեւ մեզ հա- մար: Ախոյեան հանդիսանալով ամէն տեսակ բռնաւորների դէմ՝ սկսած սատրապ աստիճանաւորներից, մինչեւ քիւրտ աւազակը մի կողմից եւ արիւնարբու հարկահանի ու վաչխառուի դէմ միւս կողմից, այդ խմբերը՝ ապագայ պատմութեան կենդանի դրօշակ- ներ կը լինեն: Պարտիզանական յարձակումներ դործելով բռնա- ւորների վրայ, պաշտպանելով ճնշուածներին, նրանք կ'ելեկտրա- կանացնեն ժողովրդի միտքն ու զգացմունքը, կռուի կենդանի օրի- նակներ կը տան ժողովրդին եւ այդպէս մասամբ զաղափարական կերպով, մասամբ իջականապէս կը ժողովեն իրանց շուրջը եւ կը կազմակերպեն կռուելու փոքր ի շատէ ընդունակ բոլոր տարրերը:

«Այդ ուժերը կանոնաւոր կերպով կազմակերպելու եւ ամբողջ Հայաստանում այդ խմբերի միջեւ մի ընդհանուր կապ հաստատե- լու համար օգնութեան կը հասնի ինտելիգենցիան, որ գլխաւորա- պէս պէտք է զբաղուի հէնց յեղափոխական ուժերի կազմակեր- պութեամբ: Ապստամբութեան զաղափարը քարոզելու նա պէտք էի ունենայ: Տաճկաստանի այժմեան կառավարութեան ձեւը ամենալաւ քարոզիչն է այդ զաղափարի: Ինտելիգենցիան միայն պէտք է որոշի յեղափոխական դրական իդէալները եւ կազմակեր- պի եղած յեղափոխական ոյժերը:

«Նրբ այդ կազմակերպութիւնը զլուխ դայ, այնուհետեւ կը հեշտանայ ժողովրդին դէնք մատակարարելը եւ ինքն իրան կը վճռուի, թէ ընթացիկ կռուի եւ թէ ապստամբական շրջանի բոլոր միջոցների հարցը:

«Իսկ այդպիսի միջոցներ փնտրելու կարեւորութիւն չկայ.— յեղափոխական տեխնիկայի մէջ այդ հարցը վաղուց վճռուած է: Մենք անյարմար ենք համարում կանգնել այդ հարցի վրայ:

«Յեղափոխական հարուստ տեխնիկայով զինուած զաղտնի կազմակերպութեան տարածումն ու զարգացումը, բնականաբար, առաջ կը բերի աւելի յաճախ կրկնուող խմբային ցոյցեր տաճկա- կան բռնակալութեան դէմ, որոնք մի կողմից կը զաստիարակեն ժողովրդի յեղափոխական ոգին, միւս կողմից կը քայքայեն տաճ- կաց տէրութեան առանց այն էլ խախուտ կազմը:



«Եւ երբ որ յեղափոխութեան պարտիզանական կռուի ալիքները կ'ողողեն ամբողջ Տաճկական-Հայաստանը, երբ որ նրանք անվերանորոգելի ճեղքեր կը բանան տաճիկ տէրութեան խախուտ շինուածքի մէջ, երբ որ, վերջապէս, Եւրոպան կը տեսնի, որ Տաճկաստանի խաղաղութիւնն սպառնալի կերպով խռովուած է երկու անհաշտ՝ մինչ արեան վերջին կաթիլը մաքառելու վճռած թշնամիների կռուով, երբ որ նա կը տեսնի, որ Տաճկաստանում իւր գործ դրած դրամագլուխները վնասուած են եւ կորչելու վրտանդի են ենթարկուած եւ որ Ասիական Տաճկաստանում յեղափոխական չհանգչող կայծը բոցավառուելով՝ կարող է եւրոպական դարհուրելի հրդեհի պատճառ դառնալ, այն ժամանակ կը գայ վճռական բոպէն, եւ ամբողջ ժողովուրդը, իբրեւ մի մարդ, մի հողի, ոտի կը կանդնի եւ զէնքի ուժով ձեռք կը բերի իւր մարդկային իրաւունքները, ա'յն իրաւունքները, որ այսքան դար անխիղճ կերպով ոտնակոխ են արել տաճիկներն ու քրդերը:

«Տաճիկ կառավարութիւնը չի կարող խեղդել յեղափոխութիւնը ո'չ նրա առաջին շրջանում, ո'չ էլ վերջինում: Ապակենտրոնացման (դեցենտրալիզացիա) ու տեղական ինքնուրոյն նախաձեռնութեան վրայ հիմնուած յեղափոխական կազմակերպութիւնը, իբրեւ հարիւր գլխանի վիշապ, կը գործէ ամէն տեղ եւ ամէն տեսակ ձեւերով ու հնարքներով: Նա կը մտցնի իւր աւերիչ զէնքը թէ՛ քաղաք եւ թէ՛ գիւղ, թէ՛ կաշառակեր աստիճանաւորների եւ թէ արիւնարբու վաշխառուների շրջանը, մի խօսքով՝ նա սրով ու հրով կը ջնջէ ժողովուրդի բոլոր թշնամիներին ու բռնակալներին: Ի հարկէ, արիւնահեղ փորձեր եւս կը լինեն յեղափոխական վիշապին սպանելու, բայց ի զո՛ւր — մի կտրուած գլխի տեղ կը բռնեն հարիւրաւոր գլուխներ, մի կալանաւորուած ու ջարդուած խմբի տեղ՝ յարութիւն առած ու ինքնագործունեայ ժողովուրդն առաջ կը բերի հարիւրաւոր նոր խմբեր: Շատ արիւն կը թափուի, շատ աչքեր կ'արտասուին, բայց միթէ այժմ քի՞չ արիւն ու արտասուք են ողողում Հայաստանի հովիտները, եւ, վերջապէս, ի՞նչ արած, որ այժմեան մարդկութիւնն առանց արիւնային վարձատրութիւն ստանալու ազատութիւն չէ տալիս ոչ ոքի: Եւ մեր ժողովուրդը կը վճարի այդ վարձը, այդ պարտքը՝ ողբերկուած այն մտքով, որ վիճակն արդէն գցուած է եւ յաղթութիւնը ի՛ւրն է լինելու, եւ միայն ի՛ւրը»:

«Իրօշակ»ի երրորդ համարը հրատարակուած է Ռուսմանիայի Գալաց քաղաքում: Այդ համարի (1892, Փետր.) ընդարձակ խմբագրականը — ութը սիւնակից տելի — գրուած է Զաւարեանի եւ



Քրիստափորի կողմից \*) եւ նպատակ ունի «համառօտապէս հիմնաւորել ընդհանուր ձեւով բերուած սկզբունքները եւ առաջ բերել մեր այն պահանջները, որ ձեռք պիտի բերուին ապստամբութեան նախապահով» :

Այստեղ պարզաբանում, հիմնաւորում, լայնացնում ու խորացնում են այն սկզբունքները, որոնք շօշափւում էին «Դրօշակ»ի առաջին երկու համարների խմբագրականներում : Սա մի փորձ է ընկերարանական դիտական պատուանդաններ դնելու Դաշնակցութեան գաղափարախօսութեան տակ : Եւ մենք տեսնում ենք, որ Դաշնակցութեան հիմնադիրները ամբողջապէս մեկնում են ընկերվարական հասկացողութիւններից՝ այդ հասկացողութիւնները համաձայնեցնելով հայ իրականութեան, որ շատ տարբեր էր քաղաքակիրթ աշխարհի իրականութիւնից :

«Պատմութիւնը մեզ ուսուցանում է, դրում է «Դրօշակ»ը, թէ ամէն մի հասարակական դրութիւն, հետեւանքը լինելով նախընթաց սրայմանների, միեւնոյն ժամանակ պատճառ է այն ապագայի, որը երեւան է գալու վաղը :

«Ինչպէս ներկայիս մէջ կարող ենք դտնել անցեալի բոլոր գըլխաւոր եւ ապրելու արժանի կողմերը, նոյնպէս կարող ենք ասել, որ ապագայ կաղմակերպութեան բոլոր տարրերը կարող են զարգանալ միայն ներկայից : Հետեւաբար, այս կամ այն հասարակական հաստատութիւնները իրականացնելու համար բաւական չէ ունենալ կամք, նոյնիսկ կարողութիւն ձեւելու հասարակական կաղմակերպութիւնը այս կամ այն մողելից (բնական թէ իդէալական) . դորա համար անհրաժեշտ է, իբրեւ հիմք, վերցնել ժամանակին ու տեղին յատուկ այն պայմանները, որոնք համապատասխանելով հասարակական բարօրութեան պահանջներին՝ նաեւ ընդհանուր կերպով որոշում են մօտիկ ապագան» :

Եւ օրինակ բերելով գերման ընկերվարական կուսակցութեան եւ Բրիւսելի միջազգային ընկերվարական համագումարի իրատես ու գործնական ըմբռնումները՝ յայտնում է, որ Դաշնակցութիւնը ստիպուած է իր «ուժերը կենտրոնացնել ներկայ հանդամանքների

---

\*) Պէտք է ասել, որ «Դրօշակ»ում յօդուածները հրատարակւում էին առանց հեղինակի անունը դնելու : Այստեղ մենք հեղինակների անունը յիշում ենք՝ օգտուելով Հ. Յ. Դ. Դիւանի նիւթերից, որովհետեւ որքան էլ յօդուածները կուսակցութեան ընդհանուր կարծիքն են արտայայտում, պատմական տեսակէտից, հետաքրքրական է իմանալ նաեւ, թէ որի գրչին են պատկանում նրանք :



վրայ: Ինչպէս հեռաւոր անցեալին, նոյնպէս եւ իդէալական ապագային մենք տալիս են երկրորդական նշանակութիւն:

«Ամէն մի օր Հայաստանի այս կամ այն անկիւնում կատարւում են սպանութիւններ, բռնի կրօնափոխութիւններ եւ ուրիշ հազար ու մի տեսակ բարբարոսութիւններ: Ի հարկէ, այս բոլորի մէջ կառավարութիւնը ունեցել է մեծ դեր, սակայն անկարելի է անուշադիր լինել եւ դէպի միւս պտճառները»:

Որո՞նք են այդ պատճառները:

«Քիւրդ ազգաբնակչութեան մեծ մասը բաժանուած լինելով ցեղերի՝ դեռ եւս պարապում է խաշնարածութեամբ, վարում է կիսաթափառական կեանք: Նրա ձգտումները, բարոյական սկզբունքները բոլորովին տարբերում են այն վարք ու բարքից, որոնք առաջ են դալիս եւ զարգանում, երբ մարդս սկսում է պարապել հողագործութեամբ, որոշ տեղում մշտական բնակութիւն է հաստատում, ենթարկւում է հասարակական կեանքի պահանջներին: Բայց եթէ քիւրդը, իբրեւ բարոյական հիմք, ընդունում է ցեղի շահերը, վրէժխնդրութիւնն եւ քաջութիւնը, եթէ նա չի հասկանում անձի սրբութիւնը, արհամարհանքով է վերաբերում դէպի հողագործական ծանր աշխատանքը, դէպի այն բոլորը, ինչ բխում է աշխատանքի, քրտինքի զաղափարից, — խաղաղ մշակ հայն իր կացութեան վէճն ու տաճարը կառուցանում է աշխատանքի վրայ, ղեկավարւում է ազգային շահերով եւ ընդունում է այն բոլոր կապերի ու պարտականութիւնների անհրաժեշտութիւնը, որոնք հետեւանք են աւելի բարդ հասարակական պայմանների:

«Այսպիսով սկսում է մրցումն, պատերազմ երկու տարբեր շրջանների պատկանող ժողովուրդների մէջ: Կասկած չկայ, որ օպագայում ցեղական սկզբունքը պիտի ոչնչանայ: Ինչպէս որոտորդութեան շրջանից մարդս դիմեց խաշնարածութեան, նոյնպէս անհրաժեշտ է ներկայումս, որ քիւրտը դառնայ հաստատաբնակ, դիմէ հողագործութեանը: Մինչեւ այս պատմական բարեշրջութիւնը չկատարուի, խաղաղութիւնը չի հաստատուի, չի էլ կարող հաստատուել Հայաստանում: Սպանութիւնները եւ աւազակութիւնները թէեւ կը մեղմանան, բայց կը պահեն իրենց քրոնիկական բնաւորութիւնը: Հասկանալի է դառնում, որ քաղաքակրթութեան շահերը պահանջում էին ոյժ տալ հողագործի ձգտումներին, ապահովել նրա կեանքը, կայքը, աշխատանքը եւ խստիւ հետեւիլ օրինադանցներին: Այդպէս վարուելով, կառավարութիւնը կատարած կը լինէր իր պարտքը եւ աշխրէթների քայքայման հետ միասին կ'ապահովէր լուսաւորութեան տարածումը:



Այո՛, «Մեր կռիւը տաճիկ կառավարութեան դէմ ո՛չ միայն ազգային կռիւ է, այլեւ եւրոպական քաղաքակրթութեան ու մարդկային իրաւունքների դատ» (Դրօշակ» №. 1) :

«Անցնենք մեր կեանքի միւս գլխաւոր պայմաններին. Հայաստանը նուաճող մահմետական սուլթաները ու զօրապետերը չհաստատեցին տիրած երկրում ժողովրդի համար փոքր ի շատէ ապահով դրութիւն, չստեղծեցին այն ամենատարրական պայմանները, որոնք անհրաժեշտ են ժողովրդի բազմանալու, զարգանալու համար: Նուաճած ազգերի ստրկութիւնը պահպանելու համար ամբողջ ուղղափառ տարրը ստացաւ մի գինուորական իշխող դասակարգի տիպար: Դարերի ընթացքում ուղղափառ տաճիկը արհամարհանքով էր վերաբերում դէպի գեաւուր հայը, պատիւ ու պարծանք էր համարում ճնշել, կողոպտել, անպատուել գեաւուրին: Միաժամանակ մահմետական պաշտօնեան ոչ միայն անտարբեր է եղել դէպի քրիստոնեաների շահը, այլեւ անիրաւաբար միշտ մեղադրել, զրպարտել, բանտարկել, ամէն կերպ ճնշել-վնասել է հային: Այդպիսով, չնայելով, որ հաւասարութիւնը յայտարարուած էր կեանքի ամենագլխաւոր սկզբունքներից մէկը, տաճիկ մոլեռանդութիւնը զրկեց հային եւ այս նահապետական առաւելութիւնից:

«Իրաւունք չունենալով զէնք եւս կրելու, որ հարկաւոր դէպքում կարողանար դռնէ ինքը իրեն պաշտպանել, հայը ահամայ պիտի ընկնէր այս կամ այն քրտի կամ բէգի հովանաւորութեան տակ, պիտի գնէր իր ապահովութիւնը այս կամ այն վարձատրութեամբ: Այդ կապը թէեւ ստիպողական չէր կառավարութեան կողմից, բայց լինելով անհրաժեշտ հետեւանք ժամանակակից պայմանների՝ օժուեցաւ դանազան սովորութիւններով եւ ստացաւ յայտնի դոյն, որը իր բացասական կողմերով նմանում է ինչպէս եւրոպական միջնադարեան սիստեմին, նոյնպէս եւ հայ նախարարականին, որը իրենք՝ տաճիկները, Հայաստանը նուաճելիս, հայ ժողովրդի աջակցութեամբ, ջնջեցին յանուն հաւասարութեան: Այդպիսով այն ճնշման վրայ, որը հետեւանք էր թափառական խաշնարած կեանքի, աւելացաւ մի ուրիշը. ազգաբնակչութեան մի մասին իշխումը միւսի վրայ: Այդ անիրաւութիւնն էլ ոչնչացնելու համար պէտք էր կառավարութիւն, որը սակայն չկար:

«Չկար, ասում ենք, որովհետեւ Պոլսոյ ամիրաների հիմնած կազմակերպութիւնը ստեղծուած էր միայն դրացի ազգերի հետ մրցելու, քրիստոնեաների ստրկութիւնը պահպանելու ու հարուստ դասակարգի շահերին ծառայելու համար: Հարկաւ, այդ



կառավարչական մեքենան չթեթեւացրեց ժողովուրդի որեւէ ցաւը, դարձան չարեց նրա վէրքերին: Ոչ Սուլթան Մէջիտի քանզիմաթը, ոչ էլ սահմանադրութիւնը չհեղեցին ժողովրդի կեանքը ճնշման ճանապարհից: Աշխատող տարրը, ենթարկելով զանազան սահմանափակումների, մտցնելով նորա կեանքի մէջ աւելի «կարգ կանոն» եւ միաժամանակ կառավարութեան դեկը, շնորհիւ ցենզի, յանձնելով հարուստ դասակարգին՝ այս «կարգադրութիւնները» աւելի նպաստեցին նախկին չորբաճիների սերնդին հարստահարել աշխատող ամբոխը: Նախկին եւ նոր դրութեան մէջ զանազանութիւնը նրանում էր, որ հարստահարութիւնը ստացաւ աւելի կանոնաւոր ձեւ: Այսպէս՝ կառավարութեան եկամուտը ապահովցնելու համար էֆէնդիները եւ պաշտօնեաները ստեղծել են մի այնպիսի սխտեմ, որով հարկերի ծանրութիւնը ընկնում է գիւղացու եւ աղքատ արհեստաւորի վրայ. թող մէկը միւսից հարուստ լինի տասը, հազար անգամ, փոյթ չէ. դոքա պիտի վճարեն համարեա թէ հաւասար. վաշխառուական դրամադուխը եւ այն բոլոր ձեռնարկութիւնները, որոնք իրենց տէրերին մեծ դումարներ են տալիս, վճարում են համեմատաբար շնչին բան: Հարկերի մեծ մասը, լինելով կողմնակի, կենսական մթերքների վրայ, ընկնում է հաւասար ծանրութեամբ աղքատ մշակի եւ հարուստ բէգի վրայ: Յիշե՞նք արդեօք գինուորական տուրքի մասին, որը վերջին ժամանակներս հասել է ամէն մի քրիստոնեայ տղամարդից՝ 38 դահեկանի: Ասե՞նք արդեօք քրդերի, Պոլսոյ բնակիչների, մոլլաների, քահանաների մասին, որոնք թեթեւցրած լինելով հարկերից՝ այդպիսով իրենց բեռը ձգում էին էլի աշխատաւոր դասի վրայ:

«Վերջապէս, ժողովուրդը աւելի հաստատ կերպով հարստահարելու համար կառավարութիւնը ստեղծել է տեսակ-տեսակ մոնոպոլիաներ (ծխախոտի, աղի, երկաթուղիների, հանքերի), որոնց նպատակն է մշակի դրպանից հանել իր աշխատանքի մի մասը եւ յանձնել եւրոպացի կամ տեղացի դրամատէրերին:

«Ժամանակի ընթացքին կառավարութեան յիշեալ հարստահարութիւնների վերայ աւելացաւ եւ մի ուրիշը, ոչ այնքան նկատելի, սակայն նոյնքան զզուելի: Դա զանազան վաշխառուների, էֆէնդիների, բէգերի հարստահարութիւնն է: Չնայելով, որ մահամետականների տեսակէտից տոկոսը հալալ չի համարուում, պնդելով, որ հողը պատկանում է մշակողին, որ ամէն մարդ ազատ եւ հաւասար է միւսին, հարուստները՝ օգտուելով ամբոխի անտանելի դրութիւնից՝ դարձրին նոցա իրենց հլու հպատակ: Հայաստանում կարելի է մատնացոյց անել ամբողջ գիւղեր, որոնք այս էֆէնդու կամ այն բէգի սեփականութիւնն են դառել:



«Հասկանալի է, որ այս անտանելի պայմանները այսօր զգաց-  
ւում են ամենածանր հետեւանքներով: Ժողովրդի աղքատութիւնը  
օրէցօր սաստկանում է, եւ նեղ դրութիւնից դուրս դալու համար  
նա ստիպուած է աւելի եւ աւելի մեծացնել դաղթականութիւնը  
իր հետ կապուած թշուառ հետեւանքներով: Հոսանքը այնքան  
մեծ է, որ Հայաստանում կարելի է դնել շատ աւաններ, որոնց  
բնակիչները կիսով չափ կամ ամբողջովին դաղթած են հեռաւոր  
երկիրներ: Սկսելով հայերից եւ յոյներից՝ պանդխտութիւնը վեր-  
ջերս արժատ է ձգել այն աստիճանի, որ ժողովրդի աճումը նկա-  
տելի կերպով թուլացել է, եթէ դադրած չէ արդէն մի քանի դա-  
ւառներում: Այսպէս քանի դնայ, այս ընթացքը աւելի ոյժ պիտի  
ստանայ, որովհետեւ տուրքերը շատացնելով, կառավարութիւնը  
ոչ մի միջոցների չի դիմում երկրի արդիւնարբերութիւնը բարձ-  
րացնելու համար:

«Հաղորդակցութեան եւ, հետեւապէս, երկրագործական  
մթերքների արտահանութեան հարցը, որն ունի կենսական նշա-  
նակութիւն հողագործ հայ ժողովրդի համար, մնացել է բաց՝  
չնայելով ճանապարհատուրքի ծանրութեանը: Զանազան պատա-  
հական չարիքներից (աշար, երաշտ, կարկուտ եւայլն), ժողո-  
վրդի ապահովութեան խնդիր չկայ կարծես տաճիկ կառավարու-  
թեան համար: Այն «երկրագործական սնդուկը», որը այդպիսի  
հանդամանքներում պիտի օգնութեան դար ժողովրդին, դանա-  
ղան ձեւականութիւնների պատճառով, ծառայում է միայն վաչ-  
խառուների շահերին, իսկ ժողովուրդը նրա դոյութեան մասին  
դաղափար անգամ չունի: Նոյնն է եւ պարտադիր ուսման օրէնքը.  
դորա համար վերցուած տուրքը ծախսում է դիտաւորապէս մի  
քանի միջնակարգ դպրոցների վրայ, ուր յաճախում են միայն  
քաղաքացի հարուստ մահմեդականների որդիքը: Զպիտի մոռա-  
նանք եւ այն, որ այս վերջին երկու տուրքերի (ուսումնական եւ  
երկրագործական սնդուկի) մեծ մասը ծախսում է բոլորովին  
տարբեր հիմնարկութիւնների վրայ:

«Վերջապէս, հարկաւոր է յիշել եւ մի երեւոյթ կառավարու-  
թեան ներքին քաղաքականութեան մէջ, այն է՝ քրիստոնեայ աղ-  
գաբնակութիւնը նուազեցնելու եւ, եթէ կարելի է, նոյն իսկ ջըն-  
ջելու գիտակցական ձգտումը: Քրիստոնեաների աննշան թիւը  
համեմատաբար այլազգիների թուի հետ, ի հարկէ, կառավա-  
րութեան ձեռքում կը լինի ամենաուժեղ մի միջոց վերանորո-  
գումներ պահանջող ամէն տեսակ ձայների դէմ կռուելու համար:

«Այդպիսով, այս համառօտ ընդհանուր տեսութիւնից պարզ-



ւում է, որ տաճկահայ ժողովրդի դրութիւնը միանգամայն սարսափելի է շատ կողմերից :

«Ազատել ժողովրդին այդ անտանելի դրութիւնից, ստեղծել այնպիսի պայմաններ, որոնք թոյլ տան նորան մտնել ընդհանուր մարդկութեան զարգացման շաւիղի մէջ՝ կարելի է միայն յեղափոխութեամբ, կարելի է միայն միաժամանակեայ փոփոխութիւններով Հայաստանում տիրող բազմատեսակ պայմանների :

«Հիմնելով մեր նպատակը եւ պահանջները այդ Մայ-Հայաստանում իշխող դրութեան վերայ, մենք չպիտի անուշադիր լինենք նոյնպէս դէպի ուրիշ ազգերի օրինակները :

«Ամբողջ կուլտուրական աշխարհի պատմութիւնը հազարաւոր տարիների ընթացքում ցոյց է տալիս մեզ, որ յանձնել ամբողջ ժողովրդի բախտը մի դասակարգի, որը իր կացութիւնը կարող է հաստատել ծագման, Ֆիզիքական եւ նիւթական ուժի, կամ թէ չէ նոյնիսկ ուսման վրայ, տալ կառավարութեան դեկը որեւէ դասակարգի, կը նշանակէ ստեղծել ճնշում այդ դասակարգից, դարձնել ժողովուրդը ծառայող այդ փոքրիկ մասի եւ միաժամանակ անբարոյականացնել իշխող պոլիտիկաններին :

«Դորա համար զուգընթացաբար հասարակական կեանքի ալիքը թուլացնելով առանձին անհատի դազանակուն ձգտումները եւ պակասեցնելով նիւթական անհաւասարութեան հետ անխախտ կապուած ճնշումը՝ տանում է մեզ դէպի եղբայրական սկզբունքները, դէպի ընկերական, համայնական հաստատութիւնները :

«Արդարութեան ամենազլխաւոր պահանջը, թէ ամէն մարդ իր քրտինքով պիտի աշխատի կերած հացը, թէ հաւասար աշխատանքի հետ անհատը պիտի ունենայ նոյնպէս հաւասար իրաւունք կեանքից օգտուելու, — տարածւում է աւելի եւ աւելի : Դեմոկրատիայի յաղթութիւնը այնպիսի հսկայական քայլերով է առաջ գնում, որ շատ ժամանակ չանցած հասարակութեան դեկավարող տարրը զանազան առանձնանորհումների տեղ լինելու է աշխատանքը, իբրեւ ընդհանուր բարօրութեան միակ միջոց :

«Ա. Ահա այս է պատճառը, որ հայ յեղափոխականները, միշտ դէմ լինելով որեւէ առանձնանորհումների, կը զարգացնեն ու կ'ընդարձակեն դարերի ընթացքում հայութեան մէջ տեղի ունեցած ու խորը արմատ ձգած ընտրողական սկզբունքը : Ապագայ ազատ Հայաստանում իշխող ռամկավարական-սահմանադրութիւնը, ծառայելով ընդհանրութեան շահերին, պիտի հաստատուած լինի ամէն հասակաւոր բնակիչի հաւասար ընտրողական իրաւունքի վրայ, առանց որեւէ ցենզի . իսկ այդ շահերը իրականացնելու պաշտպանելու համար, ընտրողական սկզբունքը կառա-



վարական բովանդակ գործողութիւններից սկսած դէպի առաւել նեղ դաւառականը ու համայնականը պիտի ստանայ առաւելագոյն լայն ծաւալ :

«Այսպիսի սահմանադրութեան վերայ հիմնուած կառավարութիւնը, անշուշտ, կը հաստատէ .

«1. — Անձի եւ կայքի ազահովութիւն ամենախիստ միջոցներով :

«2. — Տարբեր ազգութիւնների ու դաւանութիւնների հաւասարութիւնը օրէնքի առաջ :

«3. — Ազատութիւն խօսքի, մամուլի եւ այլ՝ ռամկավարական երկրներում ընդունուած արածնութիւնների :

«Բ. Նոյնքան մեծ, եթէ ոչ աւելի, նշանակութիւն ունի հայութեան վերածնման համար դիւղացու ազատութիւնը ներկայ աղքատ դրութիւնից : Որպէսզի ժողովուրդը ոչ միայն խօսքով, այլ եւ իրականապէս օգտուի ձեռք բերած ազատութիւնից, որպէսզի նա մինչեւ անգամ կարողանայ սահպանել իր ազատութիւնը եւ ոչ թէ շուտով կրկին զրկուի դրանից, հենց առաջին քայլերում ժողովրդի ներկայ թշուառ դրութեանը օգնելու համար մենք անհրաժեշտ ենք համարուք .

«1. — Տալ շունեցողին հող եւ համաձայն դարերից ի վեր դոյութիւն ունեցող նոյն իսկ տաճկական սովորական ու դրական օրէնքի իմաստին որոշ կերպով ապահովել մշակողին հողից օգտուելու կարելիութիւնը :

«2. — Ամէն տեսակ տուրքերի ենթարկուող բոլոր դնահատուժը պիտի կատարուի առանց ցենդի ընտրուած շինական եւ թաղական ժողովներում, որոնք պէտք է առաջնորդուին հայութեան մէջ խորը խրամատ ձգած եւ եւրոպական յառաջադիմող հարկահանութիւնց չի տարբերուող «կարողութեան» «համբայական» սկզբունքով :

«3. — Ոչնչացնել զինուորական տուրքը՝ հաստատելով տեղի եւ ժամանակի պահանջներին համաձայն զինուորադրութիւն :

«Գ. Հայաստանը յառաջադիմութեան ճանապարհի վրայ գնելու համար անհրաժեշտ են նաեւ .

«1. — Ամէն կերպ նպաստել ժողովրդի զարգացման ու ուսմանը :

«2. — Զարգացնել ժողովրդի արդիւնաբերութիւնը, մտցնել վերջինին մէջ նոր ձեւեր, լայնացնել արտահանման միջոցներ եւ այլն :

«3. — Ոյժ տալ դիւղացու համայնական սկզբունքներին՝ զարգացնելով այն ընկերական հիմնարկութիւններն ու ձեւերը, որոնք



ծագել են Հայաստանի հողի վրայ, տեղական ու պատմական հանգամանքների ազդեցութեան տակ, լայնացնել այդ հիմնարկութիւնների սահմանը գիւղից, թաղից սկսած մինչեւ գաւառը, մինչեւ ամբողջ տէրութիւնը եւ այսպիսով միանգամայն ապահովել համայնքի ամէն մի անդամին բնութեան եւ ընթացիկ կեանքի պատահական հարուածներէց» :

Եթէ համեմատելու լինենք այս յօդուածում արծարծուած մտքերն ու գործնական առաջադրութիւնները Դաշնակցութեան առաջին ծրագրի հետ, պիտի տեսնենք, որ ծրագրի գրեթէ բոլոր հիմնական սկզբունքներն ու կէտերը ներկայացուած են այստեղ : Եւ զարմանալի էլ չէ բնաւ, որովհետեւ միեւնոյն մարդիկ են եղել եւ ծրագրի գլխաւոր հեղինակները :

«Դրօշակ»-ի թիւ 5 եւ 6-ում (1893 Նոյեմբեր, 1894 Յունուար) Զաւարեանը եւ Քրիստափորը հրատարակում են «Այբ ու Բեն» վերնագրով երկու խմբագրական յօդուածներ, որոնց մէջ սկսում են (բայց չեն վերջացնում) պարզել «հասարակական խնդիրների» այբ ու բենը, որով, դժբախտաբար, մեղանում քիչ են հետաքրքրում : «Այո՛, յեղափոխական այբուբենը գտնուած, ընդունուած չէ մեր զանազան գործիչների կողմից», որոնք կարծում են, թէ «հայր եւ Հայաստանը մի բացառութիւն են, որ դուրս պիտի համարուին համամարդկային ընդհանուր օրէնքների ազդեցութիւնից : Հայ-յեղափոխականը չի ուզում որեւէ աւրնչութիւն ունենալ մարդկային պատմութեան հետ» :

«Որո՞նք են հասարակական այբուբենի տարրերը :

Առաջին տառը ազատութիւնն է, «Հայ ժողովուրդը ազատութիւն է ուզում, — այս ամենքի համար պարզ է. եւ այս խօսքը միակ տառն է, միակ այբն է, որի անհրաժեշտութիւնն ընդհանուրի կողմից ընդունուած պէտք է համարել» :

«Բայց ի՞նչ է նշանակում ազատութիւն. ի՞նչ է հասկանում մեր ժողովուրդը ազատութիւն բառը արտասանելիս :

«Շատերը կասեն. քաղաքական ազատութիւն, ազգային անկախութիւն, հայկական կառավարութիւն տանկականի տեղ» :

Սակայն, այս պայմանը «բովանդակում է արդեօք իր մէջ ժողովրդի բոլոր իղձերը, գաղափարները, նրա բոլոր պահանջներն ազատ գրութիւնից : Ազատութեան ձգտելով արդեօք մեր ժողովուրդն ուզում է միմիայն իր ազգային ինքնասիրութեամբ բաւականութիւն տալ, թէ այդ գրութեան հետ, անշուշտ, կապում է առհասարակ իր կեցութեան ընդհանուր բարեփոխութիւնը» :

Հարկաւ, վերջինը, «Մենք չենք հերքում առաջին մտաւի նշանակութիւնը, բայց հակառակ ենք այն հայեացքներին, որոնք



Ժողովրդի դրուժեան բարեփոխումն անպայման կապում են միմիայն նրա անկախութեան հետ, համարելով այդ բարեփոխումը ինքն ըստ ինքեան հասկանալի, բնական, անհրաժեշտ հետեւանք անկախութեան» : Մեր ժողովուրդն էլ «ազատութիւն է կամենում ոչ թէ լոկ ազգային ինքնասիրութիւնից դրդուած, այլ գլխաւորապէս իր առօրեայ կեանքը մաշող, ճնշող հանդամանքների ազդեցութեան ներքոյ» :

«Սօսեցրէ՛ք Հեքքեարիի, Մանազկերտի, Սասնոյ մի մասի հային, որը յայտնի է իր տեղում Փլահ (ստրուկ) անուան տակ : Դա պատկանում է այս կամ այն քիւրտ աղային, որը հարստահարում է նրան ուղածին պէս, ծախում է նրան ուրիշին 10-20-30 լիրայով եւ միեւնոյն ժամանակ հովանաւորում է հայ վաշխառուի եւ միւս քիւրտ աղաների դէմ, այդ հայը, որ տարին մի երկու անգամ հազիւ է տեսնում տէրութեան պաշտօնեայ, դժուար թէ հետաքրքրուի հայկական օրէնսդիր ժողովով կամ ազգային ազատ մամուլով . նրա համար, ի հարկէ, աւելի բնական է ազատութեան տակ հասկանալ Փլահի դրութիւնից դուրս գալը, Ֆէդուալ բէգի կամայականութիւնից անկախ լինելը եւ այլն» :

Նոյնը եւ կարնոյ դաշտի, Փոքր Հայաստանի, Վասպուրահանի ժողովուրդը, որին ճնշում է «հարկերի չափազանց ծանրութիւնը եւ վաշխառուների կողոպտումները՝ վարչական կազմակերպութեան փտածութեան հետ միասին : Հարկային բարեփոխումները, հողի եւ նրանից ստացուած արդիւնքների ապահովութիւնը զանազան էֆէնդիների ճանկերից, — ահա այն պայմանները, որ առաջնակարգ տեղ են բռնում այս հայերի կեանքում» :

Իսկ «Ալաշկերտի հայը իր չքաւորութեան մէջ, ազատութիւնից աւելի կ'ուզենար խաղաղ դրացի : Թէ որքան նշանաւոր է նրա համար այս պայմանը, այդ պարզ է նրանից, որ գիտնալով հանդերձ, որ ազգ. անկախութիւնը Ռուսաստանի սահմաններում հայերի համար կատարեալ ցնորք է . գիտնալով, որ ազգային ինքնասիրութիւնը պահանջում է հաստատ լինել իր ազգային կրօնին, այսուամենայնիւ իւր անհանդիստ դրացիից — քրդից — ազատուելու համար՝ նա այսօր պատրաստ է ամբողջ զաւառներով Ռուսաստան դադթել եւ, եթէ պահանջուի, նաեւ ուսադաւանութիւն ընդունել» :

«Վերջապէս, խօսեցրէ՛ք հայ գիւղացուն, հայ արհեստաւորին, վաճառականին կամ հայ ինտելիգենտին, ընդհանուր եզրակացութիւնը բոլոր լսածներից կը լինի՝ ազատութիւն ցանկալով՝ հայ ժողովուրդը ձգտում է այնպիսի դրութեան, որ ազատուած լինի ինչպէս մահմեդականներից հալածուողի իր անարգ դրութիւնից, ինչպէս օրէնքի առաջ եղած անհաւասարութիւնից, նոյն



պէս եւ հարկերի ծանրութիւնից, քրդերի եւ պաշտօնեաների յափշտակութիւններէից, բէգերի եւ վաշխառուների իշխանութիւնից, հողին վերաբերեալ զեղծումներից, իր յուսահատ չքաւորութիւնից, իր աստանդական մուրացկանի դրութիւնից եւ այլն» :

Եւ հարց է առաջ գալիս . «Ի՞նչ կարգեր կարող են ապահովել այդ պահանջները» :

Գծբախտաբար, այս հարցի պատասխանը ուղղակի չի տրբուած : Հ . Յ . Գ . Գիււանի մնացած դրագրութիւններից երեւում է, որ Քրիստափորը պատրաստելիս է եղել այդ հարցի մասին մի յօդուած, բայց հանդամանքները թոյլ չեն տուել լրացնելու : «Այբ ու Բեն»-ի երկրորդ մասը («Դրօշակ», թիւ 6.) նուիրուած է Մ . Փորթուզալեանի «Արմենիա»-յի քննադատութեան :

«Արմենիա»-ն, «ինչպէս ինքը վաղուց յայտարարել է, դադարել է յեղափոխական կազմակերպութեան, յեղափոխական կենդանի գործի օրգան լինելուց, որն այժմ դրադուած է աւելի փոզի եւ ուրիշ տեսակ վիճակախաղեր կազմելով իր բաժանորդների համար», — «հանդերձ իր յեղափոխական երեմիականներով, այդ թերթը հասել է բարոյական մահուան, իր նիւթականն ապահովելու միակ եւ քշուառ խնդրին : Առաջ նա «Հայրենասիրաց Միութեան» օրգանն էր . «Արմենիա»-յի համար առաջնակարգ տեղ էին բռնում Թիւրքիայում տիրող վարչական-քաղաքական քերութիւնները : Վերացնել այդ թերութիւնները, եւ հայի լացը բախտաւոր ժպտի, հայի թշուառ կենցաղը կատարեալ անդորրութեան պիտի վերափոխուին» :

Բայց «վարչական բարեփոխումներ» պահանջն էլ յայտնի չէ, թէ ի՞նչ է նշանակում : «Ենթադրենք, թէ դիւթական մի շարքուածքով Թիւրքիայում իրականացաւ ներկայ ժամանակներին համար առաջնակարգ մի եւրոպական վարչական դրութիւն, ի՞նչ կը լինենք մենք դատած դրանով : Ի հարկէ, շատ բան, բայց ոչ այն բոլորը, ինչ հարկաւոր է ժողովրդին, ոչ այն դրութիւնը, որի անուկով միայն մենք ձեռներս սրտներին վրայ դրած, առանց մեր խզճի առաջ ամաչելու, կարող լինէինք բարձրաճայն գոչել ժողովրդին, «Հա՛յ ժողովուրդ, ոտ դիր յեղափոխութեան դժոխային ուղին, կուռի՛ր, մեռի՛ր, զոհի՛ր որդիքդ ու ունեցածդ, եւ երբ կը ստանաս այդ վարչական դրութիւնը, դու բախտաւոր կը լինես անպատճառ» . . .

Ապա բերում են մի շարք օրինակներ : Այսպէս . —

«Պարսիկ գիւղացին անկախ է, իր երկրում նա քաղաքականապէս իշխող է, բայց ապահով է նրա կացութիւնը, ազա՞տ է



նա. — ո՛չ, նա ստրուկ է եւ ազօտ: Ռուսմանիան ազատ է. նրա քաղաքական կարգերն առնուած են նոր սահմանադրական մողեւներէց, բայց ի՞նչ է նրա գիւղացու դրութիւնը, եթէ ոչ կատարեալ ճորտութիւն. բոլոր աշխատաւոր, բայց մեծ մասամբ անհող գիւղացիք իրականապէս պատկանում են մի քանի հազար հողատէր ազնուականների: Իտալական ժողովուրդը, որ դեռ երեկ թոթափեց իր վրայից Աւստրիայի լուծը եւ ձեռք բերեց քաղաքական ազատութիւն, ներկայումս հեծում է դառն աղքատութեան տակ: Եւ Սիցիլիան, այն Սիցիլիան, որ իտալական ապստամբութեան յենարանն էր կազմում, որ համարձակ բարձրացրեց ապստամբութեան դրօշակն օտար կառավարութեն դէմ, հենց այս բոպէլիս գէնքը ձեռքին կուում է իր սեփականի, իր արիւնով ստեղծուած կառավարութեան դէմ»... Նոյնը նաեւ Ռուսաստանում եւ շատ ուրիշ երկրներում. «Եւրոպան իր քաղաքական կազմակերպութիւններով այսօր բարձր է ուրիշ երկրներից», բայց «այդ կազմակերպութիւններն անկարող են ապահովել ժողովրդի բարեկեցութիւնը եւ, հետեւաբար իրենց տիպով դեռ շատ եւ շատ ստոր պիտի համարուին»:

Այստեղից պարզ հետեւում է, որ միայն վարչական բարեփոխութիւնները կամ երկրի անկախութիւնը բաւական չեն, որպէսզի մեր ժողովուրդը անկախ համարուի եւ անկաշկանդ զարգանայ. քաղաքական ազատութեան հետ միասին անհրաժեշտ է եւ տնտեսական ազատութիւն, հողից օգտուելու եւ աշխատանքի իրաւունք:

«Այր ու Բեն»-ի շարունակութիւնը գրել է Ռոստոմը («Դրօշակ» թիւ 7, 1894, Մարտ)՝ նիւթ ունենալով Հնչակեան կուսակցութիւնը եւ նրա պաշտօնաթերթ «Հնչակ»-ը:

«Հնչակեան խումբը, գրում է Ռոստոմը, ասպարէզ դուրս եկաւ իբր սոցիալիստ-յեղափոխական: Նա հենց սկզբից յայտարարեց, որ ինքը չի բաւականանալու միայն ռամկավարական ազգային անկախութեամբ, այլ նրա նպատին է սոցիալիզմը: Բայց թէ ի՞նչ բան է սոցիալիզմը, ինչպէ՞ս կարող է նա իրականանալ, դրա մասին չէր կարելի ոչ մի որոշ գաղափար կազմել «Հնչակ»-ի տուած յօդուածներից, չէր կարելի, որովհետեւ հենց ինքը, «Հնչակ»-ի խմբագրութիւնը, որոշ գաղափար չունէր նրա մասին եւ չունի մինչեւ այսօր էլ:

«Հայկացիների քառս, խառնաշփոթութիւն եւ ինքնուրոյնութեան կատարեալ բացակայութիւն — ահա թէ ինչ կարելի է նկատել «Հնչակ»-ի տեսական հայկացիների մէջ»: Այդ քառսը մնում է եւ այժմ, 7 տարուայ դոյութիւնից յետոյ էլ:



«Հնչակ»-ը առաջ իրեն հրատարակեց սոցիալիստ-յեղափոխական. վերջերումս աւելացրել է եւ երկու ուրիշ կոչումներ. մարքսիստ եւ սոցիալ-դեմոկրատ, բայց դրանից դրուժիւնը բնաւ չփոխուեց:

«Հնչակ»-ը մի ժամանակ վճռականապէս պնդում էր, որ հայկական ուրոյն պայմաններում հայ ժողովուրդը կարող է խուսափել դրամատիրութեան չարիքներից, կրկնում էր նարոգնիկների տեսակէտը թէ՛ սոցիալիզմ պէտք է հաստատել գիւղի համայնական դրութեան վրայ, իսկ այժմ պնդում է, որ դրամատիրութեան մուտքը Հայաստան անխուսափելի է, հայ ժողովուրդը պիտի անցնի դրամատիրութեան բովով, հայ աշխատաւորը անխուսափելիօրէն պիտի դառնայ բանուոր — եւ սրանից բխող մարքսիստական բոլոր հետեւանքները»:

Ռոստոմը կծու խօսքերով ծաղրում է Հնչակեաններին, հեղինակ է, բռնում նրանց հակասութիւնների մէջ. «ինչո՞ւ համար էք ձեր փայտէ դրչով Կ. Մարքսի մեծ անունը մրտաւում»:

«Այր ու Բեն»-ի յաջորդ յօդուածում «Դրօշակ», թիւ 8, 1884, Մայիս) Ռոստոմը շատ սուր, սպանիչ քննադատութեան ե ենթարկում «Հնչակ»-ի սոցիալիզմն ու դասակարգային ըմբռնումները: «Հնչակ»-ը, դրում է նա, իր կուռակցութեան նպատակը ներկայացնում է այսպէս. —

«Բացադրել աշխատաւոր ընդհանրութեանն իր պատմական դերը, իր սոցիալական-քաղաքական խնդիրներն ու շահերը, զարգացնել նրա դասակարգային դիտակցութիւնը, լուսաբանել ու որոշել նրան իր քաղաքական իւրաքանչիւր պահանջը եւ այսպիսով դարձնել կողմնակից նրան իր շահերի համապատասխան յեղափոխութեան, պատրաստել նրա այդ անելիք յեղափոխութիւնը եւ պրոպագանդայի ու ագիտացիայի հետ միաժամանակ համախմբել ու կազմակերպել նրա ուժերը մէկ ընդհանուր կազմակերպութեան մէջ ընդհանուր յեղափոխութեան համար — ահա հայ սոցիալիստի, հայ յեղափոխականի բռնելիք ընթացքն ու աշխատութիւնները»: Հայ սոցիալիստները «կազմակերպում են ապագայի դիմադրական կուսակցութիւնը», եւ «աշխատաւոր ընդհանրութիւն» ասելով «Հնչակ»-ը հասկանում է միայն բանուոր, պրոլետար դասակարգը:

Ի պատասխան այս բացադրութեան «Դրօշակ»-ը հարց է տալիս. «իսկ ի՞նչ դիրք պէտք է բռնի հայ սոցիալիստը, իբրեւ սոցիալիստ, դէպի ներկայումս դոյութիւն ուեցող աշխատաւոր ընդհանրութեան ամենաէական մասը, դէպի գիւղական դասակարգը: Սոցիալիստական զէնքը դրա ձեռքն է՞լ պէտք է տալ, թէ միմիայն սաղմի ձեռքը»:



«Հնչակ»-ը այս հարցին պատասխան չունի, որովհետեւ նա կորցրել է գլուխը մարքսիստական լարիւրինթոսի մէջ: Երէկ նա գիտէր, որովհետեւ իր գոյութեան սկզբի շրջանում ձգտում էր ընկերավարութիւնը Հայաստանում հաստատել գիւղական համայնքի հիման վրայ, իսկ այժմ կրկնում է ռուս մարքսիստների խօսքերը թէ «գիւղացի ժողովուրդը իր տնտեսական տարբեր պայմանների շնորհիւ ընդունակ չէ իւրացնելու սոցիալիզմի զաղափարները»:

«Դրօշակ»-ը հարց է տալիս. բայց ի՞նչ անել, երբ Հայաստանում բանուոր գոյութիւն չունի, երբ Հայաստանի ժողովրդի ճնշիչ մեծամասնութիւնը «գիւղացի ժողովուրդն» է, ինչպէ՞ս մղել Հայաստանում դասակարգային պայքար, ինչպէ՞ս, ի՞նչ տարրից կազմակերպել «ապագայի դիմադրական կուսակցութիւն»: Ու վերլուծելով հայ իրականութեան պայմանները, ցոյց է տալիս, թէ որքան անհեթեթ են «Հնչակ»-ի տեսակէտները:

— «Հնչակ»ը միշտ կրկնում է, թէ հայութիւնը բաժանուում է երկու դասակարգի՝ հայ պրոլետարիատի, հայ բուրժուա դասակարգի, որ հայ գիւղացին թողնում է հողը եւ գնում է արդիւնաբերական քաղաքները եւ դառնում «վարձկան բանուոր» եւ այլն: Ի՞նչ նշանակութիւն ունին այստեղ ամէն մի քայլափոխում կրկնուող հայութիւն, հայ բանուոր, հայ բուրժուա խօսքերը, ի՞նչ արժէք ունին դրանք սոցիալիստի համար. եթէ հայ գիւղացին թողնում է հողը, եթէ հայ դարբինը թողնում է իր մուրճը, նա չի մնում իր մայրենի երկրում, նա գաղթում է օտար երկրներ, գնում է Պոլիս, Ռուսաստան, Յունաստան, Ռումանիա, Ամերիկա, Աւստրալիա . . . եւ այնտեղ միայն, Հայաստանից դուրս, նա կարողանում է դառնալ «վարձկան բանուոր»: Վերագարծաւ իր երկիրը՝ նա գաղարում է բանուոր լինելուց, նա նոյն հողագործն է, նոյն արհեստաւորը: Եւ եթէ նա կարող է «դիմադրական կուսակցութիւն» կազմել, դա այն երկրներում կարող է անել, որտեղ ինքը բանուոր է: Իսկ թէ ի՞նչպէս Ամերիկայի, Յունաստանի, մինչեւ իսկ Պոլսի բանուորներից «Հնչակ»-ը պէտք է «ապագայի դիմադրական կուսակցութիւն» ստեղծի Հայաստանի համար, այդ միայն Աստուած գիտէ»:

«Կրկնում ենք, այստեղ ուշադրութեան պէտք է առնել ոչ թէ հայը, հայութիւնը, հայ բանուորը, հայ բուրժուան, այլ այն երկիրը, որի համար ձգտում կայ քաղաքական ազատութիւն ձեռք բերել. ուշադրութեան պէտք է առնել նոյն երկրի տնտեսական պայմանները, նրա մէջ գոյութիւն ունեցող բուրժուային, բան-



ուորին, լինին դոքա հայ, թիւրք, նասրանի, այդ փոյթ չէ սոցիալիստի համար»:

Հայեացքների տարբերութիւնը ակներեւ է: Ակներեւ է նաեւ այն, որ մինչ «Հնչակ»-ը խարխափում է վերացականութեան ոլորտներում, «Դրօշակ»-ը ամուր կանգնած է հայ իրականութեան հողի վրայ, մեկնում է կեանքից եւ ոչ թէ բնազանցական տեսութիւնից:

Այսպէս դոյութիւն ունեցող քաղաքական հոսանքների գաղափարները վերլուծելուց ու մերժելուց յետոյ, «Դրօշակ»-ը ասում է եւ իր դրական խօսքը, ձեւակերպում է իր նպատակներն ու դործելակերպը: Եւ այս նպատակով, 1894 թ. Օգոստոս եւ Սեպտեմբեր (թիւ 10 եւ 11) համարներում, առաջնորդողի փոխարէն «Մեր ծրագիրը» վերնազրով հրատարակում է Հ. Յ. Դաշնակցութեան ծրագիրը՝ կազմուած 1892 թ. ամառը, Ընդհանուր Ժողովում:

Այդ ծրագրի ներածական մասը գրել էր, Ընդհ. Ժողովից յետոյ, Ռոստոմը, եւ առանց Ընդհ. Ժողովի քննութեան բովից անցնելու՝ կցուել էր ծրագրին՝ յաջորդ՝ երկրորդ Ընդհ. Ժողովից վաւերացնելու պայմանով:

Ծրագրի հրատարակութեամբ լրանում է «Դրօշակ»-ի սկզբունքային-գաղափարաբանական պարզաբանութիւնների աշխատանքը: Ծրագրում յստակ կերպով ներկայացուած էին բոլոր այն սկզբունքները, որոնց վրայ հաստատուում էին Հ. Յ. Դաշնակցութեան ընկերային փիլիսոփայութիւնը, քաղաքական ու տնտեսական պահանջները եւ կազմակերպական ձեւի ու դործելակերպի հիմքերը: Մի քանի խօսք էլ պէտք է ասել Հ. Յ. Դաշնակցութեան կազմակերպական դրութեան մասին:

Ինչպէս յայտնի է, Հիմնադիր Ժողովներում որդեգրուել էր կենտրոնացման սկզբունքը: Մեզ յայտնի չէ, թէ այդ ժողովներում ինչ մտքեր են արծարծուել հիմնուելիք կուսակցութեան կազմակերպական ձեւի մասին, բայց կարելի է ենթադրել, որ այդ հարցի շուրջ էլ սուր վէճեր են տեղի ունեցել: Ս. Զաւարեանը, օրինակ, որ ժողովներում մեծ դեր է կատարել, համոզուած ջատագով էր ապակենտրոնացման:

Կենտրոնական վարչութեան երկու տարուայ փորձը դործնական կերպով ցոյց տուեց, որ կենտրոնացումը նպատակայարմար չէ մեր իրականութեան համար: Եւ 1892 թ. Ապրիլին, Յոնան Դաւթեանը, Տիգրան Օքոնեանը եւ ուրիշներ, մի թուղիկով Ընդհ. Ժողովի պահանջը ներկայացնելով, առանձնապէս կանդ են առնում ապակենտրոնացման սկզբունքը իւրացնելու անհրաժեշտութեան վրայ: Յայտնի է, որ առաջին Ընդհանուր Ժողովում



Չաւարեանը եւ Յ. Դաւթեանը բուռն կերպով պաշտպանել են այդ սկզբունքը, եւ Ընդհ. Ժողովի ընդունած կազմակերպական կանոնները, դիտաւորապէս, նրանց մտքի պտուղն են: Հ. Յ. Դ. Կենտր. Դիւանում պահուած հատուկտոր տեղեկութիւններէց երեւում է, որ Չաւարեանը մեծ ջանք է թափել Հ. Յ. Դաշնակցութեան կազմակերպութիւնը տպակենտրոնացման դրութեան վրայ հաստատելու համար:

Աւելացնենք նաեւ, որ թէ՛ ապակենտրոնացման սկզբունքը եւ թէ՛ կուսակցութեան Դաշնակցութիւն անունը քաղաքական նշանակութեամբ չեն առնուած, այլ զուտ կազմակերպական իմաստով: Դաշնակցութիւն անունը խորհրդանշում էր գոյութիւն ունեցող յեղափոխական խմբերի միութիւն: Բայց քաղաքական առումով էլ դաշնակցութիւնը — (Ֆէդէրացիա) — խորթ չէր կուսակցութեան հիմնադիրներին: Թրքահայաստանի ինքնավարութեան պահանջը, սաղմնային վիճակում, իրօք, դաշնակցային սկզբունքից էր բխում: Աստիճանաբար այդ ուղղութեամբ էլ զարգացաւ Դաշնակցութեան քաղաքական մտածողութիւնը՝ յանդէսով Օսմանեան պետութեան եւ Ռուսաստանի դաշնակցային կազմակերպութեան պահանջին: Եւ վերջը՝ անկախութեան:

Այս ամենի վրայ եթէ աւելացնենք եւ անդրանիկ ծրագիրը, դրանով կը լրանայ Հ. Յ. Դաշնակցութեան առաջին շրջանի դադափարական բիւրեղացումը: Դաշնակցութիւնը այլեւս աշխարհահայեացքով, ընկերային-քաղաքական սկզբունքներով, կազմակերպական ձեւով ու գործելակերպով յստակ կերպով ձեւաւորուած, ինքնուրոյն եւ որոշ ղեկագծի տէր կուսակցութիւն էր, որ հաստատուն քայլերով մուտք էր գործում հայ կեանքի ասպարէզը՝ իրեն վերապահուած պատմական մեծ առաքելութիւնը կատարելու վճռական կամքով:



## 2. 3. 7. ԳԱՂԱՓԱՐԱԲԱՆՈՒԹԻՒՆԸ

(ԴԱՇՆԱԿՑՈՒԹԵԱՆ. 60-ԱՄԵԱԿԻ ԱՌԻԹՈՎ)

Գրեց՝ Վ. ՆԱԽԱՍԱՐԴԵԱՆ

### I

#### ՄԻ ՔԱՆԻ ԼՈՒՍԱԲԱՆՈՒԹԻՒՆՆԵՐ

Քաղաքական կուսակցութիւնները սովորաբար աշխարհ են գալիս՝ կանխապէս մշակելով ու հրապարակելով իրենց Ծրագիրն ու կանոնագիրը եւ ապա, ըստ այս զոյգ կուսանների, ստեղծելով իրենց կազմակերպութիւնը:

Հիմնովին տարբեր ձեւով աշխարհ եկաւ Հ. Դ. Դաշնակցութիւնը:

Դաշնակցութիւն չկար տակաւին, երբ Դաշնակցականներ կային արդէն:

Ծրագիր ու կանոնագիր չունէինք տակաւին, մինչ կուսակցութիւն կար արդէն եւ իր կազմը գործում էր թէ՛ հայրենի երկրում եւ թէ՛ նրանից դուրս:

Որոշակի անուն չունէինք, մինչ պաշտօնական օրգան էինք հրատարակում եւ ամէնքը ճանաչում էին մեզ:

Այսպէս էր Դաշնակցութեան բովանդակ կեանքը. իր ծնունդը, անունը, դաւանանքը, կազմակերպական ուրոյն ձեւը, դրօշը, կնիքը, զինանշանը, օրգանը, Գերագոյն Ժողովներն ու ՎարչաՄարմինները, — այս ամէնը լի են ուշադրաւ եւ անիմանալի պատմութիւններով:

Ստոյգ է միայն մէկ բան:



Դաշնակցութիւնը ԳՈՐԾԻՑ ծնաւ, ձեւաւորուեց ԳՈՐԾԻ մէջ եւ եղաւ ու մնաց գերազանցաբար ԳՈՐԾԻ Կուսակցութիւն:

Իր ինքնատուութիւնն ու ազգային նկարագիրը ամենէն առաջ արտայայտուեց ա՛յս կէտի մէջ:

Ռուս յեղափոխական աշխարհը, որի հզօր կնիքը կայ Դաշնակցութեան վրայ, մոլեռանդ սիրահարը մնաց Խօսի, մինչ Դաշնակցութիւնը՝ Գործի:

Երկու յուշ միայն՝ այս կարեւորագոյն պարագան առանձնաբար ընդգծած լինելու համար:

«Ժրնեւ էի, ոռւս յեղափոխականների մի ժողովում», — ասաւ մի օր աննման Վարպետը մեր Կուսակցութեան՝ Ռոստոմը՝ իր իմաստուն եւ հեզնախառն ժպիտը դէմքին. «վէճ կար այն մասին, թէ ահաբեկում պէ՞տք է կատարել թէ ոչ. վիճեցին մինչեւ ուշ գիշեր. ես լուռ էի. երբ ժողովը փակուեց՝ երիտասարդներից մի քանի հոգի ինձ միացան՝ մինչեւ տուն ինձ ուղեկցելու համար. սրանք նոյն կրքոտ վէճը շարունակեցին նաեւ ճանապարհին, մինչեւ իմ տունը. ես դարձեալ լուռ էի. երբ մեր տան դուռը հասանք, սրանցից մէկը, որ նոր նշմարած էր իմ լռութիւնը, յանկարծ դարձաւ ու ասաւ.

«— Ընկ. Ռոստոմ, դուք լուռ մնացիք ամբողջ ժամանակ, մենք ձեզ չլսեցինք. հետաքրքրական է դիտնալ նաեւ ձե՛ր կարծիքը. պատմա֊փիլիսոփայօրէն ու քաղաքականապէս ահաբեկումը ձեզ համար անդառնալիօրէն ճշտուած սկզբնէնք է արդեօք»:

«Այս հարցնողը, — նկատեց Ռոստոմը, — ճանաչում էր մեզ եւ մեծ կարծիք ունէր Դաշնակցութեան մասին: Ես դարձայ եւ ասի. — «Եթէ Դաշնակցութիւնը այդքան խօսի՝ նա գործ չի կատարի»: Եւ ընդհանուր ծիծաղի մէջ մենք բաժանուեցինք իրարից»:

Միւս յուշը դարձեալ կապուած է իր անուան:

Որքան յիշում եմ՝ 1907-ին էր. մի քանի օրով հիւր էր Բազում՝ այնտեղից Վիեննա՝ Ընդհ. ժողովին մեկնելու համար: Օգտուելով առիթից՝ ընկերները խնդրեցին, որ մեր անդուգական մարտավարը մի զրոյց ունենայ մեզ հետ Դաշնակցութեան գործելակերպի մասին: Հաւաքոյթը տեղի ունեցաւ Բազուի ծանօթ ընկերներից բժ. Գր. Սաղեանի բնակարանում: Ռոստոմը, միշտ նոյն հեզնախառն եւ իմաստուն ժպիտը դէմքին, իր զրոյցը բացաւ հետեւեալ նախադասութեամբ.

— «Այնքան շատ գործով տարուեցիմք, որ խօսելի իսկ մտազանգ»:

Այս երկու դէպքը պատմեցինք լոկ ասելու համար, որ դիւ-



րին չէ գծել ծնունդն ու կեանքը Դաշնակցութեան որդեգրած գաղափարաբանութեան :

Այս դժուարին ու երախտաշատ գործը կը կատարեն հետագային՝ աւելի խաղաղ պայմաններէ մէջ եւ շատ աւելի հմուտ ու ձեռնհաս գրիչներ :

Մերը — կարճ խօսք է միայն, Դաշնակցութեան 60-ամեակի առիթով :

Դաշնակցութեան գաղափարաբանութեան պատկերը կարելի է գծել՝ հիմ առնելով հետեւեալ աղբիւրները .

1. — Դաշնակցութեան դաւանագրերը .
2. — Իր «Կանոն»ները .
3. — Ընդհանուր, Ռայոնական Ժողովների եւ Խորհուրդների «Որոշումներ»ը .
4. — Դաշնակցութեան գործերը .
5. — Իր մամուլը .
6. — Գրականութիւնը .
7. — Իր դէմքերը՝ վարիչ թէ խոնարհ .
8. — Սրանցից աւանդ մնացած յուշերը :
9. — Օտար յեղափոխական ուժերի ազդեցութիւնը՝ խօսքով թէ գործով :

Միայն այս աղբիւրները լրիւ սպառելով՝ կարելի կը լինի, ինչպէս ասացինք, գծել ամբողջական պատկերը Դաշնակցութեան գաղափարաբանութեան :

Սպառելով լրիւ, բայց ոչ անջատաբար :

Որովհետեւ բոլոր աղբիւրների գուգահեռ ուսումնասիրութեամբ միայն, այդ աղբիւրները տեւաբար բաղդատելով, ստուգելով ու լրացնելով, թերեւս կարելի դառնայ ճշմարտութեան հասնել :

Առնենք մեր անդրանիկ դաւանագիրը, որ ծանօթ է «Հայ ՅԵՂԱՓՈԽԱԿԱՆ Դաշնակցութեան Ծրագիր» անուան տակ :

Արեւելեան բարբառով հրատարակուած այս Ծրագրի Ա. էջի վրայ հետեւեալ յաւելուածական մատնանշումները կան, — Թիւ 5, ՎԻՅՆՆԱ, Հ. Յ. Դաշնակցութեան ազատ տպարան, 1894 (էջի վրայ «արեւելեան բարբառ»ի մասին խօսք չկայ) :

Արեւմտեան բարբառով հրատարակուած նոյն Ծրագրի Ա. էջի վրայ կան հետեւեալ մատնանշումները, — Թիւ 8, (արեւմտեան



բարբառով), ՎԻԵՆՆԱ, Հ. Յ. Դաշնակցութեան ազատ տպարան\*):

Հականը այստեղ վայրը չէ. գիտենք, որ Ծրագիրը Վիեննա տպուած չէ, ուր մենք որեւէ տպարան չունէինք:

Կարեւորը հետեւեալն է:

«Արեւմտեան բարբառով» հրատարակուածի վրայ դրուած է՝ թիւ 8, մինչ «արեւելեան»ով հրատարակուածի վրայ՝ թիւ 5: Այս նշանակում է, որ «արեւելեան»ը իր հրատարակութեամբ նախորդած է «արեւմտեան»ին: Արդ, ինչո՞ւ «արեւելեան»ի վրայ քուական կայ՝ 1894, մինչ «արեւմտեան»ի վրայ՝ չկայ: Այս հարցումը դառնում է չափազանց հական, երբ նկատի առնենք Ծրագրի («արեւմտեան») Ա. էջի վրայ տպուած նորաստեղծ Կուսակցութեան լրիւ անունը, — «Հայ Յեղ. Ա. Փ. Ո. Ս. Ա. Կ. Ա. Ն. Դաշնակցութիւն»: 1894-ին որտեղի՞ց եկաւ «Յեղ. Ա. Փ. Ո. Ս. Ա. Կ. Ա. Ն.» բառը, երբ այդ թուականին մենք ոչ թէ «Յեղ. Ա. Փ. Ո. Ս. Ա. Կ. Ա. Ն. Դաշնակցութիւն» էինք, այլ «Յեղ. Ա. Փ. Ո. Ս. Ա. Կ. Ա. Ն. Ե. Ր. Ի. Դաշնակցութիւն»:

Մի քիչ կանգ առնենք այս «մանրամասնութեան» վրայ:

Ինչպէս ասացինք, «Դաշնակցական»ներ (հայ յեղափոխականներ) կային՝ տակաւին Դաշնակցութիւնը չծնած: Այս յեղափոխական խմբերն ու միութիւնները իրենց Սահմանադիր ժողովը գումարեցին թիֆլիս, 1890-ի ամբան: Իր անդրանիկ «Մանիֆեստ»-թուղթիկով (լոյս տեսած հաւանաբար 1890-ի Սեպտ. ին) նորաստեղծ Կազմակերպութիւնը յայտարարում էր.

«Հայ Յեղ. Ա. Փ. Ո. Ս. Ա. Կ. Ա. Ն. Ե. Ր. Ի. Դաշնակցութիւնը, քէն նոր է հանդէս գալիս իբրեւ կազմակերպութիւն, բայց նա վաղուց գործող խմբերի միութիւնն է, խմբերի, որոնք նոյնիման հայ ժողովուրդի ձգտումների ծնունդ են: Դաշնակցութիւնը ձգտելու է միացնել բոլոր ուժերը, կապելով իր հետ բոլոր կենտրոնները՝ նրպատակ դնելով Թուրքաց-Հայաստանի քաղաքական եւ տնտեսական ազատութիւնը»:

\*) «Արեւմտեան» բարբառով հրատարակուած Ծրագրի վերջին էջի վրայ կայ այս 8 հրատարակութեանց ցանկը, մինչ «արեւելեան»ի վրայ՝ չկայ. առ ի հետաքրքրութիւն տանք այդ ցանկը, — 1) Ապստամբական Ոգի, 2) Յեղափոխական Կեանքից, 3) Գաղտնի Տպարան, 4) Գիտական Սոցիալիզմ (Ֆր. էնգելս), 5) Հայ Յեղ. Դաշնակցութեան Ծրագիր («Յեղ.»ը այստեղ... սրգուած է. — Վ. Ն.), 6) Կուկուրնեանի Խմբի Արշաւանքը, 7) Կարնոյ Յիշատակին (կոտորածից առաջ, Կարնոյ կոտորածը, Յովհաննէս Կորկոտեան եւ Զինագործ քահանայ), 8) Հայ Յեղ. Դաշնակցութեան Ծրագիր, արեւմտեան բարբառով («Յեղ.»ը... նորէն սղուած. — Վ. Ն.):



Այս «Մանիֆեստ»ից շուրջ 8-9 ամիս յետոյ՝ 1891-ի Մայիսին՝ լոյս տեսաւ նորածին Կազմակերպութեան պաշտօնական օրգանը՝ «Դօշակ»ը, որի Ա. Էջի վրայ, ճիշտ անուան տակը, հետեւեալը կայ, — «Հայ ՅեղԱՓՈՒՍԱԿ. Դաշնակցութեան» Օրգան:

«Յեղափոխակ.» բառ չկայ. ՍՂԱԿԷՏՈՎ յայտաւուած են բուն բառի — ՅեղափոխակԱՆՆԵՐԻ — վերջին երեք վանկերը:

Այսպէս շարունակուեց մինչեւ «Դօշակ»ի 1897 Յունուար 5-ի թիւը. միայն այդ թուականից այս կողմ, 1897 Փետրուարից սկսելով, խորհրդաւոր սղակէտը չկայ. այդ «աննշան» կէտի վերացումով մենք աննկատ դարձանք... «Հայ ՅեղԱՓՈՒՍԱԿԱՆ Դաշնակցութիւն»:

Եւ այսպէս — ոչ միայն «Դօշակ»-ի մէջ:

Տարիներ շարունակ, տարբեր վայրերում ու տարբեր ժողովների մէջ (առէք 1896-ի Կովկասեան Ռայոնական ժողովը), մենք յամառում ենք յորջորջուել «Հայ ՅեղափոխակԱՆՆԵՐԻ Դաշնակցութիւն»:

Ու երբ այս է ստոյգ իրողութիւնը, այլեւս ի՞նչպէս ըմբռնել իբրեւ թէ 1894-ին տպագրութեամբ լոյս տեսած Ծրագրի Ա. Էջի վրայ եղած «ՅեղԱՓՈՒՍԱԿԱՆ» բառը (առանց որեւէ սղակէտի ու յայտաւումի):

Կայ շատ աւելի ուշադրաւր:

Մեր անդրանիկ Ծրագիրը 21 էջ ունի «արեւելահայերէն»ով. Ծրագրին անձանօթ են շատ ուշ դործածութեան դրուած «առաւելագոյն» (maximum) եւ «նուազագոյն» (minimum) բառերը. անձանօթ են Ծրագրին նաեւ «ընդհանուր տեսութիւն», «ներածութիւն» եւ այլ այս կարգի բառերը, որոնք նոյնպէս ընտանի դարձան մեզ շատ ուշ թուականի:

Յարդ մեր դիտցածն ու մեր ունեցած տեղեկութիւնները մեր անդրանիկ Ծրագրի մասին մեզ իրաւունք են տալիս — անշուշտ զգուշութեամբ ու վերապահանքներով — վկայելու հետեւեալը.

1.— Հայ Յեղափոխականների Դաշնակցութեան Սահմանադիր ժողովը գումարուեց Թիֆլիս, 1890-ին:

2.— Նորաստեղծ Կազմակերպութեան անդրանիկ Ընդհանուր ժողովը (առանց «Սահմանադիր»ը նկատի առնելու) տեղի ունեցաւ նոյն քաղաքում, 1892-ին:

3.— Իր անդրանիկ Ծրագիրը տպագրութեամբ լոյս տեսաւ 1894-ին (ինչպէս ասացինք... Վիեննա, ազատ տպարան):

Սակայն, 1894-ին լոյս տեսածը՝ 1892-ի ժողովից ընդունուած Ծրագիրը չէ. աւելի որոշ՝ այն չէ՛ իր ամբողջութեամբ մէջ:

Տարաբախտաբար, գրաւոր ու ատենադրական ո՛չ մէկ հետք ո՛չ մեր Սահմանադիրից եւ ոչ էլ անդրանիկ Ընդհանուր ժողովից:



Բարեբախտ դիպուածով Հ. Յ. Դ. Մայր Դիւանում (թ. 1598 թղթածրարի մէջ) մնացած են երեք օրինակ (երկուսը՝ խմորատիպ, իսկ մէկը՝ ձեռագիր ընդօրինակութիւն) այն սեղմ Ծրագրից, որ ընդունած է 1892-ի Ընդհանուր Ժողովը եւ որ հետագային, աննշան փոփոխութիւններով, մաս կազմած է մեր բուն — եւ աւելի ընդարձակ — Ծրագրին (1894-ի) :

Իր ժլատ յուշերի մէջ Ռոստոմը պատմում է, որ 1892-ի Ժողովը «ունէր խորհրդակցական բնաւորութիւն, առաւել՝ մտփերի փոխանակութիւն. այդ պատճառով բոլոր այն հարցերը, որ դրուում էին, ենթարկուում էին վիճաբանութեան մինչեւ այն ժամանակ, երբ բոլորն էլ համաձայնուում էին հարցի այս կամ այն վերջնական ձեւակերպման վրայ. Ո՞ջ ՄԻ ՀԱՐՑ ԶԻ ԵՆԹԱՐԿՈՒԵԼ ՔՈՒԷԱՐԿՈՒԹԵԱՆ (ընդգծուած՝ Ռոստոմից. — Ն.) . բոլորը ընդունուել են միաձայն հաւանութեամբ»\*) :

Այս Ժողովն է ահա, որ «մտքերի փոխանակութեան» կարգով, բայց եւ միաձայնարար համաձայնութեան գալով բոլոր հարցերի շուրջ, ընդունած է մեր Մայր Դիւանի թ. 1598 թղթածրարում պահուած խմորատիպ Ծրագիրը :

Սակայն, այս խմորատիպը մեր ամբողջական Ծրագիրը չէ. նա 1894-ի տպագիր Ծրագրի արեւմտահայ հրատարակութեան մէջ բռնում է 17-24 էջերը, իսկ արեւելահայ հրատարակութեան մէջ՝ 15-21 էջերը :

Եւ մեր բուն Ծրագիրն էլ ճիշտ այս վեց ու կէս էջերն են. Ծրագրի սկզբնական մասը, որին պիտի անդրադառնանք աւելի ուշ, տարբեր ձեւով մտած է մեր գաւառագրի մէջ :

Այս 6½ էջերը ստորաբաժանուած են հետեւեալ զլուխների տակ, — «ՆՊԱՏԱԿ», «ՄԻՋՈՅՆԵՐ» եւ «ԿԱԶՄԱԿԵՐՊՈՒԹԻՒՆ» :

Քիչ վերն ասացինք, որ, «յեղափոխական» բառի կապակցութեամբ շատ աւելի ուշագրաւը կայ մեր այս Ծրագրի մէջ :

Ահա այդ ուշագրաւը :

Մեր բուն Ծրագրի մէջ, այն 6½ էջերի վրայ, որոնց մասին խօսեցինք, ուր անգամ յիշատակուած է Դաշնակցութեան անունը (մինչ Ծրագրի ներածական բաժնի մէջ, սկզբնական 15 էջերի վրայ, յիշատակուած չէ ոչ իսկ մէկ անգամ) :

«Արեւելահայերէն»ով հրատարակուած Ծրագրի մէջ, որի Ա. էջի վրայ թուական կայ—1894—այդ ուր անգամից երկուսը յիշատակուած է հետեւեալ ձեւով, — «Հ. Յ. Դաշնակցութիւն», միւս

\*) ՌՈՍՏՈՄ — «Առաջին փայլերը», «Դիւան Հ. Յ. Դաշնակցութեան», հ. Ա., 1934, Պոսքըն, էջ 91 :



վեցը՝ իրենց մէջ «Հ. Յ.» գրերը չունեն, այդ վէցի մէջ կայ մի-  
այն անունը՝ «ԴԱՇՆԱԿՑՈՒԹԻՒՆ»:

Այդպէս չէ «արեւմտահայերէն»ով հրատարակուած Ծրագրի  
մէջ, որի Ա. էջի վրայ թուական չկայ:

Այս վերջին Ծրագրում ուր անգամից վեցի մէջ, նմանողու-  
թեամբ «արեւելահայերէն»ի, կայ միայն անունը՝ «ԴԱՇՆԱԿ-  
ՑՈՒԹԻՒՆ»:

Հիմնական տարբերութիւնը միւս երկսի մէջ է:

Այդտեղ, փոխանակ «Հ. Յ. ԴԱՇՆԱԿՑՈՒԹԵԱՆ» (ինչպէս որ  
«արեւելահայերէն»ի մէջ է), գրուած է — «ՀԱՅ ՅԵՂԱՓՈՒՍԱԿԱՆ  
ԴԱՇՆԱԿՑՈՒԹԻՒՆ» (մէկ անգամ՝ «ՆՊԱՏԱԿ», իսկ մէկ անգամ  
էլ՝ «ՄԻՋՈՅՆԵՐ» զլուխների տակ):

Ասացինք, որ «արեւելահայերէն»ով լոյս ընծայուած մեր  
Ծրագիրը «Դրօշակ»ի թուով 5-րդ հրատարակութիւնն է, մինչ  
«արեւմտահայերէն»ով լոյս ընծայուածը՝ թուով 8-րդ:

Այլ խօսքով՝ երկրորդը յաջորդած է առաջինին՝ պարզապէս  
նրա ընդօրինակութիւնը լինելով:

Արդ՝ 1894-ին մենք տակաւին «Հայ ՅԵՂԱՓՈՒՍԱԿԱՆ Դաշ-  
նակցութիւն» չէինք. այդ թուականին մենք կա՛մ «Հայ ՅԵՂԱ-  
ՓՈՒՍԱԿԱՆՆԵՐԻ Դաշնակցութիւն» էինք եւ կամ «Հայ ՅԵՂԱՓՈ-  
ՒՍԱԿ. Դաշնակցութիւն». ուստի եւ այդ թուականին «արեւելա-  
հայերէն»ով լոյս ընծայուած Ծրագրի մէջ մենք եղած ենք «Հ.  
Յ. Դաշնակցութիւն». «Յ.» գրից յետոյ զալիքը մնում է անորոշ:

Երբ այս է իրողութիւնը, «արեւմտահայերէն»ով լոյս ընծայ-  
ուած Ծրագրի մէջ ի՞նչպէս կարող է «Յ.» գիրը բացուել եւ դառ-  
նալ... «ՅԵՂԱՓՈՒՍԱԿԱՆ»:

Ո՞րտեղից եկաւ այս էական բառը, երբ նա մեր անդրանիկ  
Ծրագրում բացակայում է իսպառ:

Պարզ չէ՞ միթէ, որ հետագայ գրչի վերախմբագրման ար-  
դասիք է այս փոփոխութիւնը:

Այսքան երկարօրէն կանգ առինք այս մէկ դէպքի վրայ —  
մինչ այս կարգի առեղծուածներով լի է մեր պատմութիւնը —  
միայն ցոյց տալու համար այն դժուարութիւնները, որ կապուած  
են մեր դաշնափարարանութեան լուսարանումի հարցին:

Ահա մեր դաւանանքին կապուած մէկ ուրիշ կէտ եւս, որի  
կշիռը բառին ճշմարիտ առումով բացառիկ է:

Մեր Ծրագրի «Խմբատիպ»ը չունի Ծրագրին կցուած այն  
ընդարձակ ներածական բաժինը, որ ունի մեր տպագիր Ծրագի-  
րը: «Արեւելահայ» հրատարակութեան մէջ այս բաժինը բռնում  
է Ծրագրի 1-15-րդ էջերը, իսկ «արեւմտահայ» հրատարակու-  
թեան մէջ՝ 3-17-րդ էջերը:

Ստուգապէս գշտուած է, որ այս բաժինը — արտակարգօրէն



էական մեր գաղափարաբանութեան համար — մտած է մեր Ծրագրի մէջ, առանց կանխապէս Ընդհ. ժողովից ֆիննուած եւ վաւերացուած լինելու :

Այս բաժնի կազմութիւնը Ընդհ. ժողովը յանձնարարած է մի Յանձնախմբի, որին անդամակցում էին Սիմոնը, Քրիստափորը եւ Ռոստոմը, սակայն բուն կազմողը իրականին մէջ եղած է Ռոստոմը\*):

Ծրագրի վերջում կան հետեւեալ ուշադրաւ տողերը.

«Ներկայացնելով ներկայ Ծրագիրը, մենք ուրախութեամբ կ'ընդունենք դրա վերաբերեալ բոլոր նկատողութիւններն ապագայ Ընդհանուր ժողովին ներկայացնելու համար»:

Այս ժողովը, ինչպէս յայտնի է, դումարուեց Թիֆլիսում, 1898-ին :

Դաշնակցութեան Երկրորդ Ընդհ. ժողովը պիտի կատարէր վերաքննութիւնը մի Ծրագրի, որ իր ամբողջութեան մէջ քննուած եւ ընդունուած չէր իր Առաջին Ընդհ. ժողովում...

Սեղմ տողերի մէջ վերակրկնենք այն, ինչ որ ասացինք մինչեւ հիմա.

1.— Մինչեւ 1890-ը հայ կեանքում անջատարար գործում էին գանազան յեղափոխական խմբակներ եւ միութիւններ :

2.— 1890-ին այս անջատ խմբերը հրախրեցին իրենց Սահմանադիր ժողովը եւ այնտեղ հիմնադրեցին «Հայ Յեղափոխականների Դաշնակցութիւն»ը :

3.— Այս «Դաշնակցութիւն»ը 1892-ին գումարեց իր Առաջին Ընդհ. ժողովը, որ «մտերի փոխանակութեան» կարգով ընդունուեցին հետագային հրատարակուած Ծրագրի միայն վերջին 6½ էջերը :

4.— Ծրագրի ներածական բաժինը, որին անտեղեակ մնաց Ընդհանուր ժողովը, հետագային կազմեց մի Յանձնախումբ, որին անդամակցում էին Սիմոնը, Քրիստափորն ու Ռոստոմը :

5.— Այս Ծրագիրը իր ամբողջութեանը մէջ «արեւելահայ» լեզուով հրատարակուեց միայն 1894-ին :

6.— Միայն 1898-ին, Դաշնակցութեան կազմութիւնից ուրտարի յետոյ, մեր Երկրորդ Ընդհ. ժողովում, պաշտօնապէս վաւերացուեց մեր Ծրագիրը :

Այս շրջանին, աննկատ եւ անաղմուկ, մենք մեր անունով ու մեր էութեամբ անցանք հետեւեալ երեք գլխաւոր հանգրուաններէից.

\*) Այս մասին մանրամասները տե՛ս մեր յօդուածում — «Հայ անկախութեան զաղափարը մերձաւոր անցեալի մէջ» («Հայրենիք», 1924, Փետր., էջ 77-86) :



1.— Հայ ՅԵՂԱՓՈՒՍԱԿԱՆՆԵՐԻ Դաշնակցութիւն.

2.— Հայ ՅԵՂԱՓՈՒՍԱԿ. Դաշնակցութիւն.

3.— Հայ ՅԵՂԱՓՈՒՍԱԿԱՆ Դաշնակցութիւն:

Ինչ որ գծեցինք, բուն պատկերն է Դաշնակցութեան, որին հետաքրքրում էր առաւելարար գործը, բայց երբեք խօսքը:

Հայրենի երկրի կարիքներից ու կենդանի գործից իր ծագումն առնելով՝ այդ կարիքների բաւարարման ճանապարհին Դաշնակցութիւնը, աստիճան առ աստիճան, բիւրեղանում ու ձեւաւորւում էր.

«Երկարամեայ դառն փորձառութեամբ զինուած, — 1892-ի ժողովի առիթով նկատում էր Ռոստոմը, — ժողովի անդամներն անողոք ֆինադատութեան ենթարկելով անցեալի գործունէութեան ձեւը եւ ուղղութիւնը, կենսական փորձերի հիման վրայ գծեցին այն ճանապարհը, որի վրայ այժմ կանգնած է Դաշնակցութիւնը»\*):

Այս «կենսական փորձ»երը հիմ առնելով՝ Ռոստոմը իր նոյն գրութեանը մէջ, որ, ըստ «Դիւան»ի, գրուած պիտի լինի «1890-ական թուականների կէսերին, Հ. Յ. Դ. Առաջին (1892) եւ Երկրորդ (1898) Ընդհ. ժողովների արանքում»\*\*), նկատում է.

«... Յեղափոխութիւնը կանգ չի առնի ոչ մի խորտակիչ ուժի առաջ, քանի գոյութիւն ունեն կեանքի տանջանքները, — նա միայն կը փոխի իր Ձեռը, յարմարուելով նոր պայմաններին, եւ երբեք իր էնիթիսմը»\*\*\*):

Մեր Վարպետի մատնանշած իրողութիւնը անվիճելի գտնելով Դաշնակցութեան նկատմամբ, ի՞նչպէս բնորոշել, այնուամենայնիւ, այդ նոյն Դաշնակցութեան թէ՛ անփոփոխ դաւանանքի «էութիւն»ը եւ թէ՛ փոփոխուող գործի «ձեւ»ը:

Օրինակ, մեր անդրանիկ Մրազբի ներածական բաժինը, որի բուն հեղինակն է ինքը Ռոստոմը, հարազատ էր արդեօք մեր Առաջին Ընդհ. ժողովի (1892-ի) ամբողջական կազմին:

Իր աշխարհահայեացքով եւ իր պատմա-փիլիսոփայական ըմբռնումներով 1890-ի մարտիտ Ռոստոմը արտայայտի՞չն էր արդեօք այն ժողովի, որի յանձնարարութեամբ գրում էր մեր անդրանիկ Մրազբի ընդհանուր տեսութիւնը:

«Ձեւ» եւ «էութիւն» բառերը — ընդգծուած են Ռոստոմի կողմից:

\*) ՌՈՍՏՈՄ — «Առաջին ֆայլեր», «Դիւան Հ. Յ. Դաշնակցութեան», հ. Ա., 1934, Պոսքըն, էջ 91:

\*\*\*) Անդ, էջ 89:

\*\*\*) Անդ, էջ 91:



Ոչ Քրիստափորի յուշերը<sup>\*)</sup>, ոչ Սիմոնի<sup>\*\*)</sup>, ոչ Շաթիր-  
եանի<sup>\*\*\*)</sup> եւ ոչ էլ մեր միւս յուշագրողների վկայութիւնները,  
ինչպէս նաեւ մեր հիմնադիրներին նուիրուած մենագրութիւն-  
ները մեզ դիւրութիւն չեն տալիս այս հարցումին դրապէս պա-  
տասխանելու:

Հաւանաբար զգալի տարբերութիւններ կային աշխարհահա-  
յեցողութեանը մէջ այն յեղափոխականների, որոնք՝ հայրենասի-  
րաբար դաշնակցելով՝ 1890-ին հիմնադրեցին մեր Կուսակցու-  
թիւնը:

Նրանց բոլորին միացնողը հիմնական նպատակն էր — Թըր-  
քահայստանի ազատագրումը: Այս նպատակի բազմաամբ միւս  
բոլոր հարցերը ստորադաս արժէք ունէին:

Այս մի քանի լուսաբանութիւնները տալուց յետոյ՝ դառնանք  
մեր բուն դաւանադրերին:

Թուով չորս են մեր դաւանադրերը.

1.— ԾՐԱԳԻՐ (ընդունուած 1892-ի Առաջին Ընդհ. Ժողովի  
կողմից եւ հրատարակուած 1894-ին):

2.— ՆԱԽԱԳԻԾ (ընդունուած 1905-ի Հ. Յ. Դ. Ոորհուրդի  
կողմից եւ հրատարակուած 1906-ին, Ժընեւ, Հ. Յ. Դ. Արեւմտա-  
եան Բիւրոյի կողմից):

3.— ԾՐԱԳԻՐ (ընդունուած 1907-ի Չորրորդ Ընդհ. Ժողովի  
կողմից, հրատարակուած հաւանաբար 1908-ին):

4.— «ՆՈՒԱԶԱԳՈՅՆ ԾՐԱԳՐԻ ՓՈՓՈԽՈՒԹԻՒՆ» (կատար-  
ուած 1919-ի աշնան Երեւանում գումարուած Իններորդ Ընդհ.  
Ժողովի կողմից):

Մեր դաւանադրերի ամբողջական վերլուծումով պիտի չըզ-  
բաղուենք. այս սեղմ գրութեանը մէջ թեթեւակի կանգ պիտի առ-  
նենք միայն հետեւեալ մի քանի հիմնական գաղափարների վրայ.

Ա.— ԸնկերվԱՐՈՒԹԻՒՆ.

Բ.— ԱնկԱՍՈՒԹԻՒՆ.

Գ.— ԺՈՂՈՎՐԴԱՎԱՐՈՒԹԻՒՆ.

Դ.— ԱԶԳ ԵՒ ՀԱՅՐԵՆԻՔ.

Ե.— ԴԱՇՆԱԿՑՈՒԹԻՒՆ (Federation).

Զ.— ԱՆՀԱՏ ԵՒ ՀԱԻԱՔԱԿԱՆՈՒԹԻՒՆ.

---

\*) Ք. Միֆայէլեան — «Բեկորներ իմ յուշերից», Վաթուհ-  
ամեակ», հրատ. Հ. Յ. Դ. Ամեր. Կեդր. Կոմ.—ի, 1950:

\*\*) «Հայրենիք», բացառիկ քիւ (ք. 2), 1914:

\*\*\*) Ն. ՀԱՆԳՈՅՑ — «Հայոց Հասարակական Շարժումների  
Պատմութիւնից», «Հայրենիք», 1923, Մարտ (էջ 27-38) եւ Ապ-



րիլ (էջ 50-66) . տե՛ս Մ . Շաքիրեանի «Ինքնակենսագրութիւն»ը  
Յանել «Յուս.»ի 1940 Սեկտ. 28, 30 եւ Օգոստ. 5 քուերի մէջ :

Է.— ԱԶԱՏՈՒԹԻՒՆ .

Ը.— ԿԱԶՄԱԿԵՐՊՍԿԱՆ ԻՐԱԽԱՁԵԻ (ապակենտրոնացում) :

Այս կէտերի հարեւանցի լուսարանումով գէթ որոշ չափով  
դժուած կը լինի Դաշնակցութեան դաշափարաբանական պատ-  
կերը :

## II

### ԸՆԿԵՐՎԱՐՈՒԹԻՒՆ

Դաշնակցութեան հակառակորդները, Կուսակցութեան 60-  
ամեայ կեանքի ընթացքին, իր դէմ գէղերով յօդուածներ, թոու-  
ցիկներ, դրքոյկներ ու մենագրութիւններ հրատարակած են :

«Ձախ»ից քննադատողները իրենց ճիգերի գերագոյնը փոր-  
ձած են ապացուցանելու համար, թէ Դաշնակցութիւնը իր անդ-  
րանիկ Մրազրով ընկերվար չէ, իսկ իր հետագայ դաւանագրե-  
րով — «Նախագիծ»ով ու 1907-ի Մրազրով — միայն ձախող  
փորձ կատարած է ընկերվար դառնալու :

«Աջ»ից քննադատողները գտարիւն ընկերվարութիւն տեսած  
են մեր անդրանիկ Մրազրի մէջ եւ այդ ընկերվարութեան խո-  
րացումը՝ մեր հետագայ դաւանագրերի մէջ :

Սակայն ընդհանուր էր այն կարծիքը, մէկ թէ միւս թելի  
համար, թէ սկզբնապէս՝ մեր անդրանիկ Մրազրով՝ մենք աւելի  
«աջ» էինք, մինչ հետագային՝ մեր նոր դաւանագրերով՝ մենք  
աւելի «ձախ» դարձանք :

Արդար լինելու համար պիտի խոստովանենք, որ ընդհանուր  
տոումով այս կարծիքը կար նաեւ Դաշնակցութեան մէջ . նաեւ  
մեր շարքերում շատեր այն համոզումին էին, թէ առաւելաբար  
«Նախագիծ»ով ու 1907-ի Մրազրով մենք որոշակի քայլ առինք  
դէպի «ձախ», դէպի ընկերվարութիւնը, եւ վերջնապէս որդե-  
գրեցինք այդ վարդապետութիւնը :

Հիմնովին սխալ :

Եթէ դաւանագրերով բնորոշել պէտք է մեզ՝ ապա մենք  
«ձախ» էինք ու «աջ» դարձանք եւ ոչ թէ «աջ» էինք ու «ձախ» ե-  
ղանք :

Ասացինք արդէն, որ մեր անդրանիկ Մրազրի ներածական  
մասը դրուած է Ռոստոմի կողմից :

Անդրադառնալով այս կէտին՝ սրանից 26 տարիներ առաջ  
նկատում էինք .

«... Թերեւս միայն մարքսիստ Ռոստոմին վայել էր գրել այն



կս-բուշեիկեան ներածութիւնը, որ ունի մեր անդրանիկ Ծրագիրը»\*) :

Եւ արդար էր այս դիտողութիւնը: Մեր անդրանիկ Ծրագրի ընդհանուր տեսութեան վրայ կայ անջնջելի կնիքը այն լաւատեսութեան, որ մարքսեան վարդապետութիւնը ունէր ընկերվարութեան մօտալուտ յաղթանակի մասին:

Անդրադառնալով այս կէտին՝ մեր 60-ամեայ Կուսակցութեան անդրանիկ աւետարանը, աւելի քան կէս դար առաջ, հաւատաւոր շունչով աւետում էր մեզ.

«Մենք շատ լաւ տեսնում ենք, թէ ինչպէս իշխող դասակարգերն ընկնում են աւելի եւ աւելի թէ՛ ֆիզիքապէս եւ թէ բարոյապէս, ինչպէս ԱՇԽԱՏԱՆՔԸ (ընդգծումը՝ Ծրագրի մէջ.— Ն.) հետզհետէ ձեռք է ձգում իր իրաւունքները, ինչպէս կեղեքուող տարրը հսկայական քայլերով մօտենում է իր վերջնական յաղթութեան: Եւ նա կը հասնի կատարեալ յաղթութեան, երբ կը վերնան ամէն տեսակ դասակարգեր, երբ աշխատանքի միջոցները եւ արդիւնքը կը դառնան աշխատաւորի կատարեալ սեփականութիւն, ԵՐԲ ՄԱՐԳԻՅ ԿԱՌԱՎԱՐՈՒԹԵԱՆ ԿԸ ՓՈՆԱՐԻՆԷ ԻՐԵՐԻ ԿԱՌԱՎԱՐՈՒԹԻՒՆԸ» (ընդգծումները մեզանից.— Ն. Վ.\*\*):

Տեսութեան եզրափակիչ տողերի մէջ անդրադառնալով «երկրի հարստութեան տէր բուրժուազիայի» եւ «օրուայ հացի կարօտ պրոլետարիայի» անողոք պայքարին՝ Ծրագիրը ահազանգում էր.

«Տնտեսական այդ չարիքի, տնտեսապէս կեղեքող դասի դէմ էլ մենք կը կռուենք այժմ: Մենք գործ կը դնենք ամէն միջոց պահպանելու գոյութիւն ունեցող համայնական սկզբունքները, մենք կ'աշխատենք տարածել համայնական սեփականատիրութիւնը, համայնական աշխատանքը, որպէսզի աւելի պատրաստ գրտնրենք անցնելու այն հասարակական կազմակերպութեան, որն այսօր-էգուց կը հաստատուի տնտեսապէս աւելի զարգացած երկրներում ՊՐՈԼԵՏԱՐԻԱՅԻ ՅԵՂԱՓՈՆՈՒԹԵԱՄԲ» (ընդգծումները՝ Ծրագրի մէջ.— Ն.)\*\*\*):

Այս տողերի մէջ կան, ի հարկէ, շիտթ հասկացողութիւններ ու չբիւրեղացած մտքեր, կան հետքերը այն ուսմունքի, որ ուսն անդրանիկ յեղափոխականները յօրինած էին ուսուսական «համայնք»ի՝ օբշիւնայի շուրջ (մի ուսմունք, որին հաղորդ էր նաեւ մեր նախնադեանը), սակայն ընդհանուր առումով մի՞թէ տեսանելի չէ այն գերակշիռ ազդեցութիւնը, որ ներգործած է մեր անդրա-

\*) Տե՛ս մեր «Հայ անկախութեան գաղափարը մերձաւոր անցելալի մէջ», «Հայրենիք», 1924, Փետր., էջ 78-79:

\*\*\*) ԾՐԱԳԻՐ, 1894թ էջ 1-2:

\*\*\*) Անդ, էջ 13-14:



րանիկ դաւանագրի վրայ մարքսեան վարդապետութիւնը իր ամենաձախ ըմբռնումով. խորհել, թէ «այսօր-էգուց պրոլետարիայի յեղափոխութեամբ» տնտեսապէս աւելի զարգացած երկրներում «մարդկանց կառավարութեան կը փոխարինէ իրերի կառավարութիւնը»՝ այս նշանակում է տառը-տառին կրկնել ա՛յն, ինչ ասում էին ամենէն ձախ՝ անհող ու ցնորատես՝ մարքսիստները\*):

Անուանի Ռուզուֆ Հիլֆերդինգի մի արժէքաւոր գրութեանը դառնալով՝ ոուս ընկերվարներից (հակաբոլշեւիկ) Բ. Նիկոլաեւսկիյ նկատում է.

«Հին կնիքը, ա՛յն, թէ Ի՛նՁ ՃԱՄԲԱՆԵՐ ԿԸ ՏԱՆԵՆ ԴԷՊԻ ԸՆԿԵՐՎԱՐՈՒԹԻՒՆԸ, անցեալին քննարկուած է շատ պարզունակ ձեւով. այն միտքը, թէ դրամատիրական հասարակութեան զարգացումը «բնականաւորապէս» (immanent) պիտի յանգի այդ հասարակութեան փոխարինումին ընկերվար հասարակութեամբ՝ ընդհանուր տեղիք էր կառուցումների մէջ թէ՛ ընկերվար շարժման տեսարանների եւ թէ գործնապէս աշխատողների, առանձնաբար այսպէս կոչուած «մարքսեան» բանակում (որ հետո էր մի՛շտ մարքսեան լինելուց ըստ էութեան): Ընկերվարները համոզուած էին, որ միշտ իրենիք են անվիճելի ժառանգորդները հին, դրամատիրական աշխարհի: Զարգացման գիծը դէպի «ապագայի լուսաշող քաղաքութիւնը» մեզ բոլորիս պատկերանում էր, բառին լրիւ առումով, «ուղիղ, ինչպէս նետը», այնպէս ինչպէս հարթ ու լայն համրան իւան Ակսակովի մօտ: Եւ այս ըմբռնումը նախանշտում էր մեր ազգավարութիւնն ու մեր գործելակերպը: Այն հին խօսքը, թէ «պատմութիւնը մեզ համար է աշխատում», իշխում էր մեր բոլորիս գիտակցութեանը վրայ: Մենիք հատուտապէս համոզուած էինք, թէ ինչ սայթափումներ ու սխալներ էլ գործելու լինենք՝ ժառանգութիւնը մեր ձեռքերից չի խուսափի: Զի կարող խուսափել: Ապագան մե՛զ է պատկանում, — միայն եւ բացառաբար մեզ»\*\*):

Այս լուսատեսութիւնն է, ընկերվար յաղթանակի այս մարքսեան ըմբռնումը, որ լրիւ իշխում է նաեւ մեր անդրանիկ դաւանագրի ներածական բաժնում:

\*) Մեր դաւանագրերի վերագնահատումը տե՛ս մեր յօդուածի մէջ՝ «Ընկերվար վարդապետութիւնը եւ Հ. Յ. Դաշնակցութիւնը», «Հայրենիք», 1923, Յունուար (էջ 34-42) եւ Փետր. (էջ 51-62):

\*\* ) Բ. Նիկոլ Ա. Նի. ՍկիՅ — «Ռ. Հիլֆերդինգի տեսարանական կտակը», «Սոցիալիստիչեսկիյ վեստնիկ», Նիւ Եորք, 3 Փետր. 1947, քիւ 1-2:



Անցողակի նկատենք, որ ընդհանուր առումով այս լաւատե-  
սութիւնը շարունակեց իշխել զրեթէ մինչեւ մեր օրերը. ընկե-  
վար բանակում յստակ ոչինչ կար այն մասին, թէ երբ «այսօր-  
էգուց պրովետարիայի յեղափոխութիւնը» լինի, ի՞նչ ձեւով  
«մարդկանց կառավարութեան պիտի փոխարինէ իրերի կառա-  
վարութիւնը»...

Ու թերեւս այստեղ է թաղնուած ոուս — ու մեր — երկրին  
վիճակուած այսօրուան ողբերգութեան հիմնական պատճառը:

Հոկտեմբերեան փոթորիկների հոտը առնելով՝ 1917-ի Օ-  
գոստ.ին Լենինը սկսեց զրել իր ծանօթ աշխատութիւնը՝ «ՊԵ-  
ՏՈՒԹԻԻՆԸ ԵՒ ՅԵՂԱՓՈԽՈՒԹԻԻՆԸ (Մարքսեան վարդապետու-  
թիւնը պետութեան մասին եւ բանուորութեան առաջադրանքները  
յեղափոխութեան մէջ)»: Ու երբ այս աշխատութեան 7-րդ գլուխը  
պիտի գրէր — «1905-ի եւ 1917-ի ուս յեղափոխութեանց փոր-  
ձը» — ճիշտ այդ օրերին սկսում է Ռուսիոյ քաղաքական տագ-  
նապը, որ պիտի վերջանար Հոկտեմբերեան յեղաշրջումով. այս  
խրոզութեան առջեւ իր աշխատութիւնը ընդհատելով՝ գրքոյկի  
«Վերջաբան»ի մէջ 1917 Նոյ. 30 թուականով Լենինը նկատում էր.

«Համեղի ու օգտակար է «յեղափոխութեան փորձը» կատա-  
րել, քան նրա մասին գրել»:\*)

Այս հաճելի՛ «փորձ»ը շարունակուում է մինչեւ այսօր՝ ի դին  
անհամար զոհերի, անլուր տառապանքների եւ անօրինակ հալա-  
ծանքների...

Բայց դառնանք մեր նիւթին:

«Նախագիծ»ը մեզ ընկերվարութիւն չբերաւ. այդ վարդա-  
պետութեամբ լրիւ յազեցած էր մեր անդրանիկ դաւանադիրը:

Ճիշտ հակառակը. «Նախագիծ»ը ամենէն առաջ զգալապէս  
մեղմեց մեր «ձախ» ըմբռնումը ընկերվարութեան մասին՝ մեզ  
ազատազրելով այն անհող լաւատեսութիւնից, որ մարքսեան  
դպրոցը կապած էր ընկերվարութեան յաղթանակին:

Երկու հակընդդէմ աշխարհների՝ «սոցիալիզմ»ի եւ «կապի-  
տալիզմ»ի մասին խօսելով՝ «Նախագիծ»ը վկայում էր.

«Սոցիալիստական շարժումը իր էութեամբ ՄԻՋԱԶԳԱՅԻՆ է  
(ընդդէմը՝ «Նախագիծ»ի մէջ. — Ն.): Բոլոր երկրների աշխա-  
տաւոր տարրերը, իբրեւ միեւնոյն կապիտալիզմի գոհեր, իբրեւ  
դառն ֆակտագրի եղբայրակիցներ, միանում են, ձեռք ձեռքի  
տալիս եւ, գիտակ իրենց բարձր առաքելութեան, վստահ յաղթա-  
նակի վրայ՝ դիմում են կազմակերպուած պայքարի ֆանապար-  
հով դէպի մի սոցիալական կազմակերպութիւն, ուր չպիտի լինեն

\*) Վ. Ի. Լենին — «Երկեր», հ. 25-րդ, Մոսկուա, 1949, էջ  
462:



կեղեֆողներ ու կեղեֆուողներ, իշխողներ ու հպատակներ, ուր արդիւնաբերութեան միջոցները, դրամագլուխը պիտի լինի ՀԱՄԱՅՆԱԿԱՆ (ընդգծումը՝ «Նախագիծ»ի մէջ.— Ն.), ուր աշխատանքը, ֆազաֆակրթութիւնը եւ նիւթական վայելքները հաւասարապէս բաժին պիտի լինեն իւրաքանչիւրին»\*) :

*Դառնալով մեր կեանքին՝ «Նախագիծ»ը, շատ աւելի զգաստ ու չափաւոր բառերով, վկայադրում է .*

«Տնտեսական անհաւասարութեան ուժի դէմ եւս Հ. Յ. Դաշնակցութիւնը, հաւատարիմ իր աւանդական ոգուն, իբրեւ էապէս ժողովրդական կուսակցութիւն, պիտի մաքաւէ բոլոր պատշան միջոցներով : Գաղաֆական եւ տնտեսական խնդիրներում՝ մա աշխատաւոր ընդհանրութեան տեսակէտի ու շահերի պաշտպան կը կանգնի եւ միաժամանակ կը դաստիարակէ նրան սոցիալիստական իդէալների ոգով, կը պատրաստէ նրան ֆազաֆական եւ սոցիալական մեծ պայքարի համար»\*\*):

*Այս տողերը գրուած են մեր անդրանիկ դաւանագրի հրատարակումից ընդամէնը երկու տասնամեակ վերջ...*

Այս 20-22 տարիները բաւական եղան յայտնապէս զգաստ դարձնելու համար մի կուսակցութիւն, որ արդար իրաւունքով իրեն «էապէս ժողովրդական կուսակցութիւն» անունն է տալիս : Այլեւս խօսք չկայ այն մասին, որ «այսօր-էգուց պրոլետարիայի յեղափոխութեամբ... մարդկանց կառավարութիւնը պիտի փոխարինուի իրերի կառավարութեամբ» . խօսքը այն մասին է, որ «ՊԱՏՇԱՃ ՄԻՋՈՑՆԵՐՈՎ» Դաշնակցութիւնը պիտի պաշտպանի աշխատաւոր ժողովրդի շահերը՝ նրան «ԴԱՍՏԻԱՐԱԿԵԼՈՎ» ընկերվար իդէալների ոգիով եւ «ՊԱՏՐԱՍՏԵԼՈՎ» նրան դալիք քաղաքական եւ ընկերային մեծ պայքարի համար...

Այստեղ չէր, սակայն, այն էական փոփոխութիւնը, որ մեզ բերաւ «Նախագիծ»ը :

1904 Յունուար 31-ին Սոֆիայում գումարուած մեր Երրորդ Ընդհ. ժողովը իր որոշումների մէջ՝ «ԿՈՎԿԱՍ» խորագրի տակ՝ ունի հետեւեալը .

«Հ. Յ. Դաշնակցութիւնը՝ ընդունելով հանդերձ, թէ իր հիմնարկութեան նպատակը եղած է եւ այսօր ալ է Օսմանեան Հայաստանի պատմական դատը, քանչեւ եւ վաւերացուած միջազգային դաշնագրերով, չի կրնար, սակայն, անտես ընել հայ ժողովրդի մարդկային իրաւունքների բռնաբարումի ծանր դէպքերը, որոնք վերջերս տեղի են ունեցած եւ սկսած են յանախել

\*) «ՆԱՍԱԳԻՄ ԿՈՎԿԱՍԵԱՆ ԳՈՐԾ ՈՒՆԷՈՒԹԵԱՆ», 1906, ժընեւ, էջ 8-9 :

\*\* ) Անդ, էջ 12 :



Թիւրքիայէն դուրս եւս, սկզբունքով ընդունեց պաշտպանել այդ կարգի իրաւունքները, Տակտիկին վերապահելով որոշել՝ ինչ չափերով կատարել ինքնապաշտպանութեան այդ գործը:

«Ներկայիս Դաշնակցութիւնը իր վրայ առնելով Կովկասահայ տարրի ինքնապաշտպանութեան գործը, որոշեց յանձնել այդ՝ Կովկասի Պատասխանատու Մարմնին, որ՝ պահելով իր «Ինքնապաշտպանութեան Կեդրոնական Կովիտէ» անունը՝ պիտի շարունակէ գործել «Դաշնակցութեան» պաշտօնական անուան տակ:

«Ժողովը Կովկասի վերաբերմամբ ընդունեց բերանացի եւ գրաւոր պրոպագանդի, տեղորի, ժողովրդական ցոյցերու եւ զինուած դիմադրութեան տակտիկը՝ մնալով պաշտպանողական հողի վրայ»<sup>\*)</sup>:

*Գալով զուտ անտեսական-աշխատաւորական պայքարին՝ Ընդհ. Ժողովը որոշում էր.*

«Դաշնակցական բանուորական խմբերը, այն գործարաններու սահմաններուն մէջ, ուր անոնք կ'աշխատին, կը մասնակցին բոլոր բանուորական գործադուլներուն եւ շարժումներուն՝ երբ անոնք կապուած են բանուորներու ընդհանուր վիճակին հետ այդ գործադուլներու մէջ. իսկ ինչ կը վերաբերի գործարանական կեանքէն դուրս ցոյցերուն, որոնք կրնան առաջարկուիլ ուրիշ կուսակցութիւններու կողմէն, բայց որոնց առիթներն ու նպատակը կրնան տարբեր ըլլալ, իւրաքանչիւր դէպքի համար մասնակցելու կամ չմասնակցելու խնդիրը կը վնոէ Պատասխանատու Մարմինը:

«Այս ընդհանուր սահմաններու մէջ Կովկասի Պատասխանատու Մարմինը կը մշակէ իր տակտիկի մանրամասն ծրագիրը Կովկասի Շրջանական Ժողովի մէջ»<sup>\*\*)</sup>:

*Երբորդ Ընդհ. Ժողովի այս որոշումը երկնքից արձակուած անակնկալ որոտ չէր:*

*Կեանքի երկաթեայ հարկադրանքի տակ Դաշնակցութիւնը ընդարձակում էր իր գործունէութեան սահմանները:*

*Ընդհ. Ժողովից յետոյ, 1904 Դեկտ. -ին՝ Փարիզում եւ 1905ի Ապրիլին՝ Ժընևում, Դաշնակցութիւնը մասնակցեց ուսս յեղափոխական կուսակցութեանց Խորհրդաժողովներին եւ նրանց հետ կոնց ծանօթ «ՅԵՂԱՓՈՒՍԱԿԱՆ ԴԱՇՆ»ը<sup>\*\*\*)</sup>:*

\*) «ԳԱՂՈՒԱԾՔՆԵՐ ԵՐՐՈՐԴ ԸՆԴՀ. ԺՈՂՈՎԻ ԱՏԵՆԱԳԸՐՈՒԹԻՒՆՆԵՐԷ», 1905, ժընև, էջ 26-27:

\*\*\*) Անդ, էջ 27:

\*\*\*) Հ. Յ. ԴԱՇՆԱԿՑՈՒԹԻՒՆ — «Յեղափոխական Դաշն», 1905, ժընև:



Համատարած խոռովք ու եռուզեռ էր կովկասի մէջ:

Քաղաքական այս նոր ու հիմնովին յեղաշրջուած պայմանների մէջ է ահա, որ ընդունուեց «ՆԱԽԱԳԻԾ ԿՈՎԿԱՍԵԱՆ ԳՈՐԾՈՒՆԷՆՈՒԹԵԱՆ» անունով ծանօթ մեր երկրորդ դաւանազիրը\*):

1905 Յունիսին այս «Նախագիծ»ը հրատարակութեան տալով՝ Հ. Յ. Դ. Արեւմտեան Բիւրօն նրան կցած էր հետեւեալ ազգը՝ «ԿՈՎԿԱՍԱՀԱՅ ԽՆԴԻՐՆԵՐ» խորագրի տակ:

Այդ ազգարարութեան բացառիկ արժէքը նկատի առնելով մեր դաւանազիրերի զարգացման պատմութեանը մէջ՝ տանք այն ամբողջութեամբ.

«Հ. Յ. Դաշնակցութեան Գ. րդ Ընդհ. Ժողովը՝ կայացած 1904-ի սկզբին, ընդունելով մեր կաղմակերպութեան մասնակցութեան անհրաժեշտութիւնը կովկասեան յեղափոխական կռուի մէջ, որոշեց այդ վարել առայժմ ինքնապաշտպանութեան հողի վրայ:

«Ներկայ 1905 թ. դումարուած Հ. Յ. Դ. Խորհուրդը, նկատելով՝

«1.— Որ վերջին Ընդհանուր ժողովից յետոյ Ռուսաստանի եւ մասնաւորապէս կովկասի յեղափոխական շարժումները ստացել են անպասելի լայն ծաւալ.

«2.— Որ բռնապետութիւնը արտաքին քշմամբ եւ յեղափոխական ու ընդդիմադիր տարրերի հարուածների տակ զգալապէս քուլացել է.

«3.— Որ համայն Ռուսաստանի քաղաքական փոփոխութիւնների սկզբում կովկասը պէտք է բարձրացնէ իր ձայնը.

«4.— Որ ներկայ պատմական բոլորի ստիպողականութիւնը քոյլ չէ տալիս սպասել նոր Ընդհ. ժողովին՝ կովկասեան գործունէութեան ծրագիրը մշակելու եւ հաստատելու համար.

«5.— Որ, բացի այդ, կովկասեան գործունէութեան որոշակի ծրագիրը անհրաժեշտ է կռուի ներկայ պայմաններում, համաձայնութեան գալու համար միւս գործող կուսակցութիւնների հետ.

«Որոշեց՝

«կովկասեան շարժման հարցում ԻՆՔՆԱՊԱՇՏՊԱՆՈՒԹԵԱՆ շրջանից անցնել բուն ՅԵՂԱՓՈՒՍԱԿԱՆ (ընդգծումները՝ բնագրի մէջ.— Ն.) գործունէութեան, մշակել ծրագիր՝ համաձայն կովկասեան Ռայոնական ժողովում արտայայտուած տրամադրու-

\*) Որքան մեկ գիտեմք, Հ. Յ. Դ. Խորհուրդի կողմից «Նախագիծ»ը ընդունուած է մէկ ձայնի առաւելութեամբ եւ այդ ձայնը պատկանում էր ... բանաստեղծ Յովհ. Թումանեանին:



քեան\*), ուղարկել կովկասեան դաշնակցական մարմիններին, ժամանակաւորապէս դեկավարուելու այդ ծրագրով, թողնելով նրա վերջնական մշակումը եւ հաստատումը յառաջիկայ Ընդհանուր Ժողովին:

«Հրատարակելով ներկայ Նախագիծը, առաջարկում ենք դաշնակցական մարմիններին եւ ընկերներին ուղարկել մեզ իրենց դիտողութիւնները, որպէսզի Ընդհանուր Ժողովը՝ վերջնական վաւերացում տալու համար, ունենայ իր ձեռքի տակ բոլոր տեսակէտների արտայայտութիւնը\*\*):

Դժուար չէ նշել այն փոփոխութիւնները, որ «Նախագիծ»ը՝ իբրեւ նոր դաւանագիր՝ բերում էր մեր Կուսակցութեան:

Այդ փոփոխութիւնները մենք պիտի սեղմէինք հետեւեալ կէտերի մէջ.

1.— «Նախագիծ»ը չափաւորում էր այն «ձախ» ըմբռնումը, որ մենք ունէինք ընկերվարութեան մասին:

2.— Զափաւորելով մէկտեղ՝ նա մեզ լծում էր տնտեսական-աշխատատեղական պայքարի ռուսապատկան Հայաստանի մէջ, երբ մենք մինչ այդ միայն քաղաքական պայքար ունէինք քրքապատկան Հայաստանի մէջ:

3.— Քանակապէս ու երկրօրէն մեր գործունէութեան սահմանները ընդարձակելով՝ որակապէս մեզ դարձնում էր մէկ Դատի, մէկ ու ամբողջական ժողովրդի եւ մէկ ու միացեալ Հայրենիքի պաշտպան:

Տարիներ առաջ այս նոյն հարցին դառնալով՝ նկատում էինք.

«1905ի կովկասեան «Նախագիծ»ը ոչ միայն ընդարձակեց հայ մեծ քաղաքական կազմակերպութեան գործունէութեան գերտիւնը, այդ թուից սկսած Դաշնակցութիւնը ոչ միայն փոխուեց, մեծացաւ ու ծաւալուեց ՔԱՆԱԿՈՎ՝ իր գործի շրջանակների մէջ առնելով նաեւ ռուսական ՀԱՅԱՍՏԱՆԸ, այլեւ փոխուեց ՈՐԱԿՈՎ:ԹՐԹԱՀԱՅ դատը փոխարինուեց ՀԱՄԱՀԱՅԿԱԿԱՆ դատով, իսկ համահայկական դատը կովկասի մէջ է՛լ աւելի շերտաւորուեց եւ դարձաւ հայ աշխատատեղ ժողովրդի դատ: Այսպիսով, թերեւս աննկատ իրեն իսկ՝ Դաշնակցութեան համար, նրա պայքարի գերադաս քաղաքական շեշտը կորցրեց իր վաղեմի փայլն ու թափը:

\*) Այս ժողովի ատենագրութիւնները մեր տրամադրութեան տակ, տարաբախտաբար, չունենք:

\*\*\*) «ՆԱԽԱԳԻԾ ԿՈՎԿԱՍԵԱՆ ԳՈՐԾՈՒՆԷՆՈՒԹԵԱՆ», 2-րդ տպագր., 1906, ժընեւ, էջ 2:



«Տարիներն ի գուր չէին անցել Դաշնակցութեան առաջադր դեմքերի համար: Անդրանիկ համագումարից մինչեւ «ՆԱԽԱԳԻՄ»-ը տեւող շրջանին ընդարձակուել էին Դաշնակցութեան քաղաքական մտքի հորիզոնները, քրքահայութեան փոխարէն նրա մրտաժողովութեան մէջ ցցուել էր ողջ հայութիւնը, իսկ Թրքահայաստանի փոխարէն՝ ամբողջական Հայաստանը: Նա դարձել էր ՀԱՄԱՀԱՅԿԱԿԱՆ կուսակցութիւն: Նրա համար այլեւս ռուսահայ նահանգներն էլ Հայաստանի հողեր էին: Ծաւալուում էր Դաշնակցութիւնը՝ աննկատելիօրէն դարբնելով հայ հողի եւ հայ ժողովրդի ամբողջականութեան գաղափարը\*):

Իր անդրանիկ դաւանազրի մէջ կատարուած այս փոփոխութիւններով Դաշնակցութիւնը ներկայացաւ իր Գերագոյն Ատեանին՝ Վիեննայի մէջ 1907-ին գումարուած Չորրորդ Ընդհանուր Ժողովին:

Առարկումի արժանի չէ այն խօսքը, թէ ընկերվար կուսակցութիւն չէինք մինչեւ այդ ժողովը եւ ընկերվար դարձանք — ոչ միայն «Նախագիծ»ով, այլ եւ պաշտօնական Ծրագրով—այդ ժողովում եւ այդ ժողովից յետոյ:

Սակայն, իրողութիւն է, որ այս մարդում, զուտ ընկերվար վարդապետութեան սահմանների մէջ, երկու փոփոխութիւն կատարուեց մեզ հետ.

Առաջին՝ ընկերվարութեան նախնական՝ «ձախ» ըմբռնումը, որ տիրապետող է մեր անդրանիկ դաւանազրի մէջ, պաշտօնապէս իր տեղը զիջեց ընկերվարութեան աւելի չափաւոր ըմբռնումին:

Երկրորդ՝ Ծրագիրը պաշտօնապէս նուիրագործեց մեր տընտեսական-աշխատաւորական գործունէութիւնը, մասնաւորաբար կովկասի մէջ:

Առանձնաբար առաջին կէտին դառնալով՝ անհրաժեշտ է նրկատել, որ փոփոխութիւնը (ընկերվարութեան ըմբռնումի մէջ) բացառաբար մեր ստեղծագործ մտքի արդասիքը չէր. ընկերվար աշխարհի մէջ մի շարք պայծառ դէմքեր թէ՛ Արեւմուտքում եւ թէ՛ Ռուսիոյ մէջ — Լաւրով, Միխայլովսկիյ, Ժոռես եւ ուրիշներ — վաղուց արդէն ձեռնարկած էին մարքսեան վարդապետութեան հիմնական վերաքննութեան. այս ուելիզիոնին ձեռնարկած էին նաեւ որոշ թեւեր բուն իսկ մարքսեան բանակի մէջ, լինի՛ Արեւմուտքում, լինի՛ Ռուսիոյ մէջ. այն օրերին, երբ Վիեննայի մէջ մեր Ընդհ. Ժողովն էր տեղի ունենում, ընկերվար աշխարհի հետաքրքրութեան առանցքն էր կազմում այդ աշխարհի կարկա-

\*) Տե՛ս արդէն յիշատակուած մեր յօդուածը՝ «Հայ անկախութեան գաղափարը մերձաւոր անցեալի մէջ», էջ 83:



ոուն դէմքերից մէկը՝ դերման սոցիալ-դեմոկրատ Բերնշտայնը, որ զլխաւորում էր դերման ռեւիզիոնիզմը՝ մարքսեան վարդապետութեան ամբողջական վերաքննութիւնը:

Զուր չէինք անցած այն ճամբան — թէ՛ դաւանազրեքով ու թէ՛ վարիչներով — որ երկարում էր 1894-ից մինչեւ 1907 թուականը:

Մարքսեան վարդապետութեան միայն աղօտ հետքերը կան մեր 1907-ի դաւանազրի վրայ. Ռոստոմը, որի դերակշիռ մասնակցութիւնը կայ նաեւ Վիեննայի Ծրագրի «Ընդհանուր Տեսութեան» մշակմանը մէջ, բնաւ այն Ռոստոմը չէ, որ յօրինած է մեր անդրանիկ դաւանազրի այդ նոյն բաժինը: 1907-ին մենք տարբեր ընկերվարներ ենք, ճիշտ է, աւելի չափաւոր, սակայն միաժամանակ նաեւ աւելի խոր ու իրատես.

«Այն խոր դժգոհութիւնները, — կրկին դառնանք մեր 1924-ի դրութեան, — որ կուսակցութեան շարքերում առաջացան «Նախագիծ»ն ու Վիեննայի Ծրագիրը ընդունուելու հետեւանով, ուղղուած էին ոչ թէ ԸՆԿԵՐՎԱՐՈՒԹԵԱՆ դէմ, ինչպէս ընդունուած է՝ փաստերը խեղաթիւրելով՝ կրկնել, այլ միայն եւ բացառապէս այն ակնբախ, անվիների ու անառարկելի շեղումի դէմ, որ թոյլ տուաւ իրեն Դաշնակցութիւնը՝ թրփահայոց քաղաքական հարցը փոխարինելով համահայկական դատով»\*):

Մենք հնարաւորութիւն չունենք Վիեննայի Ծրագրում ձեւաւորուած մեր ընկերվար վարդապետութեան մանր քննութեամբ զբաղուելու այստեղ. այդ մասին լայնօրէն արտայայտուած ենք մի անգամ արդէն յիշատակուած մեր մի այլ յօդուածի մէջ\*\*): Սակայն, աւելորդ չենք գտնում այստեղ յիշատակելու գոնէ եզրափակիչ տողերը 1907-ի Ծրագրի «Ընդհանուր Տեսութեան»:

Ամփոփ տողերի մէջ այն ճամբան դժելով, որ մարդկութիւնը առաջնորդում է դէպի ընկերվար հասարակակարգը, Ծրագիրը լի հաւատքով ազդարարում էր.

«Բոլոր տանջուածներու եւ հալածուածներու ընկերվար իտէալը չի ներկայանար մեզ իբրեւ անհող, անխարխալ ցնորք մը, այլ իրագործելի հնարաւորութիւն մը, որովհետեւ ան կը բխի ոչ միայն իրերու առարկայական, տարերային ընթացքէն, այլ կը թելադրուի հրամայաբար պատմութիւնը առաջ շարժող զանգուածներու եւ անհատներու կամքէն, խիղճէն ու բանականութենէն:

«Պատմութեան ԱՌԱՐԿԱՅԱԿԱՆ եւ ԵՆԹԱԿԱՅԱԿԱՆ (ընդդէմումները՝ Ծրագրի մէջ. — Ն.) ստեղծագործող ուժերու դաշ-

\*) «Հայրենիք», 1924, Փետր., էջ 85:

\*\*\*) «Ընկերվար վարդապետութիւնը եւ Հ. Յ. Դաշնակցութիւնը», «Հայրենիք», 1923-ի Յունուարի եւ Փետրուարի թուերը:



նադրութեան մէջն է գրաւականը այն անտարակուսելի յաղթանակին, զոր պիտի տանի աշխատաւոր մարդկութիւնը թէ՛ բնութեան կոյր ուժերուն եւ թէ՛ հասարակութեան մէջ դարերով տիրող ստրկութեան եւ անարդարութեան դէմ»<sup>\*</sup>) :

Առաջին անգամը լինելով՝ մեր դաւանագրի մէջ մատնանըչում է այսքան յստակ ձեւակերպումով — եւ ընդգծուած բառերով — այն դերը, որ վերապահուած է պատմութեան թէ՛ առարկայական ու թէ՛ ենթակայական ստեղծարար ուժերին՝ նրանց դաշն գործունէութեամբ ընկերվարութեան յաղթանակը ապահովելու համար :

Մեր այս Ծրագիրը, լոկ բառերի փոփոխութեամբ, նոյնն է մնում մինչեւ այսօր, բացառութեամբ անկախութեան պահանջի, որին պիտի անդրադառնանք առանձին :

Դաշնակցութեան յաջորդ Ընդհ. Ժողովները, մասնաւորաբար 10-րդը, ուր մինչեւ իսկ յատուկ Յանձնախումբ ընտրուեց այս նպատակով, փորձեր կատարեցին վերանայելու մեր Ծրագիրը, սակայն, այս փորձերը, դէպքերի ու պայմանների հարկադրանքի տակ, անցան ապարդիւն :

Եւ այսօր, Դաշնակցութեան 60-ամեակին, մենք հայ Ժողովրդին ներկայանում ենք մեր Չորրորդ Ընդհ. Ժողովի «Ընդհանուր Տեսութեամբ» :

Այդ դաւանագիրը կարող է վերախմբադրուել, սակայն նա իր էութեանը մէջ չի կարող փոխուել :

Դաշնակցութիւնը աշխարհ եկաւ իբրեւ ընկերվար կուսակցութիւն, գործեց իբրեւ ընկերվար կուսակցութիւն եւ պիտի շարունակի ապրել ու գործել իբրեւ ընկերվար կուսակցութիւն :

### III

#### ԱՆԿԱՆՈՒԹԻՒՆ

Ի՞նչ ձեւաւորում ունէր Դաշնակցութեան քաղաքական պահանջը իր դաւանագրերի մէջ :

Մեր անդրանիկ Ծրագրի մէջ երեք անգամ որոշակի խօսք կայ մեր քաղաքական պահանջի մասին .

1.— «ԻՆՔՆԱՎԱՐՈՒԹԻՒՆ ստանալ» (Ծրագրի ներածական բաժնում, էջ 9) :

2.— «ՏԱՃԿԱՀԱՅԱՍՏԱՆՈՒՄ ձեռք բերել... քաղաքական ազատութիւն» (Ծրագիր, «ՆՊԱՏԱԿ» գլխի տակ, էջ 15) :

3.— «Այագայ ԱԶԱՏ Հայաստանում» հաստատել... «ժողո-

<sup>\*</sup>) «ԾՐԱԳԻՐ», ժընեւ, 1928, էջ 19 :



վրդական-նամկավարական կառավարութիւն» (Մրադիր, «ՆՊԱ-ՏԱԿ» գլխի տակ, էջ 15) :

Ընդգծումները մե'նք կատարեցինք :

Ի՞նչպէս ըմբռնել այս բառերը, — «ինքնավարութիւն», «Տանկահայաստան» (ուր ժողովուրդը ձեռք բերած է «քաղաքական ազատութիւն»), «ազատ Հայաստան»...

Այս բառերի տակ, ճիշտ է, որոշակի պահանջ չկայ անկախ Հայաստանի մասին, բայց մի՞թէ որոշակի բացասումն կայ այդ պահանջի :

Մեր անդրանիկ դաւանադրի քաղաքական շիտթ պահանջները մի՞թէ չեն դալիս մատնելու ահաւորութիւնը այն պայմաններին, որոնց տակ ապրում էր մեր հայրենիքը :

Ճամբան հարթել հայրենիքի լիակատար անկախութեան՝ կա'մ մէկ անգամից (եթէ հնար է այդ) եւ կամ աստիճան առ աստիճան (եթէ մէկ անգամից հնարաւոր չէ այդ), — ահա այն հասարակաց նպատակը, որ 1890-ին մէկ ընդհանուր ուխտի եւ «դաշնակցութեան» մէջ համախմբեց Հայ Յեղափոխականներին :

Եւ այս ուխտը այնքան նուիրական ու հաստատուն եղաւ, որ ուխտակիցները՝ կնքուած «դաշն»ի անունով՝ Դաշնակցական կոչուեցին, իսկ աւելի ուշ էլ՝ Դաշնակցութիւն անունը տուին իրենց կազմակերպութեան :

Էականը բառերը չէին — «ինքնավարութիւն», «քաղաքական ազատութիւն Տաճկահայաստանում», «ազատ Հայաստան» — այլ գործը, այն պայքարը, որին եկած էին լծուելու Հայ Յեղափոխականները՝ իրենց Աշխարհի դժոխային պայմանները բարեփոխելու համար :

Անկախութեան պահանջը որեւէ նորոյթ չունէր իր մէջ. մեր անդրանիկ դաւանադրի առաքեալները «ազատ Հայաստան» ասելու փոխարէն՝ ամենայն դիւրութեամբ կարող էին «անկախ Հայաստան» ասել :

Իրենցից առաջ այդ պահանջը Հնչակեանները դրած էին արդէն՝ 1888-ին «Հնչակ»ում հրապարակած (եւ թէ առանձին գրքոյկով լոյս ընծայած) իրենց Մրադրի մէջ :

Սակայն, նոյն շիտթը կար նաեւ Հնչակեանների մօտ :

Ահա այս վերջինների առաջադրած պահանջները 1888-ի անդրանիկ դաւանադրով, ուր իրենք իրենց հետեւեալ յորջորջումներն են տալիս՝ «սոցիալիստ-նամկավարական», «հայ յեղափոխական», «հնչակեան» .

1. — «Կուսակցութեան մօտակայ նպատակն է — կոխ մղել՝ միապետական կարգերը տապալելու համար եւ նրանց փոխարի-



նելու հանրային ռամկավարական սահմանադրական կարգերով...»\*) :

Այս պահանջը վերաբերում է բովանդակ թուրքիոյ. ահա բացառաբար Հայաստանի վերաբերող պահանջը.

2.— «Հայ ժողովրդի ու Հայաստանի նականագիրք միանգամից ընդմիջտ պէտք է գատուէ քիւրֆական կայսրութեան նականագրից, ըստ որում պատմական պահանջ ու անբաժեշտութիւն է ներկայացնում — Հայ ազգային անկախութիւնը, որն էլ այդպիսով կազմում է մօտակայ նպատակի մի հիմնական մասն ու առաջին պայմանը»\*\*):

Ահա նաեւ «Արեւելք»ին վերաբերող պահանջը.

3.— «Հնչակեան կուսակցութեան ամենաջերմ իդան է — Ընդհանուր անկախ Դաշնակցութիւն, նման Շուէյցարիայի դրութեան, բոլոր փոքր ազգերի Արեւելքում, երբ դրանցից մնացածներն էլ ազատուած կը լինեն քիւրֆական լծից»\*\*\*):

Ինչպէս տեսնում էք, հակասութիւններով լի այս դաւանագրի մէջ միաժամանակ ամէն բան կայ. 1888 թուի «սոցիալիստ-ռամկավարական»ը ե՛ւ միապետական կարգեր է տապալում թուրքիոյ մէջ (այնտեղ ռամկավարական-սահմանադրական կարգեր հաստատելու համար), ե՛ւ դատում է այս երկրից Հայաստանը (այնտեղ «հայ ազգային անկախութիւն» հիմնադրելու համար), ե՛ւ միացնում է Արեւելքի բոլոր ազգերին («ընդհանուր անկախ դաշնակցութիւն» կերտելու առաջադրութեամբ)...

Եւ ուշագրաւն այն է, որ երկու կուսակցութեանց — Դաշնակցական եւ Հնչակեան — այն բոլոր բանակցութիւնների մէջ, որ նրանք մղել են իրենց դործունէութեան սկզբնական տարիներին, երբեք չէ՛ն չկայ քաղաքական այս տարբեր պահանջների շուրջ. կողմերը դիտէին, որ իրենք տարբեր բառեր դործածելով — «ինքնավարութիւն», «ազատութիւն», «անկախութիւն» եւ այլն — խորքին մէջ նոյն բանն են ասում:

Հանրածանօթ է այն բացառիկ դերը Հայ Ազատագրական Շարժման մէջ — թէ՛ ընդհարնապէս հայ կեանքում եւ թէ՛ մասնաւորաբար մեր կուսակցութեան մէջ — որ վիճակուեց Քրիստափոր Միքայէլեանին:

Նոյն դերը վիճակուեց նաեւ իր միակ զրքոյկին — «ՅեՂԱ-ՓՈՒԱԿԱՆԻ ՄՏՔԵՐԸ» — որ եղաւ ու մնաց մեր վերջին 60-ամեա-

\*) «ԾՐԱԳԻՐ ՀՆՉԱԿԵԱՆ ԿՈՒՍԱԿՑՈՒԹԵԱՆ», 3-րդ հրատ., Լոնդոն, 1897, էջ 5:

\*\*\*) Անդ, էջ 9:

\*\*\*) Անդ, էջ 12:



կի հրապարակագրական ճիգերի ամենէն փայլուն վաստակը. մի գրքոյկ, որի հիմնական դադափարները մենք շարունակում ենք որոճալ դեռ մինչեւ այսօր եւ որ, այդ իսկ պատճառով, մի երկրորդ դաւանագրի հանդամանք առաւ մեզ համար:

Փորձենք մեր այս անպաշտօն դաւանագրի օժանդակութեամբ պարզել, թէ ի՞նչպէս էր ըմբռնում Քրիստափորը մեր քաղաքական պահանջը՝ Կուսակցութեան պաշտօնական դաւանագրի մէջ:

Տակաւին 1894-ի մեր անդրանիկ Մրազիւրը չհրապարակուած, «Փետրուար, 1892» թուականով, ստորագրութեանցը տակ Ս. Զաւարեանի եւ Քր. Միքայէլեանի, «Դրօշակ»ի 1892 թուի մէջ, լոյս է տեսնում «ԹիԻ Յ ԽՄԲԱԳՐԱԿԱՆԸ»:

Այդ Խմբագրականում զոյգ հիմնադիրները հանդամանօրէն խօսում են «ապագայ ԱԶԱՏ Հայաստանի ռամկավարական Սահմանադրութեան» մասին:

Արդ, ի՞նչ էին հասկանում մեր հիմնադիրները՝ «ազատ Հայաստան» ասելով:

Իր հանրածանօթ «ԱՄԲՈՒՍՅԻՆ ՏՐԱՄԱԲԱՆՈՒԹԵԱՆ» մէջ Քրիստափորը գրում էր.

«Մեր դատը վաղուց է հայերիս համար սուկալի մի վերքի նշանակութիւն ստացել: Շնորհիւ քուրք կառավարութեան կատարեալ կուրութեան՝ նա նոյն վերքի նշանակութիւնն է ստացել Թուրքիայի համար եւս: Թէ՛ մենք եւ թէ՛ Թուրքիան ընտրել ենք այդ վերքի դէմ վԻՐԱԲՈՒԺԱԿԱՆ միջոց (թէ՛ այս եւ թէ՛ հետագայ բոլոր ընդդժումները՝ Քրիստափորինն են. — Ն.). մենք դիմել ենք՝ յեղափոխութեան, Թուրքիան՝ մեզ կոտորելու միջոցին: Մեզ մնում է, ուրեմն, երկուսից մէկը — կա՛մ սեփական ձեռքերով թաղել մեր դատը, կամ թէ՛ ՇԱՐՈՒՆԱԿԵԼ մեր կռիւը ԱՅՆՔԱՆ, որ նա՛ քուրքերի դէմ մինչեւ այժմ ուղղուած դժգոհութիւնների, պաշտօնական բողոքների եւ քղթի սպառնալիքների շրջանը անցնելով, վերջապէս, մի վէ՛ր՝ ԳԱՌՆԱՅ նաեւ այն ազգութիւնների ու պետութիւնների համար, որոնք կապ ունեն Թուրքիայի ու մեր հարցի հետ: Այն օրը, երբ նրանք եւս կը համոզուեն, որ այդ վերքի դէմ պէտք է դիմել վԻՐԱԲՈՒԺՈՒԹԵԱՆ, մեր դատը ապահովուած կը լինի. այդ օրը կը լինի եւ մեր աջողութեան օրը»\*):

Իսկ թէ Քրիստափորը ի՞նչ էր հասկանում՝ «վիրաբուժութեամբ» հայ ժողովրդին «աջողութեան օր» ապահովել, այդ երեւում է նրա նոյն գրուածքի հետեւեալ տողերից.

\*) Ք. ՄԻՔԱՅԷԼԵԱՆ — «Յեղափոխականի Մտքերը», 1931, Աթէնք, էջ 71:



«Բուլղարները ապստամբուել են 1828, 1837, 1841, 1862, 1867, 1868, 1872 եւ 1876 թուերին. ուրեմն, շարժումը տեւել է 50 տարի, ունենալով 44 տարուայ ընթացքում անընդհատ անաջողութիւն: Յոյները ապստամբուել են 1770, 1798, 1801, 1812, 1820-29 թուերին. ազատութիւն գտան 1829-1830 թուին, այսինքն՝ 60 տարուց յետոյ, շատ անգամ տեղի տալով զարհուրելի կոտորածների եւ ամբողջ Պելոպոնէսի ու Մորէայի կատարեալ ստերման...: Այսօրուայ Ազատ Կրէտէն, որ իր կռիւը սկսեց դեռ Յունաստանի հետ միասին, ապստամբուել է աւելի քան տասն անգամ՝ պաշտպանելով իր դատը ամբողջ 128 տարի: Սերբերը կրոնուել են 40 տարու չափ եւ նախ քան ազատուելը՝ պարտութիւններ են կրել շատ անգամ: Ռումանական շարժումը, նոյնպէս արիւնով ներկուած, տեւել է ոչ պակաս 100 տարուց: Բոսնիա եւ Հերցոգովինա կոուել են 1630 թուից մինչեւ 1870-ը. Իրլանդիան 600 տարի է չէ ընկնում իր ազատութեան տենչանքների մէջ՝ չնայած իր միլիոնաւոր գոհերին: Դեռ երէկ մարտնչող, հերոսական կուրան միմիայն մեր դարում երեք խոշոր ապստամբութիւններ է ունեցել՝ միմիայն վերջին ապստամբութեան ժամանակ 200 հազար գոհ տալով: Իտալական յեղափոխութիւնը 60 տարի պահանջեց յաղթանակը տանելու համար»\*) :

*Պարզ չէ՞ միթէ, թէ «ազատ Հայաստան»ի առաքեալը ի՞նչ պէս էր հասկանում «վիրաբուծութիւն»ը եւ ի՞նչ էր պատկերացընում իրեն՝ «աջողութեան օր» ասելով...*

*Վառ երազները փոթորկում էին իր հոգին շատ աւելի խորերից :*

*Կախարդը Հայ Ազատազրական Շարժման ոչ միայն Տաճկահայաստանի անկախութիւնն էր տենչում, այլ եւ երազում էր ամբողջացած — ազատ ու անկախ — տեսնել Հայ հողը :*

*Իր հրեղէն գրչով պատգամում էր նա .*

«Պատռել է հարկաւոր քարտէսների վրայ այս կամ այն աւազակապետի կամքով գծուած սահմանները, ջնջել է հարկաւոր այն աշխարհագրական ներկերը, որոնք մեզ բաժանում են իրարից եւ որոնք առհասարակ մշտական չեն, իսկ երբեմն շատ կարմատեւ են լինում: Ո՛չ մի բռնութիւն, ո՛չ մի հալածանք, ո՛չ մի սահման չէ կարող բաժանել մի ժողովուրդ, եթէ նա, տոգորուած ընդհանուր շահերի գիտակցութեամբ, ունի նաեւ կոուելու անսասան ՎՃՌՈՂԱԿԱՆՈՒԹԻՒՆ եւ կապուած, ՄԻԱՑԱԾ է դարե-

\*) Անդ, էջ 66-67 :



բով սնուած ու պահպանուած ընդհանուր բնագոյների ու գգացմունքների առողջ զարկերակով»\*) :

Մեր դարաւոր երազը Քրիստափորների հոգում տեղ դրած էր այսքան յստակ ու վառ գոյներով, սակայն նա մշուշոտ ձեւ առած էր մեր անդրանիկ դաւանադրի մէջ :

Մեր հետագայ դաւանագրերը աստիճան առ աստիճան դժեցին դէպի այս երազը տանող մեր ճամբան :

Այդ ճամբաներից մէկը — Ֆեդերասիոնն էր, դաշնակցային հիմերով թէ՛ թուրքիոյ եւ թէ՛ Ռուսիոյ վերակերտումը :

1900-ին գրի առած իր ծանօթ յօդուածի մէջ — «ՄԻՈՒԹԻԻՆ ԹՈՒՐԳԵՐԻ ՀԵՏ» — Քրիստափորը՝ իր խօսքը թուրքերին ուղղելով՝ յայտնում էր .

«Հայ Յեղափոխական Դաշնակցութիւնը — որի անունից միայն, ի հարկէ, մենք իրաւունք ունենք խօսելու — ընդհանրացրանելով Տանկահայաստանի վերաբերեալ իր ծրագիրը, կարող է առաջարկել համայն Տանկաստանի մի կազմակերպութիւն, որը — միւս հաւասար պայմաններում — անշուշտ, ընդունակ է միացրնել բոլորին : Դա ՓԵՂԵՐԱՏԻԻ (դաշնակցական) ՌԱՄԿԱՎԱՐԱԿԱՆ կազմակերպութիւնն է...»\*\*):

Եւ իր նոյն յօդուածում Քրիստափորը բացատրում էր, թէ այս «Ֆեդերատիւ»ին ինչո՛ւ արգելք չէ «ազգերի անկախութեան» արդար պահանջը\*\*\*):

Այս «Ֆեդերատիւ»ը, սակայն, մեր դաւանադրին մաս կազմեց տարբեր երկնակամարի տակ :

Հակառակ այն իրողութեան, որ աշխարհ եկած էինք թրքահայ Դատի համար, մեր քաղաքական պահանջը, պատմութեան հեղնանքով, քիչ-չատ որոշակի կերպարանք առաւ Անդրկովկասի մէջ, ոռոսապատկան Հայաստանի համար :

«Նախագիծ»ով որդեգրած լինելով «կովկասեան գործունէութիւն»ը՝ Դաշնակցութիւնը հետեւեալ պահանջն էր առաջադրում Անդրկովկասի համար .

«1. — Դաշնակցական ռամկավար հանրապետութիւն Անդրկովկասի համար...»

«3. — Անդրկովկասը կազմում է ազատ Ռուսաստանի անբաժան մասը...» :

\*) Անդ, էջ 122-123 :

\*\*) Անդ, էջ 101 :

\*\*\*) Անդ, էջ 104 :



«5.— Անդրկովկասի Դաշնակցութիւնը ունի իր կենտրոնական պարլամենտը Թիֆլիսում...»\*) :

Չկայ ոչ իսկ անունը Հայաստանի. խօսքը բացառաբար Անդրկովկասի մասին է, որի կազմի մէջ էր մտնում նաեւ մեր հայրենիքի ռուսապատկան հատուածը :

«Նախագիծ»ի օրերին, սրանից 44—45 տարիներ առաջ, կարելի չէր Ռուսիոյ մէջ խօսել ոչ միայն անկախ Ռուսահայաստանի, այլ անդամ անկախ՝ Ռուսիայից անջատ ու բաժան՝ Անդրկովկասի մասին : Կարելի չէր նաեւ այն պատճառով, որ վրացի սոցիալ-դեմոկրատները, որոնց դերը այնքան դերակշիռ էր Համառուսական Սոցիալ-Դեմոկրատիայի մէջ, վճռաբար դէմ էին ազգային ամէն անկախութեան՝ Ռուսիոյ կոտորակումը անհաշտ գտնելով Մարքսիզմի թէ քաղաքական ուղղութեան եւ թէ պատմա-փիլիսոփայական աշխարհահայեացքի հետ : «Նախագիծ»ով ձեւաւորուած պահանջն իսկ — հանրապետական Անդրկովկասը դաշնակցային հիմերով կապուած Ռուսաստանին — քաղաքական խիզախ քայլ էր Դաշնակցութեան համար :

Այս փեղեբասիւնը հարթեց ճանապարհը այն միւս փեղեբասիւնի համար, որ քիչ աւելի ուշ՝ Վիեննայի մէջ՝ Դաշնակցութիւնը պաշտօնապէս պիտի որդեգրէր թրքապական Հայաստանի նկատմամբ :

Ահա այն քաղաքական պահանջը, որ Չորրորդ Ընդհանուր Ժողովը (1907-ի) քուէարկեց Հայաստանի զոյգ հատուածների համար .

«Ղեկավար ունենալով ընկերվարական սկզբունքները եւ կանգնած մեր բնակած վայրերու իրական ու հասունցած պէտքերուն վրայ՝ կուսակցութիւնը կ'առաջադրէ հետեւեալ նուազագոյն պահանջները .—

«1.— ԹՐԳԱՀԱՅԱՍՏԱՆԻ ՄԷՁ՝ քաղաքական-տնտեսական ազատութիւն, հիմնուած տեղական լայն ինքնավարութեան եւ դաշնակցական կապերու վրայ, Օսմանեան պետութեան սահմաններուն մէջ» :

«5.— ԱՆԴՐԿՈՎԿԱՍԵԱՆ ռամկավար հանրապետութիւնը կը կազմէ Ռուսաստանի դաշնակցական հանրապետութեան անբաժան մասը, կապուած անոր հետ պետական ինքնապաշտպանութեան, դրամական սիստեմի, մաքսի եւ արտաքին քաղաքականութեան խնդիրներով»\*\*):

\*) «ՆԱԽԱԳԻԾ ԿՈՎԿ. ԳՈՐԾՈՒՆԷՆՈՒԹԵԱՆ», 1906, Ժընեւ, էջ 13 :

\*\* ) «ԾՐԱԳԻՐ», 1908, էջ 18—19 :



Աննկատ, դէպք առ դէպք, բաժան-բաժան Հայ Դատը ամբողջափութ էր Դաշնակցութեան դաւանադրի մէջ, աւելի ուշ, սրտեհ վայրկեանին, ՄԻԱՅԵԱԼ, ԱԶԱՏ եւ ԱՆԿԱԽ ՀԱՅԱՍՏԱՆԻ կերպարանքով աշխարհ դալու համար:

Այս վերջինը եղաւ շատ աւելի ուշ, 1919-ին, Երեւանի մէջ դումարուած Դաշնակցութեան Իններորդ Ընդհանուր Ժողովում:

Կուսակցութեան Գերագոյն Ատեանի անդրանիկ հաւաքոյթն էր այս՝ հրաւիրուած անկախ հայրենիքի մայրաքաղաքում:

1907-ից մինչև 1919 թուականը դարերի կշիռ ունեցող պատմական անցքեր էին տեղի ունեցած մեր հայրենիքում: Բոլորած էինք 1908-ի թրքական Սահմանադրութիւնը, Ազանայի կոտորածը, առաջին մեծ սպտերազմը, տեսած էինք Ապրիլեան Եղեռնը, անցած էինք ուսական զոյգ յեղափոխութիւնների ուրազաններից եւ օրհասական սլաքարի մէջ, արիւնոտ ուղմաճակատների վրայ, Բազուից մինչև Դարաքիլիսէ, Բաշ-Ապարան ու Սարդարապատ, կերտած էինք մեծագոյն փառքը վերջին դարերի մեր պատմութենա՝ Մայիս 28-ը:

Երեւանի պատմական Ժողովին մասնակցում էին 80 հոգի, 61-ը՝ վճռական ձայնով, իսկ 19՝ խորհրդակցական:

61 իրաւասու ձայները փաստօրէն ներկայացնում էին ոչ միայն մեր միացեալ հայրենիքը, այլև բովանդակ հայութիւնը՝ Երկրի եւ Գաղթաշխարհի:

Ուշագրաւ է, որ 61 իրաւասու ձայներից միայն 18-ը (30%) պատկանում էր իրացած Հայաստանին (Արեւելեան Բիւրօ, Երկրի Կենդր. Կոմիտէ, Երեւան, Ալեքսանդրապոլ, Կարս, Զանգեզուր, Հայաստանի Խորհրդարանի Դաշնակցական Խմբակցութիւն, Հ. Յ. Դ. Երեւանի Ներկայացուցչական Խորհուրդ, Հ. Յ. Դ. Ուս. Միութիւն եւ Հ. Յ. Դ. Աշակ. Միութիւն). ձայներից 14-ը (23%) պատկանում էր կա՛մ վիճելի եւ կամ Հայաստանից բաժան շրջաններին (Հայաստանի Բիւրօ, Շուշի, Վան, Կարին-Բասէն, Մուշ, Հարթ-Ապահունիք եւ Բազրեւանդ). իսկ մնացեալ 29 ձայները (47%) պատկանում էին «Միացեալ»ի սահմաններից դուրս գտնուած վայրերին (Պոլսոյ Հայաստանի Բիւրոյի հատուած, Բագու, Գանձակ, Թիֆլիս, Բաթում, Սուխում, Սոչի, Սերաստիա, Կիլիկիա, Իզմիր, Պոլիս, Եգիպտոս, Բալքաններ, Ամերիկա, Թեհրան):

Իր այս կազմով Ժողովը, որ ներկայացնում էր համայն հայութիւնը իր բոլոր հատուածներով ու բնակավայրերով, միաձայնաբար քուէարկեց հետեւեալը.

«Հ. Յ. Դ. ԱՇՆԱԿՑՈՒԹԵԱՆ 9-ՐԴ ԸՆԴՀ. ԺՈՂՈՎԸ, ՀԱՆԴԻՍԱՒՈՐԱՊԷՍ ՆՈՒԻՐԱԳՈՐԾԵԼՈՎ ԱՆԿԱԽ ԵՒ ՄԻԱՅԵԱԼ ՀԱՅԱՍՏԱՆԻ







ՏԱՆԻ ՅԱՅՏԱՐԱՐՈՒԹԻՒՆԸ ԵՒ ԱՆՈՐ ԱՄԲՈՂՋԱՑՄԱՆ ՈՒ  
ԶԱՐԳԱՑՄԱՆ ՁԳՏԵԼՈՎ ԲՈԼՈՐ ԶՕՐՈՒԹԵԱՄԲ, ԺՈՂՈՎՐԴԱ-  
ՎԱՐ (ԴԵՄՈԿՐԱՏԻԿ) ՀԱՆՐԱՊԵՏՈՒԹԵԱՆ ՀԻՄԱՆ ՎՐԱՅ, ՈՐՈ-  
ՇԵՑ՝

«Ա.— ԶԵՂԵԱԼ ՀԱՄԱՐԵԼ ԿՈՒՍԱԿՑՈՒԹԵԱՆ ՆՈՒԱԶԱԳՈՅՆ  
ԾՐԱԳՐԻ ՌՈՒՍԱՀԱՅԱՍՏԱՆԻ ԵՒ ՏԱՃԿԱՀԱՅԱՍՏԱՆԻ ՎԵՐԱ-  
ԲԵՐԵԱԼ ՔԱՂԱՔԱԿԱՆ ՊԱՀԱՆՋՆԵՐԸ :

«Բ.— Ամբողջական Ծրագրի վերաբերյալ յետաձգում  
է յաջորդ Ընդհ. ժողովին» :

Այս որոշումը, «ՆՈՒԱԶԱԳՈՅՆ ԾՐԱԳՐԻ ՓՈՓՈԽՈՒԹԻՒՆ»  
խորագրի տակ, տեղ գտաւ ժողովի պաշտօնական դրքոյկի մէջ\*):

Նոյն «ՈՐՈՇՈՒՄ»ը, զատ տպագրութեամբ, կցուեց Զոր-  
բորդ Ընդհ. ժողովի կողմից որդեգրուած մեր Ծրագրին, որի  
«վերաքննութիւն»ը յետաձգուած էր :

1924-ին Փարիզում գումարուած յաջորդ՝ 10-րդ Ընդհ. ժո-  
ղովը, այդ «վերաքննութիւն»ը չկատարելով հանդերձ, անկա-  
խութեան վերաբերող 9-րդի «ՈՐՈՇՈՒՄ»ը յատուկ խմբագրու-  
թեամբ միաձուլեց Ծրագրին :

Ահա այդ հատուածը .

«Առաջնորդուած ընկերվարական սկզբունքներէ, ձգտելով  
ստեղծել անկախ եւ ազատ հայրենիք եւ նկատի ունենալով մեր  
բնական վայրերու իրական ու հասունացած պէտքերը, կուսակ-  
ցութիւնը կ'առաջադրէ հետեւեալ պահանջները .

«1.— ՀԱՅԱՍՏԱՆԸ ՊԻՏԻ ԸԼԼԱՅ ԺՈՂՈՎՐԴԱՎԱՐ ԱՆԿԱՆ  
ՀԱՆՐԱՊԵՏՈՒԹԻՒՆ, ՈՐՈՒՆ ՍԱՀՄԱՆՆԵՐՈՒՆ ՄԷՁ ՊԻՏԻ ՄԻ-  
ԱՆԱՆ ՌՈՒՍԱՀԱՅԿԱԿԱՆ ԵՒ ԹՐՔԱՀԱՅԿԱԿԱՆ ՀՈՂԵՐԸ\*\*):

Յաջորդ չորս Ընդհ. ժողովները — 1929-ի (Փարիզ), 1933-ի  
(Փարիզ), 1938-ի (Գահիրէ) եւ 1947-ի (Գահիրէ) — նոյնու-  
թեամբ պահեցին այս Ծրագիրը :

Եւ այսօր, 1950-ին, 60-ամեայ Դաշնակցութիւնը հայ հան-  
րութեան ներկայանում է իր այս դաւանադրով, ուր միացեալ  
Հայաստանի անկախութեան դադափարը գտած է իր հաստատուն  
տեղը :

Աւելորդ չէ, այնուամենայնիւ, նկատել, իբրեւ մէկ յատկո-  
րոշ արտայայտութիւնը ալեկոծ հայ կեանքի, որ անկախութեան  
պահանջը արոշակի բառերով տեղ գտաւ մեր Ծրագրի մէջ ոչ թէ  
փաստից առաջ, այլ փաստից յետոյ :

\*) «ՔԱՂՈՒԱԾՔՆԵՐ Հ. Յ. Դ. 9-ՐԴ ԸՆԴՀ. ԺՈՂՈՎՐԴ ՈՐՈ-  
ՇՈՒՄՆԵՐԻՑ», 1920, Երեւան, էջ 4-5 :

\*\*\*) «ԾՐԱԳԻՐ», 1928, ժընեւ, էջ 20 :



Իններորդ Ընդհ. Ժողովի «ՈՐՈՇՈՒՄ»ով «անկախական» դարձանք, երբ անկախ էինք արդէն եւ երբ այդ «ՈՐՈՇՈՒՄ»ը քուէարկուեց էինք անկախ Հայաստանի մայրաքաղաքի մէջ...

#### IV

### ԺՈՂՈՎՐԴԱՎԱՐՈՒԹԻՒՆ (DEMOCRATIE)

Մեր դաւանադրերի մէջ ժլատաբար մշակուած հարցերից մէկն է:

Մեր անդրանիկ Ծրագիրը յայտնում է, որ իրեն նպատակ դրած է «սպազայ ազատ Հայաստանում» հաստատել «ժողովրդական-նամկավարական կառավարութիւն», որ «հաստատուած պիտի լինի ամէն հասակաւոր բնակչի բնորոշական իրաւունքի վրայ, առանց որեւէ ցեղի»։ Ծրագիրը միաժամանակ զնում է հետեւեալ պահանջները, — «ազգութիւնների եւ դաւանութիւնների հաւասարութիւն օրէնքի առաջ» եւ «ազատութիւն խօսքի, մամուլի եւ ժողովների» (էջ 15-16):

Նոյնքան ժլատ է նաեւ մեր երկրորդ դաւանագիրը՝ «Նախագիծ»ը:

Իր ներածական բաժնում այս վերջինը յայտնում է.

«Լինելով բացարձակ հակառակորդ ամէն տեսակ առանձնաշնորհումների, ազգայնական ամէն տեսակ գերիշխանութեան ու ննշումների, Դաշնակցութիւնը համոզուած է, որ միմիայն այդպիսի ռամկավարական կազմակերպութեան մէջ՝ կովկասեան այլատարր, այլակրօն եւ այլաբարբառ ժողովուրդները կարող են ապահովուած տեսնել իրենց ուրոյն, ազատ ու անարգել առաջադիմութիւնն ու բարգաւաճումը» (էջ 5):

Այս ընդհանուր սկզբունքները արծարծելուց յետոյ՝ «Նախագիծ»ը՝ «ՔԱՂԱՔԱԿԱՆ» գլխի տակ՝ զնում է մի շարք ծանօթ ու ընդհանրացած ժողովրդավար պահանջներ, — բնորոշական քառանդամ իրաւունք («բնդհանուր, հաւասար, ուղղակի եւ գաղտնի»), «անհատի եւ բնակարանի անձեռնմխելիութիւն», «մամուլի, խօսքի, գումարումների, բանուորական սինդիկատների եւ գործադուլների կատարեալ ազատութիւն», «պետական եկեղեցի»ի բացառում եւայլն (էջ 13-14):

Դաշնակցութեան ժողովրդավար սկզբունքներն ու պահանջները շատ աւելի մշակուած ձեւով ներկայացուած են Զորքորդ Ընդհ. Ժողովի կողմից որդեգրուած Ծրագրի մէջ, որ շարունակում է մեր դաւանագիրը մնալ մինչեւ այսօր:

«ՔԱՂԱՔԱԿԱՆ» գլխի տակ Ծրագիրը յայտնում է.



«Հ. Յ. Դաշնակցութիւնը, իբրեւ յեղափոխական եւ ընկեր-  
վարական կուսակցութիւն, կը ձգտի պաշտպանել հայ աշխատա-  
ւոր գանգուածներուն բովանդակ շահերը, թէ՛ տնտեսական-դա-  
սակարգային, թէ՛ մարդկային-ֆաղափական եւ թէ ազգային-  
գարգացական, նպատակ ունենալով ժողովուրդին ձեռքը տալ կա-  
ռավարութեան ղեկը եւ արդի միապետական եւ դրամատիրական  
կարգերը փոխարինել լայն ռամկավարութեամբ ու արդիւնաբե-  
րութեան միջոցներու համայնացումով» (էջ 18) :

Այս ներածական տողերից յետոյ «ԸՆԴՀԱՆՈՒՐ ՊԱՀԱՆՁ-  
ՆԵՐ»-ին դառնալով, թէ՛ Թուրքիոյ եւ թէ՛ Ռուսիոյ համար, Ծրա-  
դիրը, ի միջի այլոց, հետեւեալ պահանջներն է դնում, — «Ազա-  
տութիւն խօսքի, մամուլի, խղնի, ժողովներու, միութիւններու  
եւ գործադուլներու», «Նկեղեցիի բաժանումը պետութենէն: Կը-  
րօնքը անհատական խղնի գործ է», «Ազգերու ինֆնորշման իրա-  
ւունք: Կատարեալ հաւասարութիւն բոլոր ազգերու ու կրօնական  
համայնֆներու: Ոչնչացում դասակարգային բոլոր առանձնաշը-  
նորիումներու», «Անձեռնմխելիութիւն անձի, բնակարանի, նա-  
մակագրութեան», «Ազատութիւն տեղափոխութեան: Բարձում  
անցագրերու» եւ այլն (էջ 20) :

Ինչպէս ընթերցողը տեսաւ, մեր ժողովրդավար դաւանանքի  
խորացումին եւ ընդլայնումին մէջ դուր անցած չէ այն ճամբան,  
որ երկարում է մեր անդրանիկ դաւանազրից մինչեւ 1904-ի մեր  
Ծրագիրը:

Այսպէս լինելով մէկտեղ՝ մեր ժողովրդավար դաւանանքը,  
անդամ մեր ամենավերջին Ծրագրի մէջ, մեզ ներկայանում է ան-  
մշակ վիճակում. անմշակ՝ թէ՛ Ծրագրի «Ընդհանուր Տեսութեան»  
մէջ եւ թէ՛ «Քաղաքական» բաժնում: Ինչպէս ասացինք, Իննե-  
րորդ Ընդհ. ժողովի բաղձանքը մնաց անկատար. 1919-ից այս  
կողմ մեր Ծրագիրը չվերաքննուեց ու չվերամշակուեց. եթէ  
սլոյմանները մեզ արդելք չլինէին եւ այս վերամշակումը կատար-  
ուէր, վստահ ենք, որ Դաշնակցութեան 60-ամեայ յորելեանին  
մենք պիտի ներկայանայինք մի դաւանազրով, ուր ժողովրդա-  
վարութիւնը իրեն աւելի վայել տեղ պիտի գրաւէր:

Առիթից օգտուելով՝ աւելորդ չենք նկատում այս մասին դէթ  
մի քանի տող գրի առնել այստեղ, թո՛ղ թէ հարեւանցի ձեւով:

Բողեւիզմը իր ահաւոր բռնութեամբ եւ իր վայրագ դիկաա-  
տուրայով ծանր մտահոգութեանց առջեւ դրաւ մասնաւորաբար  
ընկերվար աշխարհը: Մինչեւ Հոկտեմբերեան յեղաշրջումը Ռու-  
սիոյ մէջ՝ համատարած էր այն կարծիքը, թէ ճամբան դէպի ըն-  
կերվարութիւնը անցնում է ժողովրդավարութեան միջից. այս  
վերջինը նկատուում էր նախապայման ընկերվարութեան յաղթա-



նակի համար. երբ տակաւին իշխանաւոր չէր՝ այս կարծիքին էր... անգամ Լենինը.

«Ով ուզում է ընկերվարութեան հասնել մի այլ փանապարհով, — ուսուցանում էր նա, — քան քաղաքական ժողովրդավարութիւնն է, նա անխուսափելիօրէն պիտի յանգի արտառոց եւ յետադէմ եզրակացութեանց քէ՛ տնտեսական, քէ՛ քաղաքական խմաստով»\*) :

Սակայն իշխանութեան տիրանալով՝ Լենինը փոխեց իր այս կարծիքը. «քաղաքական ժողովրդավարութեան» մէջ նա ոչ թէ իրեն աջակից, այլ իրեն հակառակօրդ ուժ տեսաւ եւ փորձեց «ընկերվարութեան» հասնել՝ արտառոց եւ յետադէմ միջոցներով...

Տասնամեակներ շարունակ իշխանութեան գլուխ մնալով՝ Բոլշեւիզմը այն համոզումին եկաւ, թէ միայն բռնութեամբ, արիւնով ու սրածուծներով, միայն մի խումբ մարդոց անսանձ գիկտատուրայով եւ ժողովրդավարութեան փոշիացումով կարելի է «ընկերվար» հասարակարգ հաստատել մեր մոլորակի վրայ: Նոյն Լենինը, որ խարդախարար խօսում էր «ժողովրդավարութեան» անունից, աւելի ուշ սկսեց հեղնել «գտարիւն ժողովրդավարութիւնը», այսինքն հաւասարութեան եւ ազատութեան սկզբբունքները՝ թշնամի դասակարգերի նկատմամբ անթոյլատրելի գտնելով այդ սկզբունքների դործադրութիւնը. համայնավարութեան առաջնորդը «ամենէն բքամիտ մանր քաղքեցիին» էր տեսնում այն մարդու մէջ որ խօսում է «ժողովրդի կամփի անունից»\*\*):

Արդար իրաւունքով Լոյզ Զորջը նկատում էր 1923-ին.

«Մեր օրերի հակաժողովրդավար շարժումը սկսուած է ոչ քէ Խտալիոյ, այլ Ռուսիոյ մէջ: Մեր ժամանակների առաջին մեծ փաշիստը ոչ քէ Մուսոլինին է, այլ Լենինը: Նա՛ եղաւ առաջինը, որ ժողովրդավար պետութեան մէջ ընտրական իրաւակարգը փոխարինեց ուժով»\*\*\*):

Բոլշեւիզմը տիպար Փաշական կազմակերպութիւն դարձաւ՝ շատ աւելի դաժան ու վայրագ բնոյթով. Խորհրդային «ժողովրդավարութեան» մէջ բուն «քուէ»ն — սուիմն է, այն ազդու զէնքը, որով համայնավար «սեղմ խմբակ»ը վարում է աշխարհի Մէկ-

\*) Լենին — «12 տարուան մէջ», 1908, Պետերբուրգ:

\*\*\*) Մ. ՎԻՇՆԵԱԿ — «Պարլամենտը, Խորհուրդները, Կորպորացիաները», «Սովր. Զապիսկի», գիրք LV, 1934, Փարիզ, էջ 351:

\*\*\*) Անդ, էջ 34):



Վեցերորդի ճակատագիրը՝ ձեռին ու խորքին մէջ խաթարելով ու չարափոխելով ընկերվար մեծ վարդապետութիւնը:

Կայ մի այլ, ոչ նուազ կարեւոր պարագայ:

Բուլշեւիզմը Ռուսիոյ մէջ ծնաւ, սակայն Ռուսիոյ մէջ չմընաց. նա այսօր իր ճիւղաւորումներն ունի աշխարհի դրեթէ բոլոր մասերի մէջ եւ վաղը, անգամ իր պարտութեան դէպքում, նա պիտի շարունակի վրդովել աշխատաւոր մարդկութեան կեանքը:

Այս բոլոր պարագաները նկատի առնելով՝ անհրաժեշտ է մեր դաւանադրի մէջ յստակ բառերով սահմանել ժողովրդավարութեան տեղն ու դերը այն պայքարի մէջ, որ մենք մղում ենք ընկերվար վարդապետութեան յաղթանակը ապահովելու համար:

Ընկերվար վարդապետութիւնը իր խորքին մէջ ապադասակարգային ու գերդասակարգային ուսմունք է. աշխատաւոր մարդկութեան դատը պաշտպանելով մէկտեղ՝ նա ձգտում է բովանդակ մարդկութեան ամբողջական ազատադրութեան յաղթանակին:

Այդ է պատճառը, որ անգամ մեր այս շփոթ օրերին, հակառակ Բուլշեւիզմի դործած դադափարական աւերածութեանց, ժողովրդավարութիւնը ընկերվարականանում է եւ ընկերվարութիւնը՝ ժողովրդականանում. այս երկու լոյս զաղափարների հետեւորդները աստիճան առ աստիճան դալիս եւ վերջնապէս միաձուլում են մէկ ընդհանուր ընտանիքի մէջ:

Ինչպէս որ ճշմարիտ ընկերվարը չի կարող ժողովրդավար չլինել, այդպէս նաեւ ճշմարիտ ժողովրդավարը չի կարող ընկերվարութիւնը դրժել:

Այս երկու վարդապետութեանց միջեւ եղած տարբերութիւնը որակական չէ, այլ քանակական:

Դեմոկրատիզմը երբեք դէմ չէ ազգային հարստութեան աղբիւր հանդիսացող արտադրական միջոցների համայնացման (այլ դէմ է միայն այդ սկզբունքի դործադրութեան շափին), իր հերթին ընկերվարութիւնը երբեք դէմ չէ անհատական նախաձեռնութեան (այլ դէմ է միայն այդ նախաձեռնութեան սանձարձակ ազատութեան):

Անգամ Բուլշեւիզմը երկչոտ ճիւղեր է անում — թո՛ղ թէ մի «Սահմանադրութեան» մէջ, որ միայն թղթի արժէք ունի — մի կողմից՝ սեփականութեան հանրայնացումը չափաւորելու, իսկ, միւս կողմից՝ անհատական սեփականազրկումը որոշ սահմանների մէջ դնելու եւ անհատի նախաձեռնութեան առջեւ մի որոշ մարզ բաց ձգելու:

Աւելի քան քառորդ դար առաջ այս առիթով նկատում էինք.



«Դեմոկրատիզմն ու ընկերվարութիւնը այնքան սերտ ու ան-  
փակտելի կապերով կապուած են իրար հետ, որ անկարելի է նը-  
րանց բաժանել՝ առանց մէկի կամ միւսի էութիւնը փոխելու :

«Դեմոկրատիզմն ու ընկերվարութիւնը ո՛չ թէ հակառակ՝  
այլ միեւնոյն նպատակին տանող, ո՛չ թէ տարբեր՝ այլ նոյն ուղ-  
ղութեամբ ընկած նանապարհի տարբեր կայանները յատկանշող  
ուսմունքներ են, որոնք լծակցում են միեւնոյն պայքարի մէջ եւ  
փոխադարձաբար լրացնում ու աջակցում իրար»\*) :

*Ընկերվարների մէջ իր ամենէն անհաշտ հակառակորդներին  
տեսնելով՝ Բոլշեւիզմը յամառ դաժանութեամբ ամենէն առաջ  
նախ նրանց է սրածուծ :*

*Բոլշեւիզմը զգում է եւ զիտէ, որ հաշտութիւն չի կարող լի-  
նել իր եւ Ընկերվարութեան միջեւ :*

*Սոր է այն վիճը, որ բացուած է այսօր այս երկու վարդապե-  
տութեանց միջեւ :*

Մեր վարդապետութեան հիմը ժողովրդապետութիւնն է, իսկ  
իշխելու ձեւը՝ ժողովրդավարութիւնը (լիակատար հաւասարու-  
թեան եւ ազատութեան մէջ), մինչդեռ Բոլշեւիզմի վարդապետա-  
կան հիմը «աշխատանքապետութիւնն» է, իսկ իշխելու ձեւը՝  
«աշխատավարութիւն»ը (անհաւասարութեան մէջ եւ բռնութեան  
տակ) :

Համայնավար դաւանանքը «ընտրեալ»ների դաւանանք է, իսկ  
համայնավար կարգերը՝ «ընտրեալ»ների կարգեր են, ուր իրա-  
ւատէր է ամբողջի միայն մէկ մասը եւ իրաւազուրկ՝ մնացեալ  
մասը :

«Եթէ ամբողջից պիտի պոկուի մի ՄԱՍՆԻԿԸ միայն, — զրուծ  
էինք սրանից քառորդ դար առաջ, — եւ այս մասնիկն է, որ պիտի  
դառնայ մարդկային ռոքրումների ՄԻԱԿ առանցքը, ապա ըստ է-  
ութեան, մեր գերագոյն իդէալի տեսակէտից, միեւնոյն է, թէ  
այդ մասնիկը բաղկացած կը լինի Նիցչէի «գերմարդկանցի՞ց»,  
Պլատոնի «ֆչաթիւ ընտրեալների՞ց», Բէնտամի «ամենաշատ եր-  
ջանկութեան տիրացած ամենէն շատ թիւ կազմող անհատնե-  
րի՞ց», թէ՞ ոուս համայնավարութեան «բանուորա-գիւղացիներ  
ից» : Էականն այստեղ այն է, որ խաթարուած է ԱՄԲՈՂՋԻ՝ գա-  
ղափարը, որ եղծուած է մարդկութեան ԱՄԲՈՂՋԱԿԱ՛Ն ազատա-  
գրութեան իդէալը եւ այս վեհագոյն գաղափարները փոխարին-

\*) Տե՛ս մեր «Ընկերվարութիւնի եւ Դեմոկրատիզմի»,  
1924, Գահիրէ, էջ 28 :



ուած են ՄԱՍՆԱԿԻ գաղափարներով, որոնք ծառայում են ՄԱՍՆԱԿԻ խմբակցութեան կամ դասակարգի շահերին»\*) :

*ՄԱՍՆԱԿԻ այս անօանձ տիրակալութիւնից է ծնունդ առնում այն գաղանային դիկտատուրան, որ Բոլշեւիզմը հաստատեց Ռուսիոյ մէջ.*

«Բանուորութեան դիկտատուրան, — ուսուցանում էր *Լենինը*, — յամառ պայքար է, արիւնոտ եւ անարիւն, բռնի եւ խաղաղ, զինուորական եւ տնտեսական, դաստիարակչական եւ վարչական, ընդդէմ հին հասարակութեան ուժերի եւ աւանդութիւններին»\*\*):

*Իր հերթին Ստալինը՝ Լենինի մտքերը կրկնելով՝ վկայագրում է.*

«Բանուորութեան դիկտատուրան օրէնքով չսահմանափակուած եւ բանութեան կոթնած տիրակալութիւնն է բանուորութեան՝ բուրժուազիայի վրայ, մի տիրակալութիւն, ուր բանուորութիւնը վայելում է համակրանքն ու աջակցութիւնը աշխատաւոր ու շահագործուող զանգուածներին»\*\*\*):

*Եւ որովհետեւ այս է «բանուորական դիկտատուրան», ուստի Լենինը յստակ բառերով ու անվարան խոստովանում էր.*

«ՊԱՐԶ է՝ ԱՅՆՏԵՂ, ՈՒՐ ԿԱՅ ԾՆՇՈՒՄ, ԿԱՅ ԲՌՆՈՒԹԻՒՆ, ԱՅՆՏԵՂ ԶԿԱՅ ԱԶԱՏՈՒԹԻՒՆ, ԶԿԱՅ ԴԵՄՈԿՐԱՏԻԱ»\*\*\*\*):

*Խնդիրը այստեղ իշխանապետութեան խորքի մասին չէ, այլ ձեւի:*

*Ընկերվար մարդկութիւնը միշտ պիտի ձգտի, ընդհանուր ձայնատուութեան պայմաններում, հաւասարութեան եւ ազատութեան մէջ, տիրանալու այս կամ այն երկրի բովանդակ իշխանութեան:*

*Սա նոյնպէս կը լինի «դիկտատուրա», առանց, սակայն, դեմոկրատիայի հիմերը խախտելու:*

*Խ. Միութեան մէջ այս դեմոկրատիան չկայ, այլ կայ «գերդեմոկրատիա», որովհետեւ Խ. Միութեան մէջ, ինչպէս որ Լենինը պիտի ասէր, ԱԶԱՏՈՒԹԻՒՆ չկայ, այլ կան ԾՆՇՈՒՄ եւ ԲՌՆՈՒԹԻՒՆ:*

\*) Տե՛ս մեր «ԴԱՇՆԱԿՑՈՒԹԵԱՆ ՔԱՂԱՔԱԿԱՆ ՈՒՂԻՆ», 1925, Գահիրէ, էջ 109:

\*\*) Ի. ՍՏԱԼԻՆ — «Լենինիզմի Հարցերը», 11-րդ հրատար., 1945, էջ 28:

\*\*\*) Անդ, էջ 30:

\*\*\*\*) Վ. ԼԵՆԻՆ — «Երկեր», հ. 25-րդ, Մոսկուա, 1949, էջ 433:



Մեր դաւանադրի մէջ այս դադափարները իրենց յստակ ձեւաւորումը պէտք է ունենան. ամբողջական ժողովրդավարութիւնը — քաղաքական եւ ընկերային — անբաժան մասը պէտք է կազմի մեր ընկերվար դաւանանքի:

Մենք պայքարում ենք ոչ թէ մէկ ճնշում փոխարինելու համար մէկ այլ ճնշումով եւ մէկ անհաւասարութիւն՝ մէկ այլ անհաւասարութեամբ, այլ պայքարում ենք ամէ՛ն ճնշում եւ ամէ՛ն անհաւասարութիւն վերացնելու համար.

«Դաշնակցութիւնը ձգտում է մի այնպիսի կարգերի, — դրում էինք մենք, — ուր շահագործումը (որեւէ ձեւի) այլեւս տեղ չունի, ուր անհատներն ու հաւաքականութիւնները (ամէնքէն անխտիր) ապրում են զարգացման ազատ եւ հաւասար պայմաններում...»

«Եթէ Դաշնակցութեան հարազատած ընկերվար մեծ վարդապետութիւնը դէմ լինէր այս նուիրական սկզբունքներին, Դաշնակցութիւնը ոչ միայն ընկերվարական չէր լինի, այլ իր ամբողջ հասակով կը ծառանար այդ ուսմունքի դէմ»\*):

Ընկերվարութեան հիմը միւթը չէ միայն — բարգաւաճ լինելու հաւասարապէս վայելել. կայ նաեւ հոգին — ազատ ու նոյնիրաւ լինել՝ մարդուն մէջ արարչագործը միշտ կենդանի պահելու համար:

Ժողովրդավարութիւնը իր մեծ նպատակն է բերում այս բարձր նպատակին. քուէն, որ իր մէջ խորհրդաւորում է ազատ մարդը, իբրեւ ինքնարժէք ու հաւասարժէք մի մեծութիւն, դադարում է պարզ քեֆնիք լինելուց (ճնշելու եւ բռնանալու համար, ինչպէս որ Լենինը պիտի ասէր) եւ դառնում է քաղաքական հիմը մեր ազատ կեանքի:

## V

### ԱԶԳ ԵՒ ՀԱՅՐԵՆԻՔ

Մենք զատ ենք տեսնում այս երկուսը, մինչ խորքին մէջ անբաժան են նրանք եւ կազմում են մի միաձոյլ ամբողջութիւն: Ազգը՝ շարժուն (ու ոգեղինացած) հայրենիքն է, մինչ հայրենիքը՝ անշարժ (ու նիւթականացած) ազգը\*\*): Առանց ազգի՝ հայրենիք

\*) Տե՛ս մեր «Հ. Յ. ԴԱՇՆԱԿՑՈՒԹԵԱՆ «ԼԻԿԻՒԴԱՑԻԱՆ (ԲՈՂՆԵԼԻՂՄԻ ՍՆԱՆԿՈՒԹԵԱՆ ԱՌԻԹՈՎ)», 1924, Փահիրէ, էջ 75:

\*\*) Մենք փոխն ի փոխ գործ ենք անում ազգ ու ազգութիւն բառերը. որոշ է տարբերութիւնը. ազգութիւնը հոգե-բարոյական այն ինքնատիպ շաղախն է, որի կրողը հանդիսանում է ազգը:



չկայ, ինչպէս որ առանց հայրենիքի՝ ազգ չկայ. անհայրենիք ժողովուրդը non sens է եւ ոչ աւելին. մի ժողովուրդ, որ ոչ միայն իր ոտքերի տակ, այլ եւ իր հոգում առյաւէտ կորցրած է հայրենիքը՝ դատապարտուած է աստիճանական նեխումի ու անդարձ մահուան. ու մի հայրենիք, որ առմիշտ կորցրած է իր ժողովուրդը՝ կորցրած է իր հոգին եւ դարձած անդէմ մի տարածք: Նոյնն են ազգն ու հայրենիքը, ինչ որ մարդու մէջ մարմինն ու հոգին. առանց հոգու՝ նեխած դիակ է մարդու մարմինը (որ հող էր ու հող պիտի դառնայ), առանց մարմնի՝ անիմանալի մի էութիւն է մարդու հոգին (որ մեղ համար չկար մինչեւ ենթակայի ծնունդը, ու մեղ համար պիտի չլինի նաեւ նրա մահից յետոյ): Սին խօսք է Կիրիլոսոֆների այն տեսութիւնը, թէ կան — ու կարող են լինել — «մշակութային» ազգեր, ինչպէս հին հելլէններն էին, ինչպէս են հայերն ու հրեաները. այս «մշակոյթ»ը այն չափով ազգ պահեց հելլէններին, հայերին ու հրեաներին, ինչ չափով այդ ազգերը ողջ պահեցին իրենց հոգում հայրենիքը՝ բուն ստեղծիչը այդ «մշակոյթ»ի: Դասական դարձած էր հրեայի օրինակը՝ ազգութեան կերպաւորումի ու յարատեւումի մէջ հայրենիքի դերը ուրանալու համար: Գիտութիւնն իր բոլոր ճիւղերով «թափառական հրեայ»ի ոտքերի տակ հայրենի «հող» երբեք չտեսաւ, ուստի եւ կոյր եղաւ. այդ «հող»ը նա չտեսաւ նաեւ նրա հոգում: չտեսաւ «ԼԱՅԻ ՊԱՏ»ը — Սողոմոնի տաճարից ժառանգ մնացած լերկ ու անշուք մի քարակոյտ, որ դուրդուրանքով հրեան պահում էր իր հոգում՝ այդ «ՊԱՏ»ի մէջ յաւերժական հայրենիքը տեսնելով, այդ «ՊԱՏ»ի համար դարերով արցունք ու արիւն քամելով եւ այդ «Պատ»ի հետքերով ու վառ տենչանքով իր հայրենիքը երազելով: Հաղարամեակներ վերջ — վկայ ենք ամէնքս — «թափառական հրեան» իր տունը դարձաւ, «վախկոտ» էր՝ արիացաւ, «նիւթապաշտ» էր՝ հողապաշտ դարձաւ, եւ անպատմելի քաջութեամբ ու խոյանքով վերադրաւեց իր հայրենիքը եւ վերակերտեց իր երազած Իսրայէլի պետութիւնը:

Մի կտոր հողն իսկ, թող թէ իբրեւ լերկ քարակոյտ, որ ասորում է մի ժողովրդի հոգում՝ իբրեւ կենդանի հայրենիք, նրան կարող է յարատեւարար, հաղարամեակներ շարունակ, անգամ աստանդական վիճակում, ազգ պահել ու հաղարամեակներ վերջ կրկին իր տունը բերել:

Այսքան մեծ է կախարդանքը հայրենի հողի:

«Որովհետեւ ի՞նչ են, վերջապէս, Ազգն ու Հայրենիքը, — վերստին վկայ կանչենք մենք մեզ, — ոչ իբրեւ նիւթ՝ իբրեւ հող ու մարմին, այլ իբրեւ ՈԳԻ, — եթէ ոչ բառին բարձրագոյն առումով մէկ անմեռ ու ստեղծարար ԳԱՂԱՓԱՐ, մէկ յաւերժա-



կեաց ու բեղմնաւոր իդէալ, որ յարատեւաբար, պատմութեան խորագոյն խորերէն, դարեր անընդհատ ու դարեր յաջորդաբար, ստեղծագործելով, կը պահէ միշտ ցեղայնօրէն իր ինքնատիպ ԶԵԻԸ, միշտ, ժամանակի ոգիին ու պայմաններուն ունկնդիր, իր ԲՈՎԱՆԴԱԿՈՒԹԻՒՆԸ փոխելով»\*) :

Այս գաղափարները — Ազգ ու Հայրենիք — իրենց արժանի ձեւաւորումը չունեն մեր դաւանագրերի մէջ :

Մասնաւորաբար անդրանիկ դաշնակցականները, որոնք հիմնադրեցին մեր կուսակցութիւնը, զրեթէ ԼՍՈՒԹԵՍՄԲ են անցնում այս գաղափարների վրայից :

Եւ ինչո՞ւ խօսել, քանի որ — պարզ չէ՞ միթէ — նրանք աշխարհ եկած էին Հայութեա՛ն ծառայելու եւ նրա համար Հայրենի՛ք վերագրուելու :

Ազգութեան ու Հայրենիքի մասին խօսք չկայ, սակայն երկարօրէն խօսք կայ... ընկերվարութեան մասին : Որովհետեւ միայն ընկերվար լինելով՝ կարելի էր ճշմարտօրէն ծառայել հարազատ ժողովրդին : Պէտք չէ մոռանալ, որ տակաւին երէկ՝ 1890-ի սեմին՝ մեր հիմնադիրներից Քրիստափորն ու Սիմոնը «կոսմոպոլիտ»ներ էին, բառին ազնուագոյն առումով աշխարհաքաղաքացի, իսկ Ռոստոմը՝ մարքսիստ էր, խորքին մէջ նոյնպէս «կոսմոպոլիտ» . այս «աշխարհաքաղաքացի»ները Հայութեան եւ Հայրենիքին դարձած էին՝ իրենց ընկերվար դաւանանքի մէջ միշտ անխախտ մնալով . եթէ ուրիշ՝ այլազգի «կոսմոպոլիտ»ներ մե՛զ դային՝ հայ ժողովրդին ծառայելու համար, մեր հիմնադիրները թերեւս շարունակէին իրենց կեանքը միջազգային կազմակերպութեանց մէջ՝ ընդհանուր մարդկութեան ընկերվար դատին ծառայելու համար : Այդպէս չեղաւ սակայն . լքուած տեսնելով իրենց ժողովուրդին՝ մեր առաքեալները մեզ դարձան :

Եւ դարձան՝ ծառայութեան ուխտով՝ գրկուածի՛ն, ընդդէմ ամէն կարգի հարստահարիչների : Այս է տիրակալող գաղափարը մեր անդրանիկ դաւանագրի մէջ : Այսքան ձայն էր նա . այսքան անպահանջ՝ հայրենիքի եւ ազգութեան գաղափարների անգամ թեթեւակի հիմնաւորումին մէջ :

Մարդկային պատմութեան ուրուագիծը տալով՝ վաղնջական օրերից մինչեւ Ծրագրի կազմութեան օրերը՝ մեր անդրանիկ դաւանագիրը իր ներածական բաժնում՝ «ԿԱԶՄԱԾ 1892 Թ . ԸՆԴ-ՀԱՆՈՒՐ ԺՈՂՈՎՈՒՄ» խորագրի տակ՝ գրում է .

«Այն ժամանակից, երբ մարդկութիւնը ոտ է դրել քաղաքա-

\*) Տե՛ս մեր «ԲՈՂՇԵՒԻԶՄԸ ԵՒ ԴԱՇՆԱԿՑՈՒԹԻՒՆԸ», 1949, Գահիրէ, էջ 103 :



կրթութեան ուղիի վրայ, այն ժամանակից, երբ նա սկսել է ունենալ իր պատմութիւնը, մենք տեսնում ենք ամէն տեղ եւ ամէն ժամանակ իշխողներ ու տանջուողներ: Տառապեալների լաց ու կոծի, աշխատաւորների ծանր տնօրոցի հետ միասին ամէն տեղից մեր ականջին են հասնում ձրիակեր իշխողների ցնծական աղաղակները: Այսպէս է եղել անցեալում, այսպէս է այժմ, սակայն այդպէս չի լինի ապագայում, — մենք հաւատացած ենք դրանում»:

*Շարունակութեան մէջ «աշխատանք»ի յարաճուն յաղթանակի մասին խօսելով՝ Ծրագիրը վառ հաւատքով եզրափակում է.*

«Եւ ան (*կեղեքուող տարրը*) կը հասնի կատարեալ յաղթութեան, երբ կը վերանան ամէն տեսակ դասակարգեր, երբ աշխատանքի միջոցները եւ արդիւնքը կը դառնան աշխատաւորի կատարեալ սեփականութիւն, երբ մարդկանց կառավարութեան կը փոխարինէ իրերի կառավարութիւնը»<sup>\*)</sup>:

*Ինչպէս տեսնում էք, մեր անդրանիկ դաւանադրի համար պատմութիւնը այլ բան չէ՝ քան դասակարգերի պայքար. ուրիշ՝ դասակարգայինից տարրեր պայքարներ չկան. մեր դաւանադիրը մարդկային պատմութեան երկարաձիգ ճանապարհին յսում է միայն «աշխատաւորի ծանր տնօրոց»ը, նա այլ «տնօրոց» չի լսում. որովհետեւ մեր դաւանադիրը մարդկային պատմութեան մէջ միայն «աշխատաւոր»ներ ու «կեղեքող»ներ է տեսնում, նա այդ պատմութեան մէջ ազգեր ու հայրենիքներ, ազգային ու հայրենական պայքարներ չի տեսնում եւ ազգերի ու հայրենիքների «տնօրոց»ը չի լսում:*

*Մեր խօսքը Հայաստանի ու Հայութեան մասին չէ. սա մասնակի խնդիր է. մեր խօսքը մեր դաւանադրի ընդհանուր տեսութեան մասին է, այն մասին, թէ նա ինչպէս է տեսնում ընդհանրապէս մարդկային պատմութիւնը, նրա դարաւոր քաղաքակրթական ընթացքը:*

*Պատկերը աւելի մխիթարական չէ մեր երկրորդ դաւանադրում՝ «Նախագիծ»ի մէջ:*

*Նաեւ այստեղ, պատմա-փիլիսոփայօրէն մարդկային քաղաքակրթութեան ընթացքը դիտելով, մեր նոր դաւանադիրը վերջստին միայն դասակարգային պայքարներ է նշմարում:*

*Մի տեղ միայն «ազգ»ի եւ «հայրենիք»ի մասին խօսելով՝ «Նախագիծ»ը յայտնում է.*

*«Միապետական ֆէոդալիզմն ընկաւ, բայց նրա տեղ բարձրացաւ մի այլ դասակարգ, փոզատէր դասակարգը — ԲՈՒՐ-*

<sup>\*)</sup> «ԾՐԱԳԻՐ», 1894, էջ 1-2:



ԺՈՒԱԶԻԱՆ: Կեղեքման մեծաշնորհը վայրենի, բիրտ ուժից անցաւ աւելի փառափախիրք ուժին — ԿԱՊԻՏԱԼԻՆ:

«Եւ առաջ եկան արեւմտեան հասարակութիւնների մէջ երկու բանակներ — բուրժուազիա եւ պրոլետարիատ (գործաւոր դասակարգ) — որոնք, թէեւ միացած ազգի, հայրենիքի ընդհանուր շահերով, բայց միեւնոյն ժամանակ տոգորուած էին տնտեսական շահերի հակառակութեամբ: Մինը նրանցից՝ տէր արդիւնագործութեան միջոցների — հողի, դրամի, մեքենաների, միւսը՝ գուրկ սեփականութիւնից: Հակամարտութիւնը երկու դասակարգերի միջեւ միշտ աւելի եւ աւելի բորբոքուեց, շնորհիւ օր աւուր առաջդիմող արդիւնագործութեան»\*):

«Նախագիծ»ը «ազգ»ն ու «հայրենիք»ը յիշած է ոչ թէ բուն իսկ ազգի ու հայրենիքի մասին խօսելու համար, այլ նրանց յիշատակութեամբ է՛լ աւելի ընդգծելու համար սաստկութիւնը այն տնտեսական պայքարի, որ մղուում է «բուրժուազիա»յի եւ «պրոլետարիատ»ի միջեւ: Այս երկուսը՝ «բուրժուազիա»ն եւ «պրոլետարիատ»ը, ըստ «Նախագիծ»ի, տնտեսական շահերով միշտ ներհակ են իրարու, մինչ «ազգ»ի եւ «հայրենիք»ի շահերով՝ միշտ միացած: «Նախագիծ»ը չի ընդունում, որ «պրոլետարիատ»ը եւ «բուրժուազիա»ն կարող են նաեւ նոյնանալ իրենց շահերով (օրինակ՝ բարդաւաճանքի հարցին մէջ որեւէ արդիւնաբերական ձեռնարկի, դրամատէրը այն պատճառով՝ որ այդ ձեռնարկը ինք այսօր ունի, իսկ բանուորութիւնը այն ակնկալութեամբ՝ որ նոյն ձեռնարկը ինք վաղը պիտի ունենայ), չի ընդունում «Նախագիծ»ը նաեւ այն, որ երկու բանակները իրենց շահերով կարող են նաեւ բաժանուել «ազգ»ի եւ «հայրենիք»ի հարցերի մէջ (օրինակ)՝ «բուրժուազիա»ն թեր լինելով մի որեւէ պատերազմի, իսկ «պրոլետարիատ»ը՝ դէմ):

Ուշագրաւ է սակայն, որ «Նախագիծ»ը՝ «ազգ»ի ու «հայրենիք»ի շահերով «բուրժուազիա»ն եւ «պրոլետարիատ»ը նոյնացընելով մէկտեղ, նրանց բաժանում է իրարից, երբ ինդիւրը դառնում է միջազգային չափանիշով բանուորական ընդհանուր գրոհի շուրջ ընդդէմ դրամատիրութեան:

Երկու հակընդդէմ ուժերի — «սոցիալիզմ» եւ «կապիտալիզմ» — կազմաւորման պատկերը գծելով՝ «Նախագիծ»ը եզրափակում է.

«Սոցիալիստական շարժումը իր էութեամբ ՄԻՋԱԶԳԱՅԻՆ է: Բոլոր երկրների աշխատաւոր տարրերը, իբրեւ միեւնոյն կապիտալիզմի գոհեր, իբրեւ դառն ֆակտագրի եղբայրակիցներ, մի-

\*) «Նախագիծ», էջ 6:



անում են, ձեռք ձեռքի տալիս եւ՝ գիտակ իրենց բարձր առա-  
քելութեան, վստահ յազթանակի վրայ՝ դիմում են կազմակերպ-  
ուած պայքարի նանապարհով դէպի մի սոցիալական կազմակեր-  
պութիւն, ուր չպիտի լինեն կեղեքողներ ու կեղեքուողներ, իշ-  
խողներ ու հպատակներ, ուր արդիւնաբերութեան միջոցները,  
դրամագումար պիտի լինի ՀԱՄԱՅՆԱԿԱՆ, ուր աշխատանքը, քա-  
ղաքակրթութիւնը եւ նիւթական վայելքները հաւասարապէս բա-  
ժին պիտի լինեն իւրաքանչիւրին»\*) :

*Ինչպէս տեսնում էք, դիւրութեամբ «ազգ»երն ու «հայրե-  
նիք»ները փոշիացան. զուտ տնտեսական գետնի վրայ ամենազգի  
«կեղեքուող»ները եղբայրանում եւ միանում են ամենազգի «կե-  
ղեքող»ներին դէմ՝ ընդհանուր գրոհով ապագայի արդար «սոցի-  
ալական կազմակերպութիւն»ը ստեղծելու համար...*

Այս գրոհի մէջ ազգային եւ հայրենական ազդակները որեւէ  
դեր չեն խաղում...

Այս տեսակէտով զգալի փոփոխութիւն կայ մեր վերջին —  
գործող — գաւառագրի եւ նախորդներին միջեւ :

Վիեննայի (1907) Ընդհ. Ժողովը, որի մշակած Մրազիրը  
իւրացուած է մեր յաջորդ Ընդհ. Ժողովների կողմից, իր «Ընդ-  
հանուր Տեսութեան» մէջ, առաջին անգամը լինելով՝ առանձնա-  
բար անդրադառնում է ազգային ազդակին :

Հարցի կարեւորութիւնը նկատի առնելով՝ հարկադրուած  
ենք մի քիչ ընդարձակ մէջբերումներ կատարել :

Ընկերվար շարժման միջազգային բնոյթը մատնանշելուց  
յետոյ, ուր ամենազգի աշխատաւորները «կը միանան համաշ-  
խարհային հօր եղբայրակցութեան մը մէջ», Մրազիրը յայտա-  
բարում է .

«Դասակարգային պայքարը կը բարդանայ մասնաւորապէս  
այն երկիրներուն մէջ, ուր գերիշխող ազգութեան ներկայացու-  
ցիչները, իրենց ձեռքն առնելով պետական եւ ընկերային բոլոր  
հաստատութիւնները, կը ննշեն տկար ազգերը եւ առհասարակ  
փոքրամասնութիւն կազմող միութիւնները :

«Զրկուելով ընկերային եւ պետական կեանքին գործօն մաս-  
նակցութեան հնարաւորութենէն, տուժելով թէ՛ նիւթապէս եւ թէ՛  
մշակութապէս, այդ տկար միութիւնները ետ կը մնան յառաջդի-  
մութեան նամբուն վրայ եւ այդպիսով կը դանդաղի համամարդ-  
կային զարգացման հետ աշխատաւորին ընկերվարական ազատա-  
ցումը, քանի որ այդպիսով խոչընդոտ կը դրուի, մէկ կողմէն՝  
դասակարգային հակամարտութեան զարգացումին՝ ննշուած ազ-

\*) Անդ, էջ 8-9 :



գութիւններուն մէջ, միւս կողմէն՝ ննշող ու ննշուող ազգերուն պատկանող աշխատաւոր դասակարգերուն համերաշխութեանը»:

*Արտակարգօրէն ուշադրաւ է այս քաղուածքը:*

Ուշադրաւ նախ այն պատճառով, որ ազգային ազդակը այս քաղուածքի մէջ նկատի առնուած չէ տնտեսականից անկախաբար, իբրեւ մէկ ինքնարժէք երեւոյթ, այլ առնուած է կապակցաբար տնտեսականի եւ դիտուած «աշխատաւոր»ի տնտեսական շահերի լոյսի տակ: Էականն այստեղ «ընկերվարութիւն»ն է, որի նկատմամբ իբրեւ ւժանցական մի արժէք է հանդիսանում ազգային ազդակը:

Երկրորդ՝ ազգային ազդակը նկատի առնուած է «փոքրամասնութեան» կերպարանքով, միեւնոյն պետութեան սահմանների մէջ: Քաղուածքի մէջ ազգերը հրապարակ չեն դալիս իրենց լրիւ կերպարանքով, իբրեւ ինքնարժէք եւ հաւասարարժէք մեծութիւններ, որոնցից ոմանք (եւ կամ շատերը) կարող են քանակապէս փոքր լինել (եւ չլինել նոյն պետութեան սահմաններում), առանց որակապէս «փոքրամասնութիւն» լինելու (եւ միշտ այս կամ այն պետութեան սահմանների մէջ գտնուելու): «Փոքրամասնութիւն» բառը գործածելով՝ քաղուածքը միայն ձեւապէս մատնանշում է քանակը, մինչ խորքին մէջ նկատի ունի որակը՝ տուեալ «փոքրամասնութիւն»ը պատկերացնելով իրեն ոչ իբրեւ լրիւ — եւ անկախ — ազգ՝ իր բոլոր ազգային ստորոգելիներով, այլ իբրեւ ազգային մի թերի միաւոր, որ որակապէս զուրկ է մի շարք ստորոգելիներից, յատուկ՝ «մեծամասնութիւն» կազմող ազգերին:

Միայն իր եղբայրակիչ տողերի մէջ այս կաշկանդումներից ազատուելով եւ «փոքրամասնութեան» ու «մեծամասնութեան» խնդիրներ չյարուցանելով, այլ բուն ազգերին դառնալով՝ Մրագիրը յայտարարում է.

«Փափաքելով հանդերձ ոչնչացնել բոլոր սահմաններն ու ԵՏՐՈՒԹԻՒՆՆԵՐԸ ԱԶԳԵՐՈՒ ՄԻՋԵՒ, ձգտելով հանդերձ կազմակերպել Մէկ, ՆԵՐԴԱՇՆԱԿ, ԱՄԲՈՂՋԱԿԱՆ ՄԱՐԴԻՆԻԹԻՒՆ ՄԸ (բոլոր ընդգծումները՝ Մրագրինն են. — Ն.), այսօրուան կտոր-կտոր, բաժան-բաժան ու հակամարտ աշխարհին տեղ, — ընկերվարութեան իրագործումը չի պահանջեր արդի ուրոյն ազգային միութիւններուն իսպառ ձուլումը, միութիւններ, որոնք իրենց պատմականօրէն ժառանգած բեղմնաւոր մասնայատկութիւններով կարող են միայն նախացնել ապագայ ընկերվար մարդկութիւնը»\*):

\*) ՄՐԱԳԻՐ, 1918, ժընեւ, էջ 16-17:



Ահա եւ ամբողջը...

Այլեւս ո՛չ մէկ խօսք ազգերի մասին:

Ո՛չ մէկ խօսք նաեւ հայրենիքի մասին:

Այս առիթով, տարիներ առաջ, նկատում էինք մենք.

«Այսպէս ուրեմն:

«Հ. Յ. Դաշնակցութիւնը պաշտպան է հանդիսանում ազգային ուրոյն գոյութեան, որովհետեւ ընկերվարութիւնը ԶԻ ՊԱՀԱՆՋՈՒՄ (ի՛նչ սարսափելի բան...) նրանց ԻՍՊԱՌՌՈՒՄ անուամբ:

«Այս նշանակում է, որ ընկերվարութիւնը իսպառ ԶՊԱՀԱՆՋԵԼՈՎ հանդերձ, մի չափով, այնուամենայնիւ, ՊԱՀԱՆՋՈՒՄ է ազգութեանց անուամբ, եւ ապա, որ ամենէն գլխաւորն է, Ծրագրի բանաձեւումից այն տպաւորութիւնն է ստացում, որ Դաշնակցութիւնը դէմ չէ ազգութեանց ուրոյն գոյութեան սոսկ այն պատճառով, որ ընկերվարութիւնը այդ պահանջը ԶԻ ԱՌԱՋԱԴՐՈՒՄ, այս ասել է միաժամանակ, որ եթէ մէկ օր ընկերվարութիւնը այդպիսի պահանջ առաջադրէր, ապա Դաշնակցութիւնը այդ պահանջին առջեւ տեղի պիտի տար (կամ կարող է տեղի տալ)»\*):

Այս նոյնը մենք նկատում էինք Հայրենիքի կապակցութեամբ, Նրա մասին յատուկ յիշատակութիւնը անհրաժեշտ դաննելով մեր դաւանադրի ոչ թէ այսպէս կոչուած «Նուագագոյն», այլ «Առաւելագոյն» բաժնի մէջ:

Պարզ էր մեր դատումի եղանակը:

Ընկերվարութիւնը տարբեր բան չէ, քան մարմնաւորումը մի հասարակակարգի, որ, ինչպէս ամէն հասարակակարգ, այսօր կայ, մինչ վաղը կարող է չլինել:

Հասարակակարգերը անմեռ երեւոյթներ չեն. նրանք դալիս եւ անցնում են:

Այլ է Ազգի եւ Հայրենիքի պարադան:

Այս արժէքները դալիս են մարդկային պատմութեան խանձարուրից եւ ապրում ու ստեղծագործում են յաւերժութեան համար:

Եթէ դասակարգումի խնդիր կայ, ապա ստորադասը, Ազգի եւ Հայրենիքի բողոքատմամբ, Ընկերվարութիւնն է եւ ոչ թէ ընդհակառակը:

Այսպէս ըմբռնելով հանդերձ՝ դրում էինք մենք.

---

\*) Տե՛ս մեր՝ «ՀԱՅԱՍՏԱՆԻ ԱՆԿԱՆՈՒԹԻՒՆԸ (Տեսական հիմնաւորման քննարկ)», 1924, ժրնեւ, էջ 36:



«Ոչ քէ ընկերվարութիւնն է, որ, ձգտելով հանդերձ կազմակերպել մէկ, ներդաշնակ, ամբողջական մարդկութիւն այսօրուան կտոր-կտոր, բաժան-բաժան ու հակամարտ աշխարհի տեղ, չի պահանջում ազգային միութիւնների իսպառ ձուլումը եւ այդ պատճառով միայն ազգութեանց պահպանումը դառնում է մեր նպատակներից մէկը եւ ամօթխածօրէն տեղ գրաւում Ծրագրի առաւելագոյն բաժնում, այլ ազգութիւնն է, որ, ձգտելով մարդկային համակենցաղի աւելի՛ փարթամ, աւելի՛ նոխ, աւելի՛ վեհ ձեւերի, որդեգրում եւ դաւանում է ընկերվար ուսմունքը, իբրեւ դէպի այդ նպատակը տանող մէկ վարդապետութիւն»\*) :

Այս նոյնը ճիշտ է նաեւ Հայրենիքների նկատմամբ :

Մենք նա՛խ Ազգի եւ Հայրենիքի հետ ենք եւ ապա այս կամ այն հասարակարգի :

Եթէ ընկերվարութիւնը դէմ լինէր մեր յիշատակած երկու յաւերժական արժէքներին, մենք անվարան դէմ պիտի լինէինք ընկերվարութեան եւ մեր բովանդակ հասակով պիտի ծառանայինք ու պայքարէինք իր դէմ :

60 տարիների ընթացքին այս զաղափարները այսպէս ըմբռնեցինք մենք, այսպէս ապրեցինք եւ այսպէս դործեցինք :

Ինչո՞ւ, սակայն, այս նոյն զաղափարները այսպէս չձեւակերպեցինք մեր դաւանադրերի մէջ :

Այստեղ, այս սկամայ զանցառումին մէջ, տեսնել պէտք է հետքերը այն անուրանալի ազդեցութեան, որ ազգամերժ ու հայրենամերժ Մարքսիզմը ունէր բովանդակ ընկերվար աշխարհի ու նաեւ մեր վրայ :

Քրիստափորի եղերական մահուան առիթով, «Դրօշակ»ը, «ՔրիՍՏԱՓՈՐ ՄԻՔԱՅԷԼԵԱՆ» խորագրին տակ, իր 1905 Ապրիլի խմբագրականով, ի միջի այլոց, գրում էր .

«Նա ՍՈՑԻԱԼԻՍՏ էլ իր աշխարհայեցութեամբ, իր զգացումներով ու տեմպերամենտով, իր ամբողջ կեանքով, բայց նա ե՛ւ ՀԱՅՐԵՆԱՍԷՐ էր բառիս ամենավեհ նշանակութեամբ (ընդգրծումները՝ «Դրօշակ»ինն են.— Ն.) : Նրա հեռաւոր իդէալն էր՝ սոցիալիստական կազմակերպութիւնը համայնական սկզբունքների, ազգերի եղբայրութեան խարիսխի վրայ . նա մինչեւ անգամ ընդունարում էր ապագայի մատախտուղի մէջ մի այնպիսի դրութիւն, ուր ԻՍՊԱՌ ԶՆՁՈՒԱԾ ԿԸ ԼԻՆԵՆ ԱԶԳԱՅՆԱԿԱՆ ԱՌԱՆՁՆԱՅԱՏԿՈՒԹԻՒՆՆԵՐՆ ՈՒ ԽՏՐՈՒԹԻՒՆՆԵՐԸ, բայց նա եւ գիտէր միաժամանակ, որ իւրաքանչիւր մարդ-ֆաղափացի պի-

\*) Անդ, էջ 42 :



տի աշխատէ իր հարազատ միջավայրում, պիտի ձգտէ իր սեփական ազգը բարձրացնելու»\*) :

Վերջին ընդդժումները մե'նք կատարեցինք :

«Դրօշակ»ի տողերի մէջ լսում է խուլ ձայնը այն «կոսմոպոլիտիզմ»ի, որի աւազանից անցած էր Մեծ Նահատակը, անցած էին իր գործակիցներն ու իր անդրանիկ աշակերտները :

Մենք, սակայն, այն բարեբախտութիւնն ունեցանք, որ դոնէ մեր ԿԵՆԴԱՆԻ ԳՈՐԾԻ մէջ Մարքսիզմից չազդուեցինք. չազդուեցինք նաեւ մեր մամուլի ու գրականութեան մէջ, հակառակ այն կատաղի պայքարին, որ տարւում էր մեր դէմ : Մեր թերացումը միայն մեր դաւանազրբրի մէջ էր, մի պարագայ, որ օր առաջ անհրաժեշտաբար սրբազրել պէտք է : Մանաւանդ այժմ, երբ Մարքսիզմից պոկուած մի հզօր ու ծաւալուն թեւ՝ Բոլշեւիզմը՝ իրեն «ընկերվար» կոչելով՝ վարդապետօրէն ուրանում է Ազգն ու Հայրենիքը եւ իր ընթացիկ քաղաքականութեամբ ու վախճանական ձգտումով նախապատրաստում նրանց աստիճանական ՁՈՒԼՈՒՄՆ ու վերջնական ՓՈՇԻԱՅՈՒՄԸ՝ մարդկային բոլոր լեզուները Մէ'Կ ԼԵԶՈՒՈՎ եւ բոլոր հայրենիքները Մէ'Կ ԱՇԽԱՐՀՈՎ փոխարինելու համար :

1929 Մարտ 18 թուականով, «ԱԶԳԱՅԻՆ ՀԱՐՅԸ ԵՒ ԼԵՆԻՆԻԶՄԸ» խորագրի տակ, Ստալին, խօսելով դալիք պայքարների այն շրջանի մասին, երբ բանուորութիւնը իր դիկտատուրան պիտի հաստատի բովանդակ աշխարհում, գրում է .

«Այդ շրջանին, երբ համաշխարհային ընկերվար տնտեսաձեւը բաւականաչափ կ'ամրանայ եւ ընկերվարութիւնը կենցաղ կը դառնայ ժողովրդների համար, այդ շրջանին... ԱԶԳԱՅԻՆ ՏԱՐԲԵՐՈՒԹԻՒՆՆԵՐՆ ՈՒ ԼԵԶՈՒՆԵՐԸ ԿԸ ՍԿՍԵՆ ՄԵՌՆԵԼ՝ ԻՐԵՆՑ ՏԵՂԸ ԶԻՋԵԼՈՎ ԲՈԼՈՐԻ ՀԱՄԱՐ ՄԵՎ ԵՒ ԸՆԴՀԱՆՈՒՐ ԼԵԶՈՒ»\*\*):

Մի այլ առիթով, 1930 Յունիս 27-ին, իր այն զեկուցմանը մէջ, որ յանուն Կենտր. Կոմիտէի ներկայացնում էր Համամիութենական Կոմկուսի 16-րդ Համագումարին, Ստալին, խօսելով ազդութեանց մասին, հանդիսաւորապէս վկայում էր .

\*) «Դրօշակ»-ը իր 3-րդ համարի խմբագրականում (Փետր. 1892) անցողաբար հետեւեալ մատնանշումն է անում. «Կասկած չկայ, որ ապագայում ցեղական սկզբունքը պիտի ոչնչանայ» : «Հ. Յ. Դ. ՎԱԹՍՈՒՆԱՄԵԱԿ», 1890-1950, կազմեց Ս. Վրացեան, Պոսթըն, 1950, էջ 72) :

\*\* ) Ի. Վ. ՍՏԱԼԻՆ — «Երկեր», հ. 11-րդ, Մոսկուա, 1949, էջ 349 :



«Երբ բանուորութեան դիկտատուրան յաղթանակած է միայն մէկ երկրում, այդ պարագային անհրաժեշտ է առաւել ծաղկումը ձեռով ազգային ու բովանդակութեամբ ընկերվար մշակոյթներին, ՀԵՏԱԳԱՅԻՆ ԱՅԴ ՄՇԱԿՈՅԹՆԵՐԸ ՁՈՒԼՆԵԼՈՒ ՀԱՄԱՐ ՄԷԿ ԵՒ ԸՆԴՀԱՆՈՒՐ ԸՆԿԵՐՎԱՐ — ԸՆԿԵՐՎԱՐ ԹԷ՛ ԶԵՒՈՎ ՈՒ ԹԷ ԲՈՎԱՆԴԱԿՈՒԹԵԱՄԲ — ՄՇԱԿՈՅԹԻ ՄԷՁ, ՄԷԿ ԵՒ ԸՆԴՀԱՆՈՒՐ ԼԵՁՈՒՈՎ՝ երբ բանուորութիւնը յաղթանակած կը լինի ամբողջ աշխարհում եւ ընկերվարութիւնը դարձած կը լինի կենցաղ»\*) :

*Ստալինից աւելի առաջ, իր ուսուցիչը՝ Լենին՝ նոյն հարցին դառնալով՝ «ԸՆԿԵՐՎԱՐ ՅԵՂԱՓՈՒՅՈՒԹԻՒՆՆԵՐԸ ԵՒ ԱԶԳՈՒԹԵԱՆՑ ԻՆՔՆՈՐՈՇՄԱՆ ԻՐԱՒՈՒՆՔԸ» խորագրի տակ, գրում էր .*

«Ընկերվարութեան նպատակն է վերջ տալ ոչ միայն մարդկութեան կոտորակումին մանր պետութեանց վրայ եւ ազգերի ամէն կարգի կղզիացումին միմեանցից, իր նպատակն է ոչ միայն ազգերի մերձեցումը, այլ եւ նրանց ՁՈՒԼՈՒՄԸ»\*\*):

*Կարելի է այս կարգի քաղուածքների շարանը անվերջ երկարել, սակայն իմաստ չունի. նոր քաղուածքները քանակապէս պիտի շատանան՝ որակապէս սկզբունքը միշտ նոյնը պահելով:*

*Բողջելիզմի քարոզած «ընկերվարութեան նպատակն է — ասա՛ եւ կրկնի՛ր — ազգերի եւ հայրենիքների իսպառ ՁՈՒԼՈՒՄՆ ՈՒ ԱՆՀԵՏԱՑՈՒՄԸ:*

*Օղբի մէջ նետուած քարոզ չէ այս, այլ նախածրագրուած ու ծաւալուն աշխատանքով հետապնդուող մի վառ նպատակ: Մենք այստեղ անկարող ենք մինչեւ իսկ ուրուադիծը տալ այդ աշխատանքի. վաւերագրենք միայն, որ Խորհրդային Միութիւնը իր անհուն միջոցները — նիւթական, մտաւոր ու բարոյական — տրամադրած է նաեւ այս նպատակին:*

*Այսօր Խորհրդային լեզուաբանների համար, երկրի բարձրագոյն վարժարաններում եւ գիտական բոլոր հաստատութեանց մէջ, պարտադիր է լեզուական այն սւսմունքը, որ Մառական անունն է կրում .*

*«Լեզուները, — ուսուցանում էր Մառը, — բազմալեզուականութիւնից ընթանում են դէպի միալեզուականութիւն:*

*«Ապագայի միակ լեզուի կազմութեան այս ընթացքը համաշ-*

\*) Ի. Վ. ՍՏԱԼԻՆ — «Լենինիզմի Հարցերը», 10-րդ հրատր., 1936, Մոսկուա, էջ 426-427:

\*\*\*) Վ. ԼԵՆԻՆ — «Երկեր», 4-րդ հրատր., հ. 22-րդ, Մոսկուա, 1948, էջ 135:



խարհային է. նրանից չի կարող փրկուել եւ ո՛չ մէկ ազգութիւն՝ մեծապետականը ոչ աւելի, քան տկարութեղը»\*) :

Այս «ընթացք»ը հիմնաւորելով՝ Մառը գրում էր .

«Ինչպէս որ մարդկութիւնը իր աշխատանքի զանգուածների ստեղծագործ նիւթերով ընթանում է տնայնագործական, իրարից անջատ հանրայնութեան ու տնտեսութեան ձեւերից դէպի միակ ու ընդհանուր համաշխարհային հանրայնութիւն, այդ նոյն ձեւով նաեւ լեզուն նախնական բազմազանութիւնից վիթխարի փայլերով ընթանում է դէպի միակ ու ընդհանուր համաշխարհային լեզու\*\*):

Մառը յորդորում էր անյապաղ իսկ աշխատանքներ տանել «ի շահ նախապատրաստումի մարդկային այդ միակ եւ ընդհանուր լեզուի, որ անխուսափելի հայցարկումն է (postulat) համաշխարհային ֆազաֆակրթական ընթացքի»\*\*\*):

Այս մի քանի տողը այստեղ արձանագրեցինք լոկ ընդհանուր տպաւորութիւն տուած լինելու համար այսօր Խ. Միութեան մէջ տիրակալող լեզուական դպրոցի մասին :

Հանրապարտադիր հանգամանք առած է այս դպրոցը, որովհետեւ մասնական «լեզուաբանութիւն»ը նոյնացած է «ստալինաբանութեան» հետ, նոյնացած է Բոլշեւիզմի հետ .

«Ակադեմիական Մառը այն կարծիքին է, — միասնաբար դըրուած մի յօդուածում վկայում են երկու համայնազար լեզուաբաններ, — որ ԱՊԱԳԱՅԻՆ ԲՈԼՈՐ ԼԵԶՈՒՆԵՐԸ ՊԵՏՔ Է ՁՈՒԼՈՒԵՆ ՄԻԱԿ ու ԸՆԴՀԱՆՐԱԿԱՆ ԼԵԶՈՒԻ ՄԷՋ, եւ այս կէտում Մառը հարագատած է այն ծանօթ դրոյթը, որ այնքան սպառնչ լիակատարութեամբ ու յստակութեամբ պարգած է ընկ . Ստալինը իր նշանաւոր գործի մէջ՝ «ԱԶԳԱՅԻՆ ՀԱՐՅԸ ԵՒ ԼԵՆԻՆԻԶՄԸ» :\*\*\*\*)

Անորոշ ոչինչ չկայ այստեղ . բոլոր կէտերը «ի»երի վրայ դրուած են այն վերաբերումի մէջ, որ Բոլշեւիզմը ունի ազգերի,

---

\*) Վ. Ա. ՄԻԽԱՆԿՈՎԱ — «Նիկոլայ Եակովլեւիչ Մառ» (Ակնարկ իր կեանքի եւ դիտական գործունէութեան մասին), 1948, Մոսկուա, էջ 309 :

\*\*\*) Անդ, էջ 342 :

\*\*\*\*) Անդ, էջ 289 :

\*\*\*\*\*) Վ. Ն. ՆԻԿՈԼՍԿԻՅ ԵՒ Ն. Ֆ. ԵԱԿՈՎԼԵՒ — «Ն. Մառի ուսմունքի հիմնական դրոյթները լեզուի մասին», «Իմաստասիրութեան Հարցեր», Մոսկուա, 1949, քիւ 1, էջ 283 :



հայրենիքների, լեզուների եւ ազգային մշակոյթների հանդէպ՝ նրանց բոլորին դէպի ընդհանուր ՁՈՒԼՈՒՄ առաջնորդելով։\* )

Պորհրդային քաղաքականութիւնը ազգային հարցում այս նպատակն է հետապնդում։

Ու թողէք տարօրինակ չգայ երբ ասենք, որ ազգային մշակոյթների հանդէպ Բոլշեւիզմի սնուցած «գուրգուրանք»ի մէջ շատ աւելի մեծ վտանգ կայ, քան այդ մշակոյթների հանդէպ նրա քողարկուած թշնամանքի մէջ։

Գուրգուրալով ու քնացնելով է, որ Բոլշեւիզմը ազգերն առաջնորդում է դէպի այլասերում, այսօր՝ մի մշակոյթով, որ «ընկերվար» (ապաղգային) է միայն «բովանդակութեամբ», իսկ վաղը մի այլ մշակոյթով՝ որ «ընկերվար» (ապաղգային) պիտի լինի նաեւ «ձեւով»...

Եթէ Բոլշեւիզմը մինչեւ իսկ նոյնացած չլինէր իր արիւնոտ դիկտատուրային, եթէ նա մինչեւ իսկ զերծ լինէր իր բոլոր արատներից, միայն իր այս վերաբերումը ազգութեանց եւ հայրենիքների հանդէպ բաւական պիտի լինէր, որպէսզի մենք մեր բովանդակ հասակով ծառանայինք իր վարդապետած «ընկերվարութեան» դէմ։

Մեր դաւանադրի մէջ իրենց պատուաւոր տեղը պէտք է գրտ-

---

\*) Ինչպէս յայտնի է, Ստալին 1950ի ամբան անակնկալաբար ասպարէզ իջաւ Մառի դէմ, «Պրաւդա»յի էջերում նրա դէմ երկու յօդուած հրատարակելով, առաջինը՝ պաշտօնաթերթի 1950 Յունիս 20ի թւով («ՄԱՐՔՍԻՉՄԻ ԴԻՐՔԸ ԼԵՉՈՒԱԲԱՆՈՒԹԵԱՆ ՀԱՆԴԵՊ»), իսկ երկրորդը՝ նոյն պաշտօնաթերթի 1950 Յունիս 29ի թւով («ԼԵՉՈՒԱԲԱՆՈՒԹԵԱՆ ՄԻ ՔԱՆԻ ՀԱՐՑԵՐԻ ՆԿԱՏՄԱՄԲ»)։

Այս յօդուածները միաժամանակ լոյս տեսան նաեւ գառ գրագոյկներով։

Նկատել պէտք է սակայն, որ այս գրութիւններից թէ՛ մէկը եւ թէ՛ միւսը եւ ո՛չ մէկ կէտում չեն ժխտում ստալինեան (ու մառական) այն միւս «դրոյթ»ը, թէ մենք ընթանում ենք — ու պէտք է որ ընթանանք — դէպի Մէ՛կ մարդկութիւն, Մէ՛կ մշակոյթ ու Մէ՛կ լեզու։

Իսկ մեզ շահագրգռողն էլ տուեալ պարագային ճիշտ այս կէտն է։

Ստալինի հակամառական «ելոյթ»ի պատճառները ուրիշ տեղ են...։

Այս մասին, սակայն, ուրիշ առիթով։



նեն, իբրեւ յաւիտենական եւ անմեռ արժէքներ, Ազգն ու Հայ-  
րենիքը:

Յստակ պէտք է լինի մեր ձեւակերպումը նաեւ Ընկերվարու-  
թեան մասին:

Մենք ընկերվար ենք ոչ միայն այն պատճառով, որ Ընկեր-  
վարութիւնը մեզ խոստանում է մի հասարակակարգ աւելի՛ ար-  
դար, աւելի՛ յառաջադէմ ու լուսաւոր քան մենք ունենք, այլ եւ  
այն պատճառով, որ նա մեզ խոստանում է ազատ եւ անկախ  
կեանք՝ յաւերժութեան սահմանուած ազգերի եւ հայրենիքների  
համար:

## VI

### ԴԱՇՆԱԿՑՈՒԹԻՒՆ (FEDERATION)

Իր տեղում ասացինք արդէն, որ պետական այս ձեւը գրեթէ  
անձանօթ է մեր անդրանիկ դաւանադրին. պատահաբար այնտեղ  
գործածուած «ինքնավարութիւն» բառը ստոյգ — եւ սպառիչ —  
չկայութիւնն չէ՛ այն մասին, թէ դաւանադրի հեղինակները նա-  
խածրադրած էին դաշնակցային հիմերով վերակերտել թուր-  
քիան՝ նրա սահմաններում հայ ժողովրդին «ազատ Հայաստան»  
ասպանովելու համար:

Թրքական դաժան կարգերի մէջ բարեփոխութիւն եւ տանելի  
կեանք պահանջելով իր ժողովրդի համար՝ Քրիստափորը իր ծա-  
նօթ յողուածի մէջ — «ՄիՈՒԹԻՒՆ ԹՈՒՐԳԵՐԻ ՀԵՏ» — գրուած  
1900-ին, հետեւեալ ուշադրաւ յայտարարութիւնն էր անում.

«Թուրքեր, մենք չենք ձգտում ոչ հայ քաղաքութեան վե-  
րականգման, ոչ քէկուզ 100 մարդուց միայն բաղկացած ռեւէ ազ-  
գութեան սպանող (? — Ն.) գերիշխանութեան, ոչ էլ անպատ-  
եառ ձեր պետութիւնից անջատուելուն»\*):

«Չենք» ի այսքան յստակ ձեւակերպումը տալով՝ «ենք» ի նոյն-  
քան յստակ ձեւակերպումը Քրիստափորը չունի. իր յողուածի մէջ  
դրական ձեւով եւ յստակ ու որոշակի բառերով թուրք պետու-  
թեան վերակերտումի նոր հիմերը չկան:

Ապակենտրոնացման ճանապարհի վրայ մենք առաջին անգամ  
ոտք դրինք «Նախագիծ»ով, եւ դրինք Կովկասի մէջ: Աւելի ուշ  
այս սկզբունքը պաշտօնապէս որդեգրեցինք 1907-ի Ընդհ. Ժողո-

\*) ՔՐ. ՄԻՔԱՅԷԼԵԱՆ — «Յեղափոխականի Մտքերը», 1931,  
Աթէնք, էջ 31:



վում՝ Հայաստանի երկու հատուածների նկատմամբ, թէ՛ թըրքապատկան եւ թէ՛ ռուսապատկան\*\*):

Մեր նպատակը այս մասին խօսելը չէ, սակայն:

Այս վերլիչումն անելով՝ մենք պիտի ուզէինք պատասխանել հետեւեալ երկու հարցումներին.

Ա.— 1919-ին Հայաստանի անկախութեան գաղափարը որդեգրելով՝ մենք իսպառ հրաժարա՞ծ ենք դաշնակցային սկզբունքից:

Բ.— Այս երկու սկզբունքները՝ անկախութիւն եւ դաշնակցութիւն՝ ներքնաբար իրարու հա՞շտ են թէ՛ ներհակ:

Անկախութեան յատկանիշը ընդունուած է տեսնել տուեալ ազգի գերիշխանութեան, նրա suzerainetéի մէջ:

Նա՛ է անկախ՝ ով գերիշխան է:

Սակայն, ի՞նչպէս ճշտել գերիշխանութեան ստորոգելիները, ի՞նչպէս սահմանել պետական այս բացառիկ յատկանիշի էութիւնը: Կար ժամանակ, երբ պետական իրաւունքի գիտակները խորհում էին, թէ՛ գերիշխանութիւնը կարելի է բաժանել մասերի, ինչպէս որ բաժանում են հողը, ազգաբնակչութիւնը, պետութեան պատկանող այս կամ այն նիւթական հարստութիւնը: Սակայն, մարդկային խուզարկու միտքը ի վերջոյ եկաւ այն եզրակացութեան, որ գերիշխանութիւնը պետական կեանքի մէջ պաշտօնաւար (fonctionnaire) հանգամանք ունի՝ անշօշափելի բնոյթով, ուստի եւ բաժանելի չէ:

Մեր հմուտներից անմոռանալի Ա. Շահխաթունեանը այս առիթով նկատում էր.

«Բայց ի՞նչպէս կարելի է բաժանել փունկցիաները, ո՞րտեղ է այն կոնկրետ մոմենտը փունկցիաների շրջանում, որով կարելի լինէր մաքեմատիկական ֆշտութեամբ բաժանել. փունկցիան սուբստրատ չէ. նա գաղափարական հասկացողութիւն է, վերացական իրերի հետ գործ ունի, հետեւաբար՝ գերիշխանութիւնը (սուվերենիտետ), որ պետական փունկցիաների հիմնաւորումն էր համարում, չի կարող բաժանուել...»\*):

\*\* ) Վիեննայից մեկնելով եւ Պոլիս գալով՝ Զաւարեանը մի հրապարակային հաւաքոյթի մէջ խանդավառօրէն խօսում էր *ապակենարոնացումի* մասին՝ նրա մէջ տեսնելով բովանդակ թուրքիոյ փրկութեան բանալին (տե՛ս 1908-ին «Ազատամարտ»ի հրատարակութեամբ լոյս տեսած «ԱՊԱԿԵՆՏՐՈՆԱՅՈՒՄ» խորագրով իր գրքոյկը):

\*) Ա. ՇԱՀԽԱԹՈՒՆԵԱՆ — «Ձեռքբաւիղմ եւ Դեմոկրատիզմ», 1907, Թիֆլիզ, էջ 17:



Աւելի խորացնելով իր պարզամտները՝ անուանի պետականազէտը՝ Իէլլինեկ՝ եկաւ այն եզրակացութեան, որ զերիշխանութիւնը պետութեան յատկանիշը, նրա նախապայմանը չէ:

Աւստրիացի հռչակաւոր զիտունը անկախութեան իբրեւ *conditio sine qua non* գտաւ մի աւելի բարձր եւ աւելի ստոյգ յատկանիշ, քան զերիշխանութիւնն է.

«Իէլլինեկը եկաւ այն եզրակացութեան, — նկատում է Ա. Շահխաթունին, — թէ պետութիւն լինելու համար հարկաւոր է, որ ՊԵՏԱԿԱՆ ՖՈՒՆԿՑԻԱՆԵՐԸ ԲԵՆ ԳՈՍԵՓԱԿԱՆ ԻՐԱՒՈՒՆՔԻՑ՝ ՕՏԱՐԻՑ ՍՏԱՅԱԾ ԵՒ ՕՏԱՐԻ ՀՍԿՈՂՈՒԹԵԱՆ ԵՆԹԱԿԱՑ ՁԼԻՆԵՆ»<sup>\*)</sup>:

Վերջին ընդգծումները մե'նք կատարեցինք:

Իէլլինեկի բնորոշումը, մեր համոզումով, բուն իսկ զերիշխանութեան իսկական սահմանումն է:

Անդրադառնալով այս հարցին՝ նկատում էինք մենք.

«Մի ժողովուրդ տուեալ վայրկեանին անկախ է, երբ, նախ՝ ԴՐՍԻ աշխարհի հանդէպ այդ ժողովուրդը Ի'նՔ'ն է նշտում իր անկախութեան ձեւը, չափն ու սահմանը եւ ոչ ուրիշը. եւ, երկրորդ՝ անկախ է մի ժողովուրդ, երբ նա, ազատագրուելով ԴՐՍԻ միջամտութիւնից, իր երկրի ներսը նշտում է իր անկախութեան ձեւը, չափն ու սահմանը ի'ր իսկ ժողովրդի ԲԱՑԱՐՁԱԿ ՄԵԾԱՄԱՍՆՈՒԹԵԱՆ կամքով:

«Այսպիսով, անկախութեան պահանջը, լինելով իբրեւ մէկ ԲԱՑԱՐՁԱԿ ու անվերաբնեւի սկզբունք, իրականութեան մէջ կեանք է առնում յարաբերական բնոյթ կրող ձեւերով եւ միջոցներով»<sup>\*)</sup>:

Անկախութեան գաղափարը ունի իր ձեւն ու բովանդակութիւնը. սրանցից առաջինը տեւական է ու անփոփոխ, մինչ երկրորդը՝ ժամանակաւոր է ու փոփոխական: Որոշ, քարացած ու անփոփոխելի, ստորոգելիներով նախասահմանուած բովանդակութիւն չունի անկախութեան գաղափարը: Ազգաժողովն ու «ՄԱԿ»ը ստեղծելով՝ ազգերը իրենց երկրների անկախութիւնը չհարուածեցին, եւ կամ նոյն ազգերը եթէ վաղը Եւրոպայի (կամ համայն աշխարհի) Միացեալ Նահանգները ստեղծեն՝ իրենց երկրների անկախութիւնը վերստին պիտի չհարուածեն: Ձեւը պահելով՝ նրանք ժամանակի համապատասխան փոփոխութիւնները

<sup>\*)</sup> Անդ, էջ 17:

<sup>\*)</sup> Տե'ս մեր՝ «ԸՆԿԵՐՎԱՐՈՒԹԻՒՆԸ ԵՒ ԴԵՄՈԿՐԱՏԻԶՄԸ», 1924, Գահիրէ, էջ 22:



պիտի մտցնեն անկախութեան գաղափարի բովանդակութեան մէջ:

Իբրեւ ձեւ՝ Շէյքսպիրի Համլետը անմեռ է ու անփոփոխ, սակայն նա անփոփոխ չէ իբրեւ բովանդակութիւն. դարերի ճանապարհին տարբեր աչքեր նրա մէջ տարբեր իմաստ են տեսնում: Իբրեւ ձեւ՝ միշտ նոյնն է եղիպտական Սփինքսը, սակայն նա միշտ նոյնը չէ իբրեւ բովանդակութիւն. դալիք դարերն էլ տարբեր խորհուրդ պիտի տեսնեն նրա մէջ, քան մենք տեսած ենք մինչեւ այսօր:

Նոյնն է նաեւ անկախութեան նկատմամբ:

Թարգմանը հանդիսանալով Դաշնակցութեան դաւանանքի՝ աւելի քան քառորդ դար առաջ գրում էինք մենք.

«Ինչպէս անվերաբանելի է ազատութեան սկզբունքը (խօսելու, գրելու, դաւանելու, հաւաքուելու, շարժուելու եւն. եւն.) անհատի համար՝ պետութեան մէջ, նոյնպէս անվերաբանելի է անկախութեան սկզբունքը (ազատօրէն, անկախաբար եւ ազգովին ապրելու, զարգանալու, ստեղծագործելու եւն.) ազգութեան համար՝ համամարդկային մեծ ընտանիքի մէջ:

«Որովհետեւ ազգութիւնը ոչ միայն իրաւունքների օր՛եկտ է (ազգութեան պատկանող անհատների համար), այլեւ իրաւունքների սուր՛եկտ (մնացեալ ազգերի եւ համայն մարդկութեան հանդէպ):

«Ազգութիւնն իբրեւ մարդկային հաւաքականութիւնը յատկանշող մէկ ուրոյն ձեւ, հանդէս է գալիս ազգերի գոյութեան մրցադաշտում իբրեւ մէկ, անբաժան եւ լրիւ ամբողջութիւն, հըրապարակ է իջնում իբրեւ փիզիքական անձ՝ իր անվերաբանելի պահանջով:

«Անկախութիւնը — ազգերի անկապտելի իրաւունքն է, նըրանց անվերաբանելի ու նուիրական սեփականութիւնը:

«Անկախութիւնը ազգ-սուր՛եկտի ազատութեան միակ ձեւն է, անկաշկանդ ապրելու եւ ստեղծագործելու միակ միջոցը:

«Ու քանի որ անկախութեան սկզբունքը ազգութեան մէկ այսփան կարեւոր յատկանիշն է — երբե՛ք փոփոխուող ու մշտապէս տարող. քանի որ ազատութեան սկզբունքը մէկն է մարդկութեան յարատեւ նպատակներից, եղել է ու պիտի մնայ, ուստի նաեւ անկախութեան սկզբունքը, իբրեւ ազգ-սուր՛եկտի ազատութիւնը մարմնաւորող միակ ու անխաթար ձեւը, պիտի մնայ ազգութեան նպատակների աշխարհում»\*):

\*) Տե՛ս մեր «ՀԱՅԱՍՏԱՆԻ ԱՆԿԱՆՈՒԹԻՒՆԸ», 1924, ժընեւ, էջ 44-45:



Սակայն, դաշնակցութիւնը (federation) ժխտումն է՝ անկախութեան գաղափարի. դաշնակցութիւնը խորթ է՝ անկախութեան սկզբունքին, այլ հարադատ է նրան. դաշնակցութիւնը մէկն է անկախութեան գաղափարին բովանդակութիւն եւ կեանք տեւող ձեւերից. նախապայման է միայն, որ այդ դաշնակցութիւնը տուեալ ժողովուրդը ի՛նքը իւրացնի ազատօրէն եւ ի՛նքը ազատօրէն նրա չափն ու սահմանը ճշտէ թէ՛ ներքնաբար եւ թէ՛ դրսի աշխարհի հանդէպ:

Անկախական-դաշնակցային կերպարանքով տեսնելով մեր քարոզած գաղափարը՝ մեր նոյն գրքոյկի մէջ գրում էինք.

«ԱՆԿԱԽԱԿԱՆ այն իմաստով, որ ամէն մէկ ազգութեան իրականաբար քաղաքական ազատութիւնը պիտի նկատուի իբրեւ ա՛յդ ազգի (եւ ոչ ուրիշի) անբռնադատելի իրաւունքն ու անվերաբերելի սեփականութիւնը, որի տէրն ու դատաւորը ինքն է եւ ոչ ուրիշը, եւ ԴԱՇՆԱԿՑԱՅԻՆ նիշտ այն ընթանումով, որ ազգերը մէկ, ներդաշնակ եւ ամբողջական մարդկութիւն կազմելու համար՝ հանդէս պիտի գան իբրև հաւասարաբաժնի եւ իրաւահաւասար ազատ միութիւններ եւ իրենց ազատ կամքով ու ԴԱՇՆԱԿՑԱՅԻՆ հիմերի վրայ տեղաւորուեն համամարդկային մեծ գերդաստանի մէջ»\*\*):

Պիտի ուղէինք տալ այստեղ ամբողջութեամբ այն հատուածը, որով անմոռանալի թաժակը փակում էր իր հանրածանօթ արժէքաւոր աշխատութիւնը՝ «ԴԻՊԻ ՖԵՆԵՐԱՅԻԱ».

«Մարդկային կուլտուրայի զարգացումը կրկնակի փանաւորուելով արագ առաջ է ընթանում. կենտրոնացման ուղին տանում է դէպի ընդհանուր շահերի ամբողջացում, դէպի պետութիւնների խոշորացում եւ ընդլայնում. մինչեւ որ բոլոր մարդկութիւնը կ'ամփոփուի մի ամբողջութեան մէջ, կը կազմէ մի եւ միակ ՄԱՐԴԿԱՅԻՆ ՀԱՍԱՐԱԿՈՒԹԻՒՆ, ունենալով այնպիսի ընդհանուր օրէնքներ, որոնք յատուկ են բոլոր-բոլոր մարդաբարածներին՝ առանց բացառութեան: Իսկ, միւս կողմից՝ յարանուն դիֆֆերենցիացիան, մշտագոյ բազմազանութիւնը կը քափանցէ ներս, կը շերտաւորէ, կը տարբերէ իրարից բազմազան պայմաններում ապրող բազմապիսի խմբակներն ու հասարակութիւնները: Մարդկային կուլտուրան ձգտում է յղկել, միօրինակութեան վերածել բնական պայմանները, իսկ բնութիւնը, յաւիտեական իր ըմբոստ կորովով, դիմադրում է կուլտուրայի այդ կրծող ուժին: Կենտրոնացման ուժին հակադիր՝ յարատեւում է ապակենտրոնացման ուժը, հակոտնեայ շարժումը: Մէկը հետե-

\*\* ) Անդ, էջ 45:



ում էլ յաղթանակում է այն ամէնի մէջ, ինչ որ համամարդկային է, ինչ որ կազմում է բոլոր մարդկանց էութեան մէջ ԸՆԴՀԱՆՈՒՐ ԸՆԴՀԱՆՈՒՐԸ, իսկ միւսը շեշտում է անհատների ու հասարակութիւնների ՏԱՐԲԵՐԱԿԱՆ մասը, նրանց զանազանակերպութիւնները»:

*Այս զուգահեռ շարժումների գալիք ընթացքը գծելով՝ Խաժակը նկատում էր.*

«Այդ կրկնակի շարժումը — կենտրոնացում էլ ապակենտրոնացում — գոյութիւն են ունեցել դարերից ի վեր, այժմ էլ կան եւ պիտի լինեն յաւիտ, քանի որ կայ կեանքի նշոյլ երկրագնդի վրայ, քանի դեռ Սպենսերի ասած էւոլիւցիայումն ենք ապրում եւ ոչ դիստոլիցիայի, քայքայման շրջանում, որին յաջորդելու է համաշխարհային մահը երկրագնդի վրայ:

«Եւ այդ յարատեւ կրկնակի շարժումը մեզ տանում է դէպի համամարդկային Ֆեդերացիա, դէպի աշխատաւոր համայն մարդկութեան եղբայրական դաշնակցութիւն»\*):

*Ֆեդերացիայի մէջ՝ անկախութիւն եւ անկախութեան մէջ՝ Ֆեդերացիա, — այս է մարդկային պատմութեան զուգահեռ եւ ներդաշնակ ընթացքը:*

Այս սկզբունքները դաւանագրի մէջ դիւրին էր ձեւակերպել մինչեւ 1917 թուականը, երբ Բոլշեւիզմը Ռուսիոյ մէջ տակաւին տիրացած չէր իշխանութեան. սակայն, այդ թուականից այս կողմ, այս աշխատանքը չափազանց դժուարացած է: Բոլշեւիզմը՝ լոկ բառեր փոխ առնելով մեզանից (ինքնավարութիւն, դաշնակցութիւն, անկախութիւն), սակայն այդ բառերին համապատասխանող գաղափարները խարդախելով ու եղծելով՝ յաճախ յաջողում է շփոթ ստեղծել քաղաքական աշխարհի մէջ: Երբորդ Միջազգայնականի երբեմնի վարիչը՝ Զինովիեւ՝ նոր ոչինչ չէր ասում, երբ 1918 Յունուար 14-ին, Խորհուրդների Համառուսական Համագումարի մէջ՝ յայտարարում էր.

«Մենք միշտ պայքարած ենք փեդերասիոնի դէմ կուսակցական կազմակերպութեան մէջ: Մենք կենտրոնացման կողմնակիցներ ենք...: Մարգարէ լինելու պէտք չկայ նախատեսելու համար, որ պետութեանց դաշնակցութիւնը իր տեղը պիտի զիջի բանուորութեան հետապնդած կենտրոնացեալ միութեան»\*\*):

*Չին է ու վարդապետօրէն հիմնաւորուած ընդհանրապէս մարքսիստների եւ առանձնաբար ուսու սոցիալ-դեմոկրատների*

\*) Գ. ԽԱԺԱԿ — «Դէպի Ֆեդերացիա», 1907, Թիֆլիս, էջ 371:

\*\* ) Մ. ՎԻՇՆԵԱԿ — «Հայրենիքի մէջ» («Սովր. Զապիսկի», գիրք VI, 1921, Փարիզ, էջ 260:



այն խօսքը թէ՛ «բանուորութիւնը գործ չունի ֆեդերացիայի հետ»\*) :

Բոլշեւիզմը որոշեց այս նպատակին հասնել, այսինքն «գործ չունենալ ֆեդերացիայի հետ»՝ բառը պահելով եւ գաղափարը թաղելով :

Քանի դիկտատուրան իր ծայրակէտին հասած չէր ու քանի դեռ կարելիութիւն կար համայնավար վարդապետութիւնը քիչ-չատ ազատօրէն քարոզելու Ս. Միութեան մէջ, այս ճշմարտութիւնները չէին քողարկում իրենք իսկ բոլշեւիկները :

Սորհրդային իրաւագէտներից Պլետենով, խօսելով Սորհրդային «անկախ» հանրապետութեանց մասին, նկատում էր .

«Մեր անկախ հանրապետութիւնները իրենց իրաւասութեամբ շատ քիչ են տարբերում նախայեղափոխական շրջանի տեղավարական հաստատութեանց իրաւասութիւնից» :

Նոյն Պլետենովը վկայում էր միաժամանակ, որ «բոլոր անկախ հանրապետութիւններն ու ազգային-ինքնավար միաւորները երկրօրէն կազմում են շարունակութիւնը մէկ ու միացեալ ՌՍՖՍՌ-ի, այսինքն ռուսական պետութեան»\*\*) :

Մի այլ գրիչ՝ Կ. Արխիպով՝ նոյն հարցը քննարկելով՝ խոստովանում էր .

«Իրաւատախտակին միջեւ մեր երկրի շրջանների եւ նահանգների, Հայաստանի, Եակութիայի (մի յետամնաց ու հեռաւոր շրջան Սիրիբի մէջ.— Ն.) եւ այլ հանրապետութեանց՝ տարբերութիւն գրեթէ չկայ եւ կամ եթէ կայ՝ այդ տարբերութիւնը 1923-ին իսպառ հարթուած էր»\*\*\*) :

Այսքան անձեռնհաս ու անիրաւասու գտնելով Սորհրդային Հանրապետութիւնները՝ մի այլ գրիչ՝ Ա. Տուրուբիներ՝ նկատում էր .

«Այս իսկ հիմունքով հարկ է ընդունել, որ վրաստանը, Հայաստանը եւ Ազրբէյջանը չեն կարող նկատուել իբրեւ ինքնավար հանրապետութիւններ»\*\*\*\*) :

Սակայն, ինչո՞ւ ծանրաբեռնել նիւթը այս կարգի քաղուածք-

\*) Ա. ՇԱՀԽԱԹՈՒՆԵԱՆ — «Ֆեդերալիզմ եւ Դեմոկրատիզմ», 1907, Թիֆլիզ, էջ 94 :

\*\*) «ԻՐԱՒՈՒՆՔ ԵՒ ԿԵԱՆՔ», 1922, գիրք Ա., էջ 16-30 :

\*\*\*) Կ. ԱՐԽԻՊՈՎ.— «Սորհրդային ինքնավար շրջանները եւ հանրապետութիւնները», 1924, Մոսկուա, էջ 60 :

\*\*\*\*) Ա. ՏՈՒՐՈՒԲԻՆԵՐ.— «Ակնարկ՝ Ս. Միութեան պետական կառոյցի շուրջ», 1925, Մոսկուա, էջ 51 :



ներով. առէք թ. Հանրապետութեանց գործող Սահմանադրութիւնը:

Թ. Միութիւնը 58 նախարարութիւն ունի, 36-ը՝ համամիութենական, իսկ 22-ը՝ միութենական\*):

Այս 58-ի դիմաց մեր «անկախ» հայրենիքը միայն հետեւեալ վեց նախարարութիւններն ունի, — 1) Ատոմոքիլային տրանսպորտի, 2) Լուսաւորութեան, 3) Կոմունալ տնտեսութեան, 4) Ջրային տնտեսութեան, 5) Սոցիալական ապահովութեան եւ 6) Տեղական արդիւնաբերութեան\*\*):

«Նախարարութեանց» այս թշուառ ցանկը բաւական է վկայելու համար, թէ ի՞նչ ծաւալ, ի՞նչ խորութիւն ունի մեր երկրի «անկախութիւնը»:

Արդար չէր Պլետնեով. ցարական շրջանի տեղավարութիւնները շատ աւելի լայն իրաւասութիւններ ունէին, քան ունեն այսօրուան Խորհրդային Հանրապետութիւնները:

Ո՞ւր է դադարիքը. ի՞նչպէս կը լինի, որ Թ. Միութեան մէջ «անկախ հանրապետութիւն»ը աւելի քիչ ձեռնհասութիւն ունի, քան ունէր ցարական շրջանի տեղավարութիւնը. ի՞նչպէս կը լինի, որ՝ իբրեւ «դաշնակցային» (Փեղերատիւ) կապ՝ ցարական շրջանի նահանգապետութիւնները աւելի իրաւասու միաւորներ էին՝ շատ աւելի ինքնավար ու ինքնօրէն, քան Թ. Միութեան դաշնակցային «անկախ» պետութիւնները:

«Պրաւդա» իր 1949 Օգոստ. 14 խմբագրականով նկատում էր. «Խորհրդային իրաւակարգի կենսական հիմունքը — քաղաքականութիւնն է»:

ՔԱՂԱՔԱԿԱՆՈՒԹԻՒՆԸ ԵՒ ՈՆՆԻՐԱՒՈՒՆՔԸ:

«Իրաւունք»ը որեւէ դեր չունի իրաւա՛կան հիմ ունեցող բոլոր կառոյցների մէջ՝ ինքնավարութիւն, դաշնակցութիւն, անկախութիւն եւա՛յլն:

Նիւթը չծանրաբեռնելու համար՝ միայն մի երկու քաղուածք հարցին հմուտ մի հեղինակից.

Երկհատոր «ՀԱՅԱՍՏԱՆ»ի հեղինակը՝ Բ. Բորեան՝ «Ազգութեան ինֆնորաշման իրաւունքը եւ պետութեան գերիշխանութիւնը» խորագրի տակ՝ նկատում է.

«... Ազգային հարցը ոչ թէ իրաւական, այլ քաղաքական հարց է եւ այդ իսկ պատճառով կարելի չէ այդ հարցը ներխոյնել իրաւագիտութեան անձուկ շրջանակների մէջ: Այդ հարցը՝ միջազգային քաղաքականութեան եւ բանուորական յեղափոխու-

\*) «ՍԱՀՄԱՆԱԴՐՈՒԹԻՒՆ», 1947, Մոսկուա, էջ 22-24:

\*\*\*) «ՀՍՍՌ Կոնստիտուցիա», 1947, Երեւան, էջ 16:



թեան հարց է, իրաւագիտութիւնը ի վիճակի չէ նրան պատասխանելու: Այդ նոյն ձեւով նաեւ ազգութեան, ժողովրդի ու պետութեան գերիշխանութեան հարցը ոչ թէ իրաւական, այլ քաղաքական հարց է, նա գէնք է դասակարգերի մղած պայքարի մէջ եւ միջոց՝ դասակարգային տիրակալութեան եւ դասակարգային նպատակի հասնելու համար»:

*Իր խօսքի շարունակութեան մէջ այն միտքը արծարծելով, թէ որեւէ ազգի ինքնորոշման հիմնական ազդակը, եւ ճշտումի հիմը այդ ազգի գերիշխանութեան աստիճանի եւ նրա պետական դոյութեան՝ նախապայմանաւորուած են միայն եւ բացառաբար տուեալ վայրկեանի «քաղաքական եւ տնտեսական պայմաններով», Բորեանը նկատում է.*

«Ո՛չ թէ ազգութիւնը եւ ոչ թէ ազգային գիտակցութիւնն են հանդիսանում ազդակները ազգութեանց ինքնորոշման իրաւունքի լուծման մէջ, այլ նրանց տնտեսական վիճակն ու քաղաքական կացութիւնը, եւ միայն տուեալ միջազգային դիրքով ու նրա ունեցած նշանակութեամբ քաղաքականութեան մէջ նախորոշուում է այդ ազգի քաղաքական եւ իրաւական կազմակերպման ու ինքնակազմակերպման իրաւունքը»\*):

*Ինչպէս տեսնում էք, հիմը բոլոր հարցերի — ինքնավարութիւն, դաշնակցութիւն, անկախութիւն, գերիշխանութիւն եւն. — արմատապէս տարրեր է:*

*Մի ազգ, որ ինքնորոշման բոլոր տուեալները ունի, կարող է եւ չինքնորոշուել (հակառակ իր կամքի), ու մի ազգ, որ ինքնորոշման եւ ո՛չ մէկ տուեալ ունի, կարող է «ինքնորոշուել» (դարձեալ հակառակ իր կամքի):*

*Որովհետեւ այս հարցերի մէջ էականը տուեալ ազգի իրաւունքը չէ՛, այլ նրա միջազգային կշիռը, այդ ազգի «ինքնորոշման» սահմանուած դերը քաղաքականութեան մէջ, այն ծառայութիւնը, որ տուեալ ազգը իր «ինքնորոշման իրաւունք»ով կարող է բերել «դասակարգային տիրակալութեան եւ դասակարգային նպատակներին» հասնելու համար...*

*Խորհրդային ականաւոր իրաւագէտներից պրոֆ. Ռայսներ՝ Հայաստանի, Վրաստանի եւ Ուկրայնայի «ինքնորոշման» մասին խօսելով եւ «ինքնորոշում» բառը հեղնաբար ՉԱԿԵՐՏԵԼՈՎ՝ նըկատում էր.*

*«Կարելի չէ պնդել, թէ ազգային գիտակցութիւնը խաղացած է առաջին եւ հիմնական դերը Ուկրայնայի, Վրաստանի եւ Հա-*

\*) Բ. ԲՈՐԵԱՆ — «Հայաստան (Միջազգային դիւանագիտութիւնը եւ Խ. Միութիւնը)», հ. Բ., 1929, Մոսկուա, էջ 380:



յաստանի «ինֆնորոշման» մէջ. ընդհակառակն. որոշիչ դերը այդ հարցում խաղացած են տնտեսական պայմանները»\*) :

*Ռայսների այս յայտարարութեանը դառնալով՝ Բորեանը — անհետ կորսուածներից — մեկնաբանում էր.*

«Զակերտուած «ինֆնորոշումը» ընկ. Ռայսների մօտ, ըստ երեւոյթին, բացասական բնոյթ ունի. իր ըմբռնումով՝ ազգերը, ըստ երեւոյթին, չեն ինֆնորոշուում, այլ նրանց «ինֆնորոշում են»\*\*):

*Եւ ճիշտը այս է. Ս. Միութեան մէջ, միշտ ունկնդիր միայն եւ բացառաբար ֆաղափականութեան թելադրանքին — բայց երբե՛ք իրաւունքի — ազգերին կամ «ինքնորոշում» եւ կամ նըրանց «չեն ինքնորոշում»...*

*Իր հերթին նաեւ ինք՝ Բորեան՝ հարցը ճիշտ նոյն ձեւով ըմբռնելով՝ նկատում է.*

«Մի բան անկասկած է. գերիշխանութիւնը միշտ ֆաղափական գէնֆ եղած է դասակարգային պայքարի մէջ ի խնդիր պետական իշխանութեան, ի խնդիր այս կամ այն (քաղաքական-դասակարգին. — Ն.) նպատակի իրագործման\*\*\*):

*Այս նախադրեալը հիմ առնելով ու մեզ առարկելով՝ հեղինակը նկատում է.*

«Այս իսկ պատճառով բնական է, երբ աջից ու ձախից Հայաստանի համայնավարներին մեղադրում են այն բանում, թէ հորհրդային Հայաստանը գերիշխան պետութիւն չէ, ու երբ միաժամանակ դաշնակցական «տեսարան» Նաւասարդեանը ազգութեան հիմը տեսնում է անկախութեան մէջ, յայտարարելով իր՝ «ՀԱՅԱՍՏԱՆԻ ԱՆԿԱՍՈՒԹԻՒՆԸ» գրքոյկի 43-45 էջերի վրայ (տե՛ս Ա. ՄԵԱՍՆԻԿԵԱՆԻ՝ «Հայ ֆաղափական կուսակցութիւնները գաղթաշխատում», 59), թէ «անկախութիւնը — ազգերի անկապտելի իրաւունքն է, նրանց անվերաբանելի ու նուիրական սեփականութիւնը», թէ «անկախութիւնը — ազգ-սուրբէկտի ազատութեան միակ ձեւն է, անկաշկանդ ապրելու եւ ստեղծագործելու միակ միջոցը», թէ «ազգայնօրէն ազատ ապրելու իրաւունքը տարածել պէտք է ազգային ամբողջականութեան վրայ ինչպէս հայրենիքի մէջ, այդպէս նաեւ հայրենիքից դուրս»:

*Իր խօսքի շարունակութեանը մէջ այս նախադրեալները մեր-*

\*) Մ. ՌԱՅՍՆԵՐ — «Բուրժուազիայի պետութիւնը եւ ՌՍՖՍՌ», 1923, Մոսկուա, էջ, 381:

\*\*\*) Տե՛ս Բորեանի «Հայաստան»ը, հ. Բ., էջ 380:

\*\*\*) ԲՈՐԵԱՆ — «Հայաստան», հ. Բ., էջ 366:



ժելով՝ հեղինակը «անկախութեան» համար բաւական է գտնում, մասնաւորաբար Հայաստանի նկատմամբ, ապահովել հայ ժողովրդի Ֆիզիքական գոյութեան պաշտպանութիւնը եւ երաշխաւորել հայ երկրի տնտեսական զարգացումը\*): . . .

Սակայն, այս իսկ ճշմարիտ է:

Ռուսիոյ կոմուն. կուսակցութեան 12-րդ Համագումարում կենտրոնի տնտեսական շահերը պաշտպանելով ընդդէմ ծայրամասերի, Ստալին, իր 1923 Ապր. 25-ի խօսքի մէջ, յայտարարում էր .

« . . . Պրոլետարիատի դիկտատուրայի քաղաքական հիմնաւեցնից առաջ եւ գլխաւորապէս կենտրոնական, արդիւնաբերական շրջաններն են, եւ ոչ թէ ծայրամասերը, որոնք գիւղացիական երկիրներ են: Եթէ մենք չտիպագանցուքեան մէջ ընկնենք յօգուտ գիւղացիական ծայրամասերի ի վնաս պրոլետարական շրջանների, ապա պրոլետարիատի դիկտատուրայի սիստեմում կարող է մեղք առաջ գալ»\*\*):

Պարզ է Ստալինի խօսքի իմաստը:

Եթէ մի երկրի տնտեսական վերելքին զօրավիգ լինելով՝ կարող է «ճեղք առաջ գալ դիկտատուրայի սիստեմում», ապա պէտք է զօրավիգ լինել:

Եթէ մի ժողովրդի Ֆիզիքական գոյութիւնը պաշտպանելով՝ «ճեղք»ի սպառնալիք կայ, ապա պէտք է պաշտպանել . . .

Եւ Ստալին իր ունկնդիրներին այս ճշմարտութիւնը բնաւ չէր թաղցնում:

Իր նոյն խօսքի մէջ Ստալին անվարան վկայում էր .

«Մեզ համար, որպէս կոմունիստների, պարզ է, որ մեր ամբողջ աշխատանքի հիմքը բանուորների իշխանութիւնն ամրապնդելու աշխատանքն է, եւ միայն դրանից յետոյ է մեր առջեւ ծառանում միւս հարցը, շատ կարեւոր, բայց առաջինին ենթակայ մի հարց — ազգային հարցը»:

Իր այս միտքը խորացնելով ու հիմնաւորելով՝ համայնավար աշխարհի առաջին «տեսարան»ը վկայում էր .

«Հարկաւոր է յիշել, որ բացի ժողովրդների ինքնորոշման իրաւունքից կայ նաեւ բանուոր դասակարգի՝ իր իշխանութիւնն ամրապնդելու իրաւունքը, եւ այս վերջին իրաւունքին է ենթարկուած ինքնորոշման իրաւունքը: Դէպքեր են լինում, երբ ինքնորոշման իրաւունքը հակասութեան մէջ է մտնում մի ուրիշ, աւելի բարձր իրաւունքի հետ, — իշխանութեան գլուխ անցած բան-

\*) Անդ, էջ 366-367:

\*\*\*) Ի. ՍՏԱԼԻՆ — «Երկեր», հ. 5-րդ, 1948, Երեւան, էջ 294:



ուոր դասակարգի կողմից իր իշխանութիւնն ամրապնդելու իրաւունքի հետ: Այսպիսի դէպքերում, — այս ուղղակի պէտք է ասել, — ինքնորոշման իրաւունքը չի կարող եւ չպէտք է խոչընդոտ հանդիսանայ բանուոր դասակարգի կողմից իր դիկտատուրայի իրաւունքն իրականացնելու գործին: Առաջինը պէտք է տեղի տայ երկրորդի առաջ\*):

*Ազգային հարցի «տեսակարար կշիռ»ի մասին ամէն թիւրիմացութիւն իր ունկնդիրներէ մօտ փարատած լինելու համար՝ Ստալինը վկայակոչում էր իր ուսուցչին՝ Լենինին.*

«Ինքնորոշման վերաբերեալ յօդուածում քննարկելով Մարքսի նամակն ազգային հարցի մասին, ընկ. Լենինն այսպիսի հետեւութիւն է անում.

«ԲԱՆՈՒՈՐԱԿԱՆ ՀԱՐՑ»Ի ՀԱՄԵՄԱՏՈՒԹԵԱՄԲ ԱԶԳԱՅԻՆ ՀԱՐՑԻ ՍՏՈՐԱԴԱՍ ՆՇԱՆԱԿՈՒԹԻՒՆԸ ՄԱՐԿՍԻ ՀԱՄԱՐ ԿԱՍԿԱԾԻ ԵՆԹԱԿԱՅ ԶԷ»:

«Այստեղ ընդամէնը երկու տող է, բայց նրանք վնասում են ամէն ինչ: Ահա այս պէտք է ականջի օղ դարձնեն չափից դուրս եռանդոտ մեր մի քանի ընկերները»\*\*):

*«Օղ» պէտք է դարձնենք նաեւ մենք:*

*Ազգութեանց շռայլուած բոլոր «խոստում»ները, ազգերին տրուած բոլոր «իրաւունք»ները տարբեր բան չեն, քան քաղաքական միջին ու դաւալից օրօր՝ ազգերին քնացնելու եւ քուն վիճակում նրանց դէպի ձուլում ու անհետացում առաջնորդելու համար:*

*Մեր դաւանազրի մէջ, հիմնովին հակառակը լինելով բուլշեւիկեան դաւանազրին, յստակ ձեւակերպութեամբ տեղ պէտք է դնեն հետեւեալ մտքերը.*

Ա. — Ազգը բացարձակ արժէք լինելով՝ ազգային հարցը չի կարող որեւէ հարցի բաղդատմամբ ստորադաս նշանակութիւն ունենալ:

Բ. — Ազգային հարցի հիմունքը ոչ թէ քաղաքականութիւնն է, այլ իրաւունքը. այդ հարցը ոչ թէ գործելակերպի խնդիր է, այլ սկզբունքի:

Գ. — Ֆեդերասիոնը ազգային անկախութեան կիրառումի ձեւերից մէկը լինելով՝ իբրեւ այդպիսին տեղ պէտք է գրաւի մեր դաւանագրի մէջ:

\*) Անդ, էջ 293-294:

\*\*\*) Անդ, էջ 295:



Երկու մեծ գաղափարներ — անհատ եւ հաւաքականութիւն — գունաւորում են մարդկային քաղաքակրթական պատմութեան զրեթէ բովանդակ ընթացքը: Այս գաղափարները երբեք հաշտ չեն իրարու, նրանք իրարու միշտ ներհակ մնացին՝ տեւարար տեղի տալով բուն ու կատաղի հակամարտութեանց: Մարդկային պատմութեան մէջ մե'րթ անհատը եղաւ հանրային իղէալի առանցքը (անհատը իր լրիւ, բազմակողմանի ու ազատ զարգացումով), մերթ՝ հաւաքականութիւնը (կա'մ հատուածական եւ կամ համամարդկային ու ընդհանրական բնոյթով): Այս վերջինը՝ հաւաքականութիւն (collectif)՝ իր ձեւերը փոխելով — հասարակութիւն, դասակարգ, եկեղեցի, պետութիւն եւ այլն — իր էութեանը մէջ երբեք չէր փոխւում: Նա միշտ պահանջում էր անհատից բոլորանուէր նուիրում ու զոհաբերութիւն, իր՝ հաւաքականութեան լրիւ եւ ամբողջական յաղթանակը ապահովելու համար: Անգամ քրիստոնէական Կրօնքը, որ Մարդուն աստուածային կերպարանքը տուաւ եւ նրա մէջ — իւրաքանչիւրին անխրտիք — Աստծուն ձգտելու եւ Աստծուն նմանուելու յատկութիւնը դրաւ (նմանուելու ոչ միայն բարութեամբ, այլ եւ ազատատենչութեամբ ու արարչազործ ուժով), այդ Կրօնքն իսկ, հետագային հաւաքական կազմակերպ ուժի՝ Եկեղեցու կերպարանքը առնելով՝ փորձեց իսպառ հրաժարուել անհատի գաղափարից եւ ամենքից ամէն զոհողութիւն պահանջել միայն եւ բացառաբար հաւաքականութիւնը խորհրդաւորող Եկեղեցու համար: Եւ աննրկատ՝ Եկեղեցին ազատագրման զէնքից կեղեքման զէնք դարձաւ. 17-րդ դարում, օրինակ, կաթոլիկութեան տեսարանները այն սկզբունքն էին քարոզում, թէ Աստուած առանձին անհատներ չի ճանաչում, այլ միայն ընդունում եւ ճանաչում է հաւաքականութիւնը—non singulos homines, sed societatem.\*)

Նոյնքան պահանջկոտ եղան՝ անվերապահ ու բարցածակ՝ նաեւ այն դպրոցները, որոնց հանրային իղէալի առանցքը՝ անհատն էր կազմում:

Եւ սրանցից իւրաքանչիւրը—անհատ թէ հաւաքականութիւն— իր յաղթանակի մէջ էր տեսնում մարդկային յառաջդիմութեան գրաւականը:

Եւ այսպէս տեսնելով մարդկային պատմութեան ներքին

\*) Ի. ՀԵՍՍԷՆ — «Հանրային իղէալի որոնումը», 2-րդ հրատար., 1922, Բերլին, էջ 16:



խորհուրդը՝ ի՛ր յաղթանակի համար հակառակորդ կողմից պահանջում էր ամէ՛ն զոհողութիւն:

«Մարդը հասարակական կենդանի է», — այսքան ճիշտ սահմանած էր Արիստոտելը մարդու էութիւնը:

«Հասարակական կենդանի»ն տեսնելով մարդու մէջ՝ գերման իմաստասէրը՝ Բեռնէ՛ սրամտաբար նկատում էր, — “Viles kann der Mensch entbehren, nur den Menschen nicht” — Մարդը կարող է հրաժարուել ամէն բանից, բայց միայն ոչ մարդուց:

Այս հրաժարումը անկարելի լինելով՝ մարդու մէջ «հասարակական»ը հարկադրուած է իր նմաններից կազմուած «հասարակութեան» որոշ զիջումներ անելու՝ մարդոց ընկերային ու հաւաքական կեանքը կարելի դարձնելու համար:

Սակայն, այս զիջումները քանակապէս շատանալով ու դիզուելով՝ նոր որակ են դառնում և Հոբսի մեծ վիշապի՝ Leviathan-ի կերպարանքը տալիս նորաստեղծ հաւաքականութեան:

Եւ կամ, ընդհակառակն, յանուն անհատի ամէն զիջումից հրաժարուելով՝ մարդուն նոր ու հակահասարակական որակ ու յատկութիւն են տալիս, նրան դարձնում Ռոբինզոն եւ առանձնակի վիճակի մէջ տեղափոխում մի ամայի կղզի: Այս «Ռոբինզոն»ը «գերմարդ» իսկ դառնալով՝ իր ոգորումների ամենէն բուն վայրկեանին նիցչէի բերանով դառնում է իր հետեւորդներին եւ ասում նրանց — «Մտածումը անձնասպանութեան մասին միսիքարանֆի հզօր միջոց է. այդ մտածումով միայն մէկ ծանր գիշեր չէ, որ կարող ես բարեյաջող լուսացնել»:

Ծայրայեղութեան տանելով զոյգ դադափարները՝ անհատապաշտները մարդն են հակադրում մարդկութեան, մինչ հակառակորդները՝ մարդկութիւնը մարդուն:

Հին Սպարտան յանուն հաւաքականութեան Տայգէտեան ժայռից վար էր նետում տկարածին մանուկներին, անբուժելի հիւանդներին ու անկարող ծերերին. այսօրուան «քաղաքակիրթ» մարդկութիւնը այս բոլորին գուրգուրանքով պահում ու խնամում է, սակայն, յանուն հաւաքականութեան, միլիոններով կրթակների մէջ է նետում երիտասարդ ու քաջառողջ կեանքեր... Իսկ այսօր, ջրածին ռումբի դարաշրջանին, խօսւում է այլևս մարդկութեան փրկութեանը մասին... մարդկութիւնը զոհարելով:

Այս ակամայ շեղումը կատարեցինք՝ աւելի յստակ դարձնելու համար խորութիւնը այն հակընդդէմ կարծիքների, որ մատնանշուած հարցերի շուրջ կայ ընկերվարութեան երկու խոշոր թեւերի միջև՝ մարքսիստ եւ ոչ-մարքսիստ:

Ճշմարտութեան դէմ մեղանշում պիտի չլինէր վկայել, որ



հաւաքականութեան վարդապետներէից եւ ո՛չ մէկը — Պղատոնից ու Օգոստինոսից մինչեւ Հեկեւլ, Ֆէյէրբախ ու Կոնա — այն ծայրայեղութեան չտարաւ իր ուսմունքը, ինչ ծայրայեղութեան որ տարաւ Մարքսը՝ բացառաբար հասարակութեան մէջ տեսնելով — բայց երբեք նաեւ անհատի — յառաջդիմութեան մղիչ ազդակը:

Այս ազդակը միայն հասարակութեան մէջ տեսնելով՝ Մարքսը ամենքից եւ ամէն զոհողութիւն պահանջեց բացառաբար այս հասարակութեան համար, որի դատը, ըստ մարքսիզմի, վարում է բանուոր դասակարգը:

Միայն այս հասարակութեան ներքին կատարելագործումով պիտի փրկուէր անհատը. նա փրկութեան ուրիշ ելք չունէր:

Հետեւեալ սեղմ կէտերի մէջ կարելի է ամփոփել մարքսեան վարդապետութիւնը, նրա աշխարհայեցողութիւնը.

Ա.— Ամէն բան կերպաւորում է տնտեսական ազդակը, եւ հասարակութեան մէջ եղած ընկերային փոխյարաբերութեանց պատկերը արտացոլումն է այն միւս պատկերի, որ կայ տնտեսութեան արտադրական ուժերի աշխարհում:

Բ.— Եւ, հետեւաբար, ոչ թէ մարդու գիտակցութիւնն է որոշում նրա հասարակական կեցութիւնը, այլ այս վերջինն է որոշում նրա գիտակցութիւնը:

Գ.— Իսկ այս նշանակում է, որ այս որոշումի մէջ դեր են խաղում ոչ թէ գաղափարները, այլ միայն փաստերը:

Դ.— Գաղափարները, մարդկութեան բովանդակ հոգեկան կեանքը՝ լեզու, գիր, մշակոյթ, երգ, նուագ, կրօն, իրաւունք, արուեստ, ընտանեկան յարաբերութիւններ, բարոյական հասկացողութիւններ, ֆաշակ, ըմբռնում, հայեացքներ եւ այլն, այս բոլորը ինքնուրոյն արժէքներ չեն բնաւ, այլ տրուած ու նախապայմանաւորուած են տուեալ վայրում իշխող ուժերի կացութեամբ եւ այդ ուժերի զարգացման աստիճանաչափով. այս ամէնը կազմում են «վերնաշէնք»ը այն «հիմնաշէնք»ի, որ կոչում է տնտեսութիւն:

Ե.— Գաղափարները դեր չկատարելով՝ պատմութեան մէջ ինքնուրոյն դեր չեն կատարում նաեւ գաղափարակիրները, իբրեւ անհատներ:

Զ.— Այս դերը կատարում են միայն գանգուածները. իսկ դրամատիրութեան դարաշրջանին այս դերը կատարում է բանուոր դասակարգը, պատմութեան առաջմղիչ ազդակը, այն ոյժը, որ կոչուած է մեռնող դասակարգի ձեռքից իշխանութիւնը խլելու եւ ընկերվար հիմերով նոր հասարակարգ կերտելու:

Անցողակի նկատմամբ, որ, անհատի դերը ուրանալով, մարքսիզմը ուրանում ու զրթում էր եւ ահաբեկման արժէքը:



Մեր դաւանադրերից ո՛չ անդրանիկ Յրադրի եւ ոչ էլ «Նախագիծ»ի մէջ քննութեան ենթակայ հարցի մասին ոչինչ չկայ: Սակայն, մի կողմնակի փաստ անուղղակի ձեւով դալիս է վկայելու, թէ Յրադիրը ի՞նչ մեծ կարեւորութիւն էր տալիս անհատին: Դէմ դնալով Մարքսիզմին, որի ազդեցութիւնը անուրանալի է մեր հիմնադիրների վրայ, այս վերջինները նորաստեղծ Կազմակերպութեան կռուի միջոցների մէջ առանձնաբար յիշատակում են ահարեկումը:

«8.— Կռիւ մղել եւ տեռորի ենթարկել կառավարչական մարդկանց, մատնիչներին, դաւաճաններին, վաշխառուներին եւ ամէն տեսակ հարստահարիչներին»\*):

Մեր առաքեալները եթէ մարքսիստորէ՛ն դատէին եւ անհատի դերը ուրանային պատմութեան մէջ՝ իրենց կռուի միջոցների մէջ այսքան լայնարձակ տեղ ահարեկման երբեք պիտի չտային: Կայ աւելի ուշագրաւը:

Այս կարեւոր կէտում յստակ կերպով արտայայտուած է Դաշնակցութեան ինքնատպութիւնը, նրա ազգային ստեղծագործ միտքը:

Պատմա-փիլիսոփայօրէն անհատի դերը պատմութեան մէջ ընդունում էր նաեւ ռուս յեղափոխական ահազդեցիկ Կազմակերպութիւնը՝ «Նարոդնայա Վոլիա»ն («Ժողովրդական Կամք»), եւ առ այդ սկզբունքով ընդունում էր նաեւ ահարեկումը. սակայն «Ն. Վոլիա»ն ընդունում էր դերը միայն մեծ անհատների, ռուսի եւ կողմնակից էր բացառաբար մեծ ահարեկումների. թեր էր պայքարի այս սուր զէնքը գործադրելու միայն խոշոր զէմքերի նկատմամբ:

Այսպէս չդատեց Դաշնակցութիւնը. նա անհատը չդատասեց խմբերի՝ խոշոր, միջին ու փոքր. իւրաքանչիւրին իր տեղը վերապահելով հանրային կեանքի մէջ՝ նա իւրաքանչիւրին նաեւ որոշ դեր վերապահեց այդ կեանքում. եւ առ այդ ահարեկումը կիրառելի նկատեց նաեւ փոքր զէմքերի նկատմամբ՝ վաշխառուներ, գիւղական հարստահարիչներ, ոստիկանական հասարակ լրտեսներ ու մատնիչներ, վարձկաններ ու դաւաճաններ: Այս «փոքր ահարեկում»ը, որ, ի զէպ, այնքան լայնօրէն գործադրեց Դաշնակցութիւնը բնաշխարհում, մասնաւորաբար իր գործունէութեան սկզբնական տարիներին, անծանօթ էր Ռուս Յեղափոխութեան: Միայն հետագային, տարիներ յետոյ, ռուս Սոցիալիստ-Յեղափոխականները այս «փոքր ահարեկում»ը իւրացրին մեղանից:

\*) «ՄՐԱԳԻՐ», 1894, Վիեննա, էջ 18:



Ասացինք, որ մեր առաջի երկու դաւանագրերի մէջ անհատի մասին որոշակի ոչինչ չկայ. սակայն, ահա «Դրօշակ»ի 1892 թուականի թիւ 3-րդ խմբագրականը, ուր, խօսելով «Դաշնակցութեան յեղափոխութեան գործունէութեան գլխաւոր սկզբունքներ»ի մասին՝ «Դրօշակ»ը մատնանշում է «ԱՆՁԻ սրբութիւնը», միաժամանակ «ԱՆՁ» բառը ընդգծելով. «Դրօշակ»ի այս ըմբռնումը «անձի սրբութեան» մասին՝ ըմբռնումն էր նաև Դաշնակցութեան, առանց, սակայն, մեր սկզբնական դաւանագրերի մէջ տեղ գտնելու:

Այս մասին որոշակի խօսք կայ միայն մեր վերջին դաւանագրի մէջ, ընդունուած 1907-ին, Վիեննայի Չորրորդ Ընդհանուր Ժողովում:

Այդտեղ, «Ընդհանուր Տեսութեան» մէջ, ասուած է հետեւեալը.

«Ընկերվարութիւնը կը հարթէ քամբան անհատին... դէպի ԱԶԱՏ, ԲԱԶՄԱԿՈՂՄԱՆԻ ԵՒ ՆԵՐԴԱՇՆԱԿ գարգացումը. ան հրքայարակ կը հանէ այն բոլոր դրական ուժերը, որոնք պահուած կը մնան այլեւայլ ձեւերով արտայայտուող ցնշումներու տակ»\*):

Մեր կողմից ընդգծուած բառերի մէջ — ԱԶԱՏ, ԲԱԶՄԱԿՈՂՄԱՆԻ ԵՒ ՆԵՐԴԱՇՆԱԿ — կայ արձագանգը այն բեղուն ու երախտաշատ աշխատանքի, որ ընկերվարութեան (ոչ մարքսիստ) պայծառ ու մեծ դէմքերը՝ Լաւրովները, Միխայլովսկիներն ու Ժոռեսները տարած էին՝ իր կատարելութեան հասած անհատը իրենց հանրային դաւանանքի կիզակէտը դարձնելով:

Այս հարցերին նուիրուած իր ուշադրաւ դիտական աշխատութեան մէջ պրոֆ. Նովգորոզցեւը նկատում է.

«Անհատ» հասկացողութիւնից հաւասարապէս սկիզբ են առնում քէ՛ անհատի պահանջները՝ ՀԱԻԱՍԱՐՈՒԹԵԱՆ ԵՒ ԱԶԱՏՈՒԹԵԱՆ նկատմամբ եւ քէ իր պարտականութիւնները՝ ՆԵՐԴԱՇՆԱԿ ԵՒ ՄԻ լիներու ուրիշների հետ: Եւ որովհետեւ այս միութիւնից, իբրեւ գաղափար, չի կարող դուրս մնալ եւ ո՛չ մէկ անձ, այլ նրանց բոլորի մէջ պէտք է քանաչուեն նոյն իրաւունքները հաւասարութեան եւ ազատութեան նկատմամբ, ապա այստեղից ինքնին բխում է այն, որ հանրային իդէալը տարբեր բան չէ, բայց եթէ ԲՈՂՈՐԻ ԸՆԴՀԱՆՐԱԿԱՆ ՄԻՈՒԹԵԱՆ ՍԿԶԲՈՒՆԻԸ՝ ՀԱԻԱՍԱՐՈՒԹԵԱՆ ԵՒ ԱԶԱՏՈՒԹԵԱՆ ՀԻՄՆԵՐՈՎ: Պահանջելով, որ անհատը յարգուի ՄԻՇՏ ԵՒ ԱՄԵՆՈՒԹ, մենք այս պահանջը պէտք է դնենք անխտրաբար բոլորի նկատմամբ, առանց որեւէ սահմանափակումի ու տարբերութեան: Ընդհանրական միութիւնից ոչ

\*) «ԾՐԱԳԻՐ», 1908, էջ 16-17:



ոք դուրս պէտք չէ մնայ: Անհատի բացարձակ սկզբունքը պարտադրօրէն մեզ բերում է ՀԱՄԱՄԱՐԴԿԱՅԻՆ, ՀԱՄԱՏԻԵԶԵՐԱԿԱՆ ՆԵՐԴՎՇՆԱԿՈՒԹԵԱՆ գաղափարին» (բոլոր ընդգծումները՝ հեղինակինն են. — Ն.):

Մի այլ տեղ կրկին նոյն հարցին դառնալով՝ հեղինակը նըկատում է.

«Նոյն արմատից բխելով եւ նոյն նպատակին ձգտելով՝ չընդունե՞լ արդեօք, որ հանրային յառաջադիմութիւնն ու անհատական կատարելագործումը, սրանք երկուսն էլ տարբեր երեսներն են միեւնոյն երեւոյթի, սրանք ներքնաբար նոյնանում են՝ ըստ էութեան եւ ձգտում տեսական ներդաշնակութեան: Արդեօք կարելի չէ՞ ասել, հետեւելով Վլադ. Սոլովեովի, որ «հասարակութիւնը — լրացուած կամ ընդարձակուած անհատն է, իսկ անհատը — սեղմուած կամ ինքնամփոփուած հասարակութիւնը»\*):

Բոլոր պայմանների տակ պատմութեան այս երկու մղիչ աղբակները — անհատ եւ հաւաքականութիւն — իրենց ընթացքի մէջ եթէ մինչեւ իսկ տեւաբար ընդհարուում են, իրենց վախճանական նպատակի եւ բացարձակ իղէալի մէջ — ազատ եւ իրաւահաւասար անհատներ՝ ազատ եւ եղբայրական հաւաքականութեան մէջ — նոյնանում են:

Դաշնակցութեան պատմա-փիլիսոփայական աշխարհահայեացքի հիմը մնում է անհատը, սակայն իբրեւ բարեկամ եւ ոչ թշնամի ոյժ հաւաքականութեան:

Միայն անհատի ներքին կատարելագործումով — լրիւ եւ ամբողջական — պիտի ստեղծուի այն ներդաշնակութիւնը անհատի եւ հաւաքականութեան միջեւ, որ երազն է կազմում ընկերվար մարդկութեան:

Այս գաղափարները յստակ ձեւակերպումով տեղ պէտք է գտնեն վերաքննութեան սպասող մեր նոր դաւանադրի մէջ:

Այն վեց կէտերը, որոնց մէջ սեղմ ձեւակերպումով քիչ վերը տուինք մարքսեան վարդապետութեան աշխարհահայեցողութիւնը, մեր նկատմամբ պիտի ձեւակերպէինք այսպէս.

Ա. — Ամէն բան միայն տնտեսական ազդակը չէ կերպարում. մարդկային պատմութեան մէջ կան եւ ուրիշ առաջմղիչ ազդակներ:

Բ. — Եւ, հետեւաբար, այս ազդակները իրար վրայ ներգործելով՝ մերթ հասարակական կեցութիւնն է որոշում գիտակցու-

\*) Պ. ՆՈՎԳՈՐՈՂՅԵՒ — «Հասարակական իղէալի մասին», հրատր. 3-րդ, 1921, Բերլին, էջ 72:

\*\* ) Անդ, էջ 114:



քիւնը եւ մերթ գիտակցութիւնը՝ հասարակական կեցութիւնը:

Գ.— Իսկ այս նշանակում է, որ այս որոշման մէջ դեր են խաղում ոչ միայն փաստերը, այլ ե՛լ գաղափարները:

Դ.— Այլ խօսքով՝ մարդկութեան հօր, գունեղ ու ստեղծագործ հոգեկան կեանքը կարող է նաեւ «հիմնաշէնք» դառնալ ու նախասահմանել պատմութեան ընթացքը:

Ե.— Գաղափարների դերը չուրանալով պատմութեան մէջ՝ կարելի չէ ուրանալ դերը նաեւ գաղափարակիրների, իբրեւ անհատների:

Զ.— Այս հիմունքով՝ պատմութեան մղիչ ազդակը միայն զանգուածները չեն. իսկ դրամատիրութեան դարաշրջանին՝ միայն բանուոր դասակարգը չէ. ընկերվար հասարակարգի կերտումին մէջ իրենց դերն ունեն քե՛լ աշխատաւոր մարդկութիւնը, քե՛լ յառաջադէմ մտաւորականութիւնը եւ քե՛լ Մարդկութեան հօր ու պայծառ դէմքերը:

*Գալիք պայքարների մէջ Բոլշեւիզմին վերապահուած այլասերիչ դերը նկատի առնելով՝ մեր դաւանադրի մէջ բացառիկ ուժգնութեամբ պէտք է ընդգծուի մասնաւորաբար անհատի արժէքը:*

*Ո՛չ մէկ վարդապետութիւն, մէջը հաշուելով նաեւ հին ուղղափառ — ու զանգուածապաշտ — Մարքսիզմը, այնպէս չարորեց ու չփոշիացրեց անհատը, ինչպէս ռուսական Բոլշեւիզմը:*

*Ինչպէս եւ ո՛չ մէկ վարդապետութիւն, մէջը հաշուելով նաեւ «գերմարդ»-ու տիրակալութիւնը աւետարանող ուսմունքը, այնքան չաստուածացրեց անհատը, որքան Բոլշեւիզմը:*

*Ճիշտ է, այս աստուածացումը առ այժմ եղաւ միայն երկու մարդու նկատմամբ, նախ՝ Լենինի (աւելի համեստ սահմանների մէջ), ապա՝ Ստալինի (առանց որեւէ սահմանի):*

*Այս նախընթացը մեզ դալիս է ասելու, որ հետագային նոյն աստուածացումը կարող է լինել նաեւ այլ անհատների նկատմամբ:*

*Սակայն, որոշ անհատների նկատմամբ եղած այս բացառութիւնը ոչ միայն չի հերքում ընդհանուր սկզբունքը, այլ, ինչպէս ամէն բացառութիւն, ընդհակառակն, է՛լ աւելի հիմնաւորում ու ամրապնդում է ընդհանուր սկզբունքը:*

*Բոլշեւիզմի համար անհատը ոչի՛նչ է, անհատը փոշի է. Բոլշեւիզմի համար ասունը շատ աւելի նուազ արժէք ունի, քան ոչ-ասունը:*

*1789-ի Օգոստ.ին յեղափոխական Ֆրանսայի Ազգային Ժողովը հրապարակեց իր հռչակաւոր ուխտագիրը՝ «Մարդու եւ Քաղաքացիի Իրաւունքների Յայտարարագիր»ը:*



Նմանողութեամբ Ֆրանսական Մեծ Յեղափոխութեան՝ Խորհուրդների 3-րդ Համառուսական Համագումարը 1918-ի Յունուարին հրապարակեց իր ուխտագիրը, որ կրում է հետեւեալ խորագիրը՝ «Աշխատաւոր եւ կեղեքուող ժողովուրդի իրաւունքների Յայտարարագիր»\*) :

Պատահական չէ երկու Յայտարարագրերի միջեւ եղած այս տարբերութիւնը. «մարդ»ն ու «քաղաքացի»ն Հոկտեմբերեան յեշրջման հեղինակների համար գոյութիւն չունեն. նրա համար գոյութիւն ունի միայն գանգուածը... Ոչ իսկ մարդկութիւնը, այլ նրա միայն մի մասը...

1789-ի Յեղափոխութեան ուխտագրի — թէ՛ նրա կարճ նախամուտի եւ թէ՛ 17 յօդուածների — իմաստը մեկնաբանելով խորհրդային իրաւագէտներից Ռ. Աւերբուխ «Մ. Խ. Հանրագիտարան»ի մէջ նկատում է .

«Յայտարարագրի հիմը կազմող դեկավար սկզբունքները — ժողովրդապետութեան եւ անհատական ազատութեան գաղափարը — առնուած են Մոնթեսքիոյի եւ Ռուսոյի ուսմունքից... : Յայտարարագրի նախամուտի մէջ ասում է, որ միակ պատճառը հանրային աղէտների եւ կառավարութեան վատթարացման՝ մտաբանում է մարդու բնական, անկապտելի եւ սրբազան իրաւունքների»\*\*):

Բողջելիզմի համար այս ամէնը «քաղքենի նախապաշարում»ներ են. համայնավար «Յայտարարագիր»ը ո՛չ անհատ է ընդունում եւ ոչ էլ անհատի «բնական, անկապտելի եւ սրբազան իրաւունքներ»...

Տարիների ընթացքին այս ուրացումը խորացաւ ու հասաւ ահաւոր չափերի :

1935 Մայիս 4-ին ողջոյնի խօսք ուղղելով կարմիր Բանակի կաճառի աւարտականներին՝ Ստալինը, ի միջի այլոց, նրանց հետեւեալ յուշն էր սլատում իր կեանքից .

\*) «Մեծ Խորհրդային Հանրագիտարան»ը իր 20-րդ հատորի մէջ (էջ 93) վկայում է, որ այս «Յայտարարագիր»ը գրած է Լենինը. 1931-ի այս վկայութիւնը չարափոխելով Վըշինըսկին իր վերջին գործի մէջ՝ «Խորհրդային Պետական Իրաւունքը» (երկու տարի առաջ անգլիերէն քարգմանութեամբ լոյս տեսած Հիւս. Ամերիկայի մէջ)՝ յայտնում է, որ «Յայտարարագիր»ը գրած են Լենինը եւ... ՍՏԱԼԻՆԸ : Մեկնաբանութիւնները, կարծում ենք, աւելորդ են :

\*\* ) «Մեծ ԽՈՐՀՐԴ. ՀԱՆՐԱԳԻՏԱՐԱՆ», հ. 20րդ, Մոսկուա, 1931, էջ 94 :



«Յիշում եմ մի դէպք իմ կեանքից, Սիրիում, ուր ես ախարի մէջ էի: Գարնան էր, գետերի յորդումի օրերին: Շուրջ 30 հոգի գետ գացած էին՝ իր փրփրած ալիքներից բշուած փայտեղէնը որսալու: Իրիկնադէմին սրանք գիւղ դարձան, բայց առանց մէկի: Այն հարցումին, թէ ո՞ւր է երեսուներորդը, նրանք անխռով պատասխանեցին, թէ երեսուներորդը «մնաց այնտեղ»: Իմ այն հարցումին՝ «այդ ի՞նչպէս... մնա՛ց», նրանք նոյն անտարբերութեամբ պատասխանեցին՝ «հարցաճննելիք ի՞նչ կայ այստեղ, նըշանակում է... խեղդուե՛ց»: Ճիշտ այդ վայրկեանին նրանցից մէկը անապարանքի մէջ էր՝ յայտնելով, որ «ուշացանք գնալ ու ջուր տալ գամբիկին»: Իմ այն յանդիմանանքին, թէ իրենք անատունին աւելի են մեղփանում, քան մարդոց, նրանցից մէկը բոլորի հաւանութեանը մէջ պատասխանեց, — «մարդոց... մեղփանա՛լ. մարդոց ի՞նչ պիտի մեղփանանք. մենք միշտ մարդիկ կակարող ենք շինել. իսկ մատակ ձի՞... է՛հ, եթէ կարող ես, շինիր մէկ հատ (*ընդհանուր կենդանութիւն դահլիճի մէջ*)»: Ահա մի գիծ, թերեւս աննշան, սակայն չափազանց բնորոշ: Ինձ թւում է, որ մեր վարիչներից ռմանց անտարբեր վերաբերումը դէպի մարդիկ, դէպի անձնակազմերը, նրանց անկարողութիւնը մարդոց գնահատելու, այս ամէնը մէկ վերապրուկն է այն արտառոց վերաբերումին դէպի մարդիկ, որի արձագանգը ես ձեզ բերի հենաւոր Սիրիի իմ կեանքից\*):

*Իր ահաւոր ու արիւնոտ մականին տակ բոլորին արորելով ու բոլորին իրաւապէս «անասուն» ու «զամբիկ» դարձնելով՝ յաղթական մենակալը յորդորում էր իր ունկնդիրներին՝ երկոտանի «զամբիկ»ների մէջ «մարդ» տեսնել եւ ոչ «մատակ» ձի»...*

*Չանել այնպէս, որպէսզի Սորհրդային քաղաքացին, սպրեւելով հանդերձ «ընկերվար դրախտ»ում եւ վայելելով մէկտեղ անսահման հողածութիւնը «հայր» Ստալինի, իրեն չզգայ ցարերի իշխանութեան տակ, աքսորի մէջ, հեռաւոր Սիրիում...*

*Արդար էին միամիտ սիրիւցիները. Բոլշեւիզմը եկաւ վկայելու, որ մատակ ձի իսկապէս որ կարելի չէ արարչագործել, սակայն «երկոտանի զամբիկ»ներ... չինել կարելի է:*

*Ու կարելի է... «յեզափոխականօրէն» յղանալով ու բոլշեւիկօրէն հրամանագրելով:*

*Սորհրդային գրողներից Իլիա էրենբուրգ մի պատմուածք ունի՝ «ՌԻՍԿՈՄՉԵԼ» արտառոց խորագրով. ոուսերէն երեք բառերի — «կատարելագործուած համայնավար մարդ» — առաջին*

\*) Ի. ՍՏԱԼԻՆ — «Լենինի դմի Հարցերը», 11-րդ հրատար., 1945, Մոսկուա, էջ 491:



վանկերը առնելով՝ հեղինակը յօրինած է իր բառը՝ «ՈՒՍԿՈՄ-  
ՉԵԼ»․ հայերէն պիտի ասէինք՝ «ԿԱՏ ՀԱՄԱՐԴ»:

Իր շուրջը եւ իր հպատակների մէջ միայն «ԿԱՏ ՀԱՄԱՐԴ»եր  
տեսնելով՝ Ստալին, 1924-ին, Սվերդլովի անուան համալսարա-  
նում տուած իր դասախօսութիւններից մէկում, նկատում էր․

«Որի՞ն ծանօթ չէ «յեղափոխական» յօրինողութեան, «յեղա-  
փոխական» պլանային ստեղծագործութեան այն հիւանդութիւ-  
նը, որի միակ աղբիւրն է հաւատքը դէպի հրամանագիրը․ այն  
համոզումը, թէ հրամանագրով կարելի է ամէ՛ն բան սարքել,  
ամէն բան վերափոխել: Իլիա Էրեքուրզը իր «ՈՒՍԿՈՄՉԵԼ»ի  
մէջ տուած է պատկերը այս հիւանդութիւնից բռնուած «բոլշե-  
ւիկ»ի, որը իրեն նպատակ դրած է տալ ուրուագիծը իդէալօրէն  
կատարելագործուած մարդու եւ... «խեղդուած» է իր այդ «աշ-  
խատանք»ի մէջ: Պատմուածքի մէջ մեծ չափազանցութիւն կայ,  
բայց որ հեղինակը նիշտ նշմարած է հիւանդութիւնը, այդ ան-  
կասկած է»:<sup>\*)</sup>

Ինչպէ՞ս որ անկասկած է եւ ա՛յն, որ Բոլշեւիզմը մարդկային  
բովանդակ պատմութեանը անծանօթ իր անօրինակ դաժանու-  
թեամբ շուրջ երկու հարիւր միլիոն մարդոց ««ՈՒՍԿՈՄՉԵԼ»նե-  
րի կերպարանքը տուաւ, որոնք, ի պատասխան մարդկային ի-  
րենց բոլո՛ւր իրաւունքների ու բոլո՛ւր սրբութիւնների ուրացման  
ու փոշիացման, սովահար ու դողահար, օրն ի բուն օրհներդ են  
ձօնում բռնաւորի հասցէին եւ սպանիական ժողովրդի հին ու ան-  
մեռ փառարանանքը կրկնում՝ Vivan les cadenes—կեցցե՛ն շղթա-  
ները:

Այս «ՈՒՍԿՈՄՉԵԼ»ներից այսօր Խ․ Միութեան մէջ վախ  
չկայ այլեւս, ուստի եւ մտահոգութիւն չկայ նրանց իրաւունք-  
ների մասին․ վախն ու մտահոգութիւնը բուն զամբիկների եւ ա-  
նասունների շուրջն է...

Ստալինի աշակերտն ու գործակիցը՝ Անաստաս Միկոյեան՝  
լաւածանօթ իր ուսուցչի խոհերին ու մտածումներին, խօսելով  
խոզերի մասին, խրատում էր իր ունկնդիրներին․

«Խոզը պահանջկոտ կենդանի է, եւ նա հերքած է բոլոր քաղ-  
քեցի նախապաշարումները այն մասին, թէ ինք՝ ամենէն աղտոտ  
կենդանին է, կարող է հանդուրժել ու տանել այն ամէնը, ինչ որ  
կատարում է իրեն հետ, թէ կարելի է իրեն հետ վարուել ազա-  
տօրէն... Խոզավարի: Խոզը ապացուցած է, որ ինք՝ մշակութա-

<sup>\*)</sup> Ի․ ՍՏԱԼԻՆ — «Երկեր», հ․ 6-րդ, Մոսկուա, 1948, էջ  
186-187:



յին կենդանի է, եւ առ այդ պահանջում է ամենէն մարդկային, ամենէն մշակութային վերաբերումը իր հանդէպ»\*) :

Այսպէս պահանջում են խ. Միութեան խոզերը միայն, բայց ոչ նաեւ «ՌԻՍԿՈՄՁԵԼ»ները...

Բոլշեւիզմը գալիս է մեզ հրամայաբար թելադրելու, որ պէտքի մենք անհատը՝ իր ազատութեան, անկապտելի իրաւունքներին եւ անկաշկանդ զարգացումի մէջ՝ մեր դաւանադրի դահաւալը դարձնենք՝ նոր «ԿԱՏՀԱՄԱՐԴ»երի վերերեւումը կանխելու համար :

## VIII

### ԱԶԱՏՈՒԹԻՒՆ

Մեր երեք դաւանադրերից եւ ոչ մէկի մէջ զատ գլուխի տակ ազատութեան մասին ոչինչ չկայ :

Մեր անդրանիկ Ծրագիրը իր ներածական բաժնում յորդորում է Թուրքիոյ մէջ «նչնչացնել ներկայ միապետական բռնակալ ռեժիմը, ձեռք բերել ազգերի համերաշխութիւն, աշխատանքի ապահովութիւն, խղնի, խօսքի ու համոզմունքի ազատութիւն» (էջ 9) : Քաղաքական եւ ընկերային ժողովրդավարութեան նոյն պահանջները, աւելի մանրամասնաբար, 11 կէտերի մէջ, կրկնուած են Ծրագրի «ՆՊԱՏԱԿ» գլխի տակ (էջ 15-17) :

«Նախագիծ»ը եւս աւելի մշակուած ձեւով կրկնում է նոյն պահանջները, առանց ազատութեան մասին առանձնաբար որեւէ խօսք ասելու :

Մեր դործող Ծրագիրը (1907-ի) անցողակի յիշատակում է «երրորդ դասակարգի՝ բուրժուազիի» մասին՝ յայտնելով, որ նա «յանուն ազատութեան» ասպարէզ իջաւ աւատականութեան դէմ, բազայն, հետադային իր իսկ նշանաբանները — «ազատութիւն, հաւասարութիւն եւ եղբայրութիւն» — չարաշահեց՝ իր «դրաւած դիրքերը ամրապնդելու համար» (էջ 5-6) : Ծրագիրը յայտարարում է, որ միայն ընկերավարութեան յաղթական դրօշի տակ կարելի պիտի շահանայ ընթանալ «դէպի իսկական քաղաւորութիւնը ազատութեան, հաւասարութեան եւ եղբայրութեան» (էջ 17) :

Եթէ Բոլշեւիզմի 33-ամեայ տիրակալութեան անջնջելի փորձը չլինէր Ռուսիոյ մէջ, մենք զատ խորագրի տակ «ԱԶԱՏՈՒԹԻՒՆ» հարցին պիտի չհանդրադառնայինք. սակայն, այս փորձը

\*) ՎԻԿՏՈՐ ՉԵՐՆՈՎ — «Հնդամեակի առաջադրանքները եւ դարի առաջադրանքները» («Զա Սվարոդու», Նիւ Եորք, 1946, Էիւ 17, էջ 80) :



հրամայական անհրաժեշտութիւն է դարձնում մեր անդրադարձը :

Մեծագոյն զոհը խորհրդային կարգերի տակ, որ յօշոտուեց, խաչուեց, ողջակիզուեց եւ ընկաւ ճշմարիտ նահատակի մահով, եղաւ ԱԶԱՏՈՒԹԻՒՆԸ :

Չկայ մի ոճիր, որ դործադրուած չլինի ի՛ր անունից. չկայ մի ուրացում, որ քողարկուած չլինի ի՛ր անունն տակ. չկայ մի անարգանք, որին ի՛նք թիրախ դարձած չլինի :

Բողբեւիզմը եկաւ վկայելու, որ ոչի՛նչ են մեր աշխարհի բոլոր բարեքները, եթէ երբեք խաչուած է ԱԶԱՏՈՒԹԻՒՆԸ :

Եկաւ մարդկութեան ականջին, իրրեւ ահազանդ, հնչեցնելու այն ճշմարտութիւնը, թէ ակնադբիւրը քաղաքակրթական բո՛լոր վաստակների ու բո՛լոր առաքինութեանց ԱԶԱՏՈՒԹԻՒՆՆ է :

Եթէ անգամ ճիշտ լինէր բողբեւիկեան այն հաւաստումը, թէ Խ. Միութեան մէջ «ընկերվար դրախտ» ստեղծուած է, վերստին այդ «դրախտ»ը պէտք է թաղուէր մարդկութեան անէծքի տակ, որովհետեւ այնտեղ՝ այդ «դրախտ»ի մէջ՝ խեղդիչ խաւար է, այդ «դրախտ»ի մէջ ԱԶԱՏՈՒԹԵԱՆ ձայնը առմիշտ մեռած է :

Կար ժամանակ, երբ մարդիկ խորհում էին, թէ զրկանքների ու կեղեքումների մէջ ամենէն սարսափելին տնտեսականն է :

Հաղար անգամ ո՛չ :

Մեղ թուում է, որ այդպէս չէ մինչեւ իսկ ոչ-ասունների համար. ազատութեան կարօտը կայ նաեւ վանդակների ու կենդանական արգելարանների մէջ :

Սակայն, բոլոր պայմանների տակ այդպէս չէ ասունների՛ համար, այդպէս չէ մարդոց համար :

Եթէ մինչեւ Բողբեւիզմի երեւումը մեր մոլորակի վրայ կարելի էր ասել՝ «ոչ միայն հացիւ կեցցէ մարդ, այլ եւ բանիւն Աստուծոյ»՝ այս «բան»ի մէջ տեսնելով բուն Ազատութիւնը, ապա Բողբեւիզմի երեւումից յետոյ յեղաշրջել պէտք է հին իմաստութիւնը եւ անվարան յայտարարել՝ մարդը ապրում է ոչ միայն Ազատութեամբ, այլ եւ Հացով :

Մարդկային դոյութեան հիմը, նախապայմանը նրա ստեղծագործ կեանքի՝ ԱԶԱՏՈՒԹԻՒՆՆ է :

Ուր այս ԱԶԱՏՈՒԹԻՒՆԸ չկայ, այնտեղ ոչինչ չկայ :

Ուր այս ԱԶԱՏՈՒԹԻՒՆԸ երաշխաւորուած չէ, այնտեղ ոչի՛նչ երաշխաւորուած է :

Ակնադբիւրը մարդկային որեւէ յառաջադէմ ճիգի, որի նըպատակը բարեկարգումն է մեր երկրային կեանքի, պէտք է ԱԶԱՏՈՒԹԻՒՆԸ լինի, այս ճիգը պէտք է ընթանայ ու պտղաբերի



ԱԶԱՏՈՒԹԵԱ՛Ն հուշով եւ իր յաղթանակը տօնի ԱԶԱՏՈՒԹԵԱ՛Ն  
հովանիի տակ :

Այնտեղ, ուր որեւէ բռնութիւն կայ, այնտեղ լոյս ու սիրելի  
ոչինչ չկայ :

Այնտեղ, ուր ամէ՛ն բռնութեան դէմ ծառայում ու պայքար  
չկայ, այնտեղ մարած է, ուրեմն, քաղաքակրթութեան եւ յա-  
ռաջդիմութեան ձայնը, եւ այնտեղ յաղթանակած են, ուրեմն,  
պատմութեան միջին ու խաւար ոյժերը :

Խօսելով Դաշնակցութեան որդեգրած դաւանանքի ոգու եւ  
էութեան մասին՝ աւելի քան քառորդ դար առաջ գրում էինք  
ժենք .

«... Պայքար ամէն կարգի բռնութեան դէմ, անկախ միան-  
գամայն այն բանից, թէ ադ բռնութիւնը որտեղի՞ց է գալիս արդ-  
եօք եւ որի՞ դէմ է ուղղուած, — մտնում է Դաշնակցութեան յե-  
ղափոխական-ընկերվարական պարտականութիւնների մէջ :

«Կա՞յ բռնութիւն որեւէ ազգութեան դէմ, իբրեւ այդպի-  
սին, — ուրեմն պէտք է մէկտեղել ուժերը եւ բովանդակ հասկնով  
ծառանալ այդ բռնութեան դէմ :

«Հալածուած է որեւէ համայնք սոսկ այն պատճառով, որ իր  
խղի հարցը նա տնօրինում է ա՛յս եւ ոչ մէկ այլ ազօրատան  
մէջ, — ուրեմն վերջ պէտք է տալ ամէն անտարբերութեան եւ  
կարուածներն ուղղել ա՛յդ հալածանքի դէմ :

«Դա՞ն է նիւթուած որեւէ հաւաքականութեան փրկիչական  
գոյութեանը դէմ, — ուրեմն առանց վարանումի շտկել պէտք է  
նակատը եւ ընկերվարութեան յեղափոխական դրօշակի տակ ար-  
շաւանք բանալ այդ դաւադրութեան դէմ :

«Փակա՞նք կայ դրուած բերանների վրայ. արգիլուած է  
սգա՛տ խօսի՞ր, ագա՛տ հաւաքոյթը. գրկուած է բազմութիւնը իր  
անկապտելի սեփականութիւնը եղող այդ իրաւունքներից յանուն  
որեւէ սկզբունքի, — ուրեմն վերջնականօրէն համոզուած պէտք  
է լինել, պէտք է հաւատալ առանց ամենափոքր վարանումի, եր-  
բեք կասկած պէտք չէ ունենալ, որ ընկերվարութեան իմաստին,  
նրա ոգուն, նրա բովանդակ էութեանը հակասող բռնութիւն է տե-  
ղի ունենում :

«Ուրեմն, եթէ ճշմարիտ յեղափոխականներ ու ընկերվարա-  
կաններ էք դուք, ապա պէտք է հաւաքէք ձեր ուժերը, պարզէք  
պայքարի դրօշը եւ մահացու հարուածը տաք հմայիչ խօսքերի  
տակ ճողարկուած այդ վատագոյն ուժին :

«Որովհետեւ, մի անգամ էլ կրկնենք, ընկերվարութիւնը դէմ  
է մարդկային անկապտելի սեփականութիւնը եղող քաղաքացիա-  
կան ազատութիւնների դէմ նիւթած հալածանքին, նա քշնամի է



կեղեցիական բոլոր ձեւերին, նա իր հիմի մէջ ժխտում է անհաւասարութեան որեւէ սկզբունք, նա ձգտում է մէկ այնպիսի հասարակարգի, ուր ներդաշնակօրէն զուգորդուած են ինքնարժէք եւ հաւասարարժէք անհատի եւ հաւաքականութեան, մէկի եւ ամենի, մէկ ազգի եւ համայն մարդկութեան փոխադարձ շահերն ու ձգտումները\*):

Դեռ հին հռոմայեցիք էին ասում, թէ «կրկնութիւնը իմաստութեան մայրն է»․ ընդարձակ մէջբերում արինք՝ այս իմաստութեան սուրբ տուած լինելու համար․ կրկնեցինք ամենէն պարզ ճշմարտութիւնները, որովհետեւ ոչինչ այնքան աւելի պէտք ունի կրկնութեան, որքան այն, թէ 2 անգամ 2 հաւասար է 4-ի:

Ճիշդ արինք Ազատութեան էութիւնը բնորոշելու, որովհետեւ տակաւին այն հին ու անդարձ օրերին, երբ պատմութեան արդանդից աշխարհ եկած չէր բոլշեւիկեան ճիւղը, Լիթուէի հին բառարանում, ազատութեան դիմաց 24 մեկնութիւն կար․ իսկ այսօր, երբ Բոլշեւիզմը յայտարարում է, թէ Ազատութիւնը բոլոր երկրներից փախած եւ ապաստան գտած է միայն Սորհրդային Աշխարհում, 24 մեկնութիւնները այլեւս շատ քիչ են զալիս բոլշեւիկեան «ազատութեան» խորհուրդը տալու համար\*\*): Այս գործը մեծապէս պիտի դիւրանար, եթէ երբեք Բոլշեւիզմը խիզախէր իրենից անբաժան մէկ հատիկ բառ միայն նաեւ Ազատութեան կցել․ յօժարէր ասել՝ խորհրդայի՛ն ազատութիւն, ինչպէս որ ասում է՝ խորհրդայի՛ն դրականութիւն, խորհրդայի՛ն նուազ, խորհրդայի՛ն երգ, խորհրդայի՛ն արուեստ, խորհրդայի՛ն հայրենասիրութիւն, խորհրդայի՛ն մարդ, խորհրդայի՛ն կարգեր: Այս քաջութիւնը Բոլշեւիզմին պակասում է սակայն: Իր բովանդակ մերկութեամբ մեր առջեւ չցցուելու համար՝ նա զգուշանում եւ ԽՈՐՀՐԴԱՅԻՆ բառը իր վարդապետած «ազատութեան» չի կըցում...

Շատ վաղ Ֆիգարոն իր անմեռ խօսքի մէջ փորձած է կանխագուշակել էութիւնը խորհրդային «ազատութեան»․

«Եթէ ես իմ յօդուածների մէջ չդպչեմ ո՛չ իշխանութեանց, ո՛չ կրօնի, ո՛չ քաղաքականութեան, ո՛չ բարոյականի, ո՛չ պաշտօնատար անձանց, ո՛չ հասարակութեան, ո՛չ անհատների, ո՛չ

\*) Տե՛ս մեր «ՀԱՅԱՍՏԱՆԻ ԱՆԿԱՆՈՒԹԻՒՆԸ», 1924, էջ 27-28:

\*\*) Ինչպէս որ նաեւ ընկերվարութեան մասին եղած 100-ից ւաւելի մեկնութիւնները քիչ են զալիս բոլշեւիկեան «ընկերվարութեան» իմաստը տալու համար...



բոնի կապուած են որեւէ գործի, այդ պարագային ես ազատօրէն կարող եմ գրել ամէ՛ն բանի մասին, բայց միայն հսկողութեանը տակ երկու-երեք գրաքննիչներին»:

Խորհրդային Աշխարհին սպակասում է ազատութիւնը անգամ ա՛յս սահմաններէ մէջ, որովհետեւ անթիւները, ա՛յս ձեւով իսկ խօսելով, գրելով ու գործելով, վերստին իրենց գտան կառաւի-նատի առջեւ. նրանք միայն մահուան առջեւ զգաստացան ու տե-սան, որ Խորհրդային Աշխարհում անքաւելի յանցանք է ոչ մի-այն այն, ինչ որ արտօնուած չէ իշխանութեան կողմից, այլ, յա-ճախ, անքաւելի յանցանք է նաեւ այն, ինչ որ արտօնուած է. այս արտօնուածը (այսօր), երբ վաղը յանցանք նկատուի, նրա դէմ երէկ «մեղանշող»ը (թող թէ Իշխանութեանց զիտութեամբ) եր-բեք զերծ պիտի չմնայ պատուհասումից. այս է ներքին սարսա-փից բռնուած բոլշեւիկեան բռնակալութեան բարոյականը, նրա ըմբռնումը «ազատութեան» մասին:

Ի՞նչպէս ապահովել նրա յօշոտումը Բռնութեան կողմից:

Ձայներէ քանակը չի լուծում այս կնճիռը, որ իր խորքին մէջ րբակ է բացառաբար: Որովհետեւ կայ ոչ միայն փոքրամասնու-թեան բոնի տիրակալութիւնը մեծամասնութեան վրայ, այլ կայ նաեւ մեծամասնութեան բռնատիրութիւնը փոքրամասնութեան վրայ: Նաեւ մեծամասնութիւնը, որ տողորուած չէ ինքնասահ-մանափակման գերագոյն առաքինութեամբ, ձգտում ունի իր իշ-խանութիւնը բռնութեամբ ամենքի վրայ տարածելու:

Անուանի պետականագէտը՝ Իէլլինեկ, աւելի քան կէս դար առաջ, 1898-ին, փոքրամասնութեան պաշտպանութեանը նուիր-ուած իր մենագրութիւնը աւարտելով «Das Recht der Minori- taten» — նկատում էր.

«Յաւերժական պայքարը իշխանութեան (imperium) եւ ազատութեան (libertas) միջեւ պիտի շարունակուի նաեւ 20-րդ դարու ժողովրդավար հասարակութեան մէջ: Ամբարտակ-ները, որոնք տակաւին ցցուած են մնում մեծամասնութեան ա-մենագօր կամֆի առջեւ, հաւանաբար, պիտի խորտակուեն: Սա-կայն, այն ժամանակ, այս խորտակումին իբր հետեւանիք, քաղա-փակիրք մարդկութեան կեանքում ծայր պիտի տայ մի ահաւոր տագնապ»\*):

Իէլլինեկ իր մենագրութիւնը փակում էր յայտարարելով, որ «ՄԻԱՅՆ փոքրամասնութեանց իրաւունքների ցանաչումը ի

\*) «ՃԱՄԱՆԱԿԱԿԻՑ ԿՆՃԻՌՆԵՐ» (Ժողովածու), 1922, Փա-րիզ, էջ 35:



վիճակի է ապահովագրելու հասարակութիւնը հոգեկան եւ բարոյական մանրացման ու վայրենացման դէմ»\*)... .

*Ժողովրդավար երկրներում ազատութիւնն այնտեղ կայ միայն, ուր ազատ է փոքրամասնութիւնը, ուր պաշտպանուած է փոքրամասնութեան՝ ազատութիւնը: Բռնութիւնը երբեք չի դադարում բռնութիւն լինելուց, երբ նա դործուած է շատերի կողմից քչերի վրայ: Ազատութիւնը թեւատարած իշխում է այն ժամանակ միայն, երբ ազատ են այս քչերը, երբ նրանց իրաւունքները արհամարհուած ու տրորուած չեն մեծամասնութեան կողմից:*

*Գոհունակութեամբ արձանագրենք այստեղ, որ ժողովրդավար մարդկութիւնը տեւաբար փորձեր է կատարում այս նպատակին հասնել կարենալու համար:*

*Սակայն, հիւանդագին կերպարանք է առնում կնճիւղը, երբ խօսքը փոքրամասնութեան՝ բռնատիրութեանը մասին է մեծամասնութեան վրայ. առաւել եւս, երբ խօսքը ոչ իսկ փոքրամասնութեան մասին է, այլ մէկ «սեղմ խմբակ»ի, ոճիրներով միաձուլուած մէկ փոքրաթիւ ֆիլիի՝ ամբողջ երկրի ու բովանդակ ժողովրդի վրայ, ինչպէս որ այդ տեղի է ունենում այսօր Խ. Մութեան մէջ:*

*Եւ որովհետեւ իրաւական ու քաղաքական երաշխիքներ չկան այս Չարիքի դէմ, ուստի պայքարի բարոյական պարտադրանքները — իրենց բացարձակ ձեւի մէջ եւ անխտրարար ամենֆի համար — պէտք է հասցնել իրենց առաւելագոյն չափին: Բոլոր նըրանք, որոնք ուխտած են հաւատարիմ մնալ ԱԶԱՏՈՒԹԵԱՆ, դաւանագրով յօժար պէտք է լինեն ամէն զոհողութեան՝ բռնութեան ջախջախումը ապահովելու համար:*

*Մեր դաւանագիրը պէտք է բացուի հաւատարմութեան ուխտով ԱԶԱՏՈՒԹԵԱՆ հանդէպ:*

*Նպատակը բոլոր նպատակների մէջ պէտք է լինի նախ մարդը Մա՛րդ պահել:*

*Իսկ այս կարելի է այն ժամանակ միայն, երբ Մարդը ազատ է, այլապէս ամենէն կատարելատիպ «ՈՒՄԿՈՄՁԵԼ»ն իսկ վերըստին ՍՏՐՈՒԿ է, վատթարագոյնը բոլոր ստրուկների մէջ:*

*«Մա՛րդ — հայարտ է հնչում այս խօսքը», մի տեղ նկատում է Գորկին:*

*«Բոլոր կոչումներից սրբագնագոյնն է — Մա՛րդ», ասում է բանաստեղծը:*

*Մեր սրբութիւն սրբոցը այս ՄԱՐԴԸ պէտք է լինի:*

*Այլ խօսքով՝ մեր սրբութիւն սրբոցը ԱԶԱՏՈՒԹԻՒԸ պէտք է լինի:*

\*) Անդ, էջ 52:



## ԿԱԶՄԱԿԵՐՊՈՒԹԻՒՆ

Դաշնակցութեան ինքնատիպ ու ստեղծագործ ոգին արտա-  
յայտուեց մասնաւորաբար այս հարցում :

Անուրանալի է, որ մեր կուսակցական կազմակերպութեան  
վրայ կայ ուսական Ազատագրական Շարժման կնիքը :

1863-ին ուսն անջատ յեղափոխական խմբակները եկան քով-  
քովի, — ինչպէս որ աւելի ուշ, 1890-ին, պիտի անէր Դաշնակ-  
ցութիւնը — եւ հիմնադրեցին «Զեմլիա ի վոլիա» (Հող եւ Ազա-  
տութիւն) կազմակերպութիւնը : «Զեմլեվոլցիները» ընկերվար-  
ներ էին, սակայն ընկերվարութիւնը հեռաւոր նպատակ էր ի-  
րենց համար : Նորաստեղծ կազմակերպութիւնը իր անդրանիկ  
թուուցիկով՝ «Հող ու Ազատութիւն էր պահանջում, Հող — որ  
ստացուածքն է բոլոր նրանց, որոնք նրա վրայ աշխատում են  
եւ Ազատութիւն, որ մարդոց անկապտելի իրաւունքն է՝ իրենց  
գործերը իրենց ձեռքերով վարելու» :

«Զեմլիա ի վոլիա»ն իր նպատակին պիտի հասնէր յեղափո-  
խութեամբ, ուր դաշնակցած են մտաւորականութիւնն ու ժողո-  
վուրդը : Յեղափոխական սլաքարի մէջ հզօրագոյն դէնքը պիտի  
լինէր ահաբեկումը : Այս դէնքի բացառիկ կարեւորութիւնը նկատի  
առնելով՝ աւելի ուշ կազմակերպութիւնը մի առանձին մարմին  
(Ֆրակցիա) ստեղծեց՝ բացառաբար ահաբեկման դործը վարե-  
լու համար : Այս անջատ մարմինը հետագային բոլորովին զատ-  
ուեց եւ 1879-ին «Նարոդնայա վոլիա» (Ժողովրդական կամք) ա-  
նունով նոր մի կազմակերպութիւն ստեղծեց՝ երկրի վարիչ դէմ-  
քերի նկատմամբ գործադրուած տեւական ահաբեկումներով մի-  
ասպետական կարգերը ցնցելու եւ ժողովուրդը ապստամբութեան  
մղելու համար : Մի շարք ձախող փորձերից յետոյ, այս կազմա-  
կերպութիւնը յաջողեց, ի միջի այլոց, 1881 Մարտ 1-ին ահա-  
բեկման ենթարկել ցար Ալեքսանդր Բ.ին : Ներքին մի շարք պատ-  
ճառներով 1885-ին քայքայուեց «Նարոդնայա վոլիա»ն : Պաշտօ-  
նական այս կազմալուծումից ընդամէնը չորս տարի վերջ՝ 1889-  
ին (այլ խօսքով՝ Դաշնակցութեան հիմնադրումից մէկ տարի ա-  
ռաջ) նախկին Նարոդովոլցիներից մի քանի հողի ձեռնարկեցին  
հրատարակութեանը իրենց գաղտնի օրգանի՝ «Ազատ Ռուսաս-  
տան»ի, որի էջերից յայտարարուած էին .

«Այժմ Ռուսիոյ մէջ չկայ ու չի կարող լինել ուրիշ որեւէ ա-  
ռաջադրանք, քաղաքականից բացի» :— «Ընկերվար պահանջները  
անկարող են գիւղացիներին եւ բանուորներին խմբել յեղափոխա-  
կան գործի շուրջ» :— «70-ական եւ 80-ական թուականների յե-



դափոխականները անկարող եղան գիղացիների եւ բանուորների մէջ ոչի՛նչ ստեղծել, որ քիչ-շատ լուրջ ուժի բնոյթը ունենար՝ կառավարութեան դէմ կռուելու համար, ու նաեւ յառաջիկային — մեր խորին համոզումն է այս — կարելի պիտի չլինի ոչինչ անել, քանի տակաւին մենք տիրացած չենք անձեռնմխելիութեանը մեր անձնական իրաւունքների. աւելին՝ քանի տակաւին մենք այդ իրաւունքները ապահոված չենք»:— «Անկեղծ, ազնիւ, ընկերական միութիւնը ընդդիմադիր բոլոր ուժերի — օրուան հրամայական պահանջն է: Վազուց հասած է ժամանակը վերջ տալու համար բոլոր բաժանումներին — «Մենք» եւ «Դուք», «ազատական»ներ՝ ոմանք եւ «յեղափոխականներ»ներ՝ այլք. ԱՅԺՄ մենք բոլորս ազատականներ ենք, ԱՅԺՄ մենք բոլորս յեղափոխականներ ենք, ո՛չ ոք մեր մէջ իրաւունք ունի հրաժարուելու ազատական եւ յեղափոխական լինելու պարտականութիւնից եւ պատուից»\*):

*Այս կոչից մէկ տարի վերջ, գրեթէ նոյն խօսքերով ու «ազատ Հայաստան»ի պահանջով, հրապարակ պիտի դային հայ կեանքի անջատ յեղափոխական խմբերը՝ «Մենք»երն ու «Դուք»երը, եւ հիմնադրէին իրենց Միութիւնը՝ Յեղափոխականների Դաշնակցութիւնը:*

*«Ազատ Ռուսաստան»ի քարոզիչները իրենց նպատակին հասն անելի ուշ, 1896-ին, այդ թուականին հրապարակելով՝ «Սոցիալիստ-Յեղափոխականների Միութեան Ծրագրի հիմնական պահանջները», իսկ յաջորդ տարին՝ 1897-ին՝ Վորոնեժի մէջ դումարելով իրենց անդրանիկ Համադումարը, ուր «Միութիւն»ը պաշտօնապէս կուսակցութեան վերածուեց՝ իբր օրդան ունենալով «Յեղափոխական Ռուսաստան»ը (նախկին «Ազատ»ի փոխարէն)\*\*):*

*Ընկերվարութեան միւս թելը՝ Ռուսական Սոցիալ-Դեմոկրատիան՝ կազմակերպչական գծով որեւէ անդրադարձ չունեցաւ մեր վրայ. նախնական համեստ ճիգերից յետոյ, որոնց ծայրը հասնում է մինչեւ 1884 թուականը, ուստի մարքսիստները քայլ առ քայլ ձեւաւորուելով, միայն 1897-ի Մարտին, իբրեւ սոցիալ-դեմոկրատներ, կարողացան Մինսկ քաղաքում իրենց անդրանիկ Ընդհ. Ժողովը դումարել՝ մասնակցութեամբ ընդամէնը 9 պատ-*

\*) «ՍՈՑԻԱԼԻՍՏ-ՌԵՎՈԼՅՈՒՏԻՈՆԵՐ», 1912, քիւ 4, էջ 16-17:

\*\*) Անդ, էջ 61-70:



զամաւորները<sup>\*</sup>) : Մարքսիզմի ազդեցութիւնը զուտ տեսարանական էր : «ԿԱՊԻՏԱԼ»-ի Ա. հատորը, որ ուսերէն թարգմանութեամբ լոյս տեսաւ 1870-ին, իր կնիքը դրաւ բոլոր ընկերվարականների մտածողութեան վրայ : Սակայն, ո՛չ քաղաքական դժով, այլ դերազանցաբար տնտեսական. մասնաւորաբար «յաւելեալ արժէքի» տեսութիւնը բոլոր ընկերվար թեւերի հանրային դաւանանքի մէջ, իբրեւ այդ դաւանանքի մէկ անբաժան մասը<sup>\*\*</sup>) :

Մենք անկարող ենք մանր քննութեամբ ցոյց տալ այստեղ նմանութեան այն կէտերը, որ կան մեր բուն ՄՐԱԳՐԻ — «ՆՊԱՏԱԿ», «ՄԻՋՈՅՆԵՐ», «ԿԱԶՄԱԿԵՐՊՈՒԹԻՒՆ» — եւ ուս յեղափոխական հոսանքների միջեւ : Նմանութեան կէտերը անուրանալի են, սակայն : Այն հիմնական տարբերութեամբ, որ Դաշնակցութիւնը նոյնութեամբ ոչինչ երբեք ընդօրինակած չէ, այլ ինչ որ ասած է՝ միշտ ներդաշնակած է հայ կեանքի պայմաններին, իր փոխառումները միշտ հայացրած է հոգիով :

Դառնանք մեր Կազմակերպութեան :

Բոլոր քաղաքական հոսանքների համար Կուսակցութիւնը խորհրդաւորում է իրենց դաւանանքը (եւ դառնում նպատակ), մինչ Կազմակերպութիւնը նկատում է իբրեւ այդ նպատակին տանող մի զէնք (եւ դառնում միջոց) :

Եւ դուրդուրանքն ու մեծարանքը բոլորի մօտ առաւելաբար «նպատակ»-ի հանդէպ է (Կուսակցութիւն), բայց ոչ՝ «միջոց»-ի (Կազմակերպութիւն) :

Ու թերեւս նաեւ այդ է պատճառը, որ քաղաքական հոսանքներից շատերը թէեւ ծնւում են խանդավառ, սակայն ապրում են հիւանդկախ եւ մեռնում անշուք :

Կազմակերպութիւնը բացառիկ արժէք ստացաւ Դաշնակցութեան կեանքի մէջ, նա միաձուլուեց Կուսակցութեան եւ մաս կազմեց նրա դաւանանքին :

Նաեւ Կազմակերպութեան անվթար պահպանումը դարձաւ նպատակ :

Այսօր մեր Կազմակերպութիւնը ինքնին, իբրեւ յօրինուածք

---

<sup>\*</sup>) «ՀԱՄԱՄԻՈՒԹԵՆԱԿԱՆ ԿՈՄԿՈՒՍԻ ՊԱՏՄՈՒԹԻՒՆԸ», 1925, Մոսկուա, էջ 22 :

<sup>\*\*</sup>) Սոցիալիստ-Յեղափոխականների օրգանը՝ «Բանուորական Բանբեր» (Պետերբուրգ)՝ «Սոց.-Յեղ.»ներից հակադրելով Սոցիալ-Դեմոկրատներին՝ գրում էր. — «Մենք — ընկերվար-Յեղ.Պ.Փ.Ո.Կ.Ա.Ն.Ն. եմք, նրանք — ընկերվար-Բ.Ա.Բ.ԵՐԶԱԿԱՆՆԵՐ (տե՛ս «Սոց.-Ռեւոլյուցիոներ»-ի յիշատակուած քիւր, էջ 37) :



ու ստեղծագործութիւն, խոր ուսումնասիրութեան արժանի մի  
երեւոյթ է :

Ու դժուար է ճշտել, թէ մեր զոյգ կոուաններից — Կուսակ-  
ցութիւն եւ Կազմակերպութիւն — ո՞ր մէկը աւելի տոկուն եւ ու-  
ժեղ է արդեօք, Կուսակցութիւնը (իբրեւ... «նպատակ»), թէ՞  
Կազմակերպութիւնը (իբրեւ... «միջոց») : Դժուար է, որովհե-  
տեւ, ինչպէս ասացինք, այս երկու կոուանները անդառնալիօրէն  
— լրիւ եւ ամբողջութեամբ — միաձուլուած, միաշաղախուած  
ու միազօղուած են իրարու : Դաշնակցականի համար մեղանչել  
Կազմակերպութեան դէմ, նոյնն է թէ մեղանչել Կուսակցու-  
թեան դէմ : Որովհետեւ գերագոյն եւ անվերաքննելի «նպատակ»  
է նաեւ Կազմակերպութիւնը, սուանց որի ոչի՛նչ կարելի է անել,  
ոչի՛նչ կարելի է հետապնդել :

Այս ըմբռնումը բարձր դառնալով, միս ու արիւն դառնալով  
տասնամեակների ընթացքին՝ ստեղծած են այսօրուան այն հո-  
յակապ Կառոյցը, որ իր նախընթացն ու նմանակը չունի ոչ միայն  
հայ, այլ եւ օտար ազգերի կեանքում :

Հայութիւնը աշխարհացրիւ կեանք ունի. իր կազմակերպա-  
կան ցանցով աշխարհացրիւ պատկեր ունի նաեւ Դաշնակցութիւ-  
նը, սակայն իրարու օղակուած այս ցանցը գործում է այնպէս,  
ինչպէս որ պիտի գործէր մի տիպար պետութեան կարգապահ մե-  
քենայ սեփական երկրի մէջ :

Այս հոյակապ Կառոյցը խտօրէն կեմտրոնացած է՝ իբրեւ ի-  
րաւունք եւ լայնօրէն ապակեմտրոնացած՝ իբրեւ պարտականու-  
թիւն :

Միայն է այն խօսքը, թէ մենք «ապակեմտրոնական»ներ ենք  
իրաւունքի՛ առումով :

Մեր անդրանիկ դաւանագիրը, «ԿԱԶՄԱԿԵՐՊՈՒԹԻՒՆ» գը-  
լուխի տակ, յստակ բառերով սահմանում է հետեւեալը .

«Դաշնակցութիւն»ն անցեալի փորձից համոզուեց, որ յեղա-  
փոխական գործում չի կարող լինել իրաւունքի եւ պահանջի խըն-  
դիր, այլ միմիայն բարոյական պարտաւորութեան եւ բաւարար-  
ութեան խնդիր : Ահա այս հիման վրայ Դաշնակցութեան Ընդ-  
հանուր ժողովն ընդունեց կազմակերպութեան մէջ մտցնել ԱՊԱ-  
ԿԵՆՏՐՈՆԱՅՄԱՆ սկզբունքը, որն աւելի է համապատասխանում  
ընկերական, բարոյական յեղափոխական գործին եւ որն անցեա-  
լում կիսով չափ գործադրուել էր : Այս սկզբունքով գործող կո-  
միտէներին կապում, միացնում է Ընդհանուր ժողովը»\*) . . .

Ասուած է աւելի քան յստակ, պարզ ու մեկին բառերով .

\*) «ԾՐԱԳԻՐ», 1894, էջ 18-19 :



Ա.— Դաշնակցութեան յեղափոխական գործում ԻՐԱՒՈՒՆՔԻ եւ ՊԱՀԱՆՁԻ խնդիր չկայ :

Բ.— Կայ միայն ԲԱՐՈՅԱԿԱՆ ՊԱՐՏԱԻՈՐՈՒԹԵԱՆ եւ ԲԱՐՈՅԱԿԱԿԱՆ ԲԱԻԱՐԱՐՈՒԹԵԱՆ խնդիր :

Գ.— Այս հիմունքով, այսինքն՝ ԲԱՐՈՅԱԿԱՆ ՊԱՐՏԱԻՈՐՈՒԹԵԱՆ եւ ԲԱԻԱՐԱՐՈՒԹԵԱՆ գծով, Դաշնակցութիւնը որդեգրում է ԱՊԱԿԵՆՏՐՈՆԱՅՄԱՆ սկզբունքը :

Դ.— Որովհետեւ ԲԱՐՈՅԱԿԱՆ ՊԱՐՏԱԻՈՐՈՒԹԵԱՆ ու ԲԱԻԱՐԱՐՈՒԹԵԱՆ խնդրում՝ ապակենտրոնացումը աւելի է համապատասխանում ԸՆԿԵՐԱԿԱՆ, ԲԱՐՈՅԱԿԱՆ ՅԵՂԱՓՈԽԱԿԱՆ, գործին :

*Ձուր ճիշդ պիտի լինէր տարբեր մեկնաբանութիւն տալ այս հասուածին, քան տալիս է Ծրագիրը :*

*ԻՐԱՒՈՒՆՔԻ մասին խօսք կայ քացասակա՛ն իմաստով՝ բայց ոչ դրական, մերժմա՛ն իմաստով՝ բայց ոչ հաստատման :*

*Թիւր կարծիքները ծագում առին այնտեղից, որ «կենտրոնական»ներ էին Հնչակեանները, իսկ նրանք «կենտրոնական»ներ էին ԻՐԱՒՈՒՆՔԻ՝ առումով, մի բան, որ նրանց կործանման պատճառներից մէկը հանդիսացաւ : Ու թերեւս այդ է պատճառը, որ սկզբնապէս «կենտրոնական» ողիով գործող Դաշնակցականները այնքան շուտ հրաժեշտ առին այդ սկզբունքից եւ արժատօրէն ու վերջնապէս փարեցին «ապակենտրոնացման», ուր միայն ՁՈՀՈՂՈՒԹԵԱՆ խնդիր կայ, իսկ ԻՐԱՒՈՒՆՔԻ — Երբե՛ք\* ) :*

*Ու մեզ թւում է, որ այստե՛ղ պէտք է որոնել զազտնիքը այն առեղծուածի, թէ այդ ի՞նչպէս եղաւ, որ հայ կեանքի դժոխային պայմաններում հասակ նետեց մի ամբակուռ Կազմակերպութիւն, ապրեց ու գործեց ահաւոր փոթորիկների մէջ ու մնաց կանգուն մինչեւ այսօր. մի Կազմակերպութիւն, ուր տիրում է երկաթեայ զինուորական կարգապահութիւն եւ ուր իշխող ստեղծագործ ողին, վճռական կամքը եւ յեղափոխական աւելնը միշտ մնացին կենդանի՝ հիացում պատճառելով անգամ իր հակառակորդներին :*

*Այսպէ՛ս եղաւ, որովհետեւ Դաշնակցական «ապակենտրոնացման» հիմը միշտ ՁՈՀԱՖԵՐՈՒՄԻ ողին մնաց :*

*Ահագնազգորդ «Նարոդնայա վոլիա»յի քայքայման պատ-*

---

*\*) Այս ուշագրաւ հարցին մենք նուիրած ենք մի համեստ մեկնագրութիւն, որ կը յուսանք զատ հրատարակութեամբ լոյս ընծայել Դաշնակցութեան 60-ամեակին. այնտեղ, այդ մեկնագրութեան մէջ, մեր անցեալից փաստեր քաղելով, ջանացած ենք հիմնաւորել մեր մեկնութիւնը «ապակենտրոնացման» մասին :*



ճառներին դառնալով՝ իր վարիչ դէմքերից Սիբիրեակ, աւելի քան կէս դար առաջ, նկատում էր .

«Նարոդնայա Վոլիա»ն դադարեց յեղափոխական կազմակերպութիւն լինելուց, որի գլխաւոր ոյժը միշտ խանդավառութեան եւ հաւատքի մէջ է» :

Նա դարձաւ, ըստ Սիբիրեակի, մի «քաղաքական կուսակցութիւն», ձգտելով՝

«Մտցնել յեղափոխական պայքարի փոքորկալի իրադարձութեանց մէջ սկզբունքները ռազմագիտութեան, որ հաշուառման է ենթարկում ամէն փայլ եւ ընդհանուր ղեկավարման ենթարկում շարժումները բոլոր ջոկատների : «Նարոդնայա Վոլիա»յի խստորէն կենտրոնացեալ կազմակերպութիւնը յաջողած էր այդ ջոկատների մէջ սպանել յեղափոխական ընդունակութիւնը անկախաբար դէպքերը կշռադատելու, յաջողած էր սպանել յեղափոխական նախաձեռնութեան ոգին»\*) :

Ու երբ իր ջոկատների «ամէն քայլ»ը հաշուառման ենթարկող կենտրոնը ոստիկանական հալածանքների զոհ դարձաւ, նախաձեռնութեան ոգիից զուրկ այդ ջոկատները քայքայուեցին ինքնին :

«Նարոդնայա Վոլիա»ն աւելի հալածանքներ չտեսաւ, քան տեսաւ Դաշնակցութիւնը . սակայն, Դաշնակցութիւնը այս քայքայումը երբեք չունեցաւ, որովհետեւ ՊՍԲՏԱՌՈՐՈՒԹԵԱՆ ու ԶՈՀԱԲԵՐՈՒՄԻ վարժ իր «ապակենտրոն» ջոկատները միշտ վառ պահեցին իրենց ՀԱՒԱՏՔԸ, ԽԱՆԴԱՎԱՌՈՒԹԻՒՆԸ, իրենց ՆԱԽԱԶԵՆՈՒԹԵԱՆ ՈԳԻՆ :

Մեր անդրանիկ Ծրարի մէջ, «ԿԱԶՄԱԿԵՐՊՈՒԹԻՒՆ» գլուխի տակ, իրականին մէջ մեր կանոնագիրն է :

Այդ կանոնադիրը բաղկացած է ընդամէնը ԵՕԹԸ յօդուածներից :

Այս ԵՕԹԸ յօդուածներով մենք կարողացանք ստեղծել քաղաքական աշխարհի ամենէն կուռ, կարգապահ ու հաւատաւոր բանակներից մէկը :

Մի բանակ, որ 60 տարի վարեց Հայոց Աշխարհի ալեկոծ կեանքը եւ յաւերժութեան սահմանուած մի փառահեղ սլաւոնութիւն կերտեց :

## X

### ԵԶՐԱՓԱԿՈՒՄ

Դաշնակցութեան 60-ամեակի առիթով, շատ սեղմ տողերի մէջ, թեթեւակի մի քանի յիշեցում արինք դադափարարանական

\*) «ՍՈՑԻԱԼԻՍՏ-ՌԵՎՈԼՒՅԻՈՆԵՐ», 1912, քիւ 4, էջ 17 :



այն հսկայ հարստութեան մասին, որ Դաշնակցութեան կողմից ժառանգութիւն պիտի մնայ հայ հասարակական մտքի պատմութեան:

Յիշեցման ձեւով իսկ մենք նիւթը բնաւ չսպառեցինք: Մենք նախ բնաւ չխօսեցինք հայ քաղաքական մտքի այն թելի մասին, որ ընկած է Դաշնակցութիւնից զէսլի աջ: Իբրեւ գաղափարաբանութիւն՝ իսպառ ամուլ եղաւ այդ թելը. լինի՛ բուն հայրենիքի մէջ՝ կովկաս թէ Թրքահայաստան, լինի՛ Գաղթաշխարհի մէջ, այդ թելը միայն ատել զիտցաւ մեզ ու միայն ատելութիւն սերմանեց մեր շուրջ:

Տարիներ առաջ Եգիպտոսի մեր պաշտօնաթերթը՝ «Յուսարեր»՝ զիմելով մեր այդ հակառակորդներին, իր 1930 Մայիս 10-ի խմբագրականով, հարցնում էր.

«Ո՞րն է, կամ ի՞նչ է անունն այն գործին, գոր Դաշնակցութիւնը կարող է կատարել՝ առանց իր հակառակորդի ընդդիմութեան եւ կամ անոր ծանր նախատիմներուն հանդիպելու:

«Դպրոցը, գրականութիւնը, գրական հանդէսը, նուիրահաւաքութիւնը ի նպաստ գաղթականի. ո՞ր մէկը այս գործերէն կարող է հակառակորդի փաջալերանքին արժանանալ, փոխանակ անոր քշնամանքին հանդիպելու»:

«Յուս.»-ին պատասխանելով՝ Եգիպտոսի ռամկավար պաշտօնաթերթը՝ «Արեւ»՝ իր 1930 Մայիս 31-ի թուով, «ՊԱՅՔԱՐԻՆ ԷՈՒԹԻՒՆԸ» խորագրի տակ՝ հետեւեալն էր յայտարարում.

«Մենք կ'ըսենք — արդարեւ փաջալերանքի արժանի են ձեր յիշատակած գործերը, եթէ դուք չէք կատարողը...: Մեր փաջալերանքին չի կրնար արժանանալ Դաշնակցական դպրոցը, Դաշնակցական «Համագգային»ը, կամ Դաշնակցական կեղծ Կարմիր Խաչը»...:

Եւ ոչ էլ — ուղում էր ասել իր բազմակէտով — ԴԱՇՆԱԿՑԱԿԱՆ ՀԱՅԱՍՏԱՆԸ...

Այս էր իր մղած պայքարի էութիւնը...

էականն այն չէ, թէ Ի՛նչ է կատարում հայ կեանքում (լա՞ւ թէ զէչ դործ), էականն այն է, թէ Ո՛վ է կատարում այդ դործը. ու եթէ կատարողը ՄԵՆՔ ենք, այդ միակ հիմունքով հակառակորդը ԴԷՄ է այդ դործին...

Մեր թուուցիկ ակնարկի մէջ այս թելի մղած անպտուղ պայքարին մենք բնաւ չանդրադարձանք:

Սակայն մենք նաեւ ձախից եկող բոլոր հարուածների մասին պարզ ակնարկութիւն իսկ չարինք:

Մենք չխօսեցինք, օրինակ, հողային հարցի մասին, որի դե-



ըը այնքան մեծ էր հայ կեանքում եւ որի շուրջ այնքան շատ մե-  
լան սպառուած է բեր եւ մեր հակառակորդների միջեւ :

Տասնամեակներ շարունակ ուսւ էս-էրների (որ ասել է՝ նաեւ  
Դաշնակցութեան) հողային ծրագրի դէմ պայքարելով՝ Բուլշե-  
ւիզմը Հոկտեմբերեան յեղաշրջումին մի անօրինակ շանքած դոր-  
ծեց եւ իր հակառակորդից գողացաւ ու իւրացրեց այդ ծրագիրը .

«... Ա.Ռ.Ա.ՆՅ ՈՐԵԻԷ ՓՈՓՈԽՈՒԹԵԱՆ ԱՄԲՈՂՋԱՊԷՍ ԸՆ-  
ԴՈՒՆԵՑԻՆՔ ՍՈՑԻԱԼԻՍՏ-ՅԵՂԱՓՈԽԱԿԱՆՆԵՐԻ ԱԳՐԱՐԱՅԻՆ  
ԾՐԱԳԻՐԸ», հպարտանքով խոստովանում էր Լենինը\*):

Այլ առիթով իր նոյն արարքի մասին վկայում էր նոյն Լենին-  
ը .

«Վերցրինք էս-էրներից այդ ծրագիրը, նախ նրա համար՝ որ  
յաղթեմք նրանց, երկրորդ նրա համար՝ որ փորձառարար հէնց ի-  
րենք գիւղացիները նրա անպէտքութեան մէջ համոզուեն»\*\*):...

«Անպէ՛տք» ծրագիրներ դործադրելով՝ Բուլշեւիզմը «պիտա-  
նի՛» դործեր էր կատարում... :

Չանդրադարձանք մենք մարքսեան տեսութեան հիմնական  
դրոյթին՝ «արտադրութեան կենտրոնացման», որ իր վաւերացու-  
մը չդատու գիւղատնտեսութեան մէջ (լրիւ՝ ոչ իսկ արդիւնաբե-  
րական աշխարհում) :

Ձխօսեցինք նոյն տեսութեան նաեւ այն միւս դրոյթի մասին ,  
որ նախատեսում էր բանուորութեան յարանուն չփառութիւնը՝  
դրամատիրութեան աստիճանական ճոխացումին ու բարդաւա-  
ճանքին զուգահեռ . այս ընթացքի վախճանական ելքն է, ըստ  
Մարքսիզմի, որ յաղթանակով պիտի պսակէր բանուորութեան  
մղած պայքարը՝ իշխանութիւնն ու հարստութիւնը կեղեքողնե-  
րից փոխանցելով կեղեքուողներին... :

Մարքսիզմի մարդարէացումը չարդարացաւ նաեւ այս հար-  
ցում :

Ըստ Մարքսիզմի՝ ընկերվար հասարակակարգի մէջ պետու-  
թիւնը աստիճանաբար հաշուեյարդարի պիտի ենթարկուէր . մինչ  
մենք վկայ ենք, որ պետութիւնը երբեք այնքան ահարկու ու հա-  
մապարտիակ ուժ ունեցած չէ, որքան նա այսօր ունի Թորհրդա-  
յին Աշխարհում, «ընկերվար» կարգերի տակ... :

Ըստ Մարքսիզմի՝ ընկերվար յեղաշրջումը պիտի սկսէր ար-  
դիւնաբերօրէն ամենէն զարգացած երկիրներում, մինչ նա ծայր

\*) Ն. Լենին — «Չախութեան» երեսայական հիւանդութիւ-  
նը կոմունիզմի մէջ», Թիֆլիս, 1921, էջ 67-68 :

\*\*) «ՌԵՒՈՒԻՏԻՑԻՈՆՆԱՅԱ ՌՈՍԻԱ», 1923, Բերլին, ք. 28-  
29, էջ 8 (Չերնովի յօդուածը) :



տողաւ տնտեսօրէն ամենէն յետամնաց ու խաւար աշխարհներէց  
մէկում՝ ցարական Ռուսիոյ մէջ...

Մեծ է թիւը այս կարգի հարցերի, որոնք մեզ բաժանում են  
մեր հակաուսկորդներէց, սակայն մենք պարզ յիշատակութեամբ  
իսկ չանդրադարձանք նրանց:

Պարզ հրամանագրով, հակաուսկ Մարքսիզմի բոլոր հիմունք-  
ներին, «ընկերվարութիւն» հաստատելով երկրագործ, չքաւոր ու  
աւեր Ռուսիոյ մէջ՝ Ստալինը պատգամում էր.

«Ձի բացաւում կարելիութիւնը, որ հէնց Ռուսաստանը կա-  
րող է լինել այն երկիրը, որը կը հարթի քանապարհը դէպի ըն-  
կերվարութիւն...: Մէկդի պէտք է նետել այն մաշած հասկա-  
ցողութիւնը, թէ միայն Եւրոպան մեզ կարող է քանապարհ ցոյց  
տալ: Կայ հրամանական (dogmatique) Մարքսիզմ եւ կայ ստեղ-  
ծագործ Մարքսիզմ: Ես կեցած եմ այս վերջին գետնի վրայ»\*):

«Ստեղծագործ»ը իւրացնելով եւ աստիճան առ աստիճան  
«դողմատիկ»ը ուրանալով՝ աւելի ուշ նոյն Ստալինը յայտարար-  
ում էր.

«Ի՞նչ բան է Մարքսիզմը: Մարքսիզմը գիտութիւն է: Կարո՞ղ  
է Մարքսիզմը մնալ ու զարգանալ իբրեւ գիտութիւն, եթէ երբեք  
նա չնոխանայ բանուորութեան դասակարգային պայքարի նոր  
փորձով, եթէ նա այդ փորձը չմարսի մարքսեան վարդապետու-  
թեան տեսակետից եւ մարքսեան մեթոդի տեսանկիւնի տակ:  
Պարզ է, որ չի կարող: Այստեղից պարզ չէ՞ նաեւ, որ Մարքսիզմը  
պահանջում է նոր փորձի հաշուառման հիմունքով հին տարագնե-  
րի (formule) բարելաւումն ու հարստացումը՝ միշտ պահե-  
լով մարքսեան տեսակետը, նրա մեթոդը»\*\*):

Այսպէս էր պատասխանում Ստալինը 1926 Դեկտ. 7-ի իր ըն-  
դարձակ զեկուցմանը մէջ կուսակցական ընդդիմադիրներին, ո-  
րոնք յայտարարում էին, թէ մարքսեան վարդապետութեան ու-  
րացումն է տեղի ունենում Կոմկուսի մէջ.

«« Եթէ Լենինը, — ընդդիմադիրներին առարկում էր Ստա-  
լինը, — աշխարհակալ պատերազմի նախասեմին յայտարարում էր,  
թէ ֆեդերասիոնը պետական կառոյցի անընդունելի ձեւ է, իսկ  
1917-ին, հաշուի առնելով բանուորութեան մղած պայքարի նոր  
փորձը, վերանայում էր այս տեսակետը, փոխում իր կարծիքը  
ու յայտարարում, թէ դէպի ընկերվարութիւնը տանող փոխանց-  
ման շրջանին ֆեդերասիոնը պետական կառոյցի ամենէն նպա-

\*) Ի. ՍՏԱԼԻՆ — «Երկեր», հ. 3-րդ, 1947, Մոսկուա, էջ 186-  
187:

\*\*\*) Ի. ՍՏԱԼԻՆ — «Երկեր», հ. 9-րդ,



տակայարմար ձեւն է, մի՞թէ այս նշանակում է, որ Լենինը տարուած էր «վերաֆննչականութեամբ» (révisionisme)՝ լինի՛ իր անձի, լինի՛ լենինիզմի նկատմամբ\*):

Ըստ Ստալինի, այս կարգի բոլոր «վերանայում»ները, «փոփոխութեանց» ու նահանջների մէջ «վերաքննչականութիւն» չկայ, այլ կայ միայն... մարքսեա՛ն «ստեղծագործութիւն»:

«Վերաքննչականութիւն» չկայ մինչեւ իսկ այն ժամանակ, երբ Լենինի եւ Ստալինի ղեկավարութեանը ու շունչին տակ սնած ու մեծացած համայնավար տեսարանները յայտարարում են մեզ.

«Յուշերիկ կուսակցութեան պատմութիւնը եւ ի խնդիր ընկերվարութեան կոմկուսի մզած պայքարի փորձը, ինչպէս ընկ. Ստալինը ցոյց տուաւ, մեզ գալիս են ուսուցանելու, որ կուսակցութիւնը, իբրեւ ղեկավար ոյժը բանուոր դասակարգի, կազմակերպիչն ու վարիչ բազուկը ընկերվար յեղափոխութեան եւ բանուորական դիկտատուրայի, կարող է իր այդ դերը կատարել այն պարագային միայն, երբ նա տիրապետած է յեղափոխական տեսութեան, երբ նա գիտէ տառը տարբերել էութիւնից, գիտէ այդ տեսութիւնը նոյնացնել յեղափոխական շարժման նոր փորձով, առանց բնաւ կանգ առնելու երբեմնապէս ծագող անհրաժեշտութեանը առջեւ՝ փոխարինել — տեսութեան էութիւնից մեկնելով — այդ տեսութեան մի քանի դրոյթներն ու եզրակացութիւնները, որոնք արդէն հինգած են, նոր դրոյթներով ու եզրակացութիւններով, որոնք համապատասխանում են պատմական նոր իրադրութեան»\*\*):

Այստեղ նոյնպէս «վերաքննչականութիւն» չկայ, այլ կայ միայն... մարքսեա՛ն «ստեղծագործութիւն» (եւ կամ... «ստեղծագործ մարքսականութիւն»):

Անցած են այն հին ու երանելի օրերը, երբ Լենինները կարող էին յայտարարել.

«Մարքսեան իմաստասիրութեան մէջ, որ ձուլուած է միակտուր պողպատից, կարելի չէ հանել ոչ մէկ հիմնական նախադրեալ, ոչ մէկ հիմնական մաս, առանց առարկայական նշմարտութեան դէմ մեղանչելու, առանց քաղֆենի-յետադիմական սուտի գիրկը նետուելու»\*\*\*):

\*) Անդ, էջ 99:

\*\*) Գ. Ն. Չեսնովսկով, — «Ի. Վ. Ստալինը բուշերիկեան կուսակցութեան մասին» («Պատմութեան Հարցեր», 1949, քիւ 2, Մոսկուա, էջ 61):

\*\*\*) Վ. Ի. Լենին — «Երկեր», ի. 14-րդ, 1947, Մոսկուա, էջ



Այս «միակտուր պողպատ»ից այսօր ոչի՛նչ մնացած է. նրա բոլո՛ր «նախադրեալ»ները հիմն ի վեր յեղաշրջուելով՝ Բոլշեւիզմը նետած են ամենէն յետադէմ, ամենէն անարգ ստերի գիրկը:

Աւետարանական հանգանակի կշիռ ունի այն խոր իմաստութիւնը, թէ «խօսքը առանց գործի՛ մեռած է». այսինքն մեռած է այն խօսքը, որին չի հետեւում համապատասխան գործը (եւ կամ հետեւում է մի գործ, որ չի համապատասխանում քարոզուած խօսքին):

Սակայն նոյնքան ճիշտ է եւ այն, թէ «գործը առանց խօսքի— մեռած է». այսինքն մեռած է այն գործը, որին չի հետեւում համապատասխան խօսքը (եւ կամ հետեւում է մի խօսք, որ չի համապատասխանում կատարուած գործին):

Ասել, թէ ազգային մշակոյթը ծաղկում է Խորհրդային Իշխանութեան տակ, երբ գիտենք, որ դադափարաբանօրէն Բոլշեւիզմը դէպի ձուլում է առաջնորդում ազգերը, այս նշանակում է ՄԵՌԱԾ գործ կատարել, նշանակում է ստել թէ ծաղկում է:

Ասել, թէ հայրենիքները անկախ են Խորհրդային Իշխանութեան տակ, թէ նրանք ազատ են ու ինքնօրէն, երբ գիտենք, որ դադափարաբանօրէն Բոլշեւիզմը դէպի փոշիացում է առաջնորդում հայրենիքները, այս նշանակում է ՄԵՌԱԾ գործ կատարել, նշանակում է ստել թէ անկախ են:

Ասել, թէ Խ. Միութեան մէջ ընկերվար կարգեր հաստատուած են եւ այնտեղ այլեւս կեղեքում ու յաւելեալ աշխատանքի իւրացում չկայ, երբ գիտենք, որ Բոլշեւիզմը դէպք առ դէպք այս իւրացումը ահաւոր չափերի է հասցնում, այս նշանակում է ՄԵՌԱԾ գործ կատարել, նշանակում է ստել թէ ընկերվարութիւն է կառուցւում:

Եւ այսպէս՝ կեանքի բոլո՛ր մարդերում:

Խ. Հայաստանի անդրանիկ Սահմանադրութեամբ (ընդունուած 1922 Փետր. 2-ին) եւ վերանայուած երկրորդ (1926 Մայիս 20-ի) Սահմանադրութեամբ, յայտարարուած էր հետեւեալը.

«ՅՕԴՈՒԱԾ 5 (Հատուած Ա.).— Եկեղեցին անջատուում է պետութիւնից՝ վերածուելով մասնաւոր համայնփի, եւ դպրոցը՝ եկեղեցուց. բոլոր քաղաքացիներին իրաւունք է տրուում ազատօրէն վարելու ԿՐՕՆԱԿԱՆ (ընդգծումը՝ մերն է.— Ն.) եւ հակաիրօնական պրոպագանդա»\*):

Խ. Հայաստանի ամենավերջին (ստալինեան) Սահմանադրու-

\*) «ԽՈՐՀՐԴԱՅԻՆ ՀԱՅԱՍՏԱՆ (1920-1925, Հինգ Տարի)», հր. Ժողկոմխորհի, 1926, Երեւան, էջ 443-444:



թիւնը մարդկային խղճին վերաբերող այս հարցը տնօրինում է հետեւեալ ձեւով .

«ՅՕԴՈՒԱԾ 99.— Քաղաքացիների համար խղճի ազատութիւն ապահովելու նպատակով եկեղեցին Հայկական Ս. Ս. Ռեսպուբլիկայում անջատուած է պետութիւնից եւ դպրոցը՝ եկեղեցուց : Կրօնական պաշտամունքների կատարման ազատութիւնը եւ ՀԱԿԱԿՐՕՆԱԿԱՆ (ընդգծումը՝ մերն է.— Ն.) պրոպագանդայի ազատութիւնը փանաչում է բոլոր քաղաքացիների համար»\*) :

Իրաւակարգի փրկութիւնը բռնութեան խորացման ու խրատացման մէջ տեսնելով՝ 1936-ի ստալինեան Սահմանադրութիւնը ՋՆՋՈՒՄ էր կրօնական քարոզչութեան այն ազատութիւնը, որ նախորդ Սահմանադրութիւնները ապահոված էին խորհրդային քաղաքացուն :

Այս ազատութիւնը ՋՆՋԵԼՈՎ՝ միաժամանակ յայտարարւում էր, որ նախկին «ժողովրդավար» կարգերը ստալինեան Սահմանադրութեամբ փոխարինւում են... «ԳԵՐԺՈՂՈՎՐԴԱՎԱՐ» կարգերով...

Նոյն (ստալինեան) Սահմանադրութեան 101-րդ յօդուածով գոյութեան իրաւունք տրւում է ՄԻԱՅՆ եւ ԲԱՑԱՌԱԲԱՐ «Համամիութենական Կոմունիստական (բուլշեւիկների) Պարտիա»-յին\*\*), երբ նախորդ Սահմանադրութիւնները այդ արգելքն ու սահմանափակումը չունէին\*\*\*) :

Այս ազատութիւնը ՋՆՋԵԼՈՎ մէկտեղ՝ յայտարարւում է, որ խորհրդային քաղաքացու իրաւունքները՝ երէկի բաղդամամբ՝ այսօր շատ աւելի ԸՆԴԱՐՁԱԿՈՒԱԾ են...

Խ. Միութիւնը այն աշխարհն է, ուր իշխանաւորի ո՛չ խօսքն է համապատասխանում գործին եւ ոչ գործը՝ խօսքին. ուր իշխանաւորը միաժամանակ ստում է թէ՛ խօսքով ու թէ՛ գործով՝ զանգուածների հողում սպանելով ե՛ւ մէկի արժէքը, ե՛ւ միւսի :

Ակնարկելով Համամիութենական Կոմկուսի Կենտր. Կոմիտէի 1946 Օգոստ. 14-ի որոշման (քաղաքականութեան մասին)՝ խորհրդային զրիչներից Վ. Վ. Նիկոլաեւ նկատում է .

\*) «Հ. Ս. Ս. Ռեսպուբլիկայի ԿՈՆՍՏԻՏՈՒՑԻԱ», 1947, Երեւան, էջ 24 :

\*\*\*) Անդ, էջ 25 :

\*\*\*) Ի դէպ, այս յօդուածով «անկախ» Հայաստանի բուլշեւիկը կարող է անդամագրուել միայն ՀԱՄԱՄԻՌՈՒԹԵՆԱԿԱՆ «պարտիա»յին, բայց ոչ Հայաստանի. այս հիմնական ու որոշիչ հարցում ո՛չ «փեղեքացի» կայ եւ ոչ էլ, ի հարկէ, «անկախութիւն»...



«Բացառիկ յստակութեամբ ու խորութեամբ բուշուիկեան  
ֆաղափականութեան վիթխարի դերը արտայայտուած է ստա-  
լիներան դրոյթի մէջ այն մասին, թէ ԽՈՐՀՐԴԱՅԻՆ ԻՐԱՒԱԿԱՐ-  
ԳԻ ԿԵՆՍԱԿԱՆ ՀԻՄՈՒՆՔԸ՝ ԲԱՂԱՔԱԿԱՆՈՒԹԻՒՆՆ Է»\*) :

ԲԱՂԱՔԱԿԱՆՈՒԹԻՒՆՆ Է՝ միշտ յարափոփոխ, բայց ո՛չ  
ՍԿԶԲՈՒՆՔԸ, ո՛չ ՏԵՍՈՒԹԻՒՆԸ, ո՛չ ԳԱՂԱՓԱՐԱԲԱՆՈՒԹԻՒ-  
ՆԸ, որոնք անփոփոխ պէտք է մնային, բայց որոնցից այսօր ոչինչ  
մնացած է ԽՈՐՀՐԴԱՅԻՆ Ա. չխարհում...

Դաշնակցութեան 60-ամեակին երբեք ներելի չէ որեւէ պո-  
ռոս խօսք իր հասցէին :

Այս յստակ գիտակցութեամբ՝ այստեղ՝ մեր եզրափակիչ  
խօսքին մէջ՝ պիտի ուղէինք մի քանի ճշմարտութիւններ արձա-  
նագրել իր մասին, ջանալով, որքան մարդկօրէն հնարաւոր է  
այդ, չհափազանցել մեր ըմբռնումը երեւոյթների մասին .

Ա. — Հ. Յ. Դաշնակցութիւնը ամենէն հին Կուսակցութիւնն  
է այն երկու երկրներում՝ Թուրքիոյ եւ Ռուսիոյ մէջ, ուր նա իր  
դատը հետապնդեց : Որքան մենք գիտեմք, նա ամենէն հին Կու-  
սակցութիւնն է բովանդակ ֆաղափական աշխարհում :

Բ. — Նա ամենէն հինն է ոչ իբրեւ անուն ու յիշատակ, այլ  
իբրեւ ազդուօրէն ապրող ու գործող ֆաղափական կենսատոյգ, լի  
թափով ու աւիւնով, մէկ ոյժ :

Գ. — 60 տարի ապրելով ու տենդագիւօրէն գործելով՝ Դաշ-  
նակցութիւնը հիմին մէջ նոյնը պահեց իր անունը, դաւանանքը,  
իր կազմակերպական կառոյցը, դրօշը, այն բոլոր ստորագիւ-  
ները, որ յատուկ են մի կենդանի եւ առողջ Կուսակցութեան :

Դ. — Դաշնակցութեան վարդապետած գաղափարները՝ ազգ  
եւ հայրենիք, անկախութիւն եւ դաշնակցութիւն, ընկերային եւ  
ֆաղափական ժողովրդավարութիւն, աշխատանքական ընկեր-  
վարութիւն եւ ընկերվար միջազգայնութիւն, անհատ եւ հաւա-  
փականութիւն՝ յազրանակած գաղափարներ են այսօր :

Ե. — Օտարին կոքնած այն ոյժը, որ այսօր իշխում է մեր  
երկրում, գաղափարաբանօրէն պարտուած է վերջնապէս . իրը  
չեն այն գաղափարները — ազգ, հայրենիք, անկախութիւն, ժո-  
ղովրդավարութիւն եւ այլն — որ այսօր ֆարոգում է Բուշուիզմը՝  
միաժամանակ ու նենգօրէն նրանց դէմ գործելով :

Ահա թէ ինչու այսօր, իր 60-ամեայ յորելեանին, ձեւապէս

\*) Վ. Վ. ՆիկոլԱՆԻ — «Ի. Վ. Ստալինը բուշուիկեան կու-  
սակցութեան քաղաքականութեան մասին՝ իբրեւ խորհրդային ի-  
րաւակարգի կենսական հիմունքի» («Խմաստասիրութեան Հար-  
ցեր», 1949, Թիւ 2, Մոսկուա, էջ 66) :



թէ եւ պարտուած, փաստօրէն ճշմարիտ յաղթականը ինքն է՝ իր ժողովուրդին ու հայրենիքին միաձուլուած Դաշնակցութիւնը:

Իր յաղթանակի լաւագոյն ապացոյցը — այն դիրքը, որ նա այսօր գրաւում է հայ կեանքում:

Վերստին իր գաղափարներն են իշխում թէ՛ դուրսը եւ թէ՛ բնաշխարհի մէջ:

Պայքարող եւ ազատատենչ հայութիւնը նորէն ու դարձեալ ապրում եւ գործում է ի՛ր գաղափարական ղեկավարութեանը տակ:

Դաշնակցութիւնը նաեւ այսօր հանդիսանում է վարիչ բաղուկը հայ կեանքի:

Եւ այս դիրքը նա գրաւում է՝ իբր զէնք, իբր բանակ, իբր իշխանութիւն եւ հարստութիւն իր տրամադրութեան տակ ունենալով միայն եւ բացառաբար իր ԳԱՂԱՓԱՐՆԵՐԸ:

Այս գաղափարների ուժը ամենէն լաւ կերպով դիտէ բոնաւորը, այն իշխանութիւնը, որ իշխում է հայրենի աշխարհում:

Մեր երկրի առաջին վարիչը՝ Աղասի Խանջեան՝ մտերմիկ չրոյցի մէջ, 1936-ին, ասում էր իր ընկերոջ ու գործակցին՝ լուսաւորութեան գործավար Դրաստամատ Սիմոնեանին.

«Խորհրդային իշխանութիւնը կատաստրոֆի ենթարկուելու դէպքում, Դաշնակներն են այն միակ ուժը, որ կարող է անցնել իշխանութեան գլուխը:

«Ի հարկէ, մի որեւէ բան պատահելիս՝ ես ու դու կը փախչեմք եւ հայ ժողովուրդի տէրը կը դառնայ Դաշնակցութիւնը»\*):

Այս վկայութիւնը մեր մասին իշխանութիւնը տալիս էր 1936-ին, երբ այդ թուականից 16 տարի առաջ, 1920 Նոյ. 29-ին, պաշտօնապէս նա մեզ դերեղմանած էր արդէն...

Եւ որովհետեւ մենք, իբրեւ կարողական (potential) ոյժ ու մտայնութիւն, 1936-ին այսքան կենդանի ու այս չափով ներկայ էինք երկրում, ուստի 1939-ին, «Խ. Հայաստան»ի վկայութիւնից երեք տարի յետոյ, Խ. Միութեան Ժողկոմխորհին կից գործող այն կոմիտէն, որ վարում էր միութենական բարձրագոյն դպրոցներին վերաբերող գործերը, «Խ. Միութեան պատմութեան ծրագրի նախագիծ»ը հրատարակելով, այդ նախագծի մէջ, երկու դաս գլուխներում (XVI եւ XXII), իբրեւ նիւթ երկու անջատ դասախօսութեանց համար (13-րդ եւ 8-րդ), մատնանշում էր, ի միջի այլոց, նաեւ Դաշնակցութիւնը: Անշուշտ մեզ ոչ թէ փառաբանելու, այլ նաեւ իր ուսուցչապետների բերնով եւ իր համալսարանների ամբիոնից մեզ հայհոյելու համար:\*\*)

\*) «ԽՈՐՀՐԴԱՅԻՆ ՀԱՅԱՍՏԱՆ», 30 Հոկտ. 1936:

\*\*\*) «ՆԱԽԱԳԻԾ Խ. ՄԻՈՒԹԵԱՆ ՊԱՏՄՈՒԹԵԱՆ ԾՐԱԳՐԻ», 1939, Մոսկուա, էջեր՝ 44 եւ 63:



Կայ, սակայն, շատ աւելի ուշադրաւը:

1947 Յուլիս 11-ին, որոշ փոփոխութիւններով ու լրացումներով, ընդունուեց Խ. Հայաստանի «Հիմնական Օրէնք»ը՝ մեր երկրի «Կոնստիտուցիա»ն:

1922-ից այս կողմ թուով 4-րդ Սահմանադրութիւնն է այս՝ վերամշակուած ու ամբողջական:

Այս Սահմանադրութիւնն ընդունուեց այն ժամանակ, երբ Խ. Միութիւնը, երկրորդ մեծ պատերազմի մէջ յաղթանակելով, հօգորապէս ամրացրած էր իր դիրքը թէ՛ դուրսը եւ թէ՛ ներսը:

Թւում էր, թէ Դաշնակցութեան մասին այլեւս կարելի էր չխօսել. կարելի էր նրա դոյութիւնը իսպառ մոռացութեան տալ:

Այդպէս չեղաւ, սակայն:

Մեր երկրի անդրանիկ Սահմանադրութիւնը (1922 Փետր. 2ի), խօսելով Խորհրդային Իշխանութեան հաստատման մասին Հայաստանում, իր առաջին Յօդուածով յայտնում էր.

«ՅՕԴՈՒԱԾ 1.— Հայաստանի ապստամբ բանուորների եւ գիւղացիների կամֆով Հայաստանը 1920 թ. նոյ. 29-ին յայտարարուած է Սոցիալիստական Խորհրդային Հանրապետութիւն»\*):

Այս նոյն Յօդուածը նոյնութեամբ կրկնուած է նաեւ 1926-ի Սահմանադրութեան մէջ:

Սակայն վերջին՝ 1947-ի Սահմանադրութեան մէջ նախորդ (առաջին) Յօդուածը՝ թուով 2-րդը դառնալով՝ հետեւեալ կերպարանքը առած է.

«ՅՕԴՈՒԱԾ 2.— Հայկական Սովետական Սոցիալիստական Ռեսպուբլիկայի հիմքն են կազմում աշխատաւորների դեպուտատների Սովետները, որոնք անել ու ամրապնդուել են կալուածատէրերի ու կապիտալիստների իշխանութիւնը տապալելու, հայ ժողովուրդը ցարիզմի եւ ռուսական իմպերիալիստական բուրժուազիայի ազգային ֆեոդալիզմից ազատագրելու, ԴԱՇՆԱԿՑԱԿԱՆ ՆԱՑԻՈՆԱԼԻՍՏԱԿԱՆ ԿՈՆՏՐ-ՌԵԻՈԼԻՏԻՑԻԱՆ ՋԱԽՋԱԽՅԼՈՒ ԵՒ պրոլետարիատի դիկտատուրա նուանելու հետեւանֆով»\*):

\*) «ԽՈՐՀՐԴԱՅԻՆ ՀԱՅԱՍՏԱՆ (1920-1925, Հինգ Տարի)», հրատ. Ժողկոմխորհի, 1926, Երեւան, էջ 443:

\*) «ՀԱՅԿԱԿԱՆ Ս. Ս. Ռ. ԿՈՆՍՏԻՏՈՒՑԻԱ», 1947, Երեւան, էջ 2:

\*\*) Մեզ, տարաբախտաբար, յայտնի չէ, թէ միւս Հանրապետութեանց «Կոնստիտուցիա»ների մէջ նման որեւէ յիշատակութիւն կա՞յ արդեօք. գիտեմք, սակայն, որ Խ. Միութեան «Կոնստիտուցիա»յի մէջ որեւէ յիշատակութիւն էս-էրների եւ Մենչեիկների մասին չկայ:



Ընդգծումները մե'նք կատարեցինք :

Զգոհանալով մեր մասին տուած իր հանդիսաւոր վկայութեամբ «Պ. Հայաստան»ի մէջ, չգոհանալով նաեւ այն բանով, որ «Պ. Հայաստան»ի էջերից մեզ փոխադրել է իր համալսարանական ամբիոնները, Բոլշեւիզմը այժմ մեզ տեղ էր տալիս իր «Կոնստիտուցիա»յի մէջ...

Զուր է ասել, որ Դաշնակցութիւնը եթէ այսքան «Չախճախուած» լինէր, իր մասին այսքան երբեք պիտի չխօսուէր :

\* \* \*

Ինքնատիպ ու ստեղծագործ ժողովուրդ է Հայը :

Նոյնութեամբ ընդօրինակումը՝ ընտանի չէ իր նկարագրին :

Իր բովանդակ մշակոյթի վրայ — ինքնաստեղծ թէ փոխառութիւն — կայ ցեղային հանճարի կնիքը :

Այս կնիքը կայ նաեւ Դաշնակցութեան վրայ :

Նա ամբողջութեամբ Հայաստանի եւ Հայութեան ծնունդ է :

Հայոց Աշխարհի «քաղաքական մեղու»ն է նա, որ գիտէ այլեւայլ ծաղիկներից հիւթ ամբարել՝ իր ուրոյն ու սեփական բարիքը՝ հայկական «քաղաքական մեղր»ը պատրաստելու համար :

Այդ «մեղր»ը՝ եօթը դարերի տառապանքից ծնած իր լոյս իդէալն է՝ ԱԶԱՏ, ԱՆԿԱԽ, ՄԻԱՑԵԱԼ, ՀԱՅԱՍՏԱՆ :

Նա մէկէն չծնաւ :

Դէպքից դէպք ու պայքարից պայքար, ահեղ ու արիւնալի մարտերի մէջ, ձեւ ու կերպարանք առաւ այդ իդէալը՝ Մայիս 28-ի անմեռ դրօշով պսակուելու համար :

Մի դրօշ, որի շուրջ խմբուած է այսօր բովանդակ ազատատենչ հայութիւնը, ոչ իբրեւ դորշ դանդուած, այլ իբրեւ քաղաքականապէս հասուն ու նպատակազիտակից մի ժողովուրդ, որ յոյսով ու հաւատքով, լի խանդով ու կորովով, շարունակում է ապրել ու դործել 60-ամեայ ամբակուռ Դաշնակցութեան դադափարական հզօր շունչի տակ :



## Լ. Յ. Դ. ԸՆԴՀԱՆՈՒՐ

### ՌԱՅՈՆԱԿԱՆ ԺՈՂՈՎՈՐ

1894 թ. կէսերին, Դաշնակցութեան ղեկավար շրջանակներում պահանջ է զգացւում Ընդհանուր Ժողովի գումարման:

Երկու տարի էր անցել Առաջին Ընդհանուր Ժողովից ի վեր: Որոշ չափով փոխուել էին արտաքին պայմանները. աւելի ճիշդ՝ Կուսակցութեան ղեկավար ուժերի վերաբերումը դէպի այդ պայմանները: Հասարակութեան մէջ նորից սկսել էր նկատուիլ հեւաքրքրութիւն դէպի յեղափոխական շարժումը: Առհասարակ, մթնոլորտը այն չէր՝ ինչ որ 1892-ին:

Միւս կողմից՝ երկու տարուայ գործունէութեան փորձը նորանոր կազմակերպական եւ ընդհանուր հարցեր էր առաջ բերել, որոնք պէտք է լուծուէին, որպէսզի գործը անարգել զարգանար: Ամենէն ստիպողականը կազմակերպական ձեւի, «գործող խմբեր» ի փոխադարձ յարաբերութեան, նիւթական միջոցների հայթայթման ու բաշխման, ընդհանուր ղեկավարութեան հարցերն էին: Առաջին Ընդհանուր Ժողովի սկզբունքը, թէ՛ «յեղափոխական գործում չի կարող լինել իրաւունքի եւ պահանջի խնդիր», այլ միմիայն բարոյական պարտաւորութեան եւ բաւարարութեան խնդիր»՝ այլեւս չէր բաւարարում կեանքի պահանջներին. անհրաժեշտ էր յստակ կերպով գծել գործիչ անհատների, խմբերի եւ մարմինների իրաւունքների եւ պարտականութիւնների սահմանները եւ կարգ ու կանոնի տակ դնել կուսակցութեան գործունէութիւնը:

Բացի այդ՝ գործունէութեան ձեւերի ու սահմանների մասին էլ Առաջին Ընդհ. Ժողովի որոշումները նոյնպէս անբաւարար էին: Կարիք էր զգացւում անելիքի նոր ծրագիր մշակել՝ նոր պայմանների եւ կուսակցութեան ընդարձակուած միջոցների եւ ուժերի համեմատ:



Այս պատճառով՝ Բիւրօն, ընդառաջ երթալով «ամէն կողմից» ներկայացուած պահանջի, Ընդհանուր Ժողով հրաւիրեց 1895 թ. սկիզբը, Թիֆլիսում:

Ընդհանուր Ժողովի կազմի եւ հրաւիրման մասին Առաջին Ընդհ. Ժողովի սահմանած կանոններում որեւէ ձեւ չէր նախատեսուած: Բիւրօն, իր հասկացողութեամբ, այլեւ աչքի առաջ ունենալով դադանապահութեան պահանջը, հրաւիրեց միայն «այն կոմիտէների ներկայացուցիչներն, որոնք գործի տեսակէտից աւելի նշանաւոր դեր ունին կատարելու»: Երկրից ներկայացուցիչ չկար, որովհետեւ «ներկայ հանդամանքներում ցանկալի չէր, որ Տաճկահայաստանից ուժեր հեռանային Ժողովին մասնակցելու համար»: Բիւրօն աւելի օգտակար համարեց բաւականանալ դրանցից մի քանիսի գրաւոր կարծիքը առնելով եւ պայման դնելով, որ Ժողովի «որոշումները Տաճկաստան գտնուող խմբերի համար կարող են միայն խորհրդակցական եւ ոչ պարտադիր նշանակութիւն ունենալ»: Չէին հրաւիրուած եւ «օժանդակող խմբեր»ի ներկայացուցիչները: Ժողովին չմասնակցեց եւ «Դրօշակ»ի խմբագրութիւնը, թէեւ հրաւիրուած էր: Ժողովին մասնակցում էին «12 շրջանների ներկայացուցիչները», որոնք «աշխատում էին խնդիրները որոշել ո՛չ թէ ձայների բազմութեամբ, այլ ձգտում էին բոլոր հարցերում դալ միաձայն որոշումների»:

Դժբախտաբար, այս ժողովից արձանագրութիւն կամ որեւէ փաստական նիւթ չի պահպանուել: Մնացել է միայն Ժողովի ընդհանուր պատկերը ներկայացնող մի ամփոփում՝ որ ուղարկուած է մարմիններին եւ Ռոստոմին, Ժընեւ: Այս վերջին օրինակը պահուել է Հ. Յ. Դ. Կենտր. Դիւանում: Այդ ամփոփման վերջը ասուած է. «Ի վերջոյ, Ժողովը կարեւոր համարեց իր նիստերի մասին կազմուած արձանագրութիւնը հրատարակել՝ ի գիտութիւն բացակայ եղող յեղափոխական ընկերների եւ, առհասարակ, ամբողջ հայ հասարակութեան»: Այս որոշումը չգործադրուեց, հաւանաբար, Ժողովի դէմ յարուցուած առարկութիւնների հետեւանքով:

Ստոյգ յայտնի չէ նոյնպէս, թէ ով է ներկայ գտնուել այդ Ժողովին: Որոշ է, թէ Քրիստափորն ու Զաւարեանը մասնակցել են, ինչպէս նաեւ Կարս-Բասեն-Կարին եւ Թաւրիզ-Վասպուրական զծերի վրայ աշխատող ընկերները՝ Յ. Արղութեան, Նիկոլ Դուման, Արամ Արամեան եւ ուրիշներ:

Հետագային, շատ կողմերից, բայց, մանաւանդ, «Դրօշակ»ի խմբագրութիւնից առարկութիւններ եղան Ժողովի հրաւիրման եղանակի եւ կազմի դէմ: Այդ պատճառով որոշուեց այդ Ժողովը համարել ոչ թէ Ընդհանուր, այլ Ռայոնական Ժողով, որի ո-



րոշումները պարտադիր պիտի լինէին միայն ժողովին մասնակցող շրջանների համար: Եւ, ինչպէս Զաւարեանը Ռոստոմին գրած 1895 թ. Մարտ 30 նամակում վկայում է, «թէեւ չի կարելի այնքան էլ յաջողակ համարել, այնուամենայնիւ տեղական գործերի վերաբերմամբ ժողովը ունեցաւ իրա որոշ հետեւանքները — միջոցները աւելի որոշուեցին, կապերը աւելի սերտ բնաւորութիւն ստացան. նրանք, որոնք անկախ էին համարում իրենց, զգացին մի ամբողջ մարմնի մաս: Բագուն, օրինակ, որ ունի 4-5 հազար գումար եւ բացի գորանից, որից կախ ունեն եւ ուրիշ մօտ 10 (կոմիտէներ), հիմա զուտ Դաշնակ է համարում իրան եւ ճիշտ որ ամէն ինչ կատարում է»\*):

Նոյն նամակից երեւում է, որ «ամփոփում»ը ժողովի որոշումների ամբողջական պատկերը չէ. «միջից հանուած է այն մասը, ինչ վերաբերում է միւս տների հետ յարաբերութիւններին»: Սօսքը, անշուշտ, Հնչակեանների մասին է: Ի՞նչ է եղել այդ առթիւ որոշուած, յայտնի չէ:

Զաւարեանի գնահատութիւնը շատ համեստ է, բայց ինչ էլ Լղած լինի ժողովի կազմը, ինչպէս էլ կոչուելու լինի՝ «Ընդհանուր» թէ «Ռայոնական», անկասկած է, որ նա կարեւոր մի հանգրբում է Դաշնակցութեան զարգացման ուղիի վրայ եւ շօշափելի դեր է կատարել Կուսակցութեան զաղափարների բիւրեղացման եւ կազմակերպութեան բարեկարգման տեսակէտից: Ուստի՝ անհրաժեշտ ենք գտնում ներկայացնել այդ ժողովի պատկերը հնարաւոր լրութեամբ\*\*):

Ժողովի նպատակը ներկայացուած է հետեւեալ ձեւով. — «Պարզել վերջին երեք տարուան ընթացքում առաջ եկած մի քանի անորոշ հարցեր, լուսաբանել ընդհանրապէս գործուած սխալները եւ ճանապարհներ գտնել խոյս տալու համար ապագայում այդպիսի սխալների կրկնութիւններից. ներկայացուցիչների երես առ երես տեսակցութեամբ աւելի սերտ կապ հաստատել գործող խմբերի մէջ եւ, որ գլխաւորն է, գալ համաձայնութեան այն ընթացքի վերաբերմամբ, որ հարկաւոր է բռնել ներկայ բարդ հանդամանքներում, որպէսզի բոլոր խմբերի գործողութիւնների մէջ լինի ներքին համերաշխութիւն՝ Դաշնակցութեան վերջնական նպատակին — Տաճկահայաստանի ազատութեանը աւելի կատարելութեամբ հասնելու համար»:

Վերջին կէտը՝ համերաշխութիւն բոլոր խմբերի գործողութիւնների միջեւ՝ առանձնապէս հրատապ խնդիր էր: Հակառակ

\*) «Դիւան Է. Յ. Դ.», Ա., էջ 175:

\*\*) Տե՛ս «Դիւան Է. Յ. Դ.», Ա., էջ 161-166:



Առաջին Ընդհ. ժողովի տրամադրութեան՝ ներգաշնակելու առանձին խմբերի ու շրջանների «ապակենտրոն» ուժերը, փաստօրէն շրջաններն ու խմբերը զգում էին իրենց գրեթէ անկախ, եւ Բիւրոյի հեղինակութիւնը, շատ անգամներ անուանական էր: Այս հարցին Ս. Չաւարեանը, Բիւրոյի կողմից գրած նամակներում, յաճախ, անդրադառնում է եւ դառն դանդաւտներ է անում, որ կոմիտէներից եւ ընկերներից ոմանք ապակենտրոնացումը հասցընում են անիշխանութեան:

Ժողովը նախ՝ «ընդհանուր ակնարկ» նետեց «գործերի դըրութեան» վրայ: «Առաջին մի քանի նիստերում ներկայացուցիչները հաշուի հետ միասին ամփոփ կերպով պատկերացրին իրանց ռայոնի (շրջան) յեղափոխական գործի դըրութիւնը, ցոյց տուին թէ՛ գործուած սխալները եւ թէ՛ այն դրական քայլերը, որոնց շնորհիւ գործը ունեցել է այս կամ այն յաջողութիւնը: Նախկին երկու Բիւրօների\*» ներկայացուցիչները ընդհանուր հայեացք ձգելով գործի ամբողջ պատկերի վրայ՝ աւելացրին նաեւ տեղեկութիւններ այն խմբերի գործունէութեան մասին, որոնց ներկայացուցիչները պակասում էին ժողովում: Այս տեղեկագրից կարելի է գալ այն ուրախալի եզրակացութեան, որ գործը այսօր աւելի հաստատ հիմքի վրայ է դրուած, քան էր 92 թ. ժողովից առաջ, որ մեր անելիքները ու միջոցները աւելի գործնական են, քան թէ երկու եւ կէս տարի առաջ եւ Հայ Յեղափոխականների\*\*» Դաշնակցութեան գործունէութիւնը այս չորս տարուան ընթացքում ապարդիւն չէ անցած մեր յեղափոխական զարգացման տեսակէտից: Չէ կարելի չուրախանալ, որ հասարակութեան մէջ վաղուց տիրող անտարրերութիւնը դէպի յեղափոխական գործը օր ըստ օրէ պակասում է, ոչնչանում է եւ, ընդհակառակը, շատերի մէջ հաստատուում է այն համոզմունքը, որ յեղափոխական ծածուկ գործունէութիւնն է այն միջոցը, որով ներկայ հանգամանքներում կարելի է դրական կերպով նպաստել Տաճկահայաստանում յեղափոխութիւն առաջ բերելու գործին»:

Այսպէս բաւական լաւատես դոյներով ներկայացնելով կացութիւնը՝ ժողովը այնուհետեւ անցնում է օրակարգի ամենահիմնական հարցին — կազմակերպական ձեւին — որ, ըստ երեւոյթին, մտքերի տաք փոխանակութեան առարկայ է եղել: Վէճը

\*) Թիֆլիսի եւ Ատրպատականի:

\*\*») Բնորոշ է, որ դեռ շարունակուում է գործածուել Հայ Յեղափոխականների Դաշնակցութիւն անունը, թէեւ Առաջին Ընդհ. ժողովից յետոյ այլեւս անիմաստ էր դարձել այդ անունը. Կուսակցութիւնը դարձել էր Հայ Յեղափոխական Դաշնակցութիւն:



դառնում էր կենտրոնացման եւ ապակենտրոնացման միջեւ «մի-  
ջին ճանապարհը» գտնելու շուրջ, մի խնդիր, որ Առաջին Ընդհ.   
Ժողովում էլ բռուն վէճերի առարկայ էր եղել:

Ըստ երեւոյթին, այս անգամ, սկզբունքի լուրջ տարակար-  
ծութիւն չի եղել. ապակենտրոնացումը ընդունուած էր իբրեւ  
հիմնաքար կուսակցութեան կազմակերպութեան, քանի որ «հա-  
զար վերստերի վրայ տարածուող գործունէութեան շրջանում  
կենտրոնականութիւնը պիտի ստեղծէր մի ահազին տէրութեան  
Իման կազմ, բայց կազմանի կազմակերպութիւն ինքն ըստ ինքեան  
անկարելի բան է: Բացի այդ՝ կենտրոնացումով կը ճնշուէր զա-  
նազան խմբերի շատ անգամ անհրաժեշտ ինքնուրոյնութիւնը, կը  
սահմանափակուէր նրանց զարգացումը, կը հեռացուէր նրանցից  
գործի համար անհրաժեշտ պատախանատութիւնը: Վերջապէս,  
որեւէ պատճառով կենտրոնին հասած վտանգը մեծ հարուած կը  
լինէր ամբողջ կազմակերպութեան համար եւ նոյնիսկ պատճառ՝  
գործի ընդհատման»:

Միւս կողմից, սակայն, «չէր կարելի չհամաձայնուել, որ  
բուն ապակենտրոնացումը կարող է հասցնել նոյնիսկ միմեանց  
հակասող գործողութիւնների զանազան խմբերի մէջ, կարող է  
ուշ ցանկալի մրցումն առաջ բերել միեւնոյն կազմակերպութեան  
պատկանող եւ գործին ծառայող խմբերի եւ անձնաւորութիւն-  
ների մէջ. կարող է ուժերը ու միջոցները բաժանել բոլորովին  
աննպատակալարմար կերպով, եւայլն»:

«Ուստի անհրաժեշտ էր մի միջին ճանապարհ գտնել, պահ-  
պանելով մի կողմից խմբերի եւ ռայոնների ազատութիւնը եւ  
ինքնուրոյնութիւնը, միւս կողմից՝ ապահովել գործնական ներ-  
դաշնակութիւն եւ համերաշխութիւն բոլոր խմբերի միջեւ»:

«Ընդունելով սկզբունքով կազմակերպութեան նախկին ձե-  
ւը», այսինքն՝ ապակենտրոնացումը եւ գիտակցելով, որ «կազ-  
մակերպութիւնը ինք ըստ ինքեան նապատակ չէ, այլ միջոց հաս-  
նելու մեր նպատակին — Տաճկահայաստանի ազատութեան»,  
Ժողովը եկաւ հետեւեալ եզրակացութեան.—

«Ապակենտրոնացումը, որով իւրաքանչիւր ռայոն գործում  
է ինքնուրոյն կերպով, Ժողովս անհրաժեշտ է համարում, որ  
մասնաւոր խմբերը սերտ կապ պահպանեն իրանց ռայոնական  
կոմիտէների հետ, իսկ ռայոնական կոմիտէները՝ Բիւրոյի հետ:  
Երբ հարցը ընդհանուր է, վերաբերում է աւելի լայն շրջանին,  
կամ դրա ազդեցութիւնը կարող է տարածուել գործող խմբի կամ  
ռայոնական կոմիտէի շրջանից դուրս, գործի յաջողութիւնը պա-  
հանջում է, որ այդ դէպքում գործող մարմինը խորհրդակցէ եւ  
աշխատէ համաձայնուել այն խմբերի եւ շրջանի հետ, մինչեւ ուր



հասնում է կատարուելիք գործի ազդեցութիւնը: Իսկ աւելի ընդհանուր բնաւորութիւն ունեցող հարցերում կոմիտէները գործում են Բիւրոյի գիտութեամբ եւ խորհրդակցութեամբ: Նոյնը պիտի լինի, մանաւանդ, կազմակերպութեան ուժերն ու միջոցները գործածելու հարցում»...

«Կոմիտէները Բիւրոյի հետ ունենալիք «խորհրդակցութիւնները» արդիւնաւէտ դարձնելու եւ, առհասարակ, անհամաձայնութիւնների եւ դժգոհութիւնների տեղիք չտալու նպատակով, ժողովը որոշեց, որ «Բիւրօն ընտրողական լինի եւ մինչեւ միւս Ընդհանուր ժողովը բաղկացած լինի 6 ընտրուած անձնաւորութիւններից՝ երեքը Բիւրոյի գտնուած քաղաքից, իսկ մնացեալ երեքը այն նշանաւոր երեք կենտրոններից, որոնց ցոյց է տուել Ընդհանուր ժողովը»:

Որով՝ «կոմիտէների ներկայացուցիչներից կազմուած Ընդհանուր ժողովը մնում է գործի հիմնական ընթացքի ղեկավար, իսկ Բիւրօն մի կապ պահպանող, ներդաշնակութիւն տուող եւ ուժերը նպատակաւարմար բաժանող մի մարմին՝ Հայ Յեղափոխականների Դաշնակցութիւնը կազմող ազատ եւ ինքնուրոյն կերպով գործող մարմինների եւ կոմիտէների մէջ»:

Այս հիման վրայ, ժողովը լուծեց Պարսկաստանի Բիւրօն՝ տալով նրան «ինքնուրոյն խմբի անուն ու նշանակութիւն: Լինելով ազատ իր գործունէութեան մէջ՝ Պարսկաստանի խումբը սերտ յարաբերութիւններ պիտի պահպանէ Բիւրոյի հետ, պիտի ներկայացնէ վերջինիս իր կարծիքներն ու պահանջները, որոնք Բիւրօն պարտաւոր է կատարել իր միջոցները ներկելուն չափ»:

Այս որոշման դէմ բողոքել է Պարսկաստանի ներկայացուցիչը՝ ի նկատի ունենալով, որ «Պարսկաստանի Բիւրօն կազմուել է գլխաւորապէս Վասպուրականի գործիչների ցանկութեամբ», որոնք բացակայում էին ժողովից, եւ, հետեւաբար, ժողովը «ձեռնհաս չէր այդպիսի մի խնդիր լուծելու»:

Պէտք է ենթադրել, որ ժողովում շատ բուռն վէճեր են եղել կազմակերպական հարցերի շուրջ, քանի որ, իբրեւ եղբակացութիւն, ժողովը անհրաժեշտ է համարել սրտազին կոչ ուղղել ընկերներին եւ մարմիններին.— Տաճկահայաստանի «ազատութիւնը պահանջում է անթիւ արիւննաշաղախ զոհեր, անասելի մեծ ոյժ, անյողողող կամք, ծանր եւ վտանգալի ձիւ տարիների անխոնջ գործունէութիւն... ժողովրդական ապստամբութիւնը երկնքից չի իջնում եւ ոչ էլ դետնից սուսկի պէս բուսնում, այլ նախապատրաստում, կնքում, սրբազործում է նոյն ազգի բոլոր մարտիկներին տասնեակ տարիների ընթացքում գործ դրած անընդհատ դառնազին աշխատանքով... Հայկական դրամայի ա-



ուաջին գործողութիւնն է միայն, որը, անշուշտ, տեղի կը տայ շուտով միւս գործողութիւններին... Պէտք է պատրաստ լինել, պէտք է գինուել, պէտք է լարել մեր բոլոր ուժերը գործը յաջողութեամբ պսակելու համար... Ճակատադրական կոիւր յայտարարուած է, յետ դառնալը կամ դանդաղկոտութիւնը՝ ամօթալի, մահարեք, նոյնիսկ անկարելի է»:

Յետոյ, ժողովը ցանկութիւն յայտնեց, որ «բոլոր խմբերը, բոլոր յեղափոխականները իրենց ամբողջ ուժերը գործ դնեն հասկըցնելու, համոզելու ժողովուրդին, թէ որքան անհրաժեշտ է այս գործում, մանաւանդ, իրերի ներկայ դրութեան ժամանակ, հաստատակամութիւնը, տոկունութիւնը, հետեւողականութիւնը»: «Ներկայ հանգամանքներում, այս կամ այն անյաջողութիւնը, չպէտք է մեզ յուսահատեցնէ, նոյնիսկ այս կամ այն յաջողութիւնը, մասնաւոր յաղթութիւնը չպէտք է մեզ գլխից հանէ. մեզ պէտք է ոգեւորէ ընդհանուր գործի վսեմութիւնը, ջերմ հաւատը, սուրբ գործի տանելիք յաղթանակը եւ ուստի, առանց մագաչափ հիասթափման, առանց շիտթման, հերոսական սառնասրտութեամբ եւ անսայթաք հետեւողականութեամբ, յամառ տոկունութեամբ պէտք է ձեռք առնել բոլոր յեղափոխական միջոցները, որ նպատակայարմար կը գտնուին, որ կը զօրացնեն մեր ուժերը»:

Պէտք է արձանագրել նաեւ, որ, հակառակ այսպիսի վճռական տրամադրութեան, «անիշխանութիւնը» կազմակերպութեան մէջ չվերացուեց ժողովից յետոյ էլ, մինչեւ որ յաջորդ Ընդհ. ժողովը վերջնականապէս կազմակերպական ձեւ ու կերպարանք առեց Դաշնակցութեան: Այս ժողովը, սակայն, նպաստեց, որ խնդիրները աւելի որոշ ու յստակ ձեւով տրուին: Երկրորդ Ընդհ. ժողովի մշակած կազմական կանոնների մէջ ներկայ ժողովում արծարծուած հարցերից շատերը բիւրեղացան ու վերջնական ձեւ ստացան:

Ժողովի դրադման յաջորդ հարցերը եղան կեանքի պահանջներից թելադրուած մի շարք գործնական խնդիրներ: Ամենից առաջ՝ կազմակերպութեան զօրացման եւ յեղափոխական ուժերի բաշխման մտահոգութիւնը.— «Ամենկարեւոր մեր անելիքներից մէկն է շատացնել Տաճկաստանում ղեկավարող, կազմակերպող ուժերի քանակութիւնը: Զեղած տեղերը հարկաւոր է որ լինին դրանք. եղածներում անհրաժեշտ է, որ ընկնողներին փոխարինեն նորերը: Այս պատճառով ժողովը որոշեց. «Ներկայացուցիչները իրենց ուսյոնները վերադառնալուն պէս անմիջապէս կոմիտէի խնդիր դարձնեն կազմակերպող ուժեր ուղարկելու հարցը եւ համաձայնութիւն տուողների մասին առանց ուշացնելու լուր տան



Բիւրոյին» : Բիւրօն , տեղական ուժերի հետ համախորհուրդ , իսկ  
ուր չկային ներկայացուցիչներ , սեփական հայեցողութեամբ ու  
միջոցներով պէտք է դործիչներ մտցնէր Երկիր եւ կազմակեր-  
պութիւն ու յեղափոխական դործ առաջ բերէր :

Յաջորդ կարեւոր խնդիրը ճանապարհների եւ կայանների  
հարցն էր՝ յեղափոխական դործի վայրերի եւ արտասահմանի  
միջեւ : Ժողովը ամենից աւելի կարեւոր է գտնում հաղորդակցու-  
թեան երեք պծերը՝ 1) դէպի Մուշ , 2) դէպի Վասպուրական , 3)  
դէպի Ալաշկերտ-Վան : «Ժողովը պարտք դրեց սահմանակից ու-  
յոնների վրայ կանոնաւորել յիշեալ ճանապարհները , պակաս  
տեղերը լրացնել կայանները , նշանակել հարկաւոր մարդիկ» :

Փաստօրէն այդ ճանապարհները արդէն գոյութիւն ունէին :  
Դշանակցութեան կեանքի առաջին օրերից հէնց լուրջ աշխատանք  
էր թափուել ապահով ճանապարհներ ստեղծելու՝ կապուելու  
համար երկրի զանազան շրջանների հետ — Կարսի շրջանից՝ Բա-  
սէն ու Կարին , Սուրմալուից՝ Բայազէտ , Ալաշկերտ , Մուշ եւ  
յարակից վայրերը , Պարսկաստանից՝ դէպի Վասպուրական եւ  
աւելի հեռուները : Այդ ճանապարհները երբեմն վտանգաւում էին .  
հաղորդակցութիւնը խանդարւում էր նաեւ ուժերի պակասի հե-  
տեւանքով : Այժմ , դործի ընդարձակումով , պահանջ էր զգացւում  
միշտ բանուկ գաղտնի ճանապարհներ ունենալ , որի համար ան-  
հրաժեշտ էր զօրացնել կայանները , ամէն տեղ մարդիկ դնել ,  
զէնքի ու ռազմամթերքի պահեստներ հաստատել , պահել մնա-  
յուն վալատներ : Այդ ճանապարհները կազմում էին յեղափոխա-  
կան դործի արիւնատար երակները , որոնց դործունէութիւնից եւ  
ապահովութիւնից էր կախուած յեղափոխական շարժման անսայ-  
թաք զարգացումը :

Նոյնքան կարեւոր էր , ի հարկէ , եւ զէնքի ու նիւթական մի-  
ջոցների հայթայթման հարցը : Զէնքի դործի վրայ աշխատում  
էին արդէն յատուկ մարդիկ , որոնք Բագուից , Ռուսաստանի զա-  
նազան քաղաքներից զէնք էին դնում եւ փոխադրում Պարսկաս-  
տան կամ սահմանամերձ միւս շրջանները : Թաւրիզում հիմնուած  
էր Դաշնակցութեան զէնքի արհեստանոցը Գալուստ Ալոյեանի եւ  
Արիստակէս Զօրեանի ղեկավարութեան տակ : Բայց զէնքի պա-  
հանջը օրէցօր մեծանում էր , եւ Դաշնակցութիւնը պարտաւոր էր  
նոր միջոցներ գտնել : Ժողովը այդ մասին եկաւ հետեւեալ եզրա-  
կացութեան .—

«Հեռու լինելով այն կարծիքից , թէ Ընկերութիւնը կարող է  
զինել ամբողջ ժողովուրդը , նոյնիսկ նրա մէկ տասներորդ մասը ,  
Ժողովը մնում է համամիտ 92 թուի ժողովի հետ , հետեւեալ  
պատճառներով : Առաջին՝ ներկայ պայմաններում շատ դժուար



է տեղացիների համար զէնք դնել մուլեռանդ մահմետականներին : Երկրորդ՝ շատ անգամ գործին նուիրուած մարդիկ աղքատ լինելով՝ անկարող են ձեռք քցել կուռելու պարագաներ : Մենք չենք խօսում բուն յեղափոխական խմբերի մասին, որոնց օգնելը արդէն Ընկերութեան ուղղակի պարտքն է : Միւս կողմից, օժանդակ հանդիսանալով զէնք տարածելում, դրանով մեծ վարկ տուած կը լինինք եւ նրան, որ ժողովուրդը ինքը կը ձգտի զինուել, որից յետոյ արդէն գալիս է զէնքից օգտուելու խնդիրը — պաշտպանողական եւ յարձակողական դիրք բռնելը : Ի նկատի ունենալով անցեալի փորձը՝ ժողովը կարծում է, որ երկրում յեղափոխական գործը առաջ տանողները պիտի ձգտին ինչքան կարելի է զէնքը ձրի չբաժանել եւ տալ, հարկաւ, գործին շատ մօտ կանգնած մարդկանց : Ինչ վերաբերում է զէնք ձեռք բերելու հարցին՝ դա վերապահուում է ամէն մէկ գործող խմբի, որ, հարկաւ, հետամուտ կը լինի թէկուզ քիչ, բայց լաւ զէնքեր դնելու ձեռնհաս եւ փորձուած մարդկանց միջոցով, որպիսի գործունէութեան մէջ կարող է օգտակար լինել եւ Բիւրօն՝ տեղեկութիւններ տալով այն մասին, թէ ո՞րտեղ եւ ի՞նչպիսի գներով կարելի է դնել լաւագոյն զէնքեր : Ինչքան անհրաժեշտ է զէնք ձեռք բերելու գործը ընդարձակել, նոյնքան էլ կարեւոր է, որ բոլոր խմբերը ձգտին դրամի հարցը հաստատուն եւ տեւողական հիմքերի վրայ դնել :

Դրամական հարցի մասին ժողովի որոշումն է. —

«Բացի զանազան ժամանակաւոր ձեռնարկութիւններից, նաեւ կարեւոր նշանակութիւն են ստանում ամսական վճարները, որոնցով, եթէ կանոնաւոր տարուի դրամ հաւաքելու այդ եղանակը, յեղափոխական գործունէութիւնը չի ընդհատուի եւ չի ենթարկուի պատահական տատանումների, այլ առաջ կը տարուի կանոնաւոր տեւողականութեամբ անընդհատ : Որպէսզի Բիւրօն կարողանայ այս կամ այն ընդհանուր բնաւորութիւն ունեցող ձեռնարկութիւնները անել, անհրաժեշտ է, որ խմբերը շուտ-շուտ տեղեկութիւններ տան իրենց ունցածի մասին : Ամենաուշը խմբերը 4 ամիսը մի անգամ եւ Բիւրօն տարին մի անգամ հաշիւ են ներկայացնում՝ առաջինները Բիւրօնին, երկրորդը՝ բոլոր ռայոնական կոմիտէներին : Դրամ ժողովելու համար չզիմել այնպիսի միջոցների, որոնք կարող են այսպէս կամ այնպէս վիրաւորել գործիչների զգացմունքը. յեղափոխական մեծ գործի համար զոհողութիւն անողը ողորմութիւն չէ տալիս, որ հարկ լինի նուատանալ, վիզ ծռել նրա առաջ. նա իր ամենատարրական եւ ամենասրբազան պարտքն է կատարում եւ, հետեւաբար, առանց գործիչների կողմից զանազան խոստումների, երշխաւորութիւնների, ճարտար լեզուի, պարտաւոր է օժանդակել գործին ինչքան



կարող է, ինչով ձեռնհաս է. նա հաւատ պիտի ընծայի յեղափոխական գործիչներին... Ինքն ըստ ինքեան հասկանալի է, որ ուղղակի գործում չմասնակցող խմբերը, որոնք ծախսի զգալի պահանջներ չունին, իրանց միջոցները գործ են դնում կամ Բիւրոյին յանձնելով, կամ, ըստ ցուցման Բիւրոյի, ուղարկելով իրանց միջոցները ուրիշ գործող խմբերի» :

Ժողովը քննութեան է առնում եւ գրաւոր պրոպագանտի խընդիրը եւ «լուրջ նշանակութիւն տալով ճշմարիտ ազիտացիային՝ հրաւիրում է բոլոր խմբերին, կազմելով խմբագրական մասնա-ժողովներ, միշտ նիւթ մատակարարել Բիւրոյի միջոցով Լնկե-լութեան օրգան «Դրօշակ»ին, եւ բարձրացնել զանազան հարցեր, որոնք ունին այս կամ այն յեղափոխական նշանակութիւն: Շտապողական դէպքերում տեղական խմբերը պիտի աշխատին թռուցիկ թերթերով «Հայ Յեղափոխական Դաշնակցութեան այսինչ ճիւղ» ստորագրութեամբ վառ պահել հասարակութեան հետաքրքրութիւնը դէպի յեղափոխական գործը: Որպէսզի այդ թռուցիկները մասին տեղեակ լինին միւս խմբերը, լաւ կը լինէր Բիւրոյի միջոցաւ յաջողակները դրանցից տարածել ռայոնից դուրս» :

Ժողովը զգում է նաեւ «մի գիտնական-լուրջ պարբերականի հրատարակութեան կարեւորութիւնը» եւ «որոշեց գտնել ձեռնհաս խմբագիր եւ աշխատակիցներ այդ գործը գլուխ բերելու համար: Կոմիտէները պարտաւոր են ձեռք բերել նիւթական միջոցներ» :

Այս որոշումը, սակայն, մնաց միայն թղթի վրայ: Դաշնակցական մտաւորականութիւնը, սակաւ բացառութեամբ, յափըշտակուած էր յեղափոխական կենդանի գործով. նոյնիսկ ամենէն որակեալ դէմքերը, ինչպէս Քրիստափոր, Զաւարեան, աւելի գերադասում էին յեղափոխական-կազմակերպական անմիջական գործը, քան թէ մամուլն ու գրականութիւնը: Քիչ յետոյ՝ Բիւրօն Ռոստոմին էլ կանչում է Ժընեւից Երկիր ուղարկելու համար՝ անստոյգ վիճակի մատնելով «Դրօշակ»ի խմբագրութիւնը: Բացի «Դրօշակ»ից, ուր Դաշնակցութեան սկզբունքները պարզաբանող քիչ-շատ լուրջ յօդուածներ էին լոյս տեսնում, թղթակցութիւններ Երկրից եւ որոշ տեղեկութիւններ կուսակցութեան գործունէութեան մասին, առանձին հրատարակութիւններ շատ քիչ են եղել: Եւ այնուհետեւ էլ, երկար ժամանակ, գրաւոր պրոպագանտը մեծ տեղ չի գրաւել Դաշնակցութեան գործունէութեան մէջ. նախապատուութիւն է տրուել գործի պրոպագանտին: Տասը տարուայ ընթացքին, 1890-1900, հազիւ 10-12 գրքոյկ է հրատարակուել, մեծ մասամբ վտիտ տետրակներ: Հետաքրքրական է այդ հրատարակութիւնների ցանկը.— «Ապստամբական Ուլի», «Յե-



դափոխական կեանքից», «Գաղտնի տպարան», «Գիտական Սոցիալիզմ», Ֆ. Էնդէլս, «Հ. Յ. Դաշնակցութեան Ծրագիր» արեւելեան եւ արեւմտեան բարբառներով, «Կուկուենեանի խմբի արշաւանքը», «Կարնոյ յիշատակին», “Homo homini lupus”, Վարդգէս, «Ներտասարդներին», Կրապոտկին եւ «Ազատութեան Ճանապարհին», Ղարիբ: Մի գրքոյկ էլ հրատարակել է ժընեւի հայ ուսանողական միութիւնը՝ «Սոցիալիզմ եւ Սոցիալիստական շարժումը 19-րդ դարում», Վ. Զոմբարտի:

Ի վերջոյ, ժողովը քննեց Հայկական Հարցի դիւանագիտական պաշտպանութեան միջոցները եւ «մի կողմից համոզուած լինելով, որ Թուրքիայում կատարուող ամենայն մի փոփոխութիւն եւրոպական պետութիւնները միշտ կապում են իրենց հազերի հետ եւ, հետեւաբար, հայկական խնդրի այս կամ այն կերպ լուծելը լինելու է այդ պետութիւնների համաձայնութեամբ, եւ միւս կողմից՝ ի նկատի առնելով, որ, օրինակ, Անգլիայում, բացի հասարակական կարծիքի եւ կառավարութեան շրջանների նըպաստաւոր տրամադրութիւնից, գոյութիւն ունին նոյնիսկ ամբողջ միութիւններ (Անգլո-Հայկական Միութիւնը եւ Հայկական Դաշնակցութիւնը), որոնք ներգործական դեր են վերցրել իրենց վրայ հայկական խնդրին նպաստելու համար, այս հանգամանքների վրայ հիմնուելով՝ վճռուեցաւ կազմակերպութեան կողմից, ըստ կարելւոյն ազենաներ ուղարկել Ներոպա, որոնք աշխատէին օգտուել հանգամանքներից՝ եւրոպական հասարակական կարծիքի վրայ ազդել, որոշ գործունէութեան հրաւիրէին Ներոպայի զանազան անկիւններում եղած հայկական ուսանողական թէ՛ այլ կոլոնիաները, կապէին դրանց իրար հետ եւ, որ գլխաւորն է, անմիջապէս լիակատար տեղեկութիւններ հաղորդէին Բիւրոյին՝ եւրոպական քաղաքական շրջաններում տիրող տրամադրութեան եւ, մասնաւորապէս, Անգլիայում եղող միութիւնների վերաբերմամբ: Վերջինը կարելոր է, նամանաւանդ, այն պատճառաւ, որ մեր հասարակութիւնը բոլորովին գաղափար չունենալով, օրինակ, Անգլո-Հայկական Միութեան մասին՝ շատ անգամ հարց է դնում նրանց նիւթապէս օգնելու նկատմամբ, թէ՛ եւ մինչեւ այժմ դեռ ոչ ոք չգիտէ՝ ի՞նչ է աւելի կարելոր ներկայումս յիշեալ Միութեան, արդեօք դրա՞մ, թէ՛, օրինակ, լոկ փաստական տեղեկութիւններ Հայաստանում կատարուող բարբարոսութիւնների մասին եւ կամ որոշ գործունէութիւն Մայր հողի վրայ»:

Յաճախ կրկնուած մեղադրանք է Դաշնակցութեան հասցէին, հայ հակառակորդների եւ որոշ օտար շրջանակների կողմից, թէ նա գործել է անգլիական դիւանագիտութեան դրդումով, նոյնիսկ գործիք դառնալով նրա ձեռքին: Այս, ինչպէս եւ ուրիշ փաստե-



րից, պարզ երեւում է, որ Դաշնակցութիւնը թէ՛ սկզբնապէս եւ թէ՛ այնուհետեւ ոչ միայն ոչ մի կապ չի ունեցել Անգլիայի կամ ուրիշ որեւէ պետութեան հետ, այլ նոյնիսկ մօտից տեղեակ էլ չի եղել, թէ ինչ է կատարուում այնտեղ ի նպաստ Հայկական Հարցի: Եթէ անպատճառ անհրաժեշտ է մեղադրել, աւելի ճիշդ եւ արդար էր լինէր մեղադրել ա՛յն օրերի Դաշնակցական ղեկավարներին այն բանի համար, որ նրանք քիչ են հետաքրքրուել արտաքին հարցերով, քաղաքական աշխատանք չեն կատարել արտասահմանում եւ սմբողջապէս կլանուել են յեղափոխական գործի ներքին կազմակերպութեամբ եւ մարտական ձեռնարկներով, երբեմն առանց բաւարար չափով ներդաշնակելու ներքին աշխատանքը արտաքին պայմանների հետ: Շուտով, սակայն, այս թերութիւնը դիտակցուեց, եւ Երկրորդ Ընդհ. Ժողովից յետոյ Դաշնակցութիւնը իր գործունէութեան կարեւոր մէկ մասը դարձրեց արտաքին պրոպագանտն ու քաղաքական աշխատանքը արտասահմանում՝ այդ գործին յատկացնելով իր ամենահեղինակաւոր ոյժը՝ Քրիստափորին:



## ԿՈՒԿՈՒՆԵԱՆ ԱՐՇԱԻԱՆՔԸ

Հ. Յ. Դաշնակցութիւնը հիմնուեց 1890 թ. ամառը, Թիֆլիսում: Դրանից առաջ, Մայիսին, Պետերբուրգից Թիֆլիս էր եկել ուսանող Սարգիս Կուկունեանը երկու ընկերների՝ սղնախեցի Կոստ. Լիսինեանի եւ Ռուբ. Յովհաննիսեանի հետ, որոնք գործակատարներ էին մի վաճառատան մէջ եւ հայրենասիրական դաշակարներով տոգորուած՝ ընկերացել էին Կուկունեանին: Այս վերջինի նպատակն էր դիմուած խումբ կազմելով Կովկասում՝ մտնել Թրքահայաստան կոուելու համար թուրք բռնակալութեան դէմ:

Սարգիս Կուկունեանը ծնուել էր 1866 թ. Նուխի գաւառի Նիփ գիւղում, ուտիացի մի չքաւոր ընտանիքում: Տարրական կրթութիւնը ստացել էր գիւղում, իր հօրեղբոր տէր-Թողիկեան դպրոցում: Ապա յաջողել էր ընդունուել Էջմիածնի Գէորգեան ձեմարանը: Ընդունակ, աչքբաց եւ ուսումնատենչ տղայ էր, ձեմարանի յառաջադէմ աշակերտներից, բայց նրան չէր վիճակուած աւարտել ձեմարանական դասընթացքը. 1883 թ., երբ նա 6-րդ դասարանում էր, տեղի են ունենում աշակերտական մեծ խռովութիւններ, որոնց հետեւանքով ձեմարանից արտաքսուում են շուրջ 80 աշակերտներ. դրանց թւում էր եւ Կուկունեանը: Ապա՝ նա մտնում է Թիֆլիսի Ներսիսեան դպրոցը, որ եւ աւարտում է 1884-ին:

Այնուհետեւ, Բագուի Մարդասիրական Ընկերութեան աջակցութեամբ, Կուկունեանը մեկնում է Պետերբուրգ, ուր մըտնում է համալսարանի իրաւաբանական բաժինը, իբրեւ ազատ ունկնդիր, որտեղից շուտով փոխադրուում է Արեւելեան Լեզուների բաժինը:

Պետերբուրգում Կուկունեանը մտնում է ընդհանուր յեղա-





ԿՈՒԿՈՒՆԵԱՆ ԽՈՒՄՐԻ ՋԵՐՐԱԿԱԼՈՒԱԾ ՀԱՅԴՈՒԿՆԵՐԸ

փոխական խմբակների մէջ, մտերիմ յարաբերութիւններ է հաստատում լեհ ու բուլղար յեղափոխական երիտասարդութեան հետ, միեւնոյն ժամանակ մխրճւում է հայ ուսանողական կեանքի մէջ: Պետերբուրգի հայ ուսանողութիւնը, ութսունական թուականների վերջերը, տարուած էր հայրենասիրական դաշափարներիով. ինքնազարգացում, աղղային դատ, Հայկական Հարց, յեղափոխական խմորումներ, պատրաստութիւն ապագայ հայրենասիրական դործունէութեան համար — այս հարցերն էին յուղում երիտասարդութեան մտքերը: Կուկունեանը շուտով դառնում է հայ ուսանողութեան կենտրոնական դէմքերից մէկը: Վերակազմում է ուսանողական գրադարանը: Նրա ջանքերով հիմնւում է ուսանողների փոխադարձ օգնութեան ընկերութիւն: Արժարժում է հայերէն չիմացող ուսանողների մէջ մայրենի լեզուն սովորելու միտքը: Ոյժ է տալիս հայերէն գրքոյկների հրատարակութեան ու տարածման ժողովրդի մէջ: Կասկ է հաստատում նաև ոչ-ուսանող հայ երիտասարդների եւ հարուստների ու մայրաքաղաքի ազգեցիկ հայերի հետ: Առանձնապէս մտերմանում է Կար. Եղեանի հետ եւ օգնում նրա «Պետրոս Մեծի Յարաբերութիւնները Հայոց հետ» ուսուերէն մեծ հատորի պատրաստումը:



տութեան : Պարապում է նաեւ դինավարժութեամբ , իբրեւ անհր-  
րաժեշտ սլալման իր ասլաղայ դործունէութեան :

1890 թ . սկիզբը գերագրգիռ վիճակ էր տիրում հայութեան  
մէջ : Ամենքի մտահոգութեան առարկան էր թրքահայոց հարցը :  
Ամէն կողմից յեղափոխական դործունէութեան պահանջ էր դըր-  
ւում : Կուկունեանը այլեւս չի կարողանում հանդիստ մնալ Պե-  
տերբուրգում : Առնելով հետը իր մտերիմ ընկերներ Լիսիւնեանին  
եւ Յովհաննիսեանին՝ նա մեկնում է Թիֆլիս՝ այնտեղից Երկիր  
անցնելու նպատակով :

Թիֆլիսում Կուկունեանը ջերմ ընդունելութիւն է գտնում  
Գր . Արծրունիի շրջանակի եւ , առհասարակ , հայութեան բոլոր  
խաւերի կողմից : Մեծահարուստ Մանթաշեանը , Մատուրեանը  
եւ ուրիշներ ասպհովում են նրա համար պահանջուած դրամը ,  
եւ Կուկունեանին յաջողում է իր շուրջը հաւաքել մի քանի տաս-  
նեակ երիտասարդներ , ձեռք բերել նրանց համար զէնք ու ռազ-  
մամթերք : Յունիսին խումբը փոխադրւում է Կարսի շրջանի սահ-  
մանամերձ գիւղերը , ուր սկսում են , ամէն կողմից , հաւաքուել  
նոր ուժեր եւ պատրաստութիւններ են տեսնւում սահմանը անց-  
նելու համար :

Երբ Հ . Յ . Դաշնակացութիւնը հիմնուեց , Կուկունեանի ձեռ-  
նարկը արդէն իր ընթացքի մէջ էր : Որոշուած էր եւ արշաւա-  
խմբի դործունէութեան ծրագիրը . Կուկունեանը մտադիր էր իր  
խմբով մտնել թրքահայաստան , այնտեղ խումբը բաժանել զա-  
նազան մասերի եւ տեղաւորել ռազմագիտական յարմարութիւն-  
ներ ունեցող վայրերում . ասլա տեղական ուժերով զօրացնել  
խմբերը , մարդել ու կազմակերպել եւ ձեռնարկել յեղափոխական  
կռիւների թրքական վարչաձեւի եւ թուրք ու քիւրտ հարստահա-  
րիչների դէմ : Կուկունեանը ինքը իրեն էր վերապահում ընդհա-  
նուր ղեկավարութիւնը այդ շարժման :

Իր ձեռնարկին աւելի ոյժ ու հեղինակութիւն տալու համար ,  
Կուկունեանը դիմում է Հ . Յ . Դաշնակցութեան Կենտրոնին , որ  
նա ստանձնէ արշաւախմբի վերին հովանաւորութիւնը եւ աջակ-  
ցէ իրեն արշաւանքը շուտով դլուխ բերելու : Կենտրոնը ընդա-  
ռաջ է գնում եւ լրացնում է խմբի կազմն ու զէնքերը : Ոգեւորու-  
թիւնը Կուկունեանի խմբի շուրջ անսահման էր : Երիտասարդու-  
թիւնը ամէն կողմից աղերսում էր ընդունուելու խմբի մէջ : Ժո-  
ղովուրդը ոչինչ չէր խնայում , ուտելիք ու հագուստ էր հասցը-  
նում խմբի անդամներին , պատասպարում ու հիւրասիրում էր նը-  
րանց : Կուկունեանի անձի շուրջ առասպելներ ու երգեր էին հիւս-  
ւում : «Ամէնքը համողուած էին , պատմում է խմբի անդամներից  
Ստ . Յարութիւնեանը , որ Հայաստանը շատ շուտով պիտի փըր-



կըլի, եւ բոլոր դասակարգերը միացած էին «Սուրբ գործ»ի շուրջը: Գիւղացիները մեծ անսպասուածութիւն էին համարում, երբ մենք դրամ էինք առաջարկում որեւէ բանի համար: Բնորոշ է, որ կանայք աւելի ոգեւորուած էին, աւելի ջերմ մասնակցութիւն էին ցոյց տալիս, քան տղամարդիկ, թէեւ սրանք էլ անվերապահ համակիր էին մեր գործին: Ի՞նչ հրաշալի տեսարանների ենք ներկայ եղել, ի՞նչ գուրգուրանք, խանդակաթ սէր ու յարգանք տեսել ամէն կողմ»...

Եւ մինչ տեղի էր ունենում խմբի կազմակերպութեան այս ցուցական աշխատանքը, այն վստահութեամբ, որ ռուս կառավարութիւնը համակիր է թրքահայոց ազատագրական շարժման, ռուսական իշխանութիւնը աշալքութեամբ հետեւում էր կատարուող քայլերին եւ, ի վերջոյ, միջոցներ ձեռք առաւ արդիւյնի: Ռուս քաղաքականութիւնը, Աղեքսանդր Երրորդ Յարի վահակալութիւնից յետոյ, սկսել էր փոխել իր բարեացակամ վերաբերումը դէպի հայերն ու Հայկական Հարցը: Նա չէր ուզում թրքահայաստանից ստեղծել «երկրորդ Բուլղարիա»: Կովկասի կառավարչապետ Շերեմետիւնը յայտնել էր Գր. Արծրունիին, երբ վերջինս նրա միջոցով խնդրել էր ռուս կառավարութեան պաշտպանութիւնը թրքահայերին. — «Այդ բանը, ներկայ վայրկեանիս, չի համապատասխանում ռուս կառավարութեան դիտաւորութիւններին»:

Շերեմետիւնի այս պատասխանից յետոյ, Գր. Արծրունին այլեւս բոլորովին քաշուեց քաղաքական գործերից: Հ. Յ. Գաշնակցութիւնն էլ ստիպուած էր հաշուի առնել ռուս կառավարութեան բացասական վերաբերումը եւ ըստ այնմ ուղղութիւն տալ իր գործունէութեան: Որքան էլ Կուկունեանի ձեռնարկը հրապուրիչ երեւոյթ էր, իբրեւ գործունէութեան առաջին քայլ, Գաշնակցութեան Կենտրոնը նպատակայարմար չգտաւ մեծ խմբով ցուցական արշաւանքը, որից կարող էին բարդութիւններ ծագել եւ դժուարութիւններ ստեղծուել ապագային: Կենտրոնը փորձեց կասեցնել արշաւանքը, այդ նպատակով Կոստ. Սատիսեանին, ապա իշխ. Արղութեանին եւ Սիմ. Զաւարեանին ուղարկեց Կուկունեանի մօտ, որ արդէն անցել էր խմբի դուրսը, Սարիղամիշի շրջանում, բայց այլեւս ուշ էր. խումբը կազմ ու պատրաստ էր, արշաւանքի բոլոր պատրաստութիւնները տեսնուած էին, յետաձգումը կարող էր խորունկ հիասթափութիւն առաջ բերել հասարակութեան մէջ. Կուկունեանն էլ յամառ կերպով պնդում էր արշաւանքի անհրաժեշտութեան վրայ:

Կենտրոնը, հաշուի առնելով բոլոր հանգամանքները, ի վերջոյ, տուեց իր համաձայնութիւնը, եւ Սեպտ. 23-ին, սահմանա-



մերձ Չուրուկ գիւղից արշաւախումբը շարժուեց դէպի Թրքահա-  
յաստան: Խումբը բաղկացած էր 125 հոգուց, որոնցից 15 ձիա-  
ւոր: Դրանց մէջ էին նաեւ, ապագային Պարսկաստանի յեղափո-  
խութեան հերոս Եփրեմը եւ կամաւորական չորրորդ դնդի հրա-  
մանատար Քեռին: Խմբի անդամները կրում էին Մ. Հ. տառերով  
կարմիր ուսադիրներ՝ Մայր Հայաստան: Դատաւարութեան մի-  
ջոցին դատախազը այդ տառերը ներկայացրեց «Միացեալ Հա-  
յաստան» նշանակութեամբ եւ այդ հիման վրայ պնդում էր, թէ  
Կուկուենեանը հետապնդում էր Ռուսահայաստանի անջատումը  
ռուսական կայսրութիւնից եւ միացեալ ու անկախ Հայաստանի  
ստեղծումը: Խմբի առջեւից տարւում էր դրօշակը, որ Կարսի օ-  
րիորդներն էին նուիրել: Դրօշակի մէկ կողմը նաչխուած էր 5  
աստղ եւ մէջտեղը, խոշոր տառերով «61»՝ հայկական հինգ նա-  
հանգները եւ Բերլինի դաշնագրի 61-րդ յօդուածը խորհրդանշող:  
Միւս երեսը՝ մի մեծ դանկ եւ «Վրէժ», «Վրէժ» բառերը:

Արշաւախումբը շարժուեց քահանայի օրհնութեամբ եւ գիւ-  
ղացիներէ ցնծագին բարեմաղթութիւններով: Կովկասահայու-  
թիւնը անսահման յուզումով եւ անձկութեամբ հետեւում էր Կու-  
կուենեանի հետ կապուած լուրերին:

Կուկուենեանի ձեռնարկը, սակայն, շարդարացրեց իր վրայ  
դրուած յոյսերը: Թէ՛ հրամանատարութիւնը եւ թէ՛ խմբի ան-  
դամները անփորձ ու անվարժ երիտասարդներ էին եւ ոգեւորու-  
թիւնից ու զոհարերութեան պատրաստակամութիւնից զատ ոչինչ  
չունէին: Առաջին իսկ քայլերից խումբը նկատուում է չըջակայ  
քրտերից ու սահմանապահ զինուորներից: Իր հետքը ծածկելու  
համար խումբը սպանում է մի քանի քրտեր: Հրամանատարի եւ  
վալադների անփորձութեան հետեւանքով խումբը շեղւում է ճա-  
նապարհից եւ երկար թափառումներից յետոյ, լեռներում ու ձո-  
րերում, խմբի մի մասը հասնում է Խառ գիւղը, Կաղզուանի շրբ-  
ջանում, եւ տեղաւորւում է հանգստանալու գիւղի այգիներում:  
Միւս մասը ցրւում է դանազան ուղղութեամբ: Մի քանի հոգի էլ,  
որոնց թւում եւ Եփրեմը, ճանապարհին ձերբակալւում են սահ-  
մանապահ զինուորներից:

Մինչ Կուկուենեանն ու իր զինակիցները հանգստանում էին  
Խառ գիւղի այգիներում, վրայ է հասնում դաւառապետի օգնա-  
կան Գուգուչովը 15 զինուորներով: Տեղի է ունենում ընդհարում  
ռուս զինուորների եւ արշաւախմբի անդամների միջեւ, որի ժա-  
մանակ սպանւում է մի կողակ: Գուգուչովը օգնական զօրք է բե-  
րել տալիս Կաղզուանից, ձերբակալւում է Կուկուենեանին եւ ըն-  
կերներին եւ, ըստ խմբի անդամների վկայութեան, «հրէշային  
տանջանքների ենթարկելով», տանում նրանց Կաղզուան, ուր 25



օր պահում են բանտում : Ձերբախալուածների թիւը հասնում էր մօտ 50 հոգու . միւսները ցրուելով՝ ազատուում են կառավարական հետապնդումից :

25 օր անցած , բանտարկեալներին շղթայակապ փոխադրում են Կարս : Հակառակ պահակների ձեռք առած խիստ միջոցների , բանտարկեալները ցուցական կերպով «Մեր Հայրենիք» են երգում , որ խորունկ տպաւորութիւն է գործում փողոցներում հաւաքուած հայերի վրայ , որոնք լացով եւ համակրական ու խրատական խօսքերով ճանապարհ են դնում «նահատակներին» :

Բանտարկեալները աւելի ջերմ ցոյցերի են արժանանում Կարսի հայութեան կողմից : Խմբի անդամներից մէկը , որ կարողացել էր ազատուել Խառից , իբրեւ ականատես , այսպէս է նկարագրում դէպքը . — «Սարգիս Կուկունեանի Կարս բերած օրը Կարսի հայութիւնը բոլոր խանութները գոցած էր : Ժողովուրդը խոնուած էր ճանապարհին , փողոցներում , տանիքների վրայ : Կառավարութիւնը թոյլ չէր տալիս , բայց նրան լսող չկար : Շատերը խումբ-խումբ կ'երթային Կաղզուանի ճանապարհը , որտեղէն պիտի բերէին բանտարկեալները : Կէսօրէն յետոյ , հեռուէն երեւցան բանտարկեալները : Կուկունեանը կը քալէր առջեւէն : Տղերքը բոլոր շղթայակապ էին , շրջապատուած էին ոստիկաններով , կողակներով ու հետեւակ զինուորներով : Երբ խումբը մօտեցաւ , ժողովուրդը շատ տրտում ու տխուր էր , բայց տղերքը ուրախ էին : Ու , յանկարծ , բազմութիւնը օդը թնդացուց «կեցցէ՛»ներով եւ այդպէս «կեցցէ՛» աղաղակելով՝ հետեւեց մինչեւ բանտ» :

Եւ միայն Կաղզուանում ու Կարսում չէր . ամբողջ Կովկասի հայութիւնը ցնցուած ու վրդովուած էր ուրա կառավարութեան տմարդի վերաբերումից : Կուկունեանն ու իր ընկերները ազգային հերոսներ ու նահատակներ էին ամենքի աչքին : Գիւղերում ու քաղաքներում , հարսանիքների եւ քէֆերի ժամանակ , առաջին բաժակը պարպում էր «մեր նահատակների» կենացը : Ամենքը սրտատրոփ՝ հետեւում էին բանտարկեալների գործին եւ անհամբեր սպասում դատավարութեան :

Մինչեւ 1893 թ . Ապրիլ , Կուկունեանն ու ընկերները պահուեցին Կարսի բանտում : Նրանց գործը նախ քննուեց ժանդարմական վարչութեան կողմից , ապա յանձնուեց Նահանգալին Դատական Ատեանին , որ իր յատուկ նիստում , ձեռնարկեց դատավարութեան 1893 թ . Ապրիլ 7-ին : Դատարանը ամբողջ կազմով եկել էր Կարս եւ մօտ մէկ ամիս զբաղուեց Կուկունեանի խմբի գործով : Դատախաղութիւնը կանչել էր 350 վկաներ , մեծ մասը քիւրտեր ու թուրքեր , նոյնիսկ թուրքիայից : Դատավար-



բութիւնը դռնփակ էր: Դատախազի կազմած ամբաստանազիրը եւ վկաների մեծ մասի ցուցմունքները ակնյայտնի կերպով խեղաթիւրուած ու միտումնաւոր էին: Դատախազը գործին տուել էր քրէական բնոյթ եւ որպէս այդպիսին էլ ընդունուեց դատարանի կողմից: Պաշտպան փաստաբանի ու մեղադրեալներին բողոքները եւ առաջ բերած փաստերը մնացին անլսելի: Ակներեւ էր, որ կառավարութիւնը որոշել էր դատան կերպով վարուել հայ յեղափոխականների հետ: Եւ դատավճիռը, որ արձակուեց Մայիս 7-ին, իրօք որ դատան էր:

Սարգիս Կուկունեանը դատապարտուեց 20 տարուայ տաժանակիր աշխատանքի:

19 հոգի, որոնց թւում Ստ. Յարութիւնեան (Բալաջան), երեւանցի, Կոստ. Լիսինեան (սղնախեցի), Ռուբ. Դերձակեան (պոլսեցի), Յովս. Մովսիսեան (թաւրիզեցի)՝ 15-ական տարի տաժանակիր աշխատանքի:

2 հոգի՝ Ց-ական տարի տաժանակիր աշխատանքի:

4 հոգի, իրրեւ անչափահասներ՝ նոյնպէս Ց-ական տարի տաժանակիր աշխատանքի: Սրանց մէջ էր եւ ապագայ Եփրեմ Խանը:

Եւ, վերջապէս, մի հոգի էլ՝ 3 տարուայ բանտարկութեան:

Բանտում, մինչեւ դատավարութիւն, մեռան երկու հոգի: Մնացեալները ազատ արձակուեցին:

Սեպտ. 20-ին, բանտարկեալներին շղթայակապ կարսից ճանապարհ են դնում դէպի Թիֆլիս, ուր Դատաստանական Պալատը պիտի վերաքննէր նրանց գործը: Ճանապարհին, ամէն տեղ, հայ ժողովուրդը սրտառուչ ընդունելութիւն ցոյց տուեց նրանց: «Ալեքսանդրապոլ քաղաքի ամբողջ հայ բնակչութիւնը, պատմում է Կուկունեանի խմբից Բալաջանը, դուրս էր եկել ընդառաջ: Արփաչայի ափին խոնուած էր անհաշիւ բազմութիւն կառքերով, ձիաւոր ու ոտով: Ալեքսանդրապոլցիք բնաւ չէին վախենում ոստիկաններից: Մօտենում էին մեզ, համբուրում, զրոյց անում մտերմօրէն: Իրենց եղբայրական վարմունքով մեզ մոռացնէ տուին ճանապարհին քաջած նեղութիւնները»:

Եւ այսպէս՝ ամէն տեղ, ճանապարհին:

Թիֆլիսի բանտում պահեցին մինչեւ 1894 թ. Յունուար: Դատաստանական Պալատը մերժեց վերաքննել դատը, որով մնացի զօրու Երեւանի Նահանգային Դատարանի վճիռը: Դրանից յետոյ, բանտարկեալներին մաս-մաս, բանտից-բանտ չարչարելով, ուղարկեցին տաժանավայրերը՝ Սիրիւր ու Սախալին կղզին: Նրանցից ոմանք չզիմացան հիւսիսի սառնամանիքներին ու մեռան, ոմանց յաջողուեց փախչել ու հետագային կարեւոր դեր կա-



տարել Հ. Յ. Դաշնակցութեան շարքերում, ինչպէս Եփրեմը, Բալաջանը, Ռուբ. Դերձակեանը (Փայլակ) եւ այլն: Մնացածներն էլ ազատ արձակուեցին 1905 թ. ռուսական յեղափոխութիւնից յետոյ: Այս վերջինների մէջ էր եւ ինքը՝ Ս. Կուկունեանը, որ, սակայն, երկար չվայելեց ազատութիւնը եւ, երկու-երեք տարի անցած, Հ. Յ. Դաշնակցութեան դէմ յարուցուած ընդհանուր հալածանքների շրջանում, որպէս Դաշնակցական, նորից ձերբակալուեց եւ մեռաւ Օրենլի բանտում, 1913 թ. Նոյեմբերին:

Այսպէս տմարդի ու դաժան եղաւ ցարական կառավարութիւնը հայ ազատագրութեան ռահվիրաների հանդէպ: Սա մի շառաչուն ապտակ էր նրանց երեսին, որոնք Թրքահայաստանի ազատութիւնը սպասում էին Ռուսաստանից: Միեւնոյն ժամանակ նախազգուշացում նորածագ հայ յեղափոխութեան, որի դրօշակիրներից շատերը որոշ յոյսեր էին կապում ռուսական քաղաքականութեան հետ: Յարական Ռուսաստանը միտք չունէր, իր սահմանին կից «երկրորդ Բուլղարիա» ստեղծելու եւ անողոք էր հայութեան ազգային տնէնչերի վերաբերմամբ:

Կուկունեան արշաւանքը թէ՛ որպէս յղացում եւ թէ՛, մանաւանդ, որպէս իրագործում ձախողեց, բայց, իբրեւ յեղափոխական առաջին ձեռնարկ, զարմանալի ազդեցութիւն արաւ հայ հասարակութեան մտքերի վրայ: Ժողովուրդը նկատեց այն, որպէս յաղթանակ եւ ապրեց ու ոգեւորուեց նրանով: Կուկունեանը դարձաւ ժողովրդի համար հերոսական մի դէմք՝ նահատակի լուսապսակով պսակուած: Կուկունեան արշաւանքը, Հայ Ազատամարտի պատմութեան էջերում, արձանագրուեց, իբրեւ լուսաւոր մի երեւոյթ, որպէս դաղափարական ներշնչումների աղբիւր յաջորդ սերունդների համար:



## ԲԱՆԿ ՕԹՈՄԱՆ

Հնչակեանների անյաջող ձեռնարկը 1894-ին Սասունում, որի հետեւանքով ծանրապէս վնասուեց Տարօնի հայութիւնը, բայց, մանաւանդ, 1895 թ. համատարած կոտորածը եւ Եւրոպայի անտարբեր վերաբերումը, ընդհանուր յուսահատութիւն եւ բարոյալքում առաջ բերին հայ հասարակութեան մէջ: Ամբոխային հոգեբանութիւնը պատահած աղէտի պատասխանատուութիւնը ձգում էր յեղափոխականների վրայ. եթէ նրանք հանդիստ մնային, կոտորածներ տեղի չէին ունենայ: Ամէն կողմ գլուխ էին բարձրացնում յեղափոխութեան հակառակորդ տարրերը, դաւաճաններն ու մատնիչները:

Իր հերթին, օգտուելով առիթից, Թուրք կառավարութիւնն եւս աւելի եւ աւելի խստացրեց հալածանքները յեղափոխականների եւ, առհասարակ, հայութեան դէմ: Սուլթանի պահանջով Հայոց Պատրիարքարանն էլ դուրս եկաւ հրապարակով բանադրելու յեղափոխականներին: Համատարած բնոյթ ստացան խուզարկութիւններն ու ձերբակալութիւնները: Սահմանների վրայ զինուորական նոր ուժեր դասաւորուեցին՝ արգիլելու համար զինուած խմբերի մուտքը եւ ռազմամթերքի փոխադրութիւնը Կովկասից: Թուրք կառավարութիւնը, քաջալերուած մեծ պետութիւնների միջեւ տիրող անհամաձայնութիւններից եւ կոտորածների անպատիժ անցնելուց, ծրագրել էր մահացու հարուած հասցընել հայ յեղափոխութեան եւ դրա հետ միասին՝ Հայկական Հարցին:

Հ. Յ. Դաշնակցութեան ղեկավարութիւնը չէր կարող չզիտակցել տազնապի ծանրութիւնը: Եւ ահա նրա մէջ հասունանում է հարուածին հարուածով պատասխանելու միտքը, որ շուտով գործնական ծրագրի է վերածուում: Մի շարք գրաւոր եւ բանա-



ւոր խորհրդակցութիւններէց յետոյ, Հ. Յ. Դ. Բիւրոյի, Երկրի եւ Պարսկաստանի մարմինների ու գործիչներէ միջեւ, որոշուած է 1896-ին, միաժամանակ, Պոլսում եւ Երկրի ներսը՝ Պարսկաստանից ու Կարսի շրջանից կատարել ընդհանուր յեղափոխական ձեռնարկներ, որոնց բնոյթը թողնուած էր որոշել տեղական մարմիններին. Կովկասեան մարմինները պիտի բերէին իրենց նիւթական եւ բարոյական աջակցութիւնը:

Այդ երեք կէտերում էլ արդէն որոշ պատրաստութիւններ տեսնուած էին, զէնք, ռազմամթերք եւ մարտական ուժեր համախմբած: Կարսի դժով, օրինակ, դեռ 1895-ին, Երկիր էին մտել Սերոբ Աղբիւրի խումբը, Բիթլիս, Հրայր-Դժոխքի երկու խումբերը եւ Արամ Աքամեանի խումբը՝ բոլորը զինուած: Վերջին խմբերը կենտրոնացած էին Բասէնում եւ իրենց գործունէութիւնը տարածել էին շրջակայ գիւղերի վրայ, մինչեւ Կարին, Ալաշկերտ եւ Խնուս՝ կազմակերպելով ու զինելով տեղական երիտասարդութիւնը ինքնապաշտպանութեան եւ յեղափոխական նպատակների համար: Միեւնոյն ժամանակ, Կարսի նահանգի հայկական գիւղերում կազմուած էին զէնքի պահեստներ եւ հաւաքուած մարտիկներ՝ Երկիր մտցնելու համար: Մրազբուած էր զինուած ուժեր կենտրոնացնել որոշուած վայրերում Երկրի մարմիններէ հետ համախորհուրդ ընդհանուր գործողութեան սկսելու:

Ներքին եւ արտաքին դէպքերը, սակայն, աննպաստ էին, եւ ծրագրի գործադրութիւնը օր օրի վրայ յետաձգուած էր: 1896-ի ամառը, Վանի «Մեծ Դէպք»ի լուրը առնելուց յետոյ, Կարսում, գումարւում է զինուորական խորհուրդ՝ Բիւրոյի ներկայացուցչի, Արիստակէս (Կարօ) Զօրեանի, Ղարա-Մելիքի, Արամելիքի, Երկրից յատուկ այդ նպատակով եկած Արամ Արամեանի, Հրայր-Դժոխքի եւ ուրիշների մասնակցութեամբ, որ հանգամանօրէն քննում է ստեղծուած կացութիւնը, Երկիր զինուած ուժեր մտցնելու հնարաւորութիւններն ու հետեւանքները, միջազգային քաղաքական պայմանները, կուսակցութեան եւ ժողովրդի հոգեբանութիւնը, տրամադրելի ուժերը եւ, մասնաւորապէս, Վանի դրութիւնը եւ ձայների մեծամասնութեամբ որոշուած է, քսան օրուայ ընթացքում պատրաստ լինել անցնելու սահմանը, բայց ակներեւ էր, որ բոլորի մէջ էլ տիրում էր վարանում Վանի դէպքերի կապակցութեամբ — նոր կոտորածների առիթ տալու վախը:

Յաջորդող դէպքերը թոյլ շտուին այս որոշման գործադրութիւնը. խորհրդակցութիւնից վերադառնալով, Յուլիս 2-ին, Բասէնի Քէօփրիքոյ գիւղում, մատնութեամբ, ձերբակալուեցին եւ Կարինի բանտը փոխադրուեցին Արամ Արամեանը եւ Հրայր-Դժոխքը, որով շրջանի կազմակերպութիւնն ու մարտական



խմբերը մնացին առանց ղեկավարութեան, եւ Հրայրի ու Արամեանի խմբերի անդամները մեծ մասը վերադարձաւ Կովկաս: Թուրք կառավարութիւնը աւելի եւս ուժեղացրեց հսկողութիւնը սահմանամերձ վայրերի վրայ՝ ոռու սահմանապահ զօրքի աջակցութեամբ: Մինչ թուրք իշխանութիւնները դաժան միջոցներ էին դործադրում Տրապիզոն-Կարին-Բասէն-Ալաշկերտի շրջանները մաքրելու համար հայ յեղափոխականներից, ոռու կառավարութիւնն էլ իր հերթին, նոյնպիսի խտրութեամբ պահում էր սահմանագիծը՝ ձերբակալելով Կարսի, Բաթումի եւ Սուրմալուի շրջանների Դաշնակցական առաջնորդներին: 1896ի ամառը, ոռութրքական սահմանը փաստօրէն դարձել էր անանցանելի, մանաւանդ, խմբերի համար:

Յուլիս 21-23-ին, Կարսում, դումարում է մի նոր զինուորական խորհուրդ քննելու համար նոր կացութիւնը: Խորհուրդը՝ հաշուի առնելով Վանում կատարուած ծանր դէպքերը, Հրայրի եւ Արամեանի ձերբակալութեան հետեւանքով մարտական խմբերի քայքայումը, Բաթումի եւ Տրապիզոնի շրջանի նոր ձերբակալութիւններին յաջորդած դժուարութիւնները, միջազգային աննպաստ հանդամանքը, այլեւ, արշաւանքի հետեւանքով, կոտորածների հաւանականութիւնը՝ գրեթէ միաձայնութեամբ որոշում է ձեռնարկը յետաձգել եւ խմբերը ցրել: Մէկը միայն քուէ տալիս է ի նպաստ արշաւանքի, բայց դրա մասին էլ Զաւարեանը իր նամակներից մէկում ասում է. «Ներքուստ կարծեմ դէմ էր»:

Վիճակը աւելի լաւ չէր եւ Պարսկաստանի սահմանի վրայ, որտեղ արդէն պատրաստութեան մէջ էր արշաւախումբը դէպի Վասպուրական: Պետոյի, Աւետիսեանի, Մարտիկի եւ ընկերների եղերական մահը եւ Վանի ժողովրդի տուած կորուստը անդրադարձան եւ Սալմաստում համախմբուած ուժերի եւ ղեկավարութեան վրայ: Տուեալ պայմաններում ոմանք անհնար, ոմանք էլ անիմաստ էին դառնում ծրագրուած եւ արդէն նախապատրաստուած արշաւանքը, որի համար առատ դէնք ու ռազմամթերք էր կենտրոնացուած Թաւրիզում եւ Սալմաստում: Միայն Թաւրիզի պահեստներում կար 50,000 փամփուշտ եւ համապատասխան քանակութեամբ ատրճանակ ու հրացան: Մի քանի հարիւր մարտիկներ հաւաքուած ու տեղաւորուած էին Սալմաստի գիւղերում: Նիւթական միջոցներ էլ կային բաւարար չափով: Ապահովուած էր նոյնիսկ Բաֆֆիի հերոս Խենթի մասնակցութիւնը արշաւանքին: 1896 թ. Ապրիլ 10-ին, Երեւանում, պայմանադրութիւն էր ստորագրուել Դաշնակցութեան Կոմիտէի եւ Խենթի (Սամսոնի) միջեւ, որի համաձայն Խենթը, «սլատուաւոր խոստում արեց ինքը



իր քաջեղի խմբով անցնել Մայր Հայրենիք, նրա ազատութեան  
սուրբ գործի համար զէնք բարձրացնել եւ որպէս Հայ Յեղափո-  
խականների Դաշնակցութեան ազնիւ զինուոր, մինչեւ կեանքի  
վերջին րոպէն պաշտպանել իր օգնութեան կարօտ քոյրերին եւ  
եղբայրներին», իսկ Դաշնակցութիւնը յանձն առաւ տալ նրան  
մօտ հարիւր հրացան 200-ական փամփուշտներով, 3000 ռուբլի  
զրամ եւ հոգալ նրա Գիմնադիայում սովորող փոքր որդու ուս-  
ման ծախսը:

Արշաւանքի ամէն պատրաստութիւն տեսնուած էր արդէն,  
երբ վրայ եկան Վանի կռիւները եւ Պետոյի ու ընկերների նահա-  
տակութիւնը: Ստեղծուած պայմաններում այլեւս հնարաւոր չէր  
ծրագրի իրագործումը, եւ արշաւանքը յետաձգուեց յաջորդ տար-  
ուան:

Այսպիսով՝ 1896 թուականի համար նախադժուած յեղափո-  
խական երեք մեծ գործերից երկուսը յետաձգուեցին: Մնում էր  
երրորդը՝ Պոլսի ձեռնարկը:

Արդէն նախորդ տարի, 1895-ի ամառը, Բիւրոյում միտք էր  
ծաղել Պոլսում մի մեծ ցոյց կազմակերպելու՝ փութացնելու հա-  
մար բարենորոգումների գործադրութիւնը: Նոյնիսկ ներկայա-  
ցընելիք պահանջների հարցն էլ քննութեան էր դրուել: Ս. Չա-  
ւարեանի կարծիքով, օրինակ, պէտք է պահանջուէր, որ՝ «1)   
վարչութիւնը եւրոպական տէրութիւնների հսկողութեան (կոնտ-  
րոլի) տակ լինի, 2) զինուորական տուրքի ոչնչացնելը հայերի  
համար եւ պարտաւորութիւն զինուորական (հայ միլիցիայի)  
ծառայութեան, 2) միքանի փոփոխութիւններ ժողովուրդի արն-  
տեսական վիճակում, որը վերապահել ժողովուրդի խորհրդին,  
4) ամնիստիա քաղաքական յանցաւորների»: Այս կէտերը առա-  
ջարկուում էին, իրրեւ յաւելում պետութիւնների կողմից թուրք  
կառավարութեան ներկայացրած բարենորոգումների Մայիսեան  
ծրագրի: Չաւարեանը արտայայտում էր Բիւրոյի մէջ տիրող  
մտայնութիւնը:

Յոյցի կազմակերպութեան մասին առնուած էր եւ Պոլսի  
կենտր. Կոմիտէի հաւանութիւնը: Քայլեր էին առնուած նաեւ  
պահանջուած նիւթական միջոցները ապահովելու համար: Մի-  
եւնոյն ժամանակ, Պոլսի կենտր. Կոմիտէն բանակցութիւնների  
մէջ էր մտել Հնչակեանների հետ միասնաբար դուրս բերելու  
համար ցոյցը: Վերջիններս, սակայն, որոշ խոստումներ տալուց  
յետոյ, դադանի կերպով, առանձին, կազմակերպեցին Բաբը Ա-  
լիի ցոյցը, Սեպտ. 18-ին՝ աղէտաւոր հետեւանքներով հայու-  
թեան համար: Այսպիսով Դաշնակցականների ծրագիրը ջուրն  
ընկաւ:

1895 թ. Հոկտ. - Նոյեմբերին տեղի ունեցած ընդհանուր կո-



տորածները եւ բարենորոգումների ձգձգումը մեծ պետութիւնների կողմից, Պոլսի ընկերների մէջ նորից առաջ են բերում ուժեղ հակահարուածով ցնցելու Սուլթանի կառավարութիւնն ու եւրոպական դիւանագիտութիւնը՝ փութացնելու համար բարենորոգումների գործադրութիւնը: Բարգէն Սիւնի եւ մի քանի ուրիշ ընկերներ առաջարկում են ահաբեկել Սուլթան Աբդուլ Համիդին: Շատեր ոգեւորուած էին այդ ծրագրով եւ պատրաստակամութիւն էին յայտնում զոհելու իրենց անձը: Պատրաստ էին եւ միջոցները. Կենտր. Կոմիտէն ունէր բաւարար քանակութեամբ ուժանակ եւ ռումբեր՝ մակեդոնական յեղափոխականներից ստացուած: Հրացանի եւ ատրճանակի, ինչպէս եւ դրամի էլ պակասութիւն չկար: Ձեռնարկը ներշնչում էր յաջողութեան ամէն հաւանականութիւն, եւ յաջողութեան պարագային ամենքը յուսալից էին, որ պայմանները հիմնովին կը բարեփոխուին Թուրքիայում, ի հարկին, առաջ բերելով եւ եւրոպական միջամտութիւն:

Այսու հանդերձ, ղեկավար ընկերները վարանումի մէջ էին. հասլա՞ եթէ Սուլթանի սպանութեան յաջորդէին նոր կոտորածներ, այս անգամ, թերեւս, աւելի լայն ծաւալով եւ աւելի վայրագ ձեւերով: Գաւառներից, մասնաւորապէս, Կարինից տեղեկութիւններ էին հասնում, որ մահմետական խուժանը ծայր աստիճանի գրգռուած է եւ առիթ է փնտրում յարձակուելու հայերի վրայ: Պոլիսն իսկ ապահով չէր այդ տեսակէտից: Ղեկավար ընկերներից շատերը վախենում էին որեւէ պատրուակ տալ Թուրք կառավարութեան ձեռքը արդարացնելու կոտորածները Եւրոպայի առջեւ: Բնորոշ է այս տեսակէտից Պոլսի Կենտր. Կոմիտէի կողմից, 1896 թ. Փետր. 1-ին, Վաւառների «Դրօշակ»ի խմբագրութեան ուղղած նամակում արտայայտուած տեսակէտը.

Սուլթանի մահափորձի մասին, գրում է Վաւառները, հիմատարածայնութիւն կայ մեր մէջ. մեր ընկերները կը պնդեն, թէ շատ անխոհեմ գործ է այդ... Կը պնդեն, թէ հիմա, երբ դեռ պատրաստութիւնները առաջ տարուած չեն լիովին, ծանր մեղք է ժողովուրդը նոր փորձանքի ենթարկել. չէ՞ որ 100,000 մըն ալ, եւ այն ատեն ի՞նչ կրնանք վաստակիլ: Ծիշդ է, որ հոս վախնալու բան մը չունինք, մեր ռումբերը միայն կը բաւեն մեզ պաշտպանելու, բայց գաւառներու մէջ՞: Չէ՞ որ, ամէն պարագայի մէջ, Խալիֆէն, որուն դէմ պիտի ըլլայ այդ փորձը, նոյնիսկ այն վալիները, որ հիմա կը գսպեն, իրենք այս անգամ առաջին նշանք պիտի տան նոր ջարդերուն:

«Ենթադրենք, թէ մինչեւ անգամ եւրոպական ղօրքը գրաւէ քաղաքը, բայց մինչեւ այդ ըլլալը, մինչեւ նորի մը գահակալութիւնը, չէ՞ որ այդ բոլորը կրնան կոտորուիլ. ո՞վ պիտի զսպէ խուժանը. համը բերանը մնացած է աւարներէն. դեռ շատերը



կ'ափսոսան, որ հոն չէին, որ պէտք եղած կերպով օգտուէին առիթէն:

«Աւելի լաւ է, կ'ըսեն, քանի որ ամէն կողմ Դաշնակցութիւնը լուրջ ձեռնարկներ կ'ընէ ընդհանուր գործի համար, ինչո՞ւ մէկ անխոհեմ քայլով այդ բոլորը վտանգել: Այդ առարկութիւններն անտեղի չեն, եւ իրաւ որ ես ինքս ալ հակուած եմ այդ կարծիքին»:

Պոլսի գործիչները, անշուշտ, իրաւունք ունէին տատանուելու, հակառակ որ թէ՛ Բիւրօն, թէ՛ «Դրօշակ»ի խմբագրութիւնը, թէ՛ Պարսկաստանի, Վասպուրականի եւ ուրիշ վայրերի մարմինները անհրաժեշտ էին համարում նման մի ցնցող ձեռնարկ կատարել մայրաքաղաքում, մեծ պետութեանց դեսպանների աչքի առջեւ, այն յոյսով, թէ հետեւանքը կը լինի եւրոպական միջամտութիւն, եւ Հայկական Հարցը կը լուծուի այս կամ այն ձևով. ոմանք նոյնիսկ երկու չարեաց փոքրագոյնն էին դտնում Հայկական նահանգների դրաւումը ռուսների կողմից: Պոլսի գործիչները աւելի մօտից ծանօթ էին մայրաքաղաքի պայմաններին, կառավարութեան տրամագրութեան եւ իսլամ ամբօխի հոգեբանական վիճակին եւ իրաւամբ սարսափում էին կոտորածների նոր առիթ տալուց թուրք կառավարութեան ձեռքը:

Հարցը բաւական երկար քննելուց, դրսի մարմինների եւ գործիչների կարծիքներն էլ առնելուց յետոյ, Պոլսի Կենտր. Կոմիտէն, ի վերջոյ հրաժարուեց այդ, ինչպէս ասում է Վառամեանը, «գեղեցիկ առիթից»:

Հիմնական միտքը, սակայն, մի ուժեղ ցնցումով բարենորոգումների գործը մեռած կէտից շարժելու պահանջը, շարունակեց զբաղեցնել Պոլսի Դաշնակցականներին: Կենտր. Կոմիտէն, համախորհուրդ Բիւրօյի եւ միւս մարմինների հետ, ի վերջոյ, կանգ առաւ Բանկ Օթոմանի ծրագրի վրայ:

Բանկ Օթոմանը թէեւ Կայսերական դրամատուն էր, բայց իրապէս դտնում էր եւրոպական դրամատէրերի ձեռքին: Ամբողջ դրամագլուխը, ինչպէս նաեւ վարչութիւնը եւրոպական էր՝ գլխաւորապէս Փրանսական եւ անգլիական: Հարուածել այդ հաստատութեան՝ պիտի նշանակէր վնաս հասցնել Փրանսայի եւ Անգլիայի շահերին եւ միւս կողմից՝ վարկաբեկել առանց այն էլ վարկը կորցրած թրքական իշխանութիւնը յաչս Եւրոպայի: Մի ուժեղ հարուած, մտածում էր այն օրերի Դաշնակցական ղեկավարութիւնը, առաջ պիտի բերէր անիշխանութիւն մայրաքաղաքում եւ առիթ պիտի ստեղծէր մեծ պետութիւնների միջամտութեան եւ, հետեւաբար, նաեւ Բարենորոգումների հարցի արծարծման: Այս նկատումներով՝ Պոլսի Կենտր. Կոմիտէն որոշեց զինուած խմբով դրաւել Բանկ Օթոմանը՝ ստիպելու համար Սուլ-




Թանին ու պետութիւններին գործադրել խոստացուած Բարենորոգումները :

Բանկ Օթոմանի ձեռնարկի կազմակերպութեան եւ նախապատրաստական աշխատանքների մասին, դժբախտաբար, քիչ նիւթ է մնացել Հ. Յ. Դ. կենտրոնական Դիւանում : Մամուլի մէջ հրատարակուած տեղեկութիւններն էլ թերի են — մի քանի թռուցիկներ միայն, Արմէն Գարոյի եւ Հրաչի յուշերը եւ հատ ու կտոր թղթակցութիւններ «Դրօշակ»ում եւ հայ ու եւրոպական թերթերում : Դրանց մէջ ամենէն լրիւն ու արժէքաւորը Արմէն Գարոյի յուշերն են իր «Ապրուած Օրեր»ում եւ Հրաչի տեղեկատուութիւնը «Դրօշակ»ում : Այդ բոլորի հիման վրայ՝ կարելի է գծել Բանկ Օթոմանի գործի ընդհանուր պատկերը :

Պոլսի կենտր. կոմիտէի որոշումն էր զինուած ուժով դրաւել Բանկ Օթոմանը եւ Սուլթանին ու մեծ պետութեանց Պոլսի դեսպաններին ներկայացնել հայկական բարենորոգումները անմիջապէս գործադրելու պահանջը՝ մերժումի պարզային սպառնալով ուժանակով յօդս հանել դրամատունը իր շուրջ 150 եւրոպացի պաշտօնեաների հետ միասին : Միաժամանակ որոշուած էր ումբային ցոյցեր կատարել Իզմիրում եւ, Պոլսի որոշ թաղերում, յատկապէս՝ Սամաթիայում, ուր Դաշնակցութիւնը շատ ուժեղ էր զգում իրեն : Դրամատան դրաւումը եւ ումբային գործողութիւնները Օսմանեան կայսրութեան երկու դիւանոր կենտրոններում առաջ պիտի բերէին ընդհանուր անիշխանութիւն ու շիթ եւ պիտի փութացնէին պետութիւնների միջամտութիւնը Թուրքիայի ներքին գործերին, ի պահանջել հարկին, նաեւ եւրոպական զօրքի ցամաքահանում : Վերջ տալու համար թրքական քառասին, որ մշտնջենական սպառնալիք էր եւրոպական դրամազրկին եւ Մերձաւոր Արեւելքի խաղաղութեան, մեծ պետութիւնները պիտի ստիպէին Սուլթանին գործադրել բարենորոգումների ծրագիրը :

Փետրուար—Մարտից սկսած՝ կենտր. կոմիտէն արդէն անցնում է նախապատրաստական աշխատանքի : Պոլսի ընկերներին աջակցելու համար Բիւրոյի կողմից գալիս են Վարդ Պատրիկեանը եւ Սմբատ Խաչատրեանը (Բորիս), որոնք այդ տարիներին գործօն դեր էին կատարում կուսակցութեան մէջ : Դրսից եկել էին եւ Նանսիի ուսանողներից Դարեգին Փաստրմաճեանը՝ Արմէն Գարօն, Հրաչ Թիրեաքեանը եւայլն : Ձեռնարկին մասնակցում էին կենտր. կոմիտէի բոլոր անդամները եւ Պոլսի աչքի զարնող ընկերները՝ Բարկէն Սիւնի, Ա. Վառմեան, Գնունի, Արտ. Անդրէասեան, Արտ. Միսաքեան եւ ուրիշներ՝ մեծ մասով Յ. Իւսուֆեանի առաջ քաշած գաղափարական երիտասարդները, լըբ-





ԲԱՐԿԷՆ ՍԻՒՆԻ

տեսներով վխտացող քաղաքում դադանի գործունէութեան վարժ, անձնուէր մարդիկ: Բոլորի մղիչ ոյժն ու ղեկավարը Բարկէն Սիւնին էր՝ Հ. Յ. Դաշնակցութեան Պոլսի կազմակերպութեան ողին:

Բանկի գրաւման օր նշանակուած էր Օգոստոս 10-ը, բայց վերջին պահուն պէտք եղաւ յետաձգել Օգոստ. 14-ին: Մինչեւ այդ՝ մշակուել էր ձեռնարկի յատակագիծը, հաւաքուել էին կամաւոր մարտիկներ՝ Դաշնակցական խմբերից: Կատարուել էր ուժերի դասաւորում եւ աշխատանքի բաժանում. պատրաստուել էր մեծ պետութեանց դեսպաններին ներկայացուելիք յայտարարութիւնը, ինչպէս նաեւ ձեռնարկի նպատակը ժողովրդին բացատրող թուղթիկներ: Եւ, վերջապէս, ձեռնարկից չորս-հինգ օր առաջ, գիշեր-ցերեկ հեւ ի հեւ աշխատանքով, պատրաստուեցին եւ նշանակուած վայրերում ղետեղուեցին ուժանակն ու ուումբերը:

Նախավերջին խորհրդակցական ժողովում, Օգոստ. 13-ին, որոշուեց, որ յաջորդ օր ժամը 12-ին տեղի ունենայ յարձակումը Բանկ Օթոմանի վրայ՝ 75 հոգիով եւ 200 ուումբերով: Ընդհանուր ղեկավար նշանակուեց Բարկէն Սիւնին, Հրաչը՝ օգնական: Արմէն Գարոյին յանձնուեց Բանկի ներքին կարգի եւ պաշտօնէութեան պահպանութիւնը: Բանկի գրաւումից անմիջապէս յետոյ՝



Լեւոն Նեւրուզը մեծ պետութեանց ղեսպաններին առանձին-առանձին պիտի յանձնէր Հ. Յ. Դաշնակցութեան յայտարարութիւնը: Օրուայ կարգախօս ընդունուեց «Ազատութիւն» բառը:


Բանկի գրաւման ժամին, Սամաթիայում, Գնունիի, Անդրէասեանի եւ Միսաքեանի առաջնորդութեամբ, տեղի պիտի ունենար ուժային յարձակում զօրանոցի վրայ, որպէսզի զօրքը հնարաւորութիւն չունենայ դսպողական գործողութիւնների դիմելու: Հինգ ընկերներ Ղալաթիայի կամուրջի վրայ ուժը պիտի նետէին Սատրազամի կողքի վրայ՝ վարչապետի սպանումով քայքայելու համար կառավարութիւնը: Եւ, վերջապէս, երկու հոգի մի մեծ ուժը պիտի նետէին Ղալաթիա-Սարայի վրայ, եթէ զինուորները փողոց դուրս գային: Ռմբային այս յանդուգն գործողութիւնները մայրաքաղաքում խուճապ եւ անիշխանութիւն պիտի ստեղծէին եւ պիտի փութացնէին եւրոպական միջամտութիւնը: Այս ծրագիրը, սակայն, գործադրուեց միայն մէկ մասով:

Այս կարգադրութիւններից յետոյ, տեղի ունեցաւ հրաժեշտի ընթրիք: «Ի՞նչ գեղեցիկ գիշեր էր, վերջիչում է Արմէն Գարօն: Տասնեւհինգ հոգի հաւաքուած էինք Օր. Իսկուհիի համեստ սեղանին շուրջը. մեզմէ տասը հոգի կարող էին վաղը երեկոյեան կենդանի չլինել եւ կամ, եթէ մեր յուսացածին պէս, ձեռնարկը յաջող դուրս գար, 24 ժամէն Պոլիսը գրաւուած կը լինէր եւրոպական զինուորներով, եւ Հայկական Հարցը կը ստանար իր ցանկալի լուծումը... Զէ՞ որ նոյն տարին, Մայիս ամսին, եւրոպական մեծ պետութեանց ղեսպանները պաշտօնապէս յայտարարած էին Սուլթանին, որ առաջին առթիւ, երբ Պոլսոյ մէջ նորէն խառնակութիւններ ծագէին, իրենք իրենց 12 մարտանաւերու զինուորները ցամաք պիտի հանէին կարգը վերահաստատելու համար: Եւ այդ իսկ նպատակաւ մենք ընտրեք էինք Բանկ Օթոմանի գրաւումը, իբրեւ միջոց ստեղծելու ղեսպանները իրենց սպառնալիքը ի գործ դնելու»\*):

Քրիստանէական առաջին դարերի նահատակների անձնուիրութեամբ ու երկիւղածութեամբ, բայց կուռւմ մեռնելու աներկիւղ վճռականութեան տողորուած ընկերներ: Համեստ սեղանի շուրջ, յուզուած խօսում են վաղուայ «հարսանիք»ի մասին: Սըրտառու է Բարկէն Սիւնիի խրախուսանքը. «Ընկերներ, գիտեմ, որ պիտի մեռնինք, սակայն, միակ փափաքս է, որ ողջ մնացողները աւելի կատաղի կերպով շարունակեն մեր սուրբ գործը, լուծեն մեր հարիւր հազար սրախողխող եղած եղբայրներուն ու քոյ-

\*) Արմէն Գարօ. «Ապրուած Օրեր», 1948, Բոստոն, էջ 108:





ԱՐՄԷՆ ԳԱՐՕ ԵՒ Ա. ՎՈՒՄԵԱՆ

րերուն վրէժը եւ ազատեն մեր դժբախտ հայրենիքը. այն ժամանակ մեր ոսկորներն ալ հանդիսա կը մնան» :

Յաջորդ օր, Հ. Յ. Դ. Պոլսոյ կեդր. կոմիտէի կողմից հրապարկուեցան հայ եւ թուրք հասարակութեան ուղղուած երկու թուղթիկ-յայտարարութիւններ, որոնց մէջ բացատրուած էր աեղի ունենալիք ցոյցի նշանակութիւնը: Հայերէն թուղթիկը ասում էր.

«Մենք անդուլ բողոքեցինք Եւրոպային թուրք բռնապետութեան դէմ, բայց մեր բողոքները, որ օրինական էին, սխտեմարար մերժուեցան:

«Սուլթան-Համիտ արիւնահեղ վրէժխնդրութեամբ պատասխանեց մեզ:

«Տեսաւ Եւրոպան այս ահուելի ոճիրը եւ լռեց:

«Ոչ միայն դահճի ձեռքը չբռնեց, այլեւ մեզ լրբարար համակերպութեան հարկադրեց:

«Մեզ նախատեցին՝ մեր մարդկային իրաւունքը զլանալով մեզ եւ մեր ազգային պատիւը ցմահ խոցեցին՝ մեր արեան մէջ մեր բողոքի ձայնը խեղդել ջանալով:

«Մեր արիւնով սրբադործուած մեր պահանջներուն կուգայ հիմա միանալու եւ սրբազան վրէժի սեւեռուն դաղափարը, որ սեւ ուրուականի պէս արձանացած է մեր աչքերուն առջեւ:

«Իրաւունքը զօրաւորինն է» ըսաւ մեզի Եւրոպան՝ իր մահառիթ անտարբերութեամբ, եւ մենք՝ տկարներս, մարդկային իրաւունքներէ զրկուածներս, հարկադրուած ենք դիտութեան դիմելու՝ որոնելով ամէն միջոց փշրելու համար Սուլթանի դարձելի լուծը. ա՛լ չենք կրնար հանդուրժել:



«Իրևանագիտական խաղերու ժամանակն ա՛լ անցած է :

«Մեր հարիւր հազար նահատակներուն թափած արիւնը իրաւունք կուտայ ազատութիւն պահանջելու :

«Մեր թշնամիներուն տարածած բոլոր նենգամիտ գրոյցներուն հակառակ՝ մենք խնդրած ենք եւ հինմա կը խնդրենք միմիայն անհրաժեշտը , այսինքն .

1. Նշանակել ծագումով եւ ազգութեամբ եւրոպացի բարձագոյն կոմիսար մը Հայաստանի համար՝ ընտրուած վեց մեծ պետութիւններու կողմէն :

2. Վալիները , միւթէսարիՖները եւ դայմադամները պիտի նշանակէ բարձր կոմիսարը եւ Սուլթանը պիտի վաւերացնէ :

3. Եւրոպացի սպաներու հրամանատարութեան ներքեւ պիտի կազմակերպուի տեղական ազգերէն միլիցիա , ժանտարմա եւ ոստիկանութիւն :

4. Դատական բարենորոգումներ՝ վարչական սիստեմով :

5. Կրօնի , կրթութեան եւ մամուլի կատարեալ ազատութիւն :

6. Երկրի հասոյթներու երեք-քառորդ մասը պիտի յատկացուի տեղական պէտքերուն :

7. Յետեւեալ հարկերը ջնջել :

8. Հինգ տարի հարկէ ազատել եւ հետեւեալ հինգ տարիներու պետութեան վճարելիք հարկը գործածել վերջին խռովութեանց պատճառած վնասները փոխարինելու :

9. Հայերէն դրաւուած անշարժ գոյքերը անմիջապէս վերադարձնել տէրերուն :

10. Բոլոր հայ գաղթականներուն ազատ վերադարձ :

11. Ընդհանուր ներում հայ քաղաքական յանցաւորներուն :

12. Եւրոպական տէրութիւններու ներկայացուցիչներէն առժամեայ յանձնաժողով մը կազմել , որ Հայաստանի գլխաւոր քաղաքներէն մէկուն մէջ հաստատուելով՝ պիտի հսկէ վերոյիշեալ յօդուածներու գործածութեան :

«Կը կրկնենք՝ ո՛չ մէկ զոհողութեան առջեւ կանգ պիտի առնենք մեր նպատակին հասնելու համար :

«Այնուհետեւ ազատ կը համարենք ինքզինքնիս ամէն պատասխանատուութենէ :

«Կանխաւ կ'ողբանք ամէն անոնց կորուստը — տեղացի թէ օտարական — որոնք զոհ պիտի ըլլան ընդհանուր շփոթութեան : Կը ցաւինք , սակայն՝ ընդհանուր դժբախտութեան առջեւ մասնաւոր սուղը իմաստ չունի :

«Մենք կը մեռնինք , դիտենք , բայց յեղափոխութիւնը , որ հայ ժողովրդի մինչեւ ոսկորները թափանցած է , պիտի շարունակէ սպառնալ Սուլթաններու դահլին , ցորչափ մեր մարդկային



իրաւունքները ձեռք չբերենք եւ ցորչափ կենդանի մնայ վերջին հայր» :

Այս պահանջները, հիմնական դժերով, ամփոփուած են եւ այն յայտարարութեան մէջ, որ Բանկի գրաւումից անմիջապէս յետոյ ներկայացուեց մեծ պետութիւնների Պոլսի դեսպաններին :

Թուրք ժողովրդին ուղղուած թուրքերէն թռուցիկը, դրուած Վրաստանի ձեռքով, հետեւեալ բովանդակութիւնը ունէր .


«Քե՛զ ենք դիմում սրանով, տաճիկ ժողովուրդ, ո՛չ թէ այն պատճառով, որ երկիւղ ենք կրում քեզանից, կամ այլեւայլ միտումներ ունինք, ո՛չ. մենք արհամարհանքով ենք նայում մահուան երեսին — քո կառավարութիւնն է մեզ այդ սովորեցրել : Մենք դիմում ենք քեզ միայն մէկ նպատակով՝ յայտնել քեզ, որ քո դէմ մենք ոչինչ ունենք :

Դարերից ի վեր մեր հայրերն ու պապերը ապրում էին քեզ հետ հաշտ ու խաղաղ՝ ունենալով մէկ հայրենիք եւ ընդհանուր նպատակներ : Սակայն, այս վերջին ժամանակները ոճիրներով ւտեղծուած քո կառավարութիւնը սկսեց խռովութիւններ սերմանել մեր մէջ, որպէսզի աւելի մեծ դիւրութեամբ խեղդէ ե՛ւ քեզ եւ մեզ : Դու չհասկացար, ժողովուրդ, որ այս դիւական քաղաքականութեամբ, մեր եղբայրների արեան մէջ թաթախուած, դու մեղսակից դառնուեցար այդ զարհուրելի ոճրագործութեան : Բայց թող քաջ յայտնի լինի քեզ, որ մեր կուլը ոչ թէ քո դէմ է, այլ քո կառավարութեան. դրա դէմ են կուում եւ քո լաւագոյն զաւակները, որոնք կառավարական ներկայ ձեւերում իրենց հանդրստութիւնը միմիայն Բոսֆորի սրբնթաց ալիքների մէջ են դառնում :

«Մտածի՛ր, ժողովուրդ, ով է քո թշնամին եւ ով է քո բարեկամը» :

Նոյն օրը, Օգոստոս 14-ին, առաւօտուանից, Բանկի դործին մասնակցողները սկսում են հաւաքուել Ղալաթիոյ անգլիական դպրոցում, որ ժամադրավայր էր նշանակուած : Այդ տեղից Բանկի հսկայ շէնքը մի քանի քայլի վրայ էր : Սակայն, փոխանակ 75-ի, մինչեւ կէսօր միայն 26 հոգի են գալիս : Այդ ուժերով էլ անցնում են դործի : Մրազբուած էր այնպէս, որ Արմէն Գարօն առաջ պիտի մտնէր Բանկը հետախուզելու համար, թէ ի՞նչ է կատարուում այնտեղ : Ապա վեց նախայարձակներ պիտի բռնէին դուռը՝ չէզոքացնելով պահակներին : Միւսները՝ ուումբերի պաշարով պիտի խուժէին ներս յետնապահ ունենալով Բաբկէն Միւնիին եւ դուռը ամուր դոցելով՝ ռազմական դիրքեր պիտի բռնէին : Արմէն Գարօն պիտի հոգար, որ պաշտօնեաները դուրս չփախչեն, եւ պահէր նրանց հսկողութեան տակ : Հրաչը պիտի բռնէր վերին





ԱՐՄԷՆ ԳԱՐՕ  
(Բանկ Օթումանից յետոյ)

յարկը եւ այնտեղից թաշկինակով նշան տար դուրսը, անգլիական դպրոցի տանիքի վրայ սպասող Լեւոնին, որ անմիջապէս դեսպաններին հասցնէր յայտարարութիւնը: Այնուհետեւ դէպքերը պիտի որոշէին անելիքը: Յարձակումը պիտի սկսուէր ճիշդ ժամը 1-ին:

Մէկին տասը բողոք պահաս Արմէն Գարօն մտնում է Բանկը, սպասում է քառորդ ժամ, բայց տղաները չեն երեւում: Կասկածելով, թէ մի դուրսէ նրանց հետ վտանգ է պատահել, դուրս է դալիս: Քիչ վերջը տեսնում է, որ վեց նախայարձակները շարժւում են Բանկի ուղղութեամբ: Դրան մօտ նրանք ընդհարւում են պահակների հետ, որի ժամանակ սպանւում է տղաներից Բաբերդցի Յովհաննէսը եւ պահակ զինուորներից երեք հոգի: Յարձակուողները անմիջապէս մտնում են, նրանց հետեւում է եւ Արմէն Գարօն: Բռնում են դուռը: Դպրոցից դէպի Բանկն են շտապում մնացած տղաներն եւս՝ Հրաչը առջևից՝ ուժանակով լեցուած պայուսակը կախուած վզից, Բարկէն Սիւնին յետեւից: Այդ պա-







ման է տալիս, առանց միջոցների առջեւ կանգ առնելու, նոյնիսկ թնդանօթի բռնելով, մաքրել Բանկը բռնադրաւիչներից: Եւ ուտիկանութիւնն ու զինուորական իշխանութիւնն անմիջապէս անցնում են գործի: Բայց այդ պահուն՝ վրայ է հասնում ռուս դեսպանատան թարգման Մաքսիմովը, որ բոլոր դեսպանների անունից սպառնում է Սուլթանին ռազմանաւերից ուժակոծել պալատը, եթէ Բանկում դանուած եւրոպացիներից մէկն ու մէկին վրտանդ պատահի: Սուլթանը տեղի է տալիս եւ յանձնարարում է Մակսիմովին իր յարմար նկատած ձեւով կարգադրել խնդիրը:

Մակսիմովը շտապում է խորհրդակցել եւ միւս դեսպաններին հետ ու նրանցից էլ լիազօրութիւն ստանալով, լսելով նաեւ Օբինոյի բերած տեղեկութիւնները Բանկից, անցնում է գործի: Եթէ չլինէր Մակսիմովի այս միջամտութիւնը եւ Սուլթանի հրամանը գործադրուէր, եւրոպական զինուորների ցամաքհանումը կարող էր դառնալ անխուսափելի:

Մինչ Բանկի շուրջ կենտրոնացած զինուորական ուժերը փորձում էին վերադրաւել շէնքը եւ մահմետական խուժանը դըրդըռուած՝ սկսել էր յարձակուել հայերի վրայ, ներսը Բանկում, ռազմական դիրքերը ամուր բռնելուց յետոյ, Արմէն Գարօն եւ Հրաչը, հաւաքելով պաշտօնեաներին, տեղեկացնում են նրանց Բանկի դրաման նպատակն ու դեսպաններին ներկայացնում պահանջների մասին: Պաշտօնեաները պատրաստակամութիւն են յայտնում աջակցելու, եւ դրամատան երկրորդ տնօրէն Օբինօն յանձն է առնում անձամբ տանել դեսպաններին Բանկը գրաւողների պահանջները՝ արագացնելու համար նրանց միջամտութիւնը: Անմիջապէս Բանկի վեց քարտուղարներին թելադրում է Քրանսերէն հետեւեալ գրութիւնը՝ ուղղուած վեց դեսպաններին՝ Հ. Յ. Դ. Պոլսի Կենտր. Կոմիտէի անունից.

«Բանկ Օթոմանը մեր ձեռքն է, եւ մենք անկէ դուրս չենք դալու, մինչեւ որ մեր հետեւեալ պայմանները չկատարէք.

«1. Դադրեցնել Պոլսոյ մէջ սկսուած կոտորածը անմիջապէս:

«2. Դադրեցնել Բանկային վրայ զինուած յարձակումը, հակառակ պարագային, երբ մեր ռազմամթերքը հատնի, ուժանակով բանկը օդն ենք հանելու:

«3. Գրաւոր երաշխիքներ տալ մեզ հայկական բարենորոգումներու գործադրութեան մասին այն բարեխոփութեամբ, զոր Հ. Յ. Դ. Կեդր. Կոմիտէն առաջարկեր է ձեզ առանձին գրութեամբ:

«4. Ազատ արձակել այս դէպքերուն առիթով բռնուած բոլոր հայ յեղափոխականները:



«Հահառակ պարագային՝ մենք ստիպուած պիտի լինինք Բանկի շէնքը օդը հանելու մէջի բոլոր եղածներով»:

Ժամը վեցն էր արդէն, երբ Օբինօն եւ դրաման վայրկեանին պատահարար Բանկում դտնուող Պալատի թարգմաններէից Հագզը բէյը (ապագայ վարչապետ Հագզը փաշան), շէնքը պաշարող զօրքերի հրամանատարի համաձայնութեամբ, դուրս են գալիս Բանկից՝ գրութիւնը տեղ հասցնելու նպատակով: Դրա վրայ հաստատուած է մի տեսակ զինադադար, որին պիտի յաջորդէին բանակցութիւնները կամ նորից կռիւր:

Բանկում տեղի էին ունենում ընթրիքի եւ զիշերելու պատրաստութիւններ, երբ ժամը 7-ի մօտերը դրսից լսուած է անասելի մի աղմուկ ու ոռնոց: Թէփէ Բաշի կողմից ահագին մի ամբոխ, մոլեռանդ փաթթոցաւորների առաջնորդութեամբ, հեղեղի պէս, խուժում էր դէպի Բանկը: Զինուորները անզօր էին նրանց առաջն առնել: Սուժանը աղմուկ-ժխորով մօտենում է շէնքին: Կացինաւորները փորձում են կտորել դուռը: Այդ պահուն ներսից սկսում են տեղալ ուժերը: Ամբոխը, ահագին ոռնոցով, խելակորոյս դիմում է փախուստի՝ փողոցում թափելով բազմաթիւ սպանուածներ ու վիրաւորներ: Եւ այնուհետեւ այլեւս փորձ չի լինում խաղաղութիւնը վրդովելու:

Մի պահ տիրում է անդորրութիւն Բանկի ներսը: Պաշտօնեաներին կերակրելուց յետոյ՝ փակում են սենեակներում: Տղաները, ատրճանակներով եւ ուժերով զինուած, պահում են դիրքերը: Եւ Արմէն Գարօն ու Հրաչը, ժամը 10-ին, նստում են «զինուորական խորհրդի» որոշելու համար հետագայ անելիքները: Բանկ էին մտեր 26 ընկերներով, որոնցից չորսը սպանուել էին եւ հինգը վիրաւորուել: Հաշուած են եւ մնացած զէնքերը. մնացել էր 18 ուժեր. ատրճանակների համար կար բաւարար չափով փամփուշտ: Ունէին նաեւ մօտ երկու ու կէս քիլօ ուժանակ Հրաչի պայուսակում. ուժանակի մեծ պաշարը մնացել էր դուրսը կամ դրուել էր ուժերի մէջ: Այսքան ուժով ոչ հնարաւոր էր շէնքը պայթեցնել, ոչ էլ երկար ժամանակ դիմանալ, եթէ դրսից յարձակումները վերսկսուէին: «Զինուորական խորհուրդը» ծանր մտահոգութեան մէջ էր...

Գիշերուայ ժամը 1-ին փողոցից լսուած են սուլիչի ձայներ: Պարզուած է, որ դեսպանների կողմից պատուիրակներ են գալիս բանակցելու բոլոր դեսպանների լիազօր ներկայացուցիչը՝ ռուսական դեսպանատան թարգման Մակսիմովը, Բանկ Օթոմանի տնօրէն անդլիացի էդդար Վէնսէնը՝ օգնական Օբինոյի ընկերակցութեամբ, Բերայի զինուորական հրամանատարը եւ Սուլթանի թիկնապահներից մէկը՝ սպիտակ դրօշակը ձեռքին:

Սկսում է բանակցութիւնը՝ պատուիրակների վարից, փողո-



ցում, եւ Արմէն Գարօն ու Հրաչը վերը՝ պատուհանից: Մակսիմովը ասում է.

«— Այս բոպէիս պալատէն կուգամ. նորին կայսերական Մեծութիւնը ինձ իրաւունք տուաւ ձեզ առաջնորդելու նաւահանգիստի մէջ գտնուած եւրոպական նաւերէն մէկը, որպէսզի վաղը եւ թէ հեռանաք Պոլսէն. շուտ ըրէք, հաւաքուեցէք՝ ժամանակ չկորսընցնելու համար:

«— Բայց, Պ. Մակսիմով, առարկում է Արմէն Գարօն, մենք այստեղ չմտանք անոր համար, որ դուք նեղութիւն կրէիք մեզ ազատելու մասին մտածելու: Դուք մեր նամակները չստացա՞ք: Ի՞նչ ունիք մեզ ըսելու մեր սահանջներու մասին: Եւ նորից յիշեցնում է զբաւոյր կերպով ներկայացուած պայմանները:

«— Ձեր պայմաններէն առաջին երկուքը կատարուած են արդէն, պատասխանում է Մակսիմովը. քաղքին մէջ այլեւս կոտորած չկայ, իսկ բանկին վրայ զինուած յարձակումը դադարեցուած է ժամը 7-էն ի վեր... Գալով ձեր երրորդ սահանջին՝ բարենորոգումներու դործադրութիւնը, մենք մեր ձեռքէն եկածը պիտի ընենք գոհացում տալու համար, իսկ ձեր չորրորդ սահանջը ձերբակալուած հայ յեղափոխականներու մասին, ուրախութեամբ պիտի կատարենք»:

Գարօն եւ Հրաչը պահանջում են լուրջ երաշխիքներ, որ իրենց հեռանալուց յետոյ կոտորածները չեն վերսկսի եւ բարենորոգումները կը դործադրուին: Մակսիմովը առարկութիւններ է անում եւ պնդում է անմիջապէս բանկից հեռանալու սահանջի վրայ: Մէկ ժամ տեւող բանակցութիւններից յետոյ, Մակսիմովը, ի վերջոյ, անում է հետեւեալ առաջարկները.

Եթէ մինչեւ լուսանալը յեղափոխականները հեռանան բանկից, ինքը երդումով խոստանում է, վաղը եւրոպական նաւի վերայ, յանձնել նրանց մեծ պետութեանց դեսպանների կողմից ստորագրուած թուղթ, որ վեց ամսուայ ընթացքում բարենորոգումների ծրարիքը դործադրութեան պիտի դրուի: Իր պատուի վրայ խօսք է տալիս, նաեւ, որ Պոլսի մէջ հայերի կոտորածներ տեղի չեն ունենայ: Յանձն է առնում նաեւ խնամել բանկում վիրաւորուածներին եւ առողջանալուց յետոյ՝ ուղարկել արտասահման, իսկ սպանուածների մարմինները յանձնել Հայոց Պատրիարքարանին:

Վերջնական այս պայմանները ստանալուց յետոյ՝ Հրաչը եւ Արմէն Գարօն առանձնանում են խորհրդակցելու: Հրաչը պնդում է, որ բանկից դուրս չդան, մինչեւ որ դեսպաններից գրաւոր խոստմնադիր չստանան կենտր. Կոմիտէի ներկայացրած սահանջների մասին: Բայց ի՞նչ երաշխիք, առարկում է Գարօն, որ



մերժումի պարագային առաւօտեան զօրքը յարձակումի պիտի չանցնի. 17 հոգիով ու 18 ումբով ինչպէ՞ս պիտի կարողանան պահել բանկի հսկայ շէնքը: Պարտութեան պարագային թէ՛ դատը պիտի կորցնէին, թէ՛ իրենք բոլորը եւ բանկի պաշտօնեաները պիտի կոտորուէին եւ Եւրոպայի աչքին պիտի ներկայացուէին, իբրեւ աւազակ ոճրագործներ: Երկար մտածելուց յետոյ, ի վերջոյ, որոշում են. «աւելի լաւ էր, Մակսիմովի խօսքին վստահած, պատուով դուրս գայինք այս նեղ դրութենէն, քան թէ մեր ամբողջ գործը վտանգէինք նոր յարձակման մը սպասելով եւ մեր վրայ առնէինք յաջորդ օրուայ կոտորածներուն պատասխանատուութիւնը»:

Ժամը երկու եւ կէսին Մակսիմով ստանում է դրական պատասխանը այսպիսի յայտարարութեամբ.

«Մենք կը համաձայնինք այս գիշեր դուրս գալ ձեր առաջարկած պայմաններով, միայն այն հասկացողութեամբ, որ դուք եւ ձեզ հետ եղած երկու եւրոպացի պաշտօնեաները ձեր անձովը պատասխանատու պիտի լինիք մեր ազատութեան համար: Մենք մեր զէնքերը չենք յանձնելու մինչեւ Պոլսէն ճամբայ ելնելնիս, եւ դուք մեզ հետ դալու էք մինչեւ նաւը: Եթէ ոեւէ փորձ լինի մեզ ձերբակալելու եւ զինաթափ ընելու, դուք ձեր կեանքովը պիտի վճարէք այդպիսի քայլի մը համար»\*):

Մակսիմովը ուրախութեամբ յայտնում է իր համաձայնութիւնը: 14 ժամ Օսմանեան կայսրութեան կեդրոնական դրամական հաստատութիւնը իրենց իշխանութեան տակ պահելուց յետոյ 17 յեղափոխականները դուրս են գալիս բանկից՝ զարմանք եւ ապշութիւն պատճառելով Մակսիմովին եւ նրան ընկերացողներին. թուրք իշխանութիւնները նրանց հաւատացրել էին, որ 200 հոգի էին բանկը գրաւողները:

Մակսիմովի, Վէնսէնի ու Օրինոյի եւ երկու փաշաների ուղեկցութեամբ տղաները, առաւօտեան ժամը 4-ի մօտ, հասնում են Վէնսէնի զբօսանաւը, ուր նաւապետը սիրալիր հիւրասիրութիւն է ցոյց տալիս նրանց:

Յաջորդ օր, կէսօրից յետոյ, զբօսանաւ են գալիս Մակսիմովը եւ անգլիական ու Ֆրանսական ղեսպանների թարգմանները: Պարզում է, որ Մակսիմովի երզումով տուած խոստումները չեն յարգուած՝ ոչ ղեսպանների դրաւոր երաշխաւորութիւնը եւ ոչ ապահովութիւնը կոտորածներից: Տղաների ձեռքից առնում են ատրճանակները եւ փոխադրում Ֆրանսական «Ժիրոնդ» նաւը, ուր նրանք ենթարկւում են խուզարկութեան եւ անարգանքի:

\*) Տե՛ս Արսէն Գարօ, «Ապրում Օրեր», էջ 137-40:



Մասնաւորապէս կոպիտ վերաբերում է ցոյց տալիս Ֆրանսական դեսպանատան թարգմանը:

Նոյն վերաբերումը եւ Մարտէյլում. փոխանակ ազատ թողնելու, ինչպէս խոստացուած էր Պոլսում, ոստիկաններով շրջապատած տանում են նրանց Սէն Փիէրի բանտը, ուր նորից խուզարկում են՝ ամենքին մերկացնելով: Առնում են վրաներից ժամացոյցներն ու դրամները եւ 17 օր պահում են բանտում ամենախիստ հսկողութեան տակ:

Բանկ Օթոմանի դէպքը լայն արձագանգ գտաւ եւրոպական մամուլում: Բոլոր երկրների ազդեցիկ թերթերը դրուատեցին հայ յեղափոխականների խիզախ դործը՝ դատապարտելով նաեւ Սուլթանի բարբարոս վարչաձեւը: Հանրային կարծիքի ճնշման տակ, այլեւ «Դրօշակ»ի խմբագրութեան թափած ջանքերի շնորհիւ՝ Ֆրանսական կառավարութիւնը յանձն առաւ, բանտարկեալների յայտնած ցանկութեան համաձայն, Հրաչին եւ Արմէն Գարոյին ազատ թողնել եւրոպայում, իսկ մնացած 15 հոգուն փոխադրել Նիւ Յորք: Բանտարկութեան 17-րդ օրը, Հրաչն ու Արմէն Գարօն, երկու ոստիկանների հսկողութեան տակ, ուղարկուեցին Ժընևե, իսկ յաջորդ օրը միւսները, փոխանակ Նիւ Նորքի, տմարդի խարէութեամբ, ապրանքատար նաւով ճամբուեցան դէպի Բուէնոս Այրէս: Այստեղից նրանք վերադարձան Լոնդոն, ուր մնացին որոշ ժամանակ Դաշնակցութեան հոգատարութեան տակ եւ հետզհետէ փոխադրուեցին Բալկանեան եւ այլ երկիրներ՝ շարունակելու համար յեղափոխական աշխատանքը Դաշնակցութեան շարքերում:

Մակսիմովի խոստումներից միայն մէկը դործադրուեց ճշգրտութեամբ. բանկում վիրաւորուածները, որոնցից երկուսը ծանրը, ուսսական դեսպանատան ղաւազների հսկողութեան ներքոյ փոխադրուեցին ուսսական հիւանդանոցը, ուր նրանց ցոյց տրուեց հոգածու խնամք եւ պաշտպանութիւն: Սուլթանի կառավարութիւնը մի քանի անգամ փորձեց ձեռք դնել իր «հպատակների» վրայ, կերակուր եւ թուրք բժիշկ ուղարկեց նրանց դարմանելու համար, բայց ուսսական դեսպանատան կողմից հանդիպեց մերժումի: Բժշկուելուց յետոյ, վիրաւորուածները ուսսական նաւով տեղափոխուեցին արտասահման:

Բանկի դէպքը արձագանգ գտաւ եւ Սամաթիայում: Ինչպէս յիշեցինք, որոշուած էր այստեղ ումրային գործողութեան դիմել զօրանոցի դէմ՝ զուգընթաց բանկի գրաւման: Մրադրուած եւ ամէն պատրաստութիւն տեսնուած էր արդէն՝ փորձուած յեղափոխականներ՝ Խաչիկ Գնունիի, Արտաշէս Անդրէասեանի եւ Արտաշէս Միսաքեանի ղեկավարութեամբ:



Ըստ երեւոյթին, մատնութեան հետեւնաքով, ոստիկանութիւնը լուր էր առել պատրաստուող ձեռնարկի մասին: Օգոստ. 14-ին, առաւօտուանից, Սամաթիայի փողոցներում պահակներ են երեւում, որոնք անցուղարձողներին ենթարկում են խուզարկութեան եւ կասկածելիներին ձերբակալում են: Զինուորական պահակներով շրջապատում է եւ Գնունի բնակարանը, բայց Գնունին նախորդ օրուանից Միսաքեանների տանն է լինում: Զինուորական ուժեղ շղթայի տակ են առնւում նաեւ Միսաքեանների եւ ուրիշների կասկածելի համարուած տներն ու հայկական դպրոցը՝ յեղափոխական պարագլուխներին ձերբակալելու նպատակով:

Երբ արդէն բանկը դրաւուած էր, կռիւներ են սկսւում եւ Սամաթիայում: Մէկը միւսի յետեւից, զանազան տներից կրակ է տեղում շրջապատող զօրքերի եւ ոստիկանների վրայ: Սրանք էլ պատասխանում են համազարկներով: Յեղափոխականների նետած ումբերը ահ ու սարսափ են տարածում ամէն կողմ: Մասնաւորապէս բուռն է լինում դիմադրութիւնը Միսաքեանների տնից: Երկուստեք էլ ծանր կորուստներ են ունենում, բայց ուժերը անհաւասար էին: Սամաթիան մինակ չէր կարող երկար դիմադրել կառավարական դերազանց ուժերին եւ, ի վերջոյ, 18 ժամ կռուելուց յետոյ, պարտուեց: Հերոսի մահով ընկան Սաչիկ Գնունին, Արտաշէս Անդրէասեանը (Սուրէն), Արտաշէս Միսաքեանը եւ ուրիշ թանկագին ընկերներ:

Ընդհանուր ծրագրի լրիւ գործադրութեան պարագային, Սամաթիան իր ուժեղ պատրաստութեամբ եւ անձնազոհ ու անվախ դործիչներով կարող էր մեծ նպաստ բերել Պոլսի ձեռնարկին: Դժբախտաբար, ծրագիրը մէկ մասով միայն իրագործուեց եւ Սամաթիայի դիմադրութիւնը մնաց միայն Բանկ Օթոմանի դիւցազնամարտի հետ կասլուած հերոսական մի դրուագ:

Բանկի եւ Սամաթիայի հերոսները պատրաստ էին զոհելու իրենց կեանքը ազգային դատի համար: Հետեւանքը կարող էր լինել բոլորովին ուրիշ, եթէ Կենտր. Կոմիտէի դժած ծրագիրը գործադրուէր ամբողջութեամբ, եթէ, մանաւանդ, տեղի չունենար Մակսիմովի միջամտութիւնը եւ գործադրութեան դրուէր Սուլթանի հրամանը: Այդ դէպքում, ամենայն հաւանականութեամբ, եւրոպական նաւերի զինուորները Պոլիս կը մտցուէին եւ դէպքերը կարող էին տարբեր ընթացք ստանալ:

Բանկ Օթոմանի դէպքը մեծ տպաւորութիւն գործեց Եւրոպայի մամուլի եւ հանրային կարծիքի վրայ: Թրքասէր եւ Սուլթանից կաշառուած թերթերի ճիղերը «աւազակներ» կամ «անիշխանականներ» ներկայացնելու Բանկը գրաւողներին ո՛չ մի յաջո-



դուժին չունեցան: Ընդհակառակը, Բանկի հերոսների ասպետական վերաբերումը դէպի պաշտօնէութիւնը եւ այն փաստը, որ Բանկի դրամներից ոչ մէկ սանտիմի ձեռք չէին սուել, ընդհանուր համակրանք ստեղծեց նրանց շուրջ: Մայրաքաղաքների ազդեցիկ թերթերը միաբերան դրուատում էին հայ յեղափոխականներին, արդարացնում էին նրանց ընթացքը եւ միաժամանակ դատասպարտում թրքական վարչութիւնը: Յայանուած շատ կարծիքներից միայն մէկը առաջ բերենք, իբրեւ նմոյշ. «Մի բուն կրտսերի՞նք, դրում էր Բրիւսէլի «Էտուալ Բելթ» օրաթերթում «Ժիրոնդ» նաւի բժիշկը, օրը ցերեկով, կատարեալ անձնագոհութեամբ, մայրաքաղաքի կենտրոնում դրաւեցին Օսմանեան կարեւորագոյն հաստատութիւնը, 18 ժամ մնացին այնտեղ՝ առանց մի սանտիմի ձեռք տալու եւ, ի վերջոյ, ամենապատուաւոր եւ յաղթական կերպով թողին բանկը: Եւ այդ հերոսները, այդ առաքեալները մեզ հետ էին (նաւի վրայ) վեց օր շարունակ: Մենք կարողացանք քննել եւ զնահատել նրանց. սպաներ եւ ուրիշ պաշտօնեաներ՝ մենք ամենքս հիացած էինք նրանցից, պատուում ու սիրում էինք նրանց»:

Հանրային կարծիքի ճնշման տակ՝ դիւանագիտութիւնն էլ մի պահ նորից գրադուեց թուրքիայով ու հայերով՝ դարձեալ վերադառնալու համար իր պիղատոսեան դիրքին:

Աւելացնենք նաեւ այն, որ Բանկ Օթոմանի դէպքից յետոյ, մի պահ թուաց, թէ Ռուսաստանը մտադիր է լուրջ կերպով ձեռք առնել թրքական խնդիրը: Յարի տխրահոչակ նախարարը՝ Լորանով, որ երազում էր «Հայաստանը առանց հայերի» տեսնել, Վիեննայից վերադարձին, երկաթուղու վագոնում, Բանկ Օթոմանի դրաման հեռագրալուրը կարդալուց յետոյ՝ յանկարծամահ էր եղել սրտի կաթուածից: Պոլսի դեսպան Նելլիդովը, որ համամիտ չէր Լորանովի թրքական քաղաքականութեան, Փրանսական դեսպան Քամբոնի հաւանութեամբ, Բանկի դէպքից անմիջապէս վերջը, հաղորդում է Պետերբուրգի կառավարութեան, թէ թուրքիայում ընդհանուր անիշխանութիւն է տիրում եւ հաւանական է, որ հայ յեղափոխականները նոր ձեռնարկներ կատարեն: Այս անիշխանութիւնից կարող է օգտուել Անգլիան եւ դրաւէ Նեղուցները: Ուստի, անհրաժեշտ է, որ նման մի հաւանականութիւն կանխելու նպատակով, Ռուսաստանը ստանձնէ թրքական դործերին միջամտելու նախաձեռնութիւնը:

Նելլիդովի այս առաջարկը հաւանութիւն է գտնում Պետերբուրգում, եւ Յարի կառավարութիւնը հրաման է տալիս Սեւ ծովի նաւային ուժերին շտապով նախապատրաստուել: Միեւնոյն ժամանակ՝ Խրիմում զօրամասեր են համախմբում, ի հարկին,



ցամաք հանելու համար Փոքր Ասիայում: Այս շարժումը, սակայն, երկար չտևեց. տեսնելով Եւրոպայի անտարբերութիւնը եւ վախենալով միջազգային բարդութիւններից՝ ցարը հրաժարուեց այդ ծրագիրներից:

Անգլիայում էլ, ուր հասարակական միտքը չափազանց զբոսաբերուած էր Պոլսի դէպքերից, Գլադստոնը փորձեց եւրոպական միջամտութիւն առաջ բերել յօգուտ հայերի: 1896 թ. Սեպտ. 21-ին արտասանած իր նշանաւոր ճառով, որ նրա կարապի երզը եղաւ, նա անողոք խօսքերով դատապարտեց Թուրքիայի վատթար կարգերը, իբրեւ հետեւանք մեծ պետութիւնների վարած քաղաքականութեան: «Հարիւր հազարաւոր սպանուած հայեր, ասաց նա, եւ ո՛չ մէկ երաշխիք, որ նման վայրագութիւններ պիտի չկրկնուին, անհաշիւ շահ, որ ձեռք բերին ջարդարարները — եւ այս ամէնը եւրոպական համերգի պատճառով, այսինքն՝ մեծ պետութիւնների փոխադարձ արհամարհանքի եւ ատելութեան հետեւանքով»:

Քաղաքակիրթ մարդկութեան խիղճը պէտք է ըմբոստանայ այս անհանդուրժելի շարագործութեան դէմ, աղաղակում էր Գլադստոնը: Եւրոպան պէտք է խզէ իր յարաբերութիւնները կարմիր Սուլթանի հետ եւ արագ ու կտրուկ միջոցներ ձեռք առնէ ի նպաստ հայերի: Բայց ո՞վ էր լսողը:

Նոյն կարգի վրդովում եւ աղաղակներ լսուեցին նաեւ Եւրոպայի ուրիշ կենտրոններից: Հանրային խիղճը, սակայն, անզօր էր ազդելու զձուձ հաշիւներով առաջնորդուող դիւանադիտութեան վրայ: Տարբեր կը լինէր նրա վերաբերումը, թերեւս, եթէ Բանկ Օթոմանի ոսկիները լուրջ վտանգի ենթարկուէին, եթէ եւրոպական դիշատիչ դրամատէրերը պէտք տեսնէին իրենց շահերի ապահովութեան համար միջամտելու Թուրքիայի գործերին:

Հայերի համար Բանկ Օթոմանը եղաւ ու մնաց, իբրեւ ազգային բողոքի եւ կուտակուած ցասումի ու վրէժի տարերային ու խիղախ մի պոռթկում: Եւ որպէս այդպիսին, նա կատարեց իր պատմական դերը եւ այսօր էլ դեռ շարունակում է ներշնչել ու ողբերկ ազատատենչ հայ սրտերը:



## ՓԵՏՐՈՒԱՐ 18

Գրեց՝ Յ. ԻՐԱԶԵԿ

Հայ ժողովուրդը, իր բազմադարեան գոյութեան ընթացքում, Ազատասիրութեան, ջերմ Հայրենասիրութեան, այլեւ արդար Յասուժի եւ Ըմբոստութեան բազմաթիւ դրուագներ է հրաշակերտել՝ մէկը միւսից շքեղ ու հոյակապ, պատմութեան ասպարէզը թեւակոխելու հենց առաջին օրից սկսած:

Նման դրուագներից են, օրինակ, մեր սքանչելի նախահօր՝ Հայկի դիւցազնամարտը Բէլի դէմ, մեր ազգի դարաւոր պայքարը, փոփոխակի յաջողութիւններով, գոռոզ Ասորեստանի եւ Հին Աշխարհի մի շարք զօրաւոր ազգութիւնների դէմ, Վարդանանց ճակատամարտը Աւարայրի դաշտում, Սասունցի Դաւթի խոյանքն ու յաղթանակը լեռնանման Մարամելիքի դէմ, Դաւիթ Բէկի հերոսական կռիւներն ու յաղթութիւնները ժամանակի երկու հզօր աշխարհակալ պետութիւնների՝ Պարսկաստանի ու Տաճկաստանի դէմ եւ այլն: Եւ, վերջապէս, մեր օրերի Հայ Ազատագրական պատմութեան էջերում արձանագրուած անթիւ ու անհամար հերոսամարտերն ու հերոսութիւնները՝ նորից երկու հզօր պետութիւնների դէմ եւ նրանց սահմանների ներսում՝ վիթխարի Ռուսաստանի եւ արիւնախանձ Տաճկաստանի:

Փետրուար 18 եւս, իր բովանդակ արտայայտութեամբն ու խորհրդովը, մէկն է այդ հռչակապ դրուագներից եւ հայ կեանքի ու մեր նորագոյն պատմութեան ամենափայլուն, ամենալուսաւոր մէկ էջը: Բայց միայն մի խոշոր տարբերութեամբ, որ հետեւեալն է.

Բոլոր միւս դէպքերում շարժումն սկսուել ու ղեկավարուել է, ինչպէս ցոյց են տալիս վկայութիւնները, վերելից, այսինքն՝



Ժողովրդի վերին խաւերից, բարձր ու ղեկավար դասակարգերից : Բուն ժողովուրդը, կրաւորական մի կամակատարութեամբ, կամայ թէ ակամայ, միայն հետեւել է նրանց :

Այսպէս, օրինակ, վարդանանց պատերազմում գլխաւոր դերակատարներն էին՝ կաթողիկոս, եպիսկոպոս, վարդապետ, աւագերէց, քահանայ, նախարար, սեպուհ, իշխան, ազնուականներ : Իսկ ժողովուրդը կոչուած հոծ հաւաքականութիւնը՝ բոլորովին երկրորդական դերում, ստուերի մէջ, կարելի է ասել՝ մոռացուածի, արհամարհուածի վիճակում :

Փետրուարեան ապստամբութեան մէջ միանգամայն հակառակն ենք տեսնում : Այստեղ դերերը փոխուած են, եւ գլխաւոր դերակատարը ինքը ժողովուրդն է : Շարժումը ծնունդ է առնում վարից, բուն ժողովրդի ծոցից, այլեւ, դոնէ սկզբնական շրջանում, նրա՝ ղեկավարութեամբ :

Սակայն, գնալով եւ աւելի ու աւելի զօրանալով՝ իր յետեւից նա քաշում-տանում է ազգարնակութեան միւս տարրերին եւս՝ ղեկավարութիւնն ու մտաւորականութիւնը : Որով շարժումը դառնում է ընդհանուր եւ ստանում է համագոյնի, համաժողովրդական բնոյթ ու կերպարանք՝ այդ գաղափարների ամենաընդարձակ իմաստով :

Դրա հետ միասին՝ մի կարեւոր հանգամանք եւս . Փետր . 18-ը անմիջապէս քելադրուած չէր, բառի նեղ իմաստով, անկախութեան, հայրենիքի, ազատութեան, ընկերային հասարակակարգի եւ կամ նման որեւէ գաղափարի պաշտպանութեան պահանջից, ինչպէս սովորաբար լինում են բոլոր յեղափոխութիւնները, ազգային-հասարակական շարժումները : Ո՛չ, ինչպէս քիչ յետոյ պիտի տեսնենք, նա ծնունդ էր գերազանցօրէն մի շատ տարրական, բայց եւ շա՛տ արդար պահանջի՝ ապրելու իրաւունքի կամ ապրելու պահանջի — այս խօսքերի բառական հասկացողութեամբ — որից փաստօրէն զրկուած էր մեր ժողովուրդը բոլշեւիկ բռնակալութեան աննախընթաց լծի տակ :

Ուրեմն, այս տեսակէտից եւս Փետր . 18-ը հանդիսանում է մի խիստ ուշադրաւ ու եզակի երեւոյթ մեր պատմութեան մէջ :

### ԲՈՂՇԵՒԻԿ-ԲԵՄԱԼԱԿԱՆ ԵՂԲԱՅՐՈՒԹԻՒՆԸ

Համաշխարհային մեծ պատերազմի յորձանքների մէջ, «իւր քաջ որդոց սուրբ արիւնով», վեհօրէն բացուեց Մայիս 28-ի լուսապայծառ արշալոյսը եւ մի օրից միւսը, դարերի ստրկութեան ներքոյ հիւծուած եւ ծուէն-ծուէն եղած հայ հայրենիքը, վերջապէս, իր անկախութիւնը գրկեց, թէեւ, դժբախտաբար, մէկ շատ



փոքրիկ հողաշերտի վրայ, հազիւ ընդամէնը 12,000 քառ. կի-  
լոմետր տարածութեամբ եւ կեանքի ու գոյութեան չափազանց  
ծանր, ողբալի պայմաններում:

Ժողովուրդը՝ աննշան, որպէս քանակ, հազիւ մէկ միլիոն  
չունչ համրանքով, այն էլ կէս առ կէս որբերից ու դաղթականնե-  
րից բաղկացած: Դրա հետ միասին, աշխարհաւեր պատերազմի  
հետեւանքով, բոլորովին կքած, անտեսապէս, Ֆիդիքապէս ու  
հողեպէս՝ վերջին ծայր քայքայուած ու թշուառ, սովի, համա-  
ճարակ հիւանդութիւնների ու մերկութեան ճիրաններում մահ-  
ուան դուռը հասած եւ իր հաւասարակչութիւնը կորցրած:

Աւելացրէ՛ք նաեւ՝ ներքին ու արտաքին թշնամիներով օղակ-  
ուած, դրսի աշխարհից միանգամայն կտրուած եւ առանց օգնու-  
թեան ամենափոքրիկ յոյսի:

Իսկ որ ամենից վիխաւորն է եւ ամենից ահաւորն ու սոսկա-  
լին՝ մեր դարաւոր թշնամին էլ եկած, բանակ դրած ու չոքած Ե-  
րեւանի պատերի տակ, 7-8 կիլոմետր հեռաւորութեան վրայ,  
հայի արեան վերջին կաթիլին ծարաւի, եւ թնդանօթների փո-  
ղերն ուղղած մէկ կողմից՝ երկրի մայրաքաղաքի՝ Երեւանի, միւս  
կողմից՝ հայութեան սրտի ու հաւատքի ամբոց էջմիածնի վրայ:

Սակայն, ո՛վ դարմանք, կատարուեց հրաշքը: Նկուն ու գե-  
րեզմանի եզրին գտնուող Հայոց Աշխարհը անսպասելիօրէն՝ ո՛չ  
միայն անխուսափելի մահից փրկուեց, յարութիւն առաւ, այլեւ  
սկսեց կամաց-կամաց շունչ քաշել, աճել, զօրանալ ու զարգա-  
նալ եւ ընդարձակուել: Յաջորդ տարին արդէն բոլորովին կազ-  
դուրուած ու ոտքի՝ խորունկ հաւատով ու վստահ աչքերով իր  
լուսաւոր ապագային էր նայում...

Բայց, դժբախտաբար, շաբաթն աւելի շուտ եկաւ, քան ուր-  
բաթը: Հայոց յոյսերը չարդարացան եւ Հայաստանի մանուկ  
Հանրապետութիւնը երկար կեանք չունեցաւ: Դէպքերը յայտնի  
են ամենքին ու հրապարակի վրայ:

Հիւսիսից՝ «Կարմիր յեղափոխական» բոլշեւիկեան Ռուսաս-  
տանը, հարաւից՝ քեմալական ազդայնամուլ Թուրքիան, իրար  
հետ եղբայրացած ու ձեռք-ձեռքի, արշաւեցին ու միացեալ ու-  
ժերով խորտակեցին հայ ժողովրդի դարաւոր երազը՝ Հայաս-  
տանի նորածին անկախութիւնը:

## ՀԱՅԱՍՏԱՆԸ ԲՈՂՇԵՒԻԿԵԱՆ ԼՄԻ ՏԱԿ

### ԱՌԱՋԻՆ ՕՐԵՐԸ

Հանրապետական Հայաստանի կառավարութիւնը, աւելորդ  
արիւնհեղուքիւնից խուսափելու եւ երկիրն աւերմունքից փրկե-



լու մտահոգութեամբ, նպատակայարմար գտաւ ընդունել թորհ. Ռուսաստանի լիազօր-ներկայացուցիչ Լեզրանի պահանջը եւ իշխանութիւնը յանձնել բուլշեւիկներին:

Որով, ուրեմն, իշխանութիւնը յանձնուեց, օրինական բոլոր ձեւականութիւնները կատարուելով: Հայաստանը խորհրդայնացաւ եւ բուլշեւիկները երկրին տիրացան՝ բոլորովին խաղաղ կերպով, առանց մի կաթիլ արիւն քափելու: Հետեւաբար, հեքեաթ է, սին ինքնագոյութիւն միայն եւ ո՛չ թէ իրականութիւն, երբ բուլշեւիկները, տեղի-անտեղի պարծանքով միշտ թմբկահարում են, որ իբր թէ Հայաստանում ապստամբութիւն է եղել Հանրապետական կառավարութեան դէմ, այն էլ՝ դոյութիւն չունեցող ինչ որ «յեղափոխական բանուորութեան» կողմից, եւ իրենք իշխանութիւնը կռուով են խլել Դաշնակցականներին:

Եւ հասկանալի է. բուլշեւիկներն ի՞նչպէս կարող էին հաշտուել, որ առանց կռուի, առանց արիւնհեղութեան իրենք ձեռք բերած լինէին իշխանութիւնը: Չէ՞ որ իրենց անգիր արած մարքսեան տարազներից մէկը բաց է ի բաց պատգամում է՝ «Որեւէ երկրում, որ քաղաքացիական կռուի բովից չի անցել, պրոլետարիատի մենատիրութիւնը չի՛ կարող կայուն լինել»: Եւ իրենց մենատիրութիւնը Հայաստանում, ուր իրենց փնտռած պրոլետարիատն իսկ չկար, «կայուն» դարձնելու մտադրութեամբ, իշխանութեան անցնելու հենց առաջին վայրկեանից, սկսեցին գործադրել այնպիսի բանութիւններ ու անիրաւութիւններ, որոնց նմանը նոյնիսկ իսրայէլացիները չէին տեսել գերութեան մէջ Եգիպտոսում: Եւ այդ ամէնը միայն մէկ հրէշային նպատակով, որ ժողովուրդը, վերջ ի վերջոյ, համբերութիւնից դուրս գալով՝ դիմէր քաղաքացիական, եւ իրենից էլ փաղափարակալ կռուի արիւնով մկրտէին իրենց մենատիրութիւնը:

Այդ յանցագործ ճանապարհի վրայ իրենց առաջին քայլն եղաւ ուրացումը 1920 թ. Դեկտ. 2-ի համաձայնութեան, որով որոշ չափով ապահովում էին Հայաստանի եւ հայութեան գերագոյն շահերը եւ Հայոց Աշխարհը, խորհրդայնանալով հանդերձ, պահում էր իր անկախութիւնը, եթէ, ի հարկէ, դաշնագիր միւս կողմը յարգէր իր ստորագրութիւնն ու յանձնառութիւնները: Սակայն, եւ յիրաւի, համաձայնագրի մեջանը դեռ չցամաքած՝ բուլշեւիկներն իրենց ստորագրութիւնն էլ ուրացան, յանձնառութիւններն էլ ոտքի տակ տուին:

Համաձայնութեան ստորագրութիւնից 2-3 օր յետոյ՝ Ազրբէջանից, Իջեւան-Դիլիջան-Քանաքեռ դժով, Երեւան մտաւ բուլշեւիկեան առաջին ղինուորական ոյժը — մէկ փոքրիկ հեծեալ զօրամաս կարմիր Բանակից — քանձրացեալ աստիճանացոյցը կամ



չափանիշը Խորհրդային Ռուսաստանի ուժի, իրաւակարգի ու ամբողջ էութեան...

Ժողովուրդը հեռուից-հեռու շա՛տ բան էր լսել բոլշեւիկներին եւ, մասնաւորապէս, նրանց յաղթական կռիւների մասին կողջակի, Դենիկինի ու Վրանգելի դէմ եւ իր երեւակայութեան մէջ հրապուրիչ պատկերացում էր ստեղծել նրանց շուրջը: Եւ հասկանալի է, ուրեմն, այն մեծ հետաքրքրութիւնը, որից մղուած մարդկային մի հսկայ բազմութիւն տներից դուրս էր թափուել՝ Խորհ. Ռուսաստանի այդ իրական մանրանկարը իր աչքերովը տեսնելու համար: Հանրապետական Խորհրդարանի շէնքի առջևի քաղաքային այգին, բոլոր հրապարակներն ու փողոցները, որտեղով պիտի անցնէր «ազատարար» զօրքը, լեւի-լեցուն էին անհամբեր բազմութիւններով: Եւ սպասում էին, թէ ահա նորից պիտի տեսնեն նախկին Ռուսաստանի հզօր բանակը՝ հո՞ծ շարքերով, մաքուր ու գեղեցիկ հազնուած, երկաթաձոյլ կարգապահութեամբ եւ ամբողջ կարմիր դէմքերով — իսկական արտայայտութիւնը իր պետութեան ուժի եւ կաղապարուած զինուորական աւանդութիւնների...

Եկա՛ւ, վերջապէս... փոքրաթիւ, խեղճ ու կրակ մի բան թէ՛ արտաքինով եւ թէ՛ կարգապահութեամբ ու դորժած տպաւորութեամբ: Նիհար, գոյնզգոյն ու պատահական ձիերի վրայ նըստած, անկարգ շարքերով, վտիտ մարմնով, տժգոյն, վատառողջ դէմքերով եւ որ գլխաւորն է, Հանրապետական Հայաստանի զինուորների հազուստներ հազած, որոնց վերարկուների ուսադիրների վրայ հպարտօրէն բազմել էին «Հ. Հ.» — «Հայաստանի Հանրապետութիւն» բառերի սկզբնատառերը:

Շուտով պարզուեց հանելուկը: Ճանապարհին, Սէմիոնովկա եւ Ելենովկա ուսական դիւղերում, մեր զինուորների վրայից հանել էին հազուստները եւ իրենք հագել, իսկ իրենց ցնցոտիները նրանց տուել՝ ի նշան բոլշեւիկեան եղբայրութեան ու հաւասարութեան...

Ի՛նչ էին սպասում Հայաստանում եւ ի՛նչ տեսան... Ժողովրդի դիւին ջուր մաղուեց եւ ծովի ալիքների պէս խորհրդաւոր մի փսփսուկ անցաւ բազմութիւնների մէջ, մի ծայրից մինչեւ միւսը: Ա՞յս է բոլշեւիկութիւնը... Այս թշուառ խլեակները պիտի լինեն մեր փրկիչները եւ մեծ երկրի տէրերը...

Առաջին եւ բաւական խոր հիասթափութիւնն էր այս:

Դեկտ. 6-ին էլ, նոյն Դիլիջան-Քանաքեռ դժով, Իջևանից Երևան ժամանեց Հայաստանի յեղափոխական կոմիտէն՝ Յեղկոմը, այսինքն՝ բոլշեւիկ կառավարութիւնը, եւ առօք-փառօք



գնաց, բազմեց այնպէս հեշտ կերպով ձեռք բերուած կառավարական աթոռների վրայ...

### ԲՈՂՇԵՒԻԿԵԱՆ ՍԱՐՍԱՓՆԵՐԸ

Իշխանութեան տիրանալով՝ Խորհրդ. Հայաստանի կառավարութիւնը՝ Յեղկոմը, հենց առաջին օրուանից խելազար թափով դործի անցաւ եւ իր իսկական դէմքը շատ շուտով ցոյց տրւեց: Նա որդեգրեց աննախընթացօրէն դատան մի քաղաքականութիւն՝ բռնութիւնների քաղաքականութիւնը՝ բռնութիւնների քաղաքականութիւնը՝ բռնութիւնների քաղաքականութիւնը՝ բռնութիւնների քաղաքականութիւնը:

Խիստ բազմաթիւ, բազմազան եւ չափազանց անզուլթ ու անմարդկային էին իր դործադրած կառավարական տմարդի ձեւերը: Նմուշի համար, այստեղ մատնանշենք միայն մէկ-երկուսը՝ մի ազօտ դադափար տալու համար բոլշեւիկեան «իրաւակարգի» մասին նախափետրուարեան Հայաստանում:

Այսպէս, առաջին հերթին եւ առաջին վայրկեանից, ամբողջ երկրում յայտարարուեց զինուորական դրութիւն ամենախիստ պատիժներով միասին: Փողոցները լցուեցին սպառազէն ոստիկաններով ու զինուորներով՝ Գեւալէրեան խրոխտանքով եւ սպանական ու խոթող դէմքերով: Սարսափի մէկ մոայլ ամպ մի անդամից իջաւ ու կապարի նման ծանրացաւ ամբողջ երկրի վրայ: Կարծէք մոզական դաւազանի մէկ հարուածով, չքացան նախկին կենդանութիւնն ու զուարթ եռուզեռը փողոցներում, հրապարակներում եւ հասարակական վայրերում: Իսկ մութն ընկնելուն պէս՝ աւելի՛ ճնշիչ ու սոսկալի, դատարկութիւն ու ամայութիւն տիրեց ամէն տեղ: Ընկերը ընկերից, բարեկամը բարեկամից, հարեւանը հարեւանից, ամենքը ամենքից սկսեցին վախենալ ու կասկածել: Ո՛չ ոք գիտէր, թէ ի՞նչ է կատարուում հարեւան փողոցում կամ քաղաքամասում: Խզուած, կտրուած էր ամէն կապ ու յարաբերութիւն: Ամէն փողոց, ամէն ընտանիք, ամէն տուն, ինքն իր մէջ կծկուած՝ տառապում էր իր անօգնական մենակութեան մէջ:

Մի խօսքով՝ մէկ աներեւակայելի մթնոլորտ կասկածի, վախի, սարսափի եւ անթիւ հոգեմաշ մտքերի, ուր շնչել ու ապրել անհնարին էր:

Դրա հետ միասին, հենց առաջին օրերից, սկսուեցին ու շուտով սովորական երեւոյթների շարքն անցան յաճախակի բռնագրաւումները: Այսինքն՝ ազդարնակութեան ունեցուածքի ու



հարստութեան պետական թալանը՝ բոլոր քաղաքներում եւ բոլոր գիւղերում: Եւ որովհետեւ գործը չափազանց վատ էր կազմակերպուած, իսկ գործադրողներն էլ մեծ մասամբ անբարոյ, աւազակ ու պատեհապաշտ տարրեր էին, ուստի «բռնադրաւում» կոչուած կառավարական այդ ձեռնարկութիւնը վերածուեց համատարած կողոպուտի ու դարձաւ իսկական աղէտ ամբողջ երկրի համար:

Պետական պաշտօնեաները, սատիկանական ու զինուորական զօրեղ պահակներով գօտեպնդուած, սանձարձակօրէն խուժում էին տները եւ օրէնքի անուկով յափշտակում-տանում էին՝ ինչ որ իրենց աչքին դիւր էր դալիս — ոսկի, արծաթ, մեքենայ, դարդեղէն, հաց, պարէն, կենդանի, սերմացու, գորգ, հագուստ, ճերմակեղէն, ամէն ինչ: Եւ հետեւանքը եղաւ այն, որ տարիներով անօթութիւն, մերկութիւն ու թշուառութիւն ճաշակած մեր ժողովուրդը, որը Հանրապետութեան օրով հազիւ էր մի քիչ աչքը բաց արել, կրկին մատնուեց նախկին անմխիթար վիճակին ու դեռ մի բան էլ աւելի: Նորից նստեց մոխրի ու չոր գետնի վրայ: Եւ դժգոհութիւնն ու անէծքը մինչեւ երկինք բարձրացան:

Միաժամանակ կողոպտեցին ու մինչեւ վերջին շիւղը դատարկեցին նաեւ պետական բոլոր պահեստները, որ Հանրապետական կառավարութիւնը այնպէս խնամքով ու սրտցաւութեամբ, այլեւ գերմարդկային դժուարութիւններով լցրել էր հացով, դեղերով, հագուստեղէնով, խտացած կաթով, սապոնով եւ ուրիշ բազմազան նիւթերով ու մթերքներով:

Եւ, որ ամենից ահաւորն է, չխնայեցին մեր հաղարաւոր դժբախտ որբերին անգամ եւ նրանց բերանի հացն իսկ կտրելով, իբրեւ «եղբայրական նուէր» Ռուսաստան ուղարկեցին՝ «Նուէր ընկեր Լենինին Հայաստանից»: Խղճի ամենայն հանդստութեամբ դատարկեցին եւ քամուն տուին որբերի պահպանութեան յատկացուած բոլոր պահեստները:

Բայց կայ եւ աւելի սոսկալին — ընտանեկան պատուի հարցը, որ մեր ժողովրդի համար ամենամեծ սրբութիւնն է եւ ամէն բանից բարձր ու քանգ, նոյնիսկ կեանքից: Հայ ժողովրդին խորթ, եթէ աւելին չասենք, բոլշեւիկ բռնակալութիւնը հեռատես եւ զգոյշ չդտնուեց նաեւ այս շահ տ փափուկ խնդրի մէջ: Իր դիրքը երկրում ամրապնդելու համար, միւս կողմից էլ հարկաւոր վստահութիւնը չունենալով հայաստանեան զօրքերի հանդէպ, նա հարկ համարեց դրսից բոլշեւիկ զօրամասեր բերել տալ՝ Խորհրդ. Ազրբէջանից, ռուսական 11-րդ Կարմիր զօրաբանակից: Գալիս էին այս զինուորները մերկ ու սանձարձակ եւ սովորա-



բար, տեղաւորում էին մասնաւոր տներում, ընտանիքների մէջ եւ ապրում եւ սնւում նրանց հաշուին:

Ընտանիքներից շատերը տղամարդ չունէին: Նրանց այր մարդիկ կա՛մ սպանուած էին, կամ ընկած պատերազմում եւ կա՛մ զնդակահարուած, աքսորուած ու բանտ էին դրուած հենց իրենց՝ բոյշեւիկների ձեռքով: Եւ ահա հայկական տներում տեղաւորուած կարմիր բանակայինները եւ Չէկայի զինուորներն ու պաշտօնեաները ազատ ասպարէզ էին դտնում արատաւորելու ընտանեկան սրբութիւնները՝ անհուն վրդովում ու ցասում առաջ բերելով ժողովրդի մէջ:

\* \* \*

Այդ ամէնի հետ միասին՝ բոլշեւիկ բռնակալութիւնը նպատակ էր դրել Հայաստան ոտք կոխելու հենց առաջին բոպէից՝ քուլացնել ու քայքայել հայ ժողովրդի ֆիզիքական ոյժը, անդամալուծել նրա դիմադրական կորովը: Այդ նպատակին հասնելու համար՝ հարկաւոր էր, ամենից առաջ, գլխատել հայութիւնը, առաջին հերթին, հրապարակից վերցնել, ոչնչացնել նրա մտաւորականութիւնը, ղեկավարութիւնն ու բոլոր կենդանի ուժերը:

Եւ ահա՛, երկրի մի ծայրից մինչեւ միւսը հեղեղի պէս յորդեցին հալածանքներն ու բռնութիւնները՝ անդուծ, տմարդի ու բարբարոս: Բանտ, աքսոր, զնդակահարութիւն, եւ ամէն կարգի լսուած ու չլսուած դադանութիւններ իրար յաջորդեցին շարժանկարի արագութեամբ՝ ամէն օր ու ամէն ժամ:

Հարուածն ուղղուած էր առաւելապէս Դաշնակցութեան ու Դաշնակցականների դէմ, որովհետեւ բոլշեւիկ թշնամին շատ լաւ գիտէր ու հասկանում էր, որ հայութեան վրիժառու բռունցքը, նրա ազգային շահերի արքունի պահակն ու պաշտպանը Հ. Յ. Դաշնակցութիւնն էր իր կազմակերպուած հոծ շարքերով եւ մարտական գերազանց կարողութիւններով: Եւ ամենից աւելի տուժեցին ու շարաշար կերպով պատուհասուեցին Դաշնակցութիւնն ու Դաշնակցականները: Դաշնակցականներից քչերը միայն կարողական դաժան ճակատագրից խուսափել՝ ոմանք հրաշքով երկրից դուրս գալ յաջողելով, ուրիշներ երկրում ապահով թաղստոցներում փրկութիւն գտնելով:

Ու պատահեց այն՝ ինչ որ անխուսափելի կերպով պիտի պատահէր: Կարճ ժամանակի ընթացքում երկիրը վերածուեց կսկական մի դժոխքի եւ կեանքը կորցրեց իր բնականոն ճանապարհն ու հրապոյրը: Իրանահայ շնորհալի բանաստեղծ Արամ-Դառօնէի գեղեցիկ արտայայտութեամբ՝



Երկիրը դառել է զնդան,  
Բանտերը գերեզման են դառել.  
Ի՞նչ եղան հերոսներն այնքան,  
Ի՞նչ եղան...

Մէկը չէ, տասը չէ, հարիւր չէ,  
Հայաստանն է, ողջ ազգն է մեր՝  
Բռնել աքսորի ճամբան,  
Դառել օտարին գերի...

Հայ ժողովրդի լաւագոյն զաւակներից շատերը դաժանութեամբ աքսորուեցին երկրի սահմաններից դուրս եւ 100-աւորներ ու 1000-աւորներ, զանազան սլատրուակներով, բանտ նետուեցին: Մտաւորականներ, պետական-հասարակական գործիչներ, յեղափոխական դէմքեր, դրականազէտներ, զինուորականներ, գիւղացիներ, արհեստաւորներ... Ամէնքը պատուհասուեցին, իբրեւ ազգի ու հայրենիքի թշնամիներ, մի կառավարութեան ձեռքով, որի «արդարադատութեան» նախարարն էր ֆեմալական գործակալ եւ Հայաստանի ու հայութեան «անկեղծ բարեկամ» քուրճ Սուլէյման Նուրի...

Ներկայացնենք միայն մի քանի անուններ զաղափար տալու համար հայ ղեկավարութեան մէջ կատարուած աւերածութեան մասին. — Բժ. Հ. Օհանջանեան, Ն. Աղբալեան, Ա. Սահակեան (Հայր Աբրահամ), Յ. Քաջազնունի, Լ. Շանթ, խմբապետ Համազասպ, Բժ. Յ. Տէր-Դաւթեան, Ա. Զիլինգարեան, Վ. Նաւասարդեան, Բ. Իշխանեան, Վ. Բարայեան, Ա. Աստուածատրեան, Բժ. Յ. Մելիքեան եւայլն եւայլն:

Եւ ամիսներով, Զէքայի զնդաններում ու բանտում սահելուց յետոյ, սկսուեց կոտորածը բանտային նկուղների մթութեան մէջ: Հրազէնի հետ միասին, գործի անցաւ նաեւ կացինը. տասնեակ ազգանուէր ու թանկագին կեանքեր յօշոտուեցին վայրագօրէն, առանց դատ ու դատաստանի...

Դաժան եւ անդուժ եղաւ բոլշևիկ իշխանութեան վերաբերումը եւ դէպի հանրապետական բանակի ղեկավարութիւնը. մի շարաշուք օր հայ սպայութիւնը, 1200 մարդուց աւելի, խաբէութեամբ ու տմարդի ձեւով, մէկ անգամից, դէպի աքսոր քշուեց՝ ոռւս սահակների խիստ հսկողութեան տակ: 1921 թ. Յունուարի 24-ին էր այդ, մի շարագուշակ ու սեւ օր բովանդակ հայութեան ու Հայաստանի համար: Տուն չկար՝ որ չողբար. մարդ չկար՝ որ չսպար: Մէկը՝ իր աքսորուած հարազատի կամ հարազատների, իսկ ամենքը՝ Հայրենիքին հասած ահաւոր աղէտի համար:

Գործը ծրագրուած ու կազմակերպուած էր սատանայական



խորադիտութեամբ եւ այնպէս, որ ո՛չ ոք ոչինչ չկուահէր եւ մի-  
ամտօրէն գնար՝ իր ոտքովը ծուղակն ընկնէր:

Որպէսզի աքսորի դատապարտուած սպաներից եւ ո՛չ մէկը,  
փախուստի եւ կամ մի այլ միջոցով, չկարողանար ճողոպրել ընդ-  
հանուր կարաւանից, երկրի բոլոր կէտերում, ուր զինուորական  
կայաններ կայի, աքսորի գործողութիւնը կատարուեց միեւնոյն  
օրը, միեւնոյն ժամին ու միեւնոյն ծրագրով:

Այսպէս, օրինակ, Երեւանում, ցուցակագրութեան պատըր-  
ուակով, ամբողջ հայ սպայութիւնը, ծերունի ու վաստակաւոր  
գօրավարներ Նազարբէկեանի, Սիլիկեանի ու Հախվերդեանի դըլ-  
խաւորութեամբ, հաւաքեցին Խորհրդարանի շէնքում եւ հենց  
այնտեղից, ոտքով, Քանաքեռ-Դիլիջան դժով քշեցին դէպի աք-  
սոր՝ շրջապատուած ուս զինուորներով եւ նրանց խիստ հսկո-  
ղութեան տակ:

Մարդիկ իրենց տներից դուրս էին եկել առանց որեւէ վատ բան  
կռահելու, բոլորովին միամիտ, առանց որեւէ պատրաստութեան:  
Առանց տաք հագուստի, ճերմակեղէնի, դրամի եւ նոյնիսկ առանց  
իրենց ընտանիքներին հրաժեշտ տալու: Նրանց չթոյլատրուեց  
դէթ քառորդ ժամով տուն գնալ եւ գոնէ վերջին «մնաք բարով»ն  
ասել իրենց սիրելիներին ու հարազատներին: Ու ձմեռուայ այդ  
սառնամանիքին, այդպէս մերկ, անօթի ու թշուառ եւ, որ դըլ-  
խաւորն է, ջախջախուած հոգով, նրանք ճանապարհ ընկան դէպի  
աքսոր, դէպի իրենց սպասող անյայտութեան մութ աշխարհը...

Այս եւ սրանց նման բազմաթիւ ու բազմազան վայրագու-  
թիւններով բուռնի բռնակալութիւնը, շատ կարճ միջոցում,  
ամբողջ երկրում ստեղծեց անօրինակ սարսափի, բանտի ու սպան-  
դանոցի մի անտանելի մթնոլորտ, ուր շնչել այլեւս անկարելի էր:  
Ո՛չ ոք ապահով չէր իր ունեցուածքի, անձի ու պատուի համար:  
Գիշերը, երբ անկողին էիր մտնում, չգիտէիր, թէ առաւօտեան  
ո՛ւր ես լինելու՝ տա՞նը, բանտ՞ում, աքսորի ճանապարհի՞ն,  
թէ՞ զնդակահարուած եւ աղբանոցի մէջ նետուած...

Ականատեսի շատ ճիշդ, այլեւ գեղեցիկ վկայութեամբ՝ «...  
մեծամասնական իշխանութիւնը կառավարիչ չէր, այլ ուրական  
մը, թաթառ մը, որ եկաւ անցաւ հայոց աշխարհի արդէն դըժ-  
բախտ ու որբացած երկրին վրայով: Սուգն ու թախիծը, կըս-  
կիծն ու մորմոքը փշաքաղ կ'ընէին ամենուն սիրտն ու հոգին:  
Ժպիտը վաղուց խոյս տուած էր հայ ժողովուրդի երեսէն. անար-  
ցունք լացը բոլորին դէմքին թառած էր. ցասումն ու դժգոհու-  
թիւնը օրէ օր կ'աճէին, կը լեռնանային: Անկախ, ազատ հայրե-  
նիքի տենչը, ազատութեան ծարաւը, գեղեցիկ երազի նման,  
կուգային թրթռացնել բոլորին հոգին ու սիրտը: Դժոխք օրեր



էին» . ( Յ . Սահակեան՝ «Ներկու տարի հայկական բանակին մէջ» , Փարիզ , 1937 թ . , էջ 169 ) :

Ու երբ մի բոլոր մտածում էք , թէ այս բոլոր խժոժութիւնների հեղինակները հայեր էին , հայ ծնողների զաւակ ու ձեր արիւնից ծնուած , այն էլ՝ հանդէպ իրենց Մայր Հայրենիքի ու հարազատ ժողովրդի , մարդու սրտից արիւն է կաթում : Աւելացրէ՛ք նաեւ , որ այդ մարդիկ պատկանում էին մի կուսակցութեան , որը , ո՛չ բարով , մարդկային բոլոր ազնիւ ու վեհ դադափարներն ու առաքինութիւնները միայն ի՛ր սեփականութիւնն է համարում եւ նրանց անունից բարբառելը՝ ի՛ր մենաշնորհը :

Այս ամէնը հերիք չէր . արտաքին ճակատի վրայ էլ բուռն-ւիկները ո՛չ մէկ բարիք չբերին Հայաստանին . թուրքերը շարունակեցին հարստահարութիւնը եւ հայերի բնաջնջումը իրենց գրաւած վայրերում՝ արհամարհանքով պատասխանելով Նրեւանից լսուող բողոքներին : Մոսկուան ոչ մէկ օգնութիւն չհասցրեց սովի ճիրաններում տուայտող հայերին : Բուլշեւիկեան խոստումներից եւ ոչ մէկը չիրականացաւ , որ աւելի եւս սաստկացրեց ժողովրդի յուսախարութիւնն ու զայրոյթը :

## ՀԱՄԱԺՈՂՈՎՐԴԱԿԱՆ ՑԱՍՈՒՄԸ ԵՒ ՓԵՏՐ . 18-Ը

### 1. ԴԵՊՔԵՐԻ ԸՆԹԱՑՔԸ

Սխտ ծանր ու հոգեմաշ մի վիճակ էր ապրում հայ ժողովուրդը բուլշեւիկեան բռնակալ լծի տակ : Նշան ազնիւ ու հայրենասէր հայորդիներ , որոնք փորձեցին զգաստութեան կոչել բուլշեւիկ ղեկավարութիւնը Հայաստանում : Բայց ապարդիւն : Մարդիկ Մարքս-Լենինեան բանաձեւը պրոլետարիատի ղիկատուրայի մասին թութակելով , կարմրած աչքերով ու կարմիր դրօշակ պարզած , պնդում էին մոլեգին . «Մեղ քաղաքացիական կռիւ է պէտք : Անհրաժեշտ է , որ բոլոր հակախորհրդային տարրերը մերկացուեն , ջարդուեն ու արմատախիլ արուին» . . .

Ու իրենց այդ խենթ երազովն արբեցած՝ ամէն ինչ արին այնպէս , որ ժողովրդական գայրոյթը , վերջ ի վերջոյ , իր հունից դուրս գալով , պայթէր նրանց գլխին փոթորկի պէս եւ իրենք առիթ ունենային՝ «մեր բազմիցս խաչուած նահատակ ժողովրդին մի անդամ եւս խաչ հանելու՝ յանուն Մարքս-Լենինի , յանուն պրոլետարիատի իշխանութեան եւ համաշխարհային յեղափոխութեան» (Յուսարբեր , 19 Փետր . 1949 թ . խմբ .) :

Եւ ահա լցուեց համբերութեան բաժակը . համատարած դժգոհութիւնը իր ծայր-աստիճանին հասաւ : Անդամ մեր այսօրուան «ջերմ հայաստանեան» ու «ջերմ հայաստանասէր» Ռամ-



կավարներին քոյր կուսակցութիւնը երկրում՝ Հայ ժողովրդական կուսակցութիւնը, որ իր մեծ եղբօր նման ընդհանրապէս անջիղ ու պաղարիւն մի կուսակցութիւն էր, սկսեց յուզմունքի եւ ջղայնութեան նշաններ ցոյց տալ:

Նրա պարագլուխներից սա կամ նա, պատահելով իրենց ծանօթ Դաշնակցականներին, զայրոյթով ու խիստ վրդովուած, յանդիմանում էին նրանց ու ասում. «Մըր է Դաշնակցութիւնը, ինչո՞ւ է լռել, ինչո՞ւ է ձեռքերը ծալած նստել: Ժողովուրդը ձեռքից գնում է, էլ ո՞ր օրուայ համար է նա, ո՞ր օրուայ էք սպասում»:

Այսպիսի մթնոլորտում՝ ընդհանուր զայրոյթը գնալով սաստկացաւ, բորբոքուեց եւ դարձաւ սպառնական:

Բոլոր նշանները պարզ ցոյց էին տալիս, որ փոթորիկն այլեւս անխուսափելի է եւ անպայմանօրէն պիտի պայթի, արտակարգ ուժգնութեամբ, հայոց աշխարհի բռնակալների գլխին՝ ատելութեան ու վրէժխնդրութեան կատաղի ցասումով: Ցասումը համատարած էր երկրի բոլոր մասերում եւ բոլոր խաւերի մէջ: Եւ պոռթկումը անխուսափելի էր համարեա միաժամանակ, ինքնաբուխ, մէկը միւսից անհրազեկ ու անկախ եւ առանց որեւէ արտաքին ներշնչումի կամ փարզութեան:

Դաշնակցութիւնը, որպէս կազմակերպութիւն, թէեւ հալածական, ստորերկրեայ եւ նկուղների մէջ բանտարկուած, մեռած չէր, ի հարկէ: Նա կար եւ ապրում էր երկրում: Եւ, իրրեւ մըտայնութիւն ու ոգի, գնալով աւելի դժբանում եւ աւելի մեծ հրմայք էր ձեռք բերում ժողովրդական լայն զանգուածների մէջ: Որքան էլ ձեռնպահ ու շրջահայեաց՝ Դաշնակցութիւնը չէր կարող մնալ անտարբեր հանդիսատեսի դերում, երբ ժողովուրդը ձեռքից գնում էր: Եւ հանոյժով չէր, որ, վերջ ի վերջոյ, նա թողեց իր դիտողի դերն ու ձեռնպահութիւնը եւ ստիպուած եղաւ գործի անցնել: Ժողովրդի տարերային ընդվզումը այլեւս անխուսափելի էր, պէտք էր ղեկավարել նրան: Կային Դաշնակցական պատասխանատու ընկերներ, որոնք կտրականօրէն դէմ էին ապստամբութեան գաղափարին՝ դռնելով, որ կռիւը հսկայ Ռուսաստանի դէմ է ու եթէ անգամ յաջողուի էլ սկզբում, վերջ ի վերջոյ, պիտի սարսուռի անպայման: Հակառակ նման տրամադրութեան՝ Դաշնակցութիւնը հարկադրուած էր վերցնելու մեղամարտի բուշեւիկեան ձեռնոցը՝ երկրի ու ժողովրդի փրկութեան շահերից ելնելով, որովհետեւ դէպքերն ընթանում էին գահավէժ արագութեամբ, եւ փոթորիկը պիտի պայթէր իր կամքից անկախ, տարերային թափով, անխուսափելիօրէն: Հրամայականօրէն անհրաժեշտ էր՝ ղեկավարել շարժումը, որպէսզի հա-



յոց աշխարհն ու ժողովուրդը գոնէ նուագագոյն կորուստով դուրս գային իրենց պարտադրուած այդ նակատագրական աղէտից : Դաշնակցութիւնը պարտաւոր էր այդպէս վարուելու , մանաւանդ որ , միւս կողմից , նրա լուսութիւնից ու ձեռնպահութիւնից խրախուսուած՝ կարմիր բռնակալութիւնը աւելի եւ աւելի անբես , սանձարձակ եւ ամբարտաւան էր դառնում :

Դաշնակցութիւնը չնախաձեռնեց փետրուարեան ապստամբութիւնը : Երբ Դեկտ. 2-ին նա իշխանութիւնը յանձնեց բոլշևէիկներին , համոզուած էր , որ երկրի եւ ժողովրդի շահերը այդ են պահանջում : Առաջին իսկ օրից նա ջանաց Հայաստանից հեռացնել այն տարրերը , որոնց ներկայութիւնը երկրում կարող էր կասկածի եւ բռնութիւնների առիթ տալ Սորհրդային իշխանութեան : Նա կառավարութեան միջոցով եւ յանուն Հ. Յ. Դ. Բիւրոյի հրահանգ տուեց պետական պաշտօնեաներին , բանակին եւ ընկերներին ամէն կերպ աջակցել նորեկ իշխանութեան՝ երկիրը խաղաղ պահելու եւ շինարարութեան նպաստելու : Նա համաձայնուեց նոյնիսկ , իր ներկայացուցիչների միջոցով , մասնակցելու կառավարութեան եւ պատասխանատուութեան բաժին ստանձնելու իշխանութեան մէջ : Եւ այնուհետեւ էլ , հակառակ Յեղկոմի վարած ամարդի քաղաքականութեան , ամէն ճիգ թափեց՝ ժողովրդի յուզուած մտքերը հանդարտեցնելու եւ երկրի ներքին անդորրութիւնը պահպանելու համար : Մէկից աւելի անգամներ պատասխանատու ընկերները դիմեցին Յեղկոմին եւ Չէկայի նախագահին՝ յորդորելով վերջ տալ բռնութիւններին ու հալածանքներին : Սորհրդայինացումից յետոյ , մէկ հատիկ մարդ չկար Հայաստանում , որ յեղաշրջման մասին մտածէր : Հակառակ դրան , Սորհրդային իշխանութիւնը ամէն տեղ թշնամիներ էր փնտռում եւ ծրագրուած քայլերով երկիրը տանում էր դէպի քաղաքացիական պատերազմ :

Յունուարի կէսերին արդէն երկրի բոլոր կողմերից լուրեր էին հասնում Երևան , որ ժողովրդի մէջ անզուսպ ատելութիւն է լեռնացած դէպի բոլշևէիկները , եւ տարերային պոռթկումները անխուսափելի են : Սպաների զանգուածային աքսորը հանդիսացաւ վերջին կաթիլը ընդհանուր ցասումի յորդացած բաժակում : Այլևս անհնար էր զսպել ժողովրդի յուզումն ու տարերային ընդվզումը : Եւ Դաշնակցութիւնը հարկադրուած եղաւ հաշուի առնել ճակատադրական այդ փաստը : Դէպքերի ճնշման տակ մայրաքաղաքում կազմուեց մի ղեկավար մարմին , որ իր վրայ առաւ ժողովրդի գրգռուած մտքերը հանգստացնելու եւ , ի հարկին , շարժումը ղեկավարելու պարտականութիւնը :



## 2. ԸՆԴՎՋՈՒՄԸ ԵՒ ՅԱՂԹԱՆԱԿԸ

Փետրուարի սկիզբները ամբողջ երկիրը այլևս դերազրզիւ վիճակի մէջ էր: Չանաղան պաւաններում ինքնաբերաբար կազմու-ւել էին տեղական մարմիններ, որոնք տենդազին պատրաստում էին հակահարուած տալու բուշուիկեան բռնութիւններին: Այդ մարմինները կապ էին հաստատել միմեանց միջեւ եւ Երեւանի մարմնի հետ: Հաւաքում ու կազմակերպում էին մարտական ու-ժերը: Տեղ-տեղ ընդհարումներ էին տեղի ունենում Յեղկոմի ու Չէկայի ներկայացուցիչների եւ տեղական խմբերի միջեւ: Բաշ-դառնին փաստօրէն արդէն ապստամբել էր՝ խմբապետներ Մար-տիրոսի եւ Խնկոյի առաջնորդութեամբ: Գրեթէ նոյնն էր եւ Սա-սունցիների վիճակը Արազածոտնում, երբ Փետր. 9-10-ի գիշե-րը, Երեւանում, կատարուեցին նոր զանգուածային ձերբակալու-թիւններ: Մօտ երկու հարիւր հոգի բուրբոկին անմեղ մարդիկ, որոնց թւում եւ Յ. Քաջազնունին, Լ. Շանթը, Ն. Աղբալեան եւ ուրիշներ արգելափակուեցին Չէկայի զնտաններում: Այս դէպքը



ԿՈՒՌՕ ԹԱՐԽԱՆԵԱՆ



այլեւս սպառեց ժողովրդի համբերութիւնը, եւ երկրի բոլոր մասերում պայթեց ապստամբութիւնը:

Փետր. 9-10-ի ձերբակալութիւններից յետոյ, շրջանները արդէ կերպով համաձայնութեան էին եկած, որ ապստամբութիւնը սկսուի Փետր. 17-ին, աւելի ճիշդ՝ Փետր. 16 լոյս 17-ի գիշերը: Առաջին ազդանշանը տուողը պիտի լինէր Կոտայքը: Կոտայի (գնդ. Թարխանեան, այժմ հանգուցեալ) հրամանատարութեամբ Կոտայքի ուժերը պիտի տիրէին Քանաքեռին ու զօրանոցներին եւ շտապով պիտի արշաւէին Երեւանի վրայ, որպէսզի բռնակալ իշխանութիւնը յանկարծակիի գալով, ժամանակ չունենար բանտարկեալներին կոտորելու: Բայց Փետր. 16-ի երեկոյեանից սկսած Կոտայքում բարձրացաւ չտեսնուած մի ձիւնամբրրիկ, որ սոսկալի բուքի ու սառնամանիքի հետ միասին, ամէն ինչ թաղեց ձիւնի հաստ ծածկոցի տակ: Ձիւնն ու բորանը անհնար դարձրեց շարժումը: Այդ պատճառով ապստամբութիւնը մէկ օրով ուշացաւ եւ սկսուեց Փետր. 17 լոյս 18-ի գիշերը: Մինչեւ այդ, Արագածոտնի Սասունցիները արդէն շարժուել էին եւ գրաւել Աշտարակն ու Էջմիածինը:

Յեղկոմի իշխանութիւնը, բնականաբար, տեղեակ էր անցուդարձերին եւ ամէն միջոց ձեռք էր առել մայրաքաղաքը պաշտպանելու եւ իր գոյութիւնը ապահովելու համար: Առաջին հերթին նոր ուժերով ամրացրել էր Երեւանն ու Քանաքեռը, իբրեւ գլխաւոր ռազմական յենարաններ: Միւս կողմից՝ Փետր. 16-ից սկսած՝ ձեռնարկել էր բանտարկեալների բնաջնջման: Երկու գիշեր, Փետր. 16-ին եւ 17-ին, Երեւանի բանտում անլուր վայրագութիւններ տեղի ունեցան: Բանտը վեր էր ածուել հսկայ սպանդանոցի: Կոտորում էին անպաշտպան զոհերին հրազեններով, գնդացիներով, կացիններով: Այդ դազանութիւններին զոհ գնացին յիսուներից աւելի բանտարկեալներ, որոնց թւում եւ ժողովրդրդական հերոս Համազասպը, գնդ. Ղորղանեանը եւ ուրիշներ: Բարբարոսութիւնները վերջ գտան եւ հազարից աւելի բանտարկեալներ փրկուեցին Փետր. 18-ի լուսաբացին, երբ վրէժխնդրութեան արդար աստուածուհին՝ Նեմեզիսը, յանձին Կոտայքի ապրստամբ ուժերի, Քանաքեռի բարձունքներից իջաւ Երեւան:

Կարմիր բնակալութիւնը յուսահատ՝ ամէն ճիգ թափեց իր դիրքերը պաշտպանելու համար: Փետր. 18-ի առաւօտեան ժամը 4-ից գօտեմարտը սաստկացաւ: Հայրենիքի Փրկութեան ուժերը՝ Երեւանի վրայ կախուած բարձրութիւններից, զինուած միայն հրացաններով, այն էլ փամփուշտը խնայելով, իսկ թշնամին՝ քաղաքամիջից, երկաթուղագծից, հին ու նոր կայարաններից, պետութեան բոլոր ռազմական միջոցներովը զրահաւորուած, կա-



նոնաւոր զօրքերով, առատ զինամթերքով, գնդացիներով, ռումբերով, թնդանօթներով ու զրահապատ գնացքով: Հայաստանի մայրաքաղաքը, իր ամբողջ շրջակայքով, իսկական ռազմաճակատի էր վերածուած ու դժոխք դարձած՝ ռումբերի, թնդանօթների ու հրազէնների որոտից:

Բոլշեւիկ բռնութիւնը, վերջ ի վերջոյ, տեղի տուեց, պարտւեց ժողովրդական արդար զայրոյթի ու ցասման առջեւ: Մի վերջին անգամ էլ իր բոլոր հրազէններից կատաղի կրակ թափելով ապստամբների դիրքերի վրայ՝ ամօթահար բռնեց նահանջի ճամբան: Յեղկոմի անդամները, պաշտօնէութիւնը, զօրքն ու կռուող ուժերը, բոլոր կուսակցականներն ու համակիրները, նախապէս պատրաստուած գնացքներն ու զրահապատը լցուելով, ռազմամթերքով ու բոլոր սպարաստութիւններով միասին, քաշուեցին դէպի Հայաստանի թշնամի թուրք-թաթարական շրջանները՝ Շարուր ու Նախիջևան՝ այնտեղ վերակազմուելու եւ կրկին Հայաստանի վրայ արշաւելու մտադրութեամբ:

Կրակը դադարեց եւ խաղաղութիւնը, օրհնութեան ցօղի պէս, իջաւ Երեւանի վրայ: Հայոց աշխարհը ազատագրուած էր կարմիր պատուհասից: Արեւի առաջին ճառագայթների հետ ազատութեան դիցուհին ողջունում էր հայ ժողովրդի փրկութիւնը: «Մեր Հայրենիք ազա՛տ, անկա՛խ՝ իւր քաջ որդւոց սուրբ արիւնով»... հնչում էր ամէն կողմից:

\* \* \*

Հայրենիքի Փրկութեան կամաւորները իրենց դիրքերից, յաղթանակով ու հպարտ, իջնում էին քաղաք՝ դիմաւորող հոծ բազմութեան ծափերի ու ովսաննանների տակ: Յնժութիւնը ընդհանուր էր ու խանդավառ: Ամենքը իրար ողջագուրում, շնորհաւորում էին: Շատերի աչքերում ուրախութեան արցունքներ էին շողում: Հայաստանի մայրաքաղաքը տօնական կերպարանք էր ստացել: Բոլոր տները զարդարուած էին եռագոյն դրօշակներով: Օդը թնդում էր հաղարաւոր բերաններից դուրս թռչող «կեցցէ»-ներից եւ «Մեր Հայրենիք»ի անուշ ձայներից: Հեռուից լսում էր գինուորական նուագախմբի խրոխտ «Մեր Հայրենիք»ը:

Հսկայ բազմութիւնը, տարերային, բնազդական մի մղումով, շարժուեց դէպի Հանրապետական Հայաստանի Սորհրդարանի շէնքը, որի վրայ արդէն վեհօրէն ծածանւում էր նուիրական Եռագոյնը: Ոգեւորութիւնն ու խնդութիւնը աննկարագրելի էր, գինովութեան աստիճան: Պատշգամբից, կեցցէների ու ծափերի որոտի տակ, նորանուած ազատութիւնը ողջունում էր ու շնորհաւորում Հանրապետական Հայաստանի վերջին վարչապետը՝ ընկ. Ս. Վրացեան:




Այստեղից բազմութիւնը, հեղեղի պէս, Աբովեան պողոտայով, դիմեց դէպի առաջ, դէպի կենտրոնական բանտը: Հայկական Բաստիլի դռներն արդէն խորտակուած էին ազատաբեր ապրտամբների ձեռքով: Բանտարկեալներին դուրս էին բերում ուսերի վրայ: Ուրախութիւն, արցունք, գրկախառնութիւն ու համբոյր իրար էին խառնուած: Փետրուարեան հրաշքով ստոյգ մահից փրկուել էին այդ «բախտաւոր դժբախտները»: Աւետարանի ասածին պէս՝ «Կորած էին՝ գտնուեցան, մեռած էին՝ կենդանացան»: «Ողջ դուրս եկածները, պլլուած իրենց սիրելիներուն՝ կուլային: Սպանուածներու պարազանները իրենց մաղերն ու զգեստները կը փետէին: Սպանուածներու՝ կացիներով, բիրերով, լախտերով ջախջախուած անկերպարան դիակները դուրս բերին: Ժողովուրդը ահ ու սարսափի բոպէներ ապրեցաւ: Մեծամասնականների ամենավերջին դազանութեան այս քստմնելի արարքին առջեւ մարդկային բանականութիւնը կարծես սահմակեցաւ պահ մը... (Յ. Սահակեան՝ «Երկու տարի»... , էջ 170):

Բուշեւիկների փախուստով՝ երկիրը մնում էր առանց իշխանութեան: Անհրաժեշտ էր անմիջապէս նոր կառավարութիւն կազմակերպել: Հենց նոյն օրը, Փետր. 18-ին, կազմուեց ժամանակաւոր յեղափոխական կառավարութիւն՝ «Հայրենիքի Փրկութեան Կոմիտէ» անունով՝ ընկ. Ս. Վրացեանի նախագահութեամբ եւ եօթ նախարար-վարիչների անդամութեամբ, որոնցից հինգ հոգին՝ Դաշնակցական, իսկ երկուսը՝ Սոցիալ-Եղափոխական կուսակցութիւնից: Բանակի ընդհանուր հրամանատար նշանակուեց գնդ. Կուռօ Թարխանեան-Սուրէն:

Երկու օր անցած, Փետր 20-ին, կատարուեց բանտում նահատակուածների մի մասի անօրինակ թաղումը՝ արտակարգ հանդիսաւորութեամբ եւ ծովածաւալ յուղարկաւորների մասնակցութեամբ: Նահատակների այդ բոյլը բաղկացած էր 22 հոգուց, որոնց թւում՝ Դաշնակցական ականաւոր խմբապետ Համազասպ (Սրուանձտեանը), խմբապետ Մակեդոնը, Ալեքսանդրապոլի յեղափոխական-հասարակական ծանօթ գործիչ՝ Արտուշ խան Շահրիարցեանը, հայկական բանակի լաւագոյն սպաներից՝ գնդապետ Կորղանեանը, իր վայելած ժողովրդականութեամբը յայտնի բանուոր Սէրգօն եւ ուրիշներ: Այստեղ առաջ ենք բերում ականատես ընկ. Պաշիկ Մելքումեանի յուշերից մի հատուած այդ տխուր հանդէսի մասին.

«Թաղման հանդիսաւոր արարողութեանը նախագահում էր Երեւանի թեմակալ առաջնորդը՝ Պորէն արքեպիսկոպոս Մուրադրէպեանը, հետագային նոյն բորենիների ձեռքով խեղդամահ եղած եղերարախտ Ամենայն Հայոց Կաթողիկոսը:





ՀԱՅԱՍՏԱՆԻ ՓՐԿՈՒԹԵԱՆ ԿՈՄԻՏԷԻ ԲԱՆԱԿԻ ՀՐԱՄԱՆԱՏԱՐԱԿԱՆ ԿԱԶՄԸ



«Պարէտի շէնքի մօտ, անհաշիւ բազմութեան առաջ, բժ. Հ. Օհանջանեանը դամբանական է խօսում: Այդ վայրկեանին քար սիրտ ունեցողը միայն կարող էր դիտել, լսել ու չարտասուել: Ներկայ եղող բազմութիւնը հեկեկում էր: Իմ կողքին ուշագնաց եղաւ Ն. Աղբալեանը:

«Դադաղները շարան-շարան հետեւում էին իրար: Պարէտի շէնքից մինչեւ ինքնավարութեան շէնքը ասեղ ձգելու տեղ չկար: Թափօրը, լուռ ու մունջ, խոր սուգի մէջ, հետեւում էր դադաղներին շարքին: Հանգստարանում խօսողներ չեն լինում: Սպանուածների մարմինները լռութեան մէջ հողին են յանձնում»... («Յուսարեք», 19 Փետր. 1949 թ.):

Դժբախտարար, երկար չտեւեց հայ ժողովրդի ուրախութիւնը, աղատութիւնն ու անկախութիւնը. հաղիւ 43 օր միայն: Փետր. 18-ի լուսաշող օրուան շուտով հետեւեց շարաշուք Ապրիլ 2-ը:

Շարուր- Նախիջևեան ապաստանած փախստական բոլշեւիկները, վերակազմուելով եւ թուրք-թաթար ուժերով զօրացած, շուտով վերադարձան՝ իրենց կորցրած իշխանութիւնը կրկին ձեռք բերելու տենչով: Սկսուեց կռիւների մի երկար շարան: Ռուսաստանից օգնութեան հասան Կարմիր զօրամասեր, որոնց դերազանց ուժի ճնշման տակ հայ ժողովուրդը տեղի տուեց: Կռիւր վերջացաւ բոլշեւիկների յաղթութեամբ: Հայ ժողովրդի հարազատ կառավարութիւնը՝ Հայրենիքի Փրկութեան Կոմիտէն հարկադրուած եղաւ թողնելու Երևանը, 1921 թ. Ապրիլ 2-ին, եւ տարագրութեան ճամբան բռնելու... Տասը հազարից աւելի հսկայ մի բազմութեան հետ միասին, ընդհանուր սուգի եւ արցունքների մէջ, նա անցաւ դէպի Դարալագեազ-Չանդեղուր: Այստեղից, մի քանի ճակատադրական կռիւներից յետոյ, Յուլիսի սկիզբներին, Արաքսն անցնելով, մտաւ հարեւան Պարսկաստանի հիւրընկալ հողը՝ իր հետ տանելով Հայաստանի անկախութեան դրօշը: Այսպիսով, բախտի մէկ անգութ հարուածով, հայոց աշխարհում կրկին վերահաստատուեց Կարմիր բռնակալութիւնը, որի դաժան լծի տակ մինչեւ այսօր էլ հեծում է մեր դժբախտ ժողովուրդը:

### ԲՈԼՇԵՒԻԿ ՊԱՏՄԱՐԱՆԻ ԽՈՍՏՈՎԱՆՈՒԹԻՒՆԸ

Ինչպէս տեսանք՝ բոլշեւիկները իրենք պարտադրեցին մեր ժողովրդին Փետր. 18-ի ապստամբութիւնը: Ժողովուրդը համբերեց, մինչեւ որ դանակը ոսկրին հասաւ, որից յետոյ այլևս հանդուրժել անհնար էր: Ու մեր ազնիւ ժողովուրդը պատուաւոր մահը դերադասեց անպատիւ կեանքից, եւ մէկ մարդու պէս



ոտքի կանգնեց իր կեանքն ու գոյքը, իր ազատութիւնն ու պատիւը փրկելու համար:

Հակառակ այս անհերքելի ճշմարտութեան, բոլշեւիկները, իրենց ամէն գոյնի ու ամէն պիտակի ուղեկից-խաժամուժների հետ միասին, շարունակում են հոլովել «փետրուարեան արկածախնդրութիւն», «եղբայրադաւ կռիւ» խօսքերը եւ փետրուարեան ազատութեան պատասխանատուութիւնը նետել Դաշնակցութեան դիտին: Իբր թէ Դաշնակցութիւնը առաջ բերած լինի ապստամբութիւնը՝ կորցրած «փափուկ աթոռները» վերագրուելու նպատակով:

Բայց համայնավարների մէջ էլ դտնւում են խելահաս եւ խղճի տէր մարդիկ, խիստ հազուադէպ, որոնք ընդունակ են տեսնելու եւ խոստովանելու ճշմարտութիւնը: Դրանցից մէկն է ահաւասիկ համայնավար յայտնի հրապարակագիր-պատմաբան Բ. Բորեանը, որ իր ճշմարտախօսութեան համար, ի վերջոյ, զոհ գնաց բոլշեւիկեան Մոզոքին: Երկու հատորից բաղկացած ուսերէն իր մէկ ստուար աշխատութեան մէջ — «Հայաստան, Միջազգային Դիւանագիտութիւն եւ Ս. Միութիւն» — լոյս տեսած Մոսկուայում, 1928-ին, նա մի ամբողջ դուռնի նուիրել է Փետրուարեան ապստամբութեան պատճառներին եւ Սորհրդ. Հայաստանի համայնավար ղեկավարների պատասխանատուութեան խնդրին: Մանրամասնօրէն քննարկելով ապստամբութեան ծնունդ տուող ներքին եւ արտաքին պատճառները՝ Բորեանը միայն իր կուսակցական ընկերներին է վերագրում ամբողջ յանցանքը՝ ձաղկելով ու դատապարտելով նրանց եւ նրանց ընդվզեցուցիչ դործելակերպը: Ընդհակառակը, մեր ժողովրդին, հետեւաբար նաեւ Դաշնակցութեան, նա բացարձակապէս անմեղ է համարում: Թէեւ ապստամբութեան պատճառների վերլուծման մէջ, հասկանալի պատճառներով, նա խուսափել է խօսել մի շարք ճակատագրական գէպքերի մասին, ինչպէս, օրինակ, հայ սպանների զանգուածային աքսորը, մտաւորականութեան ու ղեկավար տարրերի ընդհանուր բանտարկութիւնը, երկրում սկսուած, մասնաւորապէս մտաւորականութեան, ջարդը եւ այլն — որոնք բախտորոշ դեր կատարեցին ապստամբութեան բռնկման մէջ, սակայն եւ այնպէս նրա բերած վկայութիւններն ու փաստերն էլ այնքան ծանրակշիռ են ու վաւերական, որ այլեւս որեւէ կասկած չի մնում առ այն, որ, այո՛, միակ յանցաւորը իրենք, Հայաստանի նախափետրուարեան վարիչներն են, որ իրենց անխոհեմութեամբ ու վայրագ քաղաքականութեամբ վառեցին ու արծարծեցին հրդեհը:

Բերենք այստեղ մի քանի քաղուածքներ այդ ուշագրաւ աշխատութիւնից՝ ընթերցողին որոշ զաղափար տալու համար Բ.



Բորեանի քննադատական ուղղամտութեան եւ ճիշդ եզրակացութիւնների մասին :

«Յեղկոմը բռնեց անխնայ եւ վճռական բռնադրաւումների ու գրաւումների ուղին, գրում է նա, անխտիր եւ առանց դասակարգային սկզբունքի, առանց հաշուի առնելու գիւղացիութեան ընդհանուր տնտեսական վիճակը եւ նրա հոգեբանական դրութիւնը: Բռնադրաւումները կատարուում էին անկազմակերպ, չունէին համաչափ-յեղափոխական, դասակարգային բնոյթ եւ աւելորդ բռնութիւններ էին կիրառուում:

«Առանց կազմակերպուած ու կարգապահ մեքենայի, առանց նախօրօք մտքերը պատրաստելու եւ երկրի իւրայատուկ պայմանները հաշուի առնելու, Յեղկոմը կարգախօս է հրապարակ նետում, թէ՛ պէտք է բռնադրաւել ու դրաւել քաղաքների մասնաւոր անձանց պարէնն ու գիւղացիութեան պաշարը: Տեղի է ունենում անկարգ բռնադրաւում ամէն բանի՝ զինուորական հագուստ, բրինձ մաքրելու մասնաւոր եւ ամէն տեսակ գործիքներ, գիւղացիներին պատկանող մեղուի փեթակներ, սպիտակեղէն, 48 թերթից աւելի թուղթը, դրադարաններ, վառելանիւթ, տնային գոյքեր եւ այլն:

«Այս ամէնը, ի հարկէ, բոլորովին դասակարգային բնոյթ կրող քայլեր չէին եւ արդիւնք էին Սորհրդային քաղաքականութեան եւ կոմունիստական դասակարգային գաղափարախօսութեան անծանօթութեան ու անդիտակցութեան: Եւ բնական է, որ այս բռնութեամբ գործադրուող քայլերը հիմնական պատճառներն էին երկրի ապստամբութեան:

«Շնորհիւ սկետական մեքենայի թուլութեան, կազմակերպական միջոցների ու կարգապահութեան բացակայութեան՝ մայրաքաղաք Նրեւանում եւ գաւառներում կարմիր բանակայինները ինքնակամ ու կամայական կերպով բնակիչներից բռնադրաւում էին պարենաւորման մթերքներ ու ամէն ինչ: Նման դուրքիւնը չէր կարող բացասական հետեւանքներ չունենալ եւ առաջ էր բերում անբարեացակամ վերաբերում ազգաբնակչութեան մէջ Յեկուսի գործունէութեան հանդէպ:

«Մի երկրում, ուր բանուորութիւնը, որպէս կազմակերպուած ու կարգապահ ոյժ, ո՛չ միայն փոքրաթիւ էր, այլեւ թոյլ, իսկ գիւղացիութիւնը կազմում էր բնակչութեան ահագին մեծամասնութիւնը, ուր դրամատիրութիւնը բացակայում էր եւ հասարակական կարծիք ստեղծողը քաղքենիութիւնն էր եւ մանրբուրժուական մտաւորականութիւնը, իշխանութիւնները եւ իշխանութեան մարմինները պարտաւոր էին հաշուի առնել երկրի բոլոր առանձնայատկութիւնները, նրա քայքայուած վիճակը,



գիւղացիութեան կոտորակուած լինելը եւ այս վերջինների բոլոր ձգտումները: Մենք այստեղ գործ ունենք ո՛չ դրամատէրերի, ո՛չ էլ կալուածատէրերի, այլ Հայաստանի գիւղացիութեան, բանուորութեան եւ որք ու աղքատ գաղթական զանգուածների հետ»:

Այսպէս կոչուած ներքին պատճառների մատնանշումից յետոյ՝ Բորեանը անցնում է արտաքին պատճառների քննութեան եւ իրաւացիօրէն ընդգծում է նրանց կատարած վճռական դերը ապրտամբութեան հարցում: Խօսքը տանք իրեն՝ ի՛ր իսկ գրչով պատկերացնելու համար դրութիւնը ա՛յս կողմից եւս:

«Խորհրդային իշխանութիւնը, շարունակում է նա, ո՛չ մի որոշ միջոց չէր գործադրում թուրքերին Հայաստանից հեռացնելու համար, մինչդեռ հայութիւնը հաւատացած էր, թէ Խորհրդ. Ռուսաստանի հետ բարի հարեւանական յարաբերութիւններ հաստատելուց յետոյ՝ թուրքերը Հայաստանում այլեւս անելիք չունէին եւ Ռուսաստանը թոյլ չի տայ թուրքերին գրաւել Հայաստանի հողերը... իսկ դուրս եկաւ որ թուրքերը եկել էին որպէս նուաճողներ եւ երկրի վիճակը աւելի եւս վատացաւ, մի բան, որ ժողովուրդը չէր կարող սպասել Խորհրդ. իշխանութեան Հայաստան գալուց»:

Դրա հետ միասին՝ «ստեղծուեցին այնպիսի արտաքին պայմաններ, որոնց հետեւանքով Խորհրդային մի երկիր (այսինքն՝ Հայաստանը — Իրազեկ) մատնուեց պաշարուած վիճակի: Վրաստանը, Թուրքիա եւ Ազրբէջանը, իրրեւ թշնամի ուժեր, առաջ բերին իշխանութեան համար ծանր կացութիւն, իսկ ժողովրդի համար՝ ճգնաժամային վիճակ»:

«Հողային խնդիրները, գաղթական զանգուածները, շրջափակումը, ցուրտը, սովը եւ այլն, իրրեւ արտաքին գործօններ, առարկայօրէն անբարենպաստ դրութիւն ստեղծեցին իշխանութեան համար: Եւ ահա այսպիսի ծանր պայմաններում Յեղկոմը դիմեց պետականացման ու բռնագրաւման, հին հարկերի հաւաքման, բանտերում թողնելով այնպիսի մարդկանց, որոնք պէտք է որ ազատուած լինէին, չէր աշխատում կազմակերպել պետական մեքենան եւ այլն»:

«Բոլոր այս հանգամանքներն ահա միասին առած՝ հանդիսանում էին այն պատճառները, որոնք առաջ բերին Հայաստանի հակայեղափոխական շարժումը». (Բ. հատոր, էջ 126):

Այսպէս, ուրեմն բոլշեւիկ Բորեանը մատը ճիշդ վէրքի վրայ է դրել. փաստերի արձանագրութեան ու զնահատութեան մէջ ընդհանրապէս նա անկողմնակալ է եւ հիմնական եզրակացութեան մէջ՝ արդար. նա չի վարանում խոստովանելու, որ բոլշե-



իկ ղեկավարութիւնն է եղել Փետրուարեան ապստամբութեան միակ պատճառը :

## Ի՞նչ ՏՈՒՆՅ ՄԵՁ ՓԵՏՐՈՒԱՐ 18-Ը

Ամբոխը, կամ աւելի ճիշդ՝ ամբոխային տրամաբանութիւնը թէ՛ անհատական եւ թէ՛ հաւաքական ամէն մի դործ, սովորաբար, դատում ու գնահատում է իր անմիջական արդիւնքով եւ ո՛չ իր հետապնդած նպատակով : Եթէ գործը յաջողուած է ու իր դրական արդիւնքովը հրապարակի վրայ, ամբոխը փառաբանում է գործը եւ ծափահարում նրա հեղինակին : Ընդհակառակը, եթէ գործը վերջացել է անյաջող, կատարուածը արկածախնդրութիւն է, չմտածուած ու անիմաստ մի ձեռնարկութիւն, նոյնիսկ խենթութիւն : Հետեւաբար՝ վա՛յ թէ՛ գործին եւ թէ՛ հեղինակին : Նշաւակութեան սիւնին կը դամեն, եւ տեղից վեր կեցողը կը քննադատի, կը հայհոյի, կը քարկոծի անողորմաբար :

Այս ձեւի վերաբերումը, ի հարկէ, ոչ ճիշդ է եւ ոչ արդար : Սակայն, նոյնիսկ այսպիսի վերաբերումով մօտենալով Փետրուարեան ապստամբութեան, պիտի տեսնենք, որ հակառակորդ խաժամութիւնը բոլորովին սխալ եւ անարդար է Փետրուարեան ապստամբութեան արդիւնքի մասին : Կարելի՞ է ասել թէ՛ նա որեւէ դրական արդիւնք չունեցաւ եւ միայն ու միայն վնաս բերեց մեր երկրին ու ժողովրդին :

Ի հարկէ, ո՛չ : Ճիշդ է, Փետր. 18-ը, դժբախտաբար, չկարողացաւ վերջնականապէս խորտակել բոլշեւիկեան լուծը եւ Հայոց Աշխարհի ազատութիւնն ու անկախութիւնն պարզեւել, բայց տուեց մէկը միւսից աւելի կեանական ու բախտոքոշ արդիւնքներ մեր հայրենիքի ու ժողովրդի համար :

Արձանագրենք այստեղ նրանցից միայն չորսը, առանց կանգ առնելու բոլոր դրական հետեւանքների վրայ :

1. — Փետր 18-ը փրկեց մեր հազարաւոր բանտարկեալներին ստոյգ կորստից՝ գնդակահարութիւնից, աքսորեց եւ չէկայական դիւային բազմազան որոգայթներից : Այլ խօսքով՝ Փետրուարեան ապստամբութեան շնորհիւ, վերահաս մահուանից ազատուեց հայ ժողովրդի ընտրանին՝ մտաւորականութիւնն ու ղեկավարութիւնը, իր մեծագոյն մասով : Այսպիսով, բոլշեւիկները, տիրելով մեր երկրին, այո՛, Ֆիզիքապէս ոչնչացրին Հայաստանի անկախութիւնը՝ դէթ անորոշ ժամանակով, սակայն, չկարողացան հոգեպէս եւս ոչնչացնել, այսինքն՝ մեռցնել անկախութեան գաղափարը, որովհետեւ բնաջնջումից փրկուեցին մեր մտաւորականութիւնն ու ղեկավար տարրերը, որոնք փաս-



տօրէն այդ գաղափարի դիտարկումը ջահակիրն ու դրօշակակիրն են հանդիսանում :

2.— Իր խելագար ու վայրագ ընթացքի համար, որով ժողովրդին մղեց ասպտամբուժեան, խստագոյնս պատժուեց կասեանի ամբողջ կառավարութիւնը, մանաւանդ ինքը կասեանը եւ վատահամբաւ Աւիս Նուրիջանեանը, որոնք Յեղկոսի չար ոգին էին : Մոսկուան յետ կանչեց նրանց, զրկեց բոլոր պետական եւ կուսակցական պաշտօններէից եւ այնպէս չէզոքացրեց, որ այնուհետեւ այլեւս նրանց ո՛չ ձայնը լսուեց, ո՛չ էլ անունը :

3.— Փետր. 18-ը, ինչպէս յայտնի է, առաջին համաժողովրդական ազգային ասպտամբուրիւնն եղաւ հսկայածաւալ ու բազմացեղ Խորհրդ. Միութեան մէջ, դաժան բռնակալութեան դէմ : Իբրեւ այդպիսին, նա մի կողմից՝ նոր ու հմայիչ փայլ աւելացրեց մեր ազնուական եւ ազատատենչ ժողովրդի անուան : Միւս կողմից՝ շատ զօրեղ կերպով ցնցեց բովանդակ կարմիր բռնակալութիւնը, որովհետեւ իր դէմ այդպէս հերոսաբար ծառայողը անծայրածիր երկրի ամենահեռաւոր, ամենափոքրիկ եւ ամենաթոյլ կարծուած ժողովուրդն էր :

Այդ անսպասելի ցնցումից որոշ չափով զգաստացաւ եւ կըրեմլը՝ հասկանալով, թէ կարելի չէ անպատիժ կերպով խաղալ ժողովուրդների ճակատագրի հետ : Ուրիշ խօսքով՝ Փետրուարեան շառաչուն մտրակը դաս եղաւ նրա համար եւ ստիպեց բռնելու աւելի մեղմ ու խոհեմ ճանապարհ, մասնաւորապէս կովկասի ժողովուրդների եւ Հայաստանի ու հայութեան հանդէպ :

Դրա մէկ պերճախօս ապացոյցն էլ այն փաստն է, որ Խորհրդային աշխարհի մեծագոր իշխանաւորը՝ Լենինը, Փետրուարեան ասպտամբուժիւնից անմիջապէս յետոյ, շտապեց Հայաստան ուղարկել, կառավարութեան նախագահի պաշտօնով, Ա. Մեասնիկեանին, որը համարուում էր շրջահայեացներից ու լրջմիտներից մէկը հայ բուլշեւիկների շարքերում :

Իր բանաւոր պատուէր-խրատների հետ միասին — մեղմ, զգոյշ ու զիջող վարուել ժողովրդի հետ — Լենինը գրեց նաեւ մի նամակ, 1921 թ. Ապրիլ 14-ին, որի մէջ, ի միջի այլոց, ասուած էր .

«Աւելի մեղմութիւն, զգուշութիւն, զիջողութիւն ցոյց տալ դէպի մանր բուրժուազիան, մտաւորականութիւնն ու յատկապէս, դէպի գիւղացիութիւնը : Լինել աւելի դանդաղ, աւելի զգուշաւոր եւ աւելի սխտեմատիկ՝ փոխանցման շրջանում դէպի ընկերվարութիւնը՝ միշտ հաշուի առնելով երկրի իւրայատուկ պայմանները» : (Ս. Վրացեան՝ «Հայաստանը բուլշեւիկեան մուրճի եւ թրքական սալի միջեւ», Բոստըն, 1941 թ. էջ 238-243) :



Յիրաւի . բոլշեւիկ իշխանութիւնը , իր երկրորդ դալուն , որ-  
դեգրեց աւելի մեղմ , զգուշաւոր ու խոհեմ քաղաքականութիւն  
Հայաստանում :

4.— Փետրուարեան նոյն «հրաշագործ» ցնցումի հետեւան-  
քով՝ Մոսկուէան անսպասելիօրէն Հայաստան վերադարձրեց հայ-  
կական բանակի աքոորական սպաներից մեծ մասին , որոնց հա-  
մար , անկասկած , բոլորովին այլ ճակատագիր էր սահմանուած :

Կարելի է դեռ շարունակել շղթան այն բարերար արդիւնք-  
ների , որ բերեց Փետր . 18-ը հայոց աշխարհին եւ բովանդակ հա-  
յութեան , սակայն այս չորս կէտերն էլ բաւական են , որպէսզի  
չնախապաշարուած մարդիկ տեսնեն ու համոզուին , որ Փետրը-  
ուարեան ապստամբութիւնը ունեցաւ կարեւոր դրական հետե-  
ւանքներ Հայաստանի համար :

Սրանից չի հետեւում , ի հարկէ , որ Փետրուարեան ապրս-  
տամբութիւնից յետոյ , Հայաստան դրախտի վերածուեց : Այո՛ ,  
մեր Հայրենիքում նախափետրուարեան խենթութիւններն ու  
«քեալլազեօզութիւնները» այլեւս չեն կրկնում , նամանա-  
ւանդ սկզբնական շրջանում եւ համաշխարհային վերջին պա-  
տերազմի տարիներում . ու եթէ կրկնում էլ են , աւելի զգոյշ ,  
խորամանկ ու քօղարկուած ձեւերով , բայց ընդհանուր դրու-  
թիւնը շարունակում է մնալ ծայրայեղօրէն ողբերգական : Բըռ-  
նութիւնները , դաժանութիւններն ու անարդարութիւնները նո-  
րից շարունակում են , ինչպէս նաեւ բոլշեւիկեան հակահայ քա-  
ղաքականութիւնը թէ՛ երկրի ներսում եւ թէ՛ դուրսը :

Այս բոլորով հանդերձ , սակայն , կարելի է մի բանում վըս-  
տահ լինել — բոլշեւիզմը , յամենայն դէպս , այլեւս չի՛ յանդգնի  
իր սանձարձակութիւններն ու վայրագութիւնները , նախափե-  
տրուարեան չափերով , կրկնել Հայաստանում : Նա մէկ անգամ  
իր ձեռքը կրակին տարաւ եւ այրուեց : Հայ ժողովուրդը ցոյց  
տուեց , որ կարելի չէ անպատիժ կերպով խաղալ նրա հետ :

Փետր . 18-ը Հայոց Պատմութեան մէջ կը մնայ , իբրեւ լու-  
սաւոր , հերոսական մի էջ՝ նոյն ոգիով ու խորհրդով՝ ինչ որ  
Վարդանանց չքախումբը հազար հինգ հարիւր տարի առաջ : Վա-  
ղը , երբ այլեւս չեն լինի այսօրուայ չար կրքերն ու շիւ հաշիւ-  
ները , երբ բոլշեւիկեան բռնակալութիւնն էլ պատմութեան դիր-  
կը անցած կը լինի , Փետրուար 18-ը աւելի շքեղ երեւոյթով կը  
ներկայանայ դալիք սերունդների աչքին՝ իր ազատատենչ գա-  
ղափարներով ու ոգիով :

Բաղդատ



## Զ Ր Ո Յ Ց ՀԱՄԱՅՆԱՎԱՐ ԲԱՐԵՎԱՄԻ ՄԸ ՀԵՏ

Գրեց՝ ՕՀԱՆ ԾՈՓԵՑԻ

Դուք շատ խօսեցաք, սիրելի բարեկամ, ես չեմ հանդիպած համայնավարի մը որ քիչ մը աւելի շատախօս չըլլայ. դուցէ ինքզինք համոզելու համար միայն, որովհետեւ անոր մէջ խախտուած են մարդկային ու բարոյական բոլոր արժէքները: Փլատակ եղած է անոր մէջ այն բոլորը, որ դարերու ընթացքին մարդիկ կառուցին իրենց արիւնով, մարդկութիւնը բարձրացնելու ազնիւ ու այլասիրական աշխատանքներով: Անոնք աշխատեցան հեռանալ աստուածներէն, նաեւ Աստուծմէն՝ դռնելու համար իրականն ու մարդկայինը, իսկ դուք սկսած էք նոր աստուածներ ստեղծել, նախնականացնել մարդկութիւնը, որովհետեւ աստուածներու ստեղծագործութիւնը արդիւնք է մարդկութեան շատ նախնական շրջանի: Արդիւնք է առաւելապէս վախի եւ ապրելու տենչի: Այդ՝ շատ նախնական, քարայրներու մէջ բնակող մարդոց շրջանն է, որ այժմ գոյութիւն ունի ձեր աշխարհին մէջ:

Մարդկութիւնը շատ բան կը պարտի Յունաստանին, Հռոմին, Ասորեստանին, հրեայ ժողովուրդին, Եգիպտոսին, վերջապէս, Եւրոպային: Դուք ուզեցիք այրել այդ բոլորը եւ կամ առառաւելն թանգարան ձգել ու պայքար բանալ եւրոպական մշակոյթին եւ քաղաքակրթութեան դէմ. իսկապէս երեսայական, փայտէ շինուած խաղալիք գէնքերով եւ այնքան ծիծաղելի, որքան Էլեքտրականութեան, լոյսի, անթելի, թելաւորի գիւտերը վերագրել ուսս ժողովուրդին: Դուք մոռցնել տուիք ուսս ժողովուրդի հանճարեղ ստեղծագործութիւնը դրականու-



Թեան մէջ, ինչպէս Կոկոլն է, Տոստեւսկին է եւ կամ Թոլստոն, որոնք սկսած էին իրենց ծանր ազդեցութիւնը ձգել եւրոպական գրականութեան վրայ: Դուք մոռցնել տուիք ցարական բռնապետութեան տակ տանջուող այն բոլոր գաղափարական, յեղափոխական սուրբերը ու մէջտեղ բերիք խամաճիկներ գրականութեան եւ արուեստի մէջ, ոճրագործներ՝ մարդկային գաղափարականութեան մէջ: Ծիծաղելի է Սիմոնով մը դէմ հանդիման դնել եւրոպական գրականութեան. այնքան ծիծաղելի, որքան ըսել, որ նապաստակը էշի ընտանիքէն է, որովհետեւ երկար սականջներ ունի: Նոյնքան ծիծաղելի է նաեւ ձեր պայքարը Դաշնակցութեան դէմ, որուն արմատները այնքան իրական են եւ առողջ, որքան ժողովուրդն է, որուն գաղափարականը մարդկայինն է, ընկերավարական եւ առաւելապէս ազգային: Ան անհաշոտ պայքարողը եղած է ոեւէ ձեւի բռնակալութեան դէմ, հետեւաբար, ան հալածուած է բռնակալներէն միայն եւ բոլոր անոնցմէ, որոնք ընդունակ են բռնակալներ ստեղծել:

Ես կը յարգեմ հաւատքը, սիրելի բարեկամ, կը յարգեմ այն ափրիկեցին, որ ծառի մը կոճղը կը տաչէ, կը շինէ ծուռ քիթ ու բերան եւ կ'ըսէ՝ «այս իմ աստուածն է»: Ան իր այդ նմանութեան մէջ կը դնէ կեանքը ապրելու եւ տեւականացնելու աղաղակը: Ես պիտի յարգէի նաեւ ձեր խօսքերը, եթէ անոնց ետեւ հաւատք մը կապուած ըլլար. ըսել կ'ուզեմ՝ կապուած ըլլար առողջ կեանքը:

Դուք քանդեցիք բոլոր տեսակի հաւատալիքները ու ստեղծեցիք դաժան կուռք մը: Դուք քանդեցիք բոլոր ձեւի ազատութիւնները ու ստեղծեցիք բռնակալ մը: Ազատութեան անունով ոեւէ բռնակալ չ'արդարանար, եթէ այդ ազատութիւնը կեղծիք չէ: Դուք ոչ միայն կեղծեցիք մարդկային ու բարոյական այն բոլոր ըմբռնումները, որոնք կերտուած էին դարերու ընթացքին՝ Սոկրատէն սկսած մինչեւ Ճան Տուի, այլեւ կեղծիք դարձուցիք մարդը՝ անոր մէջ քանդելով նկարագիրն ու անհատականութիւնը:

Նոյնպէս ծիծաղելի են, սիրելի բարեկամ, նարեկական այն բոլոր աղօթքները Առաջնորդին, որ ամենազէտ է: Դուք կը կեղծէք նաեւ այդ, որովհետեւ երկիւղը ձեր հոգին դարձուցած է աւերակ. դուք կը կեղծէք ձեր օրուայ հացին ու ձեր կեանքին համար: Եւ ես կը հաւատամ, որ դուք նոյնքան կը կեղծէք ձեր պայքարներուն մէջ — պայքար եւրոպական մշակոյթին եւ Դաշնակցութեան դէմ: Դուք լուռ չէք կրնար մնալ. լռելը յանցանք է ու կասկածելի. դուք պարտաւոր էք միանալ այդ կեղծ պայքարներուն այնպէս, ինչպէս պարտաւոր էք միանալ Առաջնորդին մատուցուելիք հսկումին ու աղօթքներուն:



Ձեր պայքարը Դաշնակցութեան դէմ ոչ մէկ արդարացում ունի: Մինչեւ վերջն ալ սուտ ու կեղծ վերագրումներ ըրիք ձեր պայքարին՝ դէթ ոտքի տեղ մը շինելու համար: Արդարացում չունիք, երբ, մանաւանդ, հայ էք: Այո՛, սիրելի բարեկամ, Դաշնակցութիւնը է՛ն առաջ ազգային կուսակցութիւն է: Անոր արմատները կուգան մեր պատմութենէն, մեր ժողովուրդէն եւ իրականութենէն: Ան մերն է՝ մեր առաւելութիւններով եւ մեր քերութիւններով: Անոր մէջ կան Հայկը, Սասունցի Դաւիթը, Անգրանիկը, Քրիստափորը, Մուրատը, Չաւարեանը, Ռոստոմը, Սպաղանցի Մակարը, մշակն ու վարժապետը, բայց ոչ Մարքսը, Լենինը, Սթալինը, Բերիան եւ կամ Մոլոտովը: Անոր մէջ կայ ժառանգութիւն մը, որ ժողովուրդինն է: Կայ աշխատանքը մեր մշակոյթին: Առաւելապէս մեր գրականութիւնը շատ բան կը պարտի Դաշնակցական մամուլին: Անոր մէջ կան շուարած, պարտըած ժողովուրդ մը, որպէս ազգ կազմակերպելու բոլոր տըւեալները:

Հիմա կը տեսնեմ, ով իմ բարեկամ, որ կ'ուզես պոչ շարժել եւ դիս համոզել, որ կայ ազգային շարժում Հայաստանի գրականութեան մէջ, եւ յիշել, որ դուք նոյն համայնավարն էիք ու կը հայհոյէիք մեր ազգային ոեւէ ձգտումներուն դէմ: Կը հայհոյէիք Դաշնակցութեան, որ ազգայնական էր, ու դուք համաձայն էիք այն բոլոր վանտալութիւններուն, որոնք ոտքի տակ կ'առնէին ինչ որ ազգային էր: Հայաստանի մէջ հայ բանաստեղծը կը սարսափէր «Արարատ» բառը գործածելու. ազգայնականութիւնով բացատրեցիք փորձանքը հայկական հարցի մը գոյութեան, թշնամութիւնը թուրքին դէմ, սահմաններու խնդիրը ու Սէվրը: Դուք՝ հայ պոլշեւիկներդ, պայքարեցաք Սէվրի դէմ, դիւրացնելու համար թուրքին աշխատանքը. Սէվրը, որ արիւնով ու հաւատքով ձեռք բերուած էր եւ մեր ազգային քաղաքական կեանքի մեծագոյն յաջողութիւնն էր: Դուք կ'արդարացնէիք այդ բոլորը ու արդարացուցիք կորուստը տաղանդաւոր գրականագէտներու սերունդի մը: Դեռ երէկ էր այդ. իսկ այսօր կուգաս ինծի հետ վիճելու, որ ազգայնական են Հայաստանի արդի գրողներու ձգտումները: Ո՞րն էր ճիշդը՝ երէ՞կ, որ ազգայնականութեան կը հայհոյէիք, թէ՞ այսօր, որ պաշտպանութեան ելած էք: Դուք արդահատելի կերպով ձախող էք ու կեղծ թէ՛ ձեր պաշտպանութեան եւ թէ՛ ձեր ժխտումին մէջ, որովհետեւ ձեր ձեռքէն առնուած է նաեւ մտածելու իրաւունքը: Ազգայնականութիւնը ուժ է եւ կարեւոր ուժ, անհատներու եւ ժողովուրդին հաւաքական պաշտպանութեան: Պոլշեւիկը պայքարեցաւ քայքայելու համար այդ ուժը, ինչպէս պայքարեցաւ ուրիշ կարեւոր ուժի



մը՝ կրօնքի դէմ, մինչեւ որ կրցաւ այդ երկու կարեւոր զգացումները իր ձեռքին տակ առնել, որպէս պայթուցիկ գործածելու համար: Ան օղտագործեց այդ ուժերը տաք պատերազմի ընթացքին, իսկ այսօր ցուրտ պատերազմի ընթացքին դեմոկրասի, ազատութիւն եւ խաղաղութիւն բառերն է, որ պաղարի մէջ դրած է: Ուրիշ ժտանովի մը մի քանի նախադասութիւնները բաւական են, որ Հայաստանի հայ դրողը դայ եւ խոստովանի ազգային ըլլալու իր մեղքը եւ կամ, յանկարծ, սերունդ մը վերցուի մէջտեղէն:

Անտարակոյս, որ այնտեղ կայ շինարարութիւն, կան տաղանդներ. այդ բոլորը մենք կը պարտինք հայ ժողովուրդին: Դուք մոռցած էք, որ այնտեղ կայ հայ ժողովուրդ մը, որ միշտ չինած է դարերու ընթացքին, որ պայքարած է իր նկարագիրը պահելու համար, որ ստեղծած է դրականութիւն եւ արուեստ: Երբ ծառ մը կը տնկուի այսօր, երբ առու մը կը բացուի, մեր բանաստեղծները մոռցած հայ ժողովուրդը՝ իրար կ'անցնին դիւցադներգութիւններ հիւսելու Առաջնորդին: Իրար կ'անցնին հէքիաթասացներն ու աշուղները: Հայաստանի մէջ մենք չենք ունենար դրականութիւն, մինչեւ որ այդ կեղծիքէն ու երկիւղէն դուրս չդանք: Ռեժիմին եւ դրականութեան մէջ կը պակսի էականը — ժողովուրդը:

Դաշնակցութիւնը չեկաւ գրքերէն եւ ոչ ալ դուրսէն: Ինչպէս բոլոր ժողովուրդները, հայ ժողովուրդը եւս, իր գոյութիւնն էր որ կ'ուզէր ասրեցնել, որպէս «ածուփոքր», մշակելու համար իր ցորենն ու ծաղիկները: Կեանքը ինքնին տենչ է ասրելու եւ ձգտում՝ այդ կեանքը ասրելու իրաւունքներուն տիրանալու: Ինչպէս անհատներու մէջ, նոյնպէս ազգերու մէջ նոյն կենսատարրերն են, որ ուժեղ պայքար կը տանին ասրեցնելու համար:

Փրանսական յեղափոխութիւնը միշտ ալ մեկնակէտ ընդունուած է ազատական, յեղափոխական եւ բարենորոգչական բոլոր շարժումներուն: Բռնատէրերուն դէմ ժողովուրդն է, որ իր ուժը մէջտեղ կը բերէ: Ժողովուրդը ինքն է, որ կը ստեղծագործէ իր յանդուղն ու տաղանդաւոր զաւակներուն միջոցով:

Գրական, ընկերային, բարենորոգչական, յեղափոխական շարժումները դուրսէ շատ ուշ սկսէին Ռուսաստանի մէջ, եթէ, ըսենք, Պուշկին մը իր գլխէն չթօթուէր դուրսէն եկած պայքարականութիւնը ու չմօտենար ռուս ժողովուրդին. ժողովուրդը, արուեստ եւ դրականութիւն իրար դտած էին: Անջատուած էին իրարմէ ժողովուրդը եւ ցար: Մուժիկը ինքզինքն էր որ կը դտնէր, կը դտնէր իր հողին ու իր անհատականութիւնը:

Եթէ վանքերուն մնար, ինչքան ալ մեծ տաղանդներ ըլլային



Հիւրմիւզ, Արսէն Բազրատունի, յեղափոխութիւնը շատ պիտի դանդաղէր մեր հայ ազգային կեանքին մէջ: Ես կը տարուիմ ըսելու, որ Նալբանտեանի մը, Ս. Նազարեանի մը, նոյնիսկ Գրիգոր Արծրունիի մէջ ազգային, յեղափոխական, բարենորոգչական ըմբռնումը աւելի շատ մարդկային էր, քաղաքակրթական ու դադափարական: Կը պակասէր հայ ժողովուրդը: Մեր իսկական շարժումը սկսելու համար մենք նորէն կանգ պիտի առնենք Պաշտօնը Աբովեանի մը արձանին առջեւ, նաեւ գերեզմանին առջեւ ուրիշ մեծ հսկայի մը՝ Բաֆֆիին: Գրական քմայքի արդիւնք չէր, երբ Գարեգին Սրուանձտեան ժողովրդական հէքիաթներ կը հաւաքէր: Սկսուած շարժումն էր, որ հետզհետէ ձեւ կը ստանար: Մինչեւ այդ՝ տարերային շարժումը կազմաւորուեցաւ ու ծնունդ տուաւ Հայ Յեղափոխութեան: Եթէ ան աւելի կանուխ կազմակերպուեցաւ Ռուսահայաստանի մէջ, պատճառը այն էր, որ հոն շատ աւելի կանուխ սկսած էր ժողովրդակամը:

Շարժումը ինքնարուխ էր եւ կենսաբանական: Տկարացած, բթացած ստրկութիւնով, աւելի շատ՝ անդենական աշխարհին հետ կապուած ժողովուրդն էր, որ կեանքին, իրականութեան կը կանչուէր: Տակաւին կար հայ ժողովուրդին մէջ առողջ կենսատարրը, որ կը խլրտար: Սուրբերուն ու վանքերուն կառչող քրիստոնեայ համայնքը արդէն վերածնութեան մէջ մտաւ ու ազատագրուեցաւ Վախի քայքայող տկարութենէն:

Հայ Յեղափոխութիւնն էր, որ վերջին 60 տարիներուն ստեղծեց մեր ազգային պատմութիւնը՝ հերոսական ճիգերով: Այդ պատմութեան մէջ մենք պիտի գտնենք, որ նաեւ կեանքի կանչուած է մեր մշակութային, մեր դրականութեան պատմութիւնը: Հայ ժողովուրդը գուցէ գոյութիւն ունենար որպէս համայնք, որպէս լուսաւորչական, որպէս բողոքական, որպէս կաթոլիկ եւ որպէս վաճառական եւ, սակայն, ան չէր կրնար տեւական ընել իր գոյութիւնը, որպէս ազգ, առանց յեղափոխական շարժման:

Ճրանասական Յեղափոխութենէն յետոյ, պոլշեւիկները ստեղծեցին նոյնքան կարեւոր յեղափոխութիւն մը, որ կոչուած էր շատ կարեւոր դեր կատարելու ազգերու եւ աշխարհի պատմութեան մէջ, եթէ նախճիրներու պատճառով չստեղծէին այդ մեծ խրամատը ժողովուրդի եւ իրենց միջեւ՝ պատմութեան մէջ երեւցող բոլոր բռնատէրերուն նման: Ամբողջ մարդկութիւնը կը սպասէր, որ այդ յեղափոխութեան շնորհիւ ձեռք ձգուէին նոր իրաւունքներ. ձեռք ձգուէր ազատութեան է՛ն կարեւորը՝ արնատեսական ազատութիւնը: Շատ ժամանակ շանցաւ տեսնելու համար, որ յեղափոխութիւնը ձախողած էր եւ շարաշար ձախողած եւ սնանկացած էր ինչ որ մարդկայինն էր, ինչ որ իտէալականն



էր եւ ինչ որ սուրբ, եւ է՛ն աղէտալին՝ շատ մեծ հարուած տուած էր ընկերվարութեան եւ համայնավարութեան, որ պիտի դար:

Մարդկութիւնը դարերու ընթացքին շատ մեծ զոհաբերութիւնով, արիւնով, հերոսութիւնով ձեռք ձգած էր անհրաժեշտ ազատութիւնները, — ազատութիւն մտածումի, հաւատքի, կեանքը ապրելու կատարեալ իրաւունքի, ազատութիւն քաղաքական, դատաստանական, դաստիարակչական, ազատութիւն խօսելու, դրելու: Կար միայն մէկ ազատութիւն, որուն կը ձգտէր մարդկութիւնը. այդ տնտեսական ազատութիւնն էր, որ պիտի դար ընկերվարական, աշխատաւորական շարժումով: Պոլշեւիկեան յեղափոխութիւնը եկաւ ոչ միայն խափանեց այդ բոլոր ազատութիւնները, այլեւ զոցեց ճամբան տնտեսական ազատութեան: Եղածը, սիրելի բարեկամ, բարոյական սնանկութիւն է: Անոնք սնանկացուցին Մարքսը, նոյնիսկ Լենինը: Տեղն է ըսել առածի կարգ անցած Լինքընի խօսքը թէ՛ չէ կարելի ժողովուրդը խարել միշտ: Անոնք ոչ միայն չարաչար կը խարեն ժողովուրդը, այլեւ խարեցին, գործակցութիւն կեղծելով, Ռուսաստանի մէջ դոյութիւն ունեցող ազատական, ընկերվարական հոսանքները: Ասոնք եւս հաւատացին, որ տեղի կ'ունենար այն յեղափոխութիւնը, որուն համար իրենց հաւատալիքն ու աշխատանքը բերած էին: Հետզհետէ տեղաւորուելէ յետոյ պոլշեւիկները հալածեցին նաեւ աշխատած, տանջուած, քանիցս Սիպիր աքսորուած, մարդկային բարօրութեան ու ազատութեան նուիրուած առաքելատիպ գործիչները Ռուսաստանի:

Նոյն ձեւը կիրարկեցին, երբ, պատերազմէն յետոյ, անոնք մտան ուրիշ երկիրներ՝ համաձայնութիւն կեղծելով ազատական տարրերուն հետ՝ յետոյ գիշերով անոնց դռները ծեծելու, խոչտանդելու եւ սպաննելու համար: Անոնք իրենց գրաւած երկիրներուն մէջ միայն սարսափ կրնային տանիլ, որովհետեւ յեղափոխութենէն յետոյ ա՛յդ միայն մշակուած էր Ռուսաստանի մէջ իր բոլոր տեսակի նրբութիւններով: Անոնք ոչ միայն խորտակեցին ինչ որ մարդկային ու ազգային հիմքերը կը կազմէին, այլեւ յափըչտակեցին մեքենաները, գերեվարեցին ղիտնականները՝ շահագործելու զանոնք ուրիշ մեծ պատերազմի մը համար, ստեղծելու ուրիշ դժոխք մը ահաւոր:

Երբ դուք կը խօսիք համայնավարութեան եւ հայրենասիրութեան մասին, թոյլ տուէք ինծի ըսելու, որ դուք կը կեղծէք. այնպէս, ինչպէս արգահատելի կեղծիք է Սովետներու «խաղաղութեան» փրօփականտան, որը որպէս պատերազմական ղէնքի գործ կը դնեն, քայքայելու համար թշնամի երկիրներու բարոյական տոկունութիւնը:



Եթէ դուք մեծցած ըլլայիք երկաթէ վարագոյրին ետեւ, գուցէ հաւատայիք եւ կամ ստիպուէիք հաւատալու, որ Ամերիկայի մէջ բանուորը ծայրայեղ թշուառութեան մէջ կ'ապրի — կազի լապտերներով կը լուսաւորէ իր տունը, որ քուէարկութիւնը ազատ չէ եւ ինչե՛ր, ինչեր... կ'ենթադրեմ, այնտեղ կայ առանձին նախարարութիւն մը, որ նման սուտեր կը յօրինէ հաւատացնելու համար իր հպատակները, որ շնորհիւ մեծ Առաջնորդին, սովիէ-թական տուներուն մէջ կայ հաց եւ ելեքորականութիւն: Ու ահա բոցավառ ողջոյններ ու աղօթքներ մեծ Առաջնորդին:

Փճացած նկարագրով փոքրիկ ստահակին մէջ կարելի է գըտնել մի քիչ պարկեշտութիւն, բայց ոչ Մոլոտովներու, Վիշինսքիններու եւ Մալիքներու մէջ, որոնց միակ նպատակն է ձախողեցնել Ազգերու Ժողովը եւ խաղաղութիւնը: Անոնց նպատակն է քանդել ոեւէ տեսակի միութիւն, որ ուժ կը ներկայացնէ: Անոնք չէին կրնար տանիլ, որ կը կազմուի Ազգերու Միութիւն մը եւ մինչեւ վերջն ալ ճամարտակութիւն խաղացին ձախողեցնելու համար խաղաղութիւնը եւ օգտագործեցին այդ ժողովները իրենց փրփակականտին՝ թիաժոյ ճառերով: Խաղաղութեան անունով ոեւէ տեսակի հասկացողութիւն ժողովներուն մէջ աննպաստ էր պոլշեւիկներուն համար, որովհետեւ իրենց ազդեցութեան տակ առած երկիրներուն մէջ աշխատանքներ ունէին տանելիք՝ իջեցընելով ծանր վարագոյրը: Երբ Մոլոտով խաղաղութեան ժողովներուն մէջ էր, Վիշինսքին երեք օրուայ վերջնազիր կուտար Ռուսմանիոյ՝ կառավարութիւնը յանձնելու պոլշեւիկներուն ու կը կազմուէր արկածախնդիրներու թափօրը Լենինի ու Սթալինի մեծագիր նկարներով դռները բախելու եւ խոշտանդելու առաջնորդները ռուսմանական ազգին: Խոշտանդելու «պուրժուան», մտաւորականը, ուսուցիչը, հայրենասէրը եւ, վերջապէս, մաքուր եղունգ ունեցողը:

Երբ խաղաղութեան ժողովներուն մէջ Վիշինսքին ճամարտակօրէն Ուոլ Սթրիթ կը կրկնէր ու իր կուրծքը կը ծեծէր, խաղաղութեան անունով քանդել փորձելու ամերիկեան ժողովուրդի բարոյականը, այնտեղ՝ Չեխոսլովաքիոյ մէջ, ժողովուրդի իրաւառաջնորդը, Մասարիկ, պատուհանէն դուրս կը նետուէր շան մը պէս, կ'արգելափակէին Պենէշը, որ շատ շանցած պիտի մեռնէր: Ահա երկու առաջնորդներ՝ մարդկային ու բարոյական մեծ սկըզբունքներով տողորուած: Պենէշ, որպէս քաղաքական ելք, ցոյց տուած էր նաեւ իր համակրութիւնը համայնավարական շարժման եւ նոյնիսկ քաջալերած էր Փոլանտայի դրաւումը պոլշեւիկներու կողմէն:

Երբ խաղաղութեան ժողովներ տեղի կ'ունենային, Պուլկա-



բիոյ փողոցներուն մէջ կը դրուէին տուփեր, ուր պիտի ձգուէին կասկածելի մարդոց անունները: Կարելի չէ երեւակայել նման ճիւղային մտածում, ուր ժողովուրդ մը կը դառնայ իրարու լրտես, իրարու սարուկ, ժողովուրդները ոչխարներու հօտի կը վերածուին, ուր չի մնար ոչ անհատականութիւն եւ ոչ նկարագիր: Կասկած իր կնոջ հանդէպ, իր զաւկին, իր եղբօր, իր ընկերոջ հանդէպ: Կառափնատի նման սարսափ մըն էր նաեւ կերտել արձանը այն պատանիին, որ իր ծնողքը մատնած է: Ահա թէ ի՞նչ փառասիրութիւններով կը դաստիարակուին պատանիները: Փակ վարագոյրին ետեւ ան հասցուց արդէն սերունդ մը, որ կարենայ 2+2 փոխանակ 4-ի, 5 ըսել:

Ան ստեղծեց սերունդ մը ահաւոր նախապարաշումով ու մոլեռանդ՝ կազմելու համար բանակներ ու կռուելու «պատերազմի հրձիգներու» դէմ. անոնց դէմ, որոնք, իբր թէ, աշխարհի խաղաղութեան կը սպառնան, կը սպառնան ազատ, դեմոկրատիկ ու խաղաղասէր Ռուսաստանին: Անոնց դէմ, որոնք ամբողջ մարդկութիւնը տանջանքներու ենթարկած են: Կռիւ, մանաւանդ, Ամերիկայի դէմ, որ կը սպառնայ բովանդակ մարդկութիւնը գերեզմարել եւ կը սպառնայ արեւելեան Գերմանիան սովամահ դարձնել՝ փրճացնող ոջիլ ձգելով փաթաթէսի արտերուն վրայ:

Այո՛, սիրելի բարեկամ, այդպէս կը դաստիարակուի սերունդը եւ այդ սերունդով կը կազմուին բանակները ոչ միայն Ռուսաստանի, այլեւ երկաթէ վարագոյրին ետեւ եղող բոլոր երկիրներուն մէջ: Եւրոպան եւ Ամերիկան միամտութիւն ունեցան հաւատալու, որ կարելի է ձեւ մը գտնել խաղաղութեան համար: Տեղական կազմակերպուած բանակներով ան կը ստեղծէ քաղաքացիական պատերազմներ եւ այդ պատերազմները կ'օրինականացնէ, որպէս տեղական հարց: Ժողովուրդի կամք կամ քուէարկութիւն արդէն անոնց համար դարձեր է հոթենթոթներու դործ. այդպէս ալ կը պատասխանուի: Ահա Քորէայի պատերազմը եւ մտածել, մէկ կողմէն աշխարհի չորս ծագերէն միլիոնաւոր ստորագրութիւններ կը հաւաքուին խաղաղութեան համար, կոտրելու համար ժողովուրդներու բարոյական կորովը: Ահա թէ որո՞ւ հետ դործ ունեցաւ շատ քրիստոնեայ, ամբողջովին դեմոկրատ եւ ազնուական մտածումներով Ռոզվելթը ու խարուեցաւ չարաչար: Ահա թէ որո՞ւ հետ դործ ունի մարդկային ճակատադիրը եւ մեր իրականութեան մէջ դործ ունի նաեւ Դաշնակցութիւնը:

Այդ աշխարհին մէջ կարելի է ամէն ինչ Սթալինով վերլուծել. ահա մեծագոյն հրաշքը, որուն ոչ մէկ Աստուած հասաւ: Սթալինով կարելի է վերլուծել Անժանօթը, տիեզերական դադտնիքը, արուեստը, երգը, լեզուն, թատրոնը, գիտութիւնը, մա-



Թեմաթիքը: Քիտնական Աճառեան մը կը բանադրուի, յանկարծ, որովհետեւ լեզուաբանական հետեւութիւններ յանդգնած է հանել ու համաձայն եղած է եւրոպացի գիտնականներու կարծիքներուն: Յանկարծ, աշխարհին կը յայտարարուի կենսաբան Լիսենկոյի հռչակը, որովհետեւ ան կը ջնջէ ժառանգութեան ուժը: Այստեղ գիտութիւնն է, որ կը յարմարի Սթալինի քաղաքականութեան, որ ժառանգականութիւնը դեր չի կատարեր եւ կարելի է մէջտեղ բերել բոլորովին նոր մարդկութիւն մը եւ կամ մարդկութեան հետ կարելի է խաղալ, ինչպէս բրուտը կը խաղայ կաւին հետ: Գուցէ ճիշդ է, որովհետեւ տեսնուած է, որ վախի սարսափին տակ ապրող տկար կենդանիները իրենք զիրենք պաշտպանելու համար որոշ բնազդներ զարգացուցած են. եւ կամ իրենց բնախօսական ձեւը յարմարած է իրենց ինքնապաշտպանութեան: Աղուսէին դիտարար գէնքը անոր խորամանկութիւնն է, նապաստակին ետեւի երկու ոտքերը աւելի երկար են արագ վազքի համար: Վախի ազդեցութեան ներքեւ նաեւ մարդիկ, բուլշեւիկեան աշխարհին մէջ պիտի զարգացնեն թաքուն գէնքեր՝ իրենց կեանքը տեւականացնելու համար: Պիտի զարգացնեն խորամանկութիւն, կասկածամտութիւն, կեղծիք, մատնութիւն, ոճիր, ստրկութիւն տէրերուն հանդէպ, իսկ բռնակալ՝ տկարներուն հանդէպ: Վախը ահաւոր համաճարակ մըն է, որ երեւան կը բերէ թէ՛ ստրուկը եւ թէ՛ բռնակալը. ամենամեծ բռնակալները ամենամեծ վախկոտները եղած են: Բռնակալը կը վախնայ ոչ միայն իր թշնամիէն, այլեւ իր բարեկամէն, իր ընկերներէն, իր ընտանիքի անդամներէն: Բռնակալ մը միայն թշնամի կրնայ ունենալ: Սթալին իր դործակիցներն իսկ վախի տակ պահած է: Վախի տակ է, որ մարդիկ կը դառնան նենգ, խորամանկ, անվստահելի ու դաժան: Այդ բոլորը գէնքերն են թէ՛ բռնակալին եւ թէ՛ ստրուկին: Աւելի զարհուրելի է բռնակալը, երբ անոր մէջ ստորադասութեան զգացումը կայ ու երբ ճիշդ կ'ընէ գերադաս դառնալու վախի միջոցով: Սթալինի ամենազիտութիւնը արդիւնք է անոր թերի դաստիարակութեան: Այնտեղ կեանքը դարձած է այնքան նախնական, որ «յարմարադոյններու վերապրում» բնադրային պայքարներու մէջ ինկած են: Ահա թէ ինչու՝ նարեկական աղօթքները մեծ Առաջնորդին: Ահա թէ ինչու՝ բանաստեղծը իր դիրքը պահելու եւ նոր նուաճումներ ընելու համար պէտք ունի ոտանաւորներով Գաշնակցութեան հայհոյելու: Օ՛հ, անոնք երբեք չեն մոռնար գէթ վերջին տողերուն մէջ յիշելու մեծ Առաջնորդը, եթէ բանաստեղծութիւնը ընկոյզի ծառի մը եւ կամ այգեկութի մասին է: Տեսնես, յանկարծ, հրաման կուղայ եւրոպական եւ ամերիկեան մշակոյթին վրայ յարձակելու. անոնք



կազմ ու պատրաստ են՝ բանաստեղծը, քննադատը, արձանագործը, վիպագիրը կը սրարտեն, կը դտնեն, թէ ով ինչ աննպաստ բան ըսած է Ամերիկայի մասին: Ճիշդ բան ըսելու պէտք չկայ. անոնք կրնան ըսել, որ թո՛վմաս էտիսըն իր գիւտերը Ռուսաստանէն գողցած է եւ, վերջապէս, կան նիկրօներու դէմ պատահած լինչեր: Առաւելապէս այդ եղած է բանաստեղծին, քննադատին, վիպագրին, թատերագրին, արձանագործին մշակութային արժէքը:

Ու դուն, ո՛վ իմ բարեկամ, կուզաս ինծի ըսելու, որ հոն, Հայաստանի մէջ, մշակոյթ կը ստեղծեն: Բռնակալութեան, վախի եւ ստրկային վիճակի մէջ ոեւէ ազդ մշակոյթ չի կրնար ստեղծել: Մշակոյթը արդիւնք է ազատ պայմաններուն: Բռնակալները միշտ ալ կասեցուցած են մարդկային յառաջդիմութիւնը: Հայ ժողովուրդը աւելի շատ կորսնցուց վախէն, քան ջարդերէն: Աւելի վտանգաւոր է, երբ այդ վախը կը դառնայ համայնական: Վախին յաղթահարելու համար քաջութիւն է պէտք: Հայ ժողովուրդը յեղափոխութիւնով եւ հերոսներով միայն կրցաւ յաղթել այդ վախին: Եթէ շատ մեծ իրաւունքներ չկրցինք ձեռք ձգել Պանքայի դրաւումով, Սանասորի արշաւանքով, Սասունի ապրտամբութիւնով, Սուլթանի մահափորձով ու, վերջապէս, հայոց լեռներէն անցնող Փէտայիներով եւ, սակայն, յաղթահարեցինք վախի զգացումին ու տէր դարձանք մեր իրաւունքներուն տիրանալու դիտակցութեան: Այդ էր, որ, վերջ ի վերջոյ, ստեղծեց, որպէս կորիզ, փոքր Հայաստանի մը սահմանները:

Ժողովուրդ մը իր լէկէնդներուն մէջ քաջերն է որ կ'ապրեցընէ: Վախով ոչինչ կը շինուի: Մարգարէները յանդգնութիւնով բան մը կառուցին, ինչպէս նաեւ առաքեալները: Յիսուս քաջութիւնով քալեց խաչի ճամբայէն: Քաջութիւնով կարելի է պահել նկարագիրը: Բռնակալ մը այնքան երկչոտ է, որքան ստրուկ մը: Երկուքն ալ ընդունակ չեն ստեղծագործութեան:

Այո՛, իմ երկչոտ բարեկամս, դուն կրկնակ ստրուկ ես, երբ այս ազատ պայմաններու մէջ կը մտածես բռնութեան ներքեւ սպրոզ մարդոց պէս եւ կ'ուզես շատ դիւրին ձեւով տէր դառնալ հայրենասիրութիւն կոչուած այն հզօր զգացումին եւ հաւատքին, որ զոհաբերութիւն կը պահանջէ: Ահա թէ ինչպէս անկիւններու մէջ կորսուած լէվանթիւնը եւ ծուռ նկարագրով մարդիկ, նաեւ սնանկացած վաճառականներ մէջտեղ եկան, յանկարծ, ու դարձան հայրենասէրներ՝ զովաբանելով Սթալինը եւ հայհոյելով Դաշնակցութեան:

Ի՛հ, ինչքա՛ն կրկնեցին, թէ Դաշնակցութեան օրով Հայաստանի մէջ կար սով, հիւանդութիւն, մահ, իսկ հիմա... կրկնե-



ցին այդ՝ հիները, որոնք պաշտօններու վրայ էին, կրկնեցին նորելուկ աքաղաղները, նաչխուն վետուրներով թութակները եւ, որովհետեւ պայքարի համար սուտէն եւ զրպարտութենէն դատուրիչ հիմնական բաներ չունէին ըսելիք, կառչեցան իրականութեան մը ու կրկնեցին:

Հրաշքը այն էր, որ այդ պայմաններու մէջ ստեղծուեցաւ Հայաստան մը, երբ համաճարակով վարակուած ժողովուրդը մը լլատերուն տակ կ'իյնար, երբ սարսափահար հալածուած ժողովուրդը մը, իր սակորները հազիւ բռնած իր մարմնին վրայ, Հայաստան կը լեցուէր. երբ չորս կողմէն թշնամիները կը սպաննային, Հայաստանի սահմանները պահելու կռիւները կը շարունակէին. դարերով պետական կեանք ունեցող ու կազմակերպուած թուրք բանակներու դէմ: Հայ ժողովուրդն էր, որ կուգար աշխարհի չորս կողմերէն ի սպաս դնելու իր զոհարերումը եւ մեր պապերու երազներէն իրականութեան կանչելու Հայաստան մը: Հայն էր, որ յարութիւն առած էր այն զինուորականին մէջ, որուն նախնիքները միայն հայեր եղած էին. հայ ուսուցիչը, հայ կինը, հայ մտաւորականը, տառապած ու թշուառ մայրը, որ իր զաւակը կռուի կը զրկէր: Այդ բոլորը ոգիով միայն կառուցուեցաւ առանց պետական պիւտճէի: Ո՞րտեղէն այդ պիւտճէն, երբ պետական կազմն իսկ իր շատ նախնական շրջանին մէջ էր: Եւ այդ ամբողջ երկուք ու կէս տարուայ մէջ եւ այդ մեծ ոգիով ժողովուրդը այդ թշուառութեան սահմանները պահելու ծանր կռիւներու ընթացքին հիմը կը դնէր նաեւ համալսարանի մը ու կը մշակէր ծրագիր՝ հողերու համայնացումի:

Երբ ինձ կը խօսիս համայնավարութեան մասին, Մարքսի եւ Էնգելսի անունները կուտաս, աւելի կը համոզուիմ, որ դուն ըմբռնած չես այդ բոլորը: Ոչինչ սորված ես, եթէ քու բոլոր ծանօթութիւններդ առած ես արդի Հայաստանի գրականութենէն, որովհետեւ անոնք եւս ինկած են մակերեսային կրկնութիւններու մէջ: Մարքս եւ Էնգելս մնացին միմիայն անուններ: Լոկ զմոսուած մոմիայ դարձաւ նաեւ Լենինը: Լենինի մահը բախտաւոր մահերէն մէկն էր, այլապէս Սթալինի գերիշխանութեան ներքեւ, որ պիտի դար, ան վաղուց գնդակահարուած կ'ըլլար: Մտածում եւ իմաստութիւն գոյութիւն չունենար հոն, ուր ամէն ինչ օրուայ իշխանաւորներու խօսքերով կը բացատրուի: Հայ գրական համագումարը չէր կրնար շեղիլ ժտանովի լողունկէն:

Դուք երկաթէ վարագոյրին ետեւ մեծցած չէք, պէտք է լաւ գիտնաք, որ տնտեսական հաւասարութիւնը, ընկերվարական քարոզչութիւնը եւ գրականութիւնը մեր իրականութեան մէջ շատ բան կը պարտի առաւելապէս Դաշնացիութեան: Ան որդե-



գրած է իր Ծրագրին մէջ ընկերվարութիւնը, որպէս ձգտում, որ պիտի գար քաղաքական ազատութենէն յետոյ: Դաշնակցութեան անմիջական կոչումը առաւելապէս քաղաքական-ազգային էր, ազատադրական: Զախ թեւն էր, որ կ'աշխատէր ընկերվարութիւնը դարձնել օրուայ գործի ծրագիր: Այդ թեւին մէջ էին թանաք լիզողներ եւ առաւելապէս ուսանողներ եւրոպական համալսարաններու: Անոնց համար իմաստութիւնը միմիայն գրքերէ կուգար ու գլուխները յարդի նման թէորիներով սեղմուած էին՝ հեռու հայ ժողովուրդէն եւ հայ իրականութենէն: Անոնք նոյնիսկ գացին ծայրայեղութեան՝ ժխտելու համար հայրենիքի գաղափարը ու կրօնքը:

Բռնութեան տակ ճնշուող եւ հայրենիք չունեցող ժողովուրդի զաւակներն են, որ կը վազեն նման ծայրայեղութեան, իրենց գոյութիւնը խառնելու բովանդակ մարդերու գոյութեան՝ ազատ եւ հաւասար, ջնջելու նաեւ ստորագասութիւնը իրենց մէջ: Նման շարժում մը միշտ ալ ուժեղ եղած է առաւելապէս հրեաներուն մէջ: Համամարդկային դառնալու նոյն պարտուողականութիւնը կար նաեւ մեր մէջ, որ յետոյ բաժնուելով Դաշնակցութենէն, միացաւ միջազգային շարժումներուն. անոնք քննադատեցին Դաշնակցութիւնը որ չափ ունէր ու կը յամառէր մնալ ազգային ու մնաց հայ ժողովուրդին հետ իր հերոսական մարանչումներով ու հայ մշակութային աշխատանքներով: Ան էր, որ ժողովուրդին հետ քառսէն ստեղծեց Հայաստանի Հանրապետութիւնն ու Սէվրը: Դաշնակցութենէն բաժնուած ձախ թեւի նոյն հատուածն էր, որ ուսւ բանակը Հայաստան առաջնորդեց ու մտաւ հուրով եւ սրով քանդելու համար ինչ որ ազգային էր ու հայրենասիրական: Նոյն մարդիկ, գուցէ հաւատաւորներ, որ բռնակալութիւնն ըստեղծեցին, իրենք դարձան առաջին զոհերը բռնակալին:

Ընկերվարութիւնը բռնակալութիւնն չէ, բոլոր ազատութիւններու խափանումն չէ եւ ոչ ալ կրօնական հալածանք: Յեղափոխութիւնով կարելի է դրամատիրութիւնը ջնջել եւ, սակայն, նիւթապաշտութիւնը չէ կարելի պարտադրել: Կրօնը կը դառնայ խղճի ու հաւատալիքի ազատութիւն, երբ դրամատէրը, որպէս դասակարգ, թաղնուած չէ անոր հետ: Ընկերվարութիւնը Դաշնակցութեան համար տնտեսական ազատութիւնն է, որ պիտի գայ ու լրացնէ մարդկային բոլոր ազատութիւնները: Եղաւ շրջան մը, որ Դաշնակցութիւնը եւս պայքարեցաւ հայ կղերականներուն դէմ: Այդ պայքարը ունէր միայն մէկ նպատակ՝ պարտըւած, շուարած ու երկնային կեանքին համար ապրող հայ ժողովուրդ մը դատել եկեղեցականներու ազդեցութենէն ու անոր մէջ դնել ազգային դիտակցութիւնը, յանդգնութիւնն ու իրականու-



թիւնը: Ազգն էր, որ կը կազմակերպուէր՝ դարձնելով կրօնը հաւատալիքի ու խղճի գործ:

Ինչպէս ըսի, պոլշեւիկները քանդեցին ամէն բան. համայնավարական գաղափարականը դարձուցին զէնք՝ տիրապետելու համար: Ստեղծեցին կուռք մը որ Մեծն Աղեքսանդր կը խաղայ ու տկար է իր փառասիրութեան մէջ: Շուրջիները շատ լաւ ըմբռնած են անոր այդ փառասիրութիւնը, ահա թէ ինչու ծայրայեղ ուշադրութիւն կը դարձուի շոյելու անոր այդ տկարութիւնը, ու բոլորը, բոլորը՝ բանաստեղծը, արձանագործը, նկարիչը, երաժիշտը, սագանտարն ու զուռնայ փչողը գիշեր-ցորեկ կ'աշխատին անոր փառքը տալու ու գովաբանելու: Եթէ մտնելու ըլլաք արձանագործին աշխատանոցը, դուք պիտի տեսնէք հոն Սթալին կանդնած, ծռած, նստած, պառկած: Արուեստագէտին ու բանաստեղծին համար գոցուած են բոլոր պատուհաններն արեւի: Անկումն է, որ կը շարունակուի՝ մարդկային իմաստներէն ու բարոյական ըմբռնումներէն պարպուած: Տկար փառասիրութիւնով այդ մէկն է, որ կ'ուզէ դառնալ աշխարհակալ յանուն հուրի, սուրի եւ ջրհեղեղի: Այնտեղ, տարիներու ընթացքին, կատարուած անհամար սպանութիւնները ինքնին ցոյց կուտան, որ անոր մէջ մարդկային ոչինչ կայ: Ան մենակ է աշխարհին վրայ ու կ'ուզէ իր գոյութիւնը պահել՝ շրջապատուած թշնամիներով: Ան բարեկամ չի կրնար ունենալ նոյնպէս առանց սարսափի ու վախի ազդեցութեան տակ պահելու դանոնք:

Գեղեցիկ նպատակներու հասնելու համար շիտակ ճամբով պէտք է քալել: Ծուռ ճամբան միշտ ալ քառս կը տանի: Գեղեցկութեան ճամբան միշտ ալ շիտակ է, ծաղկոտ ու ճշմարիտ: Գեղեցիկ բաները յանդիմութենէն կը ծնին: Քրիստոնէութեան մէջ եթէ կայ տկարութիւն մը, ան ալ դժոխքի սպառնալիքն է: Այդ վախի ազդեցութեան ներքեւ է, որ մարդիկ կը շեղին իրական, մարդկային բարոյականութենէն ու իրենք զիրենք ձգած են դժոխքէ խուսափելու հաշիւներուն մէջ: Եթէ կրօնքի մէջէն վերցըլի դժոխքի սպառնալիքը, այն ատեն մարդկային բարոյական ըմբռնումը կը դառնայ աստուածային: Ան պիտի օգնէ իր նմաններուն մարդկայնօրէն ոչ թէ դժոխքէն խուսափելու համար, որ առաւելապէս եսասիրական է:

Ընկերավարութիւնն ու համայնավարութիւնը միայն շիտակ ճամբով կարելի է յաջողցնել, այսինքն՝ մարդկային բարոյական հիմքերով, որովհետեւ նպատակը ինքնին մեծ է՝ մարդկային: Եթէ շիտակ ըլլար ճամբան, Ռուսաստանը այս երկար տարիներու ընթացքին պէտք էր դառնար իսկապէս օրինակելի երկիր մը: Երկիրը իսկապէս կը դառնար դրախտ, եթէ բոլոր ազատութիւն-



ներու հետ ունենար նաեւ տնտեսական ազատութիւն: Այն ատենն էր, որ այդ երկիրը իր գեղեցիկ նպատակներով ու իրականութիւնով պիտի տիրապետէր աշխարհին ոչ թէ սարսափով, սպանութիւններով, մատնութիւններով մարդկային բարոյական ըմբռնումները անկումի ենթարկելով: Ոչ թէ շրջելով իմաստները «ազատութեան», «խաղաղութեան», «դեմոկրատի», շրջելով նաեւ իմաստը նոյնինքն համայնավարութեան:

Չէ՛, սիրելի բարեկամ, Դաշնակցութիւնը առաւելապէս չափի կուսակցութիւն եղած է, որովհետեւ հայ ժողովուրդը անոր վստահեր է դարերու ժառանգը, իր հաւատքն ու բնազդը: Մեր հաւատքը ազատութիւնն է, որ, որպէս նկարագիր, կապուած է նոյնիսկ ցեղային ծագման հետ. այդ հաւատքը ուժեղ է մեր լէկէնդներուն մէջ՝ Հայկէն սկսած մինչեւ Սասունցի Դաւիթ: Հայ ժողովուրդը լաւ կ'ըմբռնէ ազատութիւնը: Ահա թէ ո՞ր է զաղանիքը ինքզինք ապրեցնելու իր յամառ կորովին: Մեր իրականութեան մէջ Դաշնակցութիւնը եղած է, որ ճակատ բռնած է պուշեւիկեան կեղծիքներու դէմ՝ ըսելու համար, որ ազատութիւնը երբեք բռնակալութիւն չէ, բանտ չէ, աքսոր չէ, երկաթէ վարագոյր չէ: Ու այդ բոլորին մէջ մարդկային ոչինչ կայ:

Դաշնակցութիւնը նոյնիսկ տէր դարձաւ եւ ուղեց պուշեւիկեան ոտնձգութիւններու դէմ պաշտպանել հայ եկեղեցին, ճակատ մը, որ երկշոտ համակերպութեամբ մը լքած էին նոյնիսկ եկեղեցականները: Մենք ցաւով տեսանք նկարագրի աղճատումը մեր եկեղեցականներուն մէջ: Եթէ մարդիկ ազատ են իրենց գեղարուեստական թուիչքներուն մէջ, պէտք է ազատ ըլլան նաեւ իրենց հաւատքին մէջ:

Դաշնակցութիւնը կը պայքարի, որովհետեւ հայ ժողովուրդի առողջութիւնը վտանգի տակ է, երբ աշխատանք կ'ըլլայ խորտակելու ազգային կորովը — հայ ժողովուրդի նկարագիրը: Առողջութիւն չէ, երբ ահաբեկումի կ'ենթարկուի անկախ մտածումն անգամ:

Մենք կը հաւատանք ազատութեան, ըլլայ այդ քաղաքական, մամուլի, խղճի ու մտածումի: Ժողովուրդը այն ատենն ազատ է իր երկրին մէջ, երբ ինքն իր ուժերով ու կամքով կը ստեղծէ իր վարչաձեւը: Հայրենիքի դաղափարը ինքնին նկարագիր է ու ազատութիւն: Կը հաւատանք մեր հայրենիքի անկախութեան եւ իրաւունքներու պայքարին: Դարեր յետոյ, հայ ժողովուրդը իր յամառ ու տոկուն կամքով ստեղծեց Հայաստան մը, որպէս կորիզ. նոյն ժողովուրդը, եթէ պէտք ըլլայ, գիտէ դարեր ալ պայքարիլ, տիրանալու համար իր պատմական իրաւունքներուն, ստեղծելու համար միացեալ Հայաստան մը: Ան կը հասնի իր



հպատակին, եթէ ազատագրուի վախի ու ստրկութեան զգացումէն :

Մենք կը հաւատանք, որ այնտեղ, Հայաստանի մէջ, հակառակ բոլոր համակերպութիւններու, ներքին պայքար կայ ապրեցնելու համար հայ ժողովուրդի կորովն ու նկարագիրը: Եթէ կ'ուզես «Դաշնակցութիւն» անունը մի' տար այդ պայքարին, տո'ւր ուրիշ անուն. կարեւորը ողին է:

Մենք կը հաւատանք մեր ժողովուրդին. կը հաւատանք, որ ան կարեւոր դեր ունի կատարելիք, որպէս ազգ, ու անոր ազգային ըմբռնումին մէջ ուժեղ է մշակութայինն ու մարդկայինը:















## ՄԱՐԳԱՐ ՎԱՐԺԱՊԵՏ

Հայկական Ազատամարտի ռազմիրաներից էր եւ Հ. Յ. Դաշնակցութեան առաջին շրջանի գործիչներից Մարգար Վարժապետը՝ բուն անունով Մարգար Ամիրեան, Տարօնի Վարդենիս գիւղից, ծնուած 1858-ին, ունեւոր եւ աստուածավախ մի ընտանիքում :

Հինգ տարեկան հասակում՝ ծնողները դրել էին Մարգարին գիւղի Բաղդասար քահանայի տէր-թողիկեան դպրոցը, ուր նա մնաց մինչեւ պատանեկութիւն : Կենդանի մտքի տէր ու հայրենասէր մարդ էր Բաղդասար քահանան . բացի Նարեկից ու Սաղմոսից՝ նա իր աշակերտներին պատմում էր դրուագներ հայոց պատմութիւնից, Հայկի ու Արամի, Արտաշէսի ու Տիգրանի, Մամիկոնեան քաջերի մասին : Եւ ուշիմ ու տպաւորուող Մարգարը ողբւորում ու ներշնչում էր հայ հերոսների մեծագործութիւններով : Վաղ հասակից արթնացաւ նրա մէջ հայրենասիրական զգացումը :

1872-ին Վարդենիս է դալիս Ս. Կարապետի վանահայրը՝ պտղի հաւաքելու համար : Եկեղեցում տիրացութիւն անող պատանի Մարգարը գրաւում է նրա ուշադրութիւնը եւ համոզելով ծնողներին՝ տանում է հետը Ս. Կարապետի վարժարանում ուսում տալու համար : Այստեղ Մարգարը մնում է 7 տարի՝ վերջին երկու տարիները, իրրեւ դասատու վանքի դպրոցում : Զանասէր ու հետաքրքիր՝ Մարգարը ժամանակի համար լաւ կրթութիւն է ստանում : Մասնաւորապէս լաւ ծանօթանում է հայոց անցեալին : Ս. Կարապետի վանքում դեռ կենդանի էր Խրիմեան Հայրիկի ոգին . վանքի մթնոլորտը յագեցած էր հայրենասիրական զգացումներով : Եւ Մարգարը խորապէս ազդւում է այդ մթնոլորտից :

1879-ին Մարգարը Վարդենիսում է՝ նուիրուած կրթական



գործին: Գիւղում դպրոց է հիմնում եւ իր ձեռք բերած մտաւոր պաշարը փոխանցում նոր սերունդին: Միեւնոյն ժամանակ ազգային դիտակցութիւն եւ ինքնապաշտպանութիւն է քարոզում գիւղացիութեան: Նրա համբաւը տարածւում է Տարօնի գիւղացիութեան մէջ եւ Մուշ քաղաքում, որտեղի համակիրներին նիւթական աջակցութեամբ, 1882-ին, ձեռնարկում է Արամեան դպրոցական շէնքի կառուցման, որ լրացնում է 1884-ին: Այսպիսով՝ Վարդենիսը ունենում է կանոնաւոր դպրոց, ուր նոր սերունդը ազգային դաստիարակութիւն է ստանում Մարգար Վարժապետի հայրենասէր շնչի տակ:

Նիւթական դժուարութիւնները եւ դպրոցի վրայ ծանրացած պարտքը ստիպում են Մարգարին դիմելու արտասահմանի հայրենակիցների օգնութեան: Նա ուղեւորւում է Կովկաս, ուր ծանօթանում է Գր. Արծրունիի եւ Բաֆֆիի հետ եւ ստանում է նըրանց նիւթական ու բարոյական աջակցութիւնը: Կովկասում շրջւում է ազգասիրական շրջանակների հետ, ազդւում է կովկասահայ գրականութիւնից ու դադափարներից: Անցնում է Պոլիս, ուր արժանանում է Խրիմեան Հայրիկի ջերմ աջակցութեան ու քաջալերանքին: Զինուած նոր դադափարներով եւ նիւթական միջոցներով՝ վերադառնում է Վարդենիս եւ աւելի մեծ եռանդով նուիրւում է կրթական-հայրենասիրական գործին: Նա այլեւս չի բաւականանում միայն դաստիարակչական աշխատանքով, այլեւ յեղափոխական քարոզչութիւն է անում: Յորդորում է երիտասարդութեան կազմակերպուել ու դինուել եւ դիմադրութիւն ցոյց տալ քրտական յարձակումներին: Տարօնում նոյն ուղղութեամբ գործում էին եւ առաջնորդ Ներսէս վարդ. Խարախանեանը եւ Ս. Կարապետի միաբան Վարդան վարդապետը, որոնց հետ մտերիմ յարաբերութիւն է հաստատում: Կովկասից Ս. Կարապետի ուխտաւոր անունով Տարօն այցելող յեղափոխական «գործակալների» հետ եւս կապ է հաստատում նա: Այսպէս, նրա հետ տեսնուել ու նրա աջակցութիւնն են վայելել Մ. Մարգարեանը, Ա. Բարխուդարեանը, Մ. Ղազարեանը, Թաւաքալեան — Զաքքին եւ ուրիշներ:

Մարգար Վարժապետի աշխատանքը ասպարդիւն չի անցնում: Երիտասարդութիւնը սկսում է ըմբոստութեան նշաններ ցոյց տալ եւ ակն ընդ ականի քաղաքականութեան հետեւել հարստահարիչ քրտերի վերաբերմամբ: 1890-ին պատահում է մի դէպք, որի հետեւանքով Մարգար Վարժապետը ստիպուած է լինում հեռանալ հայրենի գիւղից եւ անցնել Կովկաս՝ Թիֆլիս: Գիւղական մի հարսանիքի ժամանակ ազատում է քրտերի անեւանդումից հարօին եւ այդպիսով գրգռում է նրանց թշնամութիւնը:



Թիֆլիսում Մարգարը մեծ հեղինակութիւն է ձեռք բերում պանդուխտների շրջանում: Մասնակցում է Քրիստափորի եւ Ռոստոմի վարած յեղափոխական խմբակների գործունէութեան: Եւ 1891 թ. գարնան, արդէն, իրրեւ Դաշնակցական, մի խմբի գլուխն անշած, զէնք է փոխադրում դէպի Տարօն եւ նոյն տարի աշնան վերադառնում է Կովկաս՝ յաջողութեամբ լրացնելով իր առաքելութիւնը: Ապա, Արարոյի խմբի հետ, նորից անցնում է Երկիր եւ Խնուսի ու Մուշի շրջաններում քարոզչական եւ կազմակերպական աշխատանք է կատարում, իրրեւ Դաշնակցական գործիչ: Մարգարի համբաւը տարածւում է ոչ միայն հայերի, այլեւ քրտերի մէջ, որոնց աւազակութիւնները այլեւս անպատիժ չէին անցնում: Թուրք կառավարութիւնն եւս ուշադրութիւն է դարձնում նրա վրայ եւ միջոց է փնտրում ձերբակալելու:

1892-ին, Աւզուտ դիւղում հայերի ձեռքով սպանւում է մի թուրք սպայ: Բաղէշից եկած հրամանի վրայ, դիւղը շրջապատւում է զինուորներով, որոնք խիստ չարչարանքի են ենթարկում դիւղացիներին՝ պահանջելով յանձնել սպանողներին: Մատնութեան վրայ ձերբակալւում եւ Բաղէշի բանտն է նետւում եւ Մարգար Վարժապետը: Մի ամբողջ տարի պահւում է բանտում՝ անլուր տանջանքներ կրելով: Եւ հակառակ որ ինքը մաս չունէր սպանութեան մէջ, խոստովանւում է իր յեղափոխական լինելը եւ աներկիւղ պարզում այն պատճառները, որոնք ստիպել էին նրան կռուի դուրս դալ անարդար ու բռնակալ կառավարութեան դէմ: Տեղի է ունենում դատական կատակերգութիւն, եւ Մարգար Վարժապետը դատապարտւում է մահուան:

Համարեա մի տարի Մարգար Վարժապետը մնաց Բաղէշի բանտում՝ ամէն վայրկեան սպասելով մահուան, բայց երբեք չկորցրեց իր բարոյական կորովը: Բանտում էլ նա նոյն արի, հաւատաւոր եւ քմբոստ յեղափոխականն էր եւ բախտակից բանտարկեալներին ներշնչում էր իր գաղափարները:

1893 թ. Յունուար 27-ին Մարգար Վարժապետը կախուեց Բաղէշում: «Դրօշակ»ի ահանատես թղթակիցը հետեւեալ ձևով է նկարագրում նրա կեանքի վերջին վայրկեանները.—

«Երբ Մարգար կը հրաւիրուի ի կախադան, երեսնամեայ երիտասարդը պարզ, անխուով կը դիմէ դէպի մահ եւ կանգնած արթուի վրայ, կախադանի տակ, կը դառնայ դէպի յախուուն բաղմութիւնը եւ կը պոռայ.— «Հայե՛ր, մի՛ վհատիք, քաջ գիտցէք, որ այլեւս հասած ենք մեր նպատակին: Թէեւ ես կը մեռնիմ, բայց դուք պիտի ապրիք: Միայն այն երջանիկ ժամանակ դիս ալ չճոռ-



նաք: Եթէ խանդակաթ այցելուներ ունենամ գերեզմանիս շուրջը, ոսկերքս ալ կը հրճուին ու կը խայտան»:

«Երիտասարդի գլուխը մտնում է օղակի մէջ, դահիճը քաշում է ստքերի տակից աթոռը: Մի կարծ խրխոոց, ստքերի եւ կապած թեւերի անկանոն մի երկու թափահարութիւն եւ... ամէն բան վերջացած է արդէն»:

## ԶԱԹՕ ԵՒ ՇԷՐՕ

Անբաժան զինակից ընկերներ էին Զաթօն եւ Շերօն՝ «կաճէտայ «Ծռեր», որոնց կեանքի եւ դործունէութեան մասին, դըժբախտաբար, քիչ տեղեկութիւն է մնացել: Նրանց անունը, սակայն, ժամանակին, մեծ հմայք էր վայելում ժողովրդի մէջ, իրբեւ հայ գիւղացիութեան բողոքի եւ վրէժխնդրութեան մարմնացում: Պարզ եւ անուս երիտասարդներ էին, ինքնաբոյս յեղափոխականներ, որոնք չգիտես ինչից դրդուած՝ իրենց կեանքը նուիրել էին հայրենիքի ազատութեան «սուրբ դործին»:

Ժամանակի ընդհանուր տրամադրութիւնների ծնունդ էին, անշուշտ, Զաթօն եւ Շէրօն էլ, բողոքի արտայայտութիւն տիրող անիրաւ կարգերի դէմ: Նրանց ըմբոստութեան մղող անմիջական պատճառը քրտական հարստահարութիւններն էին, որոնցից տառապում էր հայ գիւղացիութիւնը: Յայտնի չէ, թէ ինչ պայմաններում «աւազակ» էին դարձել Զաթօն ու Շերօն, բայց ութսունական թուականների վերջերը նրանք արդէն հռչակ ստացած «ղաչաղներ» էին: Առիթը մի ոստիկանի սպանութիւնն էր, որից յետոյ նրանք, տուն ու աշխատանք թողած՝ ապաւինել էին լեռները իրենց պէս ըմբոստների հետ միասին եւ վրէժ էին լուծում քրտերից ու կռուավարական գիշատիչ պաշտօնեաներից: Զաթոյի եւ Շէրոյի «աւազակախմբերը» ահ ու սարսափ էին ազդել հարստահարիչների վրայ: Նրանք երեւում էին զանազան վայրերում եւ անակնկալ հարուածներով պատուհասում չարագործներին: Մանաւանդ, մեծ էր Շէրոյի համբաւը, իրբեւ քաջ եւ արդարամիտ ժողովրդական հերոսի: Նրա արտակարգ քաջութեան, զարմանալի պաղարիւնութեան ու ճարպիկութեան մասին առասպելներ էին պատմւում գիւղերում:

Հ. Յ. Դանակցութեան երեւումից յետոյ, Զաթօն ու Շէրօն անմիջապէս մտան նրա շարքերը եւ դարձան Պետոյի, ապա Վարդանի կամաւոր զինուորներ՝ նրանց հետ մասնակցելով յեղափո-



խական ձեռնարկներին ու հայդուկային կռիւներին՝ աւագակ Շաքիրի դէմ, Բողազ-Քէսանում, Չուխ-Գեաղուկում, Նարեկայ վանքի մօտ: Չաթօն սպանուեց 1894-ին, Դերիկի վանքում, պատահական զնդակից, զինավարժութեան միջոցին:

Շէրօն, ընկերոջ մահից յետոյ, շարունակեց յեղափոխական գործունէութիւնը, իբրեւ հայդուկային խմբի անդամ, զէնք փոխադրող, սուրհանդակ ու վալատ: Շէրօն հիանալի կերպով ծանօթ էր սահմանամերձ վայրերին, լեռ ու ձորերին, քարանձաւներին, ուր հայդուկները կարող էին ապաստան գտնել: Քարայրներուց մէկը նոյնիսկ կոչուեց նրա անունով — Շէրօյի քարայրը: Իբրեւ վալատ, նա անփոխարինելի էր: Նրա առաջնորդութեամբ, 1894-ին, Վարդանի խումբը մեծ քանակութեամբ զէնք մտցրեց Վասպուրական: Շէրօն էր եւ Նիկոլ Դումանի 72 հոգինոց խմբի վալատը, որ 1896 թ. Մարտ 20-ին Սալմաստից մեկնեց դէպի Վան: Դերիկում խումբը կռուի բռնուեց մեծ թուով քրտերի հետ: Այդ կռում սպանուեց եւ Շէրօն ու թաղուեց իր ընկերոջ՝ Չաթոյի զերեզմանի մօտ:

Ժողովուրդը դեռ երկար պաշտամունքով յիշում էր Շէրօյի անունը, պատմում ու երգում էր նրա քաջագործութիւնների մասին —

Դերկայ սարէն փչէր զով-հով,  
Արեւ կշտէն կ'անցնէր ամսով,  
Ես քեզ տեսնեմ երազներով —  
Չարթի'ր, Շէրօ, մեռնիմ քեզի,  
Սէրն Աստուծոյ օգնէ մեզի...


---

## ԱՐՄԵՆԱԿ ՂԱԶԱՐԵԱՆ

ՀՐԱՅՐ, ԴԺՈՒՔ

Արմենակ Ղազարեանը — Հրայր, Դժոխք — մեր այն գործիչներից էր, որոնց կեանքն ու գործը արժանի է առանձին հատորով ներկայացնելու: Ժողովրդի ծոցից ելած, ժողովրդի մէջ աճուած եւ իմաստաւորուած, իր ամբողջ կեանքը ժողովրդին նուիրած՝ յեղափոխական բացառիկ տիպար էր Հրայրը, որ իր մէջ խտացրել էր Մամիկոնեան քաջութիւնը եւ Քազրատունեաց խոհականութիւնը: Մարմնով վախտ, բայց մտքով ու հոգիով





ՀՐԱՅՐ, ԴԺՈՒՅԻ

մեծ՝ Հրայրը իր անհատական ուրոյն դրոշմը դրեց Տարօնի եւ, ընդհանրապէս, Դաշնակցութեան յեղափոխական գործի վրայ: Եթէ ներելի է «դրսի» եւ «ներսի» մտայնութիւն ու հոգեբանութիւն հասկացողութիւնների կիրառումը գործերի եւ գործիչների վերաբերմամբ, Հրայրը «ներսի», բուն Երկրի մտայնութեան, հայ ժողովրդի գարաւոր իմաստութեան հարազատ արտայայտիչն էր՝ իր գաղափարներով, ապրումներով ու գործունէութեամբ:

Արմենակ Ղազարեանը ծնուել էր Սասունի Սուլբ գաւառակի Ահարոնք գիւղում, 1866-ին: Դեռ մանուկ էր նա, երբ իր ծնողները տեղափոխուեցին Մուշի դաշտի Ղըզըլազաճ գիւղը: Հայրը



ուսումնասէր քահանայ էր եւ իր որդուն էլ ջանաց լաւ կրթութիւն տալ: Պատանի Արմենակը իր ուսումը եւ մտաւոր-բարոյական դաստիարակութիւնը ստացաւ Ս. Կարապետի վանական դպրոցի հայրենասիրական մթնոլորտում: Եւ երբ ութսունական թուականների վերջերը աւարտելով՝ դուրս եկաւ դպրոցից, արդէն ազգային զգացումներով տոգորուած հասուն երիտասարդ էր:

Տարօնի կեանքի յուզումնալից ժամանակաշրջանն էր: Օղբ յագեցած էր հայրենասիրական-յեղափոխական տրամադրութիւններով: Արարոյի, Մարգար Վարժապետի անունները ամենքի բերանին էին: Կովկասից Ս. Կարապետ «ուխտի» էին գալիս խորհրդաւոր մարդիկ, որոնք ըմբոստ մտքեր էին յայտնում: Գիւլիզարի դէպքը, 1889-ին, ցնցել էր բովանդակ հայութիւնը: Տարօնը եռուզեռի մէջ էր: Եւ երբ, 90-ական թուականների սկրզբին Մուշ եկան Հնչակեան Մուրատը եւ Մ. Տամատեանը, հողը արդէն պատրաստ էր յեղափոխական գործունէութեան համար: Արմենակը, որ մինչեւ այդ արդէն բռնել էր յեղափոխական ճանապարհը, ընկերանում է նրանց եւ օգնում կազմակերպելու համար Հնչակեանութիւնը Տարօնում: Իբրեւ գործիչ, Արմենակը շրջում է դիւղից-դիւղ, քարոզում եւ կազմակերպում է դիւղացիութիւնը: Նորանոր ուժեր են դինուորագրւում յեղափոխութեան, ինչպէս Գէորգ Չառուշ եւ ուրիշներ: Նախապատրաստում է Սասունի ապստամբութիւնը, 1894-ին:

Հնչակեան ձեռնարկի տխուր վախճանը ծանօթ է: Հնչակեան Կենտրոնը Լոնդոնից արձագանգ չտուեց Մուրատի դիմումներին: Դաշնակցութիւնից ստացած համեստ օժանդակութեամբ Մուրատը անզօր էր Սասունը պաշտպանելու թրքական ուժերից, եւ արծիւների բոյնը ընկաւ թշնամու ձեռքը: Մուրատը ձերբակալուեց: Մարտիկ ուժերը նոյնպէս ձերբակալուեցան կամ ցրիւ եկան: Արմենակը, որ այժմ արդէն յայտնի էր Դժոխք, Հրայր անուններով, հիասթափուած ու դառնացած՝ անցաւ Կովկաս եւ ւայնտեղից Ռումանիա՝ իր հետ տանելով հայրենիքի աւերման բօթը եւ անհուն ցասում՝ կուսակցութեան ղեկավարների դէմ:

Դեռ Տարօնում նա տեղեակ էր Դաշնակցութեան մասին եւ, Մուրատի պէս, իր թղթակցութիւնները ուղարկում էր հաւասարապէս «Հնչակ»ին ու «Դրօշակ»ին: Կովկասում նա աւելի մօտից ծանօթացաւ Դաշնակցութեան, կապեր հաստատեց դաշնակցական մարմինների եւ գործիչների հետ: Ռումանիայում իր շուրջ հաւաքեց պանդուխտ հայրենակիցներին եւ 1895-ին վերադարձաւ Կովկաս՝ հայրենիք վերադառնալու որոշումով: Այստեղ մըտաւ Դաշնակցութեան մէջ եւ Հ. Յ. Դ. Բիւրոյի որոշումով, Ա-



բամ Արամեանի հետ, մօտ 50 հոգինոց խմբով մտաւ Բասէն, ուր նախօրօք փոխադրուած էր զէնք ու ռազմամթերք: Հրայրի նպատակն էր՝ կազմակերպելով Բասէնի շրջանը հետզհետէ անցնել գէպի Խնուս ու Տարօն՝ բոլոր այդ վայրերը պատելով յեղափոխական խմբերի ցանցով:

Բասէնում Հրայրն ու Արամեանը դարձան շրջանի յեղափոխական գործունէութեան ոգին: Մանաւանդ Հրայրը, իր համեստ բնավորութեամբ, չարքաչ կեանքով եւ հաւատաւոր ու համողիչ խօսքերով ջերմ համակրանք դտաւ գիւղացիութեան մէջ: Ընդհանուր կոտորածների օրերին, Հրայրի եւ Արամեանի կազմած ինքնապաշտպանութեան խմբերը փրկեցին շրջանը ջարդելից:

Հրայրի այդ օրերի տրամագրութիւնը ցոյց տալու համար առաջ բերենք մի հատուած Կարսի ընկերներին գրած 1895 թ. Նոյեմբ. 28 նամակից. «Վստահ եղէք, գրում է նա, որ գիշեր ու ցերեկ անքուն կը շրջիմ. եթէ գտնեմ մի փոքր յարմարութիւն, անդադար պիտի գործեմ, մինչեւ վերջին շունչ: Եթէ գիտենամ, որ այս ժողովրդի արիւն ի գուր պիտի կորսուի, եւ այդ Արջը (Ռուսաստանը) պիտի գրաւէ, աւելի դերադաս կը համարիմ այնպէս խառնակել, որ մի հայ շմնայ կողմերս, քան թողուլ գերի այդ Արջին»\*):

Անշուշտ, զայրոյթի վայրկեանին ասուած խօսքեր են. Հրայրը այն մարդկանցից չէր, որ թեթեւ սրտով վարուէր ժողովրդի հետ, որի հանդէպ անսահման սէր, գութ ու պաշտամունք ունէր: Երկրի անտանելի, յուսահատ վիճակն էր, որ այդպիսի պոթկումների առիթ էր տալիս նրան: Նոյն յոռեատեսութիւնը Հրայրը ունէր եւ Եւրոպայի հանդէպ: «Դրօշակ»ի խմբագրութեան ռեզլած 1896 թ. Մայիս 6 նամակում նա գրում էր. «Հա՛յ ժողովուրդ, անգութ է Եւրոպան, աւելի արիւնածարաւ, քան մեր դարաւոր սոսիւր. չհաւատաս նրան երբեք: Նա արեան եւ անմեղ զոհերի մէջ է որոնում իրա շահերն»\*\*):

Ռուսաստանը թուրքից աւելի վատ. Եւրոպան՝ անգութ եւ շահամուլ — ո՞ւր է, ուրեմն, հայի փրկութիւնը: «Մեր յոյսը պէտք է լինի մեր վրայ միայն, ասում է նա, յառաջ գնալ եւ մեռնել Սուրբ նպատակի համար: Ա՛յդ է միայն մեր փառքն ու պսակը»: Հրայրի հիմնական հաւատամքն է այս, որ կարմիր գծով անցնում է նրա ամբողջ գործունէութիւնից — հայը պէտք է փրկուի հայի ձեռքով, սեփական ուժերով, երկրում ստեղծելով

\*) «Դիւան Է. Յ. Դ.», Ա., էջ 232:

\*\*\*) Անդ, 357:



ուժեղ ժողովրդական կազմակերպութիւն — «օգնել միմեանց, սփոփել իրար. մեր գիւակները թո՛ղ թշնամին գիրկընդխառն տեսնէ»:

Հրայրը Բասենում մնաց մինչեւ 1896 թ. ամառը: Նա կենդանի յարաբերութիւնների մէջ էր Տարօնի, Կարինի, Կովկասի մարմինների հետ, թղթակցութիւններ էր ուղարկում «Դրօշակ»ին: 1896 թ. Յունիսին, կարճ ժամանակով, անցաւ Կարս՝ մասնակցելու համար զինուորական խորհուրդին: Եւ երբ նոր վերադարձել էր Բասէն, Յուլիս 2-ին, ձերբակալուեց Քէօիբրիքէոյ գիւղում, տարուեց-նետուեց Կարինի բանտը:

Հրայրը Արամեանից աւելի բախտաւոր գտնուեց. մինչ առաջինի մահուան դատավճիռը գործադրուեց, Հրայրը ներման արժանացաւ ու վերադարձաւ հայրենի գիւղը, ուր դրազրի պաշտօն ստանձնելով՝ շարունակեց յեղափոխական աշխատանքը: 1898-ին նորից ձերբակալուեց կարճ ժամանակով, իսկ 1901-ին, տեսնելով այլեւս, որ անհնար է ազատ ապրել, կառավարական հետապնդումը օր օրի վրայ սաստկանում է, թողեց խաղաղ աշխատանքը եւ ամբողջովին նուիրուեց յեղափոխութեան: 1901-ին անցաւ Վան եւ Վարդգէսի հետ մշակեց Տարօնի եւ Վասպուրականի գործունէութեան ու կազմակերպութեան համար ընդհանուր Ծրագիր-Կանոնագիր: 1902-ին զբաղուեց Ախլաթի շրջանի կազմակերպական գործերով: Ապա հաստատուեց Սասունում, ուր համախմբուած էին մարտական ուժերը Անդրանիկի գլխաւորութեամբ: Հրայրը այլեւս կենտրոնական ղեկավար դէմք էր՝ անպայման հեղինակութիւն ամենքի աչքին եւ ժողովրդի սիրելիին: Միշտ տխուր, ժուժկալ, թախծոտ ու մտախոհ, մարմնով տկար՝ անհուն ոյժ ու հզօր կամք կար այդ առաքելատիպ անհատականութեան մէջ եւ անսահման նուիրում ժողովրդին ու ազգային դատին: Այդ օրերի Հրայրի թղթակցութիւններն ու նամակները վկայում են, թէ արտակարգ միտք ու հողի էր նա:

Վրայ հասան 1904-ի Սասունի դէպքերը: Թուրք կառավարութիւնը վճռել էր քարուքանդ անել Սասունցի արժիւնների բոյնը: Սասունը պատրաստում էր օրհասական դիմադրութեան՝ Անդրանիկի, Վահանի, Մուրատի, Հրայրի եւ ուրիշ անձնուէր քաջերի գլխաւորութեամբ: Պայթեց կռիւը, եւ առաջին զոհերից մէկը եղաւ Հրայրը, որ ընկաւ Ապրիլ 12-ին թշնամու զնդակից:

Հրայրի մահը անփոխարինելի կորուստ էր Հ. Յ. Դաշնակցութեան եւ, ի մասնաւորի, Տարօնի հայութեան համար:



## ՆԻԿՈԼ ԴՈՒՄԱՆ

Առաջին համաշխարհային պատերազմը նոր էր սկսուած, եւ թիֆլիսում բուռն թափով կազմակերպուած էին հայ կամաւորական զօրախմբերը, երբ, Սեպտեմբերի վերջերը, Բազուից հեռագիր եկաւ թիֆլիս.

«Նիկոլ Դումանը մեռած է Կիսլովոդսկում»:

Շուտով հասան եւ մահուան մանրամասնութիւնները:

Նիկոլ Դումանը, ծանր հիւանդ յօղացաւով ու թոքախտով, 1914-ի ամառը գտնուած էր Կովկասի բուժավայր Կիսլովոդսկում: Ինքը գիտակցում էր իր վիճակի ծանրութիւնը: Եւ իմանալով, որ կամաւորական խմբեր են կազմուած եւ թիֆլիս են հաւաքուած անուանի հայդուկները՝ Անդրանիկ, Քեռի, Դրօ, Համազասպ, Սեպուհ եւ ուրիշներ, ու զգալով, որ ինքը անկարող է միանալու իր զէնքի ընկերներին, այլեւս իմաստ չի տեսնում ապրելու մէջ եւ Սեպտ. 23-ին, երեկոյեան ժամը 9-ին, ատրճանակով վերջ է տալիս իր կեանքին:


Նիկոլ Դումանի թաղումը տեղի ունեցաւ թիֆլիսում, Սեպտ. 28-ին: Արտասովոր բազմութիւն էր ներկայ եւ ամէն կողմից անհաշիւ հեռագիրներ էին ուղարկուած Մեծ Մարտիկի յուղարկաւորութեան առթիւ: Դադաղը հողին յանձնուեց Խոջիվանքում, Սիմոն Զաւարեանի զերեզմանի կողքին:

Սեպտ. 28-ի «Հորիզոն» օրաթերթը նուիրուեց Նիկոլ Դումանի յիշատակին: Այստեղ առաջ ենք բերում այդ համարից Խանասորի Իշխանի՝ Յովսէփ Արղութեանի գրուածքը: Դեռ Խանասորից առաջ եւ Խանասորից յետոյ էլ ջերմ չէին երկսի յարարութիւնները՝ զուտ գաղափարական գեանի վրայ, եւ Իշխանի արտայայտած ընկերական տաք եւ անկեղծ զգացումները աւանձնապէս խորունկ տպաւորութիւն գործեցին բոլորի վրայ:

Նախ քան Արղութեանի յօդուածին անցնելը, սակայն, տանք այստեղ մի քանի կենսագրական տեղեկութիւններ Նիկոլ Դումանի մասին:

Նիկոլ Դումանի բուն անունը Նիկողայոս Տէր-Յովհաննիսեան էր: Ծնուել էր 1867-ին, Ղարաբաղի Խաչէն գաւառի Ղչլաղ գիւղում: Քահանայի որդի էր: Նախնական կրթութիւնը ստանա-





ՆԻԿՈԼ ԴՈՒՄԱՆ

ԳՈՒՐԳԷՆ

լով գիւղում, հօր մօտ, մտել էր Շուշիի Թեմական դպրոցը՝ ա-  
ւարտելով նրա հնգամեայ դասընթացքը 1887-ին: Միեւնոյն տա-  
րին գրագրի պաշտօն էր ստացել Արցախի Թեմի կոնսիստորիա-  
լում, եւ կարճ ժամանակից յետոյ՝ նրան յանձնուել էր նոյն կոն-  
սիստորիայի քարտուղարութիւնը:



Ութսունական թուականների վերջերը Շուշին, ինչպէս եւ Կովկասի միւս հայկական կենտրոնները, հայրենասիրական խումբումներով էին բռնուած: Թրքահայկական դատը գրաւել էր երիտասարդութեան մտքերը: Մտաւորականութեան եւ աշակերտութեան մէջ դադանի ընկերութիւններ էին կազմուած: Օրուայ հարց էր Թրքահայաստանի ազատութեան աջակցելու պահանջը: Ղարաբաղի մայրաքաղաքը տռաջին ահազանդը հնչեցնողներից էր: Եւ երիտասարդ Նիկողայոսը, բնականաբար չէր կարող անմասն մնալ այդ տրամադրութիւններից:

Երկու տարի Շուշիում պաշտօնավարելուց յետոյ, Նիկոլը որոշ ժամանակ էլ ուսուցչութիւն է անում Հիւս. Կովկասի հայկական դպրոցներում, բայց խաղաղ-մշակութային աշխատանքը նրան չի հրապուրում: Եւ 1891-ին, նա անցնում է Պարսկաստան միանալու համար Դաշնակցական ռահվիրաններին, որոնք ձեռնարկել էի Կովկաս-Թաւրիզ-Սալմաստ-Վասպուրական յեղափոխական դժի կազմակերպութեան: Յաջորդ տարի, 1892-ին, Արցութեանը հանդիպում է նրան Թաւրիզում:

## ՅՈՒՇԵՐ ԱՆՅԵԱԼԻՑ

Գրեց՝ Յ. ԱՐՂՈՒԹԵԱՆ

Այսօր, նուիրական Սիմոն Զաւարեանի կողքին, կը կազմուի նոյնքան նուիրական մի նոր դամբարան՝ Նիկոլ Դումանինը: Յաւիտենական հանգստի մէջ, իր սիրելի ընկերոջ կողքին, նա պիտի փափսայ նրա ականջին վերջին տարիներում իր կրած Փիղիքական եւ հողեկան տաջանքների մասին: Տանջուել, հիւժուել թոքախտի ճիրաններում եւ լսել, որ երկար տարիների ընթացքում իր փայփայած գաղափարները մօտ են իրականացման, եւ անմասն մնալ հայութեան վերջին մարտահրաւէրին՝ նա չկարողացաւ եւ արագացրեց իր կեանքի եղերական վախճանը: Բազմաթիւ ճակատամարտների ու փորձանքների բովից անցնելուց յետոյ, նրա հոգին չհաշտուեց այն մտքի հետ, որ պիտի ընկնի ինչ որ բացիլների ձեռքից:

Եթէ Ս. Զաւարեանը իրաւամբ համարուած է մեր ազատագրութեան շարժման խիղճը, ապա նոյնքան իրաւամբ Դումանը պիտի համարուի ամենափայլուն ներկայացուցիչներից մէկը, մեր ազատագրութեան մարտիկը: Եւ խղճի ու քաջութեան ներ-



դաշնակութիւնը դարձաւ յենարան Զաւարեանի ու Դումանի գա-  
ղափարական գործունէութեան: Նրանց գործունէութեան միջոց-  
ները տարբեր էին, բայց նպատակը՝ մէկ: Զաւարեանը վտարան-  
դիւր ցուպը ձեռքին՝ քարոզում էր գաղափարը իր հողու ամբողջ  
թափով, մտաւոր ու դիտական պաշարով, իսկ Դումանը բռնու-  
թեան կապանքները ջախջախում էր զէնքով ու կրակով եւ հար-  
թում ճանապարհը խղճի ու ազատագրութեան յաւիտենական  
յաղթանակի:

Հանգի՛ստ ձեզ, նուիրական անուններ, որ այս քա՛ն անձնուի-  
րութեամբ եւ քաջութեամբ ձեր սիրած տարաբախտ ժողովրդի  
արդար դատը պաշտպանեցիք: Դուք հանգիստ եւ խաղաղ կը ննջէք,  
եթէ համողութեք մի բոպէ, որ նոր սերունդը կանգ չի առնելու ոչ  
մի դժուարութեան առջեւ, մինչեւ չ'իրականանայ Մեծ Գաղա-  
փարը, որի համար զոհարեցիք:

\* \* \*

Ներկայ յօդուածի նպատակից դուրս է տալ Դումանի կեան-  
քի եւ գործունէութեան ամբողջ պատկերը: Նախ՝ այդ օրը դեռեւս  
չի հասել, եւ երկրորդ՝ այդ գործը պահանջում է երկար ժամա-  
նակ եւ յատուկ ուսումնասիրութիւն:

Ես պիտի վերջիչեմ միայն Դումանի կեանքի մի քանի խոշոր  
գծերը:

1892 թ. ես հանդիպեցի նրան առաջին անգամ Թաւրիզում,  
ուր նա Լիլաւայի դպրոցում վարում էր ուսուցչի պաշտօն:

Մի խումբ ուսուցիչներ, վարժուհիներ եւ գործիչներ կազմել  
էին Թաւրիզում մի ընկերական շրջան՝ համակուած տաճկահայ  
ժողովրդի ազատագրութեան գաղափարով, մեր կեանքի մէջ  
չտեսնուած լի յարգանքով ու սիրով միմեանց հանդէպ:

Սեփականութեան գաղափարը գոյութիւն չունէր այդ ընկե-  
րական շրջանի մէջ, եւ ոչ ոք նրանցից իր ոտճիկի կամ աշխատան-  
քի տէրը չէր: Բոլորի հաւատարմատարը Նիկողայոս Տէր-Յով-  
հաննէսեանն էր՝ ապաղայ Դումանը: Նա էր, որ ստանում էր բո-  
լորի աշխատավարձը՝ ոտճիկը եւ կատարում բոլոր ծախսերը՝  
բաւարարելով ընկերների բոլոր պահանջները՝ սկսած ուտեստից  
մինչեւ հագուստը: Այդպիսի կեանքը հնարաւորութիւն էր տալիս  
տնտեսելու մի զգալի գումար ընդհանուր գործի վերաբերեալ  
ծախսերը կատարելու: Եւ ամբողջ երկու տարուայ ընթացքում  
չի եղել մի դէպք, որ դիստնանս՝ անհամաձայնութիւն մտցնէր ըն-  
կերական շրջանի մէջ:

Երկու տարի պաշտօնավարելուց յետոյ, Ն. Տէր-Յովհաննիս-



եանը տեղափոխուամ է Սալմաստի Ղալասար գիւղը ուսուցչի պաշտօնով: Այդտեղ եւս, ինչպէս Թաւրիզում, նա ձեռք է բերում մեծ համակրանք ժողովրդի բոլոր խաւերում, որպէս ուսուցիչ եւ հասարակական գործիչ:

Մօտենում է 1894 թուականը՝ հայ ժողովրդի մարտիրոսագրութեան այդ անօրինակ շրջանը: Վաստուրականից ամէն օր գալիս են յուզիչ լուրեր. ջարդերի ուրուականը ծառանում է հայ ժողովրդի գլխին: Յնցոտիներէ մէջ ծածկուած գաղթականներ ու փախստականներ լցում են Սալմաստի գիւղերը եւ Դուշմանի ձորի այն կողմից սոսկումի լուրեր բերում:

Ահա այդ օրուանից նիկ. Տէր-Յովհաննիսեանը թողնում է ուսուցչութիւնն ու հասարակական գործունէութիւնը եւ ամբողջ թափով նետուում ազատագրութեան շարժման գիրկը:

\* \* \*

Դերի՛կ ... Նուիրական վայր, որի անուան հետ կապուած են շատ քաղցր, նոյնքան եւ դառն յիշատակներ: Դուշմանի ձորի բերանին, մի բլրի փեշի վրայ հինաւուրց աւերակ վանք էր դա՛ տաճկական սահմանի մօտ: Դուշմանի ձորի եւ շրջակայքի տէր ու տիրականը քրդերն էին, եւ ո՞ր հայը կարող էր ոտք կոխել այդ վտանգաւոր ձորերում: Բայց երբ սահմանին այն կողմը սկսում է Համիտեան հայահալած քաղաքականութիւնը եւ ջարդերը, իտէալիստ Բագրատ վարդապետը, նոյնքան իտէալիստ երկու քաջերի՛ Սաքոյի եւ Վարդանի հետ Դերիկի նորոգութեանն են ձեռնարկում եւ շունչ տալիս այդ վանքին: Վարդանի եւ Սաքոյի անունը ահ ու սարսափ է տարածում եւ զսպում քրտերին, որովհետեւ հենց առաջին օրը, երբ քրդերը ցանկացան վանքը թալանել, անսպասելի դիմադրութեան հանդիպեցին: Այդ օրուանից՝ Դերիկը դարձաւ հայ փախստականների եւ հայդուկների իջեւան: Համիտի սիրելի Բահրի փաշան, Վանի կուսակալը, ամէն միջոցի դիմեց վանքը դատարկելու հայերից, բայց անյաջող: Չայրացած իր անյաջողութիւններից՝ նա որոշեց մի արշաւախումբ ուղարկել՝ հրամայելով քարը քարի վրայ չթողնել Դերիկում: Արշաւախումբը բաղկացած էր մօտ 500 ծպտեալ ասկեարներից եւ քրդերից:

Եկան եւ Դերիկի պաշտպանները, թուով 17 հողի, եւ մի քանի օրից յետոյ տեղի ունեցաւ յարձակումը:

Մի գեղեցիկ առաւօտ էր այդ, երբ 60-ի չափ ձիաւոր քրդեր երեւացին Դերիկի արեւելեան կողմից եւ բլուրների վրայ դիրքեր բռնելով՝ կրակ բացին: Միաժամանակ բացին շրջակայ լեռների բարձրունքների վրայ դարանամուտ եղած քրդերն ու ծպտեալ



ասկեարները: Չնայած Դերիկցիներին աննպաստ պայմաններին՝ քրդերը մինչեւ երեկոյ տեւող տաք կռուի ընթացքում իրենց դա-  
րաններից չկարողացան դուրս գալ: Նիկ. Տէր Յովաննիսեանը  
այդ խմբի քաջարի մարտիկներից մէկն էր. նա նետում էր մէկ  
դիրքից միւսը՝ գնդակների տարափի տակ:

Բայց Բահրի փաշայի հրամանը չէր կատարւում, եւ քրդերը  
չէին յանդգնում մօտենալ Դերիկին: Նրանց ուշադրութիւնը դրա-  
ւում է վանքի տաւարը, որ արածում էր մօտակայ ձորակում: Ան-  
յուսալի էր 14 տարեկան պատանի տաւարածի դրութիւնը, որին  
քրդերը սկսել էին գնդակահարել: Նկատելով այդ՝ Նիկոլն ու  
Սաքօն դուրս են գալիս իրենց դիրքերից եւ դիմում դէպի մօտակայ  
բլուրը՝ օգնութեան հասնելու պատանի տաւարածին: Պատանու  
մայրը, Աղբակցի դեղջկուհին, աղաչում է Նիկոլին եւ Սաքոյին  
չ'անել այդ քայլը եւ չվտանդել իրենց կեանքը: «Իմ զաւակս ար-  
դէն կորած է», աղերսում է խելացնորութեան հասած մայրը,  
«իսկ դուք մի՛ արէք այդ քայլը, որով միայն կը վտանգէք ձեզ»:

Սակայն, 10 բռպէ չ'անցած՝ Նիկոլն ու Սաքօն դիմացի բլրի  
վրայ դիրքեր բռնած՝ գնդակի կարկուտ թափեցին քրդերի դիւին  
եւ յետ մղելով նրանց՝ հնարաւորութիւն տուին պատանի տաւա-  
րածին անվնաս հասնելու վանքը:

Խելակորոյս մօր ուրախութեանը սահման չկար:

\* \* \*

Այնուհետեւ սկսւում է Նիկոլի փայլուն հայդուկային դոր-  
ծունէութիւնը: Նրա առաջնորդութեամբ շատ անգամ հայդուկա-  
յին խմբերը անցնում են երկիր եւ կռուի բռնում զօրքերի եւ  
քրդերի հետ: Դերիկի երկրորդ կռիւր, ուր նա 11 զինուած մարդով  
բազմաթիւ անդէնների կեանքը փրկեց, Պօղաս-Քեասանի փայ-  
լուն կռիւր, ուր նա վաստակեց քրդերից Դուման մականունը,  
Կոթուրի կռիւր, վերջապէս, Խանասորի արշաւանքը:

Քրդերը 10-10-ներ հիւսեցին՝ դրուատելով Դումանի քաջու-  
թիւնը եւ այն սարսափը, որ թողնում է նա ամէն տեղ:

Ահա մի կտոր քրդական 10-10-ներից.

Պօղաս-Քեասանը առանձին գիւղ է,

Նաքանեանի տունն էլ քեափրների բունն է.

Թո՛ղ Աստուած պատժի քեափր Նիկոլ Դումանին,

Որ կտրեց ձեռքը մեր Շամսիկցիների:

Այս երգը կապուած է Պօղաս-Քեասանի կռուի հետ: Դումանը



իր խմբով իջեւանում է այդ գիւղում՝ Նաթանեանի տանը: Քրդերը իմանալով այդ՝ շրջապատում են Նիկոլին, ցանկանալով խեղդամահ անել հայդուկներին ծխի ու մխի մէջ՝ դրանք ծածկում են տունը խոտով, փշերով ու կրակ տալիս: Ապա սկսելով հրացանաձգութիւն՝ առաջարկում են Նիկոլին անձնատուր լինել:

Երբ կրակն ու բոցը ծածկում են տան շորս կողմը, Նիկոլը, հրացանը ձեռքին, դուրս է գալիս քրդերի միջից եւ հենց դրան առաջ հրացանի երկու հարուածով ցած է գլորում Շամսիկցիների ցեղապետներին՝ Շաուշին եւ Ջնդիին: Ապա մեն-մենակ հրացանի է բռնում նրանց զոլամներին եւ 10 քիւրդ նորից սպանում: Մնացած քրդերը սարսափահար՝ փախուստի են դիմում:

— Ավա մրով նիւա, ավա դիւման ա (սա մարդ չէ, սա դուման-փոթորիկ է) ասում են քրդերը եւ երգեր են հիւսում Դումանի քաջութեան մասին:

\* \* \*

Դումանը անձանօթ չէր նաեւ կովկասահայերին: Նրա կատարած դերը հայ-թաթարական անմիտ եւ եղբայրասպան ընդհարումների շրջանում երկար չի մոռանայ Բազուի եւ Երեւանի հայութիւնը: Ուր վտանգ է սպառնացել հայութեան եւ զգացուել Դումանի ներկայութիւնը, նա հասել է օգնութեան եւ կատարել իր պարտականութիւնը: Եւ այժմ, աւելի քան երբեւիցէ, չափազանց ծանր է Դումանի կորուստը:

Այժմ, երբ հայութիւնը ամենուրեք լարելու է իր բովանդակ բարոյական եւ նիւթական ուժերը՝ նպաստելու տաճկահայերի ազատագրութեան Մեծ Դատին, մեծ է այն կորուստը, որի առաջ կանգնած ենք ամենքս: Եւ ո՞վ գիտէ՝ արդեօք այդ գիտակցութիւնը եւ ներքին հողեկան մեծ կոիւր չէ՞ր, որ արագացրեց Դումանի կեանքի եղբրական վախճանը:

Ննջի՛ր հանգիստ, անդուգական մարտիկ, որ այդքան վեհութեամբ եւ արիութեամբ կատարեցիր քո պարտքը:


Խորին յարգա՛նք, վաստակաւոր, տանջուած եւ նուիրական աճիւնին:

## ԳԵՂԱՄ ՏԷՐ-ԿԱՐԱՊԵՏԵԱՆ

ՏԱՏՐԱԿ, ԱՍՈՂԻԿ

Տարօնի զաւակ էր Գեղամը, Մշոյ Դաշտի Խէյրիան գիւղացի կարապետ քահանայ Տէր-Կարապետեանի որդի, ծնուած 1865 թուին: Նախնական կրթութիւնը ստացել էր ծննդավայրում, հօր խնամքի տակ, որ ջերմեռանդ հաւատացեալի եւ ուսումնասէր





ԳԵՂԱՄ ՏԵՐ-ԿԱՐԱՊԵՏԵԱՆ

մարդու համբաւ ունէր շրջանում: Այնուհետեւ, շուրջ եօթը տարի, մինչեւ 1883 թ. ուսել էր Սուրբ Կարապետ վանքի Փառանդաւորաց դպրոցում եւ որոշ ժամանակ էլ Մուշում՝ Միացեալ Ընկերութեան վարժարանում: Եւ, վերջապէս, երկու տարի, 1885-87-ին, աշակերտել էր Էջմիածնի Գէորգեան Ճեմարանում:

Ի ծնէ ուշիմ, ուսումնասէր, յամառ աշխատող՝ Գեղամը դպրոցական տարիներին կարողացաւ ձեռք բերել բազմակողմանի մտաւոր պաշար եւ լուրջ ծանօթութիւն հայոց պատմութիւնից ու մատենագրութիւնից: Վաղ պատանեկութիւնից նրա մէջ արմատացել էր սէրը դէպի գրականութիւնը, առհասարակ, դէպի դիրքն ու դպրութիւնը, սէրը դէպի մտաւոր կեանքը: Գէորգեան Ճեմարանից վերադառնալով հայրենիք՝ նա արդէն մտքով ու



նկարագրով կազմաւորուած անհատ էր: Հօր ցանկութիւնն էր իրեն յաջորդ ունենալ որդուն, իրրեւ քահանայ, բայց Գեղամին հոգեւորականի սքեմը այլեւս չէր դրուում: Եւ 1888-ին նա հաստատուեց Մշում՝ Առաջնորդարանի քարտուղարի պաշտօնով:

Ութսունական թուականներին, ինչպէս ամէն տեղ, Տարօնն եւս հայրենասիրական խմորումներ շրջան էր ապրում: Խրիմեան Հայրիկի, Մկ. Սարեանի, Կովկասից եկող «առաքեալների» ազդեցութեան տակ հայրենասիրական մի ըմբոստ սերունդ էր պատրաստուում, որ այլեւս չէր ուղում համակերպուել թուրք եւ քիւրտ հարստահարիչներին: Մարգար Վարժապետ, Ներսէս վարդ. Ղարախանեան, Հայրիկի հասցրած ճէտերը՝ լուսաւորութեան սերմեր էին ցանում հայ գիւղացիութեան խոպանացած դաշտում եւ վառում ազատութեան ու հայրենասիրութեան կրակը երիտասարդութեան սրտերում: Հայոց լեռներում սկսում էին երեւալ հայ «աւաղակներ», որոնք անողոք կռիւ էին մղում շահատակող քրտերի դէմ: Արաբոյի անունը թնդում էր ամէն կողմ:

Այս շարժումին հաղորդակից էր եւ Գեղամը, որ Կովկասից վերադարձել էր յեղափոխական դադափարներով համակուած: Իրրեւ Առաջնորդարանի քարտուղար, նա յարաբերութեան մէջ էր ամենքի հետ եւ լաւատեղեակ բոլոր գործերին: Հայ ժողովրդի անմխիթար վիճակը նրա սիրտն էլ լեցնում էր ցասումով դէպի տմարդի կառավարութիւնը եւ դէպի աւաղակարարոյ քիւրտ բռնակալները:

1889-ին պատահեց Գիւլիզարի դէպքը: Իր շահատակութիւններով հռչակուած քիւրտ Մուսա բէզը առեւանգեց Ղարս գիւղացի Մերոյի աղջիկ Գիւլիզարին: Այս դէպքը անսովոր վրդովում առաջ բերեց հայութեան մէջ՝ Պոլսից մինչեւ Կովկաս՝ արձագանգ դանելով նաեւ եւրոպական մամուլում: Ամէն կողմ բարձրացաւ բողոք եւ ոճրագործին պատժելու պահանջ: Մշում այդ շարժման գլուխը անցաւ Գեղամը: Կառավարութիւնը ստիպուած եղաւ տեղի տալ եւ Մուսա բէզին ձերբակալած փոխադրեց Պոլիս դատելու համար: Մօտ 50 հայ գիւղապետներ էլ մեկնեցին Պոլիս հետապնդելու համար Գիւլիզարի դատը: 1890-ին Գեղամն էլ հետեւեց նրանց եւ Պոլսում, Պատրիարքարանի եւ ազգային շրջանակների աջակցութեամբ աշխատեց Գիւլիզարի դատի յաջողութեան համար: Այս առթիւ ծանօթացաւ եւ շիում ունեցաւ նաեւ մայրաքաղաքի մտաւորական ու դրական դէմքերի հետ:

Գիւլիզարի դատը վերջացաւ Մուսա բէզի դատապարտութեամբ, որ մեծ խանդավառութիւն առաջ բերեց հայ հասարակութեան եւ, մասնաւորապէս, Տարօնի ժողովրդի մէջ: Գեղամը յաղթական վերադարձաւ Մուշ: Այլեւս ժողովրդի աչքին բարձր



հեղինակութիւն վայելող գործիչ էր նա եւ պայքարող երիտասարդութեան առաջնորդ: 1892-ին նա ամուսնացաւ Գիւլիգարի հետ, բայց երկար չկարողացաւ մնալ Մշում: Շուտով Մուշ վերադարձաւ բանտից «փախած» Մուսա բէգը՝ լեցուած վրէժով հայերի եւ յատկապէս, Գեղամի դէմ: Եւ Գեղամը ստիպուած եղաւ հեռանալ Տարօնից եւ 1894-96 տարիներին վարեց Տիգրանակերտի Առաջնորդարանի քարտուղարի պաշտօնը:

1896-ին Գեղամը վերադարձաւ Մուշ եւ Առաջնորդարանի քարտուղարութիւնը վարեց մինչեւ Սահմանադրութիւն՝ միաժամանակ, 1900-1906, ուսուցչութիւն անելով Մխիթարեանների վարժարանում: Այժմ արդէն նա Դաշնակցութեան մէջ էր՝ յայտնի Տատրակ եւ Ասողիկ անուններով:

Գեղամը, Հրայրի, Վարդան վարդապետի եւ դրսից եկած գործիչների հետ դարձաւ Տարօնի շրջանի Դաշնակցութեան սիւներից մէկը: Տեւական անդամ կենտր. Կոմիտէի, «Դրօշակ»ի մնայուն թղթակից, գործօն մասնակից ազգային եւ յեղափոխական գործերին, անսահման սիրով նուիրուած հայ ժողովրդին ու հայութեան դատին, աննկուն աշխատող՝ Գեղամը ժողովրդական գործիչի լայն համբաւ ու համակրանք ձեռք բերեց ժողովրդի բոլոր խաւերում: Տարօնում պատահած ամէն երեւոյթ, ապօրինութեան եւ հարստահարութեան ամէն դէպք, նա օրը օրին տեղեկագրում էր «Դրօշակ»ի խմբագրութեան, ժընեւ: Առանձնապէս կարեւոր եղաւ նրա դերը Սասունի կռիւների եւ նրանց յաջորդող դէպքերի ժամանակ, 1904-ին: Նրա պատրաստած տեղեկագիրները, օրինակ, եւ ներկայացրած վկաների ցուցմունքները հիւպատոսական քննիչ յանձնախմբին մեծապէս նպաստեցին Սասունի եւ Մշոյ դաշտի հայութեան վիճակի թեթեւացման:

Առաջնորդարանի զբաղումներից եւ կուսակցական գործերից դուրս Գեղամը ահագին եռանդ էր յատկացնում եւ տնտեսական ու կրթական խնդիրներին: Նրա ջանքերով բացուել են նորանոր դպրոցներ գիւղերում: Նա անդուլ պայքար էր մղում հայ գիւղացիների հողերի բռնազբաւիչների դէմ: Հողային հարցին նուիրուած բազմաթիւ տեղեկագիրներ, ուսումնասիրութիւններ եւ լրագրական յօդուածներ դուրս են եկել նրա գրչի տակից: Հետագային, Սորհրդարանում էլ հողային ցաւոտ հարցը ամենից շատ էր զբաղեցնում նրան: Հողային հարցի մասին մի գրքոյկ էլ հրատարակեց 1911-ին:

Բեղուն եղաւ Գեղամի եւ գրական գործունէութիւնը: Վաղ երիտասարդութիւնից սկսած նա արդէն գրական փորձեր էր անում, հետեւողութեամբ Գար. եպ. Սրուանձտեանի: Հեղահեղ սկսեց թղթակցել Պոլսի թերթերին ու պարբերականներին: Բացի



ընթացիկ նիւթերից, նա ունի բազմաթիւ գրուածքներ ժողովրդա-  
 դական բանահիւսութիւնից, պատմուածքներ, նորավէպ ու վէպ,  
 պատմական, ազգադրական, բանասիրական ուսումնասիրու-  
 թիւններ, տեղագրութիւն, յիշատակարաններ ու յուշեր, որոնց  
 մի մասը միայն հրատարակուած է զանազան թերթերի եւ պար-  
 բերականների մէջ. մեծ մասը — մի քանի պատկառելի հատոր —  
 մնում է անտիպ: Տարօնի Հայրենակց. Միութեան նիւթական ա-  
 ջակցութեամբ «Հայ Նահատակ Գրադէտներու Բարեկամներ»ը,  
 1931-ին, լոյս ընծայեցին նրա երկերից մի հատոր՝ «Տարօնի Աշ-  
 խարհը—Պատկերներ ու Պատմուածքներ»:

Սահմանադրութիւնից յետոյ, 1908-ին, Գեղամը ընտրուեց  
 Օսմանեան Խորհրդարանի անդամ եւ մինչեւ 1915-ի սեւ օրերը  
 արժանապատուութեամբ ներկայացրեց իր բնաշխարհը պետու-  
 թեան գերագոյն օրէնսդիր ժողովում: Եթէ մի կողմից այդ ըն-  
 տրութիւնը զնահատութեան եւ յարգանքի արտայայտութիւն էր  
 իր հայրենակիցների կողմից, միւս կողմից Տարօնը ունեցաւ իր  
 իղձերի ու պահանջների աննկուն, անձնուէր եւ անկաշառ պաշտ-  
 պանը Խորհրդարանում եւ կառավարութեան մօտ: Նոյն տարի-  
 ներին Գեղամը եղաւ եւ Ազգ. Երեսփ. ժողովի անդամ Տարօնի  
 շրջանի կողմից:

1915 թ. Ապրիլեան Եղեռնի օրերին Գեղամը ծանր հիւանդ էր  
 հիւժախտով, որի պատճառով ազատուեց աքսորից եւ բռնամա-  
 հից: Ազգային վիշտն ու ընկերների մահը, ազգի դիսին հասած  
 աղէտը աւելի եւս ծանրացրին նրա առողջական վիճակը: Հիւան-  
 դութեան շրջանին նա գրի առաւ ձեռագիր վիճակում մնացած  
 «Ապրիլեան Կոտորածը» տետրակը Թալէաթի եւ Էնվէրի նիւթած  
 դաւադրութիւնների մասին, որ նրա վերջին գործը եղաւ: Մեռաւ  
 1918 թ. Նոյեմբ. 28-ին, ընդհանուր զինազաղարից քիչ անցած՝  
 վշտաբեկ, բայց եւ մխիթարուած, որովհետեւ Հայաստանի Հան-  
 րապետութեան ստեղծումով, նա տեսաւ նրա պատուիրակներին  
 Պոլսում:

## ՍԻՄՈՆ ՇԽԵԱՆ


Սիմոն Շխեանը — Շէյխ, Ամերիկայում Սուրէն ծածկանու-  
 նով — Հ. Յ. Դաշնակցութեան առաջին տասնամեակի ականուոր  
 գործիչներից էր: Ե՞րբ է մտել Դաշնակցութեան շարքերը, մեզ  
 յայտնի չէ: Գիտենք միայն, որ 1890-ին, Շխեանը Պապաչայի



հետ ուսուցիչ էր Գանձակում եւ պաշտօնից հեռացուեց, իբրեւ յեղափոխական: Իսկ 1892-ի վերջերը, երբ Ռոստոմը հասաւ ժընեւ, նա ուսանող էր Նեւշատելում, արդէն իբրեւ Դաշնակցական: Ազնիւ եւ համեստ նկարագրով երիտասարդ էր եւ մեծ համակրանք էր վայելում ուսանողութեան շրջանում, իբրեւ անկեղծ ընկեր, լաւ մարդ եւ սրտանց նուիրուած հայ ազգային դատին:

Շխեանը Նուխեցի էր: Իր ծննդեան ճիշդ տարին յայտնի չէ: Լըժինի դատական գործերի մէջ նշանակուած է 43 տարեկան: Ուրեմն, ծնուած պէտք է լինէր վաթսունական թուականների կէսերին:

Նախնական կրթութիւնը ստացել էր Նուխիում: Ապա աւարտելով Թիֆլիսի Ուսուցչական Ինստիտուտը՝ 1888-ից ուսուցիչ էր Գանձակի քաղաքային դպրոցում: 1892-ին ուսանող էր Նեւշատելի համալսարանում, որտեղից 1894-ին տեղափոխուեց ժընեւի համալսարանը: Իրենից յետոյ մնացած թղթերից երեւում է, որ ջանասէր ուսանող է եղել, միեւնոյն ժամանակ հետաքրքրուել է ընկերային գիտութիւններով եւ հայկական հարցերով: Ժընեւի հայ ուսանողական խմբակի սիրուած եւ ազդեցիկ անդամներից էր: Շխեանը դարձաւ Ռոստոմի աջ բազուկը, թէ՛ որպէս «Դրօշակ»ի աշխատակից եւ թէ՛ կուսակցական ընթացիկ գործերի մէջ: Առհասարակ, Ռոստոմի հետ կապուած էր ընկերական կապերով:



ՍԻՄՈՆ ՇԽԵԱՆ

1895 թ. աշնան, «Դրօշակ»ի խմբագրութեան կողմից Շխեանը, Սուրէն անունով, ուղարկուեց Ամերիկա՝ Դաշնակցական կազմակերպութիւն առաջ բերելու եւ նիւթական միջոցներ հայթայթելու նպատակով: Ամերիկահայութիւնը այդ օրերին գրեթէ ամբողջովին Հնչակեան կուսակցութեան ազդեցութեան տակ էր: Շխեանը — ընկեր Սուրէնը — մեծ դժուարութիւններով յաջողում է հիմքը դնել Դաշնակցութեան եւ շուրջ մէկ ու կէս տարուայ ընթացքին կազմակերպում է մօտ 15 կոմիտէներ, գլխաւորապէս Նիւ Ինկլէնտի շրջանում:

Սակայն, եթէ որպէս կազմակերպիչ Սուրէնը ցոյց է տալիս ընդունակութիւն, իբրեւ հրապարակային պայքարի մարդ ու բեմախօս նա ոչ մի կարողութիւն չունէր. նոյնիսկ դժուարանում էր բեմի վրայ երեւալ: Այդ պատճառով՝ ստիպողաբար խնդրում է ժընեւից, որ իրեն փոխարինող մէկը ուղարկուի, որ ընդունակ



լինի հրապարակային ժողովներ գումարելու եւ հանգանակութիւններ անելու: Եւ 1896-ին, իբրեւ գործիչ Ամերիկա է անցնում Յ. Իւսուֆեանը — Տ. Վահանեան, իսկ Շխեանը վերադառնում է ժրնեւ:

Ուսանողութեան վերջին տարին Շխեանը անց է կացնում Նեւ-չատելում, հետո կուսակցական գործերից: Յամառ աշխատանքով աւարտում է ուսման դասընթացը, 1897-ին, բայց վարանում է վերադառնալ Կովկաս: Նրա մէջ ինչ որ հողեկան բեկում է առաջ գալիս, որ մեծ վիշտ ու մտահոգութիւն է պատճառում Ռոստոմին:


Շխեանի յաջորդ տարիների կեանքի եւ գործունէութեան մասին շատ տեղեկութիւններ չունինք: Յայտնի է միայն որ այլեւս նախկին ոգեւորութիւնն ու եռանդը ցոյց չի տալիս յեղափոխական գործի վերաբերմամբ: Այնուհետեւ նրան տեսնում ենք Կովկասում, իբրեւ ուսուցիչ Թիֆլիսի Ներսիսեան եւ պարտիզպանական դպրոցներում: Մնալով հանդերձ Գաշնակցական, նա գործում է հանրային-կրթական անպարէզներում: Հանրապետութեան տարիներում գիւղատնտեսի պաշտօնը ունէր Հայաստանում, բայց կուսակցութեան մէջ գործօն դեր չէր կատարում այլեւս: Մեռաւ խորհրդայնացումից յետոյ. մահուան ճիշդ տարեթիւր յայտնի չէ մեզ:

## ՅԱՐՈՒԹԻՒՆ ՇԱՀՐԻԿԵԱՆ

Յարութիւն Շահրիկեանը, յեղափոխական անունով Նիթրա, գրական ծածկանունով Առոմ, ծնուել էր Շապին-Գարահիսարում, 1860-ին: Երջանաւարտ Պոլսի Գալատա Սէրայի Լիսէի, մասնագիտութեամբ իրաւաբան: Իննսնական թուականների սկզբին փաստաբանութիւն էր անում Տրապիզոնում եւ միեւնոյն ժամանակ եռանդով մասնակցում էր ազգային հասարակական կեանքին. Թաղական Սորհրդի անդամ էր, Ուսումնական Սորհրդի քարտուղար, Առաջնորդարանի խորհրդատու իրաւագէտ: Հակառակ իր երիտասարդական տարիքին՝ աջդէն լուրջ ազդեցութիւն եւ հեղինակութիւն էր ձեռք բերել հանրային շրջանակներում:

Ութսունական թուականների վերջերին Տրապիզոնում հաստատուած էր Հնչակեան Կուսակցութեան Երկրի Կենտր. Վարչութիւնը, որին գործակցում էր եւ Յ. Շահրիկեանը: Հ. Յ. Գաշնակցութեան հիմնումով, ինչպէս յայտնի է, Հնչակեան կուսակ-





### ՅԱՐՈՒԹԻՒՆ ՇԱՀՐԻԿԵԱՆ

ցութիւնն էլ մտաւ նրա մէջ, եւ Հ. Յ. Դ. Կենտր. Վարչութեան որոշումով, ուսուցչի պաշտօնով Տրապիզոն անցան Ս. Զաւարեանը եւ Յ. Արղութեանը, որոնք Յ. Իւսուֆեանի հետ միասին միանալով Հնչակեան Կենտր. Վարչութեան, պիտի կազմէին Հ. Յ. Դաշնակցութեան Սրկրի Վարչութիւնը: Հնչակեանները շուտով դուրս եկան Դաշնակցութիւնից, որով այդ ծրագիրը ի դերեւ ելաւ, բայց Շահրիկեանը մտաւ Դաշնակցութեան մէջ եւ հետըզհետէ դարձաւ նրա ականաւոր ղեկավար ղէմքերից մէկը:

Շահրիկեանի Տրապիզոնի գործունէութեան մասին քիչ տեղեկութիւն ունինք, դժբախտաբար: Յայտնի է, որ նա, իբրեւ փաստաբան, գործօն մասնակցութիւն է բերել Ս. Զաւարեանի եւ Յ. Արղութեանի ձերբակալութիւնից յետոյ, Զաւարեանի դատաւարութեան մէջ: Ուրիշ բանտարկեալների պաշտպանութիւնն էլ, յաճախ, ստանձնում էր Շահրիկեանը: Իբրեւ Ուսումնական Խոր-



հըրդի անդամ աջակցել է Իւսուֆեանի կրթական ծրագիրների գործադրութեան եւ, առհասարակ, մտերիմ յարաբերութեան մէջ է եղել Իւսուֆեանի հետ: Դաշնակցութեան գործերում նրա դերը սահմանափակուել է առաւելագոյն խորհրդատուի դերով: Եղել է Դաշնակցութեան ներկայացուցիչ ազգային մարմիններում: Յամենայն դէպս, փաստ չունինք հաստատող, որ նա աշխատելիս լինէր խմբերում կամ ժամանակի յեղափոխական ձեռնարկների մէջ:

1895-ի կոտորածներին յաջորդող ձերբակալութիւնների ժամանակ Շահրիկեանն էլ բանտարկուեց եւ դատապարտուեց ցմահ բերդարդելութեան, բայց կարողացաւ բանտից փախչել եւ 1897-ին նա արդէն կովկասում կուսակցական գործի վրայ էր: Այսպէս, Մայիսին, Բիւրոյի յանձնարարութեամբ նա մեկնում է Սալմաստ եւ յաջողութեամբ լուծելով ընկերների մէջ ծագած տարակարծութիւնները՝ արագացնում է Սանասորի արշաւանքը:

Այնուհետեւ, Շահրիկեանը պաշտօն է ստանում նաւթաշխարհում եւ դառնում է Դաշնակցութեան Բագուի կազմակերպութեան ղեկավար ուժերից մէկը՝ Կենտր. կոմիտէի անդամ, Շրջանային ու Ռայոնական Ժողովների մասնակից, դասախօս, կուսակցական կարեւոր յանձնարարութիւններ կատարող:

Բագուն — Ոսկանապատի Կենտր. կոմիտէութիւնը — առանձնապատուկ տեղ ունէր մեր կուսակցութեան մէջ: Իրրեւ նաւթարդիւնարեւրական խոշոր կենտրոն, այստեղ համախմբուած էր մեծ քանակութեամբ ամէն ազգի գործաւորութիւն, որի մէջ հայ բանուորութիւնը պատկառելի թիւ էր կազմում: Բագում մեծ թուով հաւաքուած էին եւ հայ դրամատէրեր ու մտաւորականներ: Դրամադրիսի եւ աշխատանքի յարաբերութիւնները ծայրաստիճանի սրուած էին Բագում, եւ դասակարգային պայքարը բուռն ձեւերով էր արտայայտուում: Դասակարգային փոխյարաբերութիւնները, յաճախ, ազգամիջեան բախումների բնոյթ էին ստանում: Դաշնակցութեան համար Բագուն նիւթական առաջնակարգ նշանակութիւն ունեցող կենտրոն էր, միեւնոյն ժամանակ եւ իր ընկերային սկզբունքների գործադրութեան կարեւոր վայր: Բագուի հայ բանուորութիւնը, գրեթէ ամբողջութեամբ, կազմակերպուած էր Դաշնակցութեան դրօշի տակ: Եւ բնական է, որ ընկերային-տնտեսական հարցերը այստեղ աւելի սուր ձեւերով էին դրւում եւ աւելի բուռն կերպով արտայայտուում կուսակցական կեանքում: Երիտասարդութիւնը, մանաւանդ, համակուած աշխատաւորական-ընկերավարական զաղափարներով, ստիպում էր, որ կուսակցութիւնը աւելի ուշագիւր վերաբերուի եւ աւելի գործօն մասնակցութիւն ցոյց տայ աշխատանքի եւ դրա-



մագլխի դասակարգային պայքարում: Միւս կողմից՝ հասուն ղեկավարութիւնը դիտակցում էր, որ անտեսական խնդիրը այնքան պարզ հարց չէ Բազում, ինչպէս պատկերացնում էր երիտասարդութիւնը: Պայքարը զուտ դասակարգային բնոյթ չէր կրում, այլեւ ազգային: Ուղղակի կամ անուղղակի ձեւերով պայքարը ուղղուած էր եւ հայ դրամատիրութեան դէմ, որի տկարացումով շահադրժուած էին ռուս կառավարութիւնը եւ օտար դրամատէրերը, որոնց համար ուժեղ մրցակից էր հայ դրամատէրը: Մի կողմից անհրաժեշտ էր պաշտասպնել հայ բանուորութեան աշխատաւորական իրաւունքները, միւս կողմից՝ պէտք էր զգուշանալ հայ դրամագլխին մահացու հարուած տալուց: Ի վերջոյ, հայ դրամագլուխն էլ կարեւոր գործօն էր հայ ազգային կեանքում:

Բախումներով եւ հակասութիւններով հարուստ այս տարօրինակ միջավայրը, բնականաբար, չէր կարող չազդել եւ Շահրիկեանի մտքի վրայ: Թուրքիայից նա եկել էր պարզ հասկացողութիւններով, իրրեւ արդիւնք թրքահայկական պայմանների, ուր դասակարգային խնդիր գոյութիւն չունէր եւ ազգովին քաղաքական ազատութեան պայքարն էր դրուած անխտիր ամէնքի առջեւ: Իրրեւ խուզարկու-քննադատող կարողութիւններով օժտուած մարդ, որի միտքը բաց էր նորամուտ գաղափարների առջեւ, Շահրիկեանն էլ շուտով համակոււմ է նոր միջավայրի ուղուումներով եւ սկսում է ապրել ընկերային եւ ընկերավարական հարցերով: Եւ խառնուածքով տրամադիր ծայրայեղութիւնների՝ Նա առանձնապէս դրաւում է ընկերային գաղափարախօսութեան ձախ հոսանքներով: Նրան առանձնապէս հրապուրում է ռուս անիշխանական-ընկերավարական կրապոտկինը, որի երկերը կարդում է անյազօրէն եւ որի գլխաւոր գործերից մէկ մասը թարգմանել է հայերէնի: Գործնական կեանքում, սակայն, մասնաւորապէս, կուսակցութեան ընկերային քաղաքականութեան խընդրում, նա մնում է կանգնած չափաւոր գեանի վրայ: Եւ այս հարցի շուրջ սուր տարակարծութիւններ ու վէճեր էին ծագում նրա եւ Բազուի երիտասարդ ընկերների միջեւ: Շահրիկեանը, սակայն վէճերից վախեցող չէր: Նա պայքարի մարդ էր՝ աննկուն եւ յամառ կամքով:

Ուժեղ կամք երեւան բերեց Շահրիկեանը եւ հայ-թաթարական ընդհարումների օրերին: Յարական նենգ կառավարութիւնը, կովկասի իր տիրապետութեան սպառնացող յեղափոխական հրդեհը մարելու նպատակով, հայերի դէմ էր հանել խաւարակուտ մահմետական ամբոխը: 1905 թ. Փետրուարին անսպասելի կերպով սկսուեցին հայ-թաթարական բախումները: Անհրաժեշտ էր արագ եւ կտրուկ հակահարուած կազմակերպել: Անհրաժեշտ էին



նիւթական մեծ միջոցներ: Ի միջի այլ ձեռնարկների, Դաշնակ-  
ցութիւնը Շահրիկեանին ուղարկեց Հիւս. Կովկաս դրամ հաւա-  
քելու հայ հարուստներից, որոնք շատ էլ տրամադիր չէին բա-  
նալու դրպանները: Զինուած Հ. Յ. Դաշնակցութեան կարմիր  
կնիքով, իր հետ ունենալով մի քանի փափախաւոր կտրիճներ՝  
Շահրիկեանը այնպիսի սարսափ ազդեց հայ Զիմզիմովների վը-  
րայ, որ սրանք «յօժար կամքով» փութացին վճարել իրենց բա-  
ժին հանուած գումարները: Եւ կարճ ժամանակում Դաշնակցու-  
թիւնը ի վիճակի եղաւ մեծ քանակութեամբ ղէնք հասցնել Կով-  
կաս եւ ի դերեւ հանել ցարական կառավարութեան եւ թաթար  
բէգերի ու աղալարների նիւթած դաւերը:

Օսմանեան Սահմանադրութիւնից յետոյ, Շահրիկեանը ան-  
ցաւ Պոլիս: Այստեղ նրա առջեւ բացուեց գործունէութեան լայն  
ասպարէզ, եւ շուտով նա դարձաւ օրուայ մարդը: Կովկասում  
չափաւոր՝ պահպանողական նկատուելու աստիճան, Պոլսում  
Շահրիկեանը երեւան եկաւ, իրրեւ ծայրայեղ դադափարների եւ  
յախուռն գործելակերպի ջատագով: Յայտնի է նրա «մատը»  
Ազգ. Երեսփ. եւ Քաղաք. Ժողովներում, ուր ղեկավար ղէմք ե-  
ղաւ մի որոշ ժամանակ: Յայտնի են նրա արտայայտած ծայրա-  
յեղ մտքերը եւ վարած բանավէճերը մամուլում, ինչպէս եւ հը-  
րապարակային դասախօսութիւնների ու ժողովների մէջ: Ոմանք  
նոյնիսկ ամբոխավարութեան էին վերագրում նրա այս ընթաց-  
քը, որ, ի հարկէ, արդար չէր: Նա անկեղծ էր իր ծայրայեղու-  
թիւններով Պոլսում, ինչպէս անկեղծ էր չափաւորութեամբ Բագ-  
ւում:

Սահմանադրութեան տարիներին Շահրիկեանը բուռն գոր-  
ծունէութիւն ցոյց տուեց Պոլսում, որպէս ազգային եւ կուսակ-  
ցական գործիչ, իրրեւ հրապարակադիր ու դասախօս՝ ազգային  
եւ ընդհանուր պետական ասպարէզում: Նա բաւական եռանդ թա-  
փեց նաեւ յաջողացնելու համար երկաթուղագծի շինութիւնը Ա-  
րեւելեան Նահանգներում, բայց, ինչպէս Արմէն Գարոյի, նրա  
ծրագիրն էլ ձախողեց թուրք կառավարութեան հակառակու-  
թեան հանդիպելով:

Պատերազմի սկզբին, Շահրիկեանը հնարաւորութիւն ունէր  
հեռանալու Պոլսից, բայց, ինչպէս մեր միւս ղեկավար ընկերնե-  
րը, նա եւս բարոյական իրաւունք չհամարեց իր անձը բաժանե-  
լու ժողովրդից: Մնաց Պոլսում, տառապալից օրեր ապրեց եւ զոհ  
գնաց Ապրիլեան Եղեռնին:

Իր կեանքով, գործունէութեամբ, մտաւոր կարողութիւննե-  
րով եւ անհատական յատկութիւններով ինքնատիպ, շեշտուած  
նկարագիր էր Շահրիկեանը: Ստատկրօն դադափարական ու բա-



բոյական ըմբռնումներով, անդիջող եւ դաժան սկզբունքային հարցերում, անողոք հակառակորդների հանդէպ, միեւնոյն ժամանակ քաղցրաբարոյ եւ ընկերական մտերիմ շրջանակում, անդուլ աշխատող, նոր մտքերի հետամուտ, սուր բանավիճող ու հարցերի խորքը թափանցելու ձգտող: Իբրեւ մարդ եւ հասարակական գործիչ Շահրիկեանը ցցուն եւ ուժեղ անհատականութիւն էր: Բնաւորութեան այդ զծերը երեւան են գալիս եւ նրա գրական գործերում՝ դաշնակցական մամուլում ցանուցիր յօդուածների, ինչպէս եւ առանձին հրատարակութիւնների մէջ:

### ՅՈՆԱՆ ԵՒ ՀՈՐՏԱՆՍ ԴԱԻԹԵԱՆ

Յոնան Դաւթեանը, կուսակցական անունով Նանոյեան, Հ. Յ. Դաշնակցութեան առաջին սերնդի ականաւոր զէմքերից էր՝ Քրիստափորի, Զաւարեանի եւ Ռոստոմի մտերիմ ընկեր ու գործակից: Ծնուել էր 1865 թուին, Շուշիում: Տեղական թեմական դպրոցի դասընթացքը լրացնելով, 1886-ին աւարտել էր նաեւ Թիֆլիսի Ներսիսեան դպրոցը, որից յետոյ մի տարի ուսուցչութիւն էր արել Հաշտարխանում, ապա մեկնել էր ժընեւ՝ ուսանելու ընկերային-քաղաքական գիտութիւններ:

Ժընեւը այդ տարիներին ոռւս եւ ամէն ազգի քաղաքական տարագիրների եւ ուսանողների կենտրոնն էր: Համալսարանական դրաղումներից դուրս՝ Յոնանը եռանդով մասնակցում է այդ շրջանակների կեանքին, ժողովներին ու քաղաքական վէճերին: Իր նիւթական միջոցները, սակայն, թոյլ չեն տալիս երկար մնալու համալսարանում. 1891-ին նա վերադառնում է Կովկաս եւ հրաւիրոււմ է Թաւրիզի Լիլաւայի երկսեռ դպրոցի տեսչի պաշտօնին: Նրա հետ, իբրեւ ուսուցիչ, Թաւրիզում պաշտօնավարում են եւ Յովսէփ Արղութեանը, Օր. Սաթենիկ Մատինեանը (Ծաղիկ), Սարգիս Օհանջանեանը (Փարհատ), Նիկողայոս Տէր-Յովհաննիսեանը (Նիկոլ Դուման) եւ ուրիշներ, որոնք միաժամանակ եւ Հ. Յ. Դաշնակցութեան Թաւրիզի կոմիտէի անդամներ էին: Թաւրիզը սկսել էր դառնալ Դաշնակցութեան գործունէութեան կարեւոր վայրերից մէկը, իբրեւ հաղորդակցութեան կայան Կովկասի եւ Վասպուրականի միջեւ: Յոնանը եւ ընկերները մի կողմից բարեկարգում են կրթական գործը, միւս կողմից ոյժ են տալիս հանրային-յեղափոխական կեանքին: Թէ՛ որպէս մանկավարժ եւ թէ՛ իբրեւ հանրային գործիչ Յոնանը մեծ հեղինակու-





ՅՈՆԱՆ ԴԱԻԹԵԱՆ ԵՒ ՀՈՐՏԱՆՍ

Թիւն է ձեռք բերում հասարակութեան եւ ընկերների աչքին :

1892-ին Յոնանն է լինում Դաշնակցութեան Ընդհ. Ժողովի գումարման նախաձեռնողներից մէկը : 1892 թ. Ապրիլին, նրա եւ Տիգրան Օքոնեանի խմբազրութեամբ հրաւէր է ուղղւում «հայ յեղափոխականներին», որով շեշտւում է Ընդհ. Ժողովի անհրաժեշտութիւնը եւ պարզարանւում են օրակարգի հիմնական հարցերը՝ «1) Յեղափոխութեան նպատակը, 2) Կազմակերպութիւնը, 3) Միջոց-տակտիկան» : Ընդհ. Ժողովում, 1892 թ. ամառը, Յոնանը առանձին ուժով պաշտպանում է կուսակցութեան կազմակերպութեան ապակենտրոնացման դրութիւնը : Ապակենտրոնացման, ինչպէս եւ ընկերվարութեան հարցում, Յոնան եւ Չաւարեան համախորհուրդ էին եւ բուռն կերպով պաշտպանեցին իրենց տեսակէտները ժողովում :

Ընդհ. Ժողովից յետոյ, Յոնանը մի տարիով եւս վերադարձաւ Թաւրիզ եւ եռանդով շարունակեց սկսած աշխատանքը : Յովս. Արղութեանը, որ նոյնպէս մասնակից էր Ընդհ. Ժողովին եւ Յոնանի հետ վերադարձաւ Թաւրիզ, հետեւեալ կերպով է նկարագրում նրա գործունէութիւնը այդ օրերին .

«Թաւրիզի Լիլաւայի թաղամասում, ուր աշխատում էր Յոնան իր ընկերներով, սկսուել էր մի շտեննուած, անսովոր նոր



կեանք: Դասախօսութիւններ, կիրակնօրեայ ձրի դասընթացներ, երեկոյթներ, վերջապէս, մի շարք կուլտուրական ձեռնարկներ մի թարմ հոսանք էին մտցրել Թաւրիզի քարացած կեանքում:

«Ո՞վ էր տեսել, որ Պարսկաստանի հարեմական կեանքի ենթակայ հայ կիներ յաճախէ թատրոն, ներկայ լինի դասախօսութիւններին եւ երեկոյթներին: Սակայն, Յոնանին յաջողուեց խորտակել այդ կապանքները եւ հայ կնոջ մասնակից անել կուլտուրական բարիքներին: Այդ ուղղութեամբ Յոնանը ուղղակի պայքար էր մղում տղամարդկանց հետ: Այդպիսի միջավայրում հանդէս գալ եւ կնոջ իրաւունքներին պաշտպան հանդիսանալ հեշտ բան չէր. մի ուրիշին գուցէ քարկոծէին, բայց չէ՞ որ քարոզիչը ամէնքից սիրուած Յոնանն էր, եւ ժողովուրդը լի վստահութեամբ կատարում էր նրա խորհուրդները:

«Քանի գնում էր, աւելի եւ աւելի խորանում էր ժողովրդի լայն խաւերի համակրանքը դէպի Յոնանը եւ նրա ընկերները, եւ այդ բանին մեծապէս նպաստում էր այն գաղափարական համերաշխութիւնը, որը գոյութիւն ունէր Յոնանի կազմած ուսուցչական խմբի մէջ:

«Ուումբը բաղկացած 8-10 հոգուց՝ ապրում էր մի բնակարանում միասին: Կազմել էին մի փոքրիկ Կոմունա եւ վերացրել սեփականութիւնը: Բոլորի ոռճիկները ստանում էր մէկը — ընդհանուր ծախսարարը: Նա էր հոգս տանում ընկերների ուտեստի, հագուստի, ծխախոտի եւ այլ պէտքերի մասին: Ոչ ոք մի շահի ծախսել չէր կարող, որովհետեւ դրամ բացարձակապէս չունէր: Եւ այսպէս՝ ամբողջ երկու տարի»<sup>1)</sup>:

Ոմբի ոգին էր Յոնանը. ընդհանուր ծախսարարը՝ Նիկոլ Դումանը: Ուսուցիչների ստացած ոռճիկներով հոգացւում էին նաեւ կուսակցական կարիքները եւ եկող-գնացող ընկերների՝ Պետոյի, Սաքոյի, Վարդանի, Չաթոյի, Շէրոյի, Կարոյի եւ ուրիշների ապրուստը: Գաղափարական մի եզակի համայնք էր այդ խումբը:

1894-ին Յոնանը վերադառնում է ժրնեւ շարունակելու համար կիսատ ձգած ուսումը եւ 1895-ին, երբ Ռոստոմը մեկնում է Կարին, ստանձնում է «Դրօշակ»ի խմբագրութիւնը եւ կուսակցութեան արտասահմանի գործերի ղեկավարութիւնը: Որոշ ժամանակ «Դրօշակ»ը դրեթէ ամբողջապէս ծանրացած էր նրա ուսերի վրայ: Նրա գրչին է պատկանում «Րէֆորմներ» խմբագրականների շարքը, ուր մանրակրկիտ եւ սուր քննադատութեան է ենթարկուած բարենորոգումների Մայիսեան ծրագիրը:

<sup>1)</sup> «Հորիզոն», Թիֆլիս, 1918 թ., Սեկտ. 1:



Այստեղ Յոնանը ամուսնանում է Ժընեւցի մի կրթուած եւ գաղափարական օրիորդի՝ Հորտանսի հետ, որ դառնում է նրա անբաժան գաղափարակից եւ գործակից ընկերը՝ կատարելապէս հայանալով: Հայի պէս տիրապետում է հայերէն լեզուին եւ նուիրումով աշխատում է, իբրեւ վարժուհի հայկական դպրոցներում, հայ մամուլի աշխատակից եւ հասարակական գործիչ:

1896-ի վերջերը, երբ, Բանկ Օթոմանից յետոյ, Պոլսի գրեթէ բոլոր աչքի ընկնող ընկերները հեռացել էին արտասահման, կուսակցութիւնը կարիք էր զգում մի հեղինակաւոր գործիչ մտցնելու Պոլիս: Յոնանը, հակառակ տկար առողջութեան, դնում է իր թեկնածութիւնը, եւ 1897 թ. սկիզբը արդէն նա Պոլսում ոգեւորութեամբ լծուած է կուսակցական աշխատանքի: Առողջական վիճակը, սակայն, թոյլ չի տալիս երկար մնալու, եւ մի քանի ամսից յետոյ նա թողնում է Պոլիսը:

1898 ուսումնական տարւոյ սկզբին Յոնանը նորից պաշտօնի է կոչւում Թաւրիզ, այս անգամ նորաբաց Թամարեան դպրոցում: Նրա հետ է եւ Հորտանսը՝ վարժուհի նոյն դպրոցում: Այր ու կին խանդավառ միասնորոտ են ստեղծում աշակերտութեան մէջ եւ դուրսը՝ հասարակութեան շրջաններում:

1900-ին Յոնանը վերագառնում է Չուիցերիա, որ նրա համար երկրորդ հայրենիք էր դարձել: Յաջորդ տարուանից, Թիֆլիսում, Հորտանսը պաշտօնավարում է Յովնանեան օրիորդաց դըպրոցում, իսկ Յոնանը դրադուում է կուսակցական աշխատանքներով:

1905-6 յեղափոխութեան տարիներին Յոնանը Հ. Յ. Դ. Բիւրոյի պաշտօնաթերթ «Յառաջ»ի խմբագրութեան անդամ է եւ գործում է կուսակցական ղեկավարութեան կազմի մէջ:

Հայ-թաթարական կռիւների օրերին մեկնում է իր ծննդավայրը՝ Շուշի, ուր մեծապէս նպաստում է երկու հարեւան ժողովուրդների լարուած յարաբերութիւնների մեղմացման:

1908-ին Յոնանը հրաւիրւում է Թաւրիզի նոր հիմնուած կենտրոնական Դպրոցի տեսչի պաշտօնին, ուր դասաւանդում է եւ Հորտանսը, եւ այդ պաշտօնում մնում է մինչեւ 1913 թ., երբ մեկնում է Ժընեւ եւ այնուհետեւ մինչեւ մահ մնում է «Դրօշակ»ի խմբագրատանը: Թոքախտը, որ բոյն էր դրել նրա կրծքում, երթալով զարգանում եւ ուժաթափ է անում նրան: Վարակւում է եւ Հորտանսը: Այդ զարմանալի զոյգը, ինչպէս յաջողութեան, այնպէս եւ դժբախտութեան օրերին կարծես մէկ մարմին, մէկ հոգի լինէր: 1917-ին, թոքախտից վախճանուեց Հորտանսը, իսկ մի տարի անցած, 1918 թ. Օգոստոսին, վերջին շունչը փչեց եւ Յոնանը:



Յոնանը բառի ամենաազնիւ իմաստով գաղափարական մտա-  
ւորական էր եւ անձնուէր հայրենասէր ու ժողովրդասէր գործիչ:  
Լրջախոհ, հասուն մտքի եւ ջերմ սրտի տէր, անանձնական եւ ան-  
շահախնդիր, դիտակից եւ համոզուած հետապնդած նպատակին՝  
նա Դաշնակցական եւ, ընդհանրապէս հայ մտաւորականութեան  
յաւագոյն տիպարն էր:

Նրա նման էր եւ իր կեանքի ընկերը՝ Հորտանսը: Մագուժով  
գուլիցերիացի՝ նա ապրեց ու գործեց իբրեւ հայ:

Յովսէփ Արղութեանը, Յոնանի մտերիմներից մէկը, գրում  
էր նրա մահուան առթիւ. «Մի եզակի մտերմութիւն եւ գաղա-  
փարական զգացմունք կարծես միացրել էր այդ զոյգին եւ կաղմել  
մի ամբողջութիւն՝ հակումների, բնաւորութեան եւ ձգտումնե-  
րի: Այդ է պատճառը, որ չի կարելի խօսել Յոնանի մասին եւ չյի-  
շել Տիկ. Հորտանսին. նրանք անբաժան էին: Որքան Հորտանսը  
սիրում էր Յոնանին, նոյնքան տածում էր անկեղծ սէր դէպի այն  
ժողովուրդը, որի արժանաւոր զաւակներից մէկն էր Յոնանը: Եր-  
ևուսն էլ վերջին ծայր համեստ ու բարի»<sup>\*)</sup>:

## ԿԱՐՕ ԵՒ ՄԱՐՕ

(ԱՐԻՍՏԱԿԷՍ ԶՕՐԵԱՆ ԵՒ ՄԱՐԻԱՄ ՄԱԿԱՐԵԱՆ)

Սրտառուչ վէպի կամ թատերգութեան նիւթ կարող է լինել  
այս երիտասարդ զոյգի կեանքի պատմութիւնը՝ այնքա՛ն յուզիչ  
ու ողբերգական իր վախճանով:

Կարօն — Արիստակէս Զօրեան — Ռոստոմի կրտսեր եղբայրն  
էր, ծնուած 1871 թուին Գողթն գաւառի Յղնա գիւղում: Ուսումը  
ստացել էր Զաքարթալայում, որի մօտ, Կախ աւանում, հայրը ա-  
ռեւտրական դործ ունէր: Այլա սովորել էր Թիֆլիսի ուխալական  
դպրոցում, բայց առանց աւարտելու դուրս եկել՝ յեղափոխա-  
կան ալեծուփ կեանքի ասպարէզը նետուելու համար: Նրա վրայ  
մեծ ազդեցութիւն էին դործել ժամանակի հայրենասիրական  
տրամադրութիւններն ու Բաֆֆիի հերոսները, բայց, մանա-  
ւանդ, եղբայրը՝ Ռոստոմը:

Ռոստոմից շատ բան կար եւ Կարոյի մէջ՝ մարմնով ու հոգե-  
պէս: Միջահասակի մօտ, ամբակազմ, թիկնեղ, արտաքինով

<sup>\*)</sup> «Հորիզոն», Թիֆլիս, 1918 թ., Սեպտ. 1:



գրաւիչ եւ բնաւորութեամբ մեղմ ու քաղցրաբարոյ երիտասարդ էր: Գործնական մտքի տէր, աշխոյժ ու եռանդուն:

Ռէալական դպրոցից հեռանալով՝ Կարօն, եղբօք խորհրդով, մտաւ Գ. Ալոյեանի «Կովկաս» արհեստանոցը, ուր մէկուկէս տարի սովորեց զինագործութիւն՝ նպատակ դնելով, իրրեւ զինագործ վարպետ, ծառայել յեղափոխութեան: Ալոյեանը եւ սրա ընկերակից Քաթանեանը եղան Կարոյի վարպետները: Ալոյեանի հետ նա կապուեց մտերմութեան ջերմ կապերով եւ մինչեւ իր կեանքի վերջը գործեց նրա հետ ձեռք-ձեռքի եւ սիրտ-սրտի:


1891-ին, Հ. Յ. Դաշնակցութեան կենտրոնի կողմից, Կարօն եւ Քաթանեանը ուղարկուեցին Թաւրիզ զէնքի արհեստանոց հիմնելու համար: Քաթանեանը շուտով հեռացաւ ու քաշուեց յեղափոխական ասպարէզից: Արհեստանոցի կազմակերպութեան եւ ղեկավարութեան գործը մնաց Կարոյի վրայ, որ ձեռնհասութեամբ գլուխ բերեց: Եւ երբ, 1895-ին, Ալոյեանն էլ եկաւ Թաւրիզ, Դաշնակցութեան արհեստանոցը արդէն կազմակերպուած ու գործօն վիճակի մէջ էր: Նոյնիսկ 1892 թ. խիստ քուլերայի շրջանին Կարօն չլքեց արհեստանոցը, որ Դաշնակցական խմբերին հրացաններ եւ ատրճանակներ էր մատակարարում: Նա էլ բռնուեց քուլերայից, բայց իր երկաթէ կազմուածքի շնորհիւ յաղթեց հիւանդութեանը:

Դեռ Թիֆլիսում Կարոյի հսկողութեան յանձնուած էին Դաշնակցական զէնքի պահեստները, որտեղից նա զէնք էր ուղարկում Պարսկաստան: Այնուհետեւ նա մի քանի անգամ Թաւրիզից անցաւ Կովկաս արհեստանոցի համար զէնք եւ ռազմանիւթ հասցնելու նպատակով: Նրա հետ նոյն գործով զբաղուած էին եւ մի շարք ուրիշ ընկերներ, ինչպէս Մաժուկ Սէօն, որոնց պաշտօնն էր զէնքի փոխադրութիւնը սահմանազրուխ, ապա՝ դէպի Երկիր, զանապան գծերով:

Ալոյեանի Թաւրիզ դալուց յետոյ, Կարօն երկար ճամբորդութիւն արաւ դէպի Թիֆլիս, Շուշի, Նուխի, Բագու, Տուլա եւ Մոսկուա զէնքի հայթայթման գործով եւ արհեստանոցի համար ապահովեց նիւթ ու զրամական միջոցներ: 1896-ի սկիզբը նա նորից Թաւրիզում էր, գործի գլուխ արհեստանոցում, Գալուստ Ալոյեանի եւ տասնից աւելի զինագործ արհեստաւորների հետ: Միաժամանակ եւ կենդանի մասնակցութիւն ունէր Թաւրիզի կուսակցական եւ հանրային կեանքում:

Ատրպատականի մայրաքաղաքը, ինչպէս եւ Սալմաստի շրջանը, 1892 թ. Ընդհ. ժողովից յետոյ, դարձել էին Դաշնակցութեան գործունէութեան կենտրոնական վայրեր: Այնտեղ հաւաքուած էին մտաւորական եւ մարտական ուժեր — ուսուցիչներ,





ՄԱՐՕ ՄԱԿԱՐԵԱՆ

վարժուհիներ, զինա-  
գործներ, Ֆէտայիներ,  
զէնք ու ռազմամթերք փո-  
խադրողներ: Այն ա ե զ  
պատրաստում եւ Երկիր  
էին մտնում զինուած  
խմբեր եւ անհատ դոր-  
ծիչներ: Իշխանը, Վար-  
դանը, Նիկոլ Դումանը,  
Սաքոն, Չաքքին, բժ. Ք.  
Օհանեանը, Գ. Ալոյեանը,  
Յոնան Դաւթեանը, Օր.  
Սաթենիկ Մատինեանը եւ  
չատ ուրիշներ տեղաւոր-  
ուած էին, դանազան պաշ-  
տօններով, Թաւրիզում ու  
Սալմաստում եւ սահմա-  
նամերձ այլեւայլ վայրե-  
րում: Պաշտօնները ապ-

րուսա հողալու եւ քողարկուելու միջոց էին. իրօք՝ նրանց գլխա-  
ւոր դործը յեղափոխութիւնն էր, որպէս Դաշնակցութեան ան-  
դամներ:

Այդ խմբի մէջ էր եւ Օր. Մարիամ Մակարեանը — Մարօն,  
ակիզբը Թաւրիզում, ապա՝ Սալմաստում վարժուհի:

Մարօն Դերբենտ քաղաքից էր, ծնուած 1872-ին: Մանկու-  
թիւնից որբացած՝ նա եղբայրների խնամքով մեծացաւ եւ ուսում  
ւտացաւ տեղական Գիմնազիայում: Աշակերտական հասակից ըն-  
կել էր հայրենասիրական շրջանակների մէջ: Յափշտակուած էր  
Րաֆֆիի վէպերով: Աշակերտական խմբակներում ղեկավարի  
դեր էր կատարում՝ ընկերուհիներին էլ ներշնչելով հայրենասի-  
րական զգացմունքներ:

Փխրուն կազմուածքով, բայց ուժեղ կամքի տէր աղջիկ էր:  
Գեղեցիկ դիմագիծ, խոշոր, թափանցող աչքեր, աննման ժպիտ  
չրթունքներին եւ, հակառակ կազուութեան, խանդավառ, շէնչող  
ու զուարթ բնաւորութիւն — Մարօն աշխոյժ կեանք էր ստեղծում  
ամէն տեղ: Նրա երազն էր անցնել Երկիր՝ յեղափոխական գոր-  
ծօն կեանքի ասպարէզը:

Եւ այդպէս էլ արաւ: 1892-ին անցաւ Թաւրիզ, իբրեւ վար-  
ժուհի: Եւ առաջին օրից իսկ իր վրայ գրաւեց ամէնքի ուշադրու-  
թիւնը: Դպրոցում եւ դուրսը նա եռանդով աշխատում էր՝ թէ՛  
կուսակցական խմբերում եւ թէ՛ կանանց շրջանում: Ընդունուեց  
Դաշնակցութեան կոմիտէի կազմի մէջ: Հոգածու քոյր դարձաւ



Երկիր մեկնող ու վերադարձող հայդուկների համար: Մասնակցեց եւ սահմանադրուիս զէնք փոխադրելու գործին:

Նոյն եռանդն ու ոգեւորութիւնը ցոյց տուեց Մարօն եւ Սալմաստում, որտեղ փոխադրուեց 1894-ին, վարժուհու պաշտօնով: Իր հետը Սալմաստ տարաւ եւ մի ջերմ զգացմունք, որ խնամքով զաղտնի էր պահում ամէնքից: Սիրոյ զգացմունքը նրա եւ Կարոյի միջեւ: Երկու սիրող սրտեր՝ զաղափարակից ու հոգեկից: Բնականոն սլաճմաններում այդ սէրը երջանկութիւն պիտի խոստանար երկուսին էլ: Մեր նզովեալ կեանքում նա վերջացաւ ողբերգութեամբ:

1896-ին, Թիֆլիսում գումարուած Ռայոնական Ժողովը որոշեց գինուած խմբով մեծ արշաւանք կազմակերպել դէպի Վասպուրական, ի միջի այլոց, նաեւ պատժելու համար Խանասորի շրջանի քրտական Մազրիկ ցեղին, որ դիխաւոր ջարդարարը եղաւ Վանի «Մեծ Դէպքից» յետոյ դէպի Պարսկաստան նահանջող յեղափոխականներէ ու ժողովրդի: Շատերը, ինչպէս Իշխանը, Վարդանը, Վանի ընկերները, հակառակ էին այդ ձեռնարկին: Համամիտ չէր եւ Կարօն: Բայց որոշումը որոշում էր եւ պէտք է գործադրուէր: Կարօն մի պահ հրաժարուեց եւ անցաւ Կարսի շրջանը՝ մի այլ վայրում գործելու նպատակով, բայց, ի վերջոյ, Քրիստափորի եւ ուրիշ ընկերներէ ստիպումի վրայ վերադարձաւ Պարսկաստան:

Ըստ երեւոյթին, Կարոյի հակառակութիւնը արշաւանքին Մարոյին մտածել էր տուել, թէ նրանց սէրն էր Կարոյի այդ վարմունքի պատճառը: Անշուշտ, դիւրին չէր զոհել սիրոյ զգացումը եւ երթալ դէպի մահ, բայց Կարօն այն մարդկանցից չէր, որ անհատական ասպրումներով սլաճմանաւորէր յեղափոխական գործը. նա, ինչպէս եւ ուրիշներ, օգտակար չէր գտնում արշաւանքը: Յամենայն դէպս, Մարօն այդպէս էր զղում ու մտածում եւ տառապում էր հոգեպէս: Յայտնե՞լ է արդեօք նա իր մտածումները Կարոյին, գիտե՞ր վերջինս Մարոյի ասպրած տանջանքներէ մասին — որեւէ փաստ չկայ: Գիտենք միայն, որ Մարօն դարձել էր վըշտահար, թախծոտ ու խորհրդաւոր: Անհետացել էր նախկին զբարթութիւնն ու կենսութիւնը: Կարոյի վրայ էլ ընկերները նկատում էին ախրութիւն, մեղամտղձոտ տրամադրութիւն:

Սէր եւ հայրենիք իրար էին բախում: Ո՞ւր էր ելքը: Ելքը Մարոյի համար պարզ էր: Նա չէր կարող թոյլ տալ, որ սիրած երիտասարդը իր պատճառով դաւաճանի հայրենիքին: Եթէ ինքն էր խոչընդոտը, ապա պէտք էր մէջտեղից վերցնել այդ խոչընդոտը: Եւ 1896 թ. Դեկտ. 2-ին, ընկերները գտնում են նրան անշունչ՝





ԿԱՐՕ—ԱՐԻՍՏԱԿԷՍ ԶՕՐԵԱՆ



անկողնի վրայ. կողքին ընկած էր իր սիրած ատրճանակը, որի գնդակը ծակել էր նրա սիրտը...

Մահուանից առաջ Մարօն գրել էր առանց հասցէի մի նամակ, որի մէջ ասուած էր. «Դո՛ւ, որ Հայաստանի ազատութեան գործը գերադասեցիր, քան իմ եւ քո անձնական երջանկութիւնը, դո՛ւ, որ սէրդ գոհեցիր աւելի բարձր գաղափարական սէրի, կատարիր խօսքդ՝ անձդ գոհ դիր հայրենեաց սուրբ սեղանի վրայ: Լեցուի՛ր թունաւոր վրէժխնդրութեամբ Բարկէն Սիւնիի նման: Կատարի՛ր վերջին կտակս. դրանով միայն կը հանգստանան ոսկորներս գերեզմանի մէջ: Ես այնքան քաջութիւն ունեցայ, որ կարողացայ կրակի տալ քո ետեւից բոլոր նաւերը. այսուհետեւ դու բոլորովին ազատ ես. գործի՛ր. ների՛ր ինձ: Բիւր համբոյրներ: Վերջին բարեւներս բոլոր ընկերներին»:

Ընկերները չիմացան, թէ ում են ուղղուած այս խօսքերը, բայց Կարօն գիտէր: Եւ հնազանդուեց նրա պատուէրին — հետեւել Բարկէն Սիւնիի օրինակին: Բարկէն Սիւնին Մարոյի պաշտամունքի առարկան էր. նրա պատկերը միշտ կախուած էր իր սեղանի գլխին:

Սրտառուչ յուզարկաւորութիւն կատարեցին ընկերները:

«Պարզ օր է, գրում էր «Դրօշակ»ի թղթակիցը: Արեւը այրելու չափ տաքացնում է՝ չնայած, որ ամէնուրեք ձեան սպիտակ սաւանը ծածկած էր հաստ շերտով: Զանգակները տխուր հնչում են: Գիւղի տղամարդիկ ու կանայք շրջապատել են մի կարմիր գազաղ, որը հայդուկները տանում են գէպի բլուրի գազաթը՝ գերեզմանատուն: Սկսած հսկայ Արտօսից մինչեւ Կովկաս ներկայացուցիչ կար նրանց մէջ՝ քէոլոզաւոր, չուր-քեաղախաւոր, փաստակաւոր, չուխաւոր՝ յուզարկաւորում են իրենց սիրելի «Դադոյին», որն այնքան քրտինք է թափել եւ նեարդեր մաշել Հայրենիքի հայդուկ-դինուորների համար: Սրանք զգում են, որ իրենց գոհուած քրոջ տեղը ոչ ոք չէ բռնելու: Արցունքն առատ թափւում է խորշոմած երեսների վրայ, եւ կոշտացած բուռնցքն անկարող է սրբել»:

«Դրօշակ»ն եւս ջերմ խօսքեր նուիրեց Մարոյին՝ այդ «խելացի, խոշոր, սեւ աչքերով» աղջկան, որի «կրակոտ խօսքերը լսողներին մէջ եռանդ էին յարուցանում»: Ռոստոմն էր դրողը, որն անտեղեակ էր, թէ ինչ ողբերգութիւն ապրեցին այդ «խելացի աղջիկը» եւ իր սիրելի ու գժբախտ եղբայրը:

Իր յուշատետրում Մարօն գրել էր. «Աղջկայ կոչումն է համեստութիւն, քաղցրութիւն եւ պարզութիւն»: Այդ բոլորը նա ունէր, բացի խաղաղութիւնից: Խաղաղութիւն չտեսաւ նա կեանքում. անխաղաղ եղաւ եւ իր վախճանը:



Կարօն ներկայ չէր Մարոյի յուզարկաւորութեան: Նա Թաւ-  
րիզում էր, դործի վրայ: Եւ չգիտէնք, թէ ինչպէս ազդեց նրա  
վրայ Մարոյի մահուան լուրը: Ընկերները, սակայն, վկայում  
են, որ նա, Մարոյի եղբրական մահից յետոյ, բոլորովին տար-  
բեր մարդ դարձաւ. ամփոփուեց ինքն իր մէջ եւ այլեւս առաջ-  
ուայ չէն եւ ուրախ Կարօն չէր: Բայց մի վայրկեան իսկ չթերա-  
ցաւ իր դործերի մէջ: Արհեստանոցը բռնն թափով ղէնք էր  
պատրաստում, Խանասորի արշաւանքի համար, եւ Կարօն մղիչ  
ուղի էր աշխատանքի:

Մայիսի սկիզբը, երբ արդէն բաւականաչափ ղէնք ու ռադ-  
մամթերք ուղարկուած էր, Սալմաստ է մեկնում Գ. Ալոյեանը,  
իսկ երկու շաբաթ անցած՝ նաեւ Կարօն: Սալմաստում արդէն հա-  
ւաքուած էին մի քանի հարիւր մարտիկներ ու ղեկավարներ՝ ար-  
շաւանքին ձեռնարկելու համար: Միեւնոյն ժամանակ բռնն վէ-  
ճեր էին տեղի ունենում արշաւանքին կողմնակիցների եւ հակա-  
ռակորդների միջեւ: Կարօն կարծիքը չէր փոխել. նա էլ հակա-  
ռակորդների մէջ էր եւ պնդում էր, որ փոքր խմբերով զինուած  
հայդուկներ մտցուին Երկիր՝ տեղական ուժերի հաւանութեամբ  
ու մասնակցութեամբ յեղափոխական դործողութիւններ անելու  
համար: Խնդրում էր, որ, առաջին հերթին ինքը ուղարկուի Եր-  
կիր: Բայց Թիֆլիսից եկած Բիւրոյի ներկայացուցիչ Յ. Շահրիկ-  
հանը յաջողում է վերջ տալ տարակարծութիւններին եւ ընդհա-  
նուր համաձայնութեամբ գլուխ բերել արշաւանքը:

Արշաւանքը կազմակերպւում է: Կարօն նշանակւում է հարիւ-  
րապետի օգնական: Յուլիս 25-ի լուսարացին, Արաուլի բար-  
ձունքներից, տեղի է ունենում յարձակումը Խանասորի դաշտի  
վրանարնակ մազրիկ ցեղի վրայ: Արագ եւ կտրուկ հարուածից  
յետոյ, արշաւախումբը յաղթական վերադառնում է Պարսկաս-  
տան՝ զոհ տալով 19 թանգազին ընկերներ, որոնց մէջ էր եւ Կա-  
րօն: Նա գտնւում էր նահանջը պաշտպանող վերջապահ խմբում  
եւ շատերի կեանքը փրկեց, բայց ինքը զոհուեցաւ: Նրա զինա-  
կիցների վկայութեամբ՝ տարապայման հողեկան վիճակում էր  
ամբողջ ժամանակ եւ կարծես մահ էր փնտրում...



## ՍԵՐՈՒ ԱՂԲԻՒՐ

Սերոբ Աղբիւրը Ախլաթ գաւառի Սոխորդ գիւղացի Վարդանեան հարուստ եւ անուանի ընտանիքի չորս եղբայրներից կրտսերն էր՝ ծնուած 1864 թուին։ Մեծ եղբայրը՝ Մխօն գիւղի ոչսն էր՝ յարգուած եւ ազգեցիկ մարդ։ Սոխորդում դպրոց չկար այն ժամանակները, եւ Սերոբը իր մանկութիւնն ու պատանեկութիւնը անցկացրեց ազատ բնութեան ծոցում։ Առողջ, բնաւորութեամբ անվախ ու քաջ՝ նա սիրահար էր ձիու, զէնքի եւ որսորդութեան, իսկ 20-21 տարեկան հասակից սկսուած է հետաքրքրուել եւ ազգային խնդիրներով՝ Պոլսից վերադարձած եւ այնտեղի հայրենասիրական շարժումներից տպաւորուած հօրեղբոր՝ Առաքելի ազդեցութեան տակ։ Մի օր, նեմրութի անտառներում, որսի ժամանակ, Սերոբը հանդիպում է երկու քիւրտերի, որոնք ուզում են խլել նրա ձին։ Սերոբը սպանում է մէկին եւ ոստիկանական հետապնդումներից ազատուելու նպատակով, եղբոր օգնութեամբ, անցնում է Պոլիս։ Այնտեղից էլ տեղափոխուած է Ռումանիայի Սուլինա քաղաքը, ուր մեծ թուով հայ պանդուխտներ էին համախմբուած։



ՍԵՐՈՒ ԱՂԲԻՒՐ

Սուլինայում Սերոբը բաց է անում սրճարան, որ ժամադրավայր է դառնում հայրենակարօտ պանդուխտների համար։ Հընչակեան-Դաշնակցական սուր պայքարի տարիներ էին. Սերոբի





### ՍԵՐՈՒԻ ԶԻՆՈՒՈՐ ԲԱԼԱԲԵՆԻ ԿԱՐԱՊԵՏԸ

սրճարանում էլ կուսակցական վէճերը անպակաս էին: Սերորը ուշադրութեամբ հետեւում էր բանավէճերին, երբեմն իր կարծիքն էր յայտնում՝ բնածին ուշիմութեամբ եւ սրամտութեամբ: Եւ նրա համակրանքը հետզհետէ թեքւում էր դէպի Դաշնակցութիւնը:

1894-ին, Տարօնից, Կովկասի վրայով, Սուլիմա է գալիս Հըրայր-Դժոխքը, ուր շրջապատւում է պանդուխտ հայրենակիցներով: Նա պատմում է Սասունի դէպքերի մասին եւ յորդորում դէնք ձեռք բերել եւ զինուած վերադառնալ հայրենիք: Հրայրի խօսքերի ազդեցութեան տակ սկսւում է պանդուխտների վերա-



դարձի շարժում, որին նպաստում է եւ այդ օրերին բորբոքուած քուերայի համաճարակը: 1895 թ. աշնան 27 հոգինոց զինուած խմբով կուլկաս է մեկնում նաեւ Սերոբը եւ այնտեղից, Դաշնակցական մարմինների աջակցութեամբ, անվտանգ հասնում է Ախլաթ:

Ախլաթը Վանի լճի եւ Նեմրութի, Գրգուռի ու Ռահվա անապատի միջեւ ընկած, 35 դրեթէ զուտ հայաբնակ գիւղերից բաղկացած, համեմատաբար, բարեկեցիկ եւ քաջ բնակչութեամբ մի գաւառ էր՝ չըջապատուած մոտկանցի, խուժցի, չուխուրցի ու խիզանցի քրտերով եւ մանազկերացի ու բուլանըխցի չէրքէսներով: 1895-ի կոտորածների օրերին սրանք փորձեցին ասպատակել ու թալանել Ախլաթի հայ գիւղերը: Սերոբի խումբը ճիշդ ժամանակին էր հասել: Նրա ղեկավարութեամբ արագ կերպով կազմակերպուեց չըջանի ինքնապաշտպանութիւնը: Բոլոր գիւղերում, Սերոբի հայդուկների շուրջ համախմբուեցաւ տեղական երիտասարդութիւնը, իսկ ինքը Սերոբը մի քանի ընկերներով չըջում էր գիւղից գիւղ՝ հսկելով ապահովութեան վրայ: Քիւրտերի եւ չէրքէսների բոլոր ճիւղերը աւարի եւ աւերի մատնելու Ախլաթի հայ գիւղերը, անցան ապարդիւն շնորհիւ Սերոբի ձեռք առած միջոցների: Ախլաթը չենթարկուեց այն աղէտին, որին ենթարկուեցին հայկական ուրիշ չըջաններ:

Այդ օրերից սկսուեց եւ Սերոբի հերոսական համբաւը: Ուսեալ մարդ չէր նա. հազիւ կարդալ-դրել գիտէր, բայց օժտուած էր ուժեղ մտքով եւ հզօր կամքով: Առնական եւ քաջ էր, տաղանդաւոր կազմակերպիչ ու ղեկավար: Բնութիւնից ստեղծուած էր, կարծես, մարդկանց առաջնորդելու համար: Դաժան լինելու աստիճան խիստ էր կարգապահական հարցերում: Ահարկու եւ անողոք էր մատնիչների, վաշխառուների, կեղեքիչ պաշտօնեաների հանդէպ: Մարդաճանաչ էր եւ գիտէր լաւ գործակիցներ եւ հաւատարիմ զինակիցներ ընտրել: Նրա խմբի մէջ էին, հռչակաւոր շատ Փէդայիներ, ինչպէս Ճարտարը, Բիթլիսցի Մուշեղը, Բալարեխ Կարապետը, Չուլումաթը, Առիւծ Աւազը, Առաքելը, Նատօն եւ ուրիշներ: Կարճ ժամանակով Սերոբի զինուոր է եղել եւ Անդրանիկը:

Շըջանը կոտորածի վտանգից փրկելուց յետոյ՝ Սերոբը անցնում է կազմակերպական աշխատանքի: Նրա ջանքերով ստեղծուած է Սալնոյ Չորի Կենտր կոմիտէութիւնը, որի կազմի մէջ էին մտնում Ախլաթի, Կիւղէլտէրէի եւ Բաղէշի չըջանները: Բոլոր գիւղերում կազմուած են ինքնապաշտպանութեան մարտական խմբեր: Սերոբը մեծ ուշադրութիւն է դարձնում չըջանի զինման



վրայ. յաճախ բռնութեամբ ստիպում է ունեւոր գիւղացիներին  
զէնք զնել եւ կովկասից էլ զէնք է ստանում մարտական խմբերի  
եւ ժողովրդի զինման համար: Եւ Սերոբի հմուտ ղեկավարու-  
թեան տակ Ախլաթ-Բաղէշում ուժեղ կազմակերպութիւն է ըս-  
տեղծուում:

Կառավարութիւնը, բնականաբար, չէր կարող հանդուրժել  
Սերոբի ներկայութիւնը Ախլաթում: Նա մի քանի անգամ փորձեց  
ձեռք ձգել նրան, Սոխորդ գիւղը ենթարկուեց խուզարկութիւննե-  
րի ու թալանի. Սերոբի ոչ ոք եղբայրը եւ կինը ձերբակալուեցին  
եւ Մուշի բանտը նետուեցին, քար ու քանդեղաւ Վարդանեան  
չէն տունը, բայց կառավարութիւնը իր նպատակին չհասաւ: Սե-  
րոբը մնաց ազատ լեռներում՝ ահ ու սարսափ տարածելով բռնա-  
կալ իշխանութեան, քիւրտ հարստահարիչների եւ ամէն տեսակ  
մատնիչների ու դաւաճանների վրայ: Նրա ղեկավարութեամբ,  
իրար յետեւից, չարաչար պատժուեցին մի շարք մատնիչներ, ժո-  
ղովրդին կեղեքող ոստիկաններ ու պաշտօնեաներ: Նրա հովա-  
նաւորութիւնը վայելում էին ոչ միայն հայ, այլեւ մահմեդական  
աշխատաւոր գիւղացիները, որոնց մէջ եւս մեծ էր Սերոբի հըռ-  
չակը: Անպատիժ չէին մնում եւ հայ գիւղերի վրայ յարձակում  
գործող քիւրտ աշիրէթները: Այսպէս, 1907-ին, Թեղուտ գիւղը  
թալանելու եկած հասնանցի քիւրտերը հանդիպեցին Սերոբի  
բուռն դիմադրութեան եւ չարաչար պարտուած փախան: Նման  
դէպքեր պատահեցին եւ ուրիշ գիւղերի վերաբերմամբ:

1897-ի սկիզբները դժգոհութիւն առաջ եկաւ հայդուկների  
մէջ: Սերոբը իր կնոջ՝ Սօսիին էլ պահում էր իր մօտը, լեռներում,  
մինչ հայդուկներից շատերի ընտանիքները մնացել էին իրենց  
գիւղերում՝ վտանգի ենթակայ: Ընտանիքի ներկայութիւնը, յա-  
ճախ, դժուարացնում էր Սերոբի խմբի շարժումները. հայդուկ-  
ները պահանջում էին, որ Սերոբը իր ընտանիքը հեռացնէ ուրիշ  
ապահով մի վայր, բայց Սերոբը չէր համաձայնուում: Այս դետնի  
վրայ սուր տարակարծութիւններ ստեղծուեցին: Այս անհամա-  
ձայնութիւնները հարթելու եւ, առհասարակ, Ախլաթ-Բաղէշ-  
Տարօնի շրջանում աշխատելու համար, 1897-ի ամառը Ախլաթ ե-  
կաւ, իրրեւ կուսակցութեան ներկայացուցիչ, Գուրգէնը: Թէեւ  
դժգոհութիւնները բոլորովին չվերացուեցին, բայց Գուրգէնի  
ներկայութիւնը որոշ չափով մեղմացրեց կրքերը եւ նոր թափ  
տուեց շրջանի կազմակերպական աշխատանքին: Սերոբն ու Գուր-  
գէնը, սիրով ու համերաշխ, վերակազմում եւ ամուր հիմքերի  
վրայ են դնում Բաղէշի շրջանը: Սերտ գործակցութիւն են հաս-  
տատում Տարօնի հետ, ուր կենտրոնական ղեկավար դէմք էր  
դարձել Հրայրը: Սերոբ Աղբիւր, Գուրգէն, Հրայր գործում են



ձեռք-ձեռքի՝ փոխադարձաբար այցելելով նաեւ երկու շրջանները :

Գուրգէնը Ախլաթ-Բաղէշի շրջանում իր գործը լրացնելուց յետոյ՝ անցնում է Սասուն : Սերոբը շարունակում է յեղափոխական աշխատանքը Ախլաթի շրջանում : Գուրգէնի հեռանալուց յետոյ, նորից, աւելի սուր ձեւով, արծարծւում են դժգոհութիւնները հայդուկների մէջ, որոնց մի մասը բաժանւում է նրանից : Սերոբի համար ստեղծւում է գժուար կացութիւն : Միւս կողմից՝ կառավարական հետապնդումներն էլ երթալով սաստկանում են : Բարչէն գիւղի մեծ կուռից յետոյ, 1898 թ. Հոկտեմբերին, ուր թշնամին ծանր կորուստներ ունեցաւ, Սերոբը այլեւս չկարողացաւ մնալ Ախլաթում եւ ընտանիքով ու մի քանի մարտիկներով անցաւ Սասունի լեռները, ուր 1899-ին, Գէլիգուղան գիւղում, կառավարութեան ձեռքին գործիք դարձած մի քանի դաւաճան հայերէ՛ կողմից թունաւորուեց եւ սպանուեց գիւղը պաշարած ասկեարների ձեռքով : Սպանուեցին նաեւ իր մէկ եղբայրը եւ հեւը եղած մի քանի ընկերները : Կինը՝ Սօսին վիրաւոր՝ գերի տարուեց : Սերոբի գլուխը կտրուեց եւ տարուեց Մուշի ցուցադրութիւն ամբոխին : Կառավարութիւնը եւ մահճետական խուժանը հանդէս ու խրախճանք սարքեցին Սերոբի մահուան առթիւ, մինչ հայերը սգի մէջ էին :

Սերոբի սպանութիւնից յետոյ՝ նրա գործակից հայդուկների մի մասը ցրուեց դանաղան կողմեր. ոմանք էլ մնացին Ախլաթում, շարունակեցին գործել եւ հետզհետէ զոհուեցին կռիւներում . ճարտարը մի շարք ընդհարումներից յետոյ, ընկաւ Գրգուռի բարձունքներում . Մուշեղը, որ քաջութիւնների մասին երգեր էին յօրինել քիւրտերը, երկու ընկերների հետ դաւադրաբար սպանուեց քիւրտերի ձեռքով, երբ հիւր էր դաւաճան հայ ընտանիքիքում :

Ինքնարոյս տաղանդ էր Սերոբը՝ աւելի նպաստաւոր պայմաններում մեծ առաջնորդ լինելու սահմանուած : Ուժեղ անհատականութիւն, կաղմակերպական բարձ կարողութիւն, հզօր ու վճռական կամք, աներեր բազուկ, միեւնոյն ժամանակ զգայուն սիրտ ու մեծ սէր դէպի իր ազգը, եւ, առհասարակ, դէպի ճնշուած ու հարստահարուած ժողովուրդը, բուն ատելութիւն բռնութեան եւ բռնակալների հանդէպ — ահա Սալոյ Զորի առիւծ Սերոբ Աղբիւրը, որին մեծարելու համար ժողովուրդը «փաշա» տիտղոսն էր տուել եւ որին բանաստեղծը այնպիսի՛ ջերմ տողեր էր նուիրել .

Նեմբութայ սարը հաղար ահ ունի,  
Հազարն էլ Մշու դաշտն ի վար կ'երթայ .



Մենակ Աղբուրի աղբիւրը սրաի  
Խեղճ ժողովրդի սրաի մէջ կ'երթայ —  
Ազատ օրերի, դալար օրերի  
Ծարաւ վաթանի սրտի մէջ կ'երթայ...

## ԱՆԴՐԱՆԻԿ

Մայր բնութիւնից եւ բախտից սարգեւատրուած բացառիկ անհատներից էր Անդրանիկը եւ բացառիկ վիճակի արժանացաւ նա հայոց պատմութեան մէջ: Եթէ ժողովրդական կամ ազգային հերոս բառը որոշ իմաստ ունի, Անդրանիկը եղաւ բառիս ամենալայն մտքով ազգային հերոս, որի ճակատը դափնէ պսակով զարդարեցին «Հայոց Կուսանք» եւ հայ աշուղները փառքի երգեր ձօնեցին նրան:

Ինչպէս մեր բոլոր հերոսները, Անդրանիկն էլ համեստ ծագում ունէր. ծնուած էր 1866 թ., Շապին Գարահիսարցի ատաղձագործի մի ընտանիքում: Տարրական ուսում առնելով՝ ինքն էլ հետեւեց ատաղձագործութեան արհեստին: 17 տարեկան հասակին ամուսնացաւ եւ հազիւ մի տարի անցած այրիացաւ: Այնուհետեւ պսակուեց հայրենիքի հետ:

Պատանի հասակից սկսած Անդրանիկը աչքի էր ընկնում ուշիմ եւ ըմբոստ ընաւորութեամբ: Խաղընկերների հետ միշտ առաջնորդողի դերում էր. մեծ տենչ ունէր նախաձեռնելու, իշխելու եւ հրամայելու:

Իննսնական թուականների սկիզբը արդէն Անդրանիկը յեղափոխական խմբակի մէջ էլ՝ Վռամշապուհ քահանայի (հետագային եպիսկոպոս Փարիզում) գլխաւորութեամբ: Մատնութեան հետեւանքով, սակայն, ձերբակալուեմ է եւ բանտից ազատուելով՝ մեկնում է Պոլիս, ուր շարունակում է իր ատաղձագործական արհեստը: Պապը Ալիի ցոյցից յետոյ, անցնում է Կովկաս՝ Երկիր մեկնող հայդուկային խմբերին միանալու նպատակով: 1897 թ. Յուլիսին, Վաղգէնի խմբի հետ, Սալմաստից մտնում է Վան, այնտեղից՝ Ախլաթ ու Տարօն, ուր մի քանի տարի, իբրեւ սպարզ զինուոր, դործում է Սերոբ Աղբիւրի եւ Գուրգէնի խմբերում՝ մասնակցելով բազմաթիւ կռիւների, մասնաւորապէս, Առաքելոց վանքի պատմական կռուին: Ի միջի այլոց, Անդրանիկի եւ մի քանի հայդուկների դործն էր Աղբիւր Սերոբի սպանիչ Պշարա Խալիլի ահարեկումը:





ԱՆԴՐԱՆԻԿ



Անդրանիկի անունը, սակայն, առանձնապէս լայն հռչակ ստացաւ 1904-ին, երբ նա իր զինակիցները կողմից ընտրուեց Սասունի ազատամարտի ղեկավար: Իր հետ էին անուանի հայդուկներ՝ Սեբաստացի Մուրատը, Գէորգ Չաւուշը, Սեպուհը, Կայծակ Առաքելը, Սէյտո Պօղոսը, Կիւմիւշխանեցի Աւօն եւ այլ կըտրիճ մարտիկներ, ինչպէս նաեւ Դաշնակցութեան ներկայացուցիչ Վահանը, Հրայր Դժոխքը եւ ուրիշներ: Անդրանիկը արժանացաւ ընդհանուր խմբապետութեան մեծ պատուին իր մարտական եւ կազմակերպական շնորհների պատճառով: Նա զինուորական էր ծնած եւ հայդուկային-խմբական կռիւները նրա բնական տարերքն էին կազմում: Անվախ, յանդուզն, նախաձեռնող, ուժեղ կամքի եւ երկաթէ բազուկի տէր, պաղարիւն եւ տեսանող ու պայմաններին արագ յարմարուող եւ անհնարին կացութեան մէջ իսկ շուտով ելք գտնող՝ Անդրանիկը ստեղծուած էր պատերազմի եւ հրամանատարութեան համար: Իր վագրանման արտաքինն էլ նպաստում էր այդ դերին: Դաժան ու երկաթէ կարգապահութիւն սրահանջող կռիւներում եւ ընկերական՝ խաղաղութեան օրերին:

Սասունի ազատամարտը ճնշուեց. շատ մարտիկներ, որոնք շտապեցին «օգնելու Անդրանիկին», նահատակուեցան: Եւ եթէ Սասունի կռուող ուժերն էլ չոչնչացան, Անդրանիկի արտակարգ հնարամտութեան պէտք է վերագրել նրանց ազատութիւնը:



ԱՌԱՔԵԼՈՑ ՎԱՆՔԻ ԹԱՐԳՄԱՆՉԱՑ ԳԵՐԵԶՄԱՆՆԵՐԸ



ձեռքբերով թշնամու շղթան, Անդրանիկը եւ ընկերները անցան դէպի Ախլաթ, նաև նստան եւ ապաստանեցան Աղթամար կըղպին, որտեղ կռիւ ունեցան թուրք զինուորների հետ եւ, խաբելով թշնամուն, նաևով հասան Վան ու այնտեղից՝ Պարսկաստան ու Կովկաս:

Սասունի հերոսական կռիւները արտասովոր հմայք առաջ բերին ժողովրդի մէջ Անդրանիկի անուան շուրջ: Նա դարձաւ մի տեսակ խորհրդանիշ՝ յեղափոխական մարտիկների բոլոր առաքինութիւնների ու քաջագործութիւնների: «Անդրանիկը քաջ» Դաշնակցական հայդուկի տիպար էր ժողովրդի աչքին: Նրա արեւով երդում էին. նրա անունն էին տալիս նոր ծնունդ մանչերին:

Կովկասից Անդրանիկը անցաւ արտասահման՝ ապրելով մերթ ժընեւում, մերթ Եգիպտոսում, մերթ Բուլղարիայում՝ մասնակցելով Դաշնակցութեան կարեւոր ժողովներին ու ձեռնարկներին: Ժընեւում նա թելադրեց իր յուշերը, որոնք յետոյ լոյս տեսան «Հայրենիք» ամսադրում: Ֆիլիպէում, Ռ. Զարդարեանի աջակցութեամբ, կազմեց «Մարտական Հրահանգները», որոնք հրատարակուեցին «Դրօշակ» մատենաշարում: 1907-ին մասնակցեց Հ. Յ. Դ. Չորրորդ Ընդհ. ժողովին, Վիեննայում, Վարդանի, Նիկոլ Դումանի, Մուրատի, Սեպուհի, Սաքոյի եւ ուրիշ խմբապետների հետ միասին:

Օսմանեան Սահմանադրութիւնը չոգեւորեց Անդրանիկին, նա չէր հաւատում թուրքերի անկեղծութեան, ոչ էլ նրանց բարենորոգուելու ընդունակութեան: Կարճատեւ այցելութիւնից յետոյ Պոլիս՝ նա վերադարձաւ Բուլղարիա, ուր, 1912-ին, Բալկանեան պատերազմի օրերին, կազմեց կամաւորական խումբ եւ մասնակցեց պատերազմին թուրքերի դէմ:

1914-ի ամառը, երբ սկսուած էր համաշխարհային պատերազմը, Անդրանիկը, պատասխանելով Հ. Յ. Դ. Բիւրոյի հրահանգին, փութաց Թիֆլիս, ուր դործօն մասնակցութիւն ունեցաւ կամաւորական զնդերի կազմութեան մէջ եւ ստանձնեց առաջին զնդի հրամանատարութիւնը՝ անցնելով պարսկական ճակատ, ուր մասնաւորապէս մեծ հմտութեամբ վարեց Դիլմանի ճակատամարտը եւ հետապնդեց Սալիլ փաշայի նահանջող զօրամասերին: Այնուհետեւ, նահանջի ու յառաջխաղացման օրերին, մերթ ուղմաճակատում, մերթ թիկունքում, մերթ սղեւորուած ու դործօն, մերթ դժգոհ ու հոգեկան խռովքի մատնուած, շարունակեց մնալ հայ կեանքի առաջաւոր դիրքերում, մինչեւ կամաւորական զնդերի լուծումը եւ մինչեւ ցարական զահի խորտակումը, 1917 թ. Փետրուարին:

Հայ ժողովրդին բաժին հասած աղէտները չափազանց ծանր



ազդեցին Անդրանիկի մաքի ու հոգու վրայ: Եղան պահեր, երբ նա կորցրեց հոգեկան հաւասարակշռութիւնը, բայց հայրենիքի սէրն ու զօրաւոր կամքը թոյլ չտուին, որ հեռանայ ու քաշուի ազգային գործերից:

Կամաւորական գնդերի լուծումից յետոյ, որոշ ժամանակ անցած, Անդրանիկը նորից անցաւ գործի՝ զբաղուելով առաւելապէս արեւմտահայութեան վերաբերող կազմակերպական, հոգատարական եւ պաշտպանութեան հարցերով: Իրեն յայտարարեց հրաժարուած Դաշնակցութիւնից, ձեռնարկեց «Հայաստան» թերթի հրատարակութեան, մասնակցեց արեւմտահայ համագումարներին եւ Ապահովութեան Խորհրդի աշխատանքներին, իրրեւ Հայկական Զօրաբաժնի հրամանատար, զօրավարի աստիճանով գնաց ճակատ, բայց տարերային թափով զարգացող դէպքերը այլեւս վեր էին մարդկային ուժերից: Կարինի անյաջող պաշտպանութիւնից յետոյ, Անդրանիկը նահանջեց Կովկաս եւ մերժելով նորաստեղծ Հանրապետութեան ճանաչումը, իր զօրամասով, անցաւ դէպի Պարսկաստան՝ կամենալով միանալ անգլիական բանակի հետ: Այս ձեռնարկում էլ ձախողեց. վերադարձաւ Զանգեզուր եւ պաշտպանեց այս շրջանը, մինչեւ անգլիացիները երեւումը, որոնց ստիպումով հեռացաւ էջմիածին: Այստեղ իր զօրամասը ցրեց, գէնքն ու ռազմամթերքը յանձնեց կաթողիկոսին եւ չկամենալով ապրել նորազատ Հայաստանում՝ մեկնեց արտասահման, ի վերջոյ, հաստատուելով Քալիֆօրնիայի Ֆրէզնօ քաղաքում, ուր եւ վախճանուեց 1927 թ., Օգոստ. 31-ին: Իր վերջին խօսքը եղաւ՝ «Գործս կէս մնաց»...

Տխուր եղան Անդրանիկի կեանքի վերջին տարիները: Արծիւը չէր կարող երջանիկ լինել հաւանոցում: Անքաւելի վրէպումներ ունեցաւ հայրենիքի եւ իր իսկ անձի հանդէպ: Ժողովուրդը, սակայն, ներեց այդ ամէնը եւ շարունակում է ու պիտի շարունակէ նուիրումով ու պաշտամունքով յիշել նրա հերոսական անունը: Ու երգել—

Իրրեւ արծիւ սաւառնում ես սարէ-սար...

Անդրանիկի աճիւնները այժմ հանդիւսում են Փարիզի Փէր Լաշէզ դերեզմանատանը, Գրիգոր Օտեանի, Ա. Ահարոնեանի, Ա. Խատիսեանի դամբաններից ոչ հեռու: Նրա փափաքն էր թաղուել Հայաստանում, բայց Հայաստանի նոր վարիչները մերժեցին կատարել նրա բաղձանքը՝ «յիւրսկն եկ եւ իւրքն գնա ոչ ընկալան»...



# ՏԻԳՐԱՆ ՏԷՐՈՅԵԱՆ

## ՎԱՁԳԷՆ

Վազգէնը, բուն անունով Տիգրան Տէրոյեան, ծնունդ էր Վանում, 1873-ին, արհեստաւորի ընտանիքում: Յանկոյսների նախակրթարանը աւարտելուց յետոյ, մտել էր Փորթուղալեանի Հայկազեան-Կենտրոնական դպրոցը, որ Հայրենասիրական-յեզափոխական խմորումների հնոց էր այն օրերին: Այստեղ հասունացաւ այն սերունդը, որ ծնունդ տուեց Արմենականութեան: Վազգէնն էլ դաստիարակուեց նոյն միջավայրում:

1885-ին կառավարութիւնը փակեց Փորթուղալեանի դպրոցը: Վազգէնը, առանց աւարտելու, նետուեց կեանքի ասպարէզ՝ նախ, իրրեւ դերձակի աշկերտ, ապա՝ ուսուցիչ: Զգայուն սրտի եւ ըմբոստ բնավորութեան տէր, տողորուած ազգասիրական գաղափարներով՝ Վազգէնը դպրոցում թէ դուրսը հետեւում էր Հայրենասիրական խմորումներին եւ պատրաստում յեզափոխական գործունէութեան: Նրա վրայ ցնցող տպաւորութիւն դործեց Գոլոշեանի եւ Ադրիպասեանի նահատակութիւնը 1889-ին: Իր հոգեկան զեղումները, այդ առթիւ, նա արտայայտեց «Հառաչանք Ադրիպասեանի» ընդարձակ մի ոտանաւորով, ուր, ի միջի ալոց, կան հետեւեալ տողերը.

Թո՛ղ, քո՞ղ որ հոսի կողերէս արիւն,  
Եւ ներկուիմ այս դաշտօք անմշակ հայուն.  
Մի՛նչեւ որ այս հողը կարմիր չդառնայ,  
Հայու սիրտը անոր վրան չի տաքնայ:

Գրում է եւ ուրիշ ոտանաւորներ, հաւաքում է ազգային յեզափոխական երգեր, որոնք յետոյ լոյս տեսան առանձին հատորով՝ «Վազգէն Երզարան»՝ Բոստոնի «Հայրենիք»ի տպագրութեամբ:

Վազգէնը դեռ որոնումների մէջ էր, երբ Վանում սկսում է իր գործունէութիւնը Պետօն՝ հիմք դնելով Դաշնակցութեան: Պետօն ասլրում էր Վազգէնենց տունը եւ Վազգէնը շուտով մըտերմանում է նրա հետ, մտնում է Դաշնակցութեան շարքերը եւ դառնում Պետոյի հաւատարիմ գործակիցը: Արդէն իր տարերքի մէջ էր նա՝ ուսուցիչ ու միաժամանակ յեզափոխական գործիչ: Կազմակերպում ու վարում է երիտասարդական խմբեր, օգնում է Պետոյին կուսակցական աշխատանքներում: Տէրոյենց տունը դառնում է Դաշնակցական ընկերների ժամադրավայր:

1893-ին Վազգէնը ձերբակալուում է եւ մի տարի պահուում



բանտում: Բանտից ազատ արձակուելով՝ այլեւս զրկւում է ուսուցչութիւն անելու իրաւունքից: Նա դառնում է գաղտնի գրավաճառ, յեղափոխական գրականութիւն տարածող եւ Դաշնակցութեան քարոզիչ ու կազմակերպող՝ քաղաքում եւ շրջակայ գիւղերում: Պետոյի եւ Վազգէնի ջանքերով Դաշնակցութիւնը հետզհետէ դրաւում է քաղաքի եւ գիւղերի երիտասարդութիւնը: Ինքնապաշտպանութիւն եւ զինում ու զինավարժութիւն, Պարսկաստանից զէնքի փոխադրութիւն, մարտական խմբերի կազմակերպում եւ յեղափոխական գաղափարների տարածում ժողովըրդի մէջ — այս է լինում Վազգէնի գլխաւոր գործը՝ Պետոյի առաջնորդութեամբ: 1895 թ. աշնան նա անցաւ Սալմաստ եւ այնտեղից 60 հոգիների հայդուկային խմբով վերադարձաւ Վան՝ բերելով հրացան ու փամփուշտ: Ճանապարհին ունեցաւ ընդհարում քիւրտերի հետ, բայց ապահով հասաւ տեղ: Այս դէպքը առանձնապէս բարձրացրեց Վազգէնի հմայքը ընկերների եւ ժողովրդի աչքին:


1896 թ. Մայիսին Դաշնակցութիւնը Վանում, ըստ Պետոյի, արդէն ունէր մօտ 50 այրերի եւ 20-ի չափ կանանց խմբեր\*): Կարճկան, Մոկս, Ռշտունիք, Սպարկերտ, Կարկառ, Շատախ, Հայոց Ձոր եւ այլ վայրեր եւս կազմակերպուած էին: Կենդանի յարաբերութիւն կար Վանի եւ Բաղէշ-Ախլաթի (Սերոբ Աղբիւր), Տարօնի ու Բասենի (Հրայր), Կարինի (Ար.Արամեան) եւ ուրիշ շրջանների հետ: Պետոյի եւ Վազգէնի ջանքերով Դաշնակցութիւնը այլեւս սլատկառելի ոյժ էր Վասպուրականում. «ընդհանրապէս, կարելի է ասել, դրում էին Պետօն ու Վազգէնը 1896 թ. Մայիսին, Դաշնակցութիւնը բացարձակ տարածուած է Վասպուրականում. 9 գաւառ կապուած է մեզ հետ»\*\*): Կազմակերպուած խմբեր ունէին եւ Արմենականներն ու Հնչակեանները:

1896 թ. Յունիսին տեղի ունեցաւ Վանի «Մեծ Դէպքը»: Թուրք կռուավարութիւնը փորձեց կոտորել Վանի հայութիւնը: Երեք կուսակցութիւնները միացած, ամբողջ մի շաբաթ, բուռն դիմադրութիւն ցոյց տուին: Վազգէնը ինքնապաշտպանութեան ղեկավարներից էր, Շան թաղի կռիւների ոգին: Պատմութիւնը ծանօթ է. յեղափոխականները, հիւպատոսների միջամտութեամբ, հեռացան քաղաքից եւ Պետոյի, Արմենական Աւետիսեանի եւ Հընչակեան Մարտիկի գլխաւորութեամբ նահատակուեցան Պարսկաստանի ճանապարհին: Վազգէնը, Վարազի սարից, վերադարձաւ Վան եւ անտանելի սպայմաններում առանց ընկճուելու, շարունակեց Դաշնակցութեան գործը: Նրա յամառ ջանքերով յու-

\*) «Դիւան Է. Յ. Դ.», Ա., էջ 369:

\*\* ) Անդ, էջ 372:





ՎԱԶԳԻՆ ՏԵՐՈՅԵԱՆ

տալքումը հեռզհեռէ մեղմացաւ եւ քայքայուած կազմակերպութիւնը վերականգնուեց: Պետոյի աշակերտ Վազգէնը դարձաւ նրա արժանաւոր յաջորդը: Նրա գրած թղթակցութիւնները «Դրօշակ»ին, զեկուցումներն ու նամակները ցոյց են տալիս, որ յանձին Վազգէնի Դաշնակցութիւնը ունէր հասուն մտքի եւ աննըկուն կամքի տէր կազմակերպիչ ու ղեկավար Վասպուրականում, ռազմիկ ու քարոզիչ եւ անձնուէր ժողովրդական գործիչ: Թէեւ



Պետոյի, ապա Վարդգէսի ու Կոմսի եւ Արամի պէս, նա էլ այն տեսակէտին էր, որ յեղափոխութիւնը պէտք է լինի տեղական զանգուածային շարժում՝ ժողովրդից բխած ընդհանուր դործ, բայց միեւնոյն ժամանակ անհրաժեշտ էր համարում եւ յարատեւ կռիւր ցոյցերի, ահարեկումների եւ խմբական գործողութիւնների միջոցով: Ընդհ. ժողովի գումարման առթիւ, Վասպուրականի Կենտր. Կոմիտէի կողմից, 1896 թ. Դեկտ. 23, Վաղդէնի ձեռքով դրուած նամակում ձեւակերպուած են նրա մըտքերը.

«Գործունէութեան մասին մեր կարծիքն է. եղած պատրաստի ուժերով կռիւր շարունակել անընդհատ: Յոյցեր, շարժումներ անպակաս անել թէ՛ քաղաքներու եւ թէ՛ դաւառներու մէջ: Նոր շարժումներու համար պատրաստուիլ ե՛ւ Պոլսի մէջ, որտեղի շարժումները ամենէն աւելի արձագանգ կը գտնեն աշխարհի մէջ: Փորձերը ցոյց տուած են այս:

«Ամէն ջանք թափել ունիւր եւ դինամիտ ներմուծել գաւառները, որոնք սպստամբական մեծ շարժումներու ժամանակ շատ դործ կարող են կատարել:

«Տեւորը, անհատական գործունէութիւն, որ շատ տեղեր աւելորդ համարուած է, մեր շրջանակի համար անհրաժեշտ է միշտ իր բարոյական բարձր ազդեցութեան համար»:

Առաջարկուած է դինուորական կենտրոնացումներ անել լեռնային շրջաններում, «ժողովուրդը իր դրամով դինել», գործակցութիւն հաստատել ասորիների եւ երիտասարդ թուրքերի հետ, պատրաստուիլ ընդհանուր սպստամբութեան համար\*):

Թէ ի՞նչ պայմաններում էր աշխատում Վաղդէնը, երեւում է թագստոցից գրած նրա 1896 թ. Նոյ. 4 նամակից. — «Մինչև այսօր յարաբերութենէ բոլորովին զրկուած եմ, որովհետեւ անձնական տկարութիւնս եւ վէրքերս չափազանց կը տանջէին ինձ: Խոնաւութեան սարսափելի ազդեցութիւնը ամբողջ մարմինս մնասեց, առաջացաւ քանի մը տեսակ հիւանդութիւն, որոնց մէջ կը տառապիմ ցարդ եւ, ինչպէս կ'երեւի, ամբողջ ձմեռ արուեստական միջոցներով պիտի սլահպանեմ կեանքս, թէ կրցայ: Իսկ վէրքերս բոլորովին անխնամ մնալէն՝ ահագին ուռեցքներ առաջացան, որոնք վերջէն բոլորն ալ վէրքեր դարձան: Այսօր միայն առաջին անգամ հանդիստ կը զգամ եւ կը դրեմ այս նամակը»\*\*):

Վաղդէնին մեծ վիշտ ու տառապանք էր պատճառում նաեւ Տօր եւ իր գործակից քրոջ՝ Զարուհիի բանտարկութիւնը իր պատճառով: Սակայն եւ այնպէս, նա անվհատ շարունակեց յե-

\*) «Դիւան Է. Յ. Դ.», Բ., էջ 324-26:

\*\*\*) Անդ, էջ 296:



զափոխական գործը եւ հրճուանքով հաղորդում էր արտասահմանի ընկերներին, որ 1897 թ. գարնան Դաշնակցութիւնը արդէն վերակազմուած է քաղաքում եւ դաւառներում:

1897-ի գարնան եւ ամառը Պարսկաստանում պատրաստում էր Սանասորի արշաւանքը, որի շուրջ սուր տարակարծութիւններ կային: Վազգէնն էլ Վարդանի, Իշխանի եւ ուրիշների հետ համամիտ չէր մեծ արշաւանքին դրսից: Յունիսի վերջերը նսանցնում է Սալմաստ, ծանօթանում է գործերի դրութեան ու կատարուած աշխատանքներին եւ համաձայնութեան է դալիս կատարուելիք ձեռնարկի շուրջ: Որոշում է մարտիկների եւ ռազմամթերքի մի մասը մտցնել Վասպուրական, իսկ մնացածով կազմակերպել արշաւանքը: Վազգէնը ինքն էլ, Յուլիս 15-ին, 30 ընկերներով եւ որոշ քանակութեամբ զէնքով, մեկնեց Վան: Նրա հետ էին արդէն հռչակ ստացած հայդուկներ Միքօն, Բաղիկը եւ Գուրգէնը: Ճանապարհին, Սպահան լճի մօտ, բուռն ընդհարում ունեցաւ քիւրտերի հետ եւ ապահով հասաւ Վան:

Սանասորի արշաւանքից յետոյ, Վասպուրականի վիճակը նորից ծանրացաւ: Կառավարութիւնը խիստ միջոցներ ձեռք առաւ յեզափոխականների եւ, մասնաւորապէս, Վազգէնի դէմ: Այլեւս անհնար էր մնալ Այդեաստանում: Եւ տեսնելով, որ իր պատճառով կարող է տուժել Ժողովուրդը, Վազգէնը երկու զինակից ընկերների՝ Մուքոյի եւ Արշակ Չալկադրեանի հետ, ձմրան ձիւն ու ցրտին, հեռացաւ քաղաքից՝ շարունակելու համար աշխատանքը դաւառներում: 1898 թ. Յունուար 2-ին, երբ նրանք ապաստանած էին Կուռուպաշ գիւղի մի ջրաղացում, յանկարծ, պաշարուեցին թուրք զօրքերով: Վազգէնը, Մուքօն եւ Արշակը փորձեցին խուսափիլ դէպի Վարազ, եւ երեքն էլ սպանուեցին զինուորների գնդակներից:

Վազգէնի մահը ծանր հարուած եղաւ Հ. Յ. Դաշնակցութեան եւ Վասպուրականի հայութեան, որոնք դառնօրէն ողբացին նրա կորուստը:



## ՎԱՐՂԳԷՍ

Ծնուած էր Կարինում, 1871-ին: Բուն անունն էր Յովհաննէս Սէրէնկիւլեան: Դաշնակցութեան մէջ սկզբի տարիներին յայտնի էր Գիսակ եւ Զարմայր անուններով, ապա՝ Վարդգէս: Ուսումը ստացել էր Սանասարեան դպրոցում, որը աւարտելուց յետոյ, ութսունական թուականների վերջերին, մտել էր ուսուցչական ասպարէզ:

Վառվառն, բնաւորութեամբ ըմբոստ՝ Վարդգէսը արդէն աշակերտական նստարաններից սկսել էր հետաքրքրուել ազգային-յեղափոխական հարցերով: Հակառակ տիրող խիստ կարգերի՝ հայրենասիրական դաշակարները եւ արգելուած դրականութիւնը Սանասարեան դպրոցի պարիսպներից ներս էլ թափանցում էին, եւ աշակերտութիւնը ազահութեամբ կարդում էր Բաֆֆիի, Գամառ Քաթիպայի, Ալիշանի, Պրիմեան Հայրիկի գործերը: Շատերի հետ Վարդգէսն էլ վառուած էր հայրենասիրական կրակով: 1890 թ. Յունիսի ցոյցին նա էլ մասնակցեց ու ձերբակալուեց: Եւ ներումով ազատ արձակուելով՝ ուսուցչութեան պաշտօնով փոխադրուեց Պոլիս:

1892-ի վերջերը Պոլիս անցաւ Յ. Իւսուֆեանը, իբրեւ Դաշնակցութեան ներկայացուցիչ եւ հիմք դրեց Պոլսի Դաշնակցական կազմակերպութեան: Շուտով նրա շուրջ համախմբուեց դաշակարական երիտասարդութիւնը՝ Բարկէն Սիւնի, Վռամեան, Անդրէասեան, Գնունի, Ա. Միսաքեան, Եղիպտացի եւ ուրիշ շատեր: Դրանց թւում էր եւ Սէրէնկիւլեանը՝ Զարմայր եւ Գիսակ կեղծանուններով, որ, մասնաւորապէս, երիտասարդ սերնդի մէջ, մեծ հմայք էր վայելում՝ շնորհիւ իր դիւրահաղորդ, հրապուրիչ ու համարձակ բնաւորութեան: Միաժամանակ յեղափոխութեան նուիրուած լուրջ ու եռանդուն գործիչ էր:

Բանկ Օթոմանի ցոյցի նախապատրաստական աշխատանքներում Վարդգէսն եւս բաժին ունեցաւ, բայց դէպքից առաջ մատնութեամբ բանտարկուեց եւ բանտում պահուեց մինչեւ 1897 թ. սկիզբները, որից յետոյ ներումով ազատ արձակուեց: Համիտի բռնակալութեան տակ սովորական երեւոյթ էր հարիւրներով մարդիկ ձերբակալել, ամիսներով ու տարիներով առանց դատ ու դատաստանի բանտում պահել եւ յետոյ՝ այս կամ այն մեծ պետութեան ճնշման տակ ազատ թողնել:

Վարդգէսը որոշ ժամանակ էլ մնաց Պոլսում, գործեց Յոնան Դաւթեանի հետ, որ մի քանի ամիս մնաց Պոլսում, կուսակցական աշխատանքի համար: 1899-ի վերջերը Վարդգէսը անցաւ Բուլգարիա, ուր շարունակեց կուսակցական աշխատանքը, եւ այն-





Վ. ՏԱԹԵԻՆԱՆ, ՎԱՐԴԳԷՍ, ԲԱՐՍԵՂ ՇԱՀԲԱԶ

տեղից էլ մեկնեց Կովկաս՝ Երկիր մտնելու նպատակով: Դեռ Պոլիս եղած ժամանակ նա լայն յարաբերութեան մէջ էր Երկրի կոմիտէների եւ ընկերների հետ: Մշտական թղթակցութեան մէջ էր նաեւ Կարինի եւ Վանի ընկերների, մասնաւորապէս, Արամ Արամեանի եւ Վաղզէնի հետ: Երկիրը հրապուրում էր նրան արկածալից, յանդգնութիւն ու ճարպիկութիւն պահանջող գործերով, որոնք լիվին համապատասխանում էին նրա խառնուածքին եւ ասորումներին:

Շուրջ տարի ու կէս Թիֆլիսում, Ալեքսանդրապոլում եւ Կարսում անցնելուց յետոյ, 1901 թ. դարնան, իբրեւ կուսակցութեան ներկայացուցիչ, Վարդգէսը անցաւ Վան: Պոլսի եւ Բալկանների կազմակերպական փորձառութեամբ զինուած, գործնական մտքերի տէր, բարեհամբոյր եւ ջերմ վերաբերումով դէպի շրջապատը, խիստ կարգապահութեան հետեւող, ապրելակերպով պարզ ու շարքաշ, խանդավառօրէն նուիրուած յեղափոխական գործին՝ Վարդգէսը կարճ ժամանակում հաւաքեց ու կազմակերպեց Վաղզէնի սղանութիւնից յետոյ ցրուած ու բարոյալքուած ուժերը: Քաղաքի խմբերը վերակազմելուց յետոյ՝ ջանաց վերականգնել նաեւ դաւառական խմբերը: Մօտիկ յարաբերութիւն եւ սերտ գործակցութիւն հաստատեց Տարօնի գործիչներին՝ Հրայրի, Վահան Տողրամաճեանի եւ ուրիշների հետ: 1902-ին Վան եկու Հրայրը՝ Վարդգէսի հետ խորհրդակցելու ընդհանուր գործունէ-



ութեան մասին : Նոյնք միասին կազմեցին ապագայ աշխատանքների ծրագիր եւ կազմակերպական ընդհանուր կանոններ երկու շրջանների համար :

Վարդգէսի կարծատեւ շրջանում Վանի Դաշնակցութիւնը, Պետոյի եւ Վազգէնի սպանութեան հետեւանքով առաջացած քայքայումից յետոյ, վերակազմուեց եւ զօրացաւ : Վարդգէսը առանձնապէս աշխատեց առաջ քաշել տեղական ուժերը եւ ժողովրդական հիմքերի վրայ դնել կուսակցութիւնը : Եւ այդ ուղղութիւնը ջերմ համակրանք դառաւ ընկերական շրջաններում :

Դժբախտաբար, Վանում երկար չկարողացաւ մնալ Վարդգէսը : Մասնութեան հետեւանքով, ձերբակալուեալ է 1903 թ. Յունուարին : Մատնիչը՝ Յովհ. Սէմէրճեան, ձերբակալութիւնից ութ օր վերջը, ահաբեկուած է Ծուռ Դաւոյի ձեռքով, որ ցնցող տպաւորութիւն գործեց հասարակութեան եւ կառավարութեան վրայ :

Մօտ տարի ու կէս Վարդգէսը մնաց Վանի բանտում՝ եւ բանտից մասնակցելով կուսակցական աշխատանքներին՝ իբրեւ կենտր. կոմիտէի անդամ : Շնորհիւ իր մտաւոր զարգացման, շէնչող բնաւորութեան եւ ուրիշների վրայ ազդելու կարողութեան, Վարդգէսը՝ ժողովրդականութիւն եւ մեծ հեղինակութիւն ձեռք բերեց բախտակից բանտարկեալների մէջ՝ վայելելով նաեւ բանտապահների յարգանքը. «Վարդգէսը, գրում է իր յուշերում Վահ. Փափաղեանը, բացառիկ հեղինակութիւն դարձած էր անխտիր բոլոր բանտարկեալներու եւ բանտային պաշտօնէութեան մէջ, բացի Փէտայիներու «մեծ»ի տիտղոսէն, որ ինքնին մեծ արժէք էր, ան հազուադիւսօրէն օժտուած էր մարդկանց յարգանք ներշնչելու, իրեն ենթարկելու կարողութեամբ. ինքն եւս չէր խնայեր իր բարոյական եւ նիւթական օժանդակութիւնը բախտակիցներուն. աներկիւղ պաշտպան էր անոնց եւ վերին դատաւոր միանգամայն» :

Վահ. Փափաղեանի Վան գալուց յետոյ, 1904-ի ամառը, Վանի կեդր. կոմիտէն, Վարդգէսի համաձայնութեամբ, որոշեց փախցնել նրան բանտից : Այդ նպատակով ձեռնարկուեց ական փորելու դէպի Վարդգէսի գտնուած նկուղը : Գործը յաջողուելու վրայ էր, երբ Վան հասան Սասունից Անդրանիկը եւ ընկերները : Դրա վրայ գործը մի առ ժամանակ յետաձգուեց : Յորդահոս անձրեւի հետեւանքով ականը բացուեց, եւ խիստ կարգեր հաստատուեցին բանտում : Վ. Փափաղեանը «Իմ Յուշեր»ում մանրամասնօրէն նկարագրել է այդ դէպքը (էջ 338-346) :

1896-ին Վարդգէսին եւ բանտարկեալների մի մասին Վանից փոխադրեցին Տիգրանակերտի բանտը, որ աւելի ապահով վայր էր



կառավարութեան աչքին: Վարդգէսը այստեղ էլ շուտով կապ հաստատեց դրսի հետ եւ բանտից մասնակցեց քաղաքի Դաշնակցութեան գործերին: Սկսեց թղթակցել արտասահմանի հետ՝ աշակցութեամբ դրսի ընկերների եւ, առանձնապէս, Տիգրանակերտի բողոքականներին հովուութիւն անող եւ ամերիկեան շրջանակին մօտ պատուելի Տէր-Մկրտչեանի հետ, որ ամէն կերպով օգնում էր նրան: 1908-ին, դուրս գալով բանտից, պատուելիի յարկի տակ հիւրընկալուեց Վարդգէսը:

Սահմանադրութիւնից յետոյ՝ Վարդգէսը խանդավառ ցոյցերով ընդունուեց հայրենի քաղաքում: Կարինի հայ եւ թուրք ժողովուրդը նրան ընտրեց Օսմանեան Խորհրդարանի անդամ, եւ այնուհետեւ, յաջորդաբար, նա ընտրուեց Կարինի երեսփոխան՝ գրաւելով Խորհրդարանում եւ Պոլսի ազգային շրջանակներում ազդեցիկ դիրք: Վարդգէսը ստեղծուած էր պետական եւ հանրային գործերի համար: Գործնական եւ համարձակ միտք, անոյշ ու գրաւիչ լեզու, խիզախ խօսքով ու գործով, համակրանքով ընդունուած անխտիր բոլոր շրջաններում, իր լայն ծանօթութիւններով եւ ազդեցութեամբ՝ Վարդգէսը յարգուած եւ ազդեցիկ դէմք էր ոչ միայն հայերի, այլեւ օտար հասարակութեան եւ պետական շրջանակների մէջ: Հմայք եւ հեղինակութիւն էր վայելում եւ Դաշնակցութեան մէջ, որի ներկայացուցիչն էր կառավարութեան մօտ: Մտերիմ յարաբերութիւն ունէր Իթթիհատական պետերի՝ Թալէաթի, Խալիլի եւ միւսների հետ: Եւ, սակայն, այդ մտերմութիւնը չփրկեց նրան: Թալէաթը համբուրելով մատնեց նրան՝ Ջոհրապի հետ ուղարկելով դէպի մահ՝ Ապրիլեան Եղեռնի սեւ օրերին...



## ԲԱԲԿԷՆ ՍԻՒՆԻ

Բանկ Օթոմանի դիւցազնավէպի յղացողը, կազմակերպող ոգին եւ առաջին զոհը եղաւ այս սքանչելի երիտասարդը՝ Բարկէն Սիւնի, բուն անունով Պետրոս Փարեան, ծնուած եօթանասնական թուականներին Ակնի Բինկեան դիւզացի չքաւոր մի ընտանիքում: Իր ընտանիքի եւ պատանեկան կեանքի մասին տեղեկութիւն չունինք: Յայտնի է միայն, որ մանուկ հասակից նա պանդըխտել էր Պոլիս եւ նախնական ուսումը ստանալով թաղային դպրոցում, 1887-ին մտնելով Կեդրոնական վարժարանը՝ յաջողութեամբ ավարտել: Կենտրոնականում ուսանելիս վեց ամիս բանտ էր նստել փախստական մի ընկերոջ պատճառով: Միջնակարգ կրթութիւնը լրացնելուց յետոյ՝ մէկ տարի ծառայել էր նաւի վրայ, ասպա մտել էր ուսանելու Ազապ Գափուլի նաւային վարժարանը՝ նպատակ դնելով նաւապետ դառնալ եւ այդ միջոցով ծառայել յեղափոխութեան:

Դեռ Կենտրոնականի աշակերտ՝ Բարկէնը արդէն տարուած էր հայրենասիրական-յեղափոխական գաղափարներով: Բարձր իմացականութեամբ եւ ուժեղ կամքով օժտուած, խանդավառ ու տպաւորուող, բայց եւ դործնական մտքի տէր, յամառ աշխատող, պարզ ու ժուժկալ, ընկերական եւ անկեղծ երիտասարդ՝ նա ամբողջ էութեամբ նուիրուեց հայրենիքի ազատութեան «սուրբ գործին»: Իր միջավայրը, մեծ մասամբ, գաւառական պանդուխտները եւ երիտասարդութիւնն էին, որոնց մէջ մեծ հրմայք եւ ազդեցութիւն ունէր եւ իր քաղցր բնաւորութեամբ սիրուած էր ամէնքից: Անհուն ատելութիւն էր տածում դէպի թուրք բռնապետութիւնը՝ այդ «հոտած լէշը», որի հանդէպ լեցուած էր անսահման վրէժի զգացմունքով:

1892-ի վերջերը Պոլիս էր եկել Յ. Իւսուֆեանը, իրրեւ Հ. Յ. Դաշնակցութեան ներկայացուցիչ: Շատերի հետ նրա մոզական ազդեցութեան տակ ընկաւ եւ Բարկէնը: Շուտով նա արդէն դեկավար էր նաւային ուսանողներից կազմուած «Սիւնիք» խմբի, իսկ 1895-ին՝ Պոլսի Կենտր. Կոմիտէի անդամ եւ Իւսուֆեանի անմիջական գործակից՝ Ա. Վուամեանի հետ: Նա այլեւս հանդիստ չունէր. աշխատում էր դիշեր ու ցերեկ. կազմակերպում էր, քարոզում, զբաղում էր զէնքի գործով, դրամի հանգանակութեամբ, վտանգաւոր ահաբեկումների դեկավարութեամբ, Կենտր. Կոմիտէի թղթակցութիւններով արտասահմանի եւ գաւառական մարմինների հետ, կազմակերպական ներքին աշխատանքներով: Այլեւս մինչեւ մահ նա մնաց դեկավար դիրքերում, իրրեւ Պոլսի Դաշնակցութեան ոգին ու շարժիչ ոյժը: Մինչեւ Բանկ Օթոման,



Պոլսի Հ. Յ. Դաշնակցութեան մէջ ո՛չ մէկ կարեւոր գործ տեղի չէ ունեցած, որին մասնակից եղած չլինէր Բաբկէն Սիւնին:

Յ. Իւսուֆեանը բարձր կարծիք ունէր Բաբկէնի մասին: «Դրօշակ»ի խմբագրութեան գրած իր 1895, Նոյեմբ. նամակում, օրինակ, նա հիացումով է խօսում նրա մասին. «Բաբկէն Սիւնի Ազատորդի (Սարգիս Մինասեանի) ընկերն է, բայց բոլորովին հակառակ նկարագրի տէր: Համարձակ, մարտնչող, յանդուգն, կրակոտ եւ բաւական զարգացած, առողջ գաղափարներու տէր, ամենալաւ գործիչ կարող է լինել մօտ ապագային: Շատ համակըրելի տիպ է, բնիկ դաւառացի, ամենամաքուր երիտասարդ մը: Բայց ափսոս որ աւելի չէ կարգացած. այժմ կարդալու ժամանակ չունի, որովհետեւ ամբողջապէս կլանուած է գործունէութեամբ»:

Իւսուֆեանը հեշտութեամբ մարդկանց հաւանող մէկը չէր. ընդհակառակը, խիստ էր եւ անողոք ինչպէս իր անձի, այնպէս եւ ուրիշների հանդէպ: Եւ եթէ վարպետը իր աշակերտին այսպիսի գովեստ էր շնորհում, նշանակում է, որ Բաբկէնը լիովին արժանի էր դրան:

Նա «ամբողջապէս կլանուած է գործունէութեամբ»: Բայց առաւելապէս նրան գրաւում էին մարտական գործերը՝ զէնք, ռումբ, ահաբեկում: Մանաւանդ՝ ահաբեկումը: Նա ողբերուած էր ոստիկանութեան պետ Նազըմին «ճամբելու» որոշումով: Եղիպտացիի հետ ուսումնասիրում էր «հրէշի»՝ Սուլթանի ահաբեկման ծրարիրը: Նա եղաւ գլխաւոր ընդվզողը Արփիարեանի դէմ, իրրեւ թրքական գործակալի: Մի շարք ահաբեկումներ կատարուեցին նրա անմիջական ղեկավարութեամբ: Կեանքի հետ էր խաղում, եւ կեանքը այլեւս արժէք չունէր նրա համար:

«Ամէն անգամ, երբ խորհուրդ կուտայի իր առողջութեանը հոգ տանիլ, գրում է նրա մասին Վոամեանը, «է՛հ, կ'ըսէր, պ. նախագահ, ապրածս մէկ կամ երկու տարի է, ոչ աւելի»: Ինքզինքը միշտ կը կարծէր յառաջապահ գունդին մէջ եւ իր մահը միշտ անխուսափելի կը կարծէր»:

Իրրեւ «յառաջապահ գունդի» զինուոր, 1896 թ. գարնանից Բաբկէնը բուն թափով նետուեց Բանկ Օթոմանի գործի մէջ: Առաւելապէս նրա ջանքերի շնորհիւ իրականացաւ այդ հերոսական ձեռնարկը: Նրա սրտակից ու գործակից Վոամեանը վկայում է, որ «առանց անոր Պանքայի գործն ալ դժուար կը յաջողէր»:

Բաբկէն Սիւնիի անունը կապուած է Բանկ Օթոմանի դիւցազնամարտի հետ: Նա եղաւ այդ վիպական գործի կազմակերպիչ ու գին, ընդհանուր ղեկավարն ու ներշնչողը: Եւ նա եղաւ առաջին զոհը, երբ Օգոստ. 14-ին ատրճանակներով եւ ռումբերով զին-



ուած Դաշնակցական մարտիկները մտան Օսմանեան Կայսրութեան կենտրոնական դրամատունը: Բարկէն Սիւնին, իբրեւ վերջապահ, քաջալերում եւ առաջնորդում էր ընկերներին: Թշնամու մի գնդակ զգետնեց նրան եւ ձեռքի ումբերի պայթիւնից կտոր-կտոր եղաւ նրա մարմինը, Բանկի սանդուխների վրայ: Թշնամին խուճապի մատնուած՝ յետ քաշուեց՝ որ հնարաւորութիւն տուեց բոլոր տղաներին ներս մտնելու:

Բանկի դործի ղեկավարներից Հրաչը տուել է վերջին պատկերը Բարկէնի նահատակութեան. «Դիմացս կը տեսնեմ Բարկէն Սիւնին սոսկալի վիճակի մէջ՝ զգեստները պատառոտած, այրւած, երկու ձեռքերը դաստակներէն կախուած, մսերը փրթած, դէմքը արիւնած, եւ մարմինը ընկած էր... Երեք ժամ առաջ ողջ-առողջ էր եւ տղայոց հրահանգներ կուտար. դեռ կը զգայի երկար գրկախառնութեան անուշ տպաւորութիւնը: Դեռ քիչ առաջ էր, որ «Աղատութիւն» կը պոռար ներս մտած ատենը»...

Բարկէն Սիւնիի եղերական մահը մեծ կորուստ եղաւ ոչ միայն Պոլսի, այլեւ ընդհանուր Դաշնակցութեան համար. նա «ամենալաւ դործիչ կարող էր լինել մօտ ասպազային»...



# ԱՐՏԱՇԷՍ ԱՆԴՐԷԱՍԵԱՆ

ՍՈՒՐԷՆ

Սաչիկ Գնունիի մտերիմ ընկեր, զազափարակից ու գործակից, Սամաթիայի հերոսներից էր Արտաշէս Անդրէասեանը, որ Պոլսի Դաշնակցական շրջաններում ծանօթ էր Սուրէն անունով: Բնիկ Պոլսեցի էր՝ Սամաթիա թաղից: Ծննդեան թուականը, դժբախտաբար, յայտնի չէ: Նա էլ պատանիների այն խմբից էր՝ Վռամեանի, Լեւոն Շանթի եւ ուրիշների հետ, որ ութսունական թուականներին Պոլսից ուղարկուեց Էջմիածին աշակերտելու համար Գէորգեան ձեմարանում:

Ուշիժ եւ յառաջագէժ աշակերտ էր Արտաշէսը՝ սիրուած ուսուցիչներից եւ դասակից ընկերներից: Օրինակելի էր վարք ու բարքով եւ դպրոցական պարապմունքներով: Բայց ժամանակի հայրենասիրական-ազատատենչ գաղափարներն էլ, որոնցով տարուած էր ձեմարանի աշակերտութեան մեծ մասը, օտար չէին նրա հոգուն: Արտաշէսը եռանդով մասնակցում էր աշակերտական շարժումներին վանական-կղերական մթնոլորտի դէմ:

1891-ին ձեմարանում տեղի ունեցան բուռն խռովութիւններ ճնշիչ կարգերի դէմ: Մի ստուար խումբ աշակերտներ՝ դժգոհ հեռացաւ ձեմարանից: Դրանց մէջ էր եւ Անդրէասեանը: Վերագառնալով ծննդավայր՝ նա նուիրուեց ուսուցչութեան՝ Պոլսում եւ մի տարի էլ Ռոստոստոյում:



ԱՐՏԱՇԷՍ ԱՆԴՐԷԱՍԵԱՆ

Պոլսում Արտաշէսը ծանօթացաւ Իւսուֆեանի հետ եւ նրա ազդեցութեան տակ մտաւ Դաշնակցութեան շարքերը: Մի քանի ընկերների հետ կազմեց «Զոհ» խումբը, որ աչքի ընկնող գործունէութիւն ունեցաւ: Լուրջ ու խոհուն՝ Արտաշէսը դարձաւ նրա վարիչ միտքը, մինչ Գնունին նրա խանդավառ ողին էր:

Բանկ Օթոմանի նախապատրաստական աշխատանքներում Արտաշէսը ցոյց տուեց արտակարգ եռանդ եւ կազմակերպական կարողութիւն: Սաչիկ



Գնուելի եւ Արտաշէս Միսաքեանի հետ նա ստանձնեց Սամաթիայի ցոյցի պատրաստութիւնը: Կառավարութիւնը, սակայն, կանխեց յեղափոխական ձեռնարկը: Ինչպէս կը տեսնենք Գնուելի կենսագրութիւնից, Օգոստ. 14-ին, Անդրէասեան, Գնուելի, Միսաքեան եւ ուրիշներ զօրքի կողմից պաշարուեցին Միսաքեանների տանը եւ 18 ժամ դիմադրելով զօրքի յարձակումներին, փամփուշտ եւ ռումբ ամրողջովին սպառելուց յետոյ, ընկան հերոսի մահով:


Արտաշէս Անդրէասեանը մտաւորական աշխատանքի համար պատրաստուած մարդ էր: Խառնուածքով ու հակումներով նա աւելի մեծ դեր կարող էր կատարել հայ մշակոյթի ասպարէզում: Ժամանակի ոգին եւ Թուրքիայում տիրող նզովեալ կարգերը, սակայն, նրան եւս մղեցին յեղափոխական մրրիկի մէջ: Շատերի պէս նա էլ մահացաւ կեանքի շեմքում՝ իր հետ տանելով տարիների տքնաջան աշխատանքով ձեռք բերած մտաւոր պաշարը:

## ԱՐՏԱՇԷՍ ՄԻՍԱՔԵԱՆ

Սամաթիայի երրորդութեան մէկ անդամը՝ Արտաշէս Միսաքեանը ծնուել է 1879-ին, Պոլսի Բոյուքդէրէ թաղում: Ընդհանուր յարգանք վայելող, ազգային դործերին մասնակից ընտանիքի զաւակ էր նա: Ուսումը ստացել էր Սանուց Վարժարանում, բայց նրա դաստիարակութեան վրայ մեծ ազդեցութիւն էր ունեցել իր մայրը, որ բանիմաց, ազգասէր եւ հանրային հակումների տէր կին էր:

Ընտանեկան եւ դպրոցական հայրենասիրական ջերմ մթնոլորտում կազմակերպւում է Արտաշէսի անհատականութիւնը: Վառվռուն եւ հայրենասէր, ուսումն աւարտելուց յետոյ, նա որոշում է մտնել հոգեւորական ասպարէզ՝ ազգին լաւադոյնս ծառայելու դիտաւորութեամբ: Այդ նպատակով մտնում է Արմաշի դպրեվանքը, բայց չդիմանալով այնտեղի մթնոլորտին՝ հիասթափուած վերադառնում է Սամաթիա, ուր գործունէութեան ասպարէզ է ընտրում դպրոցն ու յեղափոխութիւնը: Խաչիկ Գնուելին արդէն գրաւել էր նրան Դաշնակցութեան շարքերը:





Սամաթիայում Միսաքեանը դառնում է Դաշնակցական ղեկավար ղէմքերից մէկը՝ Գնունիի եւ Անդրէասեանի հետ, իրրեւ յեղափոխական խմբերի կազմակերպիչ, ճարտար քարոզիչ ու մարտական գործերի վարիչ:

1895-ին, Ազգ. Սահմանադրութեան տարեդարձի օրը, Ազգային Հիւանդանոցի պարտէզում, հանդիսականների խումբ բաղմութեան ներկայութեամբ, Միսաքեանը կրակոտ ճառ է խօսում կառավարութեան ղէմ, Սասունի կոտորածների առթիւ եւ յեղափոխութեան ու վրէժի կոչ է ուղղում ժողովրդին: Ոստիկա-



նութիւնը փորձում է նրան ձերբակալել, բայց ժողովրդի պաշտպանութեամբ՝ նա խուսափում է նրանց ձեռքից եւ անցնում Չմիւռնիա :

Վերադառնալով Սամաթիա՝ Միսաքեանը գործօն կերպով մասնակցում է Բանկ Օթոմանի եւ Սամաթիայի ցոյցի նախապատրաստութեան՝ իր մտերիմ ընկերներ Գնունիի եւ Անդրէասեանի հետ միասին : Նրանց հետ միասին էլ նահատակուեց, Օդոստ. 15-ին, առաւօտեան, 18 ժամ ուժքով եւ ատրճանակով թուրք ոսոխի դէմ օրհասական պայքար մղելուց յետոյ :

## ԽԱԶԻԿ ԳՆՈՒՆԻ

ՇԱՀԷՆ

Սամաթիայի հերոսներից էր Գնունին՝ Պոլսի Դաշնակցութեան իննսնական թուականների խանդավառ սերնդից : Նրա կեանքի մասին էլ, դժբախտաբար, լրիւ տեղեկութիւն չունենք, ինչպէս շատ-չատերի : Յայտնի է միայն, որ Վասպուրականի դիւղերից էր՝ ծնուած 1865-ին : Ութսունական թուականների սկզբին, նա մտնում է Էջմիածնի Գէորգեան ճեմարանը, բայց առանց աւարտելու, աչքի ցաւի պատճառով, 1886ին, վերադառնում է ծննդավայր, ուր դպրոց է բաց անում գիւղի երեխաների համար : Հայրենի գիւղում, սակայն, երկար չի կարողանում մընալ. տարին չլրացած, ընդհարուելով հողաբարձութեան հետ, հեռանում է Պոլիս եւ մի քանի տարի ուսուցչութիւն է անում Գատը գիւղի եւ ուրիշ թաղային դպրոցներում : Այստեղ էլ բախումներ է ունենում հողաբարձու էֆէնտիների հետ եւ 1893-ին, ճեմարանական ընկեր Արտաշէս Անդրէասեանի հետ Ռոտոստո է հրաւիրւում ուսուցչական պաշտօնով :

Պոլսում Գնունին մտնում է Դաշնակցութեան շարքերը՝ Շահէն անունով եւ դառնում է Իւսուֆեանի հաւատարիմ գործակիցներից մէկը՝ Բաբկէն Սիւնիի, Վոամեանի, Զարմայրի (Վարդգէս Սէրէնկիւլեան), Եգիպտացիի հետ : Բնաւորութեամբ անհանդարտ, յանդուգն եւ անվախ, ազատասէր՝ Գնունին Ռոտոստոյում, Արտաշէսի, Նեւրուզի եւ ուրիշների հետ, Դաշնակցական երիտասարդութեան գլուխն անցած, սկսում է պայքարել պահպանողական-աղայական դասի դէմ : Բախումներ է ունենում առաջնորդ Դիմաքսեան եպ. -ի հետ, որից հալածուելով եւ կա-



ուսման թեման ձեռքը չընկնելու համար, Անդրէասեանի հետ, գիշերով, փախչում-վերադառնում է Պոլիս:

Պոլսում Գնունին եւ Անդրէասեանը նորից ուսուցչական պաշտօն են ստանձնում, աշխատում են Դաշնակցական խմբերի մէջ եւ ղեկավար դէմքեր են դառնում Սամաթիայի շրջանում: Գնունին, մասնաւորապէս, մեծ հմայք էր վայելում աշխատաւորական խմբերի եւ երիտասարդութեան մէջ: Հմուտ կազմակերպող ու քարոզիչ էր, համարձակ ու խանդավառ գործիչ՝ մոլեռանդօրէն նուիրուած Հ. Յ. Դաշնակցութեան:

1895-ին, Գնունին ձերբակալուած եւ 6 ամիս պահուած է բանտում: Բանտից դուրս գալով՝ որոշում է վերադառնալ Վասպուրական հրոսակային խումբ կազմելու նպատակով, բայց ընկերները չեն թողնում. Պոլսում էլ շատ գործ կար, լուրջ դէպքեր էին նախապատրաստուած եւ նրա ներկայութիւնը կարեւոր էր: Գնունին, իբրեւ «Զոհ» մարտական խմբի անդամ, ողջ էութեամբ տարւում է յեղափոխական աշխատանքներով: Զոյգ Արտաշէսների՝ Անդրէասեանի ու Միսաքեանի հետ նա պատրաստում է Սամաթիայի ցոյցի ծրագիրը՝ իր վրայ առնելով ընդհանուր ղեկավարութիւնը:

1896 թ. Օգոստ. 14-ին, երբ Բանկ Օթոմանի շուրջ որոտում էին ուժերը, Գնունին, Անդրէասեանի եւ Միսաքեանի հետ, պաշարուեցին Միսաքեանների տանը: Թուրք ոստիկաններն ու զինուորները եկել էին ձերբակալելու նրանց: Յամառ կռիւ է սկսում ներսից ու դրսից, որ տեւում է 18 ժամ: Գնունին եւ ընկերները բուռն դիմադրութիւն են ցոյց տալիս՝ ուժերով սարսափ ազդելով թշնամու վրայ: Եւ պարպելով վերջին փամփուշտը՝ ընկնում են հերոսի մահով, անհաւասար ճակատամարտում:

## ԵԳԻՊՏԱՑԻ


Բուն անունը Արտաշէս Մինասեան էր: Ծանօթ էր նաեւ Դեւեան, Յովսէփ, Հայկ, Մուստաֆա յեղափոխական անուններով: Ծնուած էր Տրապիզոնում, 1868-ին, ուր յայտնի էր Դեւ Եաւրոսի Արտաշ անունով:

Մինչեւ երիտասարդական հասակը անց էր կացրել ծննդավայրում: Տարրական գրագիտութեան տէր՝ արհեստով ոսկերիչ էր: Հնարամիտ, ճարպիկ, ուտող-խմող, շէնչող երիտասարդ էր: Յ. Իւսուֆեանը, Տրապիզոնում ուսուցիչ եղած միջոցին,



1890-92 թ., նրան էլ մտցրեց Դաշնակցական խմբերի մէջ, որից յետոյ Արտաշէսի ամբողջ կեանքը նուիրուեց յեղափոխութեան: Իւսուֆեանի Պոլիս անցնելուց յետոյ Արտաշէսն էլ հետեւեց նրան, ուր դարձաւ զինական-մարտական դործունէութեան ուղին:

Գործնական խելքի, սուր զիտողութեան, անսասան կամքի ու յանդուժութեան, արտակարգ պաղարիւնութեան եւ ճարպիկութեան տէր, ազնիւ նկարագրով, անձնուէր ու յանդուգն երիտասարդ էր Եգիպտացին: Անկեղծ ու հաւատարիմ ընկեր եւ անդաւաճան գործակից: Սահման չճանաչող ատելութեամբ լեցուած դէպի թուրք բռնապետութիւնը: Ամէն վայրկեան պատրաստ յեղափոխական գործի համար զոհելու իր անձը: Յանդուգն ծրագիրներ յղացող եւ անվախ գործադրող: Ամենավտանգաւոր ձեռնարկների մէջ նետուող, երբեք չյուսահատուող եւ ամէն դժուարութիւնից ճարպիկութեամբ դուրս եկող:



ԱՐՏԱՇԷՍ ԴԵՄԵՏՐԻԱՆ  
(ԵԳԻՊՏԱՑԻ)

որտեղից, Եգիպտացիի ծրագրով ուսմբ պէտք է նետուէր նրա վրայ:

Բանկ Օթոմանի նախապատրաստական աշխատանքների շըր-

1892-1897 թուականներին Պոլիս եւ Պոլսի վրայով Երկիր մտած գէնքերի մեծ մասը Եգիպտացին դնեց ու տեղափոխեց շուրջը վիտացող լրտեսների քթի տակ: Բանկ Օթոմանին յաջորդած գաժան օրերին նա փոխադրեց սընտուկներով եւ դադանի պահեստներում ասպահով տեղաւորեց կուսակցական ուսմբերն ու ուղմամթերքը: Մի շարք վտանգաւոր ահարեկումներ կազմակերպուեցին նրա ձեռքով: 1895-ի Սուլթանին ահարեկելու ծրագիրն էլ նրա ծրագիրն էր. ինքը յանձն առաւ ուսմբերով սպանել Սուլթանին Ռամազանի օրը: Վերջին պահուն, սակայն, կենտր. Կոմիտէն փոխեց իր որոշումը: Ռամազանի օրը Սուլթանը անցաւ ձիշգ այն կէտերից,



Ղանին Նգիպտացին Պոլսում չէր. թոքախտով հիւանդ, ընկերների ստիպումով, մեկնել էր ծննդավայրը դարմանուելու: Բայց լսելով Բանկի գործի մասին՝ շտապեց վերադառնալ: Պոլիս հասնելով դէպքի նախօրեակին՝ պնդեց, որ ինքն էլ մասնակցի Բանկի գրաւման, եւ պատահական դիպուածով միայն զրկուեց այդ բախտից: Բանկի դէպքից յետոյ էլ, չնայած որ վտանգուած էր, չհեռացաւ Պոլսից. մնաց եւ անվարան շարունակեց կուսակցական աշխատանքը, իբրեւ Կենտր. Կոմիտէի անդամ:

Ձինական-մարտական գործերից դուրս էլ, իբրեւ կազմակերպող ու քարոզիչ, Նգիպտացին ուր որ երևում էր՝ իր շուրջը ստեղծում էր ջերմ համակրանք ու խանդավառութիւն: Կենտր. Կոմիտէի յանձնարարութեամբ նա այցելեց Սամսոն, Տրապիզոն, Բալկաններ, Նգիպտոս, Յունաստան եւ Պոլսի հետ կապուած մի շարք ուրիշ վայրեր՝ կազմակերպական ու զինական-մարտական գործերով: Եւ ամէն տեղ կատարեց յաջող աշխատանք:

Նգիպտացիի համարձակ գործունէութիւնը չէր կարող վրիպել թուրք իշխանութիւնների ուշադրութիւնից: Լրտեսներից հետապնդուելը սովորական երևոյթ էր նրա կեանքում, բայց դրեթէ միշտ էլ կարողանում էր ազատուել նրանց ճանկերից: Թրքական բանտի համն էլ ճաշակել էր նա: Վերջին անգամ բանտարկուեց Բանկ Օթոմանից յետոյ, բայց, ինչպէս միշտ, այս անգամ էլ կարճ ժամանակից յետոյ ազատուեց: Ոստիկանութիւնը երբեք չյաջողեց բռնել նրան գործի վրայ:

Չարքաշ, վտանգներով լեցուն յուզումնալից կեանքը հետըզհետէ սպառեց Նգիպտացիի ուժերը: Թոքախտը, որ բոյն էր դրել նրա կրծքում, երթալով սաստկացաւ ու մաշեց նրա յոգնել չգիտցող մարմինը: Բանկի դէպքից յետոյ, վեց ամիս էլ նա դիմացաւ Պոլսի շնչահեղձ, մշտայոյզ գործունէութեան եւ ընկերների ըստիպման վրայ մեկնեց Նգիպտոս դարմանուելու եւ այլեւս չվերադարձաւ: 1897 թ. Յունիսի 1-ին Նգիպտացին մեռաւ Ալեքսանդրիայում:

## ԳՈՒՐԳէՆ

### ԲԱՂԴԱՍԱՐ ՄԱԼԵԱՆ

Բաղդասար Մալեանը — յեղափոխական անունով Գուրգէն — ծնուել էր 1873 թուին, Գողթն գաւառի Վերին Ագուլիս գիւղաւանում, ուր եւ ստացել էր իր կրթութիւնը: 1894-ին կանչուել էր զինուորական ծառայութեան:





ԳՈՒՐԳԵՆ

Պատանի հասակից արդէն  
 Բաղդասարը տարուած էր հայ-  
 րենասիրական դադափարնե-  
 րով: Ազուլիսը, որի դպրոցում  
 պաշտօնավարել են Բաֆֆին ու  
 Քրիստափորը, յեղափոխական  
 խմորումների կենտրոն էր.  
 րնական է, որ ուշիմ եւ արի  
 Բաղդասարն էլ պիտի ազդուէր  
 տիրող ընդհանուր տրամադրու-  
 թիւնից: Զինուորութեան մէջ  
 էլ նա հետեւում է յեղափոխա-  
 կան շարժումներին եւ 1896-ին  
 լուր առնելով, մի քանի զին-  
 ուոր ընկերների հետ՝ լքում է  
 զօրամասը եւ փախչում-անց-  
 նում է Պարսկաստան ու մտնում  
 Դաշնակցական խմբերի մէջ:

1896 թ. Սեպտեմբերին, Սալմաստից Վան մեկնեց Պետրոս  
 Սէրէմճեանի — Բուլղարացի Պետոյի զինուած խումբը՝ միանա-  
 լու համար Վազգէնի եւ Վարդանի ուժերին: Բաղդասարն էլ,  
 այժմ արդէն Գուրգէն անունով, այդ խմբի մէջ էր: Նա մնում է  
 Վանում, մասնակցում է ինքնապաշտպանութեան կռիւներին,  
 ապա, Կէմ դիւլդի կռուից յետոյ, Վարդանի խմբի հետ, անցնում  
 է Շատախ՝ իր կազմակերպական ընդունակութեամբ եւ զինուոր-  
 ական հմտութեամբ կարեւոր բաժին ունենալով Շատախի ինք-  
 նապաշտպանութեան գործում:

Տարուայ վերջը Գուրգէնը վերադառնում է Սալմաստ, ուր  
 արշաւանքի պատրաստութիւններ էին տեսնում: Նա էլ կողմ-  
 նակից չէր մեծ խմբով արշաւանքին եւ գտնում էր, որ կուսակ-  
 ցութիւնը Երկրում զէնք ու մարտական ուժեր պէտք է համախում-  
 բէ եւ յեղափոխական ձեռնարկները Երկրի ներսի ուժերով պէտք  
 է կատարէ: Ուստի, Պանասորի արշաւանքից մէկ շաբաթ առաջ,  
 միացաւ Վազգէնի 35 հոգինոց խմբին եւ անցաւ Վան, ուր, սա-  
 կայն, երկար չմնաց: Տարօնից մտահոգիչ լուրեր էին հասնում:  
 Սերոբ Աղբիւրի խումբում էլ ներքին դժգոհութիւններ էին ծա-  
 գել: Տարակարծութիւններ կային եւ Մուշ-Սասունի դեկավար  
 ընկերների մէջ: Անհրաժեշտ էր, որ դրսից մի հեղինակաւոր ըն-  
 կեր միջամտէր՝ վերականգնելու համար համերաշխութիւնը: Այդ  
 պարտականութիւնը դրուեց Գուրգէնի վրայ:

Եւ, իսկապէս, Գուրգէնը յարմարազոյն անձն էր այդ դերի  
 համար: Բնածին իմացականութեամբ օժտուած, բաւական զար-



դացած, յեղափոխական գործում փորձուած, լրջմիտ, լայնախոհ, ընկերական, մեղմ, բայց երբ գործը պահանջում էր՝ արագ ու վճռական, զինուոր ու գործիչ՝ Գուրգէնը, ամէն տեսակէտից, վայրկեանի պահանջած մարդն էր: Նա էլ, Հրայրի եւ Վաղգէնի պէս, համոզուած էր, որ յեղափոխութիւնը պէտք է լինի Երկրի ժողովրդի գործ: Արտասահմանը պէտք է օժանդակէ նիւթական միջոցներով, զէնք ու ռազմամթերքով, ղեկավար ու մարտիկ ուժերով, բայց յեղափոխական ուժերի եւ շարժումների կազմակերպութիւնն ու ղեկավարութիւնը պէտք է գտնուի Երկրի ներքը: Դրա համար անհրաժեշտ էր Դաշնակցութիւնը Երկրում դարձնել զանգուածային, զինուել՝ զգուշանալով մասնակի բռնակռուումներից՝ ապագային, երբ քաղաքական պայմանները յարմար նկատուին, ընդհանուր ապստամբութեան անցնելու համար: Այս համոզումներով եւ մոլեռանդ սիրով դէպի հայ ժողովուրդն ու Հայ Դատը, Գուրգէնը մեկնեց նախ Ախլաթի շրջանը, ապա Բաղէշ եւ այնտեղից Սասուն-Մուշի շրջանը:

Հազիւ մէկ ու կէս տարի ապրեց Գուրգէնը Ախլաթ-Բաղէշ-Տարօնում, բայց անջնջելի հետք թողեց ժողովրդի սրտում իր արդարամիտ, անձնուէր եւ արդիւնաւոր գործունէութեամբ: Ճիշդ է, նրա ճիգերը հաշտեցնելու իրերամերժ տարրերը լիակատար յաջողութեամբ չպսակուեցին, բայց կրքերը զգալի չափով մեղմացան եւ համերաշխ ու շինարար գործունէութեան հնարաւորութիւն ստեղծուեց:

Ախլաթ-Գիւղալդարայի շրջանում նա գործեց Սերոբի հետ համախորհուրդ՝ կազմակերպական լուրջ աշխատանք կատարելով: Բոլոր դիւղերում ստեղծուեցին կուսակցական մարմիններ եւ մարտական խմբեր: Ամուր հիմքերի վրայ դրուեց ինքնապաշտպանութեան գործը: Կանոնաւորեց կապը Երկրի եւ արտասահմանի մարմինների հետ: Այն ուժերը, որոնք Սերոբից դժգոհ՝ քաշուել էին ասպարէզից, նորից գործի անցան:

Բարերար եղաւ Գուրգէնի այցելութիւնը եւ Բիթլիս, որտեղի հայութիւնը արիւն էր լալիս սատիկանապետ Հիլմիի ու իր գործակիցների դաժան բռունցքի տակ: Գուրգէնի նախաձեռնութեամբ ահաբեկումի ենթարկուեց այդ հրէշը, որ ցնցող տպաւորութիւն գործեց քաղաքի եւ շրջանի բնակչութեան վրայ: Այնուհետեւ դիւրացաւ նաեւ այդ շրջանի կազմակերպութիւնը: Ախլաթ-Բաղէշ միացուեցին մէկ՝ Սալնոյ Ձորի կենտր. կոմիտէութեան մէջ: Գուրգէնը անողոք կռիւ մղեց նաեւ ամէն կարգի մատնելիչների, վաշխառուների, կաշառակեր պաշտօնեայի եւ քիւրտ աւազակների դէմ:

Սալնոյ Ձորի կոմիտէութիւնը ամուր հիմքերի վրայ դնելուց



յետոյ, Գուրգէնը անցնում է Տարօն եւ կենտրոն ունենալով Սասունի Սպաղանք գիւղը՝ իր գործունէութիւնը տարածում է Սասունի եւ դաշտի գիւղերի վրայ: Այստեղ իր մտերիմ գործակիցն է Հրայր-Դժոխքը, որի հետ բնաւորութեան եւ համոզումների այնքա՛ն մտերմութիւն ունէր Գուրգէնը: Հրայրն էլ հակառակ էր ցուցական գործերի, անժամանակ բռնկումների: Նա էլ ընդհանուր հիմնական կազմակերպութեան եւ լուրջ պատրաստութեան էր ձգտում: Եւ երկուսը միասին, ձեռք-ձեռքի, աշխատեցին մաքրել շրջանը անհանդարտ տարրերից, դանդուածային ուժեղ կազմակերպութիւն ստեղծել եւ յեղափոխական շարժումը վերածել համաժողովրդական գործի:

Այստեղ էլ Գուրգէնը աշխատեց կազմակերպել ժողովրդի պաշտպանութիւնը ամէն տեսակ հարստահարիչների՝ վաշխառուների, հարկահանների, դիւղացիութիւնը շահագործող աղաների ու բէգերի, կեղեքիչ պաշտօնեաների, աւազակ քրտերի դէմ: Մեծ ճիգ թափեց շրջանը խաղաղ պահելու, կռիւներից խուսափելու համար, որպէսզի յեղափոխական-կազմակերպական աշխատանքը չխանգարուի: Իրեն, ինչպէս եւ Հրայրի եւ տեղական ուրիշ պատասախանատու ընկերների համար ամենէն կարեւորը ժամանակ շահելն էր եւ ընդհանուր յեղափոխական շարժման նախապատրաստուելը:

Եւ, յիրաւի, Գուրգէնի օրով լուրջ ցնցումներ տեղի չունեցան Տարօնում, եթէ չհաշուենք Քոփի գիւղի կռիւը քրտերի հետ՝ վերջիններիս ջախջախիչ պարտութեամբ: Երկրորդ մեծ կռիւը Յրոնք գիւղում ճակատադրական եղաւ Գուրգէնի համար: Յրոնքի մի մարազում հանդատանալիս Գուրգէնը եւ 7 մարտիկ ընկերներ, յանկարծ, պաշարւում են թուրք զօրքից: Թշնամին կրակի է տալիս մարազը: Գուրգէնը եւ ընկերները դուրս են թռչում եւ օրհասական կռում թուրք զինուորների դերազանց բազմութեան հետ՝ բոլորն էլ նահատակւում են: Լուրջ կորուստ է ունենում եւ թշնամին: Սպանւում են, ի միջի այլոց, հայակեր թալիպ եւ Հասան էֆէնտի արիւնարբու ճիւղները:

Գուրգէնի մահը ծանր հարուած էր յեղափոխութեան: Մեծ եղաւ նրա դերը Ախլաթի, Բիթլիսի, Սասունի եւ Մուշի դաշտի հայութեան մէջ: Բառի լայն իմաստով յեղափոխական-ժողովրդական գործիչ էր: Հայ, քիւրտ, թուրք աշխատաւոր գիւղացիութիւնը յարգանքով, իսկ աւազակարարոյ հարստահարիչ տարրերը երկար ժամանակ վախով էին յիշում նրա անունը:



## Խ Ա Ն


### ԲԱՐՍԵՂ ԹԻՐԵԱՔԵԱՆ

Յեղափոխական շարժումը մի հրաշագործ երեւոյթ եղաւ ազգային գիտակցութեան արթնացման եւ ազգային միութեան վերականգման՝ մէկ հայութիւն ստեղծելու տեսակէտից : Ի սիիւռս աշխարհի յրուած , յարանուանութիւնների բաժանուած , տարբեր լեզուներ խօսող Հայկի զաւակները , յանկարծ , սկսեցին զգալ ու գիտակցիլ , որ իրենք միեւնոյն ընտանիքի անդամներ են՝ հողով եւ արիւնով կապուած իրարու հետ : Դոնից մինչեւ Նեղոս եւ Միսիսիպիից մինչեւ Գանդէս , ուր որ բախտը նետել էր հայութեան բեկորներին , Յեղափոխութիւնը վառեց նրանց սրտերում ազգասիրութեան ու հայրենասիրութեան կրակը եւ համախումբեց ազատագրական պայքարի համազգային դրօշակի տակ՝ փոյթ չէ , թէ բաժան-բաժան դործելակերպով : Մասնաւորապէս , Հ . Յ . Դաշնակցութեան մարտական դրօշի ներքեւ հաւաքուեցին ե՛լ լուսաւորչական , կաթոլիկ ու բողոքական , եւ հայախօս , ռուսախօս , թրքախօս ու պէսպէս այլ լեզուներ խօսողներ՝ զմայլելի ոգեւորութեամբ եւ համերաշխութեամբ՝ ազգային միութեան եւ հայրենիքի ազատութեան նշանաբանով :

Լեզուով օտարացած հայկական բեկորի զաւակ էր եւ Խանը՝ բուն անունով Բարսեղ Թիրեաքեան , Կեսարիայի թրքախօս շրջանի Տէրէվէնք դիւղացի , ծնուած 1863 թուին : Առնական , յանդուգն եւ ըմբոստ՝ երիտասարդ Բարսեղը չի կարողանում հաշտուել թրքական անիրաւ կարգերի եւ հայութեան ճնշուած վիճակի հետ : Յաճախ կռուի է բռնում հայերին անարդող կամ հարստահարող թուրքերի հետ եւ , ի վերջոյ , ստիպուած է լինում թողնել ծննդավայրն ու պանդխտել Պոլիս : Այստեղ նա յարում է Հնչակեան կուսակցութեան , մասնակցում է Գում Գափուի եւ Բարը Ալիի ցոյցերին՝ աչքի ընկնելով , իրրեւ անվախ ու համարձակ մարտիկ :

Պոլիսը , սակայն , չի գոհացնում Բարսեղի երիտասարդ եւ բուն խառնուածքին : Շարժում ու կռիւ էր տենչում նրա ըմբոստ սգին : Երկրից հասնող լուրերը նրան քաշում են դէպի Հայաստանի լեռներն ու ձորերը՝ հայդուկային փոթորկայոյզ կեանքի : Եթողնելով թրքական մայրաքաղաքը , անցնում է Կովկաս մարտական խմբերի մէջ մտնելու նպատակով : Այստեղ տեսնում է , որ Հնչակեանութիւնը դրեթէ գոյութիւն չունի . Հնչակեան համարուած Հրայր Դժոխքը , Դերսիմի Քեռին եւ ուրիշներ դործում են Դաշնակցութեան մէջ , եւ ինքն եւս միանալով Դաշնակցութեան՝ անցնում է Պարսկաստան , ուր պատրաստում էր Խանասորի ար-





Խ Ա Ն

շաւանքը: Խանասորի արշաւանքին նա մասնակցում է իրրեւ  
տասնապետ եւ աչքի է ընկնում, որպէս անվախ եւ քաջ կռուող:

Այնուհետեւ, Բարսեղ Թիրեաքեանը, այլեւս իրրեւ Խան,  
դարձաւ նշանաւոր հայդուկ ու խմբապետ եւ մասնակցեց Ֆէդա-  
յական բաղմաթիւ գործերում: Նշանաւոր է նրա վարած կռիւը  
1899 թ. Հոկտ. 26-ին, Ալաշկերտի Խաստուր գիւղում: Մեծ զի-  
նատար խմբի գլուխ, Կարսի կողմերից սահման անցնելով, Խանը  
հասնում է Խաստուրի մօտ: Բուքն ու բորանը թոյլ չեն տալիս ո-  
րոշուած ապահով տեղը հասնելու: Խումբը ստիպուած է լինում  
ցերեկէլ Խաստուրցի Խաչիկ վարժապետի գոմում: Խաչիկ վար-  
ժապետը, յեղափոխութեան համակիր, ամէն հող է տանում, որ  
յոզնած հայդուկները կերակրուին ու հանդստանան: Առաւօտը,  
սակայն, լուր է ստացւում, որ խումբը մատնուած է, եւ շուտով  
համիդիէներն ու զինուորները պաշարում են գոմը՝ նախօրօք  
կտրելով գիւղի ճամբաները: Սկսւում է տաք կռիւ՝ գոմից, ապա  
գիւղի փողոցներում, վերջը՝ շրջակայ բլուրների վրայ: Հայ-  
դուկները, Խանի ճարտար ու յանդուգն առաջնորդութեամբ, յա-  
ջողում են, թշնամուն ծանր կորուստ պատճառելով եւ իրենց



կողմից էլ զոհեր տալով, տեղատարափ գնդակների տակ, կռուով քաշուել մօտակայ բլուրները: Այնտեղ էլ կռիւը շարունակուամ է. հայդուկները յետ մղելով թշնամու կատաղի յարձակումները՝ անհետանում են գիշերուայ մթութեան մէջ:

Հազարից աւելի կանոնաւոր զօրք ու համիդիէ մասնակցեցին Սաստուրի կռուին մի քանի տասնեակ հայ Փէդայիների դէմ: Մանր հարուած կրեց ու մարդկային կորուստ ունեցաւ թշնամին, բայց հայերն էլ թանգադին զոհեր տուին: Սաստուրի կռուում նահատակուեցին տասնապետներ Կեսարացի Միհրանը՝ 28 տարեկան, Սիփանցի Գրիգորը՝ 26 տար., Տիգրանակերտցի Հաճին՝ 50 տ., Խնուսցի Պետօն՝ 30 տ.: Հայդուկներից՝ Կարնեցի Աւետեանը՝ 37 տարեկան, Կարճկանցի Յարօն՝ 26 տ., Հաւթուանցի Կարապետը՝ 27 տ., Խլաթցի Ջնդօն՝ 22 տ., Բուլանըղցի Լեւոնը՝ 23 տ., Մակուեցի Մեսրոպը՝ 23 տ., Բուլանըղցի Սարգիսը՝ 23 տ., Բուլանըղցի Յովհաննէսը՝ 25 տ., Սաստուրցի Ղուկասը՝ 23 տ., Սիփանցի Սաչօն՝ 29 տ. եւ Կովկասցի Համբարձումը՝ 23 տ.: Սպաննուեց նաեւ Սաչիկ վարժապետը եւ իր եղբայրը:

Սաստուրի կռիւը մեծ տպաւորութիւն գործեց, մասնաւորապէս, քիւրտ աշիրէթների վրայ, որոնք առասպելներ էին պատմում հայ Փէդայիների քաջագործութիւնների մասին: Լայն ժողովրդականութիւն ստացաւ եւ Սանի անուներ:

Նոյնպիսի հմտութեամբ եւ քաջութեամբ Սանը վարեց եւ «Կայծակ» ձիաւոր խմբի գործողութիւնները Բասենում: Բոցիկի եւ Գոմաձորի կռիւները տարածեցին Սանի համբաւը ամէն կողմ: Բասենի կռիւներից վերադառնալիս, սահմանագլխին, Սանի խումբը կռուի բռնուեց թշնամու գերազանց ուժերի հետ: Հայդուկների փամփուշտները սպառուել էին, իսկ թշնամին՝ անողոք էր: Բուռն ճակատամարտի մէջ, 1903 թ. Սեկտ. 17-ին, վերջին փամփուշտը կրակելով, հերոսի մահով ընկան Սանը եւ իր զինակից ընկերները:

Սանը, Դաշնակցական այդ անվեհեր մարտիկը, հեռաւոր Կեսարիայի թրքախօս, բայց հայաշունչ հայութեան անձնուէր դաւալը, մեր ամենէն ժողովրդական հերոսներից էր, որի անուան շուրջ առասպելական պատմութիւններ հիւսուեցին: Եւ մինչեւ այսօր էլ ժողովուրդը ոգեւորութեամբ երգում է—

Լուսին չկար, մութ գիշեր էր,  
Մի խումբ կ'երթար արագ-արագ.  
Տեսայ, որ քաջ Սանի խումբն էր,  
Զինուած էին մոսիւններով...



## ԱՐՄԵՆԱԿ ԼԵՒՈՆԵԱՆ

Արմենակ Լեւոնեանը, Դաշնակցութեան մէջ յայտնի Աշոտ Երկաթ կամ Երկաթ անունով, ծնուած է 1872 թ. Մարտ 10-ին, Բաղէշի Շէխեակուղ գիւղում: Աւարտել էր Բաղէշի ամերիկեան վարժարանը, որից յետոյ նուիրուել էր ուսուցչութեան Սասունում: Շնորհիւ իր ընկերական ու դպրոցական դաստիարակութեան եւ անձնական յատկութիւնների՝ Արմենակը պատանի հասակում արդէն տողորուած էր հայրենասիրական եւ ազատատենչ գաղափարներով: Մարզար վարժապետների եւ Արարօների գործունէութեան ժամանակաշրջանն էր: Մթնոլորտը յազեցած էր յեղափոխական ոգիով: Արմենակն էլ ազդուում է ժամանակի տրամադրութիւններից: Սասունում նա կապեր է հաստատում թուրք բռնակալութեան եւ քրտական շահատակութիւնների դէմ պայքարող ըմբոստների եւ յեղափոխական անհատների հետ եւ ուխտում է իր կեանքն էլ տրամադերլ հայ ժողովրդի ազատագրութեան գործին:

1892-ին Արմենակը մեկնում է Ամերիկա իր մտաւոր պաշարը ճոխացնելու եւ յեղափոխական գործի համար փորձառութիւն ձեռք բերելու նպատակով: Այստեղ նա թէ՛ ուսանում է եւ թէ՛ աշխատում միաժամանակ, բայց իր ժամանակի մեծ մասը յատկացնում է յեղափոխութեան գործին: Իւսուֆեանի Ամերիկա հասնելուց յետոյ, մտնում է Դաշնակցութեան շարքերը եւ շուտով դառնում է Ամերիկայի կազմակերպութեան սիւններից մէկը՝ եռանդուն, անձնագոհ գաղափարական գործիչ: Մասնակցում է Հ. Յ. Դ. Ամերիկայի շրջանի պաշտօնաթերթ «Հայրենիք»ի հիմնադրութեան եւ մնալուն կերպով աշխատակցում է նրան: Վրուսամեանի գալուց յետոյ՝ դառնում է նրա մտերիմ գործակիցը:

Ամերիկայի գործունէութիւնը, սակայն, Արմենակին չի գոհացնում: Նրան հրապուրում էր Երկրի յեղափոխական աշխատանքը: Մարմնով Ամերիկայում՝ հոգեպէս նա հայրենիքում էր, որի հետ պահում էր կենդանի յարաբերութիւն: Եւ 1902-ին թողնում է Ամերիկան եւ Կովկասի ու Պարսկաստանի վրայով անցնում է Վան: Ճանապարհին ծանօթանում է Դաշնակցութեան գործունէութեան եւ կապեր է հաստատում Կովկասի եւ Պարսկաստանի ընկերների հետ:

Վանը չէր, սակայն, իր նպատակակէտը: Այնտեղից շուտով մեկնում է Սասուն, իր երազների աշխարհը, եւ բուռն ոգեւորութեամբ լծւում յեղափոխական աշխատանքի՝ Հրայրի, Գէորգ Չաւուշի, դրսից եկած եւ տեղական ընկերների հետ: Շրջում է գիւղից գիւղ, քարոզում, կազմակերպում եւ զինում է ժողովրդ-





ԱՐՄ. ԼԵՒՈՆԵԱՆ ԵՒ ՅՈՎՀ. ՇԱՀԻՆԵԱՆ (նստած)

դին ինքնապաշտպանութեան համար: Երկրի վիճակի մասին թղթակցութիւններ է ուղարկում «Դրօշակ»ին եւ Բոստոնի «Հայրենիք»ին: Եւ կարճ ժամանակում դառնում է ժողովրդական սիրուած գործիչներից մէկը:

Միայն Սասունով չէր սահմանափակուած Արմենակի գործունէութեան ասպարէզը: Նա իջնում է եւ Մուշի դաշտ, շրջում է բոլոր գիւղերը՝ Դաշնակցութեան դաղափարներն ու կազմակերպական ցանցը տարածելու համար: 1903-ին, 12 հոգինոց խմբով, Արմենակը գործում է Ախլաթի շրջանում՝ միաժամանակ կապ հաստատելով Տարօնի եւ Վասպուրականի միջեւ: Հրայրի ընկերակցութեամբ անցնում է Վան՝ Վարդգէսի հետ խորհրդակցելու եւ ներդաշնակելու համար երկու շրջանների գործունէութիւնը:

1903-ի վերջերը Պարսկաստանի վրայով Արմենակը անցնում է Կովկաս եւ այնտեղից Բուլղարիա, իբրեւ Հ. Յ. Դ. ԵՐՐՈՐԴ ԸՆԴՀ. Ժողովի Տարօնի պատգամաւոր: Այդ ժողովում լայնօրէն քննւում են Երկրին վերաբերուող հարցերը եւ մշակւում գոր-



ծունէութեան նոր ծրագիր: Արմենակը կարեւոր մասնակցութիւն է ունենում այդ հարցերի քննութեան մէջ:

Ժողովի ընթացքում լուրեր են հասնում Տարօնից, որ թուրք կառավարութիւնը զինուած գործողութիւնների է պատրաստուում Սասունի դէմ, ուր կենտրոնացած էր Անդրանիկը զինակից ընկերներով: Արմենակը շտապում է վերադառնալ Տարօն: Հասնում է Կովկաս, ուր արտակարգ շարժում էր սկսուել օգնութիւն հասցնելու Սասունին: Երեւանի Կենտր. Կոմիտէի որոշումով Արմենակն եւս, զինուած խմբի գլուխը անցած, մտնում է Երկիր: Յաջողութեամբ հասնում է Արճէշի մօտերը, բայց այստեղ, Սոջալու կոչուած ձորակում, մի քարայրի մէջ, պաշարւում է թուրք զօրքերից եւ քիւրտ աշիրէթներից: Տեղի է ունենում տաք կռիւ: Սմբի մի մասը ազատուում է, իսկ Արմենակը եւ մի քանի ընկերներ նահատակուում են, 1904 թ. Յունիս 2-ին: Տարօնը կորցրնում է իր անձնուէր գործիչներից մէկին. մի խնկելի անուն եւս աւելանում է Հ. Յ. Դաշնակցութեան հայրենանուէր հերոսների ցանկի վրայ:

Արմենակի խմբում էր եւ անուանի հայդուկ Քղեցի Պօղոսը, որ նոյնպէս նահատակուեց քիւրտերի ձեռքով:

## ԱՐՄԵՆԱԿ ՕՒԻԿԵԱՆ

(ՍԼԱՔ)

Արմենակ Օիսիկեան ծնած է 1874ին, Բաղէշի մէջ: Աւարտած է Բաղէշի կեդրոնական դպրոցը: Քսան տարեկան հասակին թողած է առեւտրական ասպարէզը՝ նուիրուելով յեղափոխական գործին:

Սասունի առաջին կոտորածին (1894 թ.), երբ եւրոպական քննիչ հիւպատոսները եւ օգնութեան հասնող ամերիկացիները Սասուն մեկնեցան, Արմենակը ընկերացաւ անոնց, իբրեւ հաղորդակցութեան կենդանի կապ ծուատուած ժողովրդի, հալածական հայդուկներու եւ եկողներու միջեւ: 1895ին, Մուշի մէջ, Բաղէշէն լուր առնելով, որ հայրը բանտարկուած է, միւս կողմէն ալ կառավարութիւնը հաշտ աչքով չի նայիր իրեն վրայ, քննիչ հիւպատոսներու պաշտպանութեան տակ անցաւ Կարին: Հոս թուրք կառավարութեան կողմէ արդէն պաշտօնապէս հետապնդուելով՝ փախաւ Կովկաս:

Կովկասի մէջ Արմենակը կը յարի Դաշնակցութեան եւ մինչեւ





Ս Լ Ա Ք

ՊԵՒՎԵՐՉԵՐԸ ԿՐ զբաղի սահմանամերձ վայրերու մէջ — զէնքի ու յեղափոխական գործիչներու փոխադրութեան գործով:

1897-ին, կուսակցութեան որոշումով կ'անցնի Պարսկաստան եւ իրր վերաբոյժ սահմանի երկու կողմը գտնուող հայտարանցի ու ջալալցի քիւրտ աշիրէթներուն մօտ, զէնքի տեղափոխութեան եւ հայ — քիւրտ բարեկամութիւն ստեղծելու լուրջ գործի կազմակերպութեան համար կ'աշխատի, Սլաք անունով: Իր այս գործունէութեամբ անգնահատելի ծառայութիւն կը մատուցանէ Դաշնակցութեան:

1904ի ամառը, Սլաքը դաւադրաբար կը ձերբակալուի, թուրքական յիսնեակ մը զինուորներու կողմէ հետապնդուելով, Սլա-

տաղի (Մազկանց լեռներ) վրայ, երբ փոխադրական նոր գծեր ուսումնասիրելու համար մեկնած էր հոն: Ուշ առտն բարեկամ քիւրտերը՝ Մուստաֆա բէկի ձիաւորները օգնութեան կը հասնին, երբ արդէն զինքը Բայազէտի բերդը հասցուցած էին: Եւ կարճ քննութիւն կատարելէ ետք՝ Վան կը տեղափոխեն բազմաթիւ ժամդարմաներու խիստ հսկողութեան տակ:

Վանի բանտի մէջ Արմենակը մշտական կապ կ'ունենայ դրսի ընկերներու հետ եւ բանտէն կ'ազատի 1907-ի աշնան վերջերը, իրբեւ պարսկահայ բժիշկ, Վանի պարսկական հիւպատոսի եւ հայտարանցի ցեղապետներու վկայութեամբ, ու պարսկաստան կ'արտաքսուի թուրք ժանտարմաներու հսկողութեան ներքոյ: Եւ Պարսկաստանի մէջ քիչ կազդուրուելէ ետք, կազմակերպութեան կարգադրութեամբ կը մեկնի Թիֆլիզ, երկրի մասին Բիւրոյին գեկուցանելու համար:

Շուտով կը հռչակուի Օսմանեան Սահմանադրութիւնը: Երկրի դռները կը բացուին պանդուխտ ու հալածական հայերու առաջ, եւ Արմենակը կը մեկնի Իգդիր ներգաղթի գործը կազմակերպելու համար եւ վերջէն ինքն ալ երկիր կը մտնի՝ հոն շարունակելու համար կազմակերպական աշխատանքները:

Վրայ կը հասնին Օսմանեան խորհրդարանի ընտրութիւնները: Դաշնակցութեան կողմէ Բաղէշի շրջանի համար Արմենակ Օ-



խիկեանը պաշտօնական թեկնածու կը յայտարարուի, բայց քուէներու չնչին տարբերութեամբ մահմետական թեկնածուն կ'ընտրուի :

Չմեռը Արմենակ Բաղէշ կը մեկնի եւ անկէ Մուշ, ուր կը գտնուէին իր ծնողները, եւ 15 տարի հալածական կեանք ապրելէ ետք հաղիւ երեք օր տեսակցութիւն կունենայ ծնողներու հետ : Հայ ժողովուրդը ամէն տեղ խանդավառ ընդունելութիւն ցոյց կուտայ անոր :

Վերադարձին, շարք մը գաւառներ շրջելէ ետք, Բայազէտի վրայով կ'ուղեւորուի Կովկաս՝ կազմակերպական գործով : Մինչ այդ, ցարական բռնապետութիւնը հալածանք սկսած էր հայ յեղափոխականներու դէմ : Արմենակը Եղիշէ Թովչեանի հետ միասին, փախստական ճամբայով, անվտանգ կանցնի Կարին : Հոս քանի մը ամիս գործելէ ետք, գաւառը կազմակերպելու կ'ելնէ եւ իբր կեդրոնական յարմար վայր Բայազէտը կ'ընտրէ, ուր կը մընայ մինչեւ 1911ի վերջերը : Ապա կը մեկնի Բաղէշ՝ իր ծննդավայրը, ուր իր վրայ կը վերցնէ հանրային եւ կուսակցական գործերու ամբողջ ծանրութիւնը :

Օսմ. պարլամենտի երկրորդ շրջանին (1913), իբրեւ Դաշնակցական թեկնածու, պատգամաւոր կ'ընտրուի, բայց կառավարութիւնը, ինչպէս շատ վայրերու Բաղէշի մէջ ալ ժողովուրդի քուէները կ'արհամարհէ եւ բռնի միջոցներով պատգամաւոր կը նշանակէ Մինաս Չիրազը :

1914-ի Փետրուարին Բաղէշի շրջանին մէջ սկիզբ կ'առնէ քրտական ապստամբութիւնը, որ քաղաքական աստառ ունենալով հանդերձ՝ կրօնական բնոյթ կը կրէր եւ հայերու դոյութեան կը սպառնար : Սլաքը կարճատեանի մը մէջ կը կազմակերպէ ժողովրդի ինքնապաշտպանութեան գործը եւ նրբամիտ քաղաքականութեամբ մը պայքարող կողմերու համար հայերը անխտիր անկեղծ բարեկամներ կը ճանչցնէ, որով կռուի ամբողջ ընթացքին մէկ հայի քիթ չ'արիւնոտեցաւ : Այնքան վստահութիւն ձեռք բերաւ, որ թուրք կառավարութիւնը հայերու ինքնապաշտպանութեան համար 150 նոր հրացան եւ փամփուշտ տրամադրեց :

Համաշխարհային պատերազմի սկզբին, Կարնոյ մէջ գումարուած Հ. Յ. Դաշնակցութեան Ը. -րդ ընդհանուր ժողովին Արմենակ նոյնպէս իր մասնակցութիւնը բերեց եւ նոր հրահանգներով Բաղէշ վերադարձաւ :

Հայկական Մեծ Եղեռնին, թուրք կառավարութիւնը յանձինս իր ճիւղը՝ Սալիլ եւ Ճէվտէթ փաշաներու, տմարդի միջոցներով ձերբակալեց Արմենակ Օխիկեանը եւ կախալանի միջոցաւ վերջ տուաւ անոր բեղուն կեանքին, Բաղէշի մէջ :

ՍԱԼՆՈՅ-ՉՈՐՑԻ



## ՌՈՒԲԷՆ ԶԱՐԴԱՐԵԱՆ

Արեւմտահայ գրականութեան կոթողներից մէկը, դրազէտ, հրապարակագիր, դաստիարակ, հանրային եւ Դաշնակցական ապստամբ գործիչ՝ Ռուբէն Զարդարեանը ծնուել է 1874 թուին, Սեւերեկ գաւառում: Հազիւ երկու տարեկան՝ ընտանիքի հետ փոխադրուում է Սարբերդ, ուր եւ անցնում են նրա մանկութեան ու պատանեկութեան տարիները եւ երիտասարդութեան առաջին շրջանը:


Զարդարեանը իր կրթութիւնը ստանում է Սարբերդ քաղաքի ազգային դպրոցում, ապա ամերիկեան հաստատութեան մէջ եւ, ի վերջոյ, Թլկատինցիի վարժարանը, ուր եւ ձեւաւորուում է նրա մտաւոր-բարոյական նկարագիրը: Թլկատինցիի ազգեցութիւնը հետագային պիտի արտայայտուէր եւ նրա գրականութեան մէջ:

Դպրոցական շրջանում արդէն պատանի Զարդարեանի մէջ նկատուում է հակում ու սէր գրականութեան եւ դիտութեան: Ինքնամփոփ, իր խոհերով տարուած, մի գիծ, որ անբաժան մնաց նրա բնավորութիւնից ամբողջ կեանքում, Զարդարեանը իր ամբողջ ոյժն ու ժամանակը յատկացնում էր ինքնազարգացման: Եւ երբ, 1892-ին, լրացրեց ուսման ընթացքը եւ մտաւ ուսուցչական ասպարէզ, շուտով աչքի ընկաւ, իբրեւ հմուտ ու սիրուած դաստիարակ եւ բանիմաց ու լուրջ հանրային գործիչ:

1897-1903 թուականներին Զարդարեանը վարեց Մէզրէի կեդրոնական վարժարանի տնօրէնի պաշտօնը՝ իրեն գործակից ունենալով կարող եւ նուիրուած ուսուցիչների մի խումբ: Ինքը դասաւանդում էր հայերէն եւ Փրանսերէն լեզուներ, պատմութիւն եւ գրականութիւն: Այս 5-6 տարիների ընթացքում, նրա ձեռքի տակից դուրս եկան մտաւոր լայն պաշարով օժտուած գաղափարական երիտասարդներ, որոնք, իբրեւ ուսուցիչ, դրազէտ կամ հանրային գործիչ, արդիւնաւոր դեր կատարեցին ո՛չ միայն Սարբերդի ու շրջանի մէջ, այլեւ ընդհանուր ազգային կեանքում:

Սակայն, միայն կրթական-դաստիարակչական աշխատանքով չէր սահմանափակուում Զարդարեանի գործունէութիւնը. նա եւս անդով մասնակցում էր եւ հասարակական գործերին, եւ աւելի մեծ եռանդով՝ յեղափոխական աշխատանքին: Արդէն Դաշնակցութեան մէջ էր եւ շրջանի ղեկավարներից մէկը: Նրա շնչի տակ կազմակերպուում եւ յեղափոխական դաստիարակութիւն էր ստանում երիտասարդութիւնը քաղաքում թէ գիւղերում: Նա վարիչ դեր էր կատարում եւ շրջանի կուսակցական կեանքում, յարաբերութիւն էր պահում դրսի մարմինների հետ եւ թղթակցութիւններ գրում «Դրօշակ»ին:





ՌՈՒԲԷՆ ԶԱՐԴԱՐԵԱՆ

Զարդարեանը իր գործունէութեամբ անջնջելի հետք թողեց Սարրերդի Դաշնակցական կազմակերպութեան, մասնաւորապէս երիտասարդ սերնդի վրայ: Այդ գործունէութիւնը, բնականաբար, չէր կարող վրիպել կառավարութեան ուշադրութիւնից, մանաւանդ որ, նախանձողներ ու հակառակորդներ էլ քիչ չէին հայերից: Պատահական մի առիթից օգտուելով, 1903-ին, կառավարութիւնը ձերբակալում է Զարդարեանին թշկատինցիի եւ մի քանի ուրիշ մտաւորականների հետ: Մի տարի բանտում մնալուց յետոյ, 1904-ին, տեղի է ունենում դատաւարութիւնը, եւ Զար-

դարեանը արձակուում է անպարտ, բայց այլեւս չի կարողանում պաշտօնավարել Սարրերդում:

Նոյն տարին, 1904-ին, Իզմիրի ազգային վարժարանի հոգաբարձութեան հրաւերով՝ Զարդարեանը ընտանիքով մեկնում է Իզմիր, բայց արդեւքի հանդիպելով Իզմիրի դպրոցում պաշտօնառնելու՝ ստանձնում է մերձակայ Մանխսայի ազգային վարժարանի տնօրէնութիւնը, ուր, սակայն, հազիւ մէկ տարի է մընում: Վրայ են հասնում 1905-ի դէպքերը. Սուլթանի մահափորձի պատրաստութեան զուղընթաց Իզմիրում եւս յեղափոխական աշխատանքներ են կատարւում, որոնց լուրը հասնում է կառավարութեան ականջին: Տեղի են ունենում խուզարկութիւններ եւ ձերբակալութիւններ: Խուզարկում է եւ Զարդարեանի բնակարանը, եւ Զարդարեանը բանտարկւում է երկու շաբաթով: Այլեւս Մանխսայում էլ անկարելի է լինում մնալ: Ընկերների պնդումով եւ աջակցութեամբ նա, իրրեւ փախստական, ընտանիքով մեկնում է Բուլղարիա եւ հաստատուում Փիլիպէ քաղաքում:

Այստեղ Զարդարեանի առջեւ բացւում է գործունէութեան մի նոր ասպարէզ: 1906-ին նա ձեռնարկում է «Ռազմիկ» եռօրեայ թերթի հրատարակութեան, որ դառնում է Դաշնակցութեան Բալկանի շրջանի ազդեցիկ պաշտօնաթերթը: Խմբադրական աշխատանքներից ազատ ժամանակը Զարդարեանը յատկացնում է դրա-



կանութեան եւ Դաշնակցութեան կազմակերպական գործերին: Որպէս Բալկանի շրջանի ներկայացուցիչ, նա մասնակեց Հ. Յ. Դ. Չորրորդ Ընդհ. Ժողովին, Վիեննայում, ուր կովկասեան եւ ընկերվարական գործունէութեան հակառակորդներէց մէկն էր, Վոսմեանի, Աւ. Իսահակեանի, Սարգիս Մինասեանի եւ ուրիշների հետ:

Օսմանեան Սահմանադրութեան հռչակումից յետոյ, Ջարդարեանն էլ անցաւ Պոլիս, ուր սկսուեց նրա կեանքի եւ գործունէութեան երրորդ՝ այնքան նշանակալից շրջանը: 1909-ին, Հ. Յ. Դաշնակցութեան Բիւրօն հիմնեց «Ազատամարտ» օրաթերթը. Ջարդարեանը դարձաւ նրա մնայուն խմբագրապետը՝ շրջապատուած օգնականների եւ աշխատակիցների փայլուն մի հոյլով: Որպէս խմբագիր եւ հրատարակագիր՝ Ջարդարեանը ցոյց տուեց արտասովոր հմտութիւն եւ աշխատունակութիւն: «Ազատամարտ»ը նրա ղեկավարութեան տակ եղաւ եզակի երեւոյթ հայ մամուլի տարեգրութեան մէջ:

Պարագրական գրադումներից դուրս՝ նա ժամանակ էր գրտնում յատկացնելու եւ գրականութեան, հանրային ու կուսակցական աշխատանքի եւ թղթակցութեան Բոստոնի «Հայրենիք»ին, որին տարիներ շարունակ ուղարկեց շաբաթական տեսութիւններ Աչք Յհովայի ծածկանունով: Դասախօսում էր Հայրիկեանի «Արդի Վարժարաններ»ում եւ կեդրոնական Վարժարանում: Անդամ էր Ազգ. Երեսի. Ժողովի: Գործօն մասնակցում էր «Գրական Ասուլիս»ներին եւ ազդային, դրական, կուսակցական ձեռնարկներին՝ ամէն տեղ բերելով լրջութիւն ու հեղինակութիւն:

1914-ի ամառը Ջարդարեանն էլ մասնակցեց Հ. Յ. Դ. Ցրդ Ընդհ. Ժողովին, Կարինում՝ լի յոյսերով ու ոգեւորութեամբ: Բայց Ժողովը դեռ չէր վերջացած, երբ սկսուեց համաշխարհային պատերազմը, եւ Ջարդարեանը ընկճուած շտապեց վերադառնալ Պոլիս: Յաջորդեցին մռայլ օրեր: Ջարդարեանը մինչեւ վերջ մնաց իր դիրքում, «Ազատամարտ»ի գլխին՝ անյողգողք պաշտպանելով հայութեան դատը: Ապրիլ 24-ին նա էլ աքսորուեց հարիւրաւոր ուրիշ մտաւորականների հետ նախ՝ Այաչ, ապա՝ Գոնիա, վերջը Հալէպ: Եւ Հալէպից յետոյ — ո՛չ մէկ լուր... Գերեզման իսկ չունեցաւ, ինչպէս եւ իր բախտակից ընկերները...

Ջարդարեանը իր պատուաւոր տեղը ունի հայ մամուլի եւ հանրային-յեղափոխական կեանքի պատմութեան մէջ, բայց անհամեմատ աւելի մեծ է, իբրեւ գրագէտ: Գրական հետաքրքրութիւնը նրա մէջ զարգացաւ դեռ աշակերտական նստարանների վրայ, Թլկատինցիի ազդեցութեան տակ: 1890-ին լոյս տեսաւ նրա առաջին գրութիւնը Պոլսի «Ծաղիկ»ում: 1891-92-ին աշխա-



տակցում էր Գ. Զոհրապի եւ Հ. Ասատուրի «Մասիս»ին: 1895-ին՝ Ա. Չոսպանեանի «Ծաղիկ»ին: Ապա՝ «Արեւելեան Մամուլ»ին, «Արեւելք»ին, «Շիրակ»ին, Ն. Աղոնցի «Բանրեր Գրականութեան եւ Արուեստ»ի հանդէսին եւայլն, ինչպէս եւ «Դրօշակ»ին թղթակցութիւններով Երկրի կեանքից: «Ռազմիկ»ում եւ «Շիրակ»ում ստորագրում էր էփտահար: Զարդարեանը հրատարակել է նաեւ դասագրքեր՝ «Մեղրադետ»ների շարքը եւ թարգմանութիւններ օտար գրականութիւնից, ինչպէս Սելմա Լակէլոֆի «Երուսաղէմը Տալէքարլի մէջ» եւայլն: Գրել է նաեւ Գէորգ Զաւուշի կենսագրութիւնը Ասլան ծածկանունով «Դրօշակ»ի մատենաշարի մէջ:

Սկզբնական շրջանին Զարդարեանը գրում էր առաւելապէս գաւառական պատկերներ, ժողովրդական հեքեաթներ, զանազան նիւթերի մասին առօրեայ կեանքից: Հետզհետէ նրա գրական հորիզոնը լայնանում է, փիլիսոփայական, բարոյական ու հայրենասիրական հարցեր են յափշտակում նրա միտքը եւ մէկը միւսի յետեւից ստեղծագործում է անմահ մնալու սահմանուած գրական դոհարներ, ինչպէս «Պահակները Արթուն են», «Եօթը Երգիչներ»ը, «Ով որ Սուլթան մը ունի իր հողիին մէջ» եւայլն: 1912-ին, «Աղգակ Մատենաշար»ի հրատարակութեամբ լոյս տեսաւ նրա երկերի հատորը,՝ «Յայդալոյս» եւ 1930-ին «Նահատակ Գրադէտներու Բարեկամներ»ի հրատարակութեամբ «Ամբողջական Երկեր»ի հատորը՝ Արձակ էջեր եւ Հէքեաթներ: Զարդարեանի երկերի լրիւ հրատարակութիւն, դժբախտաբար, չկայ դեռ:

## ԼԵՒՈՆ ԹԱԴԷՈՍԵԱՆ

ՊԱՊԱՇԱ, ԶՈՓՈՒՌԵԱՆ

Լեւոն Թադէոսեանը, ընկերական շրջանում յայտնի աւելի Պապաշա (Հայրիկ) անունով, Քրիստափորի քրոջ որդին էր, Գողթն գաւառի Հ. Յ. Դաշնակցութեան պարզեւած ազնուական զաւակներից մէկը: Ծնուել էր Ազուլիսում, 1865 թ. Փետր. 2-ին, առեւտրական մի ընտանիքում: Հայրը խանութ ունէր Զաքաթալայի շրջանում եւ ամէն երեք տարի մէկ անգամ այցելութեան էր դալիս ընտանիքին Ազուլիս, որով Պապաշայի երեք եղբայրներն ու մէկ քոյրը երեք տարով տարբերում էին իրարից: Լեւոնը երէցն էր. միջնակը Սամսոն, կրտսերը՝ Յովսէփ: Երեքն էլ՝ նշանաւոր հանրային եւ յեղափոխական գործիչներ:





ԼԵՆՈՆ ԹԱԴԷՈՍԵԱՆ — ՊԱՊԱՇԱ

Նախնական կրթութիւնը Լեւոնը ստացաւ ծննդավայրի ծխական դպրոցում, ուր ուսուցիչ էր եւ Բաֆֆին, որ մեծ ազդեցութիւն ունէր Ազուլիսի երիտասարդութեան վրայ: 1879-ին, աւարտելով դիւղական դպրոցը, Լեւոնը մեկնում է Թիֆլիս եւ մօրեղբօր՝ Քրիստափորի աջակցութեամբ մտնում է Ներսիսեան դըպրոցը, որ յաջողութեամբ աւարտում է 1884-ին: Թիֆլիսի նրա կեանքը անցնում է Քրիստափորի շնչի տակ:

1884-85 ուսումնական տարում Լեւոնը ուսուցչութիւն է անում Ազուլիսի ծխական դպրոցում, բայց 1885-ին կառավարութիւնը փակում է հայոց ծխական դպրոցները, եւ Լեւոնը մեկնում է Թիֆլիս, ուր ամառը անցնում է Քրիստափորի մօտ, որ նրան յանձնում է ղէնքի եւ դրականութեան դադանի սահետի սահպանութիւնը:

Աշնան Ազուլիսի դպրոցը վերաբացուեց. Լեւոնը վերադարձաւ իր սաշտօնին եւ մնաց Ազուլիսում մինչեւ 1888 թ.: Այստեղ նա աշխատում է նաեւ երիտասարդութեան մէջ, դասախօսութիւններ է տալիս, դրական-դեղարուեստական երեկոյթներ ու ներկայացումներ է կազմակերպում երիտասարդների եւ օրիորդների մասնակցութեամբ:



1888-90 թուականներին, Լեւոնը, Քրիստափորի օգնութեամբ, պատրաստուում է պետական միջնակարգ դպրոցի քըննութեան Մոսկուայի Գիւղատնտեսական ձեմարանը մտնելու նըւաւակով, բայց երբ Բազում քննութեան պիտի ներկայանար, ծանր հիւանդութիւն է ստանում եւ հրաժարւում է բարձրագոյն կրթութեան մտքից:

Հ. Յ. Դաշնակցութեան հիմնադրութիւնից յետոյ, 1890 թ. ամառը, Քրիստափորը ուղարկուում է նրան Անդրկասպեան երկիրը կոմիտէներ կազմելու եւ դրամական հանգանակութեան համար: Լեւոնը յաջողութեամբ կատարում է իր վրայ դրուած պարտականութիւնը: Իր յուշերում նա հետեւեալ ձեւով է ներկայացընում այդ օրերի իր տպաւորութիւնները.

«Մերվից վերադառնալիս՝ տեղական հայերը չէին թողնում, որ հեռանամ. շատերն ուզում էին ինձ հետ զէնքով գալ Թիֆլիս՝ Երկիր անցնելու համար, բայց ես հրահանգ ունէի միմիայն կամաւորներ արձանագրել, յորդորել, որ պատրաստուին, զինամարտուին, ի պահանջել հարկին, Երկիր անցնելու համար: Ամէն հայաբնակ վայրերում կազմուեցին կոմիտէներ, որոնց նպատակն էր խմբեր կազմել, կարգալ նրանց հայրենասիրական բովանդակութեամբ դրքեր, կազմակերպել երեկոյթներ եւ ներկայացումներ, իրր դրամական հասոյթի եւ պրոպագանտի միջոց, կազմել մարտական խմբեր եւ զինավարժել նրանց: Մեր կազմակերպութեան մէջ մտնում էին, մեծ մասամբ, արհեստաւորներ. տեղական հարուստները խուսափում էին, թէեւ դրամ տալիս էին»:

Անդրկասպեան երկրից վերադառնալով, 1890 թ. աշնան, Քրիստափորի յանձնարարութեամբ մեկնում է Տրապիզոն ուսուցչական պաշտօնով: Այնտեղ էին արդէն Ս. Զաւարեանը, Յ. Իւսուֆեանը եւ Յ. Արղութեանը: Թուրք կառավարութիւնը, սակայն, թոյլ չի տալիս նրան Տրապիզոնում մնալու, վերադառնում է Կովկաս եւ հրաւիրւում է ուսուցչութեան Գանձակում: Այստեղ էլ, սակայն չի կարողանում երկար մնալ: Դպրոցի հոգաբարձութիւնը եւ ուսուցչութիւնը կազմուած էր ազատական տարրերից: Հակառակորդ պահպանողականները բուռն պայքար են սկսում նրանց դէմ՝ մեղադրելով ուսուցիչներին անաստուածութեան մէջ: Յատկապէս Լ. Թադէոսեանին ամբաստանում են, որ նա դասի ժամանակ հերքել է ստտանաների գոյութիւնը, մահմետականութիւն է քարոզել եւ այլ անհեթեթութիւններ: Յարուցուած աղմուկի վրայ էջմիածնից ուղարկւում է պահպանողականներին կողմնակից մի քննիչ, որի ղեկուցման վրայ Մակար Կաթողիկոսը փակում է Գանձակի երկսեռ դպրոցը, լուծում է հոգաբարձութիւնը, պաշտօնից հեռացնում է ուսուցիչները, իսկ Լ. Թադէոս-



եանին զրկում է հայկական դպրոցներում ուսուցչութիւն անելու իրաւունքից: Այդ առթիւ տեղի են ունենում աշակերտական եւ ժողովրդական յուզումնալից ցոյցեր. Լեւոնը ձերբակալութիւնից խուսափելու համար հեռանում է Գանձակից եւ ընդմիջտ թողնում ուսուցչական առարկէզը:

Այնուհետեւ, Ս. Զաւարեանի յանձնարարութեամբ, Լեւոնը, մինչեւ 1898 թ., աշխատում է հակաՖիլիսերային խմբերում թիֆլիսի եւ Քութայիսի նահանգներում, եւ ինչպէս Գանձակում, այստեղ եւս ազատ ժամանակը նուիրելով Դաշնակցութեան՝ խրմբեր է կազմում, «Դրօշակ»ներ է տարածում, թղթակցում է Քրիստափորի եւ ուրիշ պատասխանատու ընկերների հետ: Նրա մասնակցութեամբ 1898-ին, թելաւում կազմւում է Կարմիր Սաչի մի խումբ:

1898 թուի վերջերը Լեւոնը տեղափոխւում է Բազու, ուր զանազան պատասխանատու պաշտօններ է վարում նաւթարդիւբերական հաստատութիւնների մէջ, մինչեւ Բազուի գրաւումը թուրքերից՝ 1918 թ. Սեպտեմբերին: Այստեղ նա ամբողջ էութեամբ նետւում է կուսակցական աշխատանքի մէջ՝ շուտով դառնալով Ոսկանապատի (Բազուի) Կենտր. Կոմիտէի մնայուն անդամը եւ կազմակերպութեան ողնասիւնը: Այստեղից սկսւում է եւ նրա Պապաշա անունը, իսկ կուսակցական գործերում՝ Զոփուռեան ծածկանունը ունէր:

Պապաշա (Հայրիկ) այնքա՛ն համապատասխանում էր նրա բնաւորութեան: Համեստ, սակաւախօս, ընկերական ու ջերմ սրտի տէր՝ նա սիրուած էր բոլորի, բայց, մանաւանդ, երիտասարդութեան եւ բանուորների կողմից: Ծայրայեղօրէն դադտնապահ, նախանձախնդիր խիստ կարգապահութեան՝ գերազանցապէս գործի մարդ էր նա: Հաշիւ, ծածկագրութիւն, զէնքի եւ դրականութեան գաղտնի պահեստներ, անցազիրների հայթայթում, վտանգուած ընկերների պահպանութիւն — ուր գործնական հմտութիւն եւ գաղտնապահութիւն էր պահանջւում, այնտեղ էր Պապաշան: Եւ ոչ միայն գործնական աշխատանքներում, Կենտր. Կոմիտէի ղեկավարութեան մէջ էլ, նրա բարոյական հեղինակութիւնը շատ մեծ էր:

1907-ին, Պապաշան պատգամաւոր էր Բազուի կողմից Վիեննայի Հ. Յ. Դ. Զորրորդ Ընդհ. Ժողովում: Հիւանդոտ աչքերը սեւ ակնոցի տակ՝ նա ժամերով լուռ հետեւում էր վիճաբանութիւններին, բայց բոլորովին այլափոխւում էր յանձնաժողովներում, ուր գործ, փաստ, թիւ էր պահանջւում: ԲԺ. Յ. Տէր-Դաւթեանի հետ, որի համեմատութեամբ Պապաշան պերճախօս



հոկտոբր էր, յանձնաժողովների ոգին եւ շարժիչ ոյժն էր կազմում :

Անջատական եւ միհրանական շարժումների տարիներին եւս Պապաչան բուռն աշխատանք թափեց պահելու համար կուսակցութեան միասնականութիւնը :

Վիեննայի Ընդհ. Ժողովից յետոյ, ուսական բանտերը լեցուեցին Դաշնակցականներով : Պապաչան բաւական ժամանակ մընաց ազատ : Մասնակցեց Կովկասեան Ռայոնական Ժողովին, 1908 թ. Մայիսին : Ամօթ էր զգում, որ իրեն չեն ձերբակալում :

— Ամէնքը բանտումն են, իսկ ես ազատ ման եմ գալիս. մարդիկ ի՞նչ կ'ասեն...

Բայց 1909 թ. Մայիսին հերթը նրան էլ հասաւ. ձերբակալուեց եւ մինչեւ 1911 թ. ամառը մնաց արգելափակուած նովոչերկասկի բանտում, որից յետոյ ազատ ձգուեց 5000 ռուբլի երաշխաւորութեամբ : Հոկտեմբերին նորից բանտարկուեց եւ անպարտ արձակուեց 1912 թ., մեծ դատավարութիւնից :

Այնուհետեւ, նոյն եռանդով, շարունակեց կուսակցական աշխատանքը Բագուում՝ միշտ մնալով Կենտր. Կոմիտէի կազմում : Բագուի Հերոսամարտի օրերին, Պապաչան անյողդողդ մնաց Ռոստոմի եւ Ա. Գիւլիսանդանեանի կողքին՝ վարելով կուսակցական գործերը նրանց հետ եւ միասին բաժանելով նահանջի եւ տարագրութեան դառն ճակատագիրը : Պարսկաստանում նրան յանձնուեց գաղթականների խնամատարութեան գործը :

1919 թ. Յունիսին Պապաչան վերադարձաւ Բագու եւ այնտեղից՝ Երեւան, ուր ընտրուած էր Սորհրդարանի անդամ, եւ եռանդով նուիրուեց պետական աշխատանքի : Սորհրդարանում նա ելեւմտական յանձնաժողովի տեղեկարբեր էր : 1919 թ. աշնան, Հ. Յ. Դ. Տ-րդ Ընդհ. Ժողովի կողմից ընտրուեց Դերազոյն Դատական Ատեանի անդամ : 1920-ին Սորհրդարանի կողմից ուղարկուեց Կարսի շրջանը քննական գործով :

Փետրուարեան յեղաշրջումից յետոյ, Պապաչան էլ տարագրուեց Պարսկաստան : Ապա ժընեւ ու Փարիզ, իբրեւ Հ. Յ. Դաշնակցութեան Կենտր. Դիւանի վարիչ : Մեռաւ 1936 թ. Դեկտ. 19-ին, Փարիզում :

## ՍԻԱՄԱՆԹՕ

Որքան բարդ էր ու ռազմաշունչ գրականութեան մէջ, Սիամանթօն այնքան պարզ էր ու մեղմ անհատական կեանքում : Իր կենսադրութիւնը, կարելի է ասել, նշանաւոր ոչինչ ունի իր մէջ : Իսկական անունով Ատոմ Եարճանեան էր՝ ծնուած 1878-ին





Ս Ի Ա Մ Ա Ն Թ Օ

Ակնում : Կրթութիւնը ստացել էր Պոլսի Պէրպէրեան վարժարանում : Գալրոցում սովորական ընդունակութիւնների տէր ու սովորական վարքով, բայց գրական հակումներով ու բանաստեղծական խառնուածքով օժտուած աշակերտ էր : Տակաւին գալրոցական նստարանների վրայ սկսել էր գրական յաջող փորձեր անել : Պէրպէրեան վարժարանը աւարտելուց յետոյ, Սիամանթօն



անցաւ Եւրոպա ուսանելու նպատակով, բայց նիւթական բաւարար միջոցներից զուրկ՝ չարքաչ կեանքի ու ծանր զրկանքների մատնուեց: Մինչեւ Օսմ. Սահմանադրութիւն մնաց Փարիզ եւ ժընեւ: Հետեւեց Սորբոնի գրականութեան բաժնի եւ ժընեւի համալսարանի դասախօսութիւններին: Ապրեց Փարիզի եւ ժընեւի հայ մտաւորական շրջանակում: Ֆրանսական մշակոյթի մթնոլորտում մշակուեցին նրա միտքն ու ճաշակը, իսկ Հ. Յ. Դաշնակցութեան մէջ՝ նրա քնարի ուղմաշունչ ոգին:

Փարիզում Սիամանթօն հրատարակեց իր բանաստեղծութիւնների առաջին տետրակը, իսկ նախ քան այդ, արդէն երեւացել էր Զոպանեանի «Անահիտ»-ում: Բայց միայն «Դրօշակ»-ով սկսուեց նրա գրական համբաւը:

1899-ին «Դրօշակ»ի խմբագրութիւնը ստանձնեց Քրիստափորը, որ ուրիշ տաղանդաւոր երիտասարդների հետ՝ Սիամանթոյին էլ կապեց Հ. Յ. Դաշնակցութեան կենտրոնական պաշտօնաթերթի հետ: Քրիստափորի շնչի տակ ու քաջալերանքով Սիամանթօն, 1899-ից սկսած, «Դրօշակ»ին տուեց իր հերոսական քերթուածների նշանաւոր շարքը, որոնք յետոյ, լոյս տեսան առանձին պրակներով:

Օսմանեան Սահմանադրութիւնից յետոյ՝ Սիամանթօն վերադարձաւ Պոլիս՝ խառնուելով այդ օրերին տիրող ընդհանուր ոգեւորութեան ու եռուղեռին: Պոլիսը, սակայն, նրան չհրապուրեց: Գործնական՝ հանրային կամ կուսակցական աշխատանքի մարդ չէր նա, իսկ միայն բանաստեղծութեամբ ապրելը անհնար էր: Երկար տարիներ եւրոպական կեանքին վարժուելով՝ Պոլսի այն օրերի մթնոլորտում նա չէր կարողանում հոգեկան բաւարարութիւն գտնել: Ուստի, օգտուելով Ամերիկայի ընկերների հրաւերից, 1909-ին, մեկնեց Ամերիկա՝ ստանձնելով Բոստոնի «Հայրենիք» շաբաթաթերթի խմբագրութիւնը, թէեւ, ի հարկէ, ինքն էլ գիտակցում էր, որ այդ գործն էլ իր խառնուածքին ու կոչումին հարադատ չէր: Ամերիկայում Սիամանթօն մնաց շուրջ մէկ տարի՝ ձեւականօրէն վարելով խմբագրութիւնը, բայց աւելի ապրելով բանաստեղծութեան աշխարհում: Այստեղ, ընկերների աջակցութեամբ, նրան յաջողուեց լոյս ընծայել իր քերթուածների գեղեցիկ հատորը:

1910-ի վերջերը Սիամանթօն վերադարձաւ Եւրոպա, ապա՝ Պոլիս, ուր մնաց որոշ ժամանակ՝ մասնակցելով այնտեղի գրական կեանքին, առաւելապէս «Աղատամարտ»ի շրջանակում: Ս. Զաւարեանի մահից յետոյ, ուղեկցեց նրա դազադին դէպի Կովկաս եւ այդ առիթով մօտ շիում ունեցաւ կովկասահայ մտաւորականութեան եւ գրական դէմքերի հետ: Այդ օրերին լոյս տե-



սաւ եւ իր «Սուրբ Մեսրոպ»ը՝ հայ տառերի դիւտի 1500-ամեակի առթիւ :

1914-ի ամառը Սիւրմանթօն նորից ժընեւում էր : Եւրոպական երկնակամարի վրայ արդէն կուտակուում էին չարագուշակ սամպեր : Եւ հակառակ ընկերների յորդորներին, համաշխարհային սլատերազմի նախօրեակին, նա վերադարձաւ Պոլիս՝ բաժնելու համար իր գրական եւ կուսակցական ընկերների սեւ ճակատազիրը : Վարուժանի, Զարդարեանի, Զոհրապի եւ հարիւրաւոր ուրիշ մտաւորականների հետ նա էլ զոհ գնաց Ապրիլեան Եղեռնին՝ տակաւին իր տաղանդի երիտասարդ ու ստեղծագործող տարիքին :

Սիւրմանթոյի մահով հայոց գրականութիւնը կորցրեց իր անզուգական ներկայացուցիչներից մէկին եւ Հայ Յեղափոխութիւնը՝ իր մեծ երգչին : Իր տեղը բռնող չգտնուեց : Սիւրմանթօն հայութեան կեանքի հերոսական շրջանի արտայայտիչն ու փառաբանողը եղաւ՝ իր դիւցազնական հզօր քնարով : Ինչպէս Ահարոնեանը արձակով, Սիւրմանթօն բանաստեղծութեամբ փառաբանեց Հայ Ազատամարտը : Իր «Դիւցազնօրէն»ը, «Հայրդիմերը», «Հոգեւարքի եւ Յոյսի Զահեր»ը, «Կարմիր Լուրեր Բարեկամէս»ը, իր ամբողջ գործը, հզօր երեւակայութեամբ եւ լեզուի ու սլատերների աննման գեղեցկութեամբ յաւերժացումն են հայոց պատմութեան Դաշնակցական դարաշրջանի եւ կը մնան անմահ մեր գրականութեան մէջ :

## ԴԱՆԻԷԼ ՎԱՐՈՒԺԱՆ

(1884-1915)

Դանիէլ Վարուժանը Սերաստիայի նահանգի Բրզնիկ գիւղից էր, ծնուած 1884-ին : Հայրենի դիւղում էլ անցել էր իր մանկութիւնը :

«Ինչ հազիւ թիթեռնիկներ որսալու հասակիս մէջ, գրում է նա իր մասին, հայրս պանդխտած է Պոլիս, իսկ մայրս՝ ձմեռնային երկար երեկոները թոնրատանը նստած՝ երեւակայութիւնս օրօրած է ենիչէրիներու եւ դայլերու պատմութիւնով, երբ Մէյրեղումի հովը կուղար բուխերիկին մէջ ոռնալ եւ մերթ դեւի ձառի մը նման լալ :

«Գիւղին դպրոցը հազիւ սկսած էի ժամագիրքը կարդալ սովորել, զիս տարած են Պոլիս, 1896-ի կոտորածի օրերուն, ուր



հայրս արեան սարսափի մէջ փնտուելէն յուսահատ՝ բանտին մէջ գտած եմ այն տխուր օրերուն ստօրէն ամբաստանուած» :

Պոլսում Վարուժանը յաճախում է Սազըզ Աղաճի Մխիթարեան դպրոցը, ապա՝ Քաղկեդոնի վարժարանը, ուր, ասում է ինքը, «երկար ատեն պատանեկութիւնս երազած է Մոտայի ծովափին եւ Դուրեանի ոսկորներուն յիսկիւտար» :

«Արձակուրդներս ընդհանրապէս անցուցած եմ հօրս քով, Խավիար խանը, հայ պանդուխտներու հառաչներու եւ վէրքերու արտփիւնին ունկնդիր» :


Դպրոցական նստարանի վրայ արդէն պատանի Վարուժանը սկսում է գրել ոտանաւորներ եւ, առհասարակ, մեծ սէր է ցոյց տալիս դէպի գրականութիւնը եւ, ինչպէս յատուկ է պատանիներին, յօրինում է սիրահարական ոտանաւորներ : Դպրոցի տեսուչ Հ. Արիստակէս Գասպանտիլեանը առաջնորդում է նրան գրական փորձերում եւ տեսնելով նրա ընդունակութիւնները, 1902-ին, ուղարկում է Վենետիկ՝ Մուրատ-Ռաֆայէլեան վարժարանը, ուր մնում է չորս տարի :

Մխիթարեան դպրոցում Վարուժանը ստանում է իր հիմնական կրթութիւնը եւ խորապէս ծանօթանում հայ մատենագրութեան, դասական ու նոր գրականութեան : Նրա վրայ ուժեղ տրպաւորութիւն են թողնում Ալիշանի երկերը : Այստեղ է ձեւակերպւում եւ նրա լեզուն ու գրական ոճը : Նրա լեզուի վրայ, մասնաւորապէս, զգացւում է Մխիթարեան ազդեցութիւնը : Բնականաբար, Վենետիկում էլ — «քաղաք մը, ուր առանց պատկերի մտածել կարելի չէ» — Վարուժանը շարունակում է երազել ու բանաստեղծութիւններ յօրինել : «Հոն է որ կը դրեմ «Սարսուռները», վկայում է ինքը : Վենետիկում դարգացաւ նրա բանաստեղծական ճաշակն ու երեւակայութիւնը :

Մխիթարեան վարժարանում, դարձեալ ինքն է վկայում, «առիթ եմ ունեցեր ուսումնասիրելու իտալական գրականութիւնը եւ յետոյ մեծամոլ խոկումներ ունեցած եմ միշտ գունածփիկ ու հրաշափառ քաղաքին մէջ, ուր վերջալոյսները ժամերով սոկի ու արիւն կը հոսին լռանիստ ջրանցքներուն մէջէն» : Անկասկած, իր ստեղծագործութիւնների մէջ Վարուժան որոշ մաս ունի եւ Դանթէի շնչից, առհասարակ, իտալական դասական գրականութիւնից :

Մուրատ-Ռաֆայէլեան վարժարանի կէս-վանական անձուկ մթնոլորտը չէր կարող բաւարարութիւն տալ Վարուժանի ըմբոստ ոգուն : Նա լաւ յիշողութիւններ չունի այնտեղից : «Մխիթարեանները սխտեմատիկ ազդեցութիւն չեն ներդրած հողիւս վրայ, գրում է նա : Հոն ունեցած եմ ոչ կարող ու ոչ աշխատող հայերէնի





ԴԱՆԻԷԼ ՎԱՐՈՒԺԱՆ

ուսուցիչ: Կարդացած եմ Ալիշանը ու տեսած եմ իր դերեզմանը, եւ այսքան»:

Հողեւոր դպրոցների միջնուորտը ամէն տեղ էլ դրեթէ միեւնոյնն է: Եւ ուսուցիչներն էլ, աւելի կամ պակաս, մեծ մասամբ նման տիպարներ են, քանի որ նրանց պարտականութիւնը ոչ թէ ազատ մտքով դարգացած անհատներ պատրաստելն է, այլ եկեղեցական ասպարէզի համար աստուածավախ, խոնարհ, որոշ մտայնութեամբ կաղապարուած սպասաւորներ դաստիարակելը: Եւ հասկանալի է, որ Վարուժանը չէր կարող գոհ լինել Մխիթարեան վարժարանից. «Այդ չորս տարիները, ասում է նա, ինձի համար եղած են նաեւ ըմբոստացումներու տարիներ ընդդէմ վարժարանական անմիտ վարչութեան մը, զոր վերջի վերջոյ կրցած ենք տապալել կարգ մը ռուսահայ եւ թրքահայ ընկերներու հետ»: Դաշնակցականի հոգի ունեցող երիտասարդի համար բնական էր խորշանքը վանական միջնուորտից, որ բացի իր ընդհանուր անհրապոյր կերպարանքից, սովորաբար լեցուն էր նաեւ ներքին մանր-մուկ խորդաւանքներով, եսերի բախումներով, նախանձով եւ պայքարով՝ աստիճանի ու դիրքի համար:

Բայց միւս կողմից, պէտք չէ ուրանալ, որ Վարուժանը, հա-



կառակ իր պնդումին, ի հարկէ, մեծապէս օգտուել է Մխիթարեան հայագիտութիւնից, հարուստ մատենադարանից եւ հայկական ազգային միջավայրից: Մխիթարեանների շնորհիւ էր, որ նա կարողացաւ կրթութիւն ստանալ եւ իր բնածին տաղանդը զարգացնել, այլապէս դաւանացի մի պանդուխտ՝ նա ի՞նչ կարելիութիւն պիտի ունենար մինչեւ բարձրագոյն կրթարան հասնելու եւ դառնալու հայոց ազգի մեծ բանաստեղծներից մէկը:

Դեռ Մխիթարեան վարժարանում էր Վարուժանը, որ «Բագմալէ»-պի մէջ առաջին անգամ հրատարակեց իր մի քերթուածը՝ «Ալիշանի շիրմին առջեւ»:

1906-ին Վարուժանը աւարտում է Մուրատ-Ռաֆայէլեան դպրոցը: Արդուլ Համիտի իշխանութեան ամենամռայլ օրերն էին: Նա վարանում է վերադառնալ Պոլիս, մանաւանդ որ միշտ երազել էր բարձրագոյն կրթութիւն ստանալ եւրոպական որեւէ կենտրոնում: Եւ Հ. Արսէն Ղազիկեանի եւ ուրիշների աջակցութեամբ յաջողում է անցնել Բելգիա, ուր Կանտի համալսարանում ուսանում է գրականութիւն եւ քաղաքական ու տնտեսական դիտութիւններ: Չորս տարի էլ մնում է Կանտում, որ Բելգիայի Ֆլամանտական մասում դործարանային մի քաղաք է: Յլաման ժողովուրդը իր կենսուրախ ու դեղարուեստասէր բնաւորութեամբ եւ բանուորական միջավայրը, անշուշտ, ուժեղ տպաւորութիւն են թողնում Վարուժանի մտքի եւ արուեստի վրայ: Նա ինքն էլ է խոստովանում, թէ՛ «Յլաման կեանքն ու դեղարուեստը թերեւս եղան պատճառ, որ արուեստս հակէր դէպի իրապաշտութիւն»:

Դիւրին չէր Վարուժանի կեանքը Կանտում — աղքատ ուսանողի կեանքը: Նա շատ ծանր օրեր է անցկացնում, բայց կարողանում է տոկալ բոլոր նեղութիւններին: Նրան օգնութեան են հասնում բարեկամներն ու համակիրները, որոնց աջակցութեամբ յաջողում է աւարտել համալսարանը:

Յամառօրէն հետեւելով գիտութեան՝ միեւնոյն ժամանակ Վարուժանը չի լքում քնարն ու գրիչը, շարունակում է ստեղծագործել: Այստեղ էր, որ նա գրեց իր սարսուղդեցիկ «Ջարդը», որ լոյս տեսաւ 1908-ին, Փարիզում: Դրանից երկու տարի առաջ, 1906-ին, վենետիկում «Սարսուռներ» քերթուածը: Կանտում է յօրինուել եւ հրատարակուել «Յեղին Սիրտը» հատորի մեծ մասը:

Իր կեանքի այդ շրջանի մասին Վարուժանը գրում է. «Կրնամ ըսել, թէ ամենէն խոր անձնական տառապանքները ես կրեցի Կանտի մէջ: 1904-7 շրջանն էր, երբ հայութիւնը կը խեղդուէր սուրի եւ սովի մղձաւանջին մէջ, ու ես չուզեցի տեղ տալ իմ ան-



հատական ցաւերուս, գրեթէ բոնի լուցուցի իմ սիրտս ու նախընտրեցի երգել Յեղին Սիրտը, որուն բախիւնները կը զգայի իմ մէջս, իմ սեփական արիւնիս խորը: Հայութիւնը կուլար ու կը մոնչէր իմ մէջս, եւ երգերս դուրս կուգային օտար երկնքի տակ կարօտի լարովը միայն կապուած մեր երկրի հողին եւ մարդուն հետ:

«Սակայն, տեսած էի Եւրոպան: Օգտուելով տեղւոյն հսկայ գրադարանէն՝ կարդացեր էի Հնդիկներէն մինչեւ Հոմեր եւ Հոմերէն մինչեւ Մետերլինկ: Հոգիիս վրայ բոցի մը լեզուին պէս զգացած էի բանուորներուն աղաղակները մէկ կողմէն եւ միւս կողմէն շուայտ եւ արբեցող կեանքը, ի դուր թաղնուող բողացումները բարոյիկ համարուած փարթամ ընտանիքներուն: Եւ ահա ասոնք բոլորը, ստորադժուած յիշողութեանս մէջ եւ միացուցած հին յունական ու հռոմէական կեանքին վերյիշումներուն, յանգեցայ գրել «Հեթանոս Երգեր»ը երբ որ Երկիր, իմ դիւզս վերադարձայ»:

Իր բարձրագոյն ուսումը լրացնելուց յետոյ, 1909-ին, Վարուժանը վերադարձաւ հայրենիք եւ երկու տարի ուսուցչութիւն արաւ Սերաստիայի Աղգային Արամեան վարժարանումը: Այստեղ նա կազմեց իր ընտանեկան բոյնը՝ ամուսնանալով սիրած օրիորդի մը հետ: Մտերմացաւ Սերաստացի Մուրատի հետ եւ դպրոցից դուրս գործօն մասնակցութիւն ունեցաւ նաեւ հանրային եւ Հ. Յ. Դաննակցութեան կուսակցական կեանքում: Չերմ սէր եւ անջինջ յիշատակ թողնելով Սերաստացի հայրենակիցներէ սրտում: 1910-ին, Պոլսում լոյս տեսաւ նրա «Յեղին Սիրտը» բանաստեղծութիւնների հատորը:

Մի տարի էլ (1911-12 թ.) Վարուժանը ուսուցչութիւն արաւ Եւզոկիայում: Եւ նոյն տարին, 1912ին, Պոլսում, լոյս տեսաւ նրա «Հեթանոս Երգեր» հատորը:

1912 թ. ամառուանից սկսած Վարուժանը ընտանիքով փոխադրուեց Պոլիս՝ ստանձնելով Բերայի Սուրբ Գրիգոր Լուսաւորիչ վարժարանի տնօրէնութիւնը:

Պոլիսը Սերաստիա կամ Եւզոկիա չէր: Այստեղ էր կենտրոնացած արեւմտահայութեան մտաւոր կեանքն ու արուեստը, նաեւ մտաւորականութեան ընտրանին: Վարուժանն էլ, բնականարար, հոգեկան աւելի մեծ դժհացում դտաւ Պոլսում, աշխոյժով ու եռանդով լեցուեց: Նա իր ազատ ժամանակը անց էր կացընում «Ազատամարտ»ի շուրջ համախմբուած մտաւորականութեան շրջանակում: Մասնակցում էր մշակութային ձեռնարկներին: Հրատարակեց «Նաւասարդ» տարեգիրքը Յ. Ծ. Ս. Սիրունիի հետ: Գրեց «Հացին Երգը» բանաստեղծութիւնների շարքը, որի



հրատարակութիւնը, աւա՞ղ, չվիճակուեց իրեն տեսնելու: «Այդ հատորին մէջ, գրում է նա, երգուած պիտի ըլլան հայրենի հողը, մշակներու աշխատութիւնը եւ գիւղական կեանքի խաղաղ մեծութիւնները»: «Հացին Երգը» լոյս տեաւ 1921-ին, Պոլսում:

Հազիւ երեսուն տարիները լրացրել էր Վարուժանը, բայց իր ստեղծագործութեամբ արդէն իսկ գրականութեան առաջնակարգ դէմք էր դարձել: Այգեքանը, սակայն, նրան չէր բաւարարում: Արդար իրաւունքով նա ձգտում էր աւելիին: «Բաղձանքս էր, գրում էր նա իր համակներից մէկում, ասպագային մարդերուն նուիրել հզօր երգ մը, որ հայրենիքը ինծի պէս արարած մը ծնած ըլլալուն գոնէ չզղջայ»:

Հայրենիքը, ի հարկէ, առանց դրան էլ չի զղջացել, բայց, անշուշտ, Վարուժանը դեռ նոր էր ոտք կոխում հասունութեան շրջանը եւ, եթէ ողջ մնար, տակաւին ի՞նչ «հզօր երգեր» պիտի նուիրէր իր ազգին, որի հանդէպ հաւատացեալի պաշտամունք ունէր:

Վրայ հասաւ համաշխարհային առաջին պատերազմը: Ապա, 1915 թ. ապրիլեան Մեծ Եղեռնը: Հարիւրաւոր հայ մտաւորականների հետ Վարուժանն էլ ընկաւ ոճրագործ դազանների ձեռքը: Չանկըրիի դժոխքից նրան ազատելու բոլոր ճիգերը անցան ասպարդիւն: Վարուժանը ոչ միայն հայ մտաւորական էր, այլեւ անուանի Դաշնակցական. բորենի Թալէաթ չէր կարող հրատարակել նրա արիւնը խմելու հաճոյքից էլ: Եւ իրեն դաղափարակից ու բախտակից միւս բոլոր մտաւորականների հետ Վարուժանն էլ նահատակուեց: Ե՞րբ, ո՞ւր, ինչպէ՞ս — ո՞վ կարող է ասել:

Դահլիճները բնաջնջեցին Վարուժանի մարմինը, բայց նա իր դործով անմեռ կը մնայ հայ ժողովրդի հոգում: Իրաւ է բանաստեղծ Սողոմոն Տարօնցին՝ ոգեկոչելով Վարուժանի հանճարը.—

Դու մեզ հետ ես, ըմբո՛ստ, երիտասա՛րդ Վարպետ,

Թէեւ քո շիրիմը անապատում անհետ—

Կորաւ ընդմիշտ — անհող, անգիր, անյիշատակ,—

Սակայն, ժողովրդիդ բաբախուն կրծքի՛ տակ—

Կա՛յ շիրիմդ — ահա — կանա՛չ եւ ցօղաթուրմ,

Օ՛ր, Դանիէլ Վարուժան, գուսանապետ դու քուրմ:




## ԱԻԵՏԻՍ ԱՆԱՐՈՆԵԱՆ

Եթէ Րաֆֆին եղաւ Հ. Յ. Դաշնակցութեան հոգեհայրը, ի լինելութեան գաղափարների, յեղափոխական գործերի եւ տիպար հերոսների տեսանողն ու երեւակայութեամբ մարմնացնողը, Աւ. Ահարոնեանը Դաշնակցութեան արդէն բիւրեղացած գաղափարների եւ կենդանի գործի ու կենդանի հերոսների երգիչն ու ջատագովն էր: Այդ իմաստով Ահարոնեանը Րաֆֆիի անմիջական ժառանգն է եւ նրա գործի շարունակողը՝ արուեստի տարբեր ձեւերով եւ արտայայտութեան տարբեր եղանակով: Սիամանթօն, որպէս բանաստեղծ, եւ Ահարոնեանը արձակով Հայ Յեղափոխութիւնը, ի մասնաւորի, Հ. Յ. Դաշնակցութիւնը պանծացնող մեծագոյն դէմքերը հանդիսացան: Եւ եթէ Սիամանթօն չտեսաւ Հայաստանի արեւածագը, Ահարոնեանը տեսաւ ու գործով էլ մասնակից եղաւ Ազատ եւ Անկախ Հայաստանի ծնունդին եւ վերելքին եւ, աւա՛ղ, ճաշակեց նաեւ անկման դառնութիւնները:

Աւ. Ահարոնեանը ծնուել էր 1866 թ. Յունուար 4-ին, Արարատեան Դաշտի, Սուրմալու գաւառի Իգդիրմաւա գիւղում, համեստ աշխատաւորի մի ընտանիքում, Մասիսի հովանու ներքեւ: Իր յուշերում նա ասում է. «Երբ աչքս բացի, Մասիսը տեսայ մեր դրանը եւ իր ստուերն իմ գլխին»: Կամ՝ «Մասիսն է եղել իմ առաջին ուսուցիչը». այդ «հրաշք լերան անդիմադրելի կախարդանք»ով է սնուել նրա մանուկ հոգին:

Նախնական կրթութիւնը Իգդիրի ծխական դպրոցում ստանալով, իր ուսուցիչ Դ. Քալանթարեանի միջնորդութեամբ, 1881 թ. Սեպտեմբերին, պատանի Աւետիսը ընդունւում է Էջմիածնի Գէորգեան ձեմարանը, որի վեցամեայ դասարանական բաժինը աւարտելով 1886-ին՝ վերադառնում է գիւղը: Եւ յաջորդաբար, իրրեւ վերակացու կամ ուսուցիչ, պաշտօնավարում է Գէորգեան ձեմարանում (1887 թ.), Իգդիրի ծխական դպրոցում (1888-92), Նոր Բայազետի ծխական դպրոցում (1893), կրկին Իգդիրի ծխական դպրոցում (1894-96): Դպրոցից դուրս Ահարոնեանը մեծ եռանդով մասնակցում է հանրային կեանքին. իր շուրջ համախրմբում է երիտասարդութիւնը, պարապում է նրանց հետ, երեկոյթներ ու ներկայացումներ է կազմակերպում գիւղի հասարակութեան համար: Ծփւում է Երկիր գնացող-եկող «առաքեալ»ների, յեղափոխական շրջանակների եւ Դաշնակցական «գործակալ»ների հետ: Առանձնապէս մտերմանում է Զաքքիի (Բազրատ վարդ. Թաւաքալեանի) հետ, աջակցում է նրան Երկրի համար կատարած ձեռնարկներին: 1887 թուից սկսած աշխատակցում է Թիֆլիսի «Արձագանդ»ին, ապա «Մշակ»ին, 1895-96 թ. կոտորածների օ-





ԱԻԵՏԻՍ ԱՀԱՐՈՆԵԱՆ

րերին, երբ ջարդից մազապուրծ գաղթականութիւնը թափուում է Սուրմալու, Ահարոնեանը ցերեկը դիշերին խառնած դբաղւում է նրանց հոգատարութեան գործով եւ սրտայոյզ թղթակցութիւններ է ուղարկում Թիֆլիսի հայ մամուլին:

Հայկական դպրոցների փակումից յետոյ, Ահարոնեանը երկու տարի եւս, մինչեւ 1898 թ. մնում է ծննդավայրում՝ ամբողջապէս նուիրուած գրականութեան: Այդ տարիներին «Մշակ»ում շոյս տեսան նրա պատմուածքները թրքահայ գաղթականների կեանքից՝ «Ճալագ վուրդունի», «Փշուր ըմ խաց», «Պուտ ըմ կաթ», «Բաշօ» եւայլն, որոնք նրա վրայ գրաւեցին հասարակութեան ուշադրութիւնը: 1898-ին, Բագուի մի խում գրասէրների, բայց առաւելապէս Աստ. Վաչեանցի տրամադրած թոշակով, Ահարոնեանը մեկնում է Զուիցերիա ուսումը շարունակելու նպատակով: Մանում է Լոզանի համալսարանի պատմա-փիլիսոփայական բաժինը, եւ Գրիստափորի ազդեցութեան տակ, «Դրօշա-



կ»ում շուտով սկսում է նրա յեղափոխական պատմուածքների շարքը, Ղարիբ ստորագրութեամբ, որոնք յետոյ լոյս տեսան առանձին հատորով՝ «Ազատութեան ճանապարհին»: Միաժամանակ առանձին Ահարոնեանը աշխատակցում էր եւ «Մշակ»ին ու Թիֆլիսի «Մուրճ»ին՝ վերջինում Կուրբաթ-Հարունի ծածկանում:

1901-ին աւարտելով Լոզանի համալսարանը եւ մի տարի էլ հետեւելով Սորբոնի դասախօսութիւններին Փարիզում, 1902-ին Ահարոնեանը մեկնում է Թիֆլիս, ուր, մինչեւ 1905 թ., վարում է «Մուրճ»ի խմբագրութեան գրական բաժինը եւ գրադում գրականութեամբ՝ լոյս ընծայելով «Խեղճերը» եւ «Արագը» պատմուածքների եւ նորավէպերի հատորները: 1905-ին նորից Եւրոպայում է՝ քաղաքական աշխատանքով: Ռուսական առաջին յեղափոխութիւնից յետոյ՝ վերադառնում է Թիֆլիս եւ մտնում նոր հիմնուած «Յառաջ» օրաթերթի խմբագրական կազմի մէջ: «Յառաջ»ում եւ նրան յաջորդող թերթերում Ահարոնեանը ունի բազմաթիւ խմբագրականներ, հրապարակախօսական յօդուածներ, գեղարուեստական գրուածքներ: Ահարոնեանը գործօն մասնակցութիւն ունէր եւ հանրային ու կուսակցական կեանքում: Պատմաաւոր եղաւ էջմիածնի Ազգային-Եկեղեցական Ժողովում, որ ցարական իշխանութեան կողմից ցրուեց 1906 Օգոստ. 29-ին: Հայ-թաթարական ընդհարումների եւ նրանց յաջորդող միհրանական պղտոր շարժումի օրերին Ահարոնեանը ոգի ի բռին պաշտպանեց Դաշնակցութեան սկզբունքներն ու դիրքերը: Մասնակցեց Հ. Յ. Դ. Չորրորդ Ընդհ. Ժողովին, Վիեննայում, իբրեւ Կարսի պատգամաւոր եւ իր հեղինակութեամբ մեծապէս նպաստեց կուսակցութեան միասնականութիւնը պահպանելուն: Դրանից առաջ, 1907 թ. դարնան, իբրեւ կաթողիկոսական պատուիրակ, Գէորգ եպ. Իւլթիւճեանի հետ, Ահարոնեանը Լահէի խաղաղութեան խորհրդաժողովին ներկայացրեց հայկական պահանջները:

1907 թ. աշնան Ահարոնեանը հրաւիրւում է Թիֆլիսի Ներսիսեան դպրոցի տեսուչ: Դպրոցական գործին զուգընթաց՝ Ահարոնեանը շարունակում է եւ գրական աշխատանքը՝ լոյս ընծայելով «Արցունքի Հովիտը» եւ «Ուխտուածներ» թատերախաղերը եւ ուրիշ գործեր:

1908-ից Ռուսաստանում սկսուեցին Դաշնակցականների զանգուածային ձերբակալութիւնները: 1909 թ. Մայիսին, Թիֆլիսում, բանտարկուեց նաեւ Ահարոնեանը եւ ամառը փոխադրուեց Բազուի բանտը՝ այնտեղից նովոչերկասկ ուղարկուելու համար: Բազում, սակայն, հիւանդացաւ եւ մինչեւ 1910 թ. ձմեռը պահ-



ուեց հիւանդանոցում, ուր արտադրեց մի շարք գեղարուեստական երկեր<sup>\*)</sup>: Ապա փոխադրուեց Նովոչերկասկի բանտը, 1911 թ. Փետրուարին, մի քանի բարեկամների հայթայթած 20,000 ռուբլի երաշխաւորութեամբ, ազատ արձակուեց եւ նոյն տարուայ ամառը խոյս տուեց դէպի Բայազետ, Ալաշկերտ ու Կարին եւ այնտեղից Պոլիս, Աւ Իսահակեանի եւ Գ. Խաթակի հետ, ուր նրանց խանդավառ ընդունելութիւն ցոյց տրուեց:

Մի քանի ամիս Պոլսում անցկացնելուց եւ դատախօսութիւններով ու հրատարակային ելոյթներով պոլսահայ կեանքում մեծ եռուզեռ ստեղծելուց յետոյ, Ահարոնեանը անցաւ Եւրոպա, Լոզան, ուր մնաց մինչեւ 1916 թ. աշխատակցելով Կովկասի եւ Պոլսի մամուլին եւ իր ամբողջ ժամանակը տրամադրելով գրականութեան:

Համաշխարհային առաջին պատերազմի եւ ապա՝ ռուսական յեղափոխութեան հետեւանքով բոլոր Դաշնակցական աքսորեալներն ու տարագիրները ազատութիւն ստացան վերադառնալու հայրենիք: 1916 թ. Փետրուարին Ռուսաստան վերադարձաւ եւ Ահարոնեանը: Մի տարուց աւելի նա մնաց Հիւս. Կովկասի հանգստային ջրերում, որտեղից աշխատակցում էր «Հորիզոն»ին: Յարական իշխանութեան անկումից յետոյ, բայց, մանաւանդ, 1917 թ. երկրորդ կիսին, «Հորիզոն»ում լոյս տեսան նրա հայրենաշունչ, ցնցող յօդուածները, որոնք յետոյ ամփոփուեցին «Հայրենիքիս համար» հատորում:

Վերադառնալով Թիֆլիս, արդէն ազատութեան օրերին, Ահարոնեանը ամբողջ էութեամբ նետուեց ազգային գործերի մէջ: 1917 թ. աշնան նա նախագահեց Ռուսահայոց Ազգային Համագումարին եւ ընտրուեց Համագումարի կազմած Ազգային Խորհրդի նախագահ: Ազգային Խորհուրդը դարձաւ Կովկասի հայերի անպաշտօն կառավարութիւնը եւ այնուհետեւ, մինչեւ Հայաստանի Հանրապետութեան ստեղծումը, վարեց հայկական գործերը: Որպէս Ազգ. Խորհրդի նախագահ, Ահարոնեանը երեւան բերեց մեծ հմտութիւն ու եռանդ եւ կարողացաւ համադրել

---

<sup>\*)</sup> 1910-ին, Պետերբուրգի Դաշնակցական ուսանողութիւնը հրատարակեց «Պսակ» անունով մի ստուար ժողովածու՝ նուիրուած Եղիշէ Թովչեանի յիշատակին: Ժողովածուն, 3000 օրինակ, տպուեց Մոսկուայում. լոյս տեսած օրը գրաւուեց գրաքննութիւնից եւ ամբողջութեամբ այրուեց: Մի օրինակ միայն կարելի եղաւ ազատել. այն էլ անհետացաւ Ամերիկայում: Այդ ժողովածուում մի գեղեցիկ գրուածք ունէր եւ Ահարոնեանը բանտային կեանքից, որի ձեռագիրն էլ, դժբախտաբար, կորել է:



կուսակցական հակամարտ տարրերը: 1918-ի գարնան ողբերգական օրերին, Ազգ. Խորհուրդը Ահարոնեանի ղեկավարութեան տակ, համազործակցութեամբ Արեւմտահայ Խորհրդի, փրկարար դեր կատարեց հայութեան կեանքում:

Հայաստանի Հանրապետութեան կազմութիւնից յետոյ, Ահարոնեանը գլխաւորեց այն պատուիրակութիւնը, անդամակցութեամբ Ա. Խաթիսեանի եւ Մ. Պապաջանեանի, որ ուղարկուեց Պոլիս բանակցելու թուրք կառավարութեան հետ Բաթումի դաշնագիրը փոխարինող նոր դաշինք կնքելու համար: Կարելի է երեւակայել աւելի դժնդակ պարտականութիւն, քան հայերի ջարդարար Թալէաթներէց բարեկամութիւն խնդրելը մէկի համար, որի ամբողջ կեանքը անցել էր անհաշտ պայքարի մէջ այդ ջարդարարների դէմ: Ամիսներ տեւող բանակցութիւնները դրական արդիւնք չտուին: Վրայ հասած ընդհանուր զինադադարը, Դաշնակիցների յաղթութեամբ, աշխարհի եւ հայերի համար ստեղծեց նոր կացութիւն, նոր հեռանկարներ ու նոր յոյսեր:

Պատուիրակութիւնը վերադարձաւ Երեւան, ուր Ահարոնեանը մնաց կարճ ժամանակ՝ ախանապետ լինելով հայ ժողովրդի կրած ահաւոր տառապանքներին ու նաեւ պետական կազմաւորման հզօր ճիգին: Նա նորից նշանակուեց պատուիրակութեան նախագահ, այս անգամ Դաշնակիցների մօտ, ներկայացնելու համար Հայաստանը Խաղաղութեան Վեհաժողովի առջեւ: Հայաստանի Խորհրդի կողմից նրան տրուեց հրահանգ, Ազգ. Պատուիրակութեան հետ համախորհուրդ, պահանջելու թրքահայ եւ ռուսահայ հողերի միացումը մէկ պետութեան մէջ: Խորհուրդը շնորհեց նաեւ Խորհրդարանի նախագահի տիտղոսը՝ աւելի հեղինակաւոր դիրք տալու համար նրան պետութիւնների աչքին:

1919 թ. Յունուարին, Թիֆլիսի վրայով, Ահարոնեանը մեկնեց Փարիզ. ճանապարհին, ամէն տեղ, արժանանալով հայ ժողովրդի ցնծազին ընդունելութեան: Փարիզում, Ազգ. Պատուիրակութեան նախագահ Պողոս Նուպարի հետ միասին, Ահարոնեանը ներկայացրեց հայ ժողովրդի պահանջները Դաշնակիցների Վեհաժողովին՝ Միացեալ եւ Անկախ Հայաստան Սեւ Յովից մինչեւ Միջերկրական ծով սահմաններով: Ինչպէս յայտնի է, Հայաստանի Հարցը, Վերսայլից յետոյ, աւելի քան մէկ տարի յետաձգուեց: Ահարոնեանը այդ ժամանակաշրջանում յուզումնալից դործունէութիւն ունեցաւ եւ, կարելի է ասել, դուռ չմնաց, որ չբախէր պաշտպանելու համար Հայ Դատը: Ներքին՝ ազգային կեանքում էլ դժուարութիւնների բախեց՝ անվհատ եւ արժանապատուութեամբ ներկայացնելով ու պաշտպանելով Հայաստանի շահերը: Դժբախտարար, կարելի չեղաւ հայութեան բոլոր ճիգերը միա-



ցընել մէկ հունի մէջ. կուսակցական կիրքերը աւելի զօրաւոր դուրս եկան, քան ազգային-պետական դիտակցութիւնը: Երկու Պատուիրակութիւնները դործեցին առանձին-առանձին, երբեմն նոյնիսկ՝ հակամարտ: Ահարոնեանը անվհատ առաջ տարաւ քաղաքական աշխատանքը, մինչեւ որ, 1920 թ. Օգոստ. 10-ին, Սեւրում, ստորագրուեց խաղաղութեան դաշնագիրը Թուրքիայի հետ, որով ճանաչուեց Միացեալ եւ Անկախ Հայաստանի իրաւական դոյութիւնը՝ Միացեալ Նահանգների նախագահ Ուիլսոնի սահմանադրումով: Ահարոնեանը, յանուն Հայաստանի Հանրապետութեան, ստորագրեց դաշնագիրը Դաշնակից պատգամաւորների հետ միասին: Այդ առթիւ նա իր յուշամատեանում արձանագրել է.

«Կենսաբիւս ամենաերջանիկ օրն է այս: Երեսուն տարուայ պայքարս, բողոքս, տառապանքս եւ յոյսերս պսակուեցին փառաւոր յաջողութեամբ: Թուրքական դաշնագիրը ստորագրուեց, եւ բոլոր Դաշնակից պետութիւնների Համաժողովն այսպիսով հռչակեց Միացեալ, Անկախ, Ազատ Հայաստանը Սեւրի սրահում»:

Սեւրին յաջորդեցին ողբերգական օրեր Հայաստանի համար — պատերազմ Թուրքիայի հետ, խորհրդայնացում, անկախութեան վերացում, հայկական իրաւունքների ուրացում Հայաստանի բոլշեւիկ վարիչների կողմից, ապա՝ Լոզանի խայտառակ դաշինքը... Ահարոնեանը, իբրեւ Հ. Հ. Պատուիրակութեան գլուխ, շարունակեց ներկայացնել Հայաստանը արտաքին աշխարհի առջեւ՝ անընդհատ եւ, դժբախտաբար, ասպարդիւն բախելով մեծ պետութեանց եւ Ազգերի Դաշնակցութեան դռները: Լոզանի Դաշնագրի առթիւ Դաշնակիցներին եւ Խորհրդային արտաքին դործավար Չիչերինին ուղղած պատմական բողոքագրերը կարապի երկը եղան Ահարոնեան քաղաքական դործչի համար:

Քաշուելով քաղաքական ասպարէզից՝ Ահարոնեանը նորից ձեռք է առնում գրիչը: 1916-ից ի վեր նա գրեթէ գրական-դեղարուեստական դործ չէր արտադրել: Հիմա նոր թափով, իրար յետեւից, նրա գրչի տակից դուրս են գալիս դործեր, որոնց մի մասը, ինչպէս «Ղեղոյի Արտը», Ահարոնեանի թողած գրական ժառանգութեան մէջ առաջնակարգ տեղ է գրաւում: Պարբերականներում եւ առանձին հատորներով լոյս տեսան, յիշելու համար միայն մի քանիսը, նրա «Ճամբորդը», «Ղեղոյի Արտը», «Կաթուղքը», «Իմ Գիրքը» երկու հատոր եւայլն: Պատկառելի է Ահարոնեանի այս շրջանի գրական վաստակը թէ՛ քանակով եւ թէ՛ որակով: Ահարոնեանի ամբողջական երկերի ժողովածուն, 10 հատորով, լոյս տեսաւ 1947-50-ին, իր որդու՝ Վ. Ահարոնեանի հրատարակութեամբ:



1930-ին, Ֆրանսայում եւ գրեթէ ամբողջ արտասահմանում տօնուեց Ահարոնեանի քառասնամեայ գրական գործունէութեան յորելեանը եւ այդ առթիւ հիմնուեց Ահարոնեանի անունով Մշակութային Հիմնադրամ, որի արդիւնքից պիտի օգտուէր յորելեարը, իսկ նրա մահից յետոյ՝ վաստակաւոր հայ մտաւորականները:

Որքան եւ գրադուած լինէր գրականութեամբ, Ահարոնեանը չլքեց եւ հասարակական գործունէութիւնը. նա իր խորհուրդներով աջակցում էր Կուսակցութեան քաղաքական ձեռնարկներին, մասնակցում էր Դաշնակցութեան աշխատանքին, ինչպէս եւ ազգային-մշակութային կեանքին: Մասնաւոր գուրդուերանք էր ցոյց տալիս դէպի 1928-ին կազմուած Համազգային Ընկերութիւնը եւ նրա հիմնած Բեյրութի ձեմարանը Լ. Շանթի եւ Ն. Աղբալեանի ղեկավարութեան ներքոյ:

1934-ին Ահարոնեանը հրաւէր ստացաւ բանախօսելու Համազգայինի Մարտէյլի մասնաճիւղի մեծ հանդէսին, Փետր. 11-ին: Չնայած որ դեռ 1928-ին, նա թեթեւ կաթուած էր ստացել, եւ լժիշկները թելադրել էին յուզումի չենթարկուել, հակառակ ընկերների ընդդիմութեան, Ահարոնեանը ընդունեց հրաւէրը, եւ հազարաւոր բազմութեան առջեւ, բանախօսութեան կէսին, կաթուածահար ընկաւ: Հարուածը հասած էր ուղեղին...: Եւ այնուհետեւ, անդամալոյծ, մտաւոր աշխատանքի անընդունակ, տառապալից տարիներ անցկացրեց, մինչեւ որ 1948 Ապրիլ 20-ին փչեց վերջին շունչը, 82 տարեկան հասակում:

Համազգային աննախընթաց յուղարկաւորութեամբ Ահարոնեանի դադաղը փոխադրուեց Փարիզ եւ հողին յանձնուեց Փէր Լաչէզ գերեզմանատանը, ուր հանգչած են նաեւ Գրիգոր Օտեանը եւ Անդրանիկը:

## ՄԻՔԱՅԷԼ ՎԱՐԱՆԴԵԱՆ

Հ. Յ. Դաշնակցութիւնը, իբրեւ գերազանցապէս գործի կուսակցութիւն, համեմատաբար քիչ է գրադուել տեսաբանական հարցերով: Ռոստոմի խօսքը՝ «յեղափոխութիւնը նախ՝ գործ է, յետոյ՝ դադափար... Աւելի ճիշդ՝ յեղափոխութիւնը գործ է դադափարի համար» ծառայել է, որպէս ղեկավար սկզբունք Դաշնակցութեան կեանքում, ուր տեսաբանութիւնը ստեղծուել է գործի ընթացքում: Հա՞ւրը հաւկիթից, թէ հաւկիթը հաւից ա-





ՄԻՔԱՅԷԼ ՎԱՐԱՆԴԵԱՆ

ռեդժուածը, որի համար այնքան ոյժ ու մեջան, եւ աւա՛ղ, նաեւ արիւն է սպառուել մարքսեան դաւանամուտների բանակում, երկրորդական նշանակութիւն է ունեցել Դաշնակցականների համար, որոնք մեկնել են «հաւի» եւ «հաւկիթի» դոյութեան փաստից: Գաղափա՞րն է ծնողը գործի, թէ՞ գործից է բխում գաղափարը — Դաշնակցութեան համար նոյնարժէք հասկացողութիւն է. «յեղափոխութիւնը գործ է գաղափարի համար»:

Եւ զարմանալի չէ բնաւ, որ Դաշնակցութիւնը տուած է աւելի գործի հերոսներ քան մտքի հերոսներ: Եւ վերջիններիս շարքում, անկասկած, առաջնակարգ տեղն է գրաւում Միքայէլ Վարանդեանը, որ իր ամբողջ կեանքը նուիրեց Դաշնակցութեան մըտաւոր-գաղափարական արտը մշակելուն եւ, իրաւամբ, համարւում է նրա աշխարհահայեացքի, սկզբունքային-տեսական հարցի մշակողը, ձեւակերպողն ու ժողովրդականացնողը: Ապրելով լուսաւոր կենտրոններում, եւրոպական առաջաւոր մտքի մթնոջորտում, երկար տարիներ՝ «Դրօշակ»ի խմբագիր եւ կուսակցութեան ներկայացուցիչ Լենկերվարական Միջազգայնականում, հը-



մուտ լեզուների եւ գիտութեանց, Վարանդեանը միակ անձը եղաւ Դաշնակցութեան մէջ, որ, ընթացիկ գործերից ազատ, ամբողջովին զբաղուեց իր մտաւոր աշխատանքով եւ այս մարդում իր կատարած դերը եւ թողած գրական ժառանգութիւնը պատկառելի են:

Միքայէլ Վարանդեանը, բուն անունով Միքայէլ Յովհաննիսեան, Ղարաբաղի Վարանդա գաւառից էր. այստեղից եւ նրա ծածկանունը՝ Վարանդեան, որ հետագային դարձաւ իսկական անուն: Ծնուել էր 1874-ին: Միջնակարգ կրթութիւնը ստացել էր Շուշիի ռէալական դպրոցում եւ աշակերտական տարիքից արդէն տարուած էր ժամանակի յառաջադիմական-յեղափոխական գաղափարներով: Ութսունական թուականների վերջերին անցաւ Զուիցերիա ուսանելու եւ շուտով դարձաւ ժընեւէի հայ ուսանողական շրջանակի դործօն անդամներից մէկը: Համալսարանում հետեւում էր ընկերային-քաղաքական գիտութիւններին: Առանձնապէս նրան հետաքրքրում էին ընկերվարութեան հետ կապուած հարցերը: Նա դասախօսութիւններ լսեց եւ գերմանական համալսարաններում, յատկապէս, ժամանակի նշանաւոր ընկերաբաններից:

Երբ, 1892-ին, ժընեւ եկաւ Ռոստոմը եւ հիմնեց «Դրօշակ»ը, Վարանդեանը, Սիմոն Շիսեանի հետ, դարձաւ նրա սերտ դործակիցը՝ համալսարանական պարապմունքներից դուրս ազատ ժամանակը տրամադրելով գրական աշխատանքի: Միեւնոյն ժամանակ աշխատակցում էր Արասխանեանի «Մուրճ»ին, եւ «Մշակ»ին EGO ծածկանունով:

1895-ին Ռոստոմը հեռացաւ ժընեւից, եւ «Դրօշակ»ի խմբագրութիւնը վարեց Յոնան Դաւթեանը: Վարանդեանը աւելի դործօն կապերով կապուեց «Դրօշակ»ի հետ՝ երբեմն նաեւ փոխարինելով Յոնանին, որպէս խմբագիր: Այժմ այլեւս նա կատարում էր եւ կազմակերպական աշխատանք՝ խմբագրութեան կողմից թղթակցելով արտասահմանեան մարմինների եւ ընկերների հետ:

1897-ին, լրացնելով ուսման շրջանը, Վարանդեանը, այդ օրերին Բուլղարիայում եռուն դործունէութեան լծուած՝ Ա. Վրոնամեանի առաջարկութեամբ, անցաւ Ռուսմանիա, որպէս Դաշնակցական դործիչ, բայց երկար չկարողացաւ մնալ այնտեղ. մատնութեան հետեւանքով ձերբակալուեց ռուսական կառավարութիւնից եւ հեռացուեց երկրի սահմաններից դուրս:

Վերադառնալով ժընեւ, Վարանդեանը, 1898-ին, որոշ ժամանակ վարեց «Դրօշակ»ի խմբագրութիւնը, մինչեւ Քրիստափորի հասնելը ժընեւ, նոյն տարուայ վերջերը: Քրիստափորը նրան մնայուն կերպով կապեց «Դրօշակ»ի հետ, եւ այնուհետեւ, մին-



չեւ առաջին համաշխարհային պատերազմը, փոքրիկ ընդհատումներով, Վարանդեանը մնաց «Դրօշակ»ում, մերթ, իբրեւ խմբագրութեան անդամ եւ մերթ խմբագրական ամբողջ աշխատանքը տանելով մենակ: 1899 թուից սկսած «Դրօշակ»ի գրեթէ ամէն համար բովանդակում է Վարանդեանի այս կամ այն բնոյթի գլորուածքներ՝ խմբագրական, տեսութիւններ, ուսումնասիրութիւններ, կենսագրականներ, բանավէճ հակառակորդի հետ, երկրի թղթակցութիւնների վերամշակում, ընթացիկ տեղեկութիւններ: Գրիստափորի մահից յետոյ՝ «Դրօշակ»ը լեցնող ու խմբագրող, երբեմն եւ միակ ոյժը եղաւ Վարանդեանը: «Դրօշակ»ում տպուած նրա գրուածքների կարեւոր մէկ մասը յետոյ լոյս տեսաւ առանձին հատորներով, ինչպէս «Հայկական Շարժման Նախապատմութիւնը», «Հոսանքներ» եւ այլն:

Խմբագրական եւ գրական գործերից զատ Վարանդեանը աշխատում էր եւ հայկական պրոպագանդի մարզում՝ դասախօսութիւններով, յօդուածներով եւրոպական մամուլում ու «Pro-Armenia»-ում, համաժողովներում ներկայացնելով Դաշնակցութիւնը, որպէս Արեւմտեան Բիւրոյի անդամ՝ մասնակցելով կուսակցութեան ընթացիկ կեանքին:

1905 թ. ուսական յեղափոխութիւնից յետոյ, Վարանդեանը մեկնեց Կովկաս եւ որոշ ժամանակ աշխատեց «Յառաջ» եւ յաջորդող թերթերի խմբագրական կազմի մէջ: Այս օրերին նրա գրչի տակից դուրս եկան «Կովկասեան Վանդէա», «Դաշնակցութիւնը եւ նրա հակառակորդները» գրքոյկները եւ մի շարք սուր բանավիճային յօդուածներ, որոնք այնքա՛ն ուժեղ տպաւորութիւն գործեցին հասարակութեան մտքերի վրայ: Մանաւանդ, երիտասարդութիւնը յափշտակութեամբ կարդում էր նրա գլորուածքները:

1907-ին, մեկնելով Վիեննա, Հ. Յ. Դ. Չորրորդ Ընդհ. Ժողովին, Վարանդեանը այլեւս չվերադարձաւ Կովկաս: Ակնունիի եւ Արարատսկիի հետ նա խմբագրեց Դաշնակցութեան նոր ծրագիրը Չորրորդ Ընդհ. Ժողովի կողմից ընդունուած սկզբունքների համաձայն: Ապա յաջողացրեց Դաշնակցութեան ընդունելութիւնը Ընկերավարական Միջազգայնականի մէջ եւ մասնակցեց Ընկերավարական Միջազգային Համագումարին, Շտուտգարտում, իբրեւ Դաշնակցութեան պատգամաւոր: Օսմանեան Սահմանադրութիւնից յետոյ, կարճ ժամանակով, այցելեց Պոլիս՝ իր բաժինն եւս բերելով նորագատ Թուրքիայի հայութեան մտաւորական կեանքին:

Այնուհետեւ, Վարանդեանը, մինչեւ 1915 թ., մնաց Եւրոպայում, որպէս «Դրօշակ»ի խմբագիր, Դաշնակցութեան ներկա-



յացուցիչ, ապա, իբրեւ գործակից Պօղոս Նուպարի պատուիրակութեան: 1915-ին, որոշ ժամանակի համար, անցաւ Կովկաս եւ վարեց «Հորիզոն»ի խմբագրութիւնը: Վերագործաւ Եւրոպա եւ գործակցեց Ազգ. Պատուիրակութեան, մինչեւ Հայաստանի Հանրապետութեան ստեղծումը, որից յետոյ նշանակուեց Հայաստանի դեսպան Հռովմում: Թէ՛ որպէս դեսպան եւ թէ՛ իբրեւ Ընկերավարական Միջազգայինի ներկայացուցիչ Վարանդեանը շարունակեց քաղաքական աշխատանքը Եւրոպայում՝ համագործակցարար Հ. Հ. Փարիզի պատուիրակութեան հետ:

Հայաստանի անկախութեան խորտակումը եւ, մանաւանդ, Լոզանի չարաղէտ դաշնագիրը ծանր կերպով ազդեցին Վարանդեանի հոգեկան վիճակի եւ առողջութեան վրայ: Թէեւ նա շարունակեց կուսակցական գրական աշխատանքը, բայց այլեւս նախկին կորովը չէր մնացել: Նա լոյս ընծայեց Հ. Յ. Դաշնակցութեան Պատմութեան առաջին հատորը, Մուրատի եւ Զաւարեանի կենսագրութիւնները, անընդհատ աշխատակցում էր մեր մամուլին, բայց ոչ առաջին շրջանի ուժով ու փայլով:

Վարանդեանի համար առանձնապէս ծանր հարուած եղաւ Ահարոնեանին պատահած դժբախտութիւնը Համազգայինի Մարտչլի հանդէսում: Ահարոնեանի հետ նա կապուած էր ընկերական մտերիմ կապերով, եւ մասամբ իր խորհրդով Ահարոնեանը ընդունել էր բանախօսելու հրաւերը: Ահարոնեանի կաթուածից յետոյ, Վարանդեանը այլեւս երկար չսպրեց. մեռաւ 1934 թ. Ապրիլ 22-ին սրտի կաթուածից:

Ընդարձակ էր Վարանդեանի հետաքրքրութեան սահմանը, բայց նրա գլխաւոր եւ մնայուն արժէքը գրականութեան մէջ է, յատկապէս, հրապարակագրութեան: Նրա պատմական հատորներն էլ, մեծ չափով, հրապարակագրական բնոյթ են կրում: Նա գերազանցապէս քարոզիչ էր, բանավիճող ու պայքարող: Դիւրասահ եւ թեւաւոր ոճով, խանդավառ թռիչքներով ու վիպապաշտ ոգիով համակուած նրա երկերը ամբողջ սերունդներ են ոգեւորել: Եւ այսօր էլ դեռ մեր երիտասարդութիւնը, մեծ չափով, Վարանդեանի գործերով է Դաշնակցական դաստիարակութիւն ստանում: Ինչպէս Ահարոնեանը գեղեցիկ գրականութեան միջոցով, Վարանդեանը իր հրապարակագրութեամբ փառաւորեց Հայկական Ազատամարտը եւ յատկապէս Դաշնակցութեան մեծագործութիւնները: Քնարերգակ-հրապարակագիր էր Վարանդեանը՝ մտքով գիտուն՝ եւ սրտով՝ բանաստեղծ, հայրենասպաշտ ու հերոսապաշտ: Եւ, որպէս այդպիսին, մնայուն տեղ ունի հայ յեղափոխական դարաշրջանի պատմութեան մէջ:



## ԳԱՅԼ ՎԱՀԱՆ

ՄԻՆԱՍ ՏՈՂՊԱՇԵԱՆ, ԴՐԱԽՏ

Բուն անունով Մինաս Տոլպաշեան, Դաշնակցութեան մէջ յայտնի էր Դրախտ եւ Գայլ Վահան անուններով: Ծնուած էր 1872 թ., Բալուի Հաւաւ գիւղում: Կահազործ արհեստաւոր էր: 16 տարեկան հասակում պանդխտում է Պոլիս, ուր անդամագրւում է Հնչակեան կուսակցութեան: Այնտեղից անցնում է Բուլգարիա, ապա՝ Ամերիկա եւ հաստատուում է Փրավիտէնս քաղաքում:

Փրավիտէնսում արդէն գոյութիւն ունէր Դաշնակցութեան գործօն մի կոմիտէ, որին մասնակցում էին Բալուցիներից շատերը: Մինաս էլ հետեւում է նրանց եւ հետզհետէ կարեւոր տեղ է գրաւում կուսակցութեան մէջ: Ամերիկայի կեանքը, սակայն, նրան չի հրապուրում: Եւ 1902-ին թողնում է Փրավիտէնսը ու մեկնում Կովկաս՝ այնտեղից Բալու անցնելու յուսով:

Կովկասում Մինասը ընկնում է Դաշնացական մարտիկների շրջանը եւ յափշտակում այնտեղի գործունէութեամբ: Նրա փընտըրածն էլ հէնց այդ էր: Դեռ Ամերիկայում՝ նա երազում էր հայդուկային արկածալից կեանքի մասին: Եւ ահա երազը իրականանում էր: Երեւանի Կենտր. Կոմիտէն յանձնում է նրան զէնք ու ռազմամթերք, գաղտնի գրականութիւն եւ յեղափոխականներ փոխադրելու գործը դէպի Երկիր, եւ նա հմտութեամբ ու նուիրումով կատարում է իր վրայ դրուած պարտականութիւնը: Հաստատուում է Արաքսի ափի հայ գիւղերից մէկում, Մասիսի ստորոտը, կազմակերպում է կայաններ ու հաղորդակցութեան ուժեր, հաւաքում է իր շուրջը յանդուգն հայդուկներ ու վալատներ եւ մեծ յաջողութեամբ փոխադրութիւններ է կատարում: Ինքն եւս 4-5 անգամ զինակիր հայդուկների գլուխն անցած, մըտնում է Երկիր՝ ապահով տեղ հասցնելով զէնքերը: Վահան Փափազեանը իր «Իմ Յուշեր»ում նկարագրել ու ջերմ խօսքերով դըրուատել է Գայլ Վահանի այդ շրջանի գործունէութիւնը:

Վրայ է հասնում 1904 փոթորկալից տարին: Սահմանի բոլոր կողմերից Դաշնակցութիւնը օգնական ուժեր է ուղարկում մարտընչող Սասունին: Միւս կողմից, թուրքերը ուժեղացնում են սահմանագծի պաշտպանութիւնը՝ արգելելու համար հայ յեղափոխական խմբերի ներխուժումը Կովկասից: Երեւանի Կենտր. Կոմիտէն կազմակերպել էր երկու մարտական խումբ՝ «Մասիս» եւ «Արտաւազը», Սասունին օգնութեան հասնելու համար, բայց վերջին պահուն ստիպուած է լինում փոխել ծրագիրը եւ խմբերը ուղարկել դէպի Ալաշկերտ՝ պաշտպանելու համար Ալաշկերտի հայութիւնը քրտական յարձակումներից, այլեւ բնաջնջելու սահ-





Թիւ 1. ԳԱՅԼ ՎԱՀԱՆԸ ԻՐ ԶԻՆԱԿԻՑՆԵՐՈՎ,

մանամերձ թրքական զորակայանները, որոնք վտանգել էին հա-  
շորդակցութիւնը Երկրի հետ:

Երկու խմբերը, Յուլիս 11-ի գիշեր անցնում են Չինգիլի լեռ-  
նանցքը եւ մտնում Բայազէտի գաւառը: «Մասիս» 60 հոգինոց  
խումբը, Գայլ Վահանի հրամանատարութեան ներքոյ, ուսմբե-  
րով ու մոսիներով յարձակում է Մոսուն գիւղի զօրանոցում եւ  
տներում տեղաւորուած շուրջ 250 ասկերներէ վրայ, որոնց մի



մասը կոտորւում է, միւսները փախչում են: Փախուստի են դիմում եւ մերձակայ Բորուն գիւղում գտնուող Թուրք զինուորները:

Առաւօտեան օգնութեան են հասնում Թրքական նոր ուժեր եւ քրտական աշիրէթներ: Սկսւում է կատաղի կռիւ, որի միջոցին սպանւում են խմբի պետ Գայլ Վահանը, նրա օգնական սպայ Բարկէնը, յայտնի վալատ Սէթօն եւ մի քանի ուրիշ հայդուկներ:

Մոսուլի յարձակման հետ միաժամանակ «Արտաւազդ» 40 հոգիներ խումբը դրոճ է տալիս Զոր գիւղի զօրանոցի վրայ: Թուրք զինուորների մի մասը կոտորւում է, միւսները ազատւում են փախուստով: Այս խումբն եւս տաք կռուի է բռնւում օգնութեան հասած ասկերներին եւ քիւրտերին հետ:

Երկու խմբերի կռիւը տեւում է մինչեւ երեկոյ, երբ յետ մղելով Թրքական զօրքին ու քիւրտ աշիրէթներին՝ նրանք նահանջում են դէպի Զինգիլի բարձունքները հանգստանալու եւ յաջորդանելիքը որոշելու նպատակով: Երկու խմբի կորուստը հասնում էր 15 հոգու, որոնց մէջ ամենէն ծանրը Գայլ Վահանի մահն էր:


Սորհրդակցելու ժամին, յանկարծ, խմբի վրայ սկսում են տեղալ գնդակներ, որոնք խլում են 5-6 զոճ հայդուկներից: Ռուս սահմանապահ զինուորներ ու կողակներ էին երեք սպաների առաջնորդութեամբ: Հայդուկների Սորհուրդը որոշում է չդիմադրել նոյն նկատումներով ինչ նկատումներով որ չդիմադրեց «Որսկան» խումբը: Անձնատուր լինելու նշան է տրւում, բայց ուսները կարեւորութիւն չեն տալիս եւ շարունակում են հրացանաձգութիւնը: Հայդուկները, առանց պատասխանելու, ցրիւ են գալիս զանազան ուղղութեամբ: Մի մասը, սակայն, ձերբակալւում է: Այս անգամ էլ հայ յեղափոխականները զոճ գնացին ցարական նենգ ու դաւադիր քաղաքականութեան:

## ԹՈՒՄԱՆ ԹՈՒՄԵԱՆՑ

### ԹՈՐԳՈՄ

Ղարաբաղի դաւակ էր Թուման Թումեանց, Դաշնակցական Թորգոմը — դարերի ընթացքին ազատութեան համար իր բեղմնաւոր արգանդից այնքան հերոսներ ծնած Սիւնեաց աշխարհից, որ Հ. Յ. Դաշնակցութեանն էլ պարզեւեց Նիկոլ Դումաններ, Սանասորի Վարդաններ եւ բազմաթիւ ուրիշ մտաւորականներ ու մարտիկներ:





ԻՍԱԶԱՆ ԱՌԱՔԵԼԵԱՆ  
 Եւ  
 ԹՈՒՄԱՆ ԹՈՒՄԵԱՆՑ (ԹՈՐԳՈՄ)

Թումանը ծնուել է 1879-ին եւ աւարտել Շուշիի Թեմական Դպրոցը: Հասակակից էր, ընկեր եւ դադափարակից այն սերնդի, որից դուրս եկան Արամը, Իշխանը եւ շատ-շատեր, որոնք անուանի մարտիկներ ու գործիչներ դարձան Դաշնակցութեան: Դեռ դպրոցում՝ Թումանը աշակերտական յեղափոխական խմբակների մէջ էր եւ իր մտաւոր պատրաստութեամբ, լուրջ ու քաղցր բնավորութեամբ, ջանասիրութեամբ ու եռանդով սի-

րելի դարձած էր ընկերական շրջաններում:

Դպրոցն աւարտելուց յետոյ՝ Թումանը անցաւ Մոսկուա եւ համալսարանում, իբրեւ ազատ ունկնդիր, հետեւեց բնական գիտութիւններին՝ նպատակ դնելով, գիտական պաշարով զինուած, ամբողջապէս նուիրուիլ յեղափոխական գործունէութեան: Ժամանակները, սակայն, գիտութիւնից աւելի պահանջում էին ռազմական հմտութիւն: Դաշնակցութիւնը պէտք ունէր զինուորական ղեկավարների: Եւ Թումանը թողնելով համալսարանը՝ մտաւ զինուորական ծառայութեան, որտեղից դուրս եկաւ պահեստի սպայի աստիճանով:

Վերադառնալով Կովկաս՝ Թումանը նշանակուեց գործիչ Կարսի շրջանում, որ առաջնակարգ կարեւորութիւն էր ստացել, որպէս Երկրի ռազմավարման եւ մարտական ուժերի կենտրոնացման ու փոխադրութեան վայր: Մինչեւ 1903-4 թուականները գլխավորապէս Ալեքսանդրապոլի եւ Կարսի վրայով էր կատարուած զէնք ու ռազմամթերքի եւ հայդուկային խմբերի փոխադրութիւնը դէպի Բարձր Հայք ու Տարօն: Այստեղից էին անցել Արամ Արամեանի, Հրայր-Դժոխքի, Սերոբ Աղբիւրի եւ ուրիշ մարտական ու զինատար խմբերը: Սերաստացի Մուրատը եւ այլ անուանի մարտիկներ տարիներ շարունակ զէնքի փոխադրութեամբ են զբաղուել այստեղ: Այժմ Կարսի շրջանում էին Արամը, Իշխանը, Իսաջանը, Մենակը, որոնք տեղական ընկերների հետ զէնք էին հասցնում Սասուն, ուր զինուորական կենտրոնացում էր կատար-



ւում Անդրանիկի լիխաւորութեամբ: Անդրանիկի հետ էին Մուրաւը, Քեռին, Սեդուհը, Կայծակ Առաքելը եւ Տարօնի գործիչները եւ Հայդուկների հոյը՝ Հրայր, Գէորգ Չաւուշ, Կոտոյի Հաճի եւ ուրիշներ:

Թումանը միացաւ իր ընկերներին՝ ողևորութեամբ լծուելով կուսակցական կազմակերպական աշխատանքի եւ շնորհիւ իր կազմակերպական ընդունակութեան ու ղինուորական հմտութեան, իր անսպասու ելանդին, աննկուն կամքին եւ ընկերական խառնուածքին՝ շուտով դարձաւ ղեկավար ղէմք շրջանում:

Թիկունքի խաղաղ աշխատանքը, սակայն, Թումանին չէր հրապուրում: Նրա հոգին տենչում էր փոթորկալից պայքար, մանաւանդ ուր օրերն էլ մըրկոտ էին: Կովկասի հայութիւնը խռովայոյց վիճակի մէջ էր: Երկրում մեծ ղէպքեր էին նախապատրաստուում եւ ամէն կողմից շուտ էր «Դէպի Երկիր», Երկրի ընկերներին օգնութեան հասնելու կոչը: Թումանն էլ որոշեց անցնել Սասուն: Նրա ջանքերով կազմակերպուեց «Մըրիկ» ձիաւոր խումբը՝ Սասուն ղէնք ու ոսպամթերք փոխադրելու համար: «Մըրիկ» խմբի ղլախը անցած, առատ ոսպամթերքով, Թուման-Թորգոմը ապահով հասաւ Սասուն եւ խանդավառութեամբ ընդունուեց Անդրանիկի եւ ընկերների կողմից: «Մըրիկ»ի յաջող արշաւը անսահման ողևորութիւն առաջ բերեց եւ Կովկասի հայութեան մէջ:

Ամառ էր: 1904 թ.: Սասունը պաշարուած էր, եւ ամբողջ հայութեան ուշադրութիւնը բեւեռուած էր նրա վրայ: Կովկասից սահմանամերձ վայրերում փաթով խմբեր էին կազմակերպուում: Հայդուկները խումբ-խումբ, փորձ խմբապետների առաջնորդութեամբ՝

Գնում էին ղէպի Սասուն՝ օգնելու Անդրանիկին:

Յունիսի վերջերը, Օլթիի շրջանում, կազմ ու պատրաստ էր 61 հոգիանոց «Որսկան» խումբը՝ ղրահաւորուած ու պարենաւորուած եւ ղէնքի առատ պաշարով: Խումբը բաժանուեց երկու մասի. մէկի հրամանատար նշանակուեց Թումանը, միւսի՝ Որսորդը: Իւրաքանչիւր հայդուկ ղինուած էր հրացանով, ատրճանակով, ձեռնառումբերով: Եւ մէջքի պայուսակում ունէր սպիտակեղէն, հալուայ, վիրակապեր եւ այլ իրեր: Ամէն մի խումբ բաղկացած էր երկու տասնակից՝ տասնապետների առաջնորդութեամբ: Տասնակը կազմուած էր 14 ղինուորներից եւ 2 բեռնակիրներից: Խումբը ունէր նաեւ երկու բժիշկ եւ մէկ քահանայ՝ յիսնամեայ Տէր Ղազարը: Ամէնքը սրատարտի սպասում էին մեկնումի ժամին:



Յունիս 30-ի գիշերը, գիւղական եկեղեցում, Տէր Ղազարը պատարազ է մատուցանում, հաղորդութիւն է տալիս մարտիկներին եւ օծում՝ խմբի դրօշակը: Հայդուկները երգում են դրօշակի վրայ: Ապա, գիւղացիների ջերմ համբոյրներով եւ խրախուսիչ բարեմաղթութիւններով, խումբը շարժում է դէպի սահմանագլուխ՝ դրօշակակիր քահանայի առաջնորդութեամբ: Յաջողութեամբ անցնում է ուսական սահմանը եւ լուսաբացին կանգ է առնում հանգստանալու թրքական հողի վրայ, Զարդանիս ակերակ գիւղի մօտ, ոչ հեռու ուսական սահմանից:

Մի պատահական միջադէպի հետեւանքով խումբը նկատուում եւ հետապնդում է ուս սահմանապահներից: Ռուսների հետ ընդհարումից խուսափելու նպատակով՝ խումբը խորանում է թրքական հողի վրայ եւ ամբանում բարձր դիրքերում: Թումանն ու Որսորդը արգելում են հայդուկներին կրակել ուսների վրայ, որոնք անընդհատ գնդակահարում էին հայդուկների դիրքերը, առանց կարեւորութիւն տալու այնտեղից լսուող ձայներին, թէ՛ «մենք ձեզ հետ գործ չունենք. մեր գործը թուրքերի հետ է»:

Քիչ անցած, թիկունքից, Որսորդի դիրքերի վրայ կրակ են բաց անում թուրք զինուորները, որոնց ուս հրամանատարը շտապով լուր էր ուղարկել: Հայդուկները պարզում են դրօշակը եւ «կռուեցէ՛ք, աղերք» երգելով՝ կատաղի կռուի են բռնում թուրքերի հետ, որ տեսում է մինչեւ կէսօր: Ռուսներն էլ, իրենց հերթին, աշխատում են շրջապատել հայդուկների դիրքերը:

Թումանը, տեսնելով, որ երկու կրակի մէջ անկարելի պիտի լինի դուրս դալ պաշարման շղթայից, տասնապետ Անուշաւանին ուղարկում է ուս զօրքի հրամանատար գնդ. Բըկովի մօտ յայտնելու, թէ իրենք ուսական սահմանից դուրս են, ուսների դէմ ոչինչ չունեն, գնում են օդնելու թրքահայ եղբայրներին եւ խընդըրում են յետ քաշել ուսական զօրքը: Անուշաւանը գնում եւ այլեւս չի վերադառնում: Ռուսները շարունակում են անընդհատ կրակել հայերի դիրքերի վրայ:


Թումանը երկրորդ պատգամաւոր է ուղարկում՝ Լեւոն Քալանթարեանին: Սա էլ ուսներին հաղորդում է նոյն բանը եւ խնդրում վերջ տալ կռուին: Ռուսները լսում են նրան եւ աւելի ուժեղ թափով յարձակում հայկական դիրքերի վրայ: Միւս կողմից էլ թուրքերն են սաստկացնում դրոհները:

Երրորդ անգամ, խաչը ձեռքին, քահանան է գնում ողորելու ուսներին, բայց տեղ չհասած՝ ընկնում է կողակների գնդակներից:

Հակառակ այս բոլորի՝ հայերի կողմից ոչ մէկ գնդակ չի ար-



ձակուժեւ ուսաների դէմ: Խմբապետները խստիւ արգելած էին:  
Այդպէս էր այն օրերին Դաշնակցութեան կամքը՝ Ռուսաստանը  
Թշնամի չնկատել եւ ոչ մէկ առիթ չտալ զբոլակելու նրա թշնամու-  
թիւնը:



ՀԱՄՕ ԶԱՆՓՈՂԱՏԵԱՆ



Բայց հետզհետե կացութիւնը դառնում է անհանդուրժելի: Մի կողմից, Որսորդի ճակատի վրայ, թուրքերն են յամառ յարձակումներ գործում, առանց կանգ առնելու մեծ կորուստների առջեւ, միւս կողմից, հակառակ թորդոմի թափած ճիգերի, ռուսներն են յառաջանում՝ անխնայ փամփուշտ կրակելով հայերի ուղղութեամբ: Ժամը 4-5-ին, ռուս-թրքական միացեալ ուժերը շրջապատում եւ սպառնում են զրաւել հայերի բռնած ամբու-թիւնները: Թումանը անձնատուութեան աղղանշան է տալիս. դրօշակ սլարզած, 10-12 ընկերներով շարժւում է ռուսների ուղղութեամբ եւ սպանւում է ռուսների գնդակներից ...

Արիւնահեղ կռիւը շարունակւում է մինչեւ երեկոյ Որսորդի դեկավարութեամբ: Ժամը 7-ին, թուրքերի եւ ռուսների միացեալ գրոհով, զրաւում են հայկական դիրքերը: Հայդուկների մի մասը ազատւում է փախուստով, միւսները կոտորւում են: Սպանւում է Որսորդը, նոյնպէս ռուսական գնդակից:

«Որսկան» խմբի այս տմարդի, հրէշային բնաջնջումը «խաչապաշտ» ռուս կողակների եւ թուրք ասկեարների համերաշխ գործակցութեամբ՝ ցնցեց հայութեան բոլոր խաւերը: Վրդովումը անսահման էր ռուսական իշխանութեան դէմ: Ամէն կողմից «վրէժ, վրէժ» էր լսւում ու հատուցում պահանջում թանգազին զոհերի արեան համար: Եւ հատուցումը չուչացաւ: Կարսի Կենտր. Կոմիտէի որոշումով, Յուլիս 31-ի երեկոյեան, Օլթի քաղաքում, Դաշնակցական ասարեկիչ Համօ Ջանիուլադեանի երեք գնդակներից շանսատակ եղաւ «Որսկան» խմբի ջարդարարը՝ գնդ. Բըկովը: «Տեռորիստը ազատ է», յայտարարում էր Կենտր. Կոմիտէի թուրքիկը...

## ԹՈՒՄԱՆ ԹՈՒՄԵԱՆ

(ԹՈՐԳՈՄ)

Գրեց՝ ԱՐԱՄ

Հ. Յ. Դ. Կենտր. Դիւանի քիւ 1784 քղթածրարում պահուած է Արամ Մանուկեանի ձեռագիր կենսագրականը Թուման Թումեանի — Թորգոմի մասին, որ առաջ եմք բերում ստորեւ: Թումանը Արամի մտերիմ ընկերներից էր. Կարսի շրջանում նրանք գործում էին միասին: Կենսագրութիւնը գրուած է Թու-



մանի նահատակութիւնից անմիջապէս յետոյ : Մեր կողմից ան-  
լացնում ենք «Ռրսորդ» խմբի կողմի եւ Թումանի ու ընկերների  
նահատակութեան պատմութիւնը :

Թորդոմը ծնուել է 1879 թ. Մայիս 11-ին, Շուշի քաղաքում :  
Ծնողները, բնիկ շուշեցի, սովորական կարողութեան տէր մար-  
դիկ էին, բայց Թումանին փոքր հասակից արհեստի տալու փո-  
խարէն դպրոց ուղարկեցին :

Շուշուայ Թեմական դպրոցի լաւ օրերն էին : Թորդոմը դըպ-  
րոցում ամենաառաջադէմ եւ ընդունակ աշակերտ էր . ոչ ոք նրա  
հետ չէր կարող մրցել ընդունակութեան եւ յաջողութեան մէջ :  
Ընկերները նախանձում էին նրա ընդունակութիւններին, իսկ ու-  
սուցիչները ուրախանում :

Բացի աշակերտական պարապմունքներից, Թորդոմը ամե-  
նայն ճշդապահութեամբ յաճախում էր եւ ընկերական ժողովներ  
եւ ուրիշ հաւաքումներ . պարապում էր դրսի խմբերի հետ :

1897 թուին ակարտելով դպրոցը, Թորդոմը գնում է Մոս-  
կուա՝ ուսումը շարունակելու համար . մտադիր էր Գիմնազիոնի  
քննութիւն տալ եւ մտնել բժշկական բաժինը . շատ էր սիրում  
բնագիտական առարկաներ : Բայց Ռուսաստանի սառնամանիք-  
ները վատ են ազդում առողջութեանը վրայ : Թորդոմը հիւանդա-  
նում եւ ստիպուած է լինում վերադառնալ հայրենիք :

Թորդոմի հասարակական գործունէութիւնը սկսում է հէնց  
այդ տարուանից, 1898-ից, երբ նա ձեռնարկում է աշակերտու-  
թեան կազմակերպութեան եւ կարողանում է որոշ ուղղութիւն  
տալ : Նրա նախաձեռնութեամբ է, որ հրատարակում է «Կոկոն»  
թերթը : Նա է լինում նրա անմիջական խմբագիրը եւ արտագրողն  
ու յօդուածները կանոնաւորողը :

Թումանը չի բաւականանում միայն աշակերտութեան շրջ-  
անով . նա պնդում է, որ աշակերտութիւնը պէտք է մնայ աշա-  
կերտութիւն, իսկ հասարակական գործով պէտք է զբաղուի դրսի  
երիտասարդութիւնը : Բայց ո՞ւր է Շուշում երիտասարդութիւ-  
նը . Բագուն եւ այլ քաղաքները բոլորովին դրաւել-տարել են :  
Թումանը եղածով էլ բաւականանում է . կազմում է գործակա-  
տարներից մի խումբ, ամենաբարեխիղճ կերպով պարապում է  
նրանց հետ : Մի տարի յետոյ, նրա աշխատանքն արդէն այնքան  
բեղմնաւոր արդիւնք է տալիս, որ ամբողջ գործակատարութիւնը  
կազմակերպւում եւ մտնում է Դաշնակցութեան դրօշակի տակ :  
Այդ խմբերից վերջը կանոնաւոր տղաներ դուրս եկան եւ մի քա-  
նիսն էլ մտան կոմիտէական կազմի մէջ :

Այդ ժամանակները Շուշում, ինչպէս եւ ամէն տեղ, թա-



զաւորում էր հակայեղափոխական ընկերացիան, բայց շնորհիւ  
Թումանի եւ մի շարք ուրիշ ընկերների թափած ջանքերի, յեզա-  
փոխական կրակը բորբոքուած է պահուում եւ հետագային այդ  
կրակը կլանել է ողջ Շուշին եւ դաւառները...

Թումանը դեռ Շուշում էր, երբ Մենակը (Գէորգ Առստամ-  
եան)՝ զնաց Բազու, Թումանը հակառակ էր Բազու գնալուն. նա-  
պնդում էր, որ Բազուն գերեզման է. այնտեղ ընկնողը է՛լ յա-  
րութիւն չի առնում:

Բազուից կամաց-կամաց լուրեր եւ հասնում, թէ այնտեղ է  
եկել արտասահմանից մի նոր մարդ եւ կանոնաւոր կազմակեր-  
պութիւն է առաջ բերում, ու յեղափոխական տրամադրութիւնը  
բաւական բարձրանում է... Լուրեր հաղորդողը Մենակն էր,  
սակայն, Թումանն ու ընկերներ էլի չեն հաւատում եւ սպասում  
են, որ Շուշիում աւելի վստահելի տեղեկութիւն ստացուի: Բայց  
փոխանակ տեղեկութեան, ահա մի գեղեցիկ օր Շուշի է վերա-  
դառնում Մենակը:

Մի փոքր, խոնաւ խուցում, քաղաքի յետ ընկած փողոցնե-  
րից մէկում, ընկերական ժողով է: Մենակը բան ունի ասելու.  
ընկերները հաւաքուել են, բոլորը դասընկերներ եւ վերջին տա-  
րին՝ կեանքի ընկերներ: Մռայլ եւ մառախլապատ երեկոյ է. մի  
համեստ սեղանի շուրջը բոլորած, առանց ուշադրութիւն դարձ-  
նելու ցրտին, լսում են Մենակի գեկուցումը:

Իսկ գեկուցումը կարճ է. ընկերացիան կովկասում եւ երկրում  
անցել է, հարկաւոր է կանոնաւոր դործի ձեռնարկել. դործի դը-  
լուխ պիտի անցնի թարմ երիտասարդութիւնը. հները կամ ըն-  
կել են կռուի դաշտում, կամ հիասթափուել... Պատմում է Բազ-  
ում տեղի ունեցած խառն ժողովների մասին, Սոցիալ Դեմոկ-  
րատ կուսակցութեան կազմակերպուելու մասին, եւ այն մասին,  
որ ինքը վճռել է անցնել Երկիր, որ խնդիրը անցել է, որ ինքը ե-  
կել է Շուշի, իր ընկերների տրամադրութիւնը իմանալու, ա՛յն  
ընկերների, որ միշտ խոստացել են միասին դործել...

Խնդիրը պարզ է. բոլոր ընկերները բաժակ են բարձրացնում  
Մենակի յաջողութեան համար եւ խոստանում են, որ հէնց առա-  
ջիկայ դարնանից իրենք եւս կը հեռանան Շուշուց՝ հետեւելու  
համար Մենակի օրինակին...

Ամբողջ գիշեր խոստովանութիւնների եւ փոխադարձ խոս-  
տումների զգացմունքների ազդեցութեան տակ լուսացնում են  
ու Մենակին «Խաղաղ Դաշտի» ներդաշնակ երգով ճանապարհ են  
ձգում՝ իրենք էլ գնալու պայմանով...

Եւ գնում են: Գնացողներից առաջինը Թորդոմն էր: Նա ար-  
դէն մտել էր կամաւոր զինուորական ծառայութեան եւ ստացել



էր պահեստի սպայի աստիճանը: 1901 թ. ամառը նա, իբրև սպայ, պէտք է դնար փորձնական ծառայութեան: Ծառայութեան տեղ դիտմամբ ընտրում է Ալեքսանդրապոլը՝ Մենակին եւ սահմանին մօտենալու համար: Ծառայութիւնը տեւում է միայն 3 ամիս: Վերջացնելուց յետոյ, դեռ գինուորական համազգեստը հագին՝ Թորգոմը ներկայանում է Ջրաբերդի (Կարսի) Կենտրոնական Կոմիտէին եւ բերանացի կերպով առաջարկութիւն է անում ամբողջապէս նուիրուելու յեղափոխական գործին: Ի՞նչ ասել կ'ուզէ, որ Կենտր. Կոմիտէն գրկաբաց ընդունում է երիտասարդ սպայի եւ մտաւորական մարդու առաջարկութիւնը: Այդ օրուանից էլ սկսում է Թորգոմի յեղափոխական-մարտական գործունէութիւնը: Նա միշտ ասում էր, թէ սիրողի դերը իրեն համար ատելի է, որոշ չափով, նոյնիսկ յանցանք է. անթոյլատրելի է, որ յեղափոխական գործիչը ուրիշներին ուղարկէ կրակի գիրկը, իսկ ինքը հեռուից միայն դիտողի դեր կատարէ:

Բէականիայից յետոյ, Ջրաբերդը նոր էր վերակազմւում. հին ու փորձուած բոլոր ընկերները կամ հեռացել էին, կամ հիասթափուած չէզոքացել էին: Նոր Կենտրոնական Կոմիտէն կազմւում էր նոր եւ անփորձ մարդկանցից, որոնք դեռ նոր էին սկսում յեղափոխական գործունէութեան: Բնականաբար, Թորգոմը իրեն ուժեղ կը զգար այդ նոր եւ թարմ շրջանում, ուր կուսակցական գործը սահմանափակուած չէր պաշտօնական նեղ շրջանակներով:

Մենակը դեռ Ջրաբերդում էր եւ Երկիր անցնելու պատրաստութիւններ էր ատենում: Մենակի գործունէութիւնը Ջրաբերդի շրջանում քարոզչական-նախապատրաստական էր. նա դեռ խօսում էր, զգացմունքների վրայ էր ազդում: Թորգոմը արդէն կազմակերպող էր, կենդանի գործի մարդ: Ջրաբերդի շրջանում չմնաց մի գիւղ, ուր Թորգոմը մտած չլինէր: Մինչեւ Թորգոմը Ջրաբերդի շրջանում կար մասնակի եւ անկանոն կազմակերպութիւն. Թորգոմի օրով էր, որ խմբական կազմակերպութիւնը դառնում է համայնական. գիւղի ամբողջ համայնքն է մասնակցում կուսակցական գործին: Գիւղերում ստեղծւում են գիւղական ենթակոմիտէներ, գիւղի զգայուն տարրերը առաջ են քաշւում եւ կազմում են տեղական ու շարժական գինուորական խումբեր:

Քաղաքներում եւս կանոնաւոր խմբերի կազմակերպութիւնը սկսւում է Թորգոմի օրով: Նրա օրով է սկսւում կանոնաւոր երեկոյթների եւ ընկերական հաւաքոյթների շրջանը: Նրա օրով է, որ, 1901-902-ին Ջրաբերդում հրատարակւում են մի շարք թռուցիկներ:



Բայց, Ջրաբերդի շրջանի գործունեութիւնը ինչքան էլ հետաքրքիր եւ օգտակար լինէր, չէր կարող թորդոմին կապել ու պահել: Նա Ջրաբերդէն եկել Երկիր անցնելու նպատակով եւ ոչ թէ Ջրաբերդում մնալու համար. Ջրաբերդը փորձառութեան դայր էր սոսկ՝ Երկիր մտնող անփորձ յեղափոխականների համար, որոնք այնտեղ կարող էին անցնել յեղափոխական գործի դպրոցը: Թորդոմը արդէն անցել էր այդ շրջանը, հարկաւոր էր անել երկրորդ քայլը: Մենակը յաջողութիւն էր գտել Բասենում եւ նամակներով առաջարկութիւն էր անում զէնք եւ մարդ ուղարկելու Երկիր: Թորդոմը պատրաստակամութիւն է յայտնում անցնելու Երկիր: Ջրաբերդի Մարմինը խորհրդակցելով Կովկասի ընկերների հետ՝ որոշում է թորդոմին մի թեթեւ խմբով ճամբել Սասուն:

Սկսում է «Մրրիկ» խմբի պատրաստութիւնը: Ջրաբերդում միայն թորդոմը չէր, որ ցանկանում էր Երկիր մտնել. այնտեղ վաղուց հաւաքուել էին մեր հին, փորձառու զինուորները, որոնք անդադար դիմումներ էին անում Երկիր անցնելու: Այդ ընկերների խումբը ընդհանուր անունով կոչւում էր «Սվազցիների կումբ»: Թորդոմը իր շուրջն է հաւաքում այդ ընկերներին, եւ քիչ յետոյ, «Մրրիկ» ձիաւոր խումբը արդէն կազմ եւ պատրաստ էր:

«Մրրիկ» խմբի մէջ մտան այն զինուորները, որոնք Սասունի վերջին ապստամբութեան ժամանակ այնքա՛ն հերոսական կերպով բարձրացրել էին հայ Ֆիտայու անունը: Դրանք ոչ թէ պարզ զինուորներ էին, այլ մէկ-մէկ խմբապետներ — Փարհատ, Մուրատ, Սեպուհ, Որսորդ Գէորդ, Առաքել եւ այլն: Վերջին զէպետների հերոսներ էին սրանք, որոնց անունները բերնէ բերան էին ստատում հայութեան մէջ:

Ընկերների ընդհանուր համաձայնութեամբ թորդոմը ընտրւում է խմբապետ, հակառակ իր ցանկութեան: Նա առարկում էր, թէ խմբապետութեան համար իրենից աւելի փորձառու եւ արժանաւոր ընկերներ կային, բայց ընկերները զազտնի քուէարկութեամբ միաձայնութեամբ ընտրում են նրան խմբապետ:

«Մրրիկ»ի յաղթական մուտքը Սասուն, յայտնի է ամենքին: «Մրրիկ»ի հասցրած օգնութիւնը Սասունի ընկերներին՝ անզնահատելի էր: Ընկերների յանկարծական եւ անսպասելի մուտքը Սասուն, յուզեց ամբողջ ժողովուրդը: «Մրրիկ»ի իւրաքանչիւր անդամ ամենալաւ յիշողութիւններն ունի սասունցիների ցոյց տուած ջերմ ընդունելութիւնից. նախ քան բարեւելը պատարագ է կատարւում Սերոբի գերեզմանի վրայ, զէնք ու զրահով, զինուորական յարգանք է տրւում հերոսի յիշատակին, ապա սկսւում է ընկերական գրկախառնութիւնը եւ «բարով եկաք»ները...



Թորգոմը Սասունում մտնում է Պատասխանատու Մարմնի մէջ եւ զբաղւում է կազմակերպողի, սրոպագանատիստի ու թըղթակցի դերով: Նրա քաղցր ու հետաքրքիր նամակները ձեռք է ձեռք սլտտում են Կովկասում...

1904 թ. դարնան Սասունի Պատասխանատու Մարմինը ստանում է արտասահմանի ընկերներից Ընդհանուր Ժողովին մասնակցելու հրաւեր: Երկար վիճարանութիւններից յետոյ, երբ անյարմար է դտնւում Վահանի եւ Հրայրի գնալը, վճուում է ուղարկել Թորգոմին եւ Կայծակին՝ առաջինը Բարձրաւանդակի ներկայացուցիչ, իսկ երկրորդը Տարօնի: Թորգոմը աղաչում է ընկերներին, որ իրեն Կովկաս չուղարկեն, բայց այդ անհնար է լինում. Թորգոմը եւ Կայծակը հարուստ տեղեկագրերով ու տըպաւորութիւններով, ահադին դժուարութիւններով, անցնում են Կովկաս...

Կովկասեան նախասպարաստական ժողովը վճուում է, որ ընկերներից մէկը մնայ Կովկասում՝ Սասունի պահանջներին բաւարարութիւն տալու համար: Թորգոմը յանձն է առնում, մնում է Կովկասում եւ ձեռնարկում է աշխատանքի: Երբ Ընդհանուր Ժողովի գնացող ընկերները վերադառնում են արտասահմանից, նորից վճուում է, որ Թորգոմը մնայ եւ վերջին խմբի հետ ներս մտնէ Երկիր:

Ներս գնալու փորձերի անյաջող անցնելու պատճառով, Թորգոմը անցնում է «Որսորդ» խմբի գլուխը եւ այնքան եղերական կռուով մեռնում է Օլթիի բարձունքների վրայ, ուս կողակներից...

Անժամանակ գնդակը վերջ տուեց այն կեանքին, որ այնքա՛ն յոյսեր էր ներշնչել ընկերներին եւ ժողովրդին: Ժողովուրդը բազմաթիւ երգերով անմահացրել է սիրելի դործչի յիշատակը:


Միրելի ընկե՛ր, քո եւ ընկերների աճիւնները ա՛յն ժամանակ հանգիստ կը դտնեն, երբ սահմանի անդին եւ ասդին բռնակալ քաղաքական ռեժիմները խորտակուին յեղափոխական անյաղթելի ուժով եւ թալանի ու բռնակալութեան վայրերում սկսի խաղաղ քաղաքակրթութեան նոր դարագլուխ:

## ՎԱՂԱՐՇԱԿ ԲԱՂԴԱՍԱՐԵԱՆ

ԿԱՅԾԱԿ

Մուշ քաղաքից էր Վաղարշակը: Ծնուած 1875 թուին: Ուսումը ստացել էր Միացեալի Ներսէսեան վարժարանում, որ ավարտել էր 1892-ին, «ոսկի խաչի» մրցանակով: Դպրոցական





#### Կ Ա Յ Ծ Ա Կ

յաջողութիւնները, սակայն, նրան չէին դրաւում: Յաղթանդամ, ուժեղ եւ աշխոյժ՝ նա աւելի սիրում էր զէնքն ու սրսորդութիւնը, քան գիրքն ու գիտութիւնը: Եւ արդէն պատանի հասակից, հրացանը ձեռքին, թափառում էր լեռներում ու ձորերում, յաճախ, ընդհարուելով հասակակից քրտերի հետ:

Այդպիսի թափառումների ժամանակ մի օր, անտառում, նա հանդիպում է Արարոյի դորձակից, նոյնպէս հռչակաւոր «աւազակ» Լեւոնին, որից լսում է Արարոյի քաջագործութիւնների մասին: Լեւոնը ներշնչում է նրան հայութեան թշնամիների դէմ կրուուելու գաղափարը: Հողը արդէն պատրաստ էր. Վաղարշակը ինքն էլ բռնուած էր ազգասիրական կրակով:

Դպրոցն աւարտելուց յետոյ, Վաղարշակը այլեւս իրեն զգում է Փէտայի: Չէնքից անբաժան՝ նա ընկերանում է երեք նման ուրիշ տաքզլուիս երիտասարդների եւ սկսում է համարձակ գործել Արարոյի եւ Լեւոնի օրինակով: Շուտով նրա համբաւը տարածւում է քրտերի մէջ, սրոնք պատկառանքով են վերաբերւում դէպի հրացանաւոր քաջ հայր: Երբ Տամատեանը դալիս է Տարօն,



Վաղարշակը ընկերանում է նրան: Մեծ կոտորածների օրերին Վաղարշակը զէնքը ձեռքին, ընկերների հետ, պաշտպանում է հայկական գիւղերը:

Դաշնակցութեան երեւումով Տարօնում՝ Վաղարշակը յարում է Դաշնակցութեան եւ դործակցում Հրայրին ու Գէորգ Չաւուշին, իբրեւ զինավարժ ու զինակիր խմբերի անդամ: Կենդանի յարաբերութիւն է պահում Աղբիւր Սերոբի հետ եւ աջակցում նրան: Սերոբի մահից յետոյ, ընկերանում է Անդրանիկին եւ մասնակցում Սասունի ու դաշտի կազմակերպական եւ մարտական աշխատանքներին: Ի միջի այլոց՝ նրան է պատկանում Առաքելոց վանքի յանդուգն ձեռնարկի զաղափարը: Անդրանիկի հետ Վաղարշակը վարեց Առաքելոց վանքի դիւցազնական կռիւը, բանակցութիւնները թուրք իշխանութեան հետ եւ ազատութիւնը պաշարուած վանքից:

Իբրեւ Տարօնի հեղինակաւոր դործիչ, 1904-ին, Վաղարշակը պատառամաւոր է ուղարկւում Հ. Յ. Դ. Երրորդ Ընդհ. Ժողովին, Սոֆիա, ուր նա ընդարձակ զեկուցում է ներկայացնում Երկրի եւ, ի մասնաւորի, Մուշ-Սասունի վիճակի եւ դործերի մասին: Ընդհ. Ժողովին երթ ու դարձը նրան հնարաւորութիւն է տալիս նաեւ ծանօթանալու Դաշնակցութեան ընդհանուր դործերին եւ ղեկավար ընկերների հետ:

Ընդհ. Ժողովից վերադարձին, 1904 թ. Մայիսին, Սասունը արդէն ճգնաժամային օրեր էր ապրում: Վաղարշակն էլ, Երկաթի սկս, շտապում է զինուած խմբով օգնութեան հասնել Սասունին: Նա անցնում է Կարսի շրջանում կազմուած 29 հոգինոց «Դը-ժոխք» ձիաւոր խմբի գլուխը եւ հետը առած ռազմամթերք ու ռումբեր, Յունիս 6-ի երեկոյեան, կտրում է ռուսական սահմանը Բասենի ուղղութեամբ: Առաւօտեան, Խորում եւ Զիւլին գիւղերի մէջտեղը, խումբը կռուի է բռնում մեծ թուով քիւրտերի եւ թուրք զինուորների հետ: Կռիւը տեւում է ամբողջ օր: Հայդուկների մոտիններից թշնամին ծանր կորուստի է ենթարկւում, բայց ուժերը անհաւասար էին. երեք տասնեակ հայդուկները շրջապատուած էին հազարաւոր քիւրտերով ու կանոնաւոր զօրքով: Հետըզհետէ նոսրանում են նրանց շարքերը: Սպանւում է եւ խմբի հրամանատարը՝ Վաղարշակ — Կայծակը: Վրայ է հասնում գիւղերը, եւ ով կարողանում է ազատուում է. հայդուկների մեծ մասը, իրենց խմբապետի հետ, նահատակւում է Խորում-Զիւլինի միջեւ, պատմական հին բերդի աւերակների մօտ:



## ԱՐԱՄ ՄԱՆՈՒԿԵԱՆ


Բուն անունը Սարգիս էր կամ Սերգէյ Յովհաննիսեան, Վանում դարձաւ Արամ Մանուկեան: Ծնուել էր Ղափանի Զէյվա գիւղում, արհեստաւորի մի համեստ ընտանիքում, 1879-ին: Ծնողների չքաւորութեան պատճառով դառն մանկութիւն ունեցաւ: Շուշիում դերձակութիւն անող մեծ եղբօր օգնութեամբ աւարտեց Ադուլեայ ծխական ուսումնարանը եւ 1890-ին մտաւ Շուշիի Թեմական դպրոցը:

Աշխատասէր, ուշիմ եւ ընդունակ տղայ էր Արամը: Սիրուած է ուսուցիչներից եւ ընկերներից: Աչքի էր ընկնում մտաւոր զարգացումով եւ եռանդով մասնակցում էր աշակերտական խմբակների աշխատանքներին: Շուշիի Թեմական դպրոցը, այդ տարիներին, յեղափոխական խմորումների կենտրոններից էր: Դաշնակցութեան ազդեցութիւնը տիրական էր աշակերտութեան մէջ, հակառակ որ տեսչութիւնը դտնւում էր պաշտօնողականների ձեռքին: Արամի դպրոցական ընկերներն էին ապագայ Իշխանը, Մենակը, Իսաջանը եւ ուրիշ ըմբոստ դադափարական երիտասարդներ: Բախումը աշակերտութեան եւ տեսչութեան միջեւ անխուսափելի էր: Ի վերջոյ, մի խումբ աշակերտներ, որոնց թւում եւ Արամը, խռովայոյզ ցոյցերից յետոյ, ոստիկանական սւժով վտարուեցին դպրոցից:

Արամ, Իշխանը եւ մի քանի ուրիշներ ընդունուեցին Երեւանի Թեմական դպրոցը, ուր իրենց հետ բերին Դաշնակցական դադափարներն ու ոգեւորութիւնը: 1901-ին, աւարտելով Երեւանի Թեմական դպրոցը, Արամը անցաւ Բազու՝ աշխատելու համար բանուորութեան մէջ, ուր շուտով աչքի ընկաւ, իբրեւ եռանդուն Դաշնակցական գործիչ: 1903-ին, եկեղեցական կալուածների գրաւման օրերին, Արամը, Բազուի Կենտր. Կոմիտէի կողմից ուղարկուեց Գանձակ՝ ինքնապաշտպանութեան գործով, ապա անցաւ Կարսի շրջանը, որ Դաշնակցական գործունէութեան եռուն վայր էր այն օրերին: Այնտեղից զէնք ու ռազմամթերք էր փոխադրւում Երկիր, խմբեր էին կազմակերպւում՝ Երկիր մտցնելու համար: Այնտեղ էին Սեբաստացի Մուրատը, Թորգոսը, Իշխանը, Իսաջանը, Մենակը եւ ուրիշ գործիչներ ու հայդուկներ: Աննկարագրելի եռուզեռ եւ ոգեւորութիւն էր տիրում շրջանում:

Արամը ամբողջ թափով փարեց յեղափոխական խմբերի պատրաստութեան: Ինքն էլ մտադիր էր մտնել Երկիր, բայց տկար առողջութիւնը արգելք եղաւ: Իրար յետեւից խմբերը անցան սահմանը՝ փութալով Սասունի օգնութեան եւ ճանապարհին





ԱՐԱՄ ՄԱՆՈՒԿԵԱՆ

շատերը բնաջնջուեցին ուսաների եւ թուրքերի ձեռքով : Սպանուեցին եւ Արամի մտերիմները՝ Թորգոմը, Իսաջանը, Մենակը : Կարսի շրջանը այլեւս դարձաւ անտանելի նրա համար : «Թիզնս ինձ տանջում էր, դրում է նա իր յուշերում, որ ամենքը դնացին եւ նահատակուեցին, իսկ ես կարծես մի խորամանկութեամբ յետ մնացի» :

Արամը հեռանում է Կարսից Սասուն անցնելու մտադրու-



Թեամբ, բայց Թիֆլիսում իմանում է, որ Սասունը ընկել է, եւ  
Հ. Յ. Դ. Բիւրոյի առաջարկութեամբ, 1904 թ. աշնանը, մեկ-  
նում է Վան, ուր գտնուում էին արդէն Իշխանը եւ Վահան ֆա-  
փազեանը (Բժիշկ) : Այսպիսով սկսուեց նրա գործունէութիւնը  
Վասպուրականում, որից դուրս եկաւ Վանի Արամը :

Արամի կեանքն ու գործունէութիւնը Վանում, մինչեւ 1906  
թ., երբ նա, Իշխանի հետ, մեկնեց արտասահման Հ. Յ. Դ. Չոր-  
րորդ Ընդհ. Ժողովին մասնակցելու համար, պատմուած է իր  
յուշերում\* ) :

Արտասահմանում Արամ մնաց մօտ կէս տարի : Ընդհանուր  
ժողովից յետոյ, նորից վերադարձաւ Վան, ուր հետզհետէ  
կենտրոնական դիրք դրաւ : Այդ շրջանի դէպքերը մանրամասնօ-  
րէն նկարագրուած են Վ. Փափազեանի վերջերս լոյս տեսած «Իմ  
Յուշերը» Ա. հատորում :

Սահմանադրութիւնից յետոյ, Արամը մի տարի ուսուցչու-  
թիւն արաւ Օրդուում : 1911 թուականը անցկացրեց Ժրնելում :  
Եւ դարձեալ մի տարի Օրդուում ուսուցչութիւն անելուց յետոյ,  
վերադարձաւ Վան : Ու այնուհետեւ, Արամը եղաւ Վասպուրա-  
կանի Դաշնակցութեան ղեկավար ու մղիչ ոյժը՝ Իշխանի, ապա  
Ա. Վռամեանի հետ : Ինչպէս Ռոստոմը բովանդակ Դաշնակցու-  
թեան մէջ, Արամը ամէն ինչ էր Վասպուրականում. դպրոց, ազ-  
գային հաստատութիւններ, մամուլ, ժողով ու հանդէս, երիտա-  
ւարդական շրջաններ, գաւառ, Աղթամար, յարաբերութիւններ  
կառավարութեան հետ — ամէն բանի վրայ տիրական էր Արամի  
միտքն ու հոգին :

Վրայ հասաւ համաշխարհային պատերազմը : Վռամեանն ու  
Իշխանը զոհ գնացին նենգ դաւադրութեան : Արամը մնաց մենակ  
ղեկավար դիրքերում՝ անօրինակ աղէտի առջեւ : Եւ հերոսա-  
մարտը, որով փրկուեցաւ Վանը, կազմակերպուեց ու վարուեց  
Արամի ուժեղ բազուկներով : Եւ երբ 1915-ին Վասպուրականը ա-  
զատուեց մահացու վտանգից, բնական կերպով Արամը կոչուեց  
նահանգապետութեան : Նա միակ մարդն էր, որի հեղինակութիւ-  
նը այդ օրերին ճանաչում էին ամենքը — ե՛ւ նրանք, որ այսօր  
երկիւղածութեամբ ու պաշտամունքով արտասանում են նրա ա-  
նունը, ե՛ւ նրանք, որ կրքից կուրած՝ սեւացնում են նրա յիշա-  
տակը :

Արամի նահանգապետութիւնը կարճ տեւեց — ընդամէնը  
չորս ամիս : Այնուհետեւ յաջորդեցին աղէտաւոր նահանջներ  
ուրա բանակի, եւ Վասպուրականի հայութիւնը տեղահան ու

\*) «Հայրենիք» ամս., 1922 թ. քիւ 2-ից սկսած :



հողմավար եղաւ: Բայց Արամը երբեք չդաւաճանեց նրան, մնաց նրա մէջ ու նրա հետ, եւ դերմարդկային ճիշ թափեց մեղմացնելու համար նրա տառապանքը:

1916-17 թուականները Արամը անցկացրեց Թիֆլիսում: Մասնակցում էր Ազգ. Բիւրոյի եւ Հ. Յ. Դ. Բիւրոյի աշխատանքներին, բայց առաւելապէս զբաղուած էր Վասպուրականի եւ այլ վայրերի դաղթականների գործերով: Մի պահ ծանր յողացաւ անկողին ձգեց նրան, եւ ընկերների ստիպման տակ անցաւ Խրիմ՝ դարմանուելու համար Սաքիի հանքային բուժարանում, ուր, դարձեալ ընկերների ստիպումով, գրի առաւ իր յուշերը: Ապաքինած վերադարձաւ Թիֆլիս ցարական վարչաձեւի անկման նախօրեակին եւ ամբողջ էութեամբ նետուեց յեղափոխական թոհուրոհի մէջ: Թրքահայ դրաւուած վայրերի առանձին նահանգապետութեան վերածուելը եւ դաղթականների վերադարձը նոր թափ ու ոգեւորութիւն ներշնչեցին նրան: Մասնակցեց Արեւմտահայ եւ Ռուսահայ Ազգային Ժողովներին, որոնց մէջ ղեկավար դեր կատարեց: Աջ բաղուէլը եղաւ Թրքահայաստանի նահանգապետի օգնական բժ. Զաւրեանի: 1917-ին Ազգ. Խորհրդի կողմից, իբրեւ լիազօր ներկայացուցիչ, ուղարկուեց Երեւանի նահանգը, ուր նրան վիճակուեց պատմական դեր, Դրոյի հետ միասին, հայութեան պաշտպանութեան եւ Հայաստանի Հանրապետութեան ստեղծման գործում: Այս շրջանում էր, որ առանձնապէս երեւան եկաւ նրա արտակարգ կարողութիւնը, յեղափոխական, կաղմակերպական եւ պետական տաղանդը: Ի զուր չէ, որ հանրային կարծիքը նրան է համարում Հայաստանի Հանրապետութեան հիմնադիր:

Հայաստանի Հանրապետութեան անդրանիկ կառավարութեան մէջ Արամը ստանձնեց ներքին գործոց եւ պարենաւորման նախարարի պաշտօնը: Միակ մարդն էր, որ այդ խառնակ օրերին ընդունակ էր կարգ ու անդորրութիւն պահել երկրում եւ պետական շինարարութեան սկսել: Աւա՛ղ, սակայն, կարճատեւ եղաւ նրա պաշտօնավարութիւնը: 1918 թ. Դեկտեմբերին, երբ բժաւոր տիֆը աւեր էր գործում Երեւանում, Արամն էլ վարակուեց եւ անկողին ընկաւ: Տանջալից հիւանդութիւնը տեւեց մինչեւ 1919 թ. Յունուար 29-ը, երբ նա փչեց վերջին շունչը: Վերջին օրերի դառանցանքների մէջ նա, յաճախ, յիշում էր Ռոստոմի անունը, որ արդէն հեռացել էր այս աշխարհից...

Հայ Ժողովուրդը Արամին արաւ մի յուղարկաւորութիւն, որպիսին չէր տեսել Երեւանը. ամբողջ քաղաքը լալիս էր եւ երկիւղածութեամբ հետեւում նրա դաղաղին: Արամի մարմինը թաղուեց Երեւանի հասարակաց գերեզմանատանը, Հ. Յ. Դաշ-



նակցութեան Պանթէոնի բաժնում, յաւերժական Մասիսի առջեւ : Այդպիսի սրտաշարժ յուղարկաւորութեան արժանացել էին միայն Ս. Զաւարեանը Պոլսում եւ հետագային՝ Ա. Ահարոնեանը Մարսէլում ու Փարիզում :

## ՎԱՆԻ ԻՇԽԱՆԸ

ՆԻԿՈՂ ՊՕՂՈՍԵԱՆ

Հազիւ տասը տարեկան տղեկ էր Իշխանը, երբ Դաշնակցութիւնը հիմնուեցաւ եւ երկրի մէջ ու սահմանազլուխներու վրայ առաջին անգամ թափուեցաւ հայ յեղափոխականի արիւնը : Եւ, երկրի թէ կովկասի մէջ, Դաշնակցութիւնը արդէն կենդանի գործի ու բազմաթիւ նահատակներու կազմակերպութիւն էր, երբ պատանի Իշխանը ուխտաւորը դարձաւ անոր դրօշակին : Իշխանն, ուրեմն, կը պատկանի Դաշնակցութեան այն սերունդին, որուն վիճակուած էր մեր յեղափոխական ազատագրական գործը դարձնել ժողովուրդի սեփականութիւնը, իսկ մեր կուսակցութիւնը վերածել կուռ շարքերու, գիտակից զանգուածներու եւ լայնածաւալ գործի կազմակերպութեան մը :

Ինչպէս մեր բազմաթիւ ռազմիկ ու մտաւորական գործիչներու, Իշխանի մանկութեան ու պատանեկական օրերու մասին ալ գրեթէ ոչինչ գիտենք :

Ծնած է Շուշի, 1883 թուին, եւ կրթութիւնն առած է տեղական թեմական դպրոցին մէջ, ուրկէ, իբրեւ ըմբոստ, վտարուելով՝ իր ուսումը շարունակած է Երեւանի թեմական դպրոցին մէջ :

Տակաւին դպրոցական պատանի՝ Իշխանը անդամ էր տեղական աշակերտական Զարգացողական անունով խմբակին, որ վերջը մկրտուեցաւ Յեղափոխական անունով եւ ենթարկուեցաւ Դաշնակցութեան գաղափարական ղեկավարութեան : Արամն էր որ ամբողջ երեք տարի կը ղեկավարէր խմբակի պարապմունքները, ինչպէս որ Արամի միջոցով էր կրկին, որ Իշխան կը մտնէր այդ խմբակին մէջ, որու անդամներու մեծ մասը հետագային նուիրուեցաւ յեղափոխական գործին :

Դեռ պատանութեան օրերէն, կը պատմէր Արամ, Իշխանի բնաւորութեան յատկանշական գիծը ըմբոստութիւնն էր. ըմբոստ՝ դպրոցական կարգերու, պարտադրուած օրէնքներու, չըն-



չին հեղինակութիւններու, քմահաճ հովանաւորութիւններու գէժ: Միեւնոյն ատեն ընկերներու համար տակաւ յայտնի կը դառնային Իշխանի կարգ մը ցայտուն գիծերը՝ ընդունակ, ճարպիկ, սրամիտ, ընկերական: Դեռ այդ օրերէն ան ոչ միայն համակրելի էր իր շրջապատին, այլեւ սէր եւ յարգանք կը պարտադրէր իր անձին շուրջ: Ընկերները ոչ միայն կ'ականածէին անկէ, այլեւ կը վախնային...

Դարձեալ դպրոցական, պատանութեան օրերուն է, որ Իշխան կը փորձէ անգամ մը փախչիլ դպրոցէն եւ ընտանեկան օճախէն՝ Հայաստան նետուելու համար, բայց կը ձախողի եւ հնարաւորութիւն կ'ունենայ ուսումը շարունակելու:

Դպրոցը չաւարտած՝ Իշխանը կը բորբոքուի ամէն գնով Երկիր մտնելու եւ կենդանի գործի ծարաւով: Բայց ատոր համար հարկ էր առնել համաձայնութիւնը Դաշնակցական ղեկավար Մարմիններուն, որոնք տակաւին անծանօթ էին իրեն, եւ առհասարակ Երկիր մտնողէ մը կը պահանջուէր ունենալ պողպատի տոկունութիւն, անպայման կարգապահութիւն, բարոյական կատարելութիւն, յանդէնութիւն եւ Քիզիքական ու բարոյական բոլոր այն առաքինութիւնները, որոնք կ'ամբողջացնէին Փէտայիի գիւթական տիպարը:

Հարկադրուած՝ Իշխան կը գործէ պահ մը Ալեքսանդրապոլի եւ աւելի երկար ատեն մը Կարսի շրջաններուն մէջ: Հոն էին կուսակցական պատասխանատու գործիչներ եւ հոն կը կազմակերպուէին ու կը մարզուէին Երկիր մտնող մարտական խումբերը: Հոն կը պատրաստուէին յեղափոխական ռումբն ու ուժանակը: Հոն տեղի կ'ունենային անվերջ ժողովներ, զեկուցումներ, պայքար ու պրոպագանդ, տենդ ու տուպ, իրական եռուզեռ մը՝ երբ բոլոր ուղեղները մէկ նպատակի կը ձգտէին ու բոլոր սրտերը կը բարախէին մէկ հայրենիքի համար: Այդ բորբոքուն կեանքի ու եռուզեռի մէջ է ահա որ կը թրծուի Իշխանի հոգին եւ հոն է որ կը կազմակերպուի ապագայ ռազմիկը:

1903 թուին Դաշնակցութիւնը կը նախապատրաստուէր Սասունի դիմադրութեան Կարսէն Երկիր մտցնելով շարք մը զինակիր եւ մարտական խումբեր: Իշխանը այդ խումբերէն մէկուն մէջ էր, նշանաւոր Նեվրուզի հետ, իբրեւ առաջնորդող եւ իբրեւ մասնակից Ուզունվէրանի եւ Բասենի կռիւներուն, ուր առաջին անգամ կը սպաննէ թուրք սպայ մը: Խումբը, ինչպէս յայտնի է, անհաւասար կռուի կը բռնուի, կը ջարդէ թշնամին ու ինքն ալ կը ջարդուի: Կ'ազատին փոքր թիւով մարտիկներ միայն, որոնց մէջ եւ Իշխան: Բայց այդ ազատութիւնը աւելի ծանր էր Իշխանի համար, քան մահը: Հայրենասէր յեղափոխականի անոր հոգին չէր



կրնար հաշտուիլ իր անձնական ազատութեան հետ, երբ անդին, անիծեալ սահմանին վրայ, նահատակուած էին հայկական ազատամարտի լաւագոյն մարտիկները, բոլորն ալ Իշխանի մտերիմ, գաղափարակից ընկերներ, ինչպէս Թորգոմ, Նելլրուզ, Պան, Որսորդ Գէորդ, Կայծակ Վաղարշակ, Թոխմախ եւ այնքան ուրիշներու հետ իր «սրտանց սիրած» ընկեր Մենակը (Յ. Առստամեան), որուն Իշխանը նուիրած է իր գողտրիկ, մարգարէաշունչ բանաստեղծութիւններէն մէկը: Իշխանը հիմա տոչորուն ծարաւն ունէր վրէժխնդրութեան եւ անձնական նահատակութեան: Սահմանը, Հայաստան դժոխքը, նահատակ ընկերներու արիւնը կը կանչէին զինքը: Զգայուն բանաստեղծ եւ հպարտ ուղմիկ՝ ան անպատուութիւն, բարոյական մահ կը համարէր մէկ օր ուշանալ Երկիր մտնելէ եւ սրբազան վրէժխնդրութեան ու իրական նահատակութեան նուիրուելէ:

Իշխանի հոգեկան տառապանքը ամբողջ ամիսներ տեւեց, մինչեւ որ, վերջապէս, ան յաջողեցաւ, 1904-ին, Կոմսի հետ, Ապաղայի դիժով, մտնել Վան, որ իսկական յեղաշրջութեան մը օրեր կ'ապրէր եւ ուր ամէն բան պէտք էր ստեղծել սկիզբէն: Այսպէս, կուսակցութիւնը անհնարին զրկանքներով եւ հերոսական յամառութեամբ մը կը պահէին քանի մը տեղացի հին ու փորձըւած մարտիկներ՝ Թէոս, Ալէս, Արմենակ, Փանոս, միակ՝ դրսեցի ընկեր ունենալով Պանք Օթոմանի հերոսներէն Վարդան Շահապաղը: Գիսակը (Վարդգէս), բանտարկուած էր. կազմակերպութիւնը քայքայուած, յարաբերութեան դիժերը վտանգուած, բոլոր կապերը խզուած արտասահմանի հետ. հասցէները կառավարութեան ձեռքն անցած կամ փճացուած. չկային մարտական խումբեր, զէնքեր, վստահելի ընկերներ, ժողովրդական համակրութիւն, ոչ ալ, մանաւանդ, կուսակցութեան կամ յեղափոխութեան նախկին հեղինակութիւնը: Ասոր հակառակը՝ բազմաթիւ լրտեսներ, անպատիժ մնացած մատնիչներ, հիասթափուած երիտասարդութիւն, արիւն արցունք լացող գաւառ եւ գիւղացիութիւն՝ ենթակայ կառավարական հարստահարութեանց եւ զրրտական աւազակախումբերու աւարին: Ու, մանաւանդ, կառավարական խստացուած հալածանքներ յեղափոխականներու դէմ եւ Վանի տականք աղաներու եւ ստրկահոգի էֆէնտիներու գետնամած խոնարհութիւնը ուղղուած «բարեխնամ կառավարութեան»...

Առաջին իսկ օրէն, հաղիւ 21 տարեկան, յեղափոխական Իշխանը կը գծէ իր աշխատանքի ուղին, որ կը ձգուէր դէպի Վանի հարաւ-արեւմտեան լեռնաշխարհը՝ Լեռնապար: Ան իր յեղափոխական բեղուն գործունէութեան շրջանին մէջ կ'առնէր տառապող հայ գիւղաշխարհը, ընդարձակ ու լեռնոտ այն երկրամասը,



որ կը սկսի Վան քաղաքի անմիջական սահմաններէն եւ կ'ընդգրկէ Վերին եւ Վարին Հայոց-Ձորի, Գաւաչի, Կարկառի, Կարճկանի, Շատախի, Մսկսի, Սպարկերտի, Մամրտանքի, Խիզանի, Ողմի գաւառները, Վանէն մինչեւ Սղերգի ու Բաղէշի տակ:

Այս սահմաններուն մէջ է, որ Իշխան կը հաստատէ իր «Թագաւորութիւնը» եւ, շնորհիւ իր լայն ու բեղուն գործունէութեան, ի վերջոյ, կը կազմուի հոն առանձին Կ. Կոմիտէութիւն մը Լեոնապար անունով:

Առաջին հերթին Իշխանը իր շուրջը կը հաւաքէ զեղջուկ հինաւուրց մարտիկները՝ Կարկառցի Եղիշ, Վըրջիկ Գալօն, Նորգեղցի Հաճին, Յովսէփ, եւայլն: Կարճատեւ շրջանի մը մէջ եւ եռանդուն աշխատանքով ան կը պատրաստէ իր համբաւաւոր Թռուցիկ խումբը, որ Դաշնակցութեան մարտական լաւագոյն խումբերէն մէկն էր իր հրաշալի կազմակերպութեամբ, ներքին երկաթեայ կարգապահութեամբ եւ քաջ ու անձնագոհ տղաներով: Մէկը այն խումբերէն, որոնք սարսափն էին թուրք բռնաւոր պաշտօնեաներուն եւ քիւրտ աւազակ տարրերուն, ահաբեկիչը՝ դաւաճաններուն, զարգանդը՝ վաշխառուներուն եւ գիւղական ցեցերուն, ժողովրդական զանգուածներու հիացումի առարկան եւ անոնց ապաւէնը, Դաշնակցութեան զինուած եւ արդար բռունցքը:

Միւս կողմէ, Իշխանի նպատակն էր յեղափոխական զաղափարը տարածել եւ խորացնել ժողովրդի լայն զանգուածներուն մէջ եւ զիւղացիութիւնն ու երիտասարդութիւնը մղել դէպի փրկարար ինքնապաշտպանութիւնը, զինման, դաստիարակութեան եւ ինքնակառավարման ճանապարհով: Սուլթանական բռնապետութեան մշտարթուն աչքին եւ անխնայ պատժիչ բռունցքին տակ, զերմարդկային տոկունութեամբ, պաշտելի յամառութեամբ, բացառիկ զգուշաւորութեամբ, ապառաժեայ կամքով ու անսասան հաւատով, անհնարին զրկանքներով, ամէն օր վտանգ մը զիմադրաւելով եւ մահուան պատանքը շալկած՝ Իշխանը կը յաջողի Լեոնապարի ամբողջ շրջանին մէջ ստեղծել զիւղական ինքնատիպ կազմակերպութիւններ եւ ընտիր մարտական խումբեր, որոնք զիւղացիութեան պահապան հրեշտակը կը դառնան՝ պատրաստ կռուի ու նահատակութեան:

Իշխանի ստեղծած այդ կազմակերպութիւնները ամէն բան էին հայ գիւղի համար, գիւղի ներքին կառավարութիւնը՝ բառի ամենալայն առումով: Արդարեւ, գիւղի բոլոր հողերը, բոլոր վէճերը, բոլոր դատերը կը լուծուէին Իշխանի կամ իր ստեղծած կազմակերպութեան միջոցաւ միայն: Շնորհիւ այդ կազմակերպութեան, Լեոնապարի հայ խոսպան գիւղացին տակաւ կը գի-



տակցէր իր ազգային ու դասակարգային շահերն ու իրաւունքները, մէկգլխի կը նետէր չարաշուք ստրկամտութիւնն ու համակերպութիւնը, կը բորբոքուէր իր եւ իր հայրենիքի ազատութեան սիրով, առնական կը դառնար, կ'արիանար, կը մղուէր գիտակցական զոհաբերութեան, ձեռներէցութեան, հաւաքական աշխատանքի, ինքնակառավարութեան:

Կեղտի ու ոջիլի մէջ ապրելով, երբեմն դարի ու կորեկ հացով, վայրի խնձորով սնուելով, միշտ վտարանդի, հալածական վիճակի մէջ, իբրեւ Էշկիւռ (աւազակ) ցմահ բանտարկութեան դատապարտուած, ի բացակայութեան, Իշխանը, սակայն, իրական իշխան մըն էր իր Լեռնապարի շրջանին մէջ՝ հայ գիւղացիութեան սրտին մէջ հաստատած իր գահը: Ամէնքը, հարազատ թէ թշնամի՝ կ'ակնածէին անկէ: Ամէնքը գիտէին, որ աւազակը անպատիժ չէր կրնար մնալ, ոչ ալ դաւաճանը կրնար չհաբեկուիլ Իշխանի թագաւորութեան սահմաններուն մէջ: Ամէնքը գիտէին անունները դաւաճաններուն եւ աւազակներուն, ցեցերուն եւ բռնաւորներուն, որոնք հոս ու հոն կ'իյնային Իշխանի վճիռովը կամ գնդակովը, եւ ամէնքը հէքիաթի պէս կը պատմէին կուրներն ու ընդհարումները, որ կը մղէր Իշխանը իր արծուային խումբով՝ միշտ ու հրաշքով անվնաս պրծնելով: Ահա՛ թէ ինչու ճարակող սարսափի պէս կը հնչէր անոր անունը բերնէ-բերան, կ'ախարդիչ հրապոյր ունէր անոր անձնաւորութիւնը եւ կ'երգուէր ան հայ եւ քիւրա ժողովրդական երգերուն մէջ... Անոր անունի սարսափն ու հմայքը առասպելական չափերու հասան, այլ, մանաւանդ, փրկարար եղան, 1908-ի Դաւոյի դաւաճանութեան մըրոսյլ օրերուն: Բարերախտութիւն մըն էր, Վասսուրականի հայութեան եւ Դաշնակցութեան պատուի տեսակէտով, որ սոսկումի այդ օրերուն Իշխանն իր արծուային խումբերն ունէր ու կազմակերպուած Լեռնապարը: Կոմսի, Սարգիսի եւ խումբ մը մարտիկներու հետ Իշխան յոյսի միակ փարոսն էր քայքայուող կազմակերպութեան, միակ պատուհասող բազուկը դաւաճաններուն եւ միակ սարսափը թուրք կառավարութեան համար: Եւ եթէ թուրք կառավարութիւնն այդ օրերուն չհամարձակեցաւ դործագրութեան դնել եթէ ոչ ընդհանուր, այլ դէթ մասնակի ջարդերու իր ոճրային ծրագիրը, ոչ ալ յանդդնեցաւ, Յունուարէն մինչեւ Յուլիսի կէսերը, իր բանտերուն մէջ գանուող Արամը եւ հարիւրաւոր յեղափոխականներէն մէկն ու մէկը մահուամբ պատժել, այդ պէտք է բացատրել նաեւ Իշխանի եւ ընկերներու կենդանի դործով, անոնց զինուած բռունցքով ու անոնց անուններու եւ հմայքի իրական սարսափով: Դարձեալ ատոր, Իշխանի եւ ընկերներու բարոյական հեղինակութեան ու տարածած սարսափին




պէտք է վերագրել, որ զիւղական կազմակերպութիւնները որոշ շրջաններու մէջ չքայքայուեցան, ու դաւառը գրեթէ զերծ մնաց Վանի դաւաճաններու համաճարակէն: Ի դուր չէր, որ թրքական Սահմանադրութեան խոստումի եւ յոյսի օրերուն, երբ Իշխան, Կոմսի եւ Սարգիսի հետ, հպարտ ու յաղթական, վար կ'իջնէր իր ըմբոստ լեռներէն, ժողովուրդը կը զիմաւորէր զայն անհուն խանդավառութեամբ, իսկ թուրք կառավարութիւնը ակներեւ ու գլխահակ յարգանքով...

Եւ, սակայն, ի՞նչ մեծ էր զարմանքը շատ շատերուն, երբ հսկայի ու աժդահայի տարազին մէջ իրենց պատկերացուցած Իշխանը կը տեսնէին պարզ քաղաքացիի հագուստներով, գրեթէ կարճ հասակով, վտիտ մարմնով, քիչ մը ծաղկատար դէմքով, կիրթ մտաւորականի իր շարժուձեւերով եւ այդ բոլորին իբրեւ միակ հակադրութիւն՝ բոցեղէն, անհանգիստ, սուր, թափանցող եւ կտրող-անցնող իր հայեացքով, ուր կուտակուած եւ ամէն բոպէ ժայթքելու պատրաստ էր կարծես անոր անօրինակ անհատականութիւնը՝ անսասան կամքով եւ խիզախութեամբ...

Ոչ նուազ բախտորոշ դեր կատարած է Իշխանը Վանի եւ Վասպուրականի խաղաղ-ստեղծագործական, մշակութային կեանքին մէջ: Դաշնակցական բոլոր մեծանուն դործիչներուն նման եւ հաւատարիմ Դաշնակցութեան աւանդութիւններուն, Իշխանն ալ մեր ժողովուրդի կատարեալ վերածնութեան եւ քաղաքական ազատութեան հասնելու համար, անհրաժեշտ նախապայմաններէն մէկը կը համարէր անոր տնտեսական եւ հոգեւոր-մշակութային կեանքի զարգացումն ու բարձրացումը: Արդարեւ, ի՞նչ աւելի բնորոշ Հ. Յ. Դաշնակցութեան եւ Իշխանի կենդանի դործին համար, քան այն, որ ստորերկրեայ-յեղափոխական ամենաբուռն շրջանին, կառավարական հետապնդումներու եւ ամէնժամեայ կռիւի ու մահուան սպառնալիքներուն տակ, Իշխանի նման իր ամբողջ էութեամբ վառօդ ու մահ բուրոյղ ռազմիկ մը ժամանակ, կորով ու ցանկութիւն կ'ունենար մինչեւ անգամ քառաձայն խրմբերդ սորվեցնելու Վանի դպրոցական 10-12 տարու պղտիկներուն, Այդեստանի այս ու այն դեռնափոր հիւղակին մէջ, թրքական օտարականատուններէն հաղիւ քանի մը քայլ հեռու...

Մեծ եղած է Իշխանի դերը Լեռնապարի դաւառական կրթական կեանքին մէջ: Ան առաջինը իր եւ ժողովրդական հակակշիռին տակ առաւ կաթողիկոսանիստ Աղթամարը, սանձահարեց ծոյն կակղամորթ հոգեւորականները եւ ցեց ու վաշխառու տարրերը, արդիւնաւորեց թեմի եկամուտները, ստեղծեց Աղթամարի միջնակարգ դպրոցը՝ վերածելով զայն տիպար ուսուցչանոցի մը: Սահմանադրութենէն ետք Վանէն եւ հեռաւոր Կովկասէն կարող





ԻՇԽԱՆ

ուսուցիչներ եւ թեմական տեսուչներ հրաւիրեց այդ շրջանին համար, գիւղական դպրոցներու ցանցեր ստեղծեց ամէն տեղ, գիւղի փողոցներէն ու արտերէն պտաւ ու ջուկեց գեղջուկ տղաներ՝ մարդելով ու կրթելով գանոնք իր մարտական եւ Աղթամարի դպրոցին մէջ: Եւ այդ տղեկները հետագային դարձան Իշխանի գաղափարակիցներն ու զինակիցները, Աղթամարի եւ Լեռնապարի լաւագոյն ուսուցիչները, դաւառական գործիչները, Դաշնակցութեան գիւղական կազմակերպութեան սիւները եւ Վանի ու Վաս-

պուրականի 1915-ի Ապրիլեան ճակատագրական կռիւներուն ամենէն պատասխանատու գիրքերու վրայ կռուողները եւ նահատակները...

Նոյնքան գործօն իր մասնակցութիւնը բերաւ, մանաւանդ, Սահմանադրութեան համեմատաբար խաղաղ օրերերուն, երբ Վանի եւ Վասպուրականի մէջ կը զարգանար ու կը թեւաւորուէր իրական հանրային-մշակութային կեանք մը:

Այդ օրերուն տենդոտ ու հսկայ թափով մը Դաշնակցութիւնը կը տարածուէր ու կը ծաւալէր Վանէն մինչեւ հեռաւոր դաւառները եւ իր քարոզով ու կազմակերպութեամբ կը մտնէր իւրաքանչիւր մէկ գիւղ, գիւղական ամէն մէկ խրճիթ: Գիւղացիական, Արհեստակցական, Ուսուցչական, Աշակերտական, Կանանց եւ Կարմիր Սաշի Միութիւններ, Մարտական, Ինքնապաշտպանողական, Մշակութային, Գրասէրներու, Թատերական ընկերութիւններ — բոլորը, բոլորը Դաշնակցութեան անմիջական ղեկավարութեան տակ էին, եւ Իշխանն անձնապէս մասնակից էր այդ ղեկավարութեան: Ու նաեւ որքա՞ն դպրոցներ, գրադարաններ, թերթեր, դասախօսութիւններ, դասընթացքներ, լսարաններ, ժողովներ, ազգային եւ քաղաքական (պարլամենտական) ընտրութիւններ ու թեւաւոր պայքարներ, որոնց մէջ Իշխանը միշտ իր գործիչի կամ ղեկավարի բաժինն ունէր: Ա՛լ աւելի լուրջ հարցերու — հողային, ազգային-կալուածային, զինուորագրութեան, աւազակախումբերու պատժումի, ծանր եւ անուղղակի տուրքերու վերացման, հայ-քրտական եւ թուրք-հայկական յա-



բարերութիւններու — բարդ ու պատասխանատու հարցերուն մէջ Իշխանի խօսքն ու բաժինը մեծ էր ու անդնահատելի :

Վանի «Աշխատանք»ը, մէկը Երկրի ամենէն կարեւոր թերթերէն, հիմնուեցաւ Իշխանի ջանքերով եւ նախաձեռնութեամբ: Ամբողջ տարի մը Իշխանն ինքը խմբադրեց թերթը: Տպարան ալ ձեռք ձգեց. ներգոր աջակցութիւն ցոյց տուաւ Աշխատանքի կուսակցական-ժողովրդական հսկայ ու գեղեցիկ շէնքի կառուցման եւ, մանաւանդ, Ազատութեան Լոյս մեծ դրադարանի կազմակերպման. նախագահեց ազգային-թեմական մարմիններուն, առանձին գուրդուրանքով ղեկավարեց Վանի նորարողքով երիտասարդութիւնը, նոյնիսկ երեկոյթներ ու ներկայացումներ կազմակերպեց՝ երգելով կամ դերեր ստանձնելով: Մասնակցեցաւ Վանի հռչակաւոր ընտրական պայքարներուն, քաղաքական միթինկներուն եւ հրապարակային դասախօսութիւններուն ու երեւան բերաւ տաղանդաւոր ու միշտ փնտռուած հոգեւորի անվիճելի արժանիքներ: Դժոխային ու աղքատիկ այդ պայմաններուն մէջ Իշխանը, որ համալսարանի երես տեսած չէր, բայց բնածին տաղանդ մըն էր, մտքի եւ գիտութեան պաշարով կը ներկայանար միշտ իր շրջապատին: Արդարեւ, սոսկալի այդ պայմաններուն մէջ անգամ, ան անվերջ կարդացող մըն էր, պրպտող մը, ուսումնասիրող մը, ինքնատիպ եզրակացութիւններ հանող մը: Անգամ ւտորերկրեայ յեղափոխական շրջանին իր անձնական դրադարանն ունէր: Ան նոյնիսկ ժամանակ եւ հնարաւորութիւն կը գտնէր ուսումնասիրելու Վասպուրականի հայ ժողովրդական երգն ու բանահիւսութիւնը: Անգիր գիտէր քրտական բազմաթիւ երգեր ու աւանդավէպեր եւ լուրջ, բայց, տարաբախտաբար, անտիպ ու հիմա կորսուած, աշխատութիւններ ունէր քիւրտ բանահիւսութեան մասին: Դեռ պատանի հասակին՝ հրատարակած էր ինքնուրոյն բանաստեղծութիւններու հատորիկ մը, ուր զգալի է տաղանդն ու ինքնատպութիւնը: Ազդել, թելադրել, ներշնչել՝ Իշխանի խօսքի ու գրչի ակներեւ առանձնայատկութիւնն էր: Ոճը ինքը մարդն էր...

Հարկ է, սակայն, ընդգծել, թէ Իշխանն առաւելարար զէնքի ու մարտական կազմակերպութեան տաղանդաւոր դործիչ էր: Անոր անհանդիստ հողին կարծես դժուարութեամբ ու ինք իր վրայ մեծ ճիւղ գնելով միայն կը հաշտուէր խաղաղ, հանրային-մշակութային դործերու եւ հողերու հետ: Ան միշտ ծարաւի մնաց զէնքի ու վառօւի, կռուի ու փոթորիկներու, լեռներու եւ ըմբոստութեան, հայրենի երկրի եւ աշխատաւորութեան վերջնական ու անպայման ազատութեան: Ատոր համար ալ, սկիզբէն մինչեւ իր եզերական վախճանը, ան մնաց Վասպուրականի Դաշնակցութեան



մարտական կազմակերպութիւններու եւ ամէն տեսակ զինուորական ձեռնարկներու ծրագրողը, հրահանգիչը, վարիչն ու պատասխանատուն:

Յետոյ, սկիզբէն մինչեւ վերջը, անհաւատ մնաց դէպի Օսմ. Սահմանադրութիւնը, դէպի հայկական բարենորոգումները, դէպի հայ-թուրք գործակցութիւնը, դէպի օսմանեան վերածնութիւնը, դէպի օտար միջամտութիւններն ու հովանաւորութիւնները եւ, իբրեւ այդպիսին, ամենէն կորովի աշխատողներէն եւ ամենէն մոլեռանդ նուիրուածներէն մէկն էր հայկական ինքնապաշտպանութեան գործի կազմակերպման: Ահա թէ ինչու, թըրքական Սահմանադրութեան ընթացքին եւս, Իշխանի մարտական խումբերը գոյութիւն ունէին եւ լաւագոյն ազդակն էին ոչ միայն քիւրտ աւազակախումբերու սանձահարման, ոչ միայն սպառնալիքն ու զսպող ուժը թրքական ջարդարար քաղաքականութեան, այլեւ Վասպուրականի հայութեան քաղաքական-յեղափոխական մշտարթուն գիտակցութեան պահպանման եւ ամէն վտանգ ու փորձութիւն դիմագրաւելու կարողութեան: Միշտ, ամէն առիթով, ամենէն թեւաւոր յոյսերու եւ ամենէն խաղաղ ու ապահով համարուած օրերուն իսկ, Իշխանն աշխատեցաւ խումբ մը աւելի կազմել, դէնք մը աւելի ձեռք ձգել, զինել ու զինել ժողովուրդը: Եւ, ինչպէս ախսւր փաստը ցոյց տուաւ, Իշխանի տեսակէտը յաղթանակեց. թուրքը ջարդեց հայութիւնը, եւ ազատեցաւ կամ պատուով մեռաւ այն հայութիւնը միայն, որ դէնք ունէր ձեռքին...

Իշխանի անհանդիստ հոգին կրկին գտած էր իր իսկական տարերքը, մանաւանդ, 1914-ի Օգոստոսի թրքական զօրաշարժի օրերուն, երբ Վասպուրականի հայութեան գլխուն նորէն մույլ ամպեր կը կուտակուէին: Հին ու փորձուած, բայց տակաւին շատ երիտասարդ ու աշխոյժ ռազմիկը նորէն մարտական գործի դարբինն էր, դիրքերու վրայ, ստորերկրեայ աշխատանքներու մէջ: Աւելի ու աւելի մեծ թափով եւ նուիրուածութեամբ փարած ինքնապաշտպանութեան փրկարար գործին, զիւղի ու քաղաքի զինումին եւ, սակայն, կուսակցութեան հետ, Իշխանն ալ, խորապէս կռահելով հանդերձ ահաւոր դալիքը, կը գիտակցէր նաեւ կացութեան բովանդակ լրջութիւնը՝ հայութեան ողբերգական մինակութիւնը եւ թշնամու ուժի գերազանցութիւնը: Ուստի, շարունակելով հանդերձ ժողովուրդի զինման ու ինքնապաշտպանութեան գործը, Իշխանն ու Վասպուրականի Դաշնակցութիւնը հարկադրուած էին անվերջ զիջումներ ընել թշնամիին, ժամանակ շահելու, կամ դէթ նուազագոյն զոհերով դիմաւորելու համար փոթորիկը: Սակայն, հակառակ բոլոր ճիգերուն եւ զիջում-



ներուն, այդ փոթորիկը եկաւ եւ անոր առաջին պիտակից զոհերէն մէկը Իշխանը եղաւ:

1915 Ապրիլ 3-ին թուրք նենգամիտ ու ոճրագործ կառավարութիւնը, կուսակալ Ճէվտէթի անունով, պաշտօնապէս դիմեց Հ. Յ. Դ. Վասպուրականի կեդր. կոմիտէին եւ թախանձազին խնդրեց անոր աջակցութիւնը Շատախի մէջ «թիւրիմացութեամբ» ծայր տուող հայ-թրքական միջադէպը հարթելու եւ խաղաղութիւնն ու երկու ժողովուրդներու միջեւ բարի-դրացիական յարաբերութիւնները վերականգնելու համար: Ճէվտէթ անձամբ կը թախանձէր, որպէսզի հաշտութեան համար Շատախ երթայ, մանաւանդ, Իշխանը, որու անձնական հեղինակութեան վստահ էր ինք: Իշխան ասպետօրէն յարդեց կառավարութեան հաշտութեան առաջարկը եւ նոյն օրն իսկ, երեք զինուած եւ հեծեալ կորիւններու հետ (Միհրան, Վահան եւ Քոթոթ Պօղոս), ընկերակցութեամբ Վանի թուրք ոստիկանապետին եւ տասնեակ մը ոստիկան զինուորներու, ճամբայ ելաւ: Կէս ճամբուն, Հայոց Ձորի հայ-քրտախառն Հիրճ գիւղին մէջ, Իշխանը եւ երեք ընկերները ստիպուած կ'ըլլան գիշերել ծանօթ քիւրտի մը տունը, բայց ահա կուսակալ Ճէվտէթի կողմէ ծրագրուած դաւադիր չէրքէզներու խումբ մը, ճամբայ ելած Իշխանի ետեւէն, երկչոտ ու տմարդի մարդասպաններուն յատուկ ձեւով, կը սպաննեն Իշխանն ու ընկերները, երբ անոնք խաղաղօրէն կը քնանային...

Յաջորդ առաւօտը անլուր կոտորածի ենթարկուեցաւ Հիրճի հայ անպաշտպան գիւղացիութիւնը, Վանի մէջ նոյնքան ստոր դաւադրութեամբ մը ձերբակալուեցաւ Վաւաթեանը, Արամը հըրաչքով միայն փրկուեցաւ, Այգեստանն ու Քաղաքամէջը պաշարուեցան, կոտորածն ու յուսահատ կռիւնները շղթայաղերժուեցան ամբողջ Վասպուրականի մէջ եւ... կառավարութիւնը սկսաւ ջարդել իր քաղաքացին:

Սակայն, Իշխան իր եղբրական մահուամբ նոյնիսկ ազդեց հետագայ դէպքերու՝ Վանի հերոսամարտին վրայ: Հարկ եղաւ, որ Իշխանը նահատակուի, որպէսզի Դաշնակցութիւնն ու հայութիւնը Վասպուրականի մէջ ցնցուին մինչեւ իրենց էութեան խորունկ արմատները, այլեւս ընդմիշտ փակուած տեսնեն պատրանքի, յոյսի եւ զիջումի բոլոր ճամբաները, դան կեդրոնանան համերաշխութեան փրկարար գետնին վրայ, ապաւինին իրենց բազուկին ու հանճարին, զինուին Իշխանի վրէժով եւ զայրոյթով եւ մահը որոնելով անմահութեան մէջ՝ կերտեն Վասպուրականի Ապրիլեան Գոյամարտը, փշրեն պաշարման ու բռնութեան շղթաները, վտարեն թշնամին հայրենի հողէն եւ ողջունեն Հայաստանի ազատութեան առաջին արեւը 1915 Մայիս 3-ին...



Իշխանի յօշոտուած դիակը, որ ամբողջ ամիս մը դատապարտուած էր գերութեան՝ Հիրճի համայնական փոսին մէջ, Վանի երիտասարդութեան կողմէ, թանկագին աւանդի մը պէս, քաղաք բերուեցաւ եւ ամփոփուեցաւ Արարքի գերեզմանատունը, ուր կը հանդէին Իշխանի ուսուցիչներն ու զինակիցները Վազգէնէն մինչեւ Ռաֆայէլ: Փառահեղ ու յուզիչ էր թափօրն ու յուզարկաւորութիւնը ներկայութեամբ խոր սուգով համակուած եւ հեծկլտացող Արամին եւ Կովկասի ու Վանի բազմաթիւ զինակից ու գաղափարակից ընկերներուն, Վանի ամբողջ ժողովուրդին՝ առանց դասի եւ կուսակցութեան խտրութեան, Լեոնապարի գիւղացիութեան, Իշխանի մարտական զինուած դասակներուն, կամաւորական գունդերուն, ռուսական վաշտերուն եւ թնդանօթին, Իշխանի սգաւոր այրիին եւ միակ ու պզտիկ զաւակին...

Յ. ՎԱՆԵԱՆ

## ՓՐՈՑ. Ա. ԽԱԶԱՏՐԵԱՆ


«Հայ Ազատագրական Պայքարը եւ Եւրոպական Դիւանագիտութիւնը» աշխատութեան մէջ, որ 1923 թուականից ի վեր մնացել է անտիպ, փրոֆ. Ա. Սաչատրեանը հետեւեալ կենսագրական տեղեկութիւններն է հաղորդում իր մասին.

«Ծնած եմ 1861-ին, Բագրեւանդ գաւառի Բագաւան Աւանը (Իւչ-Քիլիսէ), բայց հայրս ու պապս բնիկ Դիատինցի են: Բայագետ եւ Դիատին մինչեւ 1829 զուտ հայաբնակ շրջաններ եղեր են: Նոյն թուի ռուս-թրքական պատերազմին այս երկու գաւառները (Կողովիտ եւ Ծաղկոտն) ու շրջակայ գաւառները ամբողջութեամբ կը գաղթէին ռուս բանակի հետ անոնց նոր դրաւած գաւառները: Պապս Յովան (Յովհաննէս) Դիատինի Դերէ-բէյ Մահմուտ փաշայի տան դերձակն ըլլալով՝ փաշայի կողմէն արգելուեր է գաղթելու:

«Պապս միեւնոյն ժամանակ հռչակաւոր թիրախահար՝ հրացանաձիգ մ'ըլլալով՝ դաստիարակ-մարզիչն է եղեր փաշայի որդի եւ ժառանգ Մեհմետ բէյին՝ վերջը իր քաջութեամբ յայտնի «Սիւրմելի Մեհմետ փաշան», որ թանդիմաթի դործագրութեան շրջանին Կ. Պոլիս կը բերուի եւ յետոյ կ'աքսորուի Եգէականի կղզիներէն մէկը, ուր եւ կը մեռնի:

«Հայրս, իբր տարեկից ընկերը Մեհմետ բէյին, անոր հետ





ՓՐՈՖ. Ա. ԽԱՉԱՏՐԵԱՆ, նստած

միասին մարդուեր է պապիս ձեռքին տակ հրացանաձողութեան ու որսորդութեան մէջ եւ տարիներով որսակից ընկերն է եղեր Մեհմետ բէյին : Շատ աղէկ կը յիշեմ հանդիպում մը, որ Մեհմետ բէյն ունեցաւ հօրս հետ մեր դիւղին մէջ. իբր հին ընկերներ : Շատ սիրալիբ տեսակցութենէ մը յետոյ, հայրս բաւական տեղ անոր ընկերացաւ ճամբու դնելու համար. ես ալ, իբր մանկիկ, քովերէն կը վազէի :

« ... Մինչեւ 1877 ապրած եմ ծննդավայրս, ուստի եւ դիտակ Հայաստանի հայու կեանքին : 1877-ի ուս-թրքական պատերազմին տեսած եմ Բայազիտի եւ Բագրևանդի ակերն ու կոտորածը եւ ապրած նոյն միջոցին կատարուած դաղթականական կեանքը : Այս առթիւ ալ Էջմիածին ինկած եւ հոն Գէորգեան շեմարան մտած : Ամբան արձակուրդներս կ'անցնէի ծննդավայրս եւ այդպէս միշտ դիտակ մնացեր եմ հայ դիւղացիի թշուառ վիճակին :



«1885-ին, աւարտելով Ճեմարանը՝ կը վերադառնայի մեր գիւղը, ուրկէ կը հրաւիրուէի Կարին, իբր ուսուցիչ Սանասարեան վարժարանին: Հոս, իբր կեդրոն, ա՛լ աւելի լայն շրջան մը կ'ունենայի ուսումնասիրելու թուրք վարչաձեւը ու հայերու վերաբերմամբ անոնց ունեցած քաղաքականութիւնը:

«1892-ի աշնան կը մեկնէի Գերմանիա: Հոն ունեցած չորս տարիները Հայաստանի համար եղան յոյսերու եւ յուսախարութեան, խնդումի եւ սուղի տարիներ: Նախ՝ 1895-1896-ի բարենորոգումներու շրջանը եւ յետոյ՝ 1895-96-ի կոտորածները:

«Գերմանիայէն կը վերադառնայի նորէն Կարին նոր գաղափարներով ու ծրագրով եւ այնուհետեւ կեանքիս գնովը հաւատարմօրէն ծառայեցի ընտրածս դրօշին: 1908-ի Սահմանադրութիւնը կուգար վերցնելու այն անթափանց քողը, որու տակ տասնեակ մը տարի լռին կը գործէի:

«1912-ի ամրան տեղափոխուելով Կ. Պոլիս՝ աւելի լայն ապարէզ մը կը բացուէր ինծի մասնակցելու ազգային-քաղաքական գործերուն:

«Շատ մօտէն մասնակցած եմ 1914-ի բարենորոգումներու շուրջ կատարուած գործունէութեանը եւ ծանօթ՝ բոլոր անցուղարձեցումն:

«1915-1918-ի սարսափի տարիներու ապրումներս ամենուն ծանօթ ըլլալով (իմ «Յուշապատում»-ը հրատարակուած Ամերիկայի «Հայրենիք»-ի մէջ)՝ աւելորդ է հոս կրկնելը: Այս աղէտները զրկեցին զիս այն բոլոր անձնուէր գործիչներէն, որոնց հետ տարիներով պայքարած էի հայ ազատագրութեան համար:

«1918-ի Յունիսին Միջագետքի անապատէն անցնելով՝ կ'ապաստանէի Բաղդատ, ուրկէ նոյն թուի Դեկտեմբերին, Պողոս Նուպարի մէկ հեռագրով, կը հրաւիրուէի Պարիս մասնակցելու Հայ Ազգային Համագումարին: 1919-ի աշնան կ'անցնէի Հայաստան, ուր պատեհութիւն կը տրուէր ինծի ուսումնասիրել հայ եւ տաճիկներու միջեւ կատարուած դիւանագիտական յարաբերութիւններու վերաբերեալ պաշտօնական գրութիւններն եւ գրել այս շրջանի պատմութիւնը»:

Արտասահմանից Կարին բերած «Նոր գաղափարներ»-ը Դաշնակցութեան գաղափարներն էին: Փրոֆ. Խաչատրեանը արդէն համոզուած Դաշնակցական էր եւ, որպէս այդպիսին, Կարինում էլ — դպրոցում թէ դուրսը — «կեանքի գնով հաւատարմօրէն ծառայեց ընտրած դրօշին»: Եւ դարմանալի չէ, որ դպրոցի վարչութիւնը, Մատթեանների գլխաւորութեամբ, խէթ աչքով էր նայում նրա վրայ, մինչ աշակերտութեան մէջ յարգանք ու սէր էր վայելում նա: Խաչատրեանը չէր բաւականանում միայն դպրոցական



գործով. նա շարունակում էր եւ հայագիտական աշխատանքները : 1907-ին լոյս տեսաւ նրա եւ Ե. Դոլէնսի «Հին Հայերի պատմութիւնը» ֆրանսերէն հատորը՝ գիտութեան նորագոյն տուեալներէ վրայ հիմնուած համադրական մի գործ հին Հայաստանի աշխարհագրութեան, պատմութեան եւ մշակոյթի մասին : 1909-ին այս գիրքը լոյս տեսաւ նաեւ հայերէն թարգմանութեամբ :

— Օսմանեան Սահմանադրութիւնից յետոյ, յայտնի դարձաւ եւ Խաչատրեանի կատարած հասարակական եւ կուսակցական դերը համիտեան մոռյլ վարչաձեւի տակ : Խաչատրեանը ոչ միայն հմուտ մանկավարժ էր ու հայագէտ, այլեւ պայքարի մարդ՝ Դաշնակցութեան գաղափարների ջատագով ու քարոզիչ, մանաւանդ նոր սերնդի մէջ : Սանասարեան վարժարանից դուրս եկած երիտասարդութիւնը ամենից աւելի կրած էր Փրոֆ. Խաչատրեանի գաղափարական ազդեցութիւնը :

Հ. Յ. Դաշնակցութեան Գ-րդ Ընդհ. Ժողովին մասնակցելուց յետոյ, 1919 թ. վերջերը, փրոֆ. Խաչատրեանը պաշտօն ստացաւ Հայաստանի կառավարութիւնից մեկնելու Փարիզ, գործակցելու Հ. Հ. Պատուիրակութեան, յատկապէս, Հայաստանի սահմանադժման աշխատանքներում : Փարիզից, 1920-ին անցաւ Պոլիս, ուր մնաց մինչեւ քեմալականների մուտքը : Այդտեղ գրեց եւ յօդուածի սկզբում յիշուած աշխատութիւնը, որ յոյս ունէր լրացնել Հայաստանում :

Հայաստանի խորհրդայնացումը ծանր հարուած էր ինչպէս ամբողջ հայութեան, փրոֆ. Խաչատրեանի համար էլ : Այդ, սակայն, արգելք չեղաւ, որ նա վերադառնայ Երեւան՝ երկրի շինարարութեան մասնակցելու ցանկութեամբ : Եւ առաջին օրերին, որոշ հնարաւորութիւն ստացաւ իր ուժերն ու գիտական պատրաստութիւնը տրամադրելու հայրենիքին : Նշանակուեց համալսարանի դասախօս, ապա՝ աշխատանքի կոչուեց Պետական Մատենադարանում : Միաժամանակ աշխատում էր եւ Հայաստանի հնագոյն պատմութեան ուսումնասիրութեան վրայ : Արտասահմանի հայրենակիցների եւ բարեկամների աջակցութեամբ նոր հրատարակութիւններ ստացաւ Հայաստանի հին պատմութեան մասին : Օգտագործեց Հայաստանում ճարած աղբիւրները՝ եւ 1933-ին, Երեւանում, լոյս տեսաւ նրա «Հայաստանի Սեպագրական Երջանի Քննական Պատմութիւնը» ծաւալուն եւ մեծարժէք գործը որի մէջ լուսարանուած է Հայաստանի պատմութիւնը Քրիստոսից առաջ 3000 թուականներից սկսած մինչեւ 600-ական թուականները : Զանազան պարբերականներում ունի նաեւ մենագրութիւններ Հայաստանի հին պատմութեան այլ եւ այլ հարցերի մասին :



Հայաստանի դժբախտ պայմանները չխնայեցին եւ փրոֆ. Պաշատրեանին, որ բոլորովին հրաժարուած քաղաքականութիւնից ու հանրային գործերից՝ բացառապէս նուիրուած էր գիտութեան: Նրան էլ «մաքրագործեցին», զրկեցին ապրուստի միջոցներից եւ աշխատելու հնարաւորութիւնից: Եւ պատերազմի տարիներին նա մեռաւ բոլորովին անյայտութեան մէջ:


Ե՞րբ է տեղի ունեցել նրա մահը, ի՞նչ պայմաններում — ոչինչ յայտնի չէ:

## ԱՐՐԱՀԱՄ ԳԻՒԼԽԱՆԴԱՆԵԱՆ

Արրահամ Գիւլխանդանեան ծնուել է 1875 թ. Օդոսս. 13-ին, էջմիածին-Վաղարշապատ աւանում: Ուսել էր Գէորգեան ճեմարանում՝ լրացնելով դասարանական բաժինը: Տասնեակ տարիներ յետոյ, երբ արդէն ծանօթ հասարակական գործիչ էր եւ Բազուի Դաշնակցութեան ղեկավար դէմքերից մէկը, աւարտեց Ռուսաստանի Յարօսլաւ քաղաքի իրաւաբանական ճեմարանը:

1894-ին, 19 տարեկան հասակին, Արրահամը մտնում է Հ. Յ. Դաշնակցութեան շարքերը եւ յաջորդ տարի, 1895-ին, արդէն Վաղարշապատ կոմիտէի անդամ էր: 1898-ին փոխադրուում է Բազու, մտնում է ծառայութեան նաւթային մի հիմնարկութեան մէջ՝ եւ ազատ ժամանակը ամբողջապէս նուիրում է կուսակցական աշխատանքի: Նոյն տարի ընդունւում է Բալախանիի կոմիտէի անդամ: 1902-ից մինչեւ 1908 թ. Ոսկանապատի կենտր. կոմիտէի անդամ է: 1908-ից շարունակարար ընտրւում է Հ. Յ. Դ. Արեւելեան Բիւռոյի անդամ: Մասնակցում է այդ տարիների Բազուի շրջանային ժողովներին եւ կոմիտսի Ռայոնական ժողովներին: Նիկոլ Դումանի, Պապաշայի, Գր. Աղաջանեանի եւ ուրիշների հետ Գիւլխանդանեանը դառնում է Բազուի շրջանի Դաշնակցութեան կենտրոնական ղեկավար ուժերից մէկը: Առանձնապէս նա մեծ հմայք էր վայելում Նաւթաշխարհի հայ բանուորութեան ու երիտասարդութեան, ինչպէս եւ մարտական ուժերի մէջ: Ազդեցութիւն եւ հեղինակութիւն ունէր նաեւ Բազուի մտաւորականութեան եւ ունեւոր դասակարգի շրջաններում: Գործնական մտքի տէր, կազմակերպչական կարողութիւններով օժտուած, քնաւորութեամբ դիւրահաղորդ, շնորհիւ անձնական գործի նիւ-





### ԱՐՐԱՀԱՄ ԳԻԻԼԽԱՆԴԱՆԵԱՆ

Թապէս անկախ, բաւական դարդացած, ամուր իր համոզումների եւ դործունէութեան մէջ, ամբողջ էութեամբ նուիրուած Գաշնակցութեան՝ Աբրահամը յարգուած դործիչ էր հասարակական բոլոր խաւերի կողմից:

Գժուար է ցոյց տալ որեւէ հանրային կամ կուսակցական դործ Բագուի շրջանում, որին մասնակից կամ ղեկավար եղած չլինէր Գիւլխանդանեանը: Գործաւորական շարժումների թէ յեղափոխական ձեռնարկների մէջ նա առաջին դիրքերի վրայ էր: Մասնակից եղաւ Քրիստափորի դլխաւորած «Փոթորիկ»-ի ձեռնարկներին: Աղգային-եկեղեցական կալուածների պաշտպանութեան օրերին, ապա ձախից եւ աջից ծայր տուած հակադաշնակ սոյաքարների շրջանում Աբրահամը բուռն դործունէութիւն ցոյց տուեց: Երբ, 1905-ին, սկսուեցին հայ-թաթարական կռիւները, նրան վստահուեց Գանձակի շրջանի պաշտպանութեան դոր-



ծը, որ նա տարաւ փայլուն յաջողութեամբ: Հետագային, հայ-  
թաթարական կռիւներին պատմութիւնը նա լոյս ընծայեց առան-  
ձին հատորով:

Գանձակի ինքնապաշտպանութեան գործով Գիւլիսանդան-  
եանը դառնում է համակովկասեան չափանիշով գործիչ: Եւ,  
քնականաբար դերժ չի մնում եւ ցարական ոստիկանութեան ու-  
շադրութիւնից: Դաշնակցականների դանդուածային ձերբակա-  
լութիւնների առաջին շրջանում նա կարողացաւ ազատ մնալ, շա-  
րունակեց կուսակցական գործունէութիւնը՝ ղեկավար դիրքերում,  
բայց 1910 թ. Ապրիլ 1-ին ընկաւ ցարական որսկան շների ձեռքը  
եւ բաժանեց Դաշնակցութեան մեծ դատավարութեան ենթարկ-  
ուած ընկերների ճակատագիրը:

Դատարանից անպարտ արձակուելով, 1912-ին, Գիւլիսան-  
դանեանը շարունակեց կուսակցական եւ հանրային աշխատանքը  
Բագում: 1914 թ. աշնանից նա փոխադրուեց Թիֆլիս, ապա՝  
Երեւան, իբրեւ Հայ Կամաւորական զնդերի Կարգադրիչ Մարմնի  
անդամ: Կամաւորական զնդերի լուծումից յետոյ, վերադար-  
ձաւ Բագու: Յարական գահի տապալման յաջորդող օրերին  
ընտրուեց Բագուի Հայոց Ազգ. Խորհուրդի նախագահ, եւ երբ  
Բագուն անջատուեց Անդրկովկասից, Գիւլիսանդանեանը, Ռոս-  
տոմի եւ ուրիշների հետ, վարեց Բագուի ինքնապաշտպանութիւ-  
նը: Բագուի անկումից յետոյ, մարտիկների եւ ժողովրդի հետ  
տարադրուեց Պարսկաստան, որտեղից վերադարձաւ ընդհանուր  
զինադադարից յետոյ:

1919-ին, շատերի հետ Գիւլիսանդանեանն էլ անցաւ Հայաս-  
տան եւ շուտով սաշտօնի կոչուեց կառավարութեան մէջ, իբրեւ  
ներքին գործոց, ապա՝ ելեւմտական նախարար: 1920 թ. Նո-  
յեմբերին նշանակուեց հաշտարար պատուիրակութեան անդամ,  
Ա. Խատիսեանի գլխավորութեամբ, որ կնքեց Ալէքսանդրապոլի  
դաշինքը թուրքերի հետ:

Խորհրդայնացումից յետոյ, Գիւլիսանդանեանը անցաւ Պո-  
լիս, ապա մի քանի տարի ապրեց Ռումանիայում եւ, ի վերջոյ  
հաստատուեց Փարիզում, ընտրուելով Հ. Յ. Դ. Գերագոյն  
Մարմնի անդամ: 1933-ից սկսած զբաղուած էր գլխավորապէս  
գրական աշխատանքով. դասաւորեց Հ. Յ. Դ. Դիւանի նիւթերը,  
լոյս ընծայեց «Հայ-թաթարական կռիւները», «Կովկաս» հատոր-  
ները եւ մի քանի գրքոյկներ, ինչպէս նաեւ յօդուածներ ու յու-  
շեր մամուլում Դաշնակցութեան պատմութիւնից:

Վերջին պատերազմի տարիներին Գիւլիսանդանեանն եւս են-  
թարկուեց ծանր զրկանքների, բայց չընկճուեց եւ անտանելի



պայմաններում աշխատեց մեղմացնել պատերազմի արհաւիրքները հայ ժողովուրդի վերաբերմամբ: Փարիզի ազատագրումից յետոյ, հայ բոլշեւիկների մատնութեամբ, ձերբակալուեց Փրանսական իշխանութիւնների կողմից, անասելի զրկանքներ կրելով բանտում: Պարզուեց, ի հարկէ, որ զրպարտութեան զոհ էր դարձել եւ անպարտ արձակուեց, բայց բանտում կրած նուաստացումը եւ հոգեկան ու մարմնական տառապանքները անհետեւանք չէին անցել: 1946 թ. Յունուար 1-ին Աբրահամը փչեց իր վերջին շունչը, Փարիզի արուարձան Էնդիէն-լէ-Բէնում:


## ԲԺ. ՀԱՄՕ ՕԶԱՆՋԱՆԵԱՆ

Համօ Օհանջանեանը Հ. Յ. Դաշնակցութեան հիմնադիրներին անմիջապէս յաջորդող սերնդից էր՝ նրանց զաղափարներով եւ աւանդութիւններով ներշնչուած, նոր սերունդներին հիմնադիր սերնդի հետ միացնող կուռ շղթայի ամուր օղակներից մէկը: Նա իր մէջ տարբեր ունէր ե՛ւ Քրիստափորից, ե՛ւ Զաւարեանից եւ Ռոստոմից. ուրոյն անհատականութիւն էր — տիպար մտաւորական եւ տիպար Դաշնակցական՝ օժտուած մտաւոր ու բարոյական բարձր առաքինութիւններով:

Օհանջանեանը ծնուած էր Ախալքալաքում, 1873-ին: Մկրտութեան անունը Համադասպ էր, բայց Համօ անունով էր յայտնի: Կուսակցական անունն էր Մհերեան: Թիֆլիսի պետական գիմնազիան աւարակուց յետոյ, ուսել էր բժշկութիւն Զուիցերիայում եւ Մոսկուայում: Աշակերտական տարիներից սկսած՝ Դաշնակցութեան մէջ էր, Քրիստափորի շնչի տակ: Ուսանողական շրջանում արդէն փայլուն ապագայ խոստացող Դաշնակցական գործիչ էր՝ առանձնապէս մտերիմ կապերով կապուած Քրիստափորի հետ թէ՛ Կովկասում եւ թէ՛ Զուիցերիայում: Լեւոն Թադէոսեանը (Պապաշան) իր յուշերում պատմում է, թէ 1898-ին, Համբոյի հետ միասին Դաշնակցական Կարմիր Սաչի մասնաճիւղ են կազմել Թելաւում, հակաֆիլոքսիբային արշաւախմբում աշխատելիս:

Համալսարանական շրջանը լրացնելուց յետոյ, Համօն հաստատուեց Թիֆլիսում, իբրեւ բժիշկ, եւ ամբողջ էութեամբ նուիրուեց հանրային-կուսակցական գործունէութեան՝ շուտով գրա-





ԲՃ. ՀԱՄՕ ՕՀԱՆՁԱՆԵԱՆ

ւելով ղեկավար դիրքեր: Բարեկազմ, վայելչատեսիլ, բնաւորութեամբ՝ բարեհամբոյր, լրջախոհ, յարաբերութիւնների մէջ՝ նուրբ եւ ասպետական, ամուր իր համոզումներով եւ չափազանց բծախնդիր դէպի բարոյական սկզբունքները՝ Համօն հաւասար



բապէս յարգուած ու սիրուած էր հասարակական բոլոր խաւերի եւ ընկերների, նոյնիսկ հակառակորդ կուսակցականների կողմից: Գործի եւ անձնական մտերիմ յարաբերութիւնների մէջ էր եւ ռուս յեղափոխականների հետ:

Իր անսպառ եռանդով ու զաղափարական սլայքարի թափով՝ Համօն առանձնապէս աչքի ընկաւ 1905 թ. ռուսական յեղափոխութեան յաջորդող տարիներին: Իբրեւ Հ. Յ. Դ. Արեւելեան Իլլերոյի անդամ եւ կուսակցութեան ներկայացուցիչ արտաքին աշխարհի առջեւ՝ Ե. Թուփչեանի, Գ. Սաժակի եւ ուրիշների հետ Նա ղեկավար եւ պայքարող դէմք էր հրապարակի վրայ՝ թէ՛ ներքին կեանքում եւ թէ՛ յարաբերութիւնների մէջ օտարների հետ: Եւ մասնաւորապէս՝ մեծ հեղինակութիւն էր վայելում երիտասարդութեան, մարտական ուժերի եւ աշխատաւորութեան շրջաններում: Համոյի եռանդին ենք պարտական մեծ չափով նաեւ «Յառաջ» օրաթերթի եւ «Յառաջ» մատենաշարի հրատարակութեան համար: Անգնահատելի եղաւ նրա դերը եւ «անջատական» ու «միհրանական» շարժումների ժամանակ, իբրեւ բարոյական հեղինակութիւն ամէնքի աչքին: Իր համոզումներով ու խառնրւածքով Համօն կենտրոնական տեղ էր գրաւում Դաշնակցութեան մէջ եւ մի տեսակ միութեան կապ էր աջ ու ձախ կողմերի համար:

Այդ դիրքի եւ «հաշտարար» ոգու շնորհիւ Հ. Յ. Դ. Չորրորդ Ընդհ. Ժողովում էլ Համօն, Ռոստոմի կողքին, եղաւ մէկը այն ազդեցիկ դէմքերից, որոնք վիժեցրին Դաշնակցութեան դէմ լարուած դաւերը եւ աւելի եւս ամրապնդեցին կուսակցութեան միասնական գորութիւնը: Ժողովից յետոյ էլ նոյն եռանդով շարունակեց կուսակցական աշխատանքը ղեկավար դիրքերում: Եւ երբ սկսուեց հալածանքը Դաշնակցութեան դէմ, 1908-ին, ցարական ժանտարմների առաջին հարուածը իջաւ Համոյի գլխին: Հարիւրաւոր ականաւոր մտաւորականների հետ նա եւս նետուեց բանտ, ուր սպահուեց մինչեւ դատաւարութիւն:

1912 թ. Փետրուարին, Պետերբուրգի Կայսերական Սենատի յատուկ բաժնում, տեղի ունեցաւ Հ. Յ. Դաշնակցութեան մեծ դատաւարութիւնը: 150 հոգի քաշուած էին դատարանի առջեւ Դաշնակցութեան անդամակցութեան ամբաստանութեամբ: Ռուսաստանի ամենայայտնի փաստաբանները ստանձնած էին Դաշնակցականների պաշտպանութիւնը: Չորս տարուայ ընթացքում բազմահատոր մեղադրական նիւթ էր հաւաքուած, որի մէկ խոչոր մասը ուղղուած էր Համոյի դէմ: Պաշտպան փաստաբանների որոշումով մի քանի հոգի միայն պէտք է խոստովանէին Դաշնակցութեան անդամ լինելը, եւ Համօն առաջինն էր դրանց մէջ: Դատարանի մէջ նրա արտասանած ճառը Դաշնակցութեան



մասին խորունկ տպաւորութիւն գործեց ոչ միայն ունկնդիրներէ, այլեւ դատական կազմի վրայ: Արդիւնքը — տաժանակիր աշխատանքի դատաւճիռ Սիբիրում:

Պատերազմի եւ կամաւորական շարժման հետեւանքով, 1915-ին, շատերի հետ, Համօն էլ ազատ արձակուեց, վերադարձաւ Կովկաս եւ, կարճ ժամանակից յետոյ, սլաշտօն ստանձնեց Քաղաքների Միութեան ռազմաճակատի բժշկա-առողջապահական բաժնում՝ նպատակ ունենալով, առաջին հերթին, օգնութիւն հասցնել պատերազմից աղէտահար հայերին: Վասպուրականի ազատագրութիւնից յետոյ, օրինակ, նա փութաց Վան բժշկա-խընամատարական մեծ խմբի գլուխն անցած եւ նահանջին, իր խումբով, շարունակեց խնամատարութեան գործը էջմիածնում:

Յարական դահի տապալումից յետոյ, 1917-ին, Համօն նորից նետուեց կուսակցական գործունէութեան ասպարէզ, ընտրուեց Սահմանադիր Ժողովի անդամ եւ մեկնեց Պետրոգրատ, ուր, 1918 թ. փետր. 5-ին, պիտի բացուէր Սահմ. Ժողովը: Վրայ հասաւ, սակայն, բոլշեւիկեան յեղաշրջումը, Հոկտեմբերի վերջերը, ու նա մնաց կէս ճանապարհին, Ռոստովում, ուր իր հեղինակաւոր մասնակցութիւնը բերեց հայկական գործերում: Թիֆլիս վերադարձաւ հայութեան կեանքի ամենաճգնաժամային օրերին: Ռազմաճակատը փլել էր: Թուրքերը անցել էին սահմանը եւ սպառնում էին նաեւ Կովկասի հայութեան բնաջնջման: Բաթումում տեղի էին ունենում անպտուղ բանակցութիւններ Կովկասեան Սէյմի եւ Թրքական պատուիրակութիւնների միջեւ: Կովկասեան ազգերի միութիւնը փլչելու վրայ էր: Հայ ժողովուրդը մնում էր մենակ, անօգնական մահացու վտանդի առջեւ: Միակիրական ոյժը այդ օրերին, որ, թերեւս, կարողանար աղէտի առաջն առնել, Գերմանիան էր: Եւ Հայոց Ազգ. Խորհուրդը շտապեց պատուիրակութիւն ուղարկել Բերլին. ծովում խեղդուողը օձին էր փաթաթւում: Այդ առաքելութիւնը յանձնւում է Համոյին եւ Սոց.—Դեմոկրատ Արշակ Զոհրաբեանին:

Բարեբախտաբար, վրայ հասաւ ընդհանուր զինադադարը 1918 թ. նոյեմբ. 11-ին: Ահաւոր սպառնալիքը հեռացաւ հայկական հորիզոնից: Փարիզ մեկնեց Հայաստանի Հանրապետութեան պատուիրակութիւնը Ահարոնեանի գլխավորութեամբ, որի մէկ անդամ նշանակուեց Համօ Օհանջանեանը: Այդ սլաշտօնում նա մնաց մինչեւ 1920 թ. սկիզբը՝ մասնակից լինելով Պատուիրակութեան բոլոր աշխատանքներին:

Վերադառնալով Հայաստան՝ Համօն մտաւ Ա. Խատիսեանի դահլիճի մէջ, իբրեւ արտաքին գործերի նախարար: Բոլշեւիկների մայիսեան ապստամբութեան հետեւանքով՝ Խատիսեանի



դահլիճը հրաժարուեց, եւ Մայիս 5-ին իշխանութիւնը անցաւ բիւրօ-կառավարութեան ձեռքը: Համօն, որ, 1919-ի աշնան, Հ. Յ. Դ. Գ-րդ Ընդհ. Ժողովից ընտրուել էր Բիւրոյի անդամ, նշանակուեց վարչապետ:

Բիւրօ-կառավարութիւնը պաշտօնի կոչուած էր կարճ ժամանակի համար, բայց մայիսեան խռովութիւնները զսպելուց յետոյ էլ դէպքերը հարկադրեցին նրան մնալու իշխանութեան գլուխը: Այնուհետեւ վրայ հասաւ պատերազմը. Հայաստանը ճզմրւեց թուրք-բոլշեւիկեան միացեալ ուժերի ճնշման տակ: Համոյին վիճակուեց այս դէպքերի դառնութեան բաժակը քամել ցմրուր, մինչեւ որ, Նոյեմբերի վերջերը, իշխանութիւնը փոխանցեց նոր կառավարութեան:

Սորհրդայնացումից յետոյ, երբ Համօն մի խումբ ընկերների հետ հեռացաւ Հայաստանից, վրացական սահմանին չհասած՝ ձերբակալուեց բոլշեւիկներից եւ փոխադրուեց Երեւանի բանտը, որտեղից, հազարաւոր ուրիշների հետ, ազատուեց միայն Փետր. 18-ի յեղաշրջման շնորհիւ: Ապա՝ տարագրուեց Պարսկաստան եւ այնտեղից Եգիպտոս՝ Գահիրէ, ուր եւ մնաց մինչեւ վերջ՝ զբաղուելով բժշկութեամբ, բայց ժամանակի եւ ուժերի մեծ մասը յատկացնելով հանրային-կուսակցական գործունէութեան, իբրեւ Դաշնակցութեան ղեկավար մարմնի անդամ եւ «Համազգային»-ի նախագահ՝ յարգուած ու սիրուած բոլորի կողմից:

Մեռաւ Համօն 1947 թ. Յուլիս 31-ին, եւ Գահիրէի հայութիւնը համազգային յուղարկաւորութեամբ ճանապարհ դրեց նրան դէպի յաւիտենականութիւն:

## ՆԻԿՈՒ ԱՂԲԱԼԵԱՆ


Նիկոլը ինքը թողել է մեզ հետեւեալ կենսագրական տեղեկութիւնները իր մասին.

«Ծնած եմ 1875 թ. Մարտ 24-ին, Թիֆլիսում: Ուսել եմ Ներսիսեան դպրոցում, Գէորգեան ձեմարանում երկու տարի, Մոսկուայի համալսարանում մէկ տարի եւ Լոզանի համալսարանում մէկ տարի:

«Զբաղումս եղած է ուսուցչութիւն: Դասատու եմ եղել Կաղղրւան, Ազուլիս, Շուշի, Ներսիսեան վարժարան: Տնօրէն եմ եղել Թեհրանի վարժարանի 3 տարի: Տնօրէն Աղեքսանդրիայի վարժարանի 5 տարի:

«Հանրային-պետական պաշտօններում՝ նախագահ Թեհրանի





Համայնական խորհրդի, անդամ Ազգային Բիւրոյի եւ Կամաւորական Սմբերի Կարգադրիչ Մարմնի, փոխ-նախագահ Հայ Գրողների Ընկերութեան՝ Թիֆլիսում: Անդամ Հայաստանի Պարլամենտի: Հայաստանի Հանրապետութեան լուսաւորութեան նախարար, նախագահ Կարսի Մայիսեան ապստամբութիւնը վերաքննող մասնախմբի, Շարուրի ցանքերի բաշխման եւ օգտագործման վարիչ:

«1904 թուից ի վեր դործօն անդամ եմ Հ. Յ. Դաշնակցութեան: Բիւրոյի ներկայացուցիչ Կարսում (1904-5), Բիւրոյի ներկայացուցիչ Եգիպտոսում 1905-ին եւ 1907-8-ին: Անդամ Շուշուայ կոմիտէի 1908-1909-ին: Անդամ Շահստանի Կ. Կոմիտէի 1909-12: Կամաւորական շարժման վարիչներից մէկը 1914-17: Կամաւորական պահեստի գնդի պետ 1915-17:

«Մասնակցած եմ (Հ. Յ. Դ.) Շրջանային Ժողովին Ղարաքիլիսէ 1908-ին, Ընդհանուր Ժողովին 1913-ին (Կարին), Շրջանային Ժողովին 1917-ին (Թիֆլիս), Եգիպտոսի բոլոր Շրջանային Ժողովներին 1923-28:

«1905-ին, Եաֆայում, բանտարկուել եմ մի քանի ժամ: Հայաստանում բանտարկուել եմ բոլշեւիկների օրով, 1921, Փետր. 9-18:



«Աշխատակցել եմ «Մուրճ»ին (հին եւ նոր), «Նոր Հոսանք»ին, «Հայրենիք»ին (ամսագիր), «Յուսաբեր»ին, «Ռազմիկ»ին (Բալկան), «Հանդէս Ամսօրեայ»ին, «Բազմավէպ»ին, «Արարատ»ին, «Լուծայ»ին, Թիֆլիսի մեր թերթերին, Թեհրանի եւ Թաւրիզի մեր թերթերին (անունները չեմ յիշում) :

«Խմբագիր եմ եղել «Նոր Հոսանք»ի, «Հորիզոն»ի, «Դործ»ի, «Հայաստանի Աշխատաւոր»ի (Իբրեւ անդամ խմբագրութեան), «Ազատամարտ»ի (Թիֆլիս) :

«Առանձին գրքեր, կարելի է ասել, չունեմ : Միայն մի գլուխ — «Սոցիալիստ-Յեղափոխականների Մրագիրը» :

«Կոչումս ի՞նչ է — ես էլ չզիտեմ : Ոմանք ասում են՝ քննադատ եմ : Ուրիշները կարծիքով մատենագիր եմ : Ուրիշ բաներ էլ են ասում : Իմ գիտցածովս ես էլ, շատերի պէս, ամէն բան եմ եւ ոչինչ եմ : Այս է հայ մտաւորականի ճակատագիրը : Գլխի՞ ես» :

Աւելացնենք նաեւ, որ այս տողերը գրելուց յետոյ, Աղբալեանը, Լ. Շանթի հետ, հիմնեց Բէյրութի Հայ Ճեմարանը ու մինչեւ մահ դասաւանդեց այնտեղ, հրատարակեց «Բանասէրի յուշագիրը» պրակները, գրեց «Մտածումներ Հ. Յ. Դաշնակցութեան մասին» գիրքը, «Հայ Գրական պատմութիւնը» հատորը, դործօն կերպով մասնակցեց Սիւրիա-Լիբանանի Դաշնակցութեան կեանքին, շարունակեց աշխատութիւնը հայ մամուլին, հրատարակային դասախօսութիւններ տուեց, որոնք անջնջելի կը մնան Բէյրութի հասարակութեան յիշողութեան մէջ :

Մեռաւ 1947 Օգոստոս 15-ին :

Այս հակիրճ ու համեստ փաստական տուեալները, սակայն, չեն պատկերացնում լրիւ կերպով Աղբալեանի բազմակողմանի եւ մեծարժէք կեանքն ու դործը : Արտասովոր կարողութիւններով օժտուած եւ մտքի արտասովոր պաշարով զինուած մարդ էր նա՝ բազմատաղանդ ու բազմահմուտ, հետազօտող եւ երեւոյթների խորերը թափանցող, հայոց դպրութեան մէջ մրցորդ չունէր նա : Հայկական մատենագրութիւնը դիտէր, ինչպէս իր հինգ մատները : Իբրեւ քննադատ, եզակի երեւոյթ էր հայ կեանքում, գրականութեան եւ արուեստի ըմբռնումը բնադդական էր նրա մէջ՝ կատարելագործուած գիտութեամբ եւ յամառ ինքնազարգացումով : Տաղանդներ յայտնագործող ու դաստիարակող էր : Հիանալի ուսուցիչ էր եւ դասախօս — սերունդներ կերտող : Անձնուէր հասարակական գործիչ էր եւ հաւատաւոր Դաշնակցական : Անձման, մարդոց սրտերը հմայող եւ միտքը ճոխացնող բեմբասաց : Նարեկացիի խմորից խորախորհուրդ երազող էր եւ միաժամանակ յաշխարհէ, որին ոչինչ օտար էր մարդկային ապրումներից : Իբրեւ մարդ-անհատ՝ համեստ էր, սակաւապետ, ընկերական, կենսուրախ, լաւատես . . .



Բազմահանճար հայ մտաւորական էր Աղբալեանը՝ կեանքի բոլոր ասպարէզների համար պահանջուած կարողութիւններով ու հմտութեամբ օժտուած եւ, սակայն, տեսէք, թէ ինչպէ՞ս է զնահատում նա իրեն. «Կոչումս ի՞նչ է — ես էլ չգիտեմ... Ամէն բան եմ եւ ոչինչ եմ»: Եւ, իրօք, նա «ամէն բան» եղաւ՝ ուսուցիչ, քննադատ, խմբագիր, Դաշնակցական գործիչ, կամաւորական խմբերի վարիչ, հայագիտութիւն ուսումնասիրող, հրատարակախօս, Հայաստանի Խորհրդարանի անդամ, նախարար, նոյնիսկ... «Շարուրի ցանքերի բաշխման եւ օգտագործման վարիչ»: Ամէն գործի փարեց ոգեւորութեամբ ու նուիրումով, բայց երբեք յարատեւ չմնաց միեւնոյն գործի վրայ, չմասնագիտացաւ եւ չտուեց այն՝ ինչ որ կարող էր եւ պէտք է տար իր մտքի եւ սրտի անսահման հարստութիւնից:

Քիչ են Աղբալեանի չափ լայն հետաքրքրութիւն ունեցող եւ շատ կարգացած մարդիկ: Հին ու նոր հայ մատենագրութիւնն իւրացրել էր սպառիչ կերպով: Քաջածանօթ էր եւ եւրոպական գրականութեան: Անվերջ կարգում էր ուշադիր մտքով. սպունգի պէս ծծում էր գիտութեան եւ գրականութեան հիւթերը՝ այդ ամէնը, սակայն, մեծ մասամբ պահելով իր մէջ եւ փշրանքներ միայն բաժին հանելով ուրիշներին: Բայց այդ փշրանքներն էլ, եթէ հաւաքուին եւ ամփոփուին հատորների մէջ, թանգազին դարդ կը կազմեն Հայ Մշակոյթի շտեմարանում: Մասնաւորապէս, նրա գրական-քննադատական վերլուծումներն ու գիմագծերը: Ո՞վ կարող է մոռանալ, օրինակ, Աղբալեանի խօսած դամբանականը Արամի դազաղի վրայ, կամ նրա ճառը Հայաստանի Խորհրդարանի ամբիոնից՝ բոլշեւիկների մայիսեան ապրտամբութեան առթիւ, նրա ցասումի հրեղէն խօսքերը հիւսիսից հեղեղող բոլշեւիկութեան հասցէին.—

«Մարդկային կերպարանքը կորցրած խելագար մի ամբոխ, կանանց վարտիքները դրօշակ դարձրած, գալիս է մարելու դարերի մոխիրներից օտքի կանգնած ազատ Հայաստանի լոյսը»...

Եւ հասկանալի է, որ հայ բոլշեւիկները երբեք չներեցին նրան. Չարենցը միայն, վերջին պահուն, մեղայի եկաւ իր մեծ ուսուցչի առջեւ:

Աղբալեանը մեռաւ տարագրութեան մէջ՝ մտքով ու հոգիով սպրելով միշտ Հայաստանում եւ Հայաստանի համար:



## ՀԱՄԱԶԱՍՊ ՍՐՈՒԱՆՁՏԵԱՆ

Համազասպը ծնուել էր Վանում, 1873-ին: Իր մանկութեան եւ կրթութեան մասին եւս տեղեկութիւն չունինք: Պատանի հասակից մտել էր Դաշնակցութեան շարքերը եւ այնտեղ ստացել մտաւոր ու յեղափոխական դաստիարակութիւնը: Արհեստով ոսկերիչ էր: Բարեկազմ, առողջ եւ կեանքոտ երիտասարդ էր՝ գիւրահաղորդ եւ մարդամէջ: Դաշնակցական մարտիկների շարքում՝ յանդուգն էր եւ նախաձեռնող՝ սիրուած ընկերների կողմից:

Ե՞րբ եւ ի՞նչ պայմաններում էր հեռացել Վանից, յայտնի չէ, բայց հայ-թաթարական ընդհարումների օրերին Համազասպը արդէն Կովկասում էր, խմբապետ Ղարաբաղում, ուր անուն հանեց իր խիզախ կռիւներով ու յաղթանակներով: Առանձնապէս նշանաւոր են նրա վարած կռիւները Խաչէնի եւ Ասկերանի շրջաններում: Ժողովուրդը կոչեց նրան Ասկերանի հերոս, իսկ աշուղները երգում —

Ամբողջ աշխարհ հռչակուեցաւ

Համազասպը սլանծալի:

Յարական հալածանքների տարիներին Համազասպն էլ խիստ հետապնդման ենթարկուեց եւ շատերի հետ խուսափեց Թուրքիա՝ Պոլիս, ուր գործօն դեր կատարեց Դաշնակցութեան մէջ: Ծնորհիւ իր գիւրամատչելի բնաւորութեան եւ հրապուրիչ լեզուին, նա լայն ժողովրդականութիւն ձեռք բերեց ընկերների եւ հասարակութեան շրջանում: Հակառակ տարրական ուսման, Դաշնակցութեան մէջ ստացած դաստիարակութեան եւ համարձակ լեզուի շնորհիւ Համազասպը սիրուած քարոզիչն էր Դաշնակցութեան գաղափարների եւ հանրային հաւաքոյթների ու խընջոյքների ուղին:

Հ. Յ. Դ. Ութերոյդ Ընդհ. Ժողովին, 1914-ին, Կարինում Համազասպը պատգամաւոր էր Պոլսի շրջանից: Ժողովում նա բուն հակառակորդ էր գործակցութեան թուրքերի հետ եւ պատերազմի յայատարարութիւնից անմիջապէս յետոյ մեկնեց Կովկաս, ուր փարեց կամաւորական շարժման: Դեռ Ազգ. Բիւրոյի որոշումից առաջ նա արդէն սկսել էր քարոզել կամաւորական խմբերի կազմութեան անհրաժեշտութիւնը: Եւ երբ Ազգ. Բիւրօն ձեռնարկեց խմբերի կազմութեան, նրան յանձնուեց կամաւորական երրորդ գնդի հրամանատարութիւնը: Համազասպը իր գնդով վարեց բազմաթիւ ճակատամարտներ՝ միշտ արժանանալով վերին հրամանատարութեան ջերմ գնահատութեան: Արատեան ջոկատի մէջ, Վարդանի ընդհանուր հրամանատարութեան տակ, Քեռիի, Դրոյի եւ Խէչոյի հետ նա էլ Վանը ազատող





### ՀԱՄԱԶԱՍՊ ՍՐՈՒԱՆՁՏԵԱՆ

հերոսների շարքում էր, երբ Վանի հայութիւնը խելայեղ խանդավառութեամբ դիմաւորեց ազատարար կամաւորներին:

Այնուհետեւ էլ երրորդ գունդը շարունակեց կռիւը մինչեւ կամաւորութեան լուծումը, որից յետոյ Համազասպը անցաւ Թիֆլիս, այնտեղից Հիւս. Կովկաս, ապա Բազու, ուր նրան վիճակուեց առաջնակարգ դեր Բազուի Հերոսամարտում: Բազուի անկումից յետոյ, Ռոստոմի եւ Բազուի ժողովրդի ու մարտիկների հետ միասին անցաւ Պարսկաստան եւ Հայաստանի Հանրապետութեան ստեղծումից յետոյ, երբ ճանապարհները բացուեցին, փութաց մեկնել Երեւան:

Հայաստանում Համազասպի առջեւ բացուեց գործունէութեան լայն ասպարէզ եւ նա ոգեւորութեամբ նետուեց գործի մէջ: Իբրեւ զօրամասի հրամանատար՝ նա մասնակցեց Հայաստանի պաշտպանութեան զանազան ճակատներում, ինչպէս նաեւ բոլշևիկների մայիսեան ապստամբութեան ճնշման եւ թաթար ըմբոստ տարրի սանձահարման:

1920-ի վերջերը նա Նոր Բայազետի շրջանի զօրամասերի պետ էր, երբ տեղի ունեցաւ Հայաստանի խորհրդայնացումը: Զինուորական Կոմիտար Աւիս Նուրիջանեանի հրաւերով, որի հետ մըտերմացել էր Բազուում, նա շտապեց անցնել Երեւան՝ յուսալով,



որ կարող կը լինի գործակցել նոր իշխանութեան եւ օգտակար դառնալ հայրենիքին: Ընկերները ստիպում էին նրան չհաւատալ բողեւիկներին եւ անցնել արտասահման, բայց նա վստահեց Աւիսի «ազնիւ խօսք»ին:

Աւիսը համբոյրով եւ սիրալիր խօսքերով ընդունեց Համազասպին, խոստացաւ նրան պաշտօն Հայաստանի բանակում եւ ճամբու դրեց, որ «մի քանի օրով հանգստանայ ընտանիքի հետ»: Եւ քաղցր խօսքերով ճանապարհ դնելուց յետոյ, հրամայեց ձերբակալել նրան...

Համազասպը երկու ամիս պահուեց բանտում, ամենօրեայ մահուան սպառնալիքի տակ: Եւ, ապա, Փետրուարեան Ապրտամբութեան նախօրեակին, շատերի հետ կացինահար սպանուեց զազանացած ոճրագործների ձեռքով...

## ԽԱԶԱՏՈՒՐ ԿԱՐՃԻԿԵԱՆ

(1882-1918)

Սաչատուր Կարճիկեանը ծնուել էր 1882-ին, Վաղարշապատում: Մեր գործիչների շատերի պէս, նա էլ չքաւոր մի աշխատաւորի ընտանիքից եւ անհատական ճիգերով ու մեծ զրկանքներով հասել էր մտաւորական բարձր դիրքի:

Իր նախնական ուսումը ստանալով գիւղական ծխական դըպրոցում, ապա աւարտելով Գէորգեան Ճեմարանի դասարանական մասը՝ հասունութեան վկայական էր ձեռք բերել Շրեւանի Գիմնազիոնից եւ մտել Պետերբուրգի համալսարանի իրաւաբանական բաժինը:

Նիւթական աննպաստ պայմանները, սակայն, թոյլ չտուին նրան անընդհատ շարունակելու ուսումը: Ապա ստիպուած՝ վերադարձաւ Կովկաս եւ նուիրուեց ուսուցչութեան նախ՝ Ախալցխայում, յետոյ՝ Ալեքսանդրապոլի հայկական դպրոցներում՝ ջանալով որոշ գումար խնայել ուսումը շարունակելու համար: Զուտ դպրոցական պարտականութիւններից դուրս նա զբաղւում էր եւ Դաշնակցութեան գործերով, որի մէջ մտել էր դեռ աշակերտական տարիներից: Եւ, իբրեւ Դաշնակցական գործիչ, շատ աւելի նշանաւոր եղաւ ու ժողովրդականութիւն ձեռք բերեց, քան որպէս դպրոցական դասատու: «Սաչիկ վարժապետը» սիրելի էր



Դաշնակցական երիտասարդութեան շրջաններում. նրա խօսքը՝ հեղինակաւոր էր:

Նիւթական որոշ միջոց ապահովելուց յետոյ, Սաչիկը դարձեալ մեկնեց մայրաքաղաք ու նորից նուիրուեց ուսանողական կեանքին եւ կուսակցական աշխատանքին՝ զբաղուելով, յատկապէս, Զիֆոնի գործերի հաշուեյարդարով: Նա եռուն գործունէութիւն ունեցաւ, մանաւանդ ուսանողական կեանքի վերջին տարիներին: Համալսարանական դասախօսութիւնները, սովորաբար քիչ էին զբաղեցնում նրան, բայց իր մասնագիտութեան վերաբերուող գրքեր կարդում ու լուրջ պարապում էր եւ քննութիւնները տալիս էր յաջող: Ուսանում էր մեծ դժուարութեամբ. ժամանակի մեծ մասը դնում էր մասնաւոր դասերի, որով ապրում էին ինքը եւ կինն ու երեխաները, որոնք հետն էին միշտ եւ սիրում էր անսահման սիրով: Դասերից ազատ ժամանակը նուիրում էր Դաշնակցութեան եւ Ուսանողական Միութեան — «Ժողով»ին, որի գործօն անդամներից էր:

1908-10 թուականներին Պետերբուրգում կար եռուն ուսանողական կեանք. Դաշնակցական ուժեղ խմբի կողքին ունէր եւ սոցիալ-դէմոկրատական մի խմբակ, որի մէջ մտնում էին Ս. Սրապիոնեանը (Լուկաշին), Ա. Կարինեանը եւ ուրիշներ: Յաճախ տեղի էին ունենում հանդիպումներ, ուսանողական ժողովներ, բանավէճեր, եւ Կարճիկեանն ամէն տեղ բերում էր իր կենդանի ու հեղինակաւոր մասնակցութիւնը: Հանդարտ, հաւասարակշռուած, ուժեղ ու սուր իմացականութեան ու կամքի տէր՝ նա յաջողութեամբ յետ էր մղում հակառակորդների փաստերն ու յարձակումները եւ ապահովում մեր «յաղթանակը»:

1910-ին Սաչիկը աւարտեց համալսարանը եւ հաստատուեց Թիֆլիսում, իրրեւ երգուեալ-հաւատարմատար Եակուլեանի օդնական: Այտտեղ նրա առաջ բացում էր գործունէութեան ընդարձակ առարկէզ, եւ նա համաչափ քայլերով եւ արագօրէն բարձրացաւ հասարակական գործունէութեան աստիճաններով: Իրրեւ յաջող փաստաբան, նա շատ շուտ իրեն համար ստեղծեց նիւթական բարեկեցիկ վիճակ եւ շարունակեց լայնօրէն զբաղուել հասարակական կեանքով: Դպրոցների հողաբարձու, զանազան միութիւնների անդամ, կուսակցական մարմինների ղեկավար, ապա Արեւելեան Բիւրոյի անդամ, Թիֆլիսի քաղաքային խորհրդի իրաւասու, իրաւաբանների միութեան անդամ, «Հորիզոն» թերթի վարիչներից մէկը եւ պէսպէս ուրիշ պաշտօններ — Սաչիկը ամէն տեղ հասնում էր, ամէն տեղ բերում իր հմտութիւնը, շնորհալի վարուելակերպը, միտքն ու սիրտը:

1912 թ., Հ. Յ. Դաշնակցութեան մեծ դատավարութեան ժա-



մանակ նրան յանձնուեց կուսակցութեան նիւթերի հաւաքումն ու հայերէն մասի կազմակերպումը մի քանի ուրիշ փաստարան ընկերների հետ: Եւ նա ամենայն ձեռնհասութեամբ կատարեց իր վրայ դրուած պարտականութիւնը: Ներկայ եղաւ դատավարութեան եւ գործակցեց ոուս նշանաւոր փաստարաններին՝ Զարուզնիին, Քէրէնսկիին, Մանդէլշտամին եւ ուրիշներին:

Վրայ հասաւ համաշխարհային պատերազմը: Կովկասահայութեան կեանքը տակն ու վրայ եղաւ: Սկսուեց մի չտեսնուած եռ ու զեռ: Յղացուեց ու կազմակերպուեց կամաւորական շարժումը: Կարճիկեանը այդ շարժումը գլխաւորողներից էր: Ինչպէս հանգուցեալ Աւետիք Շահխաթունեանը, բժ. Յ. Զաւրբեանը, Ա. Զամալեանը, Արմէն Գարօն, Իշխան Յովս. Արզուլեանը եւ ուրիշներ, նա եւս պատմական անհրաժեշտութիւն էր համարում կամաւորական խմբերի կազմակերպումը, իբրև թրքահայ դատի լուծման մի միջոց: Բայց կամաւորական շարժման նա վերապահում էր նախ եւ առաջ ինքնապաշտպանութեան դեր: Ոմբերը, նրա ծրագրով, պէտք է երթային ոռոտական բանակի առաջին շարքերում եւ պաշտպանէին հայ ժողովուրդը ջարդերից թէ՛ թուրքերի եւ թէ՛ ոուս զօրքերի կողմից — մի դեր, որ, ինչքան եւ անիրագործելի համարուէր պատերազմական պայմաններում, մեր խմբերը կատարեցին շատ անդամներ:

Պատերազմի տարիներին Սաչիկը բոլորովին լքեց իր անձնական գործերը եւ ամբողջապէս նուիրուեց Ազգային Բիւրոյի ու կամաւորական խմբերի գործին: «Կարգադրիչ Մարմնի», փաստօրէն եւ Ազգային Բիւրոյի ամենադործօն անդամներից մէկն էր: Այն անվերջ ու յուզումնալից կուսակցական ժողովներում, որոնք տեղի էին ունենում, մեծ մասամբ, նրա բնակարանում, կամ Ազգային Բիւրոյի նիստերում, Սաչիկը միշտ աչքի էր ընկնում իր խնայցի ու գործնական դատողութիւններով: Ազգային Բիւրոյում քննուում ու մշակուում էր «ասպաղայ ինքնավար Հայաստանի» սահմանադրութիւնը. Սաչիկը հիացնում էր ամենքին իր հմտութեամբ. նա դուրս էր գալիս պետական իրաւունքից ցուցմունքներ անելու Ս. Յարութիւնեանի ու Մ. Պապաջանեանի պէս փորձուած փաստարաններին: Ո՞րտեղից էր նրա այդ պաշարը, երբ, կարծես, բնաւ դիրք կարդալու ժամանակ էլ չէր ունենում...

Զարմանալի էր նրա սէրն ու մտերմութիւնը բժ. Յ. Զաւրբեանի հետ: Երկու հակոտնեաներ. — մէկը համակ թռիչք՝ ինչ որ մշուշոտ դիւանագիտական ծրագրների յետեւից ընկած, միւսը գործնական միտք, այդ բոլորին նայում էր վերելից, կէս-հեղնանքով ու հաւատում էր միայն հայ ժողովրդի սեփական կարո-



դուժեան : Բայց եւ այնպէս , նրանք սիրով գործում էին միասին՝ կապուած ընկերական մտերիմ կապերով :

Առհասարակ , Խաչիկը հազուադիւտ ընկեր էր : Նրա հետ մարդ զգում էր առանձին ջերմութիւն : Քնքոյշ ու փափկանկատ , անշափ դիւրագգած եւ ուշադիր , միշտ բաց սրտով , դժուար էր ասել՝ ունէ՞ր արդեօք նա անձնական թշնամիներ : Ընկեր էր այս բառի լաւագոյն իմաստով : Մարդն ու գործիչը նրա մէջ զուգորդուած էին բացառիկ ներդաշնակութեամբ եւ կազմում էին մի կատարեալ ամբողջութիւն :

Բժ . Յ . Զաւրեանի պնդումով էր , որ , 1915-ի վերջերին , Կարճիկեանը թողեց Թիֆլիսը եւ , իբրեւ Քաղաքների Միութեան ներկայացուցիչ , անցաւ ռազմաճակատի անմիջական թիկունքը՝ Բասէնի շրջանը՝ վերադարձող գաղթականութեան տեղաւորման եւ երկրի վարչական-տնտեսական կազմակերպութեան գործով : Եւ այնտեղ էլ երեւան բերեց մեծ վարչական ձիրք ու վարուելակերպ , որի շնորհիւ ապահովեց ռուս ղինուորական իշխանութեանց բարեացակամ վերաբերմունքը : Հետագային , Ժամանակաւոր Կառավարութեան շրջանում , երբ բժ . Յ . Զաւրեանը նշանակուեց գրաւուած վայրերի ընդհանուր կոմիսարի օգնական , Կարճիկեանը նրա գլխաւոր խորհրդատուն ու գործակիցը դարձաւ :

Ռուսական յեղափոխութեան առաջին շրջանում , Խաչիկը ըզրադուած էր գլխուորապէս ռազմաճակատի ու գրաւուած վայրերի կարգաւորման գործերով : Ամէն անգամ , երբ մի քանի օրով դալիս էր Թիֆլիս , հրճուանքով պատմում էր , թէ թրքահայկական հողերը լեցւում են հայ բնակչութեամբ , քանդուած գիւղերը վերաշինւում են , արտերը ցանւում — « Հայաստան է ստեղծւում » : Եւ , իրօք Հայաստանն էր ստեղծւում : Ով յիշում է Բասէնի , Ալաշկերտի եւ միւս տեղերի վիճակը ռուս յեղափոխութեան առաջին ամիսներին , նա կը հասկանայ այն անխառն ուրախութիւնը , որով համակուած էր հայ մտաւորականութիւնը Կովկասում : Սակայն , դժբախտաբար , այդ օրերը երկար չտեւեցին : Յեղափոխական Ռուսաստանի հորիզոնը պղտորուեց , եւ վրայ հասաւ մի նոր փոթորիկ՝ սարսափելի իր գործած աւերով : Կարճիկեանն այդ օրերին դարձաւ կովկասեան կեանքի կենտրոնական դէմքերից մէկը :

1917-ի Հոկտեմբերին Խաչիկը մի ընկերոջ հետ Հ . Յ . Դաշնակցութեան կողմից ներկայացուցիչ էր « Անդրկովկասի Ապահովութեան Խորհրդում » , որը բուլշեւիկեան յեղաշրջումից եւ Անդրկովկասի Առանձին Կոմիտէի փաստական կազմալուծումից



յետոյ դարձել էր երկրի բարձրագոյն իշխանութիւնը — մի իշխանութիւն, սակայն, որի ազդեցութիւնը Թիֆլիսի պալատից դէնը չէր անցնում: Կեանքը քանի գնում խառնակում եւ խճճւում էր: Անհրաժեշտ էր կտրուկ միջոց ձեռք առնել: Եւ մի նիստում, ինքնաբերաբար, դրուեց կովկասեան կենտրոնական կառավարութեան կազմակերպման անհրաժեշտութեան հարցը:

Ժողովը երկար քննութիւնից յետոյ, որոշեց կազմել Անդրըկովկասեան Կոմիսարիատ, որը պիտի փոխարինէր Առանձին Կոմիտէին եւ պիտի բաղկանար ուսաներից, վրացիներից, ազրբէջանցիներից ու հայերից: Հայ անդամները պէտք է առաջարկուէին Դաշնակցութեան կողմից: Դրութիւնն այնպէս էր, որ անհրաժեշտ էր նոյն իրիկուն եւ եթ կազմել կառավարութիւնը, եւ ժամանակ չկար խորհրդակցելու Բիւրոյի հետ: Քառորդ ժամուայ դադարի միջոցին Խաչիկը եւ ընկերը փորձեցին հեռախօսով կանչել ընկերներին, բայց չյաջողուեց: Ապա՝ երկուսով «ժողով» դումարեցին՝ որոշելու համար անելիքը:

Խաչիկը սաստիկ տատանում էր եւ չէր կարողանում վճռել՝ ի՞նչ անել: Տանջում էր հոգեպէս, մանաւանդ թեկնածուների խնդրում: Դրութիւնը, սակայն, պարզ էր. մեր թեկնածուները որոշ էին — ինքը՝ Կարճիկեանը եւ Համօ Օհանջանեանը: Համոյի մասին նա էլ տարակոյս չունէր, բայց իր թեկնածութիւնը վրձնապէս հրաժարում էր դնել: Պատճառաբանում էր անփորձութեամբ եւ անկարողութեամբ, բայց, անշուշտ, քիչ դեր չէր կատարում եւ այն հանդամանքը, որ դուրսը չարամիտ մարդիկ կարող էին մեկնել այնպէս, որ, իբր թէ, ինքն է անցկացրել իր թեկնածութիւնը: Եւ մեծ դժուարութեամբ համաձայնուեց:

Բաւական դժուար եղաւ եւ պաշտօնի ընտրութիւնը: Կառավարութիւն կազմելը յանձնուել էր Ե. Գէզէչկորիին, որ միաժամանակ պիտի վարէր եւ արտաքին գործերը. զինուորական գործերը պիտի ստանձնէր մի ուրեւ, ներքին գործերը՝ արում էին վրացու: Մնում էր ընտրութիւն կատարել միւսների մէջ: Ազրբէջանցիք պահանջում էին հաղորդակցութեան միջոցների կամ Ֆինանսների ու խնամատարութեան կոմիսարութիւնները: Հայերի համար առաջանակարգ կարեւորութիւն ունէր խնամատարութեան գործը, որովհետեւ հայ դադթականութիւնը ամենից աւելի կարիք ունէր նպաստի, եւ այս կէտում Խաչիկի տեսակէտը պարզ էր: Բաւական դժուար եղաւ, սակայն, երկրորդ տեղի ընտրութիւնը. Խաչիկը պնդում էր առեւտրական գործավարութեան վրայ՝ նկատելով, որ առեւտրական գործը ամենից աւելի զարգացած է հայերի մէջ: Ի վերջոյ, որոշուեց պահանջել խնամատարութեան եւ Ֆինանսների կոմիսարութեան պաշտօնը: Ազրբէջանցիք տեղի տուին, եւ Անդրկովկասեան Կոմիսարիատի



մէջ Դաշնակցութեան կողմից մտան 10. Կարճիկանն ու Համօ Օ-  
հանջանեանը: Վերջինիս բացակայութեան ժամանակ (մեկնել էր  
Սահմանադիր ժողովին մասնակցելու), գործերը վարում էր ընկ.  
Կորիւն Ղազազեանը:

Կարճիկեանն էր, որ իբրեւ Ֆինանսների կոմիսար, մտցրեց  
անդրկովկասեան դրամանիշները (բոններ) եւ, առհասարակ, ձե-  
ռընհասօրէն վարեց Ֆինանսական գործը: Հետզհետէ կառավա-  
վարութեան մէջ էլ ձեռք բերեց ազդեցիկ դիրք ու նշանակութիւն:  
Ու այնուհետեւ դարձաւ Կոմիսարիատի, յետոյ Սէյմի գլխաւոր  
ղեկավար ուժերից մէկը: Հայ ժողովրդի մասնակցութիւնը հա-  
մապետական գործերին նա դրեց վայելուչ բարձրութեան վրայ,  
եւ մեղքը նրանը չէր, ի հարկէ, որ դէպքերի տարերային ընթաց-  
քը մեր երկիրն ու ժողովրդին անջատեց եւ առանձնացրեց համա-  
կովկասեան կեանքից:

Կառավարութեան մէջ եւ Սէյմում Կարճիկեանը հանդէս եկաւ  
իրբեւ հեռատես ու հմուտ պետական գործիչ: Նրա բնաւորութեան  
գլխաւոր դիժն էր տական ու չափի գիտակցութիւնը: Նա ունէր  
հաւասարակշռուած միտք եւ ուժեղ կամք: Պետականութեան  
գաղափարն եւ օրէնքի յարգանքը նրա համար դատարկ ու սին  
խօսքեր չէին: Կովկասեան ժողովուրդների համակեցութեան մա-  
սին ունէր յստակ ու որոշ տեսակէտ — շահերի համաձայնեցումը  
փոխադարձ գիջումներով եւ ներդաշնակ միութեան ստեղծումը:  
Կովկասի ժողովուրդների կեանքը կապուած է իրար հետ հազար  
ու մի թելերով, եւ մարդկային առողջ բանականութիւնը պէտք է  
ստիպէր գտնելու կենակցութեան այնպիսի ձեւեր, որոնք բոլորի  
համար էլ կարողանային ապահովել առաւելագոյն բարիք:

Ինչպիսի՞ յուզումով խօսում էր Կարճիկեանը Սէյմի ամբի-  
ոնից Երեւանի նահանգում սկսուած ազգամիջեան ընդհարում-  
ների առթիւ, ինչպիսի՞ ցասում կար նրա խօսքերի մէջ ա՛յն մարդ-  
կանց հասցէին, որոնք հրահրում էին այդ ընդհարումները. «փո-  
թորիկ մի՛ հանէք հրդեհի ժամանակ: Այստեղ չպէ՛տք է կորցնենք  
մեր սառնասրտութիւնը: Այս ահաւոր վայրկեանին, երբ մենք  
կանգնած ենք անդունդի ծայրին, քաղաքական մարմինը իրա-  
ւունք չունի կորցնելու իր պաղարիւնութիւնը եւ միմեանց դէմ  
մեղադրականներ յօրինելով դրադուելու: Մեզանից իւրաքանչիւ-  
րը պատասխանատու է ո՛չ միայն ի՛ր համար, այլեւ հայերի,  
մահմետականների, վրացիների — մենք պատասխանատու ենք  
ամբողջ ազգաբնակչութեան համար: Մենք չպէ՛տք է դուրս գանք,  
իրբեւ կողմեր միմեանց մեղադրելու նպատակով. մենք պարտա-  
ւոր ենք հանդէս գալ, իբրեւ գաղափարական քաղաքական մի  
մարմին, որն այս յուզումնալից վայրկեանին կոչուած է փրկե-



լու երկի՛րը: Ես կոչ եմ անում ձեզ սառնասրտութեան եւ պարտաճանաչութեան»\*) :

Պետական մարզն էր խօսում, բայց ժամանակները պետական չէին: Սեւացնոր բաղմութիւնները ծառայել էին մէկ-մէկի դէմ եւ յօշոտում էին միմեանց: Անհրաժեշտ էր ուժին ոյժ հակադրել, պաշտպանուել արտաքին ու ներքին դաւերից եւ յարձակումներից: Եւ Կարճիկեանը մէկն էր նրանցից, որոնց համար պետականութեան գաղափարը միայն սրտազեղ քարոզներէ նիւթ չէր, այլ նախ եւ առաջ՝ ոյժ ու զոհեր պահանջող գործ: Նա շատ լու տեսնում էր, թէ ինչ է կատարուում շուրջը, թէ ինչպէ՛ս թուրք ու վրացի ազգայնականները փորում են այդ պետականութեան հիմքը՝ ջանալով արագացնել Կովկասի միութեան քայքայումը, բայց նոյն այդ միութիւնը Կարճիկեանի համար հրամայական անհրաժեշտութիւն էր ո՛չ միայն հայ ժողովրդի, այլեւ բովանդակ կովկասցիներէ ապահովութեան եւ բարգաւաճման համար: Կարճիկեանի համար ո՛չ միայն ազգային աղէտ էր, այլեւ անձնական ողբերգութիւն այն փլուզումը, որ տեղի ունեցաւ Կովկասում 1918-ի գարնանը, Բրեստ-Լիտովսկի դաշնագրից յետոյ:

Պատկերացնենք մի պահ այն սարսափելի օրերը.— Վէհիբ փաշայի զօրքերը զբաւել էին Երզնկան ու Կարինը եւ ամէն կողմ աւեր ու հրդեհ սփռելով՝ շարժում էին դէպի Կովկաս, դէպի ամբողջ աշխարհից կտրուած մեր հայրենիքը՝ պահանջելով Բրեստ-Լիտովսկի դաշնագրի պայմանների իրագործումը: Սէյմի պատուիրակութիւնը Տրապիզոնում՝ պառակտուած ինքն իր մէջ՝ համամիտ էր թուրքերին յանձնելու Կարսն ու Արտասանը՝ պահելով միայն Բաթումը: Պատուիրակութեան նախագահ Զիւնիկէլին հեռագրում էր. «Սէյմը պարտաւոր է վճռական կերպով հարց դնել, թէ արդեօք կարո՞ղ է զէնքի ուժով պաշտպանել Բաթումը, Արտասանն ու Կարսը... Ես հաւատացած եմ, որ թուրքերը Բաթումն էլ չեն զիջի: Վէհիբ փաշան կտրական կերպով ասաց այդ: Բայց տարբերութիւնն այն է, որ նրանք զէթ սակարկում են Բաթումի համար: Իսկ ինչ վերաբերում է Կարսին, ո՛չ մի հնարաւորութիւն չկայ պահել նրան դիւանագիտական ճանապարհով. թուրքերն ուղղակի չեն ուզում խօսել նրա մասին»:

Կարճիկեանն այդ ժամանակ Ալեքսանդրապոլում էր, ուր գումարուած էր Ազգային Սորհրդի ուժեղացուած կազմի ժողովը: Մարտ 30-ի առ. ժամը 3-ին, ամբողջ գիշեր Ազդ. Սորհրդի յուզումնալից նիստին մասնակցելուց յետոյ, նա գնաց ուղիղ հե-

\*) Անդրկովկասեան Սէյմի արձանագրութիւններ. 8-րդ նիստ:



ուազրաթելի մօտ եւ հեռագրեց Թիֆլիս. «Չխէնկէլիի առաջարկը անընդունելի է ըստ էութեան: Գործելակերպի տեսակէտից մեծ սխալ կը լինի, տրուած վերջնագիրից յետոյ, սակարկութիւն անել՝ առաջուց համոզուած լինելով, որ այդ զիջումն էլ չի դոհացընելու թուրքերին: Ընդհակառակը, վերջնագրի կարուկ մերժումը ցոյց կը տայ թուրքերին, որ մենք ո՛չ միայն կամենում ենք, այլեւ կարող ենք պաշտպանել մեր ղիրքերը եւ հենց դրանով էլ, դուրսէ, կը կարողանանք ստիպել թուրքերին, որ աւելի զիջող լինեն»... Եւ նոյն օրը հեռագրեց կոմիսարութեան նախագահ Գէգէչկոբիին, որ եթէ Չխէնկէլիի առաջարկն ընդունուի, ինքը եւ իր ընկերները դուրս կը դան կառավարութիւնից:

Մի քանի օրից յետոյ, Ալեքսանդրապոլ հասան Տրապիզոնի պատգամաւորութեան հայ անդամները: Քաջազնունին ներկայացըրեց մի ընդարձակ զեկուցում, ուր իրեն յատուկ տրամաբանական բանավարութիւններով՝ ասպացուցանում էր հաշտութիւն կնքելու անհրաժեշտութիւնը, թէկուզ Բրեստ-Լիտովսկի սահմաններով: Նրան համակարծիք էին եւ սոցիալ-դէմոկրատներն ու ժողովրդականները: Թւում էր, թէ հաշտութիւն կնքելուց զատ ուրիշ ելք չէր մնում. թուրքերը մի կողմից արդէն Կարսի տակն էին, միւս կողմից գրաւել էին Բաթումը եւ առաջ էին շարժւում երկաթուղազծով: Կովկասեան թաթարները դէմ էին պատերազմին եւ ուրախանում էին թուրքերի յաղթութիւններով: Վրացիները թէեւ ռազմաշունչ ճառեր շատ էին խօսում, բայց փաստօրէն չէին կուռում: Ռուսներ չկային: Հայերս մնացել էինք մենակ. ի՞նչ կարող էինք անել մենք թուրքերի հետ:

Ընդհանուր տրամադրութիւնը, սակայն, պատերազմը շարունակելու կողմն էր: Եւ Կարճիկեանը, որ կառավարական դործերով հարկադրուած մեկնել էր Թիֆլիս, իր դրաւոր զեկուցումով եւ ուղիղ հեռագրաթելերով ուղարկած կարծիքներով՝ մաքառում էր Բրեստ-Լիտովսկի պայմաններն ընդունելու դէմ: Եւ նաեւ նրա առարկութիւնների հետեւանքով էր, որ Ալեքսանդրապոլում կարելի չեղաւ վերջնական եզրակացութեան յանգել, եւ Ազգ. Խորհուրդը Թիֆլիսում միայն, երբ պարզուեց, որ ազրբէջանցիներից յետոյ վրացիներն էլ ընդունել են Չխէնկէլիի տեսակէտը, որոշում կայացրեց կանգնելու Բրեստ-Լիտովսկի պայմանների վրայ: Կարճիկեանը բողոքեց դրա դէմ վրդովուած ու հրաժարուեց Ազգ. Խորհրդի փոխ-նախագահի պաշտօնից: Նա չէր կարողանում ըմբռնել այդ, չէր ուզում հաշտուել զիջման քաղաքականութեան հետ, որովհետեւ ո՛չ մի հաւատ չունէր դէպի թուրքերը. քանի որ մահը անխուսափելի է, աւելի լաւ է պատուով մեռնել — այս էր նրա սկզբունքը: Պետական մարդը նրա մէջ այդ



պահուն կուում էր յեղափոխականի հետ. յաղթութիւնը մնաց վերջինին...

Քիչ յետոյ, Կարճիկեանը հեռացաւ եւ Կոմիտարիատից: Գէ-  
դէշկորիի «պատերազմասէր» կառավարութեան յաջորդեց Չիսէն-  
կէլիի «հաշտարար» կառավարութիւնը, որ իր կեանքը սկսեց  
Կարսի ողբերգական յանձնումով: Կարճիկեանը ծայր աստիճանի  
ընկճուած էր: Ապրում էր հոգեկան սուր ճղնաժամ: Տանջում  
էր անսահման: Նա տեսնում էր փլուզումը իր բոլոր յոյսերի:  
Ի՞նչ էր սպասում — ինչ դուրս եկաւ: «Առաջին խնդիրը, ասում  
էր նա իր Յունիս 17-ի զեկուցման մէջ, որ դրել էր կուսակցու-  
թիւնը, այդ էր՝ դուրս բերել հայ դէմոկրատիային այն կղզիա-  
ցումից, որի մէջ դրուել էր նա հին ռէժիմի ժամանակ»: Այդ ճրգ-  
տումով նա ստիպուած էր մտնել Կովկասեան Սէյմի մէջ եւ հաշ-  
տրել Սէյմի հետ, սկսել ազատ բանակցութիւններ Տաճկաստա-  
նի հետ՝ նախ զինադադարի եւ ասպ խաղաղութեան վերաբե-  
րմամբ, ենթարկուել թուրք եւ վրացական դէմոկրատիայի ցան-  
կութեանը Կովկասը անկախ յայտարարելու... Մասնաւորապէս,  
Դաշնակցութիւնը ձգտեց վերացնել այն պատնէշը, որ կար հայ  
դէմոկրատիայի եւ ազրբէջանցի թրքութեան միջեւ եւ անմիջա-  
կան շփման մէջ մտնել վերջինի հետ ու վերացնել այն միջնորդի  
դերը, որ ստանձնել էր վրաց Սոցիալ-Դէմոկրատիան, որի շնոր-  
հիւ այդ անջրպետը աւելի էր խորանում...

Կարճիկեանը խօսում էր Դաշնակցութեան անունից, բայց  
այդ տեսակէտները, աւելի շուտ, իր անձնական ցանկութիւն-  
ներն էին, ա՛յն ուղին, որով ինքն էր գնում, իր քաղաքական դա-  
ւանանքը: Այդ դաւանանքի համար էր տքնել ու պայքարել նա:  
Եւ իր այդ պաղափարների պատճառով վաստակեց մոլեռանդ հա-  
կառակորդներ հէնց իր ընկերների շարքերում: Նրան համարում  
էին կուրորէն վրաց մենշեւիկների յետեւից զնացող, հայկական  
շահերը վրաց շահերին ստորադասող. նրան մեղադրում էին —  
տգիտութեամբ կամ չարամտօրէն, — որ դործիք է եղել Կարսի  
յանձման խնդրում. — մի ստայօղ բանսարկութիւն, որ եւ պատճառ  
եղաւ նրա մահուան: Սակայն, չարաչար սխալում էին այդպէս  
մտածողները: Փաստերը մէջտեղն են. Կարճիկեանը ո՛չ մի բա-  
ժին չունէր Կարսի յանձնման խնդրում: Նա որեւէ կերպով չի  
ծառայել եւ վրացական առանձին շահերին, այն էլ ի վնաս սե-  
փական ժողովրդի: Այսպէս կարող էին մտածել կրքից կուրացած  
եւ կատարուող դէպքերի մէջ զլուխ կորցրած մարդիկ: Ընդհա-  
կառակը, Կարճիկեանն իր հմուտ վարուեցողութեան եւ ուժեղ  
կամքի շնորհիւ՝ ինքն էր ազդում, յաճախ, կառավարութեան եւ,  
մասնաւորապէս, նախադահի վրայ: Կարճիկեանի քաղաքակա-



նութեան արդիւնք էր Սէյմի որոշումը՝ ճակատն ամրացնելու եւ թուրքերի Տրապիզոնի պայմանները մերժելու ու պատերազմը շարունակելու մասին: Եւ մեղքը նրանք չէր, որ կովկասեան ժողովուրդների քաղաքական եւ զինուորական հասողութիւնն այն ժամանակ ա՛յդքան էր:

«Դուրս բերել հայ դէմոկրատիան կղզիացումից» — Կարճիկեանի կեանքի նպատակն էր այդ: Եւ նա սեփական աչքերով տեսաւ այդ նպատակի խորտակումը: Ի՞նչ վիշտ, հոգեկան ի՞նչ խորը տառապանք կար իր զեկուցման մէջ, Յունիս 17-ին, ընկերական լայն ժողովում, ուր նա ասում էր՝ «Մերձեցնել երկու դէմոկրատիաներին չյաջողուեց շնորհիւ այն դիխաւոր պատճառի, որ հայութիւնը դտնւում էր պատերազմի մէջ եւ կատաղի կռիւ էր մղում Տաճկաստանի դէմ, իսկ թուրք զանգուածը, տաճկական ու բէգական քարոզչութեան հետեւանքով, ձգտում էր դէպի Տաճկաստան: Նպատակների հակադրութիւնը եւ պատերազմը անհնարին դարձրին մերձեցումը: Այլ էր թուրք զանգուածի վերաբերմունքը դէպի վրացիութիւնը, որովհետեւ վերջինը կրաւորական էր պատերազմի մէջ փաստօրէն եւ ճիշդ դործ չէր դնում երկրի դիմադրութիւնը կազմակերպելու»<sup>\*)</sup>: Այսպէս, նպատակների եւ օրիէնտացիաների տարբերութիւնը քանդեց-կործանեց Կովկասի միութիւնը եւ սաստկացրեց թշնամանքն ու փոխադարձ յօշոտումը կովկասեան ժողովուրդների միջեւ:

Կովկասեան միութեան քայքայումից յետոյ, Կարճիկեանի համար հայ ժողովրդի վարելիք քաղաքականութիւնը պատկերանում էր հետեւեալ ձևով. ««Վրաստանում, Ազրբէջանում պաշտպանել հայութեան, իբրեւ ազգային փոքրամասնութեան, քաղաքական իրաւունքները եւ սանձահարել տիրող ազգերի շովէն ու իմպէրիալիստական ձգտումները: Այդ պետութիւնների մէջ ձգտել մէկ ընդհանուր պետական-դէմոկրատական ճակատ պահպանել»»: Հայաստանի նկատմամբ՝ աշխատել ստեղծել դէմոկրատական պետական հաստատուն հիմքեր, զսպել տարամերժ հակապետական ուժերը, սանձել շովէն ազգայնականներին, որոնք ճնշում էին բանեցնում ոչ-հայ տարրի վրայ, համերաշխութիւն, համակեցութիւն հաստատել հարեւանների հետ եւ ջանալ երկիրը դուրս բերել քառսային վիճակից: Հայաստանը նրա համար այն կենտրոնն էր, որի մէջ եւ որի շուրջ պիտի համախմբուէր հայ դէմոկրատիան: Եւ, սակայն, Հայաստանը մենակ անզօր էր ապահովելու հայ դէմոկրատիայի խաղաղ եւ անկաշկանդ զարգացումը: Դրա համար պէտք էր հասկացողութեան լեզու դտնել հա-

<sup>\*)</sup> «Աշխատաւոր», 1918 թ., 24 նոյեմբ.



րեւան ժողովուրդների հետ եւ ջանալ հիմքը դնել կովկասեան միութեան: Անկախ Հայաստանը պէտք է լինէր մէկ օղակը կովկասեան հանրապետութիւնների շղթայի մէջ:

Գործնականում ինչպէ՞ս էր պատկերացանում նա այդ միութիւնը, ժամանակ ու հնարաւորութիւն չունեցաւ ձեւակերպելու: Սակայն, նրա հիմնական միտքը պարզ էր. Անկախ Հայաստան որոշ կապերով միացած Կովկասի միւս անկախ հանրապետութիւնների հետ: Այս գաղափարներով էլ գնաց Հայաստան եւ աշխատեց նորակազմ կառավարութեան մէջ:

Պէտք է ասել, որ վերին աստիճանի դժուարութեամբ ընդունեց նա իրեն առաջարկուած նախարարական պաշտօնը: Տեղի տուեց միայն ընկերների խիստ ճնշման տակ: Գործից խուսափող չէր ամենեւին, բայց զգում էր գալիք դժուարութիւնները: Իբրեւ խորաթափանց մարդ՝ տեսնում էր նաեւ իր շուրջ եղած դժգոհութիւնները: Պատմական փլուզումների օրերին միշտ քաւութեան նոխազներ են փնտրուում, եւ նրան վիճակուած էր նոխազի դերը: Տեսնում էր այդ եւ ուզում էր իր ուժերը խնայել ուրիշ օրերի համար: Ընկերները չհասկացան նրա այդ արդար ցանկութիւնը, կամ հասկացան ու չյարգեցին: Կարճիկեանը նշանակուեց Հայաստանի անդրանիկ կառավարութեան ելեւմտական նախարար եւ գնաց Երեւան:

Եւ այստեղ նա դարձեալ ցոյց տուեց անսպառ եռանդ, կազմակերպչական ու վարչական բարձր կարողութիւն: Ոչնչից ստեղծեց ելեւմտական նախարարութիւն: Կարճ ժամանակում Խորհրդարանում անցկացրեց եւ գործադրութեան դրեց մի շարք կարեւոր օրէնքներ՝ հողային, հարկային դրութեան, բամբակի մենաշնորհի, քաղաքային անշարժ գոյքերի հարկի, պետական դանձարանների ու մաքսատների հիմնարկութեան, ակցիդի եւայլնի մասին: Միաժամանակ գործօն մասնակցութիւն ունէր կառավարութեան ընդհանուր քաղաքականութեան եւ գործունէութեան մէջ, ի միջի այլոց, նաեւ նրա պնդումով էր, որ 1918-ի Հոկտեմբերին որոշուեց կառավարութիւնը վերակազմել կոալիցիոն հիմունքներով, եւ նոր կառավարութեան մէջ ստանձնեց խնամատարութեան նախարարութիւնը՝ ամենադժուարը այն ժամանակուայ պայմաններում:

Այստեղ էլ Կարճիկեանը երեւան բերեց իր կազմակերպչական շնորհքը՝ ձեռնարկելով խնամատարական գործի հիմնական վերակազմութեան: Եւ, սակայն, գործի հէնց սկզբին զոհ գնաց անողոք զնդակի: Երբ Նոյեմբ. 14-ին (1918 թ.) նստած աշխատում էր իր առանձնասենեակում, ներս է մտնում սպայ Եղոր Տէր-Մինասեանը եւ ատրճանակը ուղղելով նրան՝ սկսում է կրակել:



— Եզո՛ր, ի՞նչ ես անում... Լինում է Խաչիկի վերջին խօսքը:

Մի քանի րոպէ անցած, այլեւս չկար:

Եւ սարսափելին այն է, որ սպանողն էլ իբր մօտիկ մարդն էր. դադարաւորական եւ անձնագոհ Դաշնակցական մարտիկ եւ Խաչիկի էլ անձնական ընկերը... Նա զոհ եղաւ այն օձի Փշոցների ու դադատասուքների, որոնք լսում էին Կարճիկեանի անուան շուրջը: Դիւրագրգիռ ու մոլեռանդ, խելադարութեան աստիճան նուիրուած հայ ժողովրդին, որի ազատութեանը տուել էր իր ամբողջ կեանքը եւ որի թշուառութիւնից տանջւում էր չարաչար, Եզորը յաճախ էր լսել ամբաստանութիւններ Խաչիկի հասցէին, կրքոտ յարձակումներ անգամ ամենապատասխանատու ընկերների բերանից, եւ իր մէջ ստեղծուել էր այն համոզումը, թէ Կարճիկեանն էր բոլոր չարիքների աղբիւրը. նա էր յանձնել Կարսը, դործիք էր դարձել վրացիների ձեռքին: Եւ որոշել էր վրէժ լուծել հայ ազգի կողմից. սպանել Կարճիկեանին, Չխէնկէլիին եւ ուրիշներին:

Առաջինը ընկաւ Կարճիկեանը: Չոհ էր պէտք — ահա եւ զոհը:

Արդարներից ամենաարդարը...

## ԱՐՇԱԿ ԶԱՄԱԼԵԱՆ

1940 թ., Դեկտ. 27-ին, տառապալից հիւանդութիւնից յետոյ, Փարիզում, իր վերջին շունչը փչեց Արշակ Զամալեանը:

Բնատուր բարձր շնորհքներով օժտուած, բազմատաղանդ հայ մտաւորական էր Զամալեանը: Մարմնով բարեկազմ ու գրաւիչ, ճոխ ու մշակուած, գիտելիքների հարուստ պաշարով հմտացած, արթուն եւ աշխոյժ մտքի տէր, բնաւորութեամբ՝ շէն ու կենսուրախ, առինքնող ու դիւրահաղորդ՝ մտաւորականի օրինակելի տիպար էր նա: Պերճախօս բեմբասաց, արուեստասէր, հանրային ու քաղաքական դործիչ, ճարտար հրապարակագիր ու սուր բանավիճող, գրագէտ, հմուտ տեսարան ընկերային հարցերի, կազմակերպող ու խանդավառող ոգի — յաճախ չեն պատահում մեզ մօտ այսպիսի բազմակողմանի տաղանդով օժտուած անհատներ: Եւ դարմանալի չէ, որ մինչեւ այսօր էլ մեր կեանքում ցաւազին կերպով զգացւում է Զամալեանի կորուստը. նրա տեղը դեռ մնացել է բաց:

Արշակ Զամալեանը, բուն անունով Իսահակեան, ծնուել էր





ԱՐՇԱԿ ԶԱՄԱԼԵԱՆ

Գանձակում , 1882 թ. Սեպտ. 22-ին , ոսկերիչ-արհեստաւորի բարեկեցիկ մի ընտանիքում : Նրա հօր անունը Զամալ էր , եւ այդ անունով Արշակը հետագային դարձաւ Զամալեան :

Իր նախնական կրթութիւնը ստացել էր ծննդավայրի ծխական , ապա ռուսական դպրոցներում : 1897-ին նա ընդունուեց Էջմիածնի Գէորգեան ձեմարանի երրորդ դասարանը . 1901-ին աւարտեց ձեմարանի 6-րդ դասարանը եւ 1902-ին հեռացաւ առաջին լսարանից :

Գէորգեան ձեմարանը ժամանակի հայկական միակ բարձրագոյն վարժարանն էր : Անունով հոգեւոր՝ փաստօրէն տալիս էր ընդհանուր կրթութիւն , խորունկ եւ բազմակողմանի ծանօթութիւն հայոց պատմութեան , լեզուի եւ մշակոյթի բոլոր ճիւղերի ու նաեւ հիմնական ազգային դաստիարակութիւն : Եկեղեցու համար հոգեւորականներ պատրաստելուց աւելի՝ ձեմարանը արտադրում էր ուսուցիչներ , մտաւորական գործիչներ , դիտական-գրական եւ հանրային ասպարէզներ ի համար հմուտ մշակներ : Ո՛չ մի դպրոց հայութեան չի տուել այնքան մեծ թուով եւ բարձր կարողութեամբ ազգային դէմքեր , որքան Գէորգ Գ. Կաթողիկոսի ձեռակերտը : Բաւական է յիշել միայն այնպիսի անուններ ,



ինչպէս Ա. Ահարոնեան, Լ. Շանթ, Ն. Աղբալեան, Մ. Աբեղեան, Ա. Իսահակեան, Ա. Վռամեան, Կոմիտաս վարդապետ, Կար. եպ. Տէր-Մկրտչեան, Փարեգին Կաթ. Յովսէփեան, Գէորգ Կաթող. Չէորէքչեան, ԿրոՓ. Ն. Ադոնց, Գ. Խաթակ, Դ. Դեմիրճան եւ բազում ուրիշներ, որոնք Գէորգեան Ճեմարանի մտաւոր աւագանուժ են մկրտուել:

Արշակ Ջամալեանն եւս դաստիարակուեց եւ իր մտաւոր անհատականութիւնը մշակեց հոգեւոր այդ ակութում: Ճեմարանից նրան ճանաչողները կարող են վկայել, թէ նա աչքի ընկնող աշակերտ էր: Դասերի մէջ առաջիններից էր, ինչպէս եւ խաղերի ու աշակերտական ձեռնարկների մէջ: Զուարթ ու կենսուրախ՝ անգնահատելի ընկեր էր: Երբ պէտք էր լինում աշակերտների դատը պաշտպանել Ճեմարանի վարչութեան առջեւ, նրան էին, սովորաբար, առաջ մղում: Նա յաջողութեամբ մասնակցում էր դըպրոցական ներկայացումներին: Առանձնապէս յիշատակելի է նրա խաղը Գողտլի «Քննիչ»ի քաղաքապետի աղջկայ դերում: Այն երանելի օրերին Ճեմարանի տղաներն էին կատարում նաեւ կանանց դերերը...

Ճեմարանի դռները թէեւ ամուր փակուած էին արտաքին աշխարհի առջեւ, բայց վանքի պարիսպները այնքան բարձր չէին, որ դրսի հովերը ներս չթափանցէին. աշակերտութիւնը ճարում էւ ազահօրէն կարդում էր արգելուած գրականութիւնը, մասնաւորապէս «Դրօշակ»ը: Ամէն դասարան գրեթէ ունէր իր ձեռագիր թերթը: Ջամալեանը խմբագիր էր իրենց դասարանի «Նաւակ» թերթի, որ լաւագոյններից էր համարւում: Արշակը նաեւ քաջ հռետոր էր: Թարգմանչաց տօնի առթիւ, Ճեմարանական հանդէսում, նրա խօսած մէկ փայլուն ճառը երկար ժամանակ խօսքի առարկայ էր աշակերտութեան մէջ:

Երբ 1902-ին Արշակը ձգեց Ճեմարանը, արդէն համոզումով Դաշնակցական էր: Գանձակում նա երեք տարի զբաղուեց Դաշնակցութեան կազմակերպական ու պրոպագանդի գործով եւ մեծ հմայք էր վայելում տեղական երիտասարդութեան մէջ: 1903-ին ձերբակալուեց եւ 7 ամիս պահուեց Գանձակի բանտում:

1905-ի ամառը Արշակը մեկնեց Գերմանիա ուսանելու համար եւ փայլուն յաջողութեամբ աւարտեց Բերլինի համալսարանի ընկերային գիտութիւնների բաժինը: Ուսանողութեան ընթացքին նա գործօն մասնակցութիւն ունեցաւ Հ. Յ. Դ. Եւրոպայի Ուսանողական Միութեան մէջ, կարելի է ասել՝ նրա ոգին էր: «Ուսանող» պարբերականի գլխավոր խմբագիրներից էր: Հմտալից յօդուածներ էր գրում Արիսեան ծածկանունով, մեծ մասամբ, ընկերային-տեսական հարցերի մասին:



Դաշնակցութեան Չորրորդ Ընդհ. Ժողովին, 1907 թ., Վիեննայում, Ջամալեանը պատգամաւոր էր Եւրոպայի ուսանողութեան կողմից: Միհրանական եւ անջատական շարժման յուզումնալից օրերն էին: Ռուսաստանի Դաշնակցական ուսանողութիւնն էլ վարակուած էր անջատական տրամադրութիւններով, եւ նրանց ներկայացուցիչ Ա. Ծահխաթունեանը նրանց մտքերի թարգմանն էր Ընդհ. Ժողովում: Եւրոպայի ուսանողութիւնը աւելի չափաւոր էր: Բացի Ջամալեանից, Ընդհ. Ժողովին ներկայ էին եւ Գերմանիայի ուսանողներ Մարտ. Յարութիւնեանը եւ Երւ. Ֆրանգեանը նաեւ: Սրանց, բայց, մանաւանդ, Ջամալեանի թափած ջանքերով Ժողովին մասնակցող փոքրաթիւ անջատականները մնացին կուսակցութեան շարքերում:

Ընդհ. Ժողովից յետոյ, ինչպէս վկայում է Համօ Օհանջանեանը, Ջամալեանը յանձնում է նրան մի ընդարձակ ուսումնասիրութիւն՝ Դաշնակցութեան տեսարանութեան մասին, որ պիտի հրատարակուէր «Յառաջ» Մատենաշարի կողմից: Սուզարկութեան ժամանակ, ժանտարմները գտնում են ընկ. Օհանջանեանի մօտ այդ ձեռագիրը, որ յետոյ, քննիչ Լըժիւնի կողմից թարգմանուել տրուեց ուսերէնի եւ նիւթ ծառայեց Դաշնակցութեան դատաւարութեան միջոցին, 1912-ին: Ձեռագրի հայերէն բնագիրը այլեւս երեւան չեկաւ, բայց ուսերէն բնագիրը տպուած է դատական գործի հատորներում եւ այսօր էլ դեռ չի կորցրել իր թարմութիւնը:

Համալսարանն աւարտելուց յետոյ, Ջամալեանը հաստատուեց Թիֆլիսում, իբրեւ Ներսիսեան դպրոցի պատմութեան դասատու եւ «Հորիզոն» օրաթերթի խմբագիր Նիկ. Աղբալեանի եւ բժ. Ա. Ղազարեանի հետ: Այդ պաշտօններում նա մնաց մինչեւ 1914 թ. աշունը:

Թիֆլիսում նրա առջեւ բացուեց գործունէութեան ընդարձակ ասպարէզ: Դպրոցում նա սիրուած էր աշակերտութեան կողմից: Իբրեւ խմբագիր՝ նրա առաջնորդողներն ու յօդուածները փնտրւում էին ընթերցողներից: Միաժամանակ դասախօսութիւններ էր կարգում երիտասարդութեան եւ բանուորների համար, ինչպէս նաեւ դրական շրջանակներում: Եռանդով մասնակցում էր գրական-հասարակական կեանքին: Մասնակցեց Ընդհ. Ժողովին Կարինում եւ այդ առթիւ ճամբորդութիւն կատարեց Երկրի դաշնազան վայրերում, ու ծանօթացաւ ժողովրդի նիստ ու կացին: Եւ 1912-ից սկսած Դաշնակցութեան ղեկավար գէմքերից մէկն էր Կովկասում: 1914-ի Կարինի Ընդհ. Ժողովին թէեւ ներկայ չէր, բայց ընտրուեց Բիւրոյի կովկասեան հատուածի անդամ Խ. Կարճիկեանի հետ միասին:



Կամաւորական շարժման հենց սկզբից Ջամալեանը ձգեց դպրոցն ու խմբագրութիւնը եւ ամբողջապէս նուիրուեց կամաւորական գնդերի կազմակերպութեան գործին: 1914-ի աշնան, մի խումբ աշակերտների եւ ուսանողների գլուխը անցած, որոնց մէջ էր եւ ապագայ Պոլիտ Բիւրոյի անդամ Անաստաս Միկոյեանը, նա անցաւ Պարսկաստան միանալու Անդրանիկի կամաւորական գնդին:

Նահանջից յետոյ, Արշակը այլեւս անհատական զբաղում չունեցաւ. ամբողջապէս նուիրուեց Դաշնակցութեան գործին: Մասնաւորապէս, բուն գործունէութիւն ցոյց տուեց ցարական իշխանութեան վլուզումից յետոյ, 1917-ին: Նա օրուայ ժողովրդական դէմքն էր այդ օրերին, որպէս հոռետոր հրապարակաւ ին ժողովներում, որպէս յեղափոխական մարմինների անդամ, որպէս բանուորական զանգուածների կազմակերպիչ ու ղեկավար, որպէս կուսակցութեան ներկայացուցիչ արտաքին յարաբերութիւնների մէջ:

Բոլշեւիկեան յեղաշրջումից յետոյ, երբ Անդրկովկասը անջատուեց Սորհրդ. Ռուսաստանից, Ջամալեանը Դաշնակցութեան ներկայացուցիչներից մէկն էր Անդրկովկասեան յեղափոխական-պետական մարմինների մէջ: Նա պատուիրակ էր այն յանձնախմբի, որ յանուն Անդրկովկասեան իշխանութեան զինադադար կնքեց թուրքերի հետ, Երզնկայում:

Հայաստանի անկախութեան հռչակումից յետոյ, Ջամալեանը եղաւ Հայաստանի Հանրապետութեան անդրանիկ դեսպանը Վրաստանի կառավարութեան մօտ: Միաժամանակ՝ Հայաստանի ներկայացուցիչ Կովկասի դերման հրամանատարութեան մօտ:

Ապա՝ Ջամալեանը Երեւանում է. Սորհրդարանի անդամ, Հ. Յ. Դ. Գ-րդ Ընդհ. Ժողովի ազդեցիկ դէմքերից մէկը, Հ. Յ. Դ. Բիւրոյի անդամ եւ պետական ու քաղաքային զանազան սաշտօնների մէջ: 1920, Մայիսին՝ կառավարութեան անդամ՝ հաղորդակցութեան նախարարի պաշտօնով: Բոլշեւիկեան ապստամբութեան դէմ բուն պայքար մղողներից մէկը:

Նոյն տարի, Օգոստ. 10-ին, Հայաստանի կառավարութեան յանձնարարութեամբ, Թիֆլիսում, զինադադար կնքեց Մոսկուայի ներկայացուցիչ Լրգրանի հետ՝ վերջ տալու համար կռիւներին Կարմիր Բանակի հետ Շարուր-Նախիջևեանի ուղղութեամբ:

Հայաստանի խորհրդայնացումից յետոյ՝ Ջամալեանը որոշ ժամանակ պահուած մնաց Երեւանում: Ապա՝ գաղտնի անցաւ Թիֆլիս եւ այնտեղից՝ Պոլիս, ուր շարունակեց գործել, իրրել Դաշնակցութեան ղեկավար մարմնի անդամ: 1921 թ. գարնան, որպէս Դաշնակցութեան պատուիրակութեան անդամ, բանակ-



ցութիւններ վարեց Լատուիայի մայրաքաղաք Ռիզայում Մուկուայի պատուիրակութեան հետ, Փետրուարեան ապստամբութեան հետեւանքով ստեղծուած դրութիւնը կարգաւորելու եւ Ռուսաստանի ու Հայաստանի յարաբերութիւնները ճշդելու համար:

1923 թ. Վիեննայի Խորհրդաժողովից յետոյ՝ Ջամալեանը անցաւ Ամերիկա գործիչի պաշտօնով, ուր մնաց մէկ տարի եւ եռանդուն գործունէութիւն ցոյց տուեց: Մասնաւորապէս մեծ եղաւ նրա դերը Հայ Կարմիր Խաչի վերակազմութեան գործում: Առհասարակ, Հայ Կարմիր Խաչը (ներկայիս Հայ Օգնութեան Միութիւնը) բոլոր երկրներում շատ բանով պարտական է Ջամալեանին. նա անհատնում եռանդ ու սիրտ դրեց այս մեծարժէք կազմակերպութեան մէջ:

1925-ին Ջամալեանը մասնակցեց Փարիզի Ընդհանուր Ժողովին եւ նորից ընտրուեց Բիւրոյի անդամ: Միաժամանակ՝ Բիւրոյի կողմից նշանակուեց Ընկերավարական Միջազգայինի ներկայացուցիչ եւ, որպէս այդպիսին, գլխաւորեց Հ. Յ. Դաշնակցութեան պատգամաւորութիւնը Մարսէլի Ընկերավարական Միջազգային Համագումարում: Այստեղ էր, որ Դաշնակցութիւնը առաջին անգամ դրեց քրտական հարցը ընկերավարական աշխարհի առջեւ:

Մինչեւ 1933 թ. Ջամալեանը մնաց Բիւրոյի կազմի մէջ եւ գործօն մասնակցութիւն ունեցաւ կուսակցութեան ղեկավարութեան մէջ: 1925-ից սկսած անգամ էր նաեւ «Դրօշակ»ի խմբագրութեան եւ բազմաթիւ մեծարժէք յօդուածներ ունի նրա մէջ: Միաժամանակ աշխատակցում էր մեր կուսակցական մամուլին: Այդ տարիներին գրեց նաեւ մի քանի թատերախաղեր՝ «Տարերքի Ընդվզումը», «Նահապետ Նահապետեան», «Գծից Դուրս», որոնց մէջ արծարծում էր ընկերային եւ հոգեբանական հարցեր: «Հայրենիք» ամսագրում հրատարակեց մի շարք լուրջ ուսումնասիրութիւններ պատմական խնդիրների մասին, ինչպէս եւ մի կուսպատասխան Յ. Քաջազնունիին, որոնք, դժբախտաբար, մեծ մասով մնացին անաւարտ: Իր բնաւորութեան դժերից մէկն էլ այդ էր. արտակարգ եռանդով լծուել որեւէ աշխատանքի, առատ եւ անդնահատելի գործ կատարել եւ մէկ էլ, յանկարծ ձգել, յաճախ, առանց աւարտելու: Շատ անգամ մէկ շաբաթում նա ընդունակ էր այնքան գործ արտադրելու, որքան ուրիշը մէկ ամսում չէր կարող գլուխ բերել: Ուրիշ անգամ էլ՝ մէկ ամսում չէր կարող անել այն՝ ինչ որ սովորական մարդը մէկ շաբաթում կ'անէր:

1933-ից յետոյ, Ջամալեանը ազատ գործիչ էր կուսակցու-



թեան տրամադրութեան տակ : Չանազան յանձնարարութիւններով նա , յաճախ , ճամբորդում էր : Լայն կապեր եւ ծանօթութիւններ ունէր հայ եւ օտար շրջանակների հետ : Նրա միտքը առանձնապէս զբաղեցնում էր կովկասեան ժողովուրդների համերաշխութիւնը , յատկապէս հայ-վրացական յարաբերութիւնների բարելաւումը : Այդ ուղղութեամբ նա անսպառ եռանդ թափեց եւ մեծ հմտութիւն երեւան բերեց : Վրաց շրջաններում մեծ յարգանք եւ վստահութիւն էր վայելում :

Երկրորդ համաշխարհային պատերազմը Չամալեանի ծրագիրներն ու յոյսերն էլ խորտակեց : Ճամբորդութեան ընթացքին , 1940 թ . Սեպտեմբերին , նա ծանր կերպով հիւանդացաւ : Ինչպէս միշտ անփոյթ դէպի իր առողջութիւնը , այս անգամ էլ կարեւորութիւն չտուեց : Հիւանդութիւնը բարդացաւ : Թոքատապին չդիմացաւ նրա տկարացած մարմինը : Եւ , Դեկտ . 27-ին ընդմիշտ հեռացաւ այս աշխարհից :

Նրա զաւակը , մասնաւոր մի նամակով , հետեւեալ կերպով է նկարագրում հօր վերջին վայրկեանները . «Մինչեւ վերջին վայրկեանները նա հարցումներ էր տալիս իր բոլոր ընկերների մասին՝ անհանգիստ նրանց վիճակով : Իսկ երբ բժ . Յովսէփը (Տէր-Դաւթեան) խնդրում է , որ հանգիստ լինի եւ առայժմ իր առողջութեան մասին մտածէ , փորձում էր վեր կենալ եւ նորից գործի գնալ՝ մտահոգուած մեր ժողովրդի վիճակով : Այդ մտահոգութիւնը նա պահեց մինչեւ վերջին ժամ : Իր մասին ո՛չ մի խօսք , ո՛չ մի փափաք ամբողջ ծանր հիւանդութեան տեւողութեան ընթացքին : Բսլորից էլ հրաժեշտ առաւ՝ ասելով , թէ միւս աշխարհում կը տեսնուենք :

«Մնունդի գիշերը տաքութիւնը ստատիկ նեղեց նրան . չէր կարողանում շնչել : Այդ գիշերնա , զարմանալի յիշողութեամբ , առանց մէկ բառ սխալուելու , ծայրից-ծայր ամբողջութեամբ արտասանեց Յովհ . Թումանեանի Սասունցի Դաւիթ-ը» . . .

## ԱԻԵՏԻՔ ՇԱՀԽԱԹՈՒՆԵԱՆ

1918 . Հոկտ . 19-ին , Թիֆլիսում , Թոքատապից վախճանուեց Աւետիք Շահխաթունեանը , հայ մտաւորականութեան ընտիր ներկայացուցիչներից մէկը , որ հետզհետէ սկսում էր տիրական դէմք դառնալ ոչ միայն հայ , այլեւ համակովկասեան մտաւորա-



կանութեան մէջ, իբրեւ հմուտ մասնագէտ կովկասեան իրականութեան:

Ա. Ծահլաթունեանը ծնուել էր 1883 թ. Յունուար 12-ին, Սուրմալու դաւառի Իգդիր ավանում, ուր նրա հայրը գաւառապետի պաշտօն էր վարում: Հինգ տարեկան հասակում հիւանդանալով թոքատապով՝ Աւետիքը ամբողջ կեանքում մնաց կուղ եւ աւողջութեամբ՝ տկար:

Շէն, ամէն բարիքով լի էր Ծահլաթունեանների տունը, ուր տիրողը հայկական ոգին էր: Ուշիմ եւ աշխոյժ տղայ՝ Աւետիքը շրջապատուած էր ծնողական գուրգուրանքով: Նախնական կրթութիւնը ստացաւ ընտանիքում մասնաւոր դասատուների եւ մօր խնամքի տակ: 7-8 տարեկան հասակին արդէն կարդում էր Բաֆֆին: «Սամուէլ»ը գրեթէ գոց գիտէր:

1893-ին Ծահլաթունեան ընտանիքը հաստատուում է Երեւանում, եւ Աւետիքը մտնում է պետական Գիմնազիոն, որ ավարտում է 1904-ին՝ առաջին կարգի մրցանակով: Դպրոցում եռանդուն մասնակցութիւն է ունենում աշակերտական խմբակներին, որոնց մէջ ղեկավար դիրք է գրաւում. նախագահ էր «Մայր Խմբի», որ միացնում էր բոլոր միւս խմբակները:

Գիմնազիոնը ավարտելուց յետոյ՝ մտնում է Կիւելի համալսարանը, որտեղից փոխադրւում է Մոսկուայի համալսարանի իրաւաբանական բաժինը: Դեռ Երեւանից արդէն Հ. Յ. Դաշնակցութեան շարքերում էր: Մոսկուայում էլ շարունակում է գործօն ու ղեկավար դեր կատարել ուսանողական եւ յեղափոխական շրջաններում: Աշխատակցում է ռուս եւ հայ թերթերին՝ երեւան բերելով հասուն եւ զարգացած միտք եւ բազմակողմնի ծանօթութիւն, մասնաւորապէս, կովկասեան հարցերին: 1906-7 թուականների «Երիտասարդ Դաշնակցական» խմբումներին՝ անջատական տրամադրութիւններ ունէր եւ, որպէս այդպիսին, երիտասարդական թելի ներկայացուցիչն էր Հ. Յ. Դ. Չորրորդ Լնդհ: Ժողովում: Ժողովից յետոյ, սակայն, մնաց Դաշնակցութեան շարքերում: Նոյն տարին, 1907-ին, «Յառաջ» մատենաշարի հրատարակութեամբ լոյս տեսաւ նրա «Ֆէտէրալիզմ եւ Դէմոկրատիզմ» գրքոյկը:

Հ. Յ. Դաշնակցութեան դէմ յարուցուած հալածանքների հետեւանքով, Ծահլաթունեանը, 1909-ին, մի պահ թաղնուած մնաց Բաղուում. ապա, կեղծ անցադրով, վերադարձաւ Մոսկուա եւ ավարտական քննութիւն տուեց: 1909-ի աշնան գրականութեան դասատու նշանակուեց Երեւանի թեմական դպրոցում: Յաջորդ տարի Մարտին ձերբակալուեց եւ Օգոստոսին ազատ ձրուեց՝ արտասահման անցնելու պայմանով: Երկու տարի Գերմա-



նիայում մնալուց յետոյ, 1912-ին վերադարձաւ Երեւան եւ կարճ ժամանակ փաստաբանութեամբ զբաղուելուց յետոյ, ուսուցչութեան կոչուեց Թեմական եւ Օրիորդաց Գայեանեան դպրոցներում: 1914-ին, վերջապէս, կառավարութիւնը արտօնեց նրան սպրեյու թիֆլիսում, ուր հաստատուեց, իբրեւ «Հորիզոն» խմբագրութեան անդամ:

Թիֆլիսում լայն ասպարէզ բացուեց Շահխանութեանի առջեւ, եւ նա շուտով առաջնակարգ տեղ զբաւեց հայկական եւ անդրկովկասեան գործերում. անդամ Հ. Յ. Դ. Բիւրոյի, խմբագիր «Հորիզոն»ի եւ ապա ուսերէն «Մոլոտ» թերթի, Թիֆլիսի քաղաքային խորհրդի անդամ, Սահմ. Ժողովի ու Կովկասեան Սէյմի պատգամաւոր, երկրագործական գործավարի օգնական. գործօն անդամ կուսակցական, ազգային, անդրկովկասեան համագումարների, խորհրդաժողովների ու յանձնաժողովների, դասախօս եւ աշխատակից հայերէն ու ուսերէն թերթերի:

Բայց Աւ. Շահխաթունեանի բուն կոչումը դիտնական հրապարակագրութիւնն էր: Նա գերազանցապէս տեսական միտք էր: Անդրկովկասի եւ հայ տնտեսական, ազգագրական ու վարչական գործերի ծանօթութեան տեսակէտից գրեթէ մրցակից չունէր: Նրա գրչի տակից դուրս են եկել մի շարք, մինչեւ այսօր էլ իրենց այժմէութիւնը չկորցրած, յօդուածներ: Նրան է պատկանում եւ ուսերէն «Անդրկովկասի վարչական վերաբաժանումը» թանգարտէք աշխատութիւնը: Վերջապէս, նա է հեղինակն ու հիմնաւորողը Անդրկովկասի ղեմստւոյական, ապա ազգային-քաղաքական սահմանագծման ծրագիրների:

Աւ. ահխաթունին մեռաւ, կարելի է ասել, իր դիտնական-հասարակական գործունէութեան սկզբին, առանց իրեն փոխարինող թողնելու:

Աւ. Շահխաթունեանի բնութագիրը անգերազանցելի վարպետութեամբ գծել է Նիկոլ Աղբալեանը իր հետեւեալ յօդուածով\*):

#### ԱԻ ԵՏԻՔ ՇԱՀԽԱԹՈՒՆԵԱՆ

Մի խոշոր զլուխ, որ հանդչում էր նեղ ու վտիտ ուսերի վարայ. չէկախառն շագանակ մազեր՝ գոռոզ ու հիւթեղ, որ հազիւ ամփոփւում էին դլխարկի տակ. ներհայեաց ու կայուն աչքեր ոսկրուտ ճակատի տակ, որոնց սքողում էր ոսկեպատ ակնոցը. սառն ու չոր դիմազիծ, որ խօտանում էր սեղմ շրթունքից. լարուն ու մանր քայլ, լրագիրների մի կոյտ ձեռքին ու գրպանում, մի կարճ ձեռնափայտ թելիցը կախ, — նա անցնում էր ինքնամ-

\*) «Հորիզոն», Թիֆլիս, 1918 թ., 27 Հոկտ.:



փոփ, փողոցի ժխորին անհաղորդ եւ թւում էր ողեկան ուժերի շարժուն խտացում՝ պատկառանք ազդելով դիմացի մարդուն:

Բարոյական ու մտաւոր խոշոր ուժ կար ամբարուած այդ փոքրիկ մարմնի մէջ: Լրջմիտ էր, խոհուն ու խելօք. մտերիմների շրջանակից դուրս՝ անհաղորդ ու զուսպ, մինչեւ իսկ անհրապոյր ու խիստ: Նոյնն էր նաեւ մտերիմների հետ «պաշտօկան» ժամերին — ժողովներում — միշտ մտահոգ դրուած խընդրի յաջող քննութեամբ, նեարդօրէն հոգածու իր մտքերի յաղթանակին եւ վիճարանութեան արդիւնաւէտ կարգի հետամուտ:

Աշխատանքը վերացաւ՝ նա դառնում էր հաճելի զրոյցընկեր, լուրջին խառնելով բանդէտ ու փորձ մարդու դաւառաբոյր սրամտութիւն եւ մի հայացի հեգնանք՝ բարեացակամ եւ անդիտաւոր:

Իր միտքը գաղափարների հետ զործ ունէր միայն, ինչպէս եւ իր զգացումը: Իր զայրոյթը միշտ պոռթկում էր մտքերի, երբե՛ք անձի դէմ, եւ մինչդեռ հակառակորդի գաղափարները հերքում էր ջղուտ ու հատու՝ հոգին մնում էր իր մրցորդին մտերիմ: Թշնամիներ չունէր եւ չէր կարող վաստակել: Իր տարամտութիւնը չէր իջնում կրքերի եւ դործի աշխարհը, որ դարբնում է անհաշտ ոսոխներ: Գործնականի հակում նա չունէր: Մտքերի եւ զգացումների ուղին շտկելով՝ կարծում էր զգործնականի արատները դարմանել:

Թանձրացեալը, ընթացիկը նկատելու անկարող՝ կեանքը նրան պատկերանում էր իբր հանրային ուժերի մրցարան, ուր կանգնած են իրար դէմ տարբեր գաղափարներ ու միտումներ: Պարզելով մրցորդ գաղափարների եւ միտումների բնոյթն ու արժէքը՝ նա կարծում էր, որ պարզել է կեանքի ընթացքը: Տրամաբանականը թւում էր նրան իրաւացի եւ անհետեւողականը՝ դատապարտելի եւ ժխտելի: Գրամարտի ընթացքում նա ջանում էր հակառակորդի դիրքին տիրանալ՝ սեղմելով նրան քայլ առ քայլ կուռ դատողութեանց աքցանով: Մտքին տիրելով, գաղափարները հերքելով՝ նա համարում էր իր դատը շահած եւ թշնամուն յաղթահարած: Կեանքի անբանաւոր (խռացիոնալ) ընթացքը ամմատչելի եւ անհանդուրժելի էր նրան: Նրա մտքի միջից դատողութիւններն անցնում էին խիտ շարքով, զինուորների պէս, տեղ չտալով ոչ մի պատկերի, ուստի իր ոճը անպարզ էր, մտալից ու ծանրընթաց եւ հազիւ ուրեք ջերմանում էր զայրոյթից կամ մեղմանում հեգնանքից:

Նրա միտքը դործում էր ընթացիկ կեանքի ժխորից վեր, թէեւ այդ կեանքից դրդուած: Ապրելով գաղափարների եւ ոչ գործի աշխարհում, մտքերի եւ ոչ կրքերի մրցարանում՝ նրա սիրտը



մնացել էր մանկական եւ բնաւորութիւնը անաղարտ : Ունկնդիրների, ընկերների եւ ընթերցողների մտքերը պարզելուն հետամուտ՝ նա միշտ մնաց ուսուցանող, բնաւ առաջնորդ : Ուր պէտք էր ձեւակերպել մի խնդիր, պարզաբանել մի գաղափար, սահմանել մի կացութիւն, բանաձեւել մի վերաբերում — նա դառնում էր անհրաժեշտ : Դրանով նա հանդիսանում էր իր կուսակցութեան մտածումի թարգմանիչը, նրա ծրագրի մեկնիչը, նրա ընթացքը դժողը : Այս տեսակէտով, իբրեւ հանրային գործիչ, նրա արժէքը զուգահեռ էր իր կուսակցութեան արժէքին, եւ որքան Դաշնակցութիւնը հայ ճակատադրի վարիչն է եղած, այնքան խառն է այդ գործում Ա. Շահխաթունեանի մատը :

Իր հետաքրքրութիւնը սահմանափակ էր, բայց լուրջ ու խոր : Իր «Անդրկովկասի Վարչական Վերաբաժանումը» գիրքը հմտալից մի աշխատանք է, շատ արժէքաւոր մեղ ու Կովկասի համար եւ անուշադիր չէր մնայ նաեւ ուրև հասարակութեան կողմից : Գիրքը մատնանշում էր մի հասուն խելք, որ կարող է խօսել շատ աւելի կիրթ եւ սլափրաստի հասարակութեան, քան մեր Կովկասի մտաւորական դասը :

Նա արդէն հեղինակութիւն էր կուսակցութեան մէջ տեսական խնդիրների ոլորտում եւ դառնում էր հեղինակութիւն նաեւ լայն հասարակութեան համար իբր Կովկասի հանգամանքներին հմուտ մի գիտուն : Նոր միայն սխալի կարողանար խօսել տիրաբար ոչ միայն իր կուսակցութեան, այլեւ իր ազգին, երբ մահը վերջ տուաւ իր կեանքին : Չարքաշ սլայմանները թոյլ չտուին նրան շահեցնել այն գիտութիւնը, փորձն ու հմտութիւնը, որ ձեռք էր բերել ինքնուրոյն աշխատանքով, եւ Դաշնակցութիւնը զրկուեց առաջնակարգ մի ուժից, իսկ հայութիւնը՝ մի սրտացաւ ու հմուտ դաւակից :

Հայաստանի եւ հայ ժողովրդի ապագան — այս էր նրա կենտրոնական մտահոգութիւնը. ներկան քննում ու դատում էր այդ ապագայի նկատումով եւ այդ շարժանիչով : Մեր քաղաքական եւ հանրային շարժման իմաստը բանաձեւողներից մէկն էր նա, մեր հանրային կեանքի շաղիին մի ճրագ, որ հազիւ սկսել էր լոյս արձակել, երբ մահուան հողմը հանդցրեց նրան : Նրա մահից մի քանի օր առաջ գրախօսելով իր գիրքը՝ մենք ասում էինք. «Մեր քաղաքական ինքնագիտակցութիւնը շարունակում է աճել. Ա. Շահխաթունեանի գիրքը այդ գիտակցութեան զարգացման մի որոշ աստիճանն է ձեւակերպում եւ միաժամանակ ազգակ է դառնում նրա հետագայ զարգացման» : Սրանով որոշում է նրա տեղը մեր քաղաքական մտքի զարգացման պատմութեան մէջ : Նա մի ալիքն էր այն հոսանքի, որ Մ. Նալբանդեանի օրերից Գ.



Արժրունու եւ Րաֆֆու վրայով Գաշնակցութեան միջով հասնում է մեզ: Ու թէեւ Ա. Շահխաթունեանը չէ պատկանում գրականութեան, բայց մեր քաղաքական մտքի պատմութեան մէջ նա իր շատ որոշ ու պատուաւոր տեղն ունի: Մահը չթողեց որ նա դրաւոր ձեւակերպում տայ տաճկապատկան Հայաստանի մասին, ինչպէս արեւ էր իր գրքով ուսուսպատկան Հայաստանի վերաբերմամբ, բայց նրա մտքերը որոշ էին եւ իր կուսակցութեան միջոցով շրջանառութեան մէջ են մեր կեանքում եւ ազդում են մեր ճակատագրի վրայ: Նրա հիմնական գաղափարները մարմին կ'առնեն մեր աշխարհում եւ կը դառնան հայի քաղաքական մտածութեան տարերքը, որով եւ կ'անմահանայ նրա անունը: Մեր քաղաքական կեանքի զարգացման շաւիղն անցնում է Ա. Շահխաթունեանի գերեզմանի մօտով, եւ հետագայ ոչ մի պատմագիր չի կարող անտես առնել այդ գերեզմանը եւ նրա մէջ հանգչողին:

## ՌԱՖԱՅԷԼ ԵՐԷՑԵԱՆ

Ռաֆայէլը ծնուած է Գաւաշի Բողոնիս գիւղի մէջ: Քահանայի որդի էր եւ երեք տղաներէն միջնակը: Պարզ գրագիտութիւն իր հօրմէն սորվելէն վերջ, կը մտնէ Աղթամարի դպրանոցը, ուր այդ ժամանակ կ'ընդունուէին բացառապէս այնպիսիները, որոնք հետագային պիտի դառնային հոգեւորական: Հայրը կը սիրուէր Աղթամարի կաթողիկոս Խաչատուրի կողմէ, այդ պատճառով ալ կը նշանակուի Ս. Թովմա վանքի վանահայր:

Ռաֆայէլը իր մանկութիւնն ու պատանեկութիւնը անցուց Աղթամարի եւ յիշեալ վանքի մէջ՝ ստանալով կրօնական կրթութիւն եւ դաստիարակութիւն կղերական միջավայրի մը մէջ: Բայց, ինչպէս յետոյ պիտի տեսնենք, չարդարացուց իր վրայ դրուած յոյսերը:

Գաւաշի մէջ, այդ թուականներուն, 1903-1904-ին, յեղափոխութիւնը թէեւ ժողովրդական լայն դանդուածներու հետաքրքրութեան եւ ոգեւորութեան առարկայ չէր, բայց չէր կարելի ըսել, թէ քանի մը անհատներու շուրջ կը դառնար: Կար ենթակոմիտէութիւն, որ նշան էր, թէ կար նաեւ կանոնաւոր կազմակերպութիւն, եւ արհամարելի թիւ չէին կազմեր շարքային կուսակցականները: Գաւառի մէջ կային եռանդուն, բաւական եփուած, կուսակցական անցեալ ունեցող անդամներ ու գործիչներ, որոնք այլ շրջաններու մէջ ալ, ինչպէս նաեւ երկրէն դուրս եղած էին



Դաշնակցական շարքերու մէջ եւ մասնակցած նոյնիսկ յեղափոխական բոլոր գործերու, ինչպէս Սանասորի արշաւանքը: Այս գործերը եւ անոնց հետ կապուած անունները, իր ժամանակին ու դեռ շատ յետոյ ալ, ողբերգութիւն ու հմայք կը պարտադրէին շրջապատի վրայ՝ թէ՛ կուսակցականի եւ թէ՛ անկուսակցականի մէջ: Հաւաքական եւ անձնական հերոսութիւնները միշտ եւ ամէն տեղ փառարանուած եւ ընդօրինակութեան առարկայ են եղած արդէն:

Ռաֆայէլը, զանազան առիթներով շփում կ'ունենայ ժամանակի գործիչ ընկերներու հետ եւ իր հոգին ու մտածումները կը կաղապարուին Դաշնակցական մթնոլորտին մէջ:

1904-ին ան արդէն ուսուցիչ էր Գաւաշի ամենաբազմամարդ գիւղերէն, Նոր Գիւղի մէջ: Այս թուէն սկսեալ Լեոնապարի, ուրեմն եւ Գաւաշի կուսակցական գործունէութիւնը, ապրեցաւ վերելքի փայլուն շրջան մը: Դաշնակցութիւնը կը դառնայ ուժեղ մագնիս մը, որուն կը ձգուին բոլոր եռանդուն, գործունեայ եւ լրջմիտ մարդիկ, մանաւանդ երիտասարդութիւնը, որու մէջ ամենէն շատ յեղափոխական տարր կար: Ռաֆայէլը մէկն էր վերջիններէն, որ փութաց արձանագրուիլ Դաշնակցութեան շարքերուն մէջ:

1905 թէ 1906-ին Ռաֆայէլը կը թողնէ իր ծննդավայրը ու կը մեկնի Կովկաս ուսումը շարունակելու նպատակով, բայց յեղափոխական խառնուածքը թոյլ չի տար իրեն երկար ժամանակ ընկեր դառնալու Ներսիսեան դպրոցի գրասեղաններուն. դուրսը կատարած յեղափոխական գործերուն համար, կասկածելի կը դառնայ կառավարութեան աչքին ու շատ չանցած ձերբակալուելով Մետեխի բանտը կը նետուի, ուր եւ կը քայքայուի անոր առողջութիւնը: Դաշնակցութեան ձեռք առած միջոցներու շնորհիւ բանտէն կ'ազատուի եւ կ'ուղարկուի Բագու, ուր իբրեւ քարոզիչ ու կազմակերպիչ կը գործէ բանուորներու մէջ:

1910 թուականը Աղթամարի թեմի կրթական տեսակէտէն նշանակալից է: Ընդամէնը երկու տարի էր անցեր Սահմանադրութեան հռչակման օրէն, բայց հայ ժողովուրդը նիւթապէս շատ խոշոր փոփոխութեան էր ենթարկուած: Քրտական ալան-թալանը եւ կառավարութեան անօրինակ ու անհարկի տուրքերն ու պահանջները չափով մը վերջ էին գտած: Հայ ժողովուրդը իր անհասանելի կորուստն ու եռանդը անվերապահօրէն գործի դրած էր: Կրթական վիճակն ալ համընթաց կ'երթար տնտեսականին: Եւ ահա թեմի երեսփոխանական ժողովի որոշումով կը փակուի թեմի կեդրոնական դպրոցը Աղթամարի մէջ եւ բիւտճէով կ'որոշուի,



անոր դրամով տարրական դպրոցներ բանալ գաւառի մէջ : Առաջին ուսումնական տարին (1910-1911) իսկ թեմը կը համբէր 56 տարրական դպրոց :

Այդ թուին կովկասէն իր ծննդավայրն էր վերադարձեր Ռաֆայէլը : Ուսումնական ժողովը կը հրաւիրէ զինքը թեմական տեսուչութեան : Պաշտօն ստանձնելէն անմիջապէս յետոյ ան կը շրջի իրեն վստահուած բոլոր գաւառները, կ'այցելէ գրեթէ բոլոր գիւղերն եւ մօտիկէն կը ծանօթանայ ժողովրդի տնտեսական վիճակին : Ապա տեղական մտաւորական եւ կուսակցական ուժերու հետ համախորհուրդ յարմար դատուած գիւղերու մէջ կը բանայ դպրոցներ, որոնց ծախքը մաս մը Աղթամարը պիտի հոգար, իսկ մնացածը՝ գիւղը, համաձայն իր նիւթական կարողութեան :

Ռաֆայէլը, իր կարճատեւ տեսչութեան ընթացքին, կը ցաւ կրթական գործը ժողովրդի բոլոր խաւերու համար հետաքրքրութեան ու սիրոյ առարկայ դարձնել եւ ապահովել համաժողովրդական աջակցութիւնը : Կարճ ժամանակի մը մէջ ան դարձաւ ժողովրդի սիրուած ու հեղինակաւոր գործիչը եւ Դաշնակցութեան ղեկավար դէմքը :

Ռաֆայէլը ոչ միայն կրթական գործը կը վարէր, իբր տեսուչ, այլ նաեւ կը ներկայացնէր կուսակցութիւնը այդ գաւառներու մէջ՝ յաշտ կառավարութեան : Իր հպարտ ու ինքնավստահ ընաւորութիւնը եւ ինքզինք իր դիրքի բարձրութեան վրայ պահելու կենցաղագիտութիւնը լայն ժողովրդականութիւն եւ հմայք ստեղծեցին անոր անձի շուրջ : Այնպէս որ նշանաւոր աշիրաթապետներէն ոմանք անձկութեամբ կ'ուզէին տեսնել զինքը եւ վայելել իր բարեկամութիւնը : Այսպէս անգամ մը, Սպարկերտ գաւառի գիւղերէն մէկուն մէջ, երբ Ռաֆայէլ դպրոցական գործերու կարգադրութեամբ էր զբաղած, յայտնեցին թէ՛ Ալկանցի քիւրտ աշիրաթի ցեղապետը կ'ուզէ զինքը տեսնել : Անմիջապէս ճամբորդական հագուստները կը փոխէ քաղաքացիական մաքուր համազգեստով եւ շքախմբի մէջ առած քանի մը բարձրահասակ երիտասարդներ մաուզէրներով զինուած ինքը կ'ընդունի ցեղապետը եւ տպաւորիչ տեսակցութիւն մը կ'ունենայ հետը :

1912-13 ուսումնական տարեշրջանին, Ռաֆայէլը դուրս էր եկած իր սովորական պտոյտը կատարելու ու դպրոցական գործերը կարգի դնելու համար : Մոկսէն պիտի անցնէր Մամրտանք եւ ապա Սպարկերտ գաւառները : Մոկաց միւտիբ Մուրթուլլահ պէկը խորհուրդ էր տուեր անոր չ'անցնել Մամրտանք եւ նոյնիսկ վերադառնալ Աղթամար : Պէկի ականջին հասեր էր Սայիտ Ալիի



որոշումը Ռաֆայէլը սպաննելու իբրեւ փոխվրէժ գործի մը, որ կատարեր էր Ռաֆայէլը տարի մը առաջ:

1911-12-ի իր տեսչական շրջադասութեան ժամանակ, Սպարկերտի Ներքին Հիւրինք գիւղին մէջ, Ռաֆայէլը կանչել տուեր էր Սայիտ Ալիի ազգական ականաւոր շէյխերէն մէկուն եւ ասեր էր մօտաւորապէս հետեւեալը.— «Գնա եւ ըսէ Սայիտ Ալիին, որ ձեռք քաշէ աւազակութիւններէն ու մարդասպանութիւններէն, որովհետեւ եթէ ան չհրաժարուի եւ շարունակէ նման գործեր, Դաշնակցութիւնը, որու անուամբ կը խօսիմ, հարկադրուած պիտի ըլլայ համապատասխան միջոցներու դիմել եւ արժանի դասը տալ անոր: Ան պէտք է լաւ գիտնայ, որ մենք կարող ենք մէկի փոխարէն 10 սպաննել, բայց եթէ չենք ըներ, սոսկ անոր համար է, որ չենք ուզեր դարաւոր հարեւաններու յարաբերութիւնը վատթարացնել»:

Այս ազդարարութիւնը ժամանակին հասեր էր Սայիտ Ալիին ու անոր որոշումը տեղական ընկերներուն համար աւելի քան պարզ էր: Ուստի անոնք նախազգուշական միջոցներ ձեռք առին ու զգուշացուցին Ռաֆայէլը: Վերջինս ման եկաւ Սպարկերտ եւ Շէնձոր գաւառները, ապա անցաւ Կարկառ: Գաւառի հողին՝ Գալօն, կը բացակայէր: Ռաֆայէլը կը հարկադրուի երկու անիորձ ուսուցիչներու հետ միայն Մկորէն մեկնիլ Խորտենց գիւղը: Ծամբան կ'անցնէր ձորակի մը միջով, Կարկառ քիւրտ գիւղի կողքովը: Ռաֆայէլ կը մօտենայ գիւղին, գիմացի մարազէն կ'ենթարկուի համազարկի մը: Առաջին հարուածէն իսկ ծանր կը վիրաւորուի, վար կ'ընկնի ձիէն ու հեղեղատի մը մէջէն կը սկսի կռուիլ քիւրտերու դէմ: Շատ չանցած՝ կը ստանայ այլ վէրքեր ու կը մեռնի: Ոճրադործները կը խոշտանդեն անոր մարմինը, կը հանեն աչքերը եւ կը կտրեն լեզուն Սայիտ Ալիին տանելու համար:

Սպաննութեան լուրը մէկ-երկու օրէն Գաւաշ եւ ապա Վան կը հասնի: Կուսակցութիւնը կը խռովի: Արամ անմիջապէս կը մեկնի դէպի ոճրատեղը, բայց մինչեւ անոր հասնիլը՝ Կարկառի եւ Գաւաշի ընկերները գիակը հասցուցեր էին Նարեկ գիւղը: Այստեղ Արամ լացակումած ու յուզուած՝ վրէժաշունչ ճառ մը կը խօսի՝ երդուելով Ռաֆայէլի գիակի վրայ շուտով լուծել տալ անոր վրէժը: Ռաֆայէլի լեզուն, ըսեր էր Արամ, Դաշնակցութեան լեզուն է եւ անոնք որ կը համարձակուին կտրել այդ լեզուն, պէտք է գիտնան, որ անպատիժ չեն կարող մնալ:

Սպաննութեան լուրը մէկ քանի օրուայ մէջ հասեր էր գաւառները եւ Մոկսէն մինչեւ Շէնձոր, Կարկառէն մինչեւ Հայոց Զոր ժողովուրդը ամէն տեղ յուզուած ոտքի ելաւ բողբոջելու կա-



տարած ոճիրին դէմ: Դիակը հաղարաւորներու ընկերակցու թեամբ փոխադրուեցաւ Վան եւ առաջին անգամ դրուեցաւ կուսակալի պալատին առջեւ: Գաւառէն եկած ժողովրդի կողմէ մէկ քանի աչքառու մարդիկ ներկայացան վալիին և պահանջեցին կըտրուկ կերպով վերջ դնել այսպիսի զաղանութիւններուն եւ պատժել յանցագործները: Կուսակալը, շիտթուած ի տես այդ ծովածաւալ բազմութեան, կը ջանայ հանդատացնել ժողովուրդը եւ կը խոստանայ կարճ ժամանակուայ ընթացքին խստիւ պատժել ոճրագործները:

Դիակը մէկ օր յետոյ տասնեակ հաղարաւոր բազմութեան ներկայութեամբ թաղուեցաւ Արարքի գերեզմանատան մէջ, հին հայդուկներուն կողքին: Գերեզմանի վրայ խօսեցան Իշխանը, մէկ-երկու գաւառացիներ, ինչպէս նաեւ Վուամեանը՝ իր կրակոտ ճառերէն մէկը:

Շատ շանցած՝ Լեւոն Շաղոյեան իր խմբով լուծեց Ռաֆայէլի վրէժը՝ սպաննելով Կարկառ գիւղի նշանաւոր Հաջի Աղկուրը իր ընկերներով: Այս յանդուզն դործը ահաբեկեց այդ շրջանի քրտութիւնը: Այդ առթիւ յօրինուեցաւ քրտերէն երգ մը Շաղոյեանին նուիրուած: Աղթամարի թեմի ժողովուրդն ալ իր խիզախ տեսչի յիշատակը անմահացուց երգով մը, որ կ'երգուէր այնքան յուզումով:

Ա. ԱՆՐԱՀԱՄԵԱՆ

## ԳԷՈՐԳ ԽԱՏԻՍԵԱՆ

1935 թուի սկիզբները, Մոսկուայից Կովկաս անցնելիս, երկաթուղային արկածի զոհ գնաց Դաշնակցական մտաւորականութեան ահանաւոր ներկայացուցիչներից մէկը՝ Գէորգ Խատիսեանը:

Գէորգը Հայաստանի Հանրապետութեան վարչապետ Աղեքսանդր Խատիսեանի եղբայրն էր: Մնուած էր 1879 թ. Օդոսս. 31-ին, Թիֆլիսում: Տարրական կրթութիւնը ստացել էր Տիկ. Սոֆիա Արղութեան-Երկայնաբաղուկի յայտնի դպրոցում: 1896-ին, ոսկի մէդալով, աւարտել էր Թիֆլիսի երրորդ Գիմնազիան եւ նոյն տարին մտել էր Մոսկուայի Գիւղատնտեսական Ճեմարանը, որտեղ ուսել էին Հ. Յ. Դաշնակցութեան հիմնադիրներից շատերը, բայց մի տարի վերջը փոխադրուեց Մոսկուայի իրաւաբանական բաժինը: Մարմնով դիւրարեկ՝ չարաչար աշխատանքից հիւանդանալով 1899-ին՝ նա ստիպուած եղաւ մտնել դերմանա-



կան բուժարաններից մէկը՝ Հոննոսի ամիւն: Մէկ տարի յետոյ, ապաքինած, աւարտական քննութիւն տուեց Մոսկուայի համալսարանում, վերադարձաւ Թիֆլիս եւ նուիրուեց փաստաբանութեան՝ մասնագիտութիւն ընտրելով առաւելապէս հանրային-քաղաքական բնոյթ կրող դատերի պաշտպանութիւնը:

Շնորհիւ իր բաղմակողմանի զարգացման, ուղղամիտ եւ ազնիւ նկարագրի, դիւրահաղորդ ու շէն բնաւորութեան՝ Գիզան — այդպէս էին կոչում նրան ընկերական շրջանակում — շուտով աչքի զարնող տեղ գրաւեց Թիֆլիսի մտաւորական եւ հասարակական շրջաններում: Հմտացաւ, մասնաւորապէս, կովկասագիտութեան մէջ. հողային, տեղական ինքնավարութեան, ժողովրդական տնտեսութեան վերաբերող հարցերում նա անվիճելի հեղինակութիւն էր Ա. Սահակեանի, Յ. Փիրալեանի, Ա. Շահխաթունեանի, Ս. Կամսարականի հետ, որոնց հետ միասին մշակեց կովկասեան զէմսուռյի (տեղական ինքնավարութիւնների) օրէնքի հայկական նախագիծը, ինչպէս նաեւ, հետադային, կովկասի վարչական վերաբաժանման ծրագիրը:

Իբրեւ հմուտ փաստաբան քաղաքական գործերի՝ Գիզան մասնակից էր դրեթէ բոլոր խոչոր Դաշնակցական դատերի պաշտպանութեան եւ այդ առթիւ, յաճախ, ճամբորդում էր կովկասի քաղաքները՝ Բաղու, Երեւան, Գանձակ, Շուշի եւ այլն: Դատական գործերի հետ միասին նա ուսումնասիրում էր եւ երկրի պայմաններն ու ժողովրդի նիստ ու կացը: Նաեւ զբաղւում էր Դաշնակցութեան վերաբերուող խնդիրներով: Դաշնակցութեան մեծ դատավարութեան նիւթը, 1912-ին, պատրաստուեց Գ. Սատիսեանի, Ս. Կարճիկեանի եւ մի քանի ուրիշ իրաւաբանների ձեռքով:

Գ. Սատիսեանը մեծ եռանդով մասնակցում էր եւ հասարակական գործերում — դպրոցական հոգաբարձու, զանազան միութիւնների անդամ, թերթերի աշխատակից — եւ ամէն տեղ ցոյց էր տալիս հմուտութիւն ու սրտցաւ վերաբերում դէպի ստանձնած պարտականութիւնները: 1912-ին, իբրեւ Դաշնակցութեան թեկնածու, ընտրուեց Թիֆլիսի քաղաքային խորհրդի անդամ, 1914-ին, իբրեւ առեւտրական իրաւունքի հմուտ մասնագէտ, նշանակուեց Թիֆլիսի սակարանի քարտուղար: Անդամ էր «Հորիզոն» օրաթերթի խմբագրական եւ հրատարակչական մարմինների: Մօտիկ աշխատակից՝ Աղգ. Բիւրոյի, ապա՝ Աղգ. Սորհրդի:

Յարական կառավարութեան անկումից յետոյ, 1917-ին, Գիզան, իր անձնական գործերը ձգած, ամբողջապէս նուիրուեց հասարակական գործունէութեան: Որպէս Դաշնակցութեան ներկայացուցիչ, աշխատում էր կովկասեան պետական-յեղափոխական մարմիններում՝ ամէն տեղ պաշտպանելով հայկական իրաւունք-





ԳԵՈՐԳ ԽԱՏԻՍԵԱՆ

ները: Նրան առանձնապէս զրազեցնում էր կովկասի վարչական վերարաժանման հարցը, ա՛յն ձեւով, որ հայկական շրջանները միացուին ազգային շրջանակի մէջ: Այդ նպատակով նա դնաց Պետրոզրատ՝ մասնակցելու համար ներքին գործոց նախարարութեան կից կազմուած կովկասեան գործերի յանձնախմբի աշխատանքներին՝ վրացի եւ ազրբէջանցի ներկայացուցիչներին հետ միասին: Շնորհիւ անձնական բարեկամութեան կերենսկիի հետ՝ նրան յաջողուեց մի շարք հարցերում անցկացնել հայկական տեսակէտը:

Հայաստանի Հանրապետութեան ստեղծումից յետոյ, Գ. Խատիսեանը, իրաւապէտ-խորհրդականի պաշտօնով, անդամակցեց կառավարութեան կողմից Պոլիս ուղարկուած պատուիրակութեան Ա. Ահարոնեանի եւ Ա. Խատիսեանի հետ: Դրանից առաջ, հայ-վրացական պատերազմի օրերին եւ նրանից յետոյ, մասնակցել էր հայկական իրաւունքները պաշտպանելու համար կատարուած բոլոր աշխատանքներին: Ի միջի այլոց, Վ. Նաւա-



սարդեանի հետ կազմել էր ռուսերէն լեզուով մի գրքոյկ պարզաբանելու համար հայկական տեսակէտը հայ-վրացական բախումի մասին :

1919-ին Գիգան ընտանիքով փոխադրուեց Երեւան (ամուսնացած էր Յովհ. Թումանեանի աղջկայ հետ եւ ունէր մէկ մանչ զաւակ) եւ ստանձնեց կառավարութեան դիւանապետի պաշտօնը, որից հեռացաւ, երբ ընտրուեց Խորհրդարանի անդամ : Ի միջի աշխարհ, նրա կազմածն է 1919 թ. Մայիս 28-ի «Միացեալ եւ Անկախ Հայաստանի» յայտարարութեան բնագիրը :

Խորհրդարանում Գիգան լայնօրէն օգտագործեց իր իրաւագիտական եւ տնտեսագիտական հմտութիւնը : Կարելի է ասել, Խորհրդարանի Յանձնաժողովներում, նա ամենէն հեղինակաւոր պատգամաւորն էր իրաւական, տնտեսական, ազգազրական եւ միջազգային հարցերում : Խորհրդարանի հաստատած օրէնքներից շատերի նախագծերը նրա պատրաստածն են : Միեւնոյն ժամանակ եւ իրաւական խորհրդատու էր կառավարութեան, մասնաւորապէս կովկասեան խնդիրներում :

Հայաստանի խորհրդայնացումից յետոյ՝ Գիգան մնաց Երեւանում հայրենիքին ծառայելու դիտաւորութեամբ, բայց հայրուշեւիկները չկամեցան օգտուել նրա ուժերից : Վրացիները աւելի լայնախոհ եւ իմաստուն դոնուեցան : 1925-ին նրան իրաւագիտութեան դասախօսի պաշտօն տուին Թիֆլիսի համալսարանում, ապա նշանակեցին Պոլիտեխնիկումի տնտեսագիտութեան պրոֆէսոր :

1932-ին, Գիգան տեղափոխուեց Մոսկուա : Իր կեանքի այս շրջանի մասին ոչինչ յայտնի չէ, դժբախտաբար : Վերջին տեղեկութիւնը երկաթուղային արկածի եւ նրա մահուան լուրն է, Խարկովի մօտ, 1935-ին :

Բացառիկ անհատականութիւն էր Գէորգ Խատիսեանը թէ՛ իբրեւ մարդ եւ թէ՛ որպէս հասարակական գործիչ : Համեստ ու լրջամիտ, բայց եւ կենսուրախ, ընկերական կեանքում գուարճախօս ու ջերմ՝ Գիգան ամենալայն մտքով մտաւորական անձնաւորութիւն էր, դիտական խոր հմտութեամբ օժտուած, անհուն հաւատարմութեամբ նուիրուած հայ ժողովրդին ու Հայկական Դատին : Նա դեռ շատ բան ունէր տալիք Հայաստանին եւ հայ ժողովրդին, բայց՝ «յիւրան եկ, իւրքն զնա ոչ ընկալան» ...



## ՄԻՆՐԱՆ ԹԷՐԼԷՄԷՋԵԱՆ

Հայ ազատագրական շարժման մատուցած ծառայութիւններով նշանաւոր Թէրլէմէզեան դերդաստանից էր Միհրանը՝ ծընուած 1883-ին, Վանում :

Նախնական կրթութիւնը ծննդավայրում ստանալուց յետոյ, Միհրանը մտաւ էջմիածնի Գէորգեան ձեմարանը, որի լսարանական բաժինը աւարտեց 1907-ին :

ձեմարանի աչքի ընկնող աշակերտներից էր : Շիկահեր, գեղեցկադէմ, առողջ ու շէնչող՝ նա առաջիններից էր թէ՛ դասերի եւ թէ՛ խաղերի մէջ : Իննհարիւր թուականների առաջին տասնամեակին, Խրիմեան Հայրիկի քաջալերանքով, ձեմարանում կային մօտ երկու տասնեակ վանեցի աշակերտներ, որոնք վայելում էին Հայրիկի հովանաւորութիւնը : Դրանց մէջ էին Համազասպ Բաղէշեանը, Մկրտիչ Մելքոնեանը (Գարմէն), Հայկակ Կոսոյեանը, Ղեւոնդ Մելոյեանը, ապաղայ Լեռ Կամսարը, Վաղդէն Տէրոյեանի եղբայր Վարազդատը, Խոսրով Փախչանեանը, որի երաժշտական ընդունակութիւնների հետ առանձին յոյսեր էր կապում Կոմիտասը, Միհրանը եւ ուրիշներ :

ձեմարանի աշակերտութիւնը այդ տարիներին համակուած էր յեղափոխական տրամադրութիւններով : Հայդուկային շարժումները Երկրում, Սասունի ապստամբութիւնը, ընդվզումը ցարական բռնակալութեան դէմ եկեղեցական կալուածների դրաման հետեւանքով, Սուլթանի մահափորձը, հայ-թաթարական կռիւները եւ, վերջապէս, Ռուսաստանի առաջին յեղափոխութիւնը ուժեղ արձագանգ էին գտնում եւ ձեմարանի աշակերտութեան մէջ, որ ճնշիչ մեծամասնութեամբ գտնւում էր Հ. Յ. Դաշնակցութեան ազդեցութեան տակ եւ զանազան առիթներով արտայայտում էր իր այդ տրամադրութիւնը : Մասնաւորապէս 1905-6 թուականներին ձեմարանը թատերաբեմ էր աշակերտական ըմբոստ շարժումների :

Միհրանն եւս մասնակից էր այդ շարժումներին, բայց, առհասարակ, աչքի դարնող դեր չէր կատարում՝ իր ժամանակն ու բոժը տրամադրելով աւելի դպրոցական պարապմունքներին : Իբրեւ Դաշնակցական, նա աւելի դործօն դարձաւ Եւրոպայում, ոււանողութեան շրջանին :

1907-ին աւարտելով ձեմարանը՝ Միհրանը վերադարձաւ Վան, ուր ուսուցչութեան պաշտօն ստանձնեց Հայկազեան-Կենտրոնական եւ Սանդխտեան վարժարաններում՝ միաժամանակ ըզրադուելով եւ կուսակցական-կադմակերպական դործերով՝ Արամի եւ Կոմսի շնչի տակ : Թէ՛ որպէս ուսուցիչ ու դասախօս եւ



թէ, իբրեւ կուսակցական գործիչ, Միհրանը կարճ ժամանակում ջերմ համակրանք եւ ազդեցութիւն ձեռք բերեց ընդհանուր հասարակութեան, բայց, մանաւանդ, երիտասարդութեան եւ աշխատաւորական խաւերի մէջ: 1908-ի դարնան, շատերի հետ նա էլ ձերբակալուեց եւ բանտից ազատ արձակուեց միայն Սահմանադրութեան հռչակումից յետոյ:

1909-ի ամառը Միհրանը մեկնեց Եւրոպա բարձրագոյն կրթութիւն ստանալու նպատակով: Իբրեւ Վասպուրականի պատգամաւոր մասնակցեց Հ. Յ. Դ. Հինգերորդ Ընդհ. Ժողովին, Բուլգարիայում: Ապա անցաւ Գերմանիա, ուր մի տարի Ենայի եւ երեք տարի Լայպցիգի համալսարաններում հետեւելով մանկավարժական եւ փիլիսոփայական գիտութիւնների՝ 1913-ին փայլուն յաջողութեամբ լրացրեց ուսման ընթացքը: Ուսանողական տարիներին նա գործօն մասնակցութիւն ունեցաւ Հ. Յ. Դ. Եւրոպայի Ուսանողական Միութեան կեանքին, Վահան Խորէնիի հետ միասին, որի հետ դեռ ձեմարանից մտերիմ էր:

Գիտական հարուստ պաշարով զինուած՝ Միհրանը վերադարձաւ Վան եւ նշանակուեց Կենտրոնական Վարժարանի տեսուչ: Քաղցր եւ դիւրահաղորդ բնաւորութեան տէր, անսպառ եռանդով լի, բարեխիղճ իր պարտականութեանց մէջ՝ նա դարձաւ Վանի հեղինակաւոր դաստիարակներից մէկը՝ սիրուած անխտիր բոլորից:

Եռանդով ու խանդավառութեամբ Միհրանը նետուեց եւ Դաշնակցութեան գործի մէջ, իբրեւ երիտասարդութեան կազմակերպիչ ու դասախօս, աշխատակից «Աշխատանք» թերթի, անդամ Կենտր. Կոմիտէի եւայլն: Եւ զարմանալի չէ, որ երբ 1914-ի ամառը, Կարինում, գումարուեց Հ. Յ. Դ. Ութերորդ Ընդհ. Ժողովը, Վանի Դաշնակցութիւնը Միհրանին ուղարկեց պատգամաւոր իր կողմից: Նա մենակ ներկայացնում էր Վասպուրականի շրջանը այդ Ժողովում:

Ընդհանուր Ժողովում Միհրանը երեւան եկաւ, իբրեւ պատրաստուած եւ հասուն գործիչ: Նա եռանդով ու ձեռնհասօրէն մասնակցեց Ժողովի աշխատանքներին եւ առանձնապէս արժանացաւ Ռոստոմի ուշադրութեան ու գնահատանքին, որ ինքնին արդէն մեծ արժանփք էր: Իր մտքերը առողջ էին եւ բխում էին Երկրի իրականութեան գիտակցութիւնից: Հակառակ իր երիտասարդութեան՝ նա զգոյշ ու չափաւոր էր քաղաքական հարցերում: Հակառակ էր ծայրայեղութիւնների՝ աջից կամ ձախից: Ռոստոմի պէս՝ կողմնակից էր ժամանակ շահելու քաղաքականութեան. խուսափել ջնջումներից եւ ջանալ, որ Ժողովուրդը զարդանայ եւ ամրանայ մտաւորապէս ու տնտեսապէս: Այն կարծիքին էր, որ պետութեան հանդէպ պէտք է մնալ օրինապահ դիր-



քում եւ առիթ չտալ հալածանքների: Համոզուած էր, որ 5-10 տարիների ընթացքում, մանաւանդ, եթէ իրականան բարենորոգումները, հայութիւնը կը վերածնուի մարմնով ու հոգեպէս եւ այլեւս կը դառնայ անխոցելի:

Դէպքերը, սակայն, տարբեր ընթացք ստացան: Վրայ հասաւ համաշխարհային պատերազմի փոթորիկը, եւ բոլոր յոյսերը ի դերեւ ելան:

Պատերազմի յայտարարութիւնից յետոյ, Միհրանը ամէն հնարաւորութիւն ունէր վերադառնալու Վան, ինչպէս հեռացան Տարօնի, Սերաստիոյ, Պոլսի եւ միւս վայրերի ներկայացուցիչները: Նա, սակայն, մնաց Կարինում եւ զօրակոչի առաջին խկ հրակէրին՝ փութաց արձանագրուել բանակի զինուոր: Վանից պնդում էին, որ շտապէ վերադառնալ, բայց նա չէր համաձայնուում: Կարինը դատարկուում էր կուսակցական ղեկավար ուժերից. կառավարութիւնը աշխատում էր զանազան պատրուակներով հեռացնել աչքի ընկնող գործիչներին՝ գլխատելու համար Դաշնակցութիւնը: Այդպիսի պայմաններում Միհրանը դասալքութիւն էր համարում Կարինը թողնելը: Եւ մնաց Կարինում, իրրեւ բուժակ զինուորական հիւանդանոցում: Գերմաներէն լեզուի հրմտութեան շնորհիւ նա կատարում էր եւ թարգմանի դեր գերման զինուորականների հետ:

Առաջին շրջանում՝ Միհրանը համեմատաբար ապահով էր եւ ժամանակ ու հնարաւորութիւն ունէր նաեւ կուսակցական գործերով զբաղուելու: Մանաւանդ, Փիլոսի ձերբակալութիւնից յետոյ՝ նա դարձաւ կենտրոնական դէմք Կարինի Դաշնակցական կազմակերպութեան մէջ: Նրա միջոցով էին կատարուում արտաքին յարաբերութիւնները Պոլսի, Վանի, Տարօնի եւ միւս շրջանների միջեւ: Նա օրը օրին տեղեկութիւններ էր հաղորդում կուսակցական ղեկավար մարմիններին Կարինում եւ ուրիշ դաւառներում տեղի ունեցող դէպքերի մասին: Այդ օրերին Միհրանին տեսնողները՝ հիացումով են խօսում նրա անձնուէր եւ անվախ գործունէութեան մասին:

Վանի ընկերները ջանք չխնայեցին վերադարձնելու Միհրանին Վան, բայց նա անյողգող դէմնաց իր որոշման վրայ, թէեւ դէպքերի ընթացքից չէր կարող չտեսնել, թէ ինչ է լինելու վախճանը: Երբ ծայր տուեց հայերի տեղահանութեան ու բնաջնջումի եղեռնը, Միհրանը եղաւ առաջին զոհերից մէկը: Ե՞րբ, ո՞ւր, ի՞նչ պայմաններում ոճրագործ ճիւղները վերջ տուին նրա կեանքին, աղօտ լուրեր միայն հասան նրա ընկերներին: Ստոյգը այն է, որ նա էլ նահատակուեց բազմահազար ուրիշ անմեղների հետ՝ հաւատարիմ Դաշնակցութեան դաւանած «մահ իմացեալ անմահութիւն է» բարձր սկզբունքին:





Ձախ՝ ՎԱՀԱՆ ԽՈՐԷՆԻ — աջ՝ ՄԻՀՐԱՆ ԹԵՐԼԷՄԵՋԵԱՆ

## ՎԱՀԱՆ ԽՈՐԷՆԻ

1920 թ. Օգոստ. 2-ին, Չանդեղուրի կենտրոն Գորիսում, բանտի մէջ, բողեւիկները խուժադուժ մահով վերջ տուին 14 Դաշնակցական ընկերների կեանքին:

Սպանուածների մէջ էին եւ Հայաստանի Խորհրդարանի երկու անդամներ՝ Արշակ Շիրինեան եւ Վահան Խորէնի, երկուսն էլ Չանդեղուրցի, որոնք Երեւանից մեկնել էին այն հաւատով, որ պիտի կարողանան ազդել Չանդեղուրին նոր տիրացած հայ բողեւիկներին վրայ եւ փրկել գաւառը աւերից ու քայքայումից: Այդպէս էին մտածում, որովհետեւ Չանդեղուրը գրաւող հայ բողեւիկ ղեկավարներից շատերը ծանօթ էին նրանց, ոմանք նոյնիսկ մտերիմ ընկերներ եղած: Այդ հաւատն ունէին նաեւ այն պատճառով, որ իրենք էլ պատկանում էին Հ. Յ. Դաշնակցութեան ձախ թեւին եւ, ուրեմն, ենթադրում էին, թէ կարող են լեզու գտնել բողեւիկներին հետ: Վերջիններս, սակայն, Պապից աւելի պապական, զնդակով եւ կացինով պատասխանեցին նրանց այդ լաւատեսութեան:

Հայ հասարակութեան վրայ առանձնապէս ցնցող տպաւորութիւն գործեց Վահան Խորէնիի սպանութիւնը: Եւ իրաւամբ. Խորէնին ժողովրդական լայն համակրանք վայելող եւ փայլուն ապագայ խոստացող երիտասարդ Դաշնակցական գործիչներից էր:

Վահան Խորէնին, բուն անունով, Վահան Տէր-Գէորգեան:



ծնուած էր 1885 թ., Չանգեղուրի Բոնակոթ գիւղում: Գիւղի Տէր Խորէն քահանայի որդին էր. այդ տեղից՝ եւ նրա Խորէնի ազգաանունը:

Բոնակոթը Չանգեղուրի շէն եւ անուանի գիւղերից էր՝ հըռազակուած դեռ Իսրայէլ Օրիի օրերից, իրրեւ Ղարաբաղի մելիքների դործունէութեան կենտրոններից մէկը: Նոր ժամանակներում այնտեղից էին դուրս եկել Ներսէս Արք. Մելիք-Քանգեանի եւ փրոֆ. Ն. Ադոնցի պէս հռչակաւոր դէմքեր:

Վահանը իր մանկութիւնը անցկացրեց հայրենի գիւղում, որտեղի ծխական դպրոցն աւարտելուց յետոյ, ընդունուեց Էջմիածնի Գէորգեան Ճեմարանը, որի լսարանական բաժինը աւարտեց 1907-ին:

Ճեմարանում Վահանը համեստ եւ ուշիմ աշակերտներից էր՝ ամբողջապէս կլանուած դպրոցական պարապմունքներով: Յաջող էր իր դասերի մէջ: Կարդում էր անյադ: Աշակերտական խաղերին եւ շարժումներին ընդհանրապէս չէր մասնակցում: Իր քաղցր, թէեւ ինքնամփոփ բնաւորութեամբ, սիրուած էր ամէնքից, բայց հանրային բնոյթ կրող դործերից, առհասարակ, հեռու էր մնում: Որեւէ կուսակցութեան չէր պատկանում: Երբեմն յօդուածներ էր գրում «Մշակ»ում Վ. Սիրտ ծածկանունով: Ուշագրութիւն գրաւեց, յատկապէս, նրա մէկ յօդուածը Սուքիասեպ. Պարզեանի դէմ կատարուած ժողովրդական ցոյցի առթիւ, եկեղեցական կայուածների դէպքերի առթիւ, որով Վահանը խիստ խօսքերով դատափետում էր ժողովրդի անարդական վերաբերումը ծերունի եկեղեցականի հանդէպ:

Ճեմարանը աւարտելուց յետոյ՝ Վահանը անցաւ Գերմանիա՝ ուսանելու Լայպցիկի համալսարանի պատմա-փիլիսոփայական բաժնում: Արդէն Ճեմարանից նրան հետաքրքրում էին փիլիսոփայական հարցերը: Ուսանողութեան տարիներին նա ձեռք բերեց պատմադիտական եւ փիլիսոփայական հիմնական կրթութիւն՝ որոշ ժամանակ հետեւելով նաեւ ընկերային գիտութիւններին: Աւարտեց փայլուն յաջողութեամբ՝ աւարտական շարագրութիւն ներկայացնելով Նիցչէի մասին:

Նիցչէն Վահանի նախասիրած փիլիսոփաներից էր: Նիցչէական որոշ տարր կար եւ նրա բնաւորութեան մէջ: Դեռ Ճեմարանում նրա սիրած խօսքերն էին՝ «Այսպէս խօսեց Չարատուտրան» կամ՝ «Լսի՛ր, ո՛վ արածող նախիր»: Խորապէս անհատապաշտ՝ նա, անգամ չափազանցելով, վճռական նշանակութիւն էր տալիս «գաղափարապաշտ մտաւորականութեան», որ բարձր է կանգնած ժողովրդական զանգուածներից եւ կոչուած է առաջնորդելու «արածող նախիրին»:



Ուսանողութեան տարիներին Վահանը մօտեցաւ եւ յեղափոխական շրջաններին, մտաւ Հ. Յ. Դաշնակցութեան Ուսանողական Միութեան շարքերը, թէեւ այստեղ էլ առանձնապէս աչքի ընկնող գործունէութիւն չունեցաւ: Նրան հետաքրքրողը գլխաւորապէս գիտութիւնն էր: Նա աշխատում էր որքան կարելի է շատ մտաւոր պաշար ձեռք բերել եւ վերադառնալով Կովկաս՝ նուիրուել կրթական գործին: Գրում էր նաեւ, մեծ մասամբ, սլաւոմափիլիսոփայական յօդուածներ կովկասեան հայ մամուլում:

Ուսանողական շրջանին առանձնապէս մտերիմ էր իր ճեմարանական դասընկեր Միհրան Թէրլէմէզեանի հետ, որ նոյնպէս ուսանող էր Գերմանիայում եւ որոշ չափով նաեւ վերջինիս ազդեցութեան տակ մտաւ Դաշնակցութեան շարքերը: Միհրանը արդէն ճեմարանից Դաշնակցական էր Վանեցի աշակերտների խումբակում եւ հետագային դարձաւ Վանի առաջնակարգ մտաւորականներից մէկը, որպէս մանկավարժ եւ Դաշնակցական գործիչ:

Համալսարանական դասընթացքը լրացնելուց յետոյ, Վահանը ուսուցչական պաշտօն ստացաւ Թիֆլիսում եւ իր մտաւոր ճոխ պաշարով ու մանկավարժական ընդունակութիւններով շուտով աչքի դարձող տեղ դրաւեց հայ ուսուցչութեան շարքերում՝ միեւնոյն ժամանակ՝ շարունակելով գրական աշխատանքները իր մասնագիտութեան սահմաններում: Թւում էր, թէ այդ էր նրա կեանքի ասպարէզը:

Բայց հայ մտաւորականներից քանի՞ հոգի կարողացել է մընալ եւ կատարելագործուել իր բնական կոչման սահմաններում: Հայ իրականութեան նդովեալ պայմանները անողոք եղան ինչպէս դէպի բովանդակ հայ ժողովուրդը, այնպէս եւ դէպի մտաւորականութիւնը: Վահանն էլ չխուսափեց այդ ճակատագրից, թէեւ յամառ կերպով պայքարեց նրա դէմ:

1914-ին, առաջին համաշխարհային պատերազմի սկզբնական շրջանին, Կովկասի հայութիւնը արտասովոր եռուզեռի մէջ էր: Կազմում էին կամաւորական գնդերը: Թիֆլիս էին հաւաքուած ահանաւոր խմբապետները՝ Անդրանիկ, Քեռի, Դրօ, Համազասպ: Դաշնակցական մտաւորականութիւնը՝ համախմբուած Ազգային Բիւրոյի եւ Հայ Կամաւորական Գնդերի Կարգադրիչ Մարմնի շուրջը, մոռացել էր ամէն գործ եւ ողջ էութեամբ կլանուել պատերազմով եւ կամաւորական շարժումով: Ն. Աղբալեան, Խ. Կարճիկեան, Ա. Շահխաթունեան, Ա. Զամալեան, առանց խօսելու երէցների մասին, իրենց ամբողջ ժամանակը տրամադրել էին կամաւորական գործին:

Կամաւորական հարցի շուրջ որոշ խմորումներ կային Թիֆլիսի մեզ երիտասարդութեան մէջ: Մի մասը, ինչպէս Կորիւն



Ղազազեան, Տիգրան Աւետիսեան, Սահակ Թորոսեան եւ ուրիշներ, հակառակ էին կամաւորական շարժման: Հ. Յ. Դ. Ռայոնական Ժողովում նրանք բռնոյն սլայքար մղեցին այդ շարժման դէմ, բայց մնացին համեստ փոքրամասնութեան մէջ:

Վահան Խորէնիի կուսակցական շրջանակը գլխաւորապէս երիտասարդութիւնն էր: Նրան առաջ էին քաշում երիտասարդ ընկերները, բայց նա ամէն կերպ խուսափում էր կազմակերպական գործօն աշխատանքից: Կամաւորական շարժման հանդէպ էլ պաղջ վերաբերում ունէր. բացայայտ կերպով հակառակ չէր, բայց եւ չէր խանդավառուած: Իր ուժերը աւելի յատկացնում էր մտաւորական գործերի — դասախօսութիւններ երիտասարդութեան ու բանուորների մէջ եւ գրական աշխատանք ու դպրոց: Կուսակցական չեշտուած դէմք չէր դեռ:

Բայց ահա վրայ հասաւ Ռուսաստանի յեղափոխութիւնը: Խորտակուեց ցարական բռնապետութիւնը: Ազատութեան հմայիչ ալիքները տարածուեցին ամբողջ երկրում: Աննկարագրելի ոգեւորութիւն համակեց եւ Թիֆլիսի բոլոր խաւերին: Կապուած լեզուները արձակուեցին: Ստորերկրեայ յեղափոխական կազմակերպութիւնները հրապարակ եկան: Դաշնակցութիւնը նորից տիրական ոյժ էր Անդրկովկասի մայրաքաղաքի հայութեան մէջ: «Հորիզոն» օրաթերթը դարձաւ կուսակցութեան պաշտօնական բերան՝ համախմբելով իր շուրջը յառաջագիւտ մտաւորականութիւնը:

Խորէնին, առաջին օրերին, շուարած ու մտամոլոր վիճակ ունէր: Դէպքերը նրան ստիպում էին նետուել գործօն կեանքի ասպարէզ, իսկ իր ներքին ձայնը հրամայում էր դուրս չդալ մասնագիտութեան սահմաններից: Նա տարիներով պատրաստուել էր գիտութեան եւ մշակոյթին ծառայելու համար. դժուար էր այժմ հրաժարուել սիրած ու փայփայած գործից: Եւ մեծ դժուարութեամբ կարելի եղաւ համոզել նրան, որ ստանձնէ Հ. Յ. Դ. կեդր. Կոմիտէի նախաձեռնած «Աշխատաւոր» թերթի խմբագրութիւնը: Բայց մէկ անգամ որ յանձն առաւ, իր խառնուածքին յատուկ անկեղծութեամբ եւ անձնուիրութեամբ փարեց գործին: Դպրոց եւ կրթութիւն այլեւս երկրորդական տեղ բռնեցին նրա կեանքում. նա ամբողջ էութեամբ նուիրուեց թերթին եւ կուսակցական աշխատանքին:

«Աշխատաւոր»ը դարձաւ Դաշնակցութեան ձախ թելի բերանը: Ըստ էութեան՝ ձախութեան եւ աջութեան խնդիր չկար: Աւելի շատ կար միայն խառնուածքի, արտայայտուելու ձեւի տարբերութիւն: «Աշխատաւոր»ը, օրինակ, իրեն համարում էր աւելի «միջազգայնական», զտարիւն ընկերվարական. յախուռն



քննադատութեան էր ենթարկում երբեմն եւ կուսակցական կեանքի երեւոյթները, բայց հիմնական հարցերում «Աշխատաւոր»ն էլ, «Հորիզոն»ն էլ միեւնոյն դժի վրայ էին կանգնած: Թիֆլիսի միջազգային մթնոլորտը, ազգային եւ ընկերային սուր փոխաբարերութիւնները, բնականաբար, երիտասարդութեան մտքերի վրայ տարբեր տպաւորութիւն էին գործում, քան աւելի հասուն, կեանքի փորձով հմտացած մարդկանց:

1919-ի ամառը տեղի ունեցան Հայաստանի Խորհրդարանի ընտրութիւնները: Դաշնակցութեան ցանկի վրայ էր եւ Վահան Խորէնի անունը: Ընտրուելուց յետոյ՝ նա փոխադրուեց Երեւան եւ գործօն մասնակցութիւն ունեցաւ օրէնսդրական աշխատանքներում: Միեւնոյն ժամանակ ստանձնեց Հ. Յ. Դ. Երեւանի կենտր. Կոմիտէի պաշտօնաթերթ «Հայաստանի Աշխատաւոր» երկօրեակի խմբագրութիւնը:

Թիֆլիսից եկած էր «ձախութեան» ու «միջազգայնական» հովերով եւ այդ մակդիրները մնացին վրան թէ՛ Խորհրդարանում եւ թէ՛ իր խմբագրած թերթում, բայց իրապէս՝ անունով միայն: Հայաստանի մթնոլորտը, մանաւանդ, երկրի առարկայական պայմանները չէին կարող չազդել նրա տպաւորուող մտքի եւ հոգու վրայ: Եւ նա արագ կերպով կերպարանափոխուեց, եւ Թիֆլիսեան «ձախութիւնից» նրա մէջ մնաց միայն արտաքին կեղեւը՝ անունը եւ խօսքը: Նա դեռ շարունակում էր «ձախ» ճառեր արտասանել Խորհրդարանում, «ձախ» յօդուածներ գրել թերթում, բայց գործնական կեանքում, շատ անդամներ, աջից աւելի աջ էր: Այսպէս, օրինակ, նա մոլեռանդ ջատագովն էր անմիջական եւ արագ ազգայնացման պետական կեանքի բոլոր ասպարէզներում, ուրիշ խօսքով՝ օտար պաշտօնէութեան վտարման: Հայաստանի այն ժամանակուայ պայմաններում այդ նշանակում էր քառս մտցնել մի շարք հաստատութիւնների մէջ, քանի դեռ հմուտ հայ պաշտօնեաներ պատրաստուած չէին: Նա պահանջում էր կտրուկ միջոցներ ձեռք առնել Հայաստանի օտարացեղ բնակչութեան դէմ, որպէս հակապետական տարրի: Բոլշեւիկների յարուցած մայիսեան ապստամբութեան օրերին նա անխնայ խարազանեց «մոնղոլական սոցիալիստներին»: Մի խօսքով՝ Հայաստանի հողն ու օդը Խորէնուն էլ վերամկրտեց, դարձրեց հայրենի իրականութեան հարադատ դաւակ:

Միակ «ձախութիւնը», կարելի է ասել, որ Խորէնին երեւան բերեց Հայաստանում, այդ պետութեան եւ եկեղեցու բաժանման օրէնքն էր, որ նրա նախաձեռնութեամբ եւ պաշտպանութեամբ ընդունուեց Խորհրդարանի կողմից, թէեւ քիչ չէին մարդիկ կա-



ուսման և կուսակցութեան մէջ, որոնք գտնուում էին ան-  
ժամանակ այդ քայլը:

Մայիսեան ապստամբութեան շրջանին էր, որ Խորէնին Ար-  
շակ Շիրինեանի հետ, որպէս Խորհրդարանի անդամներ, կառա-  
վարութեան յանձնարարութեամբ, մեկնեցին Չանգեղուր, ինչ-  
պէս յիշեցինք վերեւ, Չանգեղուրի ժողովրդին քաղաքացիական  
կռիւնների աղէտից փրկելու յուսով: Այդ առաքելութեան բուն  
հեղինակը Երեւանում գտնուող Չանգեղուրցիներն էին, որոնք ա-  
ւելի ծանօթ էին իրենց դաւառի բոլշեւիկներին եւ վախ ունէին,  
որ արիւնահեղ եւ կործանարար դէպքեր կարող էին տեղի ունե-  
նալ: Երկուսն էլ՝ Խորէնին եւ Շիրինեանը, Չանգեղուրում յարգը-  
ւած անձնաւորութիւններ էին. նրանց ներկայութիւնը կարող էր  
աղէտի առաջն առնել:

Շիրինեանը Շնհէր գիւղից էր: Շնհերցիները մի մասը այդ  
օրերին թեքուած էր բոլշեւիկների կողմը: Խորէնին եւ Շիրինեա-  
նը, Վայոց Ձորի վրայով մտնելով Չանգեղուր՝ անցնում են Շըն-  
հէր, որտեղից նրանց գալու մասին իսկոյն լուր է տրուում Յեղկո-  
մին Գորիս: Յեղկոմի կողմից վրայ է հասնում չէկիստ Մաշուր-  
եանը զինուած խմբով եւ ձերբակալելով Խորէնուն ու Շիրինեա-  
նին՝ տանում-նետում է Գորիսի բանտը, ուր արգէն արգելափակ-  
ուած էին տեղական Դաշնակցականներից 12 հոգի, որոնց մէջ եւ  
Սիրիւրի աքսորից վերադարձած յեղափոխական Սաքո-Նապոնը:

Օգոստ. 2-ի գիշերը, մարդակերպ բորենիները ներս են խու-  
ժում բանտը եւ ատրճանակներով ցրիւ են տալիս բանտարկեալ-  
ների ուղեղը...

Ուրիշ պայմաններում Վահան Խորէնին կը դառնար իր ժո-  
ղովրդի յառաջադիմութեան ու բարօրութեան ծառայող, նրա  
մշակոյթը զարգացնող, նրա կեանքը բարձրացնող, նրա հպար-  
տութիւնը հանդիսացող մի դէմք. մեր անագորոյն իրականու-  
թեան մէջ նա դարձաւ զոհ ու նահատակ եւ հնձուած ծաղիկի պէս՝  
թոշնեց հաղիւ բացուած: Ոչ ոքին չարիք չկամեցող, ո՛չ մէկին  
չարիք չդործող, բիւրեղի պէս մաքուր եւ ազնիւ՝ նա ամենադառն  
ճակատագրի արժանացաւ. սպանուեց դաւադրօրէն իր հայրենա-  
կիցների ձեռքով, որոնց բարիք էր ցանկանում իր ամբողջ էու-  
թեամբ...



## ՎԱՀԱԳՆ ՏԱԹԵԻԵԱՆ

Հ. Յ. Դաշնակցութեան նուիրուած, հաւատաւոր եւ անձնազոհ գործիչներէից էր Վահագնը: Բարձրահասակ, թիկնեղ, լայն ճակատով, թաւ յօնքերի տակ խորունկ ու թափանցող աչքերով, մարդամօտ ու կենսուրախ բնաւորութեամբ տղամարդ էր: Պարզ եւ գործնական միտք ունէր, ուժեղ կամք եւ հայ ժողովրդին ծառայելու անսահման վճռականութիւն: Բարձր կրթութեան տէր չէր. իր մտաւոր զարգացումը ստացել էր կեանքի պայքարում եւ Դաշնակցութեան դպրոցում: Գերազանցապէս գործի մարդ էր:

Սերաստիա քաղաքից էր, ծնուած 1875-ին: Մինչեւ 16 տարեկան հասակը անցրել էր ծննդավայրում՝ նախնական կրթութիւնը ստանալով քաղաքի Մայր Վարժարանում: 90-ական թուականներէ սկզբին փոխադրուել էր Պոլիս եւ շուտով ընկել Բարկէն Սիւնիի շրջանակը: Բարկէն Սիւնիի ազդեցութեան տակ անդամագրուել էր Հ. Յ. Դաշնակցութեան, մասնակցել էր Բանկ Օթոմանի ձեռնարկի նախապատրաստական աշխատանքին, իբրեւ զէնք ու ռումբ փոխադրող ու պահող, բայց Բանկի գրաւման գործում բաժին չէր ունեցել, հակառակ իր կամքին: Բանկի զէպքից յետոյ, շատերի հետ նրան էլ սպառնում էր ձերբակալուելու վտանգը, եւ ընկերների ստիպումի վրայ յաջողել էր անցնել Բուլգարիա եւ այնտեղից Ամերիկա:

Ամերիկայում Վահագնը մնաց մօտ տասը տարի, դիւաւորապէս Նիւ Ինգլընտի շրջանում: Չարքաչ աշխատանքով ապրում էր ինքը եւ պահում հարազատներին Սերաստիայում: Միեւնոյն ժամանակ՝ գործօն անդամ էր Դաշնակցութեան եւ հետզհետէ աչքի ընկաւ, իբրեւ եռանդուն աշխատող եւ ժողովրդական քարոզիչ: Եղաւ Կենտր. Կոմիտէի անդամ եւ մի քանի տարի գործիչ՝ շրջելով քաղաքից քաղաք կազմակերպելու համար ամերիկահայ աշխատաւորութիւնը Դաշնակցութեան դրօշակի տակ: Իր միտքը, սակայն, միշտ հայրենիքում էր, յեղափոխական կենդանի գործի վայրերում: Եւ առիթը շուտով ներկայացաւ մեկնելու յեղափոխական գործի վայր:

1907-ին, Հ. Յ. Դ. Ամերիկայի Պատգամաւորական ժողովը Վահագնին, Թովմաս Ճէլալեանի հետ, ընտրեց պատգամաւոր Չորրորդ դնդհ. ժողովին, Վիեննայում, ուր պիտի լուծուէին մի շարք հրատապ հարցեր, ինչպէս Կովկասեան գործունէութեան նախադիժը, ընկերվարութիւն եւ այլն: Վահագնը իր գործնական մտքով, անկեղծ վերաբերմունքով զէպի դրուած հարցերը եւ քաղցր բնաւորութեամբ Ընդհ. ժողովի բոլոր պատգամաւորների համակրանքին արժանացաւ: Մասնաւորապէս նրան սիրե-





ՎԱՀԱԳՆ ՏԱԹԵԻԵԱՆ

ցին մարտական ուժերը՝ Անդրանիկ, Մուրատ, Սեպուհ: Ռոստոմի եւ Վռամեանի առաջարկով Վահագն էլ մտցուեց Պատասխանատու Մարմնի մէջ, որ Բալիկաններից պիտի վարէր Սուլթանի վարչաձևի տապալման դործը: Եւ մինչեւ Օսմանեան Սահմանադրութեան հռչակումը Վահագնը դործեց այդ մարմնի մէջ՝ ըզրադուելով առաւելապէս զէնքի եւ մարտական դործերով:



Սահմանադրութիւնից յետոյ անմիջապէս Պատասխանատու Մարմնի անդամները փութացին Պոլիս : Վահագնը Պոլսում էլ շարունակեց նոյն աշխատանքը՝ լայն համակրանք եւ ազդեցութիւն ձեռք բերելով ոչ միայն հայկական, այլեւ թուրք պետական շրջանակներում : Առանձնապէս 1909 թ. Մարտի յետաշրջման օրերին Վահագնը անսպառ եռանդ եւ ձեռնհասութիւն ցոյց տուեց՝ պաշտպանելու համար Սահմանադրութիւնը : Այլեւս հասուն քաղաքական գործիչ էր. նրան հաշուի էին տոնում եւ թուրք դեկավարները, որոնց մէջ լայն ծանօթութիւններ ունէր :

1909-ին, Վահագնը Ամերիկայի Կեդր. Կոմիտէի կողմից մասնակցեց Հ. Յ. Գ. Հինգերորդ Ընդհ. Ժողովին, Վառնայում : Ապա, Ատանայի կոտորածներից յետոյ, ստանձնեց Ատանայի պետական որբանոցի տնօրէնի պաշտօնը : Մօտ 600 հայ որբեր պատսպարուած էին այդ հաստատութեան մէջ, եւ Վահագնը դարձաւ ճշմարիտ հայր ու հողատար կեանքից հարուածուած այդ թշուառ բեկորների համար : Նա ոչ միայն որբանոցի տնօրէն էր, այլեւ Դաշնակցութեան ականաւոր գործիչ այդ շրջանում, ընդհանուր համակրանք վայելող դէմք հայ եւ թուրք հասարակութեան մէջ :

1915-ին, երբ սկսուեցին թրքական վայրագութիւնները հայերի դէմ, Պոլսից հրաման եկաւ Տաթեւեանին էլ ձերբակալելու : Վահագնը կարող էր իր անձը փրկել. գտնուեցին նոյնիսկ թուրք բարեկամներ, որոնք պատրաստ էին օգնելու նրան, որ հեռանայ ապահով մի վայր, բայց նա վատութիւն համարեց լքել որբերին իր անձը ազատելու համար եւ մնաց պաշտօնի դիմին : «Ես իմ կեանքը ազդիս նուիրած եմ. հիմա մէկ հողիւս համար չեմ կարող լքել որբերն ու հայութիւնը», եղաւ նրա պատասխանը՝ պահուել յորդորող բարեկամներին :

Շատ չանցած Վահագնը ձերբակալուեց ու նետուեց բանտ : Բանտում էլ նա մնաց աննկուն : Անդամ պատերազմական ատեանի արձակած մահազրկուող նրան չընկճեց : Եւ 1916 թ. Նոյեմբ. 27-ին, Կիլիկիայի Հայոց Կաթողիկոսարանի շէնքի առաջ, հրապարակի վրայ, Վահագնը կախաղան հանուեց : Ասում են, թէ նախորդ օրը Ատանա էր եկել Սիւրբիայի կուսակալ Ճէմալ փաշան, որ Վահագնի «մտերիմ» բարեկամներից էր : Վահագնը նամակով դիմել էր նրա միջամտութեան : Ճէմալ փաշան հանդստացրել էր նրան ու հեռացել Ատանայից : Յաջորդ առաւօտ Վահագնը կախուել էր...



## ԱԼԵՔՍԱՆԴՐ ԽԱՏԻՍԵԱՆ


Ալեքսանդր Խատիսեանը միայն ռուսական յեղափոխութիւնից յետոյ, 1917-ին, մտաւ Դաշնակցութեան շարքերը, բայց դրանից առաջ էլ զազափարներով ու համակրանքներով Դաշնակցութեան հետ էր: Դեռ 1905-ին նա ուզում էր անդամագրուել Դաշնակցութեան, բայց Ռոստոմի, Համօ Սհանջանեանի եւ ուրիշ ընկերների խորհրդով մնաց դուրսը. որպէս անկուսակցական, համազգային դէմք կարող էր աւելի ծառայութիւն մատուցանել հայ ժողովրդին եւ Դաշնակցութեան: Եւ իր կեանքով ու գործով նա արդարացրեց այդ կարծիքը:

Ալեքսանդրը Թիֆլիսի Խատիսեան համբաւաւոր ընտանիքի զաւակ էր: Նրա հայրը պետական բարձր պաշտօնեայ էր՝ յարգուած հեղինակաւոր հայ եւ օտար շրջաններում: Մայրը կրթուած, հասարակական ջիղի տէր հայուհի էր: Սիրում էր հայ մշակոյթը եւ Մարիսեան ծածկանունով վէպեր ունի հրատարակած: Մեծ եղբայրը՝ Կոստանտինը Դաշնակցութեան հիմնադիրներից էր: Այսպիսի ընտանիքում ծնուեց Ալեքսանդրը 1874 թ. Փետր. 17-ին: Իր մանկութիւնն ու պատանեկութիւնը անցաւ կիրթ, հայասիրական միջավայրում: Աւարտելով Թիֆլիսի պետական Գիմնազիան՝ նա բժշկական կրթութիւն ստացաւ Մոսկուայի (3 տարի) եւ Խարկովի (2 տարի) համալսարաններում. ապա մասնադիտութիւնը զարգացրեց Գերմանիայում եւ վերադառնալով Թիֆլիս՝ նուիրուեց բժշկութեան:

Բժշկական ասպարէզը, սակայն, նեղ էր Խատիսեանի կարողութեան ու խառնուածքի տէր մի անհատի համար. նա բնածին հասարակական գործիչ էր՝ բարձր թռիչքներով եւ բազմութիւնները վարելու ձգտումներով: Պերճախօս հռետոր, բազմազան հետաքրքրութիւններ ու ծրագիրներ հետապնդող, արտասովոր կերպով աշխատունակ, ցոյց ու ժողովրդականութիւն սիրող, ազատախոհ եւ լաւ իմաստով պատեհապաշտ, կենդանի գործը վերացական տեսութիւններից զերադասող, հասարակական բոլոր խաւերի լեզուն հասկացող, հանրութեան ծառայելու պատրաստակամ, դիւրահաղորդ եւ ամենքին մատչելի, ազնիւ նկարագրի տէր՝ Խատիսեանը ստեղծուած էր հասարակական-քաղաքական գործունէութեան համար: Եւ զարմանալի չէ, որ նա շուտով լքեց այնպէս փայլուն կերպով սկսուած բժշկական ասպարէզը եւ ամբողջապէս նուիրուեց հասարակական գործունէութեան:

1902-ին Խատիսեանը ընտրուեց Թիֆլիսի քաղաքային խորհրդի անդամ: 1906-ին նա արդէն Թիֆլիսի քաղաքադլիսի օգնական էր: 1909-ից մինչեւ 1917՝ Թիֆլիսի քաղաքապետ: 1914-17-





### ԱԼԵԿՍԱՆԴՐ ԽԱՏԻՍԵԱՆ

ին՝ Կովկասեան 44 քաղաքների միութեան նախագահ: Աղղեցիկ եւ յարգուած դէմք նաեւ պետական շրջանակներում, մանաւանդ, փոխարքայ Վորոնցով-Դաշկովի օրով: Քաղաքային գործերին պուզընթաց՝ նա կենդանի կերպով մասնակցում էր եւ համակովկասեան կեանքի զանազան ասպարէզներում: Սիրուած ժողովրդական դասախօս էր: Յօդուածներ էր գրում թերթերում: Հրատարակեց զանազան դրքոյկներ հանրային փողջապահութեան, տեղական ինքնավարութեան, տնտեսական ու մշակութային հարցերի մասին: Թարգմանութիւններ էր անում հայ գրականութիւնից:

Ինչքան համակովկասեան ու համառուսական, նոյնքան եւ հայ կեանքում Պատիսեանը լայն ու գործօն դեր էր կատարում: Հայ-թաթարական կռիւների շրջանում, օրինակ, ամէն միջոցով օգնեց Դաշնակցութեան՝ ինքնապաշտպանութիւնը յաջողութեամբ տանելու եւ վճռական դեր կատարեց կռիւներին վերջ տալու գործում: Երբ ցարական կառավարութիւնը հալածանք սկսեց Դաշնակցութեան դէմ, Պատիսեանը ոգի ի բռին աշխատեց թեթեւացնելու ձերբակալուածների վիճակը: Առհասարակ, անիրաւուածների պաշտպան էր նա կառավարութեան մօտ: Իր խորհուրդներով եւ միջամտութիւններով օգնում էր էջմիածնին՝ կառավարութեան հետ ունեցած դժուարութիւնների ժամանակ: Անդամ էր եւ փոխ-նախագահ Աղղային Բիւրոյի եւ կամաւորական գունդերի կազմութեան նախաձեռնողներից մէկը: Իբրեւ քաղաքների միութեան նախագահ՝ անգնահատելի եղաւ նրա դերը պատերազմից աղէտուած հայ գաղթականների խնամատարութեան գործում:



Յարական վարչաձևի խորտակումից յետոյ, Սատիսեանի հասարակական կեանքը տարբեր ընթացք ստացաւ: Թիֆլիսը անցաւ վրացիների ձեռքը: Անդրկովկասը փաստօրէն անջատուեց Ռուսաստանից: Եւ Սատիսեանը ամբողջ էութեամբ նետուեց հայ ազգային դործունէութեան մէջ: Այլեւս իրագործելի էր նրա վաղեմի փափաքը՝ մտնել Դաշնակցութեան շարքերը: 1917-18-ին նա Ալեքսանդրապոլի քաղաքագլուխ է: 1917 թ. աշնանը մասնակցում է Ազգային Համագումարին: Անդրկովկասի անջատումից յետոյ՝ Սէյմի անդամ է եւ ելեւմտական նախարար Դաշնակցութեան կողմից: 1918 թ. Փետրուարին՝ Տրապիզոնի եւ Մայիսին Բաթումի հաշտարար պատուիրակութիւնների անդամ: Հայաստանի անկախութիւնից յետոյ՝ Քաջազնունիի հետ ստորագրեց հաշտութեան դաշնագիրը թուրքերի հետ: Ապա՝ Ահարոնեանի հետ Հայաստանի Հանրապետութեան կողմից մեկնեց Պոլիս՝ նոր դաշինք կնքելու համար:

Ընդհանուր զինադադարից յետոյ, Սատիսեանը վերադարձաւ Հայաստան եւ ստանձնեց արտաքին գործոց նախարարութեան պաշտօնը: 1919 Փետր.-1920 Մայիս՝ վարեց Հայաստանի վարչապետութիւնը: 1920 թ. ամառը կառավարութեան կողմից ուղարկուեց արտասահման փոխառութեան ու Ռսկու Ծոնտի կազմակերպութեան համար: Այցելեց Պոլիս, Եգիպտոս, Ֆրանսա, Անգլիա, Բելգիա, Յունաստան, Ռումանիա, Բուլղարիա, Իւզոսլաւիա՝ ամէն տեղ հայութեան մէջ աննման խանդավառութիւն առաջ բերելով: Եւ վերադառնալով Երեւան՝ պատերազմի օրերին, նրան վիճակուեց Ալեքսանդրապոլի դաշնագրի ստորագրութիւնը, 1920 թ. Դեկտ. 2-ին:

Հայաստանի խորհրդայնացումից յետոյ, Սատիսեանը անցաւ Փարիզ եւ շարունակեց քաղաքական գործունէութիւնը, որպէս Հ. Հ. Պատուիրակութեան անդամ, ապա փոխ-նախագահ եւ վերջը՝ նախագահ՝ ներկայացնելով եւ պաշտպանելով հայկական շահերը պետութիւնների եւ Ազգերի Դաշնակցութեան առջեւ: Տարագրութեան տարիներին աշխատակցեց հայ մամուլին եւ լրջ ընծայեց «Հայաստանի Հանրապետութեան ծաղումն ու զարգացումը» արժէքաւոր հատորը:

Անհնար է սեղմ յօդուածի մէջ ամփոփել Սատիսեանի բազմաճիւղ ու բեղուն գործունէութիւնը: Նա մինչեւ մահ մնաց իր կոչման բարձրութեան վրայ եւ անշահախնդիր նուիրումով ծառայեց հայ ազգին: Ծանր ու տառապալից ապրումներ ունեցաւ վերջին պատերազմի տարիներին, երբ ստիպուած էր պաշտպանել վտանգի ենթարկուած եւրոպահայութիւնը: Եւ հատուցումը եղաւ դաժան. այն մարդիկ, որոնց կեանքը նա փրկել էր բռնութեան ճիրաններից, տմարդօրէն բանտարկութեան եւ շարչա-



բանքների մատնեցին նրան: Արդարութիւնը շուտով յաղթանակեց, բայց բանտային տառապանքները վերջնականապէս խորտակեցին նրա արդէն իսկ տկարացած առողջութիւնը: Խատիսեանը մեռաւ 1945 թ., Մարտ 10-ին, Փարիզում՝ անջնջելի յիշատակ թողնելով Հայաստանի Հանրապետութեան պատմութեան մէջ:

## ԱՐԱՄ ԵՐԿԱՆԵԱՆ

Արամը ծնուել էր Կարինում, 1900-ին: Նոյն քաղաքում էլ ստացել էր նախնական կրթութիւնը: 1915-ի եղեռնից բախտ էր ունեցել ազատուելու՝ ապաստանելով Կովկաս, ուր հնարաւորութիւն էր ստացել շարունակելու ուսումը:

Բայց արդէն պատանի հասակից Արամի միտքն ու հոգին վառուած էին հայրենիքին ծառայելու տենչով: 1917-ի վերջերը, երբ ռուսական բանակը լքեց ռազմաճակատը եւ երկրի պաշտպանութեան գործը ամբողջապէս ծանրացաւ հայերի վրայ, Արամն էլ, շատերի պէս, շտապեց արձանագրուել կամաւոր եւ կարճատեւ մարզանքից յետոյ՝ մեկնել ճակատ:

1918-ի սկիզբը Արամը արդէն ռազմակայանի պես էր Մամախաթուն-Կարին ճամբու վրայ: Պահպանում էր ռուս զօրքի լքած գոյքերը եւ կապ էր պահում ճնտապարհի միւս կայանների հետ: Պաղարիւն, անվեհեր, վախը արհամարհող՝ Արամը շուտով աչքի ընկաւ իր քաջութեամբ՝ փոթորկայոյզ այդ օրերին:

Սկսուեց մեծ նահանջը: Իրար յետեւից ընկան Երզնկան, Մամախաթունը, Բարերդը: Հերթը հասնում է եւ Կարինին: Արամին յանձնուեց Կարինի թուրքերին հսկելու եւ անվտանգ դարձնելու պարտականութիւնը: Եւ նա փայլուն կերպով կատարեց այդ գործը:

Նահանջից յետոյ Արամը մտաւ Դրոյի զօրամասը, Արարատեան դաշտում: Բաշ Արարանի հերոսական ճակատամարտում, Ջեմլեակի ձիաւոր ջոկատում զնդացիրային դասակի պես էր՝ միշտ առաջին գծի վրայ՝ վտանգն ու մահը արհամարհելով:

Հանրապետութեան տարիներին Արամը անցաւ կուսակցութեան տրամադրութեան տակ յատուկ գործերի համար: Խորհրդայնացումից յետոյ մեկնեց Թիֆլիս, ապա՝ Պոլիս եւ այլ վայրեր, իբրեւ վրէժխնդիր ու պատուհասող բազուկ հայաստան ոճրագործների: Նրա անվրէպ զնդակին կեր եղաւ Կովկասի շարողներից մէկը՝ Խան Խոյսիկին, որ հայերի գլխին այնքա՛ն չա-





ԱՐԱՄ ԵՐԿԱՆԵԱՆ

րիք գործելուց յետոյ՝ Վրաստան էր փախել խորհրդայնացած Ազրբեջանից: Նրա եւ իր ընկերոջ գնդակներէից ընկաւ Բերլինի փողոցում նաեւ ճիւղ Բէհաէդդին Շաքիրը՝ հայկական ջարդերի գլխաւոր կազմակերպիչը 1915-ին:

Պոլսի պարպումից յետոյ, Արամը անցաւ Ռումանիա, ուր մնաց մինչեւ 1927 թուականը, երբ տեղափոխուեց Արժանթին՝ Բուէնոս Այրէս: Այստեղ, 1931-ին ամուսնացաւ, բայց իրեն չվիճակուեց հանգիստ կեանք վայելելու: Ռումանիա թէ Արժանթին՝ Արամը միշտ մնաց Դաշնակցական գործօն ընկերների առաջին շարքերում՝ եռանդուն աշխատանքով եւ զոհաբերութեամբ, սիրուած եւ յարգուած ամէնքից:

Մասնաւորապէս՝ նիւթական ու բարոյական մեծ ջանք թափեց Բուէնոս Այրէսի «Արմենիա» թերթի վրայ: Եւ տարիներ շարունակ վարեց տեղական կազմակերպչական գործերը՝ նուիրումով ու զոհաբերութեամբ:

1931-ին յայտնի դարձաւ, որ Արամը հիւանդ է թոքախտով, իրրեւ հետեւանք անհանդարտ եւ չարքաշ կեանքի: Ընկերների պնդումով նա փոխադրուեց մեղմ կլիմայ ունեցող Կորդոբա քաղաքի նահանգային բուժարաններից մէկը, բայց, դժբախտաբար, այլեւս ուչ էր: Երկու եւ կէս տարի նա մաքառեց դաժան մանրէների դէմ. ընկերները ոչ մի զոհողութեան առջեւ կանգ չառին՝ փրկելու համար նրա կեանքը, սակայն, անողոք հիւանդութիւնը չխնայեց նրան: Արամը մեռաւ 1934 Օգոստ. 2-ին՝ երիտասարդ հասակում:

Դեռ ժամանակը չէ եկած լրիւ կերպով ներկայացնելու Արամ Երկանեանի եւ իր գինակից ընկերների կատարած գործը: Բայց հայ ժողովուրդը զիտէ, որ նրանք եղան հայութեան վրէժը լուծող այն հզօր բազուկը, որոնց հարուածներից ընկան մարդակեր հրէշները:



## ՍՏԵՓԱՆ ԾԱՂԻԿԵԱՆ

Սպերի եւ Լազիստանի միջեւ, Պարխարեան լեռներու մէկ հովտին մէջ, շրջան մը կար տասնեակ մը զուտ հայաբնակ գիւղերով, որ կը կոչուէր ԽՈՒՌՈՐՅՈՒՐ: Անոր լեռներու մէկ գոգին մէջ սեղմուած պատմական բերդի մը փառաւոր աւերակներուն առընթեր, ծուարած էր Մոխրկուտ (Մոխրակոյտ) գիւղը, որ դաւանական նոյնութեամբ կասուած՝ հայ-կաթոլիկ Խոտորջուրի անբաժան մասը կը կազմէր:

Մոլեռանդ հռովմէադաւան բնակչութիւն ունէր այս շրջանը: Ամփոփուած ինքն իր մէջ՝ Խոտորջուրը բոլորովին կտրուած էր սահմանակից այլադաւան հայութենէն եւ կը փափաքէր անջրպետ մը տեսնել իր եւ լուսաւորչական-էջմիածնական հայութեան միջեւ: Խոտորջուրցիք հայ չէին ուզեր կոչուիլ, այլ՝ Ֆրէնկ կամ Խայ Ֆրէնկ՝ ի մեծ գոհունակութիւն թուրք կառավարութեան: Զբաղումով հացագործ էին. գրեթէ իրենց մենաշնորհ էին դարձուցած այդ գործը՝ Հարաւային Ռուսաստանի եւ Կովկասի մէջ:


Ահա այդ շրջանի՝ Մոխրկուտ գիւղի մէջ, 1886-ին, աշխարհ եկաւ Ստեփան Ծաղիկեանը: Անոր մեծ հայրը՝ Ֆուրուհի Միքէլ պատկառազու եւ համբաւաւոր հացագործ էր Տրապիզոնի մէջ: Հացագործ էր եւ Ստեփանի հայրը:

Ստեփանը իր մանկութիւնը անցուց ծննդավայրի գեղեցիկ բնութեան մէջ: Կրթութիւնը ստացաւ Տրապիզոնի Ֆրերներու դպրոցը, բայց դեռ չաւարտած, 14 տարեկան հասակին, ծնողքը ամուսնացուցին զինքը համադիւղացի հասակակից աղջկան մը հետ: Խոտորջուրցիները ընդհանրապէս երիտասարդութիւնը կ'անցնէին պանդխտութեան մէջ եւ դրամ չահելով, յողնած ու պարտասած, կը վերադառնային տուն՝ կերուխումով ապրելու համար կեանքի մնացած մասը: Ստեփանի ծնողներու փափաքն էր՝ ամուսնացնելով իրենց զաւակը գերծ պահել պանդխտութենէ:

Մեղրալուսինը հազիւ բոլորած — եթէ կարելի է մեղրալուսին ըսել 14 տարեկան պատանիի մը համար — Ֆուրուհի Մուքէլը թոռնիկի ձեռքէն բռնած՝ կը տանէ Տրապիզոն՝ Ստեփանէն ապագայ հացագործ մը պատրաստելու մտօք: Բայց չարաչար սխալած էր մեծ հայրիկը. Ստեփանը չէթէլէնքը կտրելու սահմանուած պատանին չէր: Հացի փուռէն աւելի՝ ան հետաքրքրուած էր Տրապիզոնի ազգային կեանքով, որ ամբողջապէս դրաւեց իր միտքն ու հոգին:

Տրապիզոնի հայութիւնը նշանաւոր էր իր ազգային-հայրենասիրական խմորումներով: Իննսնական թուականներէն սկսած





ՍՏԵՓԱՆ ԾԱՂԻԿԵԱՆ (աջ)

այստեղ մուտք գործած էին Հնչակեաններն ու Դաշնակցականները: Չաւարեանի եւ Իւսուֆեանի շունչը կենդանի էր տրապիզոնցի երիտասարդութեան մէջ: Բնորոշ է, որ Տրապիզոնի յեղափոխական շարժման առաջին շարքերու վրայ կը գտնուէին կաթողիկները: Իբրեւ կաթողիկ, Ստեփանն ալ ընկաւ անոնց շրջանակը ու վարակուեցաւ անոնց հայրենասիրական ըմբոստ ոգիով: Եւ երբ, 1908-ին, հռչակուեցաւ Օսմանեան Սահմանադրութիւնը եւ Տրապիզոն հասան Դաշնակցական գործիչներ, Դաշնակցութեան շարքերու մէջ մտնող նորագիր զինուորներու առաջիններէն եղաւ Ստեփանը՝ կուսակցութեան տրամադրելով ոչ միայն իր անձը, այլեւ Ծուրունճի Միքէլի հարստութիւնը:

Առաջին գործը, որուն լծուեցաւ Ստեփանը Դաշնակցութեան մէջ, պայքարն էր «հայ Ֆրէնկ» արատին դէմ՝ կաթողիկ մտայնութիւնը հայկականի վերածելու համար: Եւ կկոցի նման սկսաւ երթեւեկել Տրապիզոնի ու Խոտորջուրի միջեւ՝ քարոզելով ազգային միութիւն ու համերաշխութիւն: Ու շատ շանցած՝ բան մը փոխուեցաւ հայ Ֆրէնկներու աշխարհին մէջ:



Առաջին համաշխարհային պատերազմի սկզբին Ստեփանը կը գտնուէր Ռուսաստան, Խարկով՝ իր մօրեղբայրներուն քով: Բախտորոշ օրեր էին, եւ ան չէր կրնար հանգիստ նստիլ հարուստ ազգականներու տունը: Ուստի փութաց Կովկաս՝ միանալու համար կամաւորական խումբերուն:

Անդրանիկի գունդին մէջ ծանօթացայ Ստեփանի հետ, Տիլմանի ճակատամարտի նախօրեակին: Մեր հռչակաւոր Աւօն ծանօթացուց: Անոնք մտերիմ գործակից եղած էին Տրասլիզոնի մէջ: Ստեփանը խոնարհագոյն կամաւորներէն էր, կը խուսափէր ուշադրութիւն գրաւելէ. համեստ էր ծայր աստիճան: Իր կրակի կնքահայրը Աւօն եղաւ, որուն ձեռքին տակ դարձաւ մեր լաւագոյն մարտիկներէն մէկը: Դեռ ա՛յդ օրերէն կը նշմարուէր ապագայ հերոսը Ստեփանի մէջ:

Յոյսերու եւ յոյզերու այդ վսեմ օրերուն սկսաւ նաեւ մեր մտերմութիւնը, եւ վեց տարի, մինչեւ Հայաստանի Հանրապետութեան անկումը, Ստեփանի հետ միասին գործեցինք, միասին ուրախացանք ու տխրեցանք՝ մեր մեծ խմբապետներու՝ Դաշնակցութեան պանծալի մարտիկներու՝ Մուրատի, Սեպուհի, Աւոյի ու Կայծակի մտերիմ ընկերակցութեան մէջ:

Կամաւորական շարքերուն մէջ Ստեփանը զոհարերութեան եւ յանդգնութեան անհամար օրինակներ ցոյց տուաւ: Աւօն սքանչացումով կը պատմէր յատկապէս Սորբ-Ախլաթի կռիւներուն մէջ անոր կատարած մէկ քաջագործութեան մասին, որով մեծ վրտանդէ մը փրկուած էր ամբողջ զօրամաս մը: Ստեփանը եղաւ եւ այն վրիժառու բազուկը, որ անձամբ կազմակերպեց Խոտորջուրի տեղահանութիւնն ու ջարդը կատարող ոճրագործներու մահապատիժը: Ստեփանի հետեւորդներէն ընտիր խումբ մը, Կարնոյ նահանջէն վերջը, 1918-ին, պաշարուեցաւ Մոխրկուտի բերդին մէջ, ամիսներով դիմադրեց՝ ահագին զոհեր խլելով թըշնամիէն, բայց դուրսէն օգնութիւն չստանալով՝ ամբողջովին ընտնջուեցաւ հայրենի բերդի աւերակներուն մէջ: Հերոսամարտ մը, որ բոլորովին անձանօթ մնացած է:

Հայաստանի Հանրապետութեան շրջանին Ստեփանը անբաժան գինակիցը դարձաւ Սեպուհին: Մասնակցեցաւ Շիրակի եւ Իջևանի շրջաններու Մայիսեան խելագարութեան հաշուեյարդարին: Ոգեւորուած էր մեր հայրենիքի վերելքով: Անհուն ատելութեամբ լեցուած էր դէպի դաւաճան հայ բոլշեւիկները, որոնք քէմալական թուրքերու գործակցութեամբ դաւեր կը լարէին Հայաստանի եւ հայ ժողովրդի դէմ: Կ՛որոճար յանդուգն ծրագիր մը ձարխէչ գիւղի մէջ որջացած Յեղկոմի դէմ, որուն գործադրողը ինք պիտի լինէր, բայց վրայ հասաւ խորհրդայնացումը, եւ մենք ստիպուած եղանք հեռանալ Հայաստանէն:



Ստեփանը մերժեց թողուլ հայրենի սահմանները: Հակառակ մեր յորդորներուն՝ ան որոշեց մնալ Խորհրդային դժոխքին մէջ ու պատուհասելու Մոսկուայի սիրալիր բարեկամութիւնն ու հիւրասիրութիւնը վայելող էնվէրն ու Ճէմալը: Չէկայի գուրգուրալից պաշտպանութեան շնորհիւ էնվէրը ազատեցաւ իր ձեռքէն, բայց Ճէմալ փաշան, Չէկայի քթի տակ, շանսատակ ընկաւ Դաշնակցութեան վրիժառու զնդակէն: Ստեփան Մաղիկեանի կազմակերպած հարուածն էր այդ:

Այնուհետեւ՝ գործունէութեան նոր դաշտ մը բացուեցաւ Ստեփանի առջեւ: Ռուսաստանի բանտերն ու աքսորավայրերը, Սոլովկի կղզին Սպիտակ ծովի մէջ, Սիպերիոյ սառնարանները լեցուած էին հայ բազմաչարչար ժողովրդի ընտիր զաւակներով՝ դատապարտուած սովամահութեան: Ստեփանը լծուեցաւ անոնց օգնութեան գործին՝ իր ստեղծած ստորերկրեայ կազմակերպութեան միջոցով, որ նախախնամական փրկարար դեր կատարեց: Ստեփանը կարողացաւ կապ հաստատել ամենահեռաւոր վայրերը աքսորուած բանտարկեալներու հետ եւ անոնց սնունդ ու հագուստ հասցուց: Հաշիւը չկայ Չէկայի զոհերու, որոնք ստոյգ մահէ ազատեցան Ստեփանի անձնուէր աշխատանքի շնորհիւ: Ի վերջոյ, ինքն ալ ընկաւ Չէկայի որսկան շներու ճանկերը: Ո՞ւր տարին, ի՞նչ ճակատագիր ունեցաւ — Ստեփանը անհետ կորաւ:

Հերոսական պայքարով սկսաւ Ստեփանը իր կեանքը եւ բարի Սամարացիի դերով վերջացուց: Առիւծի հողի ունէր ան եւ գթառատ քրոջ սիրտ: Այսպէս էր Ստեփանը՝ Հայոց Աշխարհի անհամար հերոսներէն ամենէն համեստը եւ ամենէն անվեհերը:

ԳՐ. ԱՄԻՐԵԱՆ

## ՍԱԹԵՆԻԿ ՕՂԱՆՋԱՆԵԱՆ

1915 թ. Հոկտ. 1-ին, Թիֆլիսում, վախճանուեց Օր. Սաթենիկ Օհանջանեանը: Եւ չկար նրան ճանաչող մի մարդ, որ չսզար այս կորուստը: Իսկ Կովկասում կամ Պոլսում ո՞վ չէր ճանաչում Սաթոյին՝ սուրբերի կարգը դասուելիք այդ զարմանալի աղջկան, որի կեանքը եղաւ համակ զոհաբերութիւն, ինքնամատոյց եւ անձնուէր ծառայութիւն հայ ժողովրդին:

Սաթենիկը բժ. Համօ Օհանջանեանի քոյրն էր: Ծննդեան ըստոյգ թուականը յայտնի չէ մեզ. ծնուած պիտի լինէր ութսունական թուականների կէսերին: Ստացել էր նախնական ու միջնակարգ լաւ կրթութիւն եւ արդէն պարմանի հասակից տողորուած





ՍԱԹՕ ՕԶԱՆՁԱՆԵԱՆ

էր հայրենասիրական գաղափարներով: Ընտանեկան միջավայրն ու եղբոր օրինակն էլ նպաստաւոր էին նրա զարգացման այդ ուղղութեամբ:

Կոչումով վարժուհի էր Սաթենիկը, բայց իր ամբողջ կեանքը անցրեց հասարակական գործունէութեան մէջ: Համոզուած եւ գործօն Դաշնակցական էր: Թիֆլիսի իգական սեռի կազմակերպիչ եւ գործի մղող: Ուժեղ մտքի եւ կամքի տէր, համոզուած յեղափոխական, հանդարտամիտ եւ ծայր աստիճանի գաղտնապահ՝ նա հաւատարմութեամբ կատարում էր իրեն յանձնուած գաղտնիք պահանջող պատասխանատու գործերը: Մեծ հմայք եւ ազդեցութիւն ունէր երիտասարդութեան մէջ, մանաւանդ, կանանց շրջանում:

Օսմանեան Սահմանադրութիւնից յետոյ, երբ Դաշնակցութիւնը հալածոււմ էր Կովկասում, Սաթենիկը անցաւ Պոլիս, ուր գործունէութեան լայն ասպարէզ բացուեց նրա առջեւ: Մասնա-



ւորապէս, նա մեծ դեր ունեցաւ Հայ Կարմիր Սաշի եւ Աշխատանքի Տան հիմնադրութեան եւ գործունէութեան մէջ: Ատանայի աղէտի օրերին Սաթենիկը անսպառ եռանդ թափեց կոտորածի դոհերին եւ որբերին օգնելու համար: Պոլսի Դաշնակցականները եւ, առհասարակ, ժողովուրդը մեծ յարգանք ունէին նրա հանդէպ:

Առաջին համաշխարհային պատերազմի օրերին Սաթենիկը Կովկասում էր: Այստեղ էլ, մոռացած իր անձը, նա նուիրուած էր հանրային գործին. տարագիր ընտանիքներին օգնութիւն, կամաւորական դնդերին օժանդակութիւն, Դաշնակցական աշխատանք, կանանց կազմակերպութիւն, բարեսիրական ձեռնարկներ — Սաթօն ամէն տեղ էր եւ ամէն գործի մէջ: Յոգնել չգիտէր, մեծ ու փոքր գործ չկար նրա համար:

1915-ից սկսած Սաթենիկը ամբողջապէս տարուեց դապրականներին եւ որբերին խնամատարութեան գործով: Իբրեւ բժշկախնամատարական խմբի անդամ, Վանի ազատագրութիւնից յետոյ, անցաւ Վան: Ապա, ժողովրդի հետ միասին, նահանջեց՝ ճանապարհին օգնելով դաղթականներին: Այնուհետեւ Իգլորում դրաղուեց խնամատարութեան աշխատանքով: Վերջը, նոյն գործով, անցաւ Էջմիածին, ուր խոնուած բազմութիւնը բռնուած էր համաճարակ հիւանդութիւններով՝ անհուն թշուառութեան մէջ: Պէտք էր տեսնել Սաթենիկին այդ օրերին. գիշեր ու ցերեկ հանդիստ չունէր. գթառատ քոյր էր դժբախտ դաղթականների, հարազատ մայր՝ որբ երեխաների: Յովհ. Թումանեանը, որ այդ օրերին Էջմիածնում էր, նոյն գործով, Սաթենիկի մասին ասում էր. «Էս աղջիկը հողեղէն չէ, սուրբ է, հրեշտակ է»:

Ինչպէս եւ պէտք էր սպասել, Սաթենիկն էլ վարակուեց եւ, ծանր հիւանդ, փոխադրուեց Թիֆլիս: Բժշկական խնամքը չկարողացաւ փրկել նրան: Մեռաւ՝ անջնջելի յիշատակ թողնելով իրեն ճանաչողների սրտերում:

## ՆԵՐՍԷՍ ԽԱԶԱՏՈՒՐԵԱՆ

ՆԵՐՍՕ—ԽԱԶԱՏՈՒՐ

Կիլիկիա, համեմատաբար, ուշ մուտք գործեց Դաշնակցութիւնը: 1904-ից յետոյ միայն, երբ Ս. Չաւարեանը եւ Վարդանը մտան Կիլիկիա, Դաշնակցութիւնը լայն արմատներ ձգեց նաեւ այս շրջանում, թէեւ մինչեւ այդ էլ արդէն կային Դաշնակցական





ՆԵՐՍԷՍ ԽԱԶԱՏՈՒՐԵԱՆ

ընկերներ ու մարմիններ: 1896-ին, Այնթապում, կազմուած էր  
Դաշնակցական մի խումբ Նազարէթ Եմէնիճեանի գլխաւորու-  
թեամբ: 1898-ին, Այնթապ էր եկել Դաշնակցական գործիչ ա-  
րարկիրցի Միսաք Վարդանեանը եւ Ամերիկեան Կուէջի ուսանող-



ներից եւ քաղաքի աչքի զարնող երիտասարդներից կազմել Հ. Յ. Դ. Այնթապի կոմիտէ : Ուսանողների թւում էր եւ Ներսէս Սաչա-տուրեանը :

Ներսէսը ծնուել էր 1879-ին, Այնթապում, բողոքական ըն-տանիքի մէջ : Հաղիւ վեց ամսական էր, երբ մեռաւ հայրը, եւ ինքը մեծացաւ եղբայրների խնամքի տակ : Նախնական կրթու-թիւնը ստացաւ հայ-բողոքական դպրոցում, ապա մտաւ Այնթա-պի Ամերիկեան Կոլէջը :

Աչքբաց եւ խելացի տղայ էր Ներսէսը, ազատասէր եւ ըմ-բոստ : Ձէր հաշուում բողոքական մտայնութեան հետ եւ, յա-ճախ, իր վրայ էր հրաւիրում դպրոցի ղեկավարների զայրոյթը : Գրեթէ ամէն տարեվերջին հեռացում էր դպրոցից իր անհան-դարտ վարքի պատճառով եւ նոր տարեակգրին վերընդունում ազդու միջնորդութեանց շնորհիւ :

Դպրոցից դուրս իր սիրած գրադումն էր որսորդութիւնը եւ արկածալի խաղերը ընկերների հետ, որոնց մէջ նախաձեռնող էր ու յանդուգն : Արձակուրդներին ճամբորդութիւններ էր կատա-րում բեռ փոխադրող ջորեպան եղբայրների հետ մինչեւ Կարին, Վան, Տիգրանակերտ եւ ականատես ու մասնակից էր լինում ընդ-հարումներին աւազակների հետ : Վարժ ձի նստող ու զէնք բա-նեցնող, մարմնով առողջ ու դեղատեսիլ, անաղարտ հոգու տէր երիտասարդ էր :

Պատանի հասակից սկսած Ներսէսը վառ հետաքրքրութիւն էր ցոյց տալիս դէպի ազդային հարցերը : Գրքերից աւելի՝ նա կեանքից ստացաւ իր յեղափոխական դաստիարակութիւնը, մա-նաւանդ, 1896 թ. Ձէյթունի ապստամբութեան տպաւորութեան տակ : Եւ երբ 1898-ին Այնթապ եկաւ Մ. Վարդանեանը, յանձին Ներսէսի, դտաւ իրեն ջերմ աջակից . Վարդանեանից ազդուած՝ Ներսէսը եօթը ընկերներով մտաւ Դաշնակցութեան շարքերը : Սրանց ազդեցութեամբ յեղափոխական իմօրումներ ծայր տուին եւ Կոլէջի միւս ուսանողութեան մէջ, որի հետեւանքով, 1899-ին, տեսչութիւնը դպրոցից վտարեց 50-ից աւելի ուսանողներ : Սրան յաջորդեցին նոր վտարումներ : Ներսէսն էլ միշտ վտար-ուողների մէջ էր, բայց եւ ամէն անգամ էլ ազդու միջնորդու-թիւններով վերընդունում էր, մինչեւ որ 1902-ին վերջնականա-պէս արտաքսուեց Կոլէջից եւ յաջորդ տարի, 1903-ին, մեկնեց Բէյրութ եւ քննութիւն տալով՝ ընդունուեց ամերիկեան բժշկա-կան համալսարանը :

Համալսարանն աւարտելը, սակայն, վիճակուած չէր Ներ-սէսին : Դաշնակցութիւնը այն օրերին ծրագրել էր ուժեղացնել Կազմակերպութիւնը Կիլիկայում : Որոշել էր Ս. Զաւարեանին, Սանասորի Վարդանին, Մար Շիմոնին ուղարկել Կիլիկիա՝ երկի-



րը եւ գործունէութեան պայմանները ուսումնասիրելու եւ կազմակերպական աշխատանքներ կատարելու համար: Հարկաւոր էին տեղական ուժեր եւս գործի համար: Ներսէսը առանց վարանումի ձգեց համալսարանը եւ դարձաւ Գաշնակցութեան գործիչ: Երկու տարի, իբրեւ բեռ փոխադրող ջորեպան, ոտքի տակ տուեց ամբողջ Կիլիկիան եւ հաստատեց փոխադրական դժեր ու կայաններ: Ինքը անձամբ, կամ իր հսկողութեան տակ փոխադրում էին զէնք ու ռազմամթերք, գաղտնի գրականութիւն, յեղափոխական գործիչներ: Ի միջի այլոց, Ս. Ջաւարեանն ու Վարդանն էլ Կիլիկիա մտան եւ Կիլիկիայից հեռացան Ներսէսի առաջնորդութեամբ: Հանդարտաբարոյ, վերին աստիճանի գաղտնապահ, յանդուզն նախաձեռնութեան տէր, վախ եւ յոգնութիւն չզգացող՝ Ներսէսը կատարելութեան հասցրեց կապի եւ փոխադրութեան գործը: Նրանից յետոյ էլ, իր աշակերտները, անընդհատ շարունակեցին այդ աշխատանքը, մինչեւ Սահմանադրութիւն:

1906-ին Ներսէսը անցաւ Ամերիկա եւ ցերեկը աշխատանքով ու երեկոյեան ուսանելով՝ դարձաւ դեղագործ: Գործ եւ ընտանեկան բոյն հաստատեց ու բարեկեցիկ վիճակ ձեռք բերեց: Եւ շարունակեց գործօն մասնակցութիւն ունենալ կուսակցական կեանքում, մինչեւ 1914 թ.:

Առաջին համաշխարհային պատերազմի յայտարարութիւնը Ներսէսի սիրտն էլ թունդ հանեց: Նա դիմեց անգլիական ներկայացուցչին, որ իրեն ուղարկեն Կիլիկիայի ճակատը. անգլիացին պատասխանեց, թէ ծրագիր չկայ կիլիկեան ճակատ բանալու: Ներսէսը, առանց յուսահատուելու, 1915 թ. Մայիսին, իր մտերիմ ընկերոջ՝ Ներսէս Յակոբեանի հետ մեկնեց Կովկաս: 24 օրից զոյգ Ներսէսները հասան Թիֆլիս եւ մտան Իշխանի 7-րդ կամաւորական գունդը: Ներսէսը նշանակուեց պարենակիր ջոկատի պետ եւ հիանալի կերպով վարեց այդ գործը՝ միշտ կողքին ունենալով միւս Ներսէսին:

1915 թ. Սեպտ. 19-ին 7-րդ գունդը Երեւանից շարժուեց դէպի ռազմաճակատ: Ներսէսը ոչ միայն վարեց պարէնակիր խումբը, այլեւ քաջութեամբ մասնակցեց կռիւներին՝ Ատրպատականից սկսած մինչեւ Ռեւանտուղ: Վերջին ճակատամարտը Ռեւանտուղում, 1916 թ. Մայիս 15-ին, եղաւ առանձնապէս արիւնահեղ. այդտեղ սպանուեց Քեռին: Սրունքից ծանրապէս վիրաւորուեց եւ Ներսէսը: Թիֆլիսում նրան ցոյց տրուած բժշկական բոլոր միջոցները անցան ապարդիւն. պէտք եղաւ կտրել ոտքը:

Կամաւորական գնդերի լուծումից յետոյ, 1916 թ. աշնան, երկու Ներսէսները վերադարձան Ամերիկա: Ներսէս Սաչատուրեանը վերագտաւ իր ընտանիքը եւ ծանր ու չարքաշ աշխատանքով ջանաց վերականգնել նախկին վիճակը, բայց Բոստոնի



վատառողջ կլիման ստիպեց նրան փոխադրուել Քալիֆորնիա : Այստեղ էլ յամառ պայքար մղեց ճակատագրի դէմ , բայց , ի վերջոյ , յուսահատ , ինքնասպանութեամբ մաքրեց իր հաշիւները աշխարհի հետ , 1920 թ . Սեպտեմբերին :

Կիլիկիա եւ Հայաստան՝ աշխարհագրական տարբեր վայրեր , բայց հայութեան սիրտը ամէն տեղ բարախում է միեւնոյն նպատակի համար , միեւնոյն զգացումներով եւ զազափարներով տոգորուած : Ներսէսը իր կեանքով ու գործով փայլուն օրինակ հանդիսացաւ հայ ոգիի ընդհանրականութեան :

## ԹՈՎՄԱՍ ԺԵԼԱԼԵԱՆ

Պարթեւ հասակ , համաչափ մարմին՝ պսակուած մեծ ու բարեձեւ զլխով մը , ուր կը բացուէին երկու մեղոյշ եւ իմաստուն աչքեր : Տիպար կազմ մը , որ առաջին տեսութեամբ դիտողին կը հարկադրէր համակրանք եւ վստահութիւն : Ահա՛ առաջին տպաւորութիւնը թովմաս Ճելալեանէն :

Դժուար , դրեթէ անկարելի է ստուգել իր ծննդեան ճշգրիտ թուականը , սակայն բանաւոր է դնել իր ծնունդը 1860-ի եւ 1870-ի միջեւ : Ըսենք , ուրեմն , թէ թովմաս լոյս աշխարհ եկաւ 1865-ին , ի Մեծկերտ , Չարսանճագ :

Մեծցաւ Հաւաւի մէջ , եւ իր աստանդական կեանքի բոլոր կայաններուն՝ Հաւաւցիք կազմեցին իր շրջանակը : Դեռ միամեայ երախայ՝ կ'որբանայ հօրմէն եւ մայրը , Նազելի , վերամուսնանալով ի Հաւաւ կը բերէ զայն իրր եկամուտ անգամ ճելալեան դերդաստանին : Այսպէս հաւաւցի կը դառնայ թովմաս՝ ճելալեան մականունով : Հաւաւի մէջ կը ստանայ իր դպրոցական նախակրթութիւնը եւ կարճ ժամանակ կը զբաղի ուսուցչութեամբ : Այնուհետեւ կ'ամուսնանայ եւ անձնատուր դէպ ի Պոլիս հոսանքին , որ ամէն դարնան կ'առնէր կը տանէր բազմաթիւ համազիւղացիներ , յաջորդաբար կ'ապրի Պեչիկթաշի , Չուզուր Չէշմէի եւ Վէզիր խաներուն մէջ , որպէս աշկերտ հիւսնութեան արհեստին՝ վարպետ դալֆաներու հսկողութեան տակ : Եւ արդէն հաւաւցի պանդուխտ պատանւոյն համար բաց էին տնաշինական երկու կցորդ արհեստները միայն՝ որմնագրութիւն եւ հիւսնութիւն , որոնք զիրար կը լրացնէին եւ որոնց կատարեալ տիրապետումով հաւաւցին կանգնած է անհամար ապարանքներ , եկեղեցիներ , մզկիթներ , բաղնիքներ եւ կամուրջներ Պոլիս եւ այլուր :



Սանը լսկ բնակավայր չէր: Երեկոյին, ընթրիքէն յետոյ, սենեակը կը փոխուէր դասարանի, ուր ոմանք կը զբաղէին շինութեանց յատակադժեր կարդալով կամ գծելով՝ միշտ ենթակայ վարպետին սրբագրութեանց կամ թելադրութեանց: Յետոյ, գրոց-բրոցներէն մին կը կարդար օրուան թերթերը եւ կուտար սմփոփումը կարելոր լուրերուն: Այսպէս կը մեծնար սլատանին խիստ, բայց բարեացակամ ուժիմի մը տակ եւ դիւղ կը վերադառնար «ոսկի ապարանջանը բազկին»՝ վարժ արհեստաւոր, եւ միտքն ալ այլպէս բաւական լայնցած ու մշակուած:

Ահա այդ մթնոլորտին մէջ իր սլատանեկան տարիներն անցուց թովմաս, եւ շատերէն աւելի ուսումնասէր, աւելի հետաքրքիր հանդէս ազգային հարցերու, կը կարդար ոչ միայն օրուան թերթերը, այլ նաեւ՝ արտասահմանեան հրատարակութիւններ, զորս իրեն կ'ընձեռէին պոլսերնակ հաւաւցի զբաղէտներ, ինչպէս Լեւոն Փաշալեան, Գասպար Նեմցէ, Մելքոն Կիւրճեան եւ Համբարձում Կարեան:

Շատերուն նման՝ թովմաս եւս Հնչակեան կ'արձանադրուի Պոլսոյ մէջ, Գում Գափուի ցոյցի նախօրեակին, ըստ վկայութեան ընկ. Սեպուհի, որ կ'ընկերանար իրեն, բայց ընդհուպ կը յարի Դաշնակցութեան՝ չգտնելով «Մայր Կուսակցութեան» մէջ ոյն կարգապահ ողին եւ իմաստուն ղեկավարութիւնը, որոնք անհրաժեշտ էին յեղափոխական շարժման, մանաւանդ, համիտ-Լան թուրքիոյ մէջ:

Պոլիսէն Պալքանեան երկիրներ եւ ապա Փրովիտէնս, հաւանարար 1898-ին, ուր հաստատուած էին եւ հետզհետէ կը հաստատուէին Հայերը: Իր կիներ մեռած էր արդէն եւ դիւղին հետ իր ընտանեկան միակ կապը կը մնար մայրը՝ Նազելին, որուն վրայ կը դուրդուրային ինք ու եղբայրը Կարապետ՝ ուղարկելով անոր բաւականաչափ դրամ պարբերական կանոնաւորութեամբ, որպէսզի ապրէր բարեկեցիկ: Նազելի, հպարտ էր իր երկու որդիներով, բայց իր սարժանքին առարկան կը կազմէր, մանաւանդ, իր տխտան թովմասը, եւ իրաւամբ:

Երբ թովմաս ոտք կը դնէր ամերիկեան ցամաքամասին վրայ, կացութեան տէրն էր Հնչակեան կուսակցութիւնը: Յետոյ հրապարակին պիտի տիրանային Վերակազմեալները: Թովմասին եւ անոր գործակիցներուն համար այս առաջին տարիները կազմեցին սլայքարի, շարունակական վազքի եւ բոլորանուէր ջանադրութեան շրջան մը, մինչեւ որ Դաշնակցութիւնն իր արմատները հաստատեց ամէն տեղ եւ սլաշտպանողական ղիրքերէն անցաւ յարձակողականի:

Կը պատմէին, թէ Վերակազմեալները փորձած են խանգա-



րել Փրովիտէնսի կոմիտէին մէկ հրատարակային ժողովը, որուն կ'ատենապետէր Թովմաս: Բացումը կը կատարուի ազմուկի եւ պոռչտուքներու մէջ:

— Կը խնդրեմ, լուսնէք, որպէսզի շարունակենք ժողովը:

Ազմուկը կը սաստկանայ:

— Կը թելադրեմ բոլորիդ որ լուսնէք:

Զայն բարբառոյ յանապատի:

— Յանուն Հայ Յեղափոխական Դաշնակցութեան կը հրամայեմ լուսնէք:


Եւ սրահին մէջ կը տիրէ մեհենական լուսթիւն:

Թովմաս, 1909-ին, գնացած էր Սոֆիա՝ մասնակցելու Կուսակցութեան Ընդհանուր Ժողովին որպէս պատգամաւոր Ամերիկայի շրջանին: Երկու տարի առաջ ալ, 1907-ին, նման առաքելութեամբ մասնակցած էր Վիեննայի Ընդհանուր Ժողովին: Սակայն, իր դործունէութիւնը կեդրոնացած էր առաւելապէս Ամերիկայի մէջ. — այցելութիւն կոմիտէներուն, լուծում եւ յարդարում ներքին վէճերու եւ թիւրիմացութեանց, դասախօսութիւն, ատենախօսութիւն: Քանի՞ անգամ անգամ եղած է կեդրոնական կոմիտէին, — չեմ գիտեր, բայց ընտրեալ անգամ կամ ոչ, Թովմաս միշտ ալ մաս կը կազմէր շրջանիս վերին մարմնոյն: Պաշտօնական հանգամանքով թէ անպաշտօն՝ միշտ ալ դործիչ մ'էր նոյնչափ հեղինակաւոր, որչափ այն ընկերները, որոնք կ'ուղարկուէին Բիւրոյին կողմէ: Փրովիտէնսի մէջ Թովմաս հեղինակութիւն մ'էր ոչ միայն ընկերներու համար, այլ նաեւ ամբողջ գաղութին: Դաշնակցական, Հնչակեան, Ռամկավար, Վերակազմեալ կամ չէզոք, բոլորն անխտիր կը յարգէին զայն՝ իբր անաչառ դատաւոր, ողջամիտ մարդ եւ անբասիր հայրենասէր:

Մանուկ հասակին բարեկամացած էր Մինաս Տուպաշեանի հետ եւ հետագային վերանուանած զայն Պայլ Վահան: Անոր մէջ վաղուց նկատած լինելով քաջութեան, հայրենասիրութեան եւ անձնուրացութեան սաղմերը՝ ջանաց մշակել զանոնք: Ի՛ր թելադրութեամբ Մինաս ստանձնած է Հնչակեան ահաբեկչի պարտականութիւնն ի Պոլիս եւ կատարած զայն ձեռնհասօրէն. ի՛ր թելադրութեամբ նաեւ լքած Հնչակեան կուսակցութիւնը եւ միացած Հ. Յ. Դաշնակցութեան: Մենտորի մը պէս առաջնորդած էր զայն կայանէ կայան՝ սկսեալ Հաւաւէն, փոթորկալից տարիներու ընթացքին: Սակայն Փրովիտէնսի մէջ անկախութիւն կը յայտարարէ Մինաս՝ յայտնելով, թէ որոշած է Երկիր երթալ գէնն ի ձեռին սատարելու ազատագրութեան դատին, եւ թէ՛ անդառնալի է այս որոշումը:

Եւ զնաց: Զէնքերու փոխադրութիւնը վստահած էին իրեն





### ԹՈՎՄԱՍ ՃԷԼԱԼԵԱՆ

Եւ անուանած զինք խմբապետ: Իր խումբը յաջողեցաւ քանիցս զէնք անցընել Թուրքիա՝ առանց որեւէ կորուստի: Ապա Մինաս միացաւ Մօսուս-Չօսի արշաւին եւ նահատակուեցաւ Բաղրեւանդի կռուին մէջ:

1909-ին թէ 10-ին Թովմաս բացած էր նպարեղինաց խանութ մը, որովհետեւ, ինչպէս կ'ըսէր, այժմ սարսաւոր էր խնամել ոչ միայն մայրը, այլ նաեւ՝ թոքախտաւոր եղբայրը, անոր կինն ու զաւակը: Յաջող էր խանութին առեւտուրը: Մերձարնակ բուժոր հայերն ալ, առանց կուսակցական եւ տեղացիական խտրութեան, իրմէ կ'ընէին դնումները: Երեք տարիէն տնտեսած էր կուկիկ դումար մը եւ այլեւս պատրաստ վերադառնալու Հաւաւ, որուն կարօտովը կ'այրէր երկար ատենէ ի վեր:

Հաւաւի մէջ կ'ամուսնանայ կարնեցի օրիորդի մը հետ, որ իրր վարժուհի կը ծառայէր աղջկանց դպրոցին մէջ, եւ որ այժմ կը գտնուի Պրազիլ:

Իսկ իր մահը, անազորոյն ու քստմնելի, մէկ մասնիկն է ա-



Հաւոր մարտիրոսութեան, որուն առարկայ եղաւ Թուրքիոյ Հայ ընտրանին 1915-ին:

Պօսքը կուտամ ականատես եւ իրազեկ հաւաւցի կնոջ մը՝ Տիկին Վարդուհի Նեմցէի, այժմ Տէր-Մխսեան, որ գիւղին զանդուածային տեղահանութենէն առաջ կը յաջողի խոյս տալ եւ ապաստանիլ Տերսիմ, յետոյ անցնիլ Երիզա, Կարին, Կովկաս եւ, վերջապէս, Փրովիտէնս:

— «Գայմապամը, բազմաթիւ հետեւորդներով, Հաւաւ եկած էր դէնքերը հաւաքելու եւ ձերբակալած գիւղին ականաւորները: Իսկ շրջակայ քիւրտ գիւղերէն շատեր սպառազէն կը թափառէին փողոցներուն մէջ՝ յուսալով, թէ պիտի կրկնուի 95-ի դէպքը՝ պատահութիւն տալով իրենց կողոպուտի, սպանութեան եւ բռնարարումներու: Տունն էի միս մինակ, երբ դուռը զարնուեցաւ: Նայեցայ պատուհանէն: Ծանօթ արիւնկզակ քիւրտ մ'էր: Ետեւի դռնէն դուրս ելայ սարսափահար եւ Մուխթարին տունը գնացի բողոքելու եւ պաշտպանութիւն խնդրելու: Վերնայարկի մէկ լենեակէն կը լսուէին լացի եւ վայնասունի ձայներ, աղիողորմ կանչեր եւ հռնդիւններ: Վեր ելայ: Կիսաբաց էր դուռը: Տասնեակ մ'անձեր՝ գիւղին երեւելիները հոն էին՝ ոմանք դետնատարած, ոմանք պատին կռթնած: Մէկուն եղունգները քաշուած էին, միւսին քիթը ճզմուած: Բոլորն ալ սրտամորմոք վիճակի մէջ: Հոն էր եւ պարոն Ճելալեան՝ դունատ, գրեթէ նուաղած, երկու ձեռքերն արիւնլուայ: Նոյն կրեկոյին քաղաք փոխադրուեցան բոլորն ալ եւ բանտարկուեցան: Քանի՞ օր կը մնան արդելափակ, չեմ գիտեր, որովհետեւ հեռացած էի Հաւաւէն եւ կը դրտնրէի Պարապորք, մօրաքրոջս մօտ, բայց տեղեկութիւնները կը հասնէին օրէ օր: Կը սկսի արուներու ջարդը եւ բազմաթիւ կիներ, ընդ որս եւ Տիկին Ճելալեան, կ'ապաստանին քաղաքը՝ ոմանք ծանօթներու տուները, ոմանք եկեղեցիները: Բանտարկեալներուն ամէն օր ծրարներ կը տանին անոնց մայրերը կամ կիները, բայց երբեք թոյլ չի տրուիր իրենց տեսնել զանոնք: Օր մ'ալ բարասլան զապթիէներէն մին կ'ըսէ Տիկին Ճելալեանի, թէ այլեւս աւելորդ է ուտեստեղէն եւն. բերել բանտարկեալներուն, որովհետեւ անոնց գործը լրացած է: Տիկինն այսահար՝ առաջնորդարան կը փութայ եւ Ս. Աստուածածին եկեղեցւոյ բակին մէջ ծնունդ կուտայ վիժածի մը: Թովմաս եւ իր ընկերները, շաբաթներ առաջ, գիշեր ատեն, բանտէն հանուած, կամուրջին վրայ փողոտուած ու նետուած էին դետը՝ Արածանին»...

ՏԻՐԱՆ ՓԱՇԱՒԵԱՆ



## 2. 3. 7. ԸՆԴՀ. ԺՈՂՈՎՆԵՐԸ

Հ. Յ. Դաշնակցութիւնը հիմնուեցաւ 1890 թ. ամառը, Թիֆլիսում: Դաշնակցութեան ծնունդը տուող ժողովները պէտք է նըկատել Հիմնադիր ժողով:

Հ. Յ. Դաշնակցութեան գերագոյն հաստատութիւնը Ընդհանուր ժողովն է, որ կուսակցութեան վերին իշխանութիւնն է եւ որի որոշումները անառարկելի են եւ պարտադիր բոլոր մարմիններին եւ բոլոր անդամներին համար:

Առաջին Ընդհ. ժողովը գումարուեցաւ 1892 թ. ամառը, Թիֆլիսում: Այս ժողովում մշակուեցան Դաշնակցութեան ծրագիրը եւ կազմակերպական ընդհանուր սկզբունքները:

Երկրորդ Ընդհ. ժողովը գումարուեցաւ 1898-ի ամառը, նոյնպէս Թիֆլիսում: Այս ժողովում որոշուեց, երկրի յեղափոխական գործունէութեան զուգընթաց, լայն տեղ տալ եւրոպական պրոպագանդին: Այդ նպատակով Քրիստափորը նշանակուեց «Դրօշակ»ի խմբագիր եւ եւրոպական պրոպագանդի ղեկավար:

Նոյն ժողովում մշակուեցան նաեւ Դաշնակցութեան կազմական կանոնները:


Երրորդ Ընդհ. ժողովը գումարուեցաւ 1904 թ. Փետր.—Մարտին, Սոֆիայում: Այս ժողովում որոշուեցաւ Սուլթան Աբդուլ Համիտի ահաբեկումը, եւ Քրիստափորը ստանձնեց այդ ձեռնարկի իրազորումը: Որոշուեցաւ նաեւ զօրացնել Կիլիկիայի կազմակերպութիւնը, որի համար Կիլիկիա ուղարկուեցան Ս. Զաւարեանը եւ Վարդանը:

Չորրորդ Ընդհ. ժողովը գումարուեցաւ 1907 թ. Փետր.—Ապրիլին, Վիեննայում: Դաշնակցութեան ամենէն կարեւոր Ընդհանուր ժողովներից մէկը: Այս ժողովում որոշուեց թրքահայ գատին կցել նաեւ ոռոսահայ դատը եւ ընդունուեց ընկերվարութիւնը, իբրեւ գործնական նպատակ: Մշակուեցաւ Դաշնակցութեան նոր ծրագիրը: Որոշուեցաւ մասնակցիլ Պարսկաստանի յեղափոխական շարժման, այլեւ համագործակցութիւն Օսմանեան ընդդիմադիր տարրերին հետ:

Այս ժողովից յետոյ Դաշնակցութիւնը ընդունուեց Ընկերվարական Միջազգայինի անդամ:

Հինգերորդ Ընդհ. ժողովը գումարուեցաւ Օսմանեան Սահ-





Հ. Յ. Դ. Ց-րդ Անդամները Փոփոխվել



մանադրութիւնից յետոյ, 1909 թ. Սեպտեմբերին, Վառնայում : Այս ժողովում որոշուեցաւ Հ. Յ. Դաշնակցութեան վարելիք քաղաքականութիւնը սահմանադրական թուրքիայում :

Վեցերորդ Ընդհ. ժողովը գումարուեցաւ 1911 թ. Օգոստ.— Սեպտեմբերին, Պոլսում : Ժողովի օրակարգը կազմում էին առաւելապէս թուրքահայոց ազգային—մշակութային—քաղաքական հարցերը :

Նոթերորդ Ընդհ. ժողովը գումարուեցաւ 1913 թ. Օգոստոսին, Կարինում : Առաջին Ընդհ. ժողովն էր, որ գումարուում էր Մայր Երկրում : Ժողովը զրազուեցաւ գլխաւորապէս ազգային եւ պետական հարցերով :

Ութերորդ Ընդհ. ժողովը գումարուեցաւ 1914 թ. Յուլիս—Օգոստոսին, դարձեալ Կարինում : Այս ժողովը զուգադիպեց առաջին համաշխարհային պատերազմի սկզբնաւորութեան : Բարենորոգումների, պատերազմի եւ ինքնապաշտպանութեան հարցերն էին օրակարգի գլխաւոր նիւթը : Պատերազմի պատճառով ժողովը փակուեցաւ առանց օրակարգի հարցերը սպառելու :

Իններորդ Ընդհ. ժողովը գումարուեցաւ 1919 թ. Հոկտեմբերին, Հայաստանի Հանրապետութեան մայրաքաղաք Երեւանում : Ժողովը զրազուեցաւ նորազատ հայրենիքի կառուցման հարցերով եւ որոշեց նուազագոյն ծրագրում մտցնել Անկախ եւ Միացեալ Հայաստանի կէտը՝ ժողովրդավար կարգերով : Որոշ փոփոխութիւններ մտցրեց նաեւ կազմակերպական ձեւի մէջ՝ հաստատելով մէկ Բիւրոյի դրութիւնը եւ նրան տալով գործադիր մարմնի իրաւունքներ :

Տասներորդ Ընդհ. ժողովը գումարուեցաւ 1925 թ. Յունուարին, Փարիզում :

Տասներեկերորդ Ընդհ. ժողովը գումարուեցաւ 1929 թ. Մարտ—Ապրիլին, Փարիզում :

Տասներկրորդ Ընդհ. ժողովը գումարուեցաւ 1933 թ. Փետր.—Մարտին, Փարիզում :

Տասներրորդ Ընդհ. ժողովը գումարուեցաւ 1938 թ. Յուլիս—Սեպտ.—ին, Գահիրէում :

Տասներչորրորդ Ընդհ. ժողովը գումարուեցաւ 1947 թ. Սեպտ.—Հոկտեմբերին, Գահիրէում :



## ԱՀԱՐԵԿՈՒՄՆԵՐ

Յայտնի է, որ հայ յեղափոխական շարժումը մեծապէս ազդեցած է Բալկանեան ազատագրական պայքարից եւ Ռուսաստանի յեղափոխական կազմակերպութիւններից, որոնց գործելակերպի մէջ կարելոր տեղ էր գրաւում նաեւ քաղաքական ահաբեկումը:

Ահաբեկումը, մարդկութեան զարգացման ներկայ աստիճանի վրայ, ազատ աշխարհում, ի հարկէ, քաղաքական պայքարի միջոց չէ այլեւս, բայց պատմութեան ընթացքին եղել է անհրաժեշտութիւն, հզօր դէնք՝ սանձահարելու համար շարադործներին եւ բարձրացնելու բռնութեան ճիրաններում զալարուող, յուսահատ բազմութիւնների բարոյական կորույրը: Ժամանակի պայմանները այնպէս էին, որ Հ. Յ. Դաշնակցութիւնն էլ չէր կարող հրաժարուել այդ դէնքից, ինչպէս իրենից առաջ նրանից օգտուել էին եւ Արմենականներն ու Հնչակեանները:

Հ. Յ. Դաշնակցութեան անդրանիկ ծրագրի «Միջոցներ» բաժնի ծրագրէ կէտում ասուած է. «Կռիւ մղել եւ տեւորի ենթարկել կառավարչական մարդկանց, մատնիչներին, դաւաճաններին, վաշխառուներին եւ ամէն տեսակ հարստահարիչներին»: Եւ իր դրեթէ երեսնամեայ գոյութեան ընթացքին, մինչեւ Հայաստանի Հանրապետութեան ստեղծումը, շատ բռնաւորներ ու ոճրագործներ ընկան իրենց կեանքից ձեռք քաշած անձնուէր ահաբեկիչների հարուածների տակ՝ ժողովրդական լեռնացած ցասումի ու վրէժխնդրութեան պոռթկումի հետեւանքով:

Հայ յեղափոխութեան պատմութեան այս գլուխը հարուստ է վիպական դրուադներով ու հերոսական դէմքերով: Այստեղ կ'արձանագրենք մի քանի դէպքեր միայն, որոնք առանձնապէս ուժեղ տպաւորութիւն գործեցին ժամանակակիցների մտքերի վրայ:

Առաջին շրջանում ահաբեկումը գործադրուում էր գլխաւորապէս կառավարութեան ձեռքին կոյր գործիք դարձած լրտեսների ու մատնիչների վերաբերմամբ, երբ այլեւս սպառուում էին բոլոր միջոցները՝ խրատով եւ յորդորով՝ յետ կեցնելու նրանց շարադործութիւններից: Այդ դէպքում, Կենտր. Կոմիտէն, բոլոր փաստերը հանդամանօրէն ստուգելուց յետոյ, դատում էր յանցաւորին եւ վճիռ արձակում: Վճիռը պէտք է արուէր միաձայնութեամբ: Կարելոր դէպքերում պէտք է ստացուէր նաեւ



հարեւան Կենտր. Կոմիտէի հաւանութիւնը: Վճռի գործադրութիւնը թուոյցիկով կամ մամուլի միջոցով յայտարարուած էր ի գիտութիւն հասարակութեան:

Այս կարգի ահաբեկուածներից էին, օրինակ, Բաղէշի կուսակալ Թահսին փաշայի աջ բազուկ Սաչիկ Բախալեանը, 1895-ին, կամ, Պոլսում, նախկին վարդապետ դաւաճան Մամբրէն, նոյն տարուայ Օգոստ. 3-ին, կամ մատնիչ Կոմիտաս քահանան, վանում, 1896 թ. Հոկտ. 2-ին, կամ, Տարօնի Ս. Կարապետ վանքի նախկին միաբան վարդ. Եսայեանը, 1899 թ. Օգոստ. 24-ին, եւ կամ Արամ Արամեանին մատնող դաւաճան Տիգրան Գէորգեանը (Ազրայէլ), 1903 թ. Նոյեմբ. 14-ին, Սնուսում եւայլն:

Սակայն, աւելի նշանակալից ու ցնցող էին կառավարական բարձր պաշտօնեաների կամ անհատ շարագործների դէմ ուղղուած ահաբեկումները: Այդպիսիներից յիշենք հետեւեալները.

1901-ի դարնան Անդրանիկի եւ ընկերների ձեռքով ահաբեկուեցին Աղբիւր Սերոբի սպանիչ Պշարայ Սալիլ ազան եւ իր թիկնապահները:

1904 թ. Օգոստ. 31-ին, Օլթիում գնդակահարուեց Թումանի խմբի կոտորածի գլխաւոր ղեկավար գնդ. Բըկովը:

Եկեղեցական կալուածների գրաւման եւ հայ-թաթարական կռիւների տարիներին, 1903-1905, կազմուեց Կովկասեան Ահաբեկիչ Մարմինը, որի վրայ դրուեց չարիք դարձած կառավարական պաշտօնեաներին եւ յեղափոխութեան դէմ դաւաճանողներին պատժելու պարտականութիւնը: Սրա որոշումով, 1904-5-ին ահաբեկուեցան՝ Գանձակի փոխ-նահանգապետ Անդրէյեւը, Իդտիրի դուռառապետ արիւնարբու Բողուսլաւսկին, Կարսի ժանտարմական թարգման Դրոզտովը, Շուշիի ոստիկանապետ Սախարովը, նոյն տեղի հարկային վերատեսուչ Շչերբակովը, Թիֆլիսի թաղային վերահսկիչ Տէր-Սահակովը, Գուրխայի ջարդարար Զօր. Ալիխանովը եւ ուրիշներ:

1905 թ. Մայիս 11-ին, Բաղլում, օրը ցերեկով, ռումբի խիզախ մի հարուածից ընկաւ նահանգապետ իշխան Նակաչիձէն՝ Բագուլի հայոց ջարդերի գլխաւոր պատասխանատուն:

1907 թ. Սեպտ. 27-ին, Պոլսի ճամբու վրայ, Բաթումում, ահաբեկուեց Վանի նախկին կուսակալ Ալի բէյը, վասսուրականի հայութեան գլխին իր գործած անհաշիւ չարիքների համար:

1910-ին, Երեւանում, ահաբեկուեց ժանտարմական ռումբիստր Բուրգացկին:

Այլ կարգի ահաբեկում էր, առաջին համաշխարհային պատերազմից յետոյ, Իթթիհատական ռճրագործների պատիժը: Պատերազմի ընթացքին, Դաշնակից կառավարութիւնները յայտարարել էին, թէ թուրք կառավարութեան անդամները անձնա-



պէս պատասխանատու են եւ պիտի պատժուին հայկական ջարդերի համար: Սակայն, պատերազմը վերջացաւ, եւ Դաշնակիցները ոչ միայն չպատժեցին յանցաւորներին, այլեւ, զանազան միջոցներով, հովանաւորեցին նրանց: Հայութեան վրդովուած իրիզը չէր կարող հաշտուել նման տմարդութեան հետ եւ ջանաց սեփական ձեռքով լուծել վրէժը: Եւ ահա մէկը միւսի յետեւից, ահաբեկիչների դնդակներից, թաւալղլոր ընկան հայկական կոտորածների հեղինակները:

1921 թ. Մարտ 16-ին, Բերլինում, Սողոմոն Թէհէրեանի դնդակին զոհ դնաց Մեծ Եղեռնի զլխաւոր պատասխանատուն՝ Իթթիհատի պարագլուխ Թալէաթ փաշան:

1921 թ. Յուլիս 19-ին, Պոլսում, Միսաք Թոռլաքեանի զընդակից ընկաւ մի ուրիշ հայակեր ճիւղ, Ազրբէջանի կառավարութեան անդամ Զիւանչիրը՝ Բազուի հայերի կոտորածի զըլխաւոր հեղինակներից մէկը:

1921 թ. Դեկտ. 6-ին, Հռովմում, մի յանդուզն երիտասարդի ձեռքով ահաբեկուեց Թուրքիայի վարչապետ Սայիտ Հալիմ փաշան, որի օրով տեղի ունեցան հայկական կոտորածները:

1922 թ. Ապրիլ 17-ին, Բերլինում, Արամ Երկանեանի եւ իր ընկերոջ դնդակներից իրենց արժանաւոր պատիժը ստացան հայկական տեղահանութիւնների եւ ջարդերի կազմակերպիչ բորենիներ Բէհաէդդին Շաքիրը եւ Զէմալ Աղմին:

Նոյն 1922 թ. Յուլիս 21-ին, Թիֆլիսում, ահաբեկուեց Իթթիհատական եռապետութեան անդամ Զէմալ փաշան: Այդ առթիւ, բոլշեւիկեան Զէկան հարիւրաւոր անմեղ մարդկանց ձերբակալեց եւ առանց դատ ու դատաստանի, տարիներով չարչարեց բանտերում ու աքսորավայրերում:

Նոյն տարիներին տեղի ունեցան եւ ուրիշ, երկրորդ կարգի ոճրագործների ահաբեկումներ, որոնց թւում Հնչակեան դաւաճաններ Հմայեակ Արամեանի եւ Նասեանի մահապատիժները:

Թալէաթի եւ Զիւանչիրի ահաբեկիչները՝ Սողոմոն Թէհէրեանն ու Միսաք Թոռլաքեանը դատուեցան զերման եւ անդլիական դատարաններում: Երկուսի դատավարութիւնն էլ, Բերլինում ու Պոլսում, տեղի ունեցաւ հրապարակով եւ լայն արձագանդ դտաւ ամբողջ աշխարհում՝ հայերի վրայ հրաւիրելով հանրային համակրանքը: Երկուսն էլ անպարտ արձակուեցին:

Քառորդ դար անցած, Նիւրէնբերգի միջազգային դատարանը նացիների վերաբերմամբ կիրառեց արդարութեան օրէնքը՝ ինչ որ սլաշտօնական Եւրոպան զլացաւ կիրառել հայկական կոտորածների հեղինակ թուրքերի վերաբերմամբ: Հայութեան ջարդարարներին պատուհասողը հայ ժողովուրդը ինքը եղաւ: Եւ քաղաքակիրթ մարդկութիւնը իրաւունք տուեց հայերին:



## 2. Յ. Դ. ՄԱՄՈՒԼ ԵՒ ՀՐԱՏԱՐԱԿՈՒԹԻՒՆՆԵՐ

Քանակով եւ բովանդակութեամբ Հ. Յ. Դաշնակցութեան մամուլն ու հրատարակութիւնները պատկառելի տեղ կը գրաւեն հայ իրականութեան մէջ: Չափազանցութիւն չըլլար, եթէ ըսենք, թէ Դաշնակցական մամուլը, վերջին կէս դարուն, առաջնորդող դեր կատարած է հայ ազգային կեանքին մէջ, եւ առաւելապէս Դաշնակցութեան գրականութեամբ սնած է ու կը սնանի հայ նոր սերունդը:

Մեր պայմաններու մէջ անհնար է ճշգրտօրէն եւ լրիւ կերպով ներկայացնել Հ. Յ. Դաշնակցութեան պարբերական եւ ոչ-պարբերական հրատարակութիւններու ցանկը: Գրեթէ ունէ տեղ գոյութիւն չունին հայ մամուլի եւ հրատարակութիւնների ամբողջական հաւաքածոներ: Բացի այդ, քաղաքական պայմաններու հետեւանքով, լոյս տեսած են բազմաթիւ թերթեր անկուսակցական անուան տակ, մինչդեռ իրապէս Դաշնակցական հրատարակութիւններ են եղած: Եղած են եւ կան նաեւ անհատական նախաձեռնութեամբ կատարուած հրատարակութիւններ, որոնք իրապէս կուսակցական բնոյթ կը կրեն:

Յամենայն դէպս, օգտուելով գլխաւորապէս Հ. Յ. Դ. կեդրոնական Մատենադարանի հաւաքածոներէն ու նիւթերէն, որոնք, դժբախտաբար, նոյնպէս լրիւ չեն, կարելի է մօտաւոր կերպով ամբողջական պատկերը ներկայացնել Հ. Յ. Դաշնակցութեան մամուլի եւ հրատարակութիւններու:

Հ. Յ. Դաշնակցութեան առաջին հրատարակութիւնը պէտք է նկատել «Մանիֆէստ» թուոցիկը, որ ուղղուեցաւ հասարակութեան Հ. Յ. Դաշնակցութեան հիմնադրութենէն անմիջապէս յետոյ՝ Հայ Յեղափոխականների Դաշնակցութիւն ստորագրութեամբ: Անոր յաջորդեցին թիւ 1 եւ 2 «Թուոցիկ թերթեր»ը: Թէ՛ «Մանիֆէստ»ը, թէ՛ «Թուոցիկ թերթեր»ը եւ թէ՛ անոնց յաջորդող «Դրօշակ»ի առաջին երկու թիւերը հրատարակուեցան Թիֆլիս Մոսկուայի «Ազատութեան Աւետարներ»էն ստացուած տառերով:

1891-էն սկսած Հ. Յ. Դաշնակցութիւնը կ'ունենայ իր պաշտօնաթերթը՝ «Դրօշակ», որու առաջին թիւը լոյս կը տեսնէ 1891 թ. Մայիսին, Թիֆլիսի մէջ: Երկրորդ թիւն եւս լոյս տեսաւ Թիֆլիսի մէջ, 1891 թ. Սեպտեմբերին: Երրորդը՝ Քոնստանդնուպոլի մէջ







(Ռուսմանիա) : Չորրորդ թիւէն սկսած՝ «Դրօշակ»ը հաստատուեցաւ ժընեւի մէջ : «Դրօշակ»ը լոյս կը տեսնէր, իբրեւ ամսագիր, երբեմն՝ ամիսը երկու անգամ :

«Դրօշակ»ը ունեցաւ նաեւ իր յեղափոխական -ընկերվարական հրատարակութիւններու մատենաշարը :

ժամանակազրական կարգով, Դաշնակցական մամուլի ընտանիքին մէջ, երկրորդ տեղը կը պատկանի Ամերիկայի «Հայրենիք»ին, որ սկսաւ լոյս տեսնել 1899-ին, Նիւ Եորքի մէջ եւ շուտով փոխադրուեցաւ Պոսթըն, ուր եւ կը մնայ մինչեւ այսօր, որպէս Հ. Յ. Դ. Ամերիկայի Կեդր. Կոմիտէի պաշտօնաթերթ : «Հայրենիք»ը սկսաւ հրատարակուիլ, իբրեւ շաբաթաթերթ, Թ. Չարչաւճեանի խմբագրութեամբ : Կարճ ժամանակէ մը վերջ, անոր խմբագրութիւնը ստանձնեց Ա. Վռամեանը եւ վարեց մինչեւ 1906 թ. : Այնուհետեւ, յաջորդաբար, «Հայրենիք»ի խմբագրութիւնը վարած են Արամ Աշոտ, Յ. Չազմազեան, Ն. Թաշճեան, Սիամանթօ, Ս. Վրացեան, Մ. Համբարձումեան, Ռ. Դարբինեան, Մ. Օղանեան, Վ. Ահարոնեան :

1913 թ. Յունիս 24-ին «Հայրենիք»ը սկսաւ հրատարակուիլ, իբրեւ երկօրեայ եւ նոյն տարուայ վերջերը ունեցաւ սեփական տողաշար մեքենայ : 1915 թ. Դեկտ. 6-էն ի վեր օրաթերթ է :

1922-ին սկսաւ լոյս տեսնել «Հայրենիք» ամսագիրը, որու 25-ամեայ յորելեանը տօնուեցաւ 1947-ին եւ այդ առթիւ հանգանակութեամբ կազմուեցաւ Հայրենիքի Գրական Հիմնադրամը, որու արդիւնքով 1948-էն ի վեր կը հրատարակուի «Արմիներն Ռեվիու» անգլիերէն պարբերաթերթը :

1934-ին հիմնուեցաւ եւ կանոնաւոր կերպով կը շարունակէ լոյս տեսնել ամերիկահայ նոր սերունդին նուիրուած «Հայրենիք» անգլիերէն շաբաթաթերթը — Հայրենիք Ուիլի :

«Հայրենիք»ներու կողքին կայ նաեւ հայերէն եւ անգլիերէն հրատարակութիւններու մատենաշար մը :

«Հայրենիք»ները կը հրատարակուին Հ. Յ. Դաշնակցութեան սեփական տպարանին մէջ, որ օժտուած է արդիական մեքենայութեամբ եւ տպարանական ամէն տեսակ յարմարութիւններով :

Քալիֆորնիոյ մէջ Դաշնակցութեան մամուլը կը ներկայացընէ «Ասպարէզ»ը՝ հիմնուած 1908-ին, որպէս շաբաթաթերթ, ապա՝ եօրեայ, 1923-24-ին երկօրեայ, վերջը նորէն շաբաթաթերթ, այժմ եօրեայ : Կը հրատարակուի սեփական տպարանին մէջ :

Այնուհետեւ, այստեղ ու այնտեղ, կը սկսին երեւալ Դաշնակցական թերթեր՝ մարմիններու եւ անհատներու նախաձեռնութեամբ : 1900-1910 տասնամեակին լոյս կը տեսնեն 50-էն աւելի



Դաշնակցական թերթեր : Յիշենք ատոնցմէ ամենէն կարեւորները :

Ռուսական առաջին յեղափոխութենէն յետոյ, Թիֆլիսի մէջ, իբրեւ Հ. Յ. Դ. Արեւելեան Բիւրոյի պաշտօնաթերթ, սկսաւ հրատարակուիլ «Յառաջ» օրաթերթը, որու առաջին թիւը լոյս տեսաւ 1906 թ. Յունուար 17-ին : Պաշտօնական արտօնատէրն էր Ա. Սահակեանը (Հայր Աբրահամ) : Թերթը կը խմբագրուէր յատուկ մարմնի մը կողմէ, որուն կ'անդամակցէին Ա. Ահարոնեան, Յոնան Դաւթեան, Եղիշէ Թովիչեան, Գ. Սաժակ, Լիպ. Նազարեան, Յովհ. Իւսուֆեան եւ Մ. Վարանդեան : Մօտիկ աշխատակիցներ էին՝ Ս. Չաւարեան, Է. Ակնունի (Եւրոպայէն), Յ. Թումանեան, Լէօ, Ա. Իսահակեան, բժ. Լ. Աթաբէգեան (վերջը անջատուած), Ս. Տիգրանեան, Յ. Քաջաղնունի, Ն. Աղբալեան, Յ. Շահրիկեան, Տ. Յովհաննիսեան, Տ. Ռաշմաճեան, Յ. Տէր-Միրաքեան, Ստ. Լիսիցեան, Ա.—Դօ, Մ. Յարութիւնեան, Ե. Պրանդեան, Գ. Սատիսեան, Ա. Շահխաթունեան եւ բազմաթիւ ուրիշ երէց ու երիտասարդ գրողներ ու հրատարակաւորներ :


«Յառաջ»ը, իր երեք տարուայ գոյութեան ընթացքին, բազմաթիւ անգամներ խափանուեցաւ կառավարութեան կողմէ՝ «վնասակար ուղղութեան» պատճառով եւ մօտ 15 անուանափոխութիւն ունեցաւ — «Յառաջ», «Ալիք», «Չանդ», «Երկիր», «Ժամանակ», մինչեւ 1907-ի վերջը. «Փայլակ», «Ժայռ», «Սարիսխ», «Կովկասեան Առաւօտ», «Նոր Ալիք» եւ «Վտակ»՝ 1908-ին. այնուհետեւ՝ «Չանդ» եւ «Գործ» :

Օրաթերթին կից՝ կը հրատարակուէր «Յառաջ»ի Գրադարան»ի շարքը :

Հ. Յ. Դաշնակցութեան դէմ ուս կառավարութեան յարուցած հալածանքներու հետեւանքով՝ 1909-ին Հ. Յ. Դ. Արեւելեան Բիւրոյի պաշտօնաթերթի հրատարակութիւնը դադարեցաւ : Անոր փոխարէն, 1909-ի վերջերը, սկսաւ լոյս տեսնել «Հորիզոն»ը, որպէս անկուսակցական օրաթերթ՝ խմբագրութեամբ եւ մերձաւոր աշխատակցութեամբ Լէոյի, Յովհ. Թումանեանի, Ղ. Աղայեանի եւ ուրիշներու՝ արտօնատիրութեամբ Համբ. Մելիքեանի, որու սեփականութիւնը դարձաւ թերթը : Այնուհետեւ, «Հորիզոն»ի խմբագիր կամ խմբագրութեան անդամ եղած են Ն. Աղբալեանը, Ա. Չամալեանը, Ա. Շահխաթունեանը, Մ. Վարանդեանը : Կ'աշխատակցէին «Յառաջ»ի գրեթէ բոլոր աշխատակիցները եւ անկուսակցականներէն ոմանք, ինչպէս Շիրվանդատէն : «Հորիզոն»ը ունեցաւ նաեւ իր գրական ամսօրեայ յանդիմանը «Հորիզոն» անունով (1914-15) :

1917 թ. յեղափոխութենէն յետոյ, «Հորիզոն»ը դարձաւ Հ. Յ. Դ. Արեւելեան Բիւրոյի պաշտօնաթերթ եւ շարունակեց լոյս





«Դրոշակ»ի սեփական շենքը, Ժրմեռում



տեսնել Ս. Վրացեանի եւ Ա. Շահխաթունեանի, ապա՝ Վ. Նաւասարդեանի խմբագրութեամբ:

Միաժամանակ հիմնուեցաւ Հ. Յ. Դ. Ար. Բիւրոյի ռուսերէն պաշտօնաթերթ «Մոլոտ»ը՝ Ա. Շահխաթունեանի խմբագրութեամբ եւ Հ. Յ. Դ. Արեւմտեան Բիւրոյի պաշտօնաթերթ՝ արեւմտահայոց կեանքին նուիրուած «Ազատամարտ»ը՝ Նիկ. Աղբալեանի խմբագրութեամբ:

Շարունակուեցաւ նաեւ «Յառաջ Գրադարան» մատենաշարի հրատարակութիւնը:

Իբրեւ Հ. Յ. Դ. Վրաստանի Կեդր. Կոմիտէի պաշտօնաթերթ, Թիֆլիսի մէջ, 1917-21 թ., հրատարակուեցաւ «Աշխատաւոր» օրաթերթը Վ. Խորէնիի, Կ. Ղազարեանի եւ այլոց խմբագրութեամբ:

Բազուի մէջ, 1915-19-ին, կը հրատարակուէր «Արեւ» օրաթերթը, իբրեւ Ոսկանապատի Կեդր. Կոմիտէի պաշտօնաթերթ:

Օսմանեան Սահմանադրութենէն յետոյ թրքահայկական դաւառները ողողուեցան այլազան հրատարակութիւններով՝ սկիզբը մեծ մասամբ՝ խմորատիպ: Ատոնց մէջ ամենէն տեսականը եւ տարածունը եղան Կարնոյ «Յառաջ»ը (1909-14)՝ յաջորդական խմբագրութեամբ Ե. Թոփչեանի, Ս. Վրացեանի, Շ. Մխաթեանի եւ Փիլոսի: Վանի «Աշխատանք»ը (1909-15)՝ յաջորդական խմբագրութեամբ Իշխանի, Ա. Մաքսապետեանի եւ Հմ. Մանուկեանի: Իզմիրի «Աշխատանք»ը (1910-14)՝ խմբագրութեամբ Ս. Թորանեանի:

Պոլսոյ մէջ հիմնուեցաւ Հ. Յ. Դ. Արեւմտեան Բիւրոյի պաշտօնաթերթ «Ազատամարտ»ը, որուն առաջին թիւը լոյս տեսաւ 1909 թ. Յունիս 10/23-ին: «Ազատամարտ»ը կը խմբագրուէր խմբագրական մարմնի մը միջոցով՝ գլխաւորութեամբ Ռ. Զարգարեանի: Խմբագիրներն եւ աշխատակիցները եղած են Ս. Զաւարեան, Է. Ակնունի, Ա. Վոսմեան, Յ. Շահրիկեան, Գ. Խաժակ, Լիպ. Նազարեան (Լեռնեան), Ռ. Դարբինեան, Գեղ. Բարսեղեան, Հ. Համբարձումեան, Ն. Փափաղեան, Դ. Վարուժան, Սիւսանթո, Գ. Զոհրապ, Մ. Վարանդեան, Ա. Ահարոնեան, Ա. Իսահակեան, Վ. Փափաղեան, Զ. Եսայեան, Արտ. Յարութիւնեան, Մ. Կիւրճեան, Բարսեղ Շահպաղ, Մար, Շ. Մխաթեան, Ս. Վրացեան, Կ. Փաշայեան եւ բազմաթիւ ուրիշ արեւմտահայ եւ արեւելահայ երէց ու կրտսեր մտաւորական ուժեր:

Մինչեւ 1912 թ. ազատ եւ անարգել հրատարակուելէ յետոյ, «Ազատամարտ» եւս ենթարկուեցաւ կառավարութեան խափանաբար քաղաքականութեան, պարբերաբար փակուեցաւ եւ յաջորդաբար ունեցաւ անունի փոփոխութիւն՝ «Առաջամարտ», «Բազին»,



«Բիւթանիա», կրկին «Առաջամարտ», «Բիւթանիա», «Ազդակ», «Մեղու», «Շանթ», «Ճակատամարտ»: Վերջին թիւը (1815 թիւ) լոյս տեսաւ 1914, Ապրիլ 11/24-ին:

«Ազատամարտ»էն առաջ ու ետքը խափանուեցան բոլոր գաւառական թերթերը, բացի Վանէն:

1910-11-ին «Ազատամարտ»ը ունեցաւ նաեւ Գրական-Գիտական «Ազատամարտ» ամսօրեայ յաւելուած:

1918-ի զինադադարէն վերջը, իբրեւ շարունակութիւն «Ազատամարտ»ի, յաջորդական անուանափոխութիւններով, հրատարակուեցան «Ճակատամարտ», «Արիամարտ», «Արդարամարտ»՝ խմբագրութեամբ Յ. Ճ. Սիրունիի, Շ. Միսաքեանի եւ Մ. Ասլանեանի: Եւ անոնց իբրեւ յաւելուած՝ «Ճակատամարտ» մանկավարժական եւ գիւղատնտեսական ամսագիր:

Պոլսի դրաւումէն ետքը քեմալականներու կողմէ՝ այս հրատարակութիւնները դադրեցան:

Հայաստանի Հանրապետութեան շրջանին, 1919-ին, Երեւանի մէջ հիմնուեցաւ Հ. Յ. Դ. Բիւրոյի պաշտօնաթերթ «Յառաջ» օրաթերթը՝ Ս. Վրացեանի խմբագրութեամբ, որ շարունակուեցաւ մինչեւ Հայաստանի խորհրդայնացումը: Վերջին շրջանին «Յառաջ»ի խմբագրութիւնը վարեցին Վ. Նաւասարդեանը, Ռ. Դարբինեանը եւ Օղանեանը: «Յառաջ»ը միեւնոյն ժամանակ եւ կառավարութեան կէս-պաշտօնաթերթն էր:

Հանրապետութեան տարիներուն, Հայաստանի մէջ Հ. Յ. Դաշնակցութիւնը դրեթէ բոլոր կարեւոր կեդրոններու մէջ ունեցաւ իր թերթերը: «Յառաջ»էն զատ, Երեւանի մէջ, կը հրատարակուէր «Հայաստանի Աշխատաւոր»՝ Վ. Խորէնիի խմբագրութեամբ, «Արարատեան Աշխատաւոր» (Էջմիածին)՝ Գ. Քեաւաչեանի խմբագրութեամբ, «Շիրակի Աշխատաւոր» (Ալեքսանդրապոլ)՝ Հ. Չոլազեանի եւ Հ. Սարգսեանի խմբագրութեամբ եւայլն:

Պարսկաստանի մէջ եւս — Թաւրիզ ու Թէհրան — Հ. Յ. Դաշնակցութիւնը ունեցաւ իր թերթերը, որոնք իրենց գաղափարական նպաստը բերին ոչ միայն տեղական կեանքին, այլեւ Դաշնակցութեան ընդհանուր դործին: Յիշենք Թաւրիզի «Առաւօտ»ը (1909-12)՝ Հ. Պանիրեանի խմբագրութեամբ: Նոյն տեղի «Այգ»ը (1912-22)՝ Գ. Յակոբեանի խմբագրութեամբ:

Հայաստանի խորհրդայնացումով եւ Պոլսոյ քեմալացումով Հ. Յ. Դաշնակցութեան մամուլը զարգացաւ արտասահմանի մէջ: Հ. Յ. Դաշնակցութեան մամուլի զլխաւոր կեդրոններ դարձան Փարիզը, Գահիրէն, Պոսթընը եւ Սիւրիա-Լիբանանը:

Փարիզի մէջ, 1925-ին, սկսաւ վերհրատարակուիլ «Դրօշակ»ը, իր մատենաշարով:



Նոյն թուականին սկսաւ լոյս տեսնել «Յառաջ»ը՝ Շ. Մխաբեանի խմբագրութեամբ:

1938-էն ի վեր, պատերազմի տարիներու ընդհատումով, կը հրատարակուի նաեւ «Հայաստան» հայերէն-Ֆրանսերէն ամսօրեակը, իբրեւ նոր սերունդի պաշտօնաթերթ:

Գահիրէի մէջ, 1912-ին հիմնուած համեստ «Յուսարեր»ը 1921-էն ի վեր, Վ. Նաւասարդեանի խմբագրութեան տակ, դարձաւ մեծածաւալ եւ ազդեցիկ օրաթերթ մը:

Պատերազմի ընթացքին, անոր կողքին, լոյս տեսաւ «Յուսարեր» գրական ամսագիրը Գ. Մխիթարեանի խմբագրութեամբ:

«Յուսարեր»ը ունի նաեւ առանձին հրատարակութիւններու մատենաշար մը:

Պէյրութի մէջ, եռօրեայ «Փիւնիկ»էն յետոյ (1924-25) 1927-էն ի վեր կը հրատարակուի «Ազդակ» օրաթերթը եւ անոր կողքին՝ «Ազդակ» գրական շաբաթաթերթը:

Հալէպի մէջ, 1945-էն ի վեր, կը հրատարակուի «Արեւելք» օրաթերթը:

Թեհրանի մէջ կը հրատարակուի «Ալիք» օրաթերթը՝ հիմնուած 1930-ին, իբրեւ շաբաթաթերթ:

Աթէնքի մէջ, վերջին պատերազմէն յետոյ, լոյս կը տեսնէ «Ազատ Սօսք» օրաթերթը, իբրեւ շարունակութիւն «Նոր Օր»ի, որ հիմնուեցաւ 1923-ին Գ. Լազեանի խմբագրութեամբ եւ պատերազմի հետեւանքով դադրեցաւ 1941-ին:

Հարաւ. Ամերիկայի Հ. Յ. Դաշնակցութեան մամուլը ներկայացուած է Պուէնոս Այրէսի «Արմենիա» եռօրեակի միջոցով՝ հիմնուած 1931-ին հանդուցեալ ընկերներ Յ. Թախթաճեանի, Արամ Երկանեանի, Յ. Միրաքեանի եւ Ս. Թոփչեանի ջանքերով:


Իր դաղափարներով մեր մամուլի ընտանիքին կը պատկանի եւ «Գոյամարտ» շաբաթաթերթը, որ 1948-էն ասդին կը հրատարակուի Բաղտադի մէջ:

Պուքրէշի «Արագ»ը (խմբ. Յ. Ծ. Սիրունի) եւ Սոֆիայի «Արաքս»ը (խմբ. Օն. Մխիթարեան) դադրեցան վերջին պատերազմի հետեւանքով, պատերազմէն վերջ, այլեւս չվերհրատարակուեցան Սորհրդային իշխանութեան դրած արգելքի հետեւանքով:

1947-48 թուականներուն, Շտուտկարտի հայ ճամբարի մէջ, հրատարակուեցաւ «Բանբեր» շաբաթաթերթը, իբրեւ հայ տարագիրներու ապրումներու թարգմանը:

Իրականութեան դէմ մեղանշած չենք ըլլար, եթէ Դաշնակցական մամուլի ընտանիքի անդամներու կարգին զնենք եւ Պէյրութի Հայ ձեմարանի Ընթացաւարտներու երկամսեայ «Ակօս»ը եւ Հալէպի Գրական-Գեղարուեստական «Նայիր»ի պարբերականը՝ Ա. Մառուկեանի խմբագրութեամբ:





«ԴՐՕՇԱԿ»Ի ԽՄԲԱԳՐԱՏՈՒՆԸ, ՃԸՆԵՒՈՒՄ, ՔՐԻՍՏԱՓՈՐԻ ՕՐՈՎ



Այս շարքին պէտք է դասել եւ Փարիզի հայ պատմութեան եւ մշակոյթին նուիրուած «Վէմ» երկամսեայ հանդէսը (1933-38)՝ Ս. Վրացեանի խմբագրութեամբ:

Վերջապէս, նոյն ընտանիքէն է տարեգիրքերու շարքը՝ Համազգայինի Տարեգիրքը, Արմէն Սեւանի «Մասիս»ը, Յ. Ծ. Սիրունիի «Արագ»ը, Ծ. Միսաքեանի «Հայկաշէն»ի եւ «Արածանի»ի թիւերը, Ս. Վրացեանի «Հայրենիք Տարեգիրք-Տօնացոյց»ներու 5 հատորը (1943-47), «Արեւելք»ի տարեգիրքը, Յ. Սալմանեանի, Մելիք Ծահի տարեգիրքերը եւայլն:

Ներկայիս, ուրեմն, արտասահմանի հայաբանակ բոլոր երկիրներու մէջ, ուր ազատ խօսքը բռնաբարուած չէ, Հ. Յ. Դաշնակցութիւնը ունի իր սեփական մամուլը — օրաթերթ, երկօրեակ, եռօրեակ, շաբաթաթերթ, ամսագիր, երկամսեայ ու եռամսեայ պարբերականներ: Անոնք բոլորը նուիրուած են միեւնոյն գաղափարին եւ նոյն գործին ու կը հետեւին միեւնոյն ուղղութեան: Անոնք կը ծառայեն Հայաստանի ազատութեան, հայ ժողովրդի պաշտպանութեան ու անկաշկանդ զարգացման եւ ազատ ու ժողովրդավար սկզբունքներու յաղթանակի դատին՝ Միացեալ, Անկախ եւ Ազատ Հայաստան նշանաբանով:

Մամուլին զուգընթաց՝ Հ. Յ. Դաշնակցութիւնը հրատարակած է եւ կը շարունակէ հրատարակել գիտական, դրական, հասարակական, ընկերային, տնտեսական ու գեղարուեստական բազմաթիւ մեծ ու փոքր հատորներ՝ «Դրօշակ», «Յառաջ», «Հայրենիք», «Յուսարբեր» եւ այլ մատենաշարերու միջոցով, կամ մարմիններու եւ անհատներու կողմէ:

Թէ ի՞նչքան է թիւը, սկիզբէն մինչեւ այսօր, Դաշնակցական թերթերու, պարբերականներու եւ առանձին հրատարակութիւններու, ստոյգ կերպով կարելի չէ ըսել: Ստորեւ կը դնենք ցանկը Դաշնակցական մամուլի եւ մատենաշարներու միջոցով լոյս տեսած գիրքերը: Այդ ցանկը, ի հարկէ, լրիւ չէ, բայց մօտաւոր գաղափար կուտայ այն հսկայ աշխատանքի մասին, որ Հ. Յ. Դաշնակցութիւնը կատարած է եւ նոյն թափով կը շարունակէ կատարել նաեւ հայ ժողովրդի քաղաքական, հասարակական ու մշակութային դաստիարակութեան մարդին մէջ:

Հ. Յ. Դաշնակցութեան հրատարակած միայն թերթերու եւ պարբերականներու թիւը ԵՐԿՈՒ ՀԱՐԻՒՐԸ կ'անցնի...



## Յ Ա Ն Կ

Ազատամարտ	Պոլիս, 1909-14	Օրաթերթ. Խմբագիր՝ Ռ. Չարդարեան և Խմբագրական Մարմին:
Ազատամարտ	Պոլիս, 1910-11	Յաւելուած Ազատամարտ օրաթերթի:
Ազատամարտ	Թիֆլիս, 1917-18	Օրաթերթ. օրդան Հ.Յ.Դ. Արեւմտ. Բիւրոյի: Խմբ. Ն. Աղբալեան և Խմբ. Մարմին:
Ազատ Հայաստան	Երեւան, 1921	Օրաթերթ, Խմբ. Ա. Չիլինգարեան, Մ. Օզանեան:
Ազատ Օր	Աթէնք, 1944-էն	Օրաթերթ. Խմբ. Մարմին:
Ազդակ	Պոլիս, 1908-9	Շարաթաթերթ. Խմբ. Շ. Միսաքեան, Գ. Բարսեղեան, Վ. Թաթուլ և Ջ. Եսայեան:
Ազատ Սիւնիք	Գորիս, 1921	Շարաթաթերթ:
Ազատ Խօսք	Սոֆիա, 1932-35	Օրաթերթ. Խմբ. Մարմին:
Ազդակ	Պէյրուս, 1927-էն	Օրաթերթ. Արտօնատէր Հայկ Բալեան:
Ազդակ	Պէյրուս, 1943-էն	Շարաթաթերթ. Յաւելուած Ազդակ-ի:
Ազդակ	Պոլիս, 1912-13	Օրաթերթ. Ազատամարտ-ի փոխարէն:
Ազդարար	Պոլիս, 1927-31	Օրաթերթ. Խմբ. Մանուկ Ասլանեան:
Ալիք	Թիֆլիս, 1906	Յառաջ-ի շարունակութիւնը:
Ալիք	Կարին, 1914	Օրաթերթ. «Յառաջ»-ի շար. Վերջին թիւն է 1914, Յուլիս 19:
Ալիք	Սեւանիկ, 1923-27	Օրաթերթ. Խմբ. Կարօ Գէորգեան և Լեւոն Մօզեան:
Ալիք	Թէւրան, 1930-էն	Շարաթաթերթ. կը շարունակուի որ- պէս օրաթերթ: Խմբ. Մարմին:
Այգ	Թաւրիզ, 1912-22	Ենօրեայ թերթ. Խմբ. Գ. Յակոբեան:
Այգ	Թէւրան, 1930	Շարաթաթերթ. Խմբ. Մարմին:
Աշխատանք	Վան, 1909-15	Շարաթաթերթ. Խմբագիրներ յաջոր- դաբար՝ Մաքսապետեան, Իշխան, Հմ. Մանուկեան:
Աշխատանք	Իզմիր, 1910-14	Շարաթաթերթ, Ենօրեայ. Խմբ. Ս. Թոքաճեան:
Աշխատանք	Երեւան, 1916-19	Ենօրեայ. Խմբ. յաջորդաբար Հմ. Մա- նուկեան, Բարունակ Կապուտիկեան
Աշխատանք	Թիֆլիս, 1917-20	Շարաթաթերթ, ենօրեայ և օրաթերթ Խմբ. Վահան Խորէնի:

\*) Դաշնակցական մամուլի ցանկը, քաղելով Հ. Յ. Դ. Կեդր. Մատենադարանէն և այլ ազգիւրներէ, պատրաստուած է ընկ. Սահակ Տէր Թովմասեանի աջակցութեամբ: ԽՄԲ.



Ապառաժ	Շուշի, 1917-19	Կիսամսեայ. Խժբ. Հայրապետ Մուսայէլեան:
Առաջամարտ	Պոլիս, 1912	Օրաթերթ Ազատամարտի փոխարէն:
Առաւօտ	Թաւրիզ, 1909-12	Շարաթաթերթ. Խժբ. Հ. Պանիրեան:
Ասպարէզ	Ճրէզնո, 1908-էն	Շարաթաթերթ, երկօրեայ 1923-24ին, եօրեայ 1948-էն: Յաջորդական Խժբազիրներ՝ Սէքլէմեան, Յ. Գապատայեան, Ա. Միքայէլեան, Մ. Օղանեան, Յ. Ամատունի, Մ. Վերածին, Մ. Համբարձումեան, Ա. Խաչրեան, Մեւլիթ Շահ:
Ասպարէզ	Շուշի, 1917	Կիսամսեայ. Խժբ. Հ. Մուսայէլեան:
Արագ	Պուքրէշ, 1933-44	Եօրեայ. Խժբ. Յ. Ճ. Սիրունի:
Արագած	Ալէքսանդրապոլ, 1912	Եօրեայ. Խժբ. Պ. Այվազեան:
Արաֆս	Պուքրէշ, 1915	Շարաթաթերթ
Արաֆս	Սոֆիա, 1926	Օրաթերթ. Խժբ. Յ. Տէվէճեան:
Արեւ	Ալէքսպոլ., 1914	Շարաթաթերթ. Խժբ. Մարմին:
Արեւ	Պաքու, 1915-19	Օրաթերթ. Խժբ. Մարմին:
Արդարամարտ	Պոլիս, 1918	Օրաթերթ. Խժբ. Շ. Միսաքեան, Յ. Ճ. Սիրունի:
Արիամարտ	Պոլիս, 1918	Օրաթերթ. Շար. Արդարամարտ-ի:
Արմենիա	Պ. Այրէս, 1931-էն	Եօրեայ. օրդան Հար. Ամերիկայի Հ. Յ. Դ. Մեկուսի Կոմիտէի:
Armenian Bulletin	Նիւ Եորք, 1946-47	Հրատ. Հայ Դատի Յանձնախումբի: Խժբ. Տ. Յակոբեան:
Armenian Review	Պոսթըն, 1948-էն	Եռամսեայ. Խժբ. Ռ. Դարբինեան:
Armenian Quarterly	Նիւ Եորք, 1947	Եռամսեայ. Հրատ. Հայ Դատի Յանձնախումբի: Խժբ. Կ. Զարեան, Եղ. Սահակեան, Վ. Գալէնտէրեան:
Արձագանգ	Եկատերինոզար, 1918-19	Եօրեայ. Խժբ. Յ. Թորոզումեան:
Արցախ	Շուշի, 1919	Շարաթաթերթ. Խժբ. Մարմին:
Արօր	Թիֆլիս, 1907	Օրաթերթ. շարունակութիւն Յառաջի:
Արեւիկ	Հալէպ, 1946-էն	Օրաթերթ. Արտօնատէր՝ Հր. Փափազեան:
Արօր	Երզնկա, 1909-14	Ամսագիր. Խժբ-տպագիր: Խժբ. Արմ. Մեւլիթեան:
Արդի	Երզնկա, 1919	Շարաթաթերթ:
Արարատեան		
Աշխատաւոր	Էջմիածին, 1919	Եօրեայ. Խժբ. Գ. Քեւլաչեան:
Բագին	Պոլիս, 1912	Օրաթերթ. Հար. Առաջամարտ-ի:



Բագուի Զայն	Պաքու, 1913-15	Օրաթերթ. Խմբագր. Մարմին:
Բամբին	Պուլխ, 1913	Յաւելուած Ազատամարտ-ի փոխարէն:
Բանքեր	Թիֆլիս, 1920	Ամսագիր. Խմբ. Սիմոն Մկրտիչեան:
Բանքեր	Շիւթիկարտ, 1948	Շարաթաթերթ. Խմբ. Մարմին:
Բիւքանիա	Իզմիր, 1910	Տասնօրեայ թերթ:
Բիւքանիա	Աղաբաղար, 1911	Տասնօրեայ. Խմբ. Յ. Մարգիսեան:
Բիւքանիա	Պուլխ, 1912	Օրաթերթ. Ազատամարտ-ի շար.:
Բօրբա	Թիֆլիս, 1907	Ամս. ռուսերէն, օրգան Ն.Յ.Դ. Կովկ. Աշակ. Միութեան:
Գեղզուկ	Տրապիզոն, 1909-10	Նախ՝ խմորատիպ:
Գոյամարտ	Իզմիր, 1920	Օրաթերթ:
Գործ	Թիֆլիս, 1908-9	Օրաթերթ. շար. Յառաջ-ի:
Գործ	Պաքու, 1917-18	Ամսագիր. Խմբ. Մարմին:
Գրոհ	Պաքու, 1906-7	Կիսամսեայ. Խմբագրական Մարմին:
Գոյամարտ	Պաղղատ, 1948-էն	Շարաթաթերթ. Խմբ. Մարմին:
Դիրքերում	Կարս, 1920	Շարաթ. ղինուորներուն համար: Խմբ. Ս. Վրացեան եւ Արշ. Աւագեան:
Դրօշակ	Թիֆլիս, Ժընեւ, 1891-1914 եւ Փարիզ, 1925-33	Օրգան Ն. Յ. Դ.
Նոանդ	Սան Փաւլօ, Պրագիւ Ամսագիր, 1928-29	ապակատիպ:
Նրկիր	Թիֆլիս, 1906-7	Օրաթերթ. շար. Յառաջ-ի:
Նրկիր	Կարին, 1914	Ենօրեայ. շար. Յառաջ-ի:
Նրկիր	Երեւան, 1914	Կիսամսեայ. օրգան Աշակերտ. Միութ.
Նրկիր	Մանչուրիա, 1919-20	Ամսագիր. խմորատիպ: Խմբ. Արմ. Մելիքեան:
Նրկումբ	Պուլխ, 1912-14	Ամսագիր. օրգան Ն.Յ.Դ. Ուս. Միութեան:
Նրկումբ	Վան, 1906-7	Երկշար. խմորատիպ: Օրգան Վանի Կեդր. Կոմիտէի:
Զանգ	Թիֆլիս 1906	Օրաթերթ. շար. Յառաջ-ի:
Զանգ	Երեւան, 1917-19	Երկօրեայ. խմբ. Փ. Յակոբեան, Ս. Թորոսեան, Ս. Վրացեան:
Զանգակ	Թիֆլիս, 1908	Օրաթերթ. շար. Յառաջ-ի:
Թոռուցիկ	Պաքու, 1906	Պարբերաթերթ Ն.Յ.Դ. Պաքուի Աշակերտական կազմակերպութեան:
Ժայռ	Թիֆլիս, 1907	Օրաթերթ. շար. Յառաջ-ի:
Ժամանակ	Թիֆլիս, 1906-7	Օրաթերթ. շար. Յառաջ-ի:
Ժայռ	Ալէքսոպոլ. 1907-17	Երկօրեայ. խմբ. Յ. Բուդաղեան, Եփրեմ Գրիգորեան:
Ժայռ	Ալէքսոպոլ. 1917	Ենօրեայ. Խմբ. Արշ. Ղազարեան:
Իրաւումբ	Իզմիր, 1919	Օրաթերթ. խմբ. Բ. Միլտոնեան:



Հոյս	Թիֆլիս, 1919	Շարաթաթերթ. օրդան Զ.Յ.Դ. Աշակ. Միութեան:
Հոյս	Թեհրան, 1943-44	Ամսագիր. խմբ. Տաճ. Պողոսեան, Հ. Գրիգորեան:
Լրաբեր	Թիֆլիս, 1918	Շարաթաթերթ. խմբ. Ս. Մկրտիչեան:
Խարիսխ	Թիֆլիս, 1907	Օրաթերթ. շաբ. Յառաջ-ի:
Խարիսխ	Տրապիզոն, 1909	Կիսամսեայ. խմբ. Մալխաս:
Կեանք	Թաւրիզ, 1925-26	Կիսամսեայ. ձեռագիր: Օրդան Աշակ. Միութեան:
Կիլիկիա	Ատանա, 1919-21	Ենօրեայ. խմբ. Մամհուր, Լ. Մոզեան
Կոկոն	Շուշի, 1895	Ամսագիր. խմբ. Կարապետ: Օրդան Զ.Յ.Դ. Աշակ. Միութեան:
Կովկասի-Առաւօտ	Թիֆլիս, 1907	Օրաթերթ. շաբ. Յառաջ-ի:
Կոհակ	Վան, 1909	Պարբերաթերթ. խմբ. Կարապետ:
Կոտոշ	Գաւաշ, 1908-9	Պարբերաթերթ. խմբ. Կարապետ:
Կոխ	Աղթամար, 1908	Պարբերաթերթ. խմբ. Կարապետ:
Կոռնկ	Շուշի, 1898-900	Պարբ. խմբ. Կարապետ: Օրդան Զ. Յ. Դ. Աշակ. Միութեան:
Հայաստան	Սոֆիա, Յիլիսպոլ, 1915-1924	Ենօրեայ. օրդան Պալքանի Կ.Կ.-ին:
Հայաստան	Պուրթէշ, 1928-30	Շարաթաթերթ:
Հայաստան	Փարիզ, 1938-40	Շարաթաթերթ. Փրանսերէն. խմբ. Արմ. Զամալեան, Նուպար Նիկողոսեան, Յովիկ Եղիազարեան:
Հայաստան	Փարիզ, 1948-50	Ամս. Փրանս. օրդան «Նոր Սերունդ» Եր. Միութեան: Խմբ. Հ. Բալուեան:
Հայաստանի Աշխատանք	Երեւան, 1919-20	Երկօրեայ: Խմբ. Վ. Խորէնի:
Հայաստանի Ձայն	Փարիզ, 1922-23	Շարաթաթերթ. խմբ. Ս. Վրացեան, Վ. Ահարոնեան, Տոքթ. Նէվրուզ:
Հայեացք	Վան, 1906	Խմբ. Կարապետ: Խմբ. Դ. Փափազեան, Գ. Խլիպեան:
Հայրենիք	Պոսթըն, 1899-էն	Շարաթաթերթ, ենօրեայ եւ վերջը օրաթերթ: Խմբ. Թ. Զարչաֆեան, Ա. Վասմեան, Արամ Աշոտ, Յ. Զաղմազեան, Ն. Թաշեան, Սիւմանթո, Ս. Վրացեան, Մ. Համբարձումեան, Ռ. Դարբինեան, Մ. Օզանեան, Վ. Ահարոնեան:
Հայրենիք	Պոսթըն, 1923-էն	Ամսագիր. խմբ. Ռ. Դարբինեան:
Hairenik Weekly	Պոսթըն, 1933-էն	Շարաթաթերթ. Անդլերէն: Օրդան Զ. Ե. Դանաղեան: Խմբ. Զ. Մանուսեան:



Հոգոգար	Սերաստիա, 1912-14	Շարաթաթերթ. Խմբ. Մարմին:
Հորիզոն	Թիֆլիս, 1909-18	Օրաթերթ. յաջորդական խմբագիրներ Ն. Աղբալեան, Լ. Նաղարեան, Յով. Թումանեան, Վ. Վալատեան, Ա. Ջամալեան, Ա. Շահխաթունեան, Մ. Վարանդեան, Ս. Վրացեան, Վ. Նա- ւասարդեան:
Հորիզոն	Թիֆլիս, 1914-15	Յաւելուած Հորիզոն օրաթերթի:
Հորիզոն	Իզմիր, 1919-21	Օրաթերթ. խմբ. Ս. Թոքսճեան:
Հորիզոն	Սելանիկ, 1928-31	Օրաթերթ. խմբ. Կ. Գէորգեան:
Հրագրամ	Երեւան, 1908-9	Խմբ. Պօղոս Կանդուրալեան:
Հրագրամ	Վառնա, 1923-24	Շարաթաթերթ. խմբ. Վ. Գէորգեան:
Հրագրամ	Պուքրէշ, 1927	Ամսագիր. խմբ. Վ. Գէորգեան:
Ղարադադ-Աղաղամ	Թաւրիզ, 1912-14	Ամսագիր: Վերջին թիւերը՝ Աղաղամ անունով:
Հակատամարտ	Պոլիս, 1918-22	Օրաթերթ. խմբ. Յ. Ճ. Սիրունի, Շ. Մխաթեան, Մ. Ասլանեան:
Հակատամարտ	Պոլիս, 1919-29	Մանկավարժական ամսագիր. յաւել- ուած Հակատամարտ օրաթերթի:
Հակատամարտ	Պոլիս, 1919-20	Գիւղատնտեսական ամսագիր. յաւել- ուած Հակատամարտ օրաթերթի:
Մասիս	Սոֆիա, 1931-32	Ամսագիր. խմբ. Յ. Տէվլէճեան:
Մեզու	Պարտիզակ, 1912-14	Շարաթաթերթ. նախ խմբորատիպ: Խմբ. Յ. Չալըքեան, Տ. Մամհուր, Ս. Սրենց:
Մեր Զայնը	Գանձակ, 1918	Եռօրեայ. Խմբ. Մարմին:
Մունետիկ	Իզմիր, 1909	Շարաթաթերթ. խմբ. Ս. Պապիկեան:
Մոլոտ	Թիֆլիս, 1917-18	Ռուսերէն օրգան Չ. Յ. Դ. Ար. Բիւ- րոյի: Խմբ. Ա. Շահխաթունեան:
Մտրակ	Աղեքսանդրիա, 1909	Կիսամեայ. խմբ. Բարսեղ Շահրադ:
Մտրակ	Շ. Գարահիսար 1919	Պարբերաթերթ. խմբորատիպ:
Յառաջ	Թիֆլիս, 1905	Շարաթաթերթ. Արտօնատէր Ա. Սա- հակեան: Լոյս տեսած 1-5 թիւ:
Յառաջ	Թիֆլիս, 1906	Մեծ Օրաթերթ. օրգան Չ. Յ. Դ. Ար. Բիւրոյի: Առաջին թիւը կը կրէ 17 Յունուար, 1906 թուականը: Անխա- փան լոյս կը տեսնէ 1-76, որմէ ետք կը շարունակուի հրատարակուիլ մինչեւ 1909 զանազան անուններով, Խմբագրական Մարմնի կողմէ:



Յառաջ	Կարին, 1909-14	Ենօրեայ: Առաջին թիւը լոյս կը տեսնէ 31 Մայիս 1909ին. կը շարունակուի զանազան անուններով: Յաջորդական խմբագիրներ՝ Ե. Թովչեան, Ս. Վրացեան, Ե. Մխաբեան, Փիլոս: Շարաթաթերթ. Խմբ. Մարմին:
Յառաջ	Պաքու, 1917	Օրաթերթ: Օրդան Լ. Յ. Դ. Բիւրոյի: Յաջորդական խմբագիրներ՝ Ս. Վրացեան, Ա. Զիլինդարեան, Վ. Նաւասարդեան:
Յառաջ	Երեւան, 1919-20	Օրաթերթ. օրդան Լ. Յ. Դ. Վրաստանի Կ. Կ. -ի: Խմբ. Մարմին:
Յառաջ	Թիֆլիս, 1919-20	Օրաթերթ. խմբ. Ե. Մխաբեան:
Յառաջ	Փարիզ, 1925-էն	Ամսագիր. ազգակատիպ: Խմբ. Գ. Գրիգորեան, Լ. Տէր Թովմասեան:
Յեղափոխական-Դարբնոց	Երեւան, 1929	Շարաթաթերթ. օրդան Լ. Յ. Դ. Ուս. Միութեան:
Յորձանք	Թիֆլիս, 1920	Օրաթերթ. նախապէս ենօրեայ: Յաջորդական խմբագր. Ս. Պարթեւեան, Ս. Եսայեան, Ա. Հանըմեան, Վ. Նաւասարդեան:
Յուսարեք	Գահիրէ, 1912-էն	Ամսագիր. Յուսարեք-ի յաւելում: Խմբ. Գ. Մխիթարեան:
Յուսարեք	Գահիրէ, 1943-48	Պատկերազարդ ամսագիր. խմբ. Ս. Թորոսեան:
Նաիրի Աշխարհ	Փարիզ, 1931-33	Ամս. Ա. Մառուկեան:
Նայիրի	Հալէպ, 1944-49	Ամսագիր. խմբ. Ն. Աղբալեան, Բժ. Ա. Ղազարեան:
Նոր Հասանք	Թիֆլիս, 1913-15	Խմբարտիպ. խմբ. Լ. Մանուկեան, Խոսրով Խանճեան, Տէր Պօղոսեան, Շալճեան:
Ներ Սերունդ	Վան, 1906-7	Հանդէս, Յ. Թաղէսեան, Տաճ. Պօղոսեան:
Նաւասարդ	Թեհրան, 1937-39	Ամսագիր. խմբ. Յ. Ճ. Սիրունի:
Նաւասարդ	Պուքրէշ, 1923-24	Օրաթերթ. շար. Յառաջ-ի:
Նոր Ալիք	Թիֆլիս, 1907	Օրաթերթ. օրդան Լ. Յ. Դ. Թիֆլիսի Քաղաք. Կոմիտէի: Խմբ. Մարմին:
Նոր Աշխատաւոր	Թիֆլիս, 1919-20	Օրաթերթ. օրդան Լ. Յ. Դ. Պալքանի Կ. Կ. -ին: Խմբ. Օ. Մխիթարեան, Արամ Յակոբեան:
Նոր Արաքս	Սոֆիա, 1930	Օրդան Լ. Յ. Դ. Աշակ. Միութ.:
Նոր Սերունդ	Երեւան, 1920	Օրաթերթ. օրդան Յունաստանի Լ. Յ.
Նոր Օր	Աթէնք, 1923-41	



		Դ. Կ. Կ.-ին: Խմբ. Գ. Լազեան:
Նոր Փիւնիկ	Պէյրուս, 1925	Եւօրեայ:
Նոր Կեանք	Նոր Նախիջեան, 1906-7	Շարաթաթերթ. խմբ. Յ. Խլէպնիքեան եւ Ս. Վրացեան:
Նոր Կեանք	Թեհրան, 1922-27	Շարաթաթերթ:
Նոր Հորիզոն	Թիֆլիս, 1918	Օրաթերթ Հ.Յ.Դ. Բիւրոյի: Խմբ. Վ. Նաւասարդեան:
Շանք	Երեւան, 1918-19	Պարբերաթերթ Հ.Յ.Դ. Աշ. Միութ.:
Շանք	Պոլիս, 1913-14	Օրաթերթ. շար. Ազատամարտ-ի:
Շարժում	Տրապիզոն, 1910	Ամսագիր. լոյս տեսած 1-2 թիւ:
Շարժում	Ախալցխա, 1917-18	Շարաթաթերթ. խմբ. Ա. Աւագեան եւ Մ. Չարիֆեան:
Շիրակի	Ալեքսոլ. 1919-20	Օրաթերթ. օրդան Հ.Յ.Դ. Կոմիտէի:
Աշխատանք		Խմբ. Հ. Սարգիսեան եւ Հ. Չուպրեան:
Շեփոր	Կեսարիա, 1910	Պարբերաթերթ ձեռագիր. խմբ. Մարգարէ:
Որոտան	Գորիս, 1918-19	Պարբերաթերթ. օրդան Հ.Յ.Դ. Չան- գեղուրի Կոմիտէի:
Ուսանող	Ժընեւ, 1909-14	Պարբերաթերթ. օրդան Հ.Յ.Դ. Ուս. Միութեան:
Պայքար	Շուշի, 1914-17	Պարբերաթերթ:
Պարտիզակ	Պարտիզակ, 1909-12	Վեցամսեայ. խմբ. Բժ. Յ. Տէր Ստե- փանեան:
Պիծակ	Տրապիզոն, 1911-12	Երգիծական Շարաթաթերթ:
Պոնտոս	Տրապիզոն, 1910-12	Կիսամսեայ, վերջը՝ Շարաթաթերթ:
Ռազմիկ	Յիւլիպոլ, 1905-10	Շարաթ., խմբ. Ռ. Չարդարեան:
Ռազմիկ	Թիֆլիս, 1917-18	Պարբերաթերթ. օրդան Հայ Զին. Մի- ութեան. խմբ. Ն. Աղբալեան:
Ռահվիրայ	Շուսլա-Յիւլիպոլ, 1906-7	Ամսաթերթ. օրդան Պալքանի Ուսա- նող. Միութեան:
Սապահ Իւլ Խայր	Վան, 1907	Կիսամսեայ, խմբատիպ: Խմբ. Աբամ, Կոմս, Սլաք, Դ. Փափագեան եւ ու- րիշներ:
Սիրտ	Կարին, 1911	Ամսաթերթ, խմբատիպ: Օրդան Աշ. Միութ. խմբ. Հրաչեայ Լուսա- րոնեան:
Սիւնիք	Գորիս, 1918-20	Երկշարաթ. Խմբ. Մարմին:
Սուրհանդակ	Թիֆլիս, 1918	Շարաթաթերթ. խմբ. Ս. Վրացեան, Ս. Մկրտիչեան:



Վէմ	Փարիզ, 1933-38	Հանդէս Մշակոյթի եւ Պատմութեան: Լոյս տեսած Ա-ԻԴ թիւեր: Խմբ. Ս. Վրացեան:
Վտակ	Թիֆլիս, 1907-8	Օրաթերթ. շաբ. Յառաջ-ի:
Տարագիր	Հալէպ, 1918-19	Օրաթերթ. խմբ. Բ. Միլտոնեան:
Տարագիր	Մարսէլ, 1923	Շաբաթաթերթ. խմբ. Մ. Գույումճեան
Տիգրիս	Շատախ, 1908-9	Ամսազիր, խմորատիպ. խմբ. Տ. Բաղ- դասարեան, Դ. Թովմասեան, Յ. Չոլոյեան, Խ. Մկրտիչեան:
<i>Transcaucasian Review</i>	Թիֆլիս, 1918	Շաբաթաթերթ անգլիերէն. խմբ. Վ. Նաւասարդեան եւ Յ. Քոչարեան:
Փայլակ	Թիֆլիս, 1907	Օրաթերթ. շաբ. Յառաջ-ի:
Փեքակ	Կիրասուն, 1910-11	Կիսամսեայ. սկիզբը խմորատիպ. խմբ. Վահան Նարլեան:
Փիւնիկ	Պէյրուս, 1924-25	Ենօրեայ. խմբ. Ա. Արշակունի:
<i>Pis Armenia</i>	Փարիզ,	Հ.Յ.Դ. պրոպագանդի օրգան, Ֆրան- սերէն: Խմբ. Մարմին՝ Փիէռ Քի- յառ, Քլէմանսօ, Անտուր Ֆրանս, Տընի Քոչէն, Ֆր. տը Փրեանսէ:
Քասախ	Աւստրակ, 1919	Պարբերաթերթ: Խմբ. Մարմին:



## 2. Յ. ԴԱՇՆԱԿՑՈՒԹԵԱՆ ՀՐԱՏԱՐԱԿՈՒԹԻՒՆՆԵՐ

### «ԴՐՕՇԱԿ»-Ի ՄԱՏԵՆԱՇԱՐ

Հ. Յ. Դաշնակցութեան ոչ-պարբերական հրատարակութիւններու շարքը սկսաւ «Դրօշակ»-ի Մատենաշարով, որի առաջին գրքոյկը՝ «Ապստամբական Ոգի» լոյս տեսաւ 1894-ին: Այնուհետեւ, յաջորդաբար, լոյս տեսան հետեւեալ գիրքերն ու գրքոյկները.—

1. Ապստամբական Ոգի
2. Յեղափոխական Կեանքից
3. Գաղտնի Տպարան
4. Գիտական Սոցիալիզմ, Ֆ. ԷՆԳԷԼՍ
5. Հ. Յ. Դաշնակցութեան Ծրագիր
6. Կուկուշեան Խմբի Արշաւանքը
7. Կարնոյ Յիշատակին (4 հատուած)
8. Հ. Յ. Դաշնակցութեան Ընդհ. Ժողովի Ատենադրութիւնը
9. Քրքիջներ, Homo homini lupus, ՎԱՐԴԳԷՍ
10. Երիտասարդներին, Պ. ԿՐԱՊՕՏԿԻՆ
11. Ազատութեան Ճանապարհին, ՂԱՐԻԲ Ա.
12. Ազատութեան Ճանապարհին, ՂԱՐԻԲ Բ.
13. Ամբոխային Տրամաբանութիւն, ԷՎՎԷՆ
14. Ազատութեան Ճանապարհին, ՂԱՐԻԲ Գ.
15. Հայաստան եւ Մակեդոնիա
16. Կովկասեան Վէրքեր, Է. ԱԿՆՈՒՆԻ
17. Հայրենիքի Գաղափարը, Մ. ՎԱՐԱՆԴԵԱՆ
18. Կազմակերպական Կանոններ
19. Դէպի Կռիւ, Է. ԱԿՆՈՒՆԻ
20. Յեղափոխականներ, Ս. ՆԻՐՎԱՆԵԱՆ
21. Նախազիծ Կովկասեան Գործունէութեան
22. Պողովիգի Ցարիզմա, Վ. ԱՐԱՐԱՏՍԿԻ (ՌՈՒՍԵՐԷՆ)
23. Les tueries de Bakou, A. ARAZI
24. Յեղափոխական Դաշն.
25. Հ. Յ. Դ. Ե-րդ Ընդհ. Ժողովի Ատենադրութիւնը
26. Կոչ Մահճետականներին (Թուրքերէն)
27. Les Plaies du Caucase, AKNOUNI
28. Ազատութեան Ճանապարհին, ՂԱՐԻԲ Դ.



29. Մեծ Մարդասպանի Դէմ (Դատավարութիւն)
30. Վիթօշի Բաղէն, ՎՏԱՐԱՆԴԻ
31. Յեղափոխականի Մաքեր, Ք. ՄԻՔԱՅԷԼԵԱՆ
32. Հայորդիներ, ՍԻՍՄԱՆԹՕ
33. Սասուն-Մուշի Կռիւները
24. Հայոց Տանջանքները եւ Եւրոպա, Է. ԲԷՐՆՇՏԷՅՆ
35. Մարտական Հրահանգներ, ԱՆԴՐԱՆԻԿ
36. Միացէ՛ք (Կոչ Թուրքիոյ բոլոր ազգերին. Թուրքերէն)
37. Թիւրքական Բանտերը, ՄԱՐ
39. Հայաստան եւ Եւրոպա, Գ. ԲՐԱՆՏԷՍ
40. Աղբիւր Սերոբ (Կենսագրական), Ս. Մ.
41. Եւրոպացիների Կարծիքը Հայ Դատի մասին
42. Կանոնադիր Հ. Յ. Դաշնակցութեան (1907 թ.)
43. Հ. Յ. Դ. Ե.-րդ Ընդհ. Ժողովի Որոշումները (1907)
44. Հ. Յ. Դ. Ծրագիրը (1907 թ.)
45. Programme minimum, Հ. Յ. Դ.
46. Rapport' ներկայացուած Շտուտգարտի Կօնգրէսին
47. Գէորդ Չաւուշ
48. Déclaration du Congrès des partis d'opposition de l'Empire Ottoman
49. Le criminel sur le trône, E. AKNOUNI
50. Յայտարարագիր Օսմ. Կայսրութեան Ընդդիմադիր Տարբերու Կօնգրէին
51. Հ. Յ. Դ. Ծրագիրը (Ռուսերէն)
52. Սօցիալիստի Նամակներ, Վ. ԱՐԱՐԱՏՍԿԻ
53. Նախագիծ Ժող. Ինքնապաշտպանութեան
54. Ընդհ. Կրթութեան Թերութիւնները, ԴՐ. Ժ. ՕԼԻՎԻԷ, Թարգ. Ատոմ
55. Ուղեցոյց Ընկերներին, Վ. ԱՐԱՐԱՏՍԿԻ
56. Համաժողովրդական Բանակ, Մ. ՎԱՐԱՆԴԵԱՆ
57. Հ. Յ. Դ. Ծրագիրը (1909 թ.)
58. Որոշումներ Հ. Յ. Դ. Ե.-րդ Ընդհ. Ժողովի
59. Rapport' ներկայացուած Կօպէնհագի Սօցիալիստական Կօնգրէսին
60. Նոյնը, Գերմաներէն
61. Վերածնող Հայրենիքը եւ Մեր Դերը, Մ. ՎԱՐԱՆԴԵԱՆ
62. Հոսանքներ, Մ. ՎԱՐԱՆԴԵԱՆ
63. Հայկ. Շարժման Նախապատմութիւն, Մ. ՎԱՐԱՆԴԵԱՆ, Ա. Հատոր
64. Հայկ. Շարժման Նախապատմութիւն, Մ. ՎԱՐԱՆԴԵԱՆ, Բ. Հատոր
65. Աւգուստ Բէրէլ, Մ. ՎԱՐԱՆԴԵԱՆ



66. Բողոքը նորադոյն Պատմութեան մէջ, Մ. ՎԱՐԱՆԴԵԱՆ  
 67. Հայ Քաղաքական Մաքի Զարգացումը, Գ. ԳԻԻԶԱԼԵԱՆ  
 68. Ընկերվ. Միջազգայնականը եւ ճնշուած Ժողովուրդները,  
 ԼԵԻԻՆՍԿԻ  
 69. Մտածումներ Հ. Յ. Դաշնակցութեան Մասին, Ն. ՀԱՆԳՈՅՑ  
 70. Հ. Յ. Դաշնակցութեան Պատմութիւն, Մ. ՎԱՐԱՆԴԵԱՆ

«ՅԱՌԱՋ» ԳՐԱԴԱՐԱՆ

- 1.— Հարուստներ եւ Աղքատներ ԲԱՅ  
 2.— Հաց, Լոյս եւ Ազատութիւն ՊԷՇԵՆՕՆՕՎ  
 3.— Ինչպէ՞ս են Ժողովուրդը եւ Մախուրը Ժողովրդական Փողերը Ա. ՖԻՕԴՕՐՕՓ  
 4.— Նոր Լեւրան Քարոզը ԿԱՐՄԵԼԻԻՍԿ  
 5.— Գիւղացին եւ Բանուորը Վ. ՉԵՐՆՈՎ  
 6.— Ազգային Հարցը եւ Սոց.—Դէմօկրատեան ՊԵՐՆԵՐՍՏՈՐՅԵՐ  
 7.— Գիւղացիներին ՊՐԱՄՊՈԼԻՆԻ  
 8.— Արհեստակցական Միութիւններ Ե. ԹՈՓՉԵԱՆ  
 9.— Ի՞նչ է Իրաւական Պետութիւնը ՆՈՎՈՏՐՈՒՍԿԻ  
 10.— Հողային Հարցը Նոր Զեւանդիայում Ն. ԿԱԲԱՆՈՎ  
 11.— Բուրժուական Սեփականութիւնը եւ  
 Նրա Ապագայ Գրաւումը Ժ. ԺՈՐԷՍ  
 12.— Դէմօկրատական Ընտրութիւններ Ա. ԱԲԵՂԵԱՆ  
 13.— Ազգութիւնների Հարցը Ռուսաստանում ԿԱՐԼ ԿԱՌԻՑԿԻ  
 14.— Ազատութեան Ճանապարհին Ա. ԱՀԱՐՈՆԵԱՆ (ՂԱՐԻԲ)  
 15.— Սահմանադրութեան Էութեան Մասին Ֆ. ԼԱՍԱԼ  
 16.— Ի՞նչպէս Կարելի է Լուծել Հողային Հարցը Ա. Ն.  
 17.— Ի՞նչ է Ժողովրդապետութիւնը Վ. ԳՈԼՈՒԲԵԻ  
 18.— Վիճակագրական Տեղեկ. Գիւղ.  
 Ազգաբնակչութեան Ս. ՉԱԻԱՐԵԱՆ  
 19.— Ժողովրդական Օրէնսդրութիւնը  
 Դաշնակց. Զուլիցերիայում ԱԼՖՕՆՍ ԴԻԻՆԱՆ  
 20.— Ո՞վ Ինչով է Ապրում ԴԻԿՏԵՅՆ  
 21.— Մի Զրոյց Հողի Մասին Ա. Ն.  
 22.— Ազգային Ծրագրի Հարցը եւ Գիտա-  
 կան Սոցեալիզմի Տեսութիւնը Լ. ՇԻՇԿՕ  
 23.— Կօօպերացեա Ա. ՆԻԿՈԼԱԵԻ  
 24.— Շտապեցէք Օգտուել Զեր Իրաւունքից Լ. ՊԵՏՐՈՎ  
 25.— Երկու Ծրագիր Լ. ՊԵՏՐՈՎ  
 26.— Պետական Կազմակերպութեան  
 Հիմքերը Արեւմուտքում Ա. ՎՇՈՍԷԿ  
 27.— Գիւղացիական Հարցը Ֆրանսիայում Ա. ԱՆ.



- 28.— Դաշնակցութիւնը եւ Նրա Հակա-  
ռակորդները Մ. ՅՈՎՀԱՆՆԻՍԵԱՆ
- 29.— Տնտեսական Զարգացումը եւ  
Սոցիալիզմը Ժ. ԳԷՏ ԵՒ Պ. ԼԱՅԱՐԳ
- 30.— Ազգ. Հարցը. Աւտոնոմիա եւ Ֆէդէրացեա ՆՈՎՈՏՈՐԺՍԿԻ
- 31.— Խորամանկ Կարգեր
- 32.— Գորդեան Հանգոյցը. Թրքահայոց Հարցի  
Վերջին Շրջանը Մ. ՅՈՎՀԱՆՆԻՍԵԱՆ
- 33.— Հրահանգներ Գաւառների համար
- 34.— Դասակարգային Կռուի Թէորեայի շուրջ Վ. ՉԵՐՆՈՎ
- 35.— Նուազագոյն Ծրագիրը Լ. ՇԵՇԿՅՕ
- 36.— Ինչպիսի՞ Կարգեր են Հարկաւոր Ժո-  
ղովուրդին Ս. ՆԵԿՐՍՍՈՎ
- 37.— Ֆէդէրալիզմ եւ Դէմոկրատիզմ Ա. ՇԱՀՈԱԹՈՒՆԵԱՆ
- 38.— Վնասակարը ԱՐԱՄԱՅԻՍ
- 39.— Մի Քանի Գլուխ Հայ-Թուրքական  
Ընդհարումներից ԱՐԱՄԱՅԻՍ
- 40.— Կովկասեան Վանդէա (Հայ Թրքական Ընդ-  
հարում) Մ. ՅՈՎՀԱՆՆԻՍԵԱՆ
- 41.— Ինչպէ՞ս Իրականացնել Ազգութիւնների  
Հաւասարութիւնը Շ. ԳՕՐՅԷԵԻ
- 42.— Դէպի Ֆէդէրացիա Գ. ԽԱԺԱԿ
- 43.— Պրոլէտարիատը եւ Աշխատաւոր  
Գիւղացիութիւնը Վ. ՉԵՐՆՈՎ
- 44.— Գիւղացին եւ Բանուորը ԱԲՐԱՄՈՎԱ
- 45.— Բանուոր Դասակարգի Դրութիւնը  
Բէլգիայում Է. ՎԱՆԴԷՐՎԵԼԴ
- 46.— Հող եւ Կապիտալիզմ Ս. ՉԱԿ
- 47.— Անջատումները ՎԱՀԷ
- 48.— Փիլիսոփայ Սոցեոլոգ Մ. ՅՈՎՀԱՆՆԻՍԵԱՆ
- 49.— Ժողովրդական Փողերը (Թուրքերէն) ՖԷՕԴՕՐՈՎԻՉ
- 50.— Մի Քանի Գլուխ Հայ-Թրքական Ընդհարումներից  
ԱՐԱՄԱՅԻՍ
- 51.— Ֆրանսիական Մեծ Յեղափոխութիւնը Յ. ԹԱԴԷՈՍԵԱՆ
- 52.— Յիշողութիւն Մօտաւոր Անցեալից ԳՆԹՈՒՆԻ
- 53.— Յիշողութիւն Մօտաւոր Անցեալից, 2-րդ ԳՆԹՈՒՆԻ
- 54.— Տնտեսագիտական Զրոյցներ Զ. ԿԱՐԻՇԵԻ
- 55.— Ազգային Հերոս, Յ. ԹԱԴԷՈՍԵԱՆ
- 56.— Դաշն. Պատգմ. Երկր. Պետ. Դումայում Ս. ՏԻԳՐԱՆԵԱՆ
- 57.— Հարուստներ եւ Աղքատներ, Բ. Մաս Ա. ԲԱԽ.
- 58.— Ազգ. Հարց եւ Սոցիալիզմ Լ. ԲԱԲԱՅԵԱՆ
- 59.— Վիշապ Ն. ՄԱՄԻԿՈՆԵԱՆ



- 60.— Հարուստներ եւ Աղքատներ, Բ. Տպ. Ա. ԲԱԽ.
- 61.— Հ. Յ. Դ. Ծրագիր, Հայերէն
- 62.— Հ. Յ. Դ. Ծրագիր, Ռուսերէն
- 63.— Հ. Յ. Դ. Նուազ. Ծրագիր, Հայերէն
- 64.— Հ. Յ. Դ. Նուազ. Ծրագիր, Ռուսերէն
- 65.— Հ. Յ. Դ. Նուազ. Ծրագիր, Վրացերէն
- 66.— Հ. Յ. Դ. 1917, Ապր. 6-12, Ռայոն. Ժողովի Որոշումները
- 67.— Նոյնը, Ռուսերէն
- 68.— Ի՞նչ է Իրաւ. Պետութիւնը, Բ. տպ., ՆՈՎՈՏՈՐԺՍԿԻ
- 69.— Ժողովրդ. Ընտրութիւններ, Բ. տպ. Ա. ԱԲԵՂԵԱՆ
- 70.— Ազգ. Հարց, Աւտոնոմիա եւ Ֆէտէրացիա ՆՈՎՈՏՈՐԺՍԿԻ
- 71.— Սահմանադրութիւն էութեան Մասին, Բ. տպ. ԼԱՍՍԱԼ
- 72.— Սահմանադիր Ժողով, Վ. ՎՈՂՈՎՈԶՈՎ
- 73.— Կովկասի Վարչական Բաժանումը, ռուս. Ա. ՇԱՀԽԱԹՈՒՆԵԱՆ

ՄԱՏԵՆԱՇԱՐ «ՅՈՒՍԱԲԵՐ»

- 1.— Լոսժ Զրադացը Հ. ԶՈՒՏԷՐՄԱՆ
- 2.— Ի՞նչ է ի՞նչ պիտի լինէր մեր Ուղին Վ. ՆԱԻԱՍԱՐԴԵԱՆ
- 3.— Հայ-թրքական Կնճիռը ՌՈՒԲԷՆ
- 4.— Հ. Յ. Դաշնակցութեան Անկիւղը Վ. ՆԱԻԱՍԱՐԴԵԱՆ
- 5.— Երկու Ամիս Բոլշեւիկեան Բանտում Բ. ԻՇԽԱՆԵԱՆ
- 6.— Դաշնակցութեան «Լիկուիդացիան» Վ. ՆԱԻԱՍԱՐԴԵԱՆ
- 7.— Էջեր Իմ Օրագրէն Գ. ՆԺԴԵՀ
- 8.— Ընկերավարութիւնը եւ Դեմոկրատիզմը Վ. ՆԱԻԱՍԱՐԴԵԱՆ
- 9.— Թերէզ Ռաքէն ԷՄԻԼ ԶՈԼԱ
- 10.— Դաշնակցութեան Քաղաքական Ուղին Վ. ՆԱԻԱՍԱՐԴԵԱՆ
- 11.— Կայսրը Լ. ՇԱՆԹ
- 12.— Հայ Միտքը Ե. ՖՐԱՆԳԵԱՆ
- 13.— Սահմանադրական Վէճ «ՅՈՒՍԱԲԵՐ»
- 14.— Կաթուղի Ա. ԱՀԱՐՈՆԵԱՆ
- 15.— Համայնավարութիւնը եւ Համաշխարհային Յեղափոխութիւնը Մ. ՎԱՐԱՆԴԵԱՆ
- 16.— Կարմիր Աստղի տակ, վէպ Վ. ՎԱԼԱԴԵԱՆ
- 17.— Հայաստանի Խորհրդ. Իշխանութեան Բնոյթը Ա. ԱՐՇԱԿՈՒՆԻ
- 18.— Կարկեհանէ Ապարանջանը Ա. ԿՈՒՊՐԻՆ
- 19.— Հայ Հասարակական Միտքը Ե. ՖՐԱՆԳԵԱՆ
- 20.— Սամսոն Շղթայուած Լ. ԱՆՏՐԷԵԻ
- 21.— Պատմա-Հասարակագիտական Խըն- ԴՈԿՏ. ՓԻԼ. Ա. ԳԱՍՊԱՐԵԱՆ  
զիրներ



- 22.— Ա. Ահարոնեանի ճառը (զբաղան քառասնամեակի առթիւ)
- 23.— Ամբասն Գիշերներ, ՎԱԶԳ. ՇՈՒՇԱՆԵԱՆ
- 24.— Թուրքիոյ Անդամահատութիւնը,  
Ո՞ւր կ'երթայ Թուրքիա Ռ. ՏՕՆԱՊԵՏԵԱՆ ԵՒ ՌՈՒԲԷՆ
- 25.— Եաքը, վէպ Է. Մ. ՌԵՄԱՐԲ
- 26.— Մնացորդաց, Ա. հատոր Յ. ՕՇԱԿԱՆ
- 27.— Մնացորդաց, Բ. հատոր Յ. ՕՇԱԿԱՆ
- 28.— Մնացորդաց, Գ. հատոր Յ. ՕՇԱԿԱՆ
- 29.— Հ. Յ. Դաշնակցութիւն ՌՈՒԲԷՆ
- 30.— Աշխարհի նոր Բաժանումը Վ. ՆԱԻԱՍԱՐԴԵԱՆ
- 31.— Գէորդ Մարզպետունի ՄՈՒՐԱՅԱՆ
- 32.— Երկունք ԾԵՐԵՆՅ
- 33.— Թէոսորոս Ռշտունի ԾԵՐԵՆՅ
- 34.— Անդրէաս Երէց ՄՈՒՐԱՅԱՆ
- 35.— Ռուզան ՄՈՒՐԱՅԱՆ
- 36.— Վարժապետին Աղջիկը ՏԻԳՐԱՆ ԿԱՄՍԱՐԱԿԱՆ
- 37.— Ամիրային Աղջիկը ԵՐՈՒԽԱՆ
- 38.— Նեղուցները ՎԱՀԱՆ ՆԱԻԱՍԱՐԴԵԱՆ
- 39.— Անդրադարձ ՎԱՀԱՆ ՆԱԻԱՍԱՐԴԵԱՆ
- 40.— Բուլեւիզմը եւ Դաշնակցութիւնը ՎԱՀԱՆ ՆԱԻԱՍԱՐԴԵԱՆ
- 41.— Մեր Անճաման Տղաքը ՎԱՀԱՆ ՆԱԻԱՍԱՐԴԵԱՆ
- 42.— 19-րդ Դարու Հայ Գրականութիւն Ս. ԱՐՓԻԱՐԵԱՆ
- 43.— Եղիշէի Վարդանանց Պատմութիւնը, աշխարհաբար

«ՀԱՅՐԵՆԻՔ»Ի ՀՐԱՏԱՐԱԿՈՒԹԻՒՆՆԵՐ

- 1.— Անդրօնիկէ, վէպ Ս. ՔՍԷՆՈՍ
- 2.— Արշալոյս, տրամա ՎԱՐԴԳԷՍ
- 3.— Մոսուն եւ Զօրի Արշաւանքները ՕՆՆԻԿ
- 4.— Յեղափոխական Վիպակներ ՄԻՐ-ՀԱԶՕՐ
- 5.— Սահմանադրական Կառավարութիւններ Յ. Յ. ԶԱԳՄԱԳՃԵԱՆ
- 6.— Հայրենիք Երզարան
- 7.— Ռուս Սոց.—Յեղափոխականների Ծրագիրը Ն. ՀԱՆԳՈՅՑ
- 8.— Միութեան կամ Համերաշխութեան Խնդիրը Ն. Տ. Ս. Թ.
- 9.— Սոցիալիզմը եւ Դրական Գիտութիւնները ԷՆՐԻԿՕ ՖԷՐՐԻ
- 10.— Իմ Եղբայր Գիւղացին ԷԼԻՉԷ ԹԸՔԼԻԻ
- 11.— Երկրագործութիւնը, Որպէս Ուղիղ Ճանապարհ  
ՄԻՔ. ՆԱԼԲԱՆՏԵԱՆՑ
- 12.— Քրիստոսի Սոցիալական Ուսմունքը, Վ. ԽՈՐԷՆԻ
- 13.— Կրէնօպիլ (վէպ) ԱՆԱՏՈԼ ՅՐԱՆՍ
- 14.— Զայրոյթի Օրը ԼԷՈՆԻԴ ԱՆԴՐԷԵԻ



- 15.— Իզմիրլեան Աքսորավայրին մէջ Կ. ԲԱՍՄԱՋԵԱՆ
- 16.— Երազս Թ. ԱՐԹՈՒՆ
- 17.— Դէպի Երկիր Է. ԱԿՆՈՒՆԻ
- 18.— Այդպէս էր ԼԷՈՆԻԴ ԱՆՏՐԷԵԻ
- 19.— Մ. Նահանգներու Սոցիալիստ Կուսակցութեան Ծրագիրը
- 20.— Բողոքի Ձայն Է. ԱԿՆՈՒՆԻ
- 21.— Ընկերավարութեան Էութիւնը ՃՈՆ ՍՊԱՐԿՕ
- 22.— Բառարան Հայերէնի մէջ գործածուող օտարազգի բառերու Ա. Բ.
- 23.— Political Persecution E. AKNOONI
- 24.— Ի՞նչ է Կրօնը ԲՈՊԸՐԴ Կ. ԻՆԿԸՐՍՈՂ
- 25.— Զօրաւորին Ուժը ՃԷՔ ԼԸՆՏԸՆ
- 26.— Երուսաղէմ Տալէքարլիի մէջ ՍԷԼՄԱ ԼԱԿԷՐԼՈՅ
- 27.— Մեծ Իշխան Սէրգէյի Գործը Բ. ՍԱՎԻՆԿՈՎ
- 28.— Տափական կամ Ափրոզիական Ախտեր ՏՈՔԹ. Վ. ԵՁԵԿԻԷԼԵԱՆ
- 29.— Աշխարհի Յեղափոխութիւնը Է. ԸԹԸՐՄԷՆ
- 30.— Ձէնքերը Վար ԲԵՐԹԱ ՖՈՆ ԶՈՒՏՆԷՐ
- 31.— Դրուագներ Հ. Յ. Դաշնակցութեան Գործունէութիւնից Ա. ՆՈՐԵԱՆ
- 32.— Աւերուածներ ԷՈՏԷՆ ՊՐԻԷՕ
- 33.— Մեղրադէտ, Բ. Տարի Ռ. ԶԱՐԴԱՐԵԱՆ
- 34.— Why Armenia Should Be Free DR. G. PASTERMADJIAN
- 35.— Հայկ. Հարցը Խաղաղութեան Ժողովին Առջեւ ԲԵՐՈՒՆԻ
- 36.— Այն Սէւ Օրերուն Ա. ԱՆՏՈՆԵԱՆ
- 37.— Բանակցութիւններ Ազգ. Պատուիրակութեան և Հայաստանի Հանրապետութեան Միջեւ Ս. ՎՐԱՅԵԱՆ
- 38.— Մուրատի Ճամբորդութիւնը Զ. ԵՍԱՅԵԱՆ
- 39.— Անկախ և Միացեալ Հայաստան Ս. ՎՐԱՅԵԱՆ
- 40.— Մեր Պատասխանը Յ. Քաջազնունիի Ռ. ԴԱՐԲԻՆԵԱՆ
- 41.— Խարխափումներ Ս. ՎՐԱՅԵԱՆ
- 42.— Քրիստափոր Միքայէլեան Ա. ԱԶԱՐՈՆԵԱՆ
- 43.— Սիմոն Զաւարեան Մ. ՎԱՐԱՆԴԵԱՆ
- 44.— Հայաստանի Հանրապետութիւն Ս. ՎՐԱՅԵԱՆ
- 45.— Դիւան Հ. Յ. Դաշնակցութեան, հատ. Ա. Ս. ՎՐԱՅԵԱՆ
- 46.— Հայ Եկեղեցւոյ Տաղնապը Ա. ՊԱՐՏԻՉԵԱՆ
- 47.— Դիւան Հ. Յ. Դաշնակցութեան, հատ. Բ. Ս. ՎՐԱՅԵԱՆ
- 48.— Հայաստանը Բոլշեւիկեան Մուրճի և Թրքական Սալի Միջեւ Ս. ՎՐԱՅԵԱՆ
- 49.— Սարտարապատից մինչեւ Սեւր և Լողան Ա. ԱԶԱՐՈՆԵԱՆ
- 50.— Հայրենիք Տարեգիրք , 1943 Ս. ՎՐԱՅԵԱՆ



- 51.— *Իմ Բանար — Երազներիս Աշխարհը* Ա. ԱՀԱՐՈՆԵԱՆ
- 52.— Armenians and the Armenian Question S. VRATZIAN
- 53.— *Հայրենիք Տարեգիրք, 1944* Ս. ՎՐԱՑԵԱՆ
- 54.— *Երկունք* ԾԵՐԵՆՑ
- 55.— *Հայրենիք Տարեգիրք, 1945* Ս. ՎՐԱՑԵԱՆ
- 56.— *Հայրենիք Տարեգիրք, 1946* Ս. ՎՐԱՑԵԱՆ
- 57.— *Հայրենիք Տարեգիրք, 1947* Ս. ՎՐԱՑԵԱՆ
- 58.— *Հայ Ժողովուրդի Պատմութիւնը* ԺԱԳ ԴԸ ՄՈՐԳԱՆ
- 59.— *Հայրենիք Տարեգիրք, 1948* Ս. ՎՐԱՑԵԱՆ
- 60.— The History of the Armenian People J. DE MORGAN
- 61.— The Outline of the Economic History of Armenia  
H. PASDERMAJIAN
- 62.— A Searchlight on the Armenian Question  
J. MISSAKIAN
- 63.— *Նաւը Լեւան Վրայ* Կ. ԶԱՐԵԱՆ
- 64.— *Հ. Յ. Դ. Վաթսունամեակ* Ս. ՎՐԱՑԵԱՆ



## «ԴՐՕՇԱԿ»-ՆԵՐԻ ԲՈՎԱՆԴԱԿՈՒԹԻՒՆԸ

ԱՌԱՋԻՆ ՇՐՋԱՆ

(1891-1914)

«Դրօշակ»ի առաջին թիւը լոյս է տեսել 1891 թ. Մայիսին, Թիֆլիսում: Դրանից առաջ, 1890 թ. հրատարակուել են Հ. Յ. Դ. Մանիֆեստը եւ «Դրօշակ»ի թոուցիկ թերթ» թիւ 1, իսկ 1891 թ. սկզբին լոյս է տեսել «Դրօշակի թոուցիկ թերթ» թիւ 2-ը: Թիւ 1 թոուցիկ թերթը կորած է, դժբախտաբար: Թիւ 2-ից կայ միայն մէկ օրինակ, Հ. Յ. Դ. կենտրոնական Դիւանում:

«Դրօշակ»ի առաջին եւ երկրորդ համարները տպուել են Թիֆլիսում, Հ. Յ. Դ. գաղտնի տպարանում: Երրորդ համարը՝ Ռումանիայում: Չորրորդ համարից սկսած, մինչեւ 1914 թ., «Դրօշակ»ը հրատարակուել էր Ժընևում: 1914 թ. մինչեւ 1925 թուի «Դրօշակ»ի հրատարակութիւնը ընդհատուել է: 1925 թուից սկսած լոյս է տեսնում Փարիզում, մինչեւ 1933 թ.:

1891 թ. Մայիսից մինչեւ 1933 թ. Յունուար լոյս է տեսել ընդամէնը 326 համար «Դրօշակ»:

Ձանազան ժամանակներ «Դրօշակ»ի խմբագիր կամ խմբագրութեան անդամ են եղել՝ Ռոստոմ, Ս. Շիւեան, Յոնան Դաւթեան, Ա. Վոսմեան, Քրիստ. Միքայէլեան, Ս. Ջաւարեան, Տ. Յովհաննիսեան, Գ. Խաթակ, Մ. Վարանդեան, Է. Ակնունի, Ա. Ահարոնեան, իսկ 1925 թուից սկսած «Դրօշակ»ը լոյս է տեսնում Փարիզում, Հ. Յ. Դ. Բիւրոյի անմիջական ղեկավարութեան տակ: Խմբագիր են եղել Ս. Վրացեանը եւ Ա. Ջամալեանը:

Այստեղ առաջ կը բերենք համար առ համար «Դրօշակ»ի բոլոր թուերի բովանդակութեան գլխաւոր նիւթերը: Սկզբի շրջանի «Դրօշակ»ների յօդուածների մեծ մասը անստորագիր էր: Ապա՝ ստորագրուել էին Է. Ակնունին, Ղարիբը, Սիամանթօն, Հայ-Գուսանը, մասամբ Մ. Վարանդեանը եւ մի քանի ուրիշներ: Մենք փակագծի մէջ կը դնենք եւ հեղինակների անունը, որքան որ հրատարակուել է եղել ճշգրէլ նրանց ինքնութիւնը:

1891 թ. լոյս է տեսել «Դրօշակ»ի երկու համար:

Թիւ 1-ի բովանդակութիւնն է. Առաջնորդող յօդուածում բացատրուել է «Դրօշակ»ի կոչումը: Ապա ամբողջութեամբ առաջ



է բերուած Վարժապետեանի ծրագիրը Թիւրքահայաստանի ինքնավարութեան. արտաքին տեսութիւն. ներքին տեսութիւն եւ թղթակցութիւններ Կարնից եւ Ալաշկերտից :

Թիւ 2-ի Առաջնորդողը նուիրուած է պարտիզանական կրօնին : Առաջնորդողից անմիջապէս յետոյ, բացատրութիւն է տրուում թիւ 1-ի առաջնորդողի հետեւեալ կէտի մասին. «Մեր այժմեան սահանջները մօտաւորապէս նոյնն են, ինչ որ յայտնուած են Ներսէս Պատրիարքի ծրագրում» :— «Մենք կարեւոր ենք համարում յայտնել, որ մենք այդ դրելով աչքի առաջ ենք ունեցել այն դէպքը, որ Սուլթանը իւր բարի կամքով մտցնի Տաճկա-Հայաստանում Ներսէս Պատրիարքի ծրագրում սահանջուած բարենորոգութիւնները, որ շատ անհաւանական է» : Ապա՝ «Մի ընկերոջ անձնական դիտողութիւնները ժողովրդի արամադրութեան մասին» : Նամակ Պարսկաստանից : Լուրեր Տաճկաստանից : Արտաքին տեսութիւն :

1892-ին հրատարակուել է «Դրօշակ»ի մէկ թիւ՝ թիւ 3-ը :

Առաջնորդողում՝ «Մեր ծրագիրը»՝ Ս. Զաւարեանն ու Քրիստափորը միասին սկսում են պարզարանել Հ. Յ. Դ. ծրագիրը : Ապա լուրեր Տաճկաստանից — Արարոյի ձերբակալուելը եւայլն : Նամակներ Ալաշկերտից, Կարնից, Վանից, Խնուսից, Տրապիզոնից : Ներքին տեսութիւն : Յայտարարութիւն՝ Դաշնակցութեան Կանոնադրութիւնից՝ մահուան պատիժի մասին :

1893-ին լոյս է տեսել «Դրօշակ» ի երկու թիւ՝ թիւ 4 եւ 5-ը : Թիւ 4-ի առաջնորդողը խօսում է 1892 թուին յաջորդած ոչակասիոնի ու արամադրութիւնների անկման մասին եւ վեր է հանում յեղափոխութեան անհրաժեշտութիւնը : Ապա — Տեսութիւն Վասպուրականի՝ դրուած Ս. Զաւարեանի ձեռքով : Լուրեր Ալաշկերտից, Մշից, Սասունից, Վանից, Թաւրիզից, Թիֆլիսից : Թիֆլիսից Ս. Զաւարեանը գրում է Գր. Արծրունու յուղարկաւորութեան մասին : Արտաքին տեսութիւն :

Թիւ 5. Առաջնորդող՝ «Այբ ու բէն», որի մէջ Քրիստափորն ու Զաւարեանը բացատրում են յեղափոխական այրուքների առաջին տառը — «Հայ ժողովուրդը ազատութիւն է ուզում» : Նամակներ Կարնից, Վանից (Պետօ), Երզնկայից, Պոլսից եւայլն : Հաղորդւում է Արարոյի, Գ. Արխանեանի, Մ. Տամատեանի, Պ. Շատախցեանի մասին եւայլն : Վերջը՝ «Հայ յեղափոխականը տաճկական բանտում» (Պետոյի գրած) :

1894-ին լոյս է տեսել «Դրօշակ»ի 9 թիւ՝ թիւ 6-14 եւ թիւ 6-ի յաւելում :

Այսուհետեւ առաջ կը բերենք միայն դիւսաւոր նիւթերը .

Թիւ 6. Առաջնորդողում Զաւարեանն ու Քրիստափորը շա-



բունակում են «Այբ ու Բեն»ը — «Ի՞նչ կարգեր կարող են ապահովել ժողովրդի արդարացի պահանջները»: Արարոյի խմբի կռիւը. Արարոյի մահը: Լուրեր Երկրից:

Թիւ 6-ի «Յաւելուած»ով հաղորդւում են լուրեր Երկրի զանազան վայրերից:

Թիւ 7. Առաջնորդող՝ «Սով եւ գաղթականութիւն» (Յոնան): Լուրեր Երկրից: «Այբ ու բեն»ի շարունակութիւնը՝ գրուած Ռոստոմի կողմից:

Թիւ 8. Առաջնորդող՝ «Վերջին դէպքի առթիւ» Աշըգեանի մահափորձը, (Խաժակ), լուրեր Երկրից: «Այբ ու բեն»ի շարունակութիւնը (Ռոստոմ):

Թիւ 9. Առաջնորդող՝ «Ժողովուրդը կը յաղթի» (Յոնան): Լուրեր Երկրից:

Թիւ 10. Առաջնորդող՝ «Մեր ծրագիրը» — Հ. Յ. Դ. ծրագրի բնագիրը: Լուրեր Երկրից:

Թիւ 11. Առաջնորդող՝ «Մեր ծրագիրը»՝ շարունակութիւն եւ վերջ: Լուրեր Երկրից:

Թիւ 12. Առաջնորդող՝ Սասունի ապստամբութեան առթիւ (Յոնան): Լուրեր Երկրից: Մարգար Վարժապետի կախուելը Բազէշում:

Թիւ 13. «Սասնոյ ապստամբութիւնը եւ կոտորածը» (Ազրայէլ): Լուրեր Երկրից: Ժիրայրի կախուելը:

Թիւ 14. Առաջնորդող՝ «Սասունի դէպքի առթիւ»: Տեղեկութիւններ Սասնոյ ապստամբութեան մասին: Լուրեր Երկրից:

1895 թ. լոյս է տեսել «Դրօշակ»ի 22 թիւ՝ թիւ 1-22:

Թիւ 1. Առաջնորդող՝ Նախորդ տարուայ ընդհանուր տեսութիւն: Մանրամասնութիւններ Սասնոյ կռիւների մասին: Լուրեր Երկրից:

Թիւ 2. Առաջնորդող՝ Տաճիկներ, քիւրդեր, քիւրդեր եւ սուլթանական կառավարութիւնը: Լուրեր Երկրից: Հայկական հարցը արտասահմանում:

Թիւ 3. Առաջնորդող՝ «Զէնք»: Լուրեր Երկրից: Եւրոպական մամուլը:

Թիւ 4. Առաջնորդող՝ «Ո՞վ է մեղաւոր»: Լուրեր Երկրից:

Թիւ 5. Առաջնորդող՝ «Պատմութիւնն է ուսուցիչ»: Լուրեր Երկրից:

Թիւ 6. Առաջնորդող՝ «Իրերի Դրութիւնը նոյնն է» (Յոնան), Երկրի վիճակի մասին: Լուրեր Երկրից: Գ. Արխանեանի, բժ. Կ. Փաշայեանի դատավարութիւնը: Հայկական հարցը արտասահմանում:



Թիւ 7. Առաջնորդող՝ «Սասուն» (Յոնան), Մայիս 11-ի Ժողովրդային ցոյցը Պոլսում: Լուրեր Երկրից:

Թիւ 8. Առաջնորդող՝ «Րէֆորմներ» (Յոնան): Լուրեր Երկրից:

Թիւ 9. Առաջնորդող՝ «Րէֆորմներ» (չարունակութիւն): Լուրեր Երկրից: Ապստամբութիւն Մակեդոնիայում: Յաւելում «Դոնաթիստական» «Հնչակ» եւ «Դրօշակ»:

Թիւ 10. Առաջնորդող՝ «Րէֆորմներ» (չարունակութիւն): Լուրեր Երկրից: Մակեդոնական ապստամբութիւն:

Թիւ 11. Սասունի տարեգարձը. Սասուն (Թաթուլ), «Մի տարի է» (Ս. Շիւեան), «Ազատութիւն կամ Մահ» (Յոնան):

Թիւ 12. Առաջնորդող՝ «Աւերում են, կոտորում են» (Յոնան). «Րէֆորմներ» (չարունակութիւն). Մամբրէ վարդ.ի դատապարտութեան տեղեկադիրը: Խարախանեան Ներսէս վարդ.: Նամակներ Երկրից:

Թիւ 13. «Րէֆորմներ» (չարունակութիւն). Խոստովանութիւն Մամբրէ վարդ.ի. Խարախանեան Ն. վ. (չար.). Երզնկայի Տազնապը:

Թիւ 14. Առաջնորդող՝ «Կամախի կռուի առթիւ» (Ս. Շիւեան). Երզնկայի տազնապը: Րէֆորմներ (վերջ): Խոստովանութիւն Մամբրէ վ.ի (վերջ): Լուրեր Երկրից:

Թիւ 15-16. Առաջնորդող՝ «Նոր Սարսափներ» (Յոնան): Երզնկայի տազնապը (Ղարա Մելիք): Տեղեկութիւններ Երկրից:

Թիւ 17-18. Առաջնորդող՝ «Կռուե՛նք, կոտորում են» (Յոնան): Տրապիզոնի ջարդը: «Սուլթանական Րէֆորմներ» (Յոնան): Շաքիր փաշայի ընդունելութիւնը Կարնում (Ռոստոմ): Կոտորածներ: Լուրեր Երկրից: Բահրի փաշայի մահափորձը:

Թիւ 19. Կոչ Տրապիզոնի Կենտր. Կոմիտէի: Առաջնորդող՝ «Ներկայ րոպէն» (Յոնան): Ջարդի լուրեր Երկրից: Հայդուկային խմբի կռիւը Քէոփրի-Քէոյում:

Թիւ 20. Առաջնորդող՝ «Կը հրդեհուի» (Յոնան): Կոտորածներ Բաբերդում, Երզնկայում: Լուրեր Երկրից:

Թիւ 21. Առաջնորդող՝ «Պիտի ոչնչանայ» (Յոնան): Նամակ Կարինից (Ռոստոմ): Կոտորածներ:

Թիւ 22. Առաջնորդող՝ «Զէյթուն» (Յոնան): Զէյթունի ապստամբութիւն: Կոտորածներ:

1896 թ. լոյս է տեսել «Դրօշակ»ի 28 թիւ. թիւ 1-28:

Թիւ 1. Առաջնորդող՝ Տեսութիւն նախորդ տարուայ: Հայդուկային խմբի կռիւը Դէլի-Պապայում: Կոտորածի լուրեր Կարնից, Խարբերդից, Տրապիզոնից: Լուրեր Երկրից:



Թիւ 2. Առաջնորդող՝ «Տմարդի սլայմաններ» (Ձէյթունի առթիւ) : Կոտորածի լուրեր :

Թիւ 3. Առաջնորդող՝ «Ցարի կառավարութիւնը» : Պարսկա-Տաճկական սահմանադիւխից : Կոտորածներ : Լուրեր Երկրից :

Թիւ 4. Առաջնորդող՝ «Վճռողը կռիւն է» : Կոտորածներ, կո-ղոպուտ, աւերում :

Թիւ 5. Առաջնորդող՝ «Մահմեդական ամբոխի դերը» : Պարսկա-Տաճկական սահմանադիւխին : Կոտորածներ ու բանտարկութիւն : Լորդ Սոլսբիւրիի ճառը :

Թիւ 6. Առաջնորդող՝ «Մահմեդական ամբոխի դերը» (չար․) : Ինքնապաշտպանութեան կռիւներ : Կոտորածներ :

Թիւ 7. Առաջնորդող՝ «Ձէյթունը անձնատուր» : Հայդուկա-յին կռիւներ : Կոտորածներ :

Թիւ 8. Առաջնորդող՝ «Առաջն առնել» (դադթականութեան) : Կոտորածներից յետոյ կարնում : Կոտորածներ :

Թիւ 9. Առաջնորդող՝ «Զվհատենք կռուելը» : Կոտորածից յետոյ կարնում (Թաթուլ) : Պարսկա-Տաճկական սահմանադիւխից : Կոտորածներ : Լուրեր Երկրից :

Թիւ 10. Առաջնորդող՝ «Յեղափոխական գործիչը» (Յոնան) : Կոտորածներ :

Թիւ 11. Առաջնորդող՝ «Նոր դիմակը» (կոտորածների առ-թիւ) (Յոնան) : Կոտորածներ : Լուրեր Երկրից :

Թիւ 12. Առաջնորդող՝ «Վնասակար տարրեր» (Ռոստոմ) : Թղթակցութիւններ Երկրից : Կոտորածներ :

Թիւ 13. Առաջնորդող՝ «Բարոյական նեցուկ» (Օր․ Շահնա-զարեան — Տիկ․ Եղ․ Զօրեան) : Թղթակցութիւններ Երկրից : Կո-տորածներ :

Թիւ 14. Առաջնորդող՝ «Ո՞ւր բարով» (Պետո) : «Հետեւանքը Ի՞նչ եղաւ» (Ռոստոմ) : Թղթակցութիւններ Երկրից : «Թիւրքիոյ շուրջը (Ս․ Մինասեան) :

Թիւ 15. Առաջնորդող՝ «Յեղափոխական գիտակցութիւն» (Մ․ Վարանդեան) : Թղթակցութիւններ Երկրից : Պարսկա-տաճկական սահմանադիւխից Ա․ : Թուրքիոյ շուրջը (Ս․ Մինասե-ան) :

Թիւ 16. Առաջնորդող՝ «Ոչինչ չի վախեցնիլ» (Յոնան) : Կռիւ Վանի մէջ : Պարսկա-տաճկական սահմանադիւխից, Բ․ : Թուրքիոյ շուրջը (Ս․ Մինասեան) :

Թիւ 17. Առաջնորդող՝ «Ի գէ՛ն» (Լ․ Սարգսեան) : Արբօ (կեն-տադրական) : Նամակներ Երկրից :

Թիւ 18. Արբօ (Ռոստոմ) : Կռիւներ Վանում : «Զինուած ընդ-դիմադրութիւն» (Լ․ Սարգսեան) : Լուրեր Երկրից : Շէրօ, Չաթօ :



Թիւ 19. Մարտիրոս Բապուճեան: Առաջնորդող՝ «Դիպլոմատ-հրէշներ» (Ռոստոմ): Վանի դէպքերը: Լուրեր Երկրից: «Թիւրքիոյ շուրջը» (Ս. Մինասեան)\*):

Թիւ 20. Առաջնորդող՝ «Սասնոյ երկրորդ տարեդարձը Պոլսում» (Մ. Վարանդեան): Տեղեկութիւններ Բանկ Օթթոմանի գրաւման մասին:

Թիւ 21. Բանկ Օթթոմանի գրաւումը: Առաջնորդող՝ «Ժողովրդի Ոյժը» (Սմբատ): «Օսմանեան բանկի պաշարումը» (Հըրաչ):

Թիւ 22. Պետո (Ռոստոմ): Տերորիստական դործողութիւն Վանում (Սմբատ): Նամակներ Երկրից:

Թիւ 23. Առաջնորդող՝ «Մի՛ արատաւորէք» (Մ. Վարանդեան): «Երեք մահ» (Բարկէն, Գնունի, Սուրէն) (Սմբատ): Սամաթիոյ կռիւր:

Թիւ 24. Առաջնորդող՝ «Զէ՛նք, զէ՛նք»: Բանկի գրաւման մանրամասնութիւնները (Գարօ):

Թիւ 25. Առաջնորդող՝ «Ճամբից չչեղուենք» (Վարդ): Սաս-գիւղի կոտորածը: Բանկի դէպքի մանրամասնութիւնները:

Թիւ 26. Աւետիս Մալոյեան (Ան. Քալանթար): «Ամէն բան թողէք» (Վարդ): Լուրեր Երկրից: «Նոր հարկեր մահմեդականների վրայ» (Ռոստոմ):

Թիւ 27. Բարկէն-Սիւնի (Ս. Մինասեան): «Կը շարունակենք» (Յոնան): Լուրեր Երկրից:

Թիւ 28. Առաջնորդող՝ «Անդունդից Անդունդ» (Վարդ): «Թո՛ղ յիշեն» (Ս. Մինասեան): Դաշնակցական խմբի կռիւնները Վանում: Լուրեր Երկրից:

1897 թ. լոյս է տեսել «Դրօշակ»ի 16 թիւ՝ թիւ 1-16:

Թիւ 1. 1896-97 թ. տարեկան տեսութիւն: Հայդուկներ: Հայդուկային խմբի կռիւր Հայոց Չորում: Լուրեր:

Թիւ 2. Օսմ. Յեղափ. կուսակցութեան առաջին շրջաբերականը: Առաջնորդող՝ «Վերջապէս» (այս շրջաբերականի առթիւ): Հայդուկ. խմբի կռիւր Ախուկայ լեռներում: Կրետական հարց: Լուրեր:

Թիւ 3. Արտաչէս Անդրէասեան (Վոամեան), Առաջնորդող՝ «Դիւանագիտութիւն»: Լուրեր Երկրից: «Եւրոպական վերջին համաձայնութիւն» (բարենորոգումների ծրագրի առթիւ):

Թիւ 4. Մարօ (կենսագրութիւն): Առաջնորդող՝ «Կրետէն ազատում է»: Նամակներ Երկրից: Կրետէի մասին:

\*) Յաջորդ համարներում շարունակուում է «Թիւրքիոյ Շուրջ» բաժինը Ս. Մինասեանի կողմից:



Թիւ 5. Առաջնորդող՝ «Կեցցէ՛ Յանդգնութիւնը» (Յունաստան ու Կրետէ) . նամակներ Երկրից :

Թիւ 6. Առաջնորդող՝ «Դարձեալ կոտորած» : նամակներ Երկրից :

Թիւ 7. Առաջնորդող՝ «Յոյն-Տաճկական պատերազմը» : նամակներ Երկրից : Հնչակ-դաշնակցական միութեան առթիւ :

Թիւ 8. Առաջնորդող՝ «Քալէ՛» (Վրաստան) : Թղթակցութիւններ Երկրից : Թոուցիկ թերթ Հ. Յ. Դ. Վասպուրականի Կ. Կ. ի թիւ 2 :

Թիւ 9. Արտաշէս Միսակեան (կենսագրութիւն) : Առաջնորդող՝ «Կրետէի ինքնավարութիւնը» : նամակներ Երկրից :

Թիւ 10. Առաջնորդող՝ «Սա՞ղ, թէ՛ յեղափոխութիւն» (Երկտասարդ թիւրքերի մասին) : նամակներ Երկրից :

Թիւ 11. Խանասորի արշաւանք : Առաջնորդող՝ «Պատի՛ւ Հայաստանին» : Ռմբային զործողութիւններ Պոլսում : Խաչիկ Գնունի (կենսագրութիւն) : Լուրեր :

Թիւ 12. Առաջնորդող՝ «Աստուած, Ֆէտայիներն եկան» (Խանասորի առթիւ) : Խանասորի արշաւանքի մանրամասնութիւնները : Կռիւներ Վանում :

Թիւ 13. Արտաշէս Մ. Դեւեան — Եդիպտացի (Ա. Վրաստան) : Առաջնորդող՝ «Վե՛րջ այս դրութեան» : »Հայոց մի յաղթութիւնը» — Խանասորի առթիւ, Հանս-Ֆրէշեր : նամակներ Երկրից :

Թիւ 14. Առաջնորդող՝ «Յեղափոխական նէյնիմներ» : Խանասորի կռիւը (չար.) : նամակներ Երկրից :

Թիւ 15. Յակոբ Գարակէտցեան — Ջաւէն (կենսագրութիւն) : Առաջնորդող՝ «Դէպքերը թո՛ղ խօսեն» (Ա. Վրաստան) : նամակներ Երկրից :

Թիւ 16. Արիստակէս Ջօրեան — Կարօ (կենսագրութիւն) : Առաջնորդող՝ «Հիւանդ Մարդը» : Խանասորի կռիւը — նահանջ : Լուրեր :

1898 թ. լոյս է տեսել «Դրօշակ»ի 11 թիւ՝ թիւ 1-11 :

Թիւ 1. 1897-98 թ. տարեկան տեսութիւն : «Թուրքիան եւ իր ներքին թշնամիները, Ա. «Հեւլէնականութիւն» : Քաղաքական տեսութիւն : նամակներ Երկրից, Փարիզից :

Թիւ 2. Սաղաթէլ Խան Մ. Ջահրաբեան (կենսագրութիւն) : Առաջնորդող՝ «Ժողովուրդը եւ Աղաները» : «Թիւրքիան եւ իր ներքին թշնամիները, Բ. : «Մակեդոնական խնդիրը» : Քաղաքական տեսութիւն : նամակներ Երկրից :

Թիւ 3. Առաջնորդող՝ «Հայաջինջ խաղաղութիւնը» (Մ. Վարանդեան) : Տեղեկագիր Տարօնի եւ շրջակայքի : Թղթակցութիւններ Երկրից :



Թիւ 4. Առաջնորդող՝ «Մեր ներքին թշնամիները» (Մ. Վարանդեան) : Թղթակցութիւններ Երկրից : «Թալանի քաղաքակա- նութիւնը եւ հետեւանքը» (Մ. Վարանդեան) : «Կապոյտ Գիրքը 1896-1897» . Կրեաէ :

Թիւ 5. Կարապետ Դաւթեան — Խան (Կենս.) : Առաջնորդող՝ «Երիտասարդ թիւրքիան» (Մ. Վարանդեան) : Թղթակցութիւն- ներ Երկրից : Կլատստոն (Ս. Մինասեան) : Մակեդոնիա :

Թիւ 6. Առաջնորդող՝ «Ակն ընդ Ական» : Քիւրդլերէ Խիթապ (քիւրդերէն) , Տր. Ս. : «Կոչ քիւրդերուն» (հայերէն) : Եմէնի եւ Ալքանիայի խռովութիւնները : «Պրոլետարիատի յաղթանակը» (Բելգիայի , Ֆրանսայի եւ Գերմանական խորհրդարաններու ըն- տրութիւնների առթիւ) : «Առաջին Քայլ» (համագործակցութիւն թիւրքերի հետ) : Լուրեր Երկրից :

Թիւ 7. Առաջնորդող՝ «Յեղափոխութեան Զօրավիզը» . Պիս- մարք : Նամակներ Երկրից :

Թիւ 8. Աստու. Միրզայեան — Կրեապի (Կենսագրութիւն) : Առաջնորդող՝ «Տարեդարձը» (Խանասորի առթիւ) : «Նիկոլա Բ. ի շրջաբերականը» (Լահէի Խաղաղութեան Վեհաժողով) :

Թիւ 9. Առաջնորդող՝ «Աւելորդ դաս մը» (Կրեաէի առթիւ) : «Մեր նշանաբանը» (Մար) : Նամակներ Երկրից :

Թիւ 10. Առաջնորդող՝ «Պարաքի հերոսները» : «Զինակիր խումբի մը յաղթական շուն Բագրեւանդէն Խլաթ» : «Ուժերի հա- մագրութիւն» (Մ. Վարանդեան) : Լուրեր Երկրից :

Թիւ 11. Գրիգոր Գլըճեան — Պարոյր-Հայկազն (Կենս.) : Ա- ռաջնորդող՝ «Խելագարը» (Արդիւլ Համիդը) : Սալմաստի 9 նահա- տակները : Նամակներ Երկրից :

1899 թ. լոյս է տեսել «Դրօշակ»ի 10 թիւ՝ թիւ 1-12 եւ Ապր. 15, Յուլիս 15, Նոյեմբ. 15 եւ Դեկտ. 15 ընդարձակ յաւելումա- ներ վերակազմեալ Հնչակեան Կուսակցութեան եւ Արփ. Արփի- արեանի մասին :

Թիւ 1. 1898-99 թ. տարեկան տեսութիւն (Քրիստափոր) : Այս համարից «Դրօշակ»ը լոյս է տեսնում Քրիստափորի խմբա- գրութեամբ : «Նոր Տարի» : «Աղիզ Մէրիկ» (Հայ Գուսան) — Այս համարից սկսւում է Հայ Գուսանի աշխատակցութիւնը : Մահլամի նահատակների յիշատակին : «Կովկասեան Խարրիկներ» (է. Ակ- նունի) — ա՛յս համարից սկսւում է է. Ակնունու «Կովկասեան Խարրիկներ»ի շարքը : Քաղաքական տեսութիւն : «Մեծ մարդ- կանց փոքրիկ դատախաղը» (Ա. Զոպանեանի մասին) (Քրիստա- փոր) : Լուրեր :

Թիւ 2. «Յայտարարագիր Հ. Յ. Դաշնակցութեան՝ ուղղուած Բերլինի դաշնագիրը ստորագրող պետութիւնների» : 1898-99 թ.



տարեկան տեսութեան շարունակութիւնը (Քրիստափոր) : «Կովկասեան Խարրիկներ (Է. Ակնունի) : Նուբար Փաշա Նուբարեան (մահուան առթիւ) : «Մեծ մարդկանց փոքրիկ դատախազը» (չար.) : «Խայր» (Ղարիբ) : Այս համարից սկսում է Ղարիբի աշխատակցութիւնը :

Թիւ 3. Նշանաւոր եւրոպացիների կարծիքը Հայկական Խնդրի մասին : Առաջնորդող՝ «Յաղթանակը կռիւով» : «Երկու կրակի մէջ» : Կուռուբաշի նահատակները : Նամակներ Երկրից : Քաղաքական տեսութիւն — Կրետէ, Մակեդոնիա, Ֆինլանդիա : Մամուլի տեսութիւն : Գրախօսական — «Ի խաչ հան զդա», Գ. եան եւ Գալիաքճեան, 1899 :

Թիւ 4. Նշանաւոր եւրոպացիների կարծիքները Հայկական Խնդրի մասին : Առաջնորդող՝ «Քաղաքական դրամա՞ թէ Փարս» (Լահէի Խաղաղութեան Վեհաժողովի առթիւ) : Ջէյմս Բրայս՝ «Հայոց Հարցը վերջին 20 տարում» : «Կովկասեան Խարրիկներ» (Է. Ակնունի) : «Թիւրք կառավարութեան դիմումները Դաշնակցութեան հետ բանակցելու» : «Պատիւը» (Ղարիբ) : Լուրեր : Յաւելուած — «Միութեան կամ համերաշխ գործակցութեան խնդիրը չոր Հնչ. Կուսակցութեան հետ» :

Թիւ 5. «Հայաստան եւ Մակեդոնիա» — Յայտարարութիւն Հ. Յ. Դաշնակցութեան եւ Մակեդոնական Գերագոյն Կոմիտէի : Առաջնորդող՝ «Ամբոխային Տրամաբանութիւն» (Քրիստափոր) : «Կովկասեան Խարրիկներ (Է. Ակնունի) : «Թիւրք կառավարութեան դիմումները Դաշնակցութեան հետ բանակցելու» (վերջ) : «Կոռեկներ» (Ա. Թեւերեան) : Լուրեր :

Թիւ 6. Նշանաւոր եւրոպացիների կարծիքը Հայկական Խնդրի մասին : Առաջնորդող՝ «Ամբոխային Տրամաբանութիւն, Բ. (Քրիստափոր) : Գուրգէնի եւ իր խմբի նահատակութիւնը : «Կովկասեան Խարրիկներ» (Է. Ակնունի) : «Էլ մի՛ աղօթիր» (Ղարիբ) : Լուրեր Երկրից եւ արտասահմանից : Յաւելուած Յուլ. 15. — «Վերակազմ. Հնչ. Կուսակցութեան տեսական հայեացքները» :

Թիւ 7. Արամ Արամեանի մահը : Առաջնորդող՝ «Եղբայր ենք մենք» (հայ-մակեդոնական գործակցութիւն) : «Կովկասեան Խարրիկներ» (Է. Ակնունի) : Նամակներ Երկրից, Յովսէփ Աստուրեան (Կենս.) : «Մայրը» (Ղարիբ) :

Թիւ 8. Արամ Արամեան (Կենս.) : Նշանաւոր եւրոպացիների կարծիքը Հայկ. Խնդրի մասին : «Ամբոխային Տրամաբանութիւն, Գ.» (Քրիստափոր) : «Բաց նամակ հայ ինտելիգենցիային» (Հայ Ինտելիգենտ) : Թղթակցութիւններ Երկրից : «Կովկ. Խարրիկներ» (Է. Ակնունի) :

Թիւ 9. — Առաջնորդող՝ «Մենք եւ մեր հակառակորդները» :



Կախաղանից առաջ (Արամ Արամեանի նամակը) : Կովկասեան  
Խարրիկներ» (Է. Ակնունի) : «Կիցօ» . թարգ . Ամ . Չիպրիանիից :  
Լուրեր : Յաւելուած 15 Նոյեմբերի — «Վերակազմ . Հնչ . գոր-  
ծիչների բարոյականը» :

Թիւ 10 . Սերոբ-Աղբիւր (կենս .) : Առաջնորդող՝ «Ազատու-  
թեան կրակը» : Սերոբի մահը (նամակ Մուշից) : «Կովկասեան  
Խարրիկներ» (Է. Ակնունի) : «Ազատութեան ճանապարհին —  
«Բանտապետը» , «Ընկերը» (Ղարիբ) : Յաւելուած 15 Դեկտեմբե-  
րի — Արփ . Արփիարեանը :

1900 թ . լոյս է տեսել «Դրօշակ»ի 10 թիւ՝ թիւ 1-10 :

Թիւ 1 . 1899-1900 թ . տարեկան տեսութիւն : «Մեր քաղաքա-  
կան համակիրները թիւրքիայում» (Մակեդոնիա , Երիտասարդ  
Թիւրքիա , Քիւրդեր) : «Հայդուկի Նոր Տարին» (գրական) : «Խաս-  
տուրի կռիւը» : Անգլօ-Տրանսվալեան պատերազմը : «Արիւնոտ  
Թթխմոր» (Ղարիբ) :

Թիւ 2 . Առաջնորդող՝ «Ամբոխային Տրամաբանութիւն , Դ .»  
(Քրիստափոր) : Կիլիկեան կաթողիկոսական հարցը : Եւրոպ . Հայ  
Ուսանող . Միութիւն : «Կովկասեան Խարրիկներ» (Է. Ակնունի) :  
Լուրեր Երկրից :

Թիւ 3 . Գուրգէն (կենս .) : «Ամբոխային տրամաբանութիւն ,  
Ե .» : «Կովկ . Խարրիկներ» (Է. Ակնունի) : «19-րդ դար» (քաղաք-  
սոց . տեսութիւն) (Մ . Վարանդեան) : «Մշեցի Կարինէ (Պետօ ,  
գրական) : Լուրեր Երկրից :

Թիւ 4 . Առաջնորդող՝ «Ամբոխային Տրամաբանութիւն , Զ .»  
— վերջ (Քրիստափոր) : Պարսկա-Տաճկական սահմանագլխից :  
«Կովկ . Խարրիկներ» (Է. Ակնունի) : «Ջաւօն» (Ղարիբ) : Այլ եւ  
այլ լուրեր :

Թիւ 5 . Առաջնորդող՝ «Դէպի՛ Երկիր» (Է. Ակնունի) : «Կովկ .  
Խարրիկներ» (Է. Ակնունի) : «19-րդ դար» (չար .) : «Մաթէօ Ֆալ-  
կոնէ» , Պր . Միրիմէ (գր .) : Նամակներ Երկրից :

Թիւ 6 . Նշանաւոր եւրոպացիների կարծիքը Հայկ . Խնդրի  
մասին : «Պատմական Չարիքը» (Քրիստափոր) : «Կովկ . Խարրիկ-  
ներ» (Է. Ակնունի) : «19-րդ դար» (չարունակութիւն) : «Աշուղը»  
(Ղարիբ) : Լուրեր :

Թիւ 7 . Առաջնորդող՝ «Ոճրադործը դահի վրայ» (Արդիււ  
Համիդ) : «Մոլորեցնողներ» (յեղափոխութիւն եւ ներքին թըշ-  
նամինները) : Բաց նամակ հայերուն (Տամատ Մահմուտ փաշա) :  
«Կովկ . Խարրիկներ» (Է. Ակնունի) : «Կռիւ դաշտում» (Ղարիբ) :  
Լուրեր :

Թիւ 8 . Առաջնորդող՝ «Միութիւն թիւրքերի հետ» (Քրիս-  
տափոր) : 19-րդ դար» (չար .) : Հայկական Հարցը Փարիզի հա-  
մաժողովներում : Լուրեր :



Թիւ 9. Առաջնորդող՝ «Պրօ Արմենիա» : «Պատմական Չարիք» (Քրիստափոր) : «Կովկ. Խաբրիկներ» (է. Ակնունի) : «19-րդ դար» (չար.) : «Պրօ Արմենիա» յի առաջին համարի բովանդակութիւնը : Եւայլն :

Թիւ 10. Առաջնորդող՝ «Անվերջ դասեր» : «Կովկ. Խաբրիկներ» (է. Ակնունի) . «Պրօ Արմենիա» (թիւ 2 եւ 3) : Տիրացու Գրիգոր» (Ղարիբ) : Նամակներ Երկրից :

1901 թ. լոյս է տեսել 9 թիւ «Դրօշակ» . թիւ 1-9 :

Թիւ 1. Հ. Յ. Դ. տասնամեակին նուիրուած բացառիկ թիւ, ճոխ, պատկերազարդ : Առաջնորդող՝ «Տասնամեակ — 1890-1900» (Քրիստափոր) : «Դաշնակցութեան Տասնամեակին» — քերթուած (Հայ-Գուսան) : «Անցած Օրեր, Գալիք Օրեր» (է. Ակնունի) : «Վերջին Ժպիարը» (Արմէն Գարօ) : «Տասնամեակին առջեւ» (Վար. Վահեան) : «Հայկական Կարմիր Խաչ» (Ն. Ս. — Ռոստոմ) : «Պաշտօնական տեղեկագիր (Բարկէն վարդ.ի տեղեկագիրը Պատրիարքին Տարօնի մասին) : «Ազատութեան Ոգին» (Ղարիբ) : «Դրօշակ»ի 10 տարուայ նիւթերի ցանկը :

Թիւ 2. Առաջնորդող՝ «Կռուող հայրերի դէպրոմատ որդիքը» : «Կովկ. Խաբրիկներ» (է. Ակնունի) : Սերոբ-Աղբիւր (Կենս.) : «19-րդ դար» (չար.) : «Պրօ Արմենիա» (թիւ 5, 6, 7, 8) : Լուրեր :

Թիւ 3. Առաջնորդող՝ «Պատմական Չարիք» (Քրիստափոր) : Սերոբ-Աղբիւր (չար.) : «Պրօ Արմենիա» (թիւ 9, 10, 11, 12) : «Ուխտաւորներ» (Ղարիբ) : Պուլկարիոյ Ապրիլեան յեղափոխութիւնը : Թղթակցութիւններ Երկրից :

Թիւ 4. Առաջնորդող՝ «Հայ-քրդական յարաբերութիւններ» (Քրիստափոր) : «Կոչ Քիւրդերին», Պէտէր Խան-պէյի որդի Ապտիւլրահման : «Մայիսի 1-ը Թիֆլիսում» : Սերոբ-Աղբիւր (չար.) : «19-րդ դար» (չար.) : Պուլկարիոյ Ապրիլեան յեղափոխութիւնը» (չար.) : Նամակներ Երկրից :

Թիւ 5. Առաջնորդող՝ «Հայ-քրդական յարաբերութիւններ, Բ. :» (Քրիստափոր) : Հայաստանի վիճակը : «Կովկ. Խաբրիկներ» (է. Ակնունի) : Սերոբ-Աղբիւր (չար.) : «19-րդ դար» (չար.) : «Պրօ Արմենիա» (թիւ 13, 14, 15, 16) : «Դարբնի Երզը» (Ղարիբ) :

Թիւ 6. Առաջնորդող՝ «Սասունի եօթնամեակը» : «Մրրկահաւը» (Մ. Գորկի) : «Խեղճ հայեր» : Վերջին դէպքերը — Սասուն, Մուշ : Թղթակցութիւններ Երկրից : «Պրօ Արմենիա» (թիւ 17, 18) : «Դարբնի Երզը» — շար. (Ղարիբ) : Թիւ 6-ի յաւելուած՝ Վերջին շարաթուայ լուրեր :

Թիւ 7. Առաջնորդող՝ «Արթուն լինենք» : «Հայաստանի վի-



ճակը — Մուշ: Թղթակցութիւններ Երկրից: Սերոբ-Աղբիւր (վերջ): Պուլիարիոյ Ապրիլեան յեղափոխութիւնը: Խաղաղութեան 10-րդ համաշխ. կոնգրեսը Գլասկովում եւ Հայկական Հարցը:

Թիւ 7-ի յաւելուած՝ «Վերջին Շարաթ»:

Թիւ 8. Առաջնորդող՝ «Սպասողական վիճակում», Հայկ. Հարցը Ֆրանս. Խորհրդարանին մէջ: Թղթակցութիւններ Երկրից — Մուշ, Վասպուրական: «19-րդ դար» (շար.): Ֆրանսիայի սոցիալիստները եւ Հայկական Հարցը: «Կեանքի դիմաց» (Մ. Գորկի):

Թիւ 9. Չորս կախաղան — Պետրոս Սէրէմճեան եւ ընկերներ: Առաջնորդող՝ «Բանականութեան Չայնը»: Ալիշան (մահուան առթիւ): «Հայերը» (Ամ. Չիպրիանի): Թղթակցութիւններ Երկրից — Սղերդ, Խարբերդ: Կովկ. Խաբրիկներ» (է. Ակնունի): «19-րդ դար» (չարունակութիւն): «Խեղդեցէ՛ք Չայնը» (Ասլան — Ռ. Չարդարեան): «Դարբնի Երգը» Ղարիբ):

1902 թ. լռյս է տեսել 11 թիւ «Դրօշակ». թիւ 1-11:

Թիւ 1. 1901-1902 թ. տարեկան տեսութիւն: Պետրոս Սէրէմճեանի եւ ընկերների կախուելը: Իլդէ Ֆրասպանի նամակը «Դրօշակ»ին: Թղթակցութիւններ Երկրից — Պոնտոս, Բէյրութ, Թիֆլիս: «Պրօ Արմենիա» (թիւ 22, 23, 1, 2): Հայկ. Հարցը Ֆրանս. խորհրդարանում:

Թիւ 2. Առաջնորդող՝ «Նոր շրջան»: Հայկ. Հարցը Ֆրանս. խորհրդարանում: Օսմանցի ազատականների համաժողովը: Թղթակցութիւններ — Տարօն, Վան: Ֆր. դը Պրէսանսէի բանասիրութիւնը ժընեւում Հայկ. Հարցի մասին:

Թիւ 3. Առաջնորդող՝ «Յաւիտենական խարխափումը»: «Եւրոպան Եւրոպայի դէմ»: Հայկ. Հարցը Ռայխստագում: Թղթակցութիւններ — Խարբերդ, Գաղատիա, Տիվրիկ, Պարսկաստանական սահմանադուր: «Կովկ. Խաբրիկներ» (է. Ակնունի): «Պրօ Արմենիա» (թիւ 4, 6, 7, 8):

Թիւ 5. Առաջնորդող՝ «Յոյցեր»: Թղթակցութիւններ — Տարօն, Տիգրանակերտ, Մերսին, Վան, Բաթում, Բաղու, «Գործ ոչ խօսք» (Վասպուրականից): Խաչ. Ասլանեան (կենս.):

Թիւ 6. Առաջնորդող՝ «Մեր ներքին չարիքներից»: Թղթակցութիւններ — Մերսին, Տրապիզոն, Կիրասոն, Սղերդ: «Կովկ. Խաբրիկներ» (է. Ակնունի): «Զինակցութիւններ» (քաղաքական): Հայասէր պրոպագանդը Գերմանիայում: Բրիւսելի համաժողովը:

Թիւ 7. Առաջնորդող՝ «Զյափշտակուենք»: Բրիւսելի կոնգրեսը: «Գրիչը քաղաքագէտների ձեռքում»: Թղթակցութիւններ



— Ախլաթ, Բուլանըզ, Երզնկա, Ալաշկերտ: Քաղաքական տեսութիւն: Հայաստանի կոնգրեսը: «Դրօշակ»ի խմբագրութեան եւ Հնչակեան կուս. կենտրոնի միացեալ կոչը Բրիւսելի Հայաստանի կոնգրեսին:

Թիւ 8. Առաջնորդող՝ «Մեր ներքին շարիքներից, Բ.» : Հայկական Մոնաէնեզրոն (Ջէյթունի մասին) : Հայաստանի վիճակը 1901-ին : Տեղեկագիր Բագրեւանդի : Թղթակցութիւններ — Մուշ, Կիլիկիա, Բալկաններում :

Թիւ 9. — Առաջնորդող՝ «Պատմական դաւաճանութիւն» : Հայ գաղթականների դիմումը մեծ պետութիւններին : Հայաստանից թղթակցութիւններ — Իւչ-Քիլիսա, Վասպուրական, Սարբերդ : Ախալէր (Կենս.) : Պետրոս Սէրէմճեան (յուշեր) : Ռումանացի հրեաները եւ Ամերիկան :

Թիւ 10. Առաջնորդող՝ «Թիւրքիայի ուժը» : Թղթակցութիւններ — Ալաշկերտ, Բասէն, Կարին, Վասպուրական : Քրդական բարքերէն : Տեղեկագիր Տիգրանակերտի ձիորէ դաւառակի ներքին վիճակի մասին :

Թիւ 11. Առաջնորդող՝ «Ճակատադրական Ուղիւն» : «Հայ գաղթականների խնդիրը» : «Պրէսանսէի դիմումը հայ գաղթականների համար» : Թղթակցութիւններ — Կարին, Բայազիտ, Վան, Կիրասոն, Մերսին : Տեղեկագիր ձիորէի մասին (շար.) : Երկու զոհ (Սաչատուր վարժապետ եւ հայդուկ Յարութիւն) :

1903-ին լոյս է տեսել 10 թիւ «Դրօշակ» . թիւ 1-10 :

Թիւ 1. 1902-1903 թ. տարեկան տեսութիւն : Թղթակցութիւններ — Պոլիս, Էրզրում : «Կովկ. Սարբիկներ» (է. Ակնունի) : Հայկ. խնդիրը Աւստրո-Հունդարիայում : Տեղեկագիր ձիորէի մասին (շար.) : 1902 թ. քաղաքական տեսութիւն : «Սորտակուած կապանքներ» (Մ. Գորկի) :

Թիւ 2. Առաջնորդող՝ «Հաւաքական պարտաճանաչութիւն» : Թղթակցութիւններ — Էրզրում, Մուշ, Տրապիզոն, Բաղէշ, Սղերդ : «Կովկ. Սարբիկներ» (է. Ակնունի) : Հայկ. պրոպագանդը Եւրոպայում :

Թիւ 3. Առաջնորդող՝ «Դարերի Սարբ» : Թղթակցութիւններ Երկրից : «Կովկ. Սարբիկներ» (է. Ակնունի) : Տիգրանակերտի վիլայէթի նստակերտ շրջանի վիճակը : ձիորէի վիճակը (շար.) : Էդ. Բէրնշտայնի հարցապնդումը Ռայխստագում :

Թիւ 4. Առաջնորդող՝ «Յեղափոխութեան հնոցը» : «Հայորդիներ. Ա.» , Սիամանթօ (այս համարից սկսում է Սիամանթոյի աշխատակցութիւնը) : «Յեղափոխութիւնը եւ Եւրոպան» : Թղթակցութիւններ Երկրից : ձիորէի վիճակը (շար.) : Հայկ. Հարցը Իտալիայում :



Թիւ 5. Առաջնորդող՝ «Պարտութիւն թէ Զինադադար» : «Արիւնի իրիկուններ» (Սիամանթօ) : Թղթակցութիւններ Երկրից : Դաշն. եւ Հնչ. միութեան բանակցութեանց վախճանը : «Արիւնի Զայնը» (Ղարիբ) : Գար. Զթչեանի սպանութիւնը :

Թիւ 6. «Սպանալից դրութիւն» խմբ. : Թղթակցութիւններ :

Թիւ 7. Առաջնորդող՝ «Կովկասահայի տաղնապը» : «Ատելութիւն» (Վտարանդի) : Մուշ-Սասուն : Հայկական ցոյցեր Կովկասում : Թղթակցութիւններ Երկրից : «Կովկ. Խաբրիկներ» (Է. Ակնունի) : «Երիտասարդ զինուորը» (Լամբնէ) :

Թիւ 8. Առաջնորդող՝ «Պատճառարանութիւնները» : Հայկական ցոյցեր Կովկասում : Թղթակցութիւններ Երկրից : «Կովկ. Խաբրիկներ» (Է. Ակնունի) : «Վրաստան»ը եւ ազգ. ինքնավարութեան հարցը Կովկասում : Հայաստան եւ Մակեդոնիա :

Թիւ 9. «Մակեդ. շարժումը» խմբ. : Բասենի ընդհարումները :

Թիւ 10. Դինամիտի զոհերը Կարսում : Թղթակցութիւններ Երկրից : «Վրաստան»ը եւ ազգ. ինքն. հարցը Կովկասում, շար. : 1904 թ. լոյս է տեսել 12 թիւ «Դրօշակ» . թիւ 1-12 :

Թիւ 1. 1903-1904 թ. տարեկան տեսութիւն : Թղթակցութիւններ Երկրից — Վան, Մուշ եւ այլն : «Վրաստան»ը եւ ազգ. ինքնավարութեան հարցը Կովկասում (վերջ) :

Թիւ 2. Առաջնորդող՝ «Տարօնը արեան մէջ» : Թղթակցութիւններ Երկրից : Սուլուսցի Սերոբ (Կենս.) : «Կովկ. Խաբրիկներ» (Է. Ակնունի) :

Թիւ 3. Առաջնորդող՝ «Պատրաստ եղէ՞ք» : Թղթակցութիւններ Երկրից : «Կովկ. Խաբրիկներ» (Է. Ակնունի) : Բասէնի եւ Դաւիթբաբայի կռուի զոհերը :

Թիւ 4-5. Կռուող Սասունը : Սասունի ապստամբութիւնը : (Սասունի քարտէսով) : Թղթակցութիւններ Երկրից : «Կովկ. Խաբրիկներ» (Է. Ակնունի) : Հրայր-Դժոխքի մահը :

Թիւ 6. Առաջնորդող՝ «Դատարկման ծրագիրը» (Սասունի մասին) : Տեղեկութիւններ Սասունի ապստամբութեան մասին : Թղթակցութիւններ Երկրից : «Կովկ. Խաբրիկներ» (Է. Ակնունի) :

Թիւ 7. Առաջնորդող՝ «Վրէժի սերունդ» : Զիւնի կռիւր : Սասունի զէպքերը : Թղթակցութիւններ Երկրից : «Կովկ. Խաբրիկներ» (Է. Ակնունի) : Սասունի հարցը Փրանս. պարլամենտում :

Թիւ 8. Բէֆորմների պահանջները ներկայացրուած 3 մեծ պետութեանց հիւպատոսներին : Առաջնորդող՝ «Տեոքը Ռուսաստանում» : «Որսկան» խմբի կռիւր : Մոսուն Զօրի ընդհարումը : Թղթակցութիւններ Երկրից : «Կովկ. Խաբրիկներ» (Է. Ակնունի) : Սասունի հարցը Փրանս. պարլամենտում (շար.) : Շաւրօ (Կենս. եւ նամակը) :

Թիւ 9. Առաջնորդող՝ «Կռուի տենդը» : Բազրեւանդի կռիւ-



ները: Իզդիրի բորենին: Թղթակցութիւններ Երկրից: Սասունի  
հարցը Ֆրանս. սարլամենտում (վերջ): Վաղարշակ Բաղդասար-  
եան — Կայծակ (կենս.): Ամստերդամի կոնգրեսը: Պլեէէի սոլա-  
նութիւնը:

Թիւ 10. Առաջնորդող՝ «Յարիզմի դէմ»: Յեղափոխական  
հայուհիներ: Աղթամարի կռիւր: Սահմանադրի ընդհարումը:  
Բոնութիւնները Տարօնում: Հրայր-Դժոխք (կենս.): Ամստերդամի  
կոնգրեսը, Բ.:

Թիւ 11. Առաջնորդող՝ «Պլեէէից յետոյ»: Կոչ Կովկասի զօ-  
րակոչի առթիւ: Թղթակցութիւններ Երկրից: Վահան Մանուէլ-  
եան (կենս.): Ամստերդամի կոնգրեսը, Գ.: «Ճերմակ Գիրք»  
հայկ. հարցի մասին: Լեհական շարժումներ:

1905 թ. Լոյս տեսաւ 13 թիւ «Իրօշակ». թիւ 1-13:

Թիւ 1. Առաջնորդող՝ «Յիշատակելի թուական (1904-1905)»: Յեղափոխական  
շարժումը Ռուսաստանում: «Կովկ. Սարրիկներ»  
(Է. Ակնունի): Մակեդոնիա:

Թիւ 2. Առաջնորդող՝ «Կարմիր Սուլթան-Կարմիր Տար»: Սա-  
սունի եւ Մուշի կռիւների մանրամասն նկարագրութիւնը (շար.):  
Թղթակցութիւններ Երկրից: «Վազրիկ» (Ղարիբ): Յեղափոխա-  
կան շարժումը Ռուսաստանում:

Թիւ 3. Առաջնորդող՝ «Ն<sup>o</sup> բբ արդեօք կը խրատուենք»: Սա-  
սունի եւ Մուշի կռիւների մանրամասն նկարագրութիւնը (շար.):  
Հայ-թաթարական ընդհարումները Բագում: «Կովկ. Սարրիկ-  
ներ» (Է. Ակնունի): Արմենակ Լեւոնեան — Երկաթ (կենս.):

Թիւ 4. Քրիստափորի մահը: Առաջնորդող՝ «Քրիստափոր  
Միքայէլեան»: «Ողբի նամակ Հ. Յ. Դաշնակցութեան» (Սիա-  
մանթօ): Սասունի եւ Մուշի կռիւների մանրամասն նկարագրու-  
թիւնը (շար.): Թղթակցութիւններ Երկրից: Աղթամարի կռիւր:  
Բագուի դէպքերը: Ռուսական տագնապը:

Թիւ 5. Յեղափոխական կուսակցութիւնների դաշն ցարիզմի  
դէմ: Սասունի եւ Մուշի կռիւների մանրամասն նկարագրութիւ-  
նը (շար.): Բագուի դէպքերը: Լուրեր Ռուսաստանի յեղափո-  
խութեան մասին:

Թիւ 6. Առաջնորդող՝ «Համիդիականութիւնը Կովկասում»: Սա-  
սունի եւ Մուշի կռիւների մանրամասն նկարագրութիւնը: Թըղ-  
թակցութիւններ Երկրից: «Կովս. Սարրիկներ» (Է. Ակնունի):  
«Անդրկովկասի ժողովուրդների պահանջը»: Յեղափոխութիւնը  
Ռուսաստանում:

Թիւ 7. Առաջնորդող՝ «Քաղաքական Վրաստանը»: Հայ-թա-  
թարական ընդհարումները: Նակաշիձէի ահաբեկումը: Սասունի  
եւ Մուշի կռիւների մանրամասն նկարագրութիւնը (վերջ):



«Յարգա՛նք քեզ» (Ղարիբ) : Հ. Յ. Դ. հրամանը կովկասեան ոռւս վարչութեան :

Թիւ 8. Առաջնորդնի մահախորձ : Առաջնորդող՝ «Բարի խորհուրդներ» : «Հայորդիներ, Զ.» (Սիամանթօ) : Հայ-թաթարական ընդհարումները : Թղթակցութիւններ Երկրից : Նամակ Ֆրանսիայից կովկասեան դէպքերի մասին :

Թիւ 9. Առաջնորդող՝ «Պոնարհուող թագը» : Ապիկարներ (կովկասեան դէպքերի առթիւ) : Նամակ Վասպուրականից : Հայ-թաթարական ընդհարումները : «Օտար հորիզոնների տակ» (Ղարիբ) :

Թիւ 10. Առաջնորդող՝ «Դարաւոր պայքարը» : Հայկ. կալուածների վերադարձը : Հայ-թաթարական ընդհարումները : «Կովկ. Պարրիկներ» (Է. Ակնունի) : «Հազրէն» (Ղարիբ) :

Թիւ 11. Առաջնորդող՝ «Տասնամեակին» (1895 թ. ջարդերի առթիւ) : «Կովկաս» (Սիամանթօ) : «Դրօշակ»ի խմբագրութեան կոչը եւրոպական մամուլին եւ ականաւոր գործիչներին կովկասի դէպքերի առթիւ : Հայ-թաթարական ընդհարումները : Թղթակցութիւններ Երկրից :

Թիւ 12. Առաջնորդող՝ «Յեղափոխութեան առաջին յաղթանակը» (կալուածների վերադարձի առթիւ) : Յարիզմի հոգեվարքը : Հայ-թաթարական ընդհարումները : Թղթակցութիւններ Երկրից : Մարգար ժամհարեան — Մուս (կենս.) :

Թիւ 13. Առաջնորդող՝ «Նաւային ցոյցը» (Թիւրքիայի դէմ) : «Հողեվարքի ցնցումները» (ռուսական յեղափոխութիւնը) : Հայ-թաթարական ընդհարումները : Թղթակցութիւններ Երկրից : «Կարմիր նամակ» (Սիամանթօ) :

1906 թ. 12 րդ է տեսել 12 թիւ «Դրօշակ» . թիւ 1-12 :

Թիւ 1. 1905-1906 թ. տարեկան տեսութիւն : «Դարերու վրէժ» (Սիամանթօ) : Հայ-թաթարական ընդհարումներ : «Կաղանդի ընծան» (Մար) :

Թիւ 2. Առաջնորդող՝ «Առաջնական Երազներ» : «Մենախօսութիւն» (Սիամանթօ) : Հայ-թաթարական ընդհարումները : Թղթակցութիւններ Երկրից : Մոսկուայի ապստամբութիւնը :

Թիւ 3. Առաջնորդող՝ «Դահլիճների դահլիճում» : Հայ-թաթարական ընդհարումները : Թղթակցութիւններ Երկրից : «Կովկ. Պարրիկներ» (Է. Ակնունի) : «Վիթոշի Բազէն» (Վտարանդի) : Ստեփան Ստեփանեան (կենս.) : Լահէի ժողովը եւ թիւրքահայ խնդիրը :

Թիւ 4. Առաջնորդող՝ «Դժուարն անցանք» : «Հայկ. Հարցը եւ Իտալիոյ պարտականութիւնը» (Վիտտորիօ Բ. դի Օլիվիէրի) : Թղթակցութիւններ Երկրից : Հայ-թաթարական ընդհարումներ



րը: «Քաղաքական կուսակցութիւնները Ռուսաստանում. Ա.» (Վ. Արարատսկի): «Կենդանի թաղուածներէ աշխարհում — թիւրքական բանտեր, Ա.» (Մար): Խորէն Սարգսեան — Պետրոս Ազիզով (Կենս.):

Թիւ 5. Առաջնորդող՝ «Յարմար բոպէն»: «Ֆրանսա եւ Ռուսական փոխառութիւնը» (Պիէր Քիար): Թղթակցութիւններ Երկրից: Հայ-թաթարական ընդհարումները: «Կովկ. Խարրիկներ» (է. Ակնունի): «Քաղ. կուս. Ռուսաստանում, Բ.» (Վ. Արարատսկի): «Կենդանի թաղուածներէ աշխարհում, Բ.» (Մար):

Թիւ 6. Առաջնորդող՝ «Միրանակիր խրտուիլակը»: «Դէպի՛ գործ» (Իլդէ Ֆրապան): «Յորդորներ եւ խրատներ հայդուկներին. Ա.» (Անդրանիկ): Թղթակցութիւններ Երկրից: Հայ-թաթարական ընդհարումները: «Տեղեկագիրը գաւառական հարստատահարութեանց ներկայացուած առ Բ. Դուռն յանուն Ազգային Ժողովոյ ի 11 Ապրիլի, 1872 թ.»: «Կենդանի թաղուածներէ աշխարհում. Գ.» (Մար):

Թիւ 7. Առաջնորդող՝ «Դուման մեռաւ, կեցցէ՛ Սահմանադրութիւնը»: «Նախատինք Եւրոպային» (էլիդէ Բըկլիւ): Վանի արիւնոտ տասնամեակը: «Յորդորներ եւ հրահանգներ հայդուկներուն, Բ.-Գ.» (Անդրանիկ): Թղթակցութիւններ Երկրից: Հայ-թաթարական ընդհարումները: «Դուման» (Վ. Արարատսկի): «Կենդանի թաղուածներէ աշխարհում, Դ.» (Մար):

Թիւ 8. Առաջնորդող՝ «Գեաւուրները կուռն են»: Հայկական խնդիրը միջպարլամենտական ժողովում: Օսմ. Բանկի գրուման 10-ամեակը: «Յորդորներ եւ հրահանգներ հայդուկներուն, Դ.» (Անդրանիկ): Թիւրք ազատախոհների կոչը: Հայ-թաթարական ընդհարումները: Թղթակցութիւններ Երկրից: «Քաղ. կուս. Ռուսաստանում, Դ.» (Վ. Արարատսկի): Սահմանադրութեան սկիզբը Պարսկաստանում:

Թիւ 9. Առաջնորդող՝ «Մեծ մարդասպանի՛ վերջալոյսը»: «Հրաւէր համերաշխութեան» (Պ. Քիյար): «Յորդորներ եւ հրահանգներ հայդուկներուն, Ե.» (Անդրանիկ): Թղթակցութիւններ Երկրից: Հայ-թաթարական ընդհարումները: Բազուի գործադուլի շուրջ: «Բ. Տեղեկագիրը գաւառական հարստատահարութեանց»: «Թիարաններու խորքէն» (Սիամանթօ):

Թիւ 10. Առաջնորդող՝ «Դիմագիր տարրերու համախմբում»: Հայոց Հարցը խաղաղութեան համաշխ. 15-րդ կոնգրէի առջեւ: Թղթակցութիւններ Երկրից: «Քաղ. կուս. Ռուսաստանում, Ե.» (Վ. Արարատսկի): «Բ. Տեղեկագիրը գաւառ. հարստատահարութեանց» (վերջ):

Թիւ 11. Առաջնորդող՝ «Համերաշխութեան ձեռքը»: Էրզրու-



մի ցոյցը: Թղթակցութիւններ Երկրից: «Քաղ. կուս. Ռուսաստանում, Ե.» (Վ. Արարատսկի): «Կախաղաններու կատարէն» (Սիամանթօ): «Արեան էջեր» — Մաթ. Իզմիրլեանի 1905 թ. Դեկտ. 4 թւագրերը: Սասունի նահատակները:

Թիւ 12. Առաջնորդող՝ «Յարիզմը Յարի դէմ»: Թղթակցութիւններ Երկրից: «Քաղ. կուս. Ռուսաստանում, Զ.» (Վ. Արարատսկի): «Արեան էջեր» — Մ. Իզմիրլեանի 1905 թ. Դեկտ. 4 թւագրերը (չար.): «Դաշնակցութիւն» (Վտարանդի): Սասունի նահատակները (չար.):

1907 թ. լոյս է տեսել 12 թիւ «Իրօշակ». թիւ 1-12:

Թիւ 1. Առաջնորդող՝ «Աստուածները գլորուած»: Թղթակցութիւններ Երկրից: Հայ-թաթարական ընդհարումները: «Արեան էջեր» — Մ. Իզմիրլեանի 1905 թ. Դեկտ. 4 թւագրերը (վերջ): Սասունի նահատակները (չար.):

Թիւ 2. Առաջնորդող՝ «Հակահարուածը»: Թղթակցութիւններ Երկրից: Հայ-թաթարական ընդհարումները: «Որբերուն ճակատադէն» (Սիամանթօ): Սասունի նահատակները:

Թիւ 3. Առաջնորդող՝ «Նոր տազնապը»: «Հայ բանտարկեալներուն համար» (Պ. Քիյար): Երկրորդ Դուման: Թղթակցութիւններ Երկրից: Հայ-թաթարական ընդհարումները: Ռուսական ճգնաժամը:

Թիւ 4. Առաջնորդող՝ «Ալէտի հանդէպ»: Թղթակցութիւններ Երկրից: Կովկասի ընդհանուր տեսութիւն: Ռուսաստանի յեղափոխութիւնը եւ հայկական խնդիրը:

Թիւ 5. Առաջնորդող՝ «Զորքորդ Ընդհանուր Ժողովը»: «Հ. Յ. Դաշնակցութիւնը եւ Սոցիալիզմը» (Պ. Քիյար): «Զկայ անշատում» (Մ. Վարանդեան): 4-րդ Ընդհ. Ժողովի սրոշումները:

Թիւ 6-7. Առաջնորդող՝ «Սուլթանական ցասումն». «Հայ-թրքական համերաշխութիւն»: Գ. Չաւուշի մահը: Աղթամարի կռիւրը: «Սոցիալիստի նամակներ, Ա.» (Վ. Արարատսկի): Թղթակցութիւններ Երկրից: Կովկասեան լուրեր: Գարիբալդի. Ա.: Չանազան տեղեկութիւններ:

Թիւ 8. Առաջնորդող՝ «Վայրկեանի պահանջը»: Հաազայի խաղ. Բ. կոնդրեսը եւ հայկ. խնդիրը: Է. Միջազգ. Սոց. կոնդրեսը: Գէորդ Չաւուշ — Սարհատ (կենս.): Գարիբալդի, Բ.):

Թիւ 9. Առաջնորդող՝ «Խաղաղութեան կոնդրեսներ եւ հակամիլիտարիզմ»: Դաշնակցութեան ծրագիրը (տեսական մաս, հաստատուած վիէննայում): «Սոց. նամակներ, Բ.» (Վ. Արարատսկի): Լուրեր Երկրից: Գանձակի կռիւնները: Հ. Յ. Դ. Շտուակարտի տեղեկագիրը: Գէորդ Չաւուշ (չար.):

Թիւ 10. Առաջնորդող՝ «Գործի պրոպագանդը»: Թղթակցու-



Թիւններ Երկրից: «Սոց. նամակներ, Գ.» (Վ. Արարատսկի): Գէորգ Չաւուշ (շար.): Թիւրք-պարսկական վէճը:

Թիւ 11-12. Առաջնորդող՝ «Վտանգալի հեռանկարներ»: «Ո՞ւր է վախճանը» (Ռուսաստանի քաօսը): Խրիմեան Հայրիկ (կենս.): Բորիս Սարաֆով (կենս.): «Սոց. նամակներ, Դ.» (Վ. Արարատսկի): Լուրեր Հայաստանից: Պարսկաստան: Գերմանիա եւ լեհերը:

1908 թ. լոյս է տեսել 12 թիւ «Դրօշակ». թիւ 1-12:

Թիւ 1. Առաջնորդող՝ «Միջկուսակցական կոնգրէն»: Յայտարարագիր Օսմ. կայսրութեան ընդդիմադիր տարրերի կոնգրէի: «Սոց. նամակներ, Ե.» (Վ. Արարատսկի): Թղթակցութիւններ Երկրից: Սպիտակ տեղորը էրզրումի մէջ:

Թիւ 2. Առաջնորդող՝ «Փոթորիկից առաջ»: «Կենտրոնացում եւ ապակենտրոնացում»: «Սոց. նամակներ, Զ.» (Վ. Արարատսկի): Թղթակցութիւններ Երկրից: «Երկու գերեզման» (ցարիզմ, սուլթանութիւն): Արեւելեան ճգնաժամը:

Թիւ 3. Առաջնորդող՝ «Վանի դէպքերը»: Վանի դէպքերի գրաւումը: «Երկու ցեղ» (մարդարանական դործօնը): «Սոց. նամակներ, Է.» (Վ. Արարատսկի): Սայդօ Պօղոս, Ջնդօ (կենս.):

Թիւ 4. Առաջնորդող՝ «Արջի թաթը»: «Կէս ճանապարհին» (Պ. Դումա): «Սոց. նամակներ, Ը.» (Վ. Արարատսկի): «Հակասական թռիչքները մարքսիզմի էվոլյուցիայի մէջ»: Բաղէշի վիլայէթի վիճակը 1907 թ.: Լուրեր Երկրից: «Դաւաճաններ» (Սիամանթօ): Եւրոպայի Դաշն. Ուս. առաջին համագումարը:

Թիւ 5. Առաջնորդող՝ «Բարբարոս բէթիմը»: Վանի դէպքերը: «Կոտորածի ծրագիրներ» (մի թիւրքի մերկացումներ): Հանրագրութիւն՝ Վանայ ժողովրդին: «Սոց. նամակներ, Թ.» — վերջ (Վ. Արարատսկի): Պարլամենտարիզմ եւ օրինականութիւն: Բաղէշի վիլայէթի վիճակը (շար.): Եւրոպա, Ասիա (քաղաք. տեսութիւն):

Թիւ 6. Առաջնորդող՝ «Տիեզերական բէակցիան եւ սոցիալիզմը»: Վանի դէպքերը: «Սկզբունք եւ տակտիկա» (սոցիալիստական տեսութիւն): Բաղէշի վիլայէթի վիճակը 1907 թ. (շար.): Չաւէն (կենս.): «Կամքի մէջ դիւցազն» (Սիամանթօ): Արեւելեան ճգնաժամը:

Թիւ 7. Առաջնորդող՝ «Թիւրքիան — Սահմանադրական»: «Յեղափոխական շարժումը Թիւրքիայում»: Վանի դէպքերը: Բաղէշի վիլայէթի վիճակը (շար.): Լուրեր Երկրից:

Թիւ 8. Առաջնորդող՝ «Այժմէական պահանջը»: Օսմ. Սահմանադրութիւնը եւ հայերը: «Ողջո՛յն» (Մար): Շրջաբերական



Հ. Յ. Դ. Պոլսի Պատ. Մարմնի: «Վերջապէս» (Հ. Յ. Դ. Բիւրօ):  
«Յեղափոխական Սինդիկատիզմ, Ա.»:

Թիւ 9-10. Հ. Յ. Դ. պահանջները: Ծրագիր Օսմ. Միութեան  
եւ Յառաջ. Կոմիտէի: Առաջնորդող՝ «Տեղատուութիւն»:  
Ռուս. յեղափոխութիւնն ու կուսակցութիւնները: Թիւրքիա — ներքին  
կացութիւն, արտաքին կացութիւն: Պարսկ. յեղափոխութիւնը:  
Միջազգ. Սոց. Բիւրոյի 10-րդ համադումարը:

Թիւ 11-12. Սաքօ (Կենս.): Առաջնորդող՝ «Մեծ կնճիռների  
հանդէպ»: Թիւրքա-Ազգային ճիւղը: Ռուսաստան—Արեան բէժի-  
մը: Պարսկաստան—արիւնոուշտ յետադիմութիւնը: Յով. Աչըզ-  
կէօղեան (Կենս.): Կարօ (Կենս.): «Յեղափոխական Սինդիկա-  
տիզմը, Բ.»:

1909 թ. լոյս է տեսել 12 թիւ «Դրօշակ». թիւ 1-12:

Թիւ 1. 1908-1909 թ. տարեկան տեսութիւն: Թիւրքիա — Եր-  
կաթուղիներու կարեւորութիւնը: Աղէֆ: «Յեղափոխական Սին-  
դիկատիզմ, Գ.»:

Թիւ 2-3. «Ստոլիպին-վորոնցովեան բէժիմը եւ Դաշնակցու-  
թիւնը»: «Ռ՞ւր են» (Կոչ երիտասարդութեան): Թիւրքիա: Փո-  
քըր-Հայքի հայերը, Ա.: Տաղնապը Սոց.-Յեղափ. կուս. մէջ:  
Պարսկաստան — Յեղափոխութեան ակիբները: «Յեղափոխ. Սին-  
դիկատիզմ, Դ.»: Սոցիալիստական ինտելիգենցիան եւ յեղափո-  
խութիւնը, Ա.»:

Թիւ 4. «Մեծ Մարդասպանը դահլնկէց: Առաջնորդող՝ «Երկ-  
րորդ յեղափոխութիւն»:  
Կիլիկիան արիւնաւեր:

Թիւ 5. «Պաշտպանուինք»: Կիլիկեան սարսափներ»: «Աղէտի  
շուրջը» (Կիլիկիա): Կովկասեան տաղնապը: Պարսկաստան —  
Սահմանադրութիւնը վերահաստատուած:

Թիւ 6. «Աղէտէն ետքը»: Ռուսաստան — Վեհապետի ուղե-  
ւորութիւնը եւ երկիրը: Աղէֆ: Սոց.-Յեղափ. կուս. Ե. խորհուր-  
դը: Լուրեր Թիւրքիայից: Փոքր-Հայքի հայերը, Բ.: Ժամանա-  
կակից կնճիռներ — ազգային նշանաբանը:

Թիւ 7. «Կացութիւնը եւ մեր պարտաւորութիւնները, Ա.»:  
Փոքր-Հայքի Հայերը, Գ.: Համաժողովրդական բանակ, Ա., Բ.:  
Պարսկաստան — Բռնակալութեան անկումը: Ժամանակակից  
կնճիռներ — Գաղափարը եւ նրա արտայայտութիւնները:

Թիւ 8. «Կացութիւնը եւ մեր պարտաւորութիւնները, Բ.»:  
Արտագաղթը: Համաժողովրդական բանակ, Գ.: Երկու յիսնամ-  
եակ: Ազգային ընկերվարութիւնների ծագումը:

Թիւ 9. Յայտարարագիր Հ. Յ. Դ. Ե. Ընդհ. Ժողովի: «Կա-  
ցութիւնը եւ մեր պարտաւորութիւնները, Գ.»:  
Թիւրքիա — ներ-  
քին վիճակը: Համաժողովրդական բանակ, Դ.: Եղիշէ Թովչեանի  
մահը:



Թիւ 10-11. Հ. Յ. Դ. Ե. Ընդհ. Ժողովի որոշումները: Առաջնորդող՝ «Ե. Ընդհ. Ժողով»: Պարսկաստան — Մուջահիդներին սրբազան կուսակցութեան ծրագիրը: Համաժողովրդական բանակ, Դ.: Ժառանգականութիւնը ազգ. զարգացման պրոցեսում:

Թիւ 12. «Դրօշակի շուրջը»: Պատմական մենամարտ (Լորդերի Պալատը): Բնութիւնը եւ աշխատանքը ազգ. զարգացման պրոցեսում:

1910 թ. լոյս է տեսել 12 թիւ «Դրօշակ». թիւ 1-12:

Թիւ 1. Եղիշէ Թոփչեան: 1909-1910 թ. տարեկան տեսութիւն: Լեզուն եւ սրտմութիւնը ազգերի էվոլյուցիայի մէջ:

Թիւ 2. «Մի մեծ շարժման ստուերները, Ա.» (ռուս. յեղափոխութիւն): Ներքին պայքարը թիւրքահայ կեանքի մէջ: Ռուսիա: Ազգային արժէքներ: Պատմական զարգացում եւ տեսական ընդհանրացումներ, Ա.:

Թիւ 3-4. «Մի մեծ շարժման ստուերները, Բ.» : «Յուշեր արիւնոտ օրերից» (Ալ. Մամիկոնեան): Նոր թիւրքիան, Ա.: Պարլ. ընտրութիւնները Ֆրանսիայում: Պատմ. զարգացում եւ տես. ընդհանրացումներ, Բ.:

Թիւ 5-6. Մարտիրոս Չարուխչեան (կենս.): Վարագի յիսնամեակը: Նոր թիւրքիան, Բ.: Պատմ. զարգացում եւ տես. ընդհանրացումներ, Դ.:

7-12. «Մի մեծ շարժման ստուերները, Գ. (յերջ): Նոր թիւրքիան, Գ.: Ը. Միջազգ. Սոց. կոնգրես: «Միջկուսակցական խորհրդաժողով» (Ռուս. սոց. կուս.):

1911 թ. լոյս է տեսել 12 թիւ «Դրօշակ». թիւ 1-12:

Թիւ 1. Առաջնորդող՝ «Հովեր»: Տոլստոյ: Նոր թիւրքիա, Ե.: Մի էջ պարսկ. յեղափ. սրտմութիւնից (Ալզա): Իզմիրլեան: Պատմ. զարգացում եւ տես. ընդհանրացումներ, Գ.:

Թիւ 2. Կովկասեան Բաստիլը եւ հայ հասարակութիւնը: Նոր թիւրքիա, Զ.: Սոց.-յեղափ.-ները եւ զինուած ապստամբութեան խնդիրը: Պատմ. զարգացում եւ տես. ընդհանրացումներ, Դ.:

Թիւ 3-4. «Գերմանական արշաւը եւ թիւրքիոյ ճակատագիրը, Ա.» : Նոր թիւրքիան, Ե.: «Հաղուազիւտ տօն» (Իտալիոյ վերածնութիւնը):

Թիւ 5-6. «Գերմ. արշաւը եւ թիւրքիոյ ճակատագիրը, Բ.» : Նոր թիւրքիան, Ը.: Գնունեան (Մ. Վ.): Պատմ. զարգացում եւ տես. ընդհանրացումներ, Ե.:

Թիւ 7-12. Հ. Յ. Դ. Զ. Ընդհ. Ժողովի որոշումները: «Ճշմարտամ»: Նոր թիւրքիան, Թ.: Պատերազմը եւ մենք: «Գերմ. ար-



- չաւը եւ Թիւրքիոյ ճակատագիրը, Գ. : Սպանդարեանի դործը : 1912 թ. լոյս է տեսել 12 թիւ «Դրօշակ». թիւ 1-12 :
- Թիւ 1. Մահ Պիէռ Քիյառի : 1911-1912 թ. տարեկան տեսութիւն : Սոցիալիստական տարրը Ռուսահայ գրականութեան մէջ (ներածութիւն) : «Սեպարատիզմը» աշխատ. շարժման մէջ, Ա. : Պարլ. ընտրութիւնները Գերմանիայում : «Ուսանող», «Նոր կօսք», «Նոր Կեանք», «Փրկիչներ» (գրախօս.) :
- Թիւ 2. Պ. Քիյառ (Կենս.) : Լեհաստանը եւ նրա դրօշակակիր կուսակցութիւնը : Ճակատամարտները Պարսկաստանում : Լաւրովի պատմափիլիսոփայութիւնը (ներածութիւն՝ Սնար) : Սեպարատիզմը աշխ. շարժման մէջ, Բ. : Հայկ. շարժման նախապատմութիւնը (Մ. Վարանդեան) :
- Թիւ 3. «Դաշնակցութեան» Դատը : Մի հատուած դատախազի ճառից : Հռետորը Գերիներուն (Սիամանթօ) : Զուլումաթ (Կենս.) : Սոցիալիստական տարրը ռուսահայ գրականութեան մէջ, Ա. : Լաւրովի պատմափիլիսոփայութիւնը, Ա. (Սնար) : Գերման. արշաւը եւ Թիւրքիոյ ճակատագիրը, Դ. : Հայկ. շարժման նախապատմութիւնը, Բ. : Ռուսաստան — Ծանուցումն Լենինի :
- Թիւ 4. Եփրեմ : Ճակատամարտները Պարսկաստանում (չար.) : Ալեքս. Հերցէն (Մ. Վ.) : Գերմ. արշաւը եւ Թիւրքիոյ ճակատագիրը, Ե. (վերջ) : Լաւրովի պատմ. Բ. (Սնար) : Հայկ. շարժմ. նախապատմութիւնը, Գ. :
- Թիւ 5. «Տարրալուծում եւ միութեան ճիգ» : Նոր «հերձուած» (սոց. յեղափ. ներքին վէճեր) : Տիրան Մինասեան — Հայրիկ (Կենս.) : Գուրգէնի եւ իր ընկերների նահատակութիւնը : Լաւրովի պատմ. Գ. (Սնար) : Եփրեմի հաւատամքը (Ս. Արեան) : Յուշեր Եփրեմի կեանքից (Թ. Վիլի) : Հալածական ազգերի դատը : Հայկ. շարժմ. նախապատմութիւնը, Դ. :
- Թիւ 6. «Վայրկեանը» : Օսմանեան քաղաքացիներուն (Հ. Յ. Դ. Արեւմտ. Բիւրոյի կոչը) : Միջազգային կացութիւնը : Դաւիթ Թումանեան — Ծուռ Դաւիթ (Արամ) : «Որպէս հէքիաթ» (Տարազիր) : «Վարդանի յիշատակարանը», Ա. : Կուկունեանի խմբի դատավարութիւնը (ամբաստանազիր) : Ժան-ժակ Ռուսօ :
- Թիւ 7-8. «Կրքերը լո՛ւռ» : Դէպի նոր Դումա : Յակոբ Զիլինկարեան — Աշոտ Հայկունի (Արամ) : «Վարդանի յիշատակարանը», Բ. : Կուկունեանի խմբի դատավարութիւնը (չար.) : Թէ ինչպէ՞ս մեռաւ Սերոբ : Լաւրովի պատմ. Դ. (Սնար) : Ժան-ժակ Ռուսօ (չար.) : Հայկ. շարժմ. նախապատմութիւնը, Ե. «Որպէս հէքիաթ» (Տարազիր) — Ահարոնեան :
- Թիւ 9. «Պատերազմը» : Միշտ դէպի յետ (Ռուսաստան) : Ռուսական զնդաւաններում (Մ. Գորկի) : Սարբազ Խէչօ (Դաշ-կան Խէ-



չօ) : «Վարդանի յիշատակարանը», Գ. : Ժան-Ժակ Ռուսօ : Թիւրքիոյ եւ Բալկանեան երկիրներու ընկերվարականներու յայտարարութիւնը : Հայկ. շարժմ. նախապատմութիւնը, Զ. : Երկրի վիճակը :

Թիւ 10. «Մենք ծովը կը նետուենք» : Հայոց հարստահարութեանց տեղեկագիր — Տալուորիկի եւ Սասունի մէջ (Վարդան վարդ.) : Լաւրովի պատմ. Դ. : Էջեր Բալկանեան ազատազրութեան պատմութիւնից (Մ. Վ.) : Հայկ. շարժմ. նախապատմութիւն, Է. :

Թիւ 11-12. «Վճռական ժամը» : Օսմ. Հայաստանի բարենորոգումների ծրագիրը՝ ներկայացուած 1901 թ. Սեպտ. 13-ին Դէլիկասէին յանուն Հ. Յ. Դ. : «Անխուսափելին» (Թիւրքիայի ներքին դէպքերը) : Հմ. Ջանփոլադեան — Համօ (Հայ-Գուսան) : Հայկ. շարժմ. նախապատմութիւն, Է. (Մ. Վարանդեան) : Աւերակների ժպիտը (Տարագիր) :

1913 թ. լոյս է տեսել 12 թիւ «Դրօշակ». թիւ 1-12 :

Թիւ 1. «Ամենազարհուրելին» : Յեղերի բախում : Մալաթիայի աղէտը (1895) : Լաւրովի պատմ. Ե. : Հայկ. նախապատմութիւն, Թ. (Մ. Վարանդեան) :

Թիւ 2-3. «Խելազարները» (Հ. Յ. Դ. դատի առթիւ) : «Ո՞ւր է հայ տղամարդը» (Տարագիր — Ա. Ահարոնեան) : Հայերու կացութիւնը Թիւրքիոյ մէջ, 1908-1912 թ. (ներկայացուած վաւերաթղթերով : Վաթսունական թուականներ (Մ. Վարանդեան) : «Իմ բանտը, Ա. (Տարագիր) :

Թիւ 4. «Մահաբեր Պատրանք» : Բաֆֆի (Տարագիր) : Բաֆֆի (Մ. Վարանդեան) : Բաֆֆիի յիշատակին (Բ. Շահպաղ) : Կացութիւնը եւ մենք (քաղք.) : Իթիհատը հանրային դատաստանի առջեւ : Հայկական Խնդրի ծագումը (Մ. Վարանդեան) : «Իմ բանտը, Բ.» (Տարագիր) : Նամակ Կարինէն (Ֆար-Հատ) :

Թիւ 5. «Դիլեմմը» : «Յոգնած ենք» (Տարագիր) : Նեվրուզ (Ժակ-Լեոն) : Տարբերի համերաշխութիւն, Ա. : Ներքին Ոստիւր (Մ. Վարանդեան) : «Իմ բանտը, Գ.» (Տարագիր) : Հայաստանի սուրհանդակը :

Թիւ 6. «Ճգնաժամը» : Աղէտներ եւ հակահարուածներ (Մ. Վ.) : Խուճապը (Տարագիր) : Սիւրիա-արաբական հարցը (Բ. Շահպաղ) : Գրգահան պատուհասը (Մ. Վարանդեան) : Գ. Չաւուշի մահը (Ա. Ջնդի) : «Իմ բանտը, Դ.» (Տարագիր) :

7-8. «Աչալուրջ» : «Անյոյս խաղաղութիւն» : Պատերազմի զարհուրանքներից : Աւգ. Բէրէլ (Մ. Վ.) : «Իմ բանտը» (Տարագիր) : Մեծ Հանդիսավայրից — Ս. Կարապետ (Արչէս) :

Թիւ 9-10. Սիմ. Զաւարեանի մահը Հ. Յ. Դ. Է. Ընդհ. Ժո-



դովի որոշումները: «Լոյսի համար» (տառերի գիւտի 1500-ամեակ): «Մեծ յորելեանի առթիւ» (Բ. Շահապաղ): Ո՞ւր է Հայաստանը (Տարազիր): Յար. Միքայէլեան (Արամ): Վիժումը (Մ. Վարանդեան): Միջկուս. համերաշխութիւն Իզմիրում: Շահըստանի Ա. Շրջ. Ժողովը: «Իմ բանտը» (Տարազիր):

Թիւ 11-12. Տիպար Ռահվիրա (Մ. Զաւարեան): Ընկերոջ յիշատակին» (Վարդան): «Քչերից Մէկը» (Վ. Լուսինեպիչ): «Հոյակապ Տէրվիչը» (Ա. Զոպանեան): «Գեղեցկագոյն սոսակը» (Բ. Շահապաղ): «Զաւարեանի Շիրիմին առջեւ» (Ա. Զնդի: «Ջահակիւրը» (Տարազիր): «Խարաղանոզ Մարդարէն» (Դոկտ. Զավրբեան): «Օրհասի ժեստեր»: Յայտադիր հայ կուսակցութեանց համերաշխութեան: Պարսկաստան — Յարատեւող տաղնասլը: Հայ ըմբոստացման Յորելեանը — Մկ. Փորթուզալեան:

1914 թ. լոյս է տեսել 12 թիւ «Դրօշակ». թիւ 1-12:

Թիւ 1. 1913-1914 թ. տարեկան տեսութիւն: Վրէժխնդրական գործողութիւններ Վասպուրականի մէջ» (Գեղջուկ): Խարրիկներ Երկրէն — Կարին (Ա. Զնդի): «Զաւարեան» (Դարվիչ): «Դրուագներ Զաւարեանի կեանքէն» (Ա. Զնդի): Դաշնակցութեան Նահատակները (Ա. Զնդի), Ատրպատականում զոհուած մարտիկների ցանկը: Կուկունեանի մահը: Պրեսանսէ: Պարսկաստանի շարժումները: «Իմ բանտը» (Տարազիր):

Թիւ 2-3. «Պոլիսը եւ դաւառները»: «Յանուն ազգային շահերի»: «Հայկական Արեւը» (Տարազիր): Թիւրքիա — հաշուեյարդար (Իրիս): Պարսկաստան — Քաղաք. տեսութիւն: Ըմբոստացումի հովեր (Մ. Վարանդեան): «Իմ բանտը» (Տարազիր): «Հայրենիք» (Շահ Արմէն):

Թիւ 4. «Հատուցումներ»: Երզնկայի զոհերը: Յակ. Արրահամեան — Վարդ Մանուշակ (Վիկթոր): Խարրիկներ Երկրէն — Կարին (Ա. Զնդի): Անդրանիկի յիշատակներէն. Ա. եւ Բ. մաս: «Իմ բանտը» (Տարազիր): «Ո՞ւր է վախճանը» (Դումանի ձերբակալութեան առթիւ):

Թիւ 5-6. «Անվերջ պատրանքներ»: «Զաւարեանի հողին» (Սիամանթօ) Յարութիւն Կիրակոսեան — Տուրբախ (Զ.): Անդրանիկի յիշատակարանը, Բ.: Արեւմտեան կեանքը (Մ. Վ.): «Իմ բանտը» (Տարազիր):

Թիւ 7-8. «Կատաստրոֆի առջեւ»: «Քարը դնդակի դէմ» (Ռուսաստանի գործադուլների առթիւ): Մկ. Աղամալեան — Սարհաս (Դարևիչ): Երզնկայի զոհերը (Դիտոզ): Բուլանդի եւ Խնուսի շրջանի զոհերը (Ա. Զնդի): Վահանի գործն եւ եղերական մահը (Նորայր — Լաճ Ստանոյ): Հրայրի նամակներից: Միխ. Բակունին (Մ. Վ.): Միխայլովսկի (Ս. Յ.): Ժողովը ըսպանուած:



Թիւ 9-12. Նիկոլ-Դուժան (մահուան առթիւ) : Գալուստ Աւրոյեան (սպանութեան առթիւ) : Պատերազմը : Հայութիւնը ուստաճկական պատերազմի հանդէպ : Գարիբալդիաններ : Գէորգ Չաւուշ (ինքնակենսագրութիւն) :

## ԵՐԿՐՈՐԴ ՇՐՋԱՆ

(1925-1933)

1925-ին, Յուլիսից սկսած, լոյս է տեսել 6 թիւ «Դրօշակ» :

Թիւ 1. «Դրօշակ»ը (Խմբագրական, Ս. Վրացեան) — Հ. Յ. Դ. 10-րդ Ընդհ. Ժողովը (Ս. Վրացեան) :— «Ընկերվարական Միջազգայինը եւ Խորհրդ. Իշխանութիւնը» (Ա. Ջամալեան) :— Քրդական Շարժումը (Ռուբէն) :— Կուսակցական կեանք :— Թուրքիոյ Շուրջ \*) :— Թղթակցութիւններ :

Թիւ 2. Ափ մը հողի համար (խմբ. Շ. Միսաքեան) :— Մեղադրանքներ եւ Իրողութիւններ (Ս. Վրացեան) :— Քրդերը եւ Հայերը (Ռուբէն) :— Միջազգ. Կապիտալի ճանկերում (Ա. Ջամալեան) :— Ա. Ը. Ինտերնասիոնալի Հիմնադիր Ժողովը (Ա. Արիսեան — Ջամալեան) :— Արիւնոտ Հնգամեակ :— Վահ. Խորենի :— Թուրքիոյ Շուրջը :— Կ. Կառուցկին եւ Ռուսական Խնդիրը (Ա. Ջ.) :— Ռուսաստանը Արտասահմանում :— Գրախօսական Ա. Մանդելշտամի «Ազգերի Դաշնակցութիւնը եւ Պետութիւնները Հայկական Հարցի Հանդէպ» (Ս. Վ.) :

Թիւ 3. Դանդաղ, բայց Ապահով (խմբ. Ա. Ջամալեան) :— Հայաստանը եւ Հարեւանները (Ս. Վրացեան) :— Շարուր-Նախիջեւան (Ռուբէն) :— Համաշխարհային Յեղափոխութիւնն էլ... (Ա. Ջամալեան) :— Հայաստանի Կոմկուսը (Ս. Վրացեան) :— Մարտէյլի Համադումարը (Ա. Ջամալեան) :— Թուրքիոյ Շուրջը :— Կուսակցական կեանք :

Թիւ 4. «Դաշնակցութեան Օրը» (խմբ. Շ. Միսաքեան) :— Հ. Յ. Դաշնակցութիւնը եւ Սոց.-Յեղափ. Կուսակցութիւնը (Վ. Չերնով) :— Ինչո՞ւմն է Հ. Յ. Դաշնակցութեան Ուժը (Կոմս) :— Հանրային կեանքի զարգացումը (Կ. Սասունի) :— Նախկրայը եւ անոր նշանակութիւնը Հայաստանի համար (Ռուբէն) :— Պետութիւն, Ազգութիւն, Անկախութիւն (Վ. Նաւասարդեան) :— Դէմոկրատիայի վերելքը (Ա. Ջամալեան) :— Թուրքիոյ Շուրջը :— Քրտական շարժումը (Թղթակցութիւն) :— Կուսակցական կեանք :

\*) «Թուրքիոյ Շուրջը» գրեթէ բոլոր համարներում գրել է Շ. Միսաքեանը :



Թիւ 5. Իշխանը (խմբ., Ս. Վրացեան) :— Հայաստանի հողա-  
զրկութիւնը եւ բոլշ. ներքին քաղաքականութիւնը (Ռուբէն) :—  
Ո՞ւր է գնում թուրքիան (Ս. Վրացեան) :— Ատլանտեանի Ափե-  
րէն (Մ. Օղանեան) :— Բանտից Բանտ (Բուլղարացի Յարութիւն) :  
— Լոքարնօ (Ս. Վրացեան) :— Թուրքիոյ Շուրջը :— Կուսակցա-  
կան Կեանք :— Ինտերնացիոնալի Գործ. Կոմիտէի Գումարումը  
(Ա. Ջամալեան) :— Հայաստանի Կրթական Գործը (Թղթ. Երե-  
ւանի, Տեղեակ) :— Թղթակցութիւններ :

Թիւ 6. Ինքնորոշման Իրաւունքը եւ Հայաստանի Յօշոտումը  
(խմբ. Ա. Ջամալեան) :— Վերաշինութեան Խնդիրը (Ա. Ջամալ-  
եան) :— Չանգեզուրի Պայքարը (Ռուբէն) :— Բանտից Բանտ  
(Բուլղ. Յարութիւն) :— Քրտական Ապստամբութիւնը (Իսմայիլ  
Հազզը) :— Թուրքիոյ Շուրջը :— Կուսակցական Կեանք :— Նա-  
տալիա Մատինեան (բժ. Տէր-Դաւթեան), Հ. Յ. Դ. Օրը :— Թըղ-  
թակցութիւններ Թիֆլիսից եւ Ռոստովից :

1926-ին լոյս է տեսել 10 էիւ : Վերջին չորսը՝ միացեալ :

Թիւ 1925-1926 (խմբ., Ս. Վրացեան) :— Ախալքալաքի Պայ-  
քարը (Ռուբէն) :— «Ինտենսիֆիկացիա» եւ Սահմանների Ըն-  
դարձակում (Ս. Վրացեան) :— Բանտից Բանտ (Բուլղ. Յարու-  
թիւն) :— Քրտական Ապստամբութիւնը (Իսմայիլ Հազզը) :—  
Անդրկովկասի Կոմկուսը եւ Գիւղը Կոմկուսի իշխանութեան տակ  
(Ս. Վրացեան) :— Թուրքիոյ Շուրջը :— Ծրագրային Խնդիրներ  
(Ա. Ջամալեան) :— Ինտերնասիոնալը :

Թիւ 2. Դարձեալ Ներգաղթի Խնդիրը (խմբ., Ս. Վրացեան) :  
— Փետր. 18 (Ս. Վրացեան) :— Թուրք-Խորհրդային Յարաբե-  
րութիւնները (Ս. Վրացեան) :— Գանձակ-Ղարաբաղի Վէճը (Ռու-  
բէն) :— Վրէննայի Թուրք դեսպանութիւնը եւ քրտական խնդիրը  
(Ա. Ջ.) :— Կոմկուսը եւ Ազգային Հարցը (Ս. Վրացեան) :—  
Թուրքիոյ Շուրջը :— Կուսակցական Կեանք :— Աշխատաւորական  
Կեանք (Ա. Արիսեան) :— Ինտերնասիոնալը :— Թղթակցութիւն-  
ներ :

Թիւ 3. Վաղուան Մղձաւանջը (խմբ.) :— Տաշիրի դաւառին  
բռնագրաւումը (Ռուբէն) :— Հայկական Ազատամարտի վերջին  
դրուագը (Կ. Սասունի) :— Գիւղացին Խորհրդ. Դրախտում (Բան-  
ուոր Հրանտ) :— Խորհուրդների վերընտրութիւնները (Ս. Վրաց-  
եան) :— Թուրքիոյ Շուրջը :— Ծրագրային խնդիրներ (Ա. Ջա-  
մալեան) :— Հողային Հարցը եւ Աւստրիական Սոց.-Դէմոկրա-  
տիան (Վ. Նաւասարդեան) :— Կուսակցական Կեանք :— Աշխա-  
տաւորական Կեանք (Ա. Արիսեան) :— Ինտերնասիոնալը :— Թըղ-  
թակցութիւններ :

Թիւ 4. Չուր յոյսեր եւ Չուր Ջանքեր (խմբ., Ա. Ջամալ-



եան) :— Ստրկական համակերպութիւնը (Ա. Ջամալեան) :— Հա-  
յաստանը Անդրկովկ. Դաշնակցութեան մէջ (Ռուբէն) :— Քրտա-  
կան շարժումները (Յ. Ամատունի) :— Փաշիզմը (Ս. Վրացեան) :  
— Թուրքիոյ Շուրջը :— Մրազրային խնդիրներ (Ա. Ջ.) :— Թըղ-  
թակցութիւններ :

Թիւ 5. Երկունքը (խմբ., Շ. Միսաքեան) :— Հայաստանի  
Անկախութիւնը (Ս. Վրացեան) :— Անճարակ Յերիւրանքներ (Ա.  
Ջամալեան) :— Հայաստան Անդր. Դաշնակցութեան մէջ (Ռու-  
բէն) :— Մրազրային խնդիրներ (Ա. Ջ.) :— Կուսակցական Կեանք :  
— Ինտերնասիոնալը :— Թղթակցութիւններ :

Թիւ 6. Ընդհանուր Գործադուլը (խմբ., Ս. Վրացեան) :—  
Սպանդանոց եւ Դպրոց (Հէնրի. Երեւանից) :— Երկրում (Տեղե-  
կութիւններ Հայաստանից) :— Մուսուլի խնդիրը (Վահագն) :—  
Խնայողութեան Ռեժիմ (Ս. Վրացեան) :— Ընկերվարական շինա-  
րարութիւն (Ա. Աստուածատրեան) :— Ռուսաստան. Մոսկովեան  
մողայիկներ :— Մրազրային խնդիրներ (Վ. Աստղունի) :— Ըն-  
կերվարութիւն եւ հայրենասիրութիւն (Անդրէ) :— Ինտերնասիո-  
նալը :

Թիւ 7. Անրուժելի Թուրքիան (խմբ. Շ. Միսաքեան) :—  
Թուրքիայի տաղնապը (Ս. Վրացեան) :— Միացեալ Հայաստան  
(Ռուբէն) :— Դաշնակցութեան «ինքնակազմալուծումը» (Ա. Ջա-  
մալեան) :— Փաշիզմի դէմ (Վազգ. Շուշանեան) :— Պրագայի  
Տարադրութիւնը (Ս. Վրացեան) :— Կուսակցական Կեանք (Ղա-  
փանցի Գերասիմի մասին) :— Նէպից Նօպ (Ս. Մասուրեան — Վը-  
րացեան) :— Ինտերնասիոնալը :

Թիւ 8-10. Արթուն եւ Ամուր (խմբ. Շ. Միսաքեան) :— Ռոս-  
տոմի ճառը :— Գ. Խաժակի Նամակը :— Հ. Յ. Դաշնակցութեան  
Ծնունդը (Գ. Ղազարեան) :— Կենսունակութեան Գաղտնիքը (Ի-  
րազեկ — Յակ. Տէր-Յակոբեան) :— Չայն մը անցեալէն (Ս. Տէր-  
Թովմասեան) :— Հ. Յ. Դ. Օրուայ առթիւ (Ա. Շարաֆեան) :—  
Հայ Ժողովրդի Բարեկամը (Ե. Ա.) :— Ռոստոմը (Խ. Եղանեան) :  
— Բեկոր մը Ռոստոմի Կեանքէն (Սաթ. Տէր-Դաւթեան) :— Աւ.  
Շահխաթունեան (Վ. Նաւասարդեան) :— Մուրատ (Վ. Համբար-  
ձումեան) :— Սարգիս Մինասեան (Արս. Աճէմեան) :— Մամհուր  
(Մ. Պարսամեան) :— Սարգ. Մինասեան (Բէնօ) :— Մեր Զինուո-  
րական զոհերը (Հայ Գնդունի) :— Մ. Սարգսեան :— Մ. Գիւլնա-  
զարեան :— Վասպուրականի զոհերը :— Տարօնի զոհերը :— Բար-  
ձըր Հայք (Կայծակ) :— Տրապիզոնի զոհերը :— Կիրասոնի զոհե-  
րը :— Շապին-Գարահիսարի զոհերը :— Խարբերդի զոհերը :—  
Սերաստիոյ զոհերը :— Կիլիկիոյ զոհերը :— Փետրուարեան ա-  
պրտամբութեան զոհերէն :



Թիւ 11-12. Նոր վտանգի հանդէպ (խմբ. Ս. Վրացեան) :— Վասպուրականը իբրեւ անկիւնաքար Միացեալ Հայաստանի (Ռուբէն) :— Բամբակի մենաշնորհը Հայաստանում (Հ. Բամբակեան. Երեւանից) :— Խորհրդ. տնտեսութեան զարգացման ուղիներ (Ս. Վրացեան) :— Ռուս-անգլիական հակամարտութիւնը Արեւելքում (Արտ. Արեղեան) :— Հատուցումներն ու պատերազմական պարտքերը (Ա. Աստուածատրեան) :— Պայքարը Լոզանի Դաշնագրութեան դէմ (Մ. Օզանեան) :— Կոմկուսի քայքայումը շարունակուում է (Ս. Մասուրեան) :— Թուրքիոյ Շուրջը :— Թղթակցութիւններ Թիֆլիսից, Երեւանից, Վաղարշապատից :— Կուսակցական կեանք :— Մեր զոհերը — Վ. Վարդապետեան, Մոնիկ Օհանջանեան, Յակ. Զարիֆեան, Արտ. եւ Անահիտ Յովհաննիսեան, բժ. Հայկ Գրիգորեան, բժ. Գր. Սայեան, Փիթարցի Մանուկ, բժ. Հայկ. Նալպանտեան, բժ. Եղ. Տէր-Ստեփանեան, Լուս. Բայրիչեան, Ներս. Աւագեան, Մուր. Պօղոսեան, Պօղոս Պօղոսեան, Գ. Գէորգեան, Զ. Մանուկեան :— Հ. Յ. Դաշնակցութիւնը եւ պարսկական շարժումը (Հ. Պանիրեան) :

1927-ին լոյս է տեսել 12 քիւ :

Թիւ 1. 1926-1927 (խմբ. Ս. Վրացեան) :— Ռուս-անգլիական հակամարտութիւնը Արեւելքում (Արտ. Արեղեան) :— Ճրանոսայի Ընկերվ. կուսակցութիւնը (Վ. Շուշանեան) :— Ուկրայինայի ստրագրութիւնը (Ս. Վրացեան) :— Միջազգային կեանքը 1926-ին (Ս. Վրացեան) :— Վերջին Ազօթքը (Շահան) :— Մեր զոհերը — Բաղրիկ Պետրոսեան (Ս. Տէր-Թովմասեան) :— Թղթակցութիւններ — Հ. Յ. Դաշնակցութիւնը Երկրում (Գ. Մարտիկեան) եւ ուրիշներ : Կուսակցական կեանք :

Թիւ 2. Արջք Օրհասականք (խմբ. Ս. Վրացեան) :— Թուերի Լեզուն (Սլաք. Երեւանից) :— Կովկասեան Միութեան շուրջ (Ս. Մասուրեան) :— Ճրանոսական Ընկերվ. կուսակցութիւնը (Վ. Շուշանեան) :— Լոզանի Դաշնագիրը եւ Չէստըր Ստանդարտ Օյլ (Շահան) :— Թղթակցութիւններ Հայաստանից :— Մեր զոհերը :— Գրախօսական՝ Ա. Ահարոնեանի «Քրիստափոր Միքայէլեան» (Ս. Վր.) :

Թիւ 3. Մթնոլորտը Յազեցած (խմբ. Ս. Վրացեան) :— Տօնական Թէղիսներ (Միծեռնակ. Երեւանից) :— Լոզանի Դաշնագիրը եւ Չէստըր Ստանդարտ Օյլ (Շահան) :— Ընկերվարական Տարին (Վ. Շուշանեան) :— Հ. Յ. Դաշնակցութիւնը եւ պարսկական շարժումը (Հ. Պանիրեան) :— Մեր զոհերը :— Թղթակցութիւններ Հայաստանից :

Թիւ 4. Աւելի քան հաստատակամ (խմբ. Շ. Միսաքեան) :— Ճերմակ Զարդը (Ս. Վրացեան) :— Միջնակարգ կրթութիւնը Հա-



յաստանում (Մանկավարժ. Երեւանից) :— Գիւղացիութիւնն ու Սորհրդ. իշխանութիւնը (Ա. Աստուածատրեան) :— Իրան եւ Թուրան (Ռուբէն) :— Մի էջ «մարքսիստական» գործերից (Ն. Բաղաշեան) :— Թուրքիոյ շուրջը :— Մեր զոհերը :— Թղթակցութիւններ Հայաստանից :— Գրախօսական՝ «Փետրուար 18» (Ս. Վ.) :

Թիւ 5. Հող եւ Ազատութիւն (խմբ. Ս. Վրացեան) :— Պրոլետարականութիւն (Ս. Երկիրեան. Երեւանից) :— Բանուորների Դրութիւնը Սորհրդ. Գործարաններում (Ա. Հրածին. Երեւանից) :— Գիւղացիութիւնը եւ Սորհրդ. իշխանութիւնը (Ա. Աստուածատրեան) :— Աշխատանքի Միջազգային Գրասենեակը (Վ. Շուշանեան) :— Անդրկովկաս (Ն. Բաղաշեան) :— Մեր զոհերը :— Թղթակցութիւններ Հայաստանից :— Ինտերնասիոնալը :

Թիւ 6. Յարաբերութիւնների Սղումը (խմբ. Ս. Վրացեան) :— Բոլշեւիկեան ազգ. քաղաքականութեան բնաշրջումը (Ս. Վրացեան) :— Մեր Յաւերից (Մին-Սար. Երեւանից) :— Թուրքիոյ Շուրջը :— Ընկերավարական քրոնիկ (Վ. Շուշանեան) .— Լորթօ (Մասիս) :— Թղթակցութիւններ Հայաստանից :— Կուսակցական Կեանք :— Գրախօսական՝ Զարեւանդի «Միացեալ, Անկախ Թուրանիա» (Ս. Վրացեան) :

Թիւ 7. Սորհրդային Տաղնապը զարգանում է (խմբ. Ս. Վրացեան) :— Նոր Թուրքիան եւ մենք (Հ. Գնդունի) :— Վարագոյրը բացւում է (Ս. Մասուրեան) :— Ընկերավարական քրոնիկ (Վ. Շուշանեան) :— Թուրքիոյ Շուրջը :— Մեր զոհերը :— Թղթակցութիւններ Հայաստանից :

Թիւ 8. Կազմալուծումը Շարունակում է (խմբ. Ս. Վրացեան) :— Վրաց Մենչեւիկութեան տաղնապը (Ս. Մասուրեան) :— Ն. Ժորդանիայի եւ Ն. Ռամիշվիլիի հրահանգ-գրութիւնները :— Ընկերավարական քրոնիկ (Վ. Շուշանեան) :— Մեր զոհերը — Բալաջան եւայլն :— Թղթակցութիւններ Հայաստանից եւայլն :— Նոր Արեւելքի Ընկերվ. Միութիւնը (Պրագայի — Ն. Բաղաշեան) :

Թիւ 9. Պատմութեան Դատավճիռը (խմբ. Ս. Վրացեան) :— Գերեվաճառութիւն (Ս. Վրացեան) :— Իտալիայի Արեւելեան քաղաքականութիւնը (Ս. Վրացեան) :— Ընկերվ. Քրոնիկ (Վ. Շուշանեան) :— Թղթակցութիւններ Հայաստանից եւայլն :— Կազմալուծումը լայնանում ու խորանում է (Ս. Մասուրեան) :

Թիւ 10. Անդրանիկ (խմբ. Շ. Միսաքեան) :— Հայ Ժողովրդի ինքնապաշտպանութիւնը եւ Հ. Յ. Դաշնակցութիւնը (խմբ. Ս. Վրացեան) :— Նոր ձերբակալութիւններ Հայաստանում (Թղթ. Երեւանից) :— Մանկութեան Յիշողութիւններէն (Ս. Զաւարեան) :— Ս. Բարսեղեան (բժ. Յ. Տէր-Դաւթեան) :— Արամի մասին (Ա.



Աստուածասրեան) :— Խաչ . Կարճիկեան (Ս . Վրացեան) :— Գեղ . Տէր-Կարապետեան : Սլաք : Սուրէն Մելիքեան (Ս . Վ .) : Հասրաթ :— Բուրկացիու ահաբեկումը (Բէնօ) :— Զանգեզուրի զոհերը : Թիւ 1 . Տարեդարձը (խմբ . Ս . Վրացեան) :— Հայկ . Հարցը եւ հայ բողեւիկները (Կ . Մասունի) :— Զերբակալութիւններ , բանտ , աքսոր (Աշոտ) :— Նրանք էլ են տօնում (Գ . Մարտիկեան) :— Ազատ նամակներ (Վ . Սուխոմլին) :— Ռուս-անգլիական հակամարտութիւնը Արեւելքում (Ա . Արեղեան) :— Վրաց մենչեւիկութեան տազնապը (Ս . Մասուրեան) :— Թուրքիոյ Շուրջը :— Մեր զոհերը — Տրապիզոնի շրջան :— Թղթակցութիւններ :— Քաղաք . տրամադրութիւնները Լեհաստանում (Թ . Նիկոլովիչ) :— Էջեր իմ Օրագրից (Աշոտ) :

1928-ին լոյս է տեսել 12 թիւ : Երկու թիւ՝ միացեալ :

Թիւ 1 . 1927-1928 (խմբ . Շ . Միսաքեան) :— Թուրքիոյ մարդահամարը (Կ . Մասունի) :— Խորհրդային քառօր (Աշոտ) :— Ռուս-անգլիական հակամարտութիւնը Արեւելքում (Ա . Արեղեան) :— Քաղքենի Ազգ . Դաշնակցութիւնը եւ Միջազգային Ընկերվարութիւնը (Վ . Շուշանեան) :— Թուրքիոյ շուրջը :— Մեր զոհերը :— Թղթակցութիւններ :— Քիւրտ-թրքական պայքարը :

Թիւ 2 . Նոր Ազգակ մը (խմբ . Շ . Միսաքեան) :— Փետրուար 18 :— Արարատի կռիւները (Ե . Սըխեան) :— Ռուս-անգլիական հակամարտութիւնը Արեւելքում (Ա . Արեղեան) :— Փոքր Ազգերի ազատութեան խնդիրը (Վ . Շուշանեան) :— Էջեր իմ Օրագրից (Աշոտ) :— Համազործակցութեան մէկ դարը (Շ . Ժիւ) :— Ահաւոր Գիշերը (Բ . Իշխանեան) :— Թուրքիոյ Շուրջը :— Թղթակցութիւններ :

Թիւ 3 . Ազգային Հարցի մասին (խմբ . Ս . Վրացեան) :— Մերձ . Արեւելքի կնճիռները (Վ . Փափագեան) :— Բաֆֆի (Ե . Ֆրանգեան) :— Փոքր Ազգերու ազատագրութեան խնդիրը (Վ . Շուշանեան) :— Էջեր իմ Օրագրից (Աշոտ) :— Կախարդական շրջան (Ս . Վերիշահ) :— Թուրքիոյ շուրջը :— Բոլոր ազգերի աշխատաւորներին (Նոր Արեւելքի Ընկերվ . Լիզա) :— Ընկերվարական քրոնիկ :— Թղթակցութիւններ :— Մօտիկ անցեալից :— Չէկիստի յիշողութիւններ :

Թիւ 4 . Քրտական շարժումը եւ Իրան (խմբ .) :— Հայ բողեւիկներու հողային քաղաքականութիւնը (Ռուրէն) :— Բողեւիկները եւ Ռոզա Լիւքսեմբուրգ (Ռ . Լեռնեան — Լիպ . Նազարեանց) :— Բաֆֆի (Ե . Ֆրանգեան) :— «58» եւ «107» յօդուածները (Աշոտ) :— Թուրքիոյ շուրջը :— Ինտերնասիոնալ :— Մեր զոհերը — Լեռնապարի շրջան :— Թղթակցութիւններ :

Թիւ 5 . Անկախութեան Տասնամեակը (խմբ .) :— Մայիս 28



(Ա. Ջամալեան) :— Հայկական թերմոսիլէ (Հ. Կոսոյեան) :— Անկախութեան Մերունդը (Կ. Սասունի) :— Մայիս 28 Հայաստանում (Ա.) :— Առաջին քայլեր (Ս. Վրացեան) :— Բաֆֆի (Ե. Ֆրանգեան) :— Թուրքիոյ շուրջ :— Քրտական շարժումը Խորհրդային ակնոցով (Ա. շոտ) :— Եր. Ֆրանգեան (Ա. Հ.) :

Թիւ 6-7. Ուրուագծուող նոր Կոցութիւնը (խմբ. Ս. Վրացեան) :— Յ. Բուզազեան (Յ. Տէր-Դաւթեան) :— Հակախորհրդային քաղաք. պայքարի յատուկ առաջադրութիւնները Հայաստանում (Ա. Ջամալեան) :— Ինքնաքննադատութիւն (Ա. շոտ) :— Ազգ. Հարցը մարքսիզմի քուրայում (Կ. Սասունի) :— Մշակութային խնդիրներ (Դոկտ. Ա. Գասպարեան) :— Թուրքիոյ շուրջ :— Հայաստանի անկախութեան տասնամեակի տօնակատարութիւններ :— Ինտերնասիոնալ :

Թիւ 8-9. Ընկերվ. Բանուոր. Միջազգայինի կոչը (խմբ. Ա. Ջամալեան) :— Պրիւսեկի համագումարի աշխատանքները (Վ. Շուշանեան) :— Գ. Համագումարի բանաձեւերը :— Հ. Յ. Դաշնակցութիւնը Գ. Համագումարում :— Հ. Յ. Դաշնակցութեան հետքով (Ա. Ջամալեան) :— Հ. Յ. Դաշնակցութեան եւ Խորհրդ. իշխանութեան միջեւ համաձայնութեան փորձեր (Լ. Ն. — Լիպ. Նազարեանց) :— Թուրքիոյ Շուրջը :— Համառօտ տեղեկութիւններ Միջազգայինի մասին (Վ. Շ.) :— Կուսակցական Կեանք :

Թիւ 10. Դաշնակցութեան Օրը (խմբ. Շ. Միսաքեան) :— Քելլոզի Դաշինքը (Ս. Վրացեան) :— Հակառակորդի Բանակում (Ա. շոտ-Արծրունի) :— Թուերի լեզուով (Ա. Ջամալեան) :— Մշակութային խնդիրներ (Դոկտ. Ա. Գասպարեան) :— Թուրքիոյ շուրջը :— Մեր զոհերը — Ռոստոմի կեանքէն (Սաթ. Տէր-Դաւթեան) :— Վայոց Ձորի զոհերը : Ուրֆայի զոհերը : Արմաշի զոհերը : Վասպուրականի զոհերը եւայլն :— Իրենց իսկ բերնով (Ս. Վրացեան) :

Թիւ 11. Ազգային Յարաբերութիւնները Կովկասում (խմբ. Ս. Վրացեան) :— Թուրքիայի մասին (Ս. Վրացեան) :— Տնտեսական ճակատում (Ա. Արծրունի) :— Հակահրէութիւնը Խորհրդ. Ռուսաստանում (Ա. Աստուածատրեան) :— Տարեդարձի առթիւ (Ա.) :— Թուրքիոյ շուրջը :— Մեր զոհերը :— Թղթակցութիւններ :— Իրենց իսկ բերանով :— Գրախօսական՝ Ֆր. Նանսէնի «Հայաստանը եւ Մերձ. Արեւելքը» (Ս. Վրացեան) :— Քերենսկիի «Դնի» երկչարաթաթերթը (Ս. Վր.) :

Թիւ 12. Սիւրիահայ Արտագաղթի առթիւ (խմբ. Ս. Վրացեան) :— Հայաստանի վարչական բաժանումը (Ս. Վրացեան) :— Քեմալական Թուրքիոյ ապագան (Կ. Սասունի) :— Ժամանակը լաւագոյն դատաւորն է (Ա. Արծրունի) :— Մեծ պետութիւնների



քաղաքականութիւնը Բալկաններում (Զ. Թուփալովիչ) :— Թուրքիոյ շուրջ :— Մեր զոհերը :— Թղթակցութիւններ :— Իրենց խկ բերնով (Ս. Վրացեան) :

1929—իս 1930 է տեսել 9 թիւ : Երեք թիւ՝ միացեալ :

Թիւ 1-2. Ռոստոմ եւ Արամ (խմբ. Շ. Միսաքեան) :— «Դիպլոմատ Հրէչներ» (Ռոստոմ) :— Ռոստոմ (Ս. Վրացեան) :— Ռոստոմի ուսանողական կեանքից (Յ. Տ.-Դ. — բժ. Յովս. Տէր-Դաւթեան) :— Իմ հանդիպումները Ռոստոմի հետ (Ա. Զամալեան) :— Յուշեր Ռոստոմի մասին (Վ. Մաղմանեան) :— Մի էջ Թաւրիզի կեանքից (Ղազար) :— Ռոստոմէն տպաւորութիւններ (Կ. Սասունի) :— Ռոստոմի վերջին օրերից (Յ. Տէր-Դաւթեան) :— Արամը (Ս. Վրացեան) :— Արամի մասին (Թաղէ) :— Ուրուանկար (Օհան Կարօ) :

Թիւ 3. Ի՞նչ են ասում թուերը (խմբ. Ս. Վրացեան) :— Անդրրկովկասի ազդադրական կազմը (Վ. — Ս. Վրացեան) :— Հ. Յ. Դաշնակցութիւնը Երկրում (Ա. Արծրունի) : Արեւելեան Նահանգները (Հրանդ-Սամուէլ) :— Երեխաները Խորհրդ. Ռուսաստանում (Ա. Աստուածատրեան) :— Ձէկիստի ցուցմունքները (Դումրաձէ — գրի է առել Ս. Վրացեանը) :— Ռոստոմը Պուլկարիոյ մէջ (Պերճուհի Բարսեղեան) :— Իմ հանդիպումները Ռոստոմի հետ (Ա. Զամալեան) :— Արամի մահը (Արշալոյս Աստուածատրեան) :— Իրենց խկ բերանով (Ս. Վրացեան) :

Թիւ 4-5. Յայտագիր Հ. Յ. Դ. ԺԱ. Ընդհ. Ժողովի :— Հ. Յ. ԺԱ. Ընդհ. Ժողովը :— Կազմակերպական Խնդիրները Հ. Յ. Դ. ԺԱ. Ընդհ. Ժողովում (Ա. Զամալեան) :— Քաղաքական Խնդիրները Հ. Յ. Դ. ԺԱ. Ընդհ. Ժողովում (Ս. Վրացեան) :— Արեւելեան Նահանգները (Հ. Սամուէլ) :— Ծրագիր եւ Իրականութիւն (Ս. Վրացեան) :— Թուրքիոյ շուրջը :— Միջազգային կեանք :

Թիւ 6-7. Աշխատաւորական Կառավարութիւնը Անգլիայում (խմբ. Ս. Վրացեան) :— Փոթորկածայն Մարդարէն — Բաֆֆի (Ս. Վարանդեան) :— Գաղութային Խնդիրներ (Ս. Վրացեան) :— Երիտասարդ Սերունդի յեղափոխական Դաստիարակութիւնը (Կ. Սասունի) :— Անգրկովկասի շրջանացումը (Ս. Մասուրեան) :— Արեւելեան Նահանգները (Հ. Սամուէլ) :— Թուրքիոյ շուրջը :— Խնկօ (Ս. Վրացեան) :— Թուրք-Պարսկական Սահմանավէճը (Ս. Վրացեան) :— Երկու մահ :

Թիւ 8. Զին-Խորհրդային բախումը (խմբ. Ս. Վրացեան) :— Մտածումներ Հ. Յ. Դաշնակցութեան մասին (Ն. Հանգոյց — Նիկ. Աղբալեան) :— Կազմակերպական Խնդիրներ Հ. Յ. Դ. ԺԱ. Ընդհ. Ժողովում (Ա. Զամալեան) :— Կոմսոմոլի Ծոցում (Ս. Մասուրեան) :— Արեւելեան Նահանգները (Հ. Սամուէլ) :— Թուր-



քիոյ շուրջ:— Արարատի կռիւները (Ե. Ի.):— Մեր զոհերը — Մ. Մուսիւնեան (Ա. Աստուածատրեան):— Թղթակցութիւններ Հայաստանից:— Արձազանգներ (Ս. Վրացեան):— Իրենց իսկ բերանով (Ս. Վրացեան):

Թիւ 9. Լահէի Խորհրդաժողովի առթիւ (խմբ. Ս. Վրացեան): — Մտածումներ Հ. Յ. Դաշնակցութեան մասին (Ն. Հանգոյց): — Տնտեսական քաղաքականութեան խնդիրներ (Ն. Բաղալեան): — Երնդի Ծրագիրը (Մ. Տէրպէտէրեան):— Զտում (Ա. Արծրունի):— «Լիման Փոն Զանտերս (Շ. Սուրէն):— Հ. Յ. Դ. Դիւանէն — Գէորդ Զավուչի ինքնակենսագրութիւնը:— Մեր զոհերը: — Թղթակցութիւններ:— Հայաստանի վարչական նոր բաժանումը (Ս. Վրացեան):— Արձազանգներ (Ս. Վրացեան):

Թիւ 10. Դաշնակցութեան Օրը (խմբ. Շ. Միսաքեան): Քրիստափոր Միքայէլեան (Ս. Վրացեան):— Քրիստափորի մտքերից: — Քրիստափոր Միքայէլեանի մահը (Յ. Տէր-Դաւթեան):— Թըռուցիկ յուշեր Քրիստափորի կեանքից (Ռ. Սեւեան — Ա. Գիւլխանդանեան):— Առաջին հանդիպումս Քրիստափորի հետ (Ֆարհատ — Սարգ. Օհանջանեան):— Յաւելեալ արիւնը (Ա. Արծրունի):— Մի էջ Քրիստափորի կեանքից (Ս. Վրացեան):— Մտածումներ Հ. Յ. Դաշնակցութեան մասին (Ն. Հանգոյց):— Թըղթակցութիւններ:

Թիւ 11. Մի ծրագրի տխուր վախճանը (խմբ. Ս. Վրացեան): — Մտածումներ Հ. Յ. Դաշնակցութեան մասին (Ն. Հանգոյց):— Թըռուցիկ յուշեր Քրիստափորի մասին (Ռ. Սեւեան):— Տնտեսական քաղաքականութեան խնդիրներ (Ն. Բաղալեան):— Նիկոլ Դուման (Յ. Ստեփանեան):— Թուրքիոյ շուրջ:— Գերասիմ Աթաջանեան (Ա. Արծրունի):— Թղթակցութիւններ:

Թիւ 12. Մերթ ձախ, մերթ աջ (խմբ. Ս. Վրացեան):— Հ. Յ. Դաշնակցութեան քառասնամեակի առթիւ (Հ. Յ. Դ. Բիւրօ): — Մտածումներ Հ. Յ. Դաշնակցութեան մասին (Ն. Հանգոյց):— ԶՈՄ-ը (Ս. Վրացեան):— Խորհրդ. իշխանութիւնը եւ Թուրանական շարժումը (Ա. Արծրունի):— Հ. Յ. Դ. Դիւանէն — Սեւ-Քարեցի Սաքոյի ինքնակենսագրութիւնը:— Թուրքիոյ շուրջ:— Թղթակցութիւններ:

1930-ին լոյս է տեսել 11 թիւ: Մէկը՝ միացեալ:

Թիւ 1. 1929-1930 (խմբ. Ս. Վրացեան):— Մտածումներ Հ. Յ. Դաշնակցութեան մասին (Ն. Հանգոյց):— Մոսկուայի հրահանգով (Ս. Վրացեան):— Սեւ-Քարեցի Սաքոյի ինքնակենսագրութիւնը:— Թուրքիոյ շուրջ:— Մեր զոհերը — Մոկացի Գրիգոր, Խնկօ:— Թղթակցութիւններ:

Թիւ 2. Փետրուար 18 (խմբ.):— Մտածումներ Հ. Յ. Դաշ-



Նակցութեան մասին (Ն. Հանդոյց) :— Բոլշեւիկեան «Դասակարգային Պայքար»ի իմաստը (Կ. Սասունի) :— Խորհրդային տնտեսական քաղաքականութիւնը (Ա. Արծրունի) :— Ֆրանսայի Ընկերվարութեան ներքին տաղնապը (Հրանդ-Սամուէլ) :— Բիթլիսցի Մուշեղ (Ղազար) : Լոյսածէի ահարեկումը (Բէնօ) :— Թուրքիոյ շուրջ :— Թղթակցութիւններ :

Թիւ 3. Վիտոշի Խորհուրդը (խմբ. Շ. Միսաքեան) :— Կազմակերպիչ Ուզին — Քրիստափորի մասին (Մ. Վարանդեան) :— Աղէտաւոր մահը (Է. Ակնունի) :— Օտար Հորիզոնների տակ (Ղարիբ — Ա. Ահարոնեան) :— Աւ. Ահարոնեան (Ռ. Սեւեան) :— Ա. Ահարոնեան յեղափոխական դրօշին տակ (Կ. Սասունի) :— Սեւ-Քարեցի Սաքոյի ինքնակենսադրութիւնը :— Աւալիանու Ահարեկումը (Բէնօ) :— Թուրքիոյ շուրջ :— «Համատարած»ը Հայաստանում (Հայմաթլոս) :— Թղթակցութիւն :

Թիւ 4. Խարխափումներ (խմբ.) :— Ապրիլեան Եղեռնը քննական ակնոցով (Կ. Սասունի) :— Ով հաւատաց՝ փրկուեցաւ (Օհան Կարօ) :— Ռուսական անցուղարձ — Ուկրայինա (Մ. Վ. — Մ. Վարանդեան) :— Ընկերվարական շարժումը Ֆրանսայի մէջ (Հրանդ-Սամուէլ) :— Բարչէնի կռիւր (Ղազար) :— Թուրքիոյ շուրջ :— Քրտական շարժումը :— Թղթակցութիւններ :

Թիւ 5. Անկախութեան Տօնը (խմբ.) :— Դաւադրութեան մը տասնամեակը (խմբ.) :— Կէյր Հարտի (Մ. Վարանդեան) :— Ապրիլեան Եղեռնը քննական ակնոցով (Կ. Սասունի) :— Կուկունեանի արշաւանքի մասին (Հ. Յ. Դ. Դիւան) :— Արդի Ռուսիոյ ընկերային ուժերը (Վ. Լեպետեւ) :— Թուրքիոյ շուրջ :— Ինտերնասիոնալ :— Մեր զոհերը :— Թղթակցութիւններ :

Թիւ 6-7. Նահանջը եւ իր պատճառները (խմբ. Ա. Ջամալեան) :— Հերթական խնդիրներ (Ա. Ջամալեան) :— Ապրիլեան Եղեռնը քննական ակնոցով (Կ. Սասունի) :— Խորհրդ. Հայաստանի տնտեսութիւնը (Ա. Արծրունի) :— Հ. Յ. Դ. Դիւան — Կուկունեանի արշաւանքի մասին :— Ինտերնասիոնալ :— Մեր զոհերը :— Թղթակցութիւններ :

Թիւ 8. Քրտական Հարցը (խմբ. Ա. Ջամալեան) :— Քրտական Ռազմարեմից :— Քրտական ապստամբութիւնը (Կ. Սասունի) :— Դարալազեազի ապստամբութիւնը (Արսէն Վայոց Ձորեցի) : Եզրակացութիւններ (Ա. Ջամալեան) :— Թուրքիոյ շուրջ :— Թղթակցութիւններ :

Թիւ 9. Բանդիտիզմ (խմբ. Ա. Ջամալեան) :— Երկրի իրադարձութիւնները (Տիրոսեան. Հայաստանից) :— Քրտական ապստամբութիւնը (Կ. Սասունի) :— Քրտական Հարցն Ինտերնասիոնալում :— Տրոյկիզմն արտասահմանում (Վ. Վրիժակ) :— Թղթակցութիւններ :



Թիւ 10 Հ. Յ. Դաշնակցութեան քառասնամեակը (խմբ.) :— Գնդեւազի ապստամբութիւնը (Ս.) :— Մեր պատմութեան ամենատխուր էջը (Իրազեկ — Յ. Տէր-Յակոբեան) :— Քրտական ապրստամբութիւնը (Կ. Սասունի) :— Թուրքիոյ շուրջ (Հ. Ս.) :— Հ. Յ. Դ. Դիւանէն — Քառասուն տարի առաջ :— Քրտական Հարցն Ինտերնասիոնալում (Ա. Ջամալեանի զեկուցումը) :— Մեր զոհերը :— Թղթակցութիւններ :

Թիւ 11. Բացառիկ թիւ Հ. Յ. Դ. 40-ամեակի առթիւ :— Հ. Յ. Դ. Մարմիններին եւ Ընկերներին (Հ. Յ. Դ. Բիւրօ) :— «Դրօշակ» իր դիրքի վրայ :— Մեր Քառասնամեակը (Հ. Յ. Դ. Լեւնավայրի Կեդր. Կոմիտէ) :— Պիտի ապրի Դաշնակցութիւնը (Հ. Յ. Դ. Ատրպատականի Կ. Կ. Ը :— Միշտ նոյն նպատակին համար, միշտ նոյն կորովով (Հ. Յ. Դ. Եւրոպայի Կ. Կ.) :— Հ. Յ. Դաշնակցութեան քառասնամեակը (Հ. Յ. Դ. Կարպատի Կ. Կ.) :— Յարգանք զաղախարիզ, յարգանք հերոսներուդ (Հ. Յ. Դ. Ուլասիսի Կ. Կ.) :— Հ. Յ. Դաշնակցութեան Ա. Մանիֆէստը :— Կուրն սկսուած է («Դրօշակ» Թոուցիկ թերթ) :— «Դրօշակ» ի 1892 թ. թիւ 3-ի խմբադրականը :— Վերջին դէպքերի առթիւ (Գ. Խատակ) :— Բեֆորմները (Յ. Դաւթեան) :— Հրայրի յայտարարութիւնը :— Վնասակար Տարրեր (Ռոստոմ) :— Նամակ Վանից (Վազգէն) :— Բարեկէն Սիւնի (Ս. Մինասեան) :— Քալէ (Ա. Վըրսալեան) :— 1898-1899 (Քրիստափոր) :— Կախաղանից առաջ (Արամ Արամեանի նամակը) :— Դէպի Երկիր (Է. Ակնունի) :— Դաշնակցութեան Արշալոյսին (Մ. Վարանդեան) :— Մեր քառասնամեայ պայքարի էութիւնը (Ռ. Սեւեան) :— Քառասնամեայ տիտանը (Ա. Ջամալեան) :— Դաշնակցութեան փառքն ու ողբերգութիւնը (Գ. Նժդէզ) :— Դաշնակցութեան էութիւնը (Ռէն) :— Քառասնամեակի առթիւ (Օ. Մխիթարեան) :— Հներից մէկը հին օրերի մասին (Յովս. Մովսէսեան) :— Հ. Յ. Դաշնակցութեան ծագումը Բուլղարիայում (Վ. Մազմանեան) :— Սամովարի խորհրդաւոր վաճառականը (Կարէն — Արամ Յակոբեան) :— Հ. Յ. Դ. «Խարխիս» դործարանը (Սամսոն) :— Եփրեմի արշաւից (Quidam :— Յ. Թադէոսեան) :— Ընդհ. ապստամբութեան խնդիրը հայ ազատագրական շարժման մէջ (Կ. Սասունի) :— Քառասնամեակ (Ն. Ազրալեան) :— Քառասուն տարի (Հ. Օհանջանեան) :

1931-ին լոյս է տեսել 11 թիւ՝ մէկը միացեալ :

Թիւ 1-2. «Երկու տասնամեակ» (խմբ. Ս. Վրացեան) :— Փետրուարեան ապստամբութեան պատճառները (Ս. Վրացեան) :— Ելմտական միջազգային տաղնապը (Մ. Տէրպէտէրեան) :— Քըրտական շարժումը (Կ. Սասունի) :— Բուլղերիկեան աքսորավայրում :— Թուրքիոյ շուրջ :— Հայաստանում — Տնտեսական ճա-



կատուժ (Ս. Վրացեան) :— Այնտեղ, ուր սոցիալիզմ են կառուցում (Ս. Վրացեան) :— Ինտերնասիոնալ (Ա. Ջամալեան) : Չէ-կիստի խոստովանութիւնները — Ազարէզով (Ս. Վրացեան) :

Թիւ 3. «Դաշնակ-Հոյպուն» (խմբ. Շ. Մխաբեան) :— Այնտեղ, ուր սոցիալիզմ են կառուցում (Ս. Վրացեան) :— Քրտական Հարցն Ինտերնասիոնալում (Ա. Ջամալեան) :— Թուրքիոյ շուրջ :— Ռիկովից յետոյ (Ա. Աստուածատրեան) :— Հայաստանում — դպրոց, ընտանիք, եկեղեցի :— Սեւ-Քարեցի Սաքոյի ինքնակենսապրութիւնը — Ինտերնասիոնալ (Ա. Ջամալեան) : Մեր զոհերը :— Գրախօսական՝ Ե. Երամեանի «Յուշարձան Վան-Վասպուրականի» (Ս. Վր.), «Պատմութիւն Ամերիկահայ քաղաքական կուսակցութեանց»՝ Մ. Գ. Ճիզմէճեան (Ս. Վր.) :

Թիւ 4. Գաղութահայ կազմակերպութեան խնդիրը (խմբ. Ս. Վրացեան) :— Տնտեսական տաղնապը (Ս. Վրացեան) :— Մեն-շեիկների դատավարութիւնը (Ա. Արծրունի) :— Քրտական Հարցն Ինտերնասիոնալում (Ա. Ջամալեան) :— Թուրքիոյ շուրջ :— Հայաստանում — աքսորականներ :— Սոցիալիզմ ենք կառուցում (Ս. Վրացեան) :— Սեւ-Քարեցի Սաքոյի ինքնակենսապրութիւնը :— Մեր զոհերը :— Թղթակցութիւններ :— Կազմակերպական կեանք :— Գրախօսական՝ «Յուշարձան» Սոց.-Դէմ. Հնչ. կուսակցութեան 40-ամեակի (Ս. Վ.) :

Թիւ 5. «Դրօշակ»ի քառասնամեակը (խմբ. Ս. Վրացեան) :— Կովկասահայերը եւ հարեւանները (Ռոստոմ) :— Զօր. Նազարբէղեան (Ս. Վրացեան) :— Մարքսիզմը եւ ազգային հարցը (Գ. Գիւզալեան) :— Թուրքիոյ շուրջ :— Սոցիալիզմ են կառուցում (Ս. Վրացեան) : Բռնութիւնների աշխարհում (Հայաստանի աքսորականների վիճակը) :— Սեւ-Քարեցի Սաքոյի ինքնակենսապրութիւնը :— Մեր զոհերը :— 40 տարուայ Դրօշակների բովանդակութիւնը :

Թիւ 6. Այսպէս է դրուած խնդիրը (խմբ. Ս. Վրացեան) :— Մայիսեան ապստամբութեան հետեւանքները (Կ. Սասունի) :— Գժանոցի դառանցանքներ (Ս. Վրացեան) :— Խորհրդ. արդիւնաբերութեան առաջամարտիկը (Ա. Արծրունի) :— Սոցիալիզմ են կառուցում (Ս. Վրացեան) :— Սեւ-Քարեցի Սաքոյի ինքնակենսապրութիւնը :— Հայաստանում — Հալածանք մտաւորականութեան դէմ (Ս. Վրացեան) :— Խորհրդային աշխարհից :— «Դրօշակ»ի բովանդակութիւնը :

Թիւ 7-8. Վիէննայի համադումարը (խմբ. Ս. Վրացեան) :— Ստալինի ճառը (Ս. Վրացեան) :— Հնդամեակն առանց դիմակի (Ն. Բաղալեան) :— Համաթուրանականութիւն եւ Թիւրքութիւն (Սիզմա — Ս. Վրացեան) :— Գերմանական տաղնապը (Ս. Մ. —



Ս. Վրացեան) :— Թուրքիոյ շուրջ :— Սեւ-Քարեցի Սաքոյի ինքնակենսագրութիւնը :— Բուլղերիզմը անելի մէջ (Կ. Սասունի) :— Մեր զոհերը :— Ինտերնասիոնալ) :

Թիւ 9. Ներդադիւթ (խմբ.) :— Կովկասեան Կոնֆէտէրացիա (Արիւմա — Ս. Վրացեան) :— Անգլիական տաղնապը (Ս. Մաս. — Վրացեան) :— Ընկերվարական շարժումը թիւերով (Ա. Արիսեան — Զամալեան) :— Մարքսիզմը եւ ազգային հարցը (Գ. Գիւլալեան) :— Թուրքիոյ շուրջ :— Ինտերնասիոնալ (բանաձեւեր) :— Թղթակցութիւններ Արեւելեան Նահանգներէն :

Թիւ 10. Ինքնամփոփում եւ աշխատանք (խմբ. Ս. Վրացեան) :— Քրիստափորը՝ բանաստեղծ :— Հպարտ եւ յաղթական (Ա. Արծրունի) :— Դաշնակցութեան դերը գաղութներու մէջ (Ասատուր) :— Բանուժի հոսունութիւնը (Ս. Վրացեան) :— Անգլիական տաղնապը (Ս. Մաս.) :— Թուրքիոյ շուրջ :— Սոցիալիզմ են կառուցում (Ս. Վրացեան) :— Լուրեր Հայաստանէն :— Մեր զոհերը — Մար. Մածուն Խէչօ, Զինագործ Մարդար :

Թիւ 11. Անգլիական ընտրութիւնները (խմբ. Ս. Վրացեան) :— Դաշնակցութեան բարոյականը (Կ. Սասունի) :— Հայաստանի ազգաբնակչութեան խնդիրը (Ա. Արծրունի) :— «Իդէոլոգիական Ֆրոնտում» (Ս. Վրացեան) :— Համաշխարհային տաղնապը (Ասատուր) :— Թուրքիոյ շուրջ :— Ինտերնասիոնալ — Հ. Յ. Դ. Պատգամաւորութիւնը (պատգամաւոր — Ա. Զամալեան) :— Կուսակցական կեանք :— Թղթակցութիւններ :— Մեր զոհերը :

12. Թուրքական ճակատում (խմբ. Ս. Վրացեան) :— Համկոմկուսի Կենտկոմի որոշումը (Ս. Վրացեան) :— Հայաստանն իրաւազուրկ (Ա. Արծրունի) :— Ստ. Նազարեանի քաղաքական դաւանանքը (Գ. Գիւլալեան) :— Թուրքիոյ շուրջ :— Թուրքիան եւ ազրբէջանցի ազգայնականները (Սիւմա — Ս. Վրացեան) :— Ինտերնասիոնալ :— Սոցիալիզմ են կառուցում (Ս. Վրացեան) :— Կուսակցական կեանք :— Մեր զոհերը : «Նախկին Չէկիստի խոստովանութիւնները»՝ Գ. Ազարէզով (Ս. Վրացեան) :

1932-33-ին լոյս է տեսել 10 քիւ : Երկուքը՝ միացեալ :

Թիւ 1. 1931-1932 (խմբ. Ս. Վրացեան) :— Կուսակցութեան ըմբռնումը (Ասատուր) :— Մարքսիզմ-Լենինիզմի Ինստիտուտը (Ս. Վր.) :— Կարմիր Գծից Ներս (Ս. Վրացեան) :— Թուրքիոյ շուրջ :— Թղթակցութիւններ :— Մեր զոհերը — Հաճի Կարապետ :— Գրախօսական՝ «Ապրումներ»՝ Մալխաս (Ս. Վր.) :

Թիւ 2. Թուրք մամուլի արշաւանքը (խմբ. Ս. Վրացեան) :— Նշանակալից տասնամեակ (Ա. Արծրունի) :— Օտար Դրամադուլութիւնը Թուրքիայում (Վ. — Ս. Վրացեան) :— Բազուի Թրքազիտական Հանդէսը (Ն. Բաղալեան) :— Ա. Ը. Ինտերնասիոնալը 1931-ին



(Ա. Զամալեան) :— Կարմիր Գծից Ներս (Ս. Վրացեան) :— Զանգեզուրի լեռներում (Գուրգէն) :— Լորէնս, Դիսդերդինգ եւ Դաշնակները (Ս. Վր.) :— Վասպուրականի վիճակը :— Ինտերնասիոնալ (Ա. Զամալեան) :— Մածուն Խէչոյի մասին (Սամսոն) :— Գրախօսական՝ «Մուրատ»՝ Մ. Վարանդեան (Ս. Վր.) :

Թիւ 3. Խաղաղութեան հրեշտակները ժընեւում (խմբ. Ս. Վրացեան) :— Քաղաքական դաւանանքը եւ չէզոք մտաւորականութիւնը (Կ. Սասունի) :— Նոր ուղիներ Ընկերավարութեան մէջ (Ս. Վրացեան) :— Բաուէրը եւ Ազլէրը բոլշեւիկների մասին (Ս. Վրացեան) :— Հիւսուածեղէնի ճարտարարուեստը Թուրքիայում (Ս. Վրացեան) :— Թիւ 428 Որոշումը (Ս. Վրացեան) :— Կարմիր Գծից Ներս (Ս. Վրացեան) :— Թուրքիոյ շուրջ :— Ինտերնասիոնալ :

Թիւ 4. Պատերազմի Խնդիրը (խմբ. Ս. Վրացեան) :— Գասպ. Յակոբեան (Ա. Ա.) :— Զակֆէդէրացիայի տասնամեակը (Ս. Վրացեան) :— Այսօրուան Գերմանիան (Ա. Արեղեան) :— Կարմիր Գծից Ներս (Ս. Վրացեան) :— Թուրքիոյ շուրջ :— Հնդամեակը եւ համաշխարհային տնտեսութիւնը (Ս. Վրացեան) :— Այնտեղից (Նամակ Հայաստանից) : Ֆ. Տուրատտի :

Թիւ 5. Թուրքիան եւ Ազգ. Դաշնակցութիւնը (խմբ. Ս. Վրացեան) :— Եփրեմ (Է. Ակնունի) :— Մեծ Անհատները (Ռ. Զարդարեան) :— Ընկած գինուորի յիշատակին (Ս. Զաւարեան) :— Մեռաւ (Գ. Զոհրապ) :— Մ. Զարուխեան (Ռ. Սեւեան) :— Քաղաքական հոսանքները Պարսկաստանում (Յ. Հախնազարեան) :— Տնտեսական տազնապը Թուրքիայում (Դ. Զաւրիեւ) :— Կարմիր Գծից Ներս (Ս. Վրացեան) :— Թուրքիոյ շուրջ :— Հեռ. Արեւելքի դէպքերը եւ ուսւ տարագրութիւնը :— Գրախօսական՝ «Հնդամեակ»՝ Իւզով (Ս. Վրացեան) :

Թիւ 6. Ընդհանուր շփոթի մէջ (խմբ. Ս. Վրացեան) :— Գէորգ Զաւուչ (Կ. Սասունի) :— Անոր մասին. Գ. Զաւուչի յիշատակին (Վ. Փափազեան) :— Քաղաք. հոսանքները Պարսկաստանում (Յ. Հախնազարեան) :— Թուրքիոյ շուրջ (Հր. Սամուէլ) :— Կարմիր Գծից Ներս (Ս. Վրացեան) :— Ինտերնասիոնալ :— Մ. Շառոյեան (Բիճա) :— Թղթակցութիւններ :

Թիւ 7. Ազգերի Դաշնակցութիւնը եւ Թուրքիան (խմբ. Ս. Վրացեան) :— Հ. Հ. Պատուիրակութեան դիմումը Ազգ. Դաշնակցութեան :— Լեզուի խնդիրը Ստ. Նազարեանի երկերում (Գ. Գիւզալեան) :— Այբուբենի բարենորոգումը Թուրքիայում (Կ. Իււստ) :— Յրանսայի դրամական սահանջները (Գ. Սաղճեան) :— Թուրքիոյ շուրջ (Հ. Սամուէլ) :— Կարմիր Գծից Ներս (Ս. Վրացեան) :— Մեր զոհերը — Հրաչ Աւետիսեան, Մահատի Գր. Յովհաննիսեան :



Թիւ 8. Ժընեւի եւ Լոզանի Դասը (խմբ. Ս. Վրացեան) :—  
Հայաստանի տնտեսական խնդիրները (Զանգի) :— Ամերիկեան  
ընտրապայքարը (Ասատուր) :— Այբուբենի բարենորոգումները  
Թուրքիայում (Կ. Իւտտ) :— Թուրքիոյ շուրջ (Հ. Սամուէլ) :—  
Կարմիր Գծից Ներս (Ս. Վրացեան) :— «Քարի դարը» Թուրք գիւ-  
ղերում (Դ. Զաւրիեւ) :— Մեր զոհերը :

Թիւ 9-10. Դաշնակցութեան Օրը (խմբ. Շ. Միսաքեան) :—  
Հայ եւ Հայաստանցի (Ասատուր) :— Տնտեսական նուաճումներ  
Պարսկաստանում (Յ. Հախնազարեան) : Խորհրդային փոխա-  
ռութիւնը (Գ. Սաղճեան) :— Այբուբենի բարենորոգումը Թուր-  
քիայում (Ս. Վրացեան) :— Թուրքիոյ շուրջ :— Կարմիր Գծից  
Ներս (Ս. Վրացեան) :— Մեր զոհերը :— Լուրեր Երկրից :— Կեան-  
քը Արեւել. Նահանգներուն մէջ :

Թիւ 11. Սիւրիան եւ Մենք (խմբ. Ս. Վրացեան) :— Հայաս-  
տանի տնտեսական խնդիրները (Զանգի) :— Լատինական այբու-  
բենը (Ս. Վր.) :— Սիւրիոյ հոգատար իշխանութեան 1932 թ.  
նախահաշիւը (Գ. Սաղճեան) :— Իւզոսլաւիայում (Ա. Աստուա-  
ծատրեան) :— Թուրքիոյ շուրջ :— Կարմիր Գծից Ներս (Ս. Վր-  
րացեան) :— Թէ ինչպէս Ազրբէջանը բաժան-բաժան կը դառնայ :  
— Մեր հարեւանների մօտ (Ս. Վրացեան) :— Արեւելեան Նա-  
հանգներում :— Նամակ Հայաստանից :— Օ. Ս. Մինոր :

Թիւ 12-1. 1932-1933 (խմբ.) :— Հնգամեակը շորս տարում  
(Ս. Վրացեան) :— Երկու չափ եւ երկու կշիռ (Ս. Վրացեան) :—  
Սիւրիոյ արտաքին վաճառականութիւնը (Գ. Սաղճեան) :— Անդ-  
լեւպարսիկ վէճը (Վ. — Ս. Վրացեան) :— Թուրքիոյ շուրջ :—  
Կրթութիւնը եւ դաստիարակութիւնը Խորհրդ. աշխարհում (Ս.  
Վրացեան) :— Հ. Յ. Դ. Դիւանից — «Խենթ»ը եւ Հ. Յ. Դաշնակ-  
ցութիւնը :— Էդուար Բերնշտայն :



## ԵՐԿՈՒ ԽՕՍՔ, ԻԲՐԵՒ ՎԵՐՋԱԲԱՆ

Ներկայ «Յուշամատեան»-ը լոյս է տեսնում Հ. Յ. Դ. Բիւրոյի հրատարակութեամբ՝ Հ. Յ. Դաշնակցութեան վաթսուներամեակի առթիւ:

Անհնար է նոյնիսկ այսֆա՛ն ծաւալուն հատորով անգամ մօտաւոր լրութեամբ պատկերացնել Դաշնակցութիւնը իր փոքորկալից կեանքով եւ բազմազան գործերով: Դրա համար մէկից աւելի հատորներ են հարկաւոր:

Ներկայ հատորում, որ յոբելեանական յուշամատեան է սոսկ, մենք առանձնապէս ծանրացել ենք Հ. Յ. Դաշնակցութեան սկզբնական շրջանի կեանքի եւ գործունէութեան վրայ — ի՞նչ պատմառոնների հետեւանք է Հայ Յեղափոխութիւնը, ինչպէ՞ս ծնունդ առաւ Հ. Յ. Դաշնակցութիւնը, ովքե՞ր էին եւ ի՞նչ գաղափարներով էին տագորուած նրա հիմնադիրները, ի՞նչ սկզբունքների վրայ կառուցուեց Հ. Յ. Դաշնակցութեան շէնքը, եւ մի քանի դրուագ մարտական գործունէութիւնից:

Այնուհետեւ ներկայացուած է Հ. Յ. Դաշնակցութեան գաղափարաբանութիւնը՝ իր նախնական ձեւով, ինչպէս ըմբռնուած է առաջին շրջանի տեսաբանների՝ նրա հիմնադիրների կողմից: Ապա՝ աստիճանական զարգացումն ու բիրեղացումը եւ այսօրուայ վիճակը: Հ. Յ. Դաշնակցութիւնը միակ հայ կուսակցութիւնն է, որ մշակել է սեփական աշխարհահայեացք եւ գաղափարաբանութիւն, որը հզօր, անջնջելի կնիք է դրել հայ քաղաքական մտքի եւ մշակոյթի վրայ:

Հատորի մէկ կարեւոր մասը յատկացուած է Դաշնակցական մտաւորական, մարտական եւ հասարակական գործիչների կեանքին ու գործունէութեան: Ոմանց մասին խօսուած է կարն, ուրիշների մասին՝ երկար, այն մտածումով, որ աւելի տեղ տրուի նուազ ծանօթ կամ «մոռացուած» դէմքերին: Դաշնակցական դէմքերի պատմութիւնը Դաշնակցութեան պատմութիւնն է, եւ, ի հարկէ, փափաքելի էր աւելի մեծ թուով կենսագրականներ տալ, բայց անհնար է Դաշնակցութեան Պանթէոնը լրիւ կերպով ներկայացնել մէկ հատորում: Մենք առինք, առանց յատուկ քննութեան, որոշ թուով անուններ՝ յուսալով, որ ապագային միւս-



ներն էլ իրենց կենսագրողները կ'ունենան, ինչպէս մէկ մասը արդէն ունեցած է ուրիշ հրատարակութիւնների մէջ:

Վերջապէս, հատորում գետեղուած են տեղեկատու բնոյթ կրող նիւթեր՝ Հ. Յ. Դաշնակցութեան կեանքի եւ գործի այս կամ այն կողմը պատկերացնող, առաւելապէս, իբրեւ հում առաղծ: Թուերի եւ փաստերի լեզուն, յանախ, աւելի պերնախօս է, քան ամենապերնաքան հոետորութիւնը:

Մենք լիայոյս ենք, որ այս հատորը առաջինը եւ վերջինը չի լինելու: Յուսանք՝ պայմանները կը ներեն, որ ուրիշ հատորներով, ներկայացուին Դաշնակցութեան կեանքի եւ գործունէութեան միւս էջերն եւս, մինչեւ որ մի օր գրուի նաեւ Դաշնակցութեան լրիւ պատմութիւնը:

Հ. Յ. Դաշնակցութիւնը մինչեւ այժմ պատմութիւն է կերտել, եւ պատմութիւն կերտելը նրա համար աւելի դիւրին է երէկ, քան պատմութիւն գրելը: Հ. Յ. Դաշնակցութեան տասնամեակից սկսած, 1900 թ., գրեթէ բոլոր Ընդհանուր Ժողովներում, արժարժուել է կուսակցութեան պատմութեան հարցը, նշանակուել են նոյնիսկ մարդիկ, ինչպէս Ռոստոմը, Վարանդեանը եւ ուրիշներ, գրելու համար Դաշնակցութեան պատմութիւնը, բայց միշտ էլ կեանքի նգովեալ պայմանները արգելք են հանդիսացել: Եւ մինչեւ այսօր Դաշնակցութիւնը սպասում է իր Խորենացուն, որ «խոյզ խնդրոյ առաջի արկեալ», «երկար եւ շահաւոր գործով» տայ մեր «քաջ եւ արգասաւոր» կուսակցութեան պատմութիւնը «ի մեծամեծ եւ ի բազում գործս արժանափառս»:

Եւ այդ պատմութիւնը կը լինի ոչ միայն Հ. Յ. Դաշնակցութեան, այլեւ հայոց ժողովրդի կէս դարու պատմութիւնը, որովհետեւ, ինչպէս իրաւամբ նկատում է Հ. Յ. Դ. Գերագոյն Մարմինը. —

*«Գրեւ Հ. Յ. Դաշնակցութեան վաթսուներեակ պատմութիւնը՝ դրեթէ պիտի նշանակէր դրեւ այդ ժամանակաշրջանի Հայոց պատմութիւնը» — «այսքան սերտօրէն եւ այսքան դործօն կերպով Դաշնակցութիւնը միաձուլուած ու շաղախուած է իր ժողովրդի պատմութեան, անոր կեանքին ու ճակատագրին»:*

Սպասելով այդ օրուան՝ այս համեստ հատորով Հ. Յ. Դաշնակցութեան Բիւրօն, քարգման հանդիսանալով բոլոր Դաշնակցական ընկերների ապրումների, վաթսունամեայ Յորելեանի առքիւ, գալիս է իր անհուն մեծարանքի եւ անսահման յարգանքի ու նուիրումի զգացումները յայտնելու Գրիստափորի, Զարեանի, Ռոստոմի ձեռակերտ մեր Փառապանծ կուսակցու-



քեան՝ Հայ Յեղափոխական Դաշնակցութեան, նրա անմեռ գա-  
լափարներին, նրա մեծագործութեան, նրա պաշտելի հերոսնե-  
րին ու նահատակներին, բանտերում եւ աքտրավայրերում տա-  
ռապոզ նրա հաւատաւոր գաւակներին, մրրիկներ ու կայծակներ  
տեսած նրա մարտական դրօշին, նրա լուսաւոր ապագային :



Այս հատորը, Հ. Յ. Դ. Բիւրոյի յանձնարարութեամբ, պատ-  
րաստել է Ս. Վրացեանը, որին պատկանում են հատորի բոլոր  
անստորագիր գրութիւնները :

Հրատարակուած է 3500 օրինակ







## ԲՈՎԱՆԴԱԿՈՒԹԻՒՆ

Հ. Յ. Դ. Գերագոյն Մարմնի Խօսքը . . . . .	1
Հ. Յ. Դ. Վաթսունամեակի առթիւ . . . . .	7
Հայոց Յեղափոխութիւնից Առաջ, Գ. ԳԻԻԶԱԼԵԱՆ . . . . .	14
Հ. Յ. Դ. Ծնունդը եւ Հիմնադիրները, Ս. ՎՐԱՅԵԱՆ . . . . .	
I. Հայ Յեղափոխութիւնը եւ Դաշնակցութեան Ծնունդը . . . . .	61
II. Հիմնադիր Երրորդութիւնը . . . . .	87
III. Միւս Հիմնադիրները . . . . .	113
Հ. Յ. Դ. Սկզբունքների եւ Կազմ. Ձեւի Հիմնաւորումը . . . . .	141
Հ. Յ. Դ. Գաղափարաբանութիւնը, Վ. ՆԱԻԱՍԱՐԴԵԱՆ . . . . .	
I. Մի քանի Լուսաբանութիւններ . . . . .	167
II. Ընկերվարութիւն . . . . .	177
III. Անկախութիւն . . . . .	187
IV. Ժողովրդավարութիւն . . . . .	197
V. Ազգ եւ Հայրենիք . . . . .	203
VI. Դաշնակցութիւն . . . . .	216
VII. Անհատը . . . . .	228
VIII. Ազատութիւն . . . . .	238
IX. Կազմակերպութիւն . . . . .	244
X. Եզրափակում . . . . .	249
Հ. Յ. Դ. Ընդհանուր—Ռայոնական Ժողովը . . . . .	260
Կուկունեան Արշաւանքը . . . . .	272
Քանկ Օթուման . . . . .	280
Փետրուար 18, Յ. ԻՐԱԶԵԿ . . . . .	302
Զրոյց Համայնավար Բարեկամի մը հետ . . . . .	327
<b>ԱՆՁԻՆՔ ՆՈՒԻՐԵԱԼՔ</b>	
Մարգար Վարժապետ . . . . .	345
Զաքօ եւ Շէրօ . . . . .	348
Հրայր Դժոխք . . . . .	349
Նիկոլ Դուման . . . . .	354
Յուշեր Անցեալից . . . . .	356
Գեղամ Տէր Կարապետեան . . . . .	360
Սիմոն Շիտան . . . . .	364
Յար. Շահրիկեան . . . . .	366



Յոնան եւ Հորդանս Դաւթեան . . . . .	371
Կարօ եւ Մարօ . . . . .	375
Սերոբ Աղբիւր . . . . .	381
Անդրանիկ . . . . .	387
Տիգրան Տէրոյեան . . . . .	392
Վարդգէս . . . . .	397
Բարկէն Սիւնի . . . . .	401
Արտաշէս Անդրէասեան . . . . .	404
Արտաշէս Միսաֆեան . . . . .	405
Խաչիկ Գնունի . . . . .	407
Եգիպտացի . . . . .	408
Գուրգէն . . . . .	410
Խան . . . . .	414
Արմենակ Լեւոնեան . . . . .	417
Արմենակ Օլսիկեան . . . . .	419
Ռուբէն Զարդարեան . . . . .	422
Լեւոն Թադէոսեան . . . . .	425
Սիամանբօ . . . . .	429
Դանիէլ Վարուժան . . . . .	432
Աւետիս Ահարոնեան . . . . .	438
Միքայէլ Վարանդեան . . . . .	444
Գայլ Վահան . . . . .	449
Թուման Թումեանց . . . . .	451
Թուման Թումեան, գրեց՝ Արամ . . . . .	456
Վաղարշակ Բաղդասարեան . . . . .	461
Արամ Մանուկեան . . . . .	464
Վանի Իշխանը . . . . .	468
Փրոֆ. Ա. Խաչատուրեան . . . . .	478
Ա. Գիւլիսանդանեան . . . . .	482
Բժ. Հ. Օհանջանեան . . . . .	485
Նիկոլ Աղբալեան . . . . .	489
Համազասպ . . . . .	492
Խաչատուր Կարնիկեան . . . . .	495
Ա. Զամալեան . . . . .	506
Ա. Շահխաթունեան . . . . .	512
Ռաֆայէլ, Ա. Աբրահամեան . . . . .	517
Գ. Խատիսեան . . . . .	521
Մ. Թերլէմէզեան . . . . .	525
Վ. Խոբէնի . . . . .	528
Վ. Տաթեւեան . . . . .	534
Ալ. Խատիսեան . . . . .	537
Արամ Երկանեան . . . . .	540



Ստ. Ծաղիկեան . . . . .	Գր. Ամիրեան . . . . .	542
Սար. Օհանջանեան . . . . .		545
Հ. Խաչատուրեան . . . . .		547
Թովմաս Ճէլալեան . . . . .		451
Հ. Յ. Դ. Ընդհ. Ժողովները . . . . .		556
Ահաբեկումներ . . . . .		560
Հ. Յ. Դ. Մամուլ եւ Հրատարակութիւններ . . . . .		562
Հ. Յ. Դ. Հրատարակութիւններ . . . . .		580
«Դրօշակ»-ների Բովանդակութիւնը . . . . .		588
Վերջաբան . . . . .		627



## ՑԱՆԿ ՆԿԱՐՆԵՐԻ

Քրիստափոր Միֆայելեան . . . . .	3
Միֆայել Նալբանտեան . . . . .	39
Խրիմեան Հայրիկ . . . . .	46
Բաֆֆի . . . . .	51
Ներսէս Պատր. վարժապետեան . . . . .	57
Մկրտիչ Փորթուզալեան . . . . .	70
Գրիգոր Արծրունի . . . . .	82
Սիմոն Զաւարեան . . . . .	97
Ռոստոմ . . . . .	104
Մարտին Շաքիրեան . . . . .	115
Յակոբ Քոչարեան . . . . .	118
Աւ. Սահակեան . . . . .	119
Յովհաննէս Իսուֆեան . . . . .	122
Իշխան Յովսէփ Արզուրեան . . . . .	125
Թարսիզի Հայուհեաց Բարեգործ. Ընկ. . . . .	129
Նատ. Մատինեան . . . . .	130
Նիկ. Մատինեան . . . . .	130
Տիգ. Օֆոնեան . . . . .	132
Արամ Արամեան . . . . .	134
Է. Ակնունի . . . . .	137
Հ. Յ. Դ. Գ-րդ Ընդհ. Ժողով . . . . .	195
Կուկունեանի խումբը . . . . .	273
Բարկէն Սիւնի . . . . .	287
Արմէն Գարօ եւ Ա. վռամեան . . . . .	289
Արմէն Գարօ . . . . .	292
Հրաչ Թիրեաֆեան . . . . .	293
Կուռօ Թարխանեան . . . . .	315
Հայրենիքի Փրկ. Կոմիտէի բանակի հրամ. կազմը . . . . .	319
Հրայր Դժոխք . . . . .	350
Նիկոլ Դուման . . . . .	355
Գեղ. Տէր Կարապետեան . . . . .	361
Սիւս. Շիսեան . . . . .	365



Յար. Շահրիկեան . . . . .	367
Յոնան եւ Յորտանս Գաւթեան . . . . .	372
Մարօ Մակարեան . . . . .	377
Կարօ—Արիստ. Զօրեան . . . . .	379
Սերոբ Ազբիւր . . . . .	382
Բալարեյս Կարապետր . . . . .	383
Անդրանիկ . . . . .	388
Առաքելոց վանքի Թարգմանչաց Գերեզմանները . . . . .	389
Վազգէն Տէրոյեան . . . . .	394
Վ. Տաթեւեան, Վարդգէս, Բ. Շահբազ . . . . .	398
Արտ. Անդրէասեան . . . . .	404
Խաչիկ Գնունի, Արտ. Միսաքեան, Արտ. Անդրէասեան . . . . .	406
Արտաշէս Գեւեան . . . . .	409
Գուրգէն . . . . .	411
Խան . . . . .	415
Արմ. Լեւոնեան . . . . .	418
Արմ. Օյսիկեան . . . . .	420
Ռուբէն Զարդարեան . . . . .	423
Լեւոն Թադէոսեան . . . . .	426
Սիամանթօ . . . . .	430
Դանիէլ Վարուժան . . . . .	434
Աւ. Ահարոնեան . . . . .	439
Միք. Վարանդեան . . . . .	445
Գալլ Վահան իր զինակիցներով . . . . .	450
Իսաչան Առաքելեան եւ Թուման Թումեանց . . . . .	452
Համօ Զանփոյտեան . . . . .	455
Վաղ. Բաղտասարեան . . . . .	462
Արամ Մանուկեան . . . . .	465
Վանի Իշխանը . . . . .	474
Փրոֆ. Ա. Խաչատուրեան . . . . .	479
Արք. Գիւլիսանդանեան . . . . .	483
Բժ. Համօ Օհանջանեան . . . . .	486
Ն. Աղբալեան . . . . .	490
Համագասպ . . . . .	494
Ա. Զամալեան . . . . .	507
Գ. Խատիսեան . . . . .	523
Մ. Թէրլէմէզեան, Վ. Խորէնի . . . . .	528
Վ. Տաթեւեան . . . . .	535
Ալ. Խատիսեան . . . . .	538
Ա. Երկանեան . . . . .	541



Ս. Ծաղիկեան . . . . .	543
Սաք. Օհանջանեան . . . . .	546
Ն. Խաչատուրեան . . . . .	548
Թ. Ճէլալեան . . . . .	554
Հ. Յ. Դ. Տ-րդ Ընդհ. Ժողով . . . . .	558
Հ. Յ. Դ. 60-ամեայ Մամուլը . . . . .	563
«Դրօշակ»-ի սեփական շէնքը . . . . .	566
«Դրօշակ»-ի Խմբագրատունը ժընեուս . . . . .	570



























